


Dios oca
gotirituti



New Testament in Barasana-Eduria (CO:bsn:Barasana-Eduria)

Dios oca gotirituti
New Testament in Barasana-Eduria (CO:bsn:Barasana-Eduria)

copyright © 2010 Wycliffe Bible Translators, Inc.

Language: Barasana-Eduria

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Barasana-Eduria

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2014-04-22

Contents

SAN MATEO	1
SAN MARCOS	69
SAN LUCAS	111
SAN JUAN	182
HECHOS	231
ROMANOS	286
1 CORINTIOS	312
2 CORINTIOS	336
GÁLATAS	352
EFESIOS	363
FILIPENSES	371
COLOSENSES	377
1 TESALONICENSES	383
2 TESALONICENSES	388
1 TIMOTEO	391
2 TIMOTEO	399
TITO	405
FILEMÓN	409
HEBREOS	411
SANTIAGO	432
1 SAN PEDRO	438
2 SAN PEDRO	446
1 SAN JUAN	451
2 SAN JUAN	457
3 SAN JUAN	458
SAN JUDAS	459
APOCALIPSIS	462

Evangelio según SAN MATEO

*Jesús rĩjoro ñamasiriarã ñna vãme cutimasire queti
(Lc 3.23-38)*

¹ Jesús ñacami “Rotimorũgõrũcũja mũ” yigu, Dios ñ cõar'i, Abraham ñamasir'i, to yicõari, Ëjũ David ñamasir'i jãnam. Tire mũa masisere bojagu ñari, ñ ñicũa vãmere mũare gotigũagu yaja yũ. Ado bajiro vãme cutimasiñujarã ñna:

² Abraham ñamasir'i macũ ñamasiñuju Isaac.

Isaac macũ ñamasiñuju Jacob.

Jacob macũ ñamasiñuju Judá. To yicõari, gãjerã ñ bederã quẽne ñamasiñujarã.

³ Judá rĩa Fares, to yicõari, Zara ñamasiñujarã. ñna jaco ñamasiñuju Tamar.

Fares macũ ñamasiñuju Esrom.

Esrom macũ ñamasiñuju Aram.

⁴ Aram macũ ñamasiñuju Aminadab.

Aminadab macũ ñamasiñuju Naasón.

Naasón macũ ñamasiñuju Salmón.

⁵ Salmón macũ ñamasiñuju Booz. ñ jaco ñamasiñuju Rahab.

Booz macũ ñamasiñuju Obed. ñ jaco ñamasiñuju Rut.

Obed macũ ñamasiñuju Isa'i.

⁶ Isa'i macũ ñamasiñuju Ëjũ David vãme cutigu.

David macũ ñamasiñuju Salomón.

ñ jaco ñamasiñuju Ur'ias ñamasir'i manajo.

⁷ Salomón macũ ñamasiñuju Roboam.

Roboam macũ ñamasiñuju Ab'ias.

Ab'ias macũ ñamasiñuju Asa.

⁸ Asa macũ ñamasiñuju Josafat.

Josafat macũ ñamasiñuju Joram.

Joram macũ ñamasiñuju Uz'ias.

⁹ Uz'ias macũ ñamasiñuju Jotam.

Jotam macũ ñamasiñuju Acaz.

Acaz macũ ñamasiñuju Ezequ'ias.

¹⁰ Ezequ'ias macũ ñamasiñuju Manasés.

Manasés macũ ñamasiñuju Amón.

Amón macũ ñamasiñuju Jos'ias.

¹¹ Jos'ias macũ ñamasiñuju Jecon'ias. To yicõari, ñ bederã quẽne ñamasiñujarã. To bajiro ñna bajijnarijũ, Israel sitanare ñejecõari, Babiloniana ñnare juamasiñujarã, ñnare rotiajerũarã.

¹² Quẽna Jecon'ias macũ ñamasiñuju Salatiel.

Salatiel macũ ñamasiñuju Zorobabel.

¹³ Zorobabel macũ ñamasiñuju Abiud.

Abiud macũ ñamasiñuju Eliaquim.

Eliaquim macũ ñamasiñuju Azor.

¹⁴ Azor macũ ñamasiñuju Sadoc.

Sadoc macũ ñamasiñuju Aquim.

Aquim macu ñamasifñuju Eliud.

¹⁵ Eliud macu ñamasifñuju Eleazar.

Eleazar macu ñamasifñuju Matán.

Matán macu ñamasifñuju Jacob.

¹⁶ Jacob macu ñañuju José. Í ñañuju Mar'ia manaju. So ñañuju “Rotimhorügörucami” yigu, Dios í cōar'i, Jesús jaco.

¹⁷ Abraham rña jānerabata, David í ñamasirajune juaāmo cōro, gūbo babari rāca jēnitarirācu ñasomasifñujarā. Abraham macu ñamasifñuju Isaac. Isaac macu ñamasifñuju Jacob. To bajiro mani cōiaruji vajama, David í ñamasirajune juaāmo cōro, gūbo babari rāca jēnitarirācu ñamasifñujarā ña. Tijū bero, quēna David macu ñamasifñuju Salomón. Salomón macu ñamasifñuju Roboam. To bajiro mani cōiaruji vajama, Babilonia macaju Israel sitanare ña jua vamasirajune quēna juaāmo cōro, gūbo babari rāca jēnitarirācu ñamasifñujarā ña. Jecon'ias macu ñañuju Salatiel. Salatiel macu ñañuju Zorobabel. To bajiro mani cōiaruji vajama, “Rotimhorügörucami” yigu, Dios í cōar'i í ruyuarirodo juaāmo cōro, gūbo babari rāca jēnitarirācu ñamasifñujarā quēna.

Jesús í ruyuare queti

(Lc 2.1-7)

¹⁸ “Rotimhorügörucami” yigu, Dios í cōar'i, Jesús í ruyuare ado bajiro bajiyuju: Í jaco ñaroco, Mar'ia vāme cutigo ñañuju so. So manaju ñarocu ñañuju José. Í rāca so ñaroto rījoro, Esp'iritu Santo sore ejacōari, sore macu yiyuju í. Sore í macu yijare, macu sãñagō ñañuju so. ¹⁹ José, so manaju ñarocu quēnagū ñañuju. To bajiro bajigu ñari, masa ĩaro rījorojua bojoneoro so tāmhorotire bojabetesuju. To bajiri, masa ña ajibeto, “Mure bojabeaja yu”, sore yirūaboayuju. ²⁰ To bajiro tuoĭa í cāniatone, í cājiriaroju Diore moabosagu ángel, ĩre ruyuaĭoñuju. Ruyuaĭocōari, ado bajiro ĩre gotiyuju:

—Ajiya José, David ñamasir'i jānami. Mar'iare manajo cutirua güibesa. Esp'iritu Santo sore í macu yijare, macu sãñagō ñaamo so. ²¹ Macu chorucocomo so. ĩre, Jesús ĩre vāme yirucuja mu. Masa rojose ña yise ñajare, Dios í masiriose vaja, vaja yirētosarocu ñarucami í. To bajiro yirocu í ñajare, Jesús ĩre vāme yirucuja mu —Josére ĩre yiyuju ángel.

²² “Ado bajiro bajiraroja” Diore gotirētosamasir'i í yimasire ñajare, to bajiro yiyuju ángel. Ado bajiro yimasifñuju:

²³ “Rōmio, ũmua rāca ñabeco, macu sãñagō ñarucocomo so. To bajiri macu chorucocomo so.

‘Emanuel’ ĩre yiruarāma masa”, yimasifñuju Diore gotirētosarimasu.

(“Mani rāca ñaami Dios” yire ũni ñaja “Emanuel” yirema.)

²⁴⁻²⁵ “Esp'iritu Santo suorine macu sãñaamo” ángel í yire ñajare, Mar'iare í ya viju āmicoasuju José. Macu sãñagō so ñajare, so rāca ñabetirügūñuju. So choroco bero, Jesús ĩre vāme yiyuju.

2

Ñocoa ĩna bajisere buerimasa Jesúre ĩna ĩarā ejare queti

¹ Judea sita ñarimaca, Belén vāme cuti macaju ruyuyuju í. Í ruyuarirodore ti sita ũju, Herodes vāme cutigu ñañuju. Jesús í ruyuaro bero, Jerusalén macaju ejayujarā, muiju í jiadojua vadiriarā, ñocoa ĩna bajisere buerimasa. ² Ti maca ejacōari, sēniñañujarā ña:

—¿Nore ñati jud'io masa ũju ñarocu ruyuar'ima? Muiju í jiadojua ñocore ĩabujacōari, “Toju ruyuagumi” yirā ñari, ĩre rucuburooana vadiaja yua —yiyujarā ña.

³ To bajiro ña sēniñacudisere ajicōari, toagu ũju, Herodes buto tuoĭagüiyuju, “Ījua, ũju yu ñasere yure ĩmarucami” yituoĭagū ñari. ĩre bajiro rīne tuoĭañujarā ti macana Jerusalén macana quēne. ⁴ To bajiro tuoĭagū ñari, paia ũjarāre, Dios í rotimasire gotimasiorimasare quēne ĩnare jirēoñuju Herodes. ĩna ejaro ĩacōari, ado bajiro ĩnare sēniñañuju í:

—“Rotimorãgõrũcãmĩ” yigũ, Dios ĩ cõarocũma, ¿nojũ, “Ruyuarũcãmĩ” yiyujari Dios ocare masa ĩna ucamasire? —ĩnare yiyuju ĩ.

⁵ To bajiro ĩ yisẽniãrone, ado bajiro ĩre yicũdiyujarã ĩna:

—“Judea sita Belén vãme cõtĩ macajũ ruyuarũcãmĩ” yucamasiñũmi sīgũ Diore gotirẽtobosarimasũ. Ado bajiro yaja ĩ ucamasire:

⁶ “Judea sita ñarimaca Belén vãme cõtĩ maca, jairimaca me ñaboarine, ñamasuri maca ñarũaroja ti maca. Ti macagũ ỹũ ñamasugũ ruyuarũcãmĩ. ĩ ñarũcãmĩ yũ yarã Israel sitana ỹũ. ĩnare quẽnaro ĩatirũnarũcãmĩ ĩ, yiyuju Dios”, yucare ñaja —ĩre yigotiyujarã Dios ĩ rotimasire gotimasiorimasa.

⁷ To ĩna yisere ajicõari, quẽna ñocõa ĩna bajisere buerimasare masa ĩna ajibeto ĩnare jiyuju Herodes. To yicõari, ado bajiro ĩnare sẽniãñuju ĩ:

—¿Divato masu ñoco ruyuasõori? —ĩnare yisẽniãñuju.

⁸ To yigajano, Belénjũ ĩnare varotiyuju ĩ:

—Vasa. Sũcare, quẽnaro ĩre macama. ĩre ĩabũjacõari, yũre gotirã vaba. Yũ quẽne ĩre rũcũbũogũ varũ yaja —yiyuju, ĩnare yitogũ.

⁹ To bajiro ĩ yirotisere ajicõari, ĩ yiore bajirone vasujarã ĩna. To ĩna vatone, muiju jiadojũa ñoco, ĩna ĩar'i, ĩnare rĩjoro cõtĩ vasuju. To bajiva, tujarũgũñuju, sũca ĩ ñaro veca.

¹⁰ Ñoco ĩ tujarũgũsere ĩacõari, buto variquẽna vasujarã ĩna, ñocõa ĩna bajisere buerimasa.

¹¹ Ñoco ĩ ñaro eñeroca ñarivi sãjacõari, ĩna ĩajama, to ñañuju sũca, ĩ jaco rãca. ĩre ĩacõari, ĩ rĩjorojũa gũsomuniari tuetuejayujarã ĩna, ĩre rũcũbũoquẽnariã. To bajiro yigajano, ĩna juavarere jãnacõari, oro, quẽnase sãtise to yicõari, mirra vãme cõtisere quẽne ĩre ĩsiñujarã ĩna. ¹² To ĩna yiro bero, ĩna cãjiriaroju, “Herodes tũ tudiabesa. ‘To ñagũmi sũca’ yimasibeticõato ĩ”, ĩnare yiyuju Dios. To bajiri tire masicõari, Jerusalénjũ vamenane gaje maajũ tudicoasujarã ĩna yuja, ĩna ya macajũ.

Egipto sitajũ Jesũre ĩna ãmato rudiare queti

¹³ Ñocõa ĩna bajisere buerimasa ĩna tudiato bero, José ĩ cãjiriaroju ĩre ruyuyuju ángel quẽna. Ruyucõari, ado bajiro ĩre yiyuju:

—Yujija. Sũcare, ĩ jacore quẽne Egiptoju ĩnare ãmato rudiasa mũ. Tone ñacõama maji. Mũre yũ gotiroju tudiaba. Herodes, Jesũre sãrũ ĩre macarũcãmĩ —Josére ĩre yiyuju ángel.

¹⁴ To ĩ yijare, yujicõari, Jesũre, ĩ jacore quẽne ñamine Egiptoju ĩnare ãmato rudicoasuju.

¹⁵ Toju ĩna ñatoyene bajirocacoasuju ỹjũ Herodes. “Egipto sitajũ yũ macũ ĩ ñaro ĩre jicõarũcũja yũ”, ĩre gotirẽtobosarimasũ sũorine Dios ĩ yimasire ñajare, to bajirone bajiyuju.

ỹjũ Herodes rãamasare ĩ sãrotire queti

¹⁶ Bajirocabecũjũ, ñocõa ĩna bajisere buerimasa ĩre gotimenane, gaje maajũ ĩna tudiarere ajicõari, buto jũnisiniñuju Herodes. To bajiri jũnisinigũ ñari, Belén ñarãre, ti maca tũanare rãmasa jũa cũma tũsanare ãmũare, to yicõari, ĩna bero ruyuarĩarãre quẽne sãrotijeocõañuju. Ñocõa ĩna bajisere buerimasa, “Jũa cũma tũsajũ” ĩna yirere ajigũ ñari, ĩnare sãrotiyuju Herodes. ¹⁷ Raquel ñamasirio so rĩare maigõ, so otimasiriarore bajiro Belén macana ĩna rĩare mairã, ĩna otirotire tũoĩacõari, ado bajiro ucamasiñũmi Diore gotirẽtobosarimasũ Jerem'ias vãme cõtigũ:

¹⁸ “Ramá vãme cõtĩ macago so rĩare so tũoĩa otise ruyurũaroja. Oticõa ñarũocomo so, Raquel vãme cõtigo, so rĩare otigo. Gãjerã, ‘Otibesa’ sore ĩna yiboajaquẽne, ajibetirũocomo, so rĩa ñamasiboariãre godocõtigo ñari”, yucamasiñũmi Jerem'ias.

¹⁹ Egiptoju José ĩ ñaro rijacoasuju Herodes. ĩ rijato bero, José ĩ cãjiriaroju sīgũ ángel ĩre ruyuañoñuju quẽna. To bajicõari, ado bajiro ĩre yiyuju:

²⁰ —¡Yujija! Jesũre, ĩ jacore quẽne Israel sitajũ ĩnare ãmato tudiasa. ĩre sãrũaboacana rijajedicoajama ĩna —Josére ĩre yiyuju ángel.

²¹ To ì yijare, yujicōari, Jesúre, ì jacore quēne Israel sitajū ñnare ũmato vasuju José.
²² Maa vacujū, ajiyuju José: “Herodes ñaboar'i macū, Arquelao vāme cūtigū, ì jacure vasoagū Judea sitajū ñañuju”, yire quetire ajiyuju. Ti quetire ajicōari, gūigū ñari, toju varuabesuju. To bajiro bajigūne, quēna toju cājiriañuju ì. Cājiriacōari, “Toju yū vajama, quēnabetoja. Galilea sitajūa varucuja yū”, yitūoñañuju. ^a ²³ Galilea sitajū ejacōari, Nazaret vāme cūti macajū ñagū vasuju. Diore gotirētobosarimasa, “Nazaret macagū ñarucūmi ‘Rotimūorūgōrūcūmi’ yigū, Dios ì cōarocū”, Jesúre ñna yiucomasire ñajare, to bajirone bajiyuju.

3

*Juan Bautista vāme cūtigū, yucá manojū masare ì gotimasiore queti
 (Mr 1.1-8; Lc 3.1-9, 15-17; Jn 1.19-28)*

¹ Tirodori bero, Juan Bautista vāme cūtigū, Judea sitajū yucá manojū ejayuju. ² Toju ejacōari, ado bajiro ìre ajirā ejarāre gotimasiōrūgūñuju ì:

—Yoaro mene ejarucūmi “Rotimūorūgōrūcūmi” yigū, Dios ì cōarocū. To bajiri rojose mūa yisere yitūjacōari, Dios ì bojasejūare yì yuya mūa —ñnare yirūgūñuju ì.

³ Ìne ñañuju, “Ado bajiro yirucūmi” Diore gotirētobosarimasa Isa'ias vāme cūtimasir'ì ì yiucomasir'ì. Ado bajiro ìre yiucomasiñuju Isa'ias:

“Yucá manojū sīgū masū ado bajiro goticudirūgūrūcūmi: ‘Mani ujū ejarucūmi. To bajiri, rojose mūa yisere yitūjacōari, quēnasejūare tūoñaña mūa, ìre yurā’ yirucūmi sīgū”, yiucomasiñuju Isa'ias, Juan ì bajiro tire goti rījoro yigū.

⁴ Camello joane suariaro sāñagū ñañuju ì. To yicōari, vecū gaserone vēñaricūñuju, ì sāñasere. Ñimia ba, to yicōari, beroa ocore idi, yirūgūñuju. ⁵ Ìre ajirā, jājarā masa ejayujarā. Jerusalén macana, Judea sitana, to yicōari, Jordán vāme cūtiya tūana quēne ejayujarā, ìre ajirā. ⁶ To bajiro ì gotisere ajirā ñari, “Rojose mani yisere Dios manire masirioato” yirā, “Rojose yirā ñaja yūa” Diore ñna yigotiro bero, Jordán vāme cūtirisajū oco rāca ñnare bautiza ñañuju Juan.

⁷ To bajiro ì yīnarone, fariseo masa, to yicōari saduceo masa quēne Juan oco rāca ì bautizasere bojarā ejayujarā. Ìna ejasere ìacōari, ado bajiro ñnare yiyuju Juan:

—Oco rāca mūare yū bautizasere bojaboaja mūa. Vātia ujū rojose ì yirore bajirone rojose yijairā ñaja mūa. To bajiro bajirā ñari, “Rojose yūa yise vaja rojose yūare yibetirucūmi Dios” yitūoñā vadiboaja mūa. ¿To bajiro mūa bajise sūorine rojose mūa tāmūorotire masibeatique mūa? ⁸ Rojasere yitūjacōari, “Quēnarā ñaama” masa mūare ñna yīamasiro tire yirā, quēnasejūare yirūgūrona ñaja mūa. ⁹ Ado bajiro yitūoñābesa mūa: “Abraham ñamasir'ì jānerabatia ñamasurā mani ñajare, rojose mani yise vaja rojose manire yibetirucūmi Dios” yitūoñābesa. Adiari gūtari rāca Abraham jānerabatiare ì godoveorūajama, godoveomasigūmi Dios —ñnare yiyuju Juan. ¹⁰ —Oteriyucūri, rica mani yucūrire bajiro bajiaja mūa. Rica manijare, quēareacōari, soereariarore bajiro yirucūmi Dios. Tire bajirone yiecorūarāja mūa quēne, mūa tūoñāvasoabetijama. ¡Quēnase mūa yibetire ìacōari, jeame yatibetimejū mūare rearucūmi Dios! —ñnare yiyuju Juan.

¹¹ Gaje vāme ado bajiro gotiyuju Juan:

—Yū berore yū rētoro masigū ejarucūmi. Ñamasurā rīne ìre yibosamasiama, ñamasugū masu ì ñajare. Rojose ñna yisere yitūjacōari, Dios ì bojasejūare yirāre oco rāca bautizarūgūaja yū. To bajiro yū yirūgūse ti quēnaboajaquēne, yū bero ejagū ì moasejūa quēnamasucōarūaroja. Ìma, Esp'iritu Santore cōamasirucūmi, masare. Ì sūorine “Dios ì bojabetire yaja yūa” yimasicōari, tūoñāvasoarūarāma —ñnare yiyuju Juan.

¹² Gaje vāme ado bajiro masare gotiyuju Juan:

^a 2:22 Arquelao vāme cūtigū ñaboarine, ì jacū vāmere bajiro Herodes vāme cūtiyuju. Ì ñañuju Jesúre sēññabusaboacu, Pilato tūjare Jesúre cōarí.

—Y_u bero e jagu_uama, trigo ajere beseg_ure bajiro yir_uc_umi, masare. To bajiri ti gasere yireac_oari, soereariarore bajiro yir_uc_umi, jeame yatibetimej_u masare c_oag_u, to yic_oari, qu_enase c_orone juag_ure bajiro yir_uc_umi, ĩre ajitir_un_ur_ure juavac_u —ĩnare yiyuju Juan.

Oco r_uca Juanre Jes_us ĩ bautizarotire queti

(Mr 1.9-11; Lc 3.21-22)

¹³ Cojor_um_u Galilea sitaj_u ĩnar'i, Jord_un v_ume cutirisaj_u vasuju Jes_us. Juan t_uj_u ejac_oari, oco r_uca ĩre bautizarotiyuju. ¹⁴To bajiro ĩre ĩ yiboajaqu_ene, oco r_uca ĩre bautizar_uabesuju Juan:

—Bajibeaja. No yig_u m_ure bautizamasibec_uja y_u. M_uj_ua, y_u r_etoro masig_u ĩnari, oco r_uca y_ure bautizaroc_u ĩnaja m_u —Jes_ure ĩre yiyuju Juan.

¹⁵ To ĩ yisere ajic_oari, ado bajiro ĩre yic_udiyuju Jes_us:

—Y_ure oco r_uca m_u bautizasere bojaami Dios. ĩNajediro Dios ĩ rotirore bajiro c_udiroti ĩnaja manire —Juanre ĩre yiyuju Jes_us.

To bajiro ĩ yijare,

—Ba_u. To bajirone bojaroja —ĩre yic_udic_oari, Jes_ure oco r_uca ĩre bautizayuju Juan.

¹⁶ Jes_us ĩ majar_ug_ur_uir_umarone _um_uagasero soje j_unacoasuju ti. Ti j_unarone, _o vecaj_u Jes_us ĩ ĩam_uorone, bujare bajig_u rujiadic_oari, Jes_us joere rocajeoyuju Esp'iritu Santo. ¹⁷ Jes_us joere ĩ rocaejarone, ado bajiro yi ocaruyuyuju _o vecaj_u:

—Y_u mac_u, y_u maig_u masu ĩnaja m_u. M_u r_uca buto variqu_enaja y_u —ĩre yi ocaruyuyuju.

4

Dios ĩ bojabetire v_utia _uj_u, Satan_us, Jes_ure ĩ yiroti_uare queti

(Mr 1.12-13; Lc 4.1-13)

¹ Jes_us, oco r_uca Juanre ĩ bautizarotiro bero, yuc_u manoj_u ĩre _umato vasuju Esp'iritu Santo, “Satan_us ĩ bojarore bajiro rojose Jes_ure ĩre yiroti_uato” yig_u.

² To bajiri toj_u, yuc_u manoj_u j_uar_u masa c_oro ĩnar_um_uari, ĩnamiri qu_ene toc_ur_uca ĩnamirine babec_une ĩnac_ur_ug_uñuju Jes_us. To bajig_u ĩnari, buto ĩnoriyayuju ĩ yuja. ³ To ĩ bajiro ĩac_oari, ado bajiro rojose ĩre yiroti_uaboayuju v_utia _uj_u, Satan_us:

—Dios mac_une m_u ĩnaja, adiari g_utarine pan godoveoya m_u —ĩre yiroti_uboayuju, Jes_ure.

⁴ To bajiro Satan_us ĩre ĩ yiboajaqu_ene,

—Yibeaja y_u. Dios oca masa ĩna ucamasire ado bajiro gotiaja: “Bare r_une ĩnamasuse me ĩnaja. Dios ocare mani c_udisej_ua ĩnaja ĩnamasusema. ‘Bare ti manijare, rijarear_uar_uja’ yire ti ĩnaboajaqu_ene, Dios rijarere ĩ bojabetijama, rijabetir_uar_uja. ‘Catic_oa ĩnato’ yig_u yimasig_u ĩnaami ĩ”, yigotiaja Dios oca masa ĩna ucamasire —ĩre yiyuju Jes_us.

⁵ To ĩ yiro bero, Jerusal_un_u, Dios ĩ beseria maca ĩnamasuri macaj_u Jes_ure ĩre _umato vasuju Satan_us. To ejac_oari, Diore yir_uc_ub_uoriavi joej_u ĩre _umato m_ujasuju. ⁶ To ĩre _umato m_ujaejac_oari, ado bajiro yiyuju Satan_us:

—Dios oca masa ĩna ucamasire ado bajiro gotiaja:

“ĩre moabosarimasa _ungel mesare m_ure coderotir_uc_umi Dios. M_u quediajama, ‘G_uta joej_u rocajeoc_oari, ĩ g_ubo jearomi’ yir_u, m_ure boca ĩnar_uar_uma ĩna”, yigotiaja Dios oca.

To bajiri Dios mac_une m_u ĩnaja, adoj_une jatiquedi ruji_uasaque m_u —Jes_ure yiroti_uboayuju Satan_us.

⁷ To bajiro ĩ yiboajaqu_ene, Jes_us_uama, ado bajiro ĩre yiyuju:

—To bajiro m_u yisere c_udibeaja y_u. “Dios ĩ yiriarore bajiro y_ure boca ĩnar_uar_uma _ungel mesa” yig_u, y_u jatiquedi_uajama, Dios ĩ bojabetire yig_u yig_uja y_u. Gajeye ado bajiro gotiaja Dios oca masa ĩna ucamasire: “ ‘Dios, “Yir_uc_uja” yiyumi’ yit_uo_uac_oari, “To bajiro masu yir_u yiyujari’ yimasir_uar_u, m_ua t_uo_uarore bajiro m_ua yiajejama, qu_enabeaja”, yigotiaja Dios oca masa ĩna ucamasire —ĩre yiyuju Jes_us, Satan_ure.

⁸ To bajiro ï yiro bero, gūtaŋ ūm̄aricŋ joejŋ Jesúre ūmato vasuju Satanás quēna. Tojŋ ūmato ejacōari, adi macarucuro ñarimacari jediro ïre ïojeocōañuju. ⁹ ïre ïogajanocōari, ado bajiro ïre yiyuju Satanás:

—Yŋ rījorojŋa gŋsomuniari tuetucōari, “Yŋ ūjŋ ñamasugū ñaja mŋ” yŋre mŋ yirŋcŋbŋojama, adi sita ñajedirore mŋre ïsirŋcŋja yŋ —Jesúre ïre yiyuju Satanás.

¹⁰ To bajiro ï yise ñajare, ado bajiro ïre cŋdiyuju Jesús:

—Vasa mŋ. Ado bajiro gotiaja Dios oca masa ïna ucamasire: “Mani ūjŋ Dios sīgŋrene, ‘Yŋ ūjŋ ñamasugū ñaja mŋŋ’ ïre yirŋcŋbŋocōari, cŋdiroti ñaja”, yigotiaja Dios oca masa ïna ucamasire —Satanáre yiyuju Jesús.

¹¹ To bajiro Jesús ï yisere ajicōari, vacoasuju Satanás yuja. ï vato bero, Jesúre ejarēmorā ejayujarā ángel mesa.

Galilea sitajŋ Jesús ï gotimasiosŋore queti

(Mr 1.14-15; Lc 4.14-15)

¹² “Tubiberiavijŋ tubibe ecocoajami Juan” yise quetire ajicōari, Galilea sitajŋ tudicoasuju Jesús. ¹³ To va, ï ya maca Nazaret vāme cŋti macajŋ eja, no cōro mene ñaboa, Capernaum vāme cŋti macajŋ ñagū vasuju. Ti maca ñañuju ūtabŋcŋra Galilea vāme cŋtira tŋjŋ, Zabulón sita, to yicōari, Neftal'i sita tŋ ñarimaca. ¹⁴ Ti macajŋ Jesús ï ñajama, Diore gotirētobosarimasŋ Isa'ias vāme cŋtimasir'i, ado bajiro ï yiucamasire ñari, bajiyuju:

¹⁵⁻¹⁶ “Jordán vāme cŋtirisa jodejŋ Galilea vāme cŋtira ñaja. Tira tŋre ñaja Zabulón sita, to yicōari Neftal'i sita. Ti sitajŋre jud'io masa me ñaama, Diore masimena.

Ïnare gotimasiocōari, rojose ïna tāmŋoborotire ïnare yirētobosarocŋre cōarŋcŋmi Dios, ï bojarore bajiro ‘Quēnaro yirā ñato’ yigŋ”, yiucamasinŋmi Isa'ias.

To bajiro ï yiucamasiriarore bajirone, ti sitajŋ ejayuju Jesús.

¹⁷ Ti sitajŋ ejacōari, Dios ocare, ado bajise masare gotimasiocudisŋoyuju Jesús:

—Diore rotibosarocŋ, ï rotisŋoroti mojoroaca rŋyaja. Ūjŋ Dios yarā quēnaro ï yirona mŋa ñarŋajama, rojose mŋa yisere yitŋjacōari, yŋre ajitirŋnŋña —masare yigotimasiocudisŋoyuju ï.

Vai sŋarimasa babaricārŋcŋ ñarāre Jesús ï jire queti

(Mr 1.16-20; Lc 5.1-11)

¹⁸ Cojorŋmŋ, ūtabŋcŋra Galilea vāme cŋtira tŋjŋ vacudigŋ vasuju Jesús. To vacŋjŋ, ïañuju, Simón vāme cŋtigŋre, bero Pedro vāme cŋtirocŋre, ï bedi Andrére quēne. Vai sŋarimasa ñañujarā ïna. Bajiyucŋre rearoderuu yināñujarā ïna. ¹⁹ ïna tŋ ejacōari, ado bajiro yiyuju Jesús:

—Yŋ rāca vayá. Yucŋrema mŋa vai vejese ūnirene masa yŋre ïna ajitirŋnŋrotire gotimasibosarimasa ñarŋarāja mŋa —ïnare yiyuju Jesús.

²⁰ To ï yirirīmarone, ïna bajiyucŋre cŋ, ïre sŋyacoasujarā.

²¹ To yi varŋtu vacŋne, gājerā jŋarā ñarāre ïnare jiyuju Jesús. ïna ñañujarā Santiago, ï bedi Juan rāca. ïna jacŋ Zebedeo rāca cŋmuajŋ ïna bajiyucŋre siaquēno sñañujarā.

²² To ï yisere ajicōarājŋma, ïna jacŋre, to yicōari ïna cŋmuare quēne vaveocoasujarā, Jesúre sŋyana.

Masa jājarāre gotimasiocōari, rijaye cŋtirāre Jesús ï catiore queti

(Lc 6.17-19)

²³ Galilea sitajŋ gotimasiocudiyuju Jesús. Tocārŋca macarirene Dios ocare ïna buerivirijŋ sñajecōari, oca quēnasere masare ïnare gotimasioñuju. “Ūjŋ Dios yarā quēnaro ï yirona mŋa ñarŋajama, rojose mŋa yisere yitŋjacōari, yŋre ajitirŋnŋña”, ïnare yigotimasioñuju. To yicōari, rijaye cŋtirāre ïnare catioyuju. ²⁴ To bajiri Jesús rijarāre ï catiosere masa ïna gotibatojare, Siria sitana quēne tire ajicōari, rijaye cŋtirāre juaejayujarā, “Jesús ïnare catiato” yirā. ïna ŋsŋrijŋ vātia sñarāre quēne juaejayujarā, “Vātiare bureato Jesús”

yirã. Rijaquedirãre, to yicõari, micarãre quẽne juajayujarã, Jesúre catorotirã. Ìna ñaro cõrone ñare catioyuju.

²⁵ Jesús ì vacudiro cõrone, jãjarã masa ìre suyajojicõañujarã. Galilea sitana, Decápolis macana, Jerusalén macana, Judea sitana, to yicõari, Jordán vãme cõtirisã gajecatũana quẽne ìre suyarũgũñujarã ìna.

5

Buro joejũ ñacõari, Jesús masare ì gotimasiore queti

¹⁻³ Jãjarã masa ìna ñasere ìacõari, buroju majajayuju. To ì bajirone, ì buerã ì tu rãjãñujarã. Ìna ejaro ìacõari, ado bajiro ñare gotimasiosũoyuju Jesús:

—“Masimena ñari, mũ ejarẽmose bũto bojaja yũa”, Diore ìre yisẽnirũgũrãma, ì yarã ñarãma. To bajiri, rojose tãmuobõarine, Dios tũju variquẽnarona ñarãma.

⁴ Yucũrĩre Dios ì bojabetire yicõari, tuoĩasũtiritiñarã quẽne, variquẽnarona ñarãma, beroju ìna tuoĩasũtiritisere Dios ñare ì yirẽtobosaroti ti ñajare.

⁵ “Masimena ñaja yũa” yirã, Dios ì ejarẽmosere sẽnirũgũrã ñari, Dios ì goticatore bajirone variquẽnarũarãma, adi macarũcũroana ñjarã ìna ñarotire Dios ñare ì yirẽtobosaroti ñajare.

⁶ Gajeye rẽtoro Dios ì bojasere yirũa tuoĩarã quẽne, variquẽnarona ñarãma, “Yũ bojasere yivariquẽnato” yigũ, Dios, ñare ì ejarẽmose ti ñajare.

⁷ Gãjerãre ìamaicõari, quẽnaro yirã quẽne, variquẽnarũarãma, Dios quẽne, ñare ìamaicõari, quẽnaro ì yiroti ti ñajare.

⁸ Dios ì bojarore bajiro rĩne quẽnase tuoĩarã variquẽnarãma ìna quẽne, beroju Diore ìarona ñari.

⁹ Quẽnaro ñarotire oca quẽnorã quẽne, variquẽnarũarãma, “Yũ rĩa ñaama” Dios ì yĩarona ñari.

¹⁰ Dios ì rotirore bajirone ìna yise sũorine gãjerãjũa rojose ñare ìna yiboajaquẽne, variquẽnarũarãma, ðju Dios yarã quẽnaro ì yirã ñari.

¹¹ Yũre mũa ajitirũnũse sũorine gãjerã mũare ajatud'icõari, “Rojorã ñaama” mũare ìna yisocaboajaquẽne, variquẽnarũarãja mũa. ¹² To bajiro mũare ìna yiboajaquẽne, bũto variquẽnaña mũa, “Beroju Dios tũju ejarã, quẽnase bũjarũarãja” yimasirã ñari. Mũa rĩjoroana, Diore gotirẽtobosamasiriarãre quẽne, rojose mũare ìna yirore bajirone ñare quẽne rojose yimasiñujarã masa —ñare yiyuju Jesús.

“Adi macarũcũrojũre moa ocasere bajiro, to yicõari, busubatosere bajiro bajiroti ñaja mũare”, ì buerãre Jesús ì yigotimasiore queti

(Mr 9.50; Lc 14.34-35)

¹³ Quẽna ado bajiro ì buerãre ñare gotiyuju Jesús:

—Moa ñaja bare sãre. Mũa barotire vaibũcu rii catisere cũrãma, moa turãja mũa, “Boarobe” yirã. Moa ti ocaboase ti ocabeticoajama, “Quẽna tudiocato” yirã, no bajiro yimasimenaja mũa. To bajiri, tire reacõarãja, “Tire masa cũdavũoreacõato” yirã. Moa ocatũjabetire bajiro mũa bajijama, quẽnaja. Yũre mũa ajitirũnũ tũjabetijama, moa ocatũjabetire bajiro bajirã ñarũarãja mũa. To bajiboarine, yũre mũa ajitirũnũ tũjajama, quẽna yũre tudiajitirũnũbetirũarãja. Mũa sũorine quẽnaro yimenama gãjerã. To bajiri mũare bojabetirũcũja —ñare yiyuju Jesús.

¹⁴ Quẽna ado bajiro ñare gotiyuju:

—Rẽtiarõjũre busubatosere bajiro bajiroti ñaja mũare. To bajiro mũa bajijare, busubatose quẽnaro ti ruyurore bajirone mũare ìarũarãma masa. Jairimaca buro joejũ ñarimaca quẽnaro ti ruyurore bajirone mũare ìajedicõarũarãma. ¹⁵ Sĩabusuoriare jẽocõari, sotũne tiare mubũamenaja mũa. Tiare jẽocõari, “Ñajediro ti vianare busuato” yirã, vecajũ jeorãja mũa. ¹⁶ Tire bajirone quẽnaro yiya mũa, “‘Quẽnaro yirã ñaama, Diore ajitirũnũrã ñari’

yimasiato masa jediro” yirã, to yicõari, “Mani jacu õ vecagure quênase ãre yirũcũbũoato ãna” yirã —ĩnare yiyuju Jesús.

Moisés ñamasir'ire Dios ã roticũmasirere Jesús ã gotimasiore queti

¹⁷ Quêna ado bajiro ã buerãre ãnare yiyuju Jesús:

—“Moisés ñamasir'ire Dios ã roticũmasirere, to yicõari, Diore gotirẽtobosarimasa ãna gotimasiomasirere reagũ vayumi Jesús”, yitũoĩabesa mũa. Tire reagũagũ me vadicaũ yũ. “Tire quênaro riojo ajimasiato” yigũ, vadicaũ yũ. ¹⁸ Riojo mũare gotiaja yũ. Moisére Dios ã roticũmasire, to yicõari, Diore gotirẽtobosarimasa ãna gotimasiore ñajediro ñacõarũgũruaroja. Adi macarucaro jediroto rĩjoro, cojo vãme godocũtibetirũaroja. Ñajediro Dios ã gotiriarore bajirone bajirũaroja. ¹⁹ No bojagũ, Moisére Dios ã roticũmasire ñamasuse me ti ñaboajaquêne, tire cũdibecũ, “No yibeaja, mani cũdibetijaquêne” yigotimasiogũ ñagũmi quênabecũ. Uju Dios yarã quênaro ã yirã rãcagũ ñamasugũ me ñarucũmi ã ũgũma. No bojagũ Moisére Dios roticũmasirere cũdicõari, “Tire mani cũdijama, quênaja” yigotimasiogũ ñagũmi quênagũ. To bajiri Uju Dios yarã quênaro ã yirã rãcagũ ñamasugũ ñarucũmi ãjũama. ²⁰ Riojo mũare gotiaja yũ. Moisére Dios ã roticũmasire gotimasiiorimasa, fariseo masa quêne, quênaro ãna yiboase rẽtoro quênaro mũa yibetijama, Uju Dios yarã me ñarũarãja mũa quêne.

²¹ Dios ã rotimasire gotimasiiorimasa sũorine ado bajise ajirũgũaja mũa: “Sĩabesa. ã sãajama, ã sãase vaja ãre sãaroti ñaja”, yimasirere ajirũgũaja mũa. ²² Yũma, ado bajiro mũare gotirẽmoaja: Jũnisinire quêne rojose ñaja. No bojagũ gãjire jũnisinigũ ã jũnisinise vaja rojose ãre yiroti ñaja. No bojagure gãjire jũnisinicõari, rujajine, “Vaja magũ ñaja mũ” ãre yigũma, rujajine ã yise vaja, “Rojose tãmũorucũmi”, ãre yirũarãma ujarã. No bojagure, gãjire jũnisinicõari, ãre tud'igũrema, ã tud'ise vaja, jeame yatibetimeju ãre cõacõarucũmi Dios, mũare yaja yũ.

²³ Tire masirã ñari, gajeyere quêne tũoĩaña mũa. Diore rũcũbũorã soemũoriaju vacũne, “Rojose ãre yibũ yũ” mũa yitũoĩabũajajama, Diore rũcũbũorã ãre mũa soemũoĩsirotire soemũobeja maji. ²⁴ Tire cũcõari, rojose mũa yir'i tũjũre vasa, ãre oca quênoroana. ãre oca quênogajanocõari, Diore soemũoĩsiroana tudivaja yuja, mũare yaja yũ. “Rojose mũa yir'ire oca quênocõari rĩne, Diore oca quênomasirũarãja”, mũare yigũ yaja.

²⁵ Gajeye ado bajiro bajiaja: Gãjire rojose mũa yijama, oca quênorimasũ tũju mũa ejaroto rĩjoro, ã rãca oca quênoroti ñaja mũa jũarãjũne. Oca quênorimasũ tũ ejame-nane, mũa oca quênobetijama, masare coderimasũre juarotirucũmi, mũare. ãjũna, mũare tubiberucũmi. ²⁶ Riojo mũare gotiaja yũ. Rojose mũa yire vaja mũa vaja yibetijama, budimenaja mũa. Tire bajirone bajirũaroja Dios ã vaja sãnirirũmũ ejaroto rĩjoroju, rojose mũa yir'ire ãre oca quênoña. Mũa gãmerã oca quênobetijama, Dios ã vaja sãnirirũmũ rojose tãmũotũjabetiriaroju mũare cõarucũmi, tudibudire manojũ —ĩnare yiyuju Jesús.

“Gãji manajore rũcũbũoya”, Jesús ã yigotimasiore queti

²⁷ Quêna gajeye ado bajiro yiyuju Jesús:

—Dios ã rotimasire gotimasiiorimasa sũorine ado bajisere ajirũgũaja mũa: “Gãji manajo rãca ajerio cũtibesa”, yirere ajirũgũaja. ²⁸ Yũma, ado bajiro mũare gotirẽmoaja: Rõmio, no bojagore yirũa tũoĩare quêne rojose ñaja. No bojagũ, rõmiore yirũa tũoĩagũ, ã tũoĩasene sore ajerio cũtigũ yigũmi ã ũgũma, mũare yaja yũ —yiyuju Jesús.

“Bũto mũa maise ti ñaboajaquêne, ti sũorine Dios ã bojabeti ñaja’ mũa yijama, tire reacõaña”, Jesús ã yigotimasiore queti

²⁹ Quêna ado bajiro gotimasioñuju Jesús:

—“Yũ cajea riojojocatũaga sũorine ãbojacõari, rojose yibũ yũ” mũa yitũoĩajama, tiare ãmirocacõaña. Coja cajea mũare ti manijama, quênabetoja. To bajiboarine, jũajũne caje cũticõari, mũa bajireajama, jeame yatibetimeju mũa vajama, rẽtobũsaro

quēnabetiruaroja. ³⁰ “Yū āmo suorine rojose yibu yū” m̄ua yit̄uoīajama, ti āmore jatáro-cacōaña. M̄uare cojo āmo ti manijama, quēnabetoja. To bajiboarine j̄uaāmo rāca m̄ua bajireajama, jeame yatibetimej̄u m̄ua vajama, rētoḅusaro quēnabetiruaroja —ī buerāre īnare yiyuju Jesús.

“M̄ua manajoare reabesa”, Jesús ī yigotimasiore queti
(Mt 19.9; Mr 10.11-12; Lc 16.18)

³¹ Quēna ado bajiro īnare gotimasioñuju Jesús:

—Gajeye ado bajiro gotiaja Moisére Dios ī roticūmasire: “No bojagū ī manajore ī rocaruajama, ‘M̄ure rocagū yaja’ yise papera ucacōari, sore īsiroti ñaja”, yigotiaja Dios ī rotimasire. ³² Yūma, ado bajiro m̄uare gotiaja: Ī manajo gāji rāca so ajeri cutibetiboajaquēne, sore ī rocajama, ḅuto rojose sore yigū yigūmi ī ūgāma. To bajiro ī yise suorine, gāji rāca so manajū cutijama, Diojūma, “So manajū me rāca ajeri cutiamo”, yīāgūmi. Ūm̄ure quēne, gāji ī rocarío rāca ī manajo cutijama, “Ī manajo me rāca ajerio cutiami”, yīāgūmi Dios. To bajiri m̄ua manajoa gājerā rāca īna ajeriarā cutibetijama, īnare reabetiroti ñaja —ī buerāre yigotimasioñuju Jesús.

“Riojo m̄ua gotijama, quēnaja”, Jesús ī yigotimasiore queti

³³ Quēna gajeye ado bajise īnare gotiyuju Jesús:

—Dios ī rotimasire gotimasiorimasa ado bajiro m̄uare īna gotimasirere ajirūgūaja m̄ua: “No bojase m̄ua yirotire m̄ua yiruajama, ‘Yimasucōaruarāja yua. Tire yua yibetijama, Dios, rojose yuare yibogūmi’ yirā, ‘Yiruārāja’ m̄ua yirore bajirone yiba”, yirere ajirūgūaja m̄ua. ³⁴⁻³⁶ To bajiri cojojirema m̄ua gotirore bajiro yiterā ñari, ado bajiro t̄uoīavasaoḅoaja m̄ua: “‘Dios vāme rāca riojo yaja’ mani yijama, rojose manire yibogūmi” yirā ñari, “Dios vāmere gotivasoarā yaja yua” yirā, gaje vāmere ō vecayere gotiboaja m̄ua. To bajiro yimena quēne, gaje vāme rāca, macarucuroayere yiboarāja. Tire yiterā, Jerusalén vāme cuti macayere yiboarāja. To bajiro m̄ua yibetijama, gaje vāme rāca, m̄ua rujoare quēne, to yicōari, m̄ua joare quēne yiboarāja m̄ua, ñise, botise m̄ua joare godoveomasimena ñaboarine. Ti ūnire yibetiroti ñaja. ³⁷ “Yiruārāja” yirā quēne, “Yiruārāja” yi, “Yibetiruārāja” yirā quēne, “Yibetiruārāja” yicōa t̄ujasa. “Socarā me yaja yua” yirā, gajeye m̄ua gotirēmojama, vātia ūjū ejarēmose rāca gotirēmorā yirāja m̄ua —īnare yigotiyuju Jesús.

“Rojose m̄uare yirāre gāmebeja”, Jesús ī yigotimasiore queti
(Lc 6.29-30)

³⁸ Quēna gajeye ado bajiro ī buerāre īnare gotiyuju Jesús:

—Dios ī rotimasire gotimasiorimasa ado bajiro m̄uare īna gotimasirere ajirūgūaja m̄ua: “M̄u cajeare ī jajama, m̄uj̄ua quēne, ī cajeare jaroti ñaja. M̄u gujiare ī jajeajama, m̄uj̄ua quēne, ī gujiare jajeerotī ñaja”, yimasirere ajirūgūaja. ³⁹ Yūj̄uama, ado bajiro m̄uare gotiaja: Rojose m̄ure yigure gāmebesa. Ado bajirojūa yiya: Cojojacat̄ua, m̄u vayujuare ī jajama, gajejacat̄uare quēne ĩre jarotiya. ⁴⁰ Gāji, m̄ure ocasārū, “Rojose yure yibu m̄u. To bajiri, rojose m̄u yise vaja m̄u sudirore yure ĩsiña. M̄u ĩsibetijama, m̄ure ocasāruc̄uja yū” ī yijama, ĩre ĩsiña. To yicōari, gajease quēnab̄usariase ĩre ĩsirēmocōaña. ⁴¹ Sīgū ī gajeyeūnire m̄ure ūmaroticōari, “Adone cūcōaña m̄u” m̄ure ī yiboajaquēne, m̄u vadiriacūcōrone gāme varēmocōarijū ĩre cūbosaya. ⁴² No bojarā m̄ure gajeyeūni sēnirāre ĩsiña. Sīgū, gajeyeūni magū ñari, “Yure vasoaya” m̄ure ī yijama, ĩre vasoaya —ī buerāre īnare yiyuju Jesús.

“Manire ĩaterāre quēne, mani ĩamajama, quēnaja”, Jesús ī yigotimasiore queti
(Lc 6.27-28, 32-36)

⁴³ Quēna ado bajiro īnare yiyuju Jesús:

—Dios ĩ rotimasire gotimasiorimasa ado bajiro m̄are ĩna gotimasirere ajirũgũaja m̄a: “M̄a babarãre quẽnaro ĩamaiña. To yicõari, m̄are ĩaterãre ĩateya”, yimasirere ajirũgũaja. ⁴⁴ Yũjama, ado bajiro m̄are rotiaja: M̄are ĩaterãre quẽne ĩamaiña. M̄are rojose yirãre quẽne quẽnaro ĩna bajiro yirã, Diore ĩnare s̄enibosaya m̄a. ⁴⁵ To bajiro m̄a yijama, “Mani jacũ õ vecagũ rĩa ñaja yũ” yĩorã yirãja m̄a, ĩ bojarore bajiro yirã ñari. Masa jedirore quẽnaro yirũgũgũmi Dios. ĩre c̄adimenare quẽne quẽnaro yirũgũgũmi. ĩ ñagũmi quẽnarãre, rojorãre quẽne, “Busuato” yigũ, muijure busurotigũ, to yicõari, ocore quẽne quedirotigũ. ⁴⁶ M̄are ĩamairã rĩne m̄a ĩamajama, ¿“Quẽnaro yaja m̄a” m̄are yi, vaja yigũjari Dios? Yibecũmi. Rojorã, ujure gãjoa s̄enibosarimasa, ĩnare ĩamairã rĩrene ĩamairũgũama ĩna quẽne. ⁴⁷ M̄a tũ ejarãre m̄are bajiro bajirã rĩrene m̄a s̄enijama, ¿“Quẽnaro yaja” m̄are yi, vaja yigũjari Dios? Yibecũmi. Diore ajimena quẽne, ĩnare ĩamairã rĩrene ĩamairũgũama ĩna quẽne. ⁴⁸ To bajiri m̄ajama, mani jacũ õ veca ñagũ quẽnase rĩne ĩ yirore bajiro yirã ñaña m̄a. M̄are rojose yirãre quẽne, m̄are bajiro bajirã mere quẽne ĩamaicõari, quẽnaro yiroti ñaja —ĩnare yiyuju Jesús.

6

“Gãjerã m̄are ĩacõari, ‘Quẽnaro yirã ñaama’ m̄are yĩarũcũbũoato’ yirã me, quẽnaro yiya”, Jesús ĩ yigotimasiore

¹ Quẽna ado bajiro ĩ buerãre ĩnare yiyuju Jesús:

—Quẽnaro m̄a yijama, “ ‘Quẽnaro yama ĩna’ yato gãjerã” yirã me, quẽnaro yiya m̄a. Masa ĩna ĩaro rĩjorojũa rĩne, “ ‘Quẽnaro Diore c̄adirã ñaama’ yũare yĩato ĩna” yirã, m̄a yĩoboajama, ñie vaja bũjamenaja m̄a, õ vecajũ mani jacũ Dios tũjũ ejarã. ² Sĩgũri, “Quẽnarã ñaja yũ” yiboarine, ĩna yirore bajiro yirã me ñarãma ĩna. Ado bajirojũa yirã ñarãma: Maioro bajirãre ejarẽmorã, ĩnare ĩna ĩsijama, masa jedirore gotibatorãma. Dios ocare ĩna buerivijure rẽjarãre quẽne, jãjarã masa ĩna vati maarijure quẽne ñacõari, ĩnare gotibatorãma, “ ‘Quẽnarã ñañuma’ yũare yĩarũcũbũoato” yirã. To bajiro ĩna yirore bajiro yibesa m̄a. Riojo m̄are gotiaja yũ. To bajiro ĩna yise vaja masa ĩnare ĩna rũcũbũosene jẽre vaja bũjacõama ĩnama. Ñie gajeye bũjarẽmobetirũarãma, Dios tũjũre. ĩnare masa ĩna rũcũbũoboajaquẽne, Diojũama, ĩnare rũcũbũobetirũcũmi. ³ M̄ajama, maioro bajirãre m̄a ejarẽmojama, “ ‘Quẽnaro yirã ñaama ĩna’ yũare yĩato” yirã me, ĩnare ejarẽmoña. To yicõari, m̄a baba ñamasugũre quẽne, “To bajiro yibũ yũ” yigotimenane, ĩnare ejarẽmoña. ⁴ To bajiro maioro bajirãre quẽnaro m̄a yijama, masa ĩabetore bajiro yirã yirũarãja m̄a. To bajiro m̄a yijama, mani jacũ, masa ĩabetojũ ĩamasigũ ñari, quẽnaro m̄a yise vaja, quẽnaro m̄are yirũcũmi —ĩ buerãre ĩnare yiyuju Jesús.

*Diore mani s̄enirore Jesús ĩ gotimasiore queti
(Lc 11.2-4)*

⁵ Quẽna ado bajiro ĩnare gotimasioñuju Jesús:

—Sĩgũri, “Quẽnarã ñaja yũ” yiboarine, ĩna yirore bajiro yirã me ñarãma ĩna. Ado bajiro yirã ñarãma: Diore ĩna s̄enijama, Dios ocare ĩna buerivirijũ rũgõcõari, s̄enirãma. To yicõari, jãjarã masa ĩna vati maarijure quẽne ñacõari, Diore ñagõrãma. To bajiro yirãma, masa ĩna ĩarũcũbũosere bojarã ñari. To bajiro ĩna yise vaja masa ĩna ĩarũcũbũosere jẽre bũjacõarãma ĩna. Ñie gajeye bũjarẽmobetirũarãma, Dios tũjũre. ĩnare masa ĩna ĩarũcũbũoboajaquẽne, Diojũama, ĩnare ĩarũcũbũobetirũcũmi. To bajiri, m̄ama, Diore m̄a ñagõjama, ĩna yirore bajiro Diore ñagõbesa m̄a. ⁶ M̄ama, Diore m̄a s̄enijama, gãjerã m̄are ĩna ĩabeto s̄enirũarã ñari, m̄a ya sõajũ tubibesãjacõari, ĩre s̄eniña. To bajiro yicõari, mani jacũ ruyubecũre ĩre s̄eniña. Masa ĩna masibeto Diore m̄a s̄enijama, to bajiro m̄a yise vaja, m̄are vaja yirũcũmi mani jacũ, masa ĩna ĩabetiboajaquẽne mani tũoĩasere masigũ ñari — ĩnare yiyuju Jesús.

⁷ Quẽna ado bajiro ĩnare gotimasioñuju Jesús:

—Dios yarã me ñarã, ña rûcubhogure sênirã, cojoji me sêniajerãma ña, “Cojoji me tire mani sênijama, manire ajigami” yituoïarã ñari. ⁸ Ñare bajiro yibesa mûama. Mûa bojase mûa sêniroto rïjorojune jêre masicôagãmi Dios. ⁹ To bajiri Diore mûa sênijama, ado bajiro sêniña:

“Yua jacu, masa ñajediro, ‘Quênarêtogã ñaja mu’ mure yirûcubhoato ña.

¹⁰ Adi macarucuroana, mu bojase rïne yua yiyotire tuoïa yurügûaja yua. Jêre õ vecaju mu ñaroju mu yarã mu rotirore bajirone yïnarãma. To bajiri adi macarucurojune quêne mu rotirore bajiro rïne yirere bojaja yua.

¹¹ Adirûmu yua barotire cõaña mu.

¹² ‘Rojose yua yisere masirioya’ mure yisêniaja yua, yuare rojose yirãre quêne masiriorã ñari.

¹³ Rojose yua yiyotire masigã ñari, ‘Tire yibeticõato ña’ yigmu, yuare matabosaya”. To bajiro Diore mûa sênijama, quênaja —ñare yiyuju Jesús, ñ buerãre.

¹⁴ Quêna ado bajiro ñare gotimasioñuju Jesús:

—Yuare rojose yirãre mûa masiriojama, mani jacu õ vecagmu rojose mûa yisere masiriorucumi ñ quêne. ¹⁵ Gãjerãre rojose ña yisere mûa masiriobetijama, mani jacu quêne rojose mûa yisere masiriobetirucumi —ñare yiyuju Jesús, ñ buerãre.

Diore rûcubhorã, bare bamenane mani sêniroti queti

¹⁶ Quêna ado bajiro ñare gotimasioñuju Jesús:

—Sîgûri, “Quênarã ñaja yua” yiboarine, ña yiore bajiro yirã me ñarãma. Bare bamenane Diore ña sênijama, “ ‘Sutiritiama’ yïïato ña” yirã, sutiritirãre bajirã ñaïorãma ña. To bajiro yirãma, “ ‘Ña, Diore rûcubhorã, bare bamenã bajirãma’ masa yuare yïïato” yirã. To bajiro ña yiore bajiro yibesa mûama. Riojo yuare gotiaja yu. To bajiro ña yise vaja masa ñare ña rûcubhosene jêre vaja bujacõama ñama. Nie gajeye bujarêmobetiruarãma, Dios tujare. Ñare masa ña rûcubhoboajaquêne, Diojuama, ñare rûcubhobetirucumi. ¹⁷⁻¹⁸ Mûajumama, Diore rûcubhorã, bare bamenane ñe mûa sênijama, sutiritirãre bajiro bajibesa. Mûa yirügûore bajiro mûa joare quêne quênaro siroa, riogare quêne quênaro coe, yiya, “Masa yuare ñacõari, bare yua babetire masibeticõato” yirã. To bajiro mûa yijama, mani jacu gãjerã ña ñamasibetiboajaquêne, ñamasigã ñari, yuare vaja yirucumi —ñare yiyuju Jesús.

Õ vecaju Dios tujmu quênase mani bujaroti queti
(Lc 12.33-34)

¹⁹ Quêna ado bajiro ñare gotimasioñuju Jesús:

—Adi macarucuroju, “Gajeyeûni jairo juarêocûrãrãja” yirã me moaña mûa. Gajeyeûni mûa juarêocûboasere barearãrãma gajeyeûni barimasa. Gajeyema, boaruroja ti. To yicõari, gajeyerema juarudirãrãma juarudirimasa. ²⁰ Ado bajirojuna yirã ñaña mûa: “Õ vecaju mani jacu tujmu ñ bojarore bajiro quênaro mani yise vaja, quênaro manire yirucumi” yituoïacõari, quênaro yirã ñaña. Õ vecayejumarema, quênaro yuare Dios ñ yisere barearã manama. Boabetiruroja tima. To yicõari juarudirimasa quêne, ejabetiruarãma. Dios manire quênaro ñ yise jedibetiruroja. ²¹ Mûa vaja tarere mûa quênocû vajama, ti rione tuoïarejaicõa ñarãja mûa. Tire yimenane, “Quênaro yua yise vaja õ vecaju vaja tacûrã yaja” yituoïacõari, quênaro yirügûña mûa.

²²⁻²³ Mûa caje quênaro ti ruyujama, “Tine ñaja quênamasuse”, yïïamasijama mûa. To bajiboarine, mûa caje quênaro ti ruyubetijama, quênabetire ñacõari, mûa masune, “Ti ñaja quênamasuse”, yisocaruarãja mûa. Tire bajiro bajiaja mûa tuoïase quêne. Dios ñ bojarore bajiro quênaro mûa tuoïajama, ñajediro quênaro riojo tuoïamasiruarãja mûa. ñ bojabetire mûa tuoïajama, “Riojo tuoïarã ñaja” yisocañarã rïne, butobusa tuoïamasimena ñacoaruarãja mûa. To bajiri, quênabetire ñacõari, “Mani masune, ‘Ti ñaja quênamasuse’ yisocarobe” yirã, Dios ñ bojarore bajiro quênaro tuoïaña mûa —ñ buerãre ñare yiyuju Jesús.

“Diore mani r̄ac̄ub̄ojama, ḡajoare b̄uto bojat̄uōiaña manoja”, Jesús ĩ yigotimasiore queti (Lc 16.13)

²⁴ Quēna ado bajiro ĩnare gotiyuju Jesús:

—Diore yir̄uc̄ub̄or̄ama, adi macar̄uc̄roayere b̄uto bojat̄uōiamenama, “Dioj̄ua ñaami ñamasuḡũ” yit̄uōiar̄ã ñari.

²⁵ To bajiri, “Dios ñaami ñamasuḡũ” yit̄uōiar̄ã ñari, ĩre c̄udir̄ama, adi macar̄uc̄roj̄ure m̄ua bajirotire t̄uōiarejaibesa m̄ua. “¿No bajiro b̄ujac̄õari, bare ba, idi, sudi s̄aña, yicatiñar̄ãti ȳua?”, yit̄uōiarejaibesa. Quēnamasuse mani us̄are, to yic̄õari, mani ruj̄ure manire ĩsiñumi Dios. To bajiri mani baroti, mani idiroti, to yic̄õari sudi mani s̄añarotire quēne c̄õar̄ũḡur̄uc̄umi ĩ. ²⁶ Minia ĩna bajisere t̄uōiaña m̄ua. ĩna otebetiboajaquēne, to yic̄õari, bare ĩna juar̄eoc̄ub̄etiboajaquēne, Dios, ĩnare bare c̄õar̄ũḡũami. “Miniare quēne ĩamaiḡũ ñari, manire roque r̄ëtoro maiḡũmi”, ¿yimasibeati m̄ua? ²⁷ “Adi macar̄uc̄roj̄ure ñar̄ã yoaro catir̄uar̄ãja” m̄ua yit̄uōiarejaiboase, “Yoarob̄usa catiato” yiro, m̄uare ejar̄ẽmomasibeaja ti.

²⁸ Sudi s̄añar̄ua t̄uōiarejaibesa. Go b̄uc̄uasere t̄uōiañasaque m̄ua: Moabeti, to yic̄õari, sudi s̄añar̄ua t̄uōiarejaibeaja ti. ²⁹ To bajiboarine, Uj̄u Salomón ñamasir̄'i gajeyeũni jaigu ĩ ñaboajaquēne, quēnase ĩ sudi s̄añamasire r̄ëtoro quēnase ñaja ti. ³⁰ Gore b̄uto quēnase ñarotir̄ũḡũami Dios. Quēnase ñaboarine, yoaro mene s̄nicoatoja. Ti s̄ñiro ĩac̄õari, tire t̄iar̄ama masa, bare roariajaj̄ure. To bajiri yoaro catise me ti ñaboajaquēne, tire quēnor̄ũḡũami Dios. Go r̄ëtoro manire maiḡũmi Dios. To bajiri, “Manire sudi c̄õar̄uc̄umi”, yimasiroti ñaja. “To bajirone yiḡumi Dios”, yiaj̄itir̄ũn̄ub̄etib̄usar̄ã ñaja m̄ua. ³¹ To bajiri, “¿No bajiro b̄ujac̄õari, bare ba, idi, sudi s̄aña, yicatiñar̄ãti ȳua?”, yit̄uōiarejaibetiroti ñaja. ³² Dios yar̄ã me ñar̄ãma, tire b̄uto t̄uōiarejair̄ãma. Manij̄uarema, mani jac̄ũ õ vecaḡũ ñaḡũmi, “Ti r̄uyaja, ĩnare” yimasiḡũ. ³³ To bajiri, “Uj̄u Dios yar̄ã, quēnaro ĩ yir̄ã ñaja mani. ĩ bojarore bajiro quēnase r̄ĩne yir̄uar̄ãja”, yit̄uōiar̄ũḡũña m̄ua. To bajiro m̄ua yijama, adi macar̄uc̄roaye m̄ua c̄ob̄etire b̄ujar̄uar̄ãja m̄ua. ³⁴ To bajiro ti bajijare, adir̄ãm̄u m̄ua bajise r̄ĩne t̄uōiaroti ñaja. Busiȳu m̄ua bajirotire t̄uōiarejai r̄ĩjoro c̄utibesa m̄ua. Toc̄ãr̄ãcar̄ũm̄ur̄ine ricati bajir̄ũḡũaja —ĩ buer̄ãre ĩnare yiyuju Jesús.

7

“Rojose yir̄ã ñaama. Ti s̄mor̄ine rojose t̄ãm̄uor̄uar̄ãma’ yir̄uar̄ã, ĩnare ĩabesebesa”, Jesús ĩ yigotimasiore queti

(Lc 6.37-38, 41-42)

¹ Quēna ado bajiro ĩnare yiyuju Jesús:

—“Rojose yir̄ã ñaama. To bajiro yir̄ã ñari, rojose t̄ãm̄uor̄uar̄ãma”, ḡãjer̄ãre ĩnare yĩabesebesa. To bajiro m̄ua yijama, “Rojose yir̄ã ñaama”, m̄uare yĩaromi Dios. ² To bajiri, ḡãjer̄ãre rojose ĩna yise s̄mor̄ine “Rojose t̄ãm̄uor̄uar̄ãja” m̄ua yĩac̄õĩajama, m̄uare ĩ beserir̄ũm̄uj̄u, “Rojose yir̄ã ñaama”, m̄uare yĩac̄õĩar̄uc̄umi Dios. ³⁻⁵ Gajeyerema, ado bajiro yir̄ãre bajiro yaja m̄ua: Ḡãji b̄uto rojose ĩ yibetiboajaquēne, “M̄u cajeare s̄ũjuroaca s̄añaja. Tij̄uc̄are ãmirocatõ” yir̄ãre bajiro yaja m̄ua. Tire b̄uto ĩtir̄ũnr̄ã ñaboarine, m̄ua cajeaj̄ure jair̄is̄ũjuro s̄añarij̄aure tij̄aure, “Ãmirocaya” yimasibeaja m̄ua, “B̄uto rojor̄ã ñaja ȳua” yit̄uōiamasimena ñari. M̄ua r̄ãcaḡũ ĩ yisej̄uare ĩac̄õari, “Riojo t̄uōiaibeaja m̄u. ‘Quēnasej̄uare t̄uōiavasoaya’ yir̄ã, riojo m̄ure gotir̄uar̄ãja” yigotir̄ã ñaboarine, “Adi ñaja quēnase. Tij̄ua ñaja rojose”, yimasimenaja, ĩ r̄ëtoro rojose yir̄ã ñari. “Quēnaro yir̄ã ñaja ȳua” yit̄uōiaboarine, rojor̄ã ñaja m̄ua. “B̄uto rojor̄ã ñaja ȳua” m̄ua yit̄uōiamasiro beroj̄u, m̄ua r̄ãcaḡure ejar̄ẽm̄omasir̄ãja m̄ua, “Quēnaro riojo ñato ĩ” yir̄ã —ĩ buer̄ãre ĩnare yimasioñuju Jesús.

⁶ Quēna ado bajiro ĩnare yiyuju Jesús:

—B̄uto quēnase ñaja Dios oca. ĩ yere ajiter̄ãre gotimasiobetir̄uar̄ãja m̄ua. “Bare quēnase ti ñaboajaquēne, yaia ĩna batese ti ñajama, manire j̄ũnisinic̄õari, c̄ũnisurerear̄uar̄ãma ĩna” yir̄ã, ĩnare ecabeaja m̄ua. To yic̄õari, m̄ua ye jairo vaja catise, perla v̄ãme catisere

yesea vatoaju reacũbeaja mua. To bajiro mua yijama, mua reacũsere bojamena ñari, tire cudavũoreacõaruarãma ña. To bajirone bajiaja Dios oca quẽnasere ajiterãrene mua gotimasiõarajaquẽne. To bajiri, ña ajirũabetire ñamasicõari, ñare gotimasiõasibetiruarãja mua —ñare yiyuju Jesús.

*“Diore mua sēnijama, m̄are c̄dir̄c̄mi”, Jesús ñ yigotimasiore queti
(Lc 11.9-13; 6.31)*

⁷ Quẽna ado bajiro ñare yiyuju Jesús:

—Diore mua sēnijama, cõaruc̄mi. Ñre sēnicõari, mua macajama, bujaruarãja mua. Sīgũ no bojase ñre ti r̄yajama, ḡaji ya vijũ ejacõari s̄jarũ, sēñĩagũmi. Ñ sēñĩajare, ñre s̄jaroticõari, ñre ejarẽmogũmi. To bajirone bajiaja Diore sēñirãre quẽne. Ñre mua sēnisere ajicõari, quẽnaro m̄are yiejarẽmoruc̄mi. ⁸ “Dios manire ejarẽmoruc̄mi” yitũõĩarã ñari, ñre ña sēnisere ñare cõaruc̄mi. Ña macajaquẽne, bujaruarãma.

⁹ “Bare bojaja yũ” mua macũ ñ yisēnijama, ¿ḡatane ñsirãtique mua? Ñsimenaja mua. ¹⁰ “Vai bojaja yũ” mua macũ ñ yisēnijama, ¿ãña bar'i merene ñsirãtique mua? Ñsimenaja mua. ¹¹ Diore bajiro quẽnase yirã me ñaboarine, mua r̄are quẽnaro yaja mua. “To bajiro yirã ñaja” yimasirã ñari, “Mani jacũ õ vecagũre mani sēnijama, quẽnaro masu manire yiruc̄mi”, yimasiaja mani —ñare yiyuju Jesús.

¹² Quẽna ado bajiro ñare yiyuju Jesús:

—Gãjerã quẽnaro m̄are ña yisere bojaja mua. Tire bojarã ñari, quẽnaro ñare yiya muaña quẽne. To bajirone Moisés ñamasir'ire roticũmasiñuju Dios. To yicõari Diore gotirẽtobosarimasa ña ucamasire quẽne, to bajirone yaja —ñ buerãre ñare yiyuju Jesús.

*“Eyabeti maa ñaja Dios t̄jũ varia maa”, Jesús ñ yigotimasiore queti
(Lc 13.24)*

¹³ Quẽna ado bajiro ñare yiyuju Jesús:

—Ûjũ Dios yarã quẽnaro ñ yirã mua ñarũajama, eyabetisoje, to yicõari, eyabeti maare vanare bajiro josaruarãja mua. Ti josaboajaquẽne, ñ yarã ñaña mua. Ñ yarã mejũama, jãjarã ñarãma. Gaje soje eyarisojere s̄jacõari, to yicõari, eyari maa vanare bajiro josabetiruarãma ñama. Ti josabetiboajaquẽne, rojose tãmũotũjabetiriaroju varona ñarãma. ¹⁴ Eyabetisoje, to yicõari, eyabeti maare vanare bajiro josaruarãma, Ûjũ Dios yarã quẽnaro ñ yirãma. Ti josaboajaquẽne, Dios t̄jũ ejacõari, ñ rãca quẽnaro ñacõarũgũruarãma. Jãjarã me ñaruarãma ñama —ñ buerãre ñare yiyuju Jesús.

*“Ti rica c̄tise s̄orine yuc̄re ñamasiaja mani”, Jesús ñ yigotimasiore queti
(Lc 6.43-44)*

¹⁵ Quẽna ado bajiro ñare yiyuju Jesús:

—“Ûjũ Dios yarã quẽnaro ñ yirã ñari, ñre gotirẽtobosarimasa ñaja yũ quẽne”, yitorimasa ñarãma sīgũri. To bajiro ña yitosere quẽnaro ajimasĩña mua. Tire mua ajimasibetijama, to bajiro m̄are ña yitose ñajare, Dios yere mua ajirũgũboasere masiriticoaruarãja. ¹⁶ Ña gotimasiose s̄orine, “Quẽnarã ñaama” yimenane, ña bajire c̄tisejũare ñasũoya mua. Ti rica c̄tise s̄orine yuc̄re ñamasiaja mani. Ûye juaroana, v̄tijota yuc̄rijũre macamenaja mani. Quẽnase bare higos v̄ame c̄tire juaroana, vidiroju ñaricũ savajotaũjũre macamenaja mani. ¹⁷ To bajiri, yuc̄ v̄anũquẽnaricũma, quẽnase rica c̄tiroja. V̄anũbetijũama, quẽnabetiarine rica c̄ticõaroja. ¹⁸ To bajiri, yuc̄ v̄anũricũ, “Quẽnase rica c̄tiricũ ñaja” mani yiboaricũne, quẽnabeti rica c̄tibetoja. To yicõari, v̄anũbeti, “Quẽnabeti rica c̄tiricũ ñaja” mani yiboaricũne, quẽnase rica c̄tibetoja. ¹⁹ Tocãrãca yuc̄rĩre, v̄anũbeticõari, rica quẽnabeti yuc̄rĩre quẽacõari, jeameju soereacõare ñaroja. ²⁰ To bajiri yuc̄ ricare ñacõari, “Quẽnaricũ ñaja ti. Quẽnabeti ñaja adima” mani yimasirore bajirone, “Diore gotirẽtobosarimasa ñaja yũ” yirã, ña yisere ñacõari, “Quẽnarã ñaama ña. Quẽnamena ñaama ña”, yimasiruarãja mua —ñare yiyuju Jesús.

“Uj̄m̄ Dios̄ ĩ bojarore bajiro yirã r̄ñe ñarãma ĩ yarã quẽnarõ ĩ yirona”, Jesús ĩ yigotimasiore queti

(Lc 13.25-27)

²¹ Quẽna ado bajiro ĩnare yiyuju Jesús:

—Ñajediro, “Yua uju ñaja m̄” yure yirã me ñaruarãma yu jacu yarã, quẽnarõ ĩ yironama. Yu jacu ĩ bojarore bajiro yirã r̄ñe ñaruarãma õ vecaju varonama. ²² Masare Dios ĩ beserirãm̄ ti ejaro, jãjarã ado bajiro yiboaruarãma: “Yua uju, yure m̄ rotijare, m̄re gotirẽtobosacaju yua. Yure m̄ rotijare, masa usar̄ij̄m̄ sãñarãre vãtiare bureacaju yua. To yicõari, yure m̄ rotijare, jairo ĩaãñamani yĩocaju yua”, yure yiboaruarãma ĩna, socarãne. ²³ To bajiro ĩna yiboajaquẽne, ado bajiro ĩnare yiruc̄aja yu: “Tire m̄re yirotibeticaju yu. M̄re masibeaja. ¡Vasa! Rojose yirã ñaja m̄”, ĩnare yiruc̄aja yu —ĩnare yiyuju Jesús.

“Quẽnarõ ĩre ajitir̄ãnarã, to yicõari, ĩre ajiboarine, ĩre c̄adimenama, ado bajiro bajirãma”, Jesús ĩ yigotimasiore queti

(Mr 1.22; Lc 6.47-49)

²⁴ Quẽna ado bajiro ĩnare yiyuju Jesús:

—M̄re yu gotimasiosere ajicõari, yu rotirore bajiro yigu, quẽnarõ t̄oĩagũ ñagũmi ĩ ũgũma. ĩ ñagũmi gũtajãij̄m̄ gojeri coaejocõari, botari r̄ãgõcõari, vi buagure bajiro bajigu. ²⁵ Vi ĩ buaro bero, b̄to oco quediroya. B̄to mino vatoja. To bajicõari, riaga jaicoatoja. Ti vij̄m̄ ti jaiejacoaboajaquẽne, juriaquedibetoja ti vi. ²⁶ Yure ajiboarine, yu rotirore bajiro yibecuj̄ma ñagũmi sita vajaroju vi buagure bajiro bajigu. ²⁷ Ti vi ĩ buaro bero, b̄to oco quediroya. B̄to mino vatoja. To bajicõari, riaga jaicoatoja. Ti vij̄m̄re ti jaiejarone, yoaro mene juriaquedicoatoja —ĩ buerãre ĩnare yiyuju Jesús.

²⁸⁻²⁹ To bajiro Jesús ĩnare ĩ yigotimasioro bero, Dios ĩ rotimasire gotimasiorimasare bajiro me, uju bajiro bojonebecune quẽnarõ ĩ gotimasiojare, ajĩaãñamani ĩ gotise ti ñajare, no yimasibesujarã ĩna.

8

Gase boagure Jesús ĩ catioire queti

(Mr 1.40-45; Lc 5.12-16)

¹ Buroju ñar'i, Jesús ĩ rojaejarone, jãjarã masa ĩre s̄yayujarã. ² To ĩna bajirone, s̄igũ gase boagu Jesúsre vacãnamuacõari, ĩ r̄ĩjoroju ḡs̄omuniar̄i t̄uetuejayuju, ĩre r̄uc̄ub̄oḡm̄. To yicõari, ado bajiro Jesúsre ĩre yiyuju:

—Yu uju, yu cãmire m̄ yar̄ajama, yaya —yiyuju. ³ To bajiro ĩre ĩ yisere ajicõari,

—M̄ cãmire yar̄uc̄aja yu —ĩre yigune, ĩre moããñuju Jesús.

To bajiro ĩ yirir̄ĩmarone, ĩ cãm̄i ĩre yaticoasuju yuja. ⁴ To ĩre yigajanocõari, gãjerãre ĩre gotirotibesuju Jesús. To bajiro ĩre yicõari, ado bajiro ĩre yiyuju:

—Yuc̄acane paire m̄ ruj̄re ĩoaya. To yigune, Moisére Dios ĩ roticũmasiriarore bajirone vaib̄uc̄arã ecariarãre s̄iacõari, paire ĩsima, Diore r̄uc̄ub̄oḡm̄. To m̄ yisere ĩacõari, “Caticoa-sumi”, yiruarãma masa —ĩre yiyuju Jesús, gase boaboar'ire.

Surara ujūre moabosarimas̄re Jesús ĩ catioire queti

(Lc 7.1-10)

⁵ Capernaum vãme c̄ati macajure Jesús ĩ ejaro ĩacõari, ĩ t̄uj̄m̄ vayuju surara uju. Romano masu ñañuju ĩ. Jesús t̄u ejacõari, r̄uc̄ub̄uose rãca ado bajiro ĩre s̄eniñuju:

⁶ —Yu uju, yure moabosarimasu ĩ bajisere ajimaiña. Yu ya vij̄m̄ rijajesami. Micacõari, b̄to visiomi —Jesúsre ĩre yiyuju surara uju.

⁷ —Ĩre catioḡm̄ var̄uc̄aja yu —ĩre yic̄adiyuju Jesús.

⁸ To ĩ yiboajaquẽne, ado bajiro ĩre c̄adiyuju surara uju, Jesúsre:

—Yu uju, quẽnagũ masu ñaja m̄. Yuma, rojose yu yisere t̄oĩa bojonegũ ñari, yu ya vire m̄re sãjarotimasibec̄aja yu. Toju sãjabetiboarine, m̄ ñagõt̄oĩasene catiomasiğ̄ja m̄.

⁹ Gãjerã surara ɱjarã beroagu ñaja yu. To bajiri, yu quêne, gãjerã surarare rotigu ñaja yu. Sīgũre, “¡Vasa!” yu yijama, vajami. Gãjire, “Vayá” yu yijama, vadiami. To yicōari, yure moabosarimasure, “Tire yiya” yu yijama, yirũgũami. To bajiri, mu roque rotigu masu ñari, toju vabetiboarine, mu ñagõtũoĩasene caticoarucumi —Jesũre yiyuju.

¹⁰ To bajiro ĩ yisere ajiyamanire bajiro ajitũoĩañuju Jesũs. To bajiri ado bajiro ĩnare yiyuju, ĩre sũyarãre:

—Riojo mũare gotiaja yu. Israel ñamasir'i jãnerabatia yu yarã ñaboarine, “Masigũ, to yicōari, quẽnagũ ñari, yure yirẽmorucumi” yure ĩ yitũoĩarore bajiro tũoĩagũre, ĩabetirũgũaja yu. ¹¹ Quẽnaro yure ajiya. ĩre bajiro bajirã Israel masa me, jãjarã ejarũarãma õ vecaju Dios taju. Muiju ĩ jiadoju vadiriara quêne, ĩ rocasãtoju vadiriara quêne ejarũarãma. Tojũre, rojorãre Dios ĩ rearo bero, ĩ rãca barujiũarãma ĩna. ĩna rãca ñarũarãma Abraham, Isaac, to yicōari, Jacob ñamasir'i quêne. ¹² Israel ñamasir'i jãnerabatia Diorãca barujiũrona ñaboariarã, rojose ĩna yire sũorine rẽtioroju ĩnare reacõarucumi. Tojũre ñacõari, bũto rojose tãmũorã ñari, guji põguẽ, oti, yirũarãma ĩna —ĩnare yiyuju Jesũs.

¹³ To yigajano, surara ɱjujũare ado bajiro yiyuju:

—Mu ya viju tudiasa. “Ñamasugũ ñari, yure catiobosacõarucumi” yure mu yitũoĩarore bajirone bajirũaroja —ĩre yiyuju Jesũs.

To ĩ yirirĩmarone, surara ɱjũre moabosarimasu, viju rijañaboar'i caticoasuju ĩ yuja.

Pedro ũmañicore Jesũs ĩ catiore queti

(Mr 1.29-31; Lc 4.38-39)

¹⁴ Pedro ya viju vasuju Jesũs. Ti vi ejacõari, Pedro ũmañicore ĩañuju. Cãnijesariaro joeju jesayuju so. So ruju bũto asicõari, bũbũribũjayuju. ¹⁵ Sore ĩacõari, so ãmore ĩ moaĩarone, ruju asicõari, so bũbũribũjaboase tũjacoasuju. To bajiri vãmũrũgũcõari, bare ĩre ecauju so.

Jãjarã, rijaye cõtirãre Jesũs ĩ catiore queti

(Mr 1.32-34; Lc 4.40-41)

¹⁶ Tirũmu rãiorijũne juaejoyujarã, ĩna usũriju vãtia sãñarãre Jesũs taju, “Vãtiare ĩnare bureato” yirã. To ĩna yiro ĩacõari, cojoi ñagõgũne, vãtiare bureayuju Jesũs. Jãjarã ñañujarã ĩna usũriju vãtia sãñarã, masa ĩna juaejoriarã. To yicõari, rijaye cõtirãre quêne catioyuju.

¹⁷ To bajiro bajiyuju, Isa'ias, Diore gotirẽtobosarimasu ñamasir'i, “To bajiro bajirũaroja” ĩ yuicamasire ti ñajare. Ado bajiro ucamasiñumi Isa'ias: “Mani rijaye cõtire catiorucumi. To yicõari, josari mani tãmũoĩasere yirẽtobosarucumi” yuicamasiñumi Isa'ias, Jesũs ĩ catiorotire yigu.

“Yure mu ajiũyarũajama, josarũaroja ti”, Jesũs ĩ yigotimasiore queti

(Lc 9.57-62)

¹⁸ Cojorũmu jãjarã masa ĩ taju ĩna ñagãnibiaro ĩacõari,

—Gajecatũaju jẽacojaro mani —ĩ buerãre ĩnare yiyuju Jesũs. ¹⁹ To ĩ yise rãcane, sīgũ, Dios ĩ rotimasire gotimasiorimasu, Jesũs tũ ejayuju.

—Gotimasiorimasu, no bojaro mu vato cõrone mũre sũyarũaja yu —Jesũre ĩre yiyuju ĩ.

²⁰ To ĩ yirone, ado bajiro ĩre cãdiyuju Jesũs:

—Buyairoarema, ĩna gojeri ñacaju. Miniare quêne, ĩna jibũri ñacaju. To ĩna bajiboa-jaquêne, yu, Dios ĩ cacũma, cãnirijaju magũre bajiro bajaiaja yu. To bajiri yure mu sũyajama, bũto mũre josarũaroja —ĩre yiyuju Jesũs, Dios ĩ rotimasire gotimasiorimasure.

²¹ To ĩ yiro bero, gãji Jesũs buerimasu ado bajiro ĩre yiyuju:

—Yu ɱju, yure yuya mu maji. Yu jacu ĩ bajirocacoajare, ĩre yujegũacu yaja yu. ĩre yujecõari bero, mũre sũyarũcũja yu —Jesũre ĩre yiboayuju.

²² To bajiro ĩre ĩ yiboajaquêne, ado bajiro ĩre cãdiyuju Jesũs:

—Yucũne yure sũyaya mu. Yure ajitirũnũmena, rijariarãre bajiro bajirã ñarãma. ĩnajua rijariarãre yujeato ĩna —ĩre yicãdiyuju Jesũs.

*Mino vatone, oco sabesere Jesús ĩ tujore queti**(Mr 4.35-41; Lc 8.22-25)*

²³ Jesús ĩ buerã rãca cūmuaju vasãjañuju, jēacu. ²⁴ ĩna jēatone, bũto mino vasuju. To bajicõari, bũto sabeyuju. Tĩ saberone, cūmua sagueca yiro, rujacoarũayuju. To ti bajiboajaquēne, cãnigũ yiyuju Jesús. ²⁵ ĩ cãniro ĩacõari, ĩre yujioyujarã ĩna:

—Yua uju, ĩrujareana yaja mani! To bajiri mani rujaborotire yirētoña mũ —ĩre yiyujarã.

²⁶ To bajiro ĩna yirone,

—¿No yirã bũto gũiati mũa? “Rojose mani tãmũoboaquēne, manire yirētosarucumi”, yure yitũoĩarã me ñaja mũa —ĩnare yiyuju.

To yi, vãmũrũgũcõari,

—¡Mino tujaya! ¡Sabese quēne tujaya mũa! —yiyuju Jesús.

To ĩ yirone, tujacoasuju mino. Sabese quēne, sabebesuju yuja. ²⁷ Tire ĩacõari, no yimasibesujarã ĩna.

—¿Ñimũ ũgũ masũ ñati ãni? Minore to yicõari, sabesere quēne ĩ tujarotijama, ĩre ajiaja —gãmerã yiyujarã ĩna.

*Gadara vãme cuti maca tũanare ĩna usũrijũ sãñarãre vãtiare Jesús ĩ bureare queti**(Mr 5.1-20; Lc 8.26-39)*

²⁸ Utabũcũra gajejacatũaju Gadara vãme cuti maca tujũ ejayujarã. To ĩna ejarone, masa rijariarãre ĩna yujereariavijure juarã ũmũa budiyujarã. To bajicõari, Jesús ture ejarũgũ ejayujarã. Juarãjũne vãtia sãñarã ñari, bũto guayujarã. To bajiro ĩna bajijare, rētomasiña mañuju. ²⁹ Jesũre ĩarãne, ado bajiro yivasãñujarã ĩna usũrijũre sãñarã, vãtia:

—¿No yigũ yua tũ vadiati Dios macũ? ¡Yũare gõjanabiobesa! Rojose yua yise vaja, rojose yũare mũ yirotirũmũ ti ejabetiboajaquēne, ¿rojose yũare yigũ vadiati mũ? —Jesũre yiyujarã vãtia.

³⁰ To ĩna yĩnaro sojũa jãjarã ecariarã yesea macabañañujarã. ³¹ ĩnare ĩacõari, rũcũbũose rãca Jesũre yisēniñujarã vãtia:

—Yũare mũ bureajama, õa yeseajũare yũare sãjarotiya —yiyujarã vãtia.

³² To bajiro ĩre ĩna yijare,

—Mũare varotiaja yũ —vãtiare ĩnare yiyuju Jesús.

To ĩ yirone, juarãjũrene ĩna usũrijũre sãñaobariarã budicoasujarã yuja, yeseajũare sãjaroana. ĩna sãjarone, buro ũmaroja vacõari, utabũcũrajũ ĩna ñaro cõrone rearoderujacõa tujasujarã, vãtia ĩnare ĩna sãjajare.

³³ Yeseare coderimasa, to bajiro ĩna bajisere ĩacõari, ũmacoasujarã, ĩna ya macajũ vana. To bajicõari, vãtia sãñaobariarã ĩna yiecase ñaro cõrone ti macanare gotijeocõañujarã ĩna.

³⁴ Tire ajicõari, Jesũre ĩarã vasujarã ĩna, ti macana jediro. ĩ tũ ejacõari, ĩre gũirã, rũcũbũose rãca ĩre varotiyujarã.

9*Micagũre Jesús ĩ catiore queti**(Mr 2.1-12; Lc 5.17-26)*

¹ To bajiro ĩre ĩna yijare, utabũcũra gajejacatũaju tudijẽa ejacoasuju Jesús, ĩ ya macajũ.

² Tĩ macajũ ĩ ñaro, micagũre rijarã ãmivariajũ joejũ ĩre ãmiejayujarã. “ĩre ĩamaicõari, ĩre catorucumi” ĩna yitũoĩasere ĩamasicõari, micagũjũare ado bajiro ĩre yiyuju Jesús:

—Yũ maigũ, tũoĩatutuaya. Rojose mũ yirere mũre masiriocõaja yũ —ĩre yiyuju Jesús.

³ To ĩ yisere ajicõari, ti macana sigũri Dios ĩ rotimasire gotimasiorimasa ado bajiro tũoĩañujarã: “To bajise ĩ ñagõjama, Diore ĩre rũcũbũobecu yami”, yitũoĩañujarã ĩna. ⁴ To bajiro ĩna yitũoĩasere ĩamasicõari, ado bajiro ĩnare yiyuju Jesús:

—“ ‘Diore bajiro masa rojose ĩna yisere masiriomasiaja’ yisocaami”, yure yitũoĩaboaja mũa. ⁵ “Rojose mũ yisere masiriocõaja” yũ yicõa tujajama, “Socũ yami. Socũ me yami”,

yũre yĩamasigũ magũmi. To bajiboarine, micagũre, “Vũmũrũgũcõari, vasa” ãre yũ yijama, “Socũ me yami. Rojose ã yirere masiriocõami”, yũre yĩamasirãja mũa. ⁶ To bajiri, “ ‘Dios ã roticõacacũ ñari, Diore bajirone masare rojose ãna yisere masiriamasigũ ñaami’ yũre yĩamasiatu” yigũ, ãni micagũre ado bajiro yaja yũ: Vũmũrũgũãña mũ. Mũ jesarijũre ãmiãña. To yicõari, mũ ya vijũ tudiasa, ãre yaja yũ —ãre yiyuju Jesús.

⁷ To ãre ã yirone, micagũ ñaboar'i, vũmũrũgũcõari, ã jesarijũre ãmi, ã ya vijũ vacoasuju ã yuja. ⁸ To bajiro Jesús ã yisere ãaucacoasujarã masa. “Ti ãnire ãabetirũgũcãjũ mani. ãni, Dios ã masise rãca yigũ yami” yitũoãcõari, “Quẽnaro yaja mũ”, Diore ãre yivariquẽnañujarã ãna.^b

Mateore Jesús ã jire queti
(Mr 2.13-17; Lc 5.27-32)

⁹ Micagũre catiogajano vagũne, Mateo vãme cõtigũre yũre ãabũjacami Jesús. Ujũre gãjoa sãnibosarimasũ ñacajũ yũ. Gãjoa sãnirã ãna rujirijũre gãjoa sãnirujicajũ. To yũ yĩãno ãcõari, —Yũre ajisũyaya —yũre yicami Jesús. To bajiro ã yisere ajicõari, ãre sũyacoacajũ yũ yuja.

¹⁰ Yũ ya vijũ ejacajũ yũa. To ejacõari, bacajũ yũa. Yũ rãca barã ejacana, jãjarã ñacama. Yũ yicatore bajiro rojose yirã, uũre gãjoa sãnibosarimasa, to yicõari, gãjerã, “Rojose yirã ñaama” masare yĩarã quẽne ñacama. Jesús buerimasa quẽne ñacama. ¹¹ To yũa bajirone, ejacama fariseo masa. ãna ñacama, Moisere Dios ã roticũmasirere bũto ajirũcũbũorã, rojose yirã rãca ñarũamena. Ejacõari, yũa bañasere ãcõari, yũ rãcanare Jesús buerimasare ãnare sãnĩacama:

—¿No yigũ mũare buegũma, ãnoa rojose yirã rãca bati? —yicama ãna.

¹² To bajiro ãna yisere ajicõari, ado bajiro ãnare cũdicami Jesús, fariseo masare:

—Catiquẽnarãma, uco yigũre bojamenama. Rijaye cutirã rĩne ãre bojarãma ãna. To bajiro bajiaja yũre quẽne. “Rojosere yirã me ñaja yũa”, yirãma, yũre bojamenama. “Rojose yirã ñaja yũa” yirã rĩne yũre bojarãma. ¹³ Dios oca masa ãna ucamasirere ado bajiro quẽnaro tũoããña mũa. Ado bajiro gotiaja ti: “Gãjerãre mũa ãamaisere bojaja yũ. Gãjerãre mũa ãamaibetijama, vaibũcurã ecariarãre sãcõari, yũre mũa soemũoboajaquẽne, ñie vaja manoja ti”, yigotiaja Dios oca, masa ãna ucamasire. Quẽnaro yirãre jigũ me, adi macarũcũrojũre vadicaajũ yũ. Rojose yirãre, “Rojose ãna yisere yitũjato” yigũ, vadicaajũ yũ. To bajiri to bajiro yitũoãgũ ñari, ãnoa rãca bagũ yaja yũ —ãnare yicami Jesús.

“Mani sũtiritisere ãcõari, quẽnaro manire ejarẽmorũcũmi Dios” yirã, bare babetire queti
(Mr 2.18-22; Lc 5.33-39)

¹⁴ Juan vãme cõtigũ, masare oco rãca bautizarimasũ buerã, Jesús tũjũ ejacama ãna. To bajicõari, ado bajise ãre sãnĩacama:

—Yũa quẽne, fariseo masa quẽne, mani ñicũa ãna yimasiriarore bajiro Diore yũa sãnirirũmũrirema bare babetirũgũaja yũa. ¿No yirã tire yibeati mũ buerãma? —ãre yicama Juan buerimasa.

¹⁵ To ãna yisere ajicõari, ado bajiro ãnare gotimasiocami Jesús:

—Sĩgũ ã ãmosiarirũmũre ãre variquẽnaejarẽmorã ñarãma. To ã ãmato yĩãno cõro ãre variquẽnaejarẽmorãma. ãnare bajiro bajiaama yũ buerã. Yũ rãca ñari, variquẽnacõa ñaama. “Sũtiritimena ñari, no yirã bare babeticõa yimenama”, yimasire ñaja. To bajiboarine, cojorũmũ yũre ãna ñiavato ãcõari, bare bamenane Diore sãnirũarãma, “Mani sũtiritisere ãcõari, quẽnaro manire ejarẽmoato Dios” yirã.

¹⁶ Mame oca yũ gotimasiose ricati ti ñajare, yũ ye rãca mani ñicũa ãna yimasirere mũa tũoããvũojama, quẽnabeaja. Sudiro bũcũase ti vojama, mamagasero rãca seretumasime-naja mani. Mamagaserone mani seretujama, mani coero bero carato tãatutu vatone

^b 9:8 Rĩjorojũrema Mateo “Yiyuju Jesús” yũcayumi, capĩtulo 1, to yicõari, capĩtulo 9 versĩculo 8, ã rãca ñabetirĩ ñari. Capĩtulo 9 versĩculo 9, to yicõari, tũsari capĩtulo 28, ã rãca ñari ñari, “Yicami”, yũcayumi yuja.

bucuseja vocoatoja. Bucuse, mamase rãca mani seretumasibetore bajirone, mame oca yu gotimasiosere, mani ñicua oca rãca tũoĩavũobesa mua.

¹⁷ To bajirone bajaia ye oco quẽne. Mame ye ocore, vaibucugaserone quẽnorajoa bucjoajure jiomenaia mani. Bucjoajure mani jiojama, jãmsĩnituca yiro, yivocõaroja tjoajure. To bajiro mani yijama, ye ocore, vaibucugaserone quẽnorajoa quẽne, to bajirone yireacõa tãjana yirãja mani. “To bajirobe” yirãma, mame ye ocore vaibucugaserone quẽnorajoa, mamajoajure jiore ñaroja. To yicõari, ye oco, vaibucugaserone quẽnorajoa quẽne, cojoro cõro quẽnaro ñararoja. To bajiri mame ye ocore, bucjoajure mani jiojetore bajiro mame oca yu gotimasiosere, mani ñicua oca rãca tũoĩavũobesa mua —ĩnare yicami Jesús.

Jud'io masa uju macore Jesús i catiore queti
(Mr 5.21-43; Lc 8.40-56)

¹⁸ To bajise Jesús i gotiñarone, sīgũ jud'io masa uju ejacami. Ejacõari, Jesús rĩjorojua gũsomuniari tuetucami, ĩre rucubũogũ. To yigũne, ado bajiro Jesúsre yicami:

—Yucacane yu maco bajirocacoamo. So tu ejacõari, sore mu moañajama, tudicati-coarũocomo so —Jesúsre yicami.

¹⁹ To i yisere ajicõari, ĩre suyacoacami Jesús. To bajiri yua, i buerimasa quẽne vacaju. ²⁰⁻²¹ To yua vatone, sīgõ rõmio rijago Jesús suyarojua ejarũgũriomo. Gãmorõmi cutigo ñañũmo so. Juaãmo cõro, gũbo jua jẽnituari cãmari rijañañuju. “Jesús sudiro gaja moañaraja yu. Ti rĩne bojaja yu. To bajiro yu yijama, quẽnaejacoarũocoja yu”, yiriomo so. To bajiro yirio ñari, Jesús suyarojua ejarũgũcõari, i sudiro gajare moañariomo. ²² So moañasere masicõari, judarũgũcami Jesús. To yicõari, ado bajiro sore goticami:

—Variquẽnaña yu maigõ. “I sudiro gajare yu moañajama, quẽnaejacoarũocoja yu” yure mu yitũoĩase ñajare, “Quẽnaejato” mure yibu yu —sore yicami Jesús.

To bajiro i yirirĩmarone, quẽnaejacoamo so yuja.

²³ To yi vanane, uju ya vijũ ejacoacaju yua, Jesúsãca. I macore yujeroana, tõroari juti, yioti avasãñacama^C ²⁴ To bajiro ña yĩñajare, ado bajiro ĩnare yicami:

—Budiasa mua. “Bajirocacoajamo” mua yiboago, bajirocabetesumo. Cãnigõ yigomo — ĩnare yicami Jesús. To i yijare, ĩre ajacama ña, “Bajirocacoamo” yimasirã ñari.

²⁵ Masa ña budiato bero, bajirocario tãju jãjacõari, so ãmore ñiacami Jesús. To i yirone, quẽna tudicaticõari, vũmurũgũcoamo so. ²⁶ Jesús sore i catiosere ti sitana masa ñaro cõrone gotibatocõañuma ña.

Juarã caje ĩamenare Jesús i ĩarotire queti

²⁷⁻²⁸ Toju ñariarã yua cãnirivi yua tudiatone, caje ĩamena juarã Jesúsre avasã suyadicama:

—Uju David ñamasir'i jãnami, “Rotimũorũgõrucãja mu” yigu, Dios i cõar'i ñaja mu. Yure ĩamaiña —Jesúsre yisuyacama ña. Vijũ yua sãjaejarone, ña quẽne suyasãjaejacoacama.

To ña bajirone, ado bajiro ĩnare sẽnĩacami Jesús:

—“Yua caje ĩabetire ‘Iato’ yigu, yure ejarẽmomasiũmi”, ¿yure yitũoĩati mua? —ĩnare yicami Jesús.

—Yua uju, to bajirone mure yitũoĩaja yua —ĩre yicadicama.

²⁹ To ña yijare, ña cajere moañagũne ado bajiro yicami Jesús:

—“Manire catiorucami” yure mua yitũoĩase suorine mure ĩarotiaja yu —ĩnare yicami.

³⁰ To i yirone, ĩacõacama. To yicõari, ado bajiro ĩnare goticami Jesús:

—Gãjerãre gotibetimasucõama mua —ĩnare yiboacami.

³¹ To bajiro i yiboajaquẽne, ti sitana jedirore gotibatocõañujarã ña.

Ñagõbecure Jesús i ñagõrotire queti

^C 9:23 To bajiro ña yijama, ña yirũgũriarore bajiro yirã yiyujarã.

³² Īamena ñaboariarã ĩna budirirĩmarone, ejacama gãjerã, ñagõbecure ãmiejarã, vãti ĩ usũjũre sãjacõari, ĩre ñagõrotibetir'ire. ³³ Jesús, vãtire ĩ burocarone, ñagõbecũ ñaboar'i, ñagõcoacami yuja. Tire ĩacõari, no yimasibeticama masa:

—Adojũre, Israel sitajũre, ado bajise yigũre ĩaña manirũgũmũ maji —yicama ĩna.

³⁴ Fariseo masajũama, ado bajiro yicama:

—Ãni, vãtia uju ĩ masise rãca vãtiare bureaami —yicama ĩna.

Jesús masare ĩ ĩamaire queti

³⁵ Ti sitajũ gotimasiocudijeocami Jesús. Tocãrãca maca masa Dios ocare ĩna buerivirijũre sãjacõari, oca quẽnasere masare ĩnare gotimasiocami. “Uju Dios yarã quẽnaro ĩ yirona mũa ñarũajama, rojose mũa yisere yitũjacõari, yũre ajitirũnũña”, ĩnare yigotimasiocami. To yicõari, rijaye cutirãre jediro catiocami. ³⁶ Oveja, uju manare bajiro bajirã ñacama ĩna masa. No yimasibetiboana tũoĩagõjanabidirã ñacama. To bajiro ĩna bajisere ĩacõari, ĩnare ĩamaicami Jesús. ³⁷ To bajiro ĩna bajisere ĩagũ ñari, ado bajiro yũare yicami:

—Ote jairo bucũaroja. To bajiboarine, mojoroaca ñarãma tire juarimasa. ³⁸ To bajiro ti bajijare, ote uju sũniña, ĩre moabosarimasa cõato ĩ yirã —yũare yicami Jesús. ^d

10

Īocare goticudisũoronare Jesús ĩ besere queti

(Mr 3.13-19; 6.7-13; Lc 6.12-16; 9.1-6)

¹ Cojorũmũ ĩ buerimasare yũare juaãmo cõro, gũbo jua jẽnituarirãcũ ñarãre jirẽocami Jesús. Yũare jirẽocõari, ado bajiro yicami:

—Masa usũrijũ sãñarãre vãtiare, “Budiya” mũa yijama, budirũarãma. Rijaye cutirãre quẽne, “Catiya” mũa yijama, caticoarũarãma —yũare yicami Jesús.

²⁻⁴ Juaãmo cõro, gũbo jua jẽnituarirãcũ ñacajũ yũa, “Yũ ocare gotimasiocudiba” Jesús ĩ yicana. Ado bajiro vãme cutirã ñacajũ yũa: Simón vãme cutiboacacũ, Pedro vãme cutigũ, ĩ bedi Andrés ñacama. To yicõari, Zebedeo rĩa ñacama Santiago, ĩ bedi Juan. Gãjerã, Felipe, Bartolomé, Tomás, yũ Mateo vãme cutigũ, uju gãjoa sũnibosarimasũ ñaboacacũ ñacajũ. Alfeo macũ Santiago, to yicõari, Tadeo vãme cutigũ, gãji ñacami Simón vãme cutigũ, celote yere tũoĩaboar'i. Tũsagũ Judas Iscariote vãme cuticami. ĩ ñañumi Jesũre ĩsirocarocũ.

⁵ To bajiri yũa, juaãmo cõro, gũbo jua jẽnituarirãcũre ado bajiro yũare gotimasiocudiroticami Jesús:

—Jud'io masa me ĩna ñarimacari gotimasiocudibeja mũa. Samaria sita ñarimacarire quẽne vabeja mũa —yũare yicami. ⁶ —Israel sitana tũjuare vasa. ĩna ñarãma Dios yarã ñaboariarã, oveja yayirãre bajiro bajirã —yicami. ⁷ —“Diore rotibosarocũ ĩ rotisũoroti mojoroaca rũyaja. Uju Dios yarã quẽnaro ĩ yirona mũa ñarũajama, rojose mũa yisere yitũjacõari, Jesũre ajitirũnũña” yigotimasiocudiba mũa. ⁸ Gase boarãre mũa ĩajama, ĩnare catioba mũa. Gãjerã no bojase rijaye cutirãre quẽne ĩnare catioba. Rijariarãre tudicatioba. Masa usũrijũ sãñarãre vãtiare quẽne ĩnare bureaba. Vaja manone to yirotire mũare ujoaja yũ. To bajiri, vaja sũnimenane, mũa quẽne gotimasiocudi, rijaye cutirãre catio, ĩna usũrijũ sãñarãre vãtiare ĩnare burea, yicudirũarãja mũa —yũare yicami Jesús. ⁹ — Mũa vaja yiroti gãjoa juaábeja. ¹⁰ To yicõari, bare sãriajoari juaábeja mũa. Sudi mũa sãñasene sãñacõari, vaja. Gajeye gũbo sudi mũa vasoaroti juaábeja. Tueriayucãrĩre quẽne juaábeja. No bojarã gãjerãre moabosarimasa, vaja bujarãma. To bajirone bajirũaroja mũare quẽne. ĩnare mũa gotimasiose vajane ĩsiecorũarãja mũa quẽne —yũare yicami

^d 9:38 “To bajiro ĩ yijama, ado bajiro yigũ yiyuju: ‘Jãjarã ñarãma yũ ocare ajicõari, yũre ajitirũnũrona. To bajiboarine, mojoroaca ñarãma yũ ocare gotirãjũa. To bajiro ti bajijare, Diore sũniña, “Jãjarãbũsa yũ ocare gotirimasare cõato ĩ” yirã’ yiyuju Jesús”, yiyujarã Dios oca masa ĩna ucamasire buerimasa.

Jesús. ¹¹—Jairimaca, mojomacare ejarã, quënaró yigüre macama mña. Ìre bujacõari, Ìtu cãnima. Ti macanare mña gotimasiojama, Ìtu rĩne ñama maji, gajerojũ mña varoto rĩjoro. ¹² Viju ejarã, “¿Ñati mña?” yisëniãcõari, “Quënaró ñaña mña”, yiba. ¹³ To mña yirone, ti viana quënaró mñare Ìna bocaãmijama, mña yirore bajiro quënaró ñaruarãma. Quënaró mñare Ìna bocaãmibetijama, “ ‘Quënaró ñaña’ yua yibetiriarãre bajirone ñacõaña mña” Ìnare yi, vacoaja mña. ¹⁴ Mñare quënaró Ìna bocaãmibetijama, to yicõari mña gotisere Ìna ajirũabetijaquëne, ti vire ñabeja. Ti vire budicõari, sitare gũbo sudi tuyasere varereaba. “Quënaró yuare bocaãmibeticõari, yuare mña ajirũabetijare, rojose mñare yirũcumi Dios” yirã, to bajiro yiruarãja mña. ¹⁵ Riojo mñare gotiaja yũ. Ti macana mñare Ìna ajirũabeti vaja Diojũama, rojose Ìnare yirũcumi masare Ì beserirũmũ ti ejaro. Sodoma macana ñamasiriarã rëtobũsaro rojose tãmũorũarãma Ìna, mñare quënaró bocaãmimenama —yuare yicami Jesús.

“Dios oca mña gotise sũori, ajijũnisinicõari, rojose mñare yiruarãma”, Jesús Ì yire queti

¹⁶ Quëna ado bajiro Ì buerãre yuare yicami Jesús:

—Ovejare, buyairoa vatoaju gũioroju Ìnare cõagũre bajiro mñare gotimasiodiroti-aja yũ. To bajiri mña ñagõroto rĩjoro, quënaró tuoĩama. To yicõari, mñare rojose Ìna yiboajaquëne, mñajuama quënasẽjũare yirã rĩne ñacõama. ¹⁷ Ado bajiro bajiroti ñajare, quënaró tuoĩama mña: Mñare ñejecõari, Dios ocare Ìna buerivirijũ ujarã rĩjorojũ mñare juaárũarãma Ìna. Toju mñare bajerũarãma. ¹⁸ To yicõari, yũ ocare mña gotimasiojare, macari ujarã rĩjorojũ mñare juaárũarãma Ìna. To yi vanane, ujarã ñamasurã rĩjorojũ mñare juaárũarãma. To bajiro mñare Ìna yijare, ujarãre, to yicõari, jud'io masa mere yũ ocare gotiruarãja mña. ¹⁹⁻²⁰ Ujarã rĩjorojũ mñare Ìna juajaro, “¿No bajiro ñagõrãti yũ?” yitũoĩarejaibeja mña. “Ñagõña” mñare Ìna yirirũmarone, mani jacũ Dios Ì cõagũ, Esp'iritu Santo Ì ejarẽmose rãca “Ado bajiro gotiruarãja yũ” yimasiruarãja mña —yuare yicami Jesús.

²¹ Quëna ado bajiro yuare yicami Jesús:

—Yũ yere ajiterãre gũiose Ìna yisere Ìaruarãja mña. Sīgũ rĩa ñaboarine, “Ìnare sĩato” yirã, ñejerotiruarãma Ìna. To yicõari, jacũa quëne, “Yũa rĩare sĩato” yirã, Ìna rĩare ñejerotiruarãma. Ìna rĩajũa quëne, Ìna jacũare ajijũnisinicõari, gãjerãre sĩarotiruarãma Ìna. ²² Yũ ocare mña goticudijare, jediro masa mñare Ìateruarãma. To bajiro Ìna yiboajaquëne, no bojarã yũre ajitirũnũ tũjamenarema, rojose tãmũotũjabetiriaroju Ìna varoti ñaboarere Ìnare yirëtobosarũcumi Dios. ²³ Cojo maca mñare rojose Ìna yijama, gaje macaju rudiaja mña. Riojo mñare gotiaja yũ. Jediro Israel sitajũre ñarimacarire mña goticudijeoroto rĩjoro, yũ, Dios Ì roticõacacũ, adi macarũcũrojuere tudiejarũcũja yũ.

²⁴ Ìnare buegũ rëtobũsaro masirã me ñaama Ì buerã. To bajiboarine, quënaró Ìna buejeocõajama, Ìnare buerimasũre bajirone masirãma Ìna quëne. ²⁵ “Yuare buegũre bajiro yũa bajijama, quënaja”, yitũoĩaroti ñaja. To bajicõari, Ìre moabosarimasare quëne, “Yũa ujuare bajiro yũa bajijama, quënaja”, yitũoĩaroti ñaja. To bajiro ti bajijare, yũre mña ujuare Beelzebú yũre Ìna vãme yitud'ijama, yũ yarã mña ñajare, rëtoro rojose mñare yitud'iruarãma Ìna —yuare yicami Jesús.

“Masa rojose yirãre gũimenane, Diojũare gũiroti ñaja mñare”, Jesús Ì yire queti
(Lc 12.2-7)

²⁶ Quëna ado bajiro Ì buerãre yuare yicami Jesús:

—Rojose mñare Ìna yitud'iboajaquëne, Ìnare gũibeja mña. “Masa Ìna Ìabeto yitud'irã yaja” mñare Ìna yiboajaquëne, Diojũama, Ìacõarũcumi. Ñiejũa masa Ìna yirudise maja, Diorema. Adirũmũri masa Ìna masibeti jediro, Dios Ì beserirũmũ ti ejaro, “Quënaró tire masiato” yigũ, gotirũcumi. ²⁷ Masa Ìna ajibeto yayioroaca mñare yũ gotisere “Jediro ajiato” yirã, gotibatoruarãja mña. ²⁸ Mñare sĩaruarãre gũibeja mña. Mña usurijũrema

sīamasimenama ĩna. Diojũare mũa gũijama, quẽnaja. Ĩ ñaami mani catisere rotigũ. Ĩ masu masiami. To bajiri rojose tãmũotũjabetiriarojũ mũaare reamasicõami.

²⁹ Jũarã miniare mani vaja yijama, cojotii gãjoatii rãca vaja yire ñaroja ti, mojoroaca vaja cutirã ĩna ñajare. To cõroaca vaja cutiboarine, Dios ĩ rotibetone rijagũ magũmi. ³⁰⁻³¹ Masajũare, Dios ĩĩajama, jairo vaja cutirãre bajiro manire ĩaami. Manire bũto maiami ĩ. To bajiro bajigũ ñari, mani rũjoajoare, cojojoara rũyabeto cõĩajeogũ ñaami. To bajiri rojose mũaare yirãre gũibeja —ĩ buerãre yũare yicami Jesús.

“Masa ĩna ĩaro rĩjorojũa, ‘Jesũre ajitirũnũgũ ñaja yũ’ mũa yijama, quẽnaja”, Jesús ĩyire queti (Lc 12.8-9)

³² Quẽna ado bajiro yũare yicami Jesús:

—Masa ĩna ĩaro rĩjorojũa, “Jesũre ajitirũnũrã ñaja yũa” yirãrema, yũ quẽne õ vecaju yũ jacu ĩ ĩaro rĩjorojũa, “Ãnoa ñaama yũ yarã”, yĩõõũcũja yũ. ³³ To bajiboarine masa ĩaro rĩjorojũa, “Jesũre ajitirũnũrã me ñaja yũa” ĩna yijama, yũ quẽne, õ vecaju yũ jacu ĩ ĩaro rĩjorojũa, “Yũ yarã me ñaama ĩna”, yĩũcũja yũ —yũare yicami Jesús.

“Yũre mũa ajitirũnũsere ĩacõari, mũaare ĩajũnisinirũarãma”, Jesús ĩyire queti (Lc 12.51-53; 14.26-27)

³⁴ Quẽna ado bajiro yũare yicami Jesús:

—“Quẽnaro ñato masa’ yigũ, vayumi Jesús”, yũre yitũoĩabesa mũa. Dios ĩ bojabeti yirã, yũ ocare ajijũnisinicõari, yũre ajitirũnũrãre ĩaterũarãma ĩna. To bajiri ado bajirojũa yũre yitũoĩaña: “ Ĩ sũorine ricatiri tũoĩarũarãma’ yigũ, vayumi Jesús”, yũre yitũoĩaña. ³⁵ Ĩ macũ, yũre ĩ ajitirũnũjama, ĩ jacũjũa ĩre ĩaterũcumĩ. Jacũjũa, yũre ĩ ajitirũnũjama, ĩ macũjũa, ĩre ĩaterũcumĩ. So macojũa, yũre so ajitirũnũjama, so jacojũa, sore ĩaterũocomo. Jacojũa, yũre so ajitirũnũjama, so macojũa, sore ĩaterũocomo. So ũmañicojũa yũre so ajitirũnũjama, so jẽjojũa, sore ĩaterũocomo. ³⁶ To bajiri sĩgũ yũre ajitirũnũgũ ĩ ñajare, ĩ yarã ñaboarine, ĩre ĩaterũarãma.

³⁷ No bojagũ ĩ jacore, ĩ jacũre yũre ĩ mairo rẽtobũsaro maigũma, yũ yũ ñamasibecũmi ĩ ũgũma. No bojagũ ĩ macore, ĩ macũre yũre ĩ mairo rẽtobũsaro maigũma, yũ yũ ñamasibecũmi ĩ ũgũma. ³⁸ No bojagũ, “Jesũre bajiro rojose tãmũosũyarũcũja yũ” yitũoĩabecũma, yũ yũ ñamasibecũmi ĩ ũgũma. ³⁹ No bojarã, no ĩna bojarone ñare cutirãma adi macarũcũro ñasere ĩavariquẽnacõari, Diore tũoĩamenama, Dios ĩ catisere yayĩbetire cũomena ñarũarãma ĩna. To bajiboarine, yũre ajitirũnũrã, yũ oca ĩna gotisere ajijũnisinicõari, ĩna sĩarãma, Dios tũ quẽnaro ñarona ñarãma —yũare yicami Jesús.

“Ado bajiro yirã ñarãma Dios tũjũ quẽnase bũjarona”, yire queti (Mr 9.41)

⁴⁰ Quẽna ado bajiro yũare yicami Jesús:

—Mũaare cõagũ yũ ñajare, gãjerã tũ mũa ejaro, quẽnaro mũaare ĩna yijama, yũrene quẽnaro yirã yirãma. Yũre quẽnaro yirãma, yũre cõacacũre quẽnaro yirã yirãma. ⁴¹ “Diore gotirẽtobosarimasũ ñagũmi” yimasicõari, quẽnaro ĩre yirã, ĩre gotirẽtobosarimasũ Dios tũ quẽnase ĩ bũjaroto cõrone bũjarũarãma ĩna quẽne. “Quẽnaro yigũ ñaami” yimasicõari, quẽnaro ĩre yirã, quẽnaro yigũ Dios tũ quẽnase ĩ bũjaroto cõrone bũjarũarãma ĩna quẽne. ⁴² Riojo mũaare gotiaja yũ. Yũre ajisũyarã ñamasurã me ĩna ñaboajaquẽne, yũre ajitirũnũrã ĩna ñajare, quẽnaro ĩnare yirã, to bajiro ĩna yise vaja, vaja bũjarũarãma ĩna. Ocane ĩnare ĩna ioboajaquẽne, vaja bũjarũarãma —yũare yicami Jesús.

11

Juan vãme cutigũ, masare oco rãca bautizarimasũ ĩ cõariarã, Jesũre ĩna sẽnĩare queti (Lc 7.18-35)

¹ Yũare, ĩ buerãre jũãmo cõro, gũbo jũa jẽnitarirãcũ ñarãre yũare ĩ gotimasioro bero, ti sita ñarimacarianare ĩnare gotimasiodirã vacaju yũa, Jesũrãca.

² Tirodo Juan vāme cūtigū, masare oco rāca bautizarimasū, tubiberiavijū űaűuju ĩ. Toju ĩ űarone, Jesús masare ĩ gotimasiodicati, to yicōari, ĩaĩaűamani ĩ yĩlocati queti ĩre ejayuju. Tire ajicōari, juarā ĩ buerimasare cōaűumi, “Jesúre sēniĩaaya” yigū. ³ Yūa tū ejacōari, ado bajiro Jesúre sēniĩacama ĩna:

—¿Mūne űati “Rotimūorūgōrūcūmi” yigū, Dios ĩ cōar'i, “Yū bero ejarūcūmi” Juan ĩ yigotimasiodacū? ¿Gājire yuroti űatique maji? —ĩre yisēniĩacama ĩna.

⁴ To ĩna yisēniĩarone, ado bajiro ĩnare yicūdicami Jesús:

—Vasa mūa. Juan tūju tudiasa. ĩ tū ejacōari, mūa ĩasere, mūa ajisere quēne ĩre gotiba.

⁵ Ado bajiro ĩre gotiba mūa: “Jesús ĩ masise rāca ĩ yijare, ĩabetiboariarā quēne ĩama. Rujasagueri vaboariarā quēne, quēnaro vama. Gase boariarāre quēne, ĩna cāmi yatibū. Ajimena űaboariarā quēne, ajima. Bajireariarā quēne, tudicatima. To yicōari, maioro bajirā quēne, Dios oca quēnasere gotimasio ecoama ĩna”, yigotiba, Juan tūju ejacōari. ⁶ To bajiri, “‘Quēnase bujaruarāma yūre ajitirūnūā, “Socū me yami” yūre yitūoĩarāma’ yimi”, ĩre yigotiba —ĩnare yicami Jesús, Juan buerimasare.

⁷ To bajiro ĩ yisere ajicōari, ĩna vase rācane, Juan vāme cūtigū, masare oco rāca bautizarimasū ĩ űare quetire goticami Jesús, jājarā ĩre ajisūyarāre:

—Yucá manojū vana, ¿űimū űgūre tūoĩa vacati mūa? ¿Masa ĩna bojasere bajiro yirūa tūoĩagūre ĩarā vacati mūa? “To bajiro tūoĩagū me űacami”, yimasiaja mūa. ⁸ ¿űimū űgūre tūoĩarā vacati mūa? ¿Quēnase sudi sāűagūre tūoĩa vacati? To bajiro me tūoĩariarāja mūa. “Quēnase sudi sāűarāma, quēnarivirijū, űjarā ya virijū űarāma”, yimasiaja mani. ⁹ ¿űimū űgūre tūoĩa vacati mūa? ¿Diore gotirētobosarimasare tūoĩa vacatique mūa? Ríojo mūare gotiaja yū. Gājerā Diore gotirētobosarimasa rētoro űagūre ĩariarāja mūa. ¹⁰ Juan ĩ bajiro tire gotiro, ado bajise gotiaja Dios oca masa ĩna ucamasire:

“ ‘Rotimūorūgōrūcūmi’ yigū, mūre yū cōaroto rĩjoro, mūre gotiyurocūre cōasūorūcūja yū maji’ yami Dios. ‘ĩ űarūcūmi ado bajise gotirocū: “Yoaro mene ejarūcūmi ‘Rotimūorūgōrūcūmi’ yigū, Dios ĩ cōarocū. To bajiri rojose Dios ĩ bojabetire yitūjacōari, ĩ bojasejūare yĩ yuya mūa” yigotirocū űarūcūmi’, yami Dios”, yigotiaja Dios oca masa ĩna ucamasire.

¹¹ Diore gotirētobosarimasa ĩna gotimasire rētoro űamasuse űaja, Juan, Diore ĩ gotirētobosasejūa. To bajiro ti bajiboajaquēne, Juan ĩ gotise rētoro űamasuse űaja yū gotiroticōarā ĩna gotise. “Ŭjū Dios yarā quēnaro ĩ yirona mūa űarūajama, Jesúre ajitirūnūā” ĩna yigotisere yaja yū. űamasurā űaama, “űamasurā me űaama Jesús ĩ gotiroticōarā” mūa yĩaboajaquēne —yicami Jesús, ĩre ajisūyarāre.

¹² Quēna ado bajiro yicami Jesús:

—Juan ĩ gotimasiosūorijūne, “Ŭjū Dios yarā quēnaro ĩ yirā mūa űarūajama, rojose mūa yisere yitūjacōari, Jesúre ajitirūnūā” yirere ajicōari, ti josaboajaquēne, yūre ajisūya variquēnasūoadicama masa. ¹³ Juan ĩ gotimasiosūoroto rĩjorojūne, “Rotimūorūgōrūcūmi” yigū Dios ĩ cōarocūre goticoayuma ĩna, Diore gotirētobosarimasa. Moisére Dios ĩ roticūmasire quēne, tire gotiaja ti. ¹⁴ “Diore gotirētobosarimasū El'ias vāme cūtimasir'ire bajiro bajigū ejarūcūmi”, yigotiyujarā ĩna, Diore gotirētobosarimasa. To bajiro ĩna yimasirere, “Ríojo ucamasīűuma ĩna” mūa yitūoĩajama, “Juan ĩ ejarotire gotirā yimasiűuma”, yimasiaja mūa. ¹⁵ Mūa ajimasirūajama, quēnaro yūre ajitirūnūā mūa —ĩre ajisūyarāre yicami Jesús.

¹⁶⁻¹⁷ Quēna ado bajiro ĩre ajisūyarāre goticami Jesús:

—Ado bajiro yirāre bajiro yirā űarāja mūa, adirodoriana: Daquerā, gājerā rāca ajerūamenare bajiro yirā űarāja. ĩna ajeritūcurojū rujicōari, gājerājūare, ado bajiro ĩnare gotirujirāma: “ ‘Basavariquēnato mani’ yirā, mūare jutibosaboabū yūa. To bajiro yūa yiboajaquēne, basabejū mūa. To bajiri, ‘Rĩjariarāre bucūrā ĩna oticatore bajiro sutiriose boca otirūarāja mūa, yūa basañarone’ yiboabū yūa. To yūa yiboajaquēne, otibejū mūa”,

ĩnare yigotirãma, ĩna rãca ajerũamenare. ¹⁸ ĩna rãca ajerũamenare bajiro yirã ñarãja mũa, adirodoria. Juan, quẽnase bare babeti, quẽnase idire idibeti bajiñañuju ĩ. To bajiro bajigu ĩ ñajare, “Vãti sãñagũ ñagũmi”, ĩre yitũoĩacaju mũa, ĩre ajiterã ñari. ¹⁹ ĩ bero gotimasiosũocaju yũ, Dios ĩ roticõacacu. Yũjũama, quẽnase bare ba, quẽnase idire idi bajiñaaja yũ. To bajiro yigu yũ ñajare, “Jairo bagu ñaami. Idimecugũ ñaami. Ujũre gãjoa sãnibosarimasa, gãjerã rojose yirãre quẽne ĩnare baba cutiami”, yũre yĩajũnisiniaja mũa, yũre quẽne ajiterã ñari. To bajiro Juanre quẽne, yũre quẽne mũa yise ti ñaboajaquẽne, Dios ĩ masise rãca yũ yise ti ñajare, beroju, “Quẽnaro yirã yiboayuma” yũare yimasirũarãja mũa —yicami Jesús, ĩre ajisũyarãre.

Ĩre ajitirũnũbeti macariana ĩna bajisere to yicõari, ĩna bajiro tire tũoĩacõari, Jesús ĩ gotire queti

(Lc 10.13-15)

²⁰ Tijũ bero, ĩaĩañamani ĩ yĩobocana ya macarire tũoĩacõari, Dios ĩ bojabetire ĩna yisere tũoĩasũtiriticõari, ĩna yitũjabetijare, rojose ĩna tãmũorotire yigu, ado bajiro goticami Jesús:

²¹ —Coraz'in macana, to bajicõari, Betsaida macana quẽne, bũto rojose tãmũorũarãma. Ti macarianare ĩaĩañamani yũ yĩocatore bajiro, Tiro vãme cũi macanare, Sidón vãme cũi macanare quẽne ĩaĩañamani yũ ĩojama, tirũmũju rojose ĩna yisere tũoĩasũtiriticõari, yitũjacoaboriarãma ĩnama. “Rojose yũ yisere yirũabeaja” yisũtiritirã ñari, sũtiritirã ĩna sãñasejũ sudi vasoacõari, to yicõari, ĩna rũjoariju õja majeoboriarãma. ²² Riojo mũare gotiaja yũ. Sidón macana, to bajicõari, Tiro macana ñamasiriarã rẽtobũsaro rojose tãmũorũarãma ĩna, Dios, masare ĩ beserirũmũ ti ejaro. ²³ Capernaum macanajũ, “Quẽnarã ñari, õ vecaju Dios ĩ ñaroju ñarona ñaja mani”, yitũoĩaboarãma ĩna. To bajiro ĩna yitũoĩaboajaquẽne, Dios tũju ñabetirũarãma. Rojose tãmũotũjabetiriaroju ñaja ĩna cõaecorotoma. Toanare ĩaĩañamani yũ yĩocatore bajiro, Sodoma macanare quẽne yũ yĩojama, rojose ĩna yisere yitũjaboriarãma ĩnama. To bajiri adirũmũre quẽne ñacõaboriaroja ti maca maji. ²⁴ Riojo mũare gotiaja yũ. Ti macana yũre ĩna ajirũabeti vaja, Diojũama, rojose ĩnare yirũcũmi masare ĩ beserirũmũ ti ejaro. Sodoma macana ñamasiriarã rẽtobũsaro rojose tãmũorũarãma ĩna —yitũoĩa goticami Jesús.

“Quẽnaja” Diore Jesús ĩ yivariquẽnare queti

(Lc 10.21-22)

²⁵⁻²⁶ ĩre ajitirũnũrãre, “Mũ sũorine ajitirũnũama” yigu, “Quẽnaja” Diore yivariquẽnagũ, ado bajiro yicami Jesús:

—Cacu, õ vecagu uju ñaja mũa. Adi macarũcũrore quẽne, ñajediro uju ñaja mũa. “Jẽre masiaja yũ” yitũoĩaboarãre, “Yũ ocare ajimasibeticõato ĩna” yigu, ĩnare masirioaja mũa. To yicõari, “Masimena ñaja yũ” yirãjũare, “Ajimasiato” yigu, ĩna ajimasiro tire yirẽmorũgũaja mũa. To bajiro mũa yijama, mũa bojarore bajiro yigu yaja mũa —Diore yicami Jesús.

²⁷ To yicõari, ĩre ajisũyarãjũare ado bajiro goticami Jesús:

—Yũ jacũ ĩ ejarẽmose sũorine jediro yimasijeogu ñaja yũ. “Tire yimasiato” yigu, adi macarũcũrojũre yũre cõacami yũ jacũ. To bajiro yicacu ñari, yũ yisere masijeocõami yũ jacũ. Yũ quẽne, ĩ yisere masijeocõaja. “Ĩre masiato” yigu, yũ beserã rĩne yũ jacũre masiama —ĩnare yicami Jesús.

²⁸⁻²⁹ Quẽna ado bajiro yicami Jesús:

—Cojo vãme me ĩna rotise ti ñajare, jairo gajacõari, ñarãre bajiro bajiaja mũa. “Tire cũijeomasimenaja mani” yisũtiritirã ñari, yũjũare ajirã vayã mũa. Yũre ajitirũnũcõari, rũcũse gajacõari, ñamenare bajiro variquẽnarã ñarũarãja mũa. Masare maitũoĩagũ ñaja yũ. “Ñamasugũ ñari, ĩnare ajirũcũbũobeaja yũ” yigu me ñaja yũ. No bojarãre yũre ajitirũnũrãre ejarẽmogũ ñaja. ³⁰ Mũare yũ rotise josari me ñaja. To bajiri yũ rotisere mũa cũijama, variquẽnarũarãja mũa —yicami Jesús.

12

Ususājariarūmū ñaboajaquēne, Jesús buerimasa trigo ajere tūnejuacōari ña bare queti
(Mr 2.23-28; Lc 6.1-5)

¹ Ususājariarūmū ti ejaro, trigo ña oteriavese cūtove vacajū, Jesúrāca. To bajivanane ñiorijacajū yua. To bajirā ñari, trigo ricare tūnejuacōari, yua āmorine ti gasere sīguēreacōari, bacajū yua. ² Tire yua basere ñacōari, fariseo masa ado bajiro Jesúre ñe yicama ña:

—¡Ía ña mū! Mū buerimasa, ususājariarūmū yire mere yama ña —Jesúre ñe yicama.

³ To bajiro ña yisere ajicōari, ado bajiro ñnare cūdicami Jesús:

—¿David ñamasir'i ī babarā rāca ñiorijacōari, ñnare ī ūmato bamasirere masibeati mūa?

⁴ Ñiorijarā ñari, “Mani rāca ñagūmi Dios” masa ña yirivijure sājacōari, Diore ñe rācūborā gājerā pan ña cūboarerene juacōari, ī babarā rāca bamasiñuju ī. To bajiri Moisés ñamasir'i ī gotimasirema, “Paia rīne baruarāma” ī yimasiboarerene bamasiñujarā ña. To bajiro ña yiboajaquēne, ti vaja rojose ñnare yibetimasīñumi Dios. ⁵ ¿“Ususājariarūmū ti ñaboajaquēne, Diore yirūcūboriavijū paia ña moatūjabetiboajaquēne, rojose yirā me yirāma ña”, Moisés ñamasir'i ī yucamasirere masiritiatique mūa? ⁶ Riojo mūare gotiaja yū. Moisére ī roticūmasire, Diore yirūcūboriaviaye ñase rētoḅusaro ñnasese ñaja mame yū rotise. ⁷ Dios oca masa ña ucamasire ajimasibetibūsaja mūa. Ado bajiro gotiaja ti: “Vaibūcūrā ecariarāre sīacōari, yūre ña soemūosere bojabetibūsaja yū. Masa gājerāre quēnaro ña ñamaisejūare bojamasucōaja yū”. To bajiro yigotiaja Dios oca masa ña ucamasire. Tire, “Ado bajiro yirūaro yaja” yiajimasirā masu mūa ñajama, Dios ī bojabeti rojose ña yibetiboajaquēne, “Rojose yama” yū buerimasare ñnare yīābetiboriarāja mūa. ⁸ Yū, Dios ī roticōacacū, “Ususājariarūmūre ado bajiro mūa yijama, quēnaja. To bajirojūa mūa yijama, quēnabeaja”, yirotigū ñaja yū —ñnare yicūdicami Jesús, fariseo masare.

Āmo ñujobecūre Jesús ī ñujorotire queti
(Mr 3.1-6; Lc 6.6-11)

⁹ To yi vacūne, Dios ocare ña buerivijū yūare ūmato sājacami Jesús. ¹⁰ Ti vijū ñacami sīgū, cojojacatūa āmo ñujobecū. Fariseo masa quēne ñacama. “Jesús, rojose yimi” ūjarāre yi ocasārūarā, ado bajiro Jesúre sēniātocama ña:

—Dios, Moisére ī roticūmasirere mū tūoīajama, “Adirūmū ususājariarūmūre rijaye cūtirāre mani catiojama, quēnacōaroja”, ¿yitūoīati mū? —Jesúre ñe yisēniātocama ña.

¹¹ To ña yisere ajicōari, ado bajiro yicami:

—Oveja mūa ecar'i, gojejū ī quediocasājama, “Ususājariarūmū ñaja” yirā, ¿āmirā vamenada mūa? ¹² ¿Masu rētoḅusaro maiñogū ñatique, ovejajūa? To bajiri, ¿ususājariarūmū quēne, no bojagū masure quēnaro mani yijama, quēnabetojarique? —ñnare yicūdicami Jesús.

¹³ To yicōari, āmo ñujobecūjūare:

—Mū āmore ñujoya —ñe yicami.

To ī yirone, ī āmore ī ñujorone, quēnaejacoacajū yuja, gaje āmore bajirone. ¹⁴ To ī yisere ñacōari, budicoacama fariseo masa. Budiācōari, “¿No bajiro yicōari, Jesúre sīarotirāti mani?” gāmerā yīñagōñujarā ña.

Diore gotirētoḅosarimasa Jesús ī bajirotire yirā, ña ucamasire queti

¹⁵ To bajiro ñe ña tūoīa ñagōjaisere masicōari, gajerojū vacami Jesús quēna. Jesús ī vato ñacōari, ñe sūyacajū yua, jājarā masa. Tojū ñajediro masa rijaye cūtirāre catiocami. ¹⁶ To yicōari, ñnare ī catiosere gotirotibeticami ī. ¹⁷ To bajiro ī yijama, “Isa'ias ñamasir'i Diore gotirētoḅosarimasū, “To bajiro bajirūaroja” ī yucamasiriarore bajiro bajiato” yigū, yicami, ado bajiro yise ti ñajare:

- 18 “Āni ñaami, yure moabosarimasu yu besecacu, yu ñavariquēnagū. Esp'iritu Santore ñre cōarucuja yu, Ī ejarēmose rāca yu bojasere yimasiato ĩ yigu. To bajiri, ‘Ado bajiro riojo yiroti ñaja’ yigotibatorucumi, masa ñajedirore.
- 19 Masa rāca oca josabecu ñarucumi ĩ. To yicōari, masa ñna ñaro rñjorojua rügōcōari, ‘Yure ajiya mua. Masigū ñaja yu’ yivasā gotibecu ñarucumi.
- 20 Yure quēnaro ajitirūnmenare, yu bojarore bajiro yimasibeticōari, tūōiasutiritirāre quēne mairucumi. Īnare ñamaicōari, ‘Quēnaro yure ajitirūnato ñna’ yigu, ñnare ejarēmorucumi.
- 21 Jud'io masa me ñarā rojose ñna yise vaja rojose ñna tāmūoborotire, ‘Manire yirētosarucumi. To bajiri rojose tāmūobetiruarāja’ yivariquēna yuñaruarāma”, yuicamasiñumi Isa'ias, Diore gotirētosarimasu.

*“Vātia uju ĩ masise rāca yigu yami Jesús” ñna yire queti
(Mr 3.20-30; Lc 11.14-23; 12.10)*

22 Sīgū ñacami vāti sāñagū. “Īabeticōato; ñagōbeticōato” yigu, ĩ usujure sājacōari, ñañumi. To bajiri Jesús taju ĩre āmiejacama masa. To ñna yirone, ĩ usujure sāñagūre vātire burocacami Jesús. To bajiri vātire ĩ burocajare, ñamasi, ñagōmasi, bajicoacami yuja. 23 Tire ñacōari, no yimasibeticama masa jediro:

—¿Uju David ñamasir'i jānami “Rotimūorūgōrucumi” yigu, Dios ĩ cōar'i mani tūōia yuñarūgūgū ñatique ĩ? —yicama.

24 To bajiro ñna yisere ajicōari, ado bajiro ñnare yicama fariseo masajua:

—Vātiare ĩ bureajama, vātia uju Beelzebú vāme cutigu ĩ masise rāca vātiare bureagu yami —yicama ñna.

25 To bajiro ñna tūōiasere ñamasicōari, ado bajiro ñnare gotimasiocami Jesús:

—Cojo sitana rotirimasa ñna gāmerā quēajama, ñna masune gāmerā sīayayirā yirāma. To bajirone bajiroja cojo macanare quēne, cojo vi ñarāre quēne. 26 To bajirone bajiroja vātiare quēne. Vātia ñna gāmerā bureajama, “Masare rojose yitujato mani” yirā yiborāma. To bajiro ti bajijare, “Beelzebú vāme cutigu ĩ masise rāca masa usuriju sāñarāre vātiare bureaami” yure mua yiboase, riojo yirā me yaja mua. 27 To bajiro yure mua yitūōiaboajama, mua buerā quēne masa usuriju sāñarāre vātiare ñna bureasere, “Vāti ĩ masise rāca burearāma ñna quēne” yirāre bajiro yaja mua. To bajiro mua yijama, “Tūōiamavisiaja mua”, mūare yiruarāma ñna, mua buerā. 28 Ado bajirojua tūōiarona ñaboaja mua: “Vātia uju ĩ masise rāca me yami. Esp'iritu Santo ĩ masise rācajua vātiare bureaami”, yure yitūōiarona ñaja mua. To yicōari, “‘Rotimūorūgōrucumi’ yigu, Dios ĩ cōar'i ñaami”, yure yitūōiamasiroti ñaja mūare.

29 “To bajiro yimasiroti ñaboaja” yigu ñari, “Quēnabusaro yimasiato” yigu, quēna gajeye gotimasiore queti mūare gotiaja yu: Sīgū, gāji guamu ya vi sājacōari, ñre ĩ siabetijama, gajeyeūni ēmamasibecumi. Īre siacōari, ĩ gajeyeūnire ēmamasigūmi yuja. To bajirone bajiaja yure quēne. Vātia uju ĩ rotiboasere ñre yirotibeticōari, masa usuriju sāñarāre vātiare yu burease sūorine, vāti ĩ rotiajeboariarāre ñre ēmagū yaja, “Yu yarā ñato” yigu.

30 No bojarā yu gotiboasere ajitirūnmenama, yure ajitirūnboronare matarā yirāma. No bojarā, “Jesúre ajitirūnña” yure yigoticudibosamenama, “Īre ajibesa” yirāre bajiro bajirā ñarāma.

31 To bajiri, riojo mūare gotiaja yu. Masa jediro rojose ñna yijama, jediro rojose ñna ñagōjaquēne, sutiriticōari, Diore ñna sēnijama, rojose ñna yisere masiriorucumi. To bajiboarine, Esp'iritu Santojua rucubūomena rojose ñre ñna yitud'ijama, tirema masiribeticōari. 32 No bojarā, Dios ĩ roticōacacure rojose yure ñna ñagōro bero, sutiriticōari, Diore ñna sēnijama, rojose ñna yisere masiriorucumi. To bajiboarine, Esp'iritu Santo ĩ masise rāca moagūre, “Satanás ye rāca moami” ñna yitud'ijama, Esp'iritu Santojua

rojose yirã yirãma. Tirema gajerodo ti ñacoaboajaquêne, masiriobetirucami Dios — ñnare yicami Jesús.

“Ti rica cutise s̄orine yucáre ñamasaja mani”, Jesús ñ yigotimasiore queti
(Lc 6.43-45)

³³ Quêna ado bajiro goticami Jesús:

—Yucá quênase ti rica cutijama, “Quênaric̄u ñaja”, yaja mani. Yucá rojose ti rica cutijama, “Rojoric̄u ñaja”, yaja mani. Ricare ñac̄ari, “Quênaric̄uaye, rojoric̄uaye ñaja”, yĩñamasaja mani. To bajirone bajiaja mani yise quêne. “Quênagũ ñaami. Rojogũ ñaami” yimasiruarã, ñ yisere ñaĩarãja mani. ³⁴ Vãtia uju rojose ñ yirore bajirone rojose yijairã ñaja m̄u. Rojorã ñari, no yirã quênasere ñagõmenaja m̄u. M̄u us̄uriju rojose m̄u t̄uoĩasãñasere ñagõburũgũaja m̄u. ³⁵ Quênagũma, quênaro t̄uoĩagũ ñagũmi. To bajiri quênase ñagõgũmi. Rojogũjuma, rojose t̄uoĩagũ ñagũmi. To bajiri rojose ñagõgũmi. ³⁶ Riojo m̄uare gotiaja yu. Ejaruaroja masa jedirore Dios ñ beserirũm̄u. Tirũm̄uare tocãrãca vãme, m̄u ñagõria vãmere, “Ado bajiro ti bajijare, to bajise ñagõcaju yu”, Diore yigotiruarãja m̄u. ³⁷ To bajirone bajiruroja. M̄u ñagõrere ñac̄ari, “Quênase bujarã, rojose tãm̄uorã, bajiruarãja”, yirotirucami Dios — ñnare yicami Jesús.

“Ñaĩañamani m̄u yĩosere bojaja yu”, ñna yire queti
(Mr 8.12; Lc 11.29-32)

³⁸ To ñ yiro bero, ado bajiro ñre yicama fariseo masa, Dios ñ rotimasire gotimasiorem̄u quêne:

—Gotimasiorem̄u, ñaĩañamani m̄u yĩosere bojaja yu — Jesúre ñre yicama ñna.

³⁹ To ñna yirone, ado bajiro ñnare cudicami Jesús:

—M̄u adirodoria, rojose yirã jãjarã ñaja m̄u. Yure ajiterã ñari, ñaĩañamani m̄uare yu yĩosere bojaboaja m̄u. To bajiro m̄u bojaboajaquêne, to bajise m̄uare yĩobetiruc̄aja yu. To bajiboarine Jonás ñamasir'i Diore gotir̄etobosarimas̄u ñ bajimasirere bajiro bajĩoroti ñaroja. ⁴⁰ N'inive vãme cuti macana ñamasiriarã, ñna t̄uju Jonás ñ ejaroto r̄ijoro idiarũm̄u, idia ñami vai jaigũ gũdajojũ ñ ñamasirere ñnare ñ gotisere ajic̄ari, “Diore gotir̄etobosagũ ñaami”, ñre yit̄uoĩañujarã ñna, N'inive macana. To bajiro bajiruc̄aja yu quêne, Dios ñ rotic̄acac̄u quêne. Idia ñami, idiarũm̄u sita eñerocajũ yu ñarere ajic̄ari, “Dios ñ c̄ar'ine ñañumi”, yimasiruarãma ñna, masa. ⁴¹ N'inive macana ñamasiriarã, Jonás ñamasir'i Dios oca ñ gotisere ajic̄ari, rojose ñna yisere sutiritic̄ari, yit̄ujamasiñujarã ñna. Jonás r̄etoro ñamasugũ ñaja yu. To bajiro yu bajiboajaquêne, m̄uajuma, rojose m̄u yisere yit̄ujabeaja m̄u. To bajiro yirã m̄u ñajare, masare Dios ñ beserirũm̄u ti ejaro, ado bajiro bajiruroja: N'inive maca ñamasiriarã, tudicatic̄arãma ñna. Tudicatic̄ari, “M̄u ye s̄orine rojose tãm̄uoruarãja”, m̄uare yĩaruarãma. ⁴² Sabá sitana ujo ñamasirio, “Uju Salomón quênaro masigũ ñañuju” yire quetire ajic̄ari, s̄õju vadic̄ari, ñre ajigo ejamasiñuju so. Salomón r̄etoro ñamasugũ ñaja yu. To yu bajiboajaquêne, m̄uajuma, yure ajitirũnubeaja m̄u. To bajiri, masare Dios ñ beserirũm̄u ti ejaro, ado bajiro bajiruroja m̄uare: Salomón t̄u ejamasirio, tudicatic̄ari, “M̄u ye s̄orine rojose tãm̄uoruarãja”, m̄uare yiruc̄ocomo so, yu gotisere ajirã ñaboarine, rojose m̄u yit̄ujabetijare — fariseo masare ñnare yicami Jesús.

Vãti, mas̄u us̄ujure sãñar'i, budic̄ari, ñ tudisãjare queti
(Lc 11.24-26)

⁴³ Quêna ado bajiro yicami Jesús:

—Vãti, mas̄u us̄ujure budic̄ari, oco manoriju vacudigũmi. Tujariajau bujabec̄u ñari, ado bajiro t̄uoĩagũmi: ⁴⁴ “Yu budiriarojune vacoaroc̄u ñagũja yu”, yit̄uoĩagũmi. Mas̄u us̄ujure ñ budigoriarore tudiejagũ ñ ñajama, gõjanabiose mano, quênarivire bajiro mas̄u us̄ujure ñaejagũmi. ⁴⁵ To bajiro ñ us̄ujure ñaejac̄ari, cojomo cõro juã j̄enituarirãc̄u vãtia ñ r̄etoro rojose yirãre ñmato ejagũmi. To yic̄ari, ñna ñaro cõrone mas̄u us̄ujure sãjarãma ñna. To bajiri, r̄etorobusa rojose yigũ ñagũmi mas̄u yuja. To bajirone bajiruroja m̄uare

adirodoriana rojose yirãre quẽne. Vãtiare yu bureacõaboajaquẽne, yare ajitirãnumena ñari, bũtobusa rojose yirã ñaja mua —ĩnare yicami Jesús.

*“Yu yarãma ado bajiro bajirãjua ñaama”, Jesús ï yire queti
(Mr 3.31-35; Lc 8.19-21)*

⁴⁶⁻⁴⁷ Jesús, masare ï gotimasio ñarone, sīgũ, ado bajiro Jesúre ïre yicami ï:

—Mu jaco, mu bederã rãca macajũju ejama, mu rãca ñagõruarã —Jesúre ïre yicami.

⁴⁸ To bajiro ï yiboajaquẽne, ado bajiro ïre yicadicami Jesús:

—¿Ñimo ñati yu jacoma? ¿Ñimarã ñati yu bederãma? —ïre yicami Jesús. ⁴⁹ To yigũne, yuajuare, ï buerimasare ïacõari,

—Mua ñaja yu bederãma, yu jacore bajiro bajirãma. ⁵⁰ No bojarã yu jacu õ vecagu ï rotirore bajiro yirã, ïna ñarãma yu bederãre bajiro bajirãma, yu jacore bajiro bajirãma —yuare yicami Jesús.

13

*Oterimasu ï bajirere Jesús ï gotimasiore queti
(Mr 4.1-9; Lc 8.4-8)*

¹ Tirũmune, vi ñar'i, budiacõari, utabucura tuju yua rãca ejarũju ejacami Jesús. To bajicõari, masare gotimasiocami. ² Masa jãjarãbusa ïna rẽjaquearo ïacõari, cũmuaju vasãjacõari, rujicami Jesús. Masajuma, utabucura tu rügõcõacama ïna. ³ To bajicõari, cojo queti me tuoĩacõari, “Ado bajiro bajisere bajiro bajiaja” ïnare yigotigu ñari, ado bajise goticami:

—Sīgũ oterimasu, veseju ote ajere otegu vacumi. ⁴ Vese ejacõari, ote ajere ï reabaterone, gajeye maaju vẽjaquearoja. To bajiri minia ejacõari, tire bareacõarãma ïna. ⁵⁻⁶ Gajeyema, gũta joeju reajeoroja. Tijũ, mojoroaca sita ti ñajare, guaro ti judidaboajaquẽne muiju, asisõcõagũmi. To bajicõari, oco manijare, sñireacoatoja ti. ⁷ Gajeyema, jotayucã vatoaju vẽjaquearoja. To bajicõari, ti judiboajaquẽne, jotajua bucaveocoatoja ti. ⁸ Gajeyema, sita quẽnaroju vẽjaquearoja. To baji, judibucucacõari, quẽnase ñacõari, jairo rica cutiroja. Cojotõ, cien ñaricari rica cutiejoroja. Gajetõ sesenta ñaricari, gajetõ treinta ñaricari rica cutiroja. ⁹ Tire mua ajimasirujama, quẽnaro tuoĩaña mua —yicami Jesús.

*“Ado bajiro yigu, gotimasiore queti gotirũgũaja yu”, Jesús ï yire queti
(Mr 4.10-12; Lc 8.9-10)*

¹⁰ To ï yiro bero, ado bajiro Jesúre sēniĩacaju yua, ï buerã:

—¿No yigu gotimasiore queti tuoĩacõari, ïnare gotirũgũati mu? —ïre yisēniĩacaju yua.

¹¹ To yua yirone, ado bajiro yuare cudicami:

—“Ëju Dios yarã quẽnaro ï yirona yua ñarujama, ado bajiro yiroti ñaja” ïna yimasibeticatire, yucurema Dios ï masise rãca ajimasijama mua. To bajiboarine, gãjerãjuma, Dios ï bojabetijare tire ajimasibeama. ¹² No bojagu Diore ajitirũnugãre, “Quẽnarobusa ajimasiatu” yigu, ï masisere cõarucumi Dios. Gãjirema, ïre ajigu ñaboarine, ïre ï ajitirũnubetijare, ï ajimasiboasere masiriojeocõarucumi ï. To bajiri ïre masibetimasucõarucumi ï. ¹³ Masa ado bajiro bajirã ïna ñajare, gotimasiore queti ïnare gotirũgũaja yu: Yu yĩosere ïarã ñaboarine, yu gotisere ajirã ñaboarine, ajimasicõari, “To bajiro manire yigotigu yatique”, yimasimenama. ¹⁴ Diore gotirẽtobosarimasu Isa'ias ñamasir'i mua bajirotire yigu, Dios ï ñagõmasirere ado bajiro yuucamasiñumi:

“Yuare ajirã ñaboarine, ajimasibeticõa ñaruarãma. Yu yĩosere ïarã ñaboarine, “To bajiro bajisere yigu yatique ï”, yĩamasibeticõa ñaruarãma.

¹⁵ Ado bajiro bajirã ñari, yu yere ajimasimena ñarãma ïna: Gãmo gojeri tusubeti, to yicõari, caje ïamenare bajiro bajirãma. To bajiro yu yijama, “Yu yere tuoĩarumena ñaama” yigu yaja yu. To bajirã ñari, tire quẽnaro ajimasibeama. Yu yere ïna tuoĩarujama, tire ajimasicõari, yu bojarore bajiro tuoĩavasoacõari, yare sēnirũcubũborãma ïna.

Yure ña sēnijama, yure ña cāmōtadicōa tujaborotire ñare yirētobosaboguja yu', yigotiami Dios", yuicamasiñumi Isa'ias ñamasir'i.

¹⁶ Variquēnaña mūama. Yu yīosere tūōīacōari, yu bojarore bajiro tūōīavasoariarā ñari, tire yu gotimasiosere ajimasiaja mūama. ¹⁷ Riojo mūare gotiaja yu. Tirāmju jājarā Diore gotirētobosamasiriarā yuca mūare yu yīosere ñarūamasiboayuma. Yu gotimasiosere mūa ajisere ajirūamasiboayuma. To bajiri mūama, jairo yu yīosere masirā ñari, to yicōari, yu gotimasiosere ajirā ñari, variquēnaña mūa —yuare yicami Jesús, i buerāre.

Ado bajise tūōīacōari, “Oterimasu i bajire quetire gotibu yu”, Jesús i yire queti
(Mr 4.13-20; Lc 8.11-15)

¹⁸ Quēna ado bajiro goticami Jesús:

—Ado bajise tūōīacōari, oterimasu i bajire quetire gotibu yu: Quēnaro ajiya mūa. ¹⁹ Ote aje, maaju vējaquearere, minia ña barere yu yijama, “Uju Dios yarā quēnaro i yirona ña ñarūajama, ado bajiro yiroti ñaja” yu yigotimasiosere ña ajiboasere, vātia uju ejacōari, guaro i masirosere yigu yibu yu —yuare yicami.

²⁰⁻²¹—Gūta joeju vējaqueacōari, guaro judibucūaboarere, muiju i asisiorere yu yijama, yu yere ajicōari, quēnaro variquēnase rāca ajirā ñaboarine, yoaro mene tire ña quejerotire, to yicōari, yu gotisere ajirā ña ñajare, gājerā rojose ñare ña yijama, yoaro mene yu ocare ña ajitujarotire yigu yibu. ²² Jotayucū vatoaju vējaqueacōari, judiboarere jotajua ti bucūaveorere yu yijama, yu gotisere ajirā ñaboarine, adi macarucuro ti bajisejūare tūōīarejairā ñari, to yicōari, gajeyeūni bojatūōīarā ñari, yu yejūare tūōīatujacōari, yu bojarore bajiro yimenare yigu yibu yu. ²³ Sita quēnaroju vējaqueare judibucūacōari, quēnase rica cutirere cojotō cien ñaricari, gajetō sesenta ñaricari, gajetō treinta ñaricari rica cutirere yu yijama, yu gotimasiosere ajimasicōari, Dios i bojarore bajiro quēnaro yirā yu ocare ña gotimasiose sūori, gājerā masa quēne yure ña ajitirūnarotire yigu yibu —yuare yicami Jesús.

Trigo vatoaju vidi judire queti

²⁴ “Masare Dios i beserirūmu ti ejaro ado bajiro bajirūaroja” yigu, gaje queti gotimasiosocami Jesús:

—Sīgū i ya veseju trigo ajere otegūmi. ²⁵ I otero bero, ñe moabosarimasa ña cānitoye, i ya vese ejacōari, vidi oterudigūmi, ñe ñategū ñari. To yigajano, vacoacūmi i. ²⁶ To bajiri trigo ti judibucūato, vidi quēne ruyuarōja. ²⁷ To bajisere ñacōari, ña ujure gotirā vanama ña. I tu ejacōari, ado bajiro yirāma: “Yua uju, ¿no yiro trigo rīne mu otecati ñaboarine, vidi quēne judiri?”, yirāma, ña ujure. ²⁸ To ña yijare, “Sīgū yure ñategū oterimi”, ñare yigūmi i. To i yirone, “¿Ado cōrone yua vūerearā vatire bojati mu?”, ñe yisēñiarāma ña. ²⁹ To ña yisere ajicōari, ado bajiro ñare yigūmi ña uju: “i vūebesaja maji! Mūa vūejama, ote rācane vūecōarāja mūa. ³⁰ Trigo rāca bucūacoajaro maji. Ti rica cuti bucūaro ñacōari, tire jua bajirāne vūereacōari, soereacōaruarāja mūa. Trigore juacōari, tire cūriaviju cūcōaruarāja mūa”, ñare yirotigūmi oterimasu —yigotimasiosocami Jesús.

“Mostaza vāme cuti rica, ajeare bajiro bajaia”, Jesús i yire queti
(Mr 4.30-32; Lc 13.18-19)

³¹ Quēna ado bajiro gotimasiosocami Jesús:

—“Rotimūorūgōrucūja mu” yigu, Dios i cōagū, yu gotimasiosere no bojarā ña ajitirūñajama, mūare yu gotisere mojoroaca ajimasiboarine, rojose ña ñare cutisere tūōīavasoacōari, tocārācarūmūri quēnaro ñamūjarūgūcōari, quēnaro ajimasimūjarūgūjama, ado bajiro bajirūaroja: Sīgū i ya vesejūare mostaza ajea otegūmi. ³² Gajeye ote aje rētoro rūjaricaca ñarōja ti mostaza ajeaca. To bajiri i oterica mojoricaca ñaboarine, ti

judibucacoajama, ote yucári rēto busaricu jairicu ñaroja tiu. Jairicu ti ñajare, tiu ru jariju minia ña ria cutirotijurire quēnorāma ña —yigotimasiocami Jesús. ^e

“Pan vauvasere bajiro bajiaja”, Jesús ñ yire queti

(Lc 13.20-21)

³³ Quēna ado bajiro gotimasiocami Jesús: “ ‘Rotimorūgōrucija mu’ yigu, Dios ñ cōagū, yu gotimasiocami no bojarā ña ajitirūñajama, mure yu gotisere mojoroaca ajimasi-boarine, rojose ña ñare cutisere tuoñavasoacōari, tocārācarūmari quēnaro ñamajarūgūcōari, quēnaro ajimasimajarūgūjama, ado bajiro bajiruroja” yigu, gaje gotimasiore queti goticami:

—Rōmio, pan quēnogoago, trigo vetare idiaji vasācōari, pan ūmato vauvasere vūogomo so. To so yijare, jairo vauvaroja ti. Tire bajirone bajiruroja, Diore rotibosagure yure ajitirūñarā jājarābusa mura bujaroti —ñare yigotimasiocami Jesús.

“Ado bajiro Diore gotirēto busarimasu ñ yuicamasire ñajare, gotimasiore queti gotirūgūaja yu”, Jesús ñ yire queti

(Mr 4.33-34)

³⁴ Gotimasiore queti rāca rñe ñare gotimasiocami Jesús. ³⁵ Diore gotirēto busarimasu, “Ado bajiro bajiruroja” ñ yimasire ti ñajare, to bajise gotimasiocami. Ado bajiro ucamasiñumi Diore gotirēto busarimasu:

“Masare ñare gotigu, gotimasiore queti tuoñacōari, ñare gotimasiocami. To bajiro yigu, adi macarucuro ti ruyuaroto rñjorojune masiñamanicoadirere gotimasiocami”, yuicamasiñumi Diore gotirēto busarimasu Jesúsre tuoña yugu.

Trigo vatoaju vidi judirema, “Ado bajiro yiruro yaja”, Jesús ñ yigotimasiore queti

³⁶ To bajiro yigotigajanocōari, “Viju vacu yaja yu”, yisājacoacami. To ñ yu vatone, ñre suyasājacaju yu quēne. Sājaejacōari, ado bajiro ñre sēniñacaju yu, ñ buerimasa:

—Vidi judire quetire, “Ado bajiro yigu, to bajise yibu yu”, yure yigotiya —Jesúsre ñre yicaju yu.

³⁷ To bajiro yu yijare, ado bajiro yure goticami Jesús:

—Trigo oterimasure yigu, yu masune yigu yibu yu, Dios ñ roticōacacure yu yijama. ³⁸ ñ ya vesere yu yijama, adi macarucuro mani ñarore yigu yibu yu. Trigore yu yijama, yu yarāre quēnaro Dios ñ yirāre yigu yibu. Vidire yu yijama, vātia űju, Satanás ñ bojarore bajiro yirāre yigu yibu. ³⁹ Vidi oterudirimasure yu yijama, vātia űju Satanāre yigu yibu. Trigo ti bucatoju ña juarere yu yijama, adi macarucuro ti jedirotire yigu yibu. Trigo ti bucuro, juarimasare yu yijama, ángel mesare yigu yibu, yicami Jesús. ⁴⁰ Vidi juacōari, ña soerearore bajiro bajiruroja adi macarucuro ti jediroju. ⁴¹ To cōrone, Dios ñ roticōacacu, Diore rotibosagu, ángel mesare cōarucija yu. “Yu yarā vatoaju ñacōari, rojose yirāre, to yicōari, rojose ñare ūmato yirāre quēne juaáya” yigu, ñare cōarucija. ⁴² ñare juacōari, jeame yatibetimeju reacōararāma ña. Toju ñacōari, buto rojose tāmōrā ñari, guji pōguē, oti, yirarāma ña. ⁴³ Ángel mesa, ñare ña reagjanoro bero, ado bajiro bajirurāja mura: Mani jacu, “Quēnase yirā ñaama” ñ yirā ñari, muiju ñ busure bajiro busururāja. Tire mura ajimasirurajama, quēnaro tuoña —yure yicami Jesús.

Buto vaja cutisere ñ bujare queti

⁴⁴ Quēna ado bajiro yure goticami Jesús:

—Dios yarā quēnaro ñ yirā mura ñase buto quēnaja ti. To bajiro ti bajijare, sīgū buto vaja cutise bujagure bajiro bajirāma Dios yarā ñarurā. Sīgū yere buto vaja cutisere sita vatoaju ñ yayioboarere bujagumi gāji. Tire bujacōari, quēna tijune tudiyaiocūgūmi.

^e 13:32 Mostaza ajea ti bajire queti Jesús ñ gotirere, “Ado bajiro yiruro yaja”, yiyujarā Dios oca masa ña ucamasirere buerēto budirarā sīgūri: “Jesús ñ gotimasiocami ajitirūñarā ñ ñarirodo mojoroaca ñaboarine, jājarā ña bujarotire yigu yiyuju Jesús”, yiyujarā ña.

—Diore gotirētobosarimasu gajeroju Dios ocare i gotimasiocudijama, ire ajirucubhorama. To bajiboarine, i ya macanare, i ya vianare quene Dios ocare i gotimasiojama, ire ajirucubhomenama —inare yicami Jesus.

⁵⁸ To bajiri i ya macana, ire ina ajitirunubetijare, iaiañamanire jairo yiomasibeticami.

14

Juan vame cutigure, masare oco rāca bautizarimasure i rŕjoare ina jatarocare queti
(Mr 6.14-29; Lc 9.7-9)

¹ Cojoramu Galilea sitana uju, Herodes vame cutigu, iaiañamani Jesus i yiose quetire ajiyuju. ² To i yinasere ajicōari, ire moabosarimasare ado bajiro yiyuju:

—Juan vame cutigu, masare oco rāca bautizarimasune, ñagūmi quēna. Rijacoaboarine, tudicaticoarimi. To bajiri iaiañamani yioñagūmi i —yituoīaboayuju Herodes.

³⁻⁴ Juan i sīaekoroto rījoro ado bajiro bajire ti ñajare, to bajiro tuoīañuju Herodes: i bedi Felipe manajore Herod'ias vame cutigure emacōari, manajo cutiyuju Herodes.

To bajiro i yire ñajare, ado bajiro ire gotirūgūñuju Juan:

—Herod'iare mu manajo cutise quēnabeaja. Dios i rotimasirere ajibeaja mu —ire yirūgūboayuju Juan.

Tire ajirubesuju i manajo Herod'ias. To bajiri Juanre cōmemane siacōari, tubiberotiyuju Herodes. ⁵ To yicōari, ire sīarotirūaboayuju. “Diore gotirētobosarimasu ñaami Juan” masa ina yirucubhosere ajigu ñari, buto güiyuju. To bajiri ire sīarotimasibesuju.

⁶ Herodes i ruyuararumu ejayuju. To bajiri, masare jirēoñuju i, “Boserumu yito” yigu. To yicōari, ina rējaro bero, Herod'ias maco, ina ĩaro rījorojūare basaioñuju. So basasere ĩacōari, buto variquēnañuju Herodes. ⁷ To bajiri,

—Riojo mre gotiaja yu. Tuoīavasoabetirucuja. No bojase mu sēnijama, mre ĩsirucuja —sore yiyuju i Herodes. ⁸ To bajiro i yisere ajicōari, so jacojua, “Ado bajiro ire yicadiya” so yi ocasājare, ado bajiro Herodere cūdiyuju so:

—Yucacane Juan vame cutigu, masare oco rāca bautizarimasu rŕjoare, bare jeobariabaja joeju jeocōari, yure ĩsigū vayá —ire yiyuju so.

⁹ To bajiro so yisere ajicōari, sutiritiyuju Herodes. To bajiboarine, i jicōariarā ina ajiro rījorojua, “Riojo mre gotiaja yu. No bojase mu sēnijama, mre ĩsirucuja” i yicōare ti ñajare, so sēnirore bajirone yiyuju. ¹⁰ Tubiberiavijū ñagūre, “Juanre rŕjoa jataya”, ĩnare yiyuju.

¹¹ To bajiri, i rŕjoare bare jeobariabaja joeju jeocōari, Herod'ias macore ĩsiñujarā ina. To yicōari, sojua, jacore ĩsirētoñuju so yuja.

¹² Ti queti ajicōari, Herodes taju ejayujarā, Juan buerimasa. Ejacōari, i rujari ñaboarere amivacōari, yujeyujarā. To ina yiro bero, yua tu ejacama ina, Jesure gotirā.

Masa, cinco mil ñarāre Jesus i bare ecare queti
(Mr 6.30-44; Lc 9.10-17; Jn 6.1-14)

¹³ Juan oco rāca bautizarimasure ina sīare quetire ajicōari, jājarā masa yuare ina suyajare, ina rāca ñarubecu ñari, cūmuaju vasāja, yuare ũmato jēacoacami, masa ina manibusaroju yuare ũmato vacu. To bajiri ti macariana Jesus i vasere ajicōari, boeju jājarā variarāma, Jesus i ejarotijare vana. ¹⁴ To bajiri rocatu ejarāne, jājarā masa ñarāre ĩacaju yua, boeju vacōari ejararāre. ĩnare ĩamaicōari, rijaye cutirāre ina juaejarāre catiocami Jesus. ¹⁵ Rāioroto rījoro, i tu ejacōari, ado bajiro yicaju yua, i buerā:

—Jere rāioato yaja. Masa manojū ñaja. To bajiri ĩnare varotiya mu, “Masa cutoju bare vaja yibarā vajaro” yirā —ire yiboacaju yua.

¹⁶ To yua yisere ajicōari, ado bajirojua yuare yicami Jesus:

—No yirā vamenama. Mūane ĩnare bare ecaya —yuare yicami Jesus.

¹⁷ To i yijare, ado bajiro ire yicadicaju yua:

—Bare maja yuare quēne. Cojomo cōro pan, juarā vai cūoaja yua —ire yicaju yua.

¹⁸ To bajiro yua yisere ajicōari, ado bajiro yicami:

—Adojua tire juaya maji —yua yicami.

¹⁹ To bajiri,

—Masare tatūcuroju ĩnare rujirotiya —ĩ buerāre yua yicami Jesús.

To yicōari, cojomo cōro ñaricari pan, juarā vai ñarāre juacōari, õ vecajua ĩamucami. To yicōari, “Quēnaro yaja m̄”, Diore ĩre yicami. To yicōari, tire iguesurebatecōari, ĩ buerāre yua ĩsicami. To bajiri yua juā, rujiarēre ĩsibatocaju yua yuja. ²⁰ Sīgū ruyariaro mano quēnaro baucutijedicōacama ĩna. ĩna bagajanoro bero, ĩna baruasere, yua juarēojama, juāmo cōro, gūbo juā jēnituario ñarijiburi ruyacaju. ²¹ Tire bacana cinco mil am̄a ñacaju yua. Rōmiare, rīamasare quēne cōĩabeticaju yua.

Oco joene Jesús ĩ vare queti

(Mr 6.45-52; Jn 6.16-21)

²² Cūmuaju yua vasājaroticami Jesús. “Yure jēadiyuya. Maji masare tudirotigū yaja yū”, yicami. ²³ ĩnare tudirotigajano, buroju majacoasuju, toju Diore sēniru. Ti rāioato bero, toju ĩ sīgūne ñacōañuju ĩ maji. ²⁴ Yua juāma, utabucara jēana, sōju tira gūdareco tucacaju yua. To yua tucatone, bato mino vacaju. To bajica yiro, sabetucōacaju ti. To bajiri jēatĩmabeticaju. ²⁵ To yua bajīñarone, busurocaroarijan yua tujū oco joene vadiciami Jesús. ²⁶ Oco joeju ĩ vadire ĩarāne, ucacaju yua.

—¡Bajirocar'i vāti ñaami! —yivasācaju yua.

²⁷ To yua yiboajaquēne,

—Gūibesa. Variquēnaña m̄. Yure ñaja —yua yicami Jesús.

²⁸ To ĩ yisere ajicōari, yua rācagu Pedro ado bajiro ĩre yicadicami:

—Yū ujū, m̄ne m̄ ñajama, oco joene m̄ tujū yure varotiya —ĩre yicami Pedro.

²⁹ To ĩ yisere ajicōari,

—Vayá m̄ —ĩre yicami Jesús.

To ĩ yisere ajicōari, vāgā, oco joeju vacami Pedro, Jesús tū ejağuc̄. ³⁰ To bajiboarine, mino bato ti vasere ĩacōari, gūicami. To bajicōari, rujacōa sūocami yuja. To bajigūne,

—Yū ujū, rujac̄ yaja yū. Yure ejarēmogūaya —yivasācami.

³¹ To ĩ yirone, ĩ amore ñiacōari, ado bajiro ĩre yicami Jesús, Pedroro:

—¿No yigū, “ĩ ejarēmose rāca vamasiruc̄ja yū”, yure yitūoĩa tujacoajari m̄? —Pedroro ĩre yicami Jesús.

³² To yicōari, cūmuaju ĩna vasājarone, mino vatujacoacaju yuja. ³³ To yicōari, cūmuaju Jesús rījoroju gūsomuniari tuetucaju yua, ĩre rācubūoṛā:

—Socagū me ñaja m̄. Dios mac̄ne ñaja —Jesúre ĩre yicaju yua.

Genesaret sitanare rijaye c̄tirāre Jesús ĩ catioire queti

(Mr 6.53-56)

³⁴ To baji jēanane, Genesaret vāme cuti sitaju ejacaju yua. ³⁵ Ti macariana Jesús ĩ ejasere ĩamasicōari, masa jedirore gotibatoriarāma. To bajiri, masa rijaye c̄tirāre juaejacama Jesús tujū. ³⁶ To ĩna yirā, ado bajiro Jesúre yicama ĩna:

—M̄ ye sudi gaja yua moañarotiya. Ti rīne bojaja yua. To bajiro yua yijama, caticoararāja yua —ĩre yisēnicama.

To bajiri, ĩ sudi gajare moañarāma, caticoacama.

15

“Masa ĩna yisere ĩacōari, ‘Rojorā ñaama’ yire me ñaja. ĩna tūoĩasejūare masicōari, ‘To bajiro yirā ñaama’ yire ñaroja”, Jesús ĩ yigotimasiore queti

(Mr 7.1-23)

¹ Fariseo masa, to yicōari Dios ĩ rotimasire gotimasiormasa quēne ejacama, Jesús tujū. Jerusalénju vadiriārā ñacama. Jesús tū ejacōari, ado bajiro ĩre sēñiacama ĩna:

² —¿No yirã mani ñicua ña yimasiriarore bajiro yibeati m̄ buerimasa? Ña baroto r̄joro, ña ãmori coemasiriarore bajiro coebeama ña —ïre yicama ña.

³ To bajiro ña yijare, ado bajiro ñare c̄dicami Jesús:

—Mani ñicua ña rotimasirej̄are c̄dirã ñari, Dios ñ rotimasusej̄arema c̄dibeaja m̄a.

⁴ Ado bajiro gotiaja Dios ñ rotimasire: “M̄ jac̄re, m̄ jacore quẽnaro r̄c̄b̄uoya”. To yic̄ari, gaje v̄ame ado bajiro yaja: “No bojaḡu, ñ jac̄re, ñ jacore, ‘Rojose t̄m̄or̄arãja m̄a’ ñare ñ yijama, ñre s̄iaroti ñaja”, yigotiaja Dios ñ rotimasire. ⁵⁻⁶ M̄aj̄ama, ado bajiroj̄a rotiaja m̄a: “Ñ ye r̄aca ñ jac̄are ñ ejarẽmobetijama, quẽnac̄aja. ‘Ȳ gajeyẽni ȳ c̄ose Diore ȳ ñsiroti r̄ne ñaja. To bajiri m̄are ejarẽmomasibeaja ȳ’ yic̄ari, ñ jac̄are ñ ejarẽmobetijama, quẽnac̄aja”, yirotiaja m̄a. To bajiro m̄a yijama, mani ñicua ña rotimasirej̄are c̄dirã ñari, Dios ñ rotisej̄arema c̄dibeaja m̄a. To bajiro m̄a yijama, “Ñie vaja maja Dios oca”, yirã yaja m̄a. ⁷ “Quẽnaro yirã ñaja ȳa” yiboarine, rojorã ñaja m̄a. Diore gotirẽtobosarimas̄, Isa'ias ñamasir'i, m̄a bajirotire quẽnaro t̄oĩac̄ari, ado bajiro ucamasiñumi:

⁸ “Ña oca masune yirã, quẽnaro ȳre yir̄c̄b̄uoaama ña. To bajiro yirã ñaboarine, ȳ bojarore bajiro t̄oĩabeama.

⁹ Ȳ yere buec̄ari, ña masu ña t̄oĩasere gotimasioama. Tirene, ‘Dios ñ rotise ñaja’ yiboama. To bajiri, ȳre ña r̄c̄b̄uoboase vaja, ñie vaja bujamenama ña”, yuucamasiñumi Isa'ias, Diore gotirẽtobosaḡu —yigoticami Jesús.

¹⁰ To ñ yiro bero, masare jic̄ari, ado bajiro ñare yicami Jesús:

—Ȳre ajic̄ari, quẽnaro ajimasiña m̄a. ¹¹ Dios ñ ñajama, mani ñicua ña yimasiriarore bajiro ãmo coemenane mani base s̄ori me rojose yirãja mani. Rojose t̄oĩac̄ari, rojose mani ñaḡõsej̄a ñaja rojose mani yise. “Ti s̄orine rojose t̄m̄or̄arãja mani”, yimasirona ñaja m̄a —ñare yicami Jesús.

¹² To bajiro Jesús ñ yisere ajic̄ari, ado bajiro ñre yicaj̄u ȳa:

—¿Tire m̄a gotisere fariseo masa m̄are ña ajij̄ünisinisere masibeati m̄a? —ñre yicaj̄u ȳa, ñ buerimasa.

¹³ To bajiro ȳa yiro, ado bajiro ȳare yicami Jesús:

—Ñ ya vesej̄u ote ñ otere t̄u vidi ti judijama, ti ñe r̄acaj̄une v̄ereac̄ar̄c̄ami. To bajirone yir̄c̄ami ȳ jac̄ quẽne. “Ȳ yarã me ñaama” yiḡu ñari, ñare reac̄ar̄c̄ami Dios. ¹⁴ To bajiri fariseo masare t̄oĩaḡuibesa m̄a. Ña ñarãma ñamena ḡajerã ñamenare t̄ua vanare bajiro bajirã. S̄iḡu ñabec̄u, ḡaji ñabec̄ure ñ t̄avajama, gojeȳu reas̄c̄anama ña j̄arãj̄une. To bajiri rojose ña bajirotire masirã ñari, ñare t̄oĩaḡuibesa m̄a —ȳare yicami Jesús.

¹⁵ To ñ yirone, ado bajiro ñre yicami Pedro:

—M̄a gotimasiosere quẽnaro ȳare gotirẽtobuya —ñre yicami.

¹⁶ To ñ yisere ajic̄ari,

—¿Ajimasibeati m̄a quẽne? —yicami. ¹⁷⁻¹⁸ —M̄a basãse m̄a ḡudajoaj̄u vatoja ti. Tij̄u bero, r̄etobudiroja ti. To bajiri m̄are rojose yimasibeaja ti. To bajiboajaquẽne, m̄a ñaḡõjama, t̄oĩac̄ari, ñaḡõaja m̄a. To bajiri rojose m̄a t̄oĩajama, ti s̄orine rojose t̄m̄or̄arãja m̄a. ¿Tire quẽnaro ajimasibeatique m̄a? ¹⁹ Masa, rojose t̄oĩac̄ari, ado bajise rojose yirãma: Ḡajerãre s̄iarãma ña. Manajo c̄tirã, manaj̄u c̄tirã, manajo mana, manaj̄u mana quẽne, ḡajerã r̄aca ajeriarã c̄tirãma. Juarudirãma. Socarãma ña. Ḡajerã ajiro r̄joroj̄a, socarãne, “Ado bajise rojose yima”, yigotirãma. ²⁰ To bajise rojose yirãma masa, rojose t̄oĩac̄ari. Ti s̄orine rojose t̄m̄or̄arãma. Baroto r̄joro, ãmori mani ñicua ña coemasiriarore bajiro coebeti s̄ori me, rojose t̄m̄or̄arãma masa —ȳare yicami Jesús.

*Jud'io maso me Jesúre so ajitir̄n̄are queti
(Mr 7.24-30)*

²¹ Gotigajanocōari, yuare ũmato vacoacami Jesús, Tiro, to yicōari Sidón vāme cuti macari tujū vana. ²² Tojū yua ejaro bero, sīgō cananeo maso, Jesús tujūare avasā vadicamo so:

—Yū uju, David ñamasir'i jānami, “Rotimurūgōrūcūja mū” yigu, Dios ī cōar'i ñaja mū. Yuare ĩamaiña. Yū maco so usujū vāti sāñagō ñaamo. To bajiri buto rojose tāmūoamo — Jesúre yigoticamo so.

²³ To bajiro so yiboajaquēne, sore cudibeticami Jesús. To bajiri ado bajiro Jesúre yicaju yua, ĩ buerimasajūama:

—Sore varotiya mū. Gōjanabioro manire avasā sūyaamo —ĭre yiboacaju yua.

²⁴ To bajiro yua yirone, ado bajiro sore yicami Jesús:

—Yū yarā jud'io masa, oveja mavisiarāre bajiro bajirāma. ĩnare yuare ejarēmoticōacami Dios —sore yicami Jesús.

²⁵ To bajiro ĩ yisere ajicōari, ĩ rījorojūa gūsomuniari tuetuejacamo so, ĭre rūcūbūogo. To yicōari, ado bajise ĭre yicamo:

—Yū uju, yuare ejarēmoña —ĭre yicamo so.

²⁶ To bajiro so yiboajaquēne, ado bajiro sore yicami Jesús:

—To bajiro yū yijama, rīamasa ĩna basere ēmacōari, yaiare ecagūre bajiro yigūja yū —sore yicami.f

²⁷ To bajiro ĩ yisere ajicōari, ado bajiro ĭre yicamo so:

—Yū uju, riojo gotiaja mū. To bajiboarine ĩna ujarā ĩna bavējasere barāma yaia —Jesúre ĭre yicamo so. “Yua quēne, jud'io masa me ñaboarine, mojoroaca yuare mū ejarēmojama, quēnaja” yigo, to bajise ĭre yicamo so.

²⁸ To bajiro so yisere ajicōari, ado bajiro sore yicami Jesús:

—“Yuare ĩamaicōari, ejarēmorcūmi”, yuare yitūoīa tujabeco masu ñaja mū. To bajiro mū yitūoīase ñajare, mū maco usujū sāñagūre vātire ĭre burocacōaja yū —sore yicami Jesús.

To bajiro ĩ yirirīmarone, quēnaejacoasuju so, vijū ñario.

Jājarā, rijaye cutirāre Jesús ĩ catioire queti

²⁹ To ĩ yiro bero, Galilea vāme cutirita tujū vacaju yua, Jesúrāca. Tojū ejacōari, burojū majacaju. Tojū maja, joe jeaejacōari, ejarūjucoacaju. ³⁰ To yua bajiro ĩacōari, Jesús tūre jājarā masa ejacama, rijaye cutirāre juaejarā. ĩna juaejacana ado bajiro bajirā ñacama: Rujasagueri vana, jeariarā, ĩamena, ñagōmena, to yicōari, jājarā gajeye rijaye cutirā ñacama. ĩ tū ĩna ejarone, ĩnare catiocami Jesús. ³¹ Ñagōmena ñaboariarā, ñagōcoacama. Rujasagueri vaboariarā, quēnaro vacama. ĩamena ñaboariarā, ĩacoacama. Jeariarā quēne, quēnaejacoacama. To bajiro bajisere ĩacōari, no yimasibeticama masa, ti ũnire ĩabetirūgūriarā ñari. To bajiri Diore quēnaro rūcūbūo variquēnacama ĩna, “ĩ ñagūmi quēnaro yigu, jud'io masa yua rūcūbūogu” yirā.

Masa, cuatro mil ñarāre Jesús, bare ĩ ecare queti

(Mr 8.1-10)

³² ĩ buerāre yuare jicōari, ado bajiro yicami Jesús:

—Ado ñarāre ĩamaiaja yū. Idiarūmū tūsaju yuja, yū rāca ĩna ñaro. To bajicōari, bare maama. Bamenane ĩna ya virijū ĩna tudiasere bojabeaja yū. ĩnare yū tudirotijama, bamenane ĩna vajama, varūtu vanane, ñiorjarā ñari, rijavējaborāma —yuare yicami Jesús.

³³ To bajiro ĩ yirone, ado bajiro ĭre yicaju yua:

—Ado, masa manojū ñaja. No bajiro masa ñaro cōro ĩna barotire bare bujamasiña manoja —ĭre yicaju yua.

³⁴ To yua yirone,

—¿No cōro jairo pan cūoati mūa? —yuare yicami.

f 15:26 Ado bajiro yigu, to bajise sore yiyuju Jesús: “Judío masare ejarēmobecūne, gājerājuare yū ejarēmojama, quēnabeaja” yigu, to bajise yiyuju.

—Cojomo cõro jua jēnituaro ñaricari ñaja. To yicõari, vai mojoroaca ñaama —ĩre yicaju yua.

³⁵ To yua yirone, rucacane masare rujiroticami Jesús. ³⁶ To yicõari, pan cojomo cõro jua jēnituaro ñaricari ñasere, vaire quēne juacõari, “Quēnaro yaja m̄”, Diore ĩre yivariquēnacami. To yicõari, tire iguesurebatecõari, yuare ĩsicami. To bajiri yuajua, rujirāre ĩnare ĩsibatocaju yua yuja. ³⁷ Sīgū ruyariaro mano baucutijedicõacama. ĩna bagajanoro bero, ĩna baruasere yua juarēojama, cojomo cõro jua jēnituaro ñarijiburi ruyacaju. ³⁸ Tire bacana cuatro mil ũmua ñacaju yua. Rõmiare, rīamasare quēne cõīabeticaju yua. ³⁹ To yigajanocõari, masare tudiroticami Jesús. To bajī, cūmuane Magadán vāme cuti macaju vacaju yua.

16

“Īaīañamani yuare yīoña”, Jesúre ĩna yiboare queti
(Mr 8.11-13; Lc 12.54-56)

¹ Fariseo masa, saduceo masa quēne, Jesúre ĩarā ejacama ĩna. Ejacõari, ĩre sēniñacama, “Cudimasibeticõari, rojose tām̄oato ĩ” yirā:

—“ ‘Dios ĩ cõagū ñaami’ yure yimasiato” yigū, õ vecaye ĩaīañamani yuare yīoña — yisēniboacama.

² To ĩna yiboajaquēne, ado bajiro ĩnare cudicami Jesús:

—Rāiorijū, ũm̄agasero ti sūaro ĩacõari, “Busiyū, quēnarirūm̄ ñaruaroja”, yaja m̄ua.

³ Busurijū ñibiacõari, bueri ti sūayujjama, “Adirūm̄, oco quediruaroja”, yīamasiasa m̄ua. No bojarirūm̄, ũm̄agaserore ĩacõari, “Quēnarirūm̄, rojorirūm̄ ñaruaroja”, yīamasiasa. To bajiro yīamasirā ñaboarine, ñamasusejuare ĩamasibeaja m̄ua. Adirūm̄uri yū yisere ĩarā ñaboarine, “Dios ĩ roticõar'i ñari, yami”, yīamasibeaja m̄ua. ⁴ M̄ua adirodoria, rojose yirā, Diore m̄ua gotirore bajiro yimena ñaja m̄ua. To bajirā ñari, “Īaīañamani m̄ yīose bojaja”, yure yisēniboaja m̄ua. To bajiro m̄ua yiboajaquēne, to bajise m̄uare yīobetirucaja. To bajiboarine Jonás ñamasir'i Diore gotirētobosarimasū ĩ bajimasirere bajiro m̄uare bajīoroti ñaroja —ĩnare yicudicami Jesús.

To bajiro ĩnare yicõa, ĩnare jēaveocoacaju yua.

Fariseo masa panre vauvasere bajiro ĩna bajire queti
(Mr 8.14-21)

⁵ Ūtabucura gajejacetuaju jēaejacõari,

—Mani baroti pan masiriticoayuaja mani —yua masune gāmerā yīñacaju yua.

⁶ To yua yiro, ado bajiro yuare goticami Jesús:

—Fariseo masa, saduceo masa “Pan vauvato” yirā ĩna vuosere quēnaro ajicõiaña m̄ua —yuare yicami.

⁷ To ĩ yisere ajimasimena ñari, yua masune ado bajiro gāmerā yicaju yua:

—Pan mani masiritijare, to bajise gotigū yigūmi —gāmerā yicaju yua.

⁸ To bajiro yua yituoīasere masicõari, ado bajiro yuare yicami Jesús:

—¿No yirā, “Pan maja manire”, yati m̄ua? “Pan ti maniboajaquēne, manire ĩamaicõari, quēnaro ejarēm̄ocūmi Jesús”, ¿yure yituoīabeati m̄ua? ⁹ ¿No yirā ajimasibeati m̄ua maji? Cojomo cõro ñaricare panre bujucõari, cinco mil masa ñarāre ecacaju yū. ĩnare yū ecaro bero, jairo baruarajiburi ruyacaju, ¿Tire masiritiati m̄ua? ¹⁰ Tijū bero, quēna cojomo cõro jua jēnituaro ñaricari panre bujucõari, cuatro mil masa ñarāre ecacaju yū. ĩnare yū ecaro bero, jairo baruarajiburi ruyacaju. ¿Tire quēne masiritiati m̄ua? ¹¹ No yirā ajimasimena masu ñamenaja m̄ua tia. Jējū, “Fariseo masa, saduceo masa, ‘Pan vauvato’ yirā, ĩna vuosere quēnaro ajicõiaña” yū yijama, “Pan juabesuma” yigū me yibū yū —yuare yicami Jesús.

12 To ï yijare, ajimasicajm yna yuja. “Fariseo masa, saduceo masa, ‘Pan vauvato’ yirã ïna vnosere quënarõ ajicõiaña’ yuare yigm, ‘Ïna gotimasiosejmare quënarõ ajicõiamasiña, ‘Ïnare bajiro bajimavisiarobe’ yirã’ yire ïnre yuare gotimasiogũ yiboayujari Jesús”, yiajimasicajm yna yuja.

*“Rotimorügõrucami’ yigm, Dios ï cõar’i ñaja m”, Jesúre Pedro ï yire queti
(Mr 8.27-30; Lc 9.18-21)*

13 To yi varũtu vanane, Cesarea de Filipino vãme cuti sitajure ejacajm yna, Jesúrãca. Tojm ejacõari, ado bajiro yuare sënĩacami Jesús:

—Yuare, Dios ï roticõacacure, çñim ñaami yure yati ïna, masa? —yuare yisënĩacami Jesús.

14 To bajiro ï yisere ajicõari, ado bajiro ïre cudicajm yna:

—Sĩgãri, “Juan vãme cutigm, masare oco rãca bautizarimasu, tudicaticõari bajigumi quëna”, mare yama ïna. Gãjerãma, “El’ias ñamasir’i ñagũmi”, yama ïna. Gãjerãjuma, “Jerem’ias ñamasir’i ñagũmi”, yama. Gãjerãjuma, “Gãji, Diore gotirëtobosamasir’i ñagũmi”, mare yama ïna —Jesúre ïre yicudicajm yna.

15 To bajiro yna yirone,

—Mama, çñim ñaami yure yati ma? —yuare yisënĩacami.

16 To ï yisere ajicõari, ado bajiro yicami Simón Pedro:

—M ñaja rojose yna tãmorotire yuare yirëtobosacõari, rotimorügõrucu, Dios ï cõar’i. Masirëtogũ, Dios macu ñaja m —Jesúre ïre yicudicami.

17 To ï yisere ajicõari, ado bajiro ïre yicami Jesús:

—Quënarõ riojo gotiaja m, Simón, Jonás macu. Variquënaña m. Tire gotigm, masu ï masise sãori me tire gotimasiaja m. Õ vecagm ym jacu ï masise rãca tire gotimasiaja m. 18 Ado bajiro mare gotiaja ym: M vãme ñaja Pedro. “Gãta” yigãro yaja ti “pedro” ti yijama. M gotimasiõse sãorine jãjarã masa, yure ajitirũncõari, rëjarũgũãarãma ïna. Yure ajitirũnrã ïna ñajare, vãti yarã, “Bajireacõa tãjajaro ïna” yirã, rojose ïnare yimasibetirãarãma ïna. 19 To bajiri, ado bajiro mare gotiaja ym: Mmagasero soje jãnariaro cuogure bajiro mare cũrucuja ym. To bajiri, masare ïacõari, ado bajiro ïnare yimasirucuja m: “Ãnoa to bajiro yirã ñari, M Dios yarã quënarõ ï yirã ñarãarãma. Ãnoajma, to bajiro yirã ñari, Dios yarã me ñaama”, ïnare yimasirucuja m. Adi sitajm yure rotibosagm ñarucuja m. To bajiro yigm ñari, “Ado bajiro ma yijama, Dios yarã ñarãarãja ma. Ado bajirojma ma yijama, Dios yarã me ñarãarãja ma”, yimasirucuja m —ïre yicami Jesús.

20 To bajiro Pedrorre ïre yigotigajanocõari, ado bajiro yuare yicami:

—Ïne ñaami “Rotimorügõrucami’ yigm, Dios ï cõar’i”, gãjerãre ïnare yigotibeja —yuare yicami Jesús.

*“Yuare sãarãarãma”, Jesús ï yire queti
(Mr 8.31–9.1; Lc 9.22-27)*

21 To ï yiro bero, Jerusalénjm ï bajirotire ado bajiro yuare gotimasiõsãocami Jesús:

—Jerusalénjm varoti ñaja yure. Tojm ym ejaro, bũcãrã, paia ujarã, to yicõari, Dios ï rotimasire gotimasiõrimasa quëne, rojose yure yicõari, yure sãarãarãma ïna. Yure ïna sãaboajaquëne, idiarãm tãsatirãmne yure catiorucami Dios —yuare yisãocami Jesús.

22 To ï yisere ajicõari, ricati ïre jicãmotocõari, ïre yiboacami Pedro:

—Ym um, to bajiro m bajirotire bojabecumi Dios. ¡To bajiro m bajiroti, mare bajibeticõato! —ïre yiboacami Pedro.

23 To ï yisere ajicõari, jũdarũgũgãne, ado bajiro Pedrorre ïre goticami Jesús:

—¡Satanás, vasa m! Vãtia umre ñagõbosagm yaja m. To bajiro yibesa. “Dios ï bojarore bajiro yibeticõato” yigure bajiro yaja m. To bajiro m yijama, Dios ï tãõiarore bajiro me tãõiaja m. Masa ïna tãõiarore bajiro tãõiajã yaja —Pedrorre ïre yicami Jesús.

24 To yicõari, ado bajiro ï buerãre yuare yicami Jesús:

—No bojagu yu yu i ñarujama, i bojasere i ye ñarotire tuoĩabecune, “Jesúre bajiro rojose tãmuorucuja yu quēne” yituoĩacõari, yuñuare ajisuyarucami. ²⁵ No bojarã, ña bojarõ ñare cutirãma, adĩ macarucurore ñasere ñavariquēnacõari, Diore tuoĩamenama, Dios i catisere yayibetire cuomena ñaruarãma ña. To bajiboarine, yure ajitirũnarã, yu oca ña gotisere ajijũnisinicõari, ña sñarãma, Dios tu quēnaro ñarona ñarãma. ²⁶ Sĩgũ adĩ macarucuroju gajeyeũni jediro i bujaboajaquēne, beroju rojose tãmuotujabetiriaroju i vajama, gajeyeũni i bujaboare, ñie vaja manoja. Ñiere Diore ñsimasibecami, “I rijato berojuma tudirijabeticõato” yigũ, “Dios i catisere yure ñsiato” yigũ. Mani rijato berojuma “Tudirijabeticõato” yigũ, Dios i catisere i ñsise cõro vaja cuti manoja. ²⁷ Yu, Dios i roticõacacu ñacõari, “Quēnarētogũ ñaja yu”, yu jacu i yĩlorore bajiro yigũ ñari, i bususe rãca tudiejarucuja yu. Yu rãca vadiruarãma Dios i cõarã, ángel mesa. Tudiejacõari, masa ña yisere ñacõari, “To bajiro yirã ñari, quēnase bujarã, rojose tãmuorã bajiruarãja mua”, ñare yirucuja yu. ²⁸ Riojo muare gotiaja yu. Mua sĩgũri mua bajireabetone, “Ñajediro uju ñaami yu roticõacacu” Dios muare i yĩosere ñaruarãja mua —yure yicami Jesús. g

17

Ī buerimasa ña ñaro rĩjorojuã Jesús ĩ godovedĩore queti (Mr 9.2-13; Lc 9.28-36)

¹ Cojomo cõro, coja jēnitarirũmu bero, Pedro, Santiago, i bedi Juanre quēne ãmuariburo joeju ñare ãmato vacami Jesús. ² Toju ña ejaro, ña ñaro rĩjorojuã, Jesús rioga busucoasuju ti. Īmuagu muijure ñacãnamuriarore bajiro cajemose busuyuju ti. To yicõari, sudi i sãñase quēne bato boticoasuju ti. ³ To bajicõari, Moisés ñamasir'i, El'ias ñamasir'i rãca Jesús tu ruyuarũgũcõari, i rãca ña gãmerã ñagõsere ñañujarã ña, Pedro mesa. ⁴ To bajiro ña bajisere ñacõari, ado bajiro Jesúre yiyuju Pedro:

—Yu uju, adoju mani ñajama, quēnamasucõaja. Mu bojjama, mua ñaro cõrone vijãiri muare buabosarucuja yu. Mu yajãi, El'ias yajãi, to yicõari, Moisés yajãi buabosarucuja —Jesúre yiboayuju Pedro.

⁵ To bajiro i yirirĩmarone, bueri bato cajemose ñare buebibecõañuju ti. Ti bueri vatoaju ado bajiro ocaruyuju:

—Ñnine ñaami yu macu, yu maigũ. Īre bato ñavariquēnaja yu. Īre quēnaro ajitirũnuña mua —yi ocaruyuju.

⁶ To bajiro yi ocaruyusere ajicõari, bato gũiyujarã ña Pedro mesa. Bato gũirã ñari, muqueacoasujarã ña. ⁷ To bajiro ña bajisere ñacõari, ña tu vacõari, ñare moañañuju Jesús. Īnare moañagũne, ado bajiro yiyuju:

—Vãmũrũgũña. Gũibesa mua —ñare yiyuju.

⁸ To bajiro i yiro bero, ñamũboayujarã. El'iare, Moisére ñare ñabujabesujarã. Jesús sĩgũne ñañuju i yuja.

⁹ To bajiro bajicõari bero, ti buro ñare ãmato rojacune, ado bajiro ñare rotiyuju Jesús: —Jēju mua ñasere gãjerãre gotibeja maji, yu, Dios i roticõacacu, yu rijato bero, quēna yu tudicatiroto rĩjoro —ñare yiyuju Jesús.

¹⁰ To i yijare, ado bajiro Jesúre sēniñañujarã ña:

—¿No yirã, “‘Rotimũorũgõrucami’ yigũ, Dios i cõarocu i ejaroto rĩjoro ejarucami El'ias ñamasir'i”, yati ña Dios i rotimasire gotimasiorimasa? —Īre yisēniñañujarã ña.

¹¹ To ña yijare, ado bajiro ñare cãdiyuju Jesús:

—Riojo yiyuma Dios i rotimasire gotimasiorimasa, “El'ias ñamasir'i ejasũorucami” ña yijama. “Rotimũorũgõrucami” yigũ, Dios i cõarocu, i ejaroti ñajare, “Jediro Dios i bojarore

g 16:28 Dios oca masa ña ucamasirere buerētoiburimasa sĩgũri ado bajiro yicama ña, 16.28 gotirijure: “ ‘Ñajediro uju ñaami yu roticõacacu’ Dios muare i yĩlorotire’ Jesús i yijama, i buerimasa sĩgũri ña ñaro rĩjorojuã Jesús i godovedĩore yigũ yirimi”, yicama Dios ocare buerētoiburimasa sĩgũri.

bajiro yirã, quënarò ñayuto mani” yigũ, ejasũorũcũmi. To bajiro ï bajiroti ñajare, Dios ï rotimasire gotimasiorã, ñna gotiri vãmere bajirone yaja Dios oca masa ñna ucamasire quëne. ¹² “To bajiro yaja” yimasirã ñaboarine, ï ejarò ïre ñamasibesuma ñna. Jëre ejayumi. To ï bajiboajaquëne, ñna bojarore bajiro rojose ïre yiyuma. Yũ, Dios ï roticõacacũre quëne, to bajirone yũre yirũarãma —ñnare yitudiroja vayuju Jesús.

¹³ To bajiro ï yisere ajimasicõari, “El'ias ñamasir'ire ï yijama, Juan vãmere cõtigu, masare oco rãca bautizarimasũhare gotigu yami, ïre bajiro tũõiar'i ï ñajare”, yiajimasĩñujarã ñna Pedro mesa.

Masũ usũjũ sãñagũre vãtire Jesús ï burocare queti

(Mr 9.14-29; Lc 9.37-43)

¹⁴ Ti burojũ majariarã, yũa tũ rojaejacama ñna quëna. Jãjarã masa ñnacama yũa rãca. Jesús ï tudiejasere ñacõari, ï rĩjorojũa gũsomuniari tuetucami sĩgũ. To yicõari, ado bajiro Jesũre yicami:

¹⁵ —Yũ usũ, yũ macũre ñamaiña mũ. Biyarooaca rijaquedirũgũami. To bajica yigũ, buto rojose tãmũorũgũami. Cojopi me jeamejũ rocatĩacõarũgũami. To bajicõari, oco vatoajũ quëne rocaroacõarũgũami. ¹⁶ Mũ buerã tũ ïre ãmiejaboabũ yũ. ï usũjũre sãñagũre vãtire burocamasimema ñna —Jesũre yicami.

¹⁷ To ï yisere ajicõari, ado bajiro yicami, yũare ï buerimasare, to yicõari, ïre ajirã ejarãre quëne:

—Rojosere tũõiarã ñari, Diore ajitirũnũmena masu ñnacõaja mũa. ¿No cõrojũ mũare gotimasio tũjagũti yũ? Yoaro mũa rãca yũ ñaboajaquëne, yũ masisere mũare yũ usũsere ajitirũnũbeaja mũa maji —yũare yicami Jesús. To yigũne, —Adojũa vãti sãñagũre ïre ãmiaya —yicami Jesús.

¹⁸ ïre ñna ãmiejarone, ï usũjũ sãñagũre vãtire burocacõacami Jesús. Vãti ï budirirĩmarone, catiquënegũ ñacoacami daquegũjũa.

¹⁹ To ï yiro bero, ricati cãmotadicõari, Jesũre ado bajiro ïre sëniñacajũ yũa:

—¿No yirã daquegũ usũjũre sãñagũre vãtire burocamasibeti yũa? —ïre yicajũ yũa.

²⁰ To bajiro yũa yisere ajicõari, ado bajiro cãdicami Jesús:

—“Dios ï ejarẽmose rãca burocarũarãja” yitũõiamena ñari, vãtire burocamasibesuja mũa. Riojo mũare gotiaja yũ: “Mojoroaca yimasirã ñaboarine, Dios ï ejarẽmose rãca yimasicõarãja” yirã, ï burore, “Gajerojũ vasa” mũa yirotijama, to bajirone bajirũaroja ti. Ñiejũa mũa yimasibeti manirũaroja. ²¹ To bajiboarine, jëjũ yũ burocagũre bajiro bajirãre mũa burearũajama, bare bamenane Diore sënicõari rĩne bureamasirũarãja mũa —yũare yicami Jesús.

“Yũre sãrũarãma”, Jesús ï yigotibabore queti

(Mr 9.30-32; Lc 9.43-45)

²² Galilea sitajũ vana, gãmerã cãmotadiri mene cojojũnane Jesũrãca vacudicajũ yũa. To bajiro yũare ãmato bajicudigũne, ado bajiro yũare yicami Jesús:

—Yũre Dios ï roticõacacũre masare ñsirocarũcũmi sĩgũ. ²³ To bajiro ï yijare, yũre sãrũarãma ñna. Yũre ñna sãboajaquëne, idiarũmũ tũsatirũmũne yũre catiorũcũmi Dios —yũare yicami Jesús.

To bajiro ï yisere ajicõari, buto sutiriticajũ yũa, ï buerã.

Diore yirũcũbũoriavire boarijãrũre quënorũarã, vaja sënimasa, Pedrore ñna sëniñare queti

²⁴ To ï yiro bero, Capernaum vãmere cuti maca ejacajũ yũa, Jesũrãca. Tojũ yũa ñaro, Diore yirũcũbũoriavire boarijãrũre quënorũarã, vaja sënimasa, Pedrore sëniñarã ejayujarã, macajũjũ:

—¿Mũare gotimasiorimasũma, Diore yirũcũbũoriavi quënoroti vaja ñsibecuti ï? —Pedrore ïre yisëniñañujarã ñna.

²⁵ —Ïsirũcũmi —yicũdiyujũ Pedrojũama.

Tijū bero, vijū sājajacōari, vaja sēnirimasa ĩna sēniĩarere ĩ gotibetone, Jesújua, ado bajiro Pedrore ĩre boca yicōacami:

—Simón, ¿no bajiro tūoĩati mū? ¿Adigodoana ĩjarā, ĩmarājūare vaja yirotiati? ¿ĩna yarārene gāmerā vaja sēniatique? ¿Gajero vadiriarājūare vaja yirotirūgūatique ĩna? —Pedrore ĩre yisēniĩacami Jesús.

²⁶ To bajiro ĩ yisēniĩarone, ado bajiro ĩre cūdicami Pedro:

—Gajero vadiriarājūare vaja yirotirūgūama —yicūdicami Pedro.

To ĩ yirone, ado bajiro yicami Jesús:

—Riojo yaja mū. To bajiri Dios macū ĩari, yū ya vi ti ĩajare, Diore yirūcūbūoriavi coderāre vaja yibecūja yūma. ²⁷ To bajiboarine, “Rojose manire tūoĩabeticōato” yirā, mani vaja yijama, quēnaja. Ūtabūcūrajū vasa mū. Tojū vai vejeba. Basūogūre ĩre sĩacōari, ĩ risejū gājoatii būjarūcūja mū. Titiine ĩnare vaja yiroti ĩaroja, Diore yirūcūbūoriavi coderāre. Titiire āmicōari, ĩnare ĩsima —Pedrore ĩre yicami Jesús.

18

*“¿ĩmūjua ĩagūti ĩamasugū ĩarocū?” Jesúre ĩna yisēniĩare queti
(Mr 9.33-37; Lc 9.46-48)*

¹ Tirūmūne Jesúre ĩre sēniĩacajū yūa ĩ buerimasa:

—Mūre yūa rotibosarirodo ti ejaro, ¿ĩmūjua ĩagūti ĩamasugū ĩarocū? —ĩre yisēniĩacajū yūa.

² To yūa yirone, sĩgū daquegūre jicōari, yūa rĩjorojūa ĩre rūgōroticami Jesús. ³ To yicōari, ado bajiro yūare yicami:

—Riojo mūare gotiaja yū. Daquerā, “ĩamasurā me ĩaja yūa” ĩna yitūoĩarore bajiro mūa tūoĩabetijama, Ūjū Dios yarā quēnaro ĩ yirā me ĩaruarāja mūa. ⁴ Ūjū Dios yarā ĩamasurā ĩaama āni daquegūre bajiro tūoĩarā, “ĩamasurā me ĩaja yūa” yirā. ⁵ Āni daquegūre bajiro tūoĩarā ĩna ĩajare, gājerā tū ĩna ejaro, quēnaro ĩnare yirāma, yūjūare quēnaro yirāre bajiro yirā yirāma —yūare yicami Jesús.

*“Mūa sūorine gājerā rojose ĩna yijama, gūiose ĩaja”, Jesús ĩ yigotimasiore queti
(Mr 9.42; Lc 17.1-2)*

⁶ Quēna ado bajiro yūare goticami Jesús:

—No bojarā, āni daquegūre bajiro tūoĩarāre, yūre ajitirūnūrāre rojose ĩna ūmato yijama, būto rojose tāmūorūarāma. Rojose ĩnare ĩna ūmato yiroto rĩjoro, tocārācūrene ĩna āmūarijūre gūta jairica siatucōari, riaga ūcūarojū ĩnare rearoderuucōajama, rojose tāmūobetibūaborāma. ⁷ Rojose yirā sūorine būto rojose tāmūorūarāma masa. Rojose yirā jājarā ĩarāma. To bajiri gājerāre rojose ūmato yirūarāma. To ĩna yise sūori būto rojose masu tāmūocōarūarāma.

*“Būto mūa maise ti ĩaboajaquēne, ti sūorine Dios ĩ bojabeti mūa yijama, tire reacōaña”,
Jesús ĩ yire queti
(Mr 9.43-48)*

⁸ “Yū āmo sūorine rojose yibū yū” mūa yitūoĩamasijama, jatarocaya. “Yū gūbo sūorine rojose yibū yū” mūa yitūoĩamasijama, jatarocaya. Mūare cojo āmo, cojo gūbo ti manijama, quēnabetoja. To bajiboarine jūāāmo rāca, jūa gūbo rāca mūa bajireajama, jeame yatibetimejū mūa vajama, rētobūsarō quēnabetirūaroja. ⁹ “Yū cajea sūorine ĩabojacōari, rojose yibū yū” mūa yitūoĩamasijama tiare āmirocacōaña. Coja cajea mūare ti manijama, quēnabetoja. To bajiboarine, jūajūne caje cūticōari, mūa bajireajama, jeame yatibetimejū mūa vajama, rētobūsarō quēnabetirūaroja —yūare yicami Jesús.

*“Oveja yayir'ire ĩnare coderimasū ĩre macagūmi”, Jesús ĩ yigotimasiore queti
(Lc 15.3-7)*

¹⁰ Quēna ado bajiro yūare goticami Jesús:

—Yure ajitirānūrāre, “Ŋamasurā me űaja yua” yituoīarāre, “Vaja mana űaama”, ĩnare yīatebeja. Ő vecaju āngel mesa űaruarāma ĩnare ĩatirānūrā. Yu jacu tujure cojorūmu ruyabeto ĩnare űagōbosarūgūrāma. ¹¹ Yayirāre bajiro bajirāre, rojose tāmuboronare, ĩnare yirētobosagu vadicaju yu, Dios ĩ roticōacacu —yure yicami Jesús.

¹² To bajiro yicōari, ado bajiro yirūtuacami Jesús:

—Adi quetiaca mure yu gotimasiosere quēnaro ajituoīaīna mua. Sīgū űagūmi cien oveja cuogu. Cojorūmu sīgū yayicoacami. To bajiri ĩnare coderimasu, ruyarāre, noventa y nueve űarāre ta veseju ĩnare cūcōari, yayir'ire macagū vacoacami ĩ. ¹³ Gājerā yayimena noventa y nueve űarirācure, “Yayibesuma” yivariquēnagū űaboarine, yayir'ire bujacōari, ĩnare ĩ variquēnaro rētohusaro ĩre variquēnagūmi. ¹⁴ Mani jacu ō vecagu to bajirone bajigūmi ĩ quēne. Sīgū ruyabeto daquegure bajiro tuoīagū, Dios tu ĩ űabetirotire bojabecami Dios —yure yicami Jesús.

“Mure bajiro yure ajitirānūgū űaboarine, rojose mure ĩ yijama, ado bajiro ĩre űagōquēnoma”, Jesús ĩ yigotimasiore

(Lc 17.3)

¹⁵ Quēna ado bajiro yure gotimasiocami Jesús:

—Yure ajitirānūgū űaboarine, rojose mure ĩ yijama, gājerāre gotimenane, ĩ tu vacōari, űagōquēnoma, “ Ríojo yaja mu. Mure rojose yibu yu' yato ĩ” yirā. “Ríojo yaja mu” ĩ yijama, űagōquēnoruarāja mua. To bajiri ĩ rāca quēnaro baba cutiruarāja mua quēna. ¹⁶ “Bajibeaja” ĩ yicadijama, gājerā juarā, yure ajitirānūrā, “Rojose yibu mu” ĩre yimasirāre ĩnare jicōari, ĩ tu vaja mua. Juarā ĩna manijama, sīgū yure ajitirānūgūre, “Rojose yibu mu” ĩre yimasigūre jicōari, ĩ tu vaja mua. ¹⁷ ĩnare quēne ĩ ajibetijama, yure ajitirānucōari mua rāca rējarā jediro ĩna ĩaro rĳororjua ĩnare gotiba mua. ĩna jediro “Rojose yiyuja mu” ĩre ĩna yisere ĩ ajibetijama, Diore ajibecure, to yicōari, ujure gājoa sēnibosarimasare ĩnare mua cāmotadiriarore bajiro ĩre cāmotadiruarāja mua —yure yicami Jesús.

¹⁸ Quēna ado bajiro yure yicami Jesús:

—Ríojo mure gotiaja yu. Adi macarucuroju yure rotibosarā űaruarāja mua. To bajiro yirā űari, “Ado bajiro mua yijama, Dios yarā űaruarāja mua. Ado bajirojua mua yijama, Dios yarā me űaruarāja mua”, yimasiruarāja —yure yicami Jesús.

¹⁹ Quēna ado bajiro yure yicami Jesús:

—Gajeye ado bajiro mure gotiaja yu: Sīgū ĩ tuoīarore bajirone mua tuoīajedicōajama, mua bojasere ĩsirucami yu jacu ō vecagu. ²⁰ No bojariju juarā, idiarā, yure ajitirānūrā űari, Diore ĩna sēnijama, ĩna rāca űarucuja yu —yure yicami Jesús.

²¹ To ĩ yiro bero, ado bajiro Jesúre sēniīacami Pedro:

—Yu uju, sīgū mure ajitirānūgū űaboarine, yure rojose ĩ yijama, ¿nocārācaji masu ĩre masirioḡati yu? ¿Cojomo cōro gaje āmo juā jēnituario űarirācagine ĩre yu masiriojama, quēnarojari? —Jesúre ĩre yicami.

²² To ĩ yisere ajicōari, ado bajiro ĩre cudicami Jesús:

—Tocārācagine rojose mure ĩ yiro cōrone masirioroti űaja mure —ĩre yicami Jesús.

“Manire rojose ĩna yisere mani masiriobetijama, Dios quēne, ĩ bojabeti mani yisere masiriobetirucami”, Jesús ĩ yigotimasiore

²³ To yicōari, ado bajiro ĩ buerāre yure gotimasiocami Jesús:

—Buto rojose mua yiro bero, sutiriticōari, “Yure masirioya” Diore mua yijama, mure masiriorucami. To bajiro mure ĩ yise űajare, “Gājerā rojose mure ĩna yiboajaquēne, mure masirioroti űaja” yigu, ado bajise gotimasiore queti mure gotiaja yu: Uju, ĩre vaja morāre gotiru, ĩre moabosarimasare jicōagūmi. ²⁴ ĩre vaja morāre “Adocārācu űaama” ĩ yiguadijane, sīgū jairo ĩre vaja mogūre ĩre āmiejarāma ĩna. ²⁵ ĩre ĩna āmiejarirīmarore, űie rāca vaja yimasibecami. To bajiro ĩ bajijare, ĩre āmiejarāre ado bajiro ĩnare rotigūmi: “Ānire,

ĩ manajo, ĩ rĩare quẽne gãjerãre yũre ĩsibosaya, ‘Gãjerãre moabosarimasa ñato’ yirã. To yicõari, ĩ gajeyeũni jedirore gãjerãre ĩsicõari, vaja sãnima. To yicõari, ti vaja mũa bũjasere yũre ĩsima. To bajiro mũa yijama, yũre ĩ vaja mose jedicoarũaroja”, ĩnare yigotigũmi uũ. ²⁶ To ĩ yisere ajicõari, ĩ rĩjorojũa gũsomuniari tuetuejagũmi ĩre vaja mogũ. To yicõari, rũcũbũose rãca ĩre sãnigũmi: “ĩYũ uũ, yuya maji! Mũre yũ vaja mosere vaja yijeocõarũcũja maji”, ĩre yigũmi. ²⁷ To ĩ yisere ajicõari, ĩre ĩamaigũ ñari, “Tone bajicõato”, ĩre yicõa tũjacũmi, ĩ uũ.

²⁸ To bajiro ĩ uũ ĩ yisere ajicõari, budicoacũmi. Budiacũne, ĩ baba mojoroaca ĩre vaja mogũre ĩre ĩabũjagũmi ĩ quẽne. ĩre ĩabũjacõari, ĩ ãmũare ñiamatagũmi. To yicõari, ado bajiro ĩre yigũmi: “ĩYũre mũa vaja mosere vaja yijeocõaña mũa!”, ĩre yigũmi. ²⁹ To ĩ yiboajaquẽne, gũsomuniari tuetucõari, ado bajise ĩre yigũmi: “ĩYuya maji! Mũre yũ vaja mosere vaja yijeocõarũcũja yũ”, yiboagũmi. ³⁰ To ĩ yiboajaquẽne, ajibecũmi ĩ. To bajiri tubiberiavijũ ĩre ãmiacõari, ĩre cũrotigũmi, “Yũre mũa vaja mosere vaja yijeocõarijũ, budirũcũja mũa” yigũ. ³¹ ĩ babarã, to bajiro ĩ yisere ĩacõari, bũto sũtiritirãma ĩna. To bajiri ĩna uũ tũ vacõari, ĩna ĩariaro cõro gotirãma. ³² To bajiro ĩna yisere ajicõari, ĩre vaja moboar’i ĩ masirior’ire jirotigũmi uũ. ĩ ejaro ĩacõari, ado bajiro ĩre yigũmi: “Yũre moabosarimasa rojogu masu ñacõaja mũa. Yũre mũa vaja mosere, ‘Tone bajicõato’ mũre yiboabu yũ, rũcũbũose rãca yũre mũa sãnijare. ³³ Mũre yũ ĩamairore bajirone mũa babare ĩamairoti ñaboayuja”, ĩre yigũmi ĩ uũ. ³⁴ To bajiro ĩre yicõari, bũto jũnisinigũ ñari, ĩre tubiberotigũmi ĩ quẽne, “Yũre mũa vaja mosere vaja yijeocõarijũ, budirũcũja mũa” yigũ —yũare yigoticami Jesús.

³⁵ To bajise gotigajanocõari, ado bajise yũare gotitũsacami Jesús:

—To bajirone yirũcũmi yũ jacũ õ vecagu quẽne, gãjerã rojose ĩna yisere mũa masirio-betijama —yũare yicami Jesús.

19

*“Mũa manajoare reabetiroti ñaja”, Jesús ĩ yire queti
(Mr 10.1-12; Lc 16.18)*

¹ To bajiro ĩ gotimasioro bero, Galilea sita ñariarã vacõari, Judea sitaju ejacaju yũ. Jordán vãme cũtirisa gajejacatũaju ñacaju ti sita. ² Toju jãjarã masa Jesũre sũyacama. Rijaye cũtirãre ĩnare catiocami ĩ.

³ Toju yũa ñaro sĩgũri fariseo masa ejacama, Jesũre sãnĩatorã. Ado bajiro ĩre sãnĩatocama ĩna:

—¿No bojase sũorine, manajo rocajama, quẽnacõati? —ĩre yisãnĩatocama ĩna.

⁴ To ĩna yisere ajicõari, ado bajiro ĩnare cũdicami Jesús:

—¿Dios oca masa ĩna ucamasire ado bajiro yisere ĩabeticatique mũa? “Rẽmoju ãmũre, rõmiore rujeomasĩũju Dios”, yigotiaja Dios oca. ⁵ To yicõari gajeju ado bajiro gotiaja Dios oca: “ũmũa, rõmio ĩ rujeore ti ñajare, ãmũjũa, manajo cũtigũ, ĩ jacũare ĩnare cãmotadicoarũcũmi. Manajo cũtijama, jũarã ñaboarine, sĩgũ rujare bajirone ñarũarãma”, yigotiaja Dios oca. ⁶ “To bajirũarãma” Dios ĩ yimasire ti ñajare, mũa manajoare reabetiroti ñaja —ĩnare yicami Jesús, fariseo masare.

⁷ To ĩ yisere ajicõari, ado bajiro tudisãnĩatocama ĩna:

—Riojo mũa gotiboajaquẽne, ¿no yigũ ricati rotimasĩũjari Moisés ñamasir’i? Ado bajiro rotimasĩũmi ĩ: “No bojagu ĩ manajore ĩ rocarũajama, ‘Mũre rocagu yaja’ yise papera ucacõari, sore ĩsiroti ñaja”, yimasĩũmi Moisés —Jesũre ĩre yicama.

⁸ To bajiro ĩna yisere ajicõari, ado bajiro cũdicami Jesús:

—Diore ajiterã ĩna ñajare, “Bũtobũsa rojose ĩna manajoare yiroma” yigũ, manajoa reare beobetimasĩũju Moisés ñamasir’i. Rẽmojuma to bajiro me bajimasĩũju. ⁹ Riojo ado bajiro mũare gotiaja yũ: ĩ manajo gãji rãca so ajeri cũtibetiboajaquẽne, sore rocacõari,

gajeo ĩ manajo cutijama, Diojua ĩ ĩajama, ĩ manajo me ñagõmo. ĩ ajerio cutigo ñagõmo — ĩnare yicami Jesús.

¹⁰ To ĩ yisere ajicõari, ĩ buerimasajua ado bajiro ĩre yicaju yua:

—To yijama, manajo magũne ñacõaroti ñañuja —ĩre yicaju yua.

¹¹ To bajiro yua yisere ajicõari, ado bajiro yuare yicami Jesús:

—Jediro me ñarãma, manajo cutibetiboarine, Dios ĩ bojarore bajiro yimasirã. To bajiro yirãma, Dios ĩ ejarẽmose rãca yirãma. ¹² Sīgũri manajo cutimena ñarãma. Rõmia rãca ĩna yiroti ti manijare, bajirãma. To bajirãne ruyuararã ñari, bajirãma. Gãjerãma, “Rĩa yimasibeticõato” yirã, ĩna yijeriarã ñari, bajirãma. Gãjerãma, manajo bojamenama, “Yua manajo cutibetijama, yua uju, Dios ĩ bojarore bajiro quẽnabusaro yimasirucujaja yua” yitũoĩarã ñari, bajirãma. To bajiro bajirua tũoĩarãma, to bajirone bajiato —yuare yicami Jesús.

“Rĩamasare Jesús ĩ ñubuejeore queti

(Mr 10.13-16; Lc 18.15-17)

¹³ Jesús tujua rĩamasacare juaejacama masa, ĩ ãmori ñujeocõari, Diore ĩnare sẽnibosato ĩ” yirã. ĩna juaejasere ĩacõari, ado bajiro ĩnare yicaju yua, ĩ buerimasa:

—Juavadibesa! Gõjanabioro yaja mua —ĩnare yicaju yua.

¹⁴ To bajiro yua yiboajaquẽne, Jesúsujama, ado bajiro yicami:

—Rĩamasare ĩnare matabesa. ĩnare bajiro tũoĩarã ñarãma Uju Dios yarã quẽnaro ĩ yirã —yuare yicami Jesús.

¹⁵ To yicõari, rĩamasare ĩ ãmori ñujeocõari, Diore ĩnare sẽnibosacami Jesús. To yicõari bero, yuare ũmato vacoacami Jesús.

Gajeyeũni jaigũ Jesũre ĩ sẽnĩtare queti

(Mr 10.17-31; Lc 18.18-30)

¹⁶ Gajeyeũni jaigũ, Jesũre sẽnĩtagũ ejacami:

—Gotimasiorimasa, yua rijato beroju “Tudirijabeticõato” yigũ, Dios ĩ catisere yare ĩ ĩsire yua bojajama, ¿no bajise quẽnase yiroti ñati yure? —Jesũre ĩre yicami.

¹⁷ To ĩ yisere ajicõari, ado bajiro ĩre cudicami Jesús:

—¿No yigũ quẽnaseayere yure sẽnĩfati mua? Dios sīgũne ñaami quẽnagũma. To bajiri Dios oca masa ĩna ucamasirere ĩaroti ñaja. Mua rijato beroju “Tudirijabeticõato” yigũ, Dios ĩ catisere mua bujaruajama, Dios ĩ rotimasirere cudiroti ñaja —ĩre yicami Jesús.

¹⁸ To ĩ yijare,

—¿Disere yati mua, “Dios ĩ rotimasirere cudiroti ñaja” mua yijama? —Jesũre ĩre yicami.

To ĩ yirone, ado bajiro ĩre yicami Jesús:

—Dios ĩ rotimasire yua yijama, ado bajise rotimasirere yaja yua: “Sĩabesa. Gãji manajo rãca ajerio cutibesa. Juarudibesa. Socane, ‘Rojose yimi’ yigotiyirobesa. ¹⁹ Mua jacure, mua jacore quẽne quẽnaro ĩnare rucubũoya. To yicõari, mua masu rujare mua maiorore bajirone mua tũanare maiña”, yigotiaja Dios ĩ rotimasire —ĩre yicami Jesús.

²⁰ To ĩ yirone, ado bajiro ĩre yicudicami:

—Daquegũjane tire cudisũoadicaju yua. ¿Ñie gajeye ruyati quẽnaro yua yiroti? —Jesũre ĩre yicami.

²¹ To ĩ yisere ajicõari, ado bajiro ĩre goticami Jesús:

—Cojo vãme ruyaja, mua yiroti, mua rijato beroju “Tudirijabeticõato” yigũ, Dios ĩ catisere mua bujaruajama: Jediro mua cõosere gãjerãre ĩsijeocõaña. To yicõari, ti vaja bujacõari, maiorore bajirãre ĩsima. To bajiro mua yijama, õ vecaju Dios ĩ ñaraju quẽnase bujarucujaja mua. To bajiro yigajanocõari, yure ajisuyaya —ĩre yicami Jesús.

²² To bajiro ĩ yisere ajicõari, bũto sutiriti vacoacami ĩ, gajeyeũni jaigũ ñari, tire maigũ.

²³ To bajiro ĩ bajivato ĩacõari, ĩ buerimasare ado bajiro yuare yicami Jesús:

—Riojo m̄are gotiaja yu. Gajeyeũni jairãrema, yure ñna s̄yaruña tuōaboajama, buto josaruroja ñnare. To bajicõari, yirẽto ecobosabetiruarãma. ²⁴ Quẽna tire bajise m̄are tudigotiaja yu: Vaibuc̄u, camello vãme cutigu, gãjojota gojeacare sãjarẽtobudimasibecumi. To bajirone bajaiaja gajeyeũni jairãre quẽne, yure ajitirũnu s̄yaruaboarãre. To bajiro bajirã ñari, yirẽto ecobosabetiruarãma —yure yicami Jesús.

²⁵ To ñ yisere ajicõari, no yimasibeticaju yua, ti ùnire ajibetirũgũriarã ñari. To bajiri ado bajiro ñre s̄eniãacaju yua:

—Riojo mu gotijama, ¿no bajiro bajirãjua Dios tãjure ejaruarãda? —Ñre yicaju yua.

²⁶ To yua yirone, yure ñacõari, ado bajiro yicami Jesúsama:

—Ñna masune ejamasimenama masa, Dios tãjure. Diojama, ñajediro yimasijeocõami. Ñiejua josase maja, ñrema. Ñ suorine ñ tãjue ejamasire ñaja —yure yicami Jesús.

²⁷ To ñ yisere ajicõari, ado bajiro yicami Pedro:

—Jediro yua gajeyeũnire cõcõari, m̄are s̄yacaju yua. ¿To bajiro yua bajicati vaja, ñie b̄jarãti yua? —Jesure ñre yicami.

²⁸ To ñ yisere ajicõari, ado bajiro yure c̄dicami Jesús:

—Riojo m̄are gotiaja yu. Cojorãmu adi macaruc̄uro ti jediro quẽna tudiquẽnoruc̄umi Dios. To bajiro ñ yirirãmu yu, Dios ñ roticõacacu, r̄uc̄ub̄oriaju rujiruc̄uja yu, rotiguc̄u. To cõrone m̄a quẽne yure s̄yarã, juaãmo cõro, cojo gubo jua j̄enituario ñaricũmurorire rujiruarãja m̄a. To yicõari, mani yarã, jud'io masa, juaãmo cõro, cojo gubo jua j̄enituarirãcu ñarã masatubuarire rotiruarãja m̄a. Yure ajitirũnrãre, to yicõari, yure ajitirũnmenare ñabesemasiruarãja. ²⁹ No bojarã, yure ajitirũnrã ñari, ñna ya vi, ñna yarã, ñna jacua, ñna r̄ia, to yicõari, ñna ya veserire quẽne ñna maise ñaro cõro ñna vaveojama, adigodoju ñna c̄osore r̄etobusaro quẽnase b̄jaruarãma ñna, Dios tãju. ³⁰ To bajiboarine adire quẽne quẽnaro tuōiaña m̄a: Jãjarã ado bajiro m̄a tuōiarore bajirone tuōaboarãma: “Dios ñ bojase yirã r̄etoro Dios ñ bojasere yirã ñari, ñamasurã ñaja yua. To bajiri, õ vecajure quẽne ñamasurã ñari, quẽnase b̄jaruarãja”, yituōiboarãma. To bajiro yirã ñari, gãjerãre ñacõari, “Ñna ya vi, ñna yarã, ñna jacua, ñna r̄ia, to yicõari ñna ya veserire vaveomena ñari, ñamasurã me ñaama. To bajiri, õ vecajure quẽnase mojoroaca b̄jarona ñaama”, yituōiboarãma. To bajiro me bajiruroja. Adoju ñamasurã, õ vecajurema ñamasumena ñaruarãma ñna. Adi macaruc̄uroju ñamasumenama, õ vecajurema ñamasurã ñaruarãma —yure yicami Jesús.

20

Moabosarimasa ñna bajire rãca tuōiacõari, “Adi macaruc̄urojure ñamasurã, õ vecajurema ñamasurã me ñaruarãma ñna”, Jesús ñ yigotimasiore queti

¹ To yicõari, ñ buerimasare yure gotimasiõrutuacami Jesús. “ ‘Adoju ñamasurã ñaja yua. To bajiri õ vecaju quẽne ñamasurã ñari, quẽnamasuse b̄jaruarãja’ yituōibeticõato” yigu, ado bajise yure gotimasioami:

—Ûye vese c̄oḡu, ùye ti b̄uc̄uro ñacõari, busuriju j̄ẽju ñre moabosaronare jiḡu vac̄umi. To bajirone yiḡuc̄umi Dios, m̄a ñju quẽne. ² Ñnare b̄jacõari, ado bajiro ñnare gotiḡumi: “M̄a moase vaja m̄a s̄eniro cõrone m̄are vaja yiḡuc̄uja yu”, ñnare yiḡumi. To yicõari, ñnare moaroticõaḡumi, ñ ya veseju. ³ Muiju ñ asitutuajediriju cõro, moaruarã ñna yuritũcuroju ñna ñacõajare, gãjerãre ñnare ñab̄jaḡumi. ⁴ “Vasa, m̄a quẽne. Yu ùye veseju moaaya. M̄a moajama, quẽnaro m̄are vaja yiḡuc̄uja yu”, ñnare yiḡumi. ⁵ To bajiri ñna quẽne ñre moabosarã vacoanama. To yicõari, bero ùmurecaji ñaro vac̄u, gãjerãre b̄jaḡumi. Ñamicajua ti tusato vac̄u, gãjerãre b̄jaḡumi quẽna. Moare manare b̄jacõari, ñnare moaroticõaḡumi. ⁶ Yuc̄u veca muiju tusato, gãjerã moaruarã ñna yuritũcuroju ejaõari, moamenane ñna ñacõajare, “¿No yirã moamenane ñarũmu cutiati m̄a?”, ñnare yiḡumi. ⁷ To ñ yirone, “Ñimujua, yure moarotibeami. To bajiri ñacõaja yua”, ñre yirãma ñna. To bajiro ñna yijare, “Vasa m̄a quẽne. Yu ùye veseju yure moabosaaya”, ñnare yiḡumi.

⁸ Rãiorijũ, ãre moabosarimasare coderimasare ãre jigũmi. “Yũre moabosarimasare ãnare jiaya mũ”, ãre yigũmi. “To yicõari, ejatusariarãre vaja yisũoya. ãnare vaja yigajanocõari, ãna rãjorobũsa ejariarãre vaja yiya. To bajiro rãne yicõa vasa. To bajiri, moarã ejasũoriarãre ãnare vaja yitusaya”, ãre yigũmi, ãre moabosarimasare coderimasare. ⁹ To bajiro ã yijare, ejatusariarãjũa ejasũorãma. ãna ejaro ãacõari, cojorũmũ vaja tariaro cõro ãna moare vaja ãnare vaja yigũmi. ¹⁰ To cõro ãna vaja tasere ãacõari, “Manima jaibusaro bũjarũarãja”, yitũoĩaboarãma ejasũoriarãjũa. To bajiro yitũoĩaboariarãre gãjerã ãna vaja taro cõrone ãnare vaja yigũmi. ¹¹ Ujũ ã vaja yirotsere ãacõari, ñagõjairãma ejasũoriarãjũa: ¹² “Vesejũ ejatusariarã, yoaro meaca ãna moaboajaquẽne, yũare mũ ãsiro cõrone ãnare ãsiaja mũ. Yũama, cojorũmũ jediro, muiju ã asicõaro josari moaboabũ yũa”, ãre yitud'irãma, ãna ujure. ¹³ To bajiro ãna yiboajaquẽne, sãgũre ado bajiro cũdigũmi ãna uju: “Rojose mũre yibeju yũ. Jẽju, ‘Mũa vaja sẽniro cõrone mũare vaja yirũcũja’ yigũ ñari, to cõrone mũare vaja yibũ. ¹⁴ Mũ moare vaja juacõari, vasa. Mũre yũ vaja yiro cõrone, ‘Ejatusariarãre quẽne vaja yirũcũja’ yitũoĩamũ yũ. ¹⁵⁻¹⁶ Yũ ye gãjoa ñamũ ti. To bajiri yũ bojarore bajirone yibũ yũ. ãnare quẽnaro yũ vaja yisere ãajũnisiniaja mũ”, ãre yigũmi ã uju. To bajiri adi queti mũare yũ gotirore bajiro bajirũaroja. Adoju ñamasurã, õ vecajũarema ñamasumena ñarũarãma ãna. Adi macarũcũroju ñamasumenama, õ vecajũarema ñamasurã ñarũarãma —yũare yicami Jesús.

“Yũre sãarũarãma”, Jesús ã yigotitusare queti
(Mr 10.32-34; Lc 18.31-34)

¹⁷ Jerusalẽnju yũare ãmato varũtu vacũne, juaãmo cõro, gũbo jua jẽnitarirãcũ ñarãre yũare gotirũ, ricati yũare jicãmotocami Jesús:

¹⁸ —Quẽnaro ajiya mũa. Jerusalẽnju vana bajiaja mani. Toju mani ejaro, yũre Dios ã roticõacacũre paia ujarãre, Dios ã rotimasire gotimasiorimasare ãsirocarũcũmi sãgũ. ãnajũa, “ãre sãaroti ñaja”, yũre yirũarãma. ¹⁹ To yicõari, romano masare yũre ãsirũarãma. To ãna yijare, yũre ajatud'icõari, bajerũarãma ãna. To yicõari, yucãtẽroju yũre jajuturũarãma. Yũre jajutucõari, yũ rijato bero, yũre yujeboarũarãma. To ãna yiboajaquẽne, yũre ãna sãaro bero, idiarũmũ tusatirũmũne yũre catiocõarũcũmi Dios —yũare yicami Jesús.

Santiago mesa jaco Jesũre so sẽnire queti
(Mr 10.35-45)

²⁰ To ã yiro bero, Zebedeo rãa jaco, so rãa rãca ejacamo, so rãa ãna bajirotire Jesũre sẽnigõ ejago. Adocãrãcũ ñacama so rãa: Santiago, Juan ñacama ãna. Jesũre rãcũbuõgo, ã rãjorojuã gũsomuniari tuetucamo so. To yicõari, Jesús quẽnaro so rãre ã yirotire sẽnĩcamo. ²¹ So sẽnĩsere ajicõari,

—¿No bajiro quẽnaro yũ yirotire bojati mũ? —sore yicami Jesús.

To ã yijare, ado bajiro cũdicamo so:

—“Ñajediro uju ñaja yũ” yĩocõari, mũ rotisũorirodo ti ejaro, yũ rãre ado bajiro ãnare mũ ãmato rujirotire bojaja yũ: Sãgũ mũ riojojacatua, gãjire mũ gãcojacatua ãnare ãmato rujirũcũja mũ, “Mũ rotirore bajirone ãna quẽne rotimasiatu” yigũ —ãre yicamo so.

²² To so yisere ajicõari, so rãajũare ado bajiro yicami Jesús:

—Tũoĩamasimenane yũre sẽniboaja mũa. Yũ rãca mũa rotirũajama, ¿mũa quẽne yũre bajirone rojose tãmũorãtique mũa? —ãnare yicami Jesús.

—Bajicõarãja —ãre yicama ãna.

²³ To ãna yisere ajicõari, ado bajiro yicami Jesús:

—Riojo mũare gotiaja yũ. Mũa quẽne, yũ tãmũorotire bajiro rojose tãmũorũarãja. To bajiboajaquẽne, yũ riojojacatua, yũ gãcojacatua mũare rojomasibecũja yũ. “ãna ñarũarãma yũ macũ tũ rujirona” yũ jacũ ã yicana rãne rujirũarãma —ãnare yicami Jesús.

²⁴ Jesús buerimasa juaãmo cõro ñarã, yua ajibetone, “To bajiro bojaja yua” ñna yirudisere ajicõari, jünisinicaju yua. h ²⁵ To bajiro yua bajijare, yua jedirore jirẽocõari, ado bajiro yicami Jesús:

—Ujarã, Dios yarã me ñarã, ñna yarãre buto tutuaro rotirãma ñna. Tire masiaja mua —yua yicami. ²⁶ —Mama, yu yarã ñari, ñnare bajiro bajibetiruarãja. Yua ajitirũnarã, ñamasurã ñaruarãma, gãjerã ñna bojasere masicõari, quẽnaro ñnare yiejarẽmorã. ²⁷ To bajiri ñamasurã mua ñaruajama, gãjerãre moabosaruarãja mua. ²⁸ Dios ñ roticõacacu quẽne, to bajirone bajiaja yu. “Gãjerã yu bojasere masicõari, quẽnaro yua yato ñna” yigũ me vadicaju yu. “Ñna bojasejuaere masicõari, quẽnaro ñnare yirũcãja” yigũ vadicaju yu. To yicõari, jãjarã rojose ñna yisere Dios ñ masiriose vaja, ñnare vaja yibosagũagu vadicaju yu —yua yicami Jesús.

Juarã caje ñamenare Jesús ñ ñarotire queti
(Mr 10.46-52; Lc 18.35-43)

²⁹ Jericó vãme cuti maca ñacõari, yua vatone, jãjarã masa yuaere suyacama, Jesúre ñarã. ³⁰ Toju yua vatone, juarã ñamena rujicama, maa tu. Jesús ñ rẽtosere ajicõari, ado bajiro ñre jiavasãcama ñna:

—Yua ujũ, Uju David ñamasir'i jãnami, “Rotimũorũgõrũcũmi” yigũ, Dios ñ cõar'i ñaja mu. Yuaere ñamaiña mu —yiavasãcama ñna. ³¹ To bajiro ñna yiavasãrone,

—¿Avasãbesa! —Ñnare yicama masa. To bajiro ñna yiboajaquẽne, butobusa avasãcama ñna:

—Yua ujũ, Uju David ñamasir'i jãnami, “Rotimũorũgõrũcũmi” yigũ, Dios ñ cõar'i ñaja mu. Yuaere ñamaiña —Jesúre ñre yiavasãcama ñna.

³² To ñna yisere ajicõari, tujarũgũcami Jesús. To bajicõari, ñamenare jicami:

—¿No bajiro muaere yu yisere bojati mua? —Ñnare yisẽniãacami, caje ñamenare.

To ñ yijare, ado bajiro ñre yicadicama:

³³ —Yua ujũ, tudĩaruaja yua —ñre yicama ñna.

³⁴ To ñna yisere ajicõari, ñnare ñamaigũ ñari, ñna cajearire moaãacami. To bajiro ñ yirirĩmarone, ñamena ñaboacana, ñacoacama ñna yuja. ñacõari, ñna quẽne Jesúre suyacoadicama.

21

“Rotimũorũgõrũcũmi’ yigũ, Dios ñ cõagũ ñaja yu” yĩlogũ, Jerusalénju Jesús ñ ejare queti
(Mr 11.1-11; Lc 19.28-40; Jn 12.12-19)

¹⁻² Jerusalén cõñana, Betfagé vãme cuti maca ejacaju yua. Olivo vãme cuti buro judo ñacaju ti maca. Toju juarã yua rãcanare ñ buerãre ado bajiro ñnare roticõacami Jesús:

—Mani varoto riojo ñarimacare vasa maji. Toju ejacõari, burra ñna siaturũgõriore bujaruarãja mua, so macu rãca ñagõre. ñnare õjacõari, yuaere juadibosaba. ³ Ti macagu mua õjaro ñacõari, muaere ñ sẽniãajama, “Mani ujũ ñnare bojami. No cõro mene tũocõarũcũmi quẽna”, ñre yicadiba. To bajiro mua yisere ajicõari, sẽniãarẽmobetirũcũmi. “Baũ. Vasa”, muaere yirũcũmi —ñnare yicami Jesús.

⁴ To bajiro ñnare yiroticami Jesús, Diore gotirẽtobosarimasu, “Ado bajiro bajiruarõja” ñ yuucamasire ñajare:

⁵ “Jerusalén macanare ado bajiro yiruarãja mua: ñaãna mua. Mua ujũ vadiami. “Ñamasugũ me ñaja yu” yitũoãagũre bajiro ejaami. Burra, gajeyeũni ùmagõ macu joeju jesacõari, vadiami’ yiruarãja mua”, yuucamasiñuju Diore gotirẽtobosarimasu.

⁶ To bajiri Jesús ñ rotisere ajicõari, ñ rotirore bajirone yiyuma ñna. ⁷ Burra to yicõari, so macure quẽne ñnare juaejacama ñna. To yicõari, ñna ye sudi joeayere vejecõari ñna joere

h **20:24** Zebedeo manajo, Juan, Santiago jaco, Jesús buamo ñaũju so. To bajiri, “Ñ yarã ñaama” yitũoãagõ ñari, “Yu rĩare quẽnaro yirũcũmi”, yitũoãaboayuju so. Tire ajimasicõari, jünisiniũjuarã Jesús buerã juaãmocãrãcu ñarãju, “Ñ yarã ñajare, ejarẽmogũmi” yitũoãarã ñari.

jeocama ñna. To ñna yiro bero, macujare vajejacami Jesús. ⁸ Jãjarã masa ñnacama. Ñna ye sudi joeayere vejecõari, ñ varotijare cõ rĩjoro cuticama. “Yua ujã ñaja mã” yirã, to bajiro yicama, Jesúre rucubõorã. Gãjerã yucã rujari jasurecõari, maare cõ rĩjoro cuticama. ⁹ To yicõari, “ “Rotimõorũgõrucami” yigũ, Dios ñ cõagũ ñaja yã’ yĩocõari, rotisõorucami yuja” Jesúre ñre yitõõarã ñari, bũto variquenacama ñna. Ñre rĩjoro cuti vana, ñre sũyarã quẽne, ñre ñavariquenarã ado bajiro avasã vacama ñna:

—ĩujã David ñamasir'i jãnami, “Rotimõorũgõrucami” yigũ, Dios ñ cõar'i ñaami! ¡Quẽnase ñre yivariquenato mani! ¡Dioe rotibosagũ quẽnaro ñ yigũ ñaami! ¡Dioe quẽne, quẽnase ñre yivariquenato mani, ñni yua ujare ñ cõajare! —yivasã vacama ñna.

¹⁰ To bajiro Jesús, Jerusalenju, masa rãca ñ ejasere ñacõari, bũto gãmerã ñagõcama ti macana jediro.

—¿Ñimũ ùgũ ñati? —gãmerã yisẽniñacama, masa ñna avasã vado vatoaju Jesús ñ vadire ñacõari.

¹¹ To ñna yijare, gãjerã ado bajiro yicudicama:

—Ñne ñaami Dioe gotirõtobosarimasũ, Jesús vãme cutigũ, Galilea sita Nazaret vãme cuti macagũ —yicama masa.

Diore yirũcubõoriavijũ ñacõari, gajeyeũni ñsirivire bajiro ñna yĩñajare, Jesús ñnare ñ tud'ĩagõbure queti

(Mr 11.15-19; Lc 19.45-48; Jn 2.13-22)

¹² Ti macajare ejacõari, Diore yirũcubõoriavijũ sãjacajũ yua, Jesúrãca. Ti vijũ gajeyeũni ñsirãre, ñnare vaja yirãre quẽne tud'ĩagõbucami Jesús. Gãjerã ye rãca gãjoa vasoarimasa ñna gãjoa jeorijaurire tucaguereacami. To yicõari, buja ñsirimasa ñna rujari cõmurorire tucaguereacami. ¹³ To yicõari, ado bajiro ñnare goticami Jesús:

—Dioe gotirõtobosarimasa ñna ucamasire ado bajiro gotiaja: “Yua ya vima, yure sãnirũcubõorã rẽjariavi ñnaruroja”, yigotiaja, adi vire. To bajiro ñ yimasire ti ñaboajaquẽne, ado bajiro mũa yĩñase sũorine juarudirimasa ya vire bajiro bajiaja ti —ñnare yicami Jesús.

¹⁴ Ti vijũ, yua ñarone, ñmena to yicõari rujasagueri vana, ejacama, Jesús tujũ. To bajiro ñna bajirone ñnare catiocami. ¹⁵ Ti vire ñnacama paia ujarã, Dios ñ rotimasire gotimasiorimasa quẽne. To bajiri Jesús, ñaãñamani ñ yĩosere ñacõari, “ĩujã David ñamasir'i jãnami, ‘Rotimõorũgõrucami’ yigũ, Dios ñ cõar'i ñaami! ¡Quẽnase ñre yivariquenato mani!” rĩamasa ñna yivasã ñasere ajicõari, Jesújare bũto jũnisinicama. ¹⁶ To bajiri ado bajiro Jesúre sẽniñacama:

—¿To bajiro mũre ñna yisere ajiati mũ? “To bajise yibesa”, ñnare yiya —ñre yicama ñna.

To ñna yiboajaquẽne, ado bajiro ñnare goticami Jesús:

—Ajiaja yua. Dios oca masa ñna ucamasire to bajirone gotiaja rĩamasa ñna yivotire. ¿Ñabeticatique ado bajiro yisere? Ado bajiro gotiaja ti:

“ ‘Rĩamasa, to yicõari, ùjurãca quẽne, mũre quẽnaro rucubõorũarãma ñna’ to bajiro mũ yise ñajare”, yigotiaja Dios oca —ñnare yicami Jesús.

¹⁷ To ñ yiro bero, ñnare vaveocõari, Betania vãme cuti macajũ ejacõari, cãnicajũ yua.

Higuera vãme cutiure, “Jũaji rica manũcarũarãja”, Jesús ñ yire queti

(Mr 11.12-14, 20-26)

¹⁸ Quẽna busurijũ Jerusalenju tudiacajũ yua. To yua bajiro, Jesús, ñnarijacami. ¹⁹ Maa tu higuera vãme cutiũ ñacajũ. Tiũ ricare barũ, ojaboacami Jesús. Rica manicajũ, tiũjũama. Jũ rĩne ñacajũ. To bajiri tiure ado bajiro yicami Jesús:

—Jũaji rica manũcarũarãja —tiure yicami.

To bajiro ñ yirirĩmarone, sũnirocacoajũ tiũ. ²⁰ To bajiro ti bajisere ñacõari, no yimasibeticajũ yua, ti ùnire ñabetirũgũcana ñari. “¿No yiro guaro sũnirocacoajari ti?”, yisẽniñacajũ yua.

²¹ To yua yirone, ado bajiro yũare cudicami ñ:

—Riojo m̄are gotiaja yu. “To bajiro yiruc̄ami Dios” ĩre m̄a yiajirit̄anu t̄jabetijama, higuera v̄ame c̄atīre yu yise ũni r̄irene yimasimenaja m̄a. Gajeye josase ti ñaboajaquēne, yimasic̄ar̄aja. “I bure, moa riagaj̄u rocaroacoasa” m̄a yijama, to bajirone bajir̄aroja. ²² “Ȳa s̄enijama, ȳare ĩsic̄oḡumi” yit̄oĩac̄ari, Diore m̄a s̄enijama, m̄are ĩsiruc̄ami —ȳare yicami Jesús.

*“¿Ñim̄a m̄are ĩ rotise r̄aca to bajiro yati m̄a?”, Jesúre ĩna yis̄enīare queti
(Mr 11.27-33; Lc 20.1-8)*

²³ To ĩ yiro bero, Jerusal̄enju ejacaju yu. To bajic̄ari, Diore yiruc̄ub̄oriavij̄u Jesúr̄aca s̄ajacaju yu. S̄ajaejac̄ari, masare gotimasiocami Jesús. To ĩ yĩnarone, b̄uc̄r̄a, paia ujar̄a quēne, ejacama ĩna, Jesúre s̄enīar̄a:

—¿Ñim̄a m̄are ĩ rotise r̄aca to bajiro yir̄uḡati m̄a? —ĩre yis̄enīacama ĩna.

²⁴⁻²⁵ To bajiro ĩna yisere ajic̄ari,

—Yu quēne, ado bajiro m̄are s̄enīaja yu. Ȳare m̄a c̄adic̄aroju, “ĩ rotise r̄aca yaja yu”, m̄are yiruc̄aja maji. ¿Ñim̄a rotiyujari, Juanre, “Oco r̄aca masare ĩnare bautizaya” yiḡu? ¿Dios rotiyujari? ¿Masaj̄a rotiyujarique? —ĩnare yis̄enīacami Jesús.

To ĩ yisere ajic̄ari, ĩna masurione ḡamer̄a ñaḡoñacama ĩna:

—“Dione, Juanre oco r̄aca masare bautizarotiyumi” mani yijama, ado bajiro manire s̄enīajacaḡumi: “Tire masir̄a ñaboarine, ¿no yir̄a ĩre ajitir̄an̄abeticati m̄a?” manire yis̄enīajacaḡumi. ²⁶ To yic̄ari, “Masane, Juanre oco r̄aca bautizarotiriar̄ama” mani yijama, manire b̄uto tud'ir̄uar̄ama masa, “Diore gotir̄etobosarimas̄u ñaboacami Juan” yir̄a ñari —ḡamer̄a yicama ĩna.

²⁷ To bajiro ḡamer̄a ñaḡor̄a ñari, ado bajiro ĩre c̄adicama ĩna:

—Juanre rotir'ire masibeaja yu —Jesúre yic̄acama ĩna.

To ĩna yisere ajic̄ari, ado bajiro ĩnare c̄adicami Jesús:

—To bajiro ȳare m̄a c̄adijare, “ĩ rotise r̄aca yaja yu”, m̄are yigotibetiruc̄aja yu quēne —ĩnare yicami Jesús.

J̄ar̄a r̄ia c̄atiḡu, ĩ r̄iare ĩ moarotirere Jesús ĩ gotimasiore queti

²⁸ To bajiro ĩnare yigajanoc̄ari, gotimasiore queti ĩnare goticami Jesús:

—¿No bajiro t̄oĩati m̄a, adire, yu gotiḡuadire? S̄iḡu ñaḡumi j̄ar̄a r̄ia c̄atiḡu. ĩ mac̄u ñas̄oḡure ado bajiro yiḡumi ĩ: “Mac̄u, yuc̄rema mani uye vesere moaḡuaja”, ĩre yiḡumi.

²⁹ To ĩ yiboajaquēne, “Var̄abeaja yu”, ĩre yic̄diḡumi. To bajiro yiboarine, beroj̄ma, t̄oĩavasoac̄ari, moaḡu vacoac̄umi ĩ yuja. ³⁰ To ĩ yiro bero, ḡaji ĩ mac̄ure quēne, to bajirone ĩre yiḡumi. To ĩ yirone, “Bāu. Moaḡu var̄uc̄aja yu”, ĩ jac̄ure yic̄diḡumi ĩ. To yiboarine, vabec̄umi. ³¹ To bajiri m̄a t̄oĩajama, ¿nij̄a ñañujari ĩ jac̄u ĩ rotiriarore bajirone c̄adir'i? —ĩnare yis̄enīacami Jesús.

To ĩ yis̄enīarone, ado bajiro ĩre c̄adicama:

—ĩ, moarotis̄or'ij̄ma, ĩ jac̄u ĩ rotiriarore bajiro ĩre c̄adiyumi —ĩre yic̄adicama.

To ĩna yisere ajic̄ari, ado bajiro yicami Jesús:

—Riojo m̄are gotiaja yu. Uj̄are ḡajoa s̄enibosarimasare, to yic̄ari, r̄omia, ũm̄are ajeriar̄a c̄atic̄ari, vaja s̄enir̄a r̄omirire, “Rojor̄a masu ñaama” ĩnare yĩlater̄a ñar̄aja m̄a. M̄a ĩlater̄a s̄iḡuri, t̄oĩavasoac̄ari, Uj̄u Dios yar̄a quēnaro ĩ yir̄a ñar̄ama. ĩnare bajiro m̄a t̄oĩavasoabetijama, ĩ yar̄a me ñar̄ar̄aja m̄a. ³² Juan, oco r̄aca masare bautizarimas̄u, “Ado bajiroj̄ma m̄a yijama, quēnaroja” m̄are ĩ yigotimasioboajaquēne, ĩre ajibesuja m̄a. To bajiboarine, “Rojor̄a masu ñaama” m̄a yĩlater̄aj̄uama, ĩre ajitir̄an̄uñuma ĩna. To bajiri ĩre ĩna ajitir̄anusere ĩariar̄a ñaboarine, ĩre ajibetic̄ari, rojose m̄a yir̄uḡur̄iarore bajiro rojose yic̄o ñaja m̄a —ĩnare yicami Jesús.

“Jud'io masa ñna ajitirñnubetijare, gãjerãjũare ñjorũcũmi Dios” yigũ, moarimasa rojose yirã ñna bajire rãca Jesús ñ gotimasiore

(Mr 12.1-12; Lc 20.9-19)

³³ Quëna ado bajiro ñnare gotimasiocami Jesús:

—Sĩgũ masũ ñye vese otegũmi. Tire otegajanocõari, matagũmi. To yicõari, ñye oco juarotijũ quënogũmi. Tijũ bero, vecajũ ñnacõari, ñ ñatirñnubesarotijũ quënogũmi. To yigajanocõari, gãjerãre, “Yũre ñatirñnubosaba”, yigũmi. “Ûye ti rica cutiro, gãjerãre ñsicõari, vaja sãnirũarãja mũa. To yicõari, mũa juajama, ‘Ado cõro ñaja mani ye. Ado cõro ñaja ñ yema’ yicõĩama”, ñnare yigũmi. To yicõari, gajerojũ vacoacũmi yuja. ³⁴ To bajiri cojorũmũ, “Ûye rica cuti bucũatoja ti” yigũ, ñre moabosarimasare cõagũmi, “Ûye, yũre ñna cũbosarere yũre juabosaaya” yigũ. ³⁵ Ûye vesejũ ñna ejaro ñacõari, ti vese coderãjũa, ado bajiro yirãma: ñnare ñejecõari, jarãma. Gãjerãre sãarãma, to yicõari gãjerãre gũtane reasãarãma. ³⁶ To ñna yire quetire ajicõari, jãjarãbũsa ñre moabosarimasare cõagũmi vese ñjũ, ñ ye ñarotire juabosaaya yigũ. Ti vesejũ ñna ejarone, ñatirñnũrimasa, to rĩjoro ejariarãre ñna yiriarore bajirone yirãma, ñnare quëne.

³⁷ To bajiro ñna yiecore quetire ajicõari, “Yũ macũjũare rãcũbũorãma” yitũoĩacõari, ñre cõaboagũmi. ³⁸ To bajiro ñ yicõar'ire, vesejũ ñ ejasere ñacõari, ado bajiro gãmerã ñagõrãma vese coderimasa: “Adi vese ñjũ macũne ñaami. To bajiri ñ bajirocaveojama, ñne ñaami ñre vasoarocũ. To bajiri ñre mani sãajama, mani ye sita ñnarũaroja yuja”, gãmerã yĩñagõrãma ñna. ³⁹ To bajiri vese sojũajũ ñre ñna vati, ñre sãarocacõarãma —ñnare yicami Jesús.

⁴⁰ To bajiro ñnare yigajanocõari, ado bajiro ñnare sãnĩfacami:

—¿Ti vese ñjũ tudiejagũ, no bajiro ñnare yigũjari, ti vese coderimasare? —ñnare yisãnĩfacami Jesús.

⁴¹ To ñ yisere ajicõari, ado bajiro ñre cũdicama ñna:

—Rojorã masũ ñnarãma ti vese ñatirñnũrã. To bajiri ñnare ñamaibecũne ñnare sãareagũmi. To ñ yiro bero, gãjerãre ti vesere ñatirñnũronare vasoagũmi, ñ ye ñarotire juabosaronare —Jesũre ñre yicama ñna.

⁴² To ñna yicũdisere ajicõari, Jesũjũa, ado bajiro ñnare yicami:

—“Ûye vese ñjũ macũre rojorã ñna sãarocarere bajirone viri bũarimasa gũta ñna beserocaria ñaboarine, ñamasurica ñnarũaroja”, yigotiaja Dios ocare masa ñna ucamasire. ¿Tire ñabeticatiquẽ mũa? Ado bajiro gotiaja:

“Gũta rãca vi quënorimasa coja gũtare rocarãma ñna. ñna rocaria ñaboarine, gajea gũta rëtoro quënarica ñnarũaroja tia. Tia gũta sũorine quënarivi quënoracũmi Dios. Tia manijama, quënomasibetibogũmi. To bajiro bojagũmi Dios mani ñjũ. To bajiri tia gũta sũori Dios quënarõ ñ yisere ajimasicõari, bũto tũoĩa variquënajã mani”, yigotiaja Dios oca masa ñna ucamasire.

⁴³ To bajiri ado bajiro yigũ, ti quetire mũare gotibũ yũ: Diore rotibosagũre yũre ajitirñnũmena mũa ñajare, jud'io masa mejũare, “Yũ yarã ññaña” ñnare yicõari, quënarõ ñnare yirũcũmi Dios. ñnajũama, Dios ñ bojarore bajiro ñre ajitirñnũrãrãma. ⁴⁴ No bojarã yũre, yũ ocare ajiterã, rojose tãmũorũarãma ñna —ñnare yicami Jesús.

⁴⁵ Jesús ñ gotimasiore ajicõari, “Mani bajisere yigũ yami”, yiajimasicõacama fariseo masa, paia ñjarã quëne. ⁴⁶ To bajiri Jesũre ñnarũaboacama ñna. “Diore gotirëtosarimasũ ñaami Jesús” masa ñna yitũoĩajare, masare gũirã, ñre ñiabeticama.

22

“Ñ macũ ñ ãmosiagũadijare, masare jirëogũmi ñjũ”, Jesús ñ yigotimasiore queti
(Lc 14.15-24)

¹ Quëna gotimasiore queti masare goticami Jesús:

² —Adi quetire tũoĩacõari, “Tire bajiro bajirũaroja, masare ‘Yũ yarã ññaña mũa’ Ûjũ Dios ñ yiroti” mũare gotimasiogũ yaja: Sĩgũ ñjũ, ñ macũ ñ ãmosiarotirũmũre quënoyugũmi. ³ To

yicōari, “Īvariquēna ejarēmoronare jiaya m̄ua” yigu, ĩre moabosarimasare cōagūmi ĩ. To ĩ yisere ajicōari, jirā vaboarāma ĩna. Īnajuama, vadir̄amenama. ⁴ Īna vadir̄abetire ajicōari, gājerā ĩre moabosarimasare cōagūmi quēna. “Ȳua ɛju m̄uare jigū ñari, ĩ yarā vaibucurā mame buc̄arāre s̄iarotimi. J̄ere quēnogajanom̄u ȳua. To bajiri ĩ mac̄u ĩ āmosiarir̄um̄u ĩarā vayá m̄ua quēne’ ĩnare yiba”, yicōagūmi ĩna ɛju. ⁵ To ĩ yisere ajicōari, jirā vaboarāma ĩna quēna. Īnare c̄udimenane, vacoanama, ĩna ye moare moaroana. Sīgū ĩ ya veseju vac̄umi. Gāji ĩ gajeyeūni ĩsiroj̄u vac̄umi. ⁶ Gājerāma, ɛju ĩ cōaboariarāre ñejecōari, ĩnare jas̄iacōarāma. ⁷ Tire ajicōari, b̄uto j̄ūnisinigūmi ɛju. To bajiri ĩ yarā surarare cōagūmi. “Īnare s̄iacōari, ĩna ya virire soereacoaya”, ĩnare yicōagūmi. ⁸ To ĩ yiro bero, gājerā ĩre moabosarimasare ado bajiro gotigūmi: “Ȳu mac̄u ĩ āmosiarotiaye quēnogajanom̄u. J̄ēju ȳu queti cōaboarā, ĩna ejabetijare, quēnaja. Īnare jicōabetiroti ñaboayuja. ⁹ Jājarā masa ĩna vat̄i maarij̄uare vasa. To m̄ua ĩabujarā cōro jir̄eocōari, ĩnare ūmato vaba”, ĩnare yigūmi ɛju, ĩre moabosarimasare. ¹⁰ ĩ rotirore bajirone masare jir̄eorāma ĩna. Quēnarā, rojorā, ĩna b̄ujarā cōro jir̄eorāma. To bajiri ɛju ya vi, j̄um̄ucoatoja ti.

¹¹ ĩ jicōariarāre ĩagū s̄ajagūmi ɛju. Sīgūre, ĩna āmosiaro ĩarā ejarā ĩna s̄añase ūnire s̄añabec̄ure ĩabujagūmi ĩ. ¹² To bajiri, ĩre ĩacōari, ado bajiro ĩre s̄ēniĭagūmi: “¿No yigu ĩna āmosiaro ĩarā ĩna s̄añase ūni s̄añabeati m̄u?” ĩre yigūmi. To ĩ yiboajaquēne, ĩre c̄udibec̄umi. ¹³ To ĩ bajijare, bare jeorimasare ado bajiro ĩnare yigūmi ɛju. “Ī ḡabori, ĩ āmorire quēne siacōari, r̄ētiaroj̄u ĩre rocacōaña. Toj̄u ñacōari, b̄uto rojose t̄am̄ogū ñari, guji p̄oguē, oti, yir̄uc̄umi”, ĩnare yigūmi ɛju, bare jeorimasare. ¹⁴ To bajiro bajir̄uaroja, “Ȳu yarā ñaña m̄ua” ɛju Dios ĩ yiroti quēne. Jājarā masare, “Ȳu yarā ñaña m̄ua” Dios ĩ yire ti ñaboajaquēne, s̄īḡurine ñarāma ĩ r̄āca ñarona —ĩnare yicami Jesús.

“ɛjarā ḡajoa manire ĩna vaja yirotijama, ĩnare ĩsiroti ñaja”, Jesús ĩ yigotire queti (Mr 12.13-17; Lc 20.20-26)

¹⁵ To ĩ yisere ajicōari, fariseo masa ĩ tu ñaboarā c̄āmotadicoacama ĩna, ḡāmerā ñagōroana. “Ado bajiro yir̄āsa”, yiruyuyuma:

—Ado bajiro mani s̄ēniĭajama, c̄udimasibeticōari rojose t̄am̄oḡuc̄umi —yit̄uoĭaboayuma.

¹⁶ To bajiro yit̄uoĭarā ñari, ĩna r̄ācanare, to yicōari, “ɛju ñamasugū ñar̄uc̄umi Herodes” yir̄ūḡur̄iarāre quēne, Jesús tu ĩnare cōañujarā ĩna, “Īre s̄ēniĭaaya m̄ua” yir̄ā. To ĩna yicōariarā ado bajiro Jesúre s̄ēniĭacama ĩna:

—Ajiya gotimasiorimas̄u. “Riojo gotigu ñaami”, m̄uare yimasiaja ȳua. “Ado bajiro mani yisere bojagūmi Dios” yigotimasioḡū ñari, riojo ȳuare gotimasioaja m̄u. “Ado bajiro ȳu gotimasiojama, ȳure ajij̄ūnisinir̄uarāma” yit̄uoĭabec̄une, riojo gotigu ñaja m̄u. “Ānoama, ñamasurā ĩna ñajare, ricati ĩna ajij̄ūnisinibetire ĩnare gotimasior̄uc̄uja”, yit̄uoĭabec̄u ñaja m̄u. Masa ñajedir̄ore ȳuare riojo gotigu ñaja m̄u. ¹⁷ To bajiro yigu m̄u ñajare, m̄u t̄uoĭasere ajir̄uaja ȳua. ¿Roma macagu ɛju, César, ḡajoa manire ĩ vaja yirotisere mani vaja yijama, quēnacōar̄ojari? ¿Dios ĩ rotimasirere c̄udimena yir̄ājarique mani, ĩre mani vaja yijama? —Jesúre yis̄ēniĭaboacama ĩna.

¹⁸ Jesúj̄uama, “Rojose ȳure yir̄uarā, to bajise ȳure s̄ēniĭatoama ĩna”, yimasicōacami. To bajiri ado bajiro ĩnare c̄udicami:

—“Quēnarā ñaja ȳua” yiboarine, m̄ua yirore bajiro yir̄ā me ñaja m̄ua. ¿No yir̄ā, “Rojose ĩre yir̄āsa” yir̄ā, to bajise ȳure s̄ēniĭatoati m̄ua? —ĩnare yicami Jesús. ¹⁹ —Roma macagu ɛj̄ure ḡājoatii, ĩre vaja yirotit̄iire, cojot̄i ȳure ĩoña —ĩnare yicami Jesús.

To ĩ yijare, āmiadi, ĩre ĩocama ĩna. ²⁰ Ḡājoatiire ĩacōari, ado bajiro ĩnare s̄ēniĭacami Jesús:

—¿Ñim̄u rioga tuyati? ¿Ñim̄u v̄āme tuyati? —ĩnare yicami Jesús.

²¹ To ĩ yirone,

—Roma macagu ɛju César rioga tuyaja. To yicōari, ĩ v̄āme quēne ñaja ti —Jesúre yic̄adicama ĩna.

To ñna yijare, ado bajise yicami Jesús:

—To bajiri aditiire ñacõari, “César yatii ñaja”, yimasijaja mña. To bajiri, gobierno ñ vaja yirotijama, ñnare vaja yiroti ñaja. To bajirone bajijaja Diore quêne. Jediro Dios ñ cõase ti ñajare, “Yña cõose ti ñaboajaquêne, ti rãca mñ bojarore bajiro yiruarãja”, Diore ñre yiroti ñaja, manire. To yicõari, “No bojase moare yña yise quêne, mñ ñjose rãca yña yimasise ti ñajare, ti rãca mñ bojarore bajiro yirũgũruarãja”, ñre yiroti ñaja, mñare —ñnare yicami Jesús.

²² To bajiro ñ yisere ajicõari, no yimasibeticama ñna, quẽnaro gotigũre ajibetirũgũriarã ñari. To bajiri jñaji tudisẽniñamenane, vacoacama yuja.

*“¿Bajirearãma, tudicatioanajari?”, Jesũre ñna yisẽniñatore queti
(Mr 12.18-27; Lc 20.27-40)*

²³ Tirũmũne saduceo masa quêne ejacama, Jesũre sẽnĩatorã. “Masa ñna rijato bero, ñna usũri, ñna rujari ñnaro cõrone quẽna tudicatimenama” yirã ñnacara saduceo masa. Ado bajiro ñre sẽnĩacama:

²⁴—Ajiya gotimasiorimasũ. Moisés ñnamasir'i ado bajiro ñ yiuacũmasire ti ñajare, mñre sẽnĩarã vabũ yña: “Sĩgũ, manajo cutiboa, rĩa magũne ñ bajirocayama, ñ gagũ manajo ñnariore manajo cutirucũmi ñ bedijua. To bajiri ñ rãca ñnacõari, so macũ cutijama, ñ gagũ macũ ñnarucũmi”, yimasĩñuju Moisés. ²⁵ Yña rãcana, sĩgũ rĩa, cojomo cõro jña jẽnĩtuarĩcũ ñmña ñaboacama. Sĩgõrene manajo cutiboacama ñna. Ñnasũogũ sore manajo cutisũobocami. Rĩa magũne rijacoacami ñ. Ñ rijato bero, gãji ñ bedi vasoabocami. Ñ quêne rĩa magũne rijacoacami. ²⁶ Ñ bederã quêne, to bajirone sore manajo cutiboacama. Rĩa manane, rijajedicoacama ñna quêne. ²⁷ So manajua ñna rijajediro bero, so quêne rijacoacamo yuja. ²⁸ To bajiri bajireacõari, quẽna ñna tudicatijama, ¿ñimũjua ñaguĩda so manajũ masu ñnarocũma, ñna ñnaro cõrone sore ñna manajo cuticato bero? —Jesũre yisẽnĩatocama ñna.

²⁹ To ñna yirone, ado bajiro cũdicami Jesús:

—Dios oca masa ñna ucamasire ajimasimena ñaja mña. Dios ñ masisere quêne masirã me ñaja. To bajirã ñari, Moisés ñ ucamasirere tũoĩacõari, “Riojo me gotiro yaja”, yitũoĩabojaja mña. ³⁰ Ado bajirojua bajijaja: Bajireariarã, ñna tudicatiro bero, manajo cutire, manajũ cutire quêne manirũaroja. Ángel mesare bajiro bajirã ñnaruarãma ñna. ³¹ ¿“Masa ñna bajirearo bero, ñna usũri caticõaroja”, yirere ñabeticatique mña? Dios ñ masune ñ gotirere ñre gotirẽtobosarimasũ ado bajise ucamasĩñumi: ³² “Mña ñnicua ñnamasiriarã Abraham, Isaac, Jacob, ñna rũcũbũo vadimasicacũne ñaja yũ”, yigotimasĩñumi Dios. Masa bajireariarã ñna usũri ti caticõa ñnabetijama, to bajise yibetimasiborimi. Bajireariarã, quẽnna tudicatrãjua ñna rũcũbũogũ ñagũmi. “Ñna usũri ti caticõa ñajare, bajireariarã ñnaboarine, Diore rũcũbũocõa ñnarãma”, yire ñaja —ñnare yicami Jesús.

³³ To bajiro ñ yisere ajicõari, no yimasibeticama ñna, quẽnaro gotigũre ajibetirũgũriarã ñari.

*Dios ñ rotimasire ñnamasuri vãmere Jesús ñ gotire queti
(Mr 12.28-34)*

³⁴ Saduceo masare Jesús quẽnaro ñnare ñ cũdise ñajare, gajeye ñre ñna sẽnĩatomasibetirere ajiyujarã fariseo masa. Tire ajicõari, rẽjañujarã ñna. ³⁵ Tijũ bero, sĩgũ ñna rãcagũ, Dios ñ rotimasire gotimasiorimasũ, Jesũre sẽnĩagũ ejacami. “Ado bajiro josasere yũ sẽnĩajama, cũdimasibeticõari rojose tãmũorucũmi” yigũ, ado bajise ñre sẽnĩacami:

³⁶ —Gotimasiorimasũ, ¿disejua ñnati ñnamasuse masu Dios ñ rotimasire, mñ ñajama? —Ñre yisẽnĩacami.

³⁷ To bajiro ñ yisere ajicõari, ado bajiro cũdicami Jesús:

—Mani ñjũre, Diore bũto mairoti ñaja. No bojagũre mani mairi rẽtoro, no bojase mani cõose, to yicõari, mani bojatũoĩase rẽtoro Diore mairoti ñaja. ³⁸ Ti ñaja ñnasũose, ñnamasuse Dios ñ rotimasire. ³⁹ To yicõari, gajeye tire bajibũsasene ado bajiro yaja: “Mñ masu

rujare mu mairone bajirone mu tuanare maiña”, yigotiaja Dios i rotimasire. ⁴⁰ To bajiri juu vāmene ñaja ñamasuse masu Dios i rotimasire. Tire mu cudijama, Moisés ñamasir'i i rotimasire, to yicōari, Diore gotirētobosarimasa ña gotimasiomasirere quēne cudijeocōagū yigūja mu —ire yicami Jesús.

“Rotimorūgōrucami” yigu, Dios i cōarocu, ħñimu ñarucami, yituoīati mua?”, Jesús i yisēñiare queti

(Mr 12.35-37; Lc 20.41-44)

⁴¹⁻⁴² Fariseo masa yua tu ña rējaro, ado bajiro ñare sēñiacami Jesús:

—“Rotimorūgōrucami” yigu, Dios i cōarocu, ħñimu ñarucami yituoīati mua? —ñare yicami Jesús.

—“Uju David ñamasir'i jānamine ñarucami” yaja —ire yicudicama ña.

⁴³ To ña yisere ajicōari, ado bajiro ñare yicami:

—To bajiro mua yituoīaboajaquēne, Uju David ñamasir'i, “Rotimorūgōrucami” yigu, Dios i cūrocure tuoīagū, ħno yigu Diore yigūre bajiro, “yu ujū” yimasihujari i? Esp'iritu Santo i ejarēmose rāca ado bajiro ucamasiñumi:

⁴⁴ “Yu ujūre ado bajiro yirucami Dios: ‘Yu riojojacatua rujiya maji. Mare ñaterāre, “Rojose yitujaya” ñare yu yiro bero, rojose yimasibetiruarāma. To cōrone rotimorucūja mu’ yirucami Dios, yu ujūre”, yucamasiñumi David.

⁴⁵ To bajiri, “ ‘Rotimorūgōrucami’ yigu, Dios i cōarocu, David ñamasir'i jānami ñarucami” yucamasire ti ñaboajaquēne, ħno yigu i ujūre bajiro bajigutique? —ñare yicami Jesús.

⁴⁶ To bajiro ñare i gotisere ajicōari, sīgū ñare cudimasigū manicami. “Mani rētoro masigū ñaami” yituoīacōari, “ ‘Ānoama masimena ñaama’ yiro mi” yirā, ñare sēñiña tujacōacama ña yuja.

23

“Rojose tāmoruarāja mua”, fariseo masare Jesús i yire queti

(Mr 12.38-40; Lc 11.37-54; 20.45-47)

¹ To i yiro bero, masare, yua i buerāre quēne, ado bajiro yuare yicami Jesús:

² —Dios i rotimasire gotimasiomasa, fariseo masa quēne, Moisére Dios i roticūmasirere buerētobucōari, “Ado bajiro yiroti ñaja manire”, yigotimasiomā ñaama.

³ To bajiri tire ña gotimasiosere quēnaro ajitirānūña mua. To bajiboarine, ña yirore bajiro yimena ña ñajare, ña yirore bajiro yibesa. ⁴ Dios i rotimasirere buerētobucōari, i rotimasire rētoḡsaro yirotiama ña. “Cojo vāme me mani rotise ñajare, cudijeomasimenama ña” yimasirā ñaboarine, ñare ñamaimenane, “Ñajediro yua gotirētobuse riojo ñaja”, masare ñare yicōa ñarūgūama. ⁵ Jediro ña yisere, “Quēnaro yirā ñaama” masa ña yīarūcubuosere bojarā yama. ña riovecari siature, ña ricari dūreature quēne Dios ocasāñarijataroriaca jacabusarijatarori cūoama ña, “Gājerā manire ñacōari, quēnaro rūcubuoato ña” yirā. To yicōari sudiro gaja seayore, jacabusase seayore cutiaseri sāñaama ña. “Quēnaro yirā ñaama ña” masa ña yīarūcubuosere bojarā yama. ⁶ Boserūmuri ñaro ña barujijama, ñamasuri cūmurorire rujivariquēnarūgūama ña. Dios ocare bueriavirijare quēne ñamasuri cūmurorire rujivariquēnarūgūama. ⁷ To yicōari, jājarā masa ña rējarūgūrijaurire ejarūgūama. Masare ña bocaġama, rūcubuose rāca ñare ña sēnisere bojarūgūama. To yicōari, “gotimasiomasa” masa ña yijama, ajivariquēnarūgūama.

⁸ Mūarema, ña yirore bajiro mua yibetijare, quēnaruroja. “Gotimasiomasa” mua rācana mūare ña yisere bojabetiruarāja mua. Sīgūne ñaja yu, mua jedirore gotimasiomasa. Mūama, cojoro cōrone ñarā ñaja mua, yure ajitirānūrāma. To bajiri gotimasiomasa gāmerā yimasimenaja mua. ⁹ Ō vecajure ñagū sīgūne ñaami mani jacu, Dios vāme cutigu. To bajiri adi sitagure, gājire yure ajitirānūgūre, Diore mua yirūcubuoore

bajiro yirã, “yua jacu” ïre yibeja mua. ¹⁰ “Yua uju ñaja mu” gãjerã muare ïna yirũcubũosere ïnare yirotibaja. “Rotimũorũgõrũcũja mu” yigu, Dios ï cõacacu, yu sũgũne ñaja mua uju ma. ¹¹ Sũgũ yare ajitirũnũgũ, ñamasugũ ï ñaruajama, gãjerã ïna bojasere masicõari, quẽnaro ïnare yiejarẽmogũ ñarucami. ¹² Quẽnaro ïnare ïna yirũcubũosere bojarãre, “Ñamasurã me ñato”, ïnare yirucami Dios. No bojagu, “Ñamasugũ me ñaja yu” yicõari, quẽnaro gãjerãre yirẽmogũjuare, “Ñamasugũ ñato”, ïre yirucami Dios —yua yicami Jesús.

¹³ Fariseo masare, Dios ï rotimasire gotimasiorimasare quẽne yigu, ado bajiro goticami Jesús:

—Buto rojose tãmũorũarãja mua. “Quẽnaro yirã ñaja yua” yiboarine, rojorã ñaja mua. Dios ï rotimasirere buerẽtobucõari, ñamasuse mejuare ajitirũnũcõari, gotimasiovadicaju mua. To bajiro mua yijama, “Uju Dios yarã quẽnaro ï yirã ñabeticõato mani” yirãre bajiro yijaja mua. To yicõari, “Gãjerã, Uju Dios yarã quẽnaro ï yirã ñabeticõato ïna” yirã yaja mua. Dios yarã ïna ñaruaboajaquẽne, ïnare matarã yaja mua. To bajiri mua quẽne ï yarã ñabetirũarãja mua —ïnare yicami Jesús.

¹⁴ —Buto rojose tãmũorũarãja mua, fariseo masa, Dios ï rotimasire gotimasiorimasa quẽne. “Quẽnaro yirã ñaja yua”, yitũoĩaboaja mua. Manajua rijaveoriarã ya virire emarã ñaboarine, masa ïna ïaro rĩjoroju, “ ‘Quẽnaro yirã ñaama’ yĩato” yirã, “Yoaro Diore sãnirã yaja”, yisocarũgũboaja mua. To bajiro mua yise vaja, gãjerã rojorã, rojose ïna tãmũose rẽtoro rojose tãmũorũarãja mua —ïnare yicami Jesús.

¹⁵ —Buto rojose tãmũorũarãja mua. “Quẽnaro yirã ñaja yua” yiboarine, mua yirore bajiro yirã me ñaja mua. “Manire bajiro gãji ï tũoĩajama, quẽnaja” yitũoĩacõari, masare buto gotimasiodiaja mua. Sũgũ, “Yua bajiro tũoĩato” mua yigu, “Mani ajitirũnũro rẽtoro mani yere ajitirũnũato ï” yirã yaja mua. To bajiro mua yijama, “Buto busa rojose tũoĩato” yirã yaja mua. To bajiri, mua rẽtobũsaro Dios ï bojabetire yicõari, “Rojose tãmũotũjabetiriaroju varucami ï quẽne”, yirã yaja mua —ïnare yicami Jesús.

¹⁶⁻²² Quẽna ado bajiro ïnare goticami Jesús, fariseo masare, Dios ï rotimasirere gotimasiorimasare quẽne:

—Buto rojose tãmũorũarãja mua. ïamena, gãjerã ïamenare tãa vanare bajiro bajirã ñaja mua. No bojase mua yirotere mua yiruajama, “Yimasucõarũarãja yua. Tire yua yibetijama, Dios, rojose yua yibogami” yirã, yirere ado bajiro gãjerãre gotimasiorũgũboaja mua: “Cojojirema mani gotirore bajiro yiruamena ñari, ado bajiroju mani gotijama, quẽnacõaroja”, yirũgũboaja mua: “Mani gotirũgũrore bajiro yirã ñaboarine, Dios vãmere mani gotivasoajama, mani gotirore bajiro mani yibetiboajaquẽne, rojose manire yibecami Dios”, yirũgũboaja mua. To yicõari, ado bajiro gotimasiorẽmoaja: “Dios vãmere gotiterã, Diore yirũcubũoriavi vãme rãca mani yijama, quẽnacõaroja. To bajiro yiterã, Diore yirũcubũorã soemũoriajau vãme rãca mani yijama, quẽnacõaroja. Tire mani yitejama, õ vecaju ãmũagaserõju Dios ï ñaro vãme rãca mani yijama, quẽnacõaroja. To bajiboarine, Diore yirũcubũoriaviaye oro vãme cutise rãca, to yicõari, gaje vãme Diore rũcubũorã soemũoriajau joere jesase vãme rãca mani yijama, mani gotirore bajirone yiroti ñaja”, yiboaja mua. Tũoĩamasimena, ïamenare bajiro bajirã ñaja mua. Ñajediro Dios ye ti ñajare, ï vãmerene gotirã yaja mua —ïnare yicami Jesús.

²³ —Buto rojose tãmũorũarãja mua. “Quẽnaro yirã ñaja yua” yiboarine, rojorã ñaja mua. Dios ï rotimasirere buerẽtobucõari, ñamasuse mejuare ajitirũnũrãja mua. To bajiro yirã ñari, bare sãvũorere, an'is, menta, comino vãme cutire mojoroaca ti vaja cutiboajaquẽne, Diore yirũcubũoriavi moabosarimasare ïsija mua. To bajiro yirã ñaboarine, Dios ï rotimasire ñamasusejuarema ajitirũnũmena ñaja mua. Ado bajiro bajiaja ñamasuse: Quẽnaro riojo yire, gãjerãre ïamaire, to yicõari, Diore maire quẽne ñaja ñamasuse. Tire quẽne yirũgũrona ñaja mua. ²⁴ To bajiro yirã ñari, ado bajiro yirãre bajiro yaja mua: “Beco rãca idirobe” yirã, oco mua idirotere veorũgũaja mua. To bajiro yirã ñaboarine, camello vãme cutigũjuarema jaigu ï ñaboajaquẽne, rujune bayurãre bajiro yirũgũaja mua. To bajiri,

Īamena, gājerā Īamenare tūa vanare bajiro bajirā űaja mġa. Dios ĩ rotimasire űamasuse mere ajirġcġbġorā űaboarine, űamasuseġare yimena űaja mġa —Īnare yicami Jesšs.

²⁵ —Bġto rojose tġmġorġarġja mġa. “Quġnaro yirġ űaja yġa” yitġoġaboarine, rojorġ űaja mġa. Idiriabaja, bare jeobariabaja joema coeriabajari űaboarine, jubeajġama bġto ġeri cġtibajarire bajiro bajiaja mġa. Mġa ġsġri bajiseġarema tġoġabeaja mġa. To bajirġ űari, “Quġnaro yirġ űaja yġa” yitġoġaboarine, rojosere quġne tġoġarġ űari, rojorġ űaja mġa. Īġorġ űari, “Īnare yitocġari, Īna cġboasere ġmarġarġja”, yitġoġarġ űaja mġa. ²⁶ “Rojorġ űaja mani” yimasimena űari, Īamenare bajiro bajirġ űaja mġa, fariseo masa. Rojasere tġoġatġjaya. To bajiro mġa yijama, Dios ĩ bojarore bajiro tġoġarġ űari, quġnaro yirġ űarġarġja mġa.

²⁷ Bġto rojose tġmġorġarġja mġa fariseo masa, Dios ĩ rotimasire gotimasiorimasa quġne. “Quġnaro yirġ űaja yġa” yiboarine, mġa yirore bajiro yirġ me űaja mġa. Masa yujeriaviri botisene viariavirire bajiro bajiaja mġa. Masa Īna Īaquġnariviri űaboarine, jubeajġama rijariarġ gġa quġnabetoja. ²⁸ To bajiro bajirġ űaja mġa. “Quġnaro yirġ űaama” masa Īna yġarġ űaboarine, mġa tġoġare cġtisema rojorġ űaja. “Quġnaro yirġ űaama” masa mġare Īna yġasere bojatġoġarġ űaboarine, rojose űaro cġro tġoġarġ űaja mġa —Īnare yicami Jesšs.

²⁹ Quġna ado bajiro Īnare gotirġtuacami Jesšs:

—Bġto rojose tġmġorġarġja mġa. “Quġnaro yirġ űaja yġa” yiboarine, mġa yirore bajiro yirġ me űaja mġa. Diore gotirġtobosamasiriarġre Īna yujemasirijajġ joere quġnariġu quġnoaja mġa, “Quġnarġ űamasirġma” yirġ. To yicġari, gġjerġ quġnaro yiriarġre quġne Īna yujeriaġu joere quġnase quġnorġgġaja mġa. ³⁰ To yicġari, ado bajiro yirġgġaja mġa: “Mani űicġa, Diore gotirġtobosarimasare Īna sġarearo, Īnare sġa ejarġmobetiboriarġja mani”, yirġgġaja mġa. ³¹ To bajiro mġa yijama, “Quġnarġ űaġma” yirġ me yaja mġa. Ado bajiroġa yirġ yaja: “Diore gotirġtobosamasiriarġre mani űicġa Īna sġamasire quġnaġuġa ti” yirġ yaja mġa, mġa űicġa rojose Īna yiriarore bajiro rojose yirġ űari. ³² Mġa űicġa Diore gotirġtobosarimasare Īna sġasġovadimasiriarore bajirone mġa quġne Īna jġnerabatia űari, Diore gotirġtobosarimasare sġajeocġaroti űaja —Īnare yicami Jesšs.

³³ —Vġtia ġġ rojose ĩ yirore bajirone rojose yijairġ űaja mġa. Rojasere tġmġotġjabetiriaroġu mġa varotire, no bajiro rudimasibetirġarġja. ³⁴ Mġa jud'io masa vatoajġ Diore gotirġtobosarġre, quġnaro tġoġarġre quġne, Dios ocare gotimasiorġre quġne cġarġcġja yġ. Īnare sġarġarġja mġa. Gġjerġrema yucġtġroġu jajusġarġarġja. Gġjerġrema, Dios ocare Īna buerivirijġ Īnare jarġarġja. Gġjerġrema, Īna vati macari űaro cġrone rojose Īnare yisġyarġarġja. ³⁵ To bajiro mġa yiroti ti űajare, ado bajiro yirġcġmi Dios, mġa űicġare, mġa yarġ jedirore yġre ajitirġnġmenare: Abel űamasir'ire mġa űicġ ĩ sġasġomasire, to yicġari Diore yirġcġbġoriavi jubeajġ űariġau soemġoriaġau tġġu Berequ'ias macġre Zacar'iare Īna sġatġsamasirere, quġnaro yirġre Īna sġavadimasire űajare, bġto rojose tġmġorġarġja mġa, adirġmġri űarġ. ³⁶ Riojo mġare gotiaja yġ. Mġa űicġa Īna bajimasiriarore bajirone Diore mġa ajitirġnġbeticġa űajare, Īna sġamasire vaja rojose Īnare ĩ yiroti rġtobġsaro rojose mġare yirġcġmi Dios, adirġmġri űarġre —Īnare yicami Jesšs.

Jerusalġn macanare Īna bajirotire Jesšs ĩ tġoġasġtiritire quġti

(Lc 13.34-35)

³⁷ Jerusalġn macanare ĩre Īna sġarocarġ bero Īna bajirotire tġoġacġari, ado bajiro yicami Jesšs:

—Jerusalġn macana, Diore gotirġtobosamasiriarġre sġamasiriarġ jġnerabatia űacġama Īna. Dios ĩ cġamasiriarġre, ĩ ocare gotimasiorimasa gġtane Īnare reasġamasiriarġ jġnerabatia űaama. Cojoġi me gġjaboco so querġġ ġġeroca so rġare so juarġorore bajiro Īnare yirġaboacajġ yġ, Īnare coderġ. To bajiro yġ yirġaboajaquġne, Īnajġa yġre bojabeticama. ³⁸ To bajiri jġre, “Īna űariġure codetġajacġaja yġ yuja”, yitġoġami Dios. ³⁹ Riojo gotiaja yġ: “Ķrotimġorġgġrġcġmi’ yigġ, Dios ĩ cġar'i vadiami! Ķquġnase ĩre yivariquġnato mani!

¡Diore rotibosagu ï ñajare, ïre quënaroyato Dios!” yure ïna yiroto rïjoro, quëna juaaji yure ïabetiruarãma ïna —ïnare yituoïa ñagõcami Jesús, Jerusalén macanare.

24

“Diore yirucuboriavire jud'io masa me ñarã caguerocacõaruarãma”, Jesús ïyire queti (Mr 13.1-2; Lc 21.5-6)

¹ Diore yirucuboriavijũ ñacõari, budiacami Jesús. ïre ëmucõari, ado bajiro ïre yicaju yua:

—Adi vire ïaña mũ —ïre yicaju yua.

² To bajiro yua yirone, ado bajiro yuare yicami Jesús:

—¿Adi vire quënaroyati mũa? Mũa ïarivi ti bajiro tire riojo mũare gotiguagu yaja yu. Adi vi mũa ïarivi ñaro cõrone cagueroca ecoruaroja. To bajiri adi viaye gajea gũta joere, gajea jesabeticõaruarõja —yuare yicami Jesús.

“Macarucuro ti jediroto rïjoro ado bajiro bajiruarõja”, Jesús ïyire queti (Mr 13.3-23; Lc 21.7-24; 17.22-24)

³ Tijũ bero, Olivo vãme cuti buro joejũ rujiacami Jesús. To ï rujiro, gãjerã ïna mano ïacõari, ado bajiro ïre sënïfacaju yua:

—¿Divato cagueroca ecoroti Diore yirucuboriavi? ¿No bajiro ti bajisere ïacõari, “Jesús ejaguagu yigumi”, yimasirãti yua? ¿No bajiro ti bajiro ïacõari, “Adi macarucuro jediato yaja”, yimasirãti yua? —Jesúre yisënïfacaju yua.

⁴ To bajiro yua yisere ajicõari, ado bajiro yuare cudicami Jesús:

—Roori ñaruarãja mũa, “Socarãne, gãjerã manire yitoroma” yirã. ⁵ Jãjarã yitorã ñaruarãma, “Yũne ñaja ‘Rotimorugõrucumi’ yigu, Dios ï cõagũ” yirã. To bajiro ïna yisocasere jãjarã masa ïnare ajisuyaboaruarãma. ⁶ Mũa tuana, to yicõari, gajeroana quëne gãjerã rãca ïna gãmerã sïasere ajiruarãja mũa. Tire ajicõari, güibetiruarãja mũa. “Bajiruarõja” Dios ï yiriarore bajirone bajiruarõja. To bajiro ïna gãmerã yïñaboajaquëne, adi macarucuro jediro me bajiruarõja. ⁷ Cojo sitana gaje sitana rãca gãmerã sïaruarãma. Cojo maca me ñioñaruarõja. To yicõari bũto sita saberuarõja. ⁸ To bajiri, rojose tãmũosũoruarãma masa. ïna tãmũose rëtobũsaro rojose tãmũoroana yirãma yuja.

⁹ Tirodori, gãjerã, mũare ñejecõari, ïsirearuarãma, gãjerãre, “‘Rojorã ñaama’ yïlacõari, rojose ïnare yato” yirã. To bajiri, gãjerãjũ, rojose mũare yigajanocõari, mũare sïaruarãma. Yure ajitirũnarã mũa ñajare, mũare ïateruarãma adi macarucuroana jediro. ¹⁰ To bajicõari, jãjarã yure ajitirũnarã, ajitirũnu tujaruarãma ïna. To yicõari, yure ajitirũnarã, sïgũri, gãmerã ïateruarãma. Gãjerã, ïna rãcanare ïatecõari, ïsirearuarãma ïna. ¹¹ “Diore gotirëtobosarimasa ñaja yua” yitorã, jãjarã ñaruarãma. To bajiro ïna yisocasere jãjarã masa ïnare ajisuyaboaruarãma. ¹² Bũtobũsa rojose rïne yirũtu vare ti ñajare, gãmerã maire quëne manibusacoaruarõja. ¹³ To bajiro ti bajiboajaquëne yure ajitirũnu tujamenare, adi macarucuro ti jedirojũ, rojose tãmũotũjabetiriarõju ïna vaborotire ïnare yirëtobosarucumi Dios. ¹⁴ “Tijũ Dios yarã quënaroyã yirona mũa ñaruarãma, Jesúre ajitirũnaña” yire queti, adi macarucuro ñarã masa ñaro cõrone gotimasiojeo ecoruarãma. ïna masijedicõaro berõju adi macarucuro jediruarõja.

¹⁵ Diore gotirëtobosarimasũ Daniel ñamasir'i ado bajiro ucamasiñumi: “Adi macarucuro jedirirodo sïgũ, ‘Diore rucubobeticõato ïna’ yigu, Dios ï bojabetire yirucumi. Diore yirucuboriavijũ ï ñasere masiruarãja mũa”, yucamasiñumi Daniel ñamasir'i. (Yũ, Mateo, adi papera Daniel ï ucamasirere Jesús ï gotisere yũ ucasere ïacõari, ajimasiña.) To bajiri Dios ï bojabetire ï yisere ïacõari, “Jerusalén maca ti jedirotirũmũ cõnarõ bajiaja”, yimasiruarãja mũa. ¹⁶ To bajiro bajirirũmũ Judea sitana gũtayucũju guarõ rudicoajaro ïna. ¹⁷ Sïgũ ï ya vi joejũ jesaguma, rujiacõari, ï ya vi jubeajũ

gajeyeŭni ñasere juaátimabetirucumi. ¹⁸ Gãji, veseju moañagũ, ĩ ye sudire juagu tudi-atimabetirucumi, rujarimarone yu ejaroti ti ñajare. ¹⁹ Rõmia macu sãñarã, ũjurã cuorã quẽne, rojose tãmuoruarãma ĩna, ũmatimabetica yirã. ²⁰ “Buto oco quedirirãmure, to yicõari, ususãjariarãmure bajibeticõato” yirã, Diore sēnicõa ñarũgũña. ²¹ To bajiro bajirãmari buto rojose tãmuoruarãma masa. Adi macarucuro ñasuarãmari masa rojose ĩna tãmuoadire rētoro tãmuoruarãma ĩna. Rojose ĩna tãmuoro bero, to bajise rojose tãmuobetiruarãma yuja. ²² “Yoaro mebũsane rojose tãmuoato masa” Dios ĩ yibetijama, sīgũ catiruyarocu manibogumi. “Yu yarã ñaña mua” ĩ yirere cudiriarãre ĩamaigũ ñari, “Yoaro mebũsane rojose tãmuoato ĩna”, yirucumi Dios.

²³ To bajiro bajinariorodire, “Ānine ñaami ‘Rotimorũgõrucumi’ yigu, Dios ĩ cõar’i. Ejayumi” gãjerã ĩna yijama, ĩnare ajibeja mua. To yicõari, gãjerãjuama, “Tone ñagumi. Ejayuju” muare ĩna yijaquẽne, ĩnare ajibeja mua. ²⁴ Jãjarã yitorã ñaruarãma, “Yune ñaja ‘Rotimorũgõrucumi’ yigu, Dios ĩ cõagũ” yirã, to yicõari, “Diore gotirētobosarimasa ñaja yua” yirã. To bajiro yirã, ĩaãañamani jairo yĩoruarãma, masare yitorã. To bajiro yiruarãma, “Yu yarã ñaña mua’ Dios ĩ yirere cudirã quẽne, manijure ajitirũnũato” yirã. ²⁵ Tire muare yu gotimasiosere quẽnaro tuoĩaña mua. Ti bajiroto rĩjoro jediro muare gotijeobu yu. ²⁶ To bajiri, “Yucú manojũ ñagumi, ‘Rotimorũgõrucumi’ yigu, Dios ĩ cõar’i” muare ĩna yijama, ĩarã vabetiruarãja mua. To yicõari, “Vi jubeaju yayiorojũ ñagumi, ‘Rotimorũgõrucuja mu’ yigu, Dios ĩ cõar’i” ĩna yijama, ĩnare ajitirũnubetiruarãja mua. ²⁷ Macarucuro jediro bujo ĩ yabesere masa ĩna ĩarore bajiro Dios ĩ roticõacacu, yu vadore yure ĩare ñaruarõja. ²⁸ Rijar’i, ĩ boacũñarorema, yuca ejarãma ĩna —yuare yicami Jesús. ĩ

*“Dios ĩ roticõacacu tudiejarucuja yu”, Jesús ĩ yire queti
(Mr 13.24-37; Lc 21.25-33; 17.26-30, 34-36)*

²⁹ To yicõari, quẽna ado bajiro yuare yicami Jesús:

—Tire rojose ĩna tãmuo gajanorijaune, gaje vãme rojose bajiruarõja. Muiju ũmuagu asi-betirucumi yuja. Ñamiagu quẽne busubetirucumi. Ñocõa quẽne vējacoaruarãma. To yicõari, õ vecayere narubatorucumi Dios. ³⁰ To bajiro ti bajiro ĩacõari, “Õ vecagu Dios ĩ roticõagũ rujiadigũagu yigumi”, yure yiruarãma masa. Yu rujiadire ĩacõari, gũirã, otiruarãma. Yu masise rãca, oco bueri vatoaju buto yu busubatorujiadire ĩaruarãma. ³¹ Õ vecaju trompeta jutise ocaruyuruarõja. To cõrone, “Yu yarã ñaña’ Dios ĩ yirere cudiriarãre judoaga soje, jũnaga soje, varuaga soje, gajecatua varuaga soje ñarã jedirore juarẽoato” yigu, ángel mesare cõarucuja yu. To yu yijare, yu yarã ñaro cõrone juarẽoruarãma ĩna —yuare yicami Jesús.

³² To yicõari, quẽna ado bajiro yuare goticami Jesús:

—Gotimasiore queti muare gotigu yaja yu. Higuera vãme cutiare tuoĩaña mua. Higuera vãme cutiu gajecu bucũamũjacõari, jũ mameaja. Tire ĩacõari, “Mojoroaca ruyaja cũma ti ejaroti”, yimasiaja mani, jud’io masa. ³³ Muare yu gotisere bajiro bajisere ĩacõari, “Mojoroaca ruyaja Jesús ĩ vadiroti”, yimasiruarãja mua. ³⁴ Riojo muare gotiaja yu. Adirodo ñarã mua bajireajediroto rĩjoro, muare yu gotirore bajirone bajiruarõja ti. ³⁵ Adi macarucuro ñaro cõrone, to yicõari, õ vecaye quẽne jedicoaruarõja. To bajiboarine, yu ocama, jedibeti muorũgõcõaruarõja.

³⁶ “Ado cõrone ejarucumi Jesús” yimasigũ magumi. Ángel mesa quẽne, masimenama ĩna. Dios macu ñaboarine, “To cõro ejarucuja yu”, yimasibeaja yu quẽne. Yu jacu sīgũne masigumi —yuare yicami Jesús.

³⁷ Quẽna ado bajiro yuare gotirẽmocami Jesús:

ĩ 24:28 “Yuca ejarãma, masu boagu ĩ ñarore” ĩ yijama, “Rojose yirãma, no bojarone ñacõarãma” yigu yiyuju Jesús.
j 24:34 Griego masa ye rãca “esta raza” yiroma, judío mesare yiro yaja. To bajicõari, “esta generación” ti yijama, adirodo ñarãre yiro yaja.

—Noé ñamasir'i i ñariarodo masa ña bajiñamasiriarore bajiro bajiñaruarãma, Dios i roticõacacũ, yũ tudiejarirãmũre quẽne. ³⁸ Adi macarũcũro ti rujaroto rĩjoro, bare ba, idi, manajo cuti, yicõa ñamasifũjarã ña. Diore tũoĩari mene, “¿To bajiroado yatique?” yimenane, jairica cũmua quẽnogajanocõari, Noé i vasãjaro ùnone to bajiro yicõa ñamasifũjarã ña. ³⁹ “To bajiroado yiroja” ña yimasibetone, ñare ruureacõamasifũju Dios. To bajirone bajiruarãma masa, yũ tudiejarirãmũre quẽne. ⁴⁰ Yũ ejarirãmũ juarã ãmua ña vesejũ moañaruarãma. To ña yiñarone, sĩgũ ãmiecorũcũmi. Gãjima, ãmiecobetirũcũmi. ⁴¹ Rõmia juarã trigore vãiañaruarãma. To bajiri, sĩgõ ãmiecorũcũcõmo. Gajeoma, ãmiecobetirũcũcõmo.

⁴² To bajiro bajiroti ti ñajare, roori ñaruarãja mũa, “To cõrone tudiejarũcũmi mani ẽjũ” yũre yimasimena ñari. ⁴³ Sĩgũ vi ẽjũ, “Adi ñami juarudirimasũ ejarũcũmi” i yimasijama, roori ñabogũmi, ñre matarũ. ⁴⁴ To bajiri, “Dios i roticõagũ i tudiejarotire mani masibetirĩmarone tudiejaromi” yirã, roori ñarũgũrũarãja mũa —yũare yicami Jesús.

*“Ado bajiro bajigũmi yũ tudiejarotire roori ñagũma”, Jesús i yire queti
(Lc 12.41-48)*

⁴⁵ Quẽna ado bajiro yũare gotirẽmocami Jesús:

—Ado bajiro bajirũcũmi yũre quẽnaro ajitirũnũ tũjabecũ, quẽnaro tũoĩagũ: Ʋjũ, gajerojũ ñagũacũ, i varoto rĩjoro, “Yũ ya vianare yũre codebosaba” yigũ, ñre moabosarimasũre i cũ var'ire bajiro bajigũ ñagũmi. ⁴⁶ I ẽjũ, i rotivariarore bajirone i moayurere tudiejacõari, i ñaejajama, quẽnaro ñre yigũmi, ñre moabosarimasũre. ⁴⁷ Riojo mũare gotiaja yũ. Ʋjũ i bojarore bajirone i yire ti ñajare, i cũose jedirorene ñre ñatirũnũ rotigũmi. ⁴⁸⁻⁴⁹ Ado bajiro bajirũcũmi yũre quẽnaro ajitirũnũbecũma: Rojose yigũ i ñajama, ẽjũ, i vato bero, “Yoatojũ tudiejagũmi” yitũoĩagũ ñari, i ẽjũ moabosarimasare rojose yigũmi. To yicõari, idimecũrũgũrãre baba cuticõari, ña rãca idirũgũgũmi i quẽne. ⁵⁰ To i yiñarone, i ẽjũ, tudiejagũmi. ⁵¹ Tudiejacõari, i rotiriarore bajiro i yibetire ti ñajare, rojose ñre yigũmi. To bajiri “Quẽnaro yirã ñaja yũa” yiboarine, ña yirore bajiro yimena rojose ña tãmũorore bajirone tãmũogũmi. Bũto rojose tãmũogũ ñari, guji põguẽ, oti, yigũmi —yũare yicami Jesús.

25

“Ado bajiro bajiruarãma Dios yarãma. To yicõari, i yarã me ñarãma ado bajirojũa bajiruarãma”, Jesús i yire queti

¹ Quẽna ado bajiro yũare yicami Jesús:

—Ʋjũ Dios yarã ñaronama, quẽnaro i yironama, to yicõari, i yarã me ñaronajũama, ado bajiro bajirãre bajiro bajiruarãma: Mamarã rõmiri jũãmocãrãco ñarãma, mame manajo cutirocũre ñre bocarã vana. To vana, ña sãabusuore juaánama. ² Cojomocãrãco ñarãma quẽnaro tũoĩarã. To yicõari, cojomocãrãco quẽnaro tũoĩamena ñarãma. ³ Quẽnaro tũoĩamenama ña sãabusuore juarã ñaboarine, ỹe ti jediro, ña jiovasaborotire juaámenama. ⁴ Quẽnaro tũoĩarãjũama, “Ti jediro jiorãsa mani” yirã, juaánama. ⁵ Manajo cutirocũ i ejatĩmabetijare, yoaro yubũsaboã, cãnicoanama. ⁶ Ña cãniñarone, ñami gũdareco cõñaro cõro ocaruyuroja yuja: “Manajo cutirocũ vadicoadiami yuja. Ñre bocarã vayã”, yi ocaruyuroja. ⁷ Tire ajicõari, ña sãabusuore sãarãma. ⁸ Cojomocãrãco ñarã quẽnaro tũoĩamenajũa, ado bajiro yirãma quẽnaro tũoĩarãjũare: “Yũa sãabusuore ỹe jedicoajũ ti. To bajiri mũa ỹe mojoroaca yũare ñsiña”, yiboarãma ña. ⁹ To bajiro ña yiboajaquẽne, ado bajiro cũdirãma quẽnaro tũoĩarã: “Ñsibeaja. Mũa masune ỹe ñsirimasa tũjũ vacõari, vaja yiaja. Mũare yũa ñsijama, manire tũjabetiboroja”, ñare yirãma. ¹⁰ To bajiro ña yisere ajicõari, ỹe vaja yirã vacoanama quẽnaro tũoĩamenajũa. Ña vato bero, manajo cutirocũ ejaũmi yuja. Quẽnaro ñayurirã rõmirima, i ejarone, i rãca sãjacoanama ña, i ãmosiaro ñarã. Sãjacõari, sojere tucõagũmi manajo cutirocũjũa. ¹¹ Soje i turiaro bero, ejaiboarãma quẽnaro

tuoĩamena. Sãjamasimenama. To bajiri, manajo cutirocure ado bajiro ĩre yiboarãma: “Yua uju, soje jãnaña maji”, ĩre yiboarãma. ¹² To ĩna yisere ajicõari, ado bajiro ĩnare cudigumi manajo cutirocu: “Riojo mure gotiaja yu. Yu yarã me ñaja mua. Mure masibeaja yu”, ĩnare yigumi manajo cutirocu —yure yicami Jesús.

¹³ —To bajiri roori ñarũgũruarãja mua, “To cõrone tudiejarucumi” yure yimasimena ñari —yure yicami Jesús.

*Moabosarimasa ĩna bajirere Jesús ĩ gotimasiore queti
(Lc 19.11-27)*

¹⁴ Quẽna ado bajiro yure yicami Jesús:

—Quẽna yu tudiejaru, “Ñajediro uju ñaja yu” yĩocõari, yu yarã yure ajitirũnarã ĩna yisere masicõari, moabosarimasa uju ado bajiro ĩ yiriarore bajiro bajirũaroja: Sĩgũ ñagũmi gaje sitaju varocu. ĩ varoto rĩjoro, ĩre moabosarimasare jirẽogũmi. ĩnare jirẽocõari, ĩ ye gãjoare ĩnare bategumi. “Yu manitoyeju adi gãjoa rãca vaja yicõari, mua vaja yisere gãjerãre ĩsirã, jaibusaro vaja sẽnima, ‘Jaibusaro gãjoa bujarãsa’ yirã”, ĩnare yigumi.

¹⁵ To bajiri, sĩgũre cinco mil ñaritiiri gãjoatiire ĩre ĩsigũmi. Gãjire, dos mil ñaritiiri ĩsigũmi. To yicõari, gãjirema, mil ñaritiiri ĩsigũmi. ĩnare ĩsigajanocõari, vacoacumi. ¹⁶ Uju ĩ vato bero, cinco mil ñaritiiri ĩsiecor'i, quẽna cinco mil ñaritiiri bujarẽmogũmi. ¹⁷ Gãji dos mil ñaritiiri ĩsiecor'i, quẽna dos mil ñaritiiri bujarẽmogũmi. ¹⁸ Gãji, mil ñaritiiri ĩsiecor'ima, ĩ ĩsiecoriaro cõrone yujecũcõagũmi.

¹⁹ Yoatoju uju tudiejarumi quẽna. Tudiejacõari, “Gãjoa ĩnare yu ĩsicati rãca, ¿no bajiro yure yibosayujari ĩna?” yisẽnĩaru, ĩnare jigumi quẽna. ²⁰ Cinco mil ñaritiiri ĩ ĩsir'ire jisogumi. To ĩ yigu, ejacõari, ĩre ĩ ĩsiriaro cõro tuogumi. To yicõari, cinco mil ĩ bujarẽmorere ĩre ĩsigũmi. To yigune, ado bajiro gotigumi: “Cinco mil ñaritiiri yure ĩsicaju mu. To bajiri quẽna gaje cinco mil ñaritiiri mure bujarẽmobosabu yu”, ĩ ujure ĩre yigumi. ²¹ To ĩ yijare, ado bajiro ĩre cudigumi ĩ uju: “Yure quẽnaro moabosayuja mu. Yu roticatore bajirone yure cudyuja mu. Mojoroaca mure yu ĩsicati rãca yu roticatore bajiro mu yire ti ñajare, ñamasuse yure yibosarucuja mu. Yu rãca variquẽnaña”, ĩre yigumi. ²² To ĩ yiro bero, gãji, dos mil ñaritiiri ĩsiecor'i ejagumi. Ejacõari, ĩre ĩ ĩsiriaro cõro tuogumi ĩ quẽne. To yicõari, gaje dos mil ñaritiiri ĩ bujarẽmorere ĩsigũmi. To yigune, ado bajiro gotigumi: “Dos mil ñaritiiri yure ĩsicaju mu. To bajiri quẽna gaje dos mil ñaritiiri mure bujarẽmobosabu yu”, ĩ ujure ĩre yigumi. ²³ To ĩ yijare, ado bajiro ĩre cudigumi ĩ uju: “Yure quẽnaro moabosayuja mu. Yu roticatore bajirone yure cudyuja mu. Mojoroaca mure yu ĩsicati rãca yu roticatore bajiro mu yire ti ñajare, ñamasuse yure yibosarucuja mu. Yu rãca variquẽnaña”, ĩre yigumi.

²⁴⁻²⁵ ĩ bero ĩ ujure ĩogũ ejagumi mil ñaritiiri ĩsiecor'i: “Yu uju, adine ñaja mu gãjoa, yure mu ĩsicati. Tire yujecũcõacaju yu, mure güigu ñari, ‘Ti suorine yure tud'ijacagumi; bũto roticõari ĩ bojarore bajiro yirere bojagu ñacami’ yitũoĩagũ ñari”, ĩre yigumi. ²⁶ To bajiro ĩ yijare, ado bajiro ĩre cudigumi ĩ uju: “Yu bojasere yitegu bajiyuja mu. Rojogu ñaja mu. ‘Tud'ijacagumi; bũto roticõari ĩ bojarore bajiro yirere bojagu ñacami’ yure yitũoĩagũ ñaboarine, quẽnaro yure moabosabesuja mu. ²⁷ Gãjoa mure yu ĩsicati rãca vaja yicõari, mu vaja yisere gãjerãre ĩsicõari, jaibusaro vaja sẽnibetiboarine, gãjoa cũriavijua mu cũjama, jaibusaro yure bujarẽmobosaboriaja mu”, ĩre yitud'igumi ĩ uju. ²⁸ To bajiro ĩre yigajanocõari, gãjerãre ado bajiro rotigumi: “Ånire gãjoa yu ĩsiboacatire emãña. Tire emacõari, diez mil ñaritiiri yure ĩsigũjuare ĩsiña”, ĩnare yigumi ĩna uju. ²⁹ To yicõari, ado bajise ĩnare gotirẽmogũmi: “No bojagu ĩre yu ĩsise rãca yu bojarore bajiro yigu, quẽnase bujarucumi. Ñiejua ruyabetirũaroja ĩre. No bojagu ĩre yu ĩsise rãca yu bojarore bajiro yibecurema, ĩre yu ĩsiboacatire ĩre emarucuja yu, ‘Yu bojarore bajiro yimasibeami’ yigu. To yicõari, ĩre yu emasere gãji yu bojarore bajiro yigũjuare ĩsirucuja yu. ³⁰ Åni yure moabosarimasu ñie vaja magũre, rẽtiaroju ĩre rocacõaña mua. Toju ñacõari, bũto rojose tãmogũ ñari, guji põguẽ, oti, yirucumi”, yigumi ĩna uju —yure yigoticami Jesús.

Adi macarucuro ñarãre, masare ï beserotire Jesús ï gotire queti

³¹ Ado bajiro yuare goticami Jesús quëna:

—Dios ï roticõacacu yu tudiejaro, yu rãca ejaruarãma ángel mesa. Ejacõari, masare rotiguagu, rucubuoariaju rujirucuja yu. ³² To bajicõari, “Adi macarucuroana masa ñajediro yu rjorojua ejato” yigu, ángel mesare juaárotirucuja yu. To bajiro ña yiejoro bero, yu yarãre, yu yarã mere quëne ñamasicõari, ricati ñare cürucuja yu. Oveja coderimasu, ovejare ricati, cabrare ricati ï cürore bajiro ñare yirucuja yu. ³³ Yu yarãre yu riojojacatua cürucuja. To yicõari, yu yarã mere yu gãcojocatua cürucuja. ³⁴ To bajiri yu riojojacatuanare ado bajiro ñare yirucuja yu: “Yu jacu quënarõ ï yirã ñaja mua. To bajiri ï rãca ï ye quënasere bujaruarãja mua yuja. ‘To bajiro bajiruarãma’ muare yituoñacõari, quënobosacami, adi macarucuro rujeogu. ³⁵ Yu ñiorijaro, yure bare ecacaju mua. Yu idiruarõ, yure iocaju mua. Gajeroagu mua masibecu yu ñaboajaquëne, quënarõ yure bocaãmicaju mua. ³⁶ Yu sudi mano, yure sudi sãcaju mua. Yu rijaro, yure ñarã ejacaju mua. Tubiberiavi yu ñaro, yure ñarã ejacaju mua”, yirucuja yu, yu yarãre. ³⁷ To bajiro yu yisere ajicõari, ado bajiro yure sënïaruarãma ña: “Yu uju, ¿Divato mu ñiorijasere ñacõari, mure bare ecacati yua? ¿Divato mu idiruarõ mure iocati yua? ³⁸ ¿Divato gajeroagu yua masibecu mu ñaboajaquëne, quënarõ mure bocaãmicati yua? To yicõari, ¿divato mu sudi mano, mure sudi sãcati yua? ³⁹ To yicõari, ¿divato mu tubibe ecoro, mu rijarore quëne, mure ñarã ejacati yua?”, yure yisënïaruarãma ña. ⁴⁰ To bajiro ña yisere ajicõari, ado bajiro ñare cudirucuja yu: “Riojo muare gotiaja yu. Yu yarãre, ‘Ñamasurã me ñaama’ ñare yiboarine, quënarõ ñare mua yijama, yurene quënarõ yirã yicaju mua”, ñare yirucuja yu, yu yarãre, yu riojojacatuaaju ñarãre.

⁴¹ To yicõari, yu gãcojocatuaaju ñarãrema ado bajiro yirucuja yu: “Yuare cãmotadiya mua. ‘Rojose tãmuoruarãma’ Dios ï yirã ñaja mua. ‘Jeame yatibetimeju, rojose tãmuoruarãma vãtia, ña uju rãca’ Dios ï yirucocatijuju vasa mua. ⁴² Yu ñiorijaro yure bare ecabeticaju mua. Yu idiruarõ yure iobeticaju mua. ⁴³ Gajeroagu mua masibecu yu ñajare, yure bocaãmibeticaju mua. Yu sudi mano, yure sudi sãbeticaju mua. Yu rijaro quëne, tubiberiavi yu ñaro quëne, yure ñarã ejabeticaju mua”, ñare yirucuja yu, yu gãcojocatuanare. ⁴⁴ To bajiro ñare yu yirone, ado bajiro yure sënïaruarãma ña: “¿Divato mu ñiorijaro mure ecabeticati yua? ¿Divato mu idiruarõ, mure iobeticati yua? ¿Divato gajeroagu yua masibecu mu ñajare, mure bocaãmibeticati yua? ¿Mu sudi mano, mure sudi sãbeticati yua? ¿Divato mu tubibe ecoro, mu rijarore quëne, mure ñarã ejabeticati yua?”, yure yisënïaruarãma ña. ⁴⁵ To bajiro ña yisere ajicõari, ado bajiro ñare cudirucuja yu: “Riojo muare gotiaja yu. Ñoa yu riojojacatuaana yu yarãre, ‘Ñamasurã me ñaama’ ñare yiboarine, quënarõ ñare mua yibetijama, yurene quënarõ yimena bajicaju mua”, ñare yicudirucuja yu, yu gãcojocatuanare. ⁴⁶ To bajiro ñare yigajanocõari, rojose ña tãmuotujabetirotoju ñare reacõarucuja yu. To yicõari, yu yarãjuama, quënarõ ña ñacõa ñarotoju varuarãma — yuare yicami Jesús.

26

“¿No bajiro yigu ñaami yitocõari, Jesúre ñre ñiarãti mani, ñre sjaruarã?”, ña yire queti (Mr 14.1-2; Lc 22.1-2; Jn 11.45-53)

¹ To bajiro gotigajanocõari, ï buerimasare ado bajiro yuare yicami Jesús:

² —Juarãmu berone ñaroadõ yaja Pascua boserãmu ñasurorirãmu. Tirãmune yure Dios ï roticõacacure masare ñsirocarucumi sãgã. To bajiri yure ñiacõari, yucãtëroju jajusjaruarãma ña —yuare yicami Jesús.

³ Tirãmuri paia uju ñamasugã Caifás vãme cutigu ya vijju rëjacõari, tuoñañañujarã bucãrã, paia ujarã quëne:

⁴—Jesúre s̄iaruarã, ¿no bajiro yigũ ñaami yitocõari, ñiarotirãti mani? ⁵ To bajiboarine, boserãmũ ñaro ïre mani s̄lajama, tire ïajũnisinicõari, manire rojose yiborãma masa —gãmerã yĩñagõñujarã ïna.

Jesús rujoare satiquẽnasene rõmio so yuejeore queti
(Mr 14.3-9; Jn 12.1-8)

⁶ Betania vãme cuti macajũ cãmi boacacũ, Simõn vãme cutigũ ya viju ñacajũ yua, Jesúrãca. ⁷ Ti viju Jesús ï barujirone, s̄igõ, gãta sotũ alabastro vãme cuti rãca veariarũ ãmiejacamo. Satiquẽnase bũto vaja cutise, nardo vãme cutise sãñaritũ ñacajũ tirũ, so ãmiritũ. To bajiri Jesús tuaca eja, ï rujoa joere ïre yuejeocamo so. ⁸ To bajiro so yisere ïacõari, jũnisinicajũ yua ï buerimasa. To bajiri, ado bajiro gãmerã yicajũ yua:

—¡Jairo gãjoa yireago yamo! ⁹ Tire ïsicõari, jairo gãjoa bũjacõari, maioro bajirãre ejarẽmoroti ñaboaja ti —gãmerã yicajũ yua.

¹⁰ To bajiro yua yisere ajicõari, ado bajiro yuare yicami Jesús:

—Sore gõjanabiobesa mũa. Tire yure so yuejeojama, quẽnaro yure yigo yamo. ¹¹ Maioro bajirã mũa rãca ñacõa ñarũgũruarãma, mũa ejarẽmorona. Yuma, mũa rãca ñacõa ñabetirucuja. ¹² Adio satiquẽnase yure so yuejeojama, yure ïna yujeroto r̄joro yuejeo r̄joro cutigo yamo. ¹³ Riojo mũare gotiaja yũ. Yũ bajiroti quẽnase quetire, adi macarũcũroana jedirore gotibatorũarãma masa. To bajirone bajiruaroja satiquẽnase yure so yuejeose queti quẽne. So yuejeosere masiritimenane tire gotibatorũarãma —yuare yigoticami Jesús.

“Jesúre ñiato” yigũ, ïre ïaterã tũjũ Judas ï gotirudigũ vare queti
(Mr 14.10-11; Lc 22.3-6)

¹⁴ Jesús buerimasa juaãmo cõro, gũbo jua jẽnituarirãcũ ñacajũ yua. To bajiri yua rãcagũne Judas Iscariote vãme cutigũ, paia ujarãre ñagõgũ varimi. ¹⁵ ïna tũjũ ejacõari, ado bajiro ïnare s̄eniñañuju ï:

—¿No cõro jairo yure vaja yirãda mũa, “Jesúre ñiato” yigũ, mũare yũ gotijama? —ïnare yis̄eniñañuju.

To ï yis̄eniñase ñajare, treinta ñaritiiri gãjoa ïre ïsiñujarã ïna. ¹⁶ To bajiro ïna gãmerã yiriario bero, “¿Dirĩmaro ũno Jesúre ïnare ñiarotiguti yũ?”, yitũoĩacõa ñañuju ï.

Jesús ï batũsare queti
(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Pascua boserãmũ pan ũmato vauvase vũoyamani basũoriarãmũ ejacajũ ti. To bajiri Jesús buerimasa, ado bajiro ïre s̄eniñacajũ yua:

—Pascua boserãmũ ñajare, mani barotire, ¿noju bare yua quẽnoyusere bojati mũa? —ïre yis̄eniñacajũ yua.

¹⁸ —Jerusalénjũ vasa mũa. Tojũ ejacõari, ado bajiro ïre yiba, vi ujure: “Manire gotimasiorimasũ ado bajiro mũre yicõami: ‘Mojoroaca ruayaja, Dios ï bojarore bajiro yũ yijeoroti. To bajiri, ï ya viju adi ñami Pascua boserãmũ ti ñajare, yũ buerimasare ũmato bagũ varũcuja’ mũre yicõami”, ïre yigotiba mũa —ïnare yicami Jesús.

¹⁹ “To bajiro yiba mũa” Jesús ï yicatore bajirone yiyuma ïna. To bajiri, Pascua boserãmũ yua barotire quẽnoyuyuma ïna.

²⁰ Ti ñami ï buerimasa juaãmo cõro, gũbo jua jẽnituarirãcũ ñarã barujicajũ yua, Jesúrãca. ²¹ Yua bañarone, ado bajiro yuare yicami Jesús:

—Riojo mũare gotiaja yũ. S̄igũ mũa rãcagũ, yure ïaterãre yure ïsirocarũcũmi —yuare yicami Jesús.

²² To ï yisere ajicõari, bũto sutiriticajũ yua. Tocãrãcũne sutiritirã ñari, ado bajiro ïre s̄eniñacajũ yua:

—¿Yũ uju, yũne ñabetiboati, mũre ïsirocarocũ? —ïre yis̄eniñacajũ yua.

²³ To bajiro yua yisere ajicõari, ado bajiro yuare cũdicami Jesús:

—Sīgū, yu rāca yosebagu ñaami yure ĩsirocarocuma. ²⁴ Dios oca masa ĩna ucamasire ti gotirote bajiro rojose tām̄uogucija yu, Dios ĩ roticōacacu. To bajirocu yu ñajare, yure ĩaterāre yure ĩsirocarucami. Yure ĩ gotiyirose suorine rojose tām̄uogucija yu. “Masare yirētosarucami” Dios ĩ yimasire ti ñajare, bajirucija yu. To bajiboarine, yure gotiyiror'ijama, rojose tām̄uogucami. Ruyuabeticōarocu ñaboayumi —yuare yicami Jesús.

²⁵ To ĩ yirone, Judas, Jesúre ĩsirocarocu, socune ado bajiro Jesúre ĩre sēniñatocami:

—Gotimasiorimasu, ¿yuare ñabetiboati, mure ĩsirocarocu? —ĩre yisēniñacami.

To ĩ yirone, ado bajiro ĩre cudicami Jesús:

—Riojo yaja mu —ĩre yicami Jesús.

²⁶ Yuña bañarone, pan āmicōari, “Quēnaja”, Diore ĩre yicami Jesús. To yigajano, tire matocōari, ĩ buerimasare yuare ĩsibatogune, ado bajiro yuare yicami:

—Baya mu. Ti ñaja yu ruju rii —yuare yicami.

²⁷ Tire yuña bagajanorone, idiriabaja āmicōari, “Quēnaro yaja mu”, Diore yicami quēna. To yicōari, tibaja yuare ĩsigūne, ado bajiro yicami:

—Muña jediro adire idiya. ²⁸ Adi ñaja tirūmuana “Rojose mani yirere masirioato” yirā, Diore rūcub̄uor̄iaju joere ĩna yuejeoriarore bajiro bajise. Yucurema, yu ri'i ñaja. Ti suorine, “Gajerodo to bajiro muare yirucija yu” Dios ĩ yicūmasiriarore bajiro bajiruroja. To bajicōari, jājarā masa rojose ĩna yisere masiriocōari, tudit̄uō̄ibetirucami Dios. ^k ²⁹ Riojo muare gotiaja yu. “Rotim̄uoḡuḡucami” yigū, yu jacu yure ĩ cūroto r̄joro, quēna ĩaji nye oco idibetirucija yu —yuare yicami Jesús.

“Jesúre masibeaja yu' yirucija mu”, Pedroro Jesús ĩ yire queti

(Mr 14.26-31; Lc 22.31-34; Jn 13.36-38)

³⁰ To ĩ yiro bero, Diore rūcub̄uor̄ā basacaju yu. Basagajano, Olivo vāme cati buroju vacoacaju yuja. ³¹ To yuña vatone, ado bajiro yuare yicami Jesús:

—Adi ñamine yure ajitirānu tujacōari, vaveoruarāja mu jediro. Dios oca masa ĩna ucamasire to bajiro ti gotijare, to bajise muare yaja yu. Ado bajiro gotiaja ti: “Oveja coderimasare bajiro bajigure s̄arucija yu. To bajiri ĩ yarā ovejare bajiro bajirā rudi-batecoaruarāma”, yigotiaja Dios oca masa ĩna ucamasire, manire gotiro. ³² Yuare mu vaveoboajaquēne, yure ĩna s̄aro bero, quēna tudicaticōari, Galilea sitaju mu vato, yujua mu r̄joro ñatujarucija —yuare yicami Jesús.

³³ To ĩ yisere ajicōari, ado bajiro ĩre yicami Pedro:

—Ānoa jediro, mure ĩna vaveoboajaquēne, mure vaveobetirucija yuma —Jesúre ĩre yicami.

³⁴ To ĩ yisere ajicōari, ado bajiro ĩre cudicami Jesús:

—Riojo mure gotiaja yu. Adi ñami busiyujua ḡajabocu ĩ ñagōroto r̄joro, idiaji, “Jesúre masibeaja; ĩ rācagu me ñaja yu”, yisocarucija mu —Pedroro ĩre yicami.

³⁵ To bajiro ĩ yisere ajicōari, ado bajiro cudicami Pedro:

—Mu rāca yure ĩna s̄aruaajaquēne, “Jesúrācagu me ñaja yu”, yisocabetirucija yu —Jesúre yicami Pedro.

To bajiro Pedro ĩ yisere ajicōari, yu quēne to bajiro yijedicōacaju.

Getseman'i vāme c̄utoju Jesús ĩ jacure ĩ sēnigū vare queti

(Mr 14.32-42; Lc 22.39-46)

³⁶ To yuña yiro bero, Getseman'i vāme c̄utoju yuare ūmato vacami Jesús. Toju ejacōari, ado bajiro yuare goticami Jesús:

—Ōju Diore sēniguacu yaja yu. To yu vatoye, ado rujicōaña mu maji —yuare yicami.

^k 26:28 “Yu bojarore bajiro mu yijama, quēnaro muare yirucija yu” masare Dios ĩ yicūmasire yiruro yaja pacto ti yijama.

³⁷ To yi vacune, Pedrore, to yicōari, Zebedeo rñare jmarājurene ji vacami Jesús. To yi vacune, buto tñoīasutiriticami yuja. ³⁸ To bajiro bajigune, ado bajiro yiyuju Jesús, ĩ rāca variarāre:

—Buto tñoīasutiritiaja yu. Sutiriosene yure sñaro yaja. Adone yure yuñaña maji. Yu cñibetore bajirone cñibeja mua quēne, Diore sēniñarā —ĭnare yiyuju Jesús.

³⁹ To yicōari, to sojubusa varēmoñuju Jesús. Va, sita tūcurojū murocacūcōari, Diore sēniñuju ĩ:

—Cacū, yure ĩna sñarotire matamasiaja mū. To bajiboarine, mū bojarore bajirone bajiato —Diore yiyuju.

⁴⁰ To yigajano, Pedro mesa ĩna cñitoyene ĩna tujū ejayuju. ĭnare yujiocōari, ado bajise Pedrore ĩre yiyuju Jesús:

—¿No yirā cojo hora cōro cñibetibusarāne, yure yuñabetimasucōati mua? ⁴¹ Yu cñibetore bajirone cñibesa mua quēne. To bajicōari, Diore sēniña, “Vātia ujū Satanás ĩ yirotsere yicōari, Dios ĩ bojabetire yirobe” yirā. Quēnaro mūare masiaja yu. “Dios ĩ bojasere yirucuja” yirā ñaboarine, cojojirema rojose usari cutirā ñari, Dios ĩ bojabetijūare yirūgūaja mua —Pedro mesare ĩnare yiyuju Jesús.

⁴² To yicōari, gāme vacū, ado bajiro Diore sēniñuju Jesús:

—Cacū, yure ĩna sñaroti matamasiaja mū. To bajiboarine, mū bojarore bajirone bajiato —Diore yisēniñuju.

⁴³ To yigajano vacune, cñiariarāre ĩnare ejayuju quēna. Buto vujaejarā ñari, cñiñujarā ĩna. ⁴⁴ To bajiri rñjoro ĩnare ĩ yiriarore bajirone ĩnare yicōa, Diore sēnigū vacoasuju quēna. To ejacōari, rñjoro Diore ĩ sēniriarore bajirone ĩre sēniñuju quēna. ⁴⁵ Diore sēnigū var'i, tudiejacōari yūare yujiocami:

—¿No yirā cñi manicōati mua maji? Ado cōrone Dios ĩ roticōacacure rojose yirāre yure ĩsirocarocū vadicoagūmi yuja. ⁴⁶ To bajiri yujiya mua. ĩre bocarā vajaro. Yure ĩsirocarocū vadiami yuja —yūare yicami Jesús.

Jesúre ĩna ñiare queti

(Mr 14.43-50; Lc 22.47-53; Jn 18.2-11)

⁴⁷ To bajiro Jesús yūare ĩ yñarirīmarone, Judas Iscariote vāme cutigū, yua rācagune, vadicami yuja. Jājarā ĩ rāca vadicama jariaseri cūorā, gājerā yucájuriri cūorā. Bucarā, paia ujarā quēne ĩna cōariarā ñacama ĩna. ⁴⁸ Jēre ado bajiro goti vadiruyuyumi Judas, ĩ rāca vanare, “ ĩne ñaami Jesús’ yīamasiato ĩna” yigū:

—Jesúre sēnicōari, ĩre usurucuja yu. To yu yirone, ĩre ñiama mua —ĭnare yi vadiruyuyumi.

⁴⁹ To bajiro yir'i ñari, Jesús rñjorojūa ejacōari, ado bajiro ĩre yicami Judas:

—Gotimasiomasū, ¿ñati mū? —ĩre yigūne, usucami.

⁵⁰ To ĩ yirone, ado bajiro yicami Jesús:

—“To bajiro yirāsa mani” ĩnare mū ũmato yivadiriarore bajiro yiya mū —ĩre yicami Jesús.

To ĩ yirone, ĩre ñiacama Judas rāca vadiriarā.

⁵¹ To ĩna yirone, sīgū Jesúrācagū, ĩ jariase yoveaāmicōari, paia ujū ñamasugūre moabosarimasure gāmoro jatarocacōacami. ⁵² To ĩ yisere ĩacōari, ado bajiro ĩre yicami Jesús:

—Mū jariasere tudisuacōaña quēna. “Jariase rāca gāmerā quēarāma, tiase rācane sñaecoruarāma”, yimasiaja mani. ⁵³ Ado cōrone yu jacure yu sēnijama, setenta y dos mil ñarā ángel mesare cōamasicōagūmi. ¿Tire masibeati mū? ⁵⁴ To bajiboarine, ĩnare ĩre yu sēnijama, Dios oca masa ĩna ucamasire, “To bajiro bajirūaroja” ĩna yimasiriarore bajiro bajibetiboroja. To bajiri tire ĩre sēnibeaja yu —ĩre yicami Jesús.

⁵⁵ To yicōari, ĩre ñiarā ejarājūare ado bajiro yicami Jesús:

—¿No yirã gajeyeũni juarudirimasare ñiarã vanare bajiro jariaseri rãca, yucájuriri rãca yũre ñiarã vadiati mña? Tocãrãcarãmne Diore yirũcũbũoriaviju mña ñaro mñare gotimasio rujirũgũmũ yũ. To yũ bajiboajaquẽne yũre ñiabetirũgũmũ mña maji. ⁵⁶ Diore gotirẽtobosarimasa, ado bajiro yũre mña yiro tirene ucamasifũma. To bajiri to bajirone yũre yaja mña —ĩnare yicami Jesús, ĩre ñiarã ejarãre.

Jesũre ĩna ñiasere ĩacõari, ũmarudijedicoacaju yũa.

“Mũ ye sũorine rojose tãmũorũcũja mũ”, jud'io masa ujarã, Jesũre ĩna yire queti
(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Jesũre ñiacõari, paia uju ñamasugũ Caifãs vãme cutigu tũju ĩre ãmiasujarã. Toju rẽjacõari, ñañujarã Dios ĩ rotimasire gotimasiorimasa, to yicõari, bũcũrã quẽne. ⁵⁸ Jesũre ĩna ãmivato, sõju yayĩsasuyaju Pedro. ĩnare yayĩsasuyacõari, paia uju ñamasugũ ya vi, ta biberiasãniro rẽtosãjacoasuju. Sãjacõari, Diore yirũcũbũoriavi coderimasa rãca rujiyuju ĩ. “No bajiro Jesũre ĩna yigajano vato ĩagũsa” yigu, toju bocaĩarujiyuju.

⁵⁹ Paia ujarã, to yicõari, gãjerã ujarã, ĩna jediro, Jesũre sĩarũayujarã. To bajiro yirã ñari, “Rojose masu yigu ñaami Jesús” yisocarõare macañujarã ĩna. ⁶⁰ Jãjarã masa socarãne ĩna gotiboajaquẽne, to bajiro ĩna yisere ajicõari, “To bajiro ĩ yire ñajare, ĩre sĩaroti ñaja”, yimasibesujarã ĩna maji.

To bajiboarine, juarã ejayujarã ĩna. ⁶¹ Ejacõari, ado bajiro socarãne gotiyujarã:

—“Diore yirũcũbũoriavire caguerocamasiaja yũ. To yicõari, idiarũmũ tũsatirũmne bũajeocõamasiaja”, yicami ãni —yiyujarã ĩna.

⁶² To ĩna yirone, paia uju ñamasugũ, vãmũrũgũcõari ado bajiro Jesũre yiyuju:

—To bajiro mñre ĩna yi ocasãsere, ¿no bajiro yati mñ? ¿cũdibeati mñ? —Jesũre ĩre yiboayuju.

⁶³ To ĩ yiboajaquẽne, cojo vãme cũdibeticõañuju. ĩ cũdibetire ĩacõari, ado bajiro Jesũre yiyuju paia uju ñamasugũ:

—Quẽnaro riojo yũare cũdiya mñ. Mũ socajama, rojose mñre yirũcũmi Dios. ¿“Rotimũorũgõrũcũmi” yigu, Dios ĩ cõar'ine, Dios macũne ñati mñ? —Jesũre ĩre yisẽniãañuju paia uju ñamasugũ.

⁶⁴ To bajiro ĩ yisere ajicõari, ado bajiro ĩre cũdiyuju Jesús:

—Mũ yirore bajirone bajiaja. ĩne ñaja yũ. To bajiri, Dios ĩ roticõacacũ ñari, yoaro mene ĩ riojojacatũa rujicõari, masare besegũagũ oco bueri vatoaju yũ rujiadire ĩarũarãja mña, —paia uju ñamasugũre yiyuju Jesús.

⁶⁵ To bajiro Jesús ĩ yisere ajitegu ñari, ĩ sudire tãavoyuju paia uju ñamasugũ. To yigũne, ado bajiro ĩ rãcanare yiyuju:

—¿To bajiro ĩ ñagõjama, Diore rũcũbũobecũ yami! ¿“Diore bajiro bajigu ñaja yũ” yigu yami! No yirã gãjerã, “Rojose yigu ñaami” yironare macarẽmomenaja mani yuja. Mña quẽne, Diore rũcũbũobecũ ĩ yisere ajiaja mña. ⁶⁶ To bajiro ĩ yisere ajicõari, ¿no bajiro ĩre yiroti ñati? —ĩ rãcanare yiyuju paia uju ñamasugũ.

To bajiro ĩ yisere ajicõari, ado bajiro ĩre cũdiyujarã:

—Rojose masu yicõami. ĩre sĩacõaroti ñaja —yicũdiyujarã.

⁶⁷ To yicõari, Jesús riogare gooco eoreatuyujarã ĩna. To yicõari, ĩ cajere siabibecõari, ĩre jayujarã. ⁶⁸ To yicõari,

—“ ‘Rotimũorũgõrũcũmi’ yigu, Dios ĩ cõagũ ñaja yũ” mũ yijama, mũ masise rãca, “ĩ, yũre jami”, yũare yiya —Jesũre yitud'iyujarã.

“Jesũre masibeaja yũ”, Pedro ĩ yire queti
(Mr 14.66-72; Lc 22.56-62; Jn 18.15-18, 25-27)

⁶⁹ Vi jubeaju Jesũre rojose ĩna yiñarone, macajũja rujicõañuju Pedro. Sĩgõ paia uju ñamasugũre moabosarimaso, Pedro tũ ejacõari, ado bajiro ĩre yiyuju:

—Jesũs, Galilea sitagu rãca vacudirũgũgũne ñagũja mñ quẽne —ĩre yiyuju so.

⁷⁰ To bajiro so yisere ajicōari, masa jediro ñna ajiro rĩjorojũna ado bajiro yiyuju Pedro: —“Riojo yaja mũ”, mũre yimasibeaja yũ —sore yiyuju Pedro.

⁷¹ To bajiro sore yicũdicōa, ta biberiasãniro sãjariasoje ta vasuju Pedro. To ï vatone, gajeo ïre ïacōari, ado bajiro yiyuju:

—Ñni, Jesús Nazaret macagũ rãca vacudigũ ñnaami —yiyuju, gãjerãre gotigo.

⁷² To bajiro ñnare so yisere ajicōari, ado bajiro yiyuju Pedro:

—Ïre masibeaja yũ. Socũ me yaja yũ. Dios quẽne yũre ajigũmi —ñnare yiyuju Pedro.

⁷³ To ï yigotiriario bero yoatobũsa, to ñnarã ado bajiro Pedroke gotiyujarã:

—Riojo yaja yũa. Jesũrãca vacudirũgũgũne ñaja mũ. Ñna ñagõsere bajirone ñagõaja mũ —Pedroke ïre yiyujarã ñna.

⁷⁴ —Ïre masibeaja yũ. Socũ me yaja. Dios yũre ajigũmi —ñnare yiyuju Pedro.

To bajiro ï yigajanorirĩmarone, gãjabocũ ñagõcõañuju yuja. ⁷⁵ Ñ ñagõsere ajicōari, Jesús ado bajise ïre ï gotirere masibũjayuju Pedro yuja: “Gãjabocũ ï ñagõroto rĩjoro, ïdiaji, ‘Jesũre masibeaja yũ’ yirũcũja mũ” ïre ï yirere masibũjayuju. Tire masibũjacōari, vacoasuju. Vacōari, bũto otiyuju.

27

Pilato tũjũ Jesũre ñna ãmiejare queti

(Mr 15.1; Lc 23.1-2; Jn 18.28-32)

¹ Busuro bero, bũcũrã, paia ujarã quẽne, ñna jediro tudirẽjañujarã ñna. To bajicōari, “Ado bajiro mani yijama, Jesũre sãrũarãma”, yitũoĩañujarã ñna. ² To bajiro yirã ñari, Jesús ãmorire siacōari ïre ãmiasujarã ñna, Pilato vãme cutigũ ya vijũ vana. Jud'io masa uju ñamasugũ, romano masũ ñañuju Pilato. To bajiri ï ya vijũ Jesũre ãmiejayujarã.

Judas ï masune ï sãyayire queti

(Hch 1.18)

³ Judas, Jesũre ïsirocacacũ, “Jesũre sãaroti ñaja” ñna yisere ajicōari, “Rojose yibũ yũ”, yitũoĩa sũtiritiyuju. To bajigũ ñari, bũcũrã, paia ujarã quẽne, Diore yirũcũbũoriavijũ ñnarãre, ñnare ejacōari, gãjoatiiri treinta ñaritiiri ïre ñna ïsiboarere ñnare tũocõañuju. ⁴ Gãjoatiirire ñnare ïsigũne, ado bajiro ñnare yiyuju ï:

—Rojose yibũ yũ. Ñie rojose yibecũrene mũare ïsirocacõañuja yũ —ñnare yiyuju.

To bajiro ï yiboajaquẽne, ado bajiro ïre cũdiyujarã ñna:

—To bajiro yũare mũ yiboajaquẽne, no yibeaja yũarema. Mũre bajiroja —Judare ïre yiyujarã ñna.

⁵ To ñna yisere ajicōari, ti vijũ gãjoatiiri ï ïsiecoboarere reabateyuju Judas. To yi, gajano vacũne, yucũjũ mũjacōari, ti rũjũ misimare siatucōari, ï ãmũare quẽne siatu, quediroyo rijacoasuju.

⁶ Diore yirũcũbũoriavijũ gãjoatiiri Judas ï reabaterere juarẽoñujarã ñna, paia ujarã. Tire juarẽocōari, ado bajiro yiyujarã:

—Adi gãjoa mani vaja yise sũorine sũgũre sãaroana yaja. To bajiri Diore yirũcũbũoriavi boarijũrũre quẽnorũarã, vaja yiroti gãjoa sãriajũre sãbetiroti ñaroja —yiyujarã ñna.

⁷ To bajiro yitũoĩacōari, “Riri sotũri vearimasũ sitare vaja yito mani. Ti sita ñarũaroja gajeroanare bajirearãre mani yujeroti sita”, yitũoĩañujarã ñna yuja. ⁸ To bajiri ti sita vaja yirũarã, “Jesũre sãato mani” yirã, Judare ñna ïsiboare rãca ñna vaja yire ñari, adirũmũri quẽne, Ri'ĩ Vese vãme cuticõa ñaja. ⁹⁻¹⁰ To bajiro ñna yijama, tirũmũjũ Diore gotirẽtobosarimasũ Jerem'ias ñamasir'ĩ ï ucamasiriarore bajirone bajiyuju. Ado bajiro ucamasiñuju ï: “ Ado cõro vaja cũtiami sũgũ ãmũ’ yitũoĩarã ñari, ïre ïsir'ire treinta gãjoatiiri ñna vaja yiboarere juacōari, riri sotũri vearimasũ sitare vaja yirũarãma ñna, Israel ñamasir'ĩ jãnerabatia. To bajiro ñna yijama, Dios ï bojarore bajiro yirã yirũarãma”, yucamasiñuju Jerem'ias ñamasir'ĩ.

Jesúre Pilato ĩ sēniñare queti
(Mr 15.2-5; Lc 23.3-5; Jn 18.33-38)

11 Ti sitana ɯɟu ñamasugũ, romano masu ñañuju Pilato vāme cɯtigɯ. To bajiri ĩ tɯɟu Jesúre ɱmiasujarã ĩna. ĩre ĩna ɱmiejaro ĩacõari, ado bajiro sēniñañuju Pilato:

—¿Mɱne ñati jud'io masa ɯɟu? —Jesúre yiyuju Pilato.

To bajiro ĩ yisere ajicõari, ado bajiro ĩre cɯdiyuju Jesús:

—Mɱ yirore bajirone bajiaja yɯ —ĩre yiyuju.

12 To bajiro Jesús ĩ yisere ajicõari, bucurã, paia ɱjarã quēne, “Rojose yigɯ ñaami Jesús” Pilatore ĩre ĩna yi ocasãboajaquēne, ĩnare ñagõcɯdibesuju Jesús. 13 To bajiro Jesúre ĩna yi ocasãsere ajicõari, Jesúre tudisēniñañuju Pilato:

—¿To bajiro mɱre ĩna yisere ajibeati mɱ? —Jesúre yiyuju Pilato.

14 To bajiro ĩre ĩ yisēniñaboajaquēne, ĩre cɯdibeticõañuju Jesús. ĩ cɯdibetire ĩacõari, no yimasibesuju Pilato, ĩre bajiro bajigɱre ĩabetirũgũr'i ñari.

“Jesúre sĩaroti ñaja”, ĩna yire queti
(Mr 15.6-20; Lc 23.13-25; Jn 18.38–19.16)

15 Tocãrãca cɱma, Pascua boserãmu jud'io masa ĩna quēnojama, sĩgã, tubibe ecor'ire ĩna burotigɱre ĩnare bubosarũgũñuju Pilato. 16 Tubiberiavijɯ ñañuju sĩgã, masa jediro ĩna masigã Barrabás vāme cɯtigɯ. 17 To bajiri ĩ yirũgũriarore bajiro yigɯ, masa ĩna rējarore ĩacõari, ado bajiro ĩnare sēniñañuju Pilato:

—¿Ñimɱɱare yɯ busere bojati mɱa? ¿Jesús Barrabás vāme cɯtigɱɱare bugɱtique yɯ? ĩre yɯ bubetijama, ¿“ ‘Rotimɱorũgõrɱcɱmi’ yigɯ, Dios ĩ cõar'i ñaami Jesús” masa ĩna yigɱɱare bugɱtique yɯ? —ĩnare yisēniñañuju Pilato.

18 “Jesúre ĩajũnisinirã ñari, yɱre ĩsima” yitɱoĩagã, to bajiro yiyuju Pilato, Jesúre burɱ.

19 Oca ĩna ñagõquēnorijɱu ĩ rujiro, ĩ manajo ĩre queti cõañuju: “Rojose ĩre yibesa. Ñie rojose yigɯ me ñagũmi. To bajiro ĩ yiecoroto rĩjoro gũiose cãjiriamɱ yɯ”, ĩre yicõañuju, so manajɱre.

20 Bucurã, paia ɱjarã quēne ado bajiro tijɱ rējarãre masare, “Ado bajiro yiya”, ĩnare yirotiyujarã ĩna:

—“Barrabájɱare bucõari, Jesúɱare sĩarotiya mɱ”, ĩre yiya mɱa —ĩnare yirotiyujarã ĩna.

21 Quēna ado bajiro tudisēniñañuju Pilato:

—¿Ñimɱɱare yɯ busere bojati mɱa? —ĩnare yisēniñañuju.

To bajiro ĩ yisere ajicõari, ado bajiro ĩre cɯdiyujarã ĩna:

—Barrabájɱare mɱ busere bojaja yɱa —yiyujarã ĩna, Pilatore.

22 To ĩna yisere ajicõari, ado bajiro ĩnare sēniñañuju Pilato:

—To yijama, ¿no bajiro yigɱti yɯ Jesúre, “ ‘Rotimɱorũgõrɱcɱja mɱ’ yigɯ, Dios ĩ cõar'i ñaami” masa ĩna yigɱɱarema? —ĩnare yisēniñañuju.

To ĩ yirone, ĩna ñaro cõrone ado bajiro ĩre avasãcɯdiyujarã:

—¿Yucátēroju ĩre jajusĩaroticõaña mɱ! —ĩre yiavasã cɯdiyujarã ĩna.

23 To ĩna yijare, ado bajiro ĩnare sēniñañuju Pilato:

—¿Ñie rojose ĩ yire sɱori ĩre sĩarotigɱti yɯ? —ĩnare yiyuju Pilato.

To ĩ yiboajaquēne, quēna butobɱsa tudiavasãñujarã ĩna:

—¿Yucátēroju ĩre jajusĩaroticõaña! —yiavasãñujarã ĩna.

24 To bajiro ĩna yijare, no yimasibetiboacɱ, ado bajiro tɱoĩañuju Pilato: “No bajiro yicõari, ĩre bumasibecɱja yɯ. ĩna bojarore bajiro yɯ yibetijama, avasãtɱjabeticõari, rojose yijacarãma ĩna”, yitɱoĩañuju. To bajiro tɱoĩacõari, oco juarotiyuju ĩ. To yicõari, ado bajiro ĩnare gotiyuju:

—Mua ñaro rñjorojua yu ãmorire coeñoaja yu, “Ñani rojose yibecare sñaruaabeaja yuma” yigu. To bajiri mua masune mua sñarotijama, quēnacōaroja. To bajiro mua yijama, mñane sñoeye cutiruarãja mua —ñinare yiyuju ñ.

²⁵ To ñ yisere ajicōari, masa ñajediro ñre cūdiyujarã:

—Yua masiaja. ¡Yua, yua rña quēne sñoeye cutiruarãja, ñre yua sñarotijama! —ñre yicūdiyujarã ñna.

²⁶ To bajiro ñna yijare, Barrabáre bucōañuju Pilato. Jesújuarema, ñ surarare ñsiñuju, “ñre bajecōari, yucátērojū ñre jajusñato ñna” yigu.

²⁷ To bajiri ñna ya vijū Jesúre ãmiejayujarã surara mesa. ñre ãmiejacōari, ñna jediro ñre gñanibiarūgñujarã. ²⁸ To yicōari, “Ujare bajigū ñato” yirã, ado bajiro Jesúre yiyujarã: Jesús ñ sudi sññasere vejecōari, ujarã ñna sññarito ñnore, sñarivujorore ñre sññujarã. ²⁹ To yicōari, ñ rñjoa joere jotabedo ñna suariabedone ñre jeoyujarã. To yicōari, riojojacatuaga ãmore, yucá, uju ñ cñoricare ñre ñsiñujarã. To bajiro ñre yicōari, ñ rñjorojua gñsomuniari tuetucōari, ado bajiro ñre yiajatud'iyujarã:

—Jud'io masa ujure mñre quēnarotiaja yua yuja —Jesúre yiyujarã ñna.

³⁰ To yirãne, gooco ñre eoreatuyujarã ñna. To yicōari, ñ cñoricare ēmacōari, ñ rñjoare jayujarã ñna. ³¹ To bajiro ñre yigajanocōari, ujarã ñna sññarito ñnore ñna sññarore ñre veayujarã ñna quēna. To yicōari, ñ sudijua ñre sññujarã quēna. ñre sudi sãgajanocōari, yucátērojū jajusñaroana ñre ãmiasujarã.

Yucátērojū Jesúre ñna jajusñare queti

(Mr 15.21-32; Lc 23.26-43; Jn 19.17-27)

³² ñre ãmivanane, sīgū Cirene vãme cuti sitagu, Simón vãme cutigare bocacama ñna. ñre bocacōari, “Jesús ñ gaja vatijãire ñre gajabosaya”, ñre yi vacama ñna.

³³ To yi vanane, Gólgota vãme cuti burojū ejacama ñna. “Rñjoco Buro” yire ñni ññacaju “Gólgota” yire. ³⁴ Toju ejacōari, uye ocore, sñese rãca vñocōari Jesúre ñre iocama ñna. “ñre jññise jñni ruyubeticōato” yirã, yiboacama. Tire idiñaboa yicōacami Jesús.

³⁵ Yucátērojū Jesúre ñre jajutugajanocōari, “Ñimujua ñ sudire ñ ujarro ñarãsa mani” yirã, gñtarine reacñña ajeññacama. ³⁶ To yiajegajanocōari, ñre code rujicama ñna.

³⁷ Jesús ñ tuyaritērojūre ñ rñjoa vecare ucuriajū tuyacaju. “Ado bajiro ñ yise sñorine jaju ecoami” yññorijū ññacaju. Ado bajise goticajū: “Ñani ññami Jesús, jud'io masa uju”, yigoticajū ti.

³⁸ Jesúrãca juarã, jaju ecocama. Gajeyeñni juarudirimasa ññacama ñna. Sīgure ñ riojojacatua, gãjire ñ gãcojacatua ñnare jajutucama ñna. ³⁹⁻⁴⁰ Masa rētoana, ñna rñjoarire yure, yure yicama, “Jaju ecor'ire ñre ñateaja” yirã. To yicōari, ado bajiro ñre ajatud'icama ñna:

—Ado bajiro yiboacajū mñ: “Diore yirũcññoriavire caguerocamasiaja yu. To yicōari, idiarũmñ tñsatirũmñne bñajeocōamasiaja”, yiboacajū mñ. To bajiri “Dios macñ ññaja yu” mñ yisocabetijama, mñ yimasise rãca mñ masune yucátērojūre rujicoaya —ñre yiajatud'icama ñna.

⁴¹ Bñcñrã, paia ujarã, Dios ñ rotimasire gotimasiorimasa quēne, to bajirone Jesúre yiajatud'icama ñna. Ado bajiro yicama:

⁴² —Gãjerãrema catiogū ñaboarine, ñ masu rojose ñ tãmñoserema yirētomasibeami —yiajatud'icama. —Israel ññamasir'i jãnerabatia uju ññami. To bajiri yucátērojūre rujicoadiato. To bajiro ñ bajiro ñacōari, “ñne ññami”, yimasiruarãja —yiajatud'icama. ⁴³ —“Dios macñ ññaja yu. Yure ejarẽmorũcñmi”, yirũgũmi. To bajiri ñ macñne ñ ññajama, ñre ññamaigũ ññari, ñre yirētobosato Dios —yiajatud'icama ñna.

⁴⁴ Juarã Jesúrãca yucátērojū jaju ecoriarã quēne, to bajirone Jesúre yitud'icama.

Jesús ñ sññatidire queti

(Mr 15.33-41; Lc 23.44-49; Jn 19.28-30; He 10.20)

⁴⁵ Ɖmurecaji ñarone, rētiacoacaju yuja. Idia hora rētiacaju. ⁴⁶ To cōro ti rētiatusatone, ado bajiro tutuaro avasācami Jesús:

—El'i, El'i, ¿lema sabactani? —yivasācami. “Dios, yu jacu, ¿no yigu yure cāmotadiati mu?” yire ũni ñacaju ti, i avasācati.

⁴⁷ Sīgūri toju ñarā i avasācere ajicōari, ado bajiro yicama ña:

—Diore gotirētobosarimasu El'ias ñamasir'ire jigū yami i —yicama ña.

⁴⁸ To bajiro Jesús i yivasārone, sīgū, Jesús tu ũmaejacōari, uye oco jiarere ñiabiacoari, yucá gajaju siatucōari, Jesús rise tujare ñumotuboacami. ⁴⁹ To bajiro i yiboajaquēne, ado bajiro yicama gājerājua:

—Yibesa mu. Tone bajicōato. Rojose i tāmūosere yirētobosagu El'ias ñamasir'i i ejasere iarāsa mani —yicama ña.

⁵⁰ Tutuaro avasātusa, usutadicoacami yuja. ⁵¹ Tirīmarone Diore yirūcūbūoriavi yotoria gasero vorujjedicoasuju ti. “Dios i ñarisōa vāme cuti sōare sājamasibeama masa” yirā, ña yotoria gasero ñacaju. To yicōari, sita sabecaju. Gūta quēne caguevējacoacaju.

⁵² To bajicōari, masare yujeriaviri quēne jānacoasuja. To bajicōari jājarā rijariarā Diore ajitirānūriarā tudicaticoasuma. ⁵³ Tudicaticōari, ti virire budicoasuma. Budiacōari, Jesús i tudicatiro bero, Jerusalénju Dios i beseria maca ñamasuri macajure ña vacudisere iacama jājarā masa.

⁵⁴ Jesús yucātēroju i tuyarore, codeñacama surara, ña uju rāca. To bajiñarā, sita sabesere, gajeye gūiose bajisere iacōari, buto güicama ña. To bajiri ado bajiro yicama:

—Socabesumi. Dios macūne ñaboayumi āni —yicama ña.

⁵⁵ Galilea sitaju Jesúre sūyavadicana rōmiri jājarā sōju iarūgōcama. Ña ñacama ire ejarēmōrūgūcana. ⁵⁶ Ña rāca ñacamo Mar'ia Magdalena. Gajeo Mar'ia vāme cutigo quēne ñacamo. Sone ñacamo Santiago, to yicōari, José jaco. Zebedeo ñamasicacu rīa jaco quēne ñacamo.

Jesúre ña yujere queti

(Mr 15.42-47; Lc 23.50-56; Jn 19.38-42)

⁵⁷ Rāioroto rījoro José vāme cutigu, Arimatea macagu Jesús rujurire iagū ejayuju. Gājoa jaigu ñacami. To bajicōari, Jesúre ajitirānūrūgūcacu ñacami. ⁵⁸ To i bajiro bero, Jesús rujurire āmiru, Pilatore sēnigū vasuju. Ire i sēnirore bajirone ire cūdiyuju Pilato. ⁵⁹ To bajiro i yir'i ñari, Jesús rujurire rujiogu vasuju. Ire rujiocōari, sudijāiri botiquēnarijāirine ire gūmañuju. ⁶⁰ To yigajanocōari, masa yujeriavi gūtavi mame i quēnorotiriaviju i rujurire cūñuju. To yicōari, ti vi sojere gūtane tūnuo bibecū, vacoasuju. ⁶¹ To bajiro i yīñaro iañariarājune masa yujeriavi rījorojua, Mar'ia Magdalena, gajeo Mar'ia quēne, rujicōañujarā ña.

Jesúre, ña yujeriavire ña codere queti

⁶² Gajerūmu ñañuju usūsājariarūmu. Tirūmūne paia ujarā, fariseo masa quēne, Pilatore ñagōrā vasujarā ña. ⁶³ I tu ejacōari, ado bajiro ire yiyujarā ña:

—Yua uju, ajiya. Socarimasu i yisocacaire masibujabu yua. “Idiarūmu tūsatirūmūne quēna tudicaticūja yu”, yisocacami, i sīaecoroto rījoro. ⁶⁴ To bajiri i rujurire ña yujeriavi soje ture surarare coderoticōaña, “I buerimasa i rujurire āmirudiroma” yigu. I rujurire ña āmijama, “Rijar'i ñaboarine, quēna tudicaticoami”, yisocaruarāma ña. I rijaroto rījoro, “I rotimōrūgōrotire yigu, Dios i cōacacu, jud'io masa uju ñaja yu” i yisocacati ti ñajare, quēnabeaja. To bajiri, “Tudicaticoami” ña yisocajama, quēnabetimasucōarūaroja —Pilatore yiyujarā ña.

⁶⁵ To ña yisere ajicōari, ado bajiro cūdiyuju Pilato:

—Mūare yu iſicanarene coderotiya mūa —ñare yicūdiyuju Pilato.

⁶⁶ To ï yisere ajicõari, Jesús rujarire ïna yujeriavire coderotiyujarã ïna. To yicõari, gũta sojere quẽnaro bibequẽnoñujarã ïna, “Ï rujarire ãmirã ïna jãnajama, ïamasirãsa mani” yirã.

28

Jesús ï tudicatire queti

(Mr 16.1-8; Lc 24.1-12; Jn 20.1-10)

¹ Ësũsãjariarũmũ ti jediro, quẽna moasũoriarũmũ ti busumajado, Mar'ia Magdalena, gajeo Mar'ia quẽne, Jesús rujarire ïna yujeriavire ïarã vacama ïna. ² To ïna vatone, bũto sita sabeyuju. To ti bajirone, sũgũ ángel rujiejayuju. Rujiejacõari, Jesũre ïna yujeriavire gũtane ïna bibeboariare jãnañuju. To yicõari, tia joene rujiyuju. ³ Bũjo ï yabesere bajiro yaayuju ï. Ï sudi quẽne bũto botiquẽnañuju. ⁴ Ïre ïacõari, gũirã nanañujarã ti vire coderimasa. Nanacõari, rijavẽjarãre bajiro bajireacũcoasujarã. ⁵ To ïna bajirone, ángel ado bajiro rõmiajũare gotiyuju:

—Gũibesa mũa. Jesús yucútẽroju ïna jajusãr'ire mũa macasere masiaja yũ. ⁶ Maami adojũre. Ï goticatore bajirone tudicaticoami. Ïre ïna yujerijũre ïarã vayá. ⁷ Tire ïacõari, guaro ï buerimasare ado bajiro ïnare gotiaya: “Quẽna tudicaticoasumi Jesús. To yicõari, mani rĩjoro Galilea sitaju varocũ ñañuju. Toju ïre tudĩĩarũarãja mani”, ïnare yigotiaya mũa. Adire mũare gotigũ bajibũ yũ —ïnare yiyuju ángel.

⁸ To ï yisere ajicõari, Jesús rujari ïna yujeboariavijũ budianane, gũitũoĩaboarine, variquẽnase rãca ãmacoayuma ïna, Jesús buerimasare yũare gotirã vana. ⁹ Ïna ãmavadone ïnare sãnĩacãnãmua ruyuyuju Jesús. “¿Ñati mũa?” ï yisere ajicõari, ïre yirũcũbũorã, ï rĩjorojũa muqueacõari, ï gũborire ñiañujarã ïna. ¹⁰ To bajiro ïre ïna yirone, ado bajiro yiyuju ï:

—Gũibesa mũa. Yũ yarã yũ buecanare ado bajiro ïnare gotiaya: “Galilea sitaju vajaro. Toju ïre ïarũarãja mani”, ïnare yiba —rõmiare ïnare yiyuju Jesús.

“Ado bajiro bajibũ ti”, surara ïna yigotire queti

¹¹ Rõmia ïna gotirã vato ãnone, surara quẽne, Jesús rujarire ïna yujeriavire codeboariarã sũgũri, macaju tudicoasujarã ïna. Tudiejacõari, paia ãjarãre gotiyujarã, ïna ïare ñaro cõrone. ¹² Ti quetire ajicõari, bũcũrã rãca ñagõrã vasujarã paia ãjarã. “To bajiro bajire ti ñajare, ado bajiro yirũarãja mani” yimasirũarã bajiyujarã ïna. To bajiri, sũgũre bajiro tũoĩacõari, Jesũre ïna yujeriavire codeboariarãre jairo gãjoa ïsiñujarã ïna. ¹³ To yicõari, ado bajiro ïnare socarotiyujarã ïna:

—“Ñami yũa cãnitoye, ï ñaboar'i buerimasane Jesús rujarire ãmirudicoasuma ïna”, yigotibatoya mũa —masare yiyujarã bũcũrã, paia ãjarã quẽne. ¹⁴ —Ëjũ Pilato ti quetire ajicõari, mũare ï jũnisinijama, mũare ñagõbosarũarãja yũa, “Rojose ïnare yibesa” yirã. Yũare cũdicõarũcũmi —ïnare yiyujarã.

¹⁵ To bajiro ïna yijare, gãjoare boca juacõari, ïnare ïna rotiriarore bajirone socase queti goticudiyujarã ïna, Jesũre ïna yujeriavire codeboariarã. To bajiri adirũmũri quẽne, “Tudicatibesuju Jesús. Ï ñaboar'i buerimasane, ï rujarire ãmirudiyujarã ïna” yire quetire goticõa ñarũgũama jud'io masa.

“Masa jedirore yũ ocare gotimasiocudirũarãja mũa”, ï buerãre Jesús ï yire queti

(Mr 16.14-18; Lc 24.36-49; Jn 20.19-23)

¹⁶ Jesús ï tudicatisere, rõmia ïna gotisere ajicõari, Galilea sitaju vacaju yũa, ï buerã, jũaãmo cõro, gũbo coja jẽnituarirãcũ ñarã. “Ti buro joeju yũre ïarũarãja mũa” yũare ï yicatoju vacaju yũa. ¹⁷ Toju ejacõari, Jesũre ïacaju yũa. Ïre ïacõari, ïre rãcũbũocaju yũa. Sũgũri, “Ï me ñaami”, yitũoĩacama ïna, bajirãjũma. ¹⁸ To bajiro yũa yirone, ado bajiro yũare yicami Jesús:

—Adi macarucarojare, to yicõari, õ vecajare quẽne, “Rotigu ñarucija ma”, yare yicũmi yu jacu, Dios. ¹⁹ To bajiri mware quẽne masa jedirore yu ocare mware goticudirotiaja, “Yare ajitirũnũato” yigu. To yicõari, yare ajitirũnrãre ñacõari, yu jacu vãme, yu vãme, to yicõari Esp'iritu Santo vãme rãca oco rãca ñare bautizaba ma. ²⁰ To yicõari, “Jediro yu rotisere cãdiato” yirã, ñare gotimasioma. Yare ma ñabetiboajaquẽne, cojorũmu ruyabeto ma rãca ñarũgũrucija yu, mware ejarẽmogã. To bajiro bajicõa ñarucija yu, adi macarucaro ti jediroju —yare yicami Jesús.

To cõrone ñaja.

Evangelio según SAN MARCOS

*Juan vāme cūtigū, masare oco rāca bautizarimasū ĩ gotimasiore queti
(Mt 3.1-12; Lc 3.1-9, 15-17; Jn 1.19-28)*

¹⁻³ “Rotimūorūgōrūcūmi” yigū, Dios ĩ cōar'i, Jesús ĩ bajirere mūare gotigū yaja yū. Īne ñaami Dios macū. To bajiri, ado bajiro ñasūoaja: Jesúre goti rījoro cūtigū ñañuju Juan vāme cūtigū, tirūmūjū ĩre ĩ goti rījoro cūtirotire yigū, Diore gotirētobosarimasū, Isa'ias vāme cūtigū ado bajiro ĩ yucamasire ñajare:

“ ‘ “Rotimūorūgōrūcūmi” yigū, mūre yū cōaroto rījoro, mūre gotiyurocūre cōasūorūcūja yū maji' yami Dios.

Yucá manojū ado bajiro gotimasiorūcūmi: ‘Mani ūjū ejarūcūmi. To bajiri, rojose mūa yisere yitūjacōari, quēnasejūare tūoīvasoaya mūa, ĩre yurā' yirūcūmi’, yucamasifūmi Isa'ias, Juan ĩ bajirotire goti rījoro yigū.

⁴ To bajiri, yucá manojū ñacōari, ado bajiro ĩre ajirā ejariarāre gotimasiodirūgūñuju ĩ:

—Rojose mūa yisere tūoīasūtiritiya mūa. To yicōari, “Rojose yirūabeaja yūa. Diorāca quēnaro ñarūarāja yūa” yirā, oco rāca yūre bautizarotiya mūa. To bajiro mūa yijama, rojose mūa yisere mūare masiriorūcūmi Dios —Īnare yigotidurūgūñuju ĩ.

⁵⁻⁶ Camello joane suariaro sāñagū ñañuju ĩ. To yicōari, vecū gaserone vēñaricūñuju, ĩ sāñasere. Īimia ba, to yicōari, beroa ocore idi, yirūgūñuju. ĩre ajirā, jājarā masa ejayujarā. Jerusalén macana, Judea sitana quēne ejayujarā. To bajiro ĩ gotisere ajirā ñari, “Rojose mani yisere Dios manire masirioato” yirā, “Rojose yirā ñaja yūa” Diore ĩna yigotiro bero, Jordán vāme cūtirisajū oco rāca ĩnare bautizayuju Juan. ^a ⁷⁻⁸ Gaje vāme ado bajiro masare gotimasiorūgūñuju ĩ:

—Yū bero yū rētoro masigū ejarūcūmi. Ñamasurā rīne ĩre yibosamasiama, ñamasugū masu ĩ ñajare. Rojose ĩna yisere yitūjacōari, Dios ĩ bojasejūare yirāre oco rāca bautizarūgūaja yū. To bajiro yū yirūgūse ti quēnaboajaquēne, yū bero ejagū ĩ moasejūa quēnamasucōarūaroja. Īma, Esp'iritu Santore cōamasirūcūmi, masare. ĩ sūorine, “Dios ĩ bojabetire yaja yūa” yimasicōari, tūoīvasoarūarāma —Īnare yigotimasiorūgūñuju Juan.

*Oco rāca Juanre Jesús ĩ bautizarotire queti
(Mt 3.13-17; Lc 3.21-22)*

⁹ Tirūmūrine Galilea sitajure ñarimaca Nazaret vāme cūti maca ñar'i, Jordán vāme cūtirisajū vasuju Jesús. Juan tūjū ejacōari, oco rāca ĩre bautizarotiyuju. ¹⁰ Juan ĩre ĩ bautizaro bero, majarūgūgūne, ō vecajū ūmūagasero soje, ti jānasere ĩañuju Jesús. Ti jānarone, Esp'iritu Santo, bujare bajigū rujiadicōari, ĩ joere ĩ rocajeosere ĩañuju. ¹¹ Jesús joere ĩ rocajeorone, ado bajiro yi ocaruyuyuju ō vecajū:

—Yū macū, yū maigū masu ñaja mū. Mū rāca būto variquēnaja yū —yi ocaruyuyuju.

*Dios ĩ bojabetire vātia ūjū, Satanás, Jesúre ĩ yirotiāre queti
(Mt 4.1-11; Lc 4.1-13)*

¹² Jesús, oco rāca Juanre ĩ bautizarotiro bero, yucá mano, vaibūcūrā ĩna ñarojū, ĩre ūmato vasuju Esp'iritu Santo. ¹³ Tojūre cuarenta ñarirūmūri ñañuju Jesús. Tojū ĩ bajīñarone, vātia ūjū Satanás, ĩre ejacōari, “Yū rotisere yicōari, Dios ĩ bojabetire yato” yigū, ĩre rotirūgūboayuju. ĩre cūdibesuju. To bajicōari, Diore moabosarā ángel mesa ĩre ejarēmoñujarā ĩna.

^a **1:5-6** Elías ñamasirí, camello joane suariaro sāñagū ñamasifūju ĩ quēne. To yicōari, vecū gaserone vēñaricūmasifūju, ĩ sāñasere.

Galilea sitajꝯ Jesús ĩ gotimasiosꝯore queti

(Mt 4.12-17; Lc 4.14-15)

¹⁴ Tirãmꝯri, tubiberiavijꝯ Juan ĩ tubibe ecoro bero, Galilea sitajꝯ vacoasuju Jesús. Dios oca quẽnasere gotimasiodudigꝯ vasuju. ¹⁵ Ado bajiro masare gotimasiodudiyuju:

—“To cõrone bajirꝯaroja yꝯre rotibosarocꝯ, ĩ rotisꝯoroti” Dios ĩ yitꝯoĩariajꝯ ejaja yuja. Ujꝯ Dios yarã quẽnaro ĩ yirona mꝯa ñarꝯajama, rojose mꝯa yisere yitꝯajacõari, ĩ oca quẽnasere mꝯare yꝯ gotisere ajitirũnꝯña —masare yigotimasiodudiyuju ĩ.

Vai sãrimasa babaricãrãcꝯ ñarãre Jesús ĩ jire queti

(Mt 4.18-22; Lc 5.1-11)

¹⁶ Cojorãmꝯ, utabꝯcãra Galilea vãme cutira tãjꝯ vacudigꝯ vasuju Jesús. To vacꝯjꝯ, ĩañuju, Simón vãme cutigꝯre, bero Pedro vãme cutirocꝯre, ĩ bedi Andrere quẽne. Vai sãrimasa ñañujarã ĩna. Bajiyucꝯre rearoderuu yĩñañujarã ĩna. ¹⁷ ĩna tꝯ ejacõari, ado bajiro yiyuju Jesús:

—Yꝯ rãca vayá. Yucꝯrema mꝯa vai vejese ũnirene masa yꝯre ĩna ajitirũnꝯrotire gotimasiodobosarimasa ñarꝯarãja mꝯa —ĩnare yiyuju Jesús.

¹⁸ To ĩ yirirĩmarone, ĩna bajiyucꝯre cũ, ĩre sꝯyacoasujarã.

¹⁹⁻²⁰ To yi varũtu vacꝯne, gãjerã juarã ñarãre ĩnare jiyuju Jesús. ĩna ñañujarã Santiago, ĩ bedi Juan rãca. ĩna jacꝯ Zebedeo rãca cũmuajꝯ ĩna bajiyucꝯre siaquẽno sãñañujarã. To ĩ yisere ajicõari, ĩna jacꝯre, ĩre moabosarãre quẽne vaveocoasujarã, Jesúre sꝯyana.

Masꝯ usꝯjꝯ sãñagũre vãtire Jesús ĩ burocãre queti

(Lc 4.31-37)

²¹ Capernaum macajꝯ ejayujarã ĩna. Ti macajꝯ ĩna ejaro bero, usꝯsãjariarãmꝯ ti ejaro, Dios ocare ĩna buerivijꝯ sãjañuju Jesús. Sãjacõari, masare gotimasiodũju. ²² Dios ĩ rotimasire gotimasiorimasare bajiro me, uꝯre bajiro bojonebecꝯne quẽnaro ĩ gotimasiodjare, ajĩñamãni ĩ gotise ti ñajare, no yimasibesujarã ĩna. ²³ Ti vire sigũ ãmꝯ ñañuju, ĩ usꝯjꝯ vãti sãñagũ. Jesús, masare ĩ gotimasiorone, ĩ usꝯjꝯre sãñacõari ado bajiro Jesúre ĩre yivasãñuju vãti:

²⁴ —Jesús, Nazaret vãme cuti macagꝯ, ¿no yigꝯ yꝯa tꝯ vadiati mꝯ? ¡Yꝯare gõjanabiobesa! ¿Rojose yꝯa yise vaja, rojose yꝯare yigꝯagꝯ vadiati mꝯ? Mꝯre ĩamasiaja yꝯa. Rojose yigꝯ me, Dios ĩ cõar'i ñaja mꝯ —Jesúre yivasãñuju vãti.

²⁵ To ĩ yirone, oca tutuase rãca ado bajiro ĩre yiyuju Jesús:

—¡Ñagõbesa mꝯ! ¡To yicõari, ĩ usꝯjꝯre budigoya! —vãtire ĩre yiyuju Jesús.

²⁶ To ĩ yirone, rijaquedirotiyuju vãti, masare. To yi, bꝯto avasãcõari, masꝯ usꝯjꝯre budigocoasuju yuja. To ĩ bajijare, masꝯjꝯama quẽnaejacoasuju. ²⁷ To bajisere ĩacõari, ti vi ñarã jediro no yimasibesujarã ĩna, ti ũnire ĩabetirũgũriarã ñari. To bajicõari, ĩna masune ado bajiro gãmerã sēñañujarã:

—¿No bajiatu? Ajĩñamãni oca manire gotimasiodgũ yami. Bꝯto masigũ ñaami. Vãtia bꝯto masirã ĩna ñaboajaquẽne, masa usꝯrijꝯre sãñarãre ĩnare bureamasiami —gãmerã yiyujarã ĩna.

²⁸ To bajiro Jesús ĩ yĩnasere masa ĩna gotibatojare, yoaro mene Galilea sitana tire ajijedyujarã ĩna.

Simón ũmañicore Jesús ĩ catiore queti

(Mt 8.14-15; Lc 4.38-39)

²⁹ To bajiro Jesús ĩ yiro berone, Dios ocare ĩna buerivijꝯ budiasuju. Santiago, ĩ bedi Juan quẽne, gãjerã Jesús ĩ buerimasa quẽne ĩ rãca vasujarã, Simón ĩ bedi Andrés rãca ĩna ñarũgũriavijꝯre vana. ³⁰ To ĩna ejarone, Jesúre gotiyujarã ĩna:

—Simón ũmañico bꝯto asicõari, bꝯbꝯribꝯjaamo —ĩre yiyujarã ĩna.

³¹ To bajiro ĩna yijare, Jesús, so tꝯ ejarãgũcõari, sore tãavãmꝯoñuju. To ĩ yirirĩmarone, sore rujꝯ asiboase sore tãjacoasuju. To bajiro ĩ yicatiocõario, bare ĩnare ecayuju so.

Jājarā, rijaye c̄atirāre Jesús ĩ catiore queti
(Mt 8.16-17; Lc 4.40-41)

³² Tirūm, rāiorijune, rijaye c̄atirāre juaejayujarā masa, “Jesús ĩnare catiato” yirā. ĩna usurijū vātia sāñarāre quēne juaejayujarā, “Vātiare bureato Jesús” yirā. ³³ Gājerā quēne, ti macana jediro soje tū rējañujarā. ³⁴ Jājarā ñañujarā rijaye c̄atirā, to yicōari, ĩna usurijū vātia sāñarā, masa ĩna juaejoriarā. Rijaye c̄atirāre catioyuju. To yicōari, ĩna usurijūre sāñarāre vātiare bureayuju. Vātia, ĩre ĩna ĩamasisere ĩacōari, ĩnare ñagōrotibesuju Jesús.^b

Dios ocare ĩna buerivirijure Jesús ĩnare ĩ gotimasiocudire queti
(Lc 4.42-44)

³⁵ Gajerūm busujedibetibusarojune, masa manojū vacoasuju Jesús, Diore sēniguac. ³⁶ To ĩ bajiboajaquēne, Simón ĩ babarā rāca ĩre macasuya, ejacoasujarā ĩna. ³⁷ ĩre ĩabujacōari,

—Masa jediro mure macaama —ĩre yiyujarā ĩna.

³⁸ To bajiro ĩna yiboajaquēne, ado bajiro ĩnare c̄adiyuju Jesús:

—Ita. Gaje macarianare quēne quēnase quetire gotimasiocudirocū ñaja y. Tire yigu vadicañ y —ĩnare yic̄adiyuju Jesús.

³⁹ To bajiri Galilea sitajū gotimasiocudiyuju Jesús. Tocārāca macarirene Dios ocare ĩna buerivirijū sājaejacōari, oca quēnasere masare ĩnare gotimasioñuju. To yicōari, ĩna usurijūre sāñarāre vātiare bureayuju.

Gase boagure Jesús ĩ catiore queti
(Mt 8.1-4; Lc 5.12-16)

⁴⁰ To bajiri sīgū gase boagū, Jesús rĳjorojūa gūsomuniari tuetuejayuju, ĩre rūcūbūogū. To yicōari, ado bajiro Jesúre ĩre yiyuju:

—Yū ũjū, yū cāmire mū yarūajama, yaya —ĩre yisēniñuju ĩ.

⁴¹⁻⁴² To bajiro ĩre ĩ yisere ajicōari,

—Mū cāmire yarūcūja yū —ĩre yigūne, ĩre moañañuju Jesús.

To bajiro ĩ yirirīmarone, ĩ cāmi ĩre yaticoasuju yuja. ⁴³⁻⁴⁴ To ĩre yigajanocōari,

—Gājerāre gotibetimasucōama —ĩre yiyuju Jesús. To yicōari, ado bajiro ĩre rotiyuju:

—Yucūacane paire mū rujūre ĩoaya. Mū rujūre ĩre ĩogūne, Moisére Dios ĩ roticūmasiriarore bajiro vaibūcūrā ecariarāre sīacōari, paire ĩre ĩsima, Diore rūcūbūogū. To mū yisere ĩacōari, “Caticoasumi”, yirūarāma masa —ĩre yiyuju Jesús, gase boaboar'ire.

⁴⁵ ĩre ĩ gotirotibetiboajaquēne, masa jedirore gotibatoyuju, “Yū gase boasere yacōami Jesús” yigū. To bajiro ĩ gotibatojare, macari Jesús ĩ vacudijama, yayioro vacudirūgūñuju ĩ. To bajiri, masa manojū ñacudirūgūñuju. To ĩ bajirāboajaquēne, macariana ñajediro ĩre ĩarā ejarūgūñujarā ĩna.

2

Micagūre Jesús ĩ catiore queti
(Mt 9.1-8; Lc 5.17-26)

¹⁻² To bajiro ĩ yicudiriarūmūri bero, Capernaum vāme c̄ati macajū tudiejayuju Jesús quēna. ĩ ñarūgūrivijūre ĩ tudiejase ajiyujarā masa. Tire ajicōari, ĩ tūjū rējañujarā ĩna. Jājarā ĩna ñajare, vi jūmūcoasuju ti. Nojūa rūgōriajū mañuju. Soje tū quēne, nojūa rūgōriajū mañuju. To ĩna bajirone, vi jubeajū Dios oca ĩnare gotimasio ñañuju Jesús. ³ To bajiro ĩ yīñarone, babaricārācū ñacōari, micagūre āmiejayujarā. ⁴ ĩre āmiejacōari, Jesús tūjū cūrūaboayujarā ĩna. To ĩna yirūaboarore jājarā ñabibecōañujarā. To bajiri vijūre sājamasibesujarā. “Tire bajicōaja” yirā, vi joejū ĩre āmimūjasujarā. ĩre āmimūjacōari, Jesús ĩ rūgōro vecare goje yijorayujarā. To yigajano, micagūre ĩ jesarijū rācane ĩre

^b 1:34 “Masare ĩ rijabosarotirūmū ti ejabetijare, vātiare ñagōrotibesuju Jesús”, yiyujarā sīgūri, Dios oca masa ĩna ucamasire buerētoburimasa.

jidirujio ejoyujarã, Jesús tujũ. ⁵ “Ïre ãamaicõari, ãre catorũcũmi” ãna yitũoãasere ãamasicõari, micagũjũare ado bajiro ãre yiyuju Jesús:

—Rojose mũ yirere mũre masiriocõaja yũ —ãre yiyuju Jesús.

⁶ To ã yisere ajicõari, ti macana sigũri Dios ã rotimasire gotimasiorimasa, ado bajiro tũoãañujarã: ⁷ “¿No yigũ to bajise yati ã? To bajiro ã ãagõjama, Diore ãre rũcũbũobecũ yami ã. Dios sigũne ãagũmi ti ãnure yimasigũma”, yitũoãañujarã ãna. ⁸ To bajiro ãna yitũoãasere ãamasicõari, ado bajiro ãnare yiyuju Jesús:

—“ ‘Diore bajiro masa rojose ãna yisere masiriomasiaja’ yisocaami”, yũre yitũoãaboaja mũa. ⁹ “Rojose mũ yisere masiriocõaja” yũ yicõa tũajajama, “Socũ yami. Socũ me yami” yũre yĩamasigũ magũmi. To bajiboarine, “Vũmũrũgũcõari, vasa” ãre yũ yijama, “Socũ me yami. Rojose ã yirere masiriocõami”, yũre yĩamasirãja mũa. ¹⁰ To bajiri, Dios ã roticõacacũ ãari, “ ‘Diore bajirone masare rojose ãna yisere masiriomasigũ ãnaami’ yũre yĩamasiato” yigũ, ãni micagũre ado bajiro ãre yaja yũ: ¹¹ “Vũmũrũgũãna mũ. Mũ jesarijũre ãmiãna. To yicõari, mũ ya vijũ tudiasa”, ãre yaja yũ —ãre yiyuju Jesús.

¹² To ã yirirĩmarone, masa jediro ãna ãaro rĩjoro vũmũrũgũcõari, ã jesarijũre ãmi, ã ya vijũ vacoasuju ã yuja. To bajiro Jesús ã yisere ãaucacoasujarã masa. “Ti ãnure ãabetirũgũcaju mani. ãni, Dios ã masise rãca yigũ yami” yitũoãacõari,

—Quẽnaro yaja mũ —Diore ãre yivariquẽnañujarã ãna.

Lev'ire Jesús ã jire queti

(Mt 9.9-13; Lc 5.27-32)

¹³ Micagũre ã catoriaro bero, Utãucũra Galilea vãme cutira tujũ quẽna tudivasuju Jesús. Tojũ jãjarã masa rẽjañujarã. ãna rẽjasere ãacõari, Dios oca ãnare gotimasioñuju ã.^C ¹⁴ Gotimasio gajano, vacũne, Lev'i vãme cutigure ãre ãabũjayuju. Alfeo macũ ãañuju ã, Lev'i. Ujũre gãjoa sãnibosarimasũ ãañuju. Gãjoa sãnirã ãna rujirijũre gãjoa sãnirujiyuju. To ã yĩãaro, ãacõari,

—Yũre ajisũyaya —ãre yiyuju Jesús.

To bajiro ã yisere ajicõari, ãre sũyacoasuju ã yuja.

¹⁵ Bero, Lev'i ya vijũ ejacõari, bayuju Jesús. To bajiri Jesũrãca baãañujarã Lev'i ã yiriarore bajiro rojose yirã, ujũre gãjoa sãnibosarimasa, gãjerã “Rojose yirã ãnaama” masare yĩarã quẽne. To yicõari, Jesús buerimasa quẽne baãañujarã ãna. To bajiri jãjarã masũ ãañujarã Jesũre ãre ajisũyarã. ¹⁶ To ãna baãarone, ejayujarã fariseo masa, Dios ã rotimasirere gotimasiorimasa quẽne. ãna ãañujarã, Moisẽre Dios ã roticũmasirere bũto ajirũcũbũorã, rojose yirã rãca ãnarũamena. Ejacõari, rojose yijairã rãca ãna baãasere ãacõari, Jesús buerimasare ãnare sãnĩãañujarã:

—¿No yigũ mũare buegũma, ãnoa rojose yirã rãca baãati? —yisãnĩãañujarã ãna.

¹⁷ To bajiro ãna yisãnĩajare, ado bajiro ãnare cãdiyuju Jesús:

—Catiquẽnarãma, uco yigũre bojamenama. Rijaye cutirã rĩne ãre bojarãma ãna. To bajiro bajiaja yũre quẽne. “Rojose yirã me ãaja yũa”, yirãma, yũre bojamenama. “Rojose yirã ãaja yũa” yirã rĩne yũre bojarãma. Quẽnaro yirãre jigũ me, adi macarũcarojũre vadicaju yũ. Rojose yirãre, “Rojose ãna yisere yitũjato” yigũ, vadicaju yũ. To bajiri ãnoa, “Rojose yirã ãnaama” mũa yĩarã rãca baãaja yũ —ãnare yiyuju Jesús.

“Mani sũtiritisere ãacõari, quẽnaro manire ejarẽmorũcũmi Dios” yirã, bare babetire queti

(Mt 9.14-17; Lc 5.33-39)

¹⁸ Juan masare oca rãca bautizarimasũ ã buerã, fariseo masa quẽne, ãna ãicũa ãna yimasiriarore bajiro bare bamenane Diore sãnĩñujarã, “Mani sũtiritisere ãacõari, quẽnaro manire ejarẽmoato Dios” yirã. To ãna yirirãmũre Jesũre sãnĩarã ejayujarã sigũri:

^C 2:13 Leví, jũa vãme, vãme cutigũ ãañuju. Gaje vãme, Mateo vãme cutiyuju. “Leví” ti yijama, hebreo oca rãca yiyuju. “Mateo” ti yijama, romano oca rãca yaja.

—Juan ï buerimasa, to yicōari, fariseo masa quēne, mani ñicua ïna yimasiriarore bajiro Diore ïna sēnirirūmurema bare babetirūgūama. ¿No yirā tire yibeati m̄ buerāma? — Jesúre yisēñiañujarā ïna.

¹⁹ To ïna yisere ajicōari, ado bajiro ïnare gotimasioñuju Jesús:

—Sīgū ï āmosiarirūmure ïre variquēnaejarēmōrā ñarāma. To ï ūmato yiñaro cōro ïre variquēnaejarēmōrāma. ïnare bajiro bajiamā ȳ buerā. Ȳ rāca ñari, variquēnacōa ñaama. “Sūtiritimena ñari, no yirā bare babeticōa yimenama” yimasire ñaja. ²⁰ To bajiboarine, cojorūm̄ ȳre ïna ñiavato ïacōari, bare bamenane Diore sēniruarāma, “Mani sūtiritisere ïacōari, quēnaro manire ejarēmōato Dios” yirā.

²¹ Mame oca ȳ gotimasiose ricati ti ñajare, ȳ ye rāca mani ñicua ïna yimasirere m̄a t̄oñav̄ojama, quēnabeaja. Sudiro b̄c̄hase ti vojama, mamagaserō rāca seretumasime-naja mani. Mamagaserone mani seretujama, mani coero bero carato t̄atutu vatone b̄c̄hasej̄a vocoatoja. B̄c̄hase, mamase rāca mani seretumasibetore bajirone, mame oca ȳ gotimasiosere, mani ñicua oca rāca t̄oñav̄obesa m̄a. ²² To bajirone bajiaja ūye oco quēne. Mame ūye ocore, vaib̄c̄gaserone quēnorajoa b̄c̄joaj̄are jiomēnaja mani. B̄c̄joaj̄are mani jiojama, j̄m̄s̄ñituca yiro, yivocōaroja t̄joaj̄are. To bajiro mani yijama, ūye ocore, vaib̄c̄gaserone quēnorajoa quēne, to bajirone yireacōa t̄jana yirāja mani. “To bajirobe” yirāma, mame ūye ocore vaib̄c̄gaserone quēnorajoa, mamajoaj̄are jiore ñaroja. To yicōari, ūye oco, vaib̄c̄gaserone quēnorajoa quēne, cojoro cōro quēnaro ñaruarōja. To bajiri mame ūye ocore, b̄c̄joaj̄are mani jiojetore bajiro mame oca ȳ gotimasiosere, mani ñicua oca rāca t̄oñav̄obesa m̄a —ïnare yiyuju Jesús.

Us̄s̄ajariarūm̄ ñaboajaquēne, Jesús buerimasa trigo ajere t̄nejuacōari, ïna bare queti
(Mt 12.1-8; Lc 6.1-5)

²³ Us̄s̄ajariarūm̄ ti ejaro, trigo ïna oteriavese c̄tore vasuju Jesús, ï buerimasa rāca. To bajivanane, trigo ricare t̄nejuacōari, ïna āmorine ti gasere s̄iguēreacōari, bayujarā ï buerimasa. ²⁴ Tire ïna basere ïacōari, fariseo masa ado bajiro Jesúre ïre yiyujarā:

—¡Íaña m̄! M̄ buerimasa, us̄s̄ajariarūm̄ yire mere yama ïna —Jesúre ïre yiyujarā.

²⁵ To bajiro ïna yisere ajicōari, ado bajiro ïnare c̄diyuju Jesús:

—¿David ñamasir'i ï babarā rāca ñiorijacōari, ïnare ï ūmato bamasirere masibeati m̄a?
²⁶ Paia ūj̄ ñamasugū Abiatar vāme c̄tigū ï ñarore David mesa, ñiorijarā ñari, “Mani rāca ñagūmi Dios” masa ïna yirivij̄re s̄ajacōari, Diore ïre r̄c̄b̄orā pan ḡajerā ïna c̄boarerene juacōari, ï babarā rāca bamasiñuju ï. To bajiri Moisés ñamasir'i ï gotimasirema, “Paia r̄ne baruarāma” ï yimasiboarerene bamasiñujarā ïna. To bajiro ïna yiboajaquēne, ti vaja rojose ïnare yibetimasīñumi Dios. ²⁷ “Us̄s̄ajariarūm̄re ado bajiro yiya’ ȳ yisere c̄dirā ñato” yiḡ me, masare rujeoyumi Dios. Masare rujeocōari, “Us̄s̄ajariarūm̄ ñaruarōja”, yicūmasiñumi, “Quēnaro ñato ïna” yiḡ. ²⁸ Ȳ, Dios ï roticōacac̄, “Us̄s̄ajariarūm̄re ado bajiro m̄a yijama, quēnaja. To bajiroj̄a m̄a yijama, quēnabeaja”, yirotigū ñaja ȳ —ïnare yic̄diyuju Jesús, fariseo masare.

3

Āmo ñujobec̄re Jesús ï ñujorotire queti
(Mt 12.9-14; Lc 6.6-11)

¹ To yi vac̄ne, Dios ocare ïna buerivij̄ s̄ajasuju Jesús. Ti vij̄ ñañuju s̄igū, cojojacat̄a āmo ñujobec̄. ² Fariseo masa quēne ñañujarā. “‘Jesús, rojose yimi’ ūjarāre yigoti, yirorāsa” yirā, Jesúre ïre ïacodeyujarā ïna. “Adirūm̄ us̄s̄ajariarūm̄re āni āmo ñujobec̄re ï masise rāca ï ñujorotijama, ‘Dios, Moisére ï roticūmasirere c̄dibec̄ yimi’ yigotiruarāja mani”, yit̄oñañujarā. ³ To bajiro ïna yit̄oñarone, ado bajiro yiyuju Jesús, āmo ñujobec̄j̄are:

—Vāmurūgāña —Īre yiyuju.

⁴To bajiro ĩre yigajanogūne, fariseo masare ado bajiro ĩnare sēniñañuju:

—¿Ususājariarūmure quēne, no bojagu masare quēnaro mani yijama, quēnabetojari? ¿Disejuare yiroti ñati? ¿Quēnasejuare, rojosejuare yiroti ñati ti? ¿Rijaye cutirāre catiorejuare yiroti ñatique? To yiterā, ¿ĩnare sīacōaroti ñatique? —Īnare yiyuju Jesús.

To ĩ yiboajaquēne, ĩre cādibesujarā ĩna. ⁵To bajiri ĩre ĩna ajitesere ĩajūnisinigū ñaboarine, ĩnare ĩasutiritigūne, āmo ñujobecūjuare ado bajiro ĩre yiyuju Jesús:

—Mū āmore ñujoya mū —Īre yiyuju.

To ĩ yirone, ĩ āmore ĩ ñujorone, quēnaejacoasuju yuja. ⁶To ĩ yisere ajicōari, budicoasujarā fariseo masa. Budiacōari, “Ujū ñamasugū ñaracūmi Herodes” yirūgūriarā rāca ñagōrā vasujarā. “¿No bajiro yicōari, Jesúre sīarotirāti mani?”, gāmerā yīñagōñujarā ĩna.

Utabucura tujū jājarā masa ĩna ejare queti

⁷To ĩ yiro bero, ĩ buerimasa rāca vacoasuju Jesús utabucura Galilea vāme cutiraju vana. To ĩna vato, Galilea sitana jājarā Jesúre suyasujarā. ⁸Gaje macariana quēne, jājarā masa, ĩañañamani Jesús ĩ yīñasere ajicōari, ĩ tujū ejayujarā. ĩna ñañujarā: Judea sitana, Jerusalén macana, Idumea sitana, Jordán vāme cutiya gajejacatūana, Tiro macana, to yicōari, Sidón macana quēne ñañujarā ĩna. ⁹⁻¹⁰Jājarā rijaye cutirāre Jesús ĩ catiosere ajicōari, gājerā buto ĩre moañarūayujarā ĩna, “To bajiro mani yijama, caticoanaja” yirā. To bajiro ĩna yitūoñajare, “Rūgōbibecōarāma” yigū ñari, —Cūmua cūo yuya mūa —ĩ buerimasare ĩnare yiyuju Jesús.

¹¹ĩna usarijūre vātia sāñarā, Jesúre ĩacōari, ĩ rījorojūa gūsomuniari tuetucōari muquearāne, ado bajiro yivasāñujarā ĩna:

—Dios macūne ñaja mū —Jesúre ĩre yivasāñujarā.

¹²To bajiro ĩna yisere ajicōari, oca tutuase rāca ĩnare ñagōrotibesuju Jesús, vātiare rotigū.

Īocare goticudisūoronare Jesús ĩ besere queti

(Mt 10.1-4; Lc 6.12-16)

¹³⁻¹⁴Cojorūmū buroju majacōari, ĩ buerimasare ĩ bojarāre jirēoñuju Jesús. To bajiri ĩ tujū ĩna ejarone, juaāmo cōro, gūbo jua jēnitarirācū ñarāre beseyuju. To yicōari, ado bajiro ĩnare gotiyuju:

—Yū rācane ñacōarūarāja mūa. To bajicōari, yū ocare yūre goticudibosarā ñarūarāja mūa. ¹⁵Masa usarijū sāñarāre vātiare, “Budiya” mūa yijama, budirūarāma —ĩnare yiyuju Jesús.

¹⁶Ado bajiro vāme cutirā ñañujarā juaāmo cōro, gūbo jua jēnitarirācū ñarā ĩ beseriarā: Simón vāme cutiboar'i Pedro vāme cutigū. ¹⁷To yicōari Zebedeo rīa ñacama Santiago ĩ bedi Juan. ĩna juarāre Boanerges vāme yiyuju Jesús. Ti vāme, Būjo rīa yire ũni ñañuju. ¹⁸Andrés, Felipe, Bartolomé, Mateo, Tomás, Tadeo ñañujarā. Alfeo macū Santiago, to yicōari, Simón vāme cutigū, celote yere tūoñaboar'i ñañuju. ¹⁹Tusagu Judas Iscariote vāme cutiyuju. ĩ ñañuju Jesúre ĩsirocar'i. To bajiri juaāmo cōro, gūbo jua jēnitarirācū ñañujarā Jesús ĩ beseriarā.

“Vātia ũjū ĩ masise rāca yigū yami Jesús”, ĩna yire queti

(Mt 12.22-32; Lc 11.14-23; 12.10)

²⁰Bero, vijū Jesúrāca tudiejayujarā ĩ buerimasa. To ĩna bajiro, jājarā masa rējañujarā. To bajiri, bare bamasibeticōañujarā ĩna, Jesús mesa. ²¹To bajiro ĩna bajiñase quetire ajicōari, “Mecurimasū ñacoacū yigūmi”, Jesúre ĩre yiyujarā masa. To bajiro ĩre ĩna yisere ajicōari, ĩ yarā, ĩre jirā vasujarā ĩna.

d **3:17** “Yoaro me jūnisinirā ĩna ñajare, Santiago ĩ bedi Juan ĩna juarāre ‘Būjo rīa’ vāme yiyuju Jesús”, yiyujarā Dios oca buerētoburimasa sīgūri.

²² Gãjerã Dios ï rotimasirere gotimasiorimasa Jerusalén maca vadiriarã ado bajiro Jesúre yiyujarã ñna:

—Ï usuju vãtia uju Beelzebú vãme cutigu sãñagũ ñaami. To bajiri Beelzebú ï masise rãca vãtiare bureaami —yiyujarã ñna.

²³ To bajiro ñna yise ñajare, ñnare jiyuju Jesús. To yicõari, ï tãju ñna ejaro, gotimasioire queti ado bajiro ñnare gotiyuju:

—Vãtia uju, masa usuriju ï yarãre sãjarotigu ñaboarine, no yigu, “Ïnare bureaya” yigu ñabecumi tia. ²⁴ Cojo sitana rotirimasa ñna gãmerã quẽajama, ñna masune gãmerã sãlayirã yirãma. ²⁵ To bajirone bajiroja cojo vi ñarãre quẽne. ²⁶ Tire bajirone bajiroja vãtiare quẽne. Vãtia ñna gãmerã bureajama, “Masare rojose yitujato mani” yirã yiborãma. To bajiro ti bajijare, “Beelzebú vãme cutigu ï masise rãca masa usuriju sãñarãre vãtiare bureaami” yure mua yiboase, riojo yirã me yaja mua —ñnare yiyuju Jesús.

²⁷ To bajiro ñnare yigoticõari, quẽna gajeye gotimasioire queti ñnare gotiyuju:

—Sĩgũ, gãji guamu ya vi sãjacõari, ñre ï siabetijama, gajeyeũni emamasibecumi. Ñre siacõari, ï gajeyeũnire emamasigũmi yuja. To bajirone bajiaja yure quẽne. Vãtia uju ï rotiboasere ñre yirotibeticõari, vãtiare yu burease sũorine, vãti ï rotiajeboariarãre ñre emagũ yaja, “Yu yarã ñato” yigu —ñnare yiyuju Jesús.

²⁸ To bajiro ñnare yigoticõari, quẽna ado bajiro ñnare yiyuju Jesús:

—Riojo muare gotiaja yu. Masa jediro rojose ñna yijama, jediro rojose ñna ñagõjaquẽne, sutiriticõari, Diore ñna sãnijama, rojose ñna yisere masiriorucumi. ²⁹ To bajiboarine, Esp'iritu Santojuare rucubũomena rojose ñre ñna yitud'ijama, tirema masiriobetirucumi. To bajiro ñna yijama, to bajirone rojose ñnare ñacõa ñarũgũruaroja —yiyuju Jesús.

³⁰ Esp'iritu Santo ï masise rãca ï yiboajaquẽne, “Ï usuju vãti sãñagũ ñari, bajigumi” ñre ñna yise ñajare, to bajise ñnare gotiyuju Jesús.

*“Yu yarãma ado bajiro bajirãju ñaama”, Jesús ï yire queti
(Mt 12.46-50; Lc 8.19-21)*

³¹⁻³² Jesús, masare ï gotimasio ñarone, ï tu rujigãnirã ado bajiro ñre yiyujarã ñna:

—Mu jaco, mu bederã rãca macajũju ejama, mu rãca ñagõruarã —Jesúre ñre yiyujarã.

³³ To bajiro ñna yiboajaquẽne, ado bajiro ñnare cãdiyuju Jesús:

—¿Ñimo ñati yu jacoma? ¿Ñimarã ñati yu bederãma? —ñnare yiyuju.

³⁴ To yigũne, ï tu rujigãnirãre ñacõari,

—Mua ñaja yu bederãma, yu jacore bajiro bajirãma. ³⁵ No bojarã yu jacu õ vecagu ï rotirore bajiro yirã, ñna ñarãma yu bederãre bajiro bajirãma, yu jacore bajiro bajirãma —ñnare yiyuju Jesús.

4

*Oterimasu ï bajirere Jesús ï gotimasioire queti
(Mt 13.1-9; Lc 8.4-8)*

¹ Quẽna utabũcũra tu ejacõari, masare gotimasioñuju Jesús. Masa jãjarãbũsa ñna rẽjaquearo ñacõari, cũmuaju vasãjacõari, rujiyuju Jesús. Masajuama, utabũcũra tu ñañujarã ñna. ² To bajicõari, cojo queti me tũoñacõari, “Ado bajiro bajisere bajiro bajiaja” ñnare yigotigu ñari, ado bajise gotiyuju:

³ —Adi queti muare yu gotisere quẽnaro ajiya mua. Sĩgũ oterimasu veseju ote ajere otegu vacumi. ⁴ Vese ejacõari, ote ajere ï reabaterone, gajeye maaju vẽjaquearoja. To bajiri minia ejacõari, tire bareacõarãma ñna. ⁵⁻⁶ Gajeyema, gãta joeju reajeoroja. Tijũ, mojoroaca sita ti ñajare, guaro ti judidaboajaquẽne, muiju, asisĩocõagũmi. To bajicõari, oco manijare, sñireacoatoja ti. ⁷ Gajeyema, jotayucũ vatoaju vẽjaquearoja. To bajicõari, ti judiboajaquẽne, jotaju bũcũaveocoatoja ti. To bajiri rica cutibetoja ti. ⁸ Gajeyema, sita quẽnaroju vẽjaquearoja. To baji, judibũcũacõari, quẽnase ñacõari, jairo rica cutiroja. Cojotõ,

treinta ñaricari rica cãtiroja. Gajetõ, sesenta ñaricari, gajetõ, cien ñaricari rica cãtiroja.
⁹ Tire mña ajimasirñajama, quẽnaro tũoĩaña mña —ñare yiyuju Jesús.

*“Ado bajiro yigñ, gotimasiore queti gotirũgũaja yñ”, Jesús ï yire queti
 (Mt 13.10-17; Lc 8.9-10)*

¹⁰ Tijñ bero, Jesús sīgũne ï ñaro, ï buerimasa juaãmo cõro, gũbo jua jẽnituarirãcũ ñarã, gãjerã ïre ajisũyarã rãca ï tũ rẽjacõari, ado bajiro ïre sẽnĩñañujarã:

—¿Gotimasiore queti yũare mñ gotise, no yire ùni ñati ti? —ñre yisẽnĩñañujarã ïna.

¹¹ To bajiro ïna yisẽnĩñajare, ado bajiro ïnare cãdiyuju ï:

—“Ëjñ Dios yarã quẽnaro ï yirona, yña ñarñajama, ado bajiro yiroti ñaja” ïna yimasibeticatire Dios sũorine ajimasiaja mñama. To bajiboarine gãjerãjũama, Dios ï bojabetijare, tire ajimasibeama. ¹² To bajiri, gotimasiore queti rãca gotimasioaja yñ, ado bajiro bajirã ïna ñajare: Adi macarũcũroaye rĩrene tũoĩarã ñari, yñ yĩosere ïacõari, to yicõari, yñ gotisere ajicõari, “To bajiro manire yigotigñ yami”, manire yimasibeama. To bajiro bajirã ñari, rojose ïna yisere tũoĩavasoacõari, “Yũare masirioya”, Diore yisẽnibeama. To bajiri yirẽto ecobosabetirũarãma ïna —ñare yigotiyuju Jesús.

*“Ado bajiro yirũaro yaja oterimasñ ï bajire queti”, Jesús ï yigotirẽtobure queti
 (Mt 13.18-23; Lc 8.11-15)*

¹³ Bero, quẽna ado bajiro ïnare gotiyuju Jesús:

—Oterimasñ ï bajire quetire mñare yñ gotisere mña ajimasibetijama, gajeye yñ gotirotire quẽne ajimasimenaja mña —ñare yiyuju Jesús.

¹⁴ To yigũne, ado bajiro ti quetire ïnare gotirẽtobuyuju Jesús:

—Oterimasñma, yñ gotimasisere gotimasiodirimasñre bajiro bajigñ ñagũmi. ¹⁵ Ote aje, maajñ vẽjaquearere, minia ïna barere yñ yijama, “Ëjñ Dios quẽnaro ï yirona ïna ñarñajama, ado bajiro yiroti ñaja” yñ yigotimasiosere ïna ajiboasere, vãtia ñjñ ejacõari guaro ï masiriosere yigñ yibñ yñ —yiyuju.

¹⁶⁻¹⁷—Gãta joejñ vẽjaqueacõari, guaro judibũcũaboarere, muiju ï asisĩorere yñ yijama, yñ yere ajicõari, quẽnaro variquẽnase rãca ajirã ñaboarine, yoaro mene tire ïna quejerotire, to yicõari, yñ gotisere ajirã ïna ñajare, gãjerã rojose ïnare ïna yijama, yoaro mene yñ ocare ïna ajitũjarotire yigñ yibñ. ¹⁸⁻¹⁹ Jotayucũ vatoajñ vẽjaqueacõari, judiboarere jotajñma ti bũcũaveorere yñ yijama, yñ gotisere ajirã ñaboarine, adi macarũcũro ti bajisejũare tũoĩarejairã ñari, to yicõari, gajeyeũni bojatũoĩarã ñari, yñ yejũare ïna tũoĩatũjacõari, yñ bojarore bajiro yimenare yigñ yibñ yñ. ²⁰ Sita quẽnarojñ vẽjaqueare judibũcũacõari, quẽnase rica cãtirere cojotõ treinta ñaricari, gajetõ sesenta ñaricari, gajetõ cien ñaricari rica cãtirere yñ yijama, yñ gotmasiosere ajimasicõari, Dios ï bojarore bajiro quẽnaro yirã yñ ocare ïna gotimasiose sũori, gãjerã masa quẽne yãre ïna ajitirũnũrotire yigñ yibñ —ñare yigotiyuju Jesús.

*Sĩabusuariare tũoĩacõari, Jesús ï gotimasiore queti
 (Lc 8.16-18)*

²¹ Quẽna gaje queti ado bajiro ïnare gotiyuju Jesús:

—Sĩabusuariare jẽocõari, sotũne tiare mubũamenaja mani. Tiare jẽocõari, “Ñajediro ti vianare ãjũbusuato” yirã, vecajñ jeorãja mani. Tire bajiro bajiaja yñ gotimasiose. “Ajimasibeticõato masa” yigñ me, to bajise ïnare gotiaja yñ. “Quẽnaro riojo ajimasiato masa” yigñ, gotirũgũaja. ²² Dios sũorine masa ïna ajimasibeticati jediro, quẽnaro ajimasirũarãma. ²³ Tire, mñare yñ gotisere mña ajimasirñajama, quẽnaro tũoĩaña mña —ñare yiyuju Jesús.

²⁴ To yicõari, quẽna ado bajiro ïnare gotiyuju Jesús:

—Mñare yñ gotisere quẽnaro ajitirũnũña mña. Mña ajitirũnũrũtuatore bajirone “Bũtobũsa ajimasiato” yigñ, mñare ejarẽmorũcũmi Dios. Rẽtobũsaro mñare ï ejarẽmose ñajare, variquẽnarũarãja mña. ²⁵ To bajiri, no bojagñ Diore ajitirũnũgũre, “Quẽnarobũsa

ajimasiato” yigũ, ĩ masisere cōarũcũmi Dios. Gãjirema, ĩre ajigũ ñaboarine, ĩre ĩ ajitirũnũbetijare, Dios ĩ rotise sũorine ĩ ajimasiboasere masiriticōarũcũmi ĩ. To bajiri Diore masibetimasucōarũcũmi —ĩnare yiyuju Jesũs.

Ote aje judibũcũare tũoĩacōari Jesũs ĩ gotimasioŕe queti

²⁶ Quẽna ado bajiro masare gotimasioŕuju Jesũs:

—No bojarã, Ƴũ Dios yarã quẽnaro ĩ yirãma, yũ gotimasiosere ajitirũnũñarã rĩne, ĩ sũorine bũtobũsa ĩre bajiro quẽnaro yirã ñarũtuarãrãma. To bajiro ĩna bajijama, ote aje ti judibũcũatore bajiro bajijama. Oterimasũ otegũmi. ²⁷ Otecōari, tocãrãca ñamiri, ãmũari quẽne, ĩ cãnijaquẽne, ĩ cãnibetijaquẽne, no yibetoja ĩ otere. ĩ codetirũnũcōa ñabetiboajaquẽne, ti masurione judicōari, bũcũatoja. Ti bũcũamũjasere, “Ado bajiro bũcũatusajũ ti” yimasibetiboajaquẽne, bũcũamũjacoatoja ti. ²⁸ ĩ otere ti masurione judiroja ti. Rĩjoro rujasaviaca judisũoroja. Bero, bũcũamũjacōari jũ cũtiroja. To bajicōari rica cũtiroja. ²⁹ Ti bũcũaro ĩacōari, juagũmi —ĩnare yiyuju Jesũs.

*“Mostaza vãme cũtiũ rica, ajeare bajiro bajijaja”, Jesũs ĩ yire queti
(Mt 13.31-32; Lc 13.18-19)*

³⁰ Quẽna ado bajiro gotiyuju Jesũs:

—“Rotimũorũgōrũcũmi” yigũ, Dios ĩ cōagũ, yũ gotimasiosere no bojarã ĩna ajitirũnũjama, mũare yũ gotisere mojoroaca ajimasiboarine, rojose ĩna ñare cũtisere tũoĩavasoacōari, tocãrãcarũmũri quẽnaro ñamũjarũgũcōari, quẽnaro ajimasimũjarũgũjama, ado bajiro bajirũaroja: e ³¹ Sĩgũ ĩ ya vesejũre mostaza ajea otegũmi. Gajeye ote aje rẽtoro rũjaricaca ñaroja ti, mostaza ajeaca. ³² To bajiri ĩ oterica mojoricaca ñaboarine, ti judibũcũacoajama, ote yucũri rẽtobũsaricũ jairicũ ñaroja tiũ. Jairicũ ti ñajare, tiũ rũjarijũ minia ĩna ria cũtirotijũrũre quẽnorãma ĩna —yigotimasioŕuju Jesũs.

³³⁻³⁴ Gotimasioŕe queti rãca rĩne ĩnare gotimasioŕũgũñuju Jesũs, “ĩna ajimasioŕo cōro ajimasiato” yigũ. To bajiro yicōari, ĩ buerimasa rĩne ĩna ñaro, quẽnaro ĩnare gotirẽtobujeocōañuju.

*Mino vatone, oco sabesere Jesũs ĩ tũjore queti
(Mt 8.23-27; Lc 8.22-25)*

³⁵ Tirũmũ muiju ĩ rocasãro, ĩ buerimasare ado bajiro ĩnare yiyuju Jesũs:

—Gajecatũajũ jẽajaro mani —ĩnare yiyuju Jesũs. ³⁶ To bajiri jãjarã masa Jesũre ajirã ejarãre, ĩ sãñaricũmũajũne ĩ buerimasa rãca ĩnare jẽaveocoasujarã. To bajiri, gaje cũmũariana quẽne, ĩnare jẽasũyasujarã. ³⁷ To ĩna jẽatone, bũto mino vasuju. To bajicōari, bũto sabeyuju. Ti saberone, cũmũa sagueca yiro, rujacoarũayuju. ³⁸ To ti bajiboajaquẽne, rũjoa tutuoriajũ rãca ĩ rũjoare tutuocōari, cãnisãñañuju Jesũs, cũmũa gũdejũ. ĩ cãniro ĩacōari, ĩre yujioyujarã ĩna:

—Yũa mũũ, ¡rujareana yaja mani! ¿“To bajiro ti bajijama, quẽnacōaroja”, yati mũ? —ĩre yiyujarã ĩna.

³⁹⁻⁴⁰ To bajiro ĩna yirone,

—¿No yirã bũto gũiatũ mũa? “Rojose mani tãmũoboaajaquẽne, manire yirẽtobosarũcũmi”, yũre yitũoĩabeaja mũa —ĩnare yiyuju Jesũs. To yigajanocōari, ado bajiro yiyuju Jesũs:

—¡Mino tũjaya! ¡Sabese quẽne tũjaya mũa! —yiyuju Jesũs.

To ĩ yirone, tũjacoasuju mino. Sabese quẽne, sabebesuju yuja.

⁴¹ To bajiro ĩ yiboajaquẽne, bũto gũicōa ñañujarã ĩna. To bajiri, ado bajiro gãmerã sẽnĩañujarã:

e 4:30 Mostaza ajea ti bajire queti Jesũs ĩ gotirere, “Ado bajiro yirũaro yaja”, yiyujarã Dios oca masa ĩna ucamasirere buerẽtobudiriãrã sĩgũri: “Jesũs ĩ gotimasiosere ajitirũnũrã ĩ ñarirodo mojoroaca ñaboarine, jãjarã ĩna bũjurotire yigũ yiyuju Jesũs”, yiyujarã ĩna.

—¿Ñimũ ùgũ masũ ñati ãni? Minore, to yicõari, sabesere ï tũjarotijama, ïre ajaiaja — gãmerã yiyujarã Jesũs buerimasa.

5

Gerasa vãme cuti maca tũagũre ï usũjũ sãñarãre vãtiare Jesũs ï bureare queti
(Mt 8.28-34; Lc 8.26-39)

¹ Utabũcũra gajejacatũajũ Gerasa vãme cuti maca tũjũ ejayujarã. ²⁻⁵ To ïna ejarone, masa rijariarãre ïna yujereariavijũre sũgũ ãmũ budiyaju, Jesũre ïagũagũ. Ti vijũ ñãñuju ï ñaro. Vãti sãñagũ ñãñuju. To bajiri no yimasiñamagũ ñãñuju. Cojoi me cõmemane ï gũbori sotorire, ï ãmorire quẽne siaboayujarã. To ïna yiboajaquẽne, tũasure reacõarũgũñuju ï. To bajiro bajigũ ñari, ãmũ, ñamirire quẽne gũtayucũ joejũ vacudirũgũñuju. To bajicõari, masa yujereariavijũre ñacõari, avasãmecũcudirũgũñuju. To bajiro bajicudica yigũ, gũtarijũ quedioca vacudirũgũñuju. ⁶ To bajiro bajĩnar'i, sõjũne Jesũre ïabũjacõari, ãmarojaju. Jesũs tũjũ ejacõari, ï rĩjorojũ gũsomuniari tuetuyuju, ïre rãcũbũogũ. ⁷⁻⁸ To bajiro ï yiejasere ïacõari, ado bajiro ï usũjũre sãñagũjũare vãtire yiyuju Jesũs:

—Ãni masũ ï usũjũ sãñagũ budiya mũ —ïre yiyuju Jesũs.

To ï yijare,

—Jesũs, masirẽtogũ, Dios macũ ñaja mũ. ¿No yigũ yũ tũ vadiati mũ? “Yũre gõjanabiobesa”, mũre yisẽniaja yũ. Dios ï ïaro rĩjorojũ, “Rojose mũ yise vaja, rojose mũre yibeaja yũ”, yũre yiya —Jesũre yisẽniñuju vãti.

⁹ To ï yirone, ado bajiro ïre yiyuju Jesũs:

—¿Ñimũ vãme cutiati mũ? —ïre yiyuju.

To ï yisere ajicõari, ado bajiro ïre cãdiyuju vãti:

—Legiõn vãme cutiaja, jãjarã ñarã ñari —ïre yicãdiyuju.

¹⁰ To bajiri ado bajiro Jesũre sẽniãñujarã:

—Gaje sitajũ ïnare cõabesa mũ —Jesũre yiyujarã. ¹¹ Burojũ jãjarã ecariarã yesea macabañãñujarã. ¹² ïnare ïacõari, ado bajiro Jesũre yisẽniñujarã ïna:

—Yũare mũ bureajama, õa yeseajũare yũare sãjarotiya —ïre yisẽniñujarã ïna.

¹³ To bajiro ïna yijare,

—Mũare varotiaja yũ —vãtiare ïnare yiyuju Jesũs.

To ï yirone, masũ usũjũre sãñaboariarã budicoasujarã yuja, ecariarã yesea, dos mil cõro ñarãjũare sãjaroana. ïna sãjarone, buro ãmaroja vacõari, utabũcũrajũ rearoderujacõa tũjasujarã.

¹⁴ Yeseare coderimasa, to bajiro ïna bajisere ïacõari, ãmacoasujarã, ïna ya macajũ vana. Tojũ ejacõari, ti macanare, to yicõari, ti maca tũ ñarimacarianare quẽne tire gotibatoyujarã. To bajiro ïna yigotisere ajicõari, Jesũre ïarã vasujarã ïna, ti macana jediro. ¹⁵ ï tũjũ ejacõari, vãtia sãñaboar'ire ïañujarã ïna. Sudi sãñacõari, Jesũs tũ rujiyuju. ïna bajirore bajiro bajigũ ñãñuju ï yuja. Vãtia ïna sãñajama, tũõĩamasibecũ ñãñuju maji. Quẽnaro tũõĩagũ ñãñuju yuja. To bajiro ï yimasisere ïacõari, Jesũre bũto gũiyujarã ïna. ¹⁶ Vãtia sãñaboar'i ï bajisere, to yicõari, yesea ïna bajirere ïariarã, gãjerãre gotiyujarã. ¹⁷ To bajiri Jesũre bũto gũirã ñari,

—Vacoasa. Ado mũ ñasere bojabeaja —ïre yiyujarã ïna.

¹⁸ To ïna yijare, tudiacũ, cũmuajũ vasãjãñuju Jesũs. To ï bajirone, ado bajiro ïre yiboayuju vãtia sãñaboar'i:

—Mũ rãca bũto varũaja yũ quẽne —ïre yiboayuju.

¹⁹ To bajiro ï yiboajaquẽne, ado bajiro ïre cãdiyuju Jesũs:

—“Yũ rãca vadibesa. Mũ ya vijũ tudiasa. Dios yũre ï ïamajare, ï masise rãca yũ usũjũ sãñarãre vãtiare bureami Jesũs”, mũ yarãre ïnare yigotiba —ïre yicãdiyuju Jesũs, vãtia sãñaboar'ire.

²⁰ To bajiro ï yijare, ï yarã tujã tudicoasuju ï. Tudiejacõari, Decápolis vãme cuti sita ñarimacarianare, Jesús ï yirere goticudiyuju. To bajiro ï yigotisere ajicõari, no yimasibesujarã ñna masa, ti ùnire ajibetirügüriarã ñari.

Jairo macore Jesús ï catiore queti

(Mt 9.18-26; Lc 8.40-56)

²¹ Jesús, tudijẽacoasuju quẽna, gajejacatujã. Utabucura tujã ï ñaro jãjarã masa rẽjañujarã. ²² To bajirone, Dios ocare ñna buerivi ujã quẽne ejayuju, Jairo vãme cutigã. Jesúre ñacõari, ï rĩjorojua gusomuniari tuetuyuju, ïre rucubogũ. ²³ To yicõari, ado bajiro Jesúre ïre yiyuju: —Yũ maco bajirocaco yimo. So tã ejacõari, sore mũ moañajama, caticoarucocomo — Jesúre ïre yiyuju.

²⁴ To bajiro Jairo ï yisere ajicõari, ïre suyasuju Jesús. Jãjarã masa ïre suyacõari, no bajiro yi vamasiña manojã vasujarã ñna. ²⁵ To bajiro ñna bajiro vatoajure sīgõ, gãmorõmi cutigo ñañuju so. Juaãmo cõro, gũbo jua jẽnituari cãmari gãmogõre bajiro bajicõarũmari cutirügũñuju so. ²⁶ Jãjarã ucõo yirimasa sore ñna ucõo yire vaja, vaja yigo, gãjoa so cuboarere ñnare ïsijeocõañuju. To bajiro ñnare so yiboajaquẽne, butobusa bajiyuju so. ²⁷⁻²⁸ To bajiri gãjerãre Jesús ï catiore queti ajirio ñari, jãjarã masa vatoajũ Jesúre suyasuju so. “Jesús sudiro moañarujã yũ. Ti rĩne bojaja yũ. To bajiro yũ yijama, quẽnaejacoarucocoja yũ”, yiyuju so. To bajiro yirio ñari, Jesús suyarojua ejarügücõari, ï sudirore moañañuju. ²⁹ So moañarirĩmarone, gãmogõre bajiro so bajiñaboare tujasuju. To bajiri, “Quẽnaejacoajũ yũ”, yimasĩñuju so yuja. ³⁰ So moañarone, “Yũ masise suorine quẽnaejacoajamo”, yimasicõañuju Jesús. To bajiri judarügücõari, ado bajiro masare sēniñañuju ï:

—¿Ñimũ yũ sudirore moañari? —ñnare yisēniñañuju.

³¹ To ï yirone, ï buerimasa ado bajiro yiyujarã ñna:

—¿No yigũ, “Ñimũ yure moañati”, yati mũ? Mũ tujã jãjarã ñaja yua, mũre moañarã —ïre yiyujarã ñna.

³² To ñna yiboajaquẽne, ïre moañagũre ñamacañuju Jesús. ³³ “ïre moañagõne, quẽnaejacoajũ yũ” yimasigõ ñari, nanagõne, Jesús rĩjorojua ejacõari, gusomuniari tuetuyuju so. To yicõari, ñajediro so bajirere Jesúre gotiyuju. ³⁴ To so yirone, ado bajiro sore cudiyuju Jesús:

—Yũ maigõ, “ï sudi gajare yũ moañajama, ï masise suorine quẽnaejacoarucocoja yũ” yitũoĩagõ ñari, quẽnaejacoajũ mũ. To bajiri, “Quẽnaejacoajũ”, yitũoĩa variquẽna vasa mũ —sore yiyuju Jesús.

³⁵ To bajiro sore ï yĩnarone, Dios ocare ñna buerivi ujã Jairo vãme cutigã ya viana ejayujarã. Ejacõari, ado bajiro Jairore gotiyujarã:

—Mũ maco bajirocacoamo. No yirã gotimasiorimasũ ï vasere bojamenaja mani yuja —Jairore yiyujarã ñna.

³⁶ To ñna yiboajaquẽne,

—Tũoĩasutiritibesa mũ. Yũ masisejũare tũoĩacõa ñañã —ïre yiyuju Jesús.

³⁷ To yicõari, gãjerãre suyarotibesuju Jesús yuja. Pedro, Santiago, ï bedi Juan, ñna idiarãrene suyarotiyuju. ³⁸ To yi, vanane, Jairo ya vijã ejayujarã. Tojã ejana, ñna ñajama, ï maco so bajirocacoajare, buto otiñañujarã ñna, ti vi ejariarã. ³⁹ ñna otiñarivijure sãjaejacõari, ado bajiro ñnare yiyuju:

—¿No yirã otiami mũ? “Bajirocacoajamo” mũna yiboago, bajirocabecomo. Cãnigõ yigomo —ñnare yiyuju Jesús.

⁴⁰ To ï yisere ajicõari, ïre ajayujarã ñna, “Bajirocacoasumo” yimasirã ñari. To bajiro ñna yiboajaquẽne, ñnare budirotiyuju Jesús. ñnare budiroticõari, bajirocario jacũare, to yicõari, ïre suyarãre quẽne, ùmato jãjasuju Jesús, bajirocario so ñnarisõajũ. ⁴¹ ñnare ùmato jãjacõari, so ãmore ññañuju Jesús. To yigũne, ado bajiro sore yiyuju:

—Talita cumi —sore yiyuju. (“ ‘Daquego, vãmũrũgũña’ mũre yaja yũ” yire ùni ñañuju.)

⁴² To ï yirirĩmarone, quẽna tudicaticõari, vãmurũgũ vasuju so yuja. Juaãmo cõoro, gũbo jua jẽnituari cãmari tũsaco ñañuju so. So tudicatisere ïacõari, no yimasibesujarã masa, ti ùnire ïabetirũgũriarã ñari. ⁴³ Sore catiocõari,

—Sore ï catiosere gãjerãre gotibetimasucõama —ñare yiyuju Jesús. To yicõari, —Bare sore ecaya mua —ñare yiyuju Jesús.

6

Nazaret vãme cuti macajũ Jesús ï vare queti (Mt 13.53-58; Lc 4.16-30)

¹ To bajiri Capernaum macanare ñare gotimasio gajanocõari, ï buerimasare ùmato vacoasuju Jesús, ï ya macajũ, Nazaret vãme cuti macajũ. ² Tojũ usũsãjariarũmũ ñarone Dios ocare ña buerivijũre sãjaejacõari, masare gotimasio ñañuju Jesús. Quẽnaro ï gotimasiosere ajicõari, no yimasibesujarã ña:

—¿No bajicõari, to bajise gotimasiasiatĩ ï? ¿No bajiro yicõari, ïañañamanire yati? — Jesũre yiyujarã ña, ï ya macana. ³ Gajeye ado bajiro yiyujarã ña:

—¿Adi macagũ yucũ moarimasũ me ñatique ïma? ¿Mar'ia macũ me ñatique? ¿Santiago, José, Judas, Simón mesa gagũ me ñatique ï? To yicõari, mani vatoajũ ñarã, ¿ĩ bederã rõmiri me ñatique ña? —Jesũre ïre yiyujarã ña, ï ya macana.

To bajiri, “Ñamasugũ me ñaami. Mani ya macagũ, mani masigũ ñaami” yirã ñari, ïre ajitirũnũbesujarã ña. ⁴ To ña yirone, ado bajiro ñare gotiyuju Jesús:

—Diore gotirẽtobosarimasũ gajerojũ Dios ocare ï gotimasiodijama, ïre ajirũcũborãma. To bajiboarine, ï ya macanare, ï ya vianare quẽne, Dios ocare ï gotimasiojama, ïre ajirũcũbõmenama —ñare yiyuju Jesús.

⁵ To bajiri ï ya macana, ïre ña ajitirũnũbetijare, ïañañamani yĩomasibesuju ï. Mojoroaca ñañujarã ï ãmo ñujeocõari ï catioriarã. ⁶ ï yarã ïre ña ajitirũnũbetire ïacõari, no yimasibesuju Jesús, ñare bajiro tũõiarãre ïabetirũgũr'ĩ ñari. To bajiri, gaje macarijũ vasuju, masare gotimasiodigũ vacũ.

Ï ocare goticudisũoronare Jesús ï cõare queti (Mt 10.5-15; Lc 9.1-6)

⁷ Juaãmo cõoro, gũbo jua jẽnitarirãcũ ñarãre ï buerãre jirẽoñuju Jesús. ñare jirẽocõari, tocãrãca macarĩre juarãri cõañuju. ñare cõagũne, masa usũrijũ sãñarãre vãtiare, ña bureamasiotire ñare ùjoyuju ï. ⁸ To yicõari ado bajiro ñare yiyuju:

—Mua bare sãriajoari, gãjoare quẽne juaábesa. No bojase mua cõose juaábesa. Tueriayucãri rĩne juaása. ⁹ Gũbo sudi mua sãñasene sãñacõari, sudi mua sãñasene sãñacõari, vasa —ñare yiyuju Jesús. ¹⁰ Gajeye ado bajiro ñare yiyuju Jesús:

—Tocãrãca macare mua ejajama, mua ejasũorivine cãnima. Ti vine ñacõari, ti macanare ñare gotimasio ñama maji, gajerojũ mua varoto rĩjoro. ¹¹ Mua ejarimacana quẽnaro mũare ña bocaãmibetijama, to yicõari, mua gotisere ña ajirũabetijaquẽne, ti macajũre ñabeja. Mũare ña ajirũabetijare, mua gũbo sudi tuyasere sitare varerea, vacoaja. To bajiro mua yijama, “Quẽnaro yũare bocaãmibeticõari, yũare mua ajirũabetijare, rojose mũare yirũcũmi Dios” yirã, yirũarãja mua —ñare yiyuju Jesús.

¹² To bajiro ï yijare, “Rojose mua yisere yitũjacõari, quẽnasejũare tũõĩvasoaya” ñare yigotimasiodirã vasujarã. ¹³ Masa usũrijũ sãñarãre vãtiare bureayujarã ña. Jãjarã rijaye cutirãre quẽne, ùye yuejeoyujarã ña. To ña yijare, quẽnaejacoasujarã ña.

Juan vãme cutigũre, masare oco rãca bautizarimasũre ï rũjoare ña jatarocare queti (Mt 14.1-12; Lc 9.7-9)

¹⁴ Jesús ï bajiñasere, ajjedicõañujarã Galilea vãme cuti sitana. To yicõari, ña ùjũ Herodes quẽne ajiyuju, ado bajiro ña yisere:

—Juan vāme cūtigū, masare oco rāca bautizarimasūne sīaecoboarine, tudicaticoarimi. To bajiri īāīāñamani yīōñagūmi —yiyujarā īna, Jesúre.

¹⁵ Gājerāma, ado bajiro yiyujarā:

—Diore gotirētobosarimasū El'ias ñamasir'i ñagūmi quēna —yiyujarā.

Gājerājuama, ado bajiro yiyujarā:

—Diore gotirētobosarimasū ñamasir'ire bajiro bajigū ñaami —yiyujarā.

¹⁶ Herodes quēne, ado bajiro yiyuju:

—Juan ñagūmi quēna. Ī rājoare ĩre jatarocaroticōacajū yū. To bajiro yū yirotiboa-
jaquēne, quēna tudicaticoarimi —yiyuju Herodes.

¹⁷⁻¹⁸ Juan ĩ sīaecoroto rījoro ado bajiro bajire ti ñajare, to bajiro tūōīañuju Herodes: Ī bedi Felipe manajore Herod'ias vāme cūtigore ēmacōari, manajo cūtiyuju Herodes. To bajiro ĩ yire ñajare, ado bajiro ĩre gotirūgūñuju Juan:

—Herod'iare mū manajo cūtise quēnabeaja. Dios ĩ rotimasirere ajibeaja mū —ĩre yirūgūboayuju Juan.

¹⁹⁻²⁰ To bajiro ĩ yigotisere ajitego ñari, ĩre sīarotiruaboayuju Herod'ias. To bajiro so yitūōīaboajaquēne, “Dios ĩ bojarore bajiro quēnaro yigū ñaami Juan” yigū, ĩ gotisere ajirūcūbuogū ñari, Herod'ias, Juanre so sīarūboasere matayuju Herodes. Juan ĩre ĩ gotisere quēnaro ajivariquēnagū ñaboarine, “To bajiro yirūcūja yū”, yimasibesuju Herodes. ²¹ To bajiñarūgūboa, cojorūmū, “Ado bajiro yū yijama, yūre matamasibecūmi”, yitūōīañuju Herod'ias yuja. Tirūmū, Herodes ĩ ruyuararūmū ñañuju ti. To bajiri ĩre moabosarimasa ūjarāre, surara ūjarāre, toana Galilea sitana ñamasuri masare quēne jirēoñuju ĩ, “Boserūmū yito” yigū. ²² To yicōari, ĩna rējaro bero, Herod'ias maco, ĩna ĩaro rījorojūare basañoñuju. So basasere ĩacōari, variquēnañuju Herodes, ĩ jicōariarā quēne. To bajiri, ado bajiro sore gotiyuju Herodes:

—No bojase mū sēnijama, mūre ĩsirūcūja —sore yiyuju. ²³ To yicōari, ado bajiro sore gotirēmoñuju:

—Riojo mūre gotiaja. Tūōīavasoabetirūcūja. Yū cūose, “Gūdareco bojaja” mū yisēniboajaquēne, mūre ĩsicōarūcūja —Herod'ias macore yiyuju Herodes. ²⁴ To ĩ yisere ajicōari, so jacore sēniñagō vasuju so, “¿Ñiere ĩre sēnigōti yū?” yigo.

To so yisere ajicōari, ado bajiro sore yī ocasāñuju so jaco:

—“Juan vāme cūtigū, masare oco rāca bautizarimasū rājoare bojaja”, ĩre yiya —so macore yicūdiyuju Herod'ias.

²⁵ To so yijare, guaro Herodes tūjū vacōari, ado bajiro ĩre gotiyuju:

—Yucūacane Juan vāme cūtigū, masare oco rāca bautizarimasū rājoare bare jeo-
bariabaja joejū jeocōari, yūre ĩsigū vayá —ĩre yiyuju so.

²⁶ To bajiro so yisere ajicōari, būto sūtiritiyuju Herodes. To bajiboarine, ĩ jicōariarā ĩna ajiro rījorojūa, “Riojo mūre gotiaja yū. No bojase mū sēnijama, mūre ĩsirūcūja” ĩ yicōare ñajare, so sēnirore bajirone yiyuju. ²⁷ To bajiri Juanre sīarūabetiboarine,

—Juan rājoare jatacōari, āmiaya —yiroticōañuju, ĩ surarare.

To ĩ yijare, tubiberiavijū vacōari, Juan rājoare jatayuju surara. ²⁸ To yicōari, bare jeobariabaja joejū jeocōari, Herod'ias macore ĩsiñuju. To yicōari, sojūa, jacore ĩsirētoñuju so yuja.

²⁹ Ti queti ajicōari, Herodes tūjū ejayujarā, Juan buerimasa. Ejacōari, ĩ rujari ñaboarere āmivacōari, yujeyujarā.

Masa, cinco mil ñarāre Jesús ĩ bare ecare queti

(Mt 14.13-21; Lc 9.10-17; Jn 6.1-14)

³⁰ Jūāāmo cōro, gūbo jūa jēnitarirācū ñarā ĩ buerimasa, ĩ goticudiroticōariarā, tudie-
jacōari, Jesūrāca rējañujarā. Ī rāca rējacōari, ĩna goticudirere, to yicōari, jediro ĩna yicudirere quēne gotijeocōañujarā. ³¹ Gājerā ĩna vato ūnone, gājerā ejavasoacōarūgūñujarā

masa. To ñna bajicōa ñajare, Jesús, ñ buerimasa quēne, ususāja, bare ba, yimasibesujarā. To bajiri, ado bajiro ñ buerimasare yiyuju:

—Ita. Ōjɯ, masa ñna manibusarojɯ vajaro mani. Tojɯ ususājarɯarāja —ñnare yiyuju.

³² To ñ yijare, cūmua vasāja vacoasujarā ñna, masa ñna manibusarojɯ vana. ³³ To bajiro ñna yi vaboajaquēne, ti macariana jājarā masa, Jesús ñ buerimasa rāca ñ vasere ñamasicōari, ũmacoasujarā ñna, Jesús ñ ejarotijure vana. ³⁴ To bajiri Jesúsɯa, majaejacōari, jājarā masa ejacōari ñnarāre ñnare ñañuju. Ñ ñajama, ovejare coderimasa ñnare ñ codebetore bajiro bajiyujarā ñna. To bajiri ñnare ñamaiñuju. Ñnare ñamaigū ñnari, cojo vāme me ñnare gotimasioñuju. ³⁵ To ñ yirone, rāioroto rñjoro, Jesús buerimasa, ñ tɯ ejacōari, ado bajiro yiyujarā:

—Jēre rāioato yaja. Masa manojɯ ñaja. ³⁶ To bajiri ñnare varotiya mɯ, “Masa cɯtojɯ bare vaja yibarā vajaro” yirā —ñre yiboayujarā ñna.

³⁷ To ñna yiboajaquēne, ado bajiro ñnare cɯdiyuju Jesús:

—Mɯane ñnare bare ecaya —ñnare yiyuju ñ.

To ñ yijare, ado bajiro ñre cɯdiyujarā ñna:

—Doscientos gājoatiiri rāca vaja yiroti ñaboaroja manire, pan ñna baroti vaja yirā — Jesúre yicɯdiyujarā.

³⁸ To ñna yisere ajicōari, ado bajiro ñnare sēniñañuju Jesús:

—“¿Nocārāca pan cɯoati mɯa?”, yisēniñacudiyaja maji —ñnare yiyuju Jesús.

To bajiri sēniñabɯjacōari, ñre gotiyujarā:

—Cojomo cōro pan, jɯarā vai cɯoaja yɯa —ñre yiyujarā.

³⁹ To ñna yirone,

—Masare tatūcurojɯ rujatubuari rujirotiya —ñnare yiyuju Jesús.

⁴⁰ To ñ yise ñajare, rujatubuari rujibateyujarā ñna. Cojojɯri cien ñnarirācɯ, to yicōari, cincuenta ñnarirācɯ rujibateyujarā. ⁴¹ To bajiro ñnare rujiroticōari bero, cojomo cōro ñnaricari pan, to yicōari, jɯarā vai ñnarāre juacōari, ō vecajɯa ñamɯocōari, “Quēnaro yaja mɯ”, Diore ñre yiyuju. To yicōari bero, panre iguesurebatecōari, ñ buerimasare ñsiñuju, “Rujirāre ñsibatoya” yigɯ. Jɯarā vaire quēne iguesurebatecōari, ñ buerimasare ñsiñuju, “Rujirāre ñsibatoya” yigɯ. ⁴² Sīgū rɯyariaro mano quēnaro baɯɯɯcɯtijedicōañujarā. ⁴³ Ñna bagajanoro bero, ñna barɯasere, ñ buerimasa ñna jɯarēojama, jɯaāmo cōro, gɯbo jɯa jēnituario ñnarijɯari rɯyayuju. ⁴⁴ Tire bariarā, cinco mil ũmɯa ñañujarā. f

Oco joene Jesús ñ vare queti

(Mt 14.22-27; Jn 6.16-21)

⁴⁵ Masa ñna barɯasere ñ buerimasa ñna jɯarēogajanorone, cūmuajɯ ñnare vasājarotiyuju Jesús:

—Betsaida vāme cɯti macajɯ yure jēadiyuya. Maji masare vare gotigɯ yaja yɯ —yiyuju Jesús.

⁴⁶ Ñnare vare gotigajano, burojɯ majacoasuju, tojɯ Diore sēnirɯ. ⁴⁷ Ti rāioato bero, utabɯcɯra jēana, tira gɯdareco tɯsasujarā, Jesús buerimasa. Jesúsɯama, sīgūne ñacōañuju ñ maji. ⁴⁸ To bajicōari, ñ buerimasare ñacōañuju. To ñna tɯsatone, bɯto mino vasuju. To bajiri jēatimabesujarā ñna. To ñna bajinaronone, busurocaroarijau ñna tɯjɯ oco joene vayuju Jesús. To bajivagu, ñnare rētocoarocure bajiro vayuju. ⁴⁹⁻⁵⁰ Oco joejɯ ñ vadire ñarāne, ɯcacoasujarā ñna. “¡Bajirocar!i vāti ñnaami!”, yivasañujarā. To ñna yiboajaquēne,

—Güibesa. Variquēnaña mɯa. Yɯne ñaja —ñnare yiyuju Jesús.

⁵¹ To yigɯne, ñna vaticūmuajɯ vasājacōañuju Jesús. Ñ vasājarone, mino vatɯjacoasuju yuja. To bajiro ti bajisere ñacōari, no yimasibesujarā ñ buerimasa, ti ũnre ñabetirūgūriarā ñnari.

f 6:44 Rñamasare, rōmiare cōmenane, ũmɯa bɯcɯrā rñrene ñna cōjama, cinco mil ñañujarā ñna.

⁵² To bajiro ña bajijama, cinco mil ãmuare Jesús ï ecarere ñariarã ñaboarine, “Ïañañamanire yimasijeogã ñaami” ïre yimasimena ñari, to bajiro bajiyujarã.

Genesaret sitanare rijaye cutirãre Jesús ï catiore queti
(Mt 14.34-36)

⁵³ To baji, jëanane, Genesaret vãme cuti sitajã jëaejayujarã ña. Tojã cãmuare siatujoyujarã. ⁵⁴ Cãmuare siagajano, ña majatone, Jesúre ñamasicõañujarã ti macana, tijãana. ⁵⁵ To bajiri masa jedirore gotibatorã ãmacoasujarã ña. Tire ajirã ñari, ti macariana rijaye cutirãre Jesús tujã juaejayujarã ña. ⁵⁶ Ï vacudiri macari cõrone mojorimacajã ï vajaquëne, jairimacajure ï vajaquëne, masa ña rëjarũgũrijaure ï vajaquëne, to yicõari, Jesús ï varoti maarijure quëne, rijaye cutirãre juajocũñujarã. To yicõari,

—Mã sudi gajare ñare moãarotire bojaja yã. To bajiro ña yijama, caticoaruarãma — ïre yiyujarã rijaye cutirãre juajeariarã. To bajiri, ïre moãariarãma, caticoasujarã.

7

“Masa ña yisere ñacõari, ‘Rojorã ñaama’ yire me ñaja. Ña tãõãsejãre masicõari, ‘To bajiro yirã ñaama’ yire ñaroja”, Jesús ï yigotimasiore queti
(Mt 15.1-20)

¹ Fariseo masa, to yicõari, Dios ï rotimasire gotimasiorimasa quëne ejayujarã ña, Jesús tujã. Jerusalénjã vadiriarã ñañujarã. ² Jesús tã ejacõari, ï buerimasa sãgãri, ña baroto rãjoro, ña ñicua ña ãmorire ña coemasiriarore bajiro ña coebetire ñañujarã ña. ³⁻⁴ Jud'io masa ñajediro, ña ñicua ye quënarõ ajirãcãbuorã ñañujarã ña. To bajirã ñari, ña ñicua ña yimasiriarore bajiro ãmori coecõari rãne, bayujarã ña. Masa, bare vaja yirã ña rëjarojã vaja yirã variarã, tudiejacõari, ña ñicua ña ãmorire ña coemasiriarore bajiro yirã, ña ãmorire coecõasãori rãne, barũgũñujarã ña. To yicõari, idiriabajari, oco cãria sotãri, no bojase sotãri quëne coeyujarã. Bare barã rujiriajãure quëne to bajiro yiyujarã ña, jud'io masa. ⁵ Tire bũto ajirãcãbuorã ñari, fariseo masa, to yicõari, Dios ï rotimasire gotimasiorimasa quëne, ado bajiro Jesúre sãniñañujarã ña:

—¿No yirã mani ñicua ña yimasiriarore bajiro yibeati mã buerimasa? Ña baroto rãjoro, mani ñicua ña ãmori coemasiriarore bajiro coebeamã — ïre yiyujarã ña, fariseo masa, Dios ï rotimasire gotimasiorimasa quëne.

⁶ To bajiro ña yijare, ado bajiro ñare cãdiyujã Jesús:

—“Quënarõ yirã ñaja yã” yiboarine, rojorã ñaja mã. Diore gotirëtobosarimasã, Isa'ias ñamasir'i, mã bajirore quënarõ tãõãcõari, ado bajiro ucamasinãju:

“Ña oca masune yirã, quënarõ yãre yirãcãbuoama ña. To bajiro yirã ñaboarine, yã bojarore bajiro tãõãbeama.

⁷ Yã yere buecõari, ña masu ña tãõãsere gotimasioama. Tirene, ‘Dios ï rotise ñaja’ yiboama. To bajiri yãre ña rãcãbuoboase vaja, ñie vaja bãjamenama ña”, yucamasinãju Isa'ias, Diore gotirëtobosagã — ñare yigotiyujã Jesús.

⁸ To yicõari, quëna ado bajiro ñare yiyujã Jesús:

—Dios ï rotisejãre ajitirãñamenane, mani ñicua ocajãre quënarõ ajitirãñaja mã — ñare yiyujã Jesús.

⁹ To yicõari, quëna ado bajiro ñare gotirëmoñujã Jesús:

—Mani ñicua yejãre ajirãcãbuorã, Dios ï rotimasirejãre cãdibeaja mã. ¹⁰ Dios ï roticãmasirere Moisés ï ucamasire ado bajiro gotiaja: “Mã jacure, mã jacore quënarõ rãcãbuoya”. To yicõari, gaje vãme ado bajiro yaja: “No bojagã ï jacure, ï jacore, ‘Rojose tãtãõãcãrãrãja mã’ ñare ï yijama, ïre sãroti ñaja”, yigotiaja Moisére Dios ï roticãmasire. ¹¹⁻¹² Mãjãama, ado bajirojã rotiaja mã: “Ï ye rãca ï jacure ï ejarëmobetijama, quënacõaja. ‘Yã gajeyëñi, yã cãose Diore yã ïsiroti rãne ñaja. To bajiri mãre ejarëmobetijama yã’ yicõari, ï jacure ï ejarëmobetijama, quënacõaja”, yirotiaja

mua. ¹³ To yicōari, gajeye jairo ti ũnre bajiro mua yiroise ñaja. To bajiro yiroirã, “Dios manire ĩ roticũmasirere cãdibeticōato” yirãre bajiro yaja mua. To yicōari, “Mani ñicua ĩna rotimasirejũare ñamasuse ñaja” mua yitũoĩajama, “Ñie vaja maja Dios ĩ rotimasire” yirã yaja mua —fariseo masare, to yicōari, Dios ĩ rotimasire gotimasiorimasare yiyuju Jesús.

¹⁴⁻¹⁶ To bajiro ĩnare yigotigajanocōari, masare jirẽocōari, ado bajiro ĩnare gotiyuju Jesús:

—Ñajediro quẽnaro ajiya, yũ gotimasiosere. Tire ajicōari, “To bajiro manire yigotigu yami”, yiajimasĩna mua: Mani ñicua, “Mani basãse sũorine ñaja Dios ĩ ĩavariquẽnabeti, ĩre mani yirũcũbũose ĩ bojabeti”, yitũoĩamasiboayuma. To bajiro me bajiaja. Rojose tũoĩacōari, mua ñagõse sũorine bajiaja, Dios ĩ ĩavariquẽnabeti, ĩre mua yirũcũbũosere ĩ bojabetima —masare yiyuju Jesús.

¹⁷ To bajiro ĩnare yigotigajano, masa jãjarã vatoaju ñar'i, vacoasuju Jesús, ĩ buerimasa rãca. Vijũ sãjaecōari, ado bajiro ĩre sēniñañujarã ĩ buerimasa:

—Jẽjũ mũ gotimasiosere quẽnaro yũare gotirẽtobuya —Jesũre yiyujarã ĩna. ¹⁸⁻¹⁹ To ĩna yisere ajicōari,

—¿Ajimasibeati mua quẽne? —yiyuju ĩ. —Mua basãse mua gudajoaju vatoja ti. Tijũ bero, rẽtobudiroja ti. To bajiri, mua usũrijũrema rojose yimasibeaja ti —ĩnare yiyuju Jesús. To bajiro ĩ yijama, “Ñajediro bare mani baboajaquẽne, Dios ĩ bojabetire yirã me yirãja mani” yigũ yiyuju.

²⁰ To yicōari, ado bajiro ĩnare gotirẽmoñuju Jesús:

—Dios ĩ ĩajama, masa rojose ĩna tũoĩasejũa ñaja rojosema. ²¹ Masa, rojose ĩna tũoĩajama, ado bajiro yirãma: Juarudirãma. Gãjerãre sãrãma. Manajo cutirã, manajũ cutirã quẽne, gãjerã rãca ajeriarã cutirãma. ²² Gajeyeũnre gãjerã yere uorãma. Socajairãma. Bojoneose ti ñaboajaquẽne, tire yicōarãma. Gãjerãre, “Yũ rẽtobũsaro quẽnaro ñaama”, yĩajũnisinirãma. Gãjerã ajiro rĩjorojũa socarãne, “Ado bajise rojose yima”, yigotirãma. “Ñamasurã ñaja yũama”, yitũoĩarãma. Riojo tũoĩamasimenama. Dios yere rũcũbũomenama. ²³ Adi rojose jediro yirãma masa, rojose ĩna tũoĩajama —ĩnare yiyuju Jesús.

Jud'io maso me Jesũre so ajitirãnũre queti

(Mt 15.21-28)

²⁴ To ñar'i, vacoasuju Jesús. Vacōari, Tiro vãme cuti maca tũjũ ejayuju. To ejacōari yayioro vijũre sãjarũaboayuju. To bajiboarine yayioro sãjamasibesuju. ²⁵⁻²⁶ To bajiri Jesús ĩ ejare queti ajicōari, sĩgõ rõmio ĩ tũjũre vasuju so. Vãti sãñagõ jaco ñañuju so. Jud'io maso me ñañuju. Sirofenicia sitago ñañuju. Jesús rĩjorojũa ejacōari, gũsomuniari tuetucōari, ado bajiro bũto ĩre sēniñuju:

—Yũre ejarẽmoña mũ. Yũ maco so usũjũ vãti sãñagõ ñaamo. ĩre burocaya mũ —Jesũre yiyuju so.

²⁷ To so yisere ajicōari, ado bajiro sore cãdiyuju Jesús:

—Yũ yarã jud'io masare ejarẽmosũoaja. Yũ yarãre yũ ejarẽmoroto rĩjoro gãjerãre yũ ejarẽmojama, rĩamasa ĩna basere ĩmacōari, yaiare ecagũre bajiro yigũja yũ —sore yiyuju.

²⁸ To ĩ yisere ajicōari, ado bajiro ĩre cãdiyuju so:

—Yũ ẽjũ, riojo gotiaja mũ. To bajiboarine ĩna ẽjarã ĩna bavẽjasere barãma yaia —Jesũre ĩre yiyuju so. “Jud'io masare ejarẽmogũ ñaboarine, yũare quẽne mojoroaca ejarẽmomasiğũja” yigo, to bajise ĩre yiyuju so.

²⁹ To so yisere ajicōari, ado bajiro sore yiyuju Jesús:

—Quẽnaro tũoĩacōari, gotiaja mũ. Mũ maco usũjũ sãñagũre vãtire ĩre burocacōaja yũ. To bajiri mũ ya vijũ tudiasa —sore yiyuju Jesús.

³⁰ So ya vijũ tudiejacōari, cãnijesariaro joejũ so macore so jesaro ĩacōari, “Vãti so usũjũre sãñar'i jẽre budicoasumi”, yimasiñuju.

Ajibeti, ñagõmasibeti bajigũre Jesũ ĩ catiore queti

³¹ Tiro maca tuj̄u ñar'i, Sidón vāme cuti macaj̄u rētoasuju Jesús. To rēto vacune Decápolis sita ñarimacarire quēne rētoasuju. To rētoacune, Galilea ʔtabucara tuj̄u ejacoasuju yuja. ³² To i ñarone, siḡu ajibeti, ñagōmasibeti bajiḡure amiejayujarā masa. Īre amiejacōari, Jesúre sēniñujarā, “Ajibecure i amori ñujeocōari ĩre catioato” yirā. ³³ To bajiri ajibecure gajerojua ūmato vasuju Jesús. Īre ūmato vacōari, i gāmo gojerijure i amovāsoa rāca tōmesōñuju Jesús. To yigajano, i amovāsoare gooco eotucōari, i ñemerore moaiañuju, i ñagōmasibetijare. ³⁴ To yicōari, ō vecajure ĩamucōari, us̄u s̄inisāñuju Jesús. To yigune, ado bajiro ĩre yiyuju:

—Efata —yiyuju Jesús. (“Ajiya yuja” yire ūni ñañuju ti.)

³⁵ To i yirone, ajibecu ñaboar'i ajicoasuju yuja. To bajicōari, quēnaro ñagōcoasuju i, ñagōmasibecu ñaboar'i. ³⁶ To bajiro ĩre yigajanocōari, ado bajiro masare yiyuju:

—Gājerāre gotibetimasucōama mua —ĩnare i yiboajaquēne, butobusa gotibatorūgūñujarā masa. ³⁷ To bajiro Jesús i yisere ajivariquēnacōari, no yimasibesujarā ĩna, ti ūnire ajibetirūgūriarā ñari. To bajiri, ado bajiro Jesús i yisere gotiyujarā:

—Ñajediro quēnaro yimasijeogu ñaami. Ajimenare, “Ajiato” ñagōmenare quēne, “Ñagōato” yigu ñaami —yiyujarā ĩna.

8

Masa, cuatro mil ñarāre Jesús, bare i ecare queti (Mt 15.32-39)

¹ Quēna Jesús tuj̄u jājarā masa rējacōari, ĩna ñaro rīne bare jedicoasuju ĩnare. To bajiri i buerimasare jicōari, ado bajiro yiyuju Jesús:

² —Ado ñarāre ĩamaiaja yu. Idiarūmu tusaj̄u yuja, yu rāca ĩna ñaro. To bajicōari bare maama. ³ Bamenane ĩna ya viriju ĩna tudiasere bojabeaja yu. Siḡuri sōj̄u vadiriarā ñaama. ĩnare yu tudirotijama, bamenane ĩna vajama, ñiorijarā ñari, rijavējacoaborāma —ĩnare yiyuju Jesús.

⁴ To bajiro i yirone, ado bajiro ĩre yiyujarā i buerimasa:

—Ado, masa manoj̄u ñaja. No bajiro masa ñaro cōro ĩna barotire bare bujamasiña manoja —ĩre yiyujarā ĩna.

⁵ To ĩna yirone,

—¿No cōro jairo pan c̄oati mua? —ĩnare yiyuju.

—Cojomo cōro jua jēnituario ñaricari ñaja —ĩre yiyujarā ĩna.

⁶ To ĩna yirone, rucacane masare rujirotiyuju Jesús. To yicōari pan cojomo cōro jua jēnituario ñaricari ñasere juacōari, “Quēnaro yaja mu”, Diore ĩre yivariquēnañuju Jesús. To yicōari tire iguesurebatecōari, i buerimasare ĩsiñuju. To bajiri ĩnajua rujirāre ĩsibatoriyujarā yuja. ⁷ Vai quēne mojoroaca c̄ooyujarā ĩna. To bajiri vaire juacōari, “Quēnaro yaja mu”, Diore yiyuju Jesús quēna. To yicōari, i buerimasare ĩsibatorotiyuju. ⁸ Siḡu r̄uyariaro mano bāus̄uc̄utijedicōañujarā. ĩna bagajano bero, ĩna bar̄asere juarēoñujarā Jesús buerimasa. ĩna juarēojama, cojomo cōro jua jēnituario ñarib̄uri r̄uyayuju. ⁹ Tire bariarā cuatro mil masa ñañujarā. ĩnare ecagajanocōari, ĩnare tudirotiyuju Jesús. ¹⁰ To yicōari bero, i buerimasa rāca c̄ūmuaj̄u vasājacōari, Dalmanuta vāme cuti sitaj̄u vacoasujarā.

“Īañañamani ȳnare yīñña”, Jesúre ĩna yiboare queti (Mt 16.1-4; Lc 12.54-56)

¹¹ Fariseo masa, Jesús tu ejacōari, ĩre sēniñañujarā, “C̄adimasibeticōari, rojose t̄am̄oato ĩ” yirā:

—“ ‘Dios i cōagū ñaami’ ȳnare yimasiato” yigu, ō vecaye ĩañañamani ȳnare yīñña —ĩre yiboayujarā.

¹² To bajiro ĩna yisere ajicōari, us̄u s̄inisāñuju Jesús. To yicōari, ado bajiro ĩnare yiyuju:

—¿No yirã adirodoriana ñaãñaamani rãca rĩne yu yisere bojati mña? Riojo mñare gotiaja yu. Ñaãñaamani mñare yĩobecuja yu —ñare yiyuju Jesús.

¹³ To bajiro ñare yicõa, ñare jẽaveocoasuju Jesús, ñ buerimasa rãca.

*Fariseo masa pan ùmato vauvasere bajiro ña bajire queti
(Mt 16.5-12)*

¹⁴ Jesúrãca jẽana, ña baroti pan masiritiyujarã. Ña vaticũmuajure pan cojane cuoyujarã. ¹⁵ To bajiro ña bajire ñajare, ado bajiro ñare gotiyuju Jesús:

—Fariseo masa, to yicõari, Herodes quẽne “Pan vauvato” yirã, ña vnosere quẽnaro ajicõiaña mña —ñ buerimasare yiyuju Jesús.

¹⁶ To ñ yisere ajimasimena ñari, ña masune ado bajiro gãmerã yiyujarã ña:

—Pan mani masiritijare, to bajise gotigu yigami —gãmerã yiyujarã.

¹⁷ To bajiro ña gãmerã yisere masicõari, ado bajiro ñare gotiyuju ñ:

—¿No yirã “Pan maja manire”, yati mña? ¿Yure ajimasibeaati mña maji? ¿Adi macarucuroaye rĩne tũoĩarãre bajiro tũoĩacõa ñati mña maji? ¹⁸⁻¹⁹ ¿Yu yĩosere ñarã ñaboarine, ajimasibeaati mña maji? —ñare yiyuju Jesús.

To yicõari, ado bajise ñare yirẽmoñuju:

—Cojomo cõro ñaricarire panre bujucõari, cinco mil masa ñarãre ecacaju yu. Ñare yu ecaro bero, ¿nocãrãca jiburi ruyacati ti? —ñare yiyuju Jesús.

To ñ yisere ajicõari, ado bajiro ñre cudiyujarã ña:

—Juaãmo cõro, gubo jua jẽnituario ñarijiburi ruyacaju —ñre yicudiyujarã ña.

²⁰ Quẽna ñare tudisẽniãñuju:

—Tiju bero, quẽna cojomo cõro jua jẽnituario ñaricari panre bujucõari, cuatro mil masa ñarãre ecacaju yu. Ñare yu ecaro bero, ¿nocãrãca jiburi ruyacati ti? —ñare yiyuju.

—Cojomo cõro, jua jẽnituario ñarijiburi ruyacaju —ñre yicudiyujarã ñ buerimasa.

²¹ To bajiro ña yicudisere ajicõari, ado bajiro ñare tudisẽniãñuju Jesús:

—To bajiro yu yĩocatire masirã ñaboarine, ¿jẽju mñare yu gotisere ajimasibeaati mña maji? “Fariseo masa, to yicõari, Herodes quẽne, ‘Pan vauvato’ yirã, ña vnosere quẽnaro ajicõiaña” yu yijama, bare mere yaja yu —ñare yiyuju Jesús.

Betsaida vãme cuti macajure ejacõari, caje ñabecure ña ãmiejagure Jesús ñ ñarotire queti

²² Bero, Jesús, ñ buerimasa rãca Betsaida vãme cuti macajure ejayuju. To ña ejaro ñacõari, caje ñabecure ãmiejayujarã masa, “Caje ñabecure Jesús ñ moaĩarone, ñacoarucumi” yirã.

²³ To bajiro ña yiejogure ti maca sojubusa ñre tũa vasuju Jesús. To yicõari, ñ cajearire goocone eotucõari, moaĩañuju Jesús, “Íato ñ” yigu. To yicõari, ado bajiro ñre sẽniãñuju:

—¿Íati mñ? —ñre yiyuju.

²⁴ To ñ yirone, caje ñabecu quẽnaca ñasoyuju. To bajiri ado bajiro cudiyuju ñ:

—Masare ñaja yu. To bajiro yu ñaboajaquẽne, yucurine vasere bajiro bajiaja —yiyuju.

²⁵ To ñ yijare, quẽna ñ cajearire tudimoaĩa quẽnoñuju. To ñ yirone, quẽnaro ñacoasuju. Ñajediro quẽnaro ñre ruyuyuju yuja. ²⁶ To bajiro ñ bajiro ñacõari, ado bajiro ñre gotiyuju Jesús:

—Macajure vacõari, mñre yu ñarotisere gãjerãre gotibatobecune, mñ ya vijũ tudiasa —ñre yiyuju Jesús.

*“Rotimorũgõrucumi” yigu, Dios ñ cõar’i ñaja mñ”, Jesúre Pedro ñ yire queti
(Mt 16.13-20; Lc 9.18-21)*

²⁷ To ñ yiriaro bero, Cesarea de Filipino vãme cuti sita ñarimacarijure ñ buerimasare ùmato vasuju Jesús. To ñare ùmato vacune, ado bajiro ñare sẽniãñuju:

—¿Ñimũ ñaami yure yati ña, masa? —ñare yisẽniãñuju.

²⁸⁻²⁹ To ñ yisẽniãñare, ado bajiro ñre cudiyujarã ñ buerimasa:

—Sīgūri, “Juan vāme cūtigū, masare oco rāca bautizarimasū, tudicaticōari bajigūmi”, mure yama ĩna. Gājerāma, “El'ias űamasir'i űagūmi”, yama. Gājerājūama, “Gāji, Diore gotirētobosamasir'i űagūmi”, mure yama —Jesúre yicadiyujarā.

To ĩna yirone,

—Mūajūama, ĳñimū űaami, yure yati mūa? —ĩnare yiyuju Jesús.

To ĩ yirone, ado bajiro ĩre cadiyuju Pedro:

—Mū űaja rojose yūa tāmūoborotire yūare yirētobosacōari, rotimūorūgōrocū, Dios ĩ cōar'ī —Jesúre yiyuju Pedro.

³⁰ To bajiro Pedro ĩ yicadijare, gājerāre gotirotibesuju Jesús.

“Yure sīararāma”, Jesús ĩ yire queti

(Mt 16.21-28; Lc 9.22-27)

³¹ To yicōari, ĩ bajirotire ado bajiro ĩ buerimasare gotisūoyuju Jesús:

—Yū, Dios ĩ roticōacacū, buto rojose tāmūorūcūja. Būcūrā, paia űjarā, to yicōari, Dios ĩ rotimasire gotimasiorimasa quēne, rojose yure yicōari, yure sīararāma ĩna. Yure ĩna sīaboajaquēne, idiarūmū tūsatirūmūne yure catorūcūmi Dios —ĩnare yiyuju Jesús.

³² ĩ sīaecorotire riojo ĩnare ĩ gotise űajare, ajimasicōañujarā. Tire ajimasicōari, ricati ĩre jicāmotocōari,

—“Bajirūaroja” yūare mū yigotise bajibeticōato —ĩre yiboayuju Pedro.

³³ To ĩ yisere aji, Jesújūama, ĩ buerimasa ĩna űarōjūare jūdarūgū, ĩacōari, ado bajiro Pedrorē ĩre yiyuju:

—ĳSatanás, vasa mū! Vātia űjūre űagōbosagū yaja mū. To bajiro mū yijama, Dios ĩ tūoīarore bajiro me tūoīaja mū. Masa ĩna tūoīarore bajiro tūoīagū yaja —ĩre yiyuju Jesús, Pedrorē.

³⁴ To yicōari, ĩ buerimasare gājerāre quēne ĩnare jirēocōari, ado bajiro yiyuju Jesús:

—No bojagū yū yū ĩ űarūajama, ĩ bojasere, ĩ ye űarotire tūoīabecūne, “Jesúre bajiro rojose tāmūorūcūja yū quēne” yitūoīacōari, yūjūare ajisūyarūcūmi. ³⁵ No bojarā, ĩna bojaro űare cūtirāma, adī macarūcūrore űasere ĩavariquēnacōari, Diore tūoīamenama, Dios ĩ catisere yayibetire cūomena űarūarāma ĩna. To bajiboarine, yure ajitirūnūrā, yū oca ĩna gotisere ajijūnisinicōari, ĩna sīarāma, Dios tū quēnaro űarona űarāma. ³⁶ Sīgū adī macarūcūroju gajeyeūni jediro ĩ būjaboajaquēne, berōju rojose tāmūotūjabetiriarōju ĩ vajama, ĩ gajeyeūni ĩ būjaboare, űie vaja manōja. ³⁷ űiere Diore ĩsimasibecūmi, ĩ rijato berōjūma “Tudirijabeticōato” yigū, “Dios ĩ catisere yure ĩsiato” yigū. Mani rijato berōjūma “Tudirijabeticōato” yigū, Dios ĩ catisere ĩ ĩsise cōro vaja cūti manōja. ³⁸ “Jesúre ajitirūnūcōari, ĩ ocare ĩna gotimasiose sūorine ĩnare rūcūbūobeama adirodoriana” yīagū űari, ĩna ĩaro rījorojūa, “Jesúre rūcūbūogu űaja yū”, yibojonebesa. To bajiro yibojonegū űari, yū yū ĩ űarūabetijama, “Yū yū me űaami”, ĩre yīarūcūja yū quēne, Dios ĩ roticōacacū űacōari, “Quēnarētogū űaja yū” yū jacū ĩ yīlorore bajiro yigū űari, ĩ bususe rāca yū vadirūmū. Yū rāca vadirūarāma Dios ĩ cōarā, ángel mesa —ĩnare yiyuju Jesús.

9

¹ To yicōari, gajeye ĩnare gotirēmoñuju Jesús:

—Riojo mūare gotiaja yū. Mūa sīgūri mūa bajireabetone, “űajediro űjū űaami yū roticōacacū” Dios mūare ĩ yīosere ĩarūarāja mūa —ĩnare yiyuju Jesús. ǧ

ĩ buerimasa ĩna ĩaro rījorojūa Jesús ĩ godovedīore queti

(Mt 17.1-13; Lc 9.28-36)

ǧ 9:1 Dios oca masa ĩna ucamasirere buerētoburimasa ado bajiro yicama ĩna: “9.1 gotirijūre, ‘ űajediro űjū űaami yū roticōacacū’ Dios mūare ĩ yīorotire’ Jesús ĩ yijama, ĩ buerimasa sīgūri ĩna ĩaro rījorojūa Jesús ĩ godovedīore yigū yirimi”, yicama Dios ocare buerētoburimasa sīgūri.

² Cojomo cõro, coja jënituarirũmũ bero, Pedro, Santiago, to yicõari Juanre quẽne, ãmũariburo joejũ ñnare ãmato vasuju Jesús. Tojũ ñnare ãmato ejacõari, ñna ñaro rĩjorojũ ricati ruyugũ godovedicoasuju Jesús. ³ Sudi ï sãñase bũto boticoasuju. To bajicõari, cajemose busuyuju ti. To bajise botise ïabetirũgũñujarã ñna. ⁴ To bajicõari, El'ias ñamasir'i, Moisés ñamasir'i rãca Jesús tũ ruyuarũgũcõari, ï rãca ñna ñagõsere ïañujarã ñna, Pedro mesa.

⁵⁻⁶ To bajiro ñna bajisere ïacõari bũto gũiyujarã. Bũto gũigũ ñnari, “To bajiro yigũ yigũja” yiri mene, ado bajiro Jesũre yiyuju Pedro:

—Yũ ẽjũ, adoju mani ñajama, quẽnamasucõaja. Mũa ñaro cõrone vijãiri mũare quẽnobosarũarãja yũ. Mũ yajãi, Moisés yajãi, to yicõari, El'ias yajãi buabosarũarãja — Jesũre yiboayuju Pedro.

⁷ To bajiro ï yirirĩmarone, bueri bũto cajemose ñnare buebibecõañuju ti. Ti bueri vatoajũ ado bajiro ocaruyuyuju:

—Ãnine ñaami yũ macũ, yũ maigũ. Ñre quẽnaro ajitirũnũña mũa —yi ocaruyuyuju.

⁸ Ti ocaruyuro bero, ïaboayujarã. El'iare, Moisére quẽne, ñnare ïabũjabesujarã. Jesús sĩgãne ñañuju ï yuja.

⁹ To bajiro bajicõari bero, ti buro ñnare ãmato rojacũne, ado bajiro ñnare rotiyuju Jesús:

—Jẽjũ mũa ïasere gãjerãre gotibeja maji, Dios ï roticõacacũ, yũ rijato bero, quẽna yũ tudicatiroto rĩjoro —ñnare yiyuju Jesús. ¹⁰ To bajiro ñna bajirere gãjerãre gotimenane, ñna masune tũoĩacõa ñañujarã ñna. Tire tũoĩacõa ñarã ñnari, ado bajiro gãmerã yisẽniñañujarã:

—¿No bajiro yire ãnire yigũ yati, “Rijacoaboarine tudicatirũcũja” ï yijama? —gãmerã yisẽniñañujarã Pedro mesa. ¹¹ To bajiro yirã ñnari, ado bajiro Jesũre sẽniñañujarã ñna:

—¿No yirã, “‘Rotimũorũgõrũcũmi’ yigũ, Dios ï cõarocũ ï ejaroto rĩjoro ejarũcũmi El'ias ñamasir'i”, yati ñna Dios ï rotimasire gotimasiorimasa? —Jesũre yisẽniñañujarã ñna.

¹² To ñna yijare, ado bajiro ñnare cãdiyuju Jesús:

—Riojo yiyuma Dios ï rotimasire gotimasiorimasa, “El'ias ñamasir'i ejasũorũcũmi”, ñna yijama. “‘Rotimũorũgõrũcũmi’ yigũ, Dios ï cõarocũ, ï ejaroti ñajare, jediro Dios ï bojarore bajiro yirã quẽnaro ñayuto mani” yigũ ejasũorũcũmi. “To bajiro yaja” yimasirã ñaboarine, “Rotimũorũgõrũcũmi” yigũ, Dios ï cõarocũre ïatecõari, cojo vãme me rojose ïre yirũarãma masa, Dios oca ñna yuicamasirejũarema ajimasibeamã. ¹³ Riojo mũare gotiaja yũ. El'ias ñamasir'ire bajiro bajigũ jẽre ejaboayumi. Dios oca masa ñna ucamasiriarore bajiro yirã, ñna bojarore bajiro rojose ïre yiyuma ñna —ñnare yiyuju Jesús, Pedro mesare.

Masũ usũjũ sãñagũre vãtire Jesús ï burocare queti

(Mt 17.14-21; Lc 9.37-43)

¹⁴ Burojũ ejariarã, ñna rãcana ñna ñnarojũre tudiejayujarã. Tudiejacõari, ñna ïajama, Jesús buerimasa rãca jãjarã masa ñañujarã. To bajicõari, ñna rãca, Dios ï rotimasire gotimasiorimasa rãca ñna gãmerã oca josasere ïañujarã. ¹⁵ Jesús ï vadisere ïacõari, bũto variquẽnañujarã. Variquẽnarã ñnari, ï tũ ãmasujarã ïre sãnirã vana. ¹⁶ Ñre ñna sãnigajano, ado bajiro ñnare sãnĩañuju Jesús:

—¿No bajise ñna rãca gãmerã oca josari mũa? —ñnare yiyuju Jesús.

¹⁷ To ï yisere ajicõari, sĩgũ ado bajiro Jesũre cãdiyuju:

—Gotimasiorimasũ, yũ macũ ï usũjũ vãti sãñagũ ñaami. To bajiro bajica yigũ, ñagõbecũ ñaami. To bajiri “Jesũs, vãtire burocagũmi” yigũ, yũ macũre ãmivabũ yũ. ¹⁸ Tocãrãcãjine yũ macũ usũjũ sãñacõari, ïre rojose ï yijama, biyaroaca rijaquedicõari, ï risejũ sõmo budi, guji põguẽ, ï ruju tutuajedicõarũgũami. To bajiro ï bajijare, mũ buerimasare, “Yũ macũ usũjũ sãñagũre vãtire burocaya”, ñnare yisẽniboabũ. Ñre burocãmasimema —Jesũre yiyuju ï.

¹⁹ To ï yisere ajicõari, ado bajiro yiyuju Jesús:

—Diore ajitirũnũmena masu ñacõaja mũa. ¿No cõrojũ mũare gotimasio tũjaguti yũ? Yoaro mũa rãca yũ ñaboajaquẽne, yũ masisere mũare yũ ẽjosere ajitirũnũbeaja mũa maji —ñnare yiyuju Jesús. To yigũne, —Adojũ vãti sãñagũre ãmiaya —yiyuju Jesús.

²⁰ To ï yisere ajicōari, Jesús tuj̄ ñre ãmiasujarã. To ñna yirone, vâtij̄ua, Jesúre ñacōari, masu usuj̄ sãñagũ ñari, rojose yiyuju, masuj̄are. To bajiro ï yijare, rijaquediḡune, ï risej̄u sōmo budiyuju. ²¹ To ï bajirone, rijaquediḡu jac̄ure ado bajiro sēniãñuju Jesús:

—¿Nocãrãcarodori ado bajiro bajitusajari mu macu? —Ñre yiyuju Jesús.

To ï yisere ajicōari, ado bajiro Jesúre cudiyuju ï:

—Daquẽḡuaca ñagũj̄une to bajiro bajisucami. ²² Cojoji me jeamej̄u rocatñacōarũgũmi. To yicōari, oco vatoaj̄u quẽne rocaroacōarũgũmi. To bajiro yirũgũmi, yu mac̄ure s̄iaru. Yũare mu ejarẽmomasiyama, yũare ñamaicōari, ejarẽmoña mu —Jesúre yiyuju ï.

²³ To ï yisere ajicōari, ado bajiro ñre yiyuju Jesús:

—“Yimasigũmi”, ¿yũre yitũoĩabeati mu? To bajiro yũre mu yitũoĩajama, ñiej̄ua josase manoja —Ñre yiyuju Jesús.

²⁴ To ï yisere ajicōari, ado bajiro cudiyuju ï:

—“Yu mac̄ure catiomasigũmi”, mure yitũoĩamasicōaja, bajiḡuj̄uma. To bajiro tũoĩavũoḡu, “Ñabeticōato” yiḡu, yũre ejarẽmoña —Jesúre yivasãñuju ï, rijaquediḡu jac̄u.

²⁵ To bajiro ï yivasãsere ajicōari, jãjarãbusa masa ũmarẽjañujarã, Jesús tuj̄u. To ñna bajisere ñacōari, tutuase rãca ado bajiro vâtire yiyuju Jesús:

—Vãti, yũre ajiya. “Masa ñagõbeticōato”, to yicōari, “Ajibeticōato” yiḡu ñaja mu. ¡To bajiri ñni usure buiya! ¡Quẽna ñre tudisãjabeja! —vâtire yiyuju Jesús.

²⁶ To ï yirone, avasãcōari, rijaquedirotiyuju vâtij̄ua. To yicōari, ï usuj̄u sãñaboaḡu, budicoasuju yuja. Ñ budirone, rijar'ire bajiro bajicoasuju masuj̄ua. To bajise ñacōari, “Rijacoajami”, yiyujarã masa. ²⁷ To ñna yiboajaquẽne, Jesús ï ãmore ñiacōari, ñre tũa vũmũoñuju. To ï yirone, rũgõcoasuju yuja.

²⁸ To yicōari bero, to ñarivij̄u sãjañuju Jesús. Ti vij̄u sãjaejacōari, ado bajiro ñre sēniãñujarã ï buerimasa:

—¿No yirã vâtire burocamasibeti yua? —Ñre yiyujarã ñna.

²⁹ To bajiro ñna yisere ajicōari, ado bajiro ñnare cudiyuju Jesús:

—Jẽj̄u yu burocaḡure bajiro bajirãre mu burocaryajama, Diore sēnicōari rĩne burocamasirũarãja mu —Ñnare yiyuju Jesús.

“Yũre s̄iarũarãma”, Jesús ï yigotibabore queti

(Mt 17.22-23; Lc 9.43-45)

³⁰⁻³¹ Cesarea de Filipo ñar'i, vacu, Galilea sitare ï buerimasare ũmato rẽtoasuju Jesús. Jãjarã masa ñna ajisere bojabesuju, ï buerimasare goticudiḡu ñari. Ado bajiro ñnare gotiyuju:

—Yũre Dios ï roticōacacure masare ñsirocarucami s̄igũ. To bajiro ï yijama, yũre s̄iarũarãma ñna. Yũre ñna s̄iaboajaquẽne, idiarũmu tũsatirũmune quẽna tudicaticoaryajama yu —Ñnare yiyuju Jesús.

³² To bajiro ñnare ï gotisere ajimasibesujarã ï buerã. To bajirã ñaboarine, ñre sēniãbesujarã, ñre gũirã ñari.

“¿Ñimuj̄ua ñagũti ñamasugũ ñarocu?”, Jesús buerimasa ñna gãmerã yire queti

(Mt 18.1-5; Lc 9.46-48)

³³ Capernaum vãme cuti macaj̄u ñnare ũmato vasuju Jesús. To bajivana, “¿Ñimuj̄ua ñagũti ñamasugũ ñarocu?”, gãmerã yi vasujarã Jesús buerimasa. To bajiro ñna yi vare ñajare, ñna ya vij̄u sãjaejacōari, ado bajiro ñnare sēniãñuju Jesús:

—Maa vana, ¿no bajise gãmerã oca josa vadi mu? —Ñnare yiyuju.

³⁴ To bajiro ï yisēniãsere ajiboarine, cudibesujarã ñna, “¿Ñimuj̄ua ñagũti ñamasugũ ñarocu?” gãmerã yi oca josa vadiriarã ñari. ³⁵ Ñna cudibetire, ña, ejarũjucoasuju Jesús. To bajicōari, ï buerimasare, juaãmo cõro, gũbo jua jēnituarirãcu ñarãre jirẽoñuju. To bajiro yicōari, ado bajiro ñnare gotiyuju:

—No bojagũ ñamasugũ ï ñarũajama, “Ñamasugũ me ñaja yũ” yitũoĩacõari, masa jedirore moabosarũcũmi —ĩnare yiyuju Jesús.

³⁶ To yigũne, sĩgũ daquegũre jicõari, ïna rĩjorojũa ïre ãmijeoyuju Jesús. To yicõari, ado bajiro ïnare gotiyuju:

³⁷ —Ñani daquegũ, “Ñamasugũ me ñaja yũ” ï yitũoĩarore bajiro tũoĩarãma, Ʋjũ Dios yarã ñamasurã ñaama. To bajiro ti bajijare, ãni daquegũre bajiro tũoĩarãre, gãjerã tu ïna ejaro, quẽnaro ïnare yirãma, yũrene quẽnaro yirã yirãma. To yicõari, yũre quẽnaro yirãma, yũre cõacacũre quẽne, quẽnaro yirã yirãma —ĩnare yiyuju Jesús.

“Yũre ajitirũnũcõari, mani yise ãnũre yigũma, mani rãcagũ ñagũmi”, Jesús ï yire queti (Mt 10.42; Lc 9.49-50)

³⁸ Ado bajiro Jesũre gotiyuju Juan:

—Gotimasiomasũ, masa usũrijũ sãñarãre vãtiare bureagũre ïamũ yũa. “Jesũre ajitirũnũgũ ñari, ado bajise mũare rotimasiaja yũ: ‘Budiya’”, yĩñaami, vãtiare bureagũ. Mani rãcagũ me ï ñajare, “Tire yibesa”, ïre yibũ yũa —Jesũre yigotiyuju Juan.

³⁹ To ï yisere ajicõari, ado bajiro ïre yiyuju Jesús:

—“Tire yibeticõaña”, ïre yibeja. Quẽnaro yirimi. No bojagũ yũre rãcũbũocõari, ïãñañamani ï yĩoro bero, rojose yũre ñagõbecũmi. ⁴⁰ No bojagũ yũre ajitirũnũcõari, mani yise ãnũre yigũma, mani rãcagũ ñagũmi. ⁴¹ Riojo mũare gotiaja yũ. Yũre ajisũyarã ñamasurã me ïna ñaboajaquẽne, yũre ajitirũnrã mũa ñajare, quẽnaro mũare yirã, to bajiro ïna yise vaja, vaja bũjarũarãma ïna, Dios tũju —ĩnare yiyuju Jesús.

“Mũa sũorine gãjerã rojose ïna yijama, gũiose ñaja”, Jesús ï yigotimasiore queti (Mt 18.6-7; Lc 17.1-2)

⁴² Quẽna ado bajiro ï buerimasare gotiyuju Jesús:

—Ñani daquegũre bajiro tũoĩarãre, yũre ajitirũnrãre rojose ïna ãmato yijama, bũto rojose tãmũorũarãma. Rojose ïnare ïna ãmato yiroto rĩjoro, tocãrãcũrene ïna ãmũarijũre gũta jairica siatucõari, riaga ãcũarojũ ïnare rearoderuucõajama, rojose tãmũobetibũsaborãma —ĩnare yiyuju Jesús.

“Bũto mũa maise ti ñaboajaquẽne, ti sũorine Dios ï bojabeti mũa yijama, tire reacõaña”, Jesús ï yire queti (Mt 18.8-9)

⁴³ “‘Rẽtoro rojose tãmũorobe’ yirã, rojose mũa yisere yitũjaya mũa” yigũ, ado bajiro ïnare gotiyuju Jesús:

—“Yũ ãmo sũorine rojose yibũ yũ” mũa yitũoĩamasijama, jatarocaya. Mũare cojo ãmo ti manijama, quẽnabetoja. To bajiboarine, jũããmo rãca mũa bajireajama, jeame yatibetimejũ mũa vajama, rẽtobũsaro quẽnabetirũaroja. ⁴⁴ Tojũ ïna rujũrire becoa batũjabetirũarãma. To yicõari, jeamere yarocũ quẽne magũmi. ⁴⁵ “Yũ gũbo sũorine rojose yibũ yũ” mũa yitũoĩamasijama, jatarocaya. Mũare cojo gũbo ti manijama, quẽnabetoja. To bajiboarine, jũa gũbo rãca mũa bajireajama, jeame yatibetimejũ mũa vajama, rẽtobũsaro quẽnabetirũaroja. ⁴⁶ Tojũ ïna rujũrire becoa batũjabetirũarãma. To yicõari, jeamere yarocũ quẽne magũmi. ⁴⁷ “Yũ cajea sũorine ïbojacõari, rojose yibũ yũ” mũa yitũoĩamasijama, tiare ãmirocõaña. Coja cajea mũare ti manijama, quẽnabetoja. To bajiboarine, jũajũne caje cũticõari, mũa bajireajama, jeame yatibetimejũ mũa vajama, rẽtobũsaro quẽnabetirũaroja. ⁴⁸ Tojũ ïna rujũrire becoa batũjabetirũarãma. To yicõari, jeamere yarocũ quẽne magũmi. h

⁴⁹ “Rojose ñaja” yimasiboarine, rojose mũa yijama, quẽnabetoja. To bajiri, “Rojose yibetirũarãja”, yitũoĩacõa ñarũgũña mũa. Rojose yiterã ñari, bũto mũa bojase ti ñaboajaquẽne,

h 9:48 gotise, “Tojũ varona, bũto rojose tãmũotũjabetirũarãma” yire ãni ñaja.

tire m̄a yibetijama, b̄utob̄usa Diore ajitir̄un̄ar̄ā ñar̄uar̄aja m̄a. To bajiro m̄a bajiro tire bojaḡum̄i Dios.

⁵⁰ Moa ñaja bare s̄are. M̄a barotire vaib̄uc̄u rii catisere c̄ur̄ama, moa tur̄aja m̄a, “Boarobe” yir̄a. Moa ti ocaboase ti ocabeticoajama, “Quēna tudiocato” yir̄a, no bajiro yimasimenaja m̄a. Moa ocabetire bajiro bajiam̄a s̄iḡuri. Ìna suorine quēnaro yimasibeam̄i Dios. Moa ocat̄ujabetij̄are bajiro bajiȳa m̄a. To bajiro bajir̄a m̄a ñajama, m̄a suorine quēnaro yimasiḡum̄i Dios. Ȳare m̄a ajitir̄un̄u t̄ujabetijama, rojose yibetib̄usar̄uar̄ama ḡajer̄a. Ḡajer̄a quēnaro m̄a yisere Ìac̄ōari, m̄are bajiro quēnaro yir̄uar̄ama Ìna quēne. To bajiro bajir̄a ñari, quēnaro ḡamer̄a ȳiñaña —Ì buerimasare yiyuju Jesús.

10

*“M̄a manajoare reabetiroti ñaja”, Jesús Ì yire queti
(Mt 19.1-12; Lc 16.18)*

¹ Capernaum ñar̄'i, Judea sitaj̄u Ì buerimasare ùmato vasuju Jesús. To eja, Jordán v̄ame c̄utirisa j̄ea, to boej̄uj̄u j̄ajar̄a masa Ì r̄aca r̄ējañujar̄a quēna. Toj̄u Ìnare gotimasioñuju, Ì yir̄uḡur̄iarore bajirone. ² To Ìnare Ì gotimasio ñarone, Ì t̄u ejayujar̄a fariseo masa. Ejac̄ōari, “C̄udimasibetic̄ōari, rojose t̄am̄oato” yir̄a, ado bajise Ìre s̄ēnīatoyujar̄a Ìna:

—¿S̄iḡū Ì manajore Ì rocajama, quēnac̄ōati? —Ìre yis̄ēnīañujar̄a.

³ To bajiro Ìre Ìna yis̄ēnīasere ajic̄ōari, ado bajiro Ìnare c̄udiyuju Ì:

—¿No bajise rotimasiñujari Moisés? —Ìnare yiyuju.

⁴ To Ì yisere ajic̄ōari, ado bajiro c̄udiyujar̄a Ìna:

—Ado bajiro rotimasiñuju: “No bojaḡu Ì manajore Ì rocar̄ujama, ‘M̄are rocaj̄u yaja’ yise papera ucac̄ōari, Ìsiroti ñaja”, yimasiñuja Moisére Dios Ì rotic̄ūmasire —Jesúre yic̄udiyujar̄a fariseo masa.

⁵ To Ìna yirone, ado bajiro yiyuju Jesús:

—Diore ajiter̄a Ìna ñajare, “B̄utob̄usa Ìna manajoare rojose yiroma” yiḡu, manajoa reare beobetimasin̄uju Moisés ñamasir̄'i. ⁶ “R̄ēmoj̄u ùm̄are, r̄ōmiore rujeomasin̄uju Dios”, yigotiaja Dios oca. ⁷⁻⁸ To yic̄ōari, gajej̄u ado bajiro gotiaja Dios oca: “Ûm̄u, r̄ōmio Ì rujeore ti ñajare, ùm̄uj̄u, manajo c̄utiḡu Ì jac̄uare Ìnare c̄āmotadicoar̄uc̄um̄i. Manajo c̄utic̄ōari, j̄uar̄a ñaboarine, s̄iḡū ruj̄are bajirone ñar̄uar̄ama”, yigotiaja Dios oca. ⁹ “To bajir̄uar̄ama” Dios Ì yimasire ñajare, m̄a manajoare reabetiroti ñaja —Ìnare yiyuju Jesús.

¹⁰ To Ì yiro bero, vij̄u ñac̄ōari, to bajiro Ì gotisere s̄ēnīañujar̄a Ì buerimasa. ¹¹ To Ìna yijare, ado bajiro Ìnare c̄udiyuju Jesús:

—Ì manajore rocac̄ōari, gajeo Ì manajo c̄utijama, Dios Ì Ìajama, Ì manajo masu me ñaḡōmo. Sore ajerio c̄utiḡu yiḡum̄i. ¹² To bajirone bajiaja r̄ōmiore quēne. So manaj̄ure rocac̄ōari, ḡājire so manaj̄u c̄utijama, so manaj̄u masu me ñaḡum̄i, Dios Ì Ìajama. Ìre ajeri c̄utigo yigomo —Ìnare yiyuju Jesús.

*R̄īamasare Jesús Ì ñubuejeore queti
(Mt 19.13-15; Lc 18.15-17)*

¹³ Jesús t̄uj̄u r̄īamasacare juaejayujar̄a masa, “Ì ãmori ñujeoc̄ōari, Diore Ìnare s̄ēnibosato Ì” yir̄a. Ìna juaejasere Ìac̄ōari, ado bajiro Ìnare yiyujar̄a Ì buerimasa:

—¡Juadibesa! Ḡōjanabioro yaja m̄a —Ìnare yiyujar̄a.

¹⁴ To Ìna yisere Ìaj̄ūnisiniḡūne, ado bajiro Ìnare gotiyuju Jesús̄u:

—R̄īamasare Ìnare matabesa. Ìnare bajiro t̄uoīar̄a ñaama Ûj̄u Dios yar̄a quēnaro Ì yir̄a.

¹⁵ Riojo m̄are gotiaja ȳu. R̄īamasa Ìna yiecorore bajiro quēnaro yiecor̄a ñaama Ûj̄u Dios yar̄a —Ì buerimasare yiyuju Jesús.

¹⁶ To Ìnare yigotigajanoc̄ōari, r̄īamasare Ì ãmori ñujeoc̄ōari, Diore Ìnare s̄ēnibosayuju.

*Gajeyeũni jaigu, Jesúre ï sēniĩare queti
(Mt 19.16-30; Lc 18.18-30)*

¹⁷ Quēna Jesús varũtu vacũ ï bajirone, sīgũ, ũmaejayuju. Ejacõari, ï rĩjorojũa gũsomuniari tuetugũne, ado bajiro Jesúre ïre sēniĩañuju:

—Gotimasiorimasũ, quēnagũ ñaja mũ. Yũ rijato berojũ “Tudirijabeticõato” yigu, Dios ï catisere yũre ï ïsisere yũ bojajama, ¿no bajiro yiroti ñati yũre? —ÿre yiyuju.

¹⁸ To ï yisere ajicõari, ado bajiro ïre cãdiyuju:

—¿No yigu, “Quēnagũ ñaja mũ”, yũre yati mũ? Dios sīgũne ñaami quēnagũma. ¹⁹ Mũ rijato berojũ “Tudirijabeticõato” yigu, Dios ï catisere mũ bũjarũajama, Dios ï rotimasirere cãdiroti ñaja. Tire masiaja mũ. Dios ï rotimasire yũ yijama, ado bajise yimasirere yaja yũ: “Sĩabesa. Gãji manajo rãca ajerio cutibesa. Juarudibesa. Socũne, ‘Rojose yimi’ yigotiyirobesa. Gãjerãre yitobesa, ‘Ĩna ye cãogũsa’ yigu. Mũ jacũre, mũ jacore quēne quēnaro ïnare rãcũbũoya”, yigotiaja Dios ï rotimasire —ÿre yiyuju.

²⁰ To ï yisere ajicõari, ado bajiro yicãdiyuju:

—Daquegũjũne tire cãdisũoadimasicajũ yũ —ÿre yicãdiyuju.

²¹ To ï yisere ajicõari, ÿre ïamaiñuju Jesús. To bajiri, ado bajiro ÿre gotiyuju:

—Cojo vãme rũyaja mũ yiroti, mũ rijato berojũ “Tudirijabeticõato” yigu, Dios ï catisere mũ bũjarũajama: Jediro mũ cũosere gãjerãre ïsijeocõaña. To yicõari, ti vaja mũ bũjasere maiorõ bajirãre ïsima. To bajiro mũ yijama, õ vecajũ Dios ï ñarojũ quēnase bũjarũcũja mũ. To bajiro yigajanocõari, yũre ajisũyaya —ÿre yiyuju Jesús.

²² To ï yigu, bũto sũtiriti vacoasuju ï, gajeyeũni jaigu ñari, tire maigũ.

²³ To yigajanogũne, ï buerimasare ïacõari, ado bajiro gotiyuju Jesús:

—Gajeyeũni jairãrema, yũre ïna sũyarũa tũoĩaboajama, bũto josarũaroja ïnare. To bajicõari, yirẽto ecobosabetirũarãma —ÿnare yiyuju Jesús.

²⁴⁻²⁵ To bajiro ï yisere ajicõari, no yimasibesujarã ï buerimasa, ti ũnire ajibetirũgũrã ñari. To bajiri quēna ïnare gotirẽmoñuju Jesús:

—Yũ buerã, ajiya. No bojarã, yũre ïna sũyarũa tũoĩaboajama, bũto josarũaroja ïnare. To bajiboarine bũtobũsa josarũaroja gajeyeũni jairãrema. Vaibũcũ camello vãme cutigu, gãjojota gojeacare sãjarẽtobudimasibecũmi. To bajirone bajaiaja gajeyeũni jairãre quēne, yũre ïna ajitirũnũ sũyarũaboajama. To bajiro ïna bajijare, yirẽto ecobosabetirũarãma —ÿnare yiyuju Jesús.

²⁶ To bajiro ïnare ï gotisere ajicõari, no yimasibesujarã ïna. To bajiri ado bajiro ÿre sēniĩarẽmoñujarã:

—Riojo mũ gotijama, ¿no bajiro bajirãjũa Dios tũjũre ejarũarãda? —ÿre yiyujarã.

²⁷ To ïna yirone, ïnare ïacõari, ado bajiro ïnare gotiyuju Jesũjũama:

—Ĩna masune ejamasimenama masa, Dios tũjũre. Diojũama, ñajediro yimasijeocõami. Ñiejũa josase maja, ÿrema. ï sũorine ï tũjũ ejamasire ñaja —ÿnare yiyuju Jesús.

²⁸ To ï yisere ajicõari, ado bajiro ÿre yiyuju Pedro:

—Jediro yũa gajeyeũnire cũcõari, mũre sũyacajũ yũa —ÿre yiyuju.

²⁹⁻³⁰ To ï yisere ajicõari, ado bajiro ÿre cãdiyuju Jesús:

—Riojo mũare gotiaja yũ. No bojarã yũre ajitirũnũrã ñari, yũ ocare gotiroana, ïna ya vi, ïna yarã, ïna jacũa, ïna rĩa, to yicõari ïna ya veserire quēne, ïna maise ñaro cõro ïna vaveojama, ïna cũoboare rẽtobũsaro quēnase bũjarũarãma ïna, adi macarũcũrore. Yũre ajitirũnũrã ñari, rojose tãmũorã ñaboarine, ado bajiro quēnaro ïnare yirũcũmi Dios: Jairo viri, jairo veseri, jãjarã yarã cuti, to yicõari jãjarã rĩa cutireayere ïsirũcũmi Dios. To yicõari, “Ĩna rijato berojũa tudirijabeticõato” yigu, ï catisere ïnare ïsirũcũmi. ³¹ To bajiboarine, adire quēne quēnaro tũoĩaña mũa: Ado bajiro mũa tũoĩarore bajirone tũoĩaboarãma: “Dios ï bojase yirã rẽtoro Dios ï bojasere yirã ñari, ñamasurã ñaja yũa. To bajiri, õ vecajũre quēne ñamasurã ñari, quēnase bũjarũarãja”, yitũoĩaboarãma. To bajiro yirã ñari, gãjerãre ïacõari, “Ĩna ya vi, ïna yarã, ïna jacũa, ïna rĩa, to yicõari ïna ya veserire vaveomena ñari, ñamasurã

me ñaama. To bajiri, ò vecajure quënase mojoroaca bujarona ñaama”, yituoĩaboarãma. To bajiro me bajiruaroja. Adoju ñamasurã, ò vecajurema ñamasumena ñaruarãma ña. Adi macarucuroju ñamasumenama, ò vecajurema ñamasurã ñaruarãma —ñare yiyuju Jesús.

“Yure sñaruarãma”, Jesús ñiyigotitusare queti
(Mt 20.17-19; Lc 18.31-34)

³² Ñ buerimasa, Jerusalénju Jesús ñare ñ umato varũtu vajare, “Ujarã ñre ñaterã ña ñaroju ñ vasere güibeticõami Jesús”, ñre yituoĩa vasujarã ña. Ññajuma, ñre sũyarã, bũto güiyujarã. To ña bajirone, juaãmo cõro, gũbo juã jënituarirãcu ñarãre ñ buerãre ricati ñare jicãmotocõari, ado bajiro ñare gotiyuju:

³³ —Quënarõ ajiya mũa. Jerusalénju vana bajiaja mani. Toju mani ejaro, Dios ñ roticõacacure, sũgũ yure ñsirocarucumi, paia ujarãre, to yicõari, Dios ñ rotimasire gotimasiorimasare. Ññajua, “Ñre sñaroti ñaja”, yure yiruarãma. To yicõari, romano masare yure ñsiruarãma. ³⁴ To ña yijare, yure ajatud'irã, gooco yure eoreatucõari, bajaruarãma ña. To yicõari yucõtëroju yure jajurocacõaruarãma. Yure jajurocacõari, yujeboaruarãma. To ña yiboajaquëne, yure ña sñarirãmũ bero, idiarãmũ tusatirãmũne tudicaticoarucija yũ quëna —ñare yiyuju Jesús.

Santiago mesa Jesúre ña sënire queti
(Mt 20.20-28)

³⁵ To ñ yiro bero, Zebedeo rña, Santiago, to yicõari Juan, Jesúrãca ñagõrã ejayujarã ña. Ejacõari, ado bajiro ñre sëniñujarã:

—Gotimasiorimasũ, “Ado bajiro yũare ejarëmoña” mũre yũa yisënisere, mũ cũdise bojaja yũa —ñre yiyujarã ña.

³⁶ To bajiro ña yisere ajicõari,

—¿No bajiro mũare yũ yibosasere bojati mũa? —ñare yiyuju Jesús.

³⁷ To ñ yijare, ado bajiro ñre yiyujarã ña:

—“Ñajediro ujũ ñaja yũ” yĩocõari, mũ rotisũorirodo ti ejaro, ado bajiro yũare mũ umato rujirotire bojaja yũa: Sũgũ mũ riojojacatũa, gãjire mũ gãcojacatũa yũare umato rujirucija mũ, mũ rotirore bajirone yũa rotimasiorotire yigũ —ñre yiyujarã.

³⁸ To bajiro ñre ña yisëniiboajaquëne, ado bajiro ñare cũdiyuju Jesús:

—Tũoĩamasimenane, yure sëniboaja mũa. Yũ rãca mũa rotirũajama, ¿mũa quëne yure bajirone rojose tãmũorãtique mũa? —ñare yiyuju.

³⁹ To bajiro ñare ñ yirone,

—Bajicõarãja —ñre yicũdiyujarã.

To bajiro ña cũdise ñajare, ado bajiro yiyuju Jesús:

—Riojo mũare gotiaja yũ. Mũa quëne, yũ tãmũorotire bajiro rojose tãmũoruarãja. ⁴⁰ To bajiro mũa bajiboajaquëne, yũ riojojacatũa, yũ gãcojacatũa mũare rojomasibecũja yũ. “Ña ñaruarãma yũ macũ tũ rujirona” yũ jacũ ñ yicana rñe rujiruarãma —ñare yiyuju.

⁴¹ Jesús buerimasa juaãmo cõro ñarã ña ajibetone, “To bajiro bojaja yũa” ña yisere ajicõari, jũnisiniñujarã ña. ⁴² To bajiro ña bajijare, ña jedirore jirëocõari, ado bajiro gotiyuju Jesús:

—Ujarã, Dios yarã me ñarã, ña yarãre bũto tutuaro rotirãma ña. Tire masiaja mũa.

⁴³ Mũama, yũ yarã ñari, ñare bajiro bajibetiruarãja. Yure ajitirũnrã, ñamasurã ñaruarãma, gãjerã ña bojasere masicõari, quënarõ ñare yiejarëmorã. ⁴⁴ To bajiri ñamasurã mũa ñarũajama, gãjerãre moabosaruarãja mũa. ⁴⁵ Dios ñ roticõacacũ quëne, to bajirone yaja yũ. “Gãjerã yũ bojasejũare masicõari, quënarõ yure yato ña” yigũ me vadicaju yũ. “Ña bojasere masicõari, quënarõ ñare yirucija” yigũ vadicaju yũ. To yicõari, jãjarã rojose ña yisere Dios ñ masiriorotire ñare vaja yibosagũagũ vadicaju yũ —ñare yiyuju Jesús.

Caje ĩabecũ Bartimeo vãme cõtiguẽ Jesũs ĩ ĩarotire queti
(Mt 20.29-34; Lc 18.35-43)

⁴⁶ Jericó vãme cõtĩ maca ñacõari, ĩna vatone, jãjarã masa ĩnare sũyasujarã, Jesũre ĩarã. Tojũ ĩna vatone, ĩabecũ, Bartimeo vãme cõtiguẽ rujiyujũ, maa tũ. Timeo macũ ñañujũ ĩ. Maioro bajiguẽ ñari, ĩ barotire, to yicõari, gajeyeũniaca ĩ cũrotire tũoĩagũ, gãjoa sẽnirujiyujũ. ⁴⁷ “Jesũs, Nazaret macaguẽ rẽtoacũ yami” masa ĩna yisere ajicõari, ado bajiro ĩre jiavasãñujũ:

—Jesũs, Ujũ David ñamasir'i jãnami, “Rotimũorũgõrũcũmi” yiguẽ, Dios ĩ cõar'i ñaja mũ. Yũre ĩamaiña mũ —yĩavasãñujũ ĩ.

⁴⁸ To bajiro ĩ yĩavasãrone,

—ĩAvasãbesa! —ĩre yiyujarã masa.

To bajiro ĩna yiboajaquẽne, bũtobũsa avasãñujũ quẽna:

—Ujũ David ñamasir'i jãnami “Rotimũorũgõrũcũmi” yiguẽ, Dios ĩ cõar'i ñaja mũ. Yũre ĩamaiña —Jesũre ĩre yĩavasãñujũ.

⁴⁹ To ĩ yisere ajicõari, tujarũgũñujũ Jesũs. To bajicõari,

—ĩre jiyũ mũa —masare ĩnare yiyujũ.

To ĩ yijare, ĩabecũre jiyujarã ĩna:

—Variquẽnaña. Vũmũrũgũña. Mũre jiami Jesũs —ĩre yiyujarã, ĩabecũre.

⁵⁰ To bajiro ĩna yisere ajicõari, ĩ sudiro joeadore vearocacõañujũ, “Guaro vatĩmagũsa” yiguẽ. To yicõa, vãmũrũgũ vasujũ ĩ, Jesũs tũjũ. ⁵¹ ĩ ejasere ĩacõari, ado bajiro ĩre yiyujũ Jesũs: —ĩNo bajiro mũre yũ yisere bojati mũ? —ĩre yiyujũ, caje ĩabecũre.

To ĩ yijare, ado bajiro ĩre yicũdiyujũ:

—Gotimasiogũ, yũ tudĩĩarotire mũ ejarẽmosere bojaja yũ —ĩre yiyujũ caje ĩabecũ.

⁵² To bajiro ĩ yisere ajicõari, ado bajiro ĩre yiyujũ Jesũs:

—Vasa mũ. “Yũre ĩamaicõari, ĩarotirũcũmi” yũre yitũoĩagũ ñari, ĩacoajũ mũ yuja. Ñie rojose maja mũre yuja —ĩre yiyujũ Jesũs.

To bajiro ĩ yirirĩmarone, caje ĩabecũ ñaboar'i, ĩacoasujũ ĩ yuja. ĩacõari, ĩ quẽne Jesũre sũyacoasujũ.

11

“ ‘Rotimũorũgõrũcũmi’ yiguẽ, Dios ĩ cõagũ ñaja yũ” yĩogũ, Jerusalénjũ Jesũs ĩ ejare queti
(Mt 21.1-11; Lc 19.28-40; Jn 12.12-19)

¹⁻² Jerusalén cõñana, Betfagé, Betania vãme cõtĩ macari tũjũ ejayujarã ĩna. Ti macari tũjũre Olivo vãme cõtĩ buro ñañujũ ti. Ti burojũ ejagũagũne, jũarã ĩ buerãre ado bajiro ĩnare gotiyujũ Jesũs:

—Mani varoto riojo ñarimacare vasa maji. Tojũ ejacõari, burro macũ ĩna siaturũgõr'ire bũjarũarãja mũa, jesaĩañamagũre. ĩre õjacõari, yũre ãmiadibosaba. ³ Ti macaguẽ, mũa õjaro ĩacõari, “ĩNo yirã ĩre õjati mũa?” mũare ĩ yisẽnĩañajama, “Mani ujũ ĩre bojami. No cõro mene tũocõarũcũmi quẽna”, ĩre yicũdiba —ĩnare yiyujũ Jesũs.

⁴⁻⁵ To ĩ yisere ajicõari, vasujarã ĩna. To ejacõari, maa tũ ñarivi soje tũre ĩna siaturũgõr'ire ĩabũjayujarã. ĩabũjacõari, ĩre ĩna õjarone,

—ĩNo yirã ĩre õjati mũa? —yisẽnĩañañujarã ĩna, burro ujarã.

⁶ To ĩna yisẽnĩañase ñajare, Jesũs ĩnare ĩcũdirotiriario bajirone cũdiyujarã ĩna. To ĩna yirone, ĩnare varotiyujarã burro ujarãjũ. ⁷ To ĩna yijare, burro macũre ãmivasujarã, Jesũs tũjũ. To yicõari, ĩna ye sudi joeayere vejecõari, burro macũ joere jeoyujarã. To ĩna yirone, vajejayujũ Jesũs. ⁸ Jãjarã masa ñañujarã. ĩna ye sudi joeayere vejecõari, ĩ varotijũre cũ rĩjoro cõtiyujarã. “Yũa ujũ ñaja mũ” yirã, to bajiro yiyujarã, Jesũre rũcũbũorã. Gãjerã yucã rũjũri jasurecõari, maare cũ rĩjoro cõtiyujarã. ⁹ To yicõari, “ ‘ ‘Rotimũorũgõrũcũmi’ yiguẽ, Dios ĩ cõagũ ñaja yũ’ yĩocõari, rotisũorũcũmi yuja” Jesũre ĩre yitũoĩarã ñari, bũto

variçuēnañujarã ñna. Ìre rñjoro cãti vana, ìre sũyarã quēne, ìre ñavariçuēnarã, ado bajiro avasã vasujarã:

—¡“Rotimũorũgõrũcũmi” yigũ, Dios ì cõar'i ñaami! ¡Quēnase ìre yivariçuēnato mani! ¡Diore rotibosagu quēnaro ì yigũ ñaami! ¹⁰ ¡Uju David ñamasir'i jãnami ì rotirirodo, “Quēnarirodo ñarũaroja” Dios ì yiriarodo ejaroado yaja! ¡Diore quēne, quēnase ìre yivariçuēnato mani, ãni yũa ujure ì cõajare! —yiavasã vasujarã ñna.

¹¹ To bajiro ñna yi vato rñne, Jerusalénju ejayuju Jesús. Ejacõari, Diore yirũcũbũoriavire sãjañuju. Sãjaejacõari, jediro ñabatojeocõari bero, “Rãioato bajaiaja” yigũ, ì buerimasa juaãmo cõro, gũbo jua jẽnituarirãcũ ñarãre ùmato tudiasuju, Betania macaju.

Higuera vãme cãtiũre, “Juañi rica cãtibetirũaroja”, Jesús ì yire queti
(Mt 21.18-19)

¹² Gajerũmũ Betania maca ñaboa, ì buerimasare ùmato vacũ, ñiorijayuju Jesús. ¹³ To bajivacũne, sõjũne higuera vãme cãtiũre ñabujacõañuju Jesús. Quēnaro jũ cãtiyuju. Ti ricare barũ ojaboayuju. Rica mañuju, tiũjũama. Jũ rñne ñañuju. Rica mañuju, rica cãtirodo me ñajare. ¹⁴ To bajiri tiũre ado bajiro yiyuju Jesús:

—Juañi rica manũcarũarãja mũa —tiũre yiyuju ì.

To bajiro ì yisere ajiyujarã ñna, ì buerimasa. ¹

Diore yirũcũbũoriavijũ ñacõari, gajeyeũni ñsirivire bajiro ñna yĩñajare, Jesús ñnare ì tud'ĩãgõbure queti

(Mt 21.12-17; Lc 19.45-48; Jn 2.13-22)

¹⁵ To bajiro ì yiro bero, varũtu ejacoasujarã, Jerusalénju. Ti macaju ejacõari, Diore yirũcũbũoriavijũ sãjañujarã. Ti vijũ gajeyeũni ñsirãre, ñnare vaja yirãre quēne, tud'ĩãgõbuyuju Jesús. Gãjerã ye rãca gãjoa vasoarimasa ñna gãjoa jeorijaurire tujareayuju. To yicõari, buja ñsirimasa ñna rujiri cũmurorire tucaguereayuju. ¹⁶ To yicõari, Diore rũcũbũoriavijũ gajeyeũni no bojasere masa jedirore juarotibesuju. ¹⁷ To yicõari, ado bajiro ñnare gotiyuju:

—Diore gotirẽtobosarimasa ñna ucamasire ado bajiro gotiaja: “Yũ ya vima, masa jediro yũre sãnirũcũbũorã rẽjariavi ñarũaroja”, yigotiaja, adi vire. To bajiro Dios ì yimasire ti ñaboajaquēne, ado bajiro mũa yĩñase sũorine juarudirimasa ya vire bajiro bajaiaja ti — ñnare yiyuju Jesús.

¹⁸ Ti vijũ Diore yirũcũbũoriavijũ ñañujarã paia ujarã, Dios ì rotimasire gotimasiorimasa quēne. To bajiro Jesús ì yisere ñacõari, “¿No bajiro yicõari, ìre sãrãti mani?”, gãmerã yĩñagõñañujarã ñna, ìre gũirã ñari, ì gotimasiosere ajicõari, jãjarã masa ñna ajirũcũbũose ñajare. ¹⁹ ñnare gotimasioçõari bero, ti rãioatone, ì buerimasare ùmato vacoasuju Jesús.

Higuera rica mani ti sñire queti

(Mt 21.20-22)

²⁰ Gajerũmũ busurijũ jẽjũ quēna maa vana higuera vãme cãtiũ, “Rica manũcarũarãja mũa” Jesús ì yiriũ tũre ejayujarã ñna. To ejacõari, higuera sñiar'ire ñañujarã. Ti ñemari quēne sñijedicoasuju ti. ²¹ To cõrone Jesús ì ñagõrere tũoĩabujacõari, gotiyuju Pedro:

—Gotimasiorimasũ, ñaña. Higuera vãme cãtiũre, “Juañi rica manũcarũarãja mũa” mũ yimasiricũ sñirocacoasuja ti —Jesũre yiyuju.

²² To ì yisere ajicõari, ado bajiro ì buerimasare gotiyuju Jesús:

—“Dios ì ejarẽmose rãca yimasioçarãja”, yitũoĩaña mũa. ²³ Riojo mũare gotiaja yũ. No bojagũ yũre ajitirũnũgũ, i burore, “Moa riagajũ mũa masune rocaroacoasa” ì yijama, to bajirone bajirũaroja, “Dios ì ejarẽmose rãca yimasioçagũja” ì yitũoĩa tũjabetijama. ²⁴ “Yũ sãnijama, yũare ñsicõagũmi” yitũoĩacõari, Diore mũa sãnijama, mũare ñsirũcũmi, ñnare yiyuju. ²⁵ Diore sãnirã, mũare rojose yirãre mũa masiriojama, mani jacũ õ vecagũ rojose mũa

¹ **11:14** Higuera rica cãtirodo me ñaboarine, rica cãticõari, ti jũ cãtirũgũriarore bajiro ti bajijare, “Rica cãtiroja” yigũ, ñagũ vaboayuju Jesús.

yisere masiriorucami ĩ quēne. ²⁶ Gājerāre rojose ĩna yisere m̄ua masiriobetijama, mani jacu quēne rojose m̄ua yisere masiriobetirucami —ĩnare yiyuju Jesús, ĩ buerāre.

“¿Ñim̄u m̄ure ĩ rotise rāca to bajiro yati m̄u?”, *Jesúre ĩna yisēniāre queti*
(Mt 21.23-27; Lc 20.1-8)

²⁷ To ĩ yiro bero, Jerusalénju ejayujarā quēna Jesúrāca. To bajicōari, Diore yir̄uc̄ub̄oriavij̄u s̄ajañuju Jesús. S̄ajaejacōari, ĩ ñacudirone, ĩ tu ejar̄uḡũñujarā paia ujarā, Dios ĩ rotimasire gotimasiorimasa, to yicōari, b̄uc̄arā quēne. ²⁸ Ejarāne, ado bajiro ĩre sēniāñujarā ĩna:

—¿Ñim̄u m̄ure ĩ rotise rāca to bajiro yir̄uḡũati m̄u? —ĩre yisēniāñujarā ĩna.

²⁹ To bajiro ĩna yisere ajicōari,

—Ȳu quēne, ado bajiro m̄ure sēniāja ȳu. Ȳure m̄ua c̄udicōaroju, “ĩ rotise rāca yaja ȳu”, m̄ure yir̄uc̄aja maji. ³⁰ ¿Ñim̄u rotiyujari, Juanre, “Oco rāca masare ĩnare bautizacudiya” yiḡu? ¿Dios rotiyujari? ¿Masaj̄ua rotiyujarique? —ĩnare yisēniāñuju Jesús.

³¹ To ĩ yisere ajicōari, ĩna masurione gāmerā ñagōñañujarā ĩna:

—“Dios, Juanre oco rāca bautizarotiyumi” mani yijama, ado bajiro manire sēniājacagumi: “Tire masirā ñaboarine, ¿no yirā ĩre ajitir̄un̄abeticati m̄ua?” manire yisēniājacagumi. ³² To yicōari, “Masane, Juanre oco rāca bautizarotiriarāma” mani yijama, manire b̄uto tud'ir̄uarāma masa, “Diore gotir̄etobosarimas̄u ñaboacami Juan” yirā ñari —gāmerā yiyujarā ĩna. ³³ To bajiro gāmerā ñagōrā ñari, ado bajiro ĩre c̄udiyujarā ĩna:

—Juanre rotir'ire masibeaja ȳua —Jesúre yicōañujarā ĩna.

To ĩna yisere ajicōari, ado bajiro ĩnare c̄udiyuju Jesús:

—To bajiro m̄ua c̄udijare, “ĩ rotise rāca yaja ȳu”, m̄ure yigotibetir̄uc̄aja ȳu quēne —ĩnare yiyuju Jesús.

12

“Jud'io masa ĩna ajitir̄un̄abeti ñajare, gājerāj̄uare ūjor̄uc̄ami Dios” yiḡu, ĩre moabosari-masa rojose yirā ĩna bajire rāca Jesús ĩ gotimasiore queti
(Mt 21.33-46; Lc 20.9-19)

¹ Gotimasiore queti masare gotiyuju Jesús:

—S̄iḡũ mas̄u ūye vese otegumi. Tire otegajanocōari, matagumi. To yicōari, ūye oco juarotij̄u quēnoḡũmi. Tij̄u bero, vecaj̄u ñacōari, ĩ ĩatir̄un̄jesarotij̄u quēnoḡũmi. To yigajanocōari, gājerāre, “Ȳure ĩatir̄un̄bosaba”, yiḡumi. “Ūye ti rica cutiro, gājerāre ĩsicōari, vaja sēnir̄uarāja. To yicōari, m̄ua juajama, ‘Ado cōro ñaja mani ye. Ado cōro ñaja ĩ ye’ yicōiama”, ĩnare yiḡumi. To yicōari, gajeroju vacoac̄ami yuja. ² To bajiri cojor̄am̄u, “Ūye rica cuti b̄uc̄atoja ti” yiḡu, ĩre moabosarimas̄ure cōaḡũmi, “Ūye, ȳure ĩna c̄ubosarere ȳure juabosaya” yiḡu. ³ Ūye veseju ĩ ejarone, ĩre ñiacōari jarāma vese coderimasa. To yicōa, ĩre ūye ĩsimenane, “Vasa”, yirāma ĩna. To bajiri ūye juabec̄une tudiejagumi, ĩre roticōar'i taj̄u. ⁴ To bajiri ūye ĩ juabetire ĩacōari, gāji ĩre moabosarimas̄ure cōaḡũmi quēna, vese ūju, “Ūye ȳure juabosagu vasa” yiḡu. Ūye veseju ĩ ejasere ĩacōari, rujajine ĩre yit̄ud'icōari, ĩre quēne jarāma ĩna. To bajiri ĩ r̄ūjoaju cāmi cutigumi ĩ. To bajiro ĩre yigajanocōari, ūye ĩsimenane, “Vasa”, ĩre yirāma ĩna. ⁵ To bajiri ūye ĩ juabetire ĩacōari, quēna gāji ĩre moabosarimas̄ure cōaḡũmi vese ūju. ĩre s̄iarāma. Bero, jājarābusa cōar̄uḡũboagumi vese ūju. ĩnare quēne to bajirone yir̄uḡũrāma vese coderimasa. S̄iḡũr̄ire b̄uto jarāma. Gājerāre s̄iarāma ĩna.

⁶ ĩnare ĩ cōariaro bero, s̄iḡũ r̄ūyagumi yuja, ĩ cōaroc̄u. ĩ ñaḡũmi ĩ mac̄u, ĩ maiḡũ. To bajiri, “Ȳu mac̄uj̄uare r̄uc̄ub̄or̄uarāma” yit̄uōiaḡũ, ĩre cōaboagumi. ⁷ To bajiro ĩ yicōar'ire, veseju ĩ ejasere ĩacōari, ado bajiro gāmerā ñagōrāma vese coderimasa: “Adi vese ūju mac̄une ñaami. To bajiri ĩ bajirocaveojama, ĩne ñaami ĩre vasoaroc̄u. To bajiri ĩre mani s̄iājama, mani ye sita ñar̄uaroja yuja”, gāmerā yit̄uñagōrāma ĩna. ⁸ To bajiri vese soj̄uaju ĩre ñia vati, ĩre s̄iarocacōarāma ĩna —ĩnare yiyuju Jesús.

⁹ To bajiro ñnare gotigajanocõari, ado bajiro ñnare gotiyuju quẽna:

—¿Ti vese ɯɯ tudiejagɯ, no bajiro ñnare yigɯjari ï, ti vese coderimasare? Ado bajiro yigɯmi: Veseɯ vacõari, ti vese coderãre sïarɯcɯmi. To yicõari, gãjerãjuare coderotigɯmi ï, ti vesere —ñnare yiyuju Jesús.

¹⁰⁻¹¹ Gajeye ado bajiro gotirũtuasuju Jesús:

—“Ûye vese ɯɯ macure rojorã ñna sïarocarere bajirone viri buarimasa gãta ñna bese-rocaria ñnaboarine, ñnamasurica ñnarɯaroja”, yigotiaja Dios oca masa ñna ucamasire. ¿Tire ñabeticatigue mɯa? Ado bajiro gotiaja:

“Gãta rãca vi quẽnorimasa coja gãtare rocarãma ñna. Ñna rocaria ñnaboarine, gajea gãta rẽtoro quẽnarica ñnarɯaroja tia. Tia gãta sɯorine quẽnarivi quẽnorɯcɯmi Dios. Tia manijama, quẽnomasibetibogɯmi. To bajiro bojagɯmi Dios mani ɯɯ. To bajiri tia gãta sɯori Dios quẽnaro ï yisere ajimasicõari, buto tɯoïa variquẽnaja mani”, yigotiaja Dios oca masa ñna ucamasire —ñnare yigotiyuju Jesús, paia ɯjarãre.ĵ

¹² Jesús ï gotimasiosere ajicõari, “Ûye vese coderimasa ï yijama, manirene yigɯ yami. To yicõari, gãtavi quẽnorimasa ï yijaquẽne, manirene yami. Ñre rojose mani yisere yigɯ yami”, yiajimasiñujarã ñna. To bajiri Jesúre ñnarɯaboayujarã. To bajiboarine masare güirã, ñre ñiabesujarã. Ñre ñnarɯaboa, vacoasujarã ñna yuja.

“Ûjarã, gãjoa manire ñna vaja yirotijama, ñnare ñsiroti ñaja”, Jesús ï yigotire queti (Mt 22.15-22; Lc 20.20-26)

¹³ Bero, fariseo masa, to yicõari, “Ûɯ ñnamasugũ ñnarɯcɯmi Herodes” yirũgũriarã, Jesús tɯ ñna rãcanare cõañujarã ñna, “Ado bajiro josari mɯa sẽnĩñajama, cɯdimasibeticõari rojose tãmɯorɯcɯmi Jesús” yirã. ¹⁴ To ñna yicõariarã, ado bajiro Jesúre sẽnĩñañujarã ñna:

—Ajiya gotimasiorimasɯ. “Riojo gotiami”, mɯre yimasiaja yɯa. “Ado bajiro mani yisere bojagɯmi Dios” yigotimasioğũ ñari, riojo yɯare gotimasioaja mɯ. “Ado bajiro yɯ gotimasiojama, yɯre ajijũnisiniruarãma” yitɯoïabecɯne, riojo gotigɯ ñaja mɯ. “Ãnoama, ñnamasurã ñna ñajare, ñna ajijũnisinibeti vãmejuare ñnare gotimasiorɯcɯja”, yitɯoïabecɯ ñaja mɯ. Masa ñajedirore yɯare riojo gotigɯ ñaja mɯ. To bajiro yigɯ mɯ ñajare, mɯ tɯoïasere ajirɯaja yɯa. ¿Roma macagɯ ɯɯ, César, gãjoa manire ï vaja yirotisere mani vaja yijama, quẽnacõarojari? ¿Dios ï rotimasirere cɯdimena yirãjarique mani, ñre mani vaja yijama? —Jesúre yisẽnĩñaboayujarã ñna.

¹⁵ Jesúɯama, “Rojose yɯre yiruarã, to bajise yɯre sẽnĩñatoama ñna”, yimasicõañuju. To bajiri ado bajiro ñnare yiyuju:

—¿No yirã, “Rojose ñre yirãsa” yirã, to bajise yɯre sẽnĩñatoati mɯa? —ñnare yiyuju Jesús.

¹⁶ —Gãjoatii cojotii yɯre ñoña —ñnare yiyuju Jesús.

To ï yijare, gãjoatii ñre ñoñujarã. Gãjoatiiire ñacõari, ado bajiro ñnare sẽnĩñañuju Jesús:

—¿Ñimɯ rioga tuyati? ¿Ñimɯ vãme tuyati? —ñnare yiyuju Jesús.

To ï yirone,

—Roma macagɯ Ûɯ César vãme cutigɯ rioga tuyaja. To yicõari, ï vãme quẽne ñaja ti —Jesúre yicãdiyujarã ñna.

¹⁷ To ñna yijare, ado bajise yiyuju Jesús:

—To bajiri aditiire ñacõari, “César yatii ñaja”, yimasiaja mɯa. To bajiri ɯjarã ñna vaja yirotijama, ñnare vaja yiroti ñaja. To bajirone bajiaja Diore quẽne. Jediro Dios ï cõase ti ñajare, “Yɯa cɯose ti ñaboajaquẽne, ti rãca mɯ bojarore bajiro yiruarãja”, Diore ñre yiroti ñaja manire —ñnare yiyuju Jesús.

To bajiro ï yisere ajicõari, no yimasibesujarã ñna, ñre bajiro quẽnaro gotigɯre ajibe-tirũgũriarã ñari.

ĵ **12:10-11** “To bajiro gotiyumi Dios, yɯ bajiro tire tɯoïagũ”, ñnare yigotigɯ yiyumi Jesús.

*“¿Bajirearãma, tudicatioanajari?”, Jesúre ñna yisēniãtore queti
(Mt 22.23-33; Lc 20.27-40)*

18-19 To bajicõari, saduceo masa quēne ejayujarã, Jesúre sēniãtorã. “Masa ñna rijato bero, ñna usuri, ñna rujari ñaro cõrone quēna tudicatimenama” yirã ññañujarã saduceo masa. Ado bajiro ñre sēniãñujarã:

—Ajiya gotimasiorimasu. Moisés ñamasir'i ado bajiro ñ yiuacũmasire ti ñajare, mure sēniãrã vabu yua. “Sĩgũ, manajo cutiboa, rĩa magũne ñ bajirocajama, ñ gagu manajo ñariore manajo cutirucumi ñ bedijua. To bajiri ñ rãca ñacõari, so macu cutijama, ñ gagu macu ñarucumi”, yimasinuju Moisés. 20 Sĩgũ rĩa cojomo cõro, jua jēnituarirãcu ñmua ñaboacama. Sĩgõrene manajo cutiboacama ñna. Ñasugũ sore manajo cutisubobocami. Rĩa magũne rijacoacami ñ. 21-22 Ñ rijato bero, gãji ñ bedi vasoabocami. Ñ quēne rĩa magũne rijacoacami. Ñ bederã quēne, to bajirone sore manajo cutiboacama. Rĩa manane, rijajedicoacama ñna quēne. So manajua ñna rijajediro bero, so quēne rijacoacamo yuja. 23 To bajiri bajireacõari, quēna ñna tudicatijama, ¿ñimujua ñaguĩda so manaju masu ñarocuma, ñna ñaro cõrone sore ñna manajo cuticato bero? —Jesúre yisēniãtoyujarã ñna.

24 To ñna yirone, ado bajiro cadiyuju Jesús:

—Dios oca, masa ñna ucamasire ajimasimena ñaja mua. Dios ñ masisere quēne masirã me ñaja. To bajirã ñari, Moisés ñ ucamasirere tuoĩacõari, “Riojo me gotiro yaja”, yituoĩaboaja mua. 25 Ado bajirojua bajiaja: Bajireariarã, ñna tudicatiro bero, manajo cutire, manaju cutire quēne maniruroja. Ángel mesare bajiro bajirã ñaruarãma ñna. 26 ¿“Masa ñna bajirearo bero, ñna usuri caticõaroja” yirere ñabeticatique mua? ¿Yucúyoa ñjariyoa vatoaju Dios Moisére ñ ñagõmasirere ñabeticatique? Dios masune ñre ñ gotimasirere ado bajiro ucamasinumi Moisés: “Mua ñicua ñamasiriarã Abraham, Isaac, Jacob, ñna rucubuo vadimasicacane ñaja yu”, yigotimasinumi Dios. 27 Masa bajireariarã ñna usuri ti caticõa ñabetijama, to bajise yibetimasiborimi. Bajireariarã, quēna tudicatirãjua ñna rucubuoogu ñnaami. “Ñna usuri ti caticõa ñajare, bajireariarã ñaboarine, Diore rucubuoocõa ñarãma” yire ñaja. Buto mavisiaja mua —ñnare yiyuju Jesús.

*Dios ñ rotimasire ñamasuri vãmere Jesús ñ gotire queti
(Mt 22.34-40)*

28 Sĩgũ, Dios ñ rotimasire gotimasiorimasu ejayuju. Ejacõari, Jesúrãca ñna ñagõrore ajiñañuju ñ. To bajiri, “Quēnaro cadiami Jesús” yiajigu ñari, ñre sēniãñuju ñ:

—Dios ñ rotimasire ñamasuse, ¿disejua ñati? —Ñre yisēniãñuju ñ.

29 To ñ yisere ajicõari, ado bajiro cadiyuju Jesús:

—Dios ñ rotimasire ñamasuse ado bajiro gotiaja: “Ajiya mua, Israel sitana. Dios sĩgũne ñnaami mani ujua. 30 Mani ujure, Diore buto mairoti ñaja. No bojagure mani mairo rētoro, no bojase mani cõose, mani bojatuoĩase, to yicõari mani moare cutise rētoro Diore mairoti ñaja”, yigotiaja Dios ñ rotimasire ñamasuse. 31 To yicõari, gajeye ado bajiro gotiaja ti: “Mu masu rujure mu mairore bajirone mu tuanare maiña”, yigotiaja Dios ñ rotimasire. Disejua gajeye Dios ñ rotimasire rētoro ñamasuse maja —Ñre yiyuju Jesús.

32 To bajiro ñ yisere ajicõari, ado bajiro ñre yiyuju Dios ñ rotimasire gotimasiorimasu:

—To bajirone bajiaja. Riojo gotiaja mua. “Sĩgũne ñnaami Dios. Ñre bajiro bajigu gãji magũmi. 33 Mani ujure Diore buto mairoti ñaja. No bojagure mani mairo rētoro Diore mairoti ñaja, manire. No bojase mani cõose mani mairo rētoro Diore mairoti ñaja. Diore mairã ñari, mani tuoĩase, mani yise, jediro quēnaro yiroti ñaja”, yaja. To yicõari, “Mani masu rujure mani mairore bajirone jedirore maiña”, yigotiaja Dios ñ rotimasire. Gajeye Moisére Dios ñ roticũmasiriarore bajirone vaibucurã ecariarãre sĩacõari, Diore rucubuoorã, paire mani ñsijama, quēnaja. Gajeye no bojase Dios ñ rotimasiriarore bajiro paire mani ñsijama, quēnaja. To bajiboarine to bajiro yirã jediro mani ñsise rētobasaro

quēnaja, Diore, to yicōari, masare quēne mani maijama —Jesúre yiyuju Dios ĩ rotimasire gotimasierimasu.

³⁴ To bajiro quēnaro ĩ yisere ajicōari, ado bajiro ĩre yiyuju Jesús:

—Yu ĩajama, Dios yarā ĩre ĩna ajitirūnūserere ajimasiaja mu. ĩ yu quēnaro ĩ yigu mu ñarūajama, ñamasiaja mu —ĩre yiyuju Jesús.

To bajiro Jesús ĩ yiro bero, “Mani rētoro masigū ñaami” yitūoĩacōari, “ Ānoama masimena ñaama’ yiromi” yirā, ĩre sēniĩa tujacoasujarā yuja. “Mani rētoro masigū ñaami Jesús” yitūoĩarā ñari, ĩre sēniĩarēmobesujarā yuja.

“Rotimūorūgōrūcūmi’ yigu, Dios ĩ cōarocū, ĩñimū ñarūcūmi, yitūoĩati mūa?”, Jesús ĩ yisēniĩare queti

(Mt 22.41-46; Lc 20.41-44)

³⁵⁻³⁶ Diore yirūcūbūoriavijū masare gotimasio ñagūne, ado bajiro ĩnare sēniĩañuju Jesús:

—“Rotimūorūgōrūcūmi’ yigu, Dios ĩ cōarocū, masu ñarūcūmi. Ūjū David ñamasir’i jānamine ñarūcūmi”, yama Dios ĩ rotimasire gotimasierimasa. To bajiro ĩna yitūoĩaboajaquēne, Esp’iritu Santo ĩ ejarēmose rāca yigu, Diore yigure bajiro, “yu ūjū” yimasīñujari Ūjū David ñamasir’i, ĩ jānami ĩ ñaboajaquēne, ado bajise ĩ yucajama:

“Yu ūjūre ado bajiro yirūcūmi Dios: ‘Yu riojojacatūa rujiya maji. Mūre ĩaterāre, “Rojose yitūjaya” ĩnare yu yiro bero, rojose yimasibetirūarāma yuja. To cōrone rotisūorūcūja mū’ yirūcūmi Dios, yu ūjūre”, yucamasīñumi David.

³⁷ To bajiri, “Rotimūorūgōrūcūmi’ yigu, Dios ĩ cōarocū, David ñamasir’i jānami ñarūcūmi” yucamasire ti ñaboajaquēne, ĩno yigu ĩ ūjūre bajiro bajigūtiqūe? —ĩnare yiyuju Jesús.

To bajiro ĩ yigotisere ajivariquēnañujarā jājarā masa.

“Rojose tāmūorūarāma Dios ĩ rotimasire gotimasierimasa”, Jesús ĩ yire queti

(Mt 23.1-36; Lc 11.37-54; 20.45-47)

³⁸ Masare ado bajiro ĩnare gotimasioñuju Jesús:

—Dios ĩ rotimasire gotimasierimasare bajiro bajibeja mūama. Dios ĩ rotimasire gotimasierimasa, sudiro yoaquēnariase sāñacōari, masa ĩna ĩaro rĭjoro vacudi variquēnarāma ĩna. To yicōari, jājarā masa ĩna rējarūgūrijaurire ejarūgūrāma. Gāji ĩnare ĩ bocajama, rūcūbūose rāca ĩnare ĩ sēnisere ajivariquēnarāma. Dios ocare ĩna buerivirijūre quēne ñamasuri cūmurorire rujivariquēnarāma. ³⁹ Boserūmuri ti ñajaquēne, ĩna barujijama, ñamasuri cūmurorire rujivariquēnarāma ĩna. ⁴⁰ Manajūa rijaveoriarā ya virire ēmarā ñaboarine, masa ĩna ĩaro rĭjorojūa, “Quēnaro yirā ñaama’ yĭĩato” yirā, “Yoaro Diore sēnirā yaja”, yisocarūgūboarāma ĩna. To bajiro ĩna yise vaja, gājerā rojorā, rojose ĩna tāmūose rētoro rojose tāmūorūarāma ĩna —masare ĩnare yiyuju Jesús.

Manajū rijaveorio maioro bajigo ñaboarine, gājoa so sāre queti

(Lc 21.1-4)

⁴¹ Diore yirūcūbūoriavijū ñacōari, gājoa sāriaju riore rujiyuju Jesús. Rujicōari, jājarā masa tijūre gājoa ĩna sāñasere ĩañuju. Gājoa jairā, jairo sāñujarā. ⁴² To ĩna yiñarone, sĭgō, manajū rijaveorio ejacōari, gājoatii jūatiine so sāsere ĩañuju. Mojoroaca vaja cūtitūiri ñañuju ti. ⁴³ Tire so sāro ĩacōari, ado bajiro ĩ buerimasare gotiyuju Jesús:

—Riojo mūare gotiaja yu. Adio maioro bajigo, gājerā rētoro sāmo so. ⁴⁴ Gājoa jairā ĩna sāboajaquēne, jairo ruyacōaroja ĩnarema. Soma, so cūose ñaro cōroacane sācōamo —ĩnare yiyuju Jesús.

13

“Diore yirūcūbūoriavi cagueroca ecorūaroja”, Jesús ĩ yire queti

(Mt 24.1-2; Lc 21.5-6)

¹ Diore yirūcūbūoriavijū ñar’i, budiasuju Jesús ĩ buerimasa rāca. To ĩ ūmato bajirone, ado bajiro ĩre gotiyuju ĩ buerimasu:

—¡Gotimasiorimasu, ñaña! Quënarivi ñaja. Gûta quënase rãca quënaró quënoñuma ña — Jesúre ñe yiyuju. ² To ñ yirone, ado bajiro ñe cadiyuju Jesús:

—Jairivi ti ñaboajaquëne, mua ñarivi ñaro cõrone cagueroca ecoruaroja. To bajiri adi viaye gajea gûta joere gajea jesabeticõaruaroja —ñe yiyuju Jesús.

“Macarucuro ti jediroto rñjoro ado bajiro bajiruaroja”, Jesús ñ yire queti

(Mt 24.3-28; Lc 21.7-24; 17.22-24)

³⁻⁴ Tijua bero, Olivo vãme cuti buro joejua rujiyuju Jesús. Ti buro riojojua ñañuju Diore yirucuburiavi. To ñ rujirone, gãjerã ña mano ñacõari, ñ buerimasa, Pedro, Santiago, Juan, to yicõari Andrés, ado bajiro ñe sënñañujarã ña:

—¿Divato cagueroca ecoroti Diore yirucuburiavi? ¿No bajiro ti bajiro ñacõari, “Jesús ejaguagu yigumi”, yimasirãti yua? ¿No bajiro ti bajiro ñacõari, “Adi macarucuro jediato yaja”, yimasirãti yua? —Jesúre yisënñañujarã ña.

⁵ To bajiro ña yisere ajicõari, ado bajiro ñare cadiyuju Jesús:

—Roore ñaruarãja mua, “Socarãne, gãjerã manire yitoroma” yirã. ⁶ Jãjarã yitorã ñaruarãma, “Yune ñaja ‘Rotimorügõrucumi’ yigu, Dios ñ cõagũ” yirã. To bajiro ña yisocasere jãjarã masa ñare ajisyaboaruarãma.

⁷ To bajicõari, mua tuana, to yicõari, gajeroana quëne, gãjerã rãca ña gãmerã sãsere ajiruarãja mua. Tire ajicõari, güibeturarãja mua. “Bajiruaroja” Dios ñ yiriarore bajirone bajiruaroja. To bajiro ña gãmerã yñaboajaquëne, adi macarucuro jediro me bajiruaroja.

⁸ Cojo sitana gaje sitana rãca gãmerã sãaruarãma. Buto sita saberuaroja. To yicõari, cojo maca me ñioñaruaroja. To bajiri, rojose tãmosuoruarãma masa. ña tãmose rëtobusaro rojose tãmoroana yirãma yuja. ⁹ Quënaró tuoñama mua: Mũare ñejecõari, Dios ocare ña bueriviriju çjarã rñjorojua mũare juaáruarãma ña. Tojua mũare bajaruarãma. To yicõari, yu ocare mua gotimasiojare, macari çjarã rñjorojua mũare juaáruarãma ña. To yi vanane, çjarã ñamasurã rñjorojua mũare juaáruarãma ña. To bajiro mũare ña yijare, yu oca quënasere ñare gotiruarãja mua. ¹⁰ Tire adi macarucuro ñarã masa ñaro cõrone gotimasiojeo ecoruaroja. ¹¹ Mũare ñejecõari, çjarã rñjorojua mũare ña juajaro, “¿No bajiro ñagõrãti yua?”, yituoñarejaibeja mua. “Ñagõña” mũare ña yiririmarone, Dios ñ cõagũ Esp'iritu Santo ñ ejarẽmose rãca, “Ado bajiro gotiruarãja yua”, yimasiruarãja mua —ñare yiyuju Jesús.

¹² Quëna gajeye ado bajiro ñare gotirẽmoñuju Jesús:

—Yua yere ajiterãre güiose ña yisere ñaruarãja mua. Sīgũ rña ñaboarine, “ñare sãato” yirã, ñejerotiruarãma ña. To yicõari, jacua quëne, “Yua rñare sãato” yirã, ña rñare ñejerotiruarãma. ña rñajua quëne, ña jacuare ajijünisinicõari, gãjerãre sãarotiruarãma ña. ¹³ Yua ocare mua goticudijare, jediro masa mũare ñateruarãma. To bajiro ña yiboajaquëne, no bojarã yure ajitirũnũ tãjamenarema, rojose tãmotãjabetiriaroju ña varoti ñaboarere ñare yirëtobosarucumi Dios —ñare yiyuju Jesús.

¹⁴ Quëna gajeye ado bajiro ñare gotirẽmoñuju Jesús:

—Adi macarucuro jedirirodo, sīgũ, “Diore rucububeticõato ña” yigu, Dios ñ bojabetire yirucumi. Diore yirucuburiaviju ñ nasere masiruarãja mua. (Yua, Marcos, adi paperare Jesús ñ gotisere yu ucasere ñacõari, ajimasiña.) To bajiri Dios ñ bojabetire ñ yisere ñacõari, “Jerusalén maca ti jedirotirũmũ cõñaro bajaaja”, yimasiruarãja mua. To bajiro bajirirũmũ Judea sitana gütayucuju guaro rudicoajaro ña. ¹⁵ Sīgũ ñ ya vi joejua jesaguma, rujiacõari, ñ ya vi jubeaju gajeyeũni ñasere juaátimabetirucumi. ¹⁶ Gãji, vesejua moañagũ, ñ ye sudire juagu tudiatimabetirucumi, rujarimarone yu ejaroti ñajare. ¹⁷ Rõmia macu sãñarã, ñjurã cuorã quëne, rojose tãmoroarãma ña, ñmatimabetica yirã. ¹⁸ “Buto oco quedirirũmũre bajibeticõato” yirã, Diore sënicoa ñarũgũña. ¹⁹ To bajiro bajirirũmũri buto rojose tãmoroarãma masa. Adi macarucuro ñasuriarũmũri masa rojose ña tãmoadire rëtoro tãmoroarãma ña. Rojose ña tãmoro bero, to bajise rojose tãmobetiruarãma

yuja. ²⁰ “Yoaro mebusane rojose tãmoato masa” Dios ï yibetijama, sîgũ catiruyarocu manibogumi. “Yũ yarã ñaña mũa” ï yirere cudiriarãre ïamaigũ ñari, “Yoaro mebusane rojose tãmoato ïna”, yirucumi Dios.

²¹ To bajiro bajinãriodorire, “Änine ñaami ‘Rotimorũgõrucumi’ yigũ, Dios ï cõar’i. Ejayumi” gãjerã ïna yijama, ïnare ajibeja mũa. To yicõari, gãjerãjũama, “Tone ñagũmi. Ejayuju” mũare ïna yijaquẽne, ïnare ajibeja mũa. ²² Jãjarã yitorã ñaruarãma, “Yũne ñaja ‘Rotimorũgõrucumi’ yigũ, Dios ï cõagũ” yirã, to yicõari, “Dioire gotirõtobosarimasa ñaja yũa” yirã. To bajiro yirã, ïaïañamani yïoruarãma, masare yitorã. To bajiro yiruarãma, “ ‘Yũ yarã ñaña mũa’ Dios ï yirere cudirã, manijũare ajitirũnũato” yirã.

²³ Tire mũare yũ gotimasiosere quẽnaro tũoïaña mũa. Ti bajiroto rïjoro jediro mũare gotijeobũ yũ.

“Dios ï roticõacasũ tudiejarucũja yũ”, Jesús ï yire queti
(Mt 24.29-35, 42, 44; Lc 21.25-36)

²⁴ Tire rojose ïna tãmogajanoro berone, gaje vãme rojose bajirũaroja. Muiju ãmũagu asibetirucumi yuja. Ñamiagu quẽne busubetirucumi. ²⁵ Nõcoa quẽne, vëjacoaruarãma. To yicõari, õ vecaye jediro ñaruarãroja. ²⁶ To bajiro ti bajiro, Dios ï roticõagũ õ vecajũ yũ rujiadore ïaruarãma masa. Yũ masise rãca, oco bueri vatoajũ yũ busubatorujiadire ïaruarãma. ²⁷ To cõrone, “Yũ yarã ñaña” Dios ï yirere cudiriarãre jũdoaga soje, jũnaga soje, varuaga soje, gajejacatũa varuaga soje ñarã jedirore “Juarẽoato” yigũ, ángel mesare cõarucũja yũ. To yũ yijare, yũ yarã ñaro cõrone juarẽoruarãma ïna —ïnare yiyuju Jesús.

²⁸ To yicõari, quẽna gajeye ado bajiro ïnare gotirẽmoñuju Jesús:

—Gotimasiore queti mũare gotigũ yaja yũ. Higuera vãme cutiare tũoïaña mũa. Higuera vãme cutiricũ gajecu bũcũamũjacõari, jũ mameaja. Tire ïacõari, “Mojoroaca ruyaja cũma ti ejaroti”, yimasijaja mani, jud’io masa. ²⁹ Mũare yũ gotisere bajiro bajisere ïacõari, “Mojoroaca ruyaja Jesús ï vadiroti”, yimasiruarãja mũa. ³⁰ Riojo mũare gotiaja yũ. Adirodo ñarã mũa bajireajediroto rïjoro, mũare yũ gotirore bajirone bajirũaroja ti. ³¹ Adi macarucũro ñaro cõrone, to yicõari, õ vecaye quẽne jedicoarũaroja. To bajiboarine, yũ ocama jedibeti mũorũgõcõarũaroja.

³² “Ado cõrone ejarucumi Jesús”, yimasigũ magũmi. Ángel mesa quẽne masimenama ïna. Dios macũ ñaboarine, “To cõro ejarucũja yũ”, yimasibeaja yũ quẽne. Yũ jacũ sîgũne masigũmi —ïnare yiyuju Jesús.

³³ —To bajiro bajiroti ti ñajare, roori ñaruarãja mũa, “To cõrone tudiejarucumi” yũre yimasimena ñari.

³⁴ Quẽna yũ tudiejaroti ado bajiro bajirũaroja: Sîgũ ñagũmi gaje sitajũ varocu. ï varoto rïjoro, ïre moabosarimasare jirẽogũmi. ïnare jirẽocõari, tocãrãcũrene ricati ïna moarotire ïnare rotigumi. To yicõari, soje coderimasũre quẽne, “Yũ tudiejarotire yugu tocãrãcarũmũne quẽnaro bocaïama”, yigumi. ³⁵ ïre bajiro bajirucũja yũ quẽne. To bajiro bajiroti ti ñajare, roori ñaruarãja mũa, “To cõrone tudiejarucumi mani ãjũ” yũre yimasimena ñari. Rãiorijũ, ñami gudareco, gãjabocu ñagõrijũ, busurijũ yũ vadirotire masibeaja mũa. ³⁶ Roori ñaruarãja mũa, “Mani cãniñarone tudiejaromi” yirã. Yũre masimenare bajiro bajibeja. ³⁷ To bajise yũ gotijama, mũa rĩrene gotigũ me yaja yũ. Masa jedirore tũoïacõari gotiaja yũ. Roori ñaruarãja mũa —ï buerimasare ïnare yiyuju Jesús.

14

“¿No bajiro yigũ ñaami yitocõari, Jesũre ïre ñiarãti mani, ïre sïaruarã?” , ïna yire queti
(Mt 26.1-5; Lc 22.1-2; Jn 11.45-53)

¹ Jũarũmũ ruyayuju yuja Pascua boserũmũ pan ãmato vauvase vũoyamanire basũoriarũmũ. To bajicõari, paia ãjarã, Dios ï rotimasire gotimasiorimasa quẽne, ado bajiro gãmerã ñagõñañujarã ïna:

—Jesúre s̄iaruarã, ¿no bajiro yigu ñaami yitocõari, Jesúre ñiarãti mani? —gãmerã yiñagõñañujarã ña. ²—To bajiboarine, boserũmũ ñaro ñre mani s̄ajama, tire ñajũnisinicõari, manire rojose yiborãma masa —gãmerã yiñagõñañujarã ña.

Jesús r̄ujoare s̄atiquẽnase rõmio so yuejeore queti
(Mt 26.6-13; Jn 12.1-8)

³ Betania vãme cuti macajũ cãmi boagũ ñaboar'i, Simón vãme cutigũ ya vijũ ñañuju Jesús. Ti vijũ Jesús ñ barujirone, s̄igõ, gãta sotũ alabastro vãme cuti rãca veariarũ ãmiejayuju so. S̄atiquẽnase bũto vaja cutise, nardo vãme cutise sãñaritu ñañuju tirũ, so ãmiritu. To bajiri, Jesús tuaca eja, tirũ ãmũare vẽjeacõari ñ r̄ujoa joere ñre yuejeoyuju so. ⁴ To bajiro so yisere ñacõari, jũnisiniñujarã s̄igũri Jesús buerimasa. To bajiro yirãne, ado bajiro gãmerã yiyujarã ña:

—Jairo gãjoa yireago yamo! ⁵ Tire ñsicõari, jairo gãjoa trescientos denarios r̄etoro b̄ajacõari, maioro bajirãre ejarẽmoroti ñaboaja ti —gãmerã yiyujarã ña.^k

To bajiro yicõari, sore tud'yujarã ña.

⁶ To bajiro ña yiboajaquẽne, Jesũjũama, ado bajiro ñnare yiyuju:

—Sore gõjanabiobesa mũa. Tire yũre so yuejeojama, quẽnaro yũre yigo yamo.

⁷ Maioro bajirã mũa rãca ñacõa ñarũgũrũarãma. No mũa bojarirũmũ quẽnaro ñnare ejarẽmomasirũarãja mũa. Yũma, mũa rãca ñacõa ñabetirũcũja. ⁸ Adio, quẽnaro so yimasiro cõro yũre yamo. Yũre s̄atiquẽnase so yuejeojama, yũre ña yujeroto r̄joro yuejeo r̄joro cutigo yamo. ⁹ Riojo mũare gotiaja yũ. Yũ bajiroti quẽnase quetire, adi macarũcũroana jedirore gotibatorũarãma masa. To bajirone bajirũaroja s̄atiquẽnase yũre so yuejeose queti quẽne. So yuejeosere masiritimenane tire gotibatorũarãma —ñnare yigotiyuju Jesús.

“Jesúre ñiato” yigu, ñre ñaterã tũjũ Judas ñ goticudigũ vare queti
(Mt 26.14-16; Lc 22.3-6)

¹⁰ Judas Iscariote vãme cutigũ rãca ñarã ñajediro Jesús buerimasa juaãmo cõro, gũbo jua j̄enituarirãcũ ñañujarã. To bajiboagu, paia ujarã ña ñarõjũre vasuju, Jesúre ñnare ñsirocarũ.

¹¹ Jesúre ñ ñsirocarũasere ajivariquẽnacõari,

—Gãjoa mũre ñsirũarãja yũa —ñre yiyujarã ña, paia ujarã.

To ña yisere ajivariquẽnacõari, tudicoasuju Judas. Jesús tũjũre ejacõari, “¿Dirĩmaro ñnone Jesúre ñnare yũ ñsijama, josari mene ñre ñiamasirojari ña?”, yitũoĩañuju ñ.

Jesús ñ batũsare queti
(Mt 26.17-29; Lc 22.7-23; Jn 13.21-30; 1 Co 11.23-26)

¹² Pascua boserũmũ pan ñmato vauvase vũoyamani basũoriarũmũ, to yicõari oveja macũre ña s̄iararũmũ ejayuju ti. To bajiri Jesús buerimasa ado bajiro ñre s̄eniñañujarã ña:

—Pascua boserũmũ ñajare, mani barotire, ¿noju bare yũa quẽnoyusere bojati mũ? —ñre yis̄eniñañujarã.

¹³⁻¹⁴ To ña yijare, ado bajiro ñnare yicõañuju Jesús:

—Jerusalénjũ mũare yũ gotigũ tũre vasa mũa. To mũa ejarone, s̄igũ, oco vagũ mũare bocarũcũmi. ñre sũyaja mũa. To bajicõari, vi ñ s̄ajarone, ti vi ujuẽre ado bajiro ñre yiba: “Gotimasiorimasũ, ‘¿noju ñati Pascua boserũmũ adi ñami yũ buerimasare yũ ñmato barotijau?’ mũre yicõami”, yiba mũa. ¹⁵ To mũa yirone, mũare ñorũcũmi, vecaga s̄õa, jairisõa, mame quẽnogajanoriasõare. Tone mani barotire quẽnoyuba mũa —ñnare yiyuju Jesús, ñnare varotigũ.

¹⁶ To ñ yijare, vacoasujarã ña juarã yuja. To eja, ñ yiriarore bajirone bajiyuju ti. To bajiri tisõajũ ña barotire quẽnoyuyujarã ña.

^k 14:5 Cojorũmũ moare vaja, cojo denario vaja cutiyuju.

17 To bajiri Pascua boserũmũaye bare bariaju ti ejaro, ï buerimasa juaãmo cõro, gũbo jua jẽnituarirãca ñarã ejacõari, barujiyujarã ñna, ï rãca. 18 Ñna bañarone, ado bajiro ñnare yiyuju Jesús:

—Riojo mũare gotiaja yũ. Sígũ mũa rãcagu, yũ rãca bagu, yũre ãaterãre yũre ãsirocarucumi —ñnare yiyuju Jesús.

19 To ï yisere ajicõari, bũto sutiritiyujarã ñna. Tocãrãcũne sutiritirã ñnari, ado bajiro ñre sẽnĩañujarã ñna:

—¿Yũne ñabetiboati, mũre ãsirocarocu? —ñre yisẽnĩañujarã ñna.

20 To bajiro ñna yisere ajicõari, ado bajiro ñnare cãdiyuju Jesús:

—Mũa rãcagu sígũ, yũ rãca yosebagu ñaami yũre ãsirocarocu. 21 Dios oca masa ñna ucamasire ti gotirote bajiro rojose tãmũorucuja yũ, Dios ï roticõacacu. To bajirocu yũ ñajare, yũre ãaterãre yũre ãsirocarucumi. Yũre ï ãsirocaroti sũorine rojose tãmũorucuja yũ. “Masare yirẽtobosarucumi” Dios ï yimasire ñajare, bajirucuja yũ. To bajiboarine, yũre ãsirocarucujama, rojose tãmũorucumi. Ruyubeticõarocu ñaboayumi —ñnare yiyuju Jesús.

22 Ñna bañarone, pan ãmicõari, “Quẽnaja”, Diore yiyuju Jesús. To yigajano, tire mũtocõari, ï buerimasare ñnare ãsibatogũne ado bajiro ñnare yiyuju ï:

—Baya mũa. Ti ñaja yũ ruju rii —ñnare yiyuju.

23 Tire ñna bagajanorone, idiriabaja ãmicõari, “Quẽnaro yaja mũ”, Diore yiyuju quẽna. To yicõari, tibajare ñnare ãsiñuju. Ñna jediro idijedicõañujarã ñna. 24 Ñsigũne, ado bajiro ñnare gotiyuju Jesús:

—Adi ñaja tirũmũana “Rojose mani yirere masirioato” yirã, Diore rãcũbũoriaju joere ñna yuejeoriarore bajiro bajise. Yucurema, yũ ri' ñaja. Ti sũorine, “Gajerodo to bajiro mũare yirucuja yũ” Dios ï yicũmasiriarore bajiro bajirũaroja yuja. To bajicõari, jãjarã masa rojose ñna yisere masiriocõari, tuditũoĩabetirucumi Dios yuja.^l 25 Riojo mũare gotiaja yũ. “Rotimũorũgõrucumi” yigu, Dios yũre ï cũroto rĩjoro, quẽna juañi yũe oco idibetirucuja yũ —ñnare yiyuju Jesús.

*“Jesũre masibeaja yũ yirucuja mũ”, Pedrore Jesús ï yire queti
(Mt 26.30-35; Lc 22.31-34; Jn 13.36-38)*

26 To ï yiro bero, Diore rãcũbũorã, basayujarã ñna. Basagajano, Olivo vãme cãti buroju vacoasujarã ñna yuja. 27 To ñna vatone, ado bajiro ñnare yiyuju Jesús:

—Adi ñamine yũre ajitirũnu tũjacõari, vaveorũarãja mũa jediro. Dios oca masa ñna ucamasire to bajiro ti gotijare, to bajise mũare gotiaja yũ. Ado bajiro gotiaja ti: “Oveja coderimasare bajiro bajigũre sũarucuja yũ. To bajiri ï yarã ovejare bajiro bajirã rudibatecoarũarãma”, yigotiaja Dios oca masa ñna ucamasire, manire gotiro. 28 Yũre mũa vaveoboajaquẽne, yũre ñna sũaro bero, quẽna tudicaticõari, Galilea sitaju mũa vato bero, yũjua, mũa rĩjoro ñatũjarucuja —ñnare yiyuju Jesús.

29 To ï yisere ajicõari, ado bajiro ñre yiyuju Pedro:

—Ñnoa jediro, mũre ñna vaveoboajaquẽne, mũre vaveobetirucuja yũma —Jesũre ñre yiyuju.

30 To ï yisere ajicõari, ado bajiro ñre cãdiyuju Jesús:

—Riojo mũare gotiaja yũ. Adi ñami busiyũjua gãjabocu juañi ï ñagõroto rĩjoro, idiaji, “Jesũre masibeaja; ï rãcagu me ñaja yũ”, yisocarucuja mũ —Pedrore ñre yiyuju ï.

31 To bajiro ï yisere ajicõari, ado bajiro cãdiyuju Pedro:

—Mũ rãca yũre ñna sũarũajaquẽne, “Jesũrãcagu me ñaja yũ”, yisocabetirucuja yũ —Jesũre yiyuju Pedro.

To bajiro Pedro ï yisere ajicõari, gãjerã Jesús buerimasa quẽne, to bajiro yijedicõañujarã ñna.

^l 14:24 “Rojose mani yirere masirioato” yirã, Diore rãcũbũoriaju joere judío masa ñna yuejeomasirere gotiaja.

Getseman'i vāme cutojū Jesús ĩ jacure ĩ sēnigū vare queti
(Mt 26.36-46; Lc 22.39-46)

³² To ĩna yiro bero, Getseman'i vāme cutojū ĩnare ũmato vasuju Jesús. Tojū ejacōari, ado bajiro ĩnare gotiyuju:

—Diore sēnigūacu yaja yū. To yū vatoye, ado rujicōaña mūa maji —ĩnare yiyuju ĩ.

³³ To yigajanogāne, Pedrore, Santiagore, to yicōari Juanre quēne ji vasuju Jesús. To vacū, buto tuoĭasutiritiyuju ĩ yuja. ³⁴ To bajiro bajigū ĩari, ado bajiro yiyuju Jesús ĩ rāca variarāre:

—Buto tuoĭasutiritiaja yū. Sutiriosene yūre sĭaro yaja. Adone yūre yuñaña maji. Yū cānibetore bajirone cānibesa mūa quēne, Diore sēniñarā —ĩnare yiyuju Jesús.

³⁵ To yicōari, to sojūabusā varēmoñuju Jesús. Va, sita tūcurojū murocacūcōari, Diore sēniñuju ĩ, “Yūre ĩna sĭarotire yūre matabosato ĩ” yigū. ³⁶ Ado bajiro Diore sēniñuju ĩ:

—Cacu, ĩajediro yimasigū ĩaja mū. Yūre ĩna sĭaroti matamasiaja mū. To bajiboarine, mū bojarore bajirone bajiato —Diore yiyuju.

³⁷ To yigajano, Pedro mesa ĩna cānitoyene ĩna tujū ejayuju. ĩnare yujiogūne, ado bajise Pedrore ĩre yiyuju Jesús:

—¿Simón, cāniati mū? ¿No yirā cojo hora cōro cānibetibusarāne, yūre yuñabetimasucōati mūa? ³⁸ Yū cānibetore bajirone cānibesa mūa quēne. To bajicōari, Diore sēniña, “Vātia ũju Satanás ĩ yirotsere yicōari, Dios ĩ bojabetire yirobe” yirā. Riojo mūare masiaja yū. “Dios ĩ bojasere yiracaja” yirā ĩboarine, cojojirema rojose tuoĭarā ĩari, Dios ĩ bojabetijūare yirūgūaja mūa —Pedro mesare ĩnare yiyuju Jesús.

³⁹ To yicōari, gāme vacū, Diore ĩ sēniriarore bajirone tudisēniñuju ĩ quēna. ⁴⁰ To yigajano, vacūne, cāniariarāre ĩnare ejayuju quēna. Buto vūjaejarā ĩari, cāniñujarā ĩna. To bajiri rĭjoro ĩnare ĩ yiriarore bajiro ĩnare ĩ sēniñaro, ĩre cudimasibesujarā ĩna. ⁴¹ To bajiro ĩnare yigajanocōari, Diore sēnigū vasuju Jesús quēna. Diore sēnigū var'i, tudiejacōari, ĩnare yujiyuju:

—¿No yirā cāni manicōati mūa maji? Ado cōrone, Dios ĩ roticōacacure, rojose yirāre yūre ĩsirocarocū vadicoagūmi yuja. ⁴² To bajiri yujiya mūa. ĩre bocarā vajaro. Yūre ĩsirocarocū vadiami yuja —ĩnare yiyuju Jesús.

Jesúre ĩna ĩiare queti
(Mt 26.47-56; Lc 22.47-53; Jn 18.2-11)

⁴³ To bajiro Jesús ĩnare ĩ yĭñarirĭmarone, Judas Iscariote vāme cutigū, Jesús buerimasa rācagūne vayuju yuja. Jājarā ĩ rāca vayujarā jariaseri cūorā, gājerā yucūjuriri cūorā. Paia ũjarā, Dios ĩ rotimasire gotimasiorimasa, to yicōari bucūrā quēne ĩna cōariarā ĩañujarā ĩna.

⁴⁴ Jēre ado bajiro goti vayuju Judas, ĩ rāca vanare, “ ĩne ĩaami Jesús' yĭamasiato ĩna” yigū:
—Jesúre sēnicōari, ĩre usurucūja yū. To yū yirone, ĩre ĩiacōari, quēnaro ĩre ĩtirūnū vaja mūa —ĩnare yĭ vayuju.

⁴⁵ To bajiro yir'i ĩari, Jesús rĭjorojūa ejacōari, ado bajiro ĩre yiyuju Judas:

—Gotimasiorimasū, ¿ñati mū? —ĩre yigūne, usuyuju ĩ.

⁴⁶ To ĩ yirone, Jesúre ĩre ĩiañujarā Judas rāca vadiriarā.

⁴⁷ To ĩna yirone, sĭgū Jesús tū rūgōgū, ĩ jariasere yoveaāmicōari, paia ũjū ĩamasugūre moabosarimasūre gāmoro jatarocacōañuju. ⁴⁸ To ĩ yiro bero, ĩre ĩnarā ejarāre ado bajiro yiyuju Jesús:

—¿No yirā gajeyeūni juarudirimasūre ĩnarā vanare bajiro jariaseri rāca, yucūjuriri rāca yūre ĩnarā vadiati mūa? Tocārācarūmāne Diore yirūcūbuoriavijū mūa ĩnaro mūare gotimasio rujirūgūmū yū. To yū bajiboajaquēne, yūre ĩiabetirūgūmū mūa maji. ⁴⁹ Diore gotirētobosarimasa, ado bajiro yūre mūa yĭrotirene ucamasiñuma. To bajiri, to bajirone yūre yaja mūa —ĩnare yiyuju Jesús, ĩre ĩnarā ejarāre.

⁵⁰ Jesúre ña ñiasere ñacōari, ũmarudijedicoasujarã ña, ñ buerimasa jediro. ⁵¹ To ña baji-boajaquēne, gãji mam, Jesúre ña ãmivatone, ñnare s̄yasuju ñ. Sudijãirine gũmañuju. To ñ bajirone, ñre ñiaboayujarã ña, Jesúre ãmivana. ⁵² Ñre ñiaca yirã, ñ gũmaritore tũaveacōañujarã. To ña yig, sudi magũne ũmacoasuju.

*Jud'io masa ñjarã, “M̄ masu ye s̄horine s̄iaecor̄c̄ja m̄”, Jesúre ña yire queti
(Mt 26.57-68; Lc 22.54-55, 63-71; Jn 18.12-14, 19-24)*

⁵³ Jesúre ñiacōari, paia ñju ñamasugũ t̄ju ñre ãmiasujarã. Toju r̄ejacōari, ñañujarã paia ñjarã, Dios ñ rotimasire gotimasiorimasa, to yicōari buc̄rã quēne. ⁵⁴ Jesúre ña ãmivato, s̄ju yayīas̄yayuju Pedro. Ñnare yayīas̄yacōari, paia ñju ñamasugũ ya vi matariasãniro r̄etosãjacoasuju. Sãjacōari, Diore yir̄c̄b̄oriavi coderimasa r̄aca rujiyuju ñ, jea sũmañagũ.

⁵⁵ Paia ñjarã, to yicōari gãjerã ñjarã, ña jediro Jesúre s̄iar̄ayujarã. To bajiro yirã ñari, “Rojose masu yig ñaami Jesús” yisocarone macañujarã. ⁵⁶ Jãjarã masa socarãne ña gotiboajaquēne, ricati r̄ne ña yise ñajare, “To bajiro ñ yire ñajare, ñre s̄iaroti ñaja”, yimasibesujarã ña maji. ⁵⁷⁻⁵⁸ To bajiboarine, s̄ḡari v̄m̄r̄ḡc̄ari, ado bajiro yisocayujarã ña:

—Ñni Jesús v̄ame c̄tiḡ ñ ñagōmasisere ajib̄ ȳa. Ado bajiro yimasimi: “Diore yir̄c̄b̄oriavire caguerocacōari, idiar̄m̄ t̄satir̄m̄ne quēna gaje vi masa ña quēnorivi mere quēna tudib̄ajeocōar̄c̄ja”, yimasimi ñ—yisocayujarã ña.

⁵⁹ To bajiro yisocarã ñaboarine, toc̄r̄c̄ ricati r̄ne gotiboayujarã ña. To bajiro ña yise ñajare, “Ñ ye s̄horine rojose t̄m̄or̄c̄mi”, Jesúre yimasibesujarã ña maji.

⁶⁰ To bajiro ña yisocaboajaquēne, paia ñju ñamasugũ, v̄m̄r̄ḡc̄ari, ado bajiro Jesúre yiyuju:

—To bajiro m̄re ña yi ocasãsere ¿no bajiro yati m̄? ¿c̄dibebati m̄? —Jesúre ñre yiboayuju.

⁶¹ To ñ yiboajaquēne, cojo v̄ame c̄dibeticōañuju. Ñ c̄dibetire ñacōari, ado bajiro Jesúre s̄niñañuju paia ñju ñamasugũ quēna:

—¿“Rotim̄or̄ḡc̄mi” yig, Dios ñ c̄ar'ine, Dios mac̄ne ñati m̄? —Jesúre yis̄niñañuju paia ñju ñamasugũ.

⁶² To bajiro ñ yisere ajicōari, ado bajiro ñre c̄diyuju Jesús:

—Ñne ñaja ȳa. To bajiri, Dios ñ roticōac̄ ñari, ñ riojojac̄t̄a rujicōari, masare beseḡaḡ, oco bueri vatoaj̄ ȳ rujiadire ñar̄r̄ja m̄a —paia ñju ñamasugũre yiyuju Jesús.

⁶³ To ñ yirone, “Jesús ñ yisere ajiteaja” yig, ñ sudire t̄avoyuju paia ñju ñamasugũ. To yigane, ado bajiro ñ r̄canare yiyuju ñ:

—ñ“Diore bajiro bajiḡ ñaja ȳ” yig yami! No yirã gãjerã, “Rojose yig ñaami” yironare macar̄momenaja mani yuja. ⁶⁴ M̄a quēne Diore r̄c̄b̄obec̄ ñ yisere ajiaja m̄a. To bajiro ñ yise ajicōari, ¿no bajiro ñre yiroti ñati? —ñ r̄canare yiyuju paia ñju ñamasugũ.

To bajiro ñ yisere ajicōari, ado bajiro ñre c̄diyujarã:

—Rojose masu yicōami. Ñre s̄iac̄aroti ñaja —yic̄diyujarã ña.

⁶⁵ To yicōari, s̄ḡari, Jesúre gooco eoreatuyujarã ña. To yicōari, ñ cajere siabibecōari, ñre jayujarã. To yicōari,

—“Ñ, m̄re jaami’ ȳre yigotiami Dios”, ȳare yiya m̄ —ñre yiajatud'iyujarã ña.

Diore yir̄c̄b̄oriavi coderimasa quēne, ñre jayujarã ña.

*“Jesúre masibeaja ȳ”, Pedro ñ yire queti
(Mt 26.69-75; Lc 22.56-62; Jn 18.15-18, 25-29)*

⁶⁶ Vi jubeaj̄ Jesúre rojose ña yin̄arone, macaj̄j̄a ñacōañuju Pedro. To ñ ñarone, s̄ḡo, paia ñju ñamasugũre moabosarimaso, ejayuju so. ⁶⁷ Pedro ñ jea sũmañaro ñre ñacōari, ado bajiro ñre yiyuju so:

—Jesús, Nazaret macagũ rãca vacudir'i ñagũja mũ quẽne —Ïre yiyuju so.

⁶⁸ To bajiro so yisere ajicõari, ado bajiro yiyuju Pedro:

—“Riojo yaja mũ”, mũre yimasibeaja yũ. Mũre ajimasibeaja —sore yiyuju Pedro. To bajiro yicõari, matariasãniro sãjariasoje tu vasuju Pedro. ⁶⁹ To ï ñasere ñacõari, quẽna soje tu ñarãre ado bajiro gotiyuju so, moabosarimaso:

—Ãni, Jesúrãca vacudir'i ñaami —yiyuju, ñnare gotigo.

⁷⁰ To bajiro ñnare so yisere ajicõari, quẽna, —Ïre masibeaja yũ —yiyuju Pedro.

To so yiro bero, to ñarã ado bajiro Pednore yiyujarã ñna:

—Riojo yaja. Jesúrãca vacudirũgũgũne ñaja mũ quẽne. Mũ quẽne Galilea sitagu ñaja mũ —Pednore yiyujarã ñna.

⁷¹ To bajiro ñna yisere ajicõari, ado bajiro cãdiyuju Pedro:

—Ïre masibeaja yũ. Socũ me yaja yũ. Socabetimasucõaja. Dios, yũre ajigũmi —ñnare yicãdiyuju Pedro.

⁷² To bajiro ï yigajanorirĩmarone, gãjabocũ jũaji ñagõcõañuju yuja. Ï ñagõsere ajicõari, Jesús ado bajiro ïre ï gotirere masibũjayuju Pedro yuja: “Gãjabocũ jũaji ï ñagõroto rĩjoro idiaji, ‘Jesũre masibeaja yũ’ yirũcũja mũ” ïre ï yirere masibũjayuju. Tire masibũjacõari, bũto otiyuju.

15

Pilato tũju Jesũre ñna ãmiejare queti

(Mt 27.1-2, 11-14; Lc 23.1-5; Jn 18.28-38)

¹ Busurocacũse rãca bũcũrã, paia ujarã, to yicõari Dios ï rotimasire gotimasiorimasa quẽne, ujarã ñnajediro tudirẽjañujarã ñna. To bajicõari, Jesús ãmorire siacõari, ïre ãmiasujarã ñna, Pilato vãme cãtigu ya vijũ vana. To bajiri ï ya vijũ Jesũre ãmiejayujarã ñna. ² Jesũre ñna ãmiejarone, ado bajiro ïre sẽnĩañuju Pilato:

—¿Mũne ñnati jud'io masa uju? —Ïre yiyuju Pilato.

To bajiro ï yisere ajicõari, ado bajiro ïre cãdiyuju Jesús:

—Mũ yirore bajirone bajiaja yũ —Ïre yiyuju Jesús.

³ To ï yirone, paia ujarã,

—Cojo vãme me rojose yigũ ñaami. Ado bajise rojose yimi —Pilatore yi ocasãñujarã paia ujarã. ⁴ To bajiro Jesũre ñna yi ocasãsere ajicõari, ado bajiro Jesũre sẽnĩañuju Pilato:

—¿No yigũ cãdibeatĩ mũ? ¿Cojo vãme me, rojose mũre ñna yisere ajibeatĩ mũ? —Jesũre yiyuju Pilato.

⁵ To bajiro ïre ï yisẽnĩaboajaquẽne, ïre cãdibeticõañuju Jesús. Ï cãdibetire ñacõari, no yimasibesuju Pilato, ïre bajiro bajigũre ñabetirũgũr'i ñnari.

“Jesũre sãaroti ñaja”, ñna yire queti

(Mt 27.15-31; Lc 23.13-25; Jn 18.38–19.16)

⁶ Tocãrãca cãma Pascua boserũmũ jud'io masa ñna quẽnojama, sũgũ tubibe ecor'ire ñna burotigũre ñnare bubosarũgũñuju Pilato. ⁷ Tubiberiavijũ ñarã, “Gobierno ï rotiboasere cãdibeticõari, mani masu rotirãsa” yirã rãcagũ ñañuju Barrabás vãme cãtigu. Ï babarã rãca rojose yicõari, masare sãñuju ï. To bajiro ï yire vaja tubiberiavijũ ñañuju ï. ⁸ To bajiri jãjarã masa Pilato tũju ejacõari, ado bajiro ïre sẽnĩañujarã ñna:

—Yũare mũ yibosarũgũcatore bajiro yiya quẽna —Ïre yisẽnĩañujarã ñna.

⁹ To bajiro ñna yisere ajicõari, ado bajiro ñnare sẽnĩañuju Pilato:

—¿Ñimũjũare yũ busere bojati mũ? ¿Jud'io masa uju yũ busere bojatique mũ? — ñnare yisẽnĩañuju Pilato. ¹⁰ “Jesũre ñajũnisinirã ñnari, yũ tu ãmiejama” yitũoĩagũ ñnari, ïre burũ, to bajiro yiyuju.

¹¹ To bajiro ïyiboajaquêne, masare to rējarāre rījorojune ïnare ocasãcõañujarã paia ùjarã, “Barrabájũare burotito mani” yirã. ¹² To bajiri Barrabáre ïna burotijare, quēna ïnare tudisēniñañuju Pilato:

—To yijama, ¿no bajiro yiguti yũ, Jesúre, “Jud'io masa ùju ñaami” mũa yigujũarema? — ïnare yisēniñañuju.

¹³ To ï yirone, ado bajiro ïre avasãcũdiyujarã:

—Yucátērojũ ïre jajušiaroticõaña mũ — ïre yiyujarã ïna, Pilatore.

¹⁴ To ïna yijare, ado bajiro ïnare sēniñañuju Pilato:

—¿Ñie rojose ï yire sũori ïre šiarotiguti yũ? — ïnare yiyuju Pilato.

To ï yiboajaquêne, quēna bũtobũsa tudiavasãñujarã ïna:

—Yucátērojũ ïre jajušiaroticõaña —yivasãñujarã ïna.

¹⁵ To bajiro ïna yijare, masa to rējarã ïna bojarore bajiro yirũagu ñari, Barrabáre bucõañuju Pilato. Jesújũarema, ï surarare ïsiñuju, “Ïre bajecõari, yucátērojũ jajušiato ïna” yigu.

¹⁶ To bajiri ïna ya vijũ, Jesúre ãmiejayujarã surara mesa. Ïre ãmiejacõari, ïna jediro ïre gãnibiarũgũñujarã. ¹⁷ To yicõari, “Ûjũre bajigu ñato” yirã, ùjarã ïna sãñarito ùnore, sũarivũjoroore Jesúre sãñujarã. To yicõari, ï rũjoa joere jotabedo ïna suariabedone ïre jeoyujarã. ¹⁸ To bajiro ïre yicõari, ado bajiro ïre yiajatud'iyujarã:

—Jud'io masa ùjũre mũre quēnarotiaja yũa yuja —Jesúre yiyujarã ïna.

¹⁹ To yicõari, yucá rãca ï rũjoare jayujarã. Ïre jacõari, gooco ïre eoreatuyujarã ïna. To yicõari, “Mũre rũcũbũoaja” yiajatud'irã, ï rījorojũa gũsomuniari tuetuyujarã. ²⁰ To bajiro ïre yigajanocõari, ùjarã ïna sãñarito ùnore ïna sãriarore ïre veayujarã ïna quēna. To yicõari, ï sudiũa ïre sãñujarã quēna. Ïre sudi sãgajanocõari, yucátērojũ ïre jajušiaroana, ïre ãmiasujarã.

Yucátērojũ Jesúre ïna jajušiare queti

(Mt 27.32-44; Lc 23.26-43; Jn 19.17-27)

²¹ Ïre ãmivanane, sīgũ Cirene vãme cũi sitagũ, Simón vãme cũiũre, Alejandro, to yicõari, Rufo, ïna jacũre bocayujarã. Ïre bocacõari, —Jesús ï gaja vatijãire ïre gajabosaya — ïre yivasujarã ïna.

²² To yi vanane, Gólgota vãme cũi burojũ ejayujarã ïna. “Rũjoco Buro” yire ùni ñañuju “Gólgota” yire. ²³ Tojũ ejacõari, ùye ocore, mirra vãme cũiũre rãca vũocõari, Jesúre ïre ioyujarã ïna. “Ïre jũnise jũni ruyubeticõato” yirã, yiboayujarã. Idibesuju Jesújũama. ²⁴ To yicõari, yucátērojũ Jesúre jajutuyujarã ïna. To yicõari, Jesús ye sudire bojarã, ado bajiro yiyujarã:

—Ñimũjũa ãni sudi ï ùjaro ïaĩarãsa mani —yiajeyujarã, gũtarine reacũĩañarãne. To bajiro yiajecõari, ï ye sudi gãmerã ïsibatoyujarã ïna.

²⁵ Muiju asitutuatiũ ïre jajutuyujarã ïna. ²⁶ Jesús ï tuyaritērojũre ï rũjoa vecare uaturiajũ tuyayuju. “Ado bajiro ï yise sũorine jaju ecoami”, yĩĩorijũ ñañuju. Ado bajise gotiyuju: “Ãni ñaami jud'io masa ùju”, yigotiyuju ti.

²⁷ Jesúrãca jũarã, jaju ecoyujarã ïna. Gajeyeũni juarudirimasa ñañujarã. Sīgũre Jesús riojojacatuare, gãjirema ï gãcojacatũajũare jajutuyujarã. ²⁸ To bajiro Jesúre yiyujarã, Dios oca masa ïna ucamasire, “ ‘Rojorã rãcagũ ñaami’ ïre yĩĩarũarãma masa”, Jesúre yimasire ñajare. ²⁹⁻³⁰ Masa rētoana, ïna rũjoari yure, yure yiyujarã, “Jaju ecor'ire ïre ïateaja” yirã. To yicõari, ïre ajatud'iyujarã ïna:

—“Diore yirũcũbũoriavire caguerocamasiaja yũ. To yicõari, idiarũmũ tũsatirũmũne bũajeocõamasiaja”, yiboacajũ mũ. Socũ me mũ yijama, mũ yimasise rãca mũ masune yucátērojũre rujicoaya —Jesúre ïre yiajatud'iyujarã ïna.

³¹ Paia ùjarã, Dios ï rotimasire gotimasiorimasa quēne, to bajirone Jesúre yiajatud'ï ñañujarã ïna. Ado bajiro yiyujarã:

—Gãjerãrema catiogũ ñaboarine, ï masu rojose ï tãmuoserema yirêtomasibeami — yiajatud'ï ñañujarã ñna. ³² —“Rotimũorũgõrũcũmi” yigũ, Dios ï cõagũ, Israel ñamasir'ï jãnerabatia mani ɯju ñnaami. To bajiri yucátẽrojũ rujiçoadiato. To bajiro ï bajiro ïacõari, “Ïne ñnaami”, yimasirũarãja —yiajatud'iyujarã. Juarã Jesúrãca yucátẽrojũ jaju ecoriarã quẽne, to bajirone Jesúre yitud'iyujarã ñna.

Jesús ï usutadire queti

(Mt 27.45-56; Lc 23.44-49; Jn 19.28-30; He 9.1-28)

³³ Ɛmũrecaji ñarone, rẽtiacoasuju yuja. Idia hora rẽtiañañuju. ³⁴ To cõro ti rẽtiatũsatone, jud'io masa ye rãca ado bajiro tutuaro avasãñuju Jesús:

—Eloi, Eloi, ¿lema sabactani? —yivasãñuju. (“Dios, yũ jacũ, ¿no yigũ yũre cãmotadiati mũ?” yire ùni ñañuju ti.)

³⁵ Sĩgũri toju ñarã, to bajiro ï yivasãsere ajicõari, ado bajiro yiyujarã ñna:

—¡Ajiya mũa! Diore gotirêtobosarimasũ El'ias ñamasir'ire jigũ yami —yiyujarã ñna.

³⁶ To bajiro Jesús ï yivasãrone, sĩgũ, Jesús tũ ùmaejacõari, ɯye oco jiarere ñiabiãcõari, yucá gajaju siatucõari, Jesús rise tãjũre ñumũotuyuju. To yigũne, ado bajiro ï rãcanare yiyuju ï:

—Ñagõbesa mũa maji. El'ias ñamasir'ï ãnire ï rujiosere ïato mani —yiyuju ï.

³⁷ Tutuaro avasãtũsa, usutadicoasuju yuja. ³⁸ Tirĩmarone, Diore yirũcũbũoriavi yotoria gasero vorujijedicoasuju ti. “ ‘Dios ï ñarisõa’ vãme cãti sõare sãjamasibeamã masa” yirã, ñna yotoria gasero ñañuju.

³⁹ Jesús ï usutadiro, ï rĩjorojuã ïarũgõñuju surara ɯju. To bajiri Jesús ï usutadisere ïacõari, ado bajiro yiyuju ï:

—Socabesumi. Dios macũne ñaboayumi ãni —yiyuju ï.

⁴⁰⁻⁴¹ Galilea sitaju Jesúre sũyavadiriarã rõmiri quẽne sõju ïarũgõñujarã. Ñna ñañujarã ï ejarẽmoriarã. Ñna rãca ñañuju Mar'ia Magdalena. Gajeo Mar'ia vãme cãtigo quẽne ñañuju. Sone ñañuju Santiago Mojogũ ñna yigũ, to yicõari, José vãme cãtigũ jaco. Gajeo, Salomé vãme cãtigo quẽne ñañuju. Gãjerã jãjarã ñañujarã Jesúre sũyavadiriarã rõmiri, Jerusalénju ï rijarere ïariarã.

Jesúre ñna yujere queti

(Mt 27.57-61; Lc 23.50-56; Jn 19.38-42)

⁴²⁻⁴³ Arimatea macagu, José vãme cãtigũ quẽne, ñañuju. Jud'io masa ɯjarã rãcagu, masa ñna ïarũcũbũogũ, “ ‘Rotimũorũgõrũcũmi’ yigũ, Dios ï cõar'ï ñnaami”, Jesúre yitũoĩagũ ñañuju. Tirũmũjuama jud'io masa ñna usũsãjariarũmũ rĩjoroagarũmũ rãiorotirũmũ rĩjoroaca ñañuju. To bajiri José, Jesús ï rijatore ïacõari, “Jesúre rũcũbũogũ ñaja yũ” yitũoĩatutuacõari, Pilatore sãnigũ vasuju, Jesús rujũrũre ãmirũ.^m

⁴⁴ Pilatojuã, José ï sãnũsere ajicõari, “¿Socabeati? ¿Jẽre rijacoasujari ï?”, yitũoĩañuju. To yigũ ñari, surara ɯjũre jiyuju. To bajiri ï ejarone,

—¿Rijamasucoati Jesús vãme cãtigũ? —Ïre sãnũñañuju ï.

⁴⁵ To ï yisere ajicõari, —Jẽre rijacoami —Ïre yicũdiyuju ï, surara ɯju.

To ï yirone, José ï sãnũrore bajirone ïre cãdiyuju Pilato. ⁴⁶ To ï yir'ï ñari, sudijãiri botiquẽnarijãiri rãca Jesúre ï gũmarotijãirũre vaju yicõari, ï rujũrũre rujiogũ vasuju. Ïre rujiocõari, ïre gũmañuju, tijãiri rãca. To yigãjanocõari, masa yujeriavi gũtavi mame ï quẽnorotiriavijũ ï rujũrũre cũñuju. To yicõari, ti vi sojere gũtane tũnuobibecũ vacoasuju ï.

⁴⁷ Mar'ia Magdalena, to yicõari gajeo Mar'ia, José vãme cãtigũ jaco quẽne, Jesús rujũrũre José ï cũro ïañañujarã ñna.

^m 15:42-43 “Usũsãjariarũmũre yirã, ñna moatusariarũmũ rãioato bero ñasũoaja”, yirũgũñujarã jud'io masa. To bajiri, quẽnoveo jeocõarũgũñujarã ñna usũsãjarotirũmũ ejaroto rĩjoro, tirũmũre “Moamenane usũsãjacõã ñarãsa” yirã ñari.

16*Jesús ĩ tudicature queti**(Mt 28.1-10; Lc 24.1-12; Jn 20.1-10)*

¹ H̄sus̄ajariar̄m̄u ti jediro, quēna moas̄oriar̄m̄u jē̄uaca Mar'ia Magdalena, gajeo Mar'ia, Santiago jaco, to yicōari Salomé vāme cutigo quēne, s̄tiquēnase vaja yiyujarā ĩna, “Jesús rujare turāsa mani” yirā. ² To yicōari, muiju ĩ busum̄ajado, Jesús rujare ĩna yujeriavire ĩarā vasujarā ĩna. ³ Vanane,

—¿Nim̄u ñarōjari, yujeriavi ḡta ĩna biberiare manire t̄nuogobosaroc̄u? —gāmerā yiyujarā ĩna.

⁴ Ejacōari, ĩna ĩajama, ḡta t̄nuo bibeboاريو mañuju. ⁵ Jairicarō ñañuju. To bajiri ti vi s̄ajacōari, s̄iḡā āngel ĩ rujisere ĩañujarā ĩna. Sudiro botiriase yoariase s̄añacōari rujiyuju riojocacat̄ajare. B̄to ḡuiyujarā ĩna. ⁶ To ĩna bajirone, ado bajiro ĩnare yiyuju ĩ:

—Ḡubesa m̄ua. Jesús Nazaret macagure, yuc̄at̄eroju ĩna jajus̄īamasiḡure m̄ua macasere masiaja ȳu. Maami adojare. Tudicaticoami. ĩre ĩna c̄umasirijare ĩaña m̄ua. ⁷ Vasa m̄ua. ĩ buerimasare ado bajiro ĩnare gotiaya: “Mani r̄joro Galilea sitaj̄u varoc̄u ñañuju. Toju ĩre tudīar̄arāja mani, ĩ goticatore bajirone”, ĩnare yigotiaya m̄ua —ĩnare yigotiyuju āngel.

⁸ To ĩ yisere ajicōari, Jesure ĩna yujeboariavij̄u budicōari, ḡuirā ñari b̄to nanañujarā. To bajicōari, ḡajerāre gotimenane ūmacoasujarā ĩna.

*Mar'ia Magdalenare Jesús ĩ ruyuañore queti**(Jn 20.11-18)*

⁹ Tir̄m̄u, Jesús ĩ tudicatiriar̄m̄u, ti semana ñas̄orir̄m̄u ñañuju ti. Busurij̄u jē̄u quēna tudicaticōari, Mar'ia Magdalenare r̄joro ruyuañoj̄u ĩ. Cojomo c̄oro gaje āmo j̄ua jēnituarir̄c̄u so us̄uj̄u s̄añariar̄are v̄tiare ĩ bureario ñañuju so. ¹⁰ Jesús ĩ tudicatisere ĩacōari, ĩ buerimasare ĩre t̄oñas̄utiriti otirāre gotigo vasuju so. ¹¹ ĩna t̄u ejacōari ado bajiro yiyuju so:

—Quēna catiami Jesús. ĩre ĩam̄u ȳu —ĩnare yiboayuju so.

So gotisere ajiboarine, “Riojo gotiamo”, yibesujarā ĩna.

¹² Bero, ĩ buerimasa j̄uarā Jerusalén̄ju budicōari ĩna vacudirone, ĩnare ruyuañoj̄u Jesús quēna. Ḡajire bajiḡu ñacōari, ĩnare ruyuañoj̄u. To bajiri, ĩre ĩamasibesujarā ĩna maji.

¹³ “Jesús ñaami” yīamasicōari, tudiasujarā ĩna, ḡajerā ĩ buerimasare gotirā vana. ĩna gotiboajaquēne, “Riojo gotiama”, yibesujarā ĩna quēne.

*“Ado bajiro ȳu oca masare gotimasior̄arāja m̄ua”, Jesús ĩ yire queti**(Mt 28.16-20; Lc 24.36-49; Jn 20.19-23)*

¹⁴ To yiro bero, cojor̄m̄u ĩ buerimasa j̄uaāmo c̄oro, ḡubo coja jēnituarir̄c̄u ñarā ĩna barujirone, ĩnare ruyuañoj̄u Jesús quēna. ĩnare ruyuañocōari, ado bajiro ĩnare gotiyuju Jesús:

—Ȳu tudicatiro bero, ḡajerāre ȳu ruyuañosere ĩacōari, m̄uare ĩna gotiboasere, “Riojo gotiama”, yit̄oñabeju m̄ua. “Jēre masiaja” yirāre bajiro t̄oñaboabu m̄ua. T̄oñavasoar̄abeju m̄ua —ĩnare yigotiyuju Jesús. ¹⁵ To bajiro yicōari, quēna ado bajiro ĩnare rotiyuju Jesús:

—Masa jedirore ȳu ocare ĩnare goticudir̄arāja m̄ua, “Ajitir̄n̄ato” yirā. ¹⁶ No bojagure, ȳu ocare ajitir̄n̄acōari, oco rāca bautizarotigure, “Rojose maja” ĩre yīacōari, rojose t̄am̄ot̄ajabetiriarōju ĩ vaborotire ĩre yir̄etobosar̄c̄uja ȳu. To bajiboarine, no bojaḡu ȳu ocare ajitir̄n̄abecurema, rojose ñacōar̄aroja ĩre. To bajiri rojose t̄am̄ot̄ajabetiriarōju var̄c̄umi ĩ ūḡuma —ĩnare yigotiyuju Jesús. ¹⁷ —Ȳure ajitir̄n̄arā, ado bajiro yir̄arāma ĩna: Ȳure ajitir̄n̄arā ñari, ȳu masise s̄orine masa us̄rij̄u s̄añar̄are v̄tiare burear̄arāma. To yicōari, ĩna masibeti oca ñaboaserene ñagōr̄arāma. ¹⁸ ĩnare ĩna ñaboajaquēne, to yicōari, oco j̄ūnise v̄ore ĩna idiboajaquēne, no bajibetoja ĩnare. Diore sēnicōari, rijarāre āmo ñujeor̄arāma. To ĩna yirone, caticoar̄arāma —ĩnare yiyuju Jesús.

*Dios ï ñarojɁ Jesús ï mɁjare queti
(Lc 24.50-53)*

¹⁹ To ï gotiro bero, Dios ï ñarojɁ mani ɁjɁ Jesúre ãmimɁja vasuju Dios. Ìre ãmimɁja ejaçõari, riojojacatɁjɁare ïre rojoyuju Dios. ²⁰ To ï mɁjaro bero, masa ñajedirore Dios oca goticudirã vasujarã ïna Jesús ï buerimasa yuja. To bajiro ïna goticudisere ïacõari, mani ɁjɁ Jesús ïnare ejarẽmoñuju, “Ïnare quẽnaro ajitirãnɁato” yigɁ. To bajiri ï ejarẽmose rãca ïaïaïamani masare yïoñujarã ïna quẽne.

To cõrone ñaja.

Evangelio según SAN LUCAS

¹ Teófilo, ¿ñaboati m̄? Jesús ï bajire queti m̄re ucabosaḡu yaja ȳ. Jājarā masa Jesús ï bajire quetire ucayuma ïna. ² Jesús buerā, ȳare ïna goticatore bajirone ucayuma. ³ To bajiri, ȳ quēne, ti queti jedirore quēnaro buecōari, tire m̄re ucabosaḡu yaja ȳ. ⁴ “Ti quetire quēnaro masijeocōato” yiḡu, m̄re ucabosaja.

Oco rāca masare bautizarimas̄ Juan vāme c̄tiḡu, ï ruyuare

⁵ Judea sitana ɱj̄, Herodes vāme c̄tiḡu ï ñarirodo ñañujarā Zacar'ias, ï manajo Isabel vāme c̄tigo rāca. Zacar'ias, Ab'ias ñamasir'i jānami ñari, pai ñañuju ï. ï manajo quēne pai, Aarón ñamasir'i jāneño ñañuju so. ⁶ Dios ï ïajama, quēnarā ñañañujarā ïna j̄arāj̄une. ï rotirore bajirone yiyujarā ïna. Masa quēne, “Rojose yirā ñaama ïna”, ïnare yimasibesujarā. ⁷ Rīa mana rīne b̄ɱc̄rā ñacoasujarā ïna. B̄to rīa c̄tir̄nar̄ūḡūboayujarā, bajirāj̄uma.

⁸⁻⁹ Cojor̄m̄ Diore yir̄c̄ɱɱoriavij̄u moañañuju Zacar'ias, ï yarā rāca. ïna yir̄ḡūriarore bajiro yiyujarā: “Ñim̄j̄ma ‘Dios ï ñarisōa’ vāme c̄ti sōaj̄u ï sājaro ïñarāsa mani” yirā, reacūñañujarā, ḡtarine. To yigajanocōari, “Zacar'ias ñaami, tisōaj̄u sājaroɱ” yimasicōari, ïre sājaroṭiyujarā ïna.

—Quēnase s̄tisere bueaya m̄ —ïre yiyujarā ïna.

To bajiri, tisōaj̄u sājajecōari, bueyuju ï, Zacar'ias. ¹⁰ Tire ï buetoyene, macaj̄j̄u ñacōari, jājarā masa Diore sēñañañujarā ïna. ¹¹ To bajiri quēnase s̄tise ï bueñarone, ï bueñaricasabo riojojacat̄aj̄are ruyuar̄ḡūñuju ángel. ¹² To ï bajirone ïre ïac̄acoasuju Zacar'ias. To bajicōari, b̄to ïre ḡūiyuju. ¹³ To ï bajirone, ado bajiro ïre gotiyuju ángel:

—Ȳre ḡūibesa m̄. Dios ïre m̄ sēñir̄ḡūser̄e m̄re ajiami. To bajiri, ado bajiro m̄re yicōami: “Mac̄u c̄tir̄ɱoc̄o so, ï manajo. Juan ïre vāme yato”, m̄re yimi Dios —ïre yigotiyuju ángel.

¹⁴⁻¹⁷ To yigajano, ado bajiro ïre gotir̄ūtuasuju, Zacar'iare, ï mac̄u ñaroc̄u ï bajiroṭire gotiḡu:

—M̄ mac̄u ñaroc̄ure Juanre ïre ïacōari, “Ȳre quēnaro r̄c̄ɱɱoami”, yir̄c̄ɱmi Dios. Ado bajiro bajir̄c̄ɱmi m̄ mac̄u: ï jacore s̄ñaḡj̄arene, Esp'iritu Santore cōar̄c̄ɱmi Dios, Esp'iritu Santo ï ejar̄emose rāca t̄oñacōari, Dios ï bojarore bajiro Juan ï yir̄ḡūrotire yiḡu. Masa rojose ïna t̄am̄oborotire ïnare yir̄ētosacōari, “Rotim̄or̄ḡōr̄c̄ɱmi” yiḡu, Dios ï cōaroc̄u, Cristo ï ruyuaroto r̄j̄oro ruyuar̄c̄ɱmi m̄ mac̄u. Idire mec̄osere, to yicōari, vinore quēne idibetir̄c̄ɱmi. ï s̄orine jājarā Dios ï bojarore bajiro tudit̄oñar̄arāma Israel ñamasir'i jānerabatia. Diore gotir̄ētosamasir'i El'ias vāme c̄timasir'ire bajiro masare ḡūit̄oñabec̄ne gotimasior̄c̄ɱmi. Jac̄u ïna rīare “Tudimaiato ïna” yiḡu, gotir̄c̄ɱmi. Diore ajimena, “T̄oñavasoato ïna” yiḡu, to yicōari, “Rotim̄or̄ḡōr̄c̄ɱmi” yiḡu, Dios ï cōaroc̄ure Cristore yurā, quēnase ïna t̄oñavasoarotire yiḡu, to bajiro yir̄c̄ɱmi. To bajiro yiroc̄u ï ñajare, ï ruyuaro b̄to variquēnar̄c̄ɱja m̄. Jājarā masa b̄to variquēnar̄arāma, b̄ɱc̄ac̄u to bajiro ï gotisere ajicōari —Zacar'iare ïre yigotiyuju ángel.

¹⁸ To ï yirone, ado bajiro ïre yic̄diyuju Zacar'ias:

—¿No bajiro m̄ yisere ïacōari, “Riojo yami”, m̄re yimasir̄c̄ɱada ȳ? Rīa mana bajiaja ȳ. J̄re b̄c̄o ñaamo ȳ manajo. Ȳ quēne b̄c̄u ñaja ȳ —ïre yiyuju, ángelj̄are.

¹⁹ To bajiro ï yijare, ado bajiro ïre gotiyuju ángel:

—Dior̄ac̄aḡu ñaja ȳ, Gabriel vāme c̄tiḡu. “Quēnase queti gotiaya” yiḡu, ȳre cōami. ²⁰ To bajiri m̄re ȳ gotirore bajiro bajir̄aroja. Adire ȳ gotisere quēnaro ajia m̄: Ȳ gotisere “Bajibetoja” m̄ yit̄oñajama, ñaḡobec̄u ñacoar̄c̄ɱja m̄. M̄ mac̄u ï ruyuaro bero tudin̄aḡōc̄ar̄c̄ɱja m̄, bajiḡj̄uma —Zacar'iare ïre yigotiyuju, ángel.

²¹ To ñna gãmerã yĩñaro ùnone, macajáju Zacar'iare yucõa ñañujarã ñna. Yubusaboana, “¿No yigũ to cõro yoaro bajiati?”, yitũoĩañujarã ñna. ²² To ñna yĩñarone, budicoayuju ñ yuja. Ñna tũjũre budiejacõari ñnare gotimasibesuju, ñagõmasibecu ñnari. To ñ bajisere ñacõari, “Diore yirũcũbũoriavijũ Dios ñ ruyuañosere ñar'i ñnari, bajiami”, yimasicõañujarã ñna. Ñnare gotimasibeticõa tũjasuju ñ. To bajiro bajigũ ñnari, ñ ãmorine ñ bajirere ñnare gotiyuju.

²³ Diore yirũcũbũoriavijũ ñ moarũgũrere moagajanocõari, ñ ya vijũ tudicoasuju ñ yuja. ²⁴ To ñ baji tudiejato bero, gũda ñacoasuju so, ñ manajo, Isabel vãme cõtigo. To bajiri cojomocãrãcũ muijua cõro vi budibeco bajiñañuju so. ²⁵ To bajiñagõne, ado bajiro yitũoĩañuju so: “Rĩa manicoadicajũ yũ. To bajiri bũto bojonerũgũcajũ yũ. Yucũrema Dios yũre ñamaicõari, quẽnaro ñ yijare, gũda ñaja yũ yuja”, yitũoĩa variquẽnarũgũñuju so.

Jesús ñ ruyuarotire ángel ñ gotigũ ejare queti

²⁶ Isabel vãme cõtigo cojomo cõro, coja jẽnituarirãcũ muijua, gũda so ñatusato, quẽna gaje queti ñre gotirotiyuju Dios, ángel Gabriel vãme cõtigu. Galilea sita, Nazaret vãme cõtĩ macajũ ñre cõañuju Dios. ²⁷ Tojũ ñañuju so, Jesús jaco ñaroco, Mar'ia vãme cõtigo. Mamo, ùmũa rãca ñabeco ñañuju so. Ujũ David ñamasir'i jãnami, José vãme cõtigu manajoroco ñañuju so. ²⁸ To bajiri Gabriel, so tũ ejacõari, ado bajiro sore yiyuju:

—¿Ñaboati mũ? Gãjerã rõmia rẽtoro quẽnaro mũre yigũ ñnari, quẽnaro mũre codeami Dios —Mar'iare yigotiyuju ñ.

²⁹ To ñ yirone, tire ajicõari, bũto tũoĩarejaiyuju so: “¿No yigũ to bajise yũre yati ñ?”, yitũoĩarejaiyuju so. ³⁰ To bajise so yitũoĩarone ado bajise sore gotiyuju ñ, Gabriel:

—Yũ gotisere tũoĩarejaibesa mũ. Bũto mũre maiami Dios. ³¹ Yũ gotisere quẽnaro ajiya. Gũda ñarũcoja mũ. To bajicõari, macũ cõtĩrũcoja mũ. Macũ cõtĩcõari, Jesús ñre vãme yirũcoja mũ. ³² Masigũ ñarũcũmi mũ macũ. Mũ macũre, “Yũ macũ ñaami”, ñre yirũcũmi Dios. Ññicũ, David vãme cõtĩcacũ, “Israel ñacacũ jãnerabatia uju ñañũ mũ” yigũ, uju ñre cũcũmi Dios. Ñre ñ cũcatore bajirone mũ macũre quẽne uju ñre cũrũcũmi ñ. ³³ To bajiri Israel vãme cõtĩcacũ jãnerabatiare rotimũorũgõrũcũmi mũ macũ. Ñ rotise jedibetirũaroja ti —Mar'iare sore yigotiyuju ñ ángel.

³⁴ To ñ yisere ajicõari, ado bajiro ñre sẽnĩañuju so:

—Uũmũa rãca yũ ñabetiboajaquẽne, ¿no bajiro yũre bajiroti ti? —Ñre yisẽnĩañuju so.

³⁵ To so yisẽnĩarone, ado bajise sore yigotiyuju ñ:

—Dios ñ rotise rãca gũda ñarũcoja mũ. Esp'iritu Santore mũ tũjũ ñre cõarũcũmi. To bajiri mũre ejacõari, mũre macũ yirũcũmi ñ. To bajiro mũre ñ yijare, mũ macũ ñarocũre, “Quẽnagũ, quẽnaro yigũ, Dios macũ ñaami”, ñre yimasirũarãma masa. ³⁶ Mũ yo Isabel vãme cõtigo quẽne bũcũo ñaboarine, macũ sãñagõ ñaamo so. Cojomo cõro coja jẽnituarirãcũ muijua jẽre gũda ñatusajamo so, rĩa magõ ñna yiboacacone. ³⁷ Dios quẽnaro sore ñ yijare, bajiamo so. Disejũane Diorema josase maja. Ñ yimasise rĩne ñacõaja. To bajiri bajiamo. Mũ quẽne, to bajirone bajirũcoja mũ —Mar'iare yigotiyuju ñ.

³⁸ To ñ yisere ajicõari, ado bajiro yiyuju so:

—Dios ñ rotirore bajirone yirũcoja yũ. To mũ yirore bajirone yũre yato Dios —yiyuju so, Mar'ia, ángeljũare.

To so yiro bero, vacoasuju ñ, ángel Gabriel vãme cõtigu.

Isabel tũjũ Mar'ia so ñagõ vare queti

³⁹ Tiju bero, gajeyeũni quẽnosãjeo, guaro vacoasuju so, Judea sita bũto buri jairojũ, Isabelre ñagoaco. ⁴⁰ Tojũ ejacõari, Zacar'ias ya vijũ sãjaejacõari, ñ manajore sẽnĩañuju so.

⁴¹ To so yiro ajicõari, so gũdajoa sãñagũ sũca yuguiyuju ñ. ⁴²⁻⁴³ To ñ yirone, Esp'iritu Santo ñ ejarẽmose rãca tũoĩacõari, ado bajiro Mar'iare gotiyuju Isabel:

—Yũ uju jaco ñaroco ejaja mũ. Bũto quẽnaro mũre yiyumi Dios. Mũ macũ ñarocũre quẽne, bũto quẽnaro ñre yirũcũmi. Ñamasugõ me yũ ñaboajaquẽne, yũre ñagõ ejaja mũ. ⁴⁴ Yũre mũ

sēniñarone, yu gudajoa sãñagũ sũca variquēnagũ, yuguiami. ⁴⁵ “Dios ï goticõariarore bajiro bajirucocaja yu” yituoñagõ ñari, variquēnaja mu quēne —Mar'iare yiyuju Isabel.

⁴⁶⁻⁴⁹ To bajiro so yirone, variquēnagõ ñari ado bajiro yiyuju Mar'ia:

—Ï bojarore bajiro yirua tuoñagõ ñaboarine, ñamasugõ me yu ñaboajaquēne, yure ñamaicõari quēnaro yami Dios. To bajiro yure ï yise ñajare, “Ñie rojose mano yure yirētosarũgũgũmi”, Diore ïre yivariquēnaja yu. Buto quēnaro yami Dios, ï bojarore bajiro quēnaro yu yirotire yigu. Ï ñagũmi masijeogu. Quēnaro yigu ñagũmi. To bajiro quēnaro yure ï yise ñajare, “Quēnaro sore yiyumi Dios”, yure yirũgũruarãma masa ñajediro.

⁵⁰ Ïre rucuborãre ñamaicõari, quēnaro yirũgũgũmi Dios. To bajirone yicõa mucorũgõrucumi.

⁵¹ “Gãjerã rētoro masirã ñaja yua” yituoñarã, no bojase ña yirucaboasere ñare yirotibesumi Dios.

⁵² Ujarãre ñamasurã ña ñarucaboasere ñare ñarotibeticõari, ñamasumenajuare, “Ñamasurã ñato”, yiyumi.

⁵³ Ñie manare quēnasere ñare cõaboarine, gajeyeũni jairãrema ñare cõabesumi.

⁵⁴⁻⁵⁵ Adire masiritibecu ñari, to bajiro yiyumi: Mani ñicu, Abrahamre, ï beroanare quēne, “Mua masare, mua jãnerabatiare quēnaro yicõa ñarucuja yu”, ñare yigotimasiñuju Dios. Tire masiritibecu ñari, to bajiro yiyumi —Isabelre yigotiyuju Mar'ia.

⁵⁶ Idiarã muijua sore baba cutiñaboa, so ya vijua tudicoasuju Mar'ia.

Juan vãme cutigu, masare oco rãca bautizarimasu, ï ruyuare

⁵⁷ Mar'ia so tudiato bero, macu cutiyuju so, Isabel. ⁵⁸ So macu cutisere ajicõari, “Quēnaro sore ejarēmogũ yiyumi Dios”, yituoñañujarã ña, so yarã, so tuana quēne. To bajiro yituoñarã ñari, sore variquēna ejayujarã ña.

⁵⁹ Ï ruyuariaro bero, cojomo cõro, idia jēnitarirũmuri ï cutusato, ï tajure ejayujarã masa, ña yirũgũriarore bajiro sũcare circuncisión yirã ejarã. To yicõari,

—Ï jacu vãmene ïre vãme yito mani —yiboayujarã ña.

⁶⁰ To ña yiboajaquēne, jacojuma,

—Bajibeaja. Juan vãme cutiami —ñare yicõañuju so.

⁶¹ To so yiro ajicõari,

—Mu ya jũnana ti vãmere vãme cutibeticoayuma —sore yiyujarã ñajuama.

⁶² To yicõari, Zacar'iare, ña ãmorine ado bajise ïre sēniñañujarã:

—Mu macure, ¿No bajise ïre vãme yiruati mu? —Ïre yisēniñañujarã ña.

⁶³ To ña yijare, ñagõbecu ñari, ucarijãi sēniñuju Zacar'ias. Tijãire ãmicõari, “Juan vãme cutiami, yu macu”, ñare yiuca ioñuju ï. Ti ñnire ñabetirũgũriarã ñari, no yimasibesujarã ña yuja. ⁶⁴ Tirĩmarone, tudiñagõcoasuju Zacar'ias quēna. To bajicõari, “Quēnamasucõaja”, Diore yivariquēnañuju. ⁶⁵ Ti quetire ajicõari, buto gũiyujarã ña tuana ñajediro, ti ñnire ajibetirũgũriarã ñari. Judea sitana burori cutoana jediro ti quetire gãmerã gotibatoyujarã ña. ⁶⁶ Ña gotibatose e ajicõari, Zacar'ias macure Dios ï ejarēmose ñajare, “¿Bucucacu, no bajiro yigu ñariquĩda?”, yituoñañujarã.

Zacar'ias ï basare queti

⁶⁷ Cojorũmu Esp'iritu Santo ï ejarēmose rãca Diore gotirētosagũ, ado bajiro basayuju Zacar'ias:

⁶⁸⁻⁷⁵ —Tirũmũmu ado bajiro Diore gotibosamasiñujarã ïre gotirētosamasiriarã: “Sĩgũ, Uju David ñamasir'i jãnami, mua jãnerabatiare ejarēmogũ ruyuarucumi. Ruyucõari, mua jãnerabatiare ñaterimasa suorine rojose ña tãmucoborotire ñare yirētosarucumi”, Diore yigotirētosamasiñujarã ña. Ado bajiro mani ñicure gotimasiñuju Dios: “Yu goticatore bajiro mucare, mua jãnerabatiare quēne ñamaicõari, quēnaro ñare yicõa ñarucuja”, manire yigotimasiñuju Dios. Mani ñicure, Abraham vãme cutimasir'ire

quêne ado bajiro gotimasiñuju Dios: “Yũ ñaja Dios. Riojo mure gotiaja yũ. Mũ jãnerabatiare gãjerã ña ñatese suorine rojose ña tãm̃oborotire ñare yirẽtobosarũcũja yũ. Ñare güimenane, yũ bojarore bajiro ‘Yimasiato ña’ yigũ, to bajiro yirũcũja yũ. Adire masiritibetirũcũja yũ. To bajiri, ña catiñaro cõro ‘Yũare ñagũmi Dios’ yimasiritimenane, yũ bojarore bajiro quẽnaro yirũgũrũarãma”, yigotimasiñuju Dios. To bajiri, ñe gotirẽtobosarimasa, ña gotimasiriarore bajiro, to yicõari ñ masune ñ gotimasiriarore bajirone yigũagũ yigũmi Dios yuja. Yoaro mene adi macarũcũroju vadicoari, ñe ajitirũnrãre rojose mani tãm̃oborotire yirẽtobosagũagũ yigũmi. To bajiro yirocũ ñ ñajare, “Quẽnaro yaja mũ”, Diore ñe yivariquẽnato mani — yibasavariquẽnañuju Zacar'ias.

⁷⁶⁻⁷⁹ To yigajanocõari, “Ado bajiro yirocũ ñaja mũ”, ñ macũre yibasavariquẽnañuju Zacar'ias:

—Yoaro mene ejarũcũmi mani mũ, “Rotim̃orũgõrũcũmi” yigũ, Dios ñ cõarocũ. To bajiro ñ bajiroti rĩjoro ñajare, “Rojose mũa yirũgũsere yitũjacõari, quẽnasejũare tũoĩvasoaya mũa, ñe yurã”, yigotimasiorocũ ñaja mũ. To bajiro mũ yisere ajicõari, tũoĩvasoa yuñarãre ñamaicõari, quẽnaro yigũ ñari, ñ rãca quẽnaro ñacõari, “Ñ bojarore bajiro quẽnaro yirã ñato” yigũ, ñ yere masimenare ñare gotimasiorocõari, rojose ña tãm̃oborotire ñare yirẽtobosarocũre cõarũcũmi Dios. To bajiro yigoti rĩjoro cutirocũ mũ ñajare, “Masirẽtogũre Diore gotirẽtobosarimasũ ñaami”, mure yĩarũarãma masa, —ñ macũre Juanre yibasavariquẽnañuju Zacar'ias.

⁸⁰ Yucã manojũ bũcũayuju Juan vãme cutigũ. Bũcũarũtuacũne, Dios ñ bojarore bajiro quẽnaro yigũ ñarũtuasuju ñ. Masare ñ gotimasiorotirũmũ ti ejaroto rĩjoro, yucã manojũre ñarũgũñuju.

2

Jesús ñ ruyuare queti (Mt 1.18-25)

¹ To bajiro bajinãrirodojũre masa ñajediro mũ, César Augusto vãme cutigũ, ñ rotir-imacãre ñarãre, “Ado cõro ñaama” yimasirũ, ña vãmere ucaturotisũoyuju ñ. ² Ñe rotibosarimasũ, Cirenio vãme cutigũ Siria sitana mũ ñ ñarirodore masa vãmere ucaturotisũoyuju César. ³ To bajiri, masa ñajediro, ña ñicũa ña ñamasiriarojũ vãme ucaturotirã varoti ñañuju.

⁴ To bajiri, José quêne, Galilea sitajũre ñarimaca Nazaret vãme cuti maca ñar'i, Judea sita Belén vãme cuti macajũare vasuju. Ti macajũ ruyuamasiñuju ñ ñicũ ñamasir'i, Uju David. To ñ bajimasire ñajare, toju vasuju, José, Mar'ia rãca ña vãmere ucarotigũacũ. ⁵ Jẽre so jacũare sãnicoañuju ñ. To bajiro yir'i ñari, so rãca vasuju José. “Macũ cutirũocomo” Dios ñ yirio ñari, gũda ñañuju so. ⁶ To bajiri Belén vãme cuti macajũ ña ejaro, so macũ cutirotirũmũ ejayuju ti. ⁷ To bajiro sore ti bajijare, vacudirã ña cãnirivi ña ñarotijũre sãniboayujarã ña. Masa jũmũcõañujarã, ti vire. To bajiri, vaibũcũrãre bare ecariavijũ ejayujarã ña yuja. Toju Dios macũre macũ cutiyuju Mar'ia. To yicõari, sũcare sudigaserorine ñe gũmañuju so, jud'io masa ña yirũgũrũarore bajiro yigo. To yicõari, cãnijesariaro ti manijare, vaibũcũrãre bare ecariacoroju so macũre sãñuju so.

Oveja coderimasare Jesús ñ ruyuasere ángel ñ gotire queti

⁸ Belén maca tũ ñañujarã ña, oveja coderimasa. Ñamire ñare ñatirũnũñañujarã ña. ⁹ To ña bajirone, ña tũjũre ruyuarũgũñuju sĩgũ ángel, Diore moabosagũ. To ñ bajirone, ña tũju bũto busubatoyuju, “ ‘Dios macũ ruyuagũmi’ yĩamasiato ña” yigũ. To bajiro ti bajijare, oveja coderimasa bũto gũiyujarã ña. ¹⁰ To ña bajirone, ado bajiro yiyuju ángel:

—Gũibesa mũa. Masa ña ñavariquẽnarotire yigũ, quẽnase queti mũare gotigũ bajiaja yũ.

¹¹ Uju David ñ ruyuamasicati macajũre, masa rojose ña yise vaja ñare vaja yibosarocũ,

yucane ruyuami. Ī ñaami mani ujɔ, “Rotimɔrɔgɔrɔcɔmi” yigɔ, Dios ĩ cɔagɔ. ¹² Ado bajiro bajinagɔre ĩre bujamasiruarɔja mɔa: Vaibɔcɔrɔre bare ecariavijɔ ñagɔmi. Tojɔ sudigaserine gɔmacoar'i, vaibɔcɔrɔre bare ecariacorojɔ sɔñagɔmi ĩ. Tojɔ ñagɔre ĩre ĩabujacɔari, “Īne ñaami”, yimasiruarɔja mɔa —Īnare yigotiyuju ɔngel.

¹³ To ĩ yiniririmarone, gɔjerɔ ɔngel mesa jɔjarɔ ruyuyujarɔ ĩna. Ruyucɔari, ado bajise Diore ĩre basavariquɛnañujarɔ ĩna:

¹⁴ —Dios ɔ vecagɔ quɛnarɛtogɔ, to yicɔari, masirɛtogɔ ĩ ñajare, quɛnaro ĩre yito mani. Dios ĩ ĩvariquɛnarɔ ĩ rɔca quɛnaro ñato ĩna —yiyujarɔ ĩna ɔngel mesa.

¹⁵ To yigajano, tudicoasujarɔ ĩna, ɔ vecajɔ, Dios ĩ ñarɔjɔ. ĩna tudiato bero, —Dios manire ĩ queti cɔarere ajiaja mani. To bajiri, Belɛnjɔ vaɔato mani —gɔmerɔ yiyujarɔ ĩna oveja coderimasa.

Oveja coderimasa Jesúre ĩna ĩarɔ vare queti

¹⁶ To bajiro gɔmerɔ yigajano, guaro vacoasujarɔ ĩna yuja. Tojɔ ejacɔari, Josere, Mar'iare ĩnare ĩabujayujarɔ ĩna. Sɔcare quɛne vaibɔcɔrɔre bare ecariacorojɔ sɔñagɔre ĩre ĩabujayujarɔ. ¹⁷ ĩre ĩabujacɔari, ɔngel ĩnare ĩ gotirere to ñarɔre ĩnare gotiyujarɔ. ¹⁸ To ñariarɔ jediro, ĩna gotisere ajicɔari, no yimasibesujarɔ, ti unire ajibetirɔgɔriarɔ ñari. ¹⁹ Mar'iajɔama ñagɔbesuju so, oveja coderimasa ĩna gotisere ajicɔari. To bajiboarine, sɔca ĩ bajisere buto tɔɔɔañuju so masuriojɔama. ²⁰ To bajiri oveja coderimasa ti quetire gotigajano, tudicoasujarɔ ĩna. Tudianane, ado bajise Diore ĩre yivariquɛna tudiasujarɔ ĩna:

—Dios manire ĩ queti cɔare, riojo ñañuja ti. Masirɛtogɔ, to yicɔari, quɛnarɛtogɔ ñagɔmi Dios —ĩre yivariquɛna vasujarɔ ĩna.

Diore yirɔcɔbɔoriavijɔ, Jesúre ĩna ɔmiatone, Simeón vɔme cutigɔ Jesúre ĩare queti

²¹ Sɔca cojomo cɔro idia jɛnitarirɔmɔri ĩ ruyuariaro bero ti tɔsato, circuncisiɔn ĩre yiyujarɔ. To yicɔari, Jesús ĩre vɔme yiyujarɔ ĩna, sɔcare. Mar'ia gɔda so ñaroto rɔjorojɔne ɔngel sore ĩ vɔme yirotiriarore bajirone ĩre vɔme yirɔ yiyujarɔ ĩna.

²²⁻²⁴ To ĩna yiriaro bero, Jerusalɛnjɔ vasujarɔ ĩna. Moisés ñamasir'ire Dios ĩ roticɔmasirere cɔdirɔ bajiyujarɔ ĩna. Ado bajise roticɔmasiñuju ĩ: “Sɔca ĩ ruyuaro bero, jɔarɔ masa cɔro ñarirɔmɔri bero, buja mɔa ecariarɔre ĩsima, paiare. Mɔa cɔobetijama, vaja yicɔari, ĩsima, ‘Īnare soemɔoato’ yirɔ. To bajiro yiba, yɔre rɔcɔbɔorɔ. To bajiro mɔa yijama, sɔca ĩ ruyuaroto rɔjoro yɔre yirɔcɔbɔoriavi mɔa sɔjarɔgɔriarore bajirone sɔjamasiruarɔja mɔa quɛna. Mɔa ĩsijama, buja mame bɔcɔarɔre ĩsiruarɔja mɔa. Ɔmɔ, rɔmio, to cɔrone ĩsiruarɔja mɔa. Buja mame bɔcɔarɔ ĩna manijama, jɔarɔ bujare bajirɔ ñarɔcare ĩsiruarɔja mɔa”, yirotimasiñuju Dios. Gajeye ado bajiro yirotimasiñuju Dios: “Mɔa macɔ ruyuasɔogɔre, paiare ĩorɔ, ĩre ɔmivaruarɔja mɔa, ‘Dios yɔ ñaami’ yɔorɔ”, yirotimasiñuju Dios. To bajise Dios ĩ yirotimasire ñajare, Jesúre ɔmivasujarɔ, paiare ĩoroana.

²⁵⁻²⁶ To bajiri Jerusalɛnjɔ ejacɔari, Diore yirɔcɔbɔoriavijɔre vasujarɔ ĩna. Tojɔre ñañuju Simeón. Diore quɛnaro ajirɔcɔbɔogɔ, ĩ rotimasirere quɛnaro cɔdigɔ ñañuju ĩ. “‘Rotimɔrɔgɔrɔcɔmi’ yigɔ, Dios ĩ cɔarocɔ, Cristo, Israel jɔnerabatiare, yɔ yarɔre ejarɛmorɔgɔrɔcɔmi ĩ, ‘Quɛnaro ñato’ yigɔ” yitɔɔɔagɔ ñari, ĩ ejarotire yugɔ bajicɔa ñañuju ĩ. Dios ĩ cɔagɔ Esp'iritu Santo ĩ ejarɛmose rɔca tɔɔɔagɔ ñañuju ĩ. To bajiro bajigɔ ñari, cojorɔmɔ ado bajise tɔɔɔañuju: “Yɔ bajirocaroto rɔjoro, ‘Rotimɔrɔgɔrɔcɔmi’ yigɔ, Dios ĩ cɔarocɔre Cristore ĩarɔcɔja yɔ”, yitɔɔɔañuju Simeón. ²⁷⁻²⁹ Cojorɔmɔ Esp'iritu Santo Dios ĩ cɔagɔ ĩre ĩ ejarɛmose rɔca tɔɔɔamasicɔari, Diore yirɔcɔbɔoriavijɔ sɔjaejacoasuju ĩ. Tirɔmɔne Jesúre ɔmiejayujarɔ José, ĩ manajo rɔca. To ĩna sɔjaejarone, ĩna macɔre bocaɔmicɔari, ado bajise Diore yigotiyuju ĩ, Diore variquɛnagɔ:

—Yɔ ujɔ, jɛre yɔ ĩaruarɔgɔcɔcɔre yɔre mɔ goticatore bajirone ĩre ĩacɔaja yuja. To bajiri, variquɛnaja yɔ. Yɔ bajirocacoajama, quɛnacɔaroja yuja.

30-31 Īre ajitirānarā rojose yua tām̄uoborotire yuare yirētobosarocure m̄u cōar'ire Īre ĩacōaja jēre.

32 Ī suorine “Israel jānerabatiare quēnaro yiyumi Dios” yimasicōari, Diore masiruarāma Israel jānerabatia me ñarā quēne —yiyuju Simeón.

33 José, to yicōari, Mar'ia quēne, Jesús ĩ bajirotire Simeón ĩ gotisere ajicōari, no yimasibesujarā ĩna, “Mani mac̄u ĩ bajirotire quēnaro goti r̄joro cutimasiami” yirā. 34-35 To yicōari, quēnaro Dios ĩnare ĩ yirotire ĩnare ñubuejeoyuju Simeón. To yigajano, Jesús ĩ bajirotire ado bajiro sore gotiyuju quēna, Mar'iare:

—Quēnaro ajiya m̄u. “Israel ñamasir'i jānerabatia, Dios ĩ bojasere quēnaro masiato” yiḡu, āni sūcare cōañumi Dios. To bajiri ĩ gotimasiosere ajicōari, ĩre tud'iruarāma jājarā masa. To bajiro ĩna yijare, ĩnare ĩacōari, “ ‘Diore rūcub̄uorā ñaja yua’ yigotiboarine, ĩre terā ñaama”, yimasiruarāma gājerāj̄u. Īre tud'irāma, ĩna rijato beroj̄u rojose tām̄uot̄ujabetiriaroju vajedicoaruarāma ĩna. To bajiboarine gājerāj̄uama, jājarā, ānire ajitirān̄ucōari, Dios yarā ñacoaruarāma ĩna, rojose tām̄uot̄ujabetiriaroju vaborona. M̄uj̄uama, āni m̄u mac̄u ĩ bajirotire b̄uto s̄utiritir̄ucoja m̄u —Jesús jacore yiyuju Simeón.

36-37 To ĩ yiro bero, Diore yir̄ucub̄uoriavijare ñañuju Ana vāme cutigo. Aser ñamasir'i jāneño ñañuju so, Fanuel maco. Diore gotirētobosarimaso ñañuju so quēne. So manaj̄u cutiboar'i, cojomo cōro j̄ua jēnitarirāca c̄umari so rāca ñat̄usac̄une, sore bajirocaveo-coasuju. To ĩ bajiveorio s̄igōne ñacōar̄uḡñuju so. To bajiñagō r̄ine, ochenta y cuatro c̄umari c̄uot̄usasuju. Diore yir̄ucub̄uoriavij̄u ñacōari, so quēne Diore ĩre rūcub̄uogo, ĩre so sēnirir̄um̄ari bare babetir̄uḡñuju so. 38 Simeón ĩnare ĩ gotiñarone ĩna t̄uj̄u ejayuju so Ana. ĩnare ĩ gotisere ajicōari, “Quēnaro yiyuja m̄u”, Diore ĩre yivariquēnañuju so. To yigajanocōari, “Rotim̄uor̄uḡōr̄uc̄umi” yiḡu, Dios ĩ cōarocure, “Jerusalén macana quēnaro ñato” yiḡu, ĩnare yirētobosarocure ĩ ejarotire t̄uoīa yuñarāre, “Jēre ruyuyumi”, ĩnare yigotibatoyuju Ana.

Nazaret vāme c̄uti macaj̄u ĩna tudiare queti

39 José, to yicōari, Mar'ia quēne Moisés ñamasir'ire Dios ĩ roticūmasiriarore bajirone yigajanocōañujarā ĩna. To bajiri, Galilea sitare ñarimaca, Nazaret vāme c̄uti macaj̄u Jesúre ĩre āmitudiasujarā ĩna. 40 To baji tudieja, ti macaj̄u ñacōañujarā ĩna. Toj̄u b̄uc̄uayuju Jesús. Quēnaro masir̄utuasuju, ĩ b̄uc̄uar̄utuatore bajirone. To bajicōari, ruj̄u tutuaquēnaḡu ñar̄utuasuju ĩ. To bajiro ĩ bajiñarore ĩre yir̄emor̄uḡñuju Dios.

Diore yir̄ucub̄uoriavij̄u Jesús ĩ tujare queti

41 Nazaretj̄u Jesús ĩ ñatoye, Jerusalénj̄u tocārāca c̄umane Pascua boser̄um̄u ĩarā var̄uḡñujarā ĩ jac̄ua. 42 To bajiri j̄uaāmo cōro, ḡubo j̄ua jēnituaro ñaric̄umari t̄usac̄uj̄u, Pascua boser̄um̄ure ĩaguac̄u, ĩ jac̄ua rāca vasuju Jesús. 43-45 Boser̄um̄u ĩagajano, ĩna tudirir̄um̄u, “To bajiḡumi” yimasiña manone, toj̄une tujacoasuju Jesúj̄uama. To ĩ bajiboajaquēne, “Gājerā rāca baba cutivaḡu bajiḡumi”, yit̄uoīacōañujarā ĩ jac̄uaj̄uama. To bajiro ĩna yit̄uoīa vaboajaquēne, r̄āiorij̄u ĩna t̄uj̄ure ejabesuju. To bajiro ĩ bajijare, ĩna yarāre, ĩna rāca vanare, ĩna masir̄āre sēniacudiboayujarā ĩna. “Maami”, yicōañujarā ĩnaj̄uama. To bajiro ĩna yijare, Jerusalénj̄une ĩre macarā tudicoasujarā ĩna.

46 Toj̄u ejacōari, idiar̄um̄u ĩre macat̄usanaj̄u ĩre ĩab̄ujayujarā ĩna yuja. Diore yir̄ucub̄uoriavij̄u ñañuju ĩ. Toj̄u Dios ĩ rotimasire gotimasiorimasa rāca rujicōari, gāmerā ñagōñañujarā ĩna. 47 ĩ gotisere ajicōari, “Daqueḡu ñaboarine, josasere yua sēnīaboajaquēne, quēnaro t̄uoīacōari, yuare c̄udiami”, ĩre yit̄uoīañujarā ĩna. 48 To ĩna yīñarone, Jesús jac̄ua ĩna t̄uj̄u s̄ajaejacōari, ĩre ĩaucacoasujarā. To bajicōari, ado bajiro ĩre yiyuju ĩ jaco:

—Mac̄u, ¿no yiḡu to bajiro yuare bajiveoati m̄u? B̄uto t̄uoīarejairāne m̄ure macam̄u yua —Īre yiyuju so.

49 To bajiro ĩre so yirone, ĩj̄uama ado bajiro sore c̄udiyuju ĩ:

—¿No yirã yure macari mña? ¿Adi vire yu jacu ï bojasere yu yirotire masibeti mña? —ï jacuare yicudiyuju Jesús.

⁵⁰ To bajiro ï yisere quënarò ajimasibesujarã ïnajuama. “No bajiro yiru yati mani macu”, yituoïacõañujarã. ⁵¹⁻⁵² ï jacojuama, quënarò ajimasibetiboarine, so usajuama quënarò tũoïacõa ñañuju.

To bajiro ïnare ï yiro bero, ï jacua rãca tudicoasuju, Nazaretju. Toju bucuarũtuasuju ï. Bucuarũtuacune, ï jacua ïre ïna rotirore bajiro yirũgũñuju ï. To bajicõari, batobusa masirũtuasuju ï. To bajiro ï bajisere ïre ïavariquënarũgũñuju Dios. Masa quëne, ïre ïavariquënarũgũñujarã ïna.

3

Juan vãme cutigu, masare oco rãca bautizarimasu, yucã manojũ ï gotimasiore queti
(Mt 3.1-12; Mr 1.1-8; Jn 1.19-28)

¹⁻² Cojorũmũ yucã manojũ Zacar'ias macure, Juanre Jordán vãme cutiyaju ïre gotiroticõañuju Dios. To ïre ï gotiroticõarirodore, Tiberio César, juããmo cõro, cojo gabo jediro ñaricãmari ï rotitusaticãmare, cojo sita me ñarãre rotigu ñañuju ï. ïre rotibosarã quëne ñañujarã ïna. Pilato vãme cutigu Judea sitanare ïre rotibosayuju ï. Gãji, Herodes vãme cutigu, Galilea sitanare ïre rotibosayuju ï. Gãji, Herodes bedi, Felipe vãme cutigu, Iturea, to yicõari, Traconite sita ñarãre ïre rotibosayuju, ïma. Gãji Lisaniã vãme cutigu, Abilinia sitanare ïre rotibosayuju. To bajicõari, paia ujarã ñamasurã Anás, Caifás vãme cutirã ñañujarã ïna.

Tirotore Juanre gotirotiyuju Dios. ³ To ï yijare, Jordán vãme cutiya riaga taju ñacõari, ïre ajirã ejarãre ado bajiro gotirũjacudirũgũñuju:

—Rojose mña yisere tũoïasutiritiya mña. To yicõari, “Rojose yirũabeaja yua. Diorãca quënarò ñaruarãja yua” yirã, oco rãca yure bautizarotiya mña. To bajiro mña yijama, rojose mña yisere mñare masiriorũcumi Dios —ïnare yigotiyuju Juan.

⁴ Ado bajiro Juan ï bajirotire ucamasiñuju Isa'ias, Diore gotirẽtobosarimasu ñamasir'i: “Yucã manojũ sigũ masu ado bajiro goticudirũgũrũcumi: ‘Mani uju ejarũcumi. To bajiri, rojose mña yisere yitujacõari, quënasejuare tũoïavasoaya mña, ïre yurã. Uju, ï vadiroto rĩjoro, quënarò quënoyurãma masa. Rojoribedo maa, ñaboaria maare riojo maa gorãma, ï vadiroti maare.

⁵ Goje ti ñajama, sita rãca biberãma. Buri cuti maa ti ñajaquëne, coaquënocũrãma. To bajiro yu yijama, “Jediro rojose mña yisere yitujacõari, quënasejuare tũoïavasoaya mña, mani ujure yurã” yigu yaja yu.

⁶ To bajiro mña yiro bero, rojose mña tãmũoborotire mñare yirẽtobosarocure Dios ï cõagũre ïajediruarãja mña’ yigoticudirũgũrũcumi, yucã manojũ ñacõari”, yiuca-masiñumi Isa'ias ñamasir'i.

⁷ To bajiri oco rãca Juanre bautizarotirã, ejayujarã jãjarã masa. ïna bautizarotirone, ado bajiro ïnare yiyuju Juan:

—Oco rãca mñare yu bautizasere bojaboaja mña. Vãtia uju rojose ï yirore bajirone rojose yijairã ñaja mña. To bajiro bajirã ñari, “Rojose yua yise vaja rojose yure yibetirũcumi Dios”, yituoïa vadiboaja mña. ¿To bajiro mña bajise sũorine rojose mña tãmũorotire masibeatique mña? ⁸ Rojosere yitujacõari, “Quënarò yirã ñaama” masa mñare ïna yĩamasirõtire yirã, quënasejuare yirũgũrona ñaja mña. Ado bajiro yituoïabesa mña: “Abraham ñamasir'i jãnerabatia ñamasurã mani ñajare, rojose mani yise vaja rojose manire yibetirũcumi Dios”, yituoïabesa. Adiari gũtari rãca Abraham jãnerabatiare ï godoveorũajama, godoveomasigãmi Dios —ïnare yiyuju Juan.

⁹ —Oteriyucãri, rica mani yucãrere bajiro bajiaja mña. Rica manijare, quëareacõari, soereariare bajiro yirũcumi Dios. Tire bajirone yiecoruarãja mña quëne, mña

tuoĩavasoabetijama. ¡Quẽnase mũa yibetire ĩacõari, jeame yatibetimejũ mũare rearũcũmi Dios! —ĩnare yiyuju Juan.

¹⁰ To ĩ yigotisere ajicõari, —¿No bajirojũa yũa yiro tire bojati Dios? —ĩre yisẽniĩañujarã ĩna.

¹¹ To bajiro ĩre ĩna yisẽniĩarone ado bajiro ĩnare cadiyuju Juan:

—Jũase sudirori cõorã, cojase ĩsima, sudi magũre. Bare cõorã, bare magũre ecaba — ĩnare yicadiyuju Juan.

¹² Ujũre gãjoa sãnibosarimasa quẽne ejayujarã, Juanre oco rãca bautizarotirã. Ejacõari, ado bajiro ĩre sãnĩañujarã ĩna quẽne:

—Gotimasiorimasũ, yũajũarema ¿ñiere yũa yiro tire bojati Dios? —ĩre yisẽniĩañujarã ĩna quẽne.

¹³ To bajiro ĩna yirone, ado bajiro ĩnare gotiyuju Juan:

—Mũa ñjarã masare ĩna vaja sãnĩrotiro cõrone sãnĩña. Ti rẽtoro vaja sãnibeticõaña mũa — ĩnare yicadiyuju Juan.

¹⁴ Surara quẽne ado bajiro sãnĩañujarã ĩna:

—¿Yũarema, no bajiro yũa yiro tire bojati? —ĩre yisẽniĩañujarã.

To bajiro ĩna yisẽniĩarone, ado bajiro ĩnare cadiyuju ĩ:

—Gãjerãre ĩmabesa mũa. Socarãne gãjerãre rojose ñagõmacabesa. Mũa moase vajare, mũa ñjarã mũare ĩna vaja yiro cõrone cõovariquẽnaña mũa — ĩnare yicadiyuju Juan.

¹⁵ Masajũama, Juan ĩ gotimasiosere ajicõari, “Rotimũorũgõrũcũmi” yigũ Dios ĩ cõarocũre buto tuoĩayucõa ñarã ñari, “¿ĩne ñaruyuatique?”, Juanre ĩre yitũoĩañujarã, ĩna usũrijũma.

¹⁶ To bajiro ĩna yitũoĩase ñajare, ado bajiro ĩnare yiyuju Juan:

—“Rotimũorũgõrũcũmi” yigũ, Dios ĩ cõagũ me ñaja yũ. Rojose ĩna yisere yitũajacõari, Dios ĩ bojasejũare yirãre oco rãca bautizarũgũaja yũ. To bajiro yũ yiboajaquẽne, yũ bero ejagu ĩ moasejũa quẽnamasucõarũaroja. ĩma, Esp'iritu Santore cõamasirũcũmi, masare. “Dios ĩ bojabetire yaja yũa” yimasicõari, tuoĩavasoarũarãma, Esp'iritu Santo ĩ ejarẽmose rãca — ĩnare yiyuju Juan.

¹⁷ Gajeye ado bajiro masare gotiyuju Juan:

—Yũ bero ejagũjũama, trigo ajere besegũre bajiro yirũcũmi, masare. To bajiri ti gasere yireacõari, soereariarore bajiro yirũcũmi, jeame yatibetimejũ masare cõagũ. To yicõari, quẽnase cõrone juagũre bajiro yirũcũmi, ĩre ajitirãnũrãre juavacũ — ĩnare yiyuju Juan.

¹⁸ Masare gotimasioagũ, cojo vãme me gotirũgũñuju, Cristo quẽnaro ĩ yiro tire gotimasioagũ. ¹⁹ To bajiro ĩnare gotirũgũgũ ñari, Ujũ Herodes, ĩ bedi Felipe manajore Herod'ias vãme cutigore ĩ manajo cutijare, to yicõari, rojose yijaigũ ĩ ñajare, “Rojose yigũ yaja mũa”, ĩre yiyuju Juan. ²⁰ To bajiro Juan ĩ yisere ajicõari, rẽtoro rojose yigũ, tubiberiavijũ Juanre ĩre tubibecũñuju.

Oco rãca Juanre Jesús ĩ bautizarotire queti

(Mt 3.13-17; Mr 1.9-11)

²¹ ĩ tubibe ecoroto rĩjoro, rojose ĩna yisere yitũajacõari, Dios ĩ bojasejũare yirãre oco rãca ĩnare bautizarũgũñuju Juan. To bajiri, Jesús quẽne, rojose yibecũ ñaboarine, oco rãca Juanre bautizarotigũ ejayuju. To ĩ yiecoro bero, Diore, ĩ jacũre sãnĩñuju. ĩre ĩ sãnĩñarone, õ vecajũ ñmũagasero soje jãnacoasuju ti. ²² Ti jãnarone, bujare bajigũ rujiadicõari, Jesús joere rocajeoyuju Esp'iritu Santo. Jesús joere ĩ rocajeorone, ado bajiro yĩ ocaruyuyuju õ vecajũ:

—Yũ macũ, yũ maigũ masu ñaja mũa. Mũa rãca buto variquẽnaja yũ — ĩre yĩ ocaruyuyuju.

Jesús ñicũa ĩna vãme cutimasire queti

(Mt 1.1-17)

²³ Treinta cãmari cõro cõotũsacũ, masare gotimasiosũoyuju Jesús.

To bajiri manire bajiro ruja caticõari ï ruyuare ñajare, “José macu ñaami”, ïre yitõoiañujarã masa. To bajiro ña yitõoia ñajare, ï jacure bajiro bajiyuju José.

José jacu ñamasiñuju El'i.

²⁴ El'i jacu ñamasiñuju Matat.

Matat jacu ñamasiñuju Lev'i.

Lev'i jacu ñamasiñuju Melqui.

Melqui jacu ñamasiñuju Jana.

Jana jacu ñamasiñuju José.

²⁵ José jacu ñamasiñuju Matat'ias.

Matat'ias jacu ñamasiñuju Amós.

Amós jacu ñamasiñuju Nahúm.

Nahúm jacu ñamasiñuju Esli.

Esli jacu ñamasiñuju Nagai.

²⁶ Nagai jacu ñamasiñuju Maat.

Maat jacu ñamasiñuju Matat'ias.

Matat'ias jacu ñamasiñuju Semei.

Semei jacu ñamasiñuju Josec.

Josec jacu ñamasiñuju Judá.

²⁷ Judá jacu ñamasiñuju Joanán.

Joanán jacu ñamasiñuju Resa.

Resa jacu ñamasiñuju Zorobabel.

Zorobabel jacu ñamasiñuju Salatiel.

Salatiel jacu ñamasiñuju Neri.

²⁸ Neri jacu ñamasiñuju Melqui.

Melqui jacu ñamasiñuju Adi.

Adi jacu ñamasiñuju Cosam.

Cosam jacu ñamasiñuju Elmadam.

Elmadam jacu ñamasiñuju Er.

²⁹ Er jacu ñamasiñuju Jesús.

Jesús jacu ñamasiñuju Eliezer.

Eliezer jacu ñamasiñuju Jorim.

Jorim jacu ñamasiñuju Matat.

Matat jacu ñamasiñuju Lev'i.

³⁰ Lev'i jacu ñamasiñuju Simeón.

Simeón jacu ñamasiñuju Judá.

Judá jacu ñamasiñuju José.

José jacu ñamasiñuju Jonam.

Jonam jacu ñamasiñuju Eliaquim.

³¹ Eliaquim jacu ñamasiñuju Melea.

Melea jacu ñamasiñuju Mena.

Mena jacu ñamasiñuju Matatá.

Matatá jacu ñamasiñuju Natán.

Natán jacu ñamasiñuju David.

³² David jacu ñamasiñuju Isa'i.

Isa'i jacu ñamasiñuju Obed.

Obed jacu ñamasiñuju Booz.

Booz jacu ñamasiñuju Sala.

Sala jacu ñamasiñuju Naasón.

³³ Naasón jacu ñamasiñuju Aminadab.

Aminadab jacu ñamasiñuju Admin.

Admin jacu ñamasiñuju Arni.
 Arni jacu ñamasiñuju Esrom.
 Esrom jacu ñamasiñuju Fares.
 Fares jacu ñamasiñuju Judá.
³⁴ Judá jacu ñamasiñuju Jacob.
 Jacob jacu ñamasiñuju Isaac.
 Isaac jacu ñamasiñuju Abraham.
 Abraham jacu ñamasiñuju Taré.
 Taré jacu ñamasiñuju Nacor.
³⁵ Nacor jacu ñamasiñuju Serug.
 Serug jacu ñamasiñuju Ragau.
 Ragau jacu ñamasiñuju Peleg.
 Peleg jacu ñamasiñuju Heber.
 Heber jacu ñamasiñuju Sala.
³⁶ Sala jacu ñamasiñuju Cainán.
 Cainán jacu ñamasiñuju Arfaxad.
 Arfaxad jacu ñamasiñuju Sem.
 Sem jacu ñamasiñuju Noé.
 Noé jacu ñamasiñuju Lamec.
³⁷ Lamec jacu ñamasiñuju Matusalén.
 Matusalén jacu ñamasiñuju Enoc.
 Enoc jacu ñamasiñuju Jared.
 Jared jacu ñamasiñuju Mahalaleel.
 Mahalaleel jacu ñamasiñuju Cainán.
³⁸ Cainán jacu ñamasiñuju Enós.
 Enós jacu ñamasiñuju Set.
 Set jacu ñamasiñuju Adán.
 Adán, Dios ñ rujeosomasir'i ñamasiñuju ñ, masa jediro ñicu.

4

*Dios ñ bojabetire vãtia uju Satanás, Jesúre ñ yirotiñare queti
 (Mt 4.1-11; Mr 1.12-13)*

¹ Jordán ñna yirisaju Juan oco rãca ñre ñ bautizaro bero, Esp'iritu Santo bujare bajigu rujiadicõari, Jesús joere rocajeoejagune, ñre ejarẽmosoyuju, Dios ñ bojarore bajiro Jesús ñ yicõa ñarũgũrotire yigu. To bajivagure yucú manojũ ñre ñmato vasuju Esp'iritu Santo.
² Tojũre cuarenta ñarirũmũri Esp'iritu Santo ñ bojarore bajiro vacudiyuju Jesús. To ñ bajinãrone, vãtia uju Satanás, ñre ejacõari, “Yũ yirotisere yicõari, Dios ñ bojabetire yato” yigu, ñre rotirũgũboayuju. To bajiro ñ bajicudirirũmũrre babesuju Jesús. To bajigu ñari, bũto ñiorijayuju. ³ To bajiro ñ bajijare, ado bajiro ñre yirotiñoayuju Satanás:

—Dios macũne mũ ñajama, adia gũtare, pan godoveoya mũ —ñre yirotiñoayuju.

⁴ To bajiro Satanás ñre ñ yiboajaquẽne,

—Yibeaja yũ. Dios oca masa ñna ucamasire ado bajiro gotiaja: “Bare rĩne ñamasuse me ñaja. Dios ocare mani cãdisejũ ñaja ñamasusema. ‘Bare ti manijare, rijarearũarãja’ yire ti ñaboajaquẽne, rijarere Dios ñ bojabetijama, rijabetirũarãja. Catiñarotire rotigu ñaami”, yigotiaja Dios oca masa ñna ucamasire —ñre yiyuju Jesús.

⁵ To bajiro ñ yiro bero, gũtaũ joeju Jesúre ñmato vasuju Satanás. Tojũ ñmato ejacõari, adi macarũcũro ñarimacari jediro guaro ñre ñojeocõañuju. ⁶⁻⁷ ñre ñogajanocõari, ado bajiro ñre gotiyuju Satanás:

—“Masa ñajedirore rotiya” yigũ, yũre cũcami Dios. Ñna gajeyeũni quẽne, yũ ye ñaja. To bajiri, yũ rĩjorojũna gũsomuniari tuetucõari, “Yũ ujũ ñamasugũ ñaja mũ” yũre mũ yirũcũbũojama, adi sita ñajediro mũre Ñsirũcũja yũ —Jesũre Ñre yiyuju Satanás.

⁸ To bajiro Ñre Ñ yigotiboaajaquẽne, ado bajiro Ñre cũdiyuju Jesũs:

—Yibeaja yũ. Ado bajiro gotiaja Dios oca masa Ñna ucamasire: “Mani ujũ Dios sĩgũrene, ‘Yũ ujũ ñamasugũ ñaja mũ’ Ñre yirũcũbũocõari, cũdire ñaja”, yigotiaja Dios oca masa Ñna ucamasire —Satanáre yicũdiyuju Jesũs.

⁹⁻¹¹ To Ñ yiro bero, Jerusalén macajũ Jesũre Ñre ãmato vasuju Satanás quẽna. Tojũ ejacõari, Diore yirũcũbũoriavi joejũ Ñre ãmato mũjasuju. Ñre ãmato mũjaejacõari, ado bajiro yiyuju Satanás:

—Ado bajiro gotiaja Dios oca masa Ñna ucamasire:

“Ñre moabosarimasa ángel mesare mũre coderotirũcũmi Dios. Mũ quedajama, ‘Gũta joejũ rocajeogũ, Ñ gũbo jearomi’ yirã, mũre boca ñiarũarãma Ñna”, yigotiaja Dios oca. To bajiro Dios oca ti gotijare, Dios macũne mũ ñajama, adojuũne yũre jatiquedi rujiañoña mũ —Jesũre yiboayuju Satanás.

¹² To bajiro Ñre Ñ yiboajaquẽne, Jesũjũama, ado bajiro Ñre yiyuju:

—To bajiro mũ yisere cũdibeaja yũ. “Dios Ñ yiriarore bajiro yũre boca ñiarũarãma ángel mesa” yimasirũ, yũ jatiquediñajama, Dios Ñ bojabetire yigũ yigũja yũ. Gajeye ado bajiro gotiaja Dios oca masa Ñna ucamasire: “ ‘Dios, ‘Yirũcũja’ yiyumi’ yitũoĩarã, ‘¿Yirũ masu yiyujari?’ yimasirũarã, mũna tũoĩarore bajiro mũna yiajejama, quẽnabeaja”, yigotiaja Dios oca masa Ñna ucamasire —Ñre yiyuju Jesũs, Satanáre.

¹³ Rojose Ñre yirotiyeoboa, vacoasuju Satanás, “Bero Ñre yirotiĩagũsa” yigũ.

Jesũs, Galilea sitajũ tudiejacõari, Ñ gotimasiosũore queti

(Mt 4.12-17; Mr 1.14-15)

¹⁴ Satanás Ñ vato bero, quẽna Galilea sitajũ tudicoasuju Jesũs. Tudiejacõari, Esp'iritu Santore cũogũ ñari, Ñ ejarẽmose rãca disejũna mũyariaro mano quẽnaro yiyuju Jesũs, tojũre. To bajiro Ñ yijare, Ñ bajise quetire gotibatoyujarã masa, toana jediro, gajeroana quẽne.

¹⁵ Dios ocare Ñna buerivirijũ masare gotimasiodirũgũñuju Jesũs. To bajiro Ñ yisere ajicõari, “Quẽnaro masigũ ñnaami”, Ñre yiyujarã Ñna, Ñre ajirã jediro.

Nazaret vãme cũti macajũ Jesũs Ñ tudiejare queti

(Mt 13.53-58; Mr 6.1-6)

¹⁶ Nazaretjũ, Ñ bũcũariarojũ tudiejayuju Jesũs. Daquegũ ñagũjũne jud'io masa Ñna usũsãjariarũmũre Dios ocare Ñna buerivire sãjarũgũr'i ñari, usũsãjariarũmũ ti ejaro sãjasuju. Sãjacõari, ejarũju ejayuju. To bajĩñaboa, vãmũrũgũñuju, Dios ocare Ñagotiguagũ.

¹⁷ Ñ vãmũrũgũrone, Diore gotirẽtobosamasir'i, Isa'ias Ñ ucamasire ñaritutire Ñre Ñsiñuju ti viagũ. To bajiro Ñ yirone, titutire jãnacõari, Ñ Ñagotirotijũre Ñabũjayuju. Ñabũjacõari, ado bajiro Ñnare Ñagotiyuju Jesũs:

¹⁸ —“Esp'iritu Santore cũogũ ñari, Ñ ejarẽmose rãca tũoĩacõari, mũare gotiaja yũ. ‘Maioro bajirãre quẽnaro yũ yiroti quetire Ñnare gotirũcũja mũ’ yigũ, ‘Rojose yirũaboarine, tire yibeticõato’ yigũ, yũre cõacami. Sĩgũri yũre masimena, Ñamenare bajiro bajirã, ‘Yũre masiato Ñna’ yigũ, yũre cõacami. Gãjerãma, tubibe ecoriarãre bajiro bajirãre, rojose yisejariarãre, ‘Rojose Ñna yisere yitũjato’ yigũ, yũre cõacami.

¹⁹ “Adirodone ñaja Hũjũ Dios, masare rojose Ñna tãmũoborotire Ñnare Ñ yirẽtobosarotirodo”, Ñnare yigotiaya mũ’ yigũ, yũre cõacami”.

“To bajiro bajirũaroja ti”, yicũcamasiñumi Isa'ias, Dios ocare gotirẽtogũ —Ñnare yĩagotiyuju Jesũs.

²⁰ To bajiro yĩagoti gajanocõari, Ñ Ñaritutire bũacõari, ti viagũre tũoyuju. To yicõa, ejarũjucoasuju yuja, Ñnare bueguagũ. To Ñ bajirone bũto Ñre Ñañujarã Ñna jediro, Ñnare Ñ gotisere ajirũarã ñari. ²¹ To bajiro Ñna bajirone, ado bajiro Ñnare gotiyuju Ñ:

—Jëre adirodone ñaja, “Bajiruaroja” Isa'ias ï yuucamasiriarore bajirone bajirirodo — ïnare yigotiyuju Jesús.

²² To bajiro ï yisere ajicõari, no yimasibesujarã ïna:

—¿No bajiro bajicõari, quënarõ gotimasiomasiati ï? ¿Adi macagu José macu me ñatique? —Jesúre ïre yiyujarã ïna.

²³ To bajiro ïna yisere ajicõari, ado bajiro ïnare yiyuju Jesús:

—Yure rucububeaja mua. Ado bajiro yure yituoïaja mua: “Capernaum vãme cutojũ ïaïñañamani ï yirere ajicajũ mani. Riojo gotigu, ïaïñañamani ï yisere manire quëne yïoato ï”, yituoïaja mua. Mani gotise queti, ado bajiro gotiaja: “Sïgũ, uco yigu, ï rijajama, ï masune uco yi, caticoacami. To bajiro ï bajisere ïacõari, ‘Uco yigu masune ñaami’ yimasirãja mani”, yigotiaja. Ti ïnare yure gotirua tuoïaja mua, ado bajiro yu yisere bojarã ñari: “Ïaïñañamani yigu masu mũ ñajama, Capernaumjũ ïaïñañamani mũ yïorere bajiro mũ ya macanare quëne yïoroti ñaja”, yure yiboarãja mua —ïnare yigotiyuju Jesús.

²⁴ To yigajano, ado bajiro ïnare gotiyuju quëna:

—Riojo mure gotiaja yu. Diore gotirëtobosarimasu gajerojũ Dios ocare ï gotimasiodudijama, ïre ajirucuburõama. To bajiboarine, ï ya macanare Dios ocare ï gotimasiojama, ïre ajiterãma. To bajirone bajiaja yure quëne —ïnare yiyuju Jesús. ²⁵ —To bajirone bajimasiñuju ti, mani ñicure quëne. Diore gotirëtobosamasir'i, El'ias vãme cutigure, ï yarã ñamasiriarã, ïre ajitemasiñujarã ïna. El'ias ï ñarirodori yoaro oco quedibetimasiñuju. Idia cãma jediro gaje cãma gudareco oco quedibetimasiñuju. To bajiro bajica yiro, bare manimasiñuju. Manajua rijaveomasiriarã, tirodori jãjarã ñamasiñujarã ïna. ²⁶ To bajiri El'ias ï ejarëmorotire bojarã, jãjarã ïna ñaboajaquëne, ïna tujure cõabecane, “Sidón vãme cuti maca tu ñarimaca, Sarepta vãme cuti maca ñagõjare sore ejarëmoaya” yigu, ïre cõamasiñuju Dios. ²⁷ Eliseo vãme cutigu, Diore gotirëtobosamasir'ire quëne, to bajirone bajimasiñuju. ï ñarirodori, mani ñicua ñamasiriarã, gase boarã jãjarã ñamasiñujarã ïna. Jãjarã ïna ñaboajaquëne, ïnare catiobetimasiñuju ï. ïnare catiobetiboarine, gãjerã masujare, Siria sitagure Naamán vãme cutigure catiomasiñuju Eliseo —ïnare yigotiyuju Jesús, Dios ocare ïna buerivi rëjarãre.

²⁸ To bajiro ï yigotisere ajicõari, ïna jedirone buto jünisiniñujarã. ²⁹ To bajiro bajirã ñari, Jesúre ñiacosujarã ïna. Gũtau ñañuju ti, ïna ñarimaca tujũ. “Tiũ gũtau joeju ïre turocaqueoto mani” yirã, Jesúre ñia vaboayujarã ïna. ³⁰ ïre ïna ñia vaboajaquëne, no yimasiña manone ïna vatoane vacoasuju Jesús.

Masu usujũ sãñagũre vãtire Jesús ï burocare queti

(Mr 1.21-28)

³¹⁻³² Galilea sitare ñarimaca, Capernaum vãme cuti macajũ vasuju Jesús. Ti macajũ ejacõari, ususãjariarũmu ti ejaro, Dios ocare ïna buerivijũ ïnare gotimasioñuju ï. Ujure bajiro bojonebecane quënarõ ï gotimasiojare, ajïñañamani ï gotise ti ñajare, no yimasibesujarã ïna.

³³ Ti vire sïgũ ïmu ñañuju, ï usujũ vãti sãñagũ. ï usujũ sãñacõari, ado bajiro Jesúre ïre avasãñuju vãti:

³⁴ —Jesús, Nazaret vãme cuti macagu, ¿no yigu yua tu vadiati mũ? ¿Yure gõjanabiobesa! ¿Rojose yua yise vaja, rojose yure yigugũ vadiati mũ? Mure ïamasajaja yua. Rojose yigu me, Dios ï cõar'i ñaja mũ —Jesúre yivasãñuju vãti.

³⁵ To ï yirone, oca tutuase rãca ado bajiro ïre yiyuju Jesús:

—¿Ñagõbesa mũ! ¿To yicõari, ï usujure budigoya! —vãtire ïre yiyuju Jesús.

To ï yirone, rijaquedirotiyuju vãti, masure. To yicõari, rojose ïre yirugũ ñaboarine, rojose ïre yibecane, ïre budigocoasuju yuja. To ï bajijare, masujama quënaejacoasuju.

³⁶ To bajisere ïacõari, ti vi ñarã jediro no yimasibesujarã ïna, ti ïnare ïabetirũgũriarã ñari. To bajicõari, ïna masune ado bajiro gãmerã sëñañujarã:

—¿No bajiatí? Ajíñañamani oca manire gotimasiogũ yami. Buto masigũ ñaami. Vãtia buto masirã ña ñaboajaquẽne, masa usurijure sãñarãre ñare bureamasiamí —gãmerã yiyujarã ña.

³⁷ To bajiro Jesús ñ yíñasere masa ña gotibatojare, Galilea sitana tire ajijedicõañujarã ña.

Pedro ñmañicore Jesús ñ catiore queti
(Mt 8.14-15; Mr 1.29-31)

³⁸ Dios ocare ña buerivijũ ñar'i, budiasuju Jesús, Simón Pedro ya vijũ vacũ. Ti vijũ sãjaejacõari, Pedro ñmañicore ñañuju. So rujũ buto asicõari, bũburibũjayuju so. To bajiro so bajijare, Jesús sore ñ catiosere bojayujarã ña. ³⁹ To bajiro ña yirone, so tũ ejarũgũcõari,

—So rujũ asise, tũjaya —yiyuju ñ. To bajiro ñ yirone, sore rujũ asiboase sore tũjacoasuju. To bajiro sore ñ yicatiorirĩmarone, vãmũrũgũcõari, bare ñare ecayuju so.

Jãjarã, rijaye cutirãre Jesús ñ catiore queti
(Mt 8.16-17; Mr 1.32-34)

⁴⁰ Tijũ bero, rãiorijũ Jesús tũjũ juajayujarã, rijaye cutirãre. To ña bajisere ñacõari, tocãrãcũre ñ ãmori ñũjeocõari, ñare catioyuju Jesús. ⁴¹ Vãti sãñarãre quẽne juajayujarã. ñare quẽne, ña usurijũ sãñarãre vãtiare bureayuju Jesús. To ñ yirone, “Dios macũne ñaami” yimasirã ñari,

—Dios macũ ñaja mũ —vãtia ña yiavasãjare, ñare ñagõrotibesuju Jesús, “ ‘Masa rojose ña tãmũoborotire ñare yirẽtobosacõari, “Rotimũorũgõrucũmi” yigũ, Dios ñ cõar'i ñaami Jesús’ masare yiajioroma” yigũ.^a

“Gaje macarianare quẽne, quẽnase quetire goticudirocũ ñaja yũ”, Jesús yire queti
(Mr 1.35-39)

⁴² Gajerũmũ, busurijũ, masa manojũ vacoasuju Jesús, Diore sẽnighũacũ. To ñ bajiboa-jaquẽne, ti macana, ñre macasũya, ejacoasujarã ña. Tojũ ñre ñabũjacõari,

—Yũ rãca tudiaya mũ. Gãjerã ña ñarojũ vabesa mũ —ñre yiboayujarã ña. ⁴³ To bajiro ña yisere ajicõari, ado bajiro ñare yicũdiyuju Jesús:

—Tudiabeaja yũ. Gaje macarianare quẽne, quẽnase quetire goticudirũgũrocũ ñaja yũ. “Ujũ Dios yarã quẽnaro ñ yirona mũa ñarũajama, rojose mũa yisere yitũjacõari, yũre ajitirãnũña”, ñare quẽne yigotimasioroti ñaja. “To bajiro yicudiato” yigũ, yũre cõacami Dios —ñare yicũdiyuju Jesús.

⁴⁴ To bajiri, gaje macariana jud'io masa Dios ocare ña buerivirijũ sãjacõari, quẽnase quetire gotimasioducudirũgũñuju Jesús.

5

Vai sãarimasare Jesús ñ jire queti
(Mt 4.18-22; Mr 1.16-20)

¹ Cojorũmũ Genesaret vãme cutira utabũcũra tũjũ ñañuju Jesús. To ñ bajiro ñacõari, jãjarã masa ejayujarã. ña ejaro ñacõari, ñare gotimasio ñañuju ñ. To bajiri ñ gotimasiosere buto ajirũarã ñari, ñ tũre jãjarãbũsa ejayujarã masa. ² To bajiri ñ rũgõboarijure rũgõbibecõañujarã. To ña bajijare, jũ cũmuari masa maniarĩ jayasere ñabũjayuju ñ. Vai sãarimasa ña bajiyucũrĩre coerã ña vãgãgoriari ñañuju. Coja ñañuju Pedro yaga. ³ Tia tũ ñañuju Pedro, vai sãñar'i ñ bajiyucũrĩre coeñagũ. To bajiri tiare vasãjacõari,

—Quẽnaca yũre ñũviojoya mũ —Pedrore ñre yiyuju Jesús. ñre ñ ñũviojoro bero, cũmuaju sãñacõari, masare gotimasioñuju quẽna. ⁴ ñare gotimasio gajanocõari, ado bajiro Pedrore ñre yiyuju:

^a 4:41 “Masare ñ rijabosarotirũmũ ti ejabetijare, vãtiare ñagõrotibesuju Jesús”, yiyujarã sigũri, Dios oca masa ña ucamasire buerẽtoburimasa.

—ĭġġaroġu vijajajacġari, muu bajiyucure rearoderuuya muu! —ĭre yiyuju. ⁵ To bajiro ĭ yisere ajicġari, ado bajiro ĭre yicġdiyuju Pedro:

—Yuu uġu, jġju ņami yuu bajiyucure rearoderuu ņamicutiboabu yuu. Vai, mama ĭna. To bajiboarine yuare mu rotijare, rearoderuu ĭaruarġja quġna —Jesure yicġdiyuju Pedro.

⁶ To bajiri, uġaroġu vijajajacġari, ĭna bajiyucure rearoderuucġari, tġajġmġoboayujarġ ĭna. ĭna tġajġmġoboaro, jġjarġ ĭna sġajare, ĭna bajiyucuri vocoabusa bajiyuju. ⁷⁻¹⁰ To ti bajijare, gġjerġ vai sġarimasare jiyujarġ ĭna, “Yuare ejarġmoroaya” yirġ. To ĭna yirġ, ĭna tġu eġacġari, ĭna ya cġmuaju vaire juasġġujarġ ĭna quġne. Juu cġmuajune rujaruabusaroġu yijġmġojocġaġujarġ. Pedro rġcana ņaġujarġ Zebedeo rġa, Juan vġme cutigġ, to yicġari, Santiago vġme cutigġ. Jġjarġ vai ĭna sġjaro ĭaucajedicoasujarġ ĭna, ti unire ĭabetirġgġriarġ ņari. Tire ĭaucacġari, Jesus ture gġsomuniari tuetucġari,

—Masirġtogġ ņaja mu. To bajiro yigġ ņari, quġnaro yigġ mu ņasere masiaja yu. Dios ĭ bojarore bajiro yigġ me ņaja yuu. Yuare baba cutirġabecġja mu, quġnagġ ņari —Jesure yiyuju Pedro. To bajiro ĭ yisere ajicġari, ado bajiro ĭnare yiyuju Jesus:

—Yuare gġibeticġaġa mu. Vai sġarimasa mu ņaserema jġre moagajanocġaja mu. To bajiri yucurema masa yuare ĭna ajitirġnrotijare yuare moabosarġ ņarġgġruarġja mu —ĭnare yigotiyuju Jesus.

¹¹ To bajiro ĭ yijare, ĭna cġmuarire vejamacġ, to yicġari, ĭna gajeyeunire quġne cġcġa, ĭre ņyacoasujarġ ĭna.

Gase boagure Jesus ĭ catiore queti

(Mt 8.1-4; Mr 1.40-45)

¹² Cojorġmu macaju Jesus ĭ ņaro, ĭ tġu eġayuju rijaye cutigġ, ĭ ruġu jediro gase boagġ. Jesure ĭacġari, gġsomuniari tuetuyuju, ĭre rġcġmġogġ. To yicġari, ado bajiro Jesure ĭre yiyuju:

—Yu uġu, yu cġmire mu yarġajama, yaya —ĭre yisġniġuju ĭ.

¹³ To bajiro ĭre ĭ yisere ajicġari,

—Mu cġmire yarġcġja yu —ĭre yigġne, ĭre moaġaġuju Jesus. To bajiro ĭ yirirġmarone, ĭ cġmi ĭre yaticoasuju yuja. ¹⁴ To ĭre yigajanocġari, gġjerġre ĭre gotirotibesuju Jesus. To bajiro ĭre yicġari, ado bajiro ĭre yiyuju:

—Yucġacane paire mu ruġre ĭoaya. Mu ruġre ĭre ĭogġne, Moisere Dios ĭ roticġmasiriarore bajiro vaibucġrġ ecariarġre sġacġari, paire ĭre ĭsima, Diore rġcġmġogġ. To mu yisere ĭacġari, “Caticoasumi”, yirġarġma masa —ĭre yiyuju Jesus, gase boaboarġre.

¹⁵ To bajiro ĭ yisere masa ĭna masisere ĭ bojabetiboajaquġne, Jesus ĭ yirġase quetire ajjedicġaġujarġ. To bajiri, jġjarġbusa masa ejarġgġġujarġ, Jesus tġure, ĭ gotisere ajirġ, to yicġari, ĭna rijaye cutisere ĭre catiorotirġ. ¹⁶ To bajiro ĭna bajiboajaquġne, masa manoġu ĭnare cġmotadiveocoarġgġġuju Jesus, Diore ĭre sġnigġ vacġ.

Micagure Jesus ĭ catiore queti

(Mt 9.1-8; Mr 2.1-12)

¹⁷ Cojorġmu Jesus masare ĭ gotimasio ņarore, fariseo masa, Dios ĭ rotimasire gotimasiorimasa quġne ajirujiyujarġ ĭna. ĭna ņaġujarġ Galilea sita ņarimacariana, to bajicġari, Judea sita ņarimacariana. Gġjerġma, Jerusalġn macana ņaġujarġ. To ĭna ajirujirone, Dios ĭ masise rġca rijaye cutirġre ĭnare catioĭoġuju Jesus. ¹⁸ To bajiro ĭ yirġarone, micagure ġmiayujarġ. ĭre ġmiadicġari, Jesus tġu cġruaboayujarġ ĭna. ¹⁹ To ĭna yirġaboarore jġjarġ masa ņabibecġaġujarġ. To bajiri, vijare sġjamasibesujarġ. “Tire bajicġaja” yirġ, vi joeġu ĭre ġmimġjasujarġ. ĭre ġmimġjacġari, Jesus ĭ rġgġro vecare goje yijorayujarġ. To yigajano, micagure ĭ jesariġ rġcane ĭre jidirujio ejoyujarġ, Jesus tġu. ²⁰ “Micagure ĭamaicġari, ĭre catiorġcġmi Jesus” ĭna yitġoġasere ĭamasicġari, micagġjure ado bajiro ĭre yiyuju:

—Roġose mu yirere mre masirġocġaja yu —ĭre yiyuju Jesus.

²¹ To ĩ yisere ajicōari, Dios ĩ rotimasire gotimasiorimasa, fariseo masa quēne, ado bajiro t̄oĩañujarã ĩna:

—¿No yig̃a to bajise yati ĩ? To bajiro ĩ ñagōjama, Diore ĩre r̄uc̄ub̄obec̄a yami. Dios s̄ig̃ane ñag̃umi, ti ũnire yimasig̃uma —yit̄oĩañujarã ĩna.

²² To bajiro ĩna yit̄oĩasere ĩamasicōari, ado bajiro ĩnare yiyuju Jesús:

—“ ‘Diore bajiro masa rojose ĩna yisere masiriomasiaja’ yisocaami”, yure yit̄oĩaboaja m̄aa. ²³ “Rojose m̄a yirere masiriocōaja” ȳa yicōa t̄ajajama, “Soc̄a yami. Soc̄a me yami”, yure yĩamasig̃u mag̃umi. To bajiboarine, micag̃are, “V̄um̄ur̄ug̃ucōari, vasa” ĩre ȳa yijama, “Soc̄a me yami. Rojose ĩ yirere masiriocōami”, yure yĩamasir̄aja m̄aa. ²⁴ To bajiri, “ ‘Dios ĩ roticōacac̄a ñari, Diore bajirone masare rojose ĩna yisere masiriomasig̃u ñaami’ yure yĩamasiato” yig̃u, āni micag̃are ado bajiro ĩre yaja ȳa: “V̄um̄ur̄ug̃ũña m̄a. M̄a jesarij̄ure āmiña. To yicōari, m̄a ya vij̄a tudiasa”, ĩre yaja ȳa —ĩre yiyuju Jesús.

²⁵ To ĩ yirir̄imarone, masa jediro ĩna ĩaro r̄ijoro v̄um̄ur̄ug̃ucōari, ĩ jesarij̄ure āmi, ĩ ya vij̄a vacoasuju ĩ yuja. “Quēnaro yaja m̄a”, Diore ĩre yivariquēna vasuju ĩ. ²⁶ To bajiro Jesús ĩ yisere ĩaucacoasujarã masa. “Ti ũnire ĩabetir̄ug̃uc̄aj̄a mani. Āni, Dios ĩ masise r̄aca yigu yami” yit̄oĩacōari, “Quēnaro yaja m̄a”, Diore ĩre yivariquēnañujarã ĩna.

Lev'ire Jesús ĩ jire queti

(Mt 9.9-13; Mr 2.13-17)

²⁷ Micag̃are catiocōari bero vacoasuju Jesús. To bajivac̄a, Lev'i v̄ame catig̃ure ĩañuju. Ũj̄ure g̃ajoa s̄enibosarimas̄a ñañuju. G̃ajoa s̄enirã ĩna rujirij̄ure g̃ajoa s̄enirujiyuju. To ĩ bajiro, ĩre ĩacōari, ado bajiro ĩre yiyuju Jesús:

—Ȳure ajis̄uyaya —ĩre yiyuju.^b

²⁸ To bajiro ĩ yisere ajicōari, ĩ yere juabec̄ane, Jesúre s̄uyacoasuju ĩ yuja.

²⁹ Bero, ĩ ya vij̄a ejacōari, Jesúre r̄uc̄ub̄og̃u, jairo bare quēnorotiyuju Lev'i. To yicōari, Jesúre, ĩ buerimasare quēne jiyuju. Ũj̄ure g̃ajoa s̄enibosarimasare, to yicōari, g̃ajer̄are quēne jir̄eõñuju ĩ. ĩna ñañujarã “Rojose yirã ñaama” masa ĩna yĩarã. To bajiri, j̄ajarã ñañujarã ĩ jir̄eõriarã. ³⁰ To bajiri, Jesúr̄aca ĩna bañarone, ejayujarã fariseo masa, Dios ĩ rotimasire gotimasiorimasa quēne. ĩna ñañujarã, Moisére Dios ĩ rotic̄umasirere buto ajir̄uc̄ub̄orã, rojose yirã r̄aca ñar̄amena. To bajiri, ĩna bañaroj̄a ejacōari, ado bajiro Jesús buerimasare ĩnare s̄eniñañujarã:

—¿No yirã ānoa rojose yirã r̄aca bati m̄aa? —ĩnare yis̄eniñañujarã ĩna.

³¹ To bajiro ĩna yisere ajicōari, ado bajiro ĩnare c̄adiyuju Jesús:

—Catiquēnarãma, ũco yig̃ure bojamenama. Rijaye catirã r̄ĩne ĩre bojarãma ĩna. ³² To bajiro bajiaja yure quēne. “Rojosere yirã me ñaja ȳa” yirãma, yure bojamenama. “Rojose yirã ñaja ȳa” yirã r̄ĩne yure bojarãma. Quēnase yir̄are jig̃uag̃u me, adi macar̄uc̄uroj̄ure vadicāaj̄a ȳa. Rojosere yirã, “Rojose ĩna yisere yit̄ajato” yig̃u, vadicāaj̄a ȳa —ĩnare yiyuju Jesús.

“Mani s̄utiritisere ĩacōari, quēnaro manire ejar̄emor̄uc̄ami Dios” yirã, bare babetire queti

(Mt 9.14-17; Mr 2.18-22)

³³ To ĩ yiro bero, Jesúre s̄eniñañujarã s̄ig̃uri:

—Juan v̄ame catig̃u, masare oco r̄aca bautizarimas̄a buerimasa, to yicōari, fariseo masa quēne, mani ñic̄aa ĩna yimasiriarore bajiro Diore ĩna s̄enirir̄um̄irema bare babetir̄ug̃ũama. ¿No yirã tire yibeati m̄a buerãma? —Jesúre yis̄eniñañujarã ĩna.

³⁴ To ĩna yisere ajicōari, ado bajiro ĩnare gotimasioñuju Jesús:

—S̄ig̃ũ ĩ āmosiarir̄um̄ure ĩre variquēnaejar̄emorã ñarãma. To ĩ ũmato yĩnaro cōro ĩre variquēnaejar̄emoc̄o ñarãma. ĩnare bajiro bajiam̄a ȳa buerã. Ȳa r̄aca ñari, variquēnac̄o ñaama. “S̄utiritimena ñari, no yirã bare babetic̄ōa yimenama” yimasire ñaja. ³⁵ To

b 5:27 Leví, j̄ua v̄ame, v̄ame catig̃u ñañuju. Gaje v̄ame, Mateo v̄ame catiyuju. Leví, hebreo oca r̄aca, Mateo romano oca r̄aca yir̄naro yaja.

bajiboarine, cojorũmũ yũre ãna ñiavato ãacõari, bare bamenane Diore sãnirũgũrũarãma, “Mani sutiritisere ãacõari, quẽnaro manire ejarẽmoato Dios” yirã —ĩnare yiyuju Jesús.

³⁶ To yicõari, quẽna gaje gotimasioire queti ado bajise ãnare gotirẽmoũju Jesús:

—Mame oca yũ gotimasiose ricati ti ñajare, yũ ye rãca mani ñicua ãna yimasirere mũa tũoĩavũojama, quẽnabeaja. Sudiro bũcũase ti vojama, sudiro mamasere voãmicõari, tiatumenaja mani, bũcũase vorijũre. To bajiro mani yijama, sudiro mamasere yiro-jocõarãja mani. To bajicõari, bũcũase rãca quẽnaro ruyubetoja mamaseagajũ rãca mani tiaturijũ ñari. To bajiri bũcũase, mamase rãca mani tiavũobetore bajiro, mame oca yũ gotimasiosere, mani ñicua oca rãca tũoĩavũobesa mũa. ³⁷ To bajirone bajiaja uye oco quẽne. Mame uye ocore, vaibũcũgaserone quẽnorĩajoa bũcũjoajũare jiomenaia mani. Bũcũjoajũare mani jiojama, jãmũsĩnituca yiro, yivocõaroja tijoajũare. To bajiro mani yijama, uye ocore, vaibũcũgaserone quẽnorĩajoare quẽne to bajirone yireacõa tũjana yirãja mani. ³⁸ “To bajirobe” yirãma, mame uye ocore vaibũcũgaserone quẽnorĩajoa, mamajoajũare jiore ñaroja. To yicõari, uye oco, vaibũcũgaserone quẽnorĩajoa quẽne, cojoro cõro quẽnaro ñarũaroja. To bajiri mame uye ocore, bũcũjoajũare mani jiojetore bajiro mame oca yũ gotimasiosere, mani ñicua oca rãca tũoĩavũobesa mũa. ³⁹ To bajiro mũare yaja yũ, ado bajiro ti bajijare: Mani gotise queti ado bajiro bajiaja: “Uye oco tirũmũjũ ãna quẽnorere idirũgũrãma, uye oco mame ãna quẽnose idirũamenama, ‘Tirũmũaye ãna quẽnorejũa quẽnaja’ yirã”, yigotiaja mani gotise. To bajirone bajiaja mame oca yũ gotimasiose quẽne. Jãjarã tirũmũaye ocare ajirãcũbũosejarãma, mame oca yũ gotimasiosere ajiterãma, “Tirũmũaye ocajũa quẽnaja” yirã —ĩnare yiyuju Jesús.

6

Usũsãjariarũmũ ñaboajaquẽne, Jesús buerimasa trigo ajere tũnejuacõari ãna bare queti (Mt 12.1-8; Mr 2.23-28)

¹ Usũsãjariarũmũ ti ejaro, trigo oterivase cõtore vasujarã, Jesũrãca. To bajivanane, trigo ricare tũnejuacõari, ãna ãmorine ti gasere sĩguẽreacõari, bayujarã ãna. ² Tire ãna basere ãacõari, sĩgũri fariseo masa ado bajiro ãnare yiyujarã:

—Usũsãjariarũmũ yire mere yaja mũa —ĩnare yiyujarã.

³ To bajiro ãna yisere ajicõari, ado bajiro ãnare cũdiyuju Jesús:

—¿David ñamasir'i, ã babarã rãca ñiorijacõari, ãnare ã ũmato bamasirere masibeaia mũa?

⁴ Ñiorijarã ñari, “Mani rãca ñagũmi Dios” masa ãna yirivijũre sãjacõari, Diore ãre rãcũbũorã pan gãjerã ãna cũboarerene juacõari, ã babarã rãca bamasiũju ã. To bajiri Moisés ñamasir'i ã gotimasirema, “Paia rĩne barũarãma” ã yimasiboarerene bamasiũjarã ãna. To bajiro ãna yiboajaquẽne, ti vaja rojose ãnare yibetimasĩnũmi Dios. ⁵ Yũ, Dios ã roticõacacũ, “Usũsãjariarũmũre ado bajiro mũa yijama, quẽnaja. To bajirojũa mũa yijama, quẽnabeaja”, yirotigũ ñaja yũ —ĩnare yicũdiyuju Jesús, fariseo masare.

Ãmo ñujobecũre Jesús ã ñujorotire queti (Mt 12.9-14; Mr 3.1-6)

⁶ Gaje semana gaja, usũsãjariarũmũ ti ejaro, Dios ocare ãna buerivijũ tudivasuju Jesús quẽna. Sãjacõari, toanare gotimasioũju. Ti vijũ ñañuju sĩgũ, riojojocatũa ãmo ñujobecũ. ⁷ Dios ã rotimasire gotimasiorimasa, to yicõari, fariseo masa quẽne ñañujarã. “ ‘Jesũs, rojose yimi’ ujarãre ãre yigotiyirorãsa” yirã, Jesũre ãre ãcodeyujarã ãna. “Adirũmũ usũsãjariarũmũre ãni ãmo ñujobecũre ã masise rãca ã ñujorotijama, ‘Dios, Moisére ã roticũmasirere cũdibecũ yimi’ yigotirũarãja mani”, yitũoĩañujarã. ⁸ To bajiro ãna yitũoĩasere ãmasicõañuju Jesús. To bajigũ ñari, ado bajiro yiyuju, ãmo ñujobecũjũare:

—Vũmũrũgũña —ãre yiyuju.

To ã yirone, vũmũrũgũñuju ã.

⁹ To bajiro ïre yicõari, Dios ï rotimasire gotimasiorimasare, to yicõari, fariseo masare quêne ado bajiro ïnare sēniñañuju Jesús:

—¿Ususājariarūmare quêne, no bojagū masare quēnaro mani yijama, quēnabetojari? ¿Disejuare yiroti ñati? ¿Quēnasejuare, rojosejuare yiroti ñati ti? ¿Rijaye cutirāre catiorejuare yiroti ñatique? To yiterā, ¿ïnare sīacõaroti ñatique? —ïnare yiyuju Jesús.

¹⁰ ï sēniñasere ïna cūdisere ajirū, tocārācurene ïnare ïaboayuju. ïna cūdibeto ïaboacū, ado bajiro ïre yiyuju, āmo ñujobecūjuare:

—Mū āmore ñujoya mū —ïre yiyuju Jesús.

To ï yirone, ï āmore ï ñujorone, quēnaejacoasuju yuja. ¹¹ To bajiro ïre ï yijare, Jesúre buto jūnisiniñujarā ïna Dios ï rotimasire gotimasiorimasa, to yicõari, fariseo masa quêne. “¿No bajiro yicõari, Jesúre sīarotirāti mani?”, gāmerā yīñagõñujarā ïna.

Ï ocare goticudisūoronare Jesús ï besere queti

(Mt 10.1-4; Mr 3.13-19)

¹² Cojorūmū burojū majasuju Jesús, Diore sēnigūacū. Tojū Diore sēni ñamicutibusuocoasuju ï. ¹³ ï sēni busuorirūmare, ï buerimasare jirēoñuju Jesús. To bajiri ï tū ïna ejarone, juaāmo cōro, gūbo jua jēnitarirācū ñarā ïnare beseyuju, ï ocare goticudibosaronare. ¹⁴⁻¹⁵ Ado bajiro vāme cutirā ñañujarā: Simón vāme cutiboar'i Pedro vāme cutigū, ï bedi, Andrés ñañujarā. Santiago, Juan, Felipe, Bartolomé, Mateo, Tomás ñañujarā. Alfeo macū, Santiago, to yicõari, Simón vāme cutigū, celote yere tūoñaboar'i ñañuju. ¹⁶ Santiago macū, Judas vāme cutigū ñañuju. Tū sagū Judas Iscariote vāme cutiyuju. ï ñañuju Jesúre ïsirocar'i. To bajiri juaāmo cōro, gūbo jua jēnitarirācū ñañujarā Jesús ï beseriarā.

Masa jājarāre gotimasiocõari, rijaye cutirāre Jesús ï catiore

(Mt 4.23-25)

¹⁷ ï beseriaro bero, ïna rāca rojaejayuju ï, rujatūcurorijū. Tojū gājerā Jesús buerimasa ïre ñayuyujarā ïna. Judea sita ñarimacariana, gājerāma, Jerusalén macana ñañujarā. Gājerā moa riaga tūana, Tiro macana, to yicõari, Sidón macana quêne ñañujarā ïna. ï gotimasiosere ajiruarā, to yicõari, ï catiosere bojarā, ïre ñayuyujarā ïna. ¹⁸ ïna usurijure vātia sāñarā ñari, rojose tāmūorā quêne ñañujarā. ïna usurijure sāñarāre vātiare bureayuju Jesús. ¹⁹ To yicõari, tocārācū rijaye cutirāre quêne catioyuju. To bajiro ï yisere ïacõari, masa jediro ïre moañarūayujarā, “Manire quêne catioato” yirā.

Variquēnaronare, to yicõari, rojose tāmūoronare Jesús ï gotimasiore queti

(Mt 5.1-12)

²⁰ ïnare catiogajano, ï buerimasare ïacõari, ado bajiro ïnare gotiyuju ï:

—“Masimena ñari, mū ejarēmose buto bojaja yua”, Diore ïre yisēnirūgūrāma, ï yarā ñarāma. To bajiri, rojose tāmūoboarine, Dios tūjū variquēnarona ñarāma.

²¹ Yucarire Dios ï bojabetire yicõari, tūoñasutiritiñarā quêne, variquēnarona ñarāma, berojū ïna tūoñasutiritisere Dios ïnare ï yirētobosaroti ti ñajare.

²² Dios ï roticõacacure, yure mūa ajitirūnūse sūorine gājerā mūare ajatud'icõari, “Rojorā ñaama” mūare ïna yisocaboajaquêne, variquēnarūarāja mūa. ²³ To bajiro mūare ïna yiboajaquêne, buto variquēnaña mūa, “Berojū Dios tūjū ejarā, quēnase bujarūarāja” yimasirā ñari. Mūa rījoroana, Diore gotirētobosamasiriarāre quêne, rojose mūare ïna yirore bajirone ïnare quêne rojose yimasiñujarā masa.

²⁴ Gājerāma, gajeyeūni jairo cūovariquēnarā ñari, Diore bojamena ñarāja mūa. Adigodojū variquēnarā ñaboarine, berojūma sutiritiruarāja.

²⁵ Gājerāma, “Disejua yūare ruyabeaja” yivariquēnarā ñari, Diore bojamena ñarāja mūa. Adigodojūre variquēnarā ñaboarine, berojūma variquēnabetiruarāja mūa.

Gãjerãma, mua rijato bero mua bajiro tire tuoïamenane, adigodoayere tuoïacõari ajarãma, beroju, otiruarãja mua.

²⁶ Masa, “Quẽnaro yirã ñaama” muare ña yisere ajicõari, variquẽnaboaja mua. To bajirone bajimasijũju tirũmũju. “Diore gotirẽtobosarimasa ñaja yua” yitomasiriarãre, “Quẽnaro yirã ñama” ñnare yirũcũbũomasiboayujarã mua ñicua.

“Manire ñaterãre quẽne mani ñamaijama, quẽnaja”, Jesús ñ yigotimasiore queti
(Mt 5.38-48; 7.12)

²⁷ Yũre ajitirũnarãre ado bajise muare rotiaja yũ: Muare ñaterãre quẽne ñamaiña. Ñnare ñamaicõari, quẽnaro yiya. ²⁸ Rojose muare yirãre quẽne quẽnaro ña ñarotire, Diore ñnare sãnibosaya mua. ²⁹ Cojojacatua, mua vayujuare ñ jajama, gajecacatuare quẽne ñre jarotiya. Sĩgũ, mua sudirore joeagarore ñ veaãmijama, jubeagarore quẽne ñre veaĩsicõaña. ³⁰ No bojarã mua gajeyeũnire ña sãnijama, ñsiña. Mua gajeyeũnire juarudigũre, “Yũre tuoya”, ñre yibesa mua.^c ³¹ Gãjerã quẽnaro muare ña yisere bojaja mua. To bajiri quẽnaro muare ña yisere bojarã ñari, quẽnaro ñnare yiya mua quẽne.

³² Muare ñamairã rĩne mua ñamaijama, ¿“Quẽnaro yaja mua”, muare yĩlagũjari Dios? Yibecũmi. Rojose yirã quẽne, ñnare mairã rĩrene ñnare ñamairũgũrãma ña. ³³ Quẽnaro muare yirã rĩrene quẽnaro mua yijama, ¿“Quẽnaro yaja mua”, muare yĩlagũjari Dios? Yibecũmi. Rojose yirã quẽne, quẽnaro ñnare yirã rĩrene quẽnaro yirũgũrãma ña. ³⁴ Muare tuomasirã rĩrene no bojasere mua vasoajama, ¿“Quẽnaro yaja mua”, muare yĩlagũjari Dios? Yibecũmi. Rojose yirã, ñnare tuomasirã rĩrene ña sãnisere ñnare ñsirãma ña quẽne. ³⁵ To bajiri ado bajiro muare gotiaja yũ: Muare rojose yirãre quẽne, ñnare maiña mua. Ñnare quẽne quẽnaro yiya. “Mani ñisere manire tuoũarãma” yituoïamenane, ñnare ñsiña. To bajiro ñnare mua yijama, quẽnamasusere muare uõorũcũmi Dios. “Quẽnaro yaja mua” Diore yimenarene, to yicõari, rojose yirãre Dios ñ mairõre bajirone mua maijama, “Dios rĩa ñaja yua” yĩõrã yirãja mua. ³⁶ Mani jacũ Dios ñ ñamairõre bajirone mua quẽne, masare ñamaiña —ñ buerimasare yigotiyuju Jesús.

“Rojose yirã ñaama. Ti sũori rojose tãtuõũarãma’ yiruarã, ñnare ñabesebesa”, Jesús ñ yigotimasiore queti
(Mt 7.1-5)

³⁷ Quẽna ado bajiro gotiyuju Jesús:

—“Rojose yirã, ñaama. To bajiro yirã ñari, rojose tãtuõũarãma”, gãjerãre ñnare yĩabesebesa. To bajiro mua yijama, “Rojose yirã ñaama”, muare yĩaromi Dios. Gãjerã rojose muare ña yisere mua masiriojama, rojose mua yisere muare masiriorũcũmi Dios quẽne. ³⁸ No bojase ña cõobetijama, ñnare ñsiña. To bajiro mua yijama, ñnare mua ñsirere ñacõiacõari, mua ñsise rẽtobũsaro muare ñsirũcũmi Dios —ñre ajitirũnarãre yigotiyuju Jesús.

³⁹ To yigũne, adi gotimasiore quetire ñnare gotiyuju:

—Sĩgũ ñabecũ, gãji ñabecũre ñ tũavajama, gojeju reasãcõanama, ña juarãjũne.

⁴⁰ Gajeyerema, ñnare buegũ rẽtobũsaro masirã me ñaama ñ buerã. To bajiboarine quẽnaro ña buejeocõajama, ñnare buerimasũre bajirone masirãma ña quẽne.

⁴¹⁻⁴² Gajeyerema, ado bajiro yirãre bajiro yaja mua: Gãji bũto rojose ñ yibetiboa-jaquẽne, “Mũ cajeare sũjuroaca sãñaja. Tijũacare ñmirocatõ” yirãre bajiro yaja mua. Tire bũto ñatirũnarã ñaboarine, mua cajeajũre jairisũjuro sãñarijũre tijũre “Ñmirocaya”, yimasibeaja mua, “Bũto rojorã ñaja yua” yituoïamasimena ñari. Mua rãcagũ ñ yisejuare ñacõari, “Riojo tuoïabeaja mũ. ‘Quẽnasejuare tuoïavasoaya’ yirã, riojo mũre gotiruarãja” yigotirã ñaboarine, “Adi ñaja quẽnase. Tijũa ñaja rojose”, yimasimenaja, ñ rẽtorõ rojose yirã ñari. “Quẽnaro yirã ñaja yua” yituoïaboarine, rojorã ñaja mua. “Bũto rojorã ñaja yua” mua

^c 6:30 “Ado bajiro gotigũ yiyuju Jesús”, yicama Dios ocare gotirẽtoburimasa: “Mani vayujuare jagũre, to yicõari, gajeyeũni manire ñmagũre, to yicõari, gãjerãre no bojase rojose manire yirãre Jesús ñ yijama, ñnare gãmebeticõari, quẽnasejuare yiroti ñaja’ yigũ yiyuju”, yicama ña.

yituoĩamasiro beroju, mua rãcagure ejarẽmomasirãja mua, “Quẽnaro riojo ñato ì” yirã —ĩ buerãre ñare yigotimasioñuju Jesús.

“Ti rica cutise suorine yucure ñamasijaja mani”, Jesús ì yigotimasiore queti

(Mt 7.17-20; 12.34-35)

⁴³ —Gajeyerema, yucú vãnuricũ, “Quẽnase rica cutiricũ ñaja” mani yiboaricũne, quẽnabeti rica cutibetoja. To yicõari, vãnubeti, “Quẽnabeti rica cutiricũ ñaja” mani yiboaricũne, quẽnase rica cutibetoja. ⁴⁴ Ti rica cutise suorine yucure ñamasijaja mani. Quẽnase bare higos vãme cutiũ ricare juaroana, vãtijota yucurijure macamenaja mani. To yicõari, uye juaroana, vidiroju ñaricũ savajotajure macamenaja mani. ⁴⁵ To bajirone bajiaja masare quẽne. Sīgũri quẽnase tuoĩarã ñari, quẽnase yirãma. Gãjerã, rojose tuoĩarã ñari, rojose yirãma. To bajiro bajiaja mua ñagõse quẽne. Masa ña ñagõsere ajicõari, “Rojose tuoĩarã ñaama. Quẽnase tuoĩarã ñaama”, yimasijaja mua. To bajiri ña usurijũ ña tuoĩabujõñaserene, ña riserijũ ñagõburũgũama ña —ñare yigotiyuju Jesús.

“Quẽnaro ñre ajitirũnarã, to yicõari, ñre ajiboarine, ñre cudimenama, ado bajiro bajirãma”, Jesús ì yigotimasiore queti

(Mt 7.24-27)

⁴⁶ Quẽna ado bajiro ñare yiyuju Jesús:

—¿No yirã yũ rotisere cudibetiboarine, “Yũa ujũ” yũre yati mua? ⁴⁷ Yũ gotimasiosere ajicõari, yũ rotirore bajiro yigũma, ado bajiro yigũ ùgũre bajiro bajigũ ñagũmi: ⁴⁸ Ì ùgũ ñagũmi gũtajãijũ gojeri coajocõari, botari rügõcõari, vi buagũre bajiro bajigũ. Vi ì buaro bero, bũto oco quediroja. To bajicõari, riaga jaicoatoja. Ti vijũ ti jaiejacoaboajaquẽne, juriaquedibetoja ti vi. ⁴⁹ Yũre ajiboarine, yũ rotirore bajiro yibecũjũ ñagũmi sita vajarõju vi buagũre bajiro bajigũ. Ti vi ì buaro bero, bũto oco quediroja. To bajicõari, riaga jaicoatoja. Ti vijure ti jaiejarone, yoaro mene juriaquedicoatoja —ñare yigotiyuju Jesús.

7

Surara ujũre moabosarimasũre Jesús ì catiore queti

(Mt 8.5-13)

¹ Gotimasiore queti ñare gotigajanocõari, Capernaum vãme cuti macajũ vasuju Jesús.

² Ti macajure ñañuju romano masũ. Surara ujũ ñañuju ì. Ìre moabosarimasũ, ì maigũ, bũto rijayuju. Bajirocacũjũ yiyuju ì. ³ To bajiri ti macajũ Jesús ì vadire ajicõari, “Ìre catiogũ vadiato Jesús” yigũ, jud'io masa bucurãre ñare cõañuju ì, “Ìre jiaya” yigũ. ⁴ To bajiri Jesús tũjũ ejacõari, ado bajiro ñre yisẽniñujarã ña:

—Yũa tuagũ, romano masũ, surara ujũ, ì queti cõarã bajiaja yũ. “Vadiato Jesús. Yũ maigũ, yũre moabosagũ, bũto rijaami. To bajiri rijacũ yami. Ìre catiogũ vadiato” ì yijare, bajibũ yũ. ⁵ Mani yarã, jud'io masare maiami. To bajiri ñe Dios ocare yũ buerotivire buaroticami. To yigũ ì ñajare, ñre sãnibosarã bajibũ yũ. ¿Ìre moabosagure catiogũ varũabeati mũ? —Jesũre yisẽniñujarã ña.

⁶ To bajiro ña yijare, ña rãca vacoasuju Jesús. Ì cõñatone, gãjerã ujũ ì cõariarã ñre bocayujarã ña. Ìre bocacõari, ado bajise ñre queti gotiyujarã ña:

—“Yũ ujũ, quẽnagũ ñaja mũ”, mũre yami romano masũ. “Yũma, rojose yũ yisere tuoĩabojonegũ ñari, yũ ya vire ñre sãjarotimasibecũja yũ. ⁷ To bajiri, ñre boca bojoneaja yũ”, mũre yami. No yigũ sãjabecũja mũ. “Sãjabetiboarine, ì ñagõtuoĩasene catiomasicõagũmi”, mũre yami. ⁸ “Gãjerã surara ujarã beroagũ ñaja yũ. To bajiri, yũ quẽne, gãjerã surarare rotigũ ñaja yũ. Sīgũre, ‘¡Vasa!’ yũ yijama, vajami. Gãjire, ‘Vayá’ yũ yijama, vadiami. To yicõari, yũre moabosarimasũre, ‘Tire yiya’ yũ yijama, yirũgũami. To bajiri, ì roque rotigũ

masu ñari, adoju sãjadibetiboarine, ï ñagõtuõiasene caticoarucumi”, mure yami —Jesúre yiyujarã ña, romano masu ï gotirotirã.

⁹ To bajiro ï yirere ajicõari, no yimasibesuju Jesús. To bajiri, judarügücõari, jãjarã ïre sũyarãre ado bajiro ñnare gotiyuju:

—Riojo mure gotiaja yu. Israel ñamasir'i jãnerabatia yu yarã ñaboarine, “Masigũ, to yicõari, quẽnagũ ñari, yure yirẽmorucumi” romano masu yure ï yitõõarore bajiro tuõõagũre ïabetirũgũaja yu —ñnare yigotiyuju Jesús.

¹⁰ To bajiro ï yiro bero, romano masu ï gotirotiriarã, vijure sãjacõari, ña ñajama, ïre moabosagure catiquẽnagũ ñagũre ïre ñañujarã ña.

Bajirocar'ire Jesús ï catiore queti

¹¹ To ï yiriaro bero, gaje macaju vasuju Jesús, Na'in vãme cuti macaju. ï buerã quẽne gãjerã quẽne, jãjarã masa ï rãca vasujarã ña. ¹² Ti macaju ña ejaro, bajirocar'i rujurire gajavayujarã ña, ïre yujeroana. Jãjarã masa ña rãca vayujarã ña. ï ñaboar'i jaco quẽne, vayuju. Manaju rijaveorio ñañuju so. Sīgũne macu cutirio ñari, bato otiyuju. So oti vadone sore bocayuju Jesús. ¹³ Sore ïamaicõari,

—To cõrone otitũjaya mu —sore yiyuju ï.

¹⁴ To yicõari, so macu rujuri ña gajarijotire ï moaãejarügũrone, tujarügücõañujarã ña. ña tujarügũrone,

—“Vũmurũjuña” mure yaja yu —ïre yiyuju Jesús.

¹⁵ To ï yirone, vũmurũjuri, ñagõñuju ï yuja, bajirocar'i. To ï bajiro ïacõari, ï jacore tãaĩsiñuju Jesús. ¹⁶ ïre ï catiosere ïacõari, gũiyujarã masa, ti ñnure ïabetirũgũriarã ñari. To bajirã ñari,

—Diore gotirẽtobosarimasu ñamasugũ mani tũjare ejaami yuja. ï yarã mani ñajare, manire ïamaicõari, Jesús suorine manire ejarẽmoami Dios —Diore yirũcũbo variquẽnañujarã ña.

¹⁷ To bajiro Jesús ï yisere ajijedicõañujarã ña, Judea sitana. Ti sita sojuana quẽne, tire ajiyujarã ña.

Juan vãme cutigu, masare oco rãca bautizarimasu ï cõariarã, Jesúre ña sẽnĩare queti (Mt 11.2-19)

¹⁸ Jesús ï yĩnasere masijeocõañuju, Juan, ï buerimasa ña gotise ti ñajare. ¹⁹ Tire ïre ña gotiro bero, juarã ï buerãre sẽnĩaroticõañuju Juan:

—Jesúre, “¿Mũne ñati, ‘Rotimũorũgõrucumi’ yigu, Dios ï cõar'i, ‘Yu bero ejarucumi’ Juan ï yigotimasiocacu? ¿Gãjire yuroti ñatique maji?”, Jesúre yisẽnĩaaya —ñnare yicõañuju Juan.

²⁰ To bajiro ï yicõariarã, Jesús tu ejacõari, ado bajiro ïre sẽnĩañujarã ña:

—Juan vãme cutigu, masare oco rãca bautizarimasu buerã ñaja yua. “ïre sẽnĩaaya” ï yicõajare vabu yua. ¿Mũne ñati, “Rotimũorũgõrucumi” yigu, Dios ï cõar'i, “Yu bero ejarucumi” Juan ï yigotimasiocacu? ¿Gãjire yuroti ñatique maji? —ïre yisẽnĩañujarã ña.

²¹ To bajiro ña yisẽnĩarã ejarone, jãjarã rijaye cutirãre catioõõuju Jesús. Masa usuriju sãñarãre vãtiare quẽne bureaõõuju. To yicõari, caje ïamenare quẽne ñnare ïarotioõõuju. ²² To bajiri, Juan ï cõariarã ña sẽnĩasere ajicõari, ado bajiro ñnare cudiyuju Jesús:

—Ado bajiro Juanre gotiba mu: “Jesús ï masise rãca ï yijare, ïabetiboariarã quẽne ïama. Rujasagueri vaboariarã quẽne, quẽnaro vama. Gase boariarãre quẽne, ña cãmi yatibu. Ajimena ñaboariarã quẽne, ajima. Bajireariarã quẽne, tudicatima. To yicõari, maioro bajirãre quẽne, Dios oca quẽnasere gotimasio ecoma ña”, yigotiba, Juan tũju ejacõari. ²³ To bajiri, “ ‘Quẽnase bujaruarãma yure ajitirũnarã, “Socu me yami”, yure yitõõarãma’ yimi”, ïre yigotiaya —ñnare yiyuju Jesús, Juan ï sẽnĩarotiriarãre.

²⁴ To bajiro ï yisere ajicõari, ña vase rãcane, Juan vãme cutigu, masare oco rãca bautizarimasu ï ñnare quetire gotiyuju Jesús, jãjarã ïre ajiũyarãre:

—Yucá manojm vana, ¿ñimũ ũgũre tũoĩa vacati mũa? ¿Masa ãna bojasere bajiro yirũa tũoĩagũre ãarã vacati mũa? “To bajiro tũoĩagũ me ñacami”, yimasiaja mũa. ²⁵ ¿Ñimũ ũgũre tũoĩarã vacati mũa? ¿Quẽnase sudi sãñagũre tũoĩa vacati? To bajiro me tũoĩararãja mũa. “Quẽnase sudi sãñarãma, quẽnarivirijũ, ujarã ya virijũ ñarãma”, yimasiaja mani. ²⁶ ¿Ñimũ ũgũre tũoĩa vacati mũa? ¿Diore gotirẽtobosarimasure tũoĩa vacatique mũa? Riojo mũare gotiaja yũ. Gãjerã Diore gotirẽtobosarimasa rẽtoro ñagũre ãararãja mũa. ²⁷ Juan ã bajiro tire gotiro, ado bajise gotiaja Dios oca masa ãna ucamasire:

“ ‘Rotimũorũgũrũcũmi’ yigũ, mũre yũ cõaroto rĩjoro, mũre gotiyurocũre cõasũorũcũja yũ maji’ yami Dios. Ñ ñarũcũmi ado bajise gotirocũ: “Yoaro mene ejarũcũmi, ‘Rotimũorũgũrũcũmi’ yigũ, Dios ã cõarocũ. To bajiri rojose Dios ã bojabetire yitũjacõari, ã bojasejũare yi yuya mũa” yigotirocũ ñarũcũmi’ yami Dios”, yigotiaja Dios oca masa ãna ucamasire.

²⁸ Diore gotirẽtobosarimasa ãna gotimasire rẽtoro ñamasuse ñaja, Juan, Diore ã gotirẽtobosasejũa. To bajiro ti bajiboajaquẽne, Juan ã gotise rẽtoro ñamasuse ñaja yũ gotiroticõarã ãna gotise. “Ujũ Dios yarã quẽnaro ã yirona mũa ñarũajama, Jesũre ajitirũnuña” ãna yigotisere yaja yũ. Ñamasurã ñaama, “Ñamasurã me ñaama Jesũs ã gotiroticõarã” mũa yĩĩaboajaquẽne — ã rãca ñarãre ãnare yiyuju Jesũs.

²⁹ Juan ã gotimasiorere ajitirũnuñujarã ãna, ujũre gãjoa sãnibosarimasa. Gãjerã quẽne, jãjarã ãre ajitirũnuñujarã ãna. “Mũ gotirote bajirone bajiaja. Rojose yirã ñaja yũa” yitũoĩacõari, Juanre bautizarotiyujarã ãna, Diore rũcũbũorã. ³⁰ ãna bautizarotiboa-jaquẽne, fariseo masa, Dios ã rotimasire gotimasiorimasa quẽne, Juan ã gotisere ajicõari, “Bajibeaja ti”, yitũoĩañujarã ãnajũama. Dios ã bojasere yirũabesujarã. To bajiri Juanre bautizarotibesujarã ãnama.

³¹ Quẽna ado bajiro ãnare gotiyuju Jesũs:

—Ado bajiro yirãre bajiro yirã ñarãja mũa, adirodoriana: ³² Daquerã, gãjerã rãca ajerũamenare bajiro yirã ñarãja. ãna ajeritũcurojũ rujicõari, gãjerãjũare, ado bajiro ãnare gotirujirãma: “ ‘Basavariquẽnato mani’ yirã, mũare jutibosaboabũ yũa. To bajiro yũa yiboajaquẽne, basabejũ mũa. To bajiri, ‘Rijararãre bũcũrã ãna oticatore bajiro sutiriose boca otirũarãja mũa, yũa basañarone’ yiboabũ yũa. To yũa yiboajaquẽne, otibejũ mũa”, ãnare yigotirãma, ãna rãca ajerũamenare. ³³ ãna rãca ajerũamenare bajiro yirã ñarãja mũa, adirodoriana. Juan, quẽnase bare babeti, quẽnase idire idibeti bajiñañuju ã. To bajiro bajigũ ã ñajare, “Vãti sãñagũ ñagũmi”, ãre yitũoĩacaju mũa, ãre ajiterã ñari. ³⁴ ã bero gotimasiosũocajũ yũ, Dios ã roticõacacũ. Yũjũama, quẽnase bare ba, quẽnase idire idi bajiñaja yũ. To bajiro yigũ yũ ñajare, “Jairo bagũ ñaami. Idimecũgũ ñaami. Ujũre gãjoa sãnibosarimasa, gãjerã rojose yirãre quẽne ãnare baba cutiami”, yũre yĩĩajũnisiniaja mũa, yũre quẽne ajiterã ñari. ³⁵ To bajiro Juanre quẽne, yũre quẽne mũa yise ti ñaboajaquẽne, Dios ã masise rãca yũa yise ti ñajare, berojũ, “Quẽnaro yirã yiboayuma”, yũare yimasirũarãja mũa — ã rãca ñarãre yiyuju Jesũs.

Fariseo masũ ya vijũ Jesũs ã ñare queti

³⁶ Sĩgũ fariseo masũ ñañuju ã, Simón vãme cutigũ. “Bare bagũ vaja”, Jesũre yiyuju ã. To bajiro ã yijare, ã tũjũ vasuju Jesũs. Sãjaejacõari, barujiyuju ã. ³⁷ Ti macajũ rõmio ñañuju rojose yigo. To bajiri, Simón ya vijũ bare bagũ Jesũs ã ejasere ajicõari, gãta sotũ alabastro vãme cuti rãca veariarũ ãmiejayuju so. Sũtiquẽnase sãñaritũ ñañuju tirũ. ³⁸ Jesũs gũbori veca ejarũgũcõari, otiyuju so. So otirone, so caje oco reajeoyuju ti, ã gũborire. To yicõari, so joa ñajone tire vejacaroyuju. Tire vejacarocõari, ã gũborire usuyuju. To yicõari, sũtiquẽnase so juadirere Jesũs gũbori joere yuejeoyuju. ãre rũcũbũogo yiyuju, to bajiro so yijama. ³⁹ To bajiro so yiro ãacõari, ado bajiro tũoĩañuju Simón, Jesũre, “Bare bagũaba” ãre yir’ijũa: “Diore gotirẽtobosagũ masũ ã ñajama, iso rõmiore, ‘Rojose yigo ñaamo’ yĩĩamasicõari, sore

moañarotibetibogumi”, yituoñañuju ĩ. ⁴⁰ To bajiro Simón ĩ tuoñasere masicōari, ado bajiro yiyuju Jesús:

—Gotimasiore queti mure gotigħağħ yaja yħ.

To ĩ yirone,

—Yure gotiya —Jesúre ĩre yicadiyuju ĩ.

⁴¹ To bajiro ĩ yicadirone, ado bajiro ĩre gotiyuju Jesús:

—Ĕmħa ĵuarā ñarāma ĩna, gāĵijħare gājoa vasoariarā. Sīgħ, ĵħa cħma moaroto cħro vaja mogħmi ĩ. Gāĵijħama, ĵuarā muijua moaroto cħro vaja mogħmi. ⁴² Gājoa tuoħaboarāma ĩna, bajirāħma. To bajiri ĩna gājoa mano ĩacōari, “Tone bajicōato. Yure mħa vaja mosere mħare masiriocōaja yħ”, ĩnare yigħmi, ĩnare maigħ ıari. To bajiri, ado bajiro mure sēniħaja yħ: Gājoa vasoariarāre ĩnare ĩ masiriore ıajare, ĵħijħa bħto ĩre maigħjari? —ĩre yisēniħañuju Jesús.

⁴³ To bajiro ĩre ĩ yisēniħarone,

—Yħ tuoñajama, jairo ĩre vaja mor'ijħa, bħto ĩre maigħmi —ĩre yicadiyuju Simón.

To ĩ yirone,

—Riojo yaja mħ —ĩre yiyuju Jesús.

⁴⁴ To yigoticōari, rħmioħare sore ĩagħne ado bajiro Simónre yiyuju Jesús:

—ĵAdiore ĩati mħ? Yure jiboarine, mħ ya vi yħ ejaro, yħ ĵaborire yħ coerotire oco yure ĩsibeħmħ. To bajiboarine adioma so caje oco rāca yħ ĵaborire coemo soma. To yicōari, so joa ıajone yħ ĵaborire vejacoecaromo so. ⁴⁵⁻⁴⁶ Yure sēniğħne, ejarāre mani yarā ĩna yirūğūrore bajiro yure usubeħmħ. To bajiro mħ bajiboajaquēne, sāĵaejagone yħ ĵaborire so usuroħne usutħjabeticōa ıaamo adioma, yure rħcħbħogħ. Mħma, yħ rħjoa joere ĵye sħtiquēnase yure yuejeobeħmħ. Yure rħcħbħobecħ ıari, bajibħ mħ. To mħ bajiboajaquēne, soħama, ĵye sħtiquēnase jairo vaja cħtisere yħ ĵabori joere yuejeoamo so. ⁴⁷ To bajiri quēnaro aħiya mħ. Bħto yure so maisere yĩħomo so. Tire ĩacōari, ado bajiro sore yimasiaja mani: “ ‘Rojose yijaigo yħ ıaboajaquēne, rojose yħ yisere yure masirioğħmi Dios’ yituoñagħ ıaamo”, yimasiaja mani. To bajiboarine, “Diore maibetibħsaja” yigħre ĩacōari, ado bajiseħma yimasiaja mani: “ ‘Bħto rojose yibecħ yħ ıajare, Dios moħoroaca yure ĩ masirioħare, ĩre maibetibħsacōaja’ yituoñagħ ıaami”, ĩre yimasiaja mani —Simónre yiyuju Jesús.

⁴⁸ To yicōari, rħmiore ado bajiro sore yiyuju Jesús:

—Rojose mħ yirūğūrere mure masiriocōamħ yħ —sore yiyuju Jesús.

⁴⁹ To bajiro ĩ yirone,

—ĵNo yigħ to bajise yati ĩ? To bajiro ĩ ıagħjama, Diore rħcħbħobecħ yami. Dios sīgħne ıagħmi ti ũnire yimasigħma —yituoñañujarā ĩna, gājerā “Baroaya” yigħ, Simón ĩ ĵiriarāħma.

⁵⁰ To bajiro ĩna yituoñajare, ado bajiro sore yiyuju Jesús:

—“Rojose yħ yirūğūsere yure masiriocōañumi Dios” mħ yituoñase ıajare, rojose tāmħotħjabetiriaroħmħ mħ vaborotire mure yirētoħosabħ yħ. To bajiri, “Dios ĩ ĩajama, quēnagħ ıaja yħ”, yituoñā variquēna vasa mħ —sore yiyuju Jesús.

8

Jesúre, ĩ buerimasare quēne ĩnare ejarēmorūğūriarā rħmiri

¹ Tijħ bero, cojo maca me ejacudiyuju Jesús, Dios oca quēnasere masare gotimasiodigħ. “Ĕħmħ Dios yarā quēnaro ĩ yirona mħa ıarħajama, rojose mħa yisere yitħjacōari, yure aħitirħñħa”, ĩnare yigotimasiodiyuju. Ti macariħre ĩ rāca vasujarā ĩna, ĩ ocare goticudisħorona, ĵħaāmo cħro, ĵħbo ĵħa ĵēnituarirācħ ıarā. ² Rħmia quēne, ĩna ĵsħrijħ sħñarāre vātiare Jesús ĩ bureariarā, to yicōari, riħaye cħtiriarā ĩ cħtioriarā quēne ıabajiyujarā ĩna, Jesúre sħyarā. Sīgħ, Mar'ia Magdalena vāme cħtigo ıañuju so. Cojomo cħro ĵaje āmo ĵħa ĵēnituarirācħ so ĵsħjħ sħñariarāre vātiare ĩ bureario ıañuju so. ³ ĵajeo, Juana, Cuza manajo, ıañuju so. Cuza, Herodes ya viħmħ codeğħ ıañuju ĩ. ĵajeo, Susana

vãme cõtigo ñañuju so. Gãjerã rõmia quẽne, jãjarã ñañujarã ñna, Jesúre sũyarã. Ñna cõosere Jesúre, ñ buerimasare quẽne ñnare ñsirũgũñujarã ñna, ñnare ejarẽmorã.

Oterimasũ ñ bajirere Jesús ñ gotimasiore queti

(Mt 13.1-9; Mr 4.1-9)

⁴ Jesúre ajirã ñ tũju rẽjarũtuasujarã ñna, gajemacari ñnarã quẽne. To ñna bajiro, ado bajise gotimasiore queti ñnare gotiyuju ñ:

⁵—Sĩgũ oterimasũ, veseju ote ajere otegũ vacũmi. Vese ejacõari, ote ajere ñ reabaterone, gajeye maaju vẽjaquearoja. To bajiri tire cõdarãma masa, maa vana. To yicõari, minia ejacõari, tire bareacõarãma ñna. ⁶ Gajeyema, gãta joeju reajeoroja. To bajicõari, judiboarine, oco manijare, sñnareacoatoja ti. ⁷ Gajeyema, jotayucũ vatoaju vẽjaquearoja. To bajicõari, ti judiboajaquẽne, jotajũna bũcũaveocoatoja ti. ⁸ Gajeyema, sita quẽnaroju vẽjaquearoja. To baji, judibũcũacõari, quẽnase ñacõari, jairo rica cõtiroja. Cojotõ cien ñnaricari rica cõtiejoroja —ñnare yigotiyuju Jesús.

To yigajanocõari,

—Tire mũna ajimasirũajama, quẽnaro tũoĩaña mũna —ñnare yiyuju Jesús.

“Ado bajiro yirũaro yaja oterimasũ ñ bajire queti”, Jesús ñ yigotirẽtobure queti

(Mt 13.10-23; Mr 4.10-20)

⁹ Tiju bero, ado bajiro Jesúre sẽniñañujarã ñ buerimasa:

—Oterimasũ ñ bajire queti mũ gotimasiose, ¿no yire ñni ñnati ti? —Ñre yisẽniñañujarã ñna.

¹⁰ To bajiro ñna yisẽniñajare, ado bajiro ñnare cõdiyuju ñ:

—“Uju Dios yarã quẽnaro ñ yirona yũna ñnarũajama, ado bajiro yiroti ñaja” ñna yimasibeticatire Dios ñ masise rãca ajimasijaja mũnama. To bajiboarine, gãjerãjuama, yũ yĩosere ñarã ñaboarine, to yicõari, yũ gotisere ajirã ñaboarine, “To bajiro manire yigotigũ yami”, yimasimenama.

¹¹ “Ado bajiro yirũaro yaja” oterimasũ ñ bajire quetire yũ gotise: Ote ajere yũ yijama, Dios ocare yigũ yibũ yũ. ¹² Ote aje, maaju vẽjaquearere yũ yijama, “Uju Dios yarã quẽnaro ñ yirona ñna ñnarũajama, ado bajiro yiroti ñaja” yũ yigotimasiosere quẽnaro ajimasimenare yigũ yibũ yũ. Minia, ejacõari, ote ajere ñna basere yũ yijama, vãtia uju ejacõari, Dios ocare ñna ajimasiboasere guaro ñ masirosere yigũ yibũ yũ. To bajiro yami vãtia uju, “Dios ocare ajitirũnũcõari, quẽnaro yirẽto ecoroma ñna” yigũ. ¹³ Gãta joeju vẽjaqueacõari, guaro judibũcũaboarere yũ yijama, yũ yere ajicõari, quẽnaro variquẽnase rãca ajirã ñaboarine, yoaro mene tire ñna quejerotire yigũ yibũ. Sñnarearere yũ yijama, yũ yere ajirã ñaboarine, rojose ñna tãmũojama, yoaro mene yũ ocare ñna ajitũjarotire yigũ yibũ. ¹⁴ Jotayucũ vatoaju vẽjaqueacõari, judiboarere jotayucũju ti bũcũaveorere yũ yijama, yũ gotisere ajirã ñaboarine, tũoĩarejairã, to yicõari, gajeyeũni bojatũoĩarã ñari, yũ yejuare ñna tũoĩatũjarotire yigũ yibũ. To bajiro bajirã, yũ yere ajisũoboarine, yũ bojarore bajiro yimenama ñna. ¹⁵ Sita quẽnaroju vẽjaqueare judibũcũacõari, quẽnase rica cõtirere yũ yijama, yũ yere ajimasicõari, Dios ñ bojarore bajiro quẽnaro yirãre yigũ yibũ —ñnare yigotiyuju Jesús.

Sĩabusuariare tũoĩacõari, Jesús ñ gotimasiore queti

(Mr 4.21-25)

¹⁶ Quẽna gaje queti ado bajiro ñnare gotiyuju Jesús:

—Sĩabusuariare jẽocõari, sotũne tiare mũbũamenaja mani. Tiare jẽocõari, “Ñajediro ti vianare ñjubusuatõ” yirã, vecaju jeorãja mani. Tire bajiro bajiaja yũ gotimasiose. “Ajimasibeticõato masa” yigũ me, to bajise ñnare gotiaja yũ. “Quẽnaro riojo ajimasiatõ ñna” yigũ, gotirũgũaja. ¹⁷ Dios sũorine masa ñna ajimasibeticati jediro, quẽnaro ajimasirũarãma.

¹⁸ No bojagũ Diore ajitirũnũgũre, “Quẽnarobũsa ajimasiato” yigũ, ã masisere cõarũcũmi Dios. Gãjirema, ãre ajigũ ñaboarine, ãre ã ajitirũnũbetijare, ã ajimasiboasere masiriojeocõarũcũmi ã. To bajiri ãre masibetimasucõarũcũmi ã. To bajiro ti bajijare, mũare yũ gotisere quẽnaro mũa ajimasirũajama, Dios ã bojarore bajiro quẽnaro yimũorũgõña mũa —ã buerimasare yigotiyuju Jesũs.

“Yũ yarãma, ado bajiro bajirãjũa ñaama”, Jesũs ã yire queti
(Mt 12.46-50; Mr 3.31-35)

¹⁹ Jesũs, masare ã gotmasio ñarone, ã jaco, ã bederã rãca ãre ãarã ejaboayujarã ãna. To bajiboarine jãjarã masa ãna ñajare, ã tũjũ ejamasibesujarã. ²⁰ ã tũ ãna ejamasibetijare, sãgũ, ado bajiro Jesũre ãre yiyuju:

—Mũ jaco, mũ bederã quẽne macajũjũ ejama, mũ rãca ñagõrũarã —Jesũre ãre yigotiyuju.

²¹ To bajiro ã yigotisere ajicõari, ãre ajĩñarãjũare ado bajiro ãnare yiyuju Jesũs:

—No bojarã Dios ocare ajicõari, ã rotirore bajiro yirã ñarãma yũ bederãre bajiro bajirã, yũ jacore bajiro bajirã —ãnare yiyuju Jesũs.

Mino vatone, oco sabesere Jesũs ã tũjore queti
(Mt 8.23-27; Mr 4.35-41)

²² Cojorũmũ Jesũs ã buerã rãca cũmuajũ vasãjacõari,

—Gajejacatũajũ jẽajaro mani —ãnare yiyuju Jesũs.

²³ ãna jẽatone, bũto mino vasuju. To bajicõari, bũto sabeyuju. Ti saberone, cũmua sagueca yiro, oco sãjacõari, rujacoarũayuju. To ti bajiboajaquẽne, cãnigũ yiyuju Jesũs. ²⁴ ã cãniro ãacõari, ãre yujioyujarã ãna:

—Yũa ujũ, ãrujareana yaja mani! —ãre yiyujarã ãna.

To bajiro ãna yijare,

—ãMino tũjaya! ãSabese quẽne tũjaya mũa! —yiyuju Jesũs.

To ã yirone, tũjacoasuju mino. Sabese quẽne sabebesuju yuja. ²⁵ To yicõari,

—“Rojose mani tãmũoboajaquẽne, manire yirẽtobosarũcũmi”, yũre yitũõiarã me ñaja mũa —ãnare yiyuju Jesũs.

To bajiro ã yisere ãacõari, no yimasibesujarã ã buerimasa.

—¿Ñimũ ũgũ masũ ñati ãni? Minore, to yicõari, sabesere ã tũjarotijama, ãre ajiaja —gãmerã yiyujarã ãna, ãre gũirã.

Gerasa vãme cãti maca tũagũre ã usũjũ sãñarãre vãtiare Jesũs ã bureare queti
(Mt 8.28-34; Mr 5.1-20)

²⁶ Utabũcũra gajejacatũajũ Gerasa vãme cãti maca tũjũ ejayujarã. ²⁷ Tojũ ejacõari, Jesũs ã majatone, sãgũ ũmũ, ti macajũ ñaboar'i, ãre bocayuju ã. Sudi magũne, yoaro masa rijariarãre ãna yujereariavijũ ñarũgũñuju ã. Vãtia sãñagũ ñañuju. ²⁸⁻²⁹ To bajigũ ñari, cojõji me ã masũ ã bojasere yimasibeticõari, vãtia ãna bojasejũare yirũgũñuju ã. To bajiro bajigũ ã ñajare, cõmemane ãre siaboayujarã ãna. ãre ãna siaboajaquẽne, tũasure reacõarũgũñuju ã. To yicõari, yucũ manõjũ varũgũñuju, ãre sãñarã vãtia to bajiro ãre ãna varotijare. To bajiri Jesũre ã bocarone,

—ãni masũ usũjũ sãñarã, budiya mũa —vãtiare ãnare yiyuju Jesũs.

To ã yirone, masũjũa, vãtia sũorine avasãcõari, Jesũs rĩjorojũa gũsomuniari tuetuyuju. To ã bajirone, vãtiajũa, masũ usũjũ sãñacõari, ado bajiro Jesũre sãnĩaavasãñujarã:

—Jesũs, masirẽtogũ, Dios macũ ñaja mũ. ¿No yigũ yũa tũ vadiati mũ? “Yũare gõjanabiobesa”, mũre yisẽnija yũa. “Rojose mũa yise vaja, rojose mũare yibeaja yũ”, yũare yiya —Jesũre yisẽnĩñujarã.

³⁰ To ãna yirone, ado bajiro vãtia sãñagũre sãnĩañuju Jesũs:

—¿Ñimũ vãme cãtiati mũ? —ãre yiyuju.

³¹ To ã yisere ajicõari, ado bajiro ãre cãdiyuju vãtiajũa:

—Legión vāme cutiaja yua —īre yiyujarā. Jājarā ī usujure sāñarā ñari, to bajiro īre yicūdiyujarā vātia. To yicōari, buto Jesúre sēniñujarā:

—Tusabetigoje tubibe ecocōari, josari tāmūoriarojū yuare cōabesa mū —Jesúre īre yisēniñujarā.

³² Burojū jājarā ecariarā yesea macabañañujarā. Īnare ĩacōari, ado bajiro Jesúre sēniñujarā vātiajūa:

—Yuare mū bureajama, ōa yeseajūare yuare sājarotiya —īre yiyujarā ĩna.

To bajiro īre ĩna yijare,

—Mūare varotiaja yū —vātiare ĩnare yiyuju Jesús.

³³ To ī yirone, masū usujure sāñaboariarā budicoasujarā yuja, yeseajūare sājaroana. ĩna sājarone, buro ūmaroja vacōari, utabucurajū rearoderujacōa tujasujarā.

³⁴ Yeseare coderimasa, to bajiro ĩna bajisere ĩacōari, ūmacoasujarā, ĩna ya macajū vana. Tojū ejacōari, ti macanare, to yicōari, ti maca tū ñarimacarianare quēne, tire gotibatoyujarā.

³⁵ To bajiro ĩna yigotisere ajicōari, Jesúre ĩarā vasujarā ĩna, ti macana. Ī tujū ejacōari, vātia sāñaboar'ire ĩañujarā ĩna. Sudi sāñacōari, Jesús tū rujiyuju. ĩna bajirore bajiro bajigū ñañuju ī yuja. Vātia ĩna sāñajama, tūōāmasibecū ñañuju maji. Quēnaro tūōāgū ñañuju yuja. To ĩ bajisere ĩacōari, Jesúre buto güiyujarā ĩna.

³⁶ Vātia sāñaboar'i ī bajisere ĩariarā, gājerāre gotiyujarā. ³⁷ To bajiri, Gerasa vāme cuti macana to sojūa vadiriarā quēne, Jesúre buto güirā ñari,

—Vacoasa. Ado mū ñasere bojabeaja —īre yiyujarā ĩna.

To ĩna yijare, tudiacū, cūmuajū vasājañuju Jesús. ³⁸ To ĩ bajirone, ado bajiro īre yiboayuju vātia sāñaboar'i:

—Mū rāca buto varūaja yū quēne —īre yiboayuju. To bajiro ī yiboajaquēne, ado bajiro īre cūdiyuju Jesús:

³⁹ —Yū rāca vadibesa. Mū ya vijū tudiasa. “Dios ī masise rāca yū usujū sāñarāre vātiare bureami Jesús”, mū yarāre ĩnare yigotiba —īre yicūdiyuju Jesús, vātia sāñaboar'ire.

To bajiro ī yijare, ĩ yarā tujū tudicoasuju ĩ. Tudiejacōari, ĩ ya maca ñarā jedirore, ti quetire goticudiyuju.

Jairo macore Jesús ĩ catiore queti
(Mt 9.18-26; Mr 5.21-43)

⁴⁰ Jesús tudijēacoasuju quēna, gajejacatūajū. Tojū ĩ ejarotire yucōa ñañujarā ĩna, masa. To bajiri ĩ jēaeja majatone buto variquēnase rāca īre sēniñujarā ĩna. ⁴¹⁻⁴² To ĩna bajirone, Dios ocare ĩna buerivi ūjū quēne ejayuju, Jairo vāme cutigū. Jesúre ĩacōari, ĩ rĭjorojūa gūsomuniari tuetuyuju, īre rūcūbūogū. To yicōari, ado bajiro Jesúre īre sēniñuju:

—Yū maco sĭgōne ñagō, jūāāmo cōro, gūbo jūa jēnituari cūmari tūsaco ñaamo so. Bajiro-caco yimo. So tū ejacōari, sore mū moāñajama, caticoarūocomo —Jesúre īre yisēniñuju.

To bajiro Jairo ĩ yisere ajicōari, īre sūyasuju Jesús. Jājarā masa īre sūyacōari, no bajiro yī vamasīña manojū vasujarā ĩna. ⁴³ To bajiro ĩna bajivatoajūre sĭgō gāmorōmi cutigo ñañuju so. Jūāāmo cōro, gūbo jūa jēnituari cūmari rijañañuju. Ūco yirimasa, sore ĩna ūco yire vaja, vaja yigo, gājoa so cūboarere ĩnare ĩsijeocōañuju. To bajiro ĩnare so yiboajaquēne, quēnaejabesuju so. To bajiri gājerāre Jesús ĩ catiore quetire ajirio ñari, jājarā masa vatoajū Jesúre sūyasuju so. ⁴⁴ ĩ sūyarojūa ejarūgūcōari, ĩ sudiro gajare moāñañuju. So moāñarirĭmarone, sore quēnaejacoasuju yuja. ⁴⁵ So moāñarone, ado bajiro masare sēniñañuju ĩ:

—¿Ñimū yū sudirore moāñari? —ĩnare yisēniñañuju.

—Mūre moāñaña maja —īre ĩna yicūdijedicōajare, ĩ buerimasū, Pedro vāme cutigū, ado bajiro Jesúre yiyuju ĩ:

—¿No yigū “¿Ñimū yūre moāñati?”, yati mū? Mū tujū jājarā ñaja yua, mūre moāñarā —īre yiyuju Pedro.

⁴⁶ To ï yiboajaquêne,

—Sĩgõ rõmio, “Quênaejagosa” yigo, yũre moaĩamo so. Yũre moaĩagõne, “Yũ masise sũorine quênaejacoajamo”, yimasicõamũ yũ —ĩnare yiyuju Jesús. ⁴⁷ To bajiro ï yijare, “Jêre ïre yũ moaĩasere masicõami” yigo ñari, nanagõne, Jesús rĩjorojũa ejacõari, gũsomuniari tuetuyuju so. To yicõari, ñajediro so bajirere Jesũre gotiyuju. ⁴⁸ To so yirone, ado bajiro sore cãdiyuju Jesús:

—Yũ maigõ, “Ĩ sudiro gajare yũ moaĩajama, quênaejacoarũocoja yũ” mũ yitũoĩase ñajare, “Quênaejato”, mũre yibũ yũ. To bajiri, “To bajiro yũre yimi”, yitũoĩa variquêna vasa mũ —sore yiyuju Jesús.

⁴⁹ To bajiro sore ï yĩnarone, Dios ocare ïna buerivi uju Jairo vãme cutigũ ya viagũ ejayuju. Ejacõari, ado bajiro Jairore gotiyuju:

—Mũ maco bajirocacoamo. No yigũ mũ ya vijũ gotimasiorimasũ ï vasere bojabecũja mũ yuja —Jairore yiyuju ï.

⁵⁰ To ï yisere ajicõari, ado bajiro Jairore gotiyuju Jesús:

—Tũoĩasũtiritibesa mũ. Yũ masisejũare tũoĩacõa ñaĩa. Mũ tũoĩacõa ñajama, tudicati-coarũocomo so —ĩre yiyuju Jesús.

⁵¹⁻⁵³ To yi vanane, ejayujarã Jairo ya vijũre. Toju ejana ïna ïajama, ï maco so bajirocacoajare, bũto otiñañujarã ïna, ti vi ejariarã. To bajiro ïna yĩñajare, ado bajiro ïnare yiyuju Jesús:

—Otibesa mũa. “Bajirocacoajamo” mũa yiboago, cãnigõ yamo —ĩnare yiyuju Jesús.

To ï yijare, ïre ajayujarã ïna, “Bajirocacoamo” yimasirã ñari. To yicõari, bajirocario so jesari sõajũre ïnare jãjarotibesuju Jesús. Pedro, Santiago, Juan, to yicõari bajirocario jacũare quêne tocãrãcũne ïnare jãjarotiyuju Jesús. ⁵⁴ Jãjaejacõari, bajirocario ãmore ñiagũne, ado bajiro sore yiyuju Jesús:

—Daquego, vãmũrũgũña —sore yiyuju.

⁵⁵ To ï yirone, bajirocario cativãmũrũgũcõañuju so yuja. To so bajisere ïacõari,

—Bare sore ecaya mũa —ĩnare yiyuju Jesús.

⁵⁶ So tudicatisere ïacõari, no yimasibesujarã so jacũa, ti ãnũre ïabetirũgũriarã ñari. To bajiro ïna bajisere ïacõari, ïna macore ï catiosere gotirotibesuju Jesús.

9

Ĩ ocare goticudisũoronare Jesús ï cõare queti (Mt 10.5-15; Mr 6.7-13)

¹ Cojorũmũ, juaãmo cõro, gũbo jua jẽnituarirãcũ ñarãre ï buerimasare jirẽoñuju Jesús. ïnare jirẽocõari, masa usũrijũ sãñarãre vãtiare ïna bureamasirotire, to yicõari, rijaye cutirãre ïna catiomasirotire ïnare ujoyuju ï. ² To bajiro yicõari, ïnare ï cõaroto rĩjoro ado bajiro ïnare yiyuju:

—“Uju Dios yarã quẽnaro ï yirona mũa ñarũajama, rojose mũa yisere yitũjacõari, Jesũre ajitirũñũña”, yigotimasiodirona ñaja mũa. To bajicõari, rijaye cutirãre catorona ñaja —ĩnare yirotyuju Jesús. ³ To yicõari, quẽna ado bajiro ïnare yiyuju Jesús:

—No bojase mũa cũose juaábeja. Tueriayucãri, mũa bare sãriajoari, to yicõari, gãjoare quêne juaábeja. Gajeye sudi juaámenane, mũa sãñasene sãñacõari, vaja. ⁴ Tocãrãca macare mũa ejajama, mũa ejasũorivine cãnima. Ti vine ñacõari, yũ ocare goticudirũarãja mũa maji, gajerojũ mũa varoto rĩjoro. ⁵ Mũa ejarimacana, quẽnaro mũare ïna bocaãmibetijama, to yicõari mũa gotisere ïna ajirũabetijaquêne, ti macajũre ñabeja. Mũare ïna ajirũabetijare, mũa gũbo sudi tuyasere sitare varerea, vacoaja. To bajiro mũa yijama, “Quẽnaro yũare bocaãmibeticõari, yũare mũa ajirũabetijare, rojose mũare yirũcũmi Dios” yirã yirũarãja mũa —ĩnare yiyuju Jesús.

⁶ To bajiro ï yijare, ï ocare goticudirã vasujarã ïna: “Rojose mña yisere yitajacõari, quênasejmare tãoñavasoaya” ïnare yigoticõari, Cristo sãorine quênaro Dios ï yiro tire gotima-siocudiyujarã ïna. Rijaye cõtirãre quêne catiocudiyujarã, ïna vati macari ñaro cõrone.

Jesús ï bajiñasere ajicõari, “¿Ñimã ùgã ñarõari?”, Herodes ï yitãoñare queti
(Mt 14.1-12; Mr 6.14-29)

⁷⁻⁹ Jesús ï bajiñasere, to yicõari, ï goticudirotiriarã ïna bajiñasere quêne ajijeocõañuju Galilea vãme cõtì sita ñarã ùju, Herodes vãme cõtìgũ. To yicõari, Jesús ï bajiñasere masa ïna tãoñasere quêne ajiyuju Herodes. Ado bajiro tãoñañujarã sīgũri:

—Juan vãme cõtìgũ, masare oco rãca bautizarimasune sãacoboarine, tudicaticoarimi —yitãoñañujarã.

Gãjerãma, ado bajiro yiyujarã:

—Diore gotirëtobosarimasu El'ias ñamasir'i ñagũmi quëna —yiyujarã.

Gãjerãjũama, ado bajiro yiyujarã:

—Diore gotirëtobosarimasa ñamasiriarã rãcagũ tudicatr'i ñagũmi quëna —yiyujarã ïna, Jesúre.

Herodejũama, ado bajiro yiyuju:

—Juan me ñagũmi. Ì rãjoare jatarocaroticõacaju yũ. To bajiri, ¿ñimã ùgã ñarõari ï? —yiyuju Herodes. To bajiro yigũ ñari, Jesúre ïarũarũgũboayuju ï.

Masa, cinco mil ñarãre Jesús ï bare ecare queti
(Mt 14.13-21; Mr 6.30-44; Jn 6.1-14)

¹⁰ Ì goticudiroticõariarã, tudiejacõari, Jesúrãca rējañujarã juaãmo cõro, gũbo jua jënituarirãcũ ñarã ï buerimasa. Ì rãca rëjacõari, ïna yicudirere ïre gotiyujarã. To bajiro ïna yiro bero, ïnare ùmato vasuju Jesús, masa ïna manibusarõju, Betsaida vãme cõtì macajũ.

¹¹ To bajiri Jesús ï vati quetire ajicõari, ïre sũyaejasujarã jãjarã masa. Ìna ejasere ïacõari, —Yũre ajirã, ado mña ejase quënaja —ïnare yiyuju Jesús.

To yicõari, ado bajiro ïnare gotimasioñuju:

—Ëju Dios yarã quênaro ï yirona mña ñarũajama, rojose mña yisere yitajacõari, yũre ajitirãñũña —ïnare yigotimasioñuju. To yicõari, rijaye cõtirãre catioyuju.

¹² To bajiro yĩnarone, rãioroto rĩjoro, juaãmo cõro, gũbo jua jënituarirãcũ ñarã Jesús buerimasa, ï tã ejacõari, ado bajiro ïre yiyujarã:

—Masa manõju ñaja. To bajiri, “Masa cõtõju bare vaja yibamasiato ïna” yigũ, to yicõari, ïna cãnirotijũrere “Vaja yicõari, cãniato ïna” yigũ, masare ïnare varotiya mũ —Jesúre yiyujarã ïna.

¹³ To bajiro ïna yiboajaquëne,

—Mũane ïnare bare ecaya —ïnare yiyuju ï.

To ï yirone,

—Jairo bare cõobeaja yũa. Bajiboarine, cojomo cõro pan, juarã vai cõoaja yũa. Ìna barotire, no bajiro vaja yibosamasimenaja mani —ïre yiyujarã.

¹⁴ Ìna tãjũre cinco mil ùmã ñañujarã ïna. To bajiro ïna yisere ajicõari, ado bajiro ïnare yiyuju Jesús, ï buerimasare:

—Masare rujatubuari ïnare rujirotiya. Tocãrãcatubuare “Cincuenta ñarirãcũ rujiya”, ïnare yiya mña —ïnare yiyuju Jesús, ï buerimasare.^d

¹⁵ To bajiro ï yijare, ï rotirore bajirone ïnare rujirotiyeoyujarã ïna, Jesús buerimasa.

¹⁶ To bajiro ïna rujijediro ïacõari, cojomo cõro ñaricari panre, juarã vai ñarãre quêne juacõari, õ vecajũa ïamũoñuju Jesús. To yicõari, “Quênaro yaja mũ”, Diore ïre yiyuju. To yicõari, panre iguresrebatecõari, ï buerimasare ïsiñuju, “Rujirãre ïnare ïsibatoya” yigũ. Juarã vaire quêne vëtãrebatecõari, ï buerimasare ïsiñuju, “Rujirã jedirore ïnare ïsibatoya”

^d 9:14 Rĩamasare, rõmiare cõmenane, ùmã bucurã rĩrene ïna cõjama, cinco mil ñañujarã ïna.

yigu. ¹⁷ Sīgũ ruyariaro mano quẽnaro baũsũcutijedicõañujarã. Ìna bagajanoro bero, ìna barũasere ìna juarẽojama, jũaãmo cõro, gũbo jũa jẽnituario ñarijibũri ruyayuju.

“Rotimũorũgõrũcũmi” yigu, Dios ì cõar'i ñaja mũ”, Jesũre Pedro ì yire queti
(Mt 16.13-19; Mr 8.27-29)

¹⁸ Cojorũmu ì buerimasa rĩne ìna ñaro, ì jacũre sẽnĩñuju Jesũs. Ì jacũre sẽnigajanocõari, ado bajiro ìnare sẽnĩañuju ì:

—¿Ñimũ ñaami yũre yati ìna masa? —Ìnare yisẽnĩañuju.

¹⁹ To ì yisere ajicõari ado bajiro ìre cũdiyujarã ì buerimasa:

—Sīgũri, “Juan vãme cutigu, masare oco rãca bautizarimasũ, tudicaticõari bajigũmi quẽna”, mũre yama ìna. Gãjerãma, “El'ias ñamasir'i ñaami”, yama ìna. Gãjerãjũama, “Diore gotirẽtobosamasir'i ñaami”, mũre yama —Jesũre yicũdiyujarã.

²⁰ To ìna yirone, ado bajiro ìnare tudisẽnĩañuju Jesũs:

—Mũama, ¿ñimũ ñaami yũre yati mũa? —Ìnare yiyuju.

To ì yirone, ado bajiro ìre cũdiyuju Pedro:

—Mũ ñaja rojose yũa tãmũoborotire yũare yirẽtobosacõari, rotimũorũgõrocũ, Dios ì cõar'i —Jesũre yiyuju.

²¹ To bajiro Pedro ìre ì yisere ajicõari, gãjerãre gotirotibesuju.

“Yũre sũarũrãma”, Jesũs ì yire queti
(Mt 16.21-28; Mr 8.31–9.1)

²² To yicõari, ado bajiro ìnare gotiyuju ì:

—Yũ, Dios ì roticõacacũ, bũto rojose tãmũorũcũja. Bũcũrã, paia mũjarã, to yicõari, Dios ì rotimasire gotimasiorimasa quẽne, rojose yũre yicõari, yũre sũarũrãma ìna. Yũre ìna sũaboajaquẽne, idiarũmu tũsatirũmũne yũre catiorũcũmi Dios —Ìnare yigotiyuju Jesũs.

²³ To yicõari, ì buerimasare gãjerãre quẽne ìnare jirẽocõari, ado bajiro gotiyuju Jesũs:

—No bojagũ yũ yũ ì ñarũajama, ì bojasere, ì ye ñarotire tũoĩabetirũcũmi. Tũoĩabeticõari, “Jesũre bajiro rojose tãmũorũcũja yũ quẽne” yitũoĩacõari, yũjũare ajisũyarũcũmi. ²⁴ No bojarã, ìna bojaro ñare cũtirema adi macarũcũrore ñasere ìavariquẽnacõari, Diore tũoĩamenama, Dios ì catisere yayibetire cũomena ñarũarãma ìna. To bajiboarine, yũre ajitirũnrã, yũ oca ìna gotisere ajijũnisinicõari, ìna sũarãma, Dios tũ quẽnaro ñarona ñarãma. ²⁵ Sīgũ adi macarũcũroju gajeyeũni jediro ì bũjaboajaquẽne, beroju rojose tãmũotũjabetiriaroju ì vajama, ì gajeyeũni ì bũjaboare ñie vaja manoja. ²⁶ Masa ìna ìaro rĩjorojũa, “Jesũre rũcũbũogũ ñaja yũ”, yibojonebesa. To bajiro yibojonegũ ñari, yũ yũ ì ñarũabetijama, “Yũ yũ me ñaami”, ìre yĩĩarũcũja yũ quẽne, Dios ì roticõacacũ ñacõari, “Quẽnarẽtogũ ñaja yũ” yũ jacũ ì yĩĩorore bajiro yigu ñari, ì bususe rãca yũ vadirũmu. Yũ rãca vadirũarãma Dios ì cõarã, ángel mesa. ²⁷ Riojo mũare gotiaja yũ. Mũa sīgũri mũa bajireabetone, “Ñajediro mũa ñaami yũ roticõacacũ” Dios mũare ì yĩĩosere ìarũarãja mũa — ìnare yigotiyuju Jesũs.^e

Ì buerimasa ìna ìaro rĩjorojũa Jesũs ì godovediĩore queti
(Mt 17.1-8; Mr 9.2-8)

²⁸ To bajiro ìnare ì yigotiriario bero, cojomo cõro, gaje ãmo idia jẽnituario tũsatirũmũ cõro, Pedro, Juan to yicõari Santiagore quẽne buro joeju ìnare ùmato vasuju Jesũs. ²⁹⁻³² Toju ìna ejaro bero, Diore sẽnigũ vasuju Jesũs. To ì bajitoye, bũto ìnare vũjajeyuju Pedro mesare. To ìna bajiñarone, Jesũjũa, Diore sẽnĩagũne, ricati ruyugũ godovedicoasuju. To ì bajisere ìaũcacoasujarã ìna. Sudi ì sãñase bũto boticoasuju. To bajicõari, cajemose busuyuju ti. To ì bajirone, Moisés ñamasir'i, El'ias ñamasir'i rãca Jesũs tũ ruyuarũgũañujarã ìna. Ìna quẽne,

^e 9:27 Dios oca masa ìna ucamasirere buerẽtoburimasa sīgũri ado bajiro yicama ìna: “9.27 gotirijare, ‘Ñajediro mũa ñaami yũ roticõacacũ’ Dios mũare ì yĩĩorotire’ Jesũs ì yijama, ì buerimasa sīgũri ìna ìaro rĩjorojũa Jesũs ì godovediĩorere yigu yirimi”, yicama Dios ocare buerẽtoburimasa sīgũri.

busubatese rãca ruyuyujarã ñna. To bajicõari, Jerusalén vãme cuti macajũ ñ sãacorotire Jesúrãca ñna gãmerã ñagõñasere ñañujarã Pedro mesa. ³³ To bajiri Jesúrãca ñagõgajanocõari, ñna cãmotadirirĩmarone, ado bajiro Jesúre gotiyuju Pedro:

—Yũ ujũ, adoju mani ñajama, quẽnamasucõaja. Mũa ñaro cõrone vijãiri mũare buabosaruarãja yua. Mũ yajãi, El'ias yajãi, to yicõari, Moisés yajãi buabosaruarãja —Jesúre yiboayuju Pedro.

“To bajiro yigũ yigũja” yiri mene yicõañuju. ³⁴ To bajiro ñ yirirĩmarone, bueri buto cajemose ñnare buebibecõañuju ti. To bajiro ñnare ti bajirone, buto güiyujarã ñna Pedro mesa. ³⁵ To bajicõari, bueri vatoaju ado bajiro ocaruyuju:

—Ñnine ñaami yũ macũ, “Rotimõorũgõrcũja mũ” yigũ, yũ cõagũ. Ñre quẽnaro ajitirũña mũa —yi ocaruyuju.

³⁶ To bajiro ti ocaruyuro bero, ñaboayujarã. El'iare, Moisére quẽne ñnare ñabujabesujarã. Jesús sīgũne ñañuju ñ yuja. To bajisere ñariarã ñaboarine, yoaro, gãjerãre tire gotimenane bajicõañujarã ñna.

Masũ usũjũ sãñagũre vãtire Jesús ñ burocare queti
(Mt 17.14-21; Mr 9.14-29)

³⁷ Ti buroju majariarã, gajerũmũju rojaejayujarã ñna quẽna. Ti buro juadoju, jãjarã masa ñre yurã bajiñarãre ñnare ejayujarã. ³⁸ Jesús ñ ejasere ñacõari, sīgũ, ado bajiro ñre sēniñuju:

—Gotimasiorimasũ, yũ macũre ñamaiña mũ. Sīgũne ñagũ ñaami. ³⁹ Ñ usũjũre vãti sãñañaami. To bajiro ñ bajijare, biyaroaca rijaquedicõari, ñ riseju sõmo budirũgũami. ⁴⁰ To bajiri mũ buerimasare, “Yũ macũ usũjũ sãñagũre vãtire burocaya”, ñnare yisēniboabũ yũ. Ñre burocamasimema —Jesúre yiyuju ñ.

⁴¹ To ñ yisere ajicõari, ñ buerimasare, to yicõari, ñre ajirã ejariarãre quẽne ado bajiro ñnare yiyuju Jesús:

—Rojosere tuoĩarã ñari, Diore ajitirũnumena masu ñacõaja mũa. ¿No cõroju mũare gotimasio tujaguti yũ? Yoaro mũa rãca yũ ñaboajaquẽne, yũ masise mũare yũ ujosere ajitirũnũbeaja mũa maji —ñnare yiyuju Jesús. To yicõari, —Adojuũ macũre ñmiaya —ñre yiyuju, vãti sãñagũ jacũjũare.

⁴² To bajiro ñ yijare, ñ macũre Jesús tũju ñ ñmivatone, ñ usũjũ sãñagũ vãti, ñre rijaquedirotiyuju. To bajiro ñ yijare, rijarocacũcoasuju. To bajiro ñ bajirone,

—To cõrone ñre yitũjaya —yicõari, vãtire ñre burocacõañuju Jesús.

Vãti ñ budirone, catiquẽnagũ ñacoasuju daquegũjũ. To ñ bajirone, ñ jacũre ñre tũaĩsiñuju Jesús. ⁴³ To bajiro Jesús ñ yisere ñacõari, no yimasibesujarã masa jediro, ti ñnare ñabetirũgũriarã ñari. “Jesús ñ yĩose rãca ‘Masirẽtogũ ñaja yũ’ manire yĩlogũ yami Dios”, yitũoĩañujarã ñna jediro.

“Yũre sãarũama”, Jesús ñ yigotibabore queti
(Mt 17.22-23; Mr 9.30-32)

Jesús ñ yisere masa ñna tuoĩañarone, ado bajiro ñ buerimasare gotiyuju ñ:

⁴⁴ —Mũare yũ gotisere ajicõari, masiritibeja mũa. Yũre Dios ñ roticõacacũre masare ñsirocarũcũmi sīgũ —ñnare yiyuju Jesús.

⁴⁵ To bajiro ñ yiboajaquẽne, ajimasibesujarã ñna. “Ajimasibeticõato” Dios ñ yijare, bajiyujarã. To bajicõari, “Yũare gotiquẽnoña”, yimasibesujarã, ñre güirã ñari.

“¿Ñimũjũ ñagũti ñamasugũ ñarocũ?”, Jesús buerimasa ñna yi oca josare queti
(Mt 18.1-5; Mr 9.33-37)

⁴⁶ “¿Ñimũjũ ñagũti ñamasugũ ñarocũ?”, gãmerã yi oca josayujarã Jesús buerimasa. ⁴⁷ To bajiro ñna gãmerã yisere ñamasicõari, sīgũ daquegũre jicõari, ñ tũju ñre rũgõrotiyuju Jesús.

⁴⁸ To yicõari, ado bajiro ñnare gotiyuju:

—Āni daquegū, “Ńamasugū me űaja yū” ĩ yituoġarore bajiro tuoġarāre, gājerā tu ĩna ejaro, quēnaro ĩnare yirāma, yūrene quēnaro yirā yirāma. To yicōari, yūre quēnaro yirāma, yūre cōacacūre quēne quēnaro yirā yirāma. To bajiri, ado bajise mūare gotiaja yū: Yūre ajitirūnūgū, gājerā ĩna bojasere masicōari, quēnaro ĩnare yiejarēmogū űarūcūmi űamasugūma —ĩ buerimasare yigotiyuju Jesús.

“Yūre ajitirūnūcōari, mani yise űnire yigūma, mani rācagū űagūmi”, Jesús ĩ yire queti (Mr 9.38-40)

⁴⁹ To bajiro ĩ yigotiro berone, ado bajiro Jesúre gotiyuju Juan:

—Gotimasiomasū, masa usūrijū sāñarāre vātiare bureagūre ĩamū yūa. “Jesúre ajitirūnūgū űari, ado bajise mūare rotimasiaja yū: ‘Budiya’”, yūñami, vātiare bureagū. Mani rācagū me ĩ űajare, “Tire yibesa”, ĩre yibū yūa —Jesúre yigotiyuju Juan.

⁵⁰ To ĩ yisere ajicōari, ado bajiro ĩre yiyuju Jesús:

—“Tire yibeticōaġa”, ĩre yibeja. Quēnaro yirimi —ĩre yiyuju Jesús. To yicōari, ĩ buerimasa jedirore ado bajiro yiyuju:

—Ado bajiro ti bajijare, to bajiro yaja yū: No bojagū yūre ajitirūnūcōari, mani yise űnire yigūma, mani rācagū űagūmi —ĩnare yiyuju Jesús.

Santiago, to yicōari, Juanre, “Samaria sitajū űarimacanare rojose ĩnare yirūa tuoġabesa”, Jesús ĩ yire queti

⁵¹ Dios ō vecajū ĩ űarojū ĩre ĩ āmimūjarotirūmū ti cōñarūtuadijare:

—Jerusalénjū mani varoti ejacoajū. To bajiri varūtu vajaro mani —ĩ, buerāre yi vasuju Jesús.

⁵² Varūtu vacūne, ĩ rācanare ĩ ejaroti quetire, “Goti rġjoro cūtiaya”, ĩnare yicōaġuju ĩ. To ĩ yicōariarā, Samaria sitajū űarimacajū ejacōari, “Jesús ĩ cānirotijūre macayurā bajibū yūa”, yiboayujarā ĩna. ⁵³ To bajiboarine ti macanajūa, Jesús ĩ ejasere bojabetesujarā ĩna. “Jerusalénjū vacū bajigūmi” yimasirā űari, ĩre ĩaterā bajiyujarā ĩna.^f ⁵⁴ To bajiro ĩna bajise űajare, ado bajiro Jesúre sēniāġujarā, Juan, ĩ gagū Santiago rāca:

—Yūa űjū, ĩ “Ō vecaye jea űjūvġjase rāca ĩnare soereacōaġa mū”, Diore yūa yisēnisere bojati mū? —ĩre yisēniāboayujarā ĩna.

⁵⁵ To bajiro ĩre ĩna yisēniārone, jūdarūgūcōari, ado bajiro oca tutuase rāca ĩnare gotiyuju Jesús:

—ĩNo yirā to bajise tuoġati mūa? To bajiro mūa yituoġajama, vāti ĩ bojarore bajiro tuoġarā yaja mūa —ĩnare yigotiyuju Jesús.

⁵⁶ To bajiro ĩnare yigajanocōari, Samaria sitana ĩnare ĩna bojabetijare, gaje macajūa vacoasujarā ĩna.

“Yūre mūa ajisūyarūajama, josarūaroja ti”, Jesús ĩ yigotimasiore queti (Mt 8.19-22)

⁵⁷ ĩna varūtuatone, sġgū ĩna rāca var'i, ado bajiro Jesúre ĩre yiyuju:

—No bojaro mū vato cōrone mūre sūyarūajaja yū —Jesúre ĩre yiyuju ĩ. ⁵⁸ To ĩ yirone, ado bajiro ĩre cūdiyuju Jesús:

—Buyairoarema, ĩna gojeri űacajū. Miniare quēne, ĩna jibūri űacajū. To ĩna bajiboa-jaquēne, yū, Dios ĩ roticōacacūma, cānirijajū magūre bajiro bajiaja yū. To bajiri yūre mū sūyajama, buto mūre josarūaroja —ĩre yicūdiyuju Jesús.

⁵⁹ To ĩre ĩ yiro bero, ado bajiro gājjūare yiyuju Jesús:

—Yūre sūyaya mū —ĩre yiyuju.

To ĩ yiboajaquēne, ado bajiro Jesúre cūdiyuju ĩ:

^f 9:53 Samaria sitana, samaritanos vāme cūtiyujarā ĩna. ĩna rāca gāmerā ĩaterā űaġujarā judío masa. “Jerusalénjū Diore quēnase ĩre yirūcūbuoroti űaja” judío masa ĩna yituoġasere bajiro tuoġarā me űaġujarā samaritano masa.

—Y_u _u_u, y_ure y_uya m_u maji. Y_u jac_u ĩ bajirocacoajare, ĩre y_ujeg_uac_u yaja y_u. ĩre y_ujec_uari bero, m_ure s_uyar_uc_uja y_u —Jes_ure ĩre y_uboay_uju.

⁶⁰ To bajiro ĩre ĩ y_uboajaqu_uene, ado bajiro ĩre c_udiy_uju Jes_us:

—Y_uc_une y_ure s_uyaya m_u. “E_u Dios yar_u qu_uenaro ĩ yirona m_ua ñar_uajama, Jes_ure ajitir_uñ_uña”, yigoticudiaya m_u. Y_ure ajitir_uñ_umena, rijariar_ure bajiro bajir_u ñar_uama. ĩnaj_ua rijariar_ure y_ujeato ĩna —ĩre y_uc_udiy_uju Jes_us.

⁶¹ To bajiro ĩre ĩ yiro bero, qu_uena g_uaji ado bajiro Jes_ure y_uy_uju:

—M_u r_uca y_u varoto r_ujoro, y_u ya vianare ĩnare vare gotig_uac_u yaja y_u maji —Jes_ure ĩre y_uboay_uju ĩ. ⁶² To bajiro ĩ y_uboajaqu_uene, ado bajiro ĩre c_udiy_uju Jes_us:

—“Diore rotibosag_ure m_ure ajitir_uñ_u s_uyar_uc_uja” y_uboarine, gaje v_ume t_uo_ulav_uog_uma, E_u Dios y_u me ñag_umi —ĩre y_uc_udiy_uju Jes_us.

10

Setenta y dos ñarir_uc_ure ĩ ocare Jes_us ĩ goticudirotic_uare queti

¹ Tij_u bero, Jes_us ĩ buerimasare ĩ goticudirotis_uoriar_u mere, g_ujer_ure besey_uju Jes_us. Setenta y dos ñarir_uc_u besey_uju. ĩnare besec_uari, “Y_u ocare goti r_ujoro c_utiaya”, ĩnare y_uc_uañ_uju ĩ. ĩ goticudiroti macari ñaro c_urone j_uar_uri c_uañ_uju.

² ĩnare ĩ c_uaroto r_ujoro, ado bajiro ĩnare y_uy_uju:

—Ote jairo b_uc_uaroja. To bajiro ti bajijare, ote _ure s_uniña, “Moabosarimasa c_uato ĩ” y_ur_u —ĩnare y_uy_uju Jes_us.g

³ To bajiro ĩnare yigotic_uari, ado bajiro ĩnare y_uy_uju qu_uena:

—Ovejare, buyairoa vatoaj_u g_uioroj_u ĩnare c_uag_ure bajiro m_uare gotimasiodirotiaja y_u —ĩnare y_uy_uju. ⁴ —No bojase m_ua c_uose jua_ubeja. G_ujoare, barere qu_uene jua_ubeja. G_ubo sudi jua_umenane, m_ua c_udasene c_udac_uari, vaja. Maaj_u masare m_ua boca_ujama, ĩnare s_uniña, r_utocoar_uar_uja m_ua, yoaro ĩnare queti gotimaniamenane —ĩnare y_uy_uju Jes_us.

⁵ —Vij_u ejac_uari, “¿Ñati m_ua?” ĩnare yigajanoc_uari, “ ‘Qu_uenaro ñaña m_ua’ m_uare yaja y_ua”, ĩnare y_uiba, ti vianare. ⁶ To m_ua y_urone, ti viana qu_uenaro m_uare ĩna boca_umijama, m_ua y_urore bajiro qu_uenaro ñar_uar_uama. Qu_uenaro m_uare ĩna boca_umibetijama, “ ‘Qu_uenaro ñaña’ y_ua y_ubetir_uar_ure bajirone ñac_uña m_ua” ĩnare y_ui, vacoaja m_ua. ⁷ No bojar_u g_ujer_ure moabosarimasa, vaja b_ujar_uama. To bajirone bajir_uaroja m_uare qu_uene. Qu_uenaro m_uare boca_umir_u t_une ñac_uari, ĩnare m_ua gotimasiose vajane ĩna basene ba, ĩna idise idi y_uc_u ñar_uar_uja m_ua. M_ua ejarivine ñac_uar_uar_uja m_ua, gaje viri c_unicudimenane. ⁸ Macaj_u m_ua ejariviana, no bojase bare m_uare ĩna ecasene ba variqu_uenama. ⁹ Rijaye c_utir_ure catioba. To y_uc_uari, “E_u Dios yar_u qu_uenaro ĩ yirona m_ua ñar_uajama, rojose m_ua y_usere y_ut_ujac_uari, Jes_ure ajitir_uñ_uña”, ti macanare yigotimasioma. ¹⁰ To bajiboarine y_u c_uarimacaj_ure m_ua ejaro, m_uare qu_uenaro ĩna boca_umibetijama, ti maca g_udarecoj_u j_uar_u ĩna ĩaro r_ujoroj_ua ejac_uari, ado bajiro ĩnare gotiba m_ua: ¹¹ “E_u Dios yar_u qu_uenaro ĩ yirona m_ua ñarotire gotir_u bajiboab_u y_ua. To bajiri, ‘Qu_uenaro y_uare boca_umibetic_uari, y_uare m_ua ajir_uabetijare, rojose m_uare y_ur_uc_umi Dios’ y_ur_u, adi macaye sitare y_ua g_ubo sudi tuyasere varereaja y_ua”, ĩnare y_ugotiba m_ua. ¹² Riojo m_uare gotiaja y_u. Ti macana m_uare ĩna ajir_uabeti vaja Dioj_uama, rojose ĩnare y_ur_uc_umi masare ĩ beserir_um_u ti ejaro. Sodoma macana ñamasiriar_u r_utob_usaro rojose t_um_uor_uar_uama ĩna, m_uare qu_uenaro boca_umimenama —ĩnare y_uy_uju Jes_us.

g 10:2 To bajiro ĩ y_ujama, ado bajiro y_ug_u y_uy_uju: “ ‘J_uar_u ñar_uama y_u ocare ajic_uari, y_ure ajitir_uñ_urona. To bajiboarine, mojoroaca ñar_uama y_u ocare gotir_uar_u. To bajiro ti bajijare, Diore s_uniña, ‘J_uar_uab_usa y_u ocare gotirimasare c_uato ĩ’ y_ur_u’ y_uy_uju Jes_us”, y_uy_ujar_u Dios oca masa ĩna ucamasire buer_utoburimasa.

Īre ajitirānabeti macariana ĩna bajisere to yicōari, ĩna bajirotire t̄uoīacōari, Jesús ĩ gotire queti

(Mt 11.20-24)

¹³ To bajiro ĩnare yigoticōari, macariana ĩre ĩna ajitirānabetire gotiyuju Jesús:

—Coraz'in macana, to bajicōari, Betsaida macana quēne, b̄uto rojose t̄am̄uoruarāma. Ti macarianare ĩlañamani ȳu yīlocatore bajiro, Tiro vāme c̄uti macanare, Sidón vāme c̄uti macanare quēne ĩlañamani ȳu ĩojama, tirūmaj̄u rojose ĩna yisere t̄uoīas̄utiriticōari, yit̄ujacoaboriarāma ĩnama. “Rojose ȳua yisere yir̄uabeaja” yis̄utiritirā ñari, s̄utiritirā ĩna s̄añasej̄ua sudi vasoacōari, to yicōari, ĩna r̄ujoarij̄u ōja majeoboriarāma. ¹⁴ Sidón macana, to bajicōari, Tiro macana ñamasiriarā r̄etob̄usaro rojose t̄am̄uoruarāma ĩna, Dios, masare ĩ beserir̄am̄u ti ejaro. ¹⁵ Capernaum macanaj̄ua, “Quēnarā ñari, ō vecaj̄u Dios ĩ ñaroj̄u ñarona ñaja mani”, yit̄uoīaboarāma ĩna. To bajiro ĩna yit̄uoīaboajaquēne, Dios t̄uj̄u ñabetir̄uarāma. Rojose t̄am̄uot̄ujabetiriaroj̄u ñaja ĩna c̄oac̄orotoma. ¹⁶ M̄ua gotisere ajicōari, “Riojo yama” m̄uare ĩna yijama, ȳurene, “Riojo yami” yirā yir̄uarāma. M̄uare ĩna ajitejama, ȳure ajiterā yir̄uarāma. To bajiro ĩna yijama, ȳure c̄oac̄ac̄ure, ȳu jac̄ure, ajiterā yir̄uarāma —ĩnare yiyuju Jesús, ĩ gotiroticōarāre.

Jesús ĩ gotiroticōariarā ĩna tudiejare queti

¹⁷ Tij̄u bero, ĩ gotiroticōariarā, setenta y dos ñarir̄ac̄u Jesús t̄u tudiejayujarā quēna. Variquēnase rāca tudiejarāne, ado bajiro ĩre gotiyujarā ĩna:

—Masa us̄urij̄u s̄añarāre, v̄atiare, “Jesús ĩ rotise rāca m̄uare budirotiaja” ȳua yijama, c̄udima ĩna —Jes̄ure yigotiyujarā ĩna.

¹⁸ To ĩna yirone,

—Ȳu rotise rāca v̄atia ūj̄u, Satanás yarāre m̄ua burearone, ō vecaj̄u bujo ĩ yabesere bajiro Satanás ĩ quedirujiasere ĩam̄u. ¹⁹ “Āñare, cotibajare ĩnare c̄udaboarine, rojose t̄am̄uobetr̄uarāja m̄ua” yiḡu, ȳu masisere m̄uare ūjocaj̄u ȳu, “Rojose yirā jediro, to yicōari, v̄atia quēne rojose m̄uare yibeticōato” yiḡu. ²⁰ Ȳu ejarēmose rāca masa us̄urij̄u s̄añarāre, v̄atiare, m̄ua burearere t̄uoīa variquēnaboarine, “Ado c̄oro ñaama ȳu rāca ñarūḡūrona” Dios ĩ yiuatu ecocana ñari, tij̄uare b̄utob̄usa t̄uoīa variquēnaroti ñaja —ĩnare yigotiyuju Jesús.

“Quēnaja”, Diore Jesús ĩ yivariquēnare queti

(Mt 11.25-27; 13.16-17)

²¹ To yigajanocōari, Esp'iritu Santo ĩ ejarēmose rāca, “Quēnaja”, Diore yivariquēnaḡu, ado bajiro yiyuju Jesús:

—Cac̄u, ō vecaḡu ūj̄u ñaja m̄u. Adi macar̄uc̄urore quēne, ñajediro ūj̄u ñaja m̄u. “J̄ere masiaja ȳua” yit̄uoīaboarāre, “Ȳu ocare ajimasibeticōato ĩna” yiḡu, ĩnare masirioaja m̄u. To yicōari, “Masimena ñaja ȳua” yirāj̄uare, “Ajimasiato” yiḡu, ĩna ajimasirotire yir̄em̄orūḡūaja m̄u. To bajiro m̄u yijama, m̄u bojarore bajiro yiḡu yaja m̄u —Diore yiyuju Jesús.

²² To yicōari, ado bajiro ĩ rāca ñarāj̄uare gotiyuju Jesús:

—Ȳu jac̄u ĩ ejarēmose s̄uorine jediro yimasijeoḡu ñaja ȳu. “Tire yimasiato” yiḡu, adi macar̄uc̄uroj̄ure ȳure c̄oac̄ami ȳu jac̄u. To bajiro ȳure yicac̄u ñari, ȳu yisere masijeoc̄ami ȳu jac̄u. Ȳu quēne, ĩ yisere masijeoc̄aja. “Īre masiato” yiḡu, ȳu beserā r̄ine ȳu jac̄ure masiama —ĩnare yigotiyuju Jesús.

²³⁻²⁴ To yicōari, ĩ buerimasa r̄ine ĩna ñaro, ado bajiro ĩnare gotiyuju Jesús:

—Variquēnaña m̄uama. Ȳu yīosere t̄uoīacōari, ȳu bojarore bajiro t̄uoīavasoariarā ñari, tire ȳu gotimasiosere ajimasiaja m̄uama. Riojo m̄uare gotiaja ȳu. Tirūmaj̄u jājarā Diore gotir̄etobosamasiriarā yuc̄u m̄uare ȳu yīosere ĩar̄uamasiboayuma. Ȳu gotimasiosere m̄ua ajisere ajir̄uamasiboayuma. To bajiri m̄uama, jairo ȳu yīosere masirā ñari, to yicōari, ȳu gotimasiosere ajirā ñari, variquēnaña m̄ua —ĩnare yiyuju Jesús, ĩ buerāre.

Dios ĩ rotimasirere gotiḡune, samaritano mas̄u ĩ yirere Jesús ĩ gotire queti

²⁵ To bajiro Jesús ĩ yĩñarone, sĩgũ Dios ĩ rotimasirere gotimasiorimasũ, ĩre sēniĩaru, vũmũrũgũñuju. “Ado bajiro yũ sēniĩajama, josase ti ñajare, cũdimasibeticõari bojoneose tãmũorũcũmi” yitũoĩagũ ñari, ado bajise ĩre sēniĩañuju:

—Gotimasiorimasũ, yũ rijato berojũ “Tudirijabeticõato” yigũ, Dios ĩ catisere yũre ĩ ĩsire yũ bojajama, ¿no bajiro yiroti ñati yũre? —ĩre yisēniĩañuju.

²⁶ To ĩ yisere ajicõari, ado bajiro ĩre cũdiyuju:

—¿No bajiro yati ti, Dios ĩ rotimasire, tire buegũ mũ ĩajama? —ĩre boca yisēniĩacõañuju Jesús.

²⁷ To bajiro ĩ yisere ajicõari, ado bajiro Jesúre cũdiyuju ĩ:

—Dios ĩ rotimasire, ado bajiro yaja ti: “Mani mũjũre, Diore bũto mairoti ñaja. No bojagũre mani mairo rētoro, no bojase mani cũose, to yicõari, mani bojatũoĩase rētoro Diore mairoti ñaja”. To yicõari, “Mũ masu rujũre mũ mairore bajirone mũ tũanare maiña” yigotiaja Dios ĩ rotimasire ñamasuse —Jesúre yicũdiyuju Dios ĩ rotimasire gotimasiorimasũ.

²⁸ To bajiro ĩ yisere ajicõari,

—Riojo cũdiaja mũ. To bajiro mũ yirũgũjama, mũ rijato berojũ “Tudirijabeticõato” yigũ, Dios ĩ catisere mũre ĩ ĩsire bũjarũcũja mũ —ĩre yiyuju Jesús.

²⁹ To bajiro ĩ yisere ajicõari, “Ti vãme ñaro cõrone cũdijeobeami” yitũoĩagũ ñari, “Quēna gaje vãme yũ sēniĩajama, gotimasibeticõari, bojoneoro tũjarũcũmi” yigũ, Jesúre ĩre sēniĩañuju ĩ quēna:

—¿Ñimarã ñati yũ tũana, yũ maironama? —ĩre yisēniĩañuju.

³⁰ To bajiro ĩ yisēniĩajare, gotimasiore queti gotiyuju Jesús:

—Sĩgũ jud'io masũ, Jerusalénjũ rojacũmi Jericójũ ejagũ vacũ. Maa ĩ vatone, ĩre ñiarãma juarudirimasa. ĩre ñiacõari, sudi ĩ sãñasere, to yicõari, ĩ gajeyeũni ñajediro ĩre ĩmajecõarãma ĩna. To yicõari, masacatibecũjũ ĩre quēasĩacõarãma ĩna. To yĩ, vacoanama ĩna. ³¹ To ĩna yĩ vato bero, vagũmi pai. ĩre ĩarũabecũ ñari, ĩre gãnirētocoacũmi. ³² ĩ bero, paire moabosarimasũ vagũmi. ĩ quēne ĩre ĩacõari, gãnirētocoacũmi. ³³⁻³⁴ ĩna rētoro bero, samaritano masũ vagũmi. ĩre ĩamaicõari, ĩ tũre tũjarũgũ ejagũmi. To bajicõari, ĩ cãmire ĩre uco yigũ, olivo mũyene, to yicõari, mũye oco rãca ĩ cãmire ĩre tugũmi. To yicõari, sudigase rãca ĩ cãmire ĩre dũreagũmi. Dũreagajanocõari, ĩ yũ burro vãme cũtigũ joejũ ĩre ãmijeo, vacoacũmi samaritano masũ. Vacudirimasa ĩna cãnirivijũ ĩre ãmiejocõari, ĩre codegũmi.^h

³⁵ To bajiro ĩre yicodeñaboa, gajerũmũ ti vi mũjũre ĩre gãjoa ĩsigũmi, jũarũmũ moare vaja yire cõro. To yicõari, ado bajiro gotigũmi: “Rojorã ĩna quēasĩaecor'ire ĩre vaja yibosagu yaja yũ, ado ĩre mũ coderoti vaja. ĩTo bajiri quēnaro ĩre codeba mũ! ĩre mũ codero bero, yũ vaja mojama, ado quēna gãme vagũ, mũre vaja yicõarũcũja yũ” ĩre yigũmi, ti vi mũjũre —yigotiyuju Jesús, Dios ĩ rotimasire gotimasiorimasũre.

³⁶ To bajiro ĩre yigotigajanocõari, ado bajiro ĩre sēniĩañuju Jesús:

—Ti quetire, ¿no bajiro tũoĩati mũ? ĩna idiarã ñariarã, ¿nijũa ĩre ĩamaiñujari ĩ? —ĩre yisēniĩañuju Jesús.

³⁷ To bajiro ĩ yisēniĩarone,

—“Maioro bajigũ ñaami” yĩĩasũtiriticõari, quēnaro ĩre yir'ijũa ñarimi ĩre mair'ima —Jesúre yicũdiyuju Dios ĩ rotimasire gotimasiorimasũ.

To bajiro ĩ yirone, ado bajiro cũdiyuju Jesús:

—Riojo yũre cũdiaja mũ. To bajiri, mũ quēne to bajirone yija. Maioro bajirãre mũ ĩajama, ĩnare ejarẽmoña —ĩre yiyuju Jesús.

Marta mesa ya vijũ Jesús ĩ ejare queti

^h 10:33-34 Samaria sitana, samaritano masa vãme cũtuyujarã ĩna. ĩna rãca gãmerã ĩateyujarã judío masa.

38-39 Ī buerimasa rāca Jerusalénjū varūtu vacune, gaje macajū ĩnare ũmato ejayuju Jesús. Tojūre Marta vāme cūtigo, so bedeo, Mar'ia rāca ñañuju so. To bajiri ĩna ya vijū Jesús ĩ ejarone, ĩre bocacōari, ĩre sēniñuju Marta. Sājaejacōari, Jesús ĩ gotimasio ñaro tare rujyuju so bedeo, Mar'ia, ĩre ajirujigo. ⁴⁰ To bajiro so bajijare, Martajū, “Jairo moare ti ñajare sīgōne ñari, moatīmabeaja yū” yigo, Jesúre ado bajiro ĩre yiyoayuju so:

—Yū ũjū, yū sīgōne yū moasejūarema tūoĩabeaja mū. Yū bedeo, yūre ejarēmobeamo so. To bajiri, “Mū gagore sore moaejarēmoña”, sore yiya mū —Jesúre ĩre yiyoayuju Marta.

⁴¹ To bajiro so yisere ajicōari, ado bajiro sore cūdiyuju Jesús:

—Marta, yū maigō, moarere tūoĩarejaibesa mū. ⁴² Mū bedeo, quēnasejūare tūoĩamasiame so. To bajiri yū gotisere ajigo yamo. To bajiro so bajijare, sore moarotire maja —sore yicūdiyuju Jesús.

11

Diore mani sēnirotire Jesús ĩ gotimasiore queti

(Mt 6.9-15; 7.7-11)

¹ Cojorūmū ĩ jacūre ĩre sēniñuju Jesús. To ĩ yigajanorone, sīgū ĩ buerimasū ado bajiro ĩre sēniñañuju:

—Juan vāme cūtigū, masare oco rāca bautizarimasū, ĩ buerāre Diore ĩna sēnirotire gotimasioñuju ĩ. To bajiri, ¿yūare quēne Diore yūa sēnirotire yūare gotimasioģūti mū? —Jesúre yisēniñañuju ĩ.

² To bajiro ĩ yijare, ado bajiro ĩ buerimasare gotimasioñuju Jesús:

—Diore mūa sēnijama, ado bajiro sēniuarāja mūa:

“Yūa jacū, masa ñajediro, ‘Quēnarētogū ñaja mū’ mūre yirūcūbūoato ĩna. Adi macarūcūroana, mū bojase rīne yūa yirotere tūoĩa yurūģūaja yūa. Jēre ō vecaju mū ñaroju mū yarā mū rotirore bajirone yīñarāma. To bajiri adi macarūcūrojūre quēne mū rotirore bajiro rīne yirere bojaja yūa.

³ Tocārācarūmūne yūa barotire cōaña mū.

⁴ ‘Rojose yūa yisere masirioya’ mūre yisēniaja yūa, rojose yūare yirāre quēne masiriorā ñari.

Rojose yūa yirotere masigū ñari, ‘Tire yibeticōato ĩna’ yigū, yūare matabosaya”. Ado bajiro Diore mūa sēnijama, quēnaja —yiyuju Jesús, ĩ buerimasare.

⁵⁻⁶ To yicōari, gotimasiore queti ado bajiro ĩnare gotiyuju:

—Sīgū, vacudigū, ñami ĝūdarecojū ĩ baba ya vijūre ejaģūmi. ĩ ejaro ĩacōari, bare ĩre ecaroti ti manijare, gaje viagū ĩ babare sēniģū vacoacūmi. ĩ ya vijū ejaģūari, “Yū baba ĩ ejaro ĩre yū ecaroti ti manijare, mūre bare sēniģū bajibū yū”, ĩre yigūmi. ⁷ To bajiro ĩ yirone, ado bajiro ĩre cūdigūmi: “Yūre ĝōjanabiobesa mū. Jēre sojere bibecōamū yū. Yū, yū rīa quēne cānirā yaja yūa. To bajiri, vāģācōari, mūre ĩsimasibeaja yū”, ĩre yicūdicōaģūmi.

⁸ ĩre ĩ ĩsirūabetiboajaquēne, ĩre ĩ sēnitūjabetijare, ĩ bojasere ĩsicōarūcūmi.

“Diore mūa sēnijama, mūare cūdirūcūmi”, Jesús ĩ yigotimasiore queti

(Mt 7.7-11)

⁹ To bajiri quēnaro yūre ajiya mūa. Diore mūa sēnijama, cōarūcūmi. ĩre sēnicōari, mūa macajama, būjarūarāja mūa. Sīgū no bojase ĩre ti rūyajama, ĝāji ya vijū ejaģūari sājarū, sēniģūmi. ĩ sēniñajare, ĩre sājaroticōari, ĩre ejarēmogūmi. To bajirone bajiaja Diore sēniarē quēne. ĩre mūa sēnisere ajicōari, quēnaro mūare yiejarēmorūcūmi. ¹⁰ “Dios manire ejarēmorūcūmi” yitūoĩarā ñari, ĩre ĩna sēnisere ĩnare cōarūcūmi. ĩna macajaquēne, būjarūarāma —ĩ buerimasare yiyuju Jesús.

¹¹ To yicōari, quēna ado bajiro ĩnare gotimasioñuju Jesús:

—“Vai bojaja yū” mūa macū ĩ yisēnijama, ¿āña, bar'i merene ĩsirātique mūa? ĩsimenaja mūa. ¹² “Ĝājabocū ria bojaja yū” mūa macū ĩ yijama, ¿cotibajare ĩsirātique mūa? ĩsimenaja

mua. ¹³ Diore bajiro quēnase yirā me ñaboarine, mua rĩare quēnaro yaja mua. To bajiri tire masicōari, ado bajiro Diore yimasiaja mani: “No bojarā Esp'iritu Santore c̄uoḡarā, mani jac̄ ō vecaḡare ña sēnijama, ñare cōar̄uc̄ami”, yimasiaja mani —ĩ buerimasare yiyuju Jesús.

“Vātia uju ĩ masise rāca yigu yami Jesús”, ña yire queti
(Mt 12.22-30; Mr 3.20-27)

¹⁴ Sīgū vāti sãñagū ñañuju. “¡Ñagōbeticōato!” yigu, ĩ usuj̄are sãjacōari, ñañuju. ĩre Jesús ĩ burocarone, ñagōmasicoasuju masuj̄a. Tire ĩacōari, no yimasibesujarā masa, ti ũnre ĩabetirūgūriarā ñari. ¹⁵ Sīgūri, ado bajiro Jesúre ĩre yit̄oĩañujarā ña:

—Ĩ usuj̄a vātia uju Beelzebú vāme c̄utigū sãñagū ñaami Jesús. To bajiri Beelzebú ĩ masise rāca vātiare bureaami —Jesúre ĩre yit̄oĩañujarā ña.

¹⁶ Gãjerāma, ado bajiro Jesúre yiyujarā:

—“Dios ĩ cōagū ñaami” yua yĩamasirotire yigu, ō vecaye ĩañamamani yuare yĩoña —Jesúre ĩre yiboayujarā ña. ¹⁷ “Beelzebú sãñagū ñaami” socarāne ña yit̄oĩasere masicōari, ado bajiro ñare gotiyuju Jesús:

—Cojo sitana rotirimasa ña gāmerā quēajama, ña masune gāmerā s̄layayirā yirāma. To bajirone bajiroja cojo macanare quēne, cojo vi ñarāre quēne. ¹⁸ To bajirone bajiroja vātiare quēne. Vātia ña gāmerā bureajama, “Masare rojose yit̄ujato mani” yirā yiborāma. To bajiro ti bajijare, “Beelzebú vāme c̄utigū ĩ masise rāca masa usurij̄u sãñarāre vātiare bureaami” yure mua yiboase, riojo yirā me yaja mua. ¹⁹ To bajiro yure mua yit̄oĩaboajama, mua buerā quēne masa usurij̄u sãñarāre vātiare ña bureasere, “Vāti ĩ masise rāca burearāma ña quēne” yirāre bajiro yaja mua. To bajiro mua yijama, “T̄oĩamavisarā yaja mua”, muare yir̄arāma ña, mua buerā. ²⁰ Ado bajirojua t̄oĩarona ñaboaja mua: “Vātia uju ĩ masise rāca me yami. Esp'iritu Santo ĩ masise rācajua vātiare bureaami”, yure yit̄oĩarona ñaja mua. To yicōari, “‘Rotim̄or̄uḡōr̄uc̄ami’ yigu, Dios ĩ cōar̄'i ñaami”, yit̄oĩamasiroti ñaja muare.

²¹ “To bajiro yimasiroti ñaboaja” yigu ñari, “Quēnabusaro yimasiatō” yigu, quēna gajeye gotimasioire queti muare gotiaja yu: Sīgū, guamu, jairo besu c̄uogu ñari, ĩ ya viayere quēnaro ĩ ĩatir̄ñujare, no bajiro yicōari juarudimasimenama. ²² To bajiboarine, “Jairo c̄uogu yu ñajare, yure ĩmamasigū magūmi” ĩ yit̄oĩaboasere, gāji ejacōari, ĩre quēagūmi. To yicōari, ĩ besure, ĩ gajeyeũnre quēne ĩmacōari, gãjerā ĩ babarāre ĩsibatogūmi ĩ r̄etoro t̄magū. Tire bajiro bajaiaja yure quēne. Vātia uju, masigū ĩ ñaboajaquēne, yuj̄a, ĩ r̄etoro masigū ñaja yu. ĩ rotiboasere ĩre yirotibeticōari, vātiare yu burease s̄orine, vāti ĩ rotiajeboariarāre ĩre ĩmagū yaja, “Yu yarā ñato” yigu.

²³ No bojarā yu gotiboasere ajitir̄ñumenama, yure ajitir̄ñuboronare matarā yirāma. No bojarā, “Jesúre ajitir̄ñuña” yure yigoticudibosamenama, “ĩre ajibesa” yirāre bajiro bajirā ñarāma —ñare yiyuju Jesús.

Vāti, masu usuj̄are sãñar'i, budicōari, ĩ tudisājare queti
(Mt 12.43-45)

²⁴ Quēna ado bajiro yiyuju Jesús:

—Vāti, masu usuj̄are budicōari, oco manorij̄u vacudigūmi. Tujariajau bujabecu ñari, ado bajiro t̄oĩagūmi: “Yu budiriaroj̄une vacoarocu ñagūja yu”, yit̄oĩagūmi. ²⁵ Masu usuj̄are ĩ budigoriarore tudiejagu ĩ ĩajama, gōjanabiose mano, quēnarivire bajiro masu usuj̄are ĩaejagūmi. ²⁶ To bajiro ĩ usuj̄are ĩaejacōari, cojomo cōro jua j̄enituarir̄acu vātia ĩ r̄etoro rojose yirāre ũmato ejagūmi. To yicōari, ña ñaro cōrone masu usuj̄are sãjarāma ña. To bajiri, r̄etorobusa rojose yigu ñagūmi masu yuja. To bajirone bajir̄aroja muare adirodoria rojose yirāre quēne. Vātiare yu bureacōaboajaquēne, yure ajitir̄ñumena ñari, butobusa rojose yirā ñaja mua —ñare yiyuju Jesús.

²⁷ To bajiro ĩ yisere ajicōari, sīgō r̄omio masa vatoaju ñacōari, ado bajiro Jesúre ĩre yiyuju:

—Buto variquēnagōmo so, mure ũjubucorio —ĭre yiyuju so.

²⁸ To so yirone, ado bajiro sore cadiyuju Jesús:

—To bajiro yure m̄a yiboajaquēne, Dios ocare ajicōari, ĭ rotisere quēnaro yirā ñarāma buto variquēnarāma —sore yicadiyuju Jesús.

*“Ĭaĭañamani m̄a yĩosere bojaja yua”, ĩna yire queti
(Mt 12.38-42; Mr 8.12)*

²⁹ Jesús tujure jājarābusa masa ĩna ejarūtuate, ado bajiro ĩnare gotiyuju Jesús:

—M̄a adirodoriana, rojose yirā jājarā ñaja m̄a. Yure ajiterā ñari, ĩaĭañamani m̄are yu yĩosere bojaboaja m̄a. To bajiro m̄a bojaboajaquēne, m̄are yĩobetiruc̄aja yu. To bajiboarine Jonás ñamasir'i Diore gotirētosarimasu ĩ bajimasirere bajiro bajĩoroti ñaroja.

³⁰ Jonás ĩna tujm̄ ĩ ejaroto rĩjoro ĩ bajimasirere ĩnare ĩ gotisere ajicōari, “Diore gotirētosagu ñaami”, ĩre yit̄oĩamasĩñujarā ĩna, N'inive vāme cuti macana ñamasiriarā. Ti ũnre bajiro bajiruc̄aja yu quēne, Dios ĩ roticōacacu ñari. To bajiro yu bajise ñajare, “Dios ĩ cōar'ine ñañumi”, yimasiruarāma masa.¹ ³¹ “Uju Salomón quēnaro masigū ñañuju” yire quetire ajicōari, Sabá sitana ujo ñamasirio, sōju vadicōari, ĩre ajigo ejamasĩñuju so. Salomón rētoro ñamasugū ñaja yu. To bajiro yu bajiboajaquēne, m̄aj̄ama, yure ajitir̄n̄abeaja m̄a. To bajiri masare Dios ĩ beserir̄m̄ ti ejaro, ado bajiro bajir̄aroja m̄are: Salomón t̄u ejamasirio, tudicaticōari, “M̄a ye s̄orine rojose t̄am̄or̄arāja”, m̄are yir̄ocomo so, yu gotisere ajirā ñaboarine, rojose m̄a yit̄ajabetijare, ĩnare yiyuju Jesús. ³² N'inive macana ñamasiriarā, Jonás ñamasir'i Dios oca ĩ gotisere ajicōari, rojose ĩna yisere s̄atiriticōari, yit̄ajamasĩñujarā ĩna. Jonás rētoro ñamasugū ñaja yu. To bajiro yu bajiboajaquēne, m̄aj̄ama, rojose m̄a yisere yit̄ajabeaja m̄a. To bajiro yirā m̄a ñajare, masare Dios ĩ beserir̄m̄ ti ejaro, ado bajiro bajir̄aroja: N'inive maca ñamasiriarā, tudicatur̄arāma ĩna. Tudicaticōari, “M̄a ye s̄orine rojose t̄am̄or̄arāja”, m̄are yĩar̄arāma —ĩnare yiyuju Jesús.

³³ To yicōari, quēna gaje queti, gotimasiore queti ado bajiro ĩnare gotiyuju Jesús:

—S̄ibusuariare j̄eocōari, sot̄ane tiare mub̄amenaja m̄a. Tire j̄eocōari, “Ñajediro ti vianare ũjubusurato” yirā, vecaju jeorāja m̄a —ĩnare yigotiyuju Jesús.ĭ

³⁴⁻³⁵ To yicōari, quēna gaje gotimasiore queti ĩnare gotiyuju:

—M̄a caje quēnaro ti ruyujama, “Tine ñaja quēnamasuse”, yĩamasajaja m̄a. To bajiboarine, m̄a caje quēnaro ti ruyubetijama, quēnabetire ĩacōari, m̄a masune, “Ti ñaja quēnamasuse”, yisocarāja m̄a. Tire bajiro bajiaja m̄a t̄oĩase quēne. Dios ĩ bojarore bajiro quēnaro m̄a t̄oĩajama, ñajediro quēnaro riojo t̄oĩamasiruarāja m̄a. ĩ bojabetire m̄a t̄oĩajama, “Riojo t̄oĩamasajaja” m̄a masune yisocañarā rĩne, ñajediro riojo t̄oĩamasimena ñacoaruarāja m̄a. To bajiri, quēnabetire ĩacōari, “Mani masune, ‘Ti ñaja quēnamasuse’ yisocarobe” yirā, Dios ĩ bojarore bajiro quēnaro t̄oĩaña m̄a. ³⁶ Dios ĩ bojarore bajiro quēnase rĩne m̄a t̄oĩajama, ñajediro quēnaro riojo t̄oĩamasiruarāja m̄a —ĩnare yiyuju Jesús.

Fariseo masa, to yicōari, Dios ĩ rotimasire gotimasiore masa quēne, “Rojose t̄am̄or̄arāja m̄a”, Jesús ĩnare ĩ yire queti

(Mt 23.1-36; Mr 12.38-40; Lc 20.45-47)

³⁷ To bajiro ĩ yigajanoro bero, s̄igū fariseo masu,

—Yu ya vij̄a yu rāca bagu vayá m̄a —Jesúre yiyuju.

To bajiro ĩ yir'i ñari, ĩ tujm̄ s̄ajaejacōari, ĩ āmori coebec̄une, baejar̄uju vasuju Jesús. ³⁸ To ĩ bajiro ĩacōari, “ “Manire ĩvariquēnato Dios” yirā, mani ñic̄ua ĩna yimasiriarore bajiro

ĭ 11:30 “Ti ũnre bajiro bajiruc̄aja” Jesús ĩ yijama, rijacoabarine, ĩ tudicatit̄ore t̄oĩacōari, yiyuju. ĩ 11:33 To bajiro Jesús ĩ yijama, ĩ oca riojo masirāma, “Ḡajer̄are gotimasioreti ñaja” yiḡu, yiyuju.

ãmori coecõari rĩne, baroti ñaja' yirotimasirere yirũcũbeami Jesús” ãre yĩãgũ ñari, no yimasibesuju fariseo masũ.

³⁹ To bajiro ãre ã yitũoĩasere ãamasicõari, ado bajiro ãre gotiyuju Jesús:

—Idiriabaja, bare jeobariabajare bajiro bajiaja mũa, fariseo masa. Idiriabaja, bare jeobariabaja joema coeriabajari ñaboarine, jubeajũama bũto ãeri cõtibajarire bajiro bajiaja mũa. Mũa ãsũri bajisejũarema tũoĩabeaja mũa. To bajirã ñari, “Quẽnaro yirã ñaja yũa” yitũoĩaboarine, rojosere quẽne tũoĩarã ñari, rojorã ñaja mũa. ããorã ñari, “ãnare yitocõari, ãna cũoboasere ãmarũarãja”, yitũoĩarã ñaja mũa. ⁴⁰ Tũoĩamasimenare bajiro bajirã ñaja mũa, “Rojorã ñaja mani” yimasimena ñari. ¿Dios, mani rujũrere rujeor'i, mani ãsũrere quẽne rujeobesujarique ã? Mani ãsũrere rujeor'i ñari, quẽnaro mani tũoĩasere quẽne bojaami Dios. ⁴¹ Rojasere tũoĩatũjaya. To bajiro mũa yijama, Dios ã bojarore bajiro tũoĩarã ñari, quẽnaro yirã masu ñarũarãja mũa.

⁴² Bũto rojose tãmũorũarãja mũa, fariseo masa. Dios ã rotimasirere buerẽtobucõari, ñamasuse mejũare ajitirũnũrãja mũa. To bajiro yirã ñari, bare sãvũorere, an'is, menta, comino vãme cõtire mojoroaca ti vaja cõtiboajaquẽne, Diore yirũcũbũoriavi moabosari-masare ãsiaja mũa. To bajiro yirã ñaboarine, Dios ã rotimasire ñamasusejũarema ajitirũnũmenaja mũa. Ado bajiro bajiaja ñamasuse: Quẽnaro riojo yire, gãjerãre ãmaire, to yicõari, Diore maire quẽne ñaja ñamasuse. Tire quẽne yirũgũrona ñaja mũa.

⁴³ Bũto rojose tãmũorũarãja mũa, fariseo masa. Boserũmũ ñaro rũcũbũoriajajũ baruji variquẽnaja mũa. Dios ocare ãna buerivirijũ quẽne rũcũbũoriajajũ rujivariquẽnaja. Masa ãna ñarijũ mũa ejajama, rũcũbũose rãca mũare ãna sãnisere bojarũgũaja mũa.

⁴⁴ Bũto rojose tãmũorũarãja mũa. Masa, gojere bajiro bajiaja mũa. Ti goje joere vaboarine, “Masa ãna yujeriagoje ñaroja” yimasimenama, õ ãñerocajũ ti ñajare. Tire bajiro bajiaja mũare quẽne. Rojose mũa tũoĩasere masimena ñari, “Rojorã rãca ñaja mani”, mũare yimasibeama masa, mũa tũjũ ejarã —ãnare yigotiyuju Jesús, fariseo masare.

⁴⁵ To bajiro ã yigotirone, sĩgũ Dios ã rotimasire gotimasiorimasũ ñãñuju ã. Ado bajiro Jesũre yiyuju:

—Gotimasiorimasũ, tũoĩamasiri mene goticõaja mũa. Fariseo masare to bajiro mũa yijama, yũare quẽne tud'igũ yaja mũa —Jesũre ãre yiyuju.

⁴⁶ To bajiro ã yirone, ado bajiro ãre cãdiyuju Jesús:

—Mũa, Dios ã rotimasire gotimasiorimasa quẽne bũto rojose tãmũorũarãja. Dios ã rotimasire masirã ñari, ã rotimasire rẽtobũsaro yirotirũgũaja mũa. “Cojo vãme me mani rotise ñajare, cãdijeomasimenama ãna” yimasirã ñaboarine, ãnare ãamaimenane, “Ñajediro yũa gotirẽtobuse riojo ñaja”, masare ãnare yirũgũaja mũa.

⁴⁷ Bũto rojose tãmũorũarãja mũa. Diore gotirẽtobosamasiriarãre mũa ñicũa ãna sãamasiriarãre ãna yujemasirijajũ joere quẽnarijajũri quẽnoaja mũa, “Quẽnarã ñãñuma” yirã.

⁴⁸ To bajiro mũa yijama, “Quẽnarã ñãñuma” yirã me yaja mũa. Ado bajirojũna yirã yaja: “Diore gotirẽtobosamasiriarãre mani ñicũa ãna sãamasire quẽnañuja ti” yirã yaja mũa, mũa ñicũa rojose ãna yiriarore bajiro rojose yirã ñari.

⁴⁹ To bajiro mũa yiroto rĩjorojũne masicõañumi Dios, quẽnaro tũoĩãgũ ñari. Ado bajiro yiyumi, mũa ñicũare, to yicõari, mũare quẽne tũoĩayugũ ñari: “Jud'io masa vatoajũ yũre gotirẽtobosarãre, to yicõari, gãjerã yũ oca goticudirimasare quẽne cõarũcũja yũ. ãnare sãarũarãma ãna. Gãjerãrema, rojose ãnare yirũarãma”, jud'io masare mũare yiyumi Dios.

⁵⁰⁻⁵¹ To bajiri mũa ñicũa ãna yimasire, mũa yisere quẽne ado bajiro mũare yirũcũmi Dios: Abel ñamasir'ire mũa ñicũ ã sãasũomasire, to yicõari Diore gotirẽtobosarimasare mũa ñicũa ãna sãamasire, to yicõari Diore yirũcũbũoriavi jubeajũ ñarijũ soemũoriajajũ tũjũ mũa ñicũa Zacar'iare ãna sãatũsamasire ti ñajare, bũto rojose tãmũorũarãja mũa adirũmũri ñarã. ãna bajimasiriarore bajirone Diore mũa ajitirũnũbeticõa ñajare, ãna sãamasire vaja rojose ãnare ã yiroti rẽtobũsaro rojose mũare yirũcũmi Dios, adirũmũri ñarãre.

⁵² Buto rojose tãmuoruarãja mua, Dios ï rotimasire gotimasiorimasa. Tire buerëtobucõari, ñamasuse mejuare ajitirãncõari, gotimasioivadicaju mua. To bajiro mua yijama, “Uju Dios yarã quẽnaro ï yirã ñabeticõato mani” yirãre bajiro yijãja mua. To yicõari, “Gãjerã, Uju Dios yarã quẽnaro ï yirã ñabeticõato ña” yirã yaja mua. Dios yarã ña ñarũaboajaquẽne, ñnare matarã yaja mua. To bajiri mua quẽne ï yarã ñabetiruarãja mua —Ïre yicãdiyuju Jesús, Dios ï rotimasire gotimasiorimasare.

⁵³⁻⁵⁴ To yigajano, ïre jivar'i ya vijure Jesús ï budiato, bto ïre jũnisiniñujarã Dios ï rotimasire gotimasiorimasa, fariseo masa quẽne. Ïre jũnisinirã ñari, bto ïre sãnĩagõjanabioyujarã ña. “Ï cãdimasibetijama, ïre ocasãrãsa mani” yirã, quẽnaro ajisuya vasujarã.

12

“Quẽnaro yirã ñaja yua” yitũoĩaboarine, ‘Rojorã ñaama’ ñnare yũamasicõari, ña gotimasiosere ajibesa”, Jesús ï yire queti

¹ “Rojose Jesúre yirãsa” yirã, ïre ña ajicode ñarone, jãjarã masa ï tujure rējañujarã ña. Jãjarã masu rëjarã ñari, ña masune gãmerã cãdarorijũ ñañujarã ña. To ña bajiñarone, Jesús ï buerimasajũare ado bajiro gotisũoyuju ï:

—Fariseo masa “Pan vauvato” yirã, ña vuosere quẽnaro ajicõiaña mua. “Quẽnaro yirã ñaja yua” yitũoĩaboarine, rojose yirã ñaama. ² Masa ña masibeti jediro, ï beserirũmu ti ejaro, “Quẽnaro tire masiato” yigu, masare ñnare gotirũcumi Dios. ³ Masa ña ajibeto yayioroaca mua ñagõsere, “Jediro ajiato” yigu, mua ñagõrere gotirũcumi Dios —Ï buerimasare yigotiyuju Jesús.

“Masa rojose yirãre gãuimenane, Diojuare gãuroti ñaja mũare”, Jesús ï yire queti (Mt 10.26-31)

⁴ To yicõari, quẽna ado bajiro ï buerimasare gotiyuju Jesús:

—Yu babarãre ado bajiro mũare gotiaja yu: Mũare sãruarãre gãubeja mua. Mũa usũrijũrema sãmasimenama ña. ⁵ Diojuare mua gãujama, quẽnaja. Ï ñaami mani catisere rotigu. Ï masu masiami. To bajiri rojose tãmuotujabetiriaroju mũare reamasicõami.

⁶ Cojomocãrãcũ miniare mani vaja yijama, juatii gãjoatiiri rãca vaja yire ñaroja ti, mojoroaca vaja cãtirã ña ñajare. To cõroaca vaja cãtiboarine, Dios ï rotibetone rijagu magũmi. ⁷ Masajũare, Dios ï ñajama, jairo vaja cãtirãre bajiro manire ñaami. Manire bto maiami ï. To bajiro bajigu ñari, mani rujoajoare, cojojoara ruabeto cõãjeogu ñaami. To bajiri rojose mũare yirãre gãubeja —Ï buerimasare yiyuju Jesús.

“Masa ña ñaro rĩjorojuã, ‘Jesúre ajitirãncũ ñaja yu’ mua yijama, quẽnaja”, Jesús ï yire queti (Mt 10.32-33; 12.32; 10.19-20)

⁸ Quẽna ado bajiro ï buerimasare gotiyuju Jesús:

—Ado bajiro mũare gotiaja yu: Masa ña ñaro rĩjorojuã, “Jesúre ajitirãncũ ñaja yua” yirãrema, yu quẽne õ vecaju yu jacu yarã ángel mesa ña ñaro rĩjorojuã, “Ánoa ñaama yu yarã”, yũõrcũja yu. ⁹ To bajiboarine masa ñaro rĩjorojuã, “Jesúre ajitirãncũ me ñaja yua” ña yijama, yu quẽne, Dios ï roticõacacũ, õ vecaju yu jacu yarã ángel mesa ña ñaro rĩjorojuã, “Yu yarã me ñaama ñnama”, yũrcũja yu.

¹⁰ No bojarã, Dios ï roticõacacũre rojose yure ña ñagõro bero, sãtiriticõari, Diore ña sãnijama, rojose ña yisere masiriorũcumi. To bajiboarine, Esp'iritu Santo ï masise rãca moagũre, “Satanás ye rãca moami” ña yitud'ijama, Esp'iritu Santojuare rojose yirã yirãma. Tirema gajerodo ti ñacoaboajaquẽne, masiriobetirũcumi Dios.

¹¹ Yu ocare mua gotimasiojare, mũare ñejecõari, Dios ocare ña buerivirijũ ujarã rĩjorojuã mũare juããruarãma ña. To yicõari, macari ujarã rĩjorojuã mũare juããruarãma ña.

To yi vanane, ɥjarã ñamasurã rĩjorojua mɥare juaáruarãma. Ʋjarã rĩjorojua mɥare ña juae-jaro, “¿No bajiro ñagõrãti yua?”, yituoĩarejaibeja mɥa. ¹² “Ñagõña” mɥare ña yirirĩmarone, mani jacɥ Dios ĩ cõagã, Esp'iritu Santo ĩ ejarẽmose rãca “Ado bajiro gotiruarãja yua”, yimasiruarãja mɥa —ĩ buerimasare yigotiyuju Jesús.

“Jairo gajeyeũni mani cɥobetijaquẽne, no yibeaja”, Jesús ĩ yire

¹³ To bajiro ĩ yiro bero, ado bajiro Jesúre sēniãñuju sĩgũ:

—Gotimasiorimasɥ, yɥ jacɥ ñamasicacɥ gajeyeũnire cɥobeaja yɥ. Yɥ gagɥ, tire juacũcacɥ ñaboarine, yure ĩsirɥabeami. To bajiri, “Ĩ ye ñarotire ĩre ĩsiña mɥ” ĩre yiya, yɥ gagɥre — Jesúre ĩre yiyoayuju ĩ.

¹⁴ To bajiro ĩ yisere ajicõari, ado bajiro ĩre cɥdiyuju:

—“Tire yirotirimasɥ ñarɥcɥja mɥ” yigɥ me, yure cõacami Dios —ĩre yicudiyuju Jesús.

¹⁵ To yicõari, masa jedirore ado bajiro gotiyuju:

—Gãjerã ye gajeyeũnire bojaĩabesa. To yicõari, gajeyeũni cɥtirã mɥa ñajama, bɥto tire maibesa. Jairo mani cɥojama, mani cɥobetijaquẽne, no yibeaja. Ti sɥori me variquẽnare ñaroja —ĩnare yiyuju Jesús.

¹⁶ To yicõari, gotimasioire queti ĩnare gotimasioñuju Jesús:

—Sĩgũ masɥ gajeyeũni jaigɥ ñagũmi. ĩ ote quẽne, jairo rica cɥtiroja ti. ¹⁷ Jairo ti ricacɥto ĩacõari ado bajiro tɥoĩagũmi: “¿No bajiro yigɥti yɥ? Nojua cũmasiriaro maja yɥ”, yituoĩagũmi. ¹⁸ To bajiro yituoĩagũne, “Ado bajiro yirɥcɥja yɥ”, yituoĩabɥjagũmi. “Bare cũriavirire caguereacõari, gaje viri jacabɥsariviri bɥarɥcɥja yɥ. To yicõari, ti virijure yɥ barere, yɥ gajeyeũnire quẽne cũrɥcɥja yɥ. ¹⁹ To yigajanocõari, ado bajiro tɥoĩa variquẽnarɥcɥja yɥ: ‘Guaro jedibetirɥaroja ti, yɥ cɥose. To bajiri, ɥsɥsãja, quẽnaro bare ba, idire idi, yivariquẽna ñarɥcɥja yɥ’ ”, yituoĩaboagũmi, socɥne. ²⁰ To bajiro ĩ yituoĩañarone, ado bajiro ĩre yigɥmi Dios: “Tɥoĩamasibecɥre bajiro yaja mɥ. Mɥ rijato bero mɥ bajiro tire tɥoĩabecɥne yicõaja mɥ. Adi ñamine rijacoarɥcɥja mɥ. To bajiri mɥ cɥosema, ¿ñimɥ yejua ñarɥaroadã?”, ĩre yigɥmi Dios. ²¹ Tire bajirone bajiaja Diore tɥoĩamenane, jairo bɥsa gajeyeũni juacũrũtuanarema. “Disejua rɥyabetirɥaroja yɥare” ña yiyoajaquẽne, Dios ĩ ĩajama, “Yɥ ye quẽnasejɥare bɥjabetirona ñaama, yure ajitirũnɥmena ñari”, ĩnare yiĩaami Dios —ĩnare yiyuju Jesús.

“Ĩrĩa mani ñajare, manire ĩtirũnɥrɥcɥmi Dios”, Jesús ĩ yire queti

(Mt 6.25-34)

²² To ĩ yiro bero, ado bajiro ĩ buerimasare gotiyuju quẽna:

—To bajiro Dios ĩ yiĩase ti ñajare, adi macarɥcɥrojure mɥa bajiro tire tɥoĩarejaibesa mɥa. “¿No bajiro bɥjacõari, bare ba, idi, sudi sãña, yicatiñarãti yua?”, yituoĩarejaibesa.

²³ Quẽnamasuse mani ɥsɥre, to yicõari mani rujure manire ĩsiñumi Dios. To bajiri mani baroti, mani idiroti, to yicõari sudi mani sãñarotire quẽne cõarũgũrɥcɥmi ĩ. ²⁴ Minia ña bajisere tɥoĩañã mɥa. ĩna otebetiboajaquẽne, to yicõari, bare ña juarẽocũbetiboajaquẽne, ĩnare bare cõarũgũami Dios. “Miniare quẽne ĩamaigũ ñari, manire roque rẽtoro maigũmi”, ¿yimasibeati mɥa? ²⁵ “Adi macarɥcɥrojure ñarã yoaro catiruarãja yua” mɥa yituoĩarejaiboase, “Yoarobɥsa catiato” yiro, mɥare ejarẽmomasibeaja ti. ²⁶ To bajiro ti bajijare, mɥa catiñarotire tɥoĩarejaibesa.

²⁷ Sudi mɥa sãñarotire quẽne tɥoĩarejaibesa. Go bɥcɥasere tɥoĩañãsaque mɥa: Moabeti, to yicõari, sudi sãñarua tɥoĩarejaibeaja ti. To bajiboarine, Ʋjɥ Salomón ñamasir'i gajeyeũni jaigɥ ĩ ñaboajaquẽne, quẽnase ĩ sudi sãñamasire rẽtoro quẽnase ñaja ti. ²⁸ Gore bɥto quẽnase ñarotirũgũami Dios. Quẽnase ñaboarine, yoaro mene sĩnicoatoja. Ti sĩniro ĩacõari, bare quẽnoruarã, tire juacõari, soerãma masa. To bajiri yoaro catise me ti ñaboajaquẽne, tire quẽnorũgũami Dios. Go rẽtoro manire roque maigũ ñari, “Manire sudi cõarɥcɥmi Dios”, yimasiroti ñaja mɥare. “To bajirone yigɥmi Dios”, yiajitirũnɥbetibɥsarã ñaja mɥa. ²⁹ To bajiri, “¿No bajiro bɥjacõari, bare ba, idi, yicatiñarãti yua?”, yituoĩarejaibesa. ³⁰ Dios

yarã me ñarãma, tire bũto tũoĩarejairãma. Manijũarema, mani jacũ ñagũmi, “Ti rũyaja, ñinare” yimasigũ. ³¹ To bajiri, “Uju Dios yarã, quẽnaro ĩ yirã ñaja mani. ĩ bojarore bajiro quẽnase rĩne yirũarãja”, yitũoĩarũgũña mũa. To bajiro mũa yijama, adi macarũcũroaye mũa cũobetire bũjarũarãja mũa.

Õ vecajũ Dios tũjũ quẽnase mani bũjaroti queti
(Mt 6.19-21)

³² Jãjarã me ñaja mũa. To bajiboarine tũoĩarejaibesa. Uju Dios quẽnase mũare cõavariquẽnarũgũami. To yicõari, ĩ ñaroju õ vecajũ variquẽnase rãca mũare bocaãmirũcũmi. ³³ Jediro mũa cũose gãjerãre ĩsijeocõaña. To yicõari, ti vaja bũjacõari, maioro bajirãre ĩsima. To bajiro mũa yijama, õ vecajũ Dios ĩ ñaroju quẽnase bũjarũarãja mũa. Mũare quẽnaro Dios ĩ yise jedibetirũaroja. Tojũre juarudirimasa ejabetirũarãma. To yicõari, quẽnaro mũare Dios ĩ yisere barearã manama. ³⁴ Õ vecaye quẽnase mũa bũjaroti jedibetiroti ti ñajare, mũa cũosejũare tire tũoĩarejaimenane, “Quẽnaro yũa yise vaja õ vecajũ vaja tacũrã yaja” yitũoĩacõari, quẽnaro yirũgũña —ĩ buerimasare yigotiyuju Jesús.

“Yũ tudiejarotire quẽnaro tũoĩayuya”, Jesús ĩ yire queti

³⁵⁻³⁶ Ado bajiro ñinare gotiyuju Jesús:

—Adi macarũcũrore vaveorũcũja yũ. To bajiboarine, tudivadirũcũja quẽna. Yũ manitoye quẽne, yũ bojarore bajiro quẽnaro yicõa ñama, yũ tudiejarotire tũoĩayurã ñari —ñinare yiyuju Jesús.

To bajiro yigajanocõari, gotimasiore quetire tũoĩacõari, ñinare gotiyuju Jesús:

—Sĩgũ uju gãjerã ñna ãmosiarirũmũ, boserũmũ ñna yiro, ñagũ vacoacũmi ĩ. To bajiri ĩ tudiejaroto rĩjoro ĩre moabosarimasa ĩre yurãma ñna. “¿No cõro tudiejarũti ĩ?”, yirũgũrãma ñna. Tudiejacõari, “Manire ĩ jirone, guaro sojere jãnarũarãja mani”, yitũoĩarãma ñna. ³⁷ To bajiri cãnibetiriarã ñari, ñna uju ĩ tudiejaro, bũto variquẽnarãma ñna. To cõrone ñna uju ñinare rujirotigũmi. Ñinare rujiroti, ĩ masune ñinare bare ecagũmi, ñna uju ñaboarine. ³⁸ To bajiri ñami gũdareco ti ñacoaboajaquẽne, cãnibetiriarã ñari, ñna uju ĩ tudiejaro, ĩre ĩacõari, bũto variquẽnarãma ñna.

To bajiri uju ĩ manitoyejũ ĩ tudiejarotire yurã, ñna cãnibetiriarore bajiro bajicõa ñarũarãja mũa, yũre yurã ñari. Yũ bojarore bajiro quẽnaro yicõa ñama mũa. To bajiro mũa bajijama, yũ tudiejaro ĩacõari, bũto variquẽnarũarãja —ñinare yigotiyuju Jesús.

³⁹ To yicõari, quẽna gaje queti gotiyuju:

—Adi quetire quẽne tũoĩaña: Sĩgũ vi uju, “Adi ñami juarudirimasa ejarũcũmi” ĩ yimasi-jama, roori ñabogũmi, ĩre matarũ. ⁴⁰ To bajiri, “Dios ĩ roticõagũ ĩ tudiejarotire mani masibetirĩmarone tudiejaromi” yirã, roori ñarũgũrũarãja mũa —ñinare yigotiyuju Jesús.

“Ado bajiro bajigũmi yũ tudiejarotire roori ñagũma”, Jesús ĩ yire queti
(Mt 24.45-51)

⁴¹ To bajiro ĩ yijare, sĩgũ ĩ buerimasũ, Pedro vãme cõtigu, ado bajiro Jesũre ĩre sẽnĩañũju ĩ:

—Yũ uju, ¿tire yũa rĩrene gotigu yati mũ? ¿Jedirore gotigu yatique mũ? —ĩre yisẽnĩaboayuju ĩ.

⁴² To ĩ yirone, ado bajiro ĩre cãdiyuju Jesús, gaje queti, gotimasiore rãca gotigu:

—Ado bajiro bajirũcũmi yũre quẽnaro ajitirũnũ tũjabecũ, quẽnaro tũoĩagũ: Uju, gajeroju ñagũacũ, ĩ varoto rĩjoro, “Yũ ya vianare yũre codebosaba” yigu, ĩre moabosarimasũre ĩ cũvar'ire bajiro bajigu ñagũmi. ⁴³ ĩ uju, ĩ rotiriarore bajirone ĩ moayurere tudiejacõari, ĩ ñaejjama, quẽnaro ĩre yigũmi, ĩre moabosarimasũre. ⁴⁴ Riojo mũare gotiaja yũ. Uju ĩ bojarore bajirone ĩ yire ti ñajare, ĩ cũose jedirorene, ĩre ĩatirũnũrotigũmi. ⁴⁵ Ado bajiro bajirũcũmi yũre quẽnaro ajitirũnũbecũma: Rojose yigu ĩ ñajama, uju ĩ vato bero, “Yoatoju tudiejarũmi” yitũoĩagũ ñari, ĩ uju yũre moabosarimasare rojose yigũmi. To yicõari idimecũrũgũrãre baba cãticõari, ñna rãca idirũgũgũmi ĩ quẽne. ⁴⁶ To ĩ yĩñarone, ĩ uju,

tudiejagumi. Tudiejacōari, ĩ rotiriarore bajiro ĩ yibetire ti ñajare, rojose ĩre yigumi. To bajiri “Quēnaro yirā ñaja yua” yiboarine, ĩna yirore bajiro yimena rojose ĩna tām̄orore bajirone tām̄ogumi.

⁴⁷ No bojagu ĩ ĩju ĩ bojasere masiboarine, ĩ rotiriarore bajiro ĩ yibetijama, tudiejacōari, b̄uto ĩre quēas̄acōagumi ĩ ĩju. ⁴⁸ Gājijua, ĩju ĩ bojasere masibecune ĩ yijama, tudiejacōari, quēnab̄usane ĩre quēagumi ĩ ĩju —ĩnare yigotiyuju Jesús.^k

*“Yure m̄ua ajitir̄un̄sere ĩacōari, m̄are ĩaj̄ūnisinir̄ar̄ama”, Jesús ĩ yire queti
(Mt 10.34-36)*

⁴⁹⁻⁵⁰ Quēna ado bajiro ĩnare gotiyuju Jesús:

—“Rojose tām̄ot̄ujabetiriaroju mani vaborotire manire yir̄etobosar̄uc̄ami Jesús’ yivariquēnarona ñato” yigu, vadicaju yu. To bajiro bajicacu ñari, gājerā tire t̄oīamenare ĩnare soereaḡuaḡure bajiro bajicaju yu. To bajicacu ñari, guaro ĩnare yu rijabosarotire bojaja yu. ⁵¹ “‘Quēnaro ñato ĩna masa’ yigu, vayumi Jesús”, yure yit̄oīabesa m̄ua. Dios ĩ bojabeti yirā, yu ocare ajij̄ūnisinicōari, yure ajitir̄un̄r̄are ĩater̄ar̄ama ĩna. To bajiri ado bajirojua yure yit̄oīañā: “ ĩ s̄ori ricatiri t̄oīar̄ar̄ama masa’ yigu bajiyumi Jesús”, yure yit̄oīañā. ⁵² “Ado bajiro bajir̄aroja” yigu yaja yu: Cojo viana ñaboarine, s̄iḡari yure ajitir̄un̄r̄ā ña, gājerāju yure ajiterā ña, bajir̄ar̄ama. ⁵³ ĩ mac̄u, yure ĩ ajitir̄un̄jama, ĩ jac̄jua ĩre ĩater̄uc̄ami. Jac̄jua, yure ĩ ajitir̄un̄jama, ĩ mac̄jua, ĩre ĩater̄uc̄ami. So mac̄ojua, yure so ajitir̄un̄jama, so jac̄ojua, sore ĩater̄uc̄ocomo. Jac̄ojua, yure so ajitir̄un̄jama, so mac̄ojua, sore ĩater̄uc̄ocomo. So j̄ejojua yure so ajitir̄un̄jama, so ūmañicojua, sore ĩater̄uc̄ocomo. So ūmañicojua yure so ajitir̄un̄jama, so j̄ejojua, sore ĩater̄uc̄ocomo —ĩnare yigotiyuju Jesús.

*Rodori bajisere ĩ gotimasiore queti
(Mt 16.1-4; Mr 8.11-13)*

⁵⁴ To yicōari, ado bajiro ĩnare gotir̄ūtuasuju Jesús, jājarā masare:

—Muiju ĩ rocas̄atojua bueri ti vadijama, “Oco quedir̄aja”, yīamasajaja m̄ua. ⁵⁵ To yicōari, mino varuaḡūmuaye ti vēatujama, “B̄uto asir̄uc̄ami muiju”, yīamasajaja m̄ua. ⁵⁶ Ñamasuse mere ĩamasicōari, “Masirā ñaja yua”, yit̄oīaboaja m̄ua. Ñamasusejuare masibeaja m̄ua. Adir̄ūm̄ari yu yisere ĩarā ñaboarine, “Dios ĩ roticōar’i ñari, yami”, yīamasibeaja m̄ua —ĩnare yiyuju Jesús.

*“Rojose m̄ua yiḡure oca quēnoña”, yire queti
(Mt 5.25-26)*

⁵⁷ Ado bajiro ĩnare gotiyuju Jesús quēna:

—¿No yirā m̄ua masune yu yisere ĩacōari, “¿To bajirojua yiroti ñatique?”, yit̄oīabeati m̄ua? ⁵⁸ Gājire rojose m̄ua yijama, oca quēnorimas̄u t̄uju m̄ua ejaroto r̄joro, ĩ r̄aca oca quēnoroti ñaja m̄ua juar̄ane. Oca quēnorimas̄u t̄u ejaminane, m̄ua oca quēnobetijama, masare coderimas̄are juarotir̄uc̄ami, m̄are. ĩjua, m̄are tubiber̄uc̄ami. ⁵⁹ Riojo m̄are gotiaja yu. Rojose m̄ua yire vaja m̄ua vaja yibetijama, budimenaja m̄ua. Tire bajirone bajir̄aroja. Dios ĩ vaja s̄enirir̄ūm̄u ejaroto r̄jorojua, rojose m̄ua yir’ire ĩre oca quēnoña. M̄ua gāmerā oca quēnobetijama, Dios ĩ vaja s̄enirir̄ūm̄u ti ejaro, rojose tām̄ot̄ujabetiriaroju, tudibudiyamanoju m̄are cōar̄uc̄ami —ĩnare yigotiyuju Jesús.

13

“Rojose m̄ua yisere yit̄ujacōari, Dios ĩ bojarore bajirojua m̄ua yibetijama, rojose m̄ua yise vaja bajiyayir̄ar̄aja m̄ua quēne”, Jesús ĩ yire queti

^k **12:48** Adi v̄amere yigu yiyuju Jesús: Adi macar̄uc̄aroju Jesús ĩ tudiejarone, ĩju ĩre moabosarimasare ĩ yiriarore bajiro ĩnare yir̄uc̄ami Dios. To bajiri Dios ĩ bojasere quēnaro masir̄are, “Quēnaro yiya”, yami Dios. ĩ bojasere quēnarobusa masir̄ā, “B̄utob̄usa masiñā”, yami Dios. Mani masiro cōro mani yisere bojami Dios.

¹ Tirūmane queti gotirã Jesús tuj̄u ejayujarã ñna. Ī tuj̄u ejacōari, ado bajise ñre gotiyujarã ñna:

—Galilea sitana, Diore yirūcubūoriavij̄u sãjaejacōari, Diore rūcubūorã, vaibūcūrãre sãñujarã ñna. To ñna bajirone, Uj̄u Pilato ĩ yarãre ñnare s̄laroticōañuju —Jesúre yigotiyujarã ñna.

²⁻³ To bajiro ñna yigotisere ajicōari, ado bajiro ñnare gotiyuju Jesús:

—Galileana ñna bajiyayirere m̄are gotirūcuj̄a yu: Buto rojose ñna yise vaja me bajiyayiyujarã ñna. Gãjerã Galileana rētoro rojose yirã me ñaboayujarã ñna. M̄ua quēne, rojose m̄ua yisere m̄ua t̄uoĭlvasoabetijama, bajiyayicoaruarãja m̄ua. ⁴⁻⁵ Siloé vāme cuti macajure cojo vi, juriaquediato, j̄uaāmocārãc̄u, cojo ḡubo jedi, gaje ḡubo idia j̄ēnituarirãc̄u masare sãñuju ti. Buto rojose ñna yire vaja me bajiyayiyujarã ñna quēne. Gãjerã Jerusalén macana rētoro rojose yirã me ñaboayujarã ñna. M̄ua quēne rojose m̄ua yisere yit̄ujacōari, Dios ĩ bojarore bajiroj̄ua m̄ua yibetijama, bajiyayicoaruarãja m̄ua —ñnare yigotiyuju Jesús.¹

Higuera vāme cutīu rica manire t̄uoĭlacōari, Jesús ĩ gotimasiore

⁶ Quēna gaje queti gotimasiore queti ñnare gotiyuju Jesús:

—Sīgū mas̄u vese cutiḡu ñagūmi. Ī ya vesere higuera vāme cutīure otegūmi. Ī oter'i, “Buc̄ua, rica cuticoatoja ti” yiḡu, ĩagū vac̄umi. Vaejacōari, ĩaboagūmi. Rica manicōaroja.

⁷ To ñagūmi, ĩ vesere codebosarimas̄u. To bajiri, ĩj̄uare ado bajiro gotigūmi: “J̄ere idia cūma tīure rica macaboaja yu. Rica manirūgūaja ti. Quēarocacōañ̄a m̄u, tīure. Rojoricu ñaja ti. Gaji ote vasoaroti ñaja”, ñre yigotigūmi. ⁸⁻⁹ To ĩ yiboajaquēne, ado bajiro ñre c̄udigūmi vese coderimas̄u: “Maji. Quēarocabeticōato mani. Adi cūmare quēne quēnaro tīure ĩacoderuaja yu. Sita quēnase tu, vaibūcūrã ḡuda quēne tu, quēnaro tīure code, gaje cūma gāme tudīlaruarãja mani quēna. To cōrone ti rica manicōajama, quēarocaruarãja mani”, ñre yic̄uḡudimi vese coderimas̄u —ñnare yigotiyuju Jesús^m

Us̄usājariarūm̄u rōmiore Jesús ĩ catioire queti

¹⁰ Us̄usājariarūm̄u ti ñaro Dios ocare ñna buerivij̄u masare gotimasio ñañuju Jesús. ¹¹ ñnare ĩ gotimasio ñaroj̄ure ñañuju sīgō rōmio. Yoaro, j̄uaāmo cōro, cojo ḡubo jedi, gaje ḡubo idia j̄ēnituarirãca ñaricūmari so us̄uj̄u vāti ĩ sãñajare, mubiarine ñacōañuju so. ¹²⁻¹³ To so bajiñasere ĩacōari, sore yiyuju.

—J̄ere m̄u rijaye cutise m̄are jedicoaja ti —sore yiyuju Jesús.

To yiḡane, so s̄yaroj̄ua joere ĩ āmori ñujeoyuju. ĩ ñujeorir̄imarone, riojo v̄um̄ujocoasuju so yuja. V̄um̄ujogone, ado bajiro gotiyuju:

—Jesús s̄uorine quēnaro ȳure yami Dios —yigotiyuju so.

¹⁴ To bajiro so yiboajaquēne, Dios ocare ñna buerivīu j̄u, so quēnaejasere ĩacōari, Jesúre ĩaj̄ūnisiniñuju ĩ. “Us̄usājariarūm̄ure catorotibeama ujarã. To bajiri, ‘Rojose yiḡu ñaami’”, Jesúre yij̄ūnisiniñuju ĩ. To bajiro Jesúre ñre yij̄ūnisinigū ñari, ado bajiro masaj̄are gotiyuju:

—Tocārãca semana, cojomo cōro coja j̄ēnituarirãcarūm̄ari, moariarūm̄ari ñaja ti. To cōroj̄u m̄ua catirotire sēnirã vadirūgūroti ñaja. Adirūm̄u us̄usājariarūm̄u ũnorema to bajiro yirã ejabesa m̄ua —ñnare yigotiyuju ĩ.

¹⁵ To bajiro ñnare ĩ yirone, ado bajiro ñre gotiyuju Jesús:

—“Quēnaro yirã ñaja yua” yit̄uoĭaboarine, rojorã ñaja m̄ua. Us̄usājariarūm̄u ti ñaboajaquēne, m̄ua ta vec̄uare, burroare, bare ecariavij̄u ñarãre ñnare jojiocōari, ñna oco idiroj̄u t̄ua varūgūaja m̄ua. ¹⁶ To bajiro m̄ua yirūgūse ñajare, adiore yu catiosere ĩacōari, buto variquēnaroti ñaboaja m̄uare. Vaibūc̄u me ñaamo. Mani yo, Abraham ñamasir'i jāneñone ñaamo so. Vātia ūj̄u sore siacōari, c̄uoḡure bajiro yiyumi. J̄uaāmo cōro, cojo

¹ 13:4-5 13.2-5 “ñna bajiyayirotiore Jesús ĩ gotijama, ñna rijato beroj̄u, rojose ñna t̄am̄uot̄ujabetirotiore yiḡu yiyuju”, yit̄uoĭaama sīḡari, Dios oca masa ñna ucamasire buerētoburimasa. ^m 13:8-9 “Adi quetiore Jesús ĩ gotijama, ‘Masa rojose ñna yise vaja rojose t̄am̄uot̄ujabetiriaroj̄u ñnare reateḡu ñari, rojose ñna yisere yit̄ujacōari, ĩ bojasej̄uare ñna yirotiore yuḡumi Dios’ yimasioḡu yiyuju?”, yiyujarã sīḡari, Dios oca masa ñna ucamasire buerētoburimasa.

gũbo jedi, gaje gũbo idia jēnitiuarirãca cãmari to bajiro sore cœoñañumi. To bajiro sore ĩ yicœoñajare, “Ušusãjariarũmane sore catiocõaroti ñaroja”, yibũ yũ. Mũa quēne yare bajiro tœoĩamasifiã —Īre yiyuju Jesũs, ti vi ujure.

¹⁷ To bajiro ĩ yisere ajicõari, “Riojo gotiami”, yibojoneñujarã ĩna, ĩre tud'iriarã. Gãjerãjũama, bũto variquēnañujarã ĩna, jediro quēnase rĩne Jesũs ĩ yirũgũsere ĩacõari.

*“Mostaza vãme cutiũ rica, ajeare bajiro bajiaja”, Jesũs ĩ yire
(Mt 13.31-32; Mr 4.30-32)*

¹⁸ Higuera, rica manire sĩgũ ĩ rocare queti Jesũs ĩ gotiro bero, ado bajirone masare gotimasioñuju:

—“Rotimũorũgõrũcũja mũ” yigũ, Dios ĩ cõagũ, yũ gotimasiosere no bojarã ĩna ajitirũnũjama, mũare yũ gotisere mojeroaca ajimasiboarine, rojose ĩna ñare cutisere tœoĩavasoacõari, tocãrãcarũmũri quēnaro ñamũjarũgũcõari, quēnaro ajimasimũjarũgũjama, ado bajiro bajirũaroja: ñ ¹⁹ Sĩgũ ĩ ya vese mostaza ajea otegũmi. To bajiri ĩ oterica mojerica ñaboarine, ti judibũcũacoajama, ote yucãri rētoabusaricũ jairicũ ñaroja tiũ. Jairicũ ti ñajare, tiũ rũjũrijũ minia ĩna ria cutirotijũre quēnorãma ĩna —ĩnare yigotimasioñuju Jesũs.

*“Pan vauvasere bajiro bajiaja” Jesũs ĩ yire queti
(Mt 13.33)*

²⁰ Quēna ado bajiro gotimasioñuju Jesũs:

—“Rotimũorũgõrũcũja mũ” yigũ, Dios ĩ cõagũ, yũ gotimasiosere no bojarã ĩna ajitirũnũjama, mũare yũ gotisere mojeroaca ajimasiboarine, rojose ĩna ñare cutisere tœoĩavasoacõari, tocãrãcarũmũri quēnaro ñamũjarũgũcõari, quēnaro ajimasimũjarũgũjama, ado bajiro bajirũaroja: ²¹ Rõmio, pan quēnogoago, trigo vetare idiaji vasãcõari, pan ũmato vauvasere vœogomo so. To so yijare, jairo vauvaroja ti. Tire bajirone bajirũaroja, Diore rotibosagũre yare ajitirũnũrã jãjarãbũsa mũa bũjũroti —ĩnare yigotimasioñuju Jesũs.

*“Eyabetisoje ñaja Dios tũjũ vana sãjariaro”, Jesũs ĩ yigotimasiore queti
(Mt 7.13-14, 21-23)*

²² Jerusalénjũ vacũ ñaboarine, tocãrãca macã ĩ rētorimacarire ĩnare gotimasiovasuju Jesũs.

²³ To ĩ bajivatone, sĩgũ ĩ rãcagũ ĩre sēniĩañuju ĩ:

—¿Yũ ujuũ, masa rojose tãmũotũjabetiriarojũ vaborona Dios ĩ yirētobosarona, mojeroaca ñarãti? —Īre yisēniĩañuju, Jesũre.

To bajiro ĩ yisere ajicõari, ĩ rãcanare ado bajiro ĩnare gotimasioñuju Jesũs:

²⁴ —Ujuũ Dios yarã quēnaro ĩ yirã mũa ñaruajama, eyabetisojere sãjarãre bajiro josarũarãja mũa. Ti josaboajaquēne, ĩ yarã ñaña mũa. Riojo mũare gotiaja yũ: ĩ yarã mejuama, jãjarã ñaruarãma õ vecajũ eyabetisoje sãjarũaboarã. ²⁵⁻²⁶ Soje bibero bero ejarũarãma ĩna. To bajicõari, sojere jãnamasimena ñari, ado bajiro yare sēniĩaboarũarãma ĩna: “Ujuũ, soje jãnaña mũ” yare yiboarũarãma. To ĩna yirone, “Mũare masibeaja yũ”, ĩnare yirũcũja yũ. To bajiro ĩnare yũ yisere ajicõari, ado bajiro yare yirũarãma ĩna: “Mũ rãca bare ba, idi, yicanane ñaja yũ. Yũa ya macajũre ejacõari, yũare gotimasiocajũ mũ”, yiboarũarãma ĩna. ²⁷ To ĩna yirone, “Jēre mũare masibeaja’ yigotigajanomũ yũ. ¡Vasa! Rojorã ñaja mũa”, ĩnare yirũcũja yũ. ²⁸ To yũ yirone, ĩna ñicũa, Abraham, Isaac, Jacob, to yicõari Diore gotirētobosamasiriarã ñajediro Dios tũjũ quēnaro ĩna ñasere ĩacõari, bũto sũtiritirũarãma ĩna, ĩnare yũ sãjarotibetijare. To bajicõari, bũto rojose tãmũorã ñari, guji põguẽ, oti, yirũarãma ĩna. ²⁹ To bajiboarine Dios tũjũ ejarũarãma gãjerã. Muiju ĩ jiado vadiriarã, ĩ rocasãto vadiriarã, to yicõari varuaga soje vadiriarã, gajejacatũa varuaga soje vadiriarã ñaruarãma. Tojũre ĩ rãca barujirũarãma ĩna.^o ³⁰ Jãjarã adoju ñamasurã,

ñ **13:18** Mostaza ajea ti bajire queti Jesũs ĩ gotirere, “Ado bajiro yirũaro yaja”, yiyujarã Dios oca masa ĩna ucamasirere buerētobudiriarã sĩgũri. “Jesũs ĩ gotimasiosere ajitirũnũrã ĩ ñarirodo mojeroaca ñaboarine, jãjarã ĩna bũjũrotire yigũ yiyuju Jesũs”, yiyujarã ĩna. ^o **13:29** Diorãca ĩna barujirotire Jesũs ĩ yijama, Diorãca quēnaro ĩna ñarotire yigũ yiyuju, yiyujarã Dios oca masa ĩna ucamasire buerētoburimasa.

õ vecajũarema ñamasumena ñarũarãma ñna. Adi macarũcũroju jãjarã ñamasumenama, õ vecajũarema ñamasurã ñarũarãma —ñnare yigotimasioñuju Jesús.¶

³¹ To bajiro ñ yigotimasiorone, Jesús tũju ejayujarã fariseo masa sũgũri. Ñ tũju ejacõari, ado bajiro gotiyujarã ñna:

—Gajeroju vacoasa mũ. Uju Herodes, mũre sũaru macañañuju ñ —Jesũre yigotiyujarã ñna.

³² To bajiro ñna yisere ajicõari, ado bajiro ñnare cũdiyuju Jesús:

—Herodere quẽnaro tũoĩagũre ado bajiro ñre gotiba mũa: ³³ “Moaroti ñaja yũre maji. Masa usũrijũ sãñarãre vãtiare ñnare burearoti, to yicõari rijaye cãtirãre cãtioroti ñaja yũre maji. Yũma, yũ bajiñarotire quẽnaro masiaja yũ. To bajiri Jerusalénjũne vacũ bajiaja yũ. To bajiro yũre varotiami Dios. Tone Diore gotirẽtobosamasiriarãre sũarearũgũmasiñujarã ñna, masa. Tone yũre quẽne sũarũarãma ñna”. To bajiro yũ gotisere yũre gotibosaba mũa —ñnare yicũdiyuju Jesús.

Jerusalén macana ñna bajiro tire Jesús ñ tũoĩasũtiritire queti
(Mt 23.37-39)

³⁴ To bajiro ñnare yigajanocõari, Jerusalén macanare ñre ñna sũarocarõ bero ñna bajiro tire tũoĩacõari, ado bajiro yiyuju Jesús:

—Jerusalén macana, Diore gotirẽtobosamasiriarãre sũamasiriarã jãnerabatia ñnacõama ñna. Dios ñ cõamasiriarãre ñ ocare gotimasiorimasare gũtane ñnare reasũamasiriarã jãnerabatia ñnaama. Cojõji me gãjaboco so querũju eñeroca so rĩare so juarẽorore bajiro ñnare yirũaboacaju yũ, ñnare coderũ. To bajiro yũ yirũaboajaquẽne, ñnajũa yũre bojabeticama.

³⁵ To bajiri jẽre “Ñna ñarijũre codetũajacõaja yũ yuja”, yitũoĩami Dios. Riojo gotiaja yũ: “¡Rotimũorũgõrũcũmi! yigũ, Dios ñ cõar'i vadiami! ¡Quẽnase ñre yivariquẽnato mani! ¡Diore rotibosagu ñ ñajare, ñre quẽnaro yato Dios!”, yũre ñna yiroto rĩjoro, quẽna juaji yũre ñabetirũarãma ñna —ñnare yitũoĩa ñagõñuju Jesús, Jerusalén macanare.

14

Ucũgũre Jesús ñ cãtioro queti

¹ Uũsũsãjariarũmũ ti ñnaro, fariseo masa uju ya vijũre bagũ vasuju Jesús. Toju ñ ejaro, “Jesús, rojose yimi” ujarãre yi ocasãrũarã, Jesũre quẽnaro ñacodeyujarã ñna, fariseo masa, Dios ñ rotimasire gotimasiorimasa quẽne. ² Toju ñañuju sũgũ, ñ ruju jediro ucũgũ. ³ To bajiri fariseo masa, Dios ñ rotimasire gotimasiorimasa quẽne ñna tũoĩasere masicõari, ado bajiro ñnare sũniñañuju Jesús:

—¿Adirũmũ usũsãjariarũmũre rijaye cãtirãre manire cãtiorotibea Dios oca masa ñna ucãmasire? —ñnare yisũniñañuju ñ.

⁴ To bajiro ñ yiboajaquẽne, ñre cũdibesujarã ñnajũama. To bajiri ucũgũre jicõari, ñre cãtioroyuju Jesús. To yicõari, ñre varotiyuju. ⁵ Ñre varoticõari, ñ vato bero ñnarãre ado bajiro ñnare gotiyuju ñ:

—Ta vecũ mũa ecar'i, gojeju ñ quediocasãjama, “Uũsũsãjariarũmũ ñaja” yirã, ¿ãmirã vamenada mũa? —ñnare yigotiyuju Jesús.

⁶ To ñ yisere ajicõari, no bajiro ñre cũdimasibesujarã ñna.

“Masa, ñamasumenajũare, Ñamasurã ñato’ yigũ yirũcũmi Dios”, yire queti

⁷ To ñ yiro bero, toju barã ejarã, rũcũbũoriajũre rujirũayujarã ñna. To ñna bajisere ñacõari, ado bajiro ñnare yigotimasioñuju Jesús quẽna:

⁸⁻⁹ —No bojagu ñ ãmosiarotire “Ñarã vadiato” yigotiecorã mũa ñajama, ñ tũju ejarãne, rũcũbũoriaju rujibeja. To bajiro mũa bajibetijama, rũcũbũoriaju mũa rujiro bero gãji

¶ 13:30 “To bajiro Jesús ñ yijama, judío masa Dios ñ besesũboariarã jãjarã ñ tũju ñna ejabetirotire, to yicõari, judío masa me ñarã ñ besetũsarã ñ tũju ñna ejarotire yigu yiyuju ñ”, yitũoĩañujarã sũgũri Dios oca masa ñna ucãmasire buerẽtoburimasa.

mua rētoro ñamasugũ ï ejajama, ado bajiro m̄are gotir̄uc̄ami vi ɥju: “T̄saroj̄ua rujiaya m̄ama. Ñ̄nij̄ua, m̄ua bero ejaguj̄ua, adore rujir̄uc̄ami”, m̄are yir̄uc̄ami. To bajiro ï yirone, b̄ato bojoner̄uar̄aja m̄ua. ¹⁰ To bajiri “Īar̄ã vadiato” m̄are ñ̄na yijama, ñ̄na t̄uj̄u ejac̄õari, t̄saroj̄ua rujiba m̄ua. Vi ɥju, m̄are ĩac̄õari, “R̄ũc̄ub̄õor̄iaj̄uj̄ua rujiaya m̄ua”, yir̄uc̄ami. To bajiro m̄are ï yiro ajiri, m̄are yir̄uc̄ub̄õor̄uar̄ama ñ̄na, rujir̄ã quēne. ¹¹ Ado bajiro ti bajijare, to bajiro bajiaja: No bojaḡure, ñ̄amasugũ ñ̄ar̄uaḡure, “Ñ̄amasugũ me ñ̄ato”, ĩre yir̄uc̄ami Dios. No bojaḡure, “Ñ̄amasugũ me ñ̄aja ȳu” yiḡu, quēnaro ḡãjer̄ãre yir̄uc̄ub̄õoḡuj̄ure, “Ñ̄amasugũ ñ̄ato”, ĩre yir̄uc̄ami Dios —ĩnare yigotimasioñ̄uju Jesús.

Maiores bajir̄ãre Jesús ĩ mair̄otire queti

¹² To yigajanoc̄õari, viaḡure ado bajiro ĩre gotiyuju Jesús:

—Ḡãjer̄ãre m̄a barotijama, m̄a babar̄ãre, m̄a yar̄ãre, to yic̄õari, jairo c̄õor̄ãre m̄a t̄uanare, ĩnare barotibetic̄õañ̄a. ĩnare m̄a barotijama, bero ñ̄naja quēna barotir̄ãma, c̄õor̄ã ñ̄ari yibetic̄õañ̄a. ¹³ To bajiri, ḡãjer̄ãre m̄a barotijama, ñ̄ie c̄õomenare, micar̄ãre, rujasagueri vanare, to yic̄õari, ĩamenare quēne barotiya m̄u. ¹⁴ ĩn̄aj̄uama m̄are bare ecamasimenama ñ̄na, mojoroaca c̄õor̄ã ñ̄ari. To bajiro ĩnare m̄a yijama, b̄ato variquēnar̄uc̄aja m̄u. Beroj̄u ĩ bojarore bajiro yiriar̄ãre rijariar̄ãre, ĩ catorir̄ãm̄uj̄u m̄are vaja yir̄uc̄ami Dios, to bajiro m̄a yise vaja —viaḡure yigotiyuju Jesús.

“Ī mac̄u ĩ ãmosiaḡuadjare, masare jir̄ẽoḡũmi ɥju”, Jesús ĩ yigotimasiore queti (Mt 22.1-10)

¹⁵ To bajiro ĩ yisere ajic̄õari, s̄ĩḡũ, Jesúr̄ãca barujiɥu, ado bajiro ĩre gotiyuju:

—Ūju Dios t̄uj̄u õ vecaj̄u ĩ r̄ãca barona variquēnar̄uar̄aja mani —Jesúre ĩre yigotiyuju.

¹⁶ To bajiro ĩ yisere ajic̄õari, ado bajiro ĩre c̄ãdiyuju Jesús:

—To bajirone bajiboroja, Dios t̄uj̄u m̄u ejajama —ĩre yic̄ãdiyuju Jesús. To yic̄õari, gotimasiore quetire gotiyuju:

—Cojor̄ũm̄u s̄ĩḡũ mas̄u quēnaro boser̄ũm̄u yiḡumi. Tir̄ũm̄u ñ̄aroto r̄ĩjoro j̄ãjar̄ã masare jiḡumi, ĩnare ũmato bar̄u. ¹⁷ To bajiri boser̄ũm̄u ti ejaro, ĩre moabosaḡure c̄õaḡũ, ado bajiro ĩre yiḡumi: “Ȳu r̄ãca barona barã vadiato ñ̄na. ‘Bare quēnogajanoaja ȳu j̄ẽre’, m̄are yic̄õami’ ĩnare yigotiba”, ĩre yigotiḡumi, ĩre moabosarimas̄ure. ¹⁸ To bajiro ĩ yic̄õar̄i, ḡãjer̄ãre jicudiboaḡumi. ĩna ñ̄ajediro ricatine ĩre boca c̄ãdir̄ãma ñ̄na. ĩ jis̄õoḡu ado bajiro ĩre c̄ãdiḡumi: “Cojot̄ũcuro oteriat̄ũcuro vaja yib̄u ȳu. Toj̄ure ĩaḡuac̄u yaja ȳu. To bajiri, ĩ t̄uj̄u baḡu var̄uaboarine, vamasibeaja’ ȳure yigotibosaba”, ĩre yic̄ãdiḡumi. ¹⁹ Ḡãjima, ado bajiro ĩre c̄ãdiḡumi: “‘Cojomoc̄ãr̄ãc̄u ta vec̄ua vaja yib̄u ȳu. ĩnare ĩãlaḡuac̄u yaja’ yic̄õami. To bajiri, ‘Vadimemi’ ĩre yic̄õama, m̄u ɥj̄ure”, ĩre yic̄ãdiḡumi, ĩ quēne. ²⁰ Ḡãjij̄uama, ado bajiro yiḡumi quēna: “Manajo c̄ãticoaj̄u ȳu, yuc̄uacane. To bajiri boser̄ũm̄u ĩaḡũ vamasibeaja ȳu”, ĩre yic̄ãdiḡumi. ²¹ To bajiro ñ̄na yijare, ĩ ɥju ya vij̄u tudiejac̄õari, ñ̄na yic̄õasere ĩre gotiḡumi. To bajiro ñ̄na yic̄õasere ĩ gotiro ajij̄ũnisiniḡumi ĩ ɥju. J̄ũnisiniḡũne, ado bajiro rotiḡumi quēna: “¡Guaro vasa m̄u! ¡Macari ñ̄ajediro vasa m̄u! Ñ̄ie c̄õomenare, micar̄ãre, ĩamenare, rujasagueri vanare, ĩnare jiba. ĩn̄aj̄ua, ȳu t̄uj̄u barã vadiato ñ̄na”, ĩre yigotiḡumi, ĩre moabosarimas̄ure. ²² To bajiri ɥju ĩ yirore bajiro yigoticudiḡumi ĩre moabosarimas̄u. ĩ goticudiro bero, tudiejac̄õari, ado bajiro ɥj̄ure gotiḡumi: “Ūju, ȳure m̄u rotic̄õarore bajirone ĩnare gotigajanom̄u ȳu yuja. Masa bojar̄ẽmoc̄õaja maji”, yigotiḡumi. ²³ To bajiro ĩ yijare, ado bajiro ĩre rotiḡumi ɥju quēna: “Maca t̄sarõanare maa t̄uri ñ̄ar̄ãre quēne ĩnare jijeoc̄õama m̄u. ‘Ȳu vi j̄ũm̄ucoajaro’ yiḡu yaja ȳu. ²⁴ ‘Ȳu r̄ãca baroadiato’ ȳu yic̄õaboar̄ãj̄uama, ȳu r̄ãca babetir̄uar̄ãma ñ̄na”, ĩre yiḡumi ĩ ɥju —ĩre yigotiyuju Jesús.

“Ȳure ajitir̄ũnḡũ ĩ masu ruj̄ure ĩ mair̄o rētoro ȳure maiḡumi”, Jesús ĩ yire queti (Mt 10.37-38)

²⁵ Tirāmari jājarā masa Jesúrāca vasujarā ĩna. To ĩna bajiro ĵedarūgū, ĩnare ĩacōari, ado bajiro gotiyuju Jesús:

²⁶ —No bojagu yu buegu, ĩ jacure, ĩ jacore, ĩ manajore, ĩ rĩare ĩ mairo rētoḅusaro yure maigūmi. To bajicōari, catiquēnagū ñagū quēne, rijaye tāmno gajajuagu ñaboarine, yure maigūmi. ²⁷ No bojagu, “Jesúre bajiro rojose tāmnoḅayaracuja yu” yituoĩabecu, yure ajitirānugū ñamasibecūmi —ĩnare yigotiyuju Jesús.

²⁸ To yigajanocōari, gotimasiore queti ĩnare gotiyuju ĩ:

—Īmuarivi quēnoru, “Ti vire yu quēnojama, ĳvaja tĩjacoaruaboati?” yigu, ĩ ye gājoare cōĩagūmi. ²⁹ ĩ cōĩabetijama, ti vire ĩ quēnogajanobetone, ĩ vaja yĩñaboase gājoa jediveocoatoja ti, ĩre. To bajiri ĩ vire quēnogajanobecūmi. Gājerā, ĩ quēnogajanobeto ĩacōari, ĩre ajarāma ĩna.

³⁰ “Adi vire quēnoboarine, gajanomasibeami ĩ”, ĩre yiajarāma ĩna —ĩnare yigotiyuju Jesús.

³¹ To yigajano, gaje queti ĩnare gotirūtuasuju:

—Īju, gāji uju rāca ĩna gāmerā quēajama, ado bajiro tūoĩagūmi: “ĳYua diez mil ñarirācu yure moabosarimasa rāca, veinte mil masa cuogure quēarētocūrājari yua?”, ĳyituoĩasubecujarique? ³² “Ĩnare quēarētomasimenaja yua” ĩ yituoĩajama, “ĳNo bajiro yua yirotere bojati mu, ‘Yua rāca gāmerā quēabeticōato’ yirā?”, ĩ ũmure yisēniĩa roticōagūmi, gāji uju tujure. ³³ To bajiri, vi buagure, to yicōari, gāmerā sĩaroana ujure bajiro bajiaja yu. ĩere yu yirotere cōĩajeocaju yu. To yicōari, “To bajiro ĩna yijama, yu buerā ñaruarāma”, yimasiaja yu. To bajiro yigu yu ñajare, ado bajisere tūoĩamasiña mu: No bojagu, jediro ĩ cuosere yu bojarore bajiro yu yirotisere bojabecu, yure ajitirānugū ñamasibecūmi —ĩnare yigotiyuju Jesús.

“Yure ajitirānurā, moa ocasere bajiro ĩna bajijama, quēnaja”, Jesús ĩ yire queti (Mt 5.13; Mr 9.50)

³⁴ Quēna ado bajiro gotiyuju Jesús:

—Moa ñaja bare sāre. Mua barotire vaibucu rii catisere cūrāma, moa turāja mu, “Boarobe” yirā. ³⁵ Moa ti ocaboase ti ocabeticoajama, “Quēna tudiocato” yirā, no bajiro yimasimenaja mu. To bajiri, tire reacōarāja mu. Moa ocatujabetire bajiro mu bajijama, quēnaja. Tire mu ajimasirujama, quēnaro tūoĩaña mu —ĩnare yigotiyuju Jesús.¶

15

Oveja coderimasare bajiro manire Dios ĩ maitujabeti queti (Mt 18.10-14)

¹ Jesúre ajirā ĩ tujū ejarūgūñujarā. ĩna ñañujarā rojose yirā, ujure gājoa sēnibosarimasa, to yicōari, gājerā quēne. ² To bajiri fariseo masa, Dios ĩ rotimasire gotimasiorimasa quēne ñañujarā. Ado bajiro Jesúre gōjañujarā ĩna:

—Rojose yirāre maiami. ĩna rāca barūgūami —ĩre yigōjacodeyujarā ĩna.

³ To bajiro ĩna yijare, gotimasiore queti ado bajiro ĩnare gotimasioñuju Jesús:

⁴ —Sīgū ñagūmi cien ovejare codegu. Cojorūmu sīgū oveja yayicoacūmi. To bajiri ĩnare coderimasa, rujarāre, noventa y nueve ñarāre ta veseju ĩnare cūcōari, yayir'ire macagū vacoacūmi ĩ, “Bujacōariju tujaracuja” yigu. ⁵ Yayir'ire bujacōari, buto variquēnagūne, ĩre gaja tudicoacūmi, ĩ ya vijū. ⁶ ĩ ya vi ejacōari, ĩ babarāre, ĩ tuanare quēne, rējarotigūmi. “Oveja yayir'ire bujabu yu. Mua quēne yure variquēna ejarēmoña”, ĩnare yivariquēnagūmi. ⁷ Tire bajiro bajiroja ō vecaju Dios ĩ ñaroju. Oveja yayir'ire bujacōari, ĩ variquēnariare bajiro variquēnarāma ángel mesa, Diore moabosarā, sīgū masu, rojose

¶ 14:35 Adi quetire Jesús ĩ yijama, ado bajiro yigu yiyuju, yiyujarā Dios oca buerētoḅurimasa: ĩre ajitirānūmenama, moa ocabetire bajiro ñarā yirāja mu. To bajiri mu sjarujama, yu sīgūrene mu ajitirānū sjarujama, quēnaja.

ĩ yisere yitujacõari, Dios ĩ bojasejũare ĩ yijama. Socarãne gãjerãma, “Quẽnarã ñaja yũa” yitũoĩarãrema variquẽnamenama ángel mesa —ĩnare yigotimasioñuju Jesús.

Gãjoatiire yiyayiocõari, titiire bũjagone, so variquẽnariarore bajiro manire Dios ĩ maitũjabeti queti

⁸ To yicõari, gaje queti gotirẽmoñuju Jesús quẽna:

—Rõmio, juaãmocãrãcatiiri, gãjoatiiri cũogo ñagõmo. Cojotii ti yayiro ĩacõari, sĩabusuoriare so ya vire sĩabusuogomo so. To yicõari, quẽnaro tumacagõmo, “Titiire bũjacõariju tũjarũocoja” yigo. ⁹ Titiire bũjacõari, bũto variquẽnagõne, so babarãre, so tũanare quẽne rẽjarotigomo. “Gãjoatiire yayiritiire bũjabũ yũ. Mũa quẽne yũre variquẽnaejarẽmoña”, ĩnare yivariquẽnagõmo. ¹⁰ Tire bajiro bajiroja õ vecajũ Dios ĩ ñarojũ. Gãjoatiire bũjacõari, so variquẽnariarore bajiro variquẽnarãma ángel mesa, Diore moabosarã, sīgũ masũ, rojose ĩ yisere yitujacõari, Dios ĩ bojasejũare ĩ yijama —ĩnare yigotimasioñuju Jesús.

Ĩ macũ ĩ tudiejaro ĩacõari, rojose yiboar'irene ĩ jacũ ĩ masirioreaye Jesús ĩ gotimasiore queti

¹¹ To yicõari, gaje queti gotirẽmoñuju Jesús quẽna:

—Sīgũ masũ juarã rĩa cutigũ ñagũmi. ¹² ĩ bedijũa, ĩ jacũre ado bajise ĩre yigũmi: “Cacũ, yũ ye ñarotire yũre ĩsiña mũ”, ĩre yigũmi. To bajiro ĩ yijare, ĩnare ujojeocõagũmi ĩ jacũ, ĩna ye ñarotire. ¹³ To ĩ yiro beroagarũmarine, ĩ macũ, ĩ bedijũa gaje sitajũ varũ ĩ yere ĩsigũmi ĩ. Ti gãjoa rãcane vacoacũmi, gaje sitajũ vacũ. Tojũ ejaõõari, rujajine ĩ gãjoare yibatereajeocõagũmi. ¹⁴ To bajiro yireacõari bero, josari tãmũogũmi, tojũre. To ĩ bajĩnarone, ti sitajũ bare quẽnaro manojã. To ti bajijare, bũto ñiorijasmũogũmi. ¹⁵ To bajiro bajiboacũ, toagũre moare sãnigũmi ĩ. To bajiri ecariarã yeseare ĩre coderotigũmi ĩ. ¹⁶ ĩnare codeñagũju, yesea ĩna basene barũaboagũmi, mano ñiorijagũ ñari, ñimũjũane ĩre ĩna bare ecabecũ ñari. ¹⁷ To bajĩnaboacũ, tũoĩagũmi ĩ: “Yũ jacũ moabosarimasarema jãjarã ĩna ñaboajaquẽne, ĩna base rũyaquẽnacũda ti. No yigũ yũma adojuare ñiorija ñati yũ”, yitũoĩagũmi. ¹⁸ To yi, “Bãũ. Cacũ ya vijũ tudiarocũ ñagũja yũ. Tojũre tudiejacõari, ado bajise Cacũre ĩre yigũcũja yũ: ‘Cacũ, rojose yicajũ yũ, Diore, mũre quẽne. ¹⁹ To bajiri macũ yũre mũ yise bojabeaja yũ. Mũre moabosarimasũre bajirojũa yũre yiyã mũ’ yũ jacũre ĩre yicõa ejarũcũja yũ”, yitũoĩagũmi. ²⁰ To yi, ĩ jacũ ĩ ñarojũa tudicoacũmi, maane.

To bajiro ĩ bajivato, sõjũne ĩ jacũ bocaĩacõari, ĩre ĩamaigũmi. To bajiri ĩre vabocacõari, jabario, usu, ĩre yigũmi, ĩ jacũ. ²¹ To bajiro ĩ yirone, “Cacũ, Diore rojose ĩre yicajũ. Mũre quẽne rojose mũre yicajũ yũ. To bajiri macũ yũre mũ yise bojabeaja yũ”, ĩre yigũmi. ²² To bajiro ĩ yiboajaquẽne, ĩre moabosarimasare jicõari, “Sudi quẽnase masure juaãya. To yicõari, ĩre sudi sãña. Āmo sãriabedore quẽne ĩre sãña. Gũbo sudire quẽne ĩre sãña. ²³⁻²⁴ To yicõari, ta vecũ mame jaigũre ĩre sãña mũa. ĩre bacõari, basavariquẽnato mani. Yũ macũre, ‘Rijacoarimi’ ĩre yirũgũboabũ yũ. Caticõañumi”, ĩnare yigũmi ĩ jacũ. To yicõari, ĩre basajeorãma ĩna.

²⁵ To bajiro ĩna yĩñarijũre ĩ macũ ñasmũogũjũama, vesejũne bocañacõagũmi. To bajĩnaboacũ, tudiacũmi yuja. Tudiacũ, ĩ ajicõñarũtu vajama, to basa ocaruyu ñarãma ĩna. ²⁶⁻²⁷ Tire ajicõari, ĩ jacũre moabosarimasũre ĩre sãnĩagũmi, “¿Ñiere yirã yiri ĩna?” yigũ. To bajiro ĩ yirone, “Mũ bedi tudiejame. To bajiri ta vecũ mame jaigũre sĩarotimi mũ jacũ, mũ bedi ĩ tudiejajare”, ĩre yigũmi ĩ. ²⁸ To bajiri tire ajicõari, bũto jũnisinigũmi, ĩ gagũ, vire sãjarũabecũ. To bajiri ĩ jacũ tire, “ĩTo bajibeticõaña mũ!” yigũ, budiacũmi. ²⁹ To bajiro ĩ bajirone, ado bajise ĩ jacũre ĩre yigũmi: “Tocãrãca cãma mũ ye moarere mũre moabosarũgũboacajũ yũ. To bajiboarine, divatojũane no sīgũ vaibũcũaca cabrito vãme cutigũacare, ‘ĩ babarã rãca basavariquẽna bato ĩna’ yigũ, yũre ĩsibeticajũ mũ. ³⁰ To bajiboarine, mũ macũ rojorã rõmiri rãca mũ ye gãjoare yireagũ var'ijũarema, ta vecũ mame jaigũre sĩacõari, basavariquẽnaja mũ”, ĩre yigũmi, ĩ jacũre.

³¹ To bajiro ï yijare, ado bajiro ïre cãdigumi ï jacu: “Ado yu rãcane ñacõarũgũaja mu. To bajiri yu cõose jediro mu ye ñaja ti. ³² Yucurema basavariquẽnato mani, mu bedi, ‘Rijacoarimi’ yu yirũgũboagu, gãme tudiejami. ïre bujacõaja mani yuja”, ïre yigumi ï jacu — ïnare yigotimasioñuju Jesús.

16

Ujũre moabosarãre ïre rotibosarimasu socũne quẽnaro yitocõari, rojose ï yirere Jesús ï gotimasiore queti

¹ Ado bajise ï buerimasare gotiyuju Jesús quẽna:

—Sĩgũ gajeyeũni jaigu ï yere codebosagure ïre cõogumi. Gãjerãjua, “Mu yere yibatereagu yami”, ïre yigotirãma. ² To bajiro ïna yisere ajicõari, ï yere codebosagure ïre jicõari, ado bajiro ïre yigumi: “Gãjerã, mu yibatereasere gotiama. To bajiri mu yisere cõari, ucatucõaña mu. Yu yere codebosabetirucuja mu yuja”, ïre yigotigumi ï uju. ³ To bajiro ï yijare, ado bajiro tuoĩarejaigumi ïre codebosarimasu: “¿No bajiro bajiguti yu? Yu uju yũre bucõarucumi yuja. No gajeye moare bujabecuja yu yuja. Ote oteroti ñarore coatĩmabecuja yu. Bojoneose, gãjerãre gãjoa sãnibecuja yu”, yituoĩarejaigumi ï. ⁴ To bajiro yituoĩarejaiboacu, “Jẽre yu yirotere masiaja yu yuja, ‘yu uju yũre ï buro bero, gãjerã ïna ya viriju yu ejaro yũre ïamaiato ïna’ yigu”, yigumi. ⁵ To bajiri ï ujũre vaja morãre ïnare jijeocõagumi. To bajiro yituoĩar’i ñari, sĩgũ ï ejaro, ado bajiro ïre yigumi: “¿No cõro yu ujũre vaja moati mu?”, ïre yisẽniĩagumi. ⁶ To bajiro ï yisẽniĩarone, “Cien ñarirajeri uyerajeri bare roagu sãvũorere tire vaja moaja yu”, ïre yigumi. To bajiro ï yirone, “Jau. Rujiya. ‘Adi mu vaja more tuyarijũrore mojoroaca cincuenta ñaro vaja moaja’ yucatu vasoatoya”, ïre yigumi. ⁷ To bajiro ïre yigajanocõari, gãji ï ejaro, ïre sãnĩagumi: “¿No cõro vaja moati mu?”, ïre yigumi. “Cien jibũri pan quẽnorotire vaja moaja yu”, ïre yigumi. To bajiro ï yirone, “Adi mu vaja more ñarijũrore mojoroaca ochenta jibũri vaja moaja yucatu vasoatoya”, ïre yigumi. To yicõari, gãjerãre quẽne to bajiro rĩne yigumi. ⁸ To bajiro ï yiro ajicõari, “Quẽnaro yigu me ñaboarine, tuoĩamasigũ ñaami”, yituoĩagumi ï uju, ïre — ïnare yigotiyuju Jesús, ï buerimasare.

—To bajiro tuoĩaama ïna, jãjarã masa, Diore ajiterã. Gajeyeũnire buto tuoĩarã, masare yitocõari, vaja bujamasiamã ïna. Yũre ajitirũnrãjũama, “Quẽnabusaro Dios ï bojarore bajiro ajitirũnũato ïna” yirã, quẽnaro muã yirotere tuoĩabetibusacõaja muã.

⁹ To bajiri ado bajiro muãre gotiaja yu: Rijanane muã yere, muã gajeyeũnire juavamasibetiruarãja. To bajiri muã cõosere maioro bajirãre ïsiña muã. To bajiro muã yijama, muã rijato bero, ïnare quẽnaro yiriarã muã ñajare, Dios ï ñaroju quẽnaro muãre ïavariquẽnarũama ïna.

¹⁰ Gajeyere quẽne muãre gotiaja yu. Gajeyeũni, gãjoa codebosarimasu mojoroaca ñasere quẽnaro codeguma, jairo ñasere quẽne quẽnaro codemasiami. Gãjima, gajeyeũni, gãjoa codebosarimasu ñagũ mojoroaca ñasere codemasibecuma, jairo ñasere quẽne code-masibecumi. ¹¹ Adi macarucũrojure Dios muãre ï ïsise “Dios ï cõase ñaja” yituoĩacõari, muã gãjoare, gajeyeũnire, muã cõosere quẽnaro muã cõomasijama, Dios, buto variquẽnacõari, ï tũayere quẽnamasusere muãre ujuocumi, tuoĩamasireayere, moamasireayere, to yicõari muã ñarotiyere quẽne. ¹² Adi macarucũroayere ï cõasere muã cõomasibetijama, quẽnamasuse muã cõoborotire ujobetirucumi Dios.

¹³ Diore yirũcũbũorãma, adi macarucũroayere tuoĩarũcũbũomenama, “Diojua ñaami ñamasugũ” yituoĩarã ñari — ïnare yigotiyuju Jesús.

Gajeyeũnire, gãjoare buto bojarãre Jesús ï gotire queti

¹⁴ To bajiro ï yisere ajicõari, ñagõjũruãñujarã fariseo masa, gajeyeũnire, to yicõari, gãjoare quẽne, tire buto bojarã ñari. ¹⁵ To ïna yijare, ado bajiro ïnare gotiyuju Jesús:

—Quēnase m̄na yijama, “‘Quēnarã ñaama’ manire yĩlato masa” yirã, yitorũgũaja m̄na. To bajiro m̄na yiboajaquēne, m̄na t̄uoĩasere ĩamasigũ ñaami Dios. To bajiri, “‘Quēnamasucõaja” masaj̄ma ĩna yĩaboasere, Dioj̄ma, “‘Quēnabetimasucõaja” yĩaami — fariseo masare ĩnare yiyuju Jesús.

“‘Ȳu ɱj̄u ñaami Dios’ m̄na yijama, ĩ rotisere c̄uđiroti ñaja”, Jesús ĩ yire queti

¹⁶ Quēna ado bajiro ĩnare gotimasioñuju Jesús:

—Rēmoj̄re Dios yere Moisés ĩ rotimasirere, Diore gotirētobosamasiriarã masare ĩna gotimasiorema, Juan v̄ame c̄utiḡu, masare oco rãca bautizarimas̄ ĩ gotimasio-riaj̄ne t̄saja. “‘Uj̄u Dios yarã quēnaro ĩ yirã m̄na ñar̄ajama, rojose m̄na yisere yit̄ajacõari, Jesúre ajitir̄un̄ña” yisej̄ma ñaja ñamasusema. Tire ajirã ñari, quēnaro ȳre ajivariquēnas̄ȳas̄oadicama j̄jarã masa.

¹⁷ Adir̄um̄riaye ñamasuse ti ñaboajaquēne, Moisére Dios ĩ roticũmasire, to yicõari, Diore gotirētobosarimasa ĩna gotimasioimasire ñajediro ñacõarũgũr̄aroja. Adi macar̄uc̄aro jediroto r̄joro, cojo v̄ame godoc̄utibetir̄aroja. Ñajediro Dios ĩ gotiriarore bajirone bajir̄aroja —ĩnare yigotimasioñuju Jesús.

“Ī manajore rocacõari, gajeore ĩ manajo c̄utijama, quēnabeaja”, Jesús ĩ yire queti
(Mt 19.1-12; Mr 10.1-12)

¹⁸ Quēna ado bajiro ĩnare gotimasioñuju Jesús:

—Sĩgũ ĩ manajore rocacõari, gajeore ĩ manajo c̄utijama, ĩ manajo masu me ñaamo. Sore ajerio c̄utiḡu yami, Dios ĩ ĩajama. To yicõari, manaj̄u rocar̄io rãca ĩ manajo c̄utijaquēne, ĩ manajo masu me ñaamo. Sore ajerio c̄utiḡu yami, Dios ĩ ĩajama —ĩnare yigotimasioñuju Jesús.

Sĩgũ gajeyeũni jaiḡu, to yicõari, Lázaro v̄ame c̄utiḡu rãca ĩna bajirere Jesús ĩ gotire queti

¹⁹ To bajiro yigajanocõari, quēna ado bajiro ĩnare gotiyuju Jesús:

—Sĩgũ ñagũmi jairo gajeyeũni c̄oḡu. Quēnase sudi, vaja jacase r̄ine sãñarũgũgũmi. Tocār̄acar̄um̄rine bare quēnase r̄ine ba, boser̄um̄ quēno, variquēnarũgũgũmi. ²⁰ ĩ ya vi soje t̄uaca ñie c̄uobec̄u, maioru masu bajiḡu rujiḡumi, Lázaro v̄ame c̄utiḡu. ĩ ruj̄uri c̄ami boaḡu ñagũmi ĩ. ²¹ ĩ bareasere bar̄ua rujiḡumi. To ĩ bajirujirone, ĩ c̄amire ĩre verogõjanabiorãma yaia. ²²⁻²³ Cojor̄um̄ rijacoac̄umi Lázaro. ĩ rijato bero, õ vecaj̄u ĩ ñic̄u Abraham t̄j̄u ĩ ɱs̄ure ãmicõanama ángel mesa. Bero, gajeyeũni jaiḡu quēne bajirocacoac̄umi. Bajirocacõari, yuje ecoḡumi. To bajicõari, rojose t̄am̄ot̄ujabetiriaroj̄u cõaecoḡumi. Toj̄u ñacõari, ĩam̄ogũne, Abraham, Lázaro rãca ĩna ñaro ĩabujaḡumi, õ vecaj̄u ñarãre. ²⁴⁻²⁵ ĩnare ĩabujacõari, Abrahamre ado bajise avasãĩam̄ogũmi: “Ñic̄u, ȳre ĩamaiña. Adi jeamere b̄uto rojose t̄am̄oaja ȳu. Lázarore, ȳu t̄j̄u ĩre cõaña. Mojoroaca oco juaádiato”, ĩre yiavasãgũmi. To ĩ yirone, ado bajiro ĩre c̄udiḡumi Abraham: “T̄uoĩaña j̄anami. M̄u ya macaj̄u ñagũ quēnasere c̄uocaj̄u m̄u. Variquēnacaj̄u m̄u. Lázaroj̄uma toj̄u ñagũ b̄uto rojose t̄am̄ocami. Yuc̄rema, quēnaro variquēnaro ñagũ bajiami yuja. M̄uj̄uma b̄uto rojose t̄am̄ogũ bajiaja m̄u yuja. ²⁶ Gajeyerema jairigoje ñamatacõaja. To bajiri m̄u t̄j̄ure ejamasibeaja ȳua. M̄uj̄ma quēne ȳua t̄j̄ure ejamasibeaja m̄u”, ĩre yic̄udiḡumi Abraham.

²⁷ To bajiro ĩ yijare, gajeyeũni jaiḡu ñaboar'i ado bajiro ĩre yiḡumi: “‘Lázarore ȳu jac̄u ya vij̄u ĩre cõaña’ yiḡu yaja. ²⁸ Ȳu bederã cojomoc̄ar̄c̄u ñarãre, Lázarore ĩre gotiroticõaña. ‘Īna quēne, adoj̄u rojose ȳu t̄am̄orore bajiro bajiroma’ yiḡu yaja”, Abrahamre yigotiboaḡumi. ²⁹ To ĩ yirone, “Moisés, to yicõari, Diore gotirētobosamasiriarã quēne ĩna uc̄arere j̄ere tire c̄uorãma ĩna, m̄u yarã. Tire bueato ĩna”, ĩre yic̄udiḡumi Abraham. ³⁰ To ĩ yirone, “Bajibeaja. Buemenama. ‘Rijar'ine tudicaticõari, gotiami manire’ yirã, ĩre ajir̄uc̄ub̄ocõari, t̄uoĩavasoar̄arãma ĩna”, ĩre yiboaḡumi, jeamej̄u rojose t̄am̄oñagũ. ³¹ To ĩ yirone, ado bajiro ĩre c̄udiḡumi Abraham quēna: “Moisés, to yicõari, Diore gotirētobosamasiriarã,

ĩna ucamasirere mũ bederã ĩna ajitirũnũbetijama, rijar'i, ĩnare ĩ gotiboajaquẽne, ĩre ajimenama”, yigũmi Abraham —ĩnare yigotiyuju Jesús, fariseo masare.

17

“Mũa sũorine gãjerã rojose ĩna yijama, gũiose ñaja”, Jesús ĩyigotimasiore queti (Mt 18.6-7, 21-22; Mr 9.42)

¹ ĩ buerimasare ado bajiro gotimasioñuju Jesús:

—Rojose yirã jãjarã ñarãma. To bajiri gãjerãre rojose ũmato yirũarãma. To ĩna yise sũori bũto rojose tãmũorũarãma. ² Rojose ĩnare ĩna ũmato yiroto rĩjoro, tocãrãcũrene ĩna ãmũarijũre gũta jairica siatucõari, riaga ũcũarojũ ĩnare rearoderuucõajama, rojose tãmũobetiũsaborãma.

³ To bajiri, “Rojose mani ũmato yijama, rojose tãmũoborãja” yirã, quẽnaro tũoĩamasirine ñarũgũña mũa. Sĩgũ rojose mũare ĩ yijama, “Rojose yũre yibũ mũ”, ĩre yiya. To bajiro mũ yisere ajicõari, “Riõjo yaja mũ” ĩ yisũtiritijama, rojose mũare ĩ yisere ĩre masirioya mũa.

⁴ Tocãrãcũjine rojose mũare ĩna yijama, ĩnare masirioya, rojose mũare ĩna yiro cõrone, “Jũaji rojose mũare yibetiũcũja” yirãre —ĩnare yiyuju Jesús.

“Dios ĩrotimasirore bajirone yirũaja yũa” yirã, Jesús buerã ĩna sãniboare queti

⁵ To bajiro ĩ yisere ajicõari,

—“Tocãrãcũjine masiriotĩmamenaja” yitũoĩarã ñari, yũa masiriotĩmarotire Dios ĩ ejarẽmosere bojaja —yiyujarã ĩna.

⁶ To bajiro ĩre ĩna yirone, ado bajiro ĩnare gotiyuju Jesús:

—Mojoroaca yimasirã ñaboarine, “Dios ĩ ejarẽmose rãca yimasicõarãja” yirã, icũ morera vãme cũtiũre, “Mũa masune vũevati, rũgõaya” mũa yirotijama, to bajirone bajirũaroja ti —ĩnare yigotiyuju Jesús.

“Ejũre moabosarimasũ, ado bajiro bajire ñaroja”, Jesús ĩyire

⁷ To yigajanocõari, ado bajiro ĩnare gotirũtuasuju ĩ quẽna:

—To bajiri, ĩaĩañamani mũa yijama, ado bajirojũa tũoĩama mũa: Moabosarimasũ cũorã ĩre mũa rotisere tũoĩaña: Ovejare mũare codebosagũar'ire, ĩ tudiejaro, “Mũjũa basũoya”, ĩre yimenaja mũa. ⁸ Ado bajirojũa ĩre yirãja mũa: “Yũa barotire roabosaya. Roagajanocõari, yũare ecaba. Yũa bagajanoro bero, mũjũa barũcũja mũ”, ĩre yirãja mũa. ⁹ Mũa moarotisere ĩ moaro ĩacõari, “Quẽnaja ti”, ĩre yimenaja mũa, “Yũare moabosarimasũ ñaami” ĩre yitũoĩarã ñari. ¹⁰ To bajiro ĩre mũa yitũoĩarore bajirone tũoĩagũmi ĩ quẽne. To bajiri, “‘Quẽnaro yaja mũa’ manire yato Dios” yitũoĩacõari, “Ñamasurã ñaja” yirãre bajiro yisocabesa. “No bojagũre moabosarimasũ, ĩ moarotiecorore bajiro bajigũ ñaja”, yitũoĩarũgũña —ĩnare yigotiyuju Jesús.

Gase boarãre Jesús ĩcatiore queti

¹¹ To bajiri Galilea sita, Samaria sita rãca vatojere varũtuasuju ĩ, Jesús, Jerusalén macajũ vacũ. ¹² Varũtu vacũne, gaje maca ejayuju. Ti macajũre ĩ ejaro, jũaãmocãrãcũ rujari gase boarã ĩre bocayujarã ĩna. ĩ tũaca ejamenane, sõjũ ñarine ado bajiro ĩre yivasãñujarã ĩna:

¹³ —Jesús yũa ujũ, yũare ĩamaiña mũ —ĩre yiyujarã.

¹⁴ To bajiro ĩna yivasãrone, ĩnare ĩacõari, ado bajiro ĩnare yiyuju Jesús:

—Paiare mũa rujarire ĩoaya. To mũa yijama, caticoarũarãja mũa —ĩnare yiyuju ĩ.

To bajiro ĩ yijare, vacoasujarã ĩna. Maa ĩna vato rĩne ĩna cãmi boaboare yaticoasuju ti yuja. ¹⁵ To bajiro sĩgũ rujũ gase boagũ ñar'i, ti yatiro ĩacõari, judarũgũ, Jesús tũju tudicoasuju quẽna. Tudiacũne, variquẽnagũ ñari, “Quẽnaro yũre yami Dios”, yivasã varũtuasuju ĩ. ¹⁶ Jesús tũjũre tudiejacõari, muqueayuju ĩ. To bajicõari, ado bajiro Jesũre gotiyuju:

—Y_u gase boaboase m_u s_uorine ti yatijare, b_uto quēnaja —Jesúre ãre yigotiyuju. Ì ñañuju samaritano mas_u. 17-18 To bajiro ì yisere ajicōari, ado bajiro yiyuju Jesús:

—Juaāmocārāc_ure gase boariarāre y_u catioboajaquēne, āni samaritano mas_u, ì sīgāne tudiadiami, “Quēnaro y_ure yami Dios” yig_u vag_u —Ì rācanare ãnare yigotiyuju Jesús.

19 To bajiro yigajanocōari, ì catior_uire ado bajiro ãre yiyuju:

—Vūmurūgūña. Vasa. “Y_ure ãmaicōari, catior_uc_umi Jesús” m_u yit_uoñajare, m_ure catiob_u y_u —ãre yigotiyuju Jesús.

*“Dios ì roticōagū, ¿no cōro ejaguti ì?” , Jesúre ãna yisēniãre
(Mt 24.23-28, 36-41)*

20-21 Cojorūm_u ado bajiro Jesúre sēniãñujarā fariseo masa:

—¿No cōro ejacōari, rotis_uoguti Dios ì cōaroc_u? —ãre yisēniãñujarā ãna.

To bajiro ãre ãna yisēniãrone ado bajiro ãnare c_udiyuju Jesús:

—M_ua yut_uoñarore bajiro bajibeaja ti. Ruyurone, “Adine ñaja. Ise ñaja” yimasianamanire bajiro bajise ñaja, Dios ì roticōagū ì ejasema. Jēre m_ua vatoane ñaboaja ti —ãnare yiyuju Jesús.

Jesús adi macar_uc_uro ì tudiejaroti queti

22 To bajiro yic_udigajanocōari, ì buerāre ado bajiro ãnare gotiyuju Jesús:

—Yoaro y_u rāca ñar_uaboarāja m_ua. To bajiro m_ua bajiboajaquēne, m_ua rāca ñacōa ñabetir_uc_uja y_u. 23 To bajiri y_u tudivadiroto rījorore, “Ìne ñaami. Tudiejami. Tone ñami”, m_uare yisocar_uarāma. To bajiro ãna yijama, ãnare ajibetir_uarāja m_ua. 24 Ëm_uagasero jediroj_u b_ujo ì yabesere masa ãna ãnare bajiro y_u vadore y_ure ãre ñar_uaroja. 25 To bajiro y_u bajiroti rījorore, adirodoana jairo rojose y_ure ãna yisere rojose tām_uoroti ñaja ti. “Dios ì cōagū me ñaami” yica yirā, y_ure sīarotir_uarāma masa. 26 Y_ure ãna sīaro bero, tudicaticōari, quēna vadir_uc_uja y_u, adi macar_uc_uroj_ure. Noé ñamasir_u ì ñariarodo masa ãna bajiñamasiriarore bajiro bajiñar_uarāma, Dios ì roticōacac_u, y_u tudiejarir_um_ure quēne. 27 Adi macar_uc_uro ti rujaroto rījoro bare ba, idi, manajo cuti, yicōa ñamasianujarā ãna. Diore t_uoñari mene, “¿To bajiroado yatique?” yimenane, jairica cūm_ua quēnogajanocōari, Noé ì vasājaro ùnone to bajiro yicōa ñamasianujarā ãna. “To bajiroado yiroja” ãna yimasibetone, ãnare ruureacōañuju Dios. To bajirone bajir_uarāma masa, y_u tudiejarir_um_ure quēne. 28 To bajirone bajiñamasianujarā masa, Lot ñamasir_u ì ñariarodoana quēne. Sodoma macana bare barā, idirā, gajeyeūni gāmerā ãsirā, gājerā vaja yicōari c_uorā, gājerāma, oterā, viri b_uarā, yicōa ñamasianujarā ãna, Diore t_uoñamenane. 29 Sodomaj_ure ñaboar_u Lot ì rudiro bero, ò vecaye jea ãj_use azufre vāme cutise rāca Dios ì soereamasiriarore bajiro bajirone bajir_uaroja ti. 30 To bajirone bajiñar_uarāma masa, Dios ì roticōacac_u y_u tudiejarir_um_ure quēne.

31 To bajiri, quēnaro ñaña m_ua, rojosere yimenane. Y_u gotisere quēnaro t_uoñam_ujar_ugūña, “No bojarija_une vag_umi” yit_uoñarā ñari. No yimasian_u manir_uaroja. Sīgū ì ya vi joej_u jesag_uma, rujiacōari, ì ya vi jubeaj_u gajeyeūni ñasere juaátimabetir_uc_umi. Gāji, vesej_u moañagū, ì ye sudire juag_u tudiatimabetir_uc_umi, rujarim_uarone y_u ejaroti ti ñajare. 32 Lot manajo so bajimasirere t_uoñaña m_ua. Gajeyeūnire ùmaveovaco ñari, tire maigō, ãt_uoca yigone, moatutune godovedirocacoasuju so.

33 No bojarā, no ãna bojarone ñare c_utirāma adi macar_uc_uro ñasere ãvariquēnacōari, Diore t_uoñamenama, Dios ì catisere yayibetire c_uomena ñar_uarāma ãna. To bajiboarine, y_ure ajitir_uñarā, y_u oca ãna gotisere ajijūnisinicōari, ãna sīarāma, Dios t_uj_u quēnaro ñarona ñarāma.

34 Gajeyerema adi macar_uc_uroj_u y_u tudivadoj_u, ñami ti ñajama j_uarā ãm_ua cāniñarāre ejacōari, sīgū ãmiecor_uc_umi. Gājima, ãmiecobetir_uc_umi. 35 Ëm_ua ti ñajama, rōmia j_uarā trigore vāiaabo ñar_uarāma. To bajiri, sīgō ãmiecor_uocomo. Gajeoma, ãmiecobetir_uocomo.

³⁶ Juarã ãmua veseju moañaruarãma. To ñna yiñarone, sîgũ ãmiecorucumi. Gãjima, ãmiecobetirucumi —ñnare yigotiyuju Jesús.

³⁷ To bajiro ñnare ñ yigotirone,

—¿Nojũre to bajise bajiroti ti? —Ñre yisẽniãañujarã ñ buerimasa.

To bajiro ñre ñna yisẽniãarone, ado bajiro cãdiyuju Jesús:

—Rijar'í, ñ boacũñarorema, yuca ejarãma ñna —ñnare yicãdiyuju Jesús.†

18

“Yũare ejarẽmogũmi, yũa sãnijama’ yitũoĩarã ñari, Diore sãnitũjabetiroti ñaja”, Jesús ñ yire queti

¹ “Diore ñre sãnitũjabeticõato ñna” yigũ ñnare gotimasioñuju ñ:

² —Cojo macare sîgũ masũ ñagũmi masa ñna yisere ñacõĩarimasũ. Diore, to yicõari, masare quẽne rũcũbũobecũ ñagũmi. ³ Ñ ya macajũre sîgõ ñagõmo manajũ rijaveorio. Biyarõaca ado bajiro ñre sãnigõ ejaboagomo: “Yũre ejarẽmoña mũ. Rojose yũre yami”, ñre yiboagomo. ⁴ To bajiro so yiboajaquẽne, sore yibosadabecũmi. To bajiboarine, bũto ñre so sãnicõa ñajare, ado bajiro tũoĩagũmi yuja: “Diore, to yicõari, masare quẽne rũcũbũobecũ ñaja yũ. ⁵ To bajiro bajigũ ñaboarine, bũto so sãnigõjanabiocõa ñajare, sore ejarẽmorucũja yũ. Sore yũ ejarẽmobetijama, yũre gõjanabiocõa ñabogomo”, yitũoĩagũmi —ñnare yigotiyuju Jesús.

⁶ Ti quetire gotigajanocõari, “Ado bajiro yirũaro yaja”, ñnare yiyuju:

—Masa ñna yisere ñacõĩarimasũ ñ yirere ajĩĩasaque mũa: ⁷⁻⁸ ¿Dios, ñ ejarẽmosere bojarã ñre sãnitũjamenare, ñ yarãre, yoaro ñnare ejarẽmobecũtique ñ? To bajiro yibecũmi Diojũama. Mũa sãniro cõrone tocãrãcãjine mũare cũdimasiami. To bajiri, ¿“Yũare ejarẽmogũmi Dios” yitũoĩacõari, ñre sãnitũjamenare, tudivagũ, bũjarũcũada yũ? —yiyuju Jesús.

Fariseo masũ, gãjõa sãnirimasũ rãca Diore ñna sãnirere Jesús ñ gotimasioire queti

⁹ Quẽna gaje queti ñnare gotimasioñuju. Ñre ajirã sîgũri ado bajise yitũoĩañujarã ñna: “Quẽnaro yirã ñaja yũama”, yitũoĩañujarã ñna. To bajiro yicõari, “Rojorã ñaama ñnama”, gãjerãre yĩarã ñañujarã ñna. To bajiro yirã ñna ñajare, ado bajise queti ñnare gotiyuju Jesús:

¹⁰ —Ëmua juarã ñarãma ñna, Diore yirũcũbũoriavijũ ñre sãnirã vana. Sîgũ fariseo masũ ñagũmi. Gãji, ñjũre gãjõa sãnibosarimasũ ñagũmi ñ. ¹¹ Fariseo masũ, Diore yirũcũbũoriavijũre sãjaejarũgũcõari, ado bajiro Diore ñre yigũmi, ñ tũoĩase rãca: “Dios, mũre variquẽnaja yũ, gãjerãre bajiro bajibetir'í. Gãjerãma, juarudirã ña, yitorã ña, gãjerã manajoare ajeriarã cutirã ñarãma ñna. Ado ejaũ, ñjũre gãjõa sãnibosarimasũ, ñre bajiro bajigũ me ñaja yũ. To bajiri mũre variquẽnaja yũ. ¹² Tocãrãca semana jũaji bare babeaja yũ, mũ rotimasirere cũdigũ ñari. Yũ moase vaja jũaãmocõro ñaritiiri vaja tagũ, cojotii mũ ya vire cũbosarũgũaja yũ”, Diore ñre yigũmi. ¹³ Gãjijũa gãjõa sãnibosarimasũ õjũne tũjacõari, õ vecajũre ñamũobecũmi, ñ rojosere bojone, sũtiritimasucõagũ ñari, ñ cotitẽrore jagũne, ado bajise Diore sãnigũmi: “Dios, yũre ñamaiña mũ. Rojose yũ yisere yũre masirioya mũ”, Diore yisãnigũmi. ¹⁴ Yũre quẽnaro ajiya mũa: Rojose ñ yisere sũtiriticõari, Diore sãnigũma, rojose ñ yisere masirio ecocõari, ñ ya vijũ tudiacũmi. Gãjijũama, fariseo masũ, ñ ya vijũ tudiajama, “Rojogũ ñaami”, Dios ñ yĩlagũ ñagũmi. To bajiro ti bajijare, ado bajiro mũare gotiaja yũ: “Quẽnaro yirã mani ñajare, ‘Quẽnarã ñaja mũa’ manire yĩlagũmi Dios” yitũoĩarãre, “Quẽnarã me ñaama. Rojorã ñaama”, yĩlagũmi Dios. No bojagũre, “Quẽnagũ me ñaja yũ” Diore yisũtiritigũjũare, “Quẽnagũ ñaami”, ñre yĩlarucũmi Dios —ñnare yigotiyuju Jesús.

*Rĩamasare Jesús ñ ñubuejeore queti
(Mt 19.13-15; Mr 10.13-16)*

† 17:37 “Yuca ejarãma, masũ boagũ ñ ñarore” ñ yijama, “Rojose yirãma, no bojarone ñacõarãma” yigũ yiyuju Jesús.

15 Jesús tuj̄a rīamasacare juaejayujarã masa, “Í ãmori ñujeocõari, Diore ñnare sēnibosato ĩ̄ yirã. ĩ̄na juaejasere ĩ̄acõari, ado bajiro ñnare yiyujarã ĩ̄ buerimasa:

—Ĵuadibesa! Gõjanabioro yaja m̄a —ñnare yiyujarã. 16 To bajiro ñnare ĩ̄na yiboajaquēne, rīamasare ĵirēocõari, ado bajiro ĩ̄ buerimasaj̄are yiyuju Jesús:

—Rīamasare, “Ĵuadibesa” ñnare yibesa. “Quēnaro ȳare yir̄uc̄mi Dios” yit̄oñarã ñaama rīamasa. ĩ̄na t̄oñarore bajiro t̄oñarã ñaama Ĥ̄ju Dios yarã. 17 Riojo m̄are gotiaja ȳa. Rīamasa ĩ̄na yiecorore bajiro yiecorã ñnarãma Ĥ̄ju Dios yarã —ĩ̄ buerimasare yiyuju Jesús.

Gajeyeũni jaiḡa, Jesũre ĩ̄ sēniñare queti

(Mt 19.16-30; Mr 10.17-31)

18 Sīḡũ ūju, ado bajiro Jesũre ĩ̄re sēniñañuju:

—Gotimasiorimas̄a, quēnagũ ñaja m̄a. Ȳa rijato beroju “Tudirijabeticõato” yiḡa, Dios ĩ̄ catisere ȳare ĩ̄ ĩ̄sere ȳa bojajama, ¿no bajiro yiroti ñnati ȳare? —Jesũre ĩ̄re yiyuju.

19 To ĩ̄ yisere ajicõari, ado bajiro ĩ̄re c̄diyuju:

—¿No yiḡa, “Quēnagũ ñaja m̄a”, ȳare yati m̄a? Dios sīḡũne ñaami quēnagũma. 20 M̄a rijato beroju “Tudirijabeticõato” yiḡa, Dios ĩ̄ catisere m̄a bujar̄ajama, Dios ĩ̄ rotimasirere c̄diroti ñaja. Tire masiaja m̄a. Dios ĩ̄ rotimasire ȳa yijama, ado bajise yimasirere yaja ȳa: “Gãji manajo rãca ajerio c̄tibesa. S̄abesa. Juarudibesa. Soc̄ne, ‘Rojose yimi’ yigotirobesa. M̄a jac̄re, m̄a jacore quēne quēnaro ñnare r̄uc̄b̄oaya”, yigotiaja Dios ĩ̄ rotimasire —ĩ̄re yiyuju.

21 To ĩ̄ yisere ajicõari, ado bajiro yic̄diyuju:

—Daqueḡuj̄ane tire c̄dis̄oadicaj̄a ȳa —ĩ̄re yic̄diyuju.

22 To ĩ̄ yisere ajicõari, ado bajiro ĩ̄re gotiyuju Jesús:

—Cojo vãme r̄uyaja m̄a yiroti, m̄a rijato beroju “Tudirijabeticõato” yiḡa, Dios ĩ̄ catisere m̄a bujar̄ajama: Jediro m̄a c̄osere gãjerãre ĩ̄sijeocõaña. To yicõari, ti vaja bujacõari, maioro bajirãre ĩ̄sima. To bajiro m̄a yijama, õ vecaj̄a Dios ĩ̄ ñnaroju quēnase bujar̄uc̄aja m̄a. To bajiro yigajanocõari, ȳare ajis̄uyaya —ĩ̄re yiyuju Jesús.

23 To ĩ̄ yiḡa buto s̄tiriti vacoasuju ĩ̄, gajeyeũni jaiḡa ñari, tire maiḡũ. 24 ĩ̄ s̄tiritisere ĩ̄acõari, ado bajiro ĩ̄ buerimasaj̄are gotiyuju Jesús:

—Gajeyeũni jairãrema, ȳare ĩ̄na s̄yar̄a t̄oñaboajama, buto josar̄aroja ñnare. To bajicõari, yir̄eto ecobosabetir̄arãma. 25 Vaib̄uc̄a camello vãme c̄tiḡa, gãjojota gojeacare sãjar̄etobudimasibec̄mi. To bajirone bajaiaja gajeyeũni jairãre quēne, ȳare ĩ̄na ajitir̄ũn̄a s̄yar̄aboajama. To bajiro ĩ̄na bajijare, yir̄eto ecobosabetir̄arãma —ñnare yiyuju Jesús.

26 To bajiro ñnare ĩ̄ yisere ajicõari, no yimasibesujarã ĩ̄na. To bajiri ado bajiro ĩ̄re sēniñañujarã:

—Riojo m̄a gotijama, ¿no bajiro bajirãj̄a Dios t̄uj̄are ejar̄arãda? —ĩ̄re yiyujarã.

27 To bajiro ĩ̄na yisere ajicõari, ado bajiro ñnare c̄diyuju Jesús:

—ĩ̄na masune ejamasimenama masa, Dios t̄uj̄are. Dioj̄ama, ñnadediro yimasijeocõami. Ñiej̄a josase maja ĩ̄rema. ĩ̄ s̄orine ĩ̄ t̄uj̄ ejamasire ñaja —ñnare yiyuju Jesús.

28 To ĩ̄ yisere ajicõari, ado bajiro ĩ̄re yiyuju Pedro:

—Ȳa ūju, jediro ȳa gajeyeũnire c̄cõari, m̄are s̄yacaj̄a ȳa —ĩ̄re yiyuju.

29-30 To ĩ̄ yisere ajicõari, ado bajiro ĩ̄re c̄diyuju Jesús:

—Riojo m̄are gotiaja ȳa. No bojarã ȳare ajitir̄ũnrã ñari, ȳa ye gotiroana, ĩ̄na ya vi, ĩ̄na yarã, ĩ̄na manajoa, ĩ̄na jac̄a, ĩ̄na r̄ia, to yicõari ĩ̄na ya veserire quēne ĩ̄na vaveojama, ĩ̄na c̄oboare r̄etob̄usaro quēnase bujar̄arãma ĩ̄na, adi macar̄uc̄ore. To yicõari, ĩ̄na rijato beroj̄ama “Tudirijabeticõato” yiḡa, ĩ̄ catisere ñnare ĩ̄s̄ir̄uc̄mi Dios —ñnare yic̄diyuju Jesús.

“Ȳare s̄iar̄arãma”, Jesũs ĩ̄ yigotit̄usare queti

(Mt 20.17-19; Mr 10.32-34)

31 Jerusal̄enju ñnare ũmato var̄ũtu vac̄ne, juaãmo cõro, ḡubo j̄a j̄enituarir̄ac̄u ñnarãre ñnare gotir̄a, ricati ñnare ĵic̄amotoyuju Jesús. To bajiro yicõari, ado bajiro ñnare yiyuju:

—Quēnaro ajiya m̄a. Jerusalénj̄a vana bajiaja mani. Dios ĩ roticōacac̄a, ȳa bajiro tire jairo ucayuma tir̄am̄ana Diore gotirētobosamasiriarã. Ñajediro ĩna ucarere bajirone bajijeocōar̄aroja ȳre. ³²⁻³³ Romano masare ȳre ĩsir̄arãma. To ĩna yijare, ȳre ajatud'irã, gooco ȳre eoreatucōari, bajer̄arãma ĩna. To yicōari, yucútēroj̄a ȳre jajurocacōar̄arãma. Ȳre jajurocacōari, yujeboar̄arãma. To ĩna yiboajaquēne, ȳre ĩna s̄arir̄um̄a bero, idiar̄um̄a t̄satir̄um̄ane tudicaticoar̄ac̄aja ȳa quēna —ĩnare yiboayuju Jesús.

³⁴ To bajiro ĩnare ĩ yisere ajimasibesujarã ĩna, ĩna ajimasiro tire Dios ĩ cōabetijare.

Caje ĩabec̄are Jesús ĩ ĩarotire queti
(Mt 20.29-34; Mr 10.46-52)

³⁵ Jericó vãme cuti macaj̄a ĩ cōñatone, caje ĩabec̄a rujiyuju, maa t̄a. Maioro bajiḡa ĩ barotire, to yicōari, gajeyeũniaca ĩ c̄arotire t̄oĩaḡũ, gãjoa s̄eniḡũ bajiyuju. ³⁶ Masa jãjarã ĩna r̄etosere ajicōari,

—¿No bajiro bajiatu ti? —ĩnare yis̄eniãñuju ĩ.

³⁷ To bajiro ĩnare ĩ yis̄eniãrone,

—Jesús Nazaret macaḡa, r̄etoacu yami —ĩre yiyujarã ĩna.

³⁸ To bajiro ĩna yisere ajicōari, ado bajiro Jesúre jiavasãñuju ĩ:

—Jesús, ȳa ɯj̄a, ɯj̄a David ñamasir'i jãnami, “Rotim̄or̄aḡōr̄ac̄ami” yiḡa, Dios ĩ cōar'i ñaja m̄a. Ȳre ĩamaiña m̄a —yivasãñuju ĩ.

³⁹ To bajiro ĩ yivasãrone,

—¡Avasãbesa! —ĩre yiyujarã ĩna, Jesúre ĩre r̄ĩjoro cuti vana.

To bajiro ĩna yiboajaquēne, b̄tob̄usa avasãñuju quēna:

—ɯj̄a David ñamasir'i jãnami, “Rotim̄or̄aḡōr̄ac̄ami” yiḡa, Dios ĩ cōar'i ñaja m̄a. Ȳre ĩamaiña —Jesúre ĩre yivasãñuju.

⁴⁰⁻⁴¹ To ĩ yisere ajicōari, tujar̄aḡũñuju Jesús. To bajicōari,

—ĩre jija m̄a —masare ĩnare yiyuju. To bajiro ĩ yijare, Jesús t̄aj̄a ĩre jiejoyujarã ĩna. To ĩna jiegoro ĩacōari, —¿No bajiro m̄are ȳa yisere bojati m̄a? —ĩre yiyuju Jesús, caje ĩabec̄are.

To ĩ yijare, ado bajiro ĩre yic̄adiyuju:

—Ȳa ɯj̄a, tudĩar̄aja ȳa —ĩre yiyuju.

⁴² To bajiro ĩ yisere ajicōari, ado bajiro yiyuju Jesús:

—“Ȳre ĩamaicōari, ĩarotir̄ac̄ami” ȳre yit̄oĩaḡũ ñari, ĩacoaj̄a m̄a. Ñie rojose maja m̄are yuja —ĩre yiyuju Jesús.

⁴³ To bajiro ĩ yirir̄imarone, caje ĩabec̄a ñaboar'i, ĩacoasuju ĩ yuja. ĩacōari, ĩ quēne Jesúre s̄ayacoasuju. “Quēnaro yaja m̄a”, Diore ĩre yivariquēna vasuju ĩ. Masa quēne tire ĩarã, “Quēnaro ĩre yami Dios”, yiyujarã ĩna quēne.

19

Zaqueo rãca Jesús ĩ bajire queti

¹ To bajiri, Jericó vãme cuti macare r̄etoacu bajiboayuju Jesús. ² To ĩ bajivatore, s̄iḡũ ti macaḡa ñañuju, Zaqueo vãme cutiḡa. ĩ ñañuju gãjoa s̄enibosarimasa ɯj̄a. Gajeyeũni jaiḡa ñañuju. ³ To bajiri, Jesús ĩ r̄etoato b̄to ĩar̄aboayuju. ĩre ĩarã jãjarã ĩna ñajare, ĩre ĩab̄j̄abesuju ĩ, yeḡaca ñari. ⁴ To bajiri, Jesús ĩ varoti maa t̄aj̄a ĩ r̄ĩjoro ũma va, yuc̄aj̄a m̄ajasuju, Jesúre ĩre ĩar̄a. ⁵ ĩ jesaro ãñeroca ejayuju Jesús. To bajicōari, ĩre ĩam̄oñuju, Zaqueore. ĩre ĩam̄oḡũne,

—Zaqueo, guaro rujiaya m̄a. Yuc̄a m̄a ya vija tujar̄ac̄aja ȳa —ĩre yiyuju Jesús.

⁶ To bajiro ĩre ĩ yirone, guaro rujiacōari, variquēnaḡũne, Jesúre ĩre ũmato vasuju Zaqueo, ĩ ya vija. ⁷ To bajiri Zaqueo ya vija Jesús ĩ ñasere ĩacōari, ado bajiro gãmerã yiyujarã masa: —Rojoḡa t̄are ñaḡũ bajiami —yiyujarã ĩna.

⁸ ĩ ya vija ñacōari, ado bajiro Jesúre gotiyuju Zaqueo:

—Yn cūose, gajeyeūnire, maioro bajirāre gūdareco ĩnare ĩsirucūja yn. Gājerāre ĩnare yitocōari, ĩna ye űnaboasere ēmacajū yn. To bajiri ĩnare yn ēmacati rētoro ĩnare ĩsirucūja yn. Babarirācaji ĩnare yn ēmacati rētoḅusaro ĩnare ĩsirucūja —Jesúre ĩre yiyuju ĩ.

⁹⁻¹⁰ To bajiro ĩre ĩ yisere ajicōari, ado bajiro ĩre gotiyuju Jesús:

—Quēnaro yaja mū. Abraham Diore ĩ ajitirānūmasiriarore bajiro Diore ajitirānūaja mū. To bajiro yigū mū űajare, mure, to yicōari, mū ya vianare quēne, rojose mūa yisere mūare masiriocōaja yn. To yicōari, rojose mūa tāmūoborotire mūare yirētoḅosarucūja yn. Yayirāre bajiro bajirāre, rojose tāmūoboronare, ĩnare yirētoḅosagū vadicaajū yn, Dios ĩ roticōacacū —ĩre yigotiyuju Jesús.

Moabosarimasa ĩna bajirere Jesús ĩ gotimasiore queti

(Mt 25.14-30)

¹¹ To bajiro ĩre ĩ yigotisere ajicōari, ado bajiro tūoĭaboayujarā masa: “Jerusalénjū ĩ ejaroti mojoroaca ti ruyajare, yucūacane Israel vāme cūti sitare manire rotisūorucūmi Jesús, Dios ĩ roticōar'i, romano masare bucōari”, yitūoĭaboayujarā ĩna. To bajiro ĩna yitūoĭasere ĩamasicōari, gotimasiore quetire ado bajiro ĩnare gotiyuju Jesús:

¹²⁻¹³ —Sīgū űagūmi gaje sitajū varocū, űjū űamasugū ĩ űarojū, űjū ĩ űarotire sēnigū, “Yn ya macanare rotigūsa” yigū. ĩ varoto rĭjoro, ĩre moabosarimasare jūaāmocārācūre jirēogūmi. ĩnare jirēocōari, ĩ ye gājoare ĩnare bategūmi. “Yn manitoyejū adi gājoa rāca vaja yicōari, mūa vaja yisere gājerāre ĩsirā, jaibūsarō vaja sēnima, ‘Jaibūsarō gājoa ḅujarāsa’ yirā”. To yigajano, vacoacūmi. ¹⁴ To bajiro ĩ bajiboajaquēne, ĩ ya macana űjū ĩ űasere bojamenama ĩna. “Ynū űjū ĩ űasere bojabeaja” yirā, ĩna rācanare gotiroticōarāma, űjū űamasugūre.

¹⁵ To bajiro ĩnare ĩna yicōaboajaquēne, ĩna űjū ĩre cūgūmi űjū űamasugū. To bajiro ĩ yir'i űari, ĩ ya macanare ĩnare rotigū tudiejagūmi. Tudiejacōari, ĩ gājoa ĩsiriarāre ĩnare jicōagūmi, “Tire quēnaro yimasiboayujari ĩna” yigū. ¹⁶ ĩ moarimasū ejasūogū, ado bajiro ĩre yigūmi: “Gājoa yure mū ĩsicati rāca mure ḅujarēmobosabū yn, jūaāmocārācaji yure mū ĩsicati rētoḅusaro”, ĩre yigūmi, ĩ űjūre. ¹⁷ To bajiro ĩ yijare, “Yure quēnaro moabosayuja mū. Yn yicatore bajiro yure cūdiyuja mū. Mojoroaca mure yn ĩsicati rāca yn yicatore bajiro yigū mū űajare, űamasuse moare mure moarotiaja yn. Jūaāmocārāca macarianare rotirucūja mū”, ĩre yigūmi ĩ űjū. ¹⁸ ĩ bero gāji ejagūmi: “Gājoa yure mū ĩsicati rāca mure ḅujarēmobosabū yn, cojomocārācaji yure mū ĩsicati rētoḅusaro”, ĩre yigūmi, ĩ űjūre. ¹⁹ To bajiro ĩ yijare, “Cojomocārāca macarianare rotirucūja mūma”, ĩre yigūmi ĩ űjū.

²⁰⁻²¹ ĩ bero, ĩ űjūre ĩogū ejagūmi gāji: “Adine űaja mū gājoa, yure mū ĩsicati. Sudigaserone gūmacōari, cūcajū yn, ‘ḅuto roticōari ĩ bojarore bajiro yirere bojagū űacami’ mure yigūigu űari”, ĩre yigūmi. ²² To bajiro ĩ yijare, ado bajiro ĩre cūdigūmi ĩ űjū: “To bajiro yure yitūoĭagū űaboarine, yure quēnaro moabosabetir'i mū űajare, rojose mure yirucūja yn. ²³ Gājoa mure yn ĩsicati rāca vaja yicōari, mū vaja yisere gājerāre ĩsicōari, jaibūsarō vaja sēnibetiboarine, gājoa cūriavijūna mū cūjama, jaibūsarō yure ḅujarēmobosaboriaja mū”, ĩre yitud'igūmi ĩ űjū. ²⁴⁻²⁵ To bajiro yigotigajano, ĩ tū rāgōrāre ĩacōari, ado bajiro ĩnare rotigūmi: “Ānire gājoa yn ĩsiboacatire ēmaña. Tire ēmacōari, jūaāmocārācaji ĩre yn ĩsicati rētoḅusaro ḅujarēmocōari cūogūjūare ĩre ĩsiña”, ĩnare yigūmi ĩna űjū. To bajiro ĩ yiroḅoajaquēne, “Jēre jairo cūoami ĩma”, ĩre yicōarāma, ĩna űjūre. ²⁶ To bajiro ĩre ĩna yisere ajicōari, ado bajiro gotigūmi ĩna űjū: “No bojagū ĩre yn ĩsise rāca yn bojarore bajiro yigū, quēnase ḅujarucūmi. No bojagū ĩre yn ĩsise rāca yn bojarore bajiro yibecūrema, ĩre yn ĩsiboacatire ĩre ēmarucūja yn, ‘Yn bojarore bajiro yimasibeami’ yigū. ²⁷ Ūjū yn űasere bojamenarema, yn rĭjorojūna jiejocōari, ĩnare sĭareacōaña mū”, yigūmi ĩna űjū —ĩnare yigotiyuju Jesús.^S

“Rotimūorūgōrūcūmi’ yigū, Dios ĩ cōagū űaja yn” yĭogū, Jerusalénjū Jesús ĩ ejare queti

(Mt 21.1-11; Mr 11.1-11; Jn 12.12-19)

^{S 19:27} “ ‘Ūjū űaami’ yure yirūcūḅūomenare rojose tāmūotūjabetiriarojū ĩnare rearucūja yn’ yigū, yiyuju Jesús”, yama ĩna Dios oca buerētoḅurimasa.

28 To bajiro yigotigajanocōari, varūtu vasuju Jesús, Jerusalén ñaejari maajure. 29-30 Varūtuacōari, ejayuju, Betfagé, Betania vāme cuti macari tajure. Ti macari tajure, Olivo vāme cuti buro ñañuju ti. Ti buroju ejagugune, juarā ī buerāre ado bajiro ĩnare gotiyuju ī:

—Mani varoto riojo ñarimacare vasa maji. Toju ejacōari, burro macu ĩna siaturūgōr'ire bujaruarāja mu, jesañamagure. ĩre ōjacōari, yure āmiadibosaba. 31 Ti macagu sīgū, mu ōjaro ĩacōari, “¿No yirā ĩre ōjati?” mare ī yisēñajama, “Mani uju ĩre bojami”, ĩre yicudiba —ĩnare yiyuju Jesús.

32 To ī yisere ajicōari, vasujarā ĩna. To ejacōari, Jesús ī gotiriarore bajirone burro macure ĩabujayujarā ĩna. 33 ĩre ĩna ōjarone,

—¿No yirā ĩre ōjati mu? —yiyujarā ĩna, burro ujarā.

34 To bajiro ĩna yirone,

—Mani uju bojaami —ĩnare yicudiyujarā ĩna.

35 To bajiro ĩnare yigajanocōari, burro macure āmivasujarā, Jesús tajū. To yicōari, ĩna ye sudi joeayere vejecōari, burro macu joere jeoyujarā. To yigajanocōari, Jesure ĩre vajejarotiyujarā ĩna. 36 To bajiri burro joere jesamaja vasuju Jesús, Olivo vāme cuti buro majacu. To ī jesamaja vatone, ĩna ye sudi joeayere vejecōari, ī varotijure cū rījoro cutiyujarā. “Yua uju ñaja mu” yirā, to bajiro yiyujarā, Jesure rūcuborā. 37 To bajiro ĩna yi vati maajure jesamaja, joe jeacōari, Jerusalēnju ī rojaroto rījorore, “Quēnaro yaja”, Diore yivasā variquēnañujarā ĩna, jājarā. Dios ī masise rāca ĩañamani Jesús ī yīorere tūōiacōari, ado bajiro yivasā variquēnañujarā:

38 —“Rotimorūgōrucumi” yigu, Dios ī cōar'i, ñaami. ¡Diore rotibosagu quēnaro ī yigu ñaami! Manire ĩvariquēnagūmi Dios. Quēnagū masune ñaami —yivasā variquēnañujarā ĩna.

39 To bajiro ĩna yivasā ñarone, sīgūri ñañujarā fariseo masa quēne. To bajiri Jesure rūcuborā ĩna yivasāsere ajicōari, ado bajiro Jesure yiboayujarā ĩna:

—Mu buerāre avasārotibeticōaña mu —ĩre yiboayujarā ĩna.

40 To bajiro ĩre ĩna yiboajaquēne, ado bajiro ĩnare cadiyuju Jesús:

—To bajiro ĩna yivasābetijama, adiarī gūtarijūare avasāroticōarucumi Dios —ĩnare yicudiyuju Jesús.

41 To yi va, Jerusalén maca tuaca ejagune, ti macare ĩagūne, otiyuju Jesús. 42 Ado bajiro yiotiyuju:

—Yucne Jerusalén macana, variquēnarere ĩnare Dios ī cōarūaboasere, ĩna masune ajitirūnu suymasibeama. To bajiri quēnaro ñavariquēnamasibetiruarāma. 43-44 Masa rojose ĩna tāmūosere yu suorine Dios ĩnare ī yirētobosasere masimena ñari, buto rojose tāmūoruarāma ĩna. ĩnare quēaruarā vadiruarāma gājerā. Adi macajure vadicōari, ĩnare gānibiaquearuarāma, “Rudiroma” yirā. Gānibiaqueacōari, quēnaro sīajeocōaruarāma, ĩnare. Virire quēne, gajeyeūnire quēne jediro reajeocōaruarāma ĩna. To bajiro ĩna yireacōaro bero, adi maca ñaboariaro, rujatūcuro ñaruarōja ti —yiotiyuju Jesús, Jerusalén macare ĩagūne.

Diore yirūcuboriavijū ñacōari, gajeyeūni ĩsirivire bajiro ĩna yīñajare, Jesús ĩnare ī tud'īagōbure queti

(Mt 21.12-17; Mr 11.15-19; Jn 2.13-22)

45-46 To bajiro yigajano, varūtu vaejacoasuju ī, Jerusalēnju. To ejacōari, Diore yirūcuboriavijū sājañuju ī. Sājaejacōari, ti vijū ĩsiñarāre āgōbucōañuju ī. ĩnare āgōbucōagūne, ado bajiro ĩnare gotiyuju:

—Dios ī rotimasire masa ĩna ucamasire ado bajiro gotiaja: “Yu ya vima, yure sēnirūcuborā rējariavi ñaruarōja”, yigotiaja, adi vire. To bajiro ī yimasire ti ñaboajaquēne, mu suorine juarudirimasa ñarivire bajiro bajiaja ti —ĩnare yigotiyuju Jesús.

⁴⁷ To bajiro ñnare ñ yĩãgõburiaro bero, tocãrãcarãmari ti vine masare buerũgũñuju Jesús. To ñ yisere, paia ñjarã, Dios ñ rotimasire gotimasiorimasa quẽne, masa ñjarã quẽne, “¿No bajiro ñre sñarãti mani?”, yitũoĩarũgũñujarã ñna. ⁴⁸ No bajiro yimasibesujarã ñna, bajirãjuma, masa ññajediro buto ñre ñna ajitirũnũ sayajare.

20

“¿Ñimũ mãre ñ rotise rãca to bajiro yati mã?”, Jesúre ñna yisẽniãare queti
(Mt 21.23-27; Mr 11.27-33)

¹ Cojorãmũ, Diore yirũcũbũoriavijũ masare gotimasioñuju Jesús. “Rojose mã yisere yitũjacõari, quẽnasejũare tũoĩavasoaya” ñnare yigoticõari, ñ sũorine quẽnaro ñnare Dios ñ yirotere gotimasioñuju ñ. To bajiro ñ yigotimasio ñnare, ñre sẽniãarã, ñ tũre ejayujarã bũcũrã, paia ñjarã, Dios ñ rotimasire gotimasiorimasa quẽne. ² Ado bajiro ñre yisẽniãañujarã ñna:

—¿Ñimũ mãre ñ rotise rãca to bajiro yirũgũati mã? —ñre yisẽniãañujarã ñna.

³ To bajiro ñna yisere ajicõari,

—Yũ quẽne, ado bajiro mãre sẽniãaja yũ: ⁴ ¿Ñimũ rotiyujari, Juanre, “Oco rãca masare ñnare bautizacudiyã” yigũ? ¿Dios rotiyujari? ¿Masajũa rotiyujarique? —ñnare yisẽniãañuju Jesús.

⁵ To ñ yisere ajicõari, ñna masune gãmerã ññagõñujarã ñna:

—“Dione, Juanre oco rãca masare bautizarotiyumi” mani yijama, ado bajiro manire sẽniãajacagũmi: “Tire masirã ñnaboarine, ¿no yirã ñre ajitirũnũbeticati mã?” manire yisẽniãajacagũmi. ⁶ To yicõari, “Masane, Juanre oco rãca bautizarotiriarãma” mani yijama, gãtarine manire reasñarũarãma masa, “Diore gotirẽtobosarimasũ ñnaboacami Juan” yirã ñnari —gãmerã yĩñagõñujarã ñna. ⁷ To bajiro yirã ñnari, ado bajiro ñre cãdiyujarã ñna:

—Juanre rotir'ire masibeaja yũ —Jesúre yicãdiyujarã ñna.

⁸ To ñna yisere ajicõari, ado bajiro ñnare cãdiyuju Jesús:

—To bajiro mã cãdijare, yũre rotigũ vãmere gotibetirũcũja yũ quẽne —ñnare yiyuju Jesús.

“Jud'io masa ñna ajitirũnũbetijare, gãjerãjũare ñjorũcũmi” yigũ, moabosarimasa rojose yirã ñna bajire rãca Jesús ñ gotimasiore queti
(Mt 21.33-44; Mr 12.1-11)

⁹ To bajiro ñnare yigajanocõari, gotimasiore queti ado bajiro ñnare gotiyuju Jesús:

—Sĩgũ masũ ñye vese otegũmi. Tire otegajanocõari, gãjerãre, “Yũre ñatirũnũbosaba”, yigũmi. “Yũe ti rica cutiro, gãjerãre ñsicõari, vaja sãnirũarãja. To yicõari, mã juarotire, ‘Ado cõro ñaja mani ye. Ado cõro ñaja ñ ye’ yicõĩama”, ñnare yirotigũmi. To yicõari, gajerojũ vacoacũmi. ¹⁰ To bajiri cojorãmũ, “Yũe rica cuti bũcũacoatoja” yigũ, ñre moabosarimasũre cõagũmi, “Yũe, yũre ñna cũbosarere yũre juabosaaya” yigũ. Yũe vesejũ ñ ejarone, ñre ñnacõari jarãma vese coderimasa. To yicõa, ñre ñye ñsimenane, “Vasa”, yirãma ñna. To bajiri ñye juabecũne tudiejagũmi, ñre roticõar'i tũjũ. ¹¹ To bajiri ñye ñ juabetire ñacõari, gãjire cõagũmi quẽna, vese ñjũ, “Yũe yũre juabosagũ vasa” yigũ. Yũe vesejũ ñ ejasere ñacõari, rujajine ñre yitud'icõari, ñre quẽne jarãma ñna. To bajiro ñre yigajanocõari, ñye ñsimenane, “Vasa”, ñre yirãma ñna. ¹² To bajiri ñye ñ juabetire ñacõari, quẽna gãjire cõagũmi vese ñjũ. Yũe vesejũ ñ ejasere ñacõari, ñre quẽne jarãma ñna. To bajiri cãmi cutigũmi. To yicõari, ñre ñnacõari, vese sojuajũ rocarãma ñna.

¹³ To bajiro ti bajijare, “¿No bajiro yigũti yũ?”, yitũoĩagũmi ñjũ. “Yũ maigũre, yũ macũre ñre cõarũcũja yũ. ñjũare rãcũbũorãma ñna”, yitũoĩagũmi. ¹⁴ To bajiro yitũoĩacõari, ñ macũre cõagũmi. To bajiro ñ yitũoĩaboajaquẽne, ñ macũ vesejũ ñ ejasere ñacõari, ado bajiro gãmerã ññagõrãma vese coderimasa: “Adi sita ñjũ ñ bajirocaveojama, ñ macũne ñnaami vasoarocũ. To bajiri ñre mani sñajama, mani ye sita ñnarũaroja yuja”, gãmerã yirãma ñna. ¹⁵ To bajiri

vese sojɔajɔ ɪre ñia oja vanama. To yicɔari, sɪarãma ñna yuja —ñnare yiyuju Jesús, ti quetire gotigɔ.

To bajiro ñnare yigajanocɔari, ado bajiro ñnare gotiyuju quẽna:

—¿Ti vese ɔjɔ tudiejagɔ, no bajiro ñnare yigɔjari ɪ, ti vese coderimasare? ¹⁶ Ado bajiro yigɔmi: Vesejɔ vacɔari, ti vese coderãre sɪagɔmi. To yicɔari, gãjerãre coderotigɔmi, ti vesere —ñnare yiyuju Jesús.

To bajiro ɪ yisere ajimasicɔañujarã jud'io masa. To bajiri,

—¡Bajibeticɔato ti! —yiyujarã ñna. “ Ʋjɔ macɔre sɪariarãre bajiro bajaiaja mɔa’, manire yami” yimasicɔañujarã ñna.

¹⁷ To bajiro ñna yirone, ñnare ñacɔari, ado bajiro ñnare yiyuju Jesús:

—¿“Ʋye vese ɔjɔ ɪ macɔre rojorã ñna sɪarocarere bajirone gɔtavi quẽnorimasa coja gɔtare rocarɔarãma” Dios oca masa ñna yiucomasirere ñabeticatigue mɔa? Ado bajiro gotiaja:

“Gɔta rãca vi quẽnorimasa coja gɔtare rocarãma ñna. Ñna rocaria ñaboarine, gajea gɔta rẽtoro quẽnarica ñarɔaroja tia. Tia gɔta suorine quẽnarivi quẽnorucɔmi Dios. Tia manijama, quẽnomasibetibogɔmi”, yigotiaja Dios oca masa ñna ucomasire.

¹⁸ To yigajano, ado bajiro gotirũtuasuju ɪ Jesús:

—No bojarã, yɔ ocare ajiterã, rojose tãmɔorɔarãma ñna —ñnare yiyuju Jesús.

¹⁹ To bajiro Jesús ɪ gotimasiosere ajicɔari, “Manirene mani bajisere yigɔ yami”, yiajimasiañujarã paia ɔjarã, Dios ɪ rotimasire gotimasiorimasa quẽne. “ Ʋjɔ macɔre sɪariarãre bajiro bajaiaja mɔa’ manire yami”, yiajimasiañujarã ñna. To bajiro yirã ñnari, Jesúre ñnarɔaboayujarã ñna. To bajiboarine masare gũirã, ɪre ñnibesujarã.

“Ʋjarã gãjoa manire ñna vaja yirotijama, ñnare ñsiroti ñnaja”, Jesús ɪ yigotire queti (Mt 22.15-22; Mr 12.13-17)

²⁰ Jesúre ñnarɔarã ñnari, gãjerãre cɔañujarã ñna, Jesús tɔjɔ. To bajiri, “ ‘Mani ɔjɔ César ɪ rotisere quẽnabeaja’ ɪ yisere ajirudirã vasa. To bajiro ɪ yise ti ñnaja, ɪre gotiyirorãsa mani, Pilatore”, yitɔoñaboayujarã. To bajiri Jesús tɔjɔre ɪ gotisere ajirãre bajiro bajitoyujarã ñna cɔariarã. ²¹ Jesús tɔ ejacɔari, ado bajiro ɪre sɛniãañujarã ñna:

—Ajiya gotimasiorimasɔ. “Riojo gotigɔ ñnaja mɔ”, yimasiaja yɔa. “Ado bajiro mani yisere bojagɔmi Dios” yigotimasioigɔ, ñnaro cɔrone riojo yɔare gotimasioaja mɔ. “Ado bajiro yɔ gotimasiojama, yɔare ajijũnisinirɔarãma” yitɔoñabecɔne, riojo gotigɔ ñnaja mɔ. Masa ñajedirore riojo gotigɔ ñnaja mɔ. To bajiro yigɔ mɔ ñajare, mɔ tɔoñasere ajirɔaja yɔa. ²² ¿Roma macagɔ ɔjɔ, César, gãjoa manire ɪ vaja yirotisere mani vaja yijama, quẽnacɔarɔjari? ¿Dios ɪ rotimasirere cɔdimena yirãjarique mani, ɪre mani vaja yijama? —Jesúre yisɛniãaboayujarã ñna.

²³⁻²⁴ Jesújɔama, “Rojose yɔre yirɔarã, to bajise yɔre sɛniãatoama ñna”, yimasicɔañuju. To bajiri, ado bajiro ñnare gotiyuju:

—Gãjoatii cojotii yɔre ñoña mɔa.

To ɪ yijare, gãjoatii ãmiadi, ɪre ñoñujarã ñna. Gãjoatiire ñacɔari, ado bajiro ñnare sɛniãañuju Jesús:

—¿Ñimɔ rioga tuyati? ¿Ñimɔ vãme tuyati? —ñnare yiyuju Jesús.

To ɪ yirone,

—Roma macagɔ Ʋjɔ César vãme cutigɔ rioga tuyaja. To yicɔari, ɪ vãme tuyaja ti —Jesúre yicɔdiyujarã ñna.

²⁵ To ñna yijare, ado bajise yiyuju Jesús:

—To bajiri aditiire ñacɔari, “César yatii ñnaja”, yimasiaja mani. Ʋjarã manire ñna vaja yirotijama, ñnare vaja yiroti ñnaja, manire. To bajirone bajaiaja Diore quẽne. “Dios suorini bajaiaja” mani yimasijama, “Yɔa cɔose ti ñaboajaquẽne, ti rãca mɔ bojarore bajiro yirɔarãja”, Diore ɪre yiroti ñnaja, manire —ñnare yiyuju Jesús.

²⁶ To bajiro ï yisere ajicõari, no yimasibesujarã ïna, to bajise quẽnaro ñagõgũre ajibetirũgũriarã ñari. To bajiri, ïre sẽnĩatujacõañujarã yuja. Jesús rojose ï yibetijare, ïna ujure ocasãmasibesujarã ïna.

*“¿Bajirearãma, tudicicoanajari?”, Jesúre ïna yisẽnĩatore
(Mt 22.23-33; Mr 12.18-27)*

²⁷⁻²⁸ To bajicõari, saduceo masa quẽne sĩgũri ejayujarã, Jesúre sẽnĩatorã. “Masa ïna rijato bero, ïna usuri ïna rujuri ñaro cõrone quẽna tudicatimenama” yirã ñañujarã saduceo masa. Ado bajiro ïre sẽnĩañujarã:

—Ajiya, gotimasiorimasu. Moisés ñamasir'i ado bajiro ï yucacũmasire ti ñajare, mure sẽnĩarã vabu yua. Ado bajiro yimasiñuju Moisés: “Sĩgũ, manajo cutiboa, rĩa magũne ï bajirocabama, ï gagu manajo ñariore manajo cutirucumi ï bedijua. To bajiri ï rãca ñacõari, so macu cutijama, ï gagu macu ñarucumi”, yimasiñuju Moisés. ²⁹ Sĩgũ rĩa cojomo cõro, jua jẽnituarirãcu ãmua ñaboacama. Sĩgõrene manajo cutiboacama ïna. Nasuogu sore manajo cutisuboacami. Rĩa magũne rijacoacami ï. ³⁰⁻³¹ ï rijato bero, gãji ï bedi vasoaboacami. ï quẽne rĩa magũne rijacoacami. ï bederã quẽne, to bajirone sore manajo cutiboacama. Rĩa manane, rijajedicoacama ïna quẽne. ³² So manajua ïna rijajediro bero, so quẽne rijacoacamo yuja. ³³ To bajiri bajireacõari, quẽna ïna tudicatijama, ¿ñimujua ñaguĩda so manaju masu ñarocuma, ïna ñaro cõrone sore ïna manajo cuticato bero? —Jesúre yisẽnĩatoyujarã ïna.

³⁴⁻³⁵ To ïna yirone, ado bajiro cadiyuju Jesús:

—Bajireariarã, “Quẽnarã ñaama” Dios ï yĩarã, quẽna tudicatiro bero, manajo cutire, manaju cutire quẽne maniruarõja. ³⁶ Tudirijabetirona ñari, to bajiro bajiruarãma. Õ vecaju ángel mesare bajiro bajirã ñaruarãma. To bajicõari, ï suorine tudicatiriarã ñari, Dios rĩa ñaruarãma —ñare yicadiyuju Jesús. ³⁷ —¿“Masa ïna bajirearo bero, ïna usuri caticõaroja” yirere ïabeticatique mua? ¿Yucúyoa ujuriyoa vatoaju Dios Moisére ï ñagõmasirere ïabeticatique? Dios masune ado bajiro gotimasiñumi ï oca masa ïna ucamasire rãca: “Mua ñicua ñamasiriarã Abraham, Isaac, Jacob, ïna rãcubuo vadimasicacune ñaja yu”, yigotimasiñumi Dios. ³⁸ Masa bajireariarã ïna usuri ti caticõa ñabetijama, to bajise yibetimasiborimi. Bajireariarã, quẽna tudicatirãjua ïna rãcubuo ñagũmi. Masa ïna usuri ti caticõa ñabetiboajuquẽne, “Diore rãcubuoarã ñarãma”, yimasiña maja. “Ïna usuri ti caticõa ñajare, bajireariarã ñaboarine, Diore rãcubuoarã ñarãma”, yire ñaja —ñare yiyuju Jesús.

³⁹⁻⁴⁰ To ï yise ñajare, saduceo masa, ïre sẽnĩarẽmobesujarã, ïre gũirã ñari. To bajiri, ado bajiro Jesúre yiyujarã sĩgũri, Dios ï rotimasire gotimasiorimasajumama:

—Gotimasiorimasu, quẽnaro cadiaja mu —ïre yiyujarã ïna.

“‘Rotimorũgõrucumi’ yigu, Dios ï cõarocu, ¿ñimũ ñarucumi, yituoĩati mua?”, Jesús ï yisẽnĩare queti

(Mt 22.41-46; Mr 12.35-37)

⁴¹⁻⁴³ To bajiro ïre ïna yiboajuquẽne, ado bajiro masare gotiyuju Jesús:

—“‘Rotimorũgõrucumi’ yigu, Dios ï cõarocu, masu ñarucumi. Uju David ñamasir'i jãnamine ñarucumi” yise ñaja. To bajiro mua yituoĩaboajuquẽne, Diore yigure bajiro, “yu uju”, yimasiñujari Uju David ñamasir'i, ï jãnami ï ñaboajuquẽne, ado bajise ï yiucajama:

“Yu ujure ado bajiro yirucumi Dios: ‘Yu riojojacatua rujiya maji. Mure ïaterãre, “Rojose yitujaya” ïnare yu yiro bero, rojose yimasibetiruarãma yuja. To cõrone rotisuoꝛucija mu’ yirucumi Dios, yu ujure”, yucamasifumi David.

⁴⁴ To bajiri, “‘Rotimorũgõrucumi’ yigu, Dios ï cõarocu, David ñamasir'i jãnami ñarucumi” yucamasire ti ñaboajuquẽne, ¿no yigu ï ujure bajiro bajigutique? —ñare yiyuju Jesús.

*“Rojose tãmuoruarãma Dios ï rotimasire gotimasierimasa”, Jesús ï yire queti
(Mt 23.1-36; Mr 12.38-40; Lc 11.37-54)*

⁴⁵⁻⁴⁶ To bajiro ïnare yigajanocõari, masa ïna ajijediro, ado bajiro ï buerimasare gotiyuju Jesús:

—Dios ï rotimasire gotimasierimasure bajiro bajibeja muama. Dios ï rotimasire gotimasierimasa, sudiro yoaquênariase sãñacõari, masa ïna ïaro rïjoro vacudi variquênarãma ïna. To yicõari, jãjarã masa ïna rëjarũgũrijaarire ejarũgũrãma. Gãji ïnare ï bocajama, rucubuose rãca ïnare ï sënisere ajivariquênarãma. Dios ocare ïna buerivirijure quëne ñamasuri cûmurorire rujivariquênarãma. Boserãmuri ti ñajaquëne, ïna bajama, ñamasuri cûmurorire rujivariquênarãma ïna. ⁴⁷ Manajua rijaveoriarã ya virire êmarã ñaboarine, masa ïna ïaro rïjorojua, “Quênaro yirã ñaama’ yïlato” yirã, yoaro Diore sënirã yaja, yisocarũgũboarãma ïna. To bajiro ïna yise vaja, gãjerã rojorã, rojose ïna tãmuose rëtoro rojose tãmuoruarãma ïna —ïnare yiyuju Jesús.

21

*Manajua rijaveorio maioro bajigo ñaboarine, gãjõa so sãre queti
(Mr 12.41-44)*

¹ Diore yirucuburiavijua ñacõari, gãjõa jairã gãjõa sãriajujure gãjõa ïna sãñasere ïañuju Jesús. ² To ïna yïnarone, sïgõ, manajua rijaveorio, gãjõatii juatiine so sãsere ïañuju. Mojoroaca vaja cutitiiri ñañuju ti. ³ Tire so sãro ïacõari, ado bajiro ï buerimasare gotiyuju Jesús:

—Riojo muare gotiaja yu. Adio maioro bajigo, gãjerã rëtoro sãmo so. ⁴ Gãjõa jairã ïna sãboajaquëne, jairo ruyacõaroja ïnarema. Soma, so cuose ñaro cõroacane sãcõamo —ïnare yiyuju Jesús.

*“Diore yirucuburiavire jud'io masa me ñarã caguerocacõaruarãma”, Jesús ï yire queti
(Mt 24.1-2; Mr 13.1-2)*

⁵⁻⁶ Diore yirucuburiavire ïacõari, sïgũri ï buerimasa ado bajiro Jesúsre ïre yiyujarã:

—Quênarivi ñaja. Gãta quënase rãca quênaro quënoñuma ïna. Diore rucuburõã ïna cûre quëne quënase ñaja —Jesúsre ïre yiyujarã ïna.

To bajiro ïna yisere ajicõari, ado bajiro gotiyuju Jesús:

—Adi vi mua ïarivi ñaro cõrone cague vëjajedicuararoja. To bajiri adi viaye gajea gãta joere jesabetiruarõa —ïnare yiyuju Jesús.

*“Macarucuro ti jediroto rïjoro ado bajiro bajiruarõa”, Jesús ï yire queti
(Mt 24.3-28; Mr 13.3-23)*

⁷ Ado bajiro Jesúsre ïre sënïañujarã ïna:

—¿Divato cagueroca ecoroti Diore yirucuburiavi? ¿No bajiro ti bajiro ïacõari, “Jesús ejaguagu yigumi”, yimasirãti yua? ¿No bajiro ti bajiro ïacõari, “Adi macarucuro jediato yaja”, yimasirãti yua? —Jesúsre yisënïañujarã ïna.

⁸ To bajiro ïna yisere ajicõari, ado bajiro ïnare cudiyuju Jesús:

—Roori ñaruarãja mua, “Socarãne, gãjerã manire yitoroma” yirã. Jãjarã yitorã ñaruarãma, “Yune ñaja ‘Rotimorũgõrucumi’ yigu, Dios ï cõagũ” yirã. To yicõari, “Adi macarucuro ti jediroto cõñaja”, yitoruarãma. To bajiro ïna yiboajaquëne, ïnare ajitirãnetiruarãja mua. ⁹ To bajicõari, mua tuana to yicõari, gajeroana quëne gãjerã rãca ïna gãmerã siasere ajiruarãja mua. Tire ajicõari, güibetiruarãja mua. “Bajiruarõa” Dios ï yiriarore bajirone bajiruarõa. To bajiro ïna gãmerã yïñaboajaquëne, adi macarucuro jediro me bajiruarõa.

¹⁰ Cojo sitana, gaje sitana rãca gãmerã sïaruarãma. ¹¹ Buto sita saberuarõa. To yicõari, cojo maca me ñioñaruarõa. To bajicõari, cojo sita me gajeye rojose cõarucumi Dios, “Rojose tãmuoato masa” yigu. Vecajure ïañañamani güiose Dios ï yïose ñaruarõa.

12 To bajiro ti bajiroto rĭjoro, m̄are ñejecōari, rojose m̄are yir̄arāma masa. Dios ocare ĩna buerivij̄u ɱjarā rĭjoroj̄ua m̄are juaácōari, m̄are goti yir̄or̄arāma ĩna. To yicōari, m̄are tubiber̄arāma. Ȳu ocare m̄a gotimasiojare, macari ɱjarā rĭjoroj̄ua m̄are juaár̄arāma ĩna. To yi vanane, ɱjarā ñamasurā rĭjoroj̄ua m̄are juajar̄arāma ĩna. 13 To bajiro m̄are ĩna yijare, ȳu oca quēnasere ĩnare gotir̄arāja m̄a. 14 M̄are ñejecōari, ɱjarā rĭjoroj̄ua m̄are ĩna juaároto rĭjoro, “¿No bajiro ñagōrāti ȳu?”, yit̄uōiarejaibetir̄arāja m̄a. 15 M̄a ñagōrotij̄u ti ejaro, “Ado bajiro ñagōroti ñaja”, yimasir̄arāja. M̄a ñagōjama, m̄a masise rāca me ñagōr̄arāja. Ȳu masise rāca ñagōr̄arāja. Ȳu masise m̄are ȳu cōajare, m̄a ñagōsere ajicōari, “Socarā yaja m̄a”, m̄are yibetir̄arāma m̄are ĩaterā —ĩnare yiyuju Jesús. 16 —M̄a jac̄ua, m̄a bederā, m̄a yarā, m̄a rācana quēne, m̄are ĩsirear̄arāma ĩna. To bajiro ĩna yijare, s̄iaecor̄arāja m̄a sĭḡari. 17 Ȳure ajitir̄un̄rā m̄a ñajare, m̄are ĩater̄arāma j̄ajarā masa. 18 To bajiro m̄are ĩna yiboajaquēne, ñie m̄are godoc̄tir̄aroja. Dios ĩ ejarēnose rāca ĩ t̄j̄u ejacōari, quēnaro ñacōa ñar̄ūḡur̄arāja m̄a. 19 Ȳure m̄a ajitir̄un̄u t̄j̄abetijama, to bajirone bajir̄arāja m̄a.

20 Jerusalén macajare surara ĩna gānibiasere m̄a ĩajama, “Jerusalén maca ti jedirotir̄um̄u cōñaro bajiaja”, yimasir̄arāja m̄a. 21-22 Jerusalén maca jedirotire Dios oca masa ĩna ucamasire ti gotirore bajiro bajir̄aroja. Rojose tām̄oriar̄um̄ari ñar̄aroja. To bajiroti ti ñajare, Jerusalén maca t̄ana, Judea sitana, Jerusalén macaj̄u rudibeticōato ĩna. Ḡatayuc̄uj̄aj̄u guaro rudicoajaro ĩna. Jerusalén macana quēne, guaro rudicoajaro ĩna. 23 To bajiro bajirir̄um̄ure b̄uto rojose tām̄or̄arāma masa, ĩ bojasere ĩna yibetire Dios ĩ ĩaj̄ūnisinjare. Rōmia mac̄u s̄añarā, ũjurā c̄orā quēne, rojose tām̄or̄arāma ĩna, ũmat̄imabetica yirā. 24 Sĭḡurire jas̄iar̄arāma jud'io masa me ñarā. Ḡajerāre, s̄iaecomenare ĩnare ñejebateoar̄arāma, gajerorij̄u. To yicōari, ĩna ye sita c̄or̄arāma jud'io masa me ñarā, “To cōrone rotit̄ujar̄arāma” Dios ĩ yit̄uōiar̄ar̄um̄u ti ejaroto rĭjoro.

“Dios ĩ roticōacac̄u tudiejar̄uc̄uja ȳu”, Jesús ĩ yire queti

(Mt 24.29-35, 42-44; Mr 13.24-37)

25 Jud'io masa me ñarā ĩna rotirirodo jedirij̄au, muiju ɱm̄uagu, to yicōari, ñamiagu quēne, ñocoa quēne, b̄uto ḡuiose bajīor̄arāma. Tire ĩaḡur̄arāma adi macar̄uc̄uroana ñajediro. Moa riaga b̄uto jacase saber̄aroja. To bajiro ti b̄usisere ajiḡuicōari, no yimasibetir̄arāma ĩna. 26 Ō vecayere n̄ur̄obator̄uc̄umi Dios. To bajiro ti bajiro ĩacōari, “Adi macar̄uc̄uro jediato yaja” yit̄uōiacōari, b̄uto ḡur̄arāma ĩna. Sĭḡari ĩamec̄u vanane, rijavējar̄arāma ĩna. 27 To bajicōari, ȳu masise rāca, b̄uto bususe rāca, oco bueri vatoaj̄u adi macar̄uc̄urojare Dios ĩ roticōacac̄u ȳu rujiadire ĩar̄arāma ĩna. 28 To bajiri, adi ḡuiose ti bajis̄orore ĩacōari, t̄uōiatutuar̄arāja m̄a. T̄uōiatutuacōari, ĩam̄or̄arāja m̄a, “Yuc̄acane rojose tām̄ot̄j̄abetir̄iaroju mani vaborotire manire yir̄etobosaguagu yiḡum̄i Dios” yimasirā ñari —ĩnare yigotiyuju Jesús, ĩ buerāre.

29 To yigajanocōari, gotimasioire queti gotiyuju quēna:

—Ȳuc̄āre t̄uōiaña m̄a. 30 Yuc̄ā gajecu b̄uc̄am̄jacōari, j̄u mameaja. Tire ĩacōari, “Mojoroaca r̄ayaja c̄uma ti ejaroti”, yimasiaja mani, jud'io masa. 31 Tire bajiro m̄are ȳu gotise ti bajisere ĩacōari, “Mojoroaca r̄ayaja Diore rotibosagu, Jesús ĩ vadiroti”, yimasir̄arāja m̄a.

32 Riojo m̄are gotiaja ȳu. Adirodo ñarā m̄a bajireajediroto rĭjoro, m̄are ȳu gotirore bajirone bajir̄aroja ti.^t 33 Adi macar̄uc̄uro ñaro cōrone, to yicōari, ō vecaye quēne jedicoar̄aroja. To bajiboarine, ȳu ocama, jedibeti m̄or̄ūḡōcōar̄aroja.

34 To bajiri ȳu vadirotire masiritibesa. Idire mec̄ose idimec̄ucōari, ȳure m̄a masiritijama, quēnabetoja. To bajicōari, gajeyeūni m̄a c̄uose, to yicōari, gajeye m̄a c̄or̄ua t̄uōiasere b̄uto t̄uōiarā ñari, ȳure m̄a masiritijama, quēnabetoja. 35 “To cōrone ejar̄uc̄um̄i”

^t 21:32 Griego masa ye rāca “esta raza” yiroma, judío mesare yiro yaja. To bajicōari, “esta generación” ti yijama, adirodo ñarāre yiro yaja.

jăjară masa ĩna yimasibetirĩmarone, tudiejaruĉaja yu. To yu bajijare, masa ĩnjediro yure rudimasibetiruarăma ĩna. ³⁶ To bajiro bajiroti ti ĩnjare, roori ĩnaruarăja mu. To bajicđari, ado bajiro Diore sēnirũgũruarăja mu: “ ‘Dios ĩ roticđacacu ĩ tudivadiroto rĩjoro, rojose tãmuoroti ti ĩnaboajaquēne, ĩre ajitirũnu tujabeticđari, ō vecaju ĩ rĩjorojua bojonemenane ejato’ yigu, yuare ejarēmoña”, ĩre yisēnirũgũruarăja mu —ĩnare yigotiyuju Jesús.

³⁷ Tocărăcarũmarine Diore yirũcũbũoriaviju masare gotimasiorũgũñuju Jesús. ĩnamirema ĩnare vaveocđari, Olivo vãme cuti buroju cãnirũgũñuju. ³⁸ Quēna busuriju jăjară masa ĩre ajiră sãjarũgũñujară ĩna, Diore yirũcũbũoriaviju.

22

“¿No bajiro yicđari, Jesúre ĩnarăti mani, ĩre sãruară?”, ĩna yire
(Mt 26.1-5, 14-16; Mr 14.1-2, 10-11; Jn 11.45-53)

¹ Pascua boserũmu pan ũmato vauvase vuoyamani basũoriarũmu cđñañuju. ² To bajicđari, paia ujară, Dios ĩ rotimasire gotimasiorimasa quēne, Jesúre sãruară, masare gũiră ĩari, “¿No bajiro yicđari, ĩre ĩnarăti mani?”, gãmeră yĩnagđñañujară ĩna.

³ To ĩna yitũoĩañatoyene, Judas Iscariote vãme cutigu rãca ĩnară ĩnjediro Jesús buerimasa, juaãmo cđro, gũbo juă jēnituarirãcu ñañujară. To bajiboagure, ĩ usũjare sãjacoasuju vãtia uju, Satanás vãme cutigu. ⁴ To bajiri, ĩ usũju vãtia uju ĩ sãjare, ĩ sũorine rojose tũoĩacđari, paia ujară, Diore yirũcũbũoriavi coderă ĩna ĩnarũjare vacoasuju Judas. ĩna tũju ejacđari, Jesúre ĩ ĩsirocarotire gãmeră ñagđñañujară ĩna. ⁵ Jesúre ĩ ĩsirocaruasere ajivariquēnacđari,

—Gãjoa mũre ĩsiruarăja yu —ĩre yiyujară. ⁶ To ĩna yisere ajivariquēnacđari, tudicoasuju Judas. Jesús tũjare ejacđari, “¿Dirĩmaro ũnone Jesúre ĩnare yu ĩsijama, josari mene ĩre ĩiamasirojari ĩna?”, yitũoĩañuju ĩ.

Jesús ĩ batũsare queti

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Pascua boserũmu pan ũmato vauvase vuoyamani basũoriarũmu, to yicđari, oveja macũre ĩna sãriarũmu ejayuju ti. ⁸ To bajiri Pedrore, Juanre ado bajiro ĩnare yicđañuju Jesús:

—Adi ĩami bare mani barotire quēnoyură vasa mu —ĩnare yicđañuju.

⁹ To bajiro ĩ yisere ajicđari,

—¿Noju bare quēnoyurăti yu? —ĩre yisēniñañujară ĩna.

¹⁰⁻¹¹ To bajiro ĩna yisēniĩarone, ado bajirone ĩnare cadiyuju Jesús:

—Yũre quēnaro ajiya mu. Macaju mũare yu gotigu tũre vasa mu. To mu ejarone, sĩgũ, oco vagu mũare bocaruĉami. ĩre sũyaja mu. To bajicđari, vi ĩ sãjarone, ti vi ujure ado bajiro ĩre yiba: “ ‘¿Noju ĩnati Pascua boserũmu adi ĩami yu buerimasare yu ũmato barotija?’ mũre yicđami gotimasiorimasu”, yiba mu. ¹² To mu yirone, mũare ĩorũcũmi, vecajua sđa, jairisđa, quēnogajanoriasđare. Tone mani baroti quēnoyuba mu —ĩnare yiyuju Jesús, ĩnare varotigu.

¹³ To ĩ yijare, vacoasujară ĩna juară yuja. To eja, ĩ yiriarore bajirone bajiyuju ti. To bajiri tisđaju ĩna barotire quēnoyuyujară ĩna.

¹⁴ To bajiri Pascua boserũmuaye bare bariaju ti ejaro, ĩ buerimasa juaãmo cđro, gũbo juă jēnituarirãcu ĩnară ejacđari, barujiyujară ĩna, ĩ rãca. ¹⁵ To bajiĩnarăne, ĩnare ũmato bagũagane, ado bajiro ĩnare gotiyuju Jesús:

—Rojose yu tãmuoroto rĩjoro, mu rãca Pascua boserũmu bare bũto barua tũoĩacaju yu. ¹⁶ Dios ĩ roticđacacu ĩari, mũare yu ũmato baro bero, quēna tudibabetirũcũja. To bajiboarine, adi macaruĉuroju yu tudivado beruju yure roticđacacu ĩ ĩnarũjare tudi mu rãca quēnaro bavariquēnarũcũja yu, rojose tãmuoboriarăre yu yirētobosară rãca —ĩ buerimasare ĩnare yiyuju Jesús.

¹⁷ To yigajano, idiriabaja ãmicđari,

—Quēnaro yaja m̄ —Diore yiyuju.

To yicōari, tibaja ĩnare ĩsigāne, ado bajiro yiyuju ĩ:

—M̄a jediro adire idiya. ¹⁸ Riojo m̄are gotiaja ȳ. “Rotim̄orūgōr̄uc̄aja m̄” yiḡ, Dios ȳre ĩ cūroto r̄joro, ȳe oco idibetir̄uc̄aja ȳ —ĩnare yiyuju.

¹⁹ To yigajanocōari, pan āmicōari, “Quēnaja”, Diore yiyuju Jesús. To yigajano, tire matocōari, ĩ buerimasare ĩsibatoḡne, ado bajiro ĩnare gotiyuju ĩ:

—Ti ñaja ȳ ruj̄ rii. M̄are rijabosar̄uc̄aja ȳ. Ȳ rijato bero, m̄are ȳ rijabosare t̄oĩacōari, ȳre r̄uc̄b̄or̄ā, ado bajirone r̄ejacōari, barūḡr̄ar̄aja —ĩnare yigotiyuju ĩ.

²⁰ To yicōari, bare ĩna baro bero, ȳe oco s̄ñaribajare āmicōari, ado bajiro ĩnare gotiyuju Jesús quēna:

—Adi ñaja tir̄m̄ana, “Rojose mani yirere masirioato” yir̄ā, Diore r̄uc̄b̄oriaj̄ joere ĩna yuejeoriarore bajiro bajise. Ȳuc̄rema, ȳ ri'i ñaja. Ti s̄orine, “Gajerodori ado bajiro masare quēnaro yir̄uc̄aja ȳ” Dios ĩ yigotimasiriarore bajiro bajir̄aroja yuja. Ȳ rijato bero, m̄are ȳ rijabosare t̄oĩacōari, ȳre r̄uc̄b̄or̄ā, ado bajirone r̄ejacōari, idirūḡr̄ar̄aja —ĩnare yiyuju Jesús.

²¹⁻²² To yigajano, ado bajiro ĩnare gotiyuju quēna:

—Dios ĩ t̄oĩariorore bajiro rojose t̄am̄or̄uc̄aja ȳ, Dios ĩ roticōac̄a. To bajiro bajiroc̄a ȳ ñajare, s̄iḡ m̄a r̄acaḡ, ȳ r̄aca baḡ, ȳre ĩater̄are ȳre ĩsirocar̄uc̄ami. Ȳre ĩ gotiyirose s̄orine rojose t̄am̄or̄uc̄aja ȳ. “Masare yir̄etobosar̄uc̄ami” Dios ĩ yimasire ñajare, t̄irotire yiḡ bajir̄uc̄aja ȳma. To bajiboarine, ȳre gotiyiroḡuj̄ama, rojose t̄am̄or̄uc̄ami —ĩnare yigotiyuju Jesús, ĩ buerimasare.

²³ To bajiro ĩ yisere ajicōari,

—¿Ñim̄j̄a ñati, ĩre ĩsirocar̄uc̄ama? —ĩna masune ḡamer̄ā yis̄enīañujar̄ā ĩna.

“¿Ñim̄j̄a ñaḡti ñamasuḡma?”, Jesús buerimasa ĩna ḡamer̄ā yire queti

²⁴ To bajiro ḡamer̄ā yigajanocōari,

—¿Ñim̄j̄a ñaḡti ñamasuḡma? —ḡamer̄ā yi oca josayujar̄ā ĩna. ²⁵ To bajiro ĩna yijare, ado bajiro ĩnare gotiyuju Jesús:

—Ujar̄ā, Dios yar̄ā me ñar̄ā, ĩna yar̄are b̄uto tutuaro rotir̄ama ĩna. To bajiro yir̄ā ĩna ñaboajaquēne, “Masare quēnaro yir̄ā ñaama”, ȳīar̄uc̄b̄ore ñaja. ²⁶ M̄ama, ȳ yar̄ā ñari, ĩnare bajiro bajibetir̄ar̄aja. Ȳre ajitir̄anuḡ, ñamasuḡ ñar̄uc̄ami, ḡajer̄ā bedire bajiro bajit̄oĩaḡ. To bajiro ȳ yijama, “Ḡajer̄ā ĩna bojasere masicōari, quēnaro ĩnare yir̄uc̄b̄oḡ ñar̄uc̄ami” yiḡ yaja ȳ. ²⁷ ¿Nij̄a r̄etro ñamasuḡ ñar̄ojari, rotiḡj̄a, rotiecoḡj̄a? Moarotiḡ ñaḡmi ñamasuḡma. To bajiro ti bajiboajaquēne, ȳj̄a, m̄a ūj̄ ñaboarine m̄a bojasere masicōari, quēnaro m̄are yiḡ ñaja ȳ.

²⁸ Rojose t̄am̄oadicaj̄ ȳ. To bajiro bajiḡ ȳ ñaboajaquēne, ȳre ajitir̄an̄cōa ñaja m̄a. ²⁹⁻³⁰ To bajiro bajir̄ā m̄a ñajare, ado bajiro quēnaro m̄are yir̄uc̄aja ȳ: “Rotim̄or̄ūgōr̄uc̄aja m̄” yiḡ, ȳ jac̄ ȳre ĩ cūroj̄, “Rotir̄ar̄aja m̄a quēne” yiḡ, m̄are c̄ir̄uc̄aja ȳ quēne. To cōrone j̄aāmo cōro, cojo ḡubo j̄a j̄enituario ñariaserire rujir̄ar̄aja m̄a. To yicōari, mani yar̄ā, jud'io masa, j̄aāmo cōro, cojo ḡubo j̄a j̄enituarir̄ac̄ ñar̄ā masatubuarire rotir̄ar̄aja m̄a. Ȳre ajitir̄an̄r̄are, to yicōari, ȳre ajitir̄an̄menare ĩacōĩamasir̄ar̄aja. To yicōari, ȳ r̄aca bare ba, idi ȳīñar̄ūḡr̄ar̄aja m̄a —ĩnare yiyuju Jesús.

“Jesúre masibeaja ȳ' yir̄uc̄aja m̄”, Pedrore Jesús ĩyire queti
(Mt 26.31-35; Mr 14.27-31; Jn 13.36-38)

³¹ To yigajanocōari, ĩ buegare Pedrore ado bajiro gotiyuju Jesús:

—Quēnaro ȳre ajiya m̄a. V̄atia ūj̄, “¿Jesúre ajitir̄an̄r̄a masu ñati ĩna?” ȳīar̄, rojose ĩnare cōar̄aja ȳ”, Diore yis̄enīañuju ĩ, m̄are. To bajiro ĩ yijama, “Rojose ĩnare ȳ cōajama, Jesúre ajitir̄an̄ t̄ajacoanama ĩna” yiḡ, yiyuju ĩ, tire. ³² To bajiro Diore ĩ yiboajaquēne, Diore m̄are s̄enibosab̄ ȳ, “Ȳre ajitir̄an̄betiboarine, quēna ȳre ajitir̄an̄ato ĩ” yiḡ. To

bajiri yare ajitirũnubetiboarine, quẽna yare m̃a ajitirũnũro bero, gãjerã yu buerã ñarãre ejarẽmoma, quẽnaro yare ña ajitirũnũcõa ñarũgũrotire yigũ —Pedrore ñre yiyuju Jesús.

³³ To bajiro ñre ñ yisere ajicõari, ado bajiro Jesũre ñre yiyuju Pedro:

—Mũre ña tubibeboajaquẽne, mũre ña s̃iacõajaquẽne, mũ rãca ñacõa ñagũ ñari, s̃iaecomasiaya yu quẽne —Jesũre ñre yiyuju Pedro.

³⁴ To ñ yisere ajicõari, ado bajiro ñre c̃adiyuju Jesús:

—Riojo mũre gotiaja yu. Busiyũjũa gãjabocũ ñ ñagõroto r̃joro idiaji, “Jesũre masibeaja; ñ rãcagũ me ñaja yu”, yirũcũja m̃a —Pedrore ñre yiyuju ñ.

³⁵ To yigajanocõari, ñ buerimasare ado bajiro ñnare s̃eniñañuju Jesús:

—¿Mũa c̃osere, mũa barere, gajeye gũbo sudire quẽne tire mũare juarotibeticõari, “Juarãri, vacõari, yu ocare gotibosacudiaya” yigũ, mũare yu yirotisũocatirãmũre ñie mũare godocũocati? —ñnare yis̃eniñañuju.

—Yũare godo c̃obeticajũ —yic̃adiyujarã ña.

³⁶ To bajiro ña yic̃adisere ajicõari, ado bajiro ñnare gotiyuju Jesús:

—Yuc̃urema mũa c̃osere, mũa barere, to yicõari, mũa gãjoare quẽne juaya. Jariase c̃obecũ, sudiro yoariase, ñ gũboju t̃sariasere ñsicõari, jariasere vaja yiya. ³⁷ Masa rojose yare ña yirotire quẽnaro mũa t̃uõĩamasirotire yigũ, to bajise mũare yaja yu. Ado bajiro yare gotiyuja Dios oca masa ña ucamasire: “Rojorãre ñnare ña yirore bajiro ñre yirũarãma, rojose ñ tãmũorotire yirã”, yare yigotiyuja ti. Diore gotirẽtobosarimasa, “Ado bajiro bajirũaroja” ña yucamasire ñajare, to bajiro yare yirũarãma. Ñajediro ña ucamasirere bajirone bajijeocõarũaroja yare —ñnare yiyuju Jesús.

³⁸ To bajiro ñnare ñ yisere ajimasibeticõari, ado bajiro ñre yiyujarã ña, ñ buerã:

—Yũa uju, ñaña m̃a. Adone juajãi, jariase c̃uoaja yũa —yiyujarã ña.

To bajiro ña yijare,

—To bajiro masu yimenaja mani —ñnare yic̃adiyuju Jesús yuja.

Getseman'i vãme c̃utojũ vesejũ, Jesús ñ jacũre ñ s̃enigã vare
(Mt 26.36-46; Mr 14.32-42)

³⁹ To yigajanocõari, Jerusalén vãme c̃uti macajũ ñar'i, Olivo vãme c̃uti burojũ ñ buerimasare ñ ñmato varũgũriarore bajirone ñnare ñmato vasuju Jesús. ⁴⁰ Tojũ ejacõari, ado bajiro ñnare gotiyuju Jesús:

—Vãtia uju Satanás ñ yirotisere yicõari, “Dios ñ bojabetire yirobe” yirã, Diore s̃eniña —ñnare yiyuju Jesús.

⁴¹⁻⁴² To bajiro ñnare yicõa, ñ s̃igũne to sojuabusã vasuju ñ. ñacõarine ñagũ, gũsomuniari t̃uetucõari, ado bajiro Diore s̃eniñuju ñ:

—Cacũ, yare ña s̃iaroti matamasijaja m̃a. To bajiboarine, m̃a bojarore bajirone bajiato —Diore yiyuju.

⁴³ To bajiro ñre yigajanorone, ángel Diore moabosagũ ruyuyuju ñ. Ruyucõari, “Dios ñ bojarore bajiro yicõa ñato” yigũ, Jesũre ejarẽmoñuju ñ. ⁴⁴ To ñ yiro bero, rojose ñ tãmũorotire t̃uõĩa sutiritigu ñari, butobusa Dios ñ ejarẽmorotire s̃enitujabesuju Jesús. To bajiro bajiñagũ r̃ine, buto ri'i rãca ṽasase usaca budicõari, “tapi, tapi, tapi” yivẽjareacũñuju ti, sita joejũre.

⁴⁵ Diore s̃enigajano, vãmũrũgũcõari, ñ buerã tũ tudiejayuju. ñ gotirere buto t̃uõĩasutiriticodeboa, cãnicoasujarã. ⁴⁶ ña tũ ejacõari,

—Cãnibesa mũa. Vãmũrũgũcõari, Diore s̃eniña, “Vãtia uju Satanás ñ yirotisere yicõari, Dios ñ bojabetire yirobe” yirã —ñnare yiyuju Jesús.

Jesũre ña ñiare queti
(Mt 26.47-56; Mr 14.43-50; Jn 18.2-11)

⁴⁷ To bajiro Jesús ñnare ñ gotiñarirĩmarone, jãjarã masa vayujarã ña. ñnare ñmato vagũ, Judas Iscariote vãme c̃utigũ, Jesús buerimasũ ñar'ine ñañuju ñ. To bajivadi, Jesús r̃jorojũa

ejacõari, socune ãre bũto ãmaigũre bajiro ãre usugũagu yiyuju. ⁴⁸ To ã yirone, ado bajiro ãre gotiyuju Jesũs:

—Judas, ¿Dios ã roticõacacũre yũre sãaronare, “To bajiro usugotigũsa”, yitũoãboati mũ? —ãre yiyuju Jesũs.

⁴⁹ To bajiro ã yirone, Jesũre ãna ãnaruaro ãamasicõari,

—Yũa mũ, ¿jariase rãca ãnare jasurereacõarãti yũa? —yisẽniãñũjarã ãna, ã buerã.

⁵⁰ To yisẽniãrãne, sãgũ ã buegu, ã jariase yoveaãmicõari, paia mũ ãmasugũre moabosarimasũre gãmorõ jatarocacõañuju. ⁵¹ To ã yisere ãcõari, ado bajiro ãre yiyuju Jesũs:

—Yibesa mũa —ãnare yiyuju Jesũs, ã buerãre.

To yicõari, gãmorõ jataroca ecogũjuare ã gãmorore ãmitucõari, ãnariare bajirone yiquẽnocõañuju Jesũs. ⁵² To yicõari, ãre ãnaruarãre, paia mũjarãre, Diore yirũcũbũoriavi coderimasare, to yicõari, bũcũrãre quẽne, ado bajiro ãnare yiyuju Jesũs:

—¿No yirã gajeyeũni juarudirimasũre ãnarãre bajiro jariaseri rãca, yucũ rãca yũre ãnarã vadiati mũa? ⁵³ Tocãrãcarũmarine Diore yirũcũbũoriavijũ mũa ãnaro gotimasiorũgũmũ yũ. To bajiboarine yũre ãnabetirũgũmũ mũa maji. Yucũrema Dios ã tũoãcatore bajirone bajirũaroja. To bajiri, Satanãs sũorine rojose mũa bojarore bajiro yimasirũarãja mũa yuja —ãnare yiyuju Jesũs.

“Jesũre masibeaja yũ”, Pedro ã yire queti

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ To bajiro ã yirone, Jesũre ãnãcõari, paia mũ ãmasugũ tũju ãre ãmiasujarã. Toju ejacõari, sãjasujarã ãna. ãre ãna ãmivato, sõju yayĩasũyayuju Pedro. ⁵⁵ To bajiri Jesũre ãmivariarã sãgũri toju ejacõari, macajũ tũcuro gũdarecoju tujayujarã. Tone jea riocõari, rujiyujarã ãna, jea sũmañarã. To ãna bajiñarone, ejacõari, ãna rãca rujiyuju Pedro quẽne, jea sũmagũ. ⁵⁶ Jeame tũ rujigũ ãnari, quẽnaro ruyuyuju ã. To bajiro ã bajijare, sãgõ paia mũ ãmasugũre moabosarimaso, jeame tũ ã rужиro ãre ãamasicõari,

—Jesũrãcagũne ãnaami —Pedrore yiyuju so.

⁵⁷ To bajiro so yisere ajicõari, ado bajiro sore yiyuju Pedro:

—ãre masibeaja yũ —sore yiyuju.

⁵⁸ To ã yiro beroaca, ãre ãcõari,

—¿Jesũrãcagũ ãnabetiboati mũ? —ãre yiyuju gãji.

To bajiro ã yisere ajicõari,

—ã me ãaja yũ —yiyuju ãjuama.

⁵⁹ Cojo hora bero, gãji, Pedro ã ãagõsere ajicõari, ã babarãre ado bajiro yiyuju:

—Jesũrãcagũne ãnaami, Galilea sitagũ ãnari —yiyuju ã.

⁶⁰ To bajiro ãre ã yisere ajicõari, ado bajiro yiyuju Pedro:

—“Riojo yaja mũ”, mũre yimasibeaja yũ. Jesũre masibeaja —ãre yiyuju Pedro.

To bajiro ã yirirĩmarone, gãjabocũ ãagõcõañuju yuja. ⁶¹ ã ãagõrone, Jesũs, jũdarũgũcõari, Pedrore ãañuju ã. ã jũdarũgũ ãarone, Jesũs ãre ã gotirere masibũjayuju Pedro yuja, “Gãjabocũ ã ãagõroto rĩjoro, idiaji, ‘Jesũre ajisũyagũ me ãaja yũ’ yirũcũja mũ” Jesũs ã yirere. ⁶² Tire masibũjacõari, vacoasuju. Vacõari, bũto otiyuju.

Jesũre ãna ajatud'ire queti

(Mt 26.67-68; Mr 14.65)

⁶³ To bajiri, Jesũre ãacoderimasa, ãre jacõari, ajatud'iyujarã ãna. ⁶⁴ ã cajere siabibecõari, ãre jayujarã. To yicõari,

—“ã, mũre jaami’ yũre yigotiami Dios”, yũare yija mũ —Jesũre ãre yisẽniã tud'iyujarã ãna.

⁶⁵ To yicõari, cojo vãme me ãre yiajatud'iyujarã ãna.

Jud'io masa ɯjarã ñamasurã, “¿Dios macɯne ñati mɯ?”, Jesúre ñna yisēniãre queti
(Mt 26.59-66; Mr 14.55-64; Jn 18.19-24)

⁶⁶⁻⁶⁷ Busuro bero, paia ɯjarã quēne, to yicōari, Dios ĩ rotimasire gotimasiorimasa quēne, Jesús ture rējañujarã ñna. Rējacōari, ĩre ãmiasujarã ñna, ɯjarã ñamasurã tujare. Toju ejacōari, ado bajiro Jesúre yiyujarã ñna:

—“Rotimɯorãgōrɯcamĩ” yigɯ, Dios ĩ cōagũ mɯ ñajama, yɯare gotiya —Jesúre ĩre yiyujarã ñna.

To bajiro ĩre ñna yisere ajicōari, ado bajiro cɯdiyuju Jesús:

—“Ñe ñaja yɯ” yɯ yijama, yɯare ajirɯamenaja mɯa. ⁶⁸ Yɯjɯa, yɯ sēniãajama, yɯare cɯdimenaja mɯa —ñnare yiyuju Jesús. ⁶⁹ To yigajanocōari, ado bajiro ñnare gotiyuju quēna:

—Yɯ bajiro tire masibeticōari, to bajiro yɯare yaja mɯa. Dios ĩ roticōacacɯ ñari, yoaro mene ĩ riojoacatɯa rujicōari mɯare yɯ besero ĩarɯarãja mɯa —yiyuju Jesús.

⁷⁰ To bajiro ĩ yisere ajicōari,

—¿“Dios macɯne ñaja yɯ” yigɯ yati mɯ? —ĩre yisēniãañujarã ñna jediro.

To bajiro ñna yisere ajicōari,

—To bajirone bajiaja. Ñe ñaja yɯ —ñnare yicɯdiyuju ĩ yuja.

⁷¹ To bajiro ĩ yisere ajicōari, ado bajiro gãmerã ñagōñujarã ñna:

—“Dios ĩ cōacacɯ, ĩ macɯ ñaja yɯ” ĩ yise suorine Diore rojose yigɯ yami. No yirã gãjerãre, “Rojose yigɯ ñaami” yironare macarēmomenaja mani yuja —gãmerã yiyujarã ñna.

23

Pilato tujɯ Jesúre ñna ãmiejare queti
(Mt 27.1-2, 11-14; Mr 15.1-5; Jn 18.28-38)

¹⁻² To yigajanocōari, Jesúre ĩre ãmiasujarã ñna jediro, Pilato vãme cɯtigɯ ya vijɯ vana. ĩ tujɯ ĩre ãmiejacōari, ado bajiro Jesúre gotiyiroyujarã ñna:

—Ñnare bɯjabɯ yɯa. Ado bajiro yimi: “Ujɯ Césare gãjoa mɯare ĩ vaja yirotisere mɯa vaja yijama, quēnabeaja. To yicōari, ‘Rotimɯorãgōrɯcamĩ’ yigɯ, Dios ĩ cōagũ ñaja yɯ”, yimi —Jesúre ĩre yigotiroyujarã ñna.

³ To bajiro ñna yise ñajare, ado bajiro Jesúre sēniãañuju Pilato:

—¿Mɯne ñati jud'io masa ɯjɯ? —ĩre yiyuju Pilato.

To bajiro ĩ yisere ajicōari, ado bajiro ĩre cɯdiyuju Jesús:

—To bajirone bajiaja —ĩre yiyuju Jesús.

⁴ To ĩ yirone, paia ɯjarãre, to yicōari, jãjarã masa to ñarãre quēne ado bajiro ñnare yiyuju Pilato:

—Yɯ ĩajama, ñie rojose yigɯ me ñaami —ñnare yiboayuju Pilato.

⁵ To bajiro ĩ yiboajaquēne, bɯto avasãñujarã ñna:

—Galilea sitajare gotimasiosɯoyumi. Bero, Judea sitana ñajedirore gotibatomavisioami —ĩre yiyujarã ñna.

Herodes tujɯ Jesúre ñna ãmiejare queti

⁶⁻⁷ To bajiro ñna yisere ajicōari, ado bajiro ñnare sēniãañuju Pilato:

—¿Ñni, Jesús Galileagɯ ñati? —ñnare yisēniãañuju ĩ.

To ĩ yirone,

—Toagɯne ñaami —yicɯdiyujarã ñna.

To bajiro ñna yijare,

—Ujɯ Herodes ya sitagɯ ĩ ñajare, Herodejɯa ĩre ĩacōĩato —ñnare yiyuju Pilato.

Tirãmarire Jerusalénjane ñañuju Herodes quēne, Pilato ĩ ñarimacane. To bajiri tire masicōari, Herodes tujɯ Jesúre cōañuju Pilato. ⁸ To bajiri, Jesús ĩ ejaro, ĩre ĩacōari, bɯto variquēnañuju Herodes, bɯto ĩre ĩarɯarũgũr'i ñari. Yoaro ĩre ĩarɯaboayuju. Jesús ĩ yirere ajirũgũr'i ñari, ĩ ĩaro rĩjorojɯa quēne, ĩañañamani Jesús ĩ yĩosere bɯto ĩarɯayuju ĩ. ⁹ To

bajiro yigũ ñari, yoaro Jesúre sēniñañuju ĩ. To bajiro ĩ yiboajaquēne, ĩre c̄adibesuju Jesús. ¹⁰ Paia Ɂjarã, Dios ĩ rotimasire gotimasiorimasa b̄uto rojose avasãgotiyiro ñañujarã ĩna. ¹¹ To bajiri, Jesús ĩ c̄adibeti ĩaboana, ĩre ajatud'iyujarã Herodes, ĩ surara quēne. To yigajanoc̄ari, quēnariase sudiro Jesúre sãc̄ari, ĩre t̄oc̄oañujarã, Pilato t̄ujure quēna. ¹² Tirãm̄ane Herodes, Pilato rãca gãmerã oca quēnoñujarã ĩna, gãmerã ĩateboariarã.

“Jesúre s̄iaroti ñaja”, ĩna yire queti
(Mt 27.15-26; Mr 15.6-15; Jn 18.39–19.16)

¹³ ĩ t̄ujũ Jesúre ĩ t̄oc̄oajare, paia Ɂjarãre, masa Ɂjarãre to yic̄ari, masa to ñarãre quēne jir̄eñoñuju Pilato. ¹⁴ ĩna ejaro, ado bajiro yiyuju ĩ:

—“ Ʋjũ César ĩ rotisere c̄adibesa m̄ua’ yigotimavisioami” yirã, j̄ejũ ãnire yũ t̄ujũ ãmiejabu m̄ua. To bajiro m̄ua yise ñajare, m̄ua ajiro ĩre quēnaro sēniñaboabu yũ. Yũ ĩajama, ñie rojose yibecu ñaami. ¹⁵ Herodes quēne, “Ñie rojose yibecu ñaami” yigũ ñari, yũ t̄ujũ ĩre t̄oc̄oañumi. “Ñie rojose ĩ yiro c̄oro ĩre s̄iãña manoja”, yaja yũ. ¹⁶ To bajiri ĩre bajegajanoc̄ari, buc̄oaruarãma yũ surara —ĩnare yigotiboayuju Pilato, to r̄ejariarãre.

¹⁷ Tocãrãca c̄ama Pascua boserãm̄u jud'io masa ĩna quēnojama, s̄igũ, tubibe ecor'ire ĩna burotigure ĩnare bubosarũgũñuju Pilato.

¹⁸ To bajiri, “Jesúre ĩre buc̄oaruɁja yũ” ĩ yisere ajic̄ari, ado bajiro Pilatore avasãjedic̄oañujarã masa:

—¡Bajibetic̄oato! ¡Barrabájũare buc̄ari, Jesújũare s̄iarotiya m̄u! —yivasã jedic̄oañujarã ĩna.

¹⁹ Barrabás vãme cutigũ, “Gobierno ĩ rotiboasere c̄adibetic̄ari, mani masu rotirãsa” yit̄oĩac̄ari, ĩ babarã rãca masare s̄iar'i ñañuju. To bajiro ĩ yire vaja tubiberiavijũ ñañuju ĩ.

²⁰ To ĩna yiro bero, quēna ado bajiro gãme tudisēniñañuju Pilato. To bajiro ĩna yivasã ñaboajaquēne, Jesúre buc̄aru, quēna ĩ budirotire sēniñaboayuju Pilato. ²¹ To bajiro ĩ yirone, —¡Yucát̄erojũ ĩre jaju s̄iarotic̄oãña m̄u! ¡ĩre jajutuya! —ĩre yivasã c̄adiyujarã ĩna.

²² To bajiro ĩna yirone, j̄ere j̄uaji ĩnare ĩ gotiboasere gotiboayuju ĩ quēna:

—¿Ñie rojose ĩ yire s̄uori ĩre s̄iarotiḡuti yũ? ĩre quēnaro sēniñam̄u yũ. Yũ ĩajama, ñie rojose yibecu ñaami. To bajiri, ĩre bajegajanoc̄ari, buc̄oaruarãma yũ surara —ĩnare yigotiboayuju Pilato quēna.

²³ To ĩ yiboajaquēne, ĩna yiriarore bajiro, ĩre avasãt̄ujabesujarã ĩna, Jesúre s̄iaruarã. To bajiro ĩna yivasãc̄oã ñajare, ĩna rotirore bajiro c̄adigũ, Barrabájũare ĩre buc̄oañuju. ²⁴⁻²⁵ To yic̄ari, Jesújũarema ĩ yarã surarare ĩsiñuju, “Yucát̄erojũ ĩre jajus̄iato ĩna” yigũ.

Yucát̄erojũ Jesúre ĩna jajus̄iare queti
(Mt 27.32-44; Mr 15.21-32; Jn 19.17-27)

²⁶ To bajiri Jesúre ãmicoasujarã ĩna, ĩre s̄iarã vana. ĩre ãmivanane, s̄igũ Cirene vãme cuti sitagũ, Simón vãme cutigure bocayujarã. ĩre bocac̄ari,

—Jesús ĩ gaja vatijãire ĩre gajabosaya —ĩre yi vasujarã ĩna.

²⁷ Jãjarã masa Jesúre s̄uyayujarã ĩna. Rõmia quēne, ĩre s̄uyac̄ari, otiyujarã ĩna. ²⁸ To bajiro ĩna otisere ajic̄ari, j̄udarũgũñuju Jesús. J̄udarũgũc̄ari, ado bajiro ĩnare gotiyuju ĩ:

—M̄ua Jerusalén macana r̄omiri, ȳare otibesa. M̄ua bajirotire, to yic̄ari, m̄ua r̄ia ĩna bajirotire t̄oĩac̄ari, otiya. ²⁹ No bojarirãm̄u ejarũaroja b̄uto rojose m̄ua tãm̄uorotirãm̄u. Tirãm̄ure ado bajise t̄oĩaruarãja m̄ua: “R̄ia mana r̄omiri rojose tãm̄uorã ñaboarine, b̄uto s̄utiritibetiruarãma, ‘Buc̄urã r̄ine bajirearuarãja yũ’ yit̄oĩarã ñari”. ³⁰ To bajiri, “Josari rojosere tãm̄uorobe; rojose mani yise vaja rojose manire c̄oaruɁmi Dios” yirã, guaro bajireadarotire yirã, “Ḡutayuc̄ari yũare tãjoreadaya”, yit̄oĩaruarãma.^u ³¹ Yũ yirore

^u 23:30 “ ‘Rojose ĩna yise s̄uorine rojose ĩna tãm̄uorotire t̄oĩamec̄urã, ḡutayuc̄ari, burori, yũare tooya”, yiruarãma’ yaja Ap 6.16-17. To bajiboarine Lc 23.30 gaje vãme yirũaro yaja”, yiyujarã Dios ocare buer̄etoburimasa s̄iḡari.

bajirone bajiruarãja m̄ua. Ado bajiro yu gotisere ajituoñaña m̄ua: “Ñie rojose yibecu ñaami” yure yirã ñaboarine, yure rojose yama ña. To bajiri, “Rojorã ñaama” m̄uare yĩarã ñari, r̄etobusaro m̄uare rojose yiruarãma ña —ñare yigotiyuju Jesús, ñe otisuyarãre.

³² To bajiri gãjerã juarã rojose yiriarãre jua vasujarã, Jesúrãca, ñare s̄iaruarã. ³³ Ñare jua va, Rujoco Buro vãme cuti buroju majaejayujarã. Toju Jesúre, to yicõari, rojorãre quẽne, yucátërorijã jajutuyujarã ña. S̄igũre Jesús riojojacatũare, gãjirema ñ gãcojacatũajũare jajutuyayujarã. ³⁴ Jesús ñe ña jajuturo bero, ado bajiro Diore s̄eniñuju ñ:

—Cacu, yure s̄iarãre rojose ña yisere masirioya m̄u. “Rojose yirã yirãja yua” yimasime-nane yama ña.

To bajiro ñ yiro bero, Jesús ye sudire bojarã, ado bajiro yiyujarã surara: “Ñimũua ñ sudire ñ ujarõ ñarãsa mani” yirã, gũtarine reacũia ajeñañujarã. To yiajecõari, ñ sudire gãmerã ñsibatoyujarã ña. ³⁵ Tire ñacõari, Jesúre ajatud'iyujarã masa. Ña ujarã quẽne, ado bajiro Jesúre ajatud'iyujarã ña:

—Gãjerãre rijaye cutirãre catiorũgũmi. To bajiri, “Rotimũorũgõrucumi” yigũ, Dios ñ cõagũ ñ ñajama, ñ masune rujiadimasiato —yiajatud'iyujarã ña.

³⁶⁻³⁷ Surara quẽne ñe ajatud'iyujarã ña. Ñ tũju ejacõari, uye oco jiasere Jesúre idiroti-boayujarã. Ñe idirotirãne, ado bajiro ñe ajatud'iyujarã ña:

—Mũ jud'io masa uju m̄u ñajama, m̄u masune rujiaya —ñe yiajatud'iyujarã ña.

³⁸ Jesús ñ jaju ecoritërojũre ñ r̄ujoa vecare griego masa oca, romano masa oca, jud'io masa oca ña ucuria jũro tuyayuju. Ado bajise yirijũro ñañuju ti: “Ñni ñaami jud'io masa uju”, yucare ñañuju.

³⁹ To bajicõari, s̄igũ rojogu Jesúrãca yucátërojũ jaju ecor'i ado bajiro ñe tud'iyuju ñ quẽne, Jesúre:

—¿“Rotimũorũgõrucumi” yigũ, Dios ñ cõagũ me ñatique m̄u? Ñ m̄u ñajama, rujiacõari, yuare yir̄etobosaya —ñe yitud'iyuju ñ quẽne.

⁴⁰ To bajiro ñ yisere ajicõari, gãjjũama, ado bajiro ñe boca yiyuju ñ:

—Rojose mani yire s̄uori manirema jajutuama ña. To bajiri, ¿Dios tũju ejacõari, rojose m̄u yise vaja rojose m̄ure ñ yirotire gũbeatique m̄uma? ⁴¹ Manima, mani masu ye s̄uorine bajiaja. To bajiboarine, ñũama, ñie rojose yibecu ñaami —boca yiyuju.

⁴² To bajiro yigajanocõari, ado bajiro Jesújuare gotiyuju ñ:

—Jesús, “Rotimũorũgõrucumi” yigũ, m̄ure cõar'i Dios ñ cũro bero, yure ñamaicõari, rojose yu yise vaja rojose tãmũotũjabetiriaroju yu vaborotire yure yir̄etobosaba —Jesúre yigotiyuju ñ.

⁴³ To ñ yisere ajicõari,

—Yure quẽnaro ajiya m̄u. Adirũmũne yure ajitirũnũrã ña variquẽna tũjabetoju yu rãca ñarũcũja m̄u —ñe yicũdiyuju Jesús.

Jesús ñ us̄utadire queti

(Mt 27.45-56; Mr 15.33-41; Jn 19.28-30)

⁴⁴⁻⁴⁵ Jesúre ña jaju s̄iararũmũne, ãmũrecaji ñarone, r̄etiañuju yuja. Idia hora cõro r̄etiañañuju. Idia hora r̄etiatũsatone, Diore yir̄acũbaoriavijũ sudigasero yotoriario voru-jjedicoasuju ti. Tiase yotoriario, “‘Dios ñ ñarisõa’ vãme cuti sõare sãjamasibeamã masa”, yimasiriario ñaboayuju. ⁴⁶ To ti bajirone,

—¿Cacu, yu us̄ure m̄u tũju cõaja yu! —Diore yivasã, us̄utadicoasuju ñ yuja.

⁴⁷ To bajiro ñ bajijare, ado bajiro yiyuju surara uju:

—Riojone bajiboayuja. Ñie rojose yigũ me ñamasiboayumi ñni —yiyuju ñ.

⁴⁸⁻⁴⁹ Jãjarã masa ñañujarã, Jesúre ña s̄iarore ñarã vadiriarã. Jesúre masirã quẽne, Galilea sitana r̄õmiri ñe s̄uyaboariarã quẽne, ñe ña s̄iasere sõju ñarũgõñujarã ña quẽne. Tire ñagajanocõari, bũto s̄utiritirãne tudijedicoasujarã ña.

*Jesúre ñna yujere queti**(Mt 27.57-61; Mr 15.42-47; Jn 19.38-42)*

⁵⁰ Arimatea macagu, José vāme cutigu ñañuju. Jud'io masa ɰjarā rācagu, masa ñna ñarūcɰbɰogɰ, quēnaro yigu ñañuju ĩ. To bajicōari, Diore quēnaro ajirūcɰbɰogɰ, ĩ rotimasirere quēnaro cɰdigɰ ñañuju. ⁵¹ ɰjarā Jesúre ñna sĩarɰasere bojabesuju ĩɰama. “‘Rotimɰorūgōrɰcɰmi’ yigu, Dios ĩ cōar'i ñaami”, Jesúre yitɰoĩagū ñañuju. ⁵² Jesús rujurire āmirɰ, Pilatore sēnigū vasuju ĩ. ⁵³ ĩre sēnicōari, Jesús rujurire āmirujiocōari, sudijāiri botirijāiri rāca ĩre gūmañuju. To yigajanocōari, masa yujeriavi gūtavi ñna quēnorivijɰ ĩ rujurire cūñuju. Gājerāre yujeñña manivi ñañuju ti vi. ⁵⁴ Tirūmɰɰama jud'io masa ñna ɰsɰsājariarūmɰ rĭjoroagarūmɰ rāiorotirūmɰ rĭjoroaca ñañuju.^V

⁵⁵ Jesúrācana rōmiri, Galilea sitana vadimasiriarā rōmiri Jesúre ĩre yujeroanare ĩasɰyayujarā ñna. ĩnare sɰya, eja, ñna yujerivire ĩacōari, Jesús rujurire ñna cūrore ñañujarā ñna. ⁵⁶ ĩagajanocōari, tudicoasujarā. Tudiejacōari, ñna ñarivijɰ sɰtiquēnasere rijariarā rāca cūre quēnoñujarā ñna. To yigajanocōari, ɰsɰsājariarūmɰ ti ejaro, Dios ĩ rotimasiriarore bajiro ɰsɰsājañujarā ñna.

24*Jesús ĩ tudicatire queti**(Mt 28.1-10; Mr 16.1-8; Jn 20.1-10)*

¹ Gaje semana ñna moasɰoriarūmɰ ti busumɰjado Jesús rujurire ñna yujeriavire ĩarā vasujarā rōmia, sɰtiquēnase ñna quēnorere, “Tuto mani” yirā. ² Ejacōari, ñna ĩajama, gūta tūnuobibeboaria mañuju. ³ To bajiri ti vi sājacōari, ĩaboayujarā ñna. ĩ rujuri mañuju. ⁴ To bajiro ti bajiro ĩacōari, “¿No bajiro bajiyujari ti?” ñna yitɰoĩarone, ñna ture ángel mesa jɰarā ruyuarūgūcōañujarā ñna. Buto yaase sudi sāñarā ñañujarā ñna. ⁵ To bajiro ñna bajirone, buto gūirāne, gɰsomuniari tuetucōari, mureacūcoasujarā ñna. To ñna bajirone, ado bajiro ĩnare gotiyujarā ñna, ángel mesa:

—¿No yirā rijariarā yujeriaroɰ Jesúre macati mɰa? ⁶ Maami adorema. ĩere caticoami. Mɰa rāca Galileaju ñagū, ado bajiro mɰare ĩ goticatire tɰoĩañña mɰa: ⁷ “Dios ĩ roticōacɰɰ, rojorāre ĩsiecorɰcɰja yɰ. Yure jajutu sĩarɰarāma ñna. To bajiboarine yure ñna sĩaro bero, idiarūmɰ tɰsatirūmɰne quēna tudicaticoarɰcɰja yɰ”, mɰare yicami Jesús —ñnare yigotiyujarā ñna ángel mesa.

⁸⁻¹⁰ To bajiro Jesús ĩnare ĩ gotirere tɰoĩabɰjacōari, tudicoasujarā ñna. Toɰ ñañujarā Jesús buerimasa jɰaāmo cōro, gɰbo, coja jēnituarirācɰ ñarā, gājerā ĩ rāca ñarā quēne ñañujarā ñna. To bajiri ñna tɰjɰe tudiejacoasujarā ñna, rōmia. Ado bajiro vāme cɰtirā ñañujarā ñna: Mar'ia Magdalena vāme cɰtigo ñañuju so. Bero Juana, bero gajeo Mar'ia, Santiago jaco ñañuju so. To yicōari, gājerā quēne ñañujarā ñna. To bajiri Jesús buerimasa tɰjɰe ejacōari, jediro ĩnare bajirere gotiyujarā ñna. ¹¹ To bajiro ĩnare ñna gotiboajaquēne, ĩnare ajitirūnɰbesujarā Jesús buerimasa. “Mecurā yama ñna”, yitɰoĩañujarā ñna.

¹² To bajiboarine, Pedroɰama, ñna gotisere ajicōari, ũmacoasuju ĩ. ũma vaejacōari, sojeɰe mubiar'i, ĩasōñuju ĩ. Jesúre ñna gūmaboare rĭne ñañuju ti. Tire ĩacōari, “¿No bajiro bajicōari, bajiyujari ti?” yitɰoĩarejaigɰne, tudicoasuju ĩ.

*Emaús vāme cɰti macajɰ vanare Jesús ĩnare ĩ ruyuaĩore queti**(Mr 16.12-13)*

¹³ Tirūmɰne Jesúrāca ñariarā jɰarā vasujarā ñna, Emaús vāme cɰti macajɰ vana. Jerusalénɰ ñacōari, Emaús vāme cɰti macajɰre varia maa, once kilómetros ñañuju ti. ¹⁴ To vanane, Jesús ĩ bajirocarere gāmerā queti gotivasujarā ñna. ¹⁵ To bajiro ñna yi vatone,

^{V 23:54} “ɰsɰsājariarūmɰre yirā, ñna moatɰsariarūmɰ rāioato bero ñasɰoaja”, yirūgūñujarā judío masa. To bajiri, quēnoveo jeocōarūgūñujarā ñna ɰsɰsājariarūmɰ ejaroto rĭjoro, tirūmɰre “Moamenane ɰsɰsājacōa ñarāsa” yirā ñari.

Īnare ěmũñuju Jesús. ¹⁶ Īnare ĩ ěmũboajaquěne, “Jesũne ñaami”, yimasibesujarã, Dios, ĩre ĩna ĩamasiborotire ĩnare ĩ masiriocõajare. ¹⁷ To bajiri ĩ rãca vacõa ñañujarã ĩna. To bajivacũne,
—¿Ñie ũni quetire gãmerã gotiati mũa? —Jesús ĩnare ĩ yisēniãarone, sũtiritirãne, tujarũgũñujarã ĩna.

¹⁸ To bajicõari, sĳgũ, Cleofas vãme cũtigũ ado bajiro Jesũre sēniãañuju ĩ:

—¿Mũama Jerusalėnjũre vacudigu ñaboarine, adirũmũri bajiñasere masibeati mũa? — Jesũre ĩre yisēniãañuju ĩ.

¹⁹ To bajiro ĩ yisere ajicõari, ado bajiro ĩre yiyuju Jesús:

—¿No bajiro bajise ũnire yigu yati mũa? —Īnare yisēniãañuju ĩ.

To bajiro ĩ yisere ajicõari, ado bajiro Jesũre ĩre cũdiyujarã ĩna:

—Jesús, Nazaret macagũre ĩna yimasisere yaja yũa. Īma, Diore gotirětobosagu ñari, quěnaro masare gotimasiocõari, ĩalañamanire yĳogũ ĩ ñajare, Dios, to yicõari masa jediro, “Quěnagũ ñaami”, ĩna yĳagũ ñaboami. ²⁰ To bajiro yigu ĩ ñaboajaquěne, paia ẽjarã, mani ẽjarã rãca ĩre sĳaroticõamasĩnũma ĩna. Yucãtěrojũ ĩre jajusĳarotimasiĩnũma. ²¹ “Īma, Israel sitanare, quěnaro yũa ñarotire yiejarěmorocu ñagũmi”, yitũoĩamasiboabu yũa. ĩre ĩna sĳamasirirũmu rãca mani cõĩajama, idiarũmu tũsatirũmu ñaja. ²²⁻²⁴ “Ī rujũrire bũjabejũ yũa”, yima. “To yũa ĩaãarone, yũare ruyuaĩoma ángel mesa. Yũare ruyuaĩocõari, ‘Jěre tudicaticoami Jesús’”, ĩnare yigotiyujarã ĩna. “To bajiro yima” ĩna yigotisere ajicõari, no yimasibetiboana, yũa rãca ñarã, sĳgũri ĩarã vasuma ĩna. Tojũ vaejacõari, rõmia ĩna gotiriarore bajirone Jesús rujari ti manore ĩañujarã ĩna quěne —Jesũre yigotiyujarã ĩna, Emaús vãme cũti macaju vana.

²⁵ To bajiro ĩna yisere ajicõari, ado bajiro ĩnare yiyuju Jesús:

—Tũoĩamasimenare bajiro bajaia mũa. Diore gotirětobosarimasa ñamasiriarã “Rotimũorũgõrũcũmi” yigu, Dios ĩ cõarocu ĩ bajiro tire ĩna ucamasire ti ñaboajaquěne, “Riojo gotiriarãma”, yitũoĩabeaja mũa maji. ²⁶ “‘Rotimũorũgõrũcũmi’ yigu, Dios ĩ cõarocu, ĩ rotiroto rĳjoro, rojose tãmũorũcũmi”, yiucomasiĩnũma ĩna jediro —Īnare yiyuju Jesús.

²⁷ To yigajanocõari, “Rotimũorũgõrũcũmi” yigu, Dios ĩ cõarocu ĩ bajiro tire Moissĩ ĩ ucamasirere, gãjerã ñajediro Diore gotirětobosamasiriarã ĩna ucamasirere quěne ĩnare gotirětobuyuju ĩ.

²⁸ To bajiro ĩnare goti vacũ rĩne, ĩna vati macare ejacõari, ĩna tujaro ũnone Jesũjũama, rětoarocũre bajiro bajiyuju. ²⁹ To ĩ bajiboajaquěne, ĩre rětoarotibesujarã ĩna.

—Vabesa mũa. Adone yũa rãca tujaya. Rãioato bajaia —ĩre yiyujarã.

To bajiro ĩre ĩna yijare, ĩna ya vijũ ĩna rãca sãjasuju ĩ. ³⁰ ĩna sãjaejacõari bero, ĩna rãca barujigũne, pan ãmicõari, “Quěnaja”, Diore yigotiyuju Jesús. To yigajanocõari, panre mũtocõari, ĩnare ĩsibatoyuju ĩ. ³¹ To ĩ yirone, ĩre ĩna ĩmasirotire cõañuju Dios. ĩre ĩna ĩmasirirĩmarone, yayicõa tũjasuju Jesús. ³² To ĩ bajirone, ado bajiro gãmerã yiyujarã ĩna:

—Manire ěmũcõari, quěnaro ĩ gotirũtu vadisere ajivariquěnamũ mani. To bajiri, “Jesũne ñaami”, yĳamasiroti ñaboabu ti —gãmerã yiyujarã ĩna.

³³ To yĩnarãne, Jerusalėnjũ tudicoasujarã ĩna, Jesús buerimasa, jũããmo cõro, gũbo coja jěnituarirãcũ ñarã, to yicõari gãjerã ĩna rãcana quěne ĩna ñarojũ. ³⁴ To bajiri, ĩna tudiejaro ĩacõari, ado bajiro ĩnare gotiyujarã ĩna:

—Mani ẽjũ tudicaticoasumi. Pedrore ruyuaĩoñuju ĩ —Īnare yigotiyujarã ĩna.

³⁵ To bajiro ĩna yigotigajanorone, Jesũrãca ĩna vare quetire, to yicõari, panre mũtocõari, ĩnare ĩ ĩsibatorone, ĩre ĩna ĩmasirere ĩnare gotiyujarã ĩna, Emaús maca variarãjũ.

*Ī buerã vatoajũre Jesús ĩ ruyuaĩore queti
(Mt 28.16-20; Mr 16.14-18; Jn 20.19-23)*

³⁶ To bajiro ĩna gotiãarone, ĩna vatoajũ ruyuarũgũñuju Jesús. Ruyuarũgũcõari,
—¿Ñati mũa? Quěnaro ñaãa mũa —Īnare yiyuju ĩ.

³⁷ To bajiro ï yiejaro, ïre ïaücacõari, bato güiyujarã ïna. “¡Bajirocar'i vãti ñaami!”, yituoïagüiyujarã ïna. ³⁸ To ïna yigüisere ïacõari, ado bajiro ïnare yiyuju Jesús:

—¿No yirã yare ïaücati? ¿No bajiro yirã, “Jesús me ñaami”, yituoïati mña? ³⁹ Yñe ñaja. Yñe ãmorire, yñe guborire, ïna jajumasise godore ïaïsaque mña. Yñe moaïaña mña. Bajirocar'i vãtima, gõa maami. Ri'i maami. Yñe ma ri'i cõtijedicõaja yñe. ïaña mña —ïnare yiyuju Jesús.

⁴⁰ To bajiro ïnare yigotigajanocõari, ï ãmorire, ï guborire quẽne ïnare ïoñuju ï. ⁴¹ To bajiro ïnare ï yiboajaquẽne, “ïne ï ñajama, quẽnamasucõaboroja”, ïre yituoïacõa ñañujarã ïna maji. To bajiro ïre ïna yituoïacõa ñajare, ado bajiro ïnare yiyuju ï:

—¿Bare cuoati mña? —ïnare yisëniñuju ï.

⁴² To bajiro ï yijare, vai sesoriajuria ïre ïsiñujarã ïna. ⁴³ ïre ïna ïsirone, ïna ïaro rïjorojua bayuju ï. ⁴⁴ Tire bagajanocõari, ado bajiro ïnare gotiyuju:

—Yñe bajirocaroto rïjorojua yñe bajirotire mñare goticajua yñe. Moisés ï ucamasire, to yicõari, Diore gotirëtobosarimasa ñamasiriarã Salmo ïna ucamasire quẽne yñe bajirotirene yimasinuma —ïnare yigotiyuju Jesús.

⁴⁵ To bajiro ïnare yigoticõari, Dios oca masa ïna ucamasirere ïna ajimasirotire ïnare ñoyuju ï. ⁴⁶ To yigajanocõari, ado bajiro ïnare gotimasioñuju ï:

—Ado bajiro yñe bajirotire gotiaja Dios oca masa ïna ucamasire: “ ‘Rotimnorägõrucami’ yigñe, Dios ï cõarocñe bajirocacoarucami. Bajirocaboarine, ï bajirocaro bero, idiarũmñe tusatirũmñe tudicaticoarucami. ⁴⁷ ï tudicatio bero, Jerusalén macanare gotimasiorũarãma. ïnare ïna gotimasioro bero, adi macarucuro ñarã jedirore ado bajiro gotimasiorũarãma: ‘Rojose mña yisere tuoïasutiriticõari, yitujaya mña. To bajiro mña yijama, rojose mña yise vaja mñare Cristo ï vaja yibosare ñajare, rojose mña yisere masirio variquẽnarucami Dios’ yigotimasiorũarãma”, yigotiaja ti, Dios oca masa ïna ucamasire. ⁴⁸ Mñama, to bajiro yñe bajisere ïarã ñari, “Riojone ñaja. To bajirone bajicajua”, gãjerãre yigotimasirũarãja mña. ⁴⁹ Dios ï yicatore bajirone mña rãca ñarocñe Esp'iritu Santore mñare cõarucñe yñe. To bajiri, adi macane Jerusalenne yuñarũarãja mña maji. Esp'iritu Santo rujiejacõari, Dios ï masisere mñare ñojucñe. To bajiro ï yiro bero, yñe ocare goticudirã varũarãja mña —ïnare yigotiyuju Jesús.

Dios ï ñarojñe Jesús ï mñajare queti
(Mr 16.19-20)

⁵⁰ To bajiro ïnare ï yiro bero, Betania vãme cõtí maca tujñe ï buerimasare ñmato vasuju ï. Tojñe ejacõari, ï ãmori ñumñori,

—Quẽnaro mñare yato Dios —yiyuju ï.

⁵¹ To bajiro ïnare ï yinãrone, ï ñarojñe ïre ãmimñajacoasuju Dios. ⁵² Dios ïre ï ãmimñajtone, muqueacõari, Jesúre rucñeoyujarã ïna. To yigajanocõari, Jerusalénjñe quẽnaro variquẽnarã tudicoasujarã ïna yuja. ⁵³ Tudiejacõari, tocãrãcarũmñari Diore yirucñeoriavijñe sãjacõari, “Quẽnaro yaja mñe”, ïre yivariquẽnarũgũñujarã ïna.

To cõro ñaja.

Evangelio segun SAN JUAN

¹ Dios macu Jesucristo suorine Diore masiama masa. Rẽmojune jẽre ñie manojurene ñacõamasiniuju Jesús, i jacu rãcane. Jesúne, Dios ñacoadimasiniuju. ² Macarucuro, õ vecayere quẽne, tire Dios i rujeoroto rĩjoroju jẽre i rãcane ñacõamasiniuju i macu. ³ Macarucurore, õ vecayere quẽne ñajediro i macu suorine tire rujeomasiniuju Dios. I macu i manone Dios i rujeoroti maniboriaroja. ⁴ Mani rijato berojuma, “Tudirijabeticõato” yigu, Dios i catisere isigũ, ñacoadimasiniuju Dios macu. I jacu i catisere i macu i isise suorine Diorãca quẽnaro ñaama masa, ire masirã yuja. ⁵ Diore ajimenajuma, rojose yirã ñari, “Riojo ñamasusere masiaja yuma”, yituoĩaboarãma. To bajiro yirã ñaboarine, “Diorãca quẽnaro ñato” yigu, Jesucristo i isisere masa jediro ña ajibetiro tire yirã, yimasimenama Diore ajiterã.

⁶⁻⁷ Sígũ ñacami Juan vãme cutigu. Masare, “Rojose yirũabeaja yua. I suorine Diorãca quẽnaro ñaja yua” yirãre oco rãca ñare bautizagu ñacami. Ire goti rĩjoro cutirotiyumi Dios, i macu i bajiroti quetire. I bajiroti quetire ajicõari, “To bajiro masu bajigu ñagũmi” i macure masa jediro ña yituoĩarotire bojagu ñari, to bajiro ire goti rĩjoro cutirotiyumi Dios. ⁸⁻⁹ Riojo ñamasuse Juan i gotimasiocatima i masune tuoĩaquenocõari, i goticati me ñacaju ti. Dios macu adi macarucurojure ejacacu yejua ñacaju ti, riojo ñamasuse Juan i gotimasiocati. “Rojose mani tãmũoborotire manire yirẽtobosarocu ñaami” Dios macure masa ña yituoĩarotire yigu, ire goti rĩjoro cutirimasu ñacami Juanma.

¹⁰ Jesúma, adi macarucurojure manire bajiro rujũ cuticõari i ruyuaroto rĩjorojune jẽre ñacõañuju i. I suorine adi macarucurore Dios i rujeomasire ti ñaboajaquẽne, ire ñacõari, “Ñani, Dios macu ñaami”, ire yimasibeticama ña, adi macarucuroana masa. ¹¹ Jud'io masa, “Yu rĩa ñaja mũa” Dios i yigoticũboariarã tujũ manire bajiro rujũ cuticõari, ña rãca i ñarũgũboajaquẽne, ire ñatecama ña. ¹² Ire ña ñateboajaquẽne, sígũri ire yua ajitirũnjare, “Yu rĩa ñaja mũa”, yuare yĩañumi Dios. ¹³ “Jud'io masa ñari, Dios rĩa ñaja yua”, yimasiña manija. Gãjerã masa quẽne, to bajiro yimasibeama. To yicõari, “Mani masune mani tuoĩase suorine Dios rĩa ñaja mani”, yimasiña manija. Ado bajirojua bajiaja: “ ‘Yu rĩa ñaja mũa’ i yĩamajare, i rĩa ñacoajũ”, yirejua ñaja.

¹⁴ Dios macu manire bajiro rujũ cuticõari, yua rãca bajiarũgũcami. Yuare ñamaicõari, quẽnaro yirũgũcami. To yicõari, Dios yere gotigu, riojo gotimasiørũgũcami. “I ñacami Dios macu. Sígũne ñagũ, i jacure bajiro ñamasugũ ñacami”, ire yimasijaja yua, ire ñacana. ¹⁵ Irene goticami Juan vãme cutigu, masare oco rãca bautizarimasu. Jesús i ejarone, ado bajiro masare goticami:

—Ñanine ñaami mũare yu goti rĩjoro cutiguma. I bajiro tire gotigu, ado bajiro mũare yigotiadicajũ yu: “Yu bero sígũ ejarucumi. Yu rĩjorojune jẽre ñacõañumi. To bajigu i ñajare, yu rẽtoro ñamasugũ ñaami ña” mũare yigotiadicajũ yu —yicami Juan, Jesús i bajiro tire gotigu.

¹⁶ Masare maimasucõagũ ñari, mani ñajedirorene quẽnaro manire yirũgũami Dios macu. ¹⁷ Moisés ñamasir'i suorine masare Dios i rotimasirere masire ñaja. Jesucristo suorine Dios manire i maisejũarema masire ñaja. I ocare quẽne, riojo ñamasusere, Jesucristo suorine tire masire ñaja. ¹⁸ Nijũane Diore ire ñagũ magũmi. To bajiboarine i macu sígũne ñagũ, i jacu rãcagu ñari, i jacure bajirone tuoĩagũ ñari, i jacu i bajisere riojo manire gotimasiocami.

Juan vāme cūtigū, masare oco rāca bautizarimasū, Jesucristore ī goti rījoro cūtibosare queti

(Mt 3.11-12; Mr 1.7-8; Lc 3.15-17)

¹⁹ To bajiri paiare, ĩnare ejarēmōrāre quēne cōañuma ĩna ujarā, Jerusalén macana. “¿Ñimū ñati mū?” masare oco rāca bautizagure Juanre ĩre yisēñiāma” yirā, ĩnare cōañuma.

²⁰ To bajiro ĩre ĩna yisēñiāsere ajicōari, ado bajiro ĩnare yicūdicami Juan:

—Yūma, masa rojose ĩna tāmūoborotire ĩnare yirētobosacōari, “Rotimūorūgōrūcūmi” yigū, Dios ĩ cōagū me ñaja yū —ĩnare yicami Juan.

²¹ To bajiro ĩ yirone, ĩre sēñiāquēnocama ĩna:

—¿Ñimū ūgūjūa ñatique mū, to yijama? ¿El'ias, Diore gotirētobosamasir'i, gāme tudicat-icōari, bajiatique mū? —ĩre yisēñiācama.

—Ī me ñaja yū —yicōacami quēna.

To bajiro ĩ yirone, ĩre sēñiācama quēna:

—¿Mūne ñatique Diore ĩre gotirētobosarimasū, “Ejarūcūmi” ĩna yigū? —Juanre yisēñiācama.

—Ī me ñaja yū —yicōacami quēna.

²² To bajiro ĩ yise ñajare:

—¿Ñimū ūgūjūa ñati mū? —ĩre yicama ĩna. —Yūare sēñiāroticōarāre, “Ī ñaami”, ĩnare yigotirūaja yūa. ¿Ñimū ūgū ñaja yū, yatique mū, mū masune mū yijama? —ĩre yisēñiācama quēna, Juanre, masare oco rāca bautizagure.

²³ To bajiro ĩna yisere ajicōari, ado bajiro ĩnare yicūdicami:

—Yūne ñaja, yucū manojū masare gotimasiodirūgūgūma. Ado bajiro yigotirūgūaja yū: “Mani ūjū ejarūcūmi. To bajiri rojose mūa yisere yitūjacōari quēnasejūare tūoĭvasoaya, ĩre yurā”, yirūgūaja yū. To bajiro yū yigotirotire jēre tirūmūjūne, “To bajiro yirūcūmi ĩ”, yiuca rījoro cūticōamasifūmi Diore ĩre gotirētobosarimasū, Isa'ias ñamasir'i —yicūdicami Juan, ĩre sēñiāarāre.

²⁴ Fariseo masa ĩna cōariarā ñacama ĩna, Juanre sēñiācana. ²⁵ Quēna ĩre sēñiācama ĩna:

—To bajise yigū ñaboarine, Cristo me ñaboarine, El'ias ñamasir'i me ñaboarine, Diore gotirētobosarimasū “Ejarūcūmi” ĩna yigū me ñaboarine, ¿no yigū oco rāca masare bautizatique mū? —Juanre yisēñiācama.

²⁶ To bajiro ĩna yisere ajicōari ado bajiro ĩnare yicūdicami:

—Yūma, masa rojose ĩna yisere yitūjacōari, Dios ĩ bojasejūare yirāre oco rāca ĩnare bautizagū ñaja yū. To bajiboarine mani ñarigodojū jēre ñagūmi, “To ñagūmi” mūa yimasibecū. ²⁷ Yū bero masare gotigū ñaboarine, yū rētoro ñamasugū ñagūmi ĩma. Ñamasurā rīne ĩre yibosamasiama, ñamasugū masu ĩ ñajare —ĩnare yicūdicami Juan.

²⁸ To bajiri, adi ñajediro bajicajū Betania vāme cūti macajū. Ti maca ñacajū Juan, masare oco rāca ĩ bautizacatiya Jordán vāme cūtirisa gajejacatūajū.

²⁹ Gajerūmū, yūa tūjū Jesús ĩ vadone ĩre ĩacami Juan vāme cūtigū, masare oco rāca bautizarimasū. ĩre ĩacōari ado bajiro masare yigoticami:

—Īaña mūa yūja. ĩne ñaami Dios yū, oveja macūre bajiro masare rijabosarocū. No bojarāre “Rojose yū yise vaja yūre rijabosayumi” ĩre yironare rojose ĩna yise vaja ĩnare rijabosarocū. ³⁰ Ī yirotirene goti rījoro cūtigū ado bajiro mūare yigoticajū yū: “Masa ĩna ĩaro rījorojūa yū gotimasioro bero gotimasiorūcūmi gāji” mūare yicajū yū. “Yū rījorojūne jēre ñacoayumi ĩma. To bajiri yū rētoro ñamasugū ñaami” mūare yicajū yū. ³¹ Yū quēne, “Ī ñagūmi” yimasibeticajū yū maji. To bajiboarine, “Īne ñagūmi ‘Rotimūorūgōrūcūmi’ yigū, Dios ĩ cōar'i” mani yīāmasirotire bojagū ñari, oco rāca masare bautizadicajū yū —yūare yicami Juan.

³²⁻³⁴ Quēna gajeje ado bajiro yūare yigoticami:

—Īre ĩaboarine, “Īne ñagũmi ‘Rotim̃orũgõrũcumi’ yigũ, Dios ĩ cõar'i”, yimasibeticajũ yũ maji. To bajiboarine Dios ado bajiro yũre yi ocaruyucami ĩ, “Masare oco rãca bautizarũcũja mũ” yũre yi ocaruyucõari: “Yũ cõagũ, Esp'iritu Santo, bujare bajigũ rujiadicõari, ĩ joere rocajeorũcumi. Īne ñarũcumi, ‘Rojose ĩna yisere quẽnaro masicõari, tũõĩavasoatĩmato ĩna’ yigũ, Esp'iritu Santore cõarocũ”, yũre yi ocaruyucami Dios. To bajiro yũre ĩ yicatore bajirone ĩamũ yũ yuja. To bajiri, “Dios macũ ñaami”, yimasiaja yũ yuja —yigoticami Juan, yũare gotigũ.

Jesúre ĩre ajisũyasũoriarã queti

³⁵ Gajerũmũ oco rãca masare ĩ bautizacatojũ ñacami Juan quẽna. Ī rãca ñacajũ yũa, jũarã, ĩ buerã. ³⁶ To yũa ñaro, Jesús ĩ rẽtoato ĩre ĩacõari, ado bajiro yũare goticami Juan:

—Īaña. Īne ñaami Dios yũ, oveja macũre bajiro masare rijabosarocũ —yũare yicami Juan.

³⁷ To bajiro Juan ĩ yisere ajicõari, Jesúre ĩre sũyacajũ yũa yuja. ³⁸ To ĩre yũa sũyatone, jũdarũgũ ĩacõari,

—¿Ñiere bojarã bajiati mũa? —yũare yisẽniĩacami.

To bajiro ĩ yisẽniĩarone:

—Gotimasiorimasũ, ¿nojũ ñari mũ ñaro? —Īre yisẽniĩacajũ yũa.

³⁹ To bajiro ĩre yũa yirone,

—Īarã vayá —yũare yicũdicami.

To bajiro ĩ yijare, ĩre sũyaejacoacajũ yũa, ĩ ñarojũre. Muiju ĩ rocasãroto rĩjoro ejacajũ yũa, tojũre. To bajiri ĩ rãca bajiña, tojũne cãnicoacajũ yũa yuja.

⁴⁰ Juan vãme cũtigũ, masare oco rãca bautizarimasũ ĩ gotisere ajicõari, yũ rãca Jesúre ĩre sũyacacũ ñacami Andrés. Simón Pedro vãme cũtigũ bedi ñacami. ⁴¹ Jesúre ĩre ĩamasicõari, guaro ĩ gagũ Simónre ĩre jigũ vacoacami. Īre bũjacõari ado bajiro ĩre gotiyuju:

—“Rotim̃orũgõrũcumi” yigũ, Dios ĩ cõagũ, Cristo mani yitũõĩayuñarũgũgũre ĩamũ yũ yuja —ĩre yiyuju Andrés.

⁴² To bajiro ĩre yi, yũa cũtojuã ĩre jicoayumi Andrés. Simónre ĩre ĩacõari, ado bajiro ĩre yicami Jesús:

—Simón ñaja mũ, Jonás macũ. To bajiboarine Pedro vãme cũtirũcũja mũ yuja —Simónre ĩre yicami Jesús. (Gũta yire ũni ñaja ti, “Pedro” yire.)

⁴³ Gajerũmũ Galilea vãme cũti sitajũare yũare ũmato vacami Jesús. To bajiri tojũre ejacõari, Felipe vãme cũtigũre ĩre bũjacami yuja. Īre bũjacõari, ado bajiro ĩre yicami Jesús:

—Yũ rãca vayá. Yũre ajitirũnũ sũyaya mũ —ĩre yicami.

⁴⁴ Betsaida vãme cũti macagũ ñacami Felipe. Ti macanane ñacama Pedro, ĩ bedi Andrés quẽne. ⁴⁵ Jesúre ĩamasicõari, Natanael vãme cũtigũre ĩre gotigũ vacoacami Felipe. Īre bũjacõari, ado bajiro ĩre gotiyuju ĩ:

—“Bajirũcumi” Moisés ñamasir'i ĩ yiucomasir'ire ĩamũ yũ yuja. Diore ĩre gotirẽtobosarimasa quẽne, “To bajirũcumi” ĩna yiucomasir'ire ĩamũ yũ yuja. Ī ñaami Nazaret vãme cũti macagũ, Jesús vãme cũtigũ, José vãme cũtigũ macũ —Natanaelre ĩre yigotiyuju ĩ.

⁴⁶ To bajiro ĩ yirone,

—¿Īma Nazaret vãme cũti macagũ ñaboarine, quẽnagũ ñaguĩda? —Felipere ĩre yisẽniĩañuju Natanael.

—Vayá. Īre ĩaĩatoque mani —ĩre yiyuju Felipejũama.

To bajise gãmerã yicõari, yũa tũjũ vadicoayuma ĩna yuja.

⁴⁷ Natanael ĩ vadore ĩacõari ado bajiro yicami Jesús:

—Õ tũsagũ, Israel ñamasir'i jãnami Dios ĩ bojasere yigũ vadiami. Masare yitogũ me ñaami —yicami Jesús.

⁴⁸ To bajiro ï yirone,

—¿No bajiro yicōari yure ïamasiati ma? —ïre yicami Natanael.

To bajiro ï yirone,

—Felipe mure ï jiroto rïjorojune higuera vāme cutiū ēñeroca ma ñarojune jēre mure ïacōamu yu —ïre yicami Jesús.

⁴⁹ To bajiro ï yisere ajicōari:

—Gotimasioriesu, Dios macu ñaja ma, yure Israel ñamasir'i jānerabatiare rotimorügōrocu —ïre yicami Natanael.

⁵⁰ To bajiro ï yisere ajicōari ado bajiro ïre yicadicami Jesús:

—“¿Higuera vāme cutiū ēñeroca ma ñarojune jēre mure ïacōamu yu” mure yu yiserene ajicōari, “ ‘Rotimorügōrucami’ yigu, Dios ï cōar'i ñaami”, yure yimasiati ma? Adi rētoro ïaïñañamanire mure yïorucuja yu —ïre yicami Jesús.

⁵¹ Gajeye quēna ado bajiro yure yicami Jesús:

—Ñamasusere riojo mure gotiaja yu: Ūmagasero soje ti jānarone, yu, Dios ï roticōacacure, to yicōari, Diore moabosarāre ïna mujatore, ïna rujiadore quēne ïaruarāja ma —yure yicami Jesús.

2

Caná vāme cuti maca ïna āmosiare queti

¹ Juarūmu bero, Galilea sita Caná vāme cuti macajure sīgū ï manajo cutirāmu boserūmu ñasucaju ti. Jesús jaco quēne ñacamo so, tojare. ² Jesúre, to yicōari, yu ï buerāre quēne, yure jicama ïna. To bajiro ïna yicana ñari, yu quēne Jesúrāca ñacaju tojare. ³ Yu idiñaro rīne uye oco jedicoacaju. To ti bajirone, ado bajiro Jesúre yicamo ï jaco:

—Uye oco jedicoaju yuja —ïre yicamo.

⁴ To so yirone,

—¿Caco, no yigo tire yure gotiati ma? Maji, ïaïñañamani Dios ï masise rāca yu yïoroti ejabeaja maji —sore yicami Jesús.

⁵ To bajiro ï yisere ajicōari ado bajiro ïnare yicamo so, uye oco iorimasare:

—Ï rotirore bajiro yiya —ïnare yicamo so.

⁶ Tore ñacaju oco varia sotari, gūtane ïna vearia sotari. Cojomo cōro, coja jēnituario ñari sotari ñacaju ti. “Ado bajiro mani yijare, ‘Rojose mana ñaja ma’ manire yïaami Dios” yirā ïna coeri sotari, oco sotari ñacaju ti. Ti sotari cincuenta, to yicōari, setenta litros cōro juari sotari ñacaju. ⁷ To bajiri ado bajiro uye oco iorimasare ïnare yicami Jesús:

—Oco jiojūmuoña adi sotarire —ïnare yicami.

To bajiro ï yisere ajicōari, ti sotari ñaro cōrone jiojūmuocama ïna. ⁸ ïna jiojūmuogajano ïacōari, ado bajiro ïnare yicami Jesús:

—Boserūmu ūmato yirimasare mojoroaca vaāmi vati, ïre ioaya —ïnare yicami Jesús.

Ïnare ï yirotiore bajirone iocama ïna. ⁹ Tire ï idiroto rïjorojune oco jēre uye oco godovedicoasuja ti, ti sota ñaro cōrone. “Toaye uye oco ñaroja”, yimasibeticami. Tire iorimasa rīne masicama ïna. Tire idicōari, mame manajo cutirocure jicami boserūmu ūmato yirimasu. ¹⁰ ï ejarone, ado bajiro ïre yicami:

—Gājerāma, ïna boserūmu yisuo vajama, quēnasejare iosucama. Jairo masa ïna idiro beromu, quēnabetibusare iocama ïna yuja. Muma quēnasejare ruayuja ma, yucaca ïna ioserema —ïre yicami boserūmu ūmato yirimasu.

¹¹ To bajiro Jesús ï yicati, ïaïñañamanire Dios ï masise rāca ï yïosucati ñacaju ti Galilea sita, Caná vāme cuti macajure. ïaïñañamanire ï yïojama, “ ‘Rotimorügōrucami’ yigu, Dios ï cōacacu ñaja yu” yigu yïosucami. To bajiro ï yïosere ïacōari, butobusa ïre ajitirūncaju yu, ï buerā.

¹² Boserãm̃ ti jediro bero, Capernaum vãme cuti macajũ ùmato vacami Jesús. Ì jaco, Ì bederã, to yicõari yua Ì buerã quẽne, Ì rãca vacajũ yua. Yoarobũsa ñacajũ yua, ti macajũre.

Diore yirũcũbũoriavijũ ñacõari, gajeyeũni Ìsirivire bajiro Ìna yiñajare, Jesús Ìnare Ì tud'iağõbure queti

(Mt 21.12-13; Mr 11.15-18; Lc 19.45-46)

¹³ Yua jud'io masa Pascua boserãm̃ yua yirotirãm̃ari cõñaro Jerusalénjũ ejacajũ yua, Jesúrãca. ¹⁴ Tojũ Diore yirũcũbũoriavijũ ta vecua Ìsirimasa, oveja Ìsirimasa, buja Ìsirimasa quẽne ñacama. Gãjerã ye rãca gãjoa vasoarimasa quẽne Ìna rujiri cũmurorijũ rujicama Ìna. ¹⁵ To bajiro Ìna yiñasere Ìacõari bajeriamare quẽnocami Jesús. To bajiro yicõari Ìna yarã ta vecuare, ovejare Diore yirũcũbũoriavijũ ñarãre Ìnare bajeãğõbucami. Gãjoa vasoarimasa ye gãjoatiirire varebatereacõacami. To yicõari Ìna gãjoa jeorijãrre tucaguereacami. ¹⁶ To yicõari, buja Ìsirimasare ado bajiro yicami yuja:

—Ånoa mũa Ìsironare juabudi vasa mũa. Yũ jacũ ya vire gajeyeũni Ìsirivi godoveobesa mũa —Ìnare yicami Jesús.

¹⁷ To bajiro Ì yisere ajicõari, Dios oca masa Ìna ucamasirere ado bajiro tũoĩabũjacajũ yua, Ì buerã: “Mũ ya vire quẽnaro Ìna yirũcũbũobetijare, Ìnare Ìajũnisinirũcũja yũ. To bajiro yũ yise ñajare yũre sãrocarũarãma Ìna”, yirere tũoĩabũjacajũ yua.

¹⁸ To Ì yirone, to ñacana jud'io masa Jesúre Ìre sẽnĩacama:

—“Dios Ì masise rãca yigũ yaja yũ” mũ yijama, ¿no bajiro yũare yĩogũada mũ? —Ìre yisẽnĩacama Ìna, Jesúre.

¹⁹ To bajiro Ìna yisere ajicõari ado bajiro Ìnare yicadicami Jesús:

—Adi vi Diore yirũcũbũoriavire mũa caguerocacõajama, idiarãm̃ tũsatirãm̃ne quẽna ti vire bũajeocõarũcũja yũ —Ìnare yicami.

²⁰ To bajiro Ì yisere ajicõari,

—Cuarenta y seis ñaricũmari josayujarã Ìna, adi vire bũañarã. ¿Mũma, “Idiarãm̃ berone quẽna bũajeocõarũcũja”, yiboati mũ? —Jesúre Ìre yicama Ìna.

²¹ Jesús to bajiro Diore yirũcũbũoriavire Ì yijama, Ì masu rujũrene yigũ yicõañumi. ²² Ì bajirocaro bero gãme Ì tudicatiato, “To bajiro bajirũaroja” Ì yigoticatire tũoĩabũjacajũ yua, Ì buecana. Tire tũoĩabũjacõari, Dios ocare masa Ìna ucamasirere, Jesús Ì goticatire quẽne ajitirũnũcãjũ yua.

“Masa jediro Ìna tũoĩasere Ìamasigũ ñaami Jesús”, yire queti

²³ Jerusalénjũ Pascua boserãm̃ Ìna yiñaro, quẽna gajeye Ìañañamanire masare yĩocami Jesús. To bajiro Ì yĩojare, “ ‘Rotimũorũğõrũcũmi’ yigũ, Dios Ì cõar'i mani ãjũ ñaami”, Ìre yiajitrũnũcãma jãjarã masa. ²⁴⁻²⁵ Jesújũama to bajiro Ìna yiajitrũnũsere Ìamasicõari, “Socarã mene yama”, yibeticõacami, masa jediro Ìna tũoĩasere Ìamasigũ ñari.

3

Jesús, Nicodemo rãca Ì ñagõre queti

¹ Sīgũ fariseo masũ, Nicodemo vãme cutigũ ñacami. Jud'io masa vatoajare ñamasugũ ñacami Ì. ² Ñamijũ Jesúre Ìre Ìagũ ejayuju. Ì tãjũre ejacõari, ado bajiro Jesúre Ìre yiyuju:

—Gotimasiorimasũ, “Mũre cũñumi Dios, ‘Masare gotimasioato’ yigũ”, mũre yimasiaja yua. Sīgũ mũ yirore bajirone yĩoñamanire yigũre Ìabeticãjũ. To bajiri, “Diorãca ñacõari, yami”, yimasiaja yua —Jesúre Ìre yiyuju.

³ To bajiro Ì yisere ajicõari, ado bajiro Nicodemore gotiyuju Jesús:

—Riojo mũre gotiaja yũ. No bojarã, quẽna gãme ruyuamenama, Dios Ì ñarøjũre ejamasimenama —Nicodemore yiyuju Jesús.

⁴ To bajiro Ì yijare, ado bajiro Jesúre sẽnĩañuju Nicodemo:

—¿No bajiro bũcũ ñacoaboarine, quẽna gãme tudiruyuacoare ñarøjari? ¿Quẽna Ì jacore sãjacoacũjarique Ì, quẽna gãme tudiruyuarũ? —Jesúre Ìre yiyuju Nicodemo.

⁵⁻⁶ To bajiro ï yisere ajicõari, ado bajiro ïre cadiyuju Jesús:

—“Quëna gãme ruyuaroti ñaja” yu yijama, masa sũorine gãme ruyuarotire yigu me yaja. “Quëna gãme ruyuaroti ñaja” yu yijama, “ ‘Dios ï cõagũ, Esp'iritu Santo ï ejarẽmose rãca Diorãca quënarõ ñacõari, ï bojarore bajiro yirã ñato’ yigu, ï yirotire sëniroti ñaja”, yigujua yaja. “Dios ï bojabeti yirũabeaja yu. ï sũorine ï rãca quënarõ ñaja yu” yirã, oco rãca bautizarotiriarã, to yicõari, Esp'iritu Santo ï ejarẽmose rãca Diorãca quënarõ ñarã, ïna rĩne ñarãma Dios ï ñarõjũre ejacõari, ï rãca ñamũorũgõrona. ⁷ “Dios ï cõagũ, Esp'iritu Santo ï ejarẽmose rãca Diorãca quënarõ ñarã, ïna rĩne Dios ï ñarõjũre ejacõari, ï rãca ñamũorũgõruarãma” mure yu yisere, ajiyamanire bajiro ajimavisiabesa mu. ⁸ Mino no ti bojarone vëatucõaroja ti. Mino ti vëatujama, ajiaja mani. To bajiboarine, “Toaye vadoja. Tojũare vatoja”, yimasibeaja mani. Tire bajirone bajigu ñaami Dios ï cõagũ, Esp'iritu Santo. “Esp'iritu Santo ï ejarẽmose rãca quënarõ ñacõari, ï bojarore bajiro yigu ñato” yigu, gãjire ï yirotire masibeama masa —Nicodemore yiyuju Jesús.

⁹ To bajiro ï yirone, quëna gãme sëniãaquënoñuju Nicodemo:

—¿No bajiro bajiroada ti? —Jesũre ïre yisëniãa quënoñuju ï.

¹⁰ Ado bajiro ïre cadiyuju Jesús:

—¿Israelita masare ïnare gotimasiogũ ñaboarine, adi quetirema masibeati mu? ¹¹ Riojo mure gotiaja yu. Mani ïase, Dios ï yiserene, mure gotirũgũaja yu. To bajiboarine yu gotirũgũsere ajicõari, “To bajiro me bajaiaja”, yicõarũgũaja mu. ¹² Adi macarũcũroayere yu gotisere ajitegu ñari, Dios ï bajisere ïabũjayamanire yu gotijaquëne, ajiterũcũja mu — ïre yiyuju Jesús.

¹³ Gajeye quëna ado bajiro ïre gotiyuju Jesús:

—Sĩgũ, Dios ï ñarõjũre mũjar'i maami. Yu sũgũne ñaja yu, Dios ï ñarõjũne rujiadicõari, tudi gãme mũjarocũma. Dios ï roticõacacũ ñaja yu Diorãcagu. ¹⁴ Tirũmũju Moisés ñamasir'i, yucũ manõju ñacudigu yucũ joeju ãñare bajigu ñagũre cõmene quënor'ire ïre jeomasiñuju, “Ãña cũniecoriarã ïre ïamũoato ïna” yigu. To bajiro ï yir'ire ãña cũniecoriarã, ïre ïamũorãju, caticoamasiñujarã ïna quëna. To bajiro bajirũaroja yũre quëne, Dios ï roticõacacũre quëne. Yucãtëroju yũre jajutucõari, vãmũorũgõruarãma ïna, yu bajirocarotire yirã. ¹⁵ To bajise bajirocũ ñari, no bojarã, “Jesucristo ï bajirocare sũorine yũre ïavariquënacõari quënarõ yirũcũmi Dios” yitũõlarãre ïna rijato beroju “Tudirijabeticõato” yigu, yu catisere ïnare ïsirũcũja yu —Nicodemore ïre yiyuju Jesús.

Ñajediro masare maigũ ñari, ï macũre Dios ï cõare queti

¹⁶ —Ñajediro masare maimasucõagũ ñari, ï macũ sũgũne ñagũre ïre cõañumi Dios, “Masare rijabosato” yigu. To bajiro ï yire ñajare, “Jesucristo ï bajirocare sũorine yũre ïavariquënacõari, quënarõ yirũcũmi Dios” yitũõlarãma, ïna rijato beroju “Tudirijabeticõato” yigu, Dios ï catisere ï ïsiriarã ñarãma. ¹⁷ Adi macarũcũroanare, “Rojose ïna yise vaja rojose ïnare yato” yigu me, ï macũre cõañumi Dios. Ado bajiroju yiyumi. “Mure ajitirũnũrona ïna rijato beroju, rojose tãmũotũjabetiriarõju ïna vaborotire ïnare yirëtobosarũcũja mu” yigu, ï macũre cõañumi Dios.

¹⁸ “Dios macũ ñagũmi” Jesũre yitũõlagũre rojose tãmũotũjabetiriarõjũre ïre cõabetirũcũmi Dios. Dios macũ sũgũne ñagũre, “Dios macũ me ñagũmi” ïre yigũjũarema, to bajiro ïre ï yise vaja rojose tãmũotũjabetiriarõju ïre cõarũcũmi Dios. ¹⁹ ï macũre adi macarũcũrojũre ejacacũre ïre ajitirũnũmenare rojose tãmũotũjabetiriarõju ïnare rearũcũmi. ï macũ sũorine Diorãca quënarõ ñaama masa, ïre masirã. Masajũama rojose yitũjarũamena ñarã ñari, quënasejũare tũõãvasoarũamenama ïna. To bajiri Dios macũre ajitirũnũmenama. To bajiro yirã ïna ñajare, ïnare rearũcũmi Dios. ²⁰ Rojose yirã, Dios macũre terãma ïna. “Masa rĩjoroju, ‘To bajise rojose yicaju mu’ yũre yiro mi Jesús” yibõjõnerã ñari. ²¹ Dios ï bojasere quënasejũare yirãma, Dios macũre ajitirũnũrãma ïna.

Yayioroj_u yirudibeama ñaj_uama, “ ‘Dios ñare ï yirëmojare, quëñasej_uare yirügüama’ yimasiato ña” yirã.

Juan masare oco rãca bautizarimas_u, Jesús ï ñasere ï tudigotire

²² Nicodemore Jesús ï gotiro bero, vacoacaj_u y_ua, Judea sitaj_u. Toj_uare yoarob_usa ñacaj_u y_ua. Toj_u masare oco rãca bautiza ñarügücaj_u y_ua. ²³ Juan, oco rãca bautizarimas_u, Salim vãme cuti maca tuj_u Enón vãme cuti macaj_u oco rãca masare bautizarügüñuju ï quëne. Toj_uare riaga jairo ti oco cutijare, ñare bautiza ñarügüñuju ï. Jãjarã masa ñre bautizarotirã ejarügüñujarã ña, toj_uare. ²⁴ Ado bajiro yiñamasiñuju Juan, tubiberiavij_u ï tubibe ecoroto rïjoro: ²⁵ Oco rãca masare Juan ï bautiza ñarone, gãji jud'io mas_u, Juan buerã tuj_uare ejayuju ï. Ejacõari, “To bajiro me bajiaja. Ado bajiroj_u manì yijare, ‘Rojose mana ñaja m_ua’ manire yiñagümi Dios” yig_u, ña rãca oca josayuju ï. ²⁶ ï rãca ña oca josariaro bero, Juan tuj_u ejacõari, ado bajiro ñre gotiyujarã ï buerã:

—Gotimasiarimas_u, Jordán vãme cutirisa ijacat_uaj_u m_u ñagoticac_u, m_u yirügürore bajirone masare oco rãca ñare bautizarügüñuju ï. To bajiri jãjarã masa manì tuj_uare ejaborona, ï tuj_u rïne varügürãma ña, ñre yigotiyujarã ña —Juanre, masare oco rãca bautizarimas_ure.

²⁷ To bajiro ña yisere ajicõari, ado bajiro ñare gotiyuju Juan:

—Ñie manane ñaborãma masa, Dios ï cõabetijama. Manì bajirügüse quëne Dios ï bojasere bajirone bajirügüaja ti. ²⁸ “Rotimæorügörucami” yig_u, Dios ï cõar'i me ñaja y_u. “ ‘Ï ejaroto rïjoro, ñre goti rïjoro cutiato’ yig_u, Dios ï cõar'i ñaja y_u”, jëre m_uare yigoticõacaj_u y_u —ñare yiyuju Juan, ï buerimasare.

²⁹ To yicõari, “Åmosiag_u babare bajiro bajiaja y_u” yig_u, ado bajiro ï buerãre ñare gotimasioñuju Juan:

—Åmosiariarüm_u so manaj_u ñaroc_u babare ajis_uyaroco me ñagõmo. So manaj_u ñarocuj_uare ajis_uyaroco ñagõmo. So manaj_ure so ajis_uyasere ñacõari, b_uto variquëñagümi ï baba. Tire bajirone, “Masa jãjarãre oco rãca bautizarügüñuju ï quëne” m_ua yisere ajicõari, b_uto variquëñaja y_u quëne. ³⁰ Y_u rëtoro ñamasugü ñaami ñma. To bajiri, y_ure ña rãcub_uoro rëtoro ñre ña rãcub_uosere bojaja y_u —ï buerãre yiyuju Juan.

“Gãji magümi Jesúre bajiro bajig_u”, yire queti

³¹ Dios tuj_u vadir'i ñaami jediro _uj_u ñamasugü. Gãji ï cõro ñamasugü magümi. Adi macar_uc_uroj_uare ruyuararã, adi macar_uc_uroayere ñarã ñari, tirene gotiaja manì. Dios tuj_u vadir'ima õ vecayere, to yicõari, adi macar_uc_uroayere quëne quëñaro masigü ñari, jediro _uj_u ñamasugü ñaami. ³² ñma, ï ñarere, ï ajirere gotiami ï, Dios yere. To bajiboarine ï gotisere ajitirün_ubeama masa. ³³ “Jesús ï yirore bajiro bajiroja” ñre yiajigüma, to bajiro ï yiajise s_uorine “Socag_u me ñaami Dios” yig_u ñagümi. ³⁴ Esp'iritu Santore ñre cõañumi ï mac_ure adi macar_uc_uroj_uare ï cõar'ire, “Ï t_uoñarore bajiro t_uoñamasiato” yig_u. To bajiro ï yir'i ñari, Dios ocarene goticami Jesús. ³⁵ Manì jac_u Dios, ï mac_ure maigü ñari, “Ñajedirore rotiya m_u”, ñre yicüñumi. ³⁶ No bojag_u, Dios mac_ure ajitirün_ugüma, Dios ï catisere c_uog_u ñaami. To bajiboarine no bojag_u Dios mac_ure ajitirün_ubec_uma, Dios ï catisere c_uobeami. To bajiro ï bajijare, rojose ï yisere ñajünisini tuj_uabec_une, rojose ï yise vaja, rojose ñre yir_ucami Dios, rojose tãm_uot_ujabetiriaroj_u ñre rocag_u.

4

Jesús, Samaria sitago oco vago ejagore “Y_ure ioya”, ï yire queti

¹ To bajiri, “Juan rëtob_usaro masare oco rãca bautizarügüñuju Jesúj_ua. To bajiri Juan buerimasa rëtob_usaro ñañujarã Jesús ï buerimasaj_ua” yire quetire ajiyujarã fariseo masa. ² (Quëñaro masuma, masare oco rãca bautizabetirügücami Jesús. Y_uaj_u, ï buerimasaj_ua masare oco rãca ñare bautizarügücaj_u.) ³ To bajiri, “Jesús masare oco rãca

bautizagū yigūmi” fariseo masa ñna yituoñasere masicōari, Judea sitare ñacana vacoacaju yua Jesurāca, Galilea sitaju tudiana yuja.

⁴ To vana, Samaria sitare rētoaroti ñacaju yuare. ⁵ To bajiri tojūre ejacoacaju yua, Sicar vāme cūti macajūre. Ti macama Jacob ñamasir'i, i macu Josere i isimasire sita tūju ñacaju ti. ⁶ Tojūre ñacaju oco goje, Jacob ñamasir'i ya goje. Bogagu ñari, ti goje ture ejarūju ejacami Jesús. Ūmurecaji cōro muiju tūacami. ⁷⁻⁸ Yua i buerājūama gaje macaju bare vaja yirā vacoacaju yua. Tojūre Jesús i rujirone, sīgō Samaria sitago oco vago ejayumo so. So oco vago ejaro iacōari, sore oco sēniñuju Jesús:

—Oco yūre ioya —sore yiyuju i.

⁹ Sore i oco sēnirone, ado bajiro ire yiyuju so, Samaria sitago:

—¿No yigū jud'io masu ñaboarine, Samaritana yu ñaboajaquēne, yūre oco sēniati mū? — Jesure yiyuju so. Samaritano masa, jud'io masa rāca gāmerā terā ñacoayuja yua. To bajiri, to bajiro Jesure ire yiyuju so.

¹⁰ To bajiro so yisere ajicōari:

—Dios i iserotire mū masijama, “i ñaami yūre oco sēnigū” mū yimasijama, yūjūare oco sēnibogoya mū. Yūre mū oco sēnijama, oco catireayere mūre ioboguja yu —sore yiyuju Jesús.

¹¹ To bajiro i yijare,

—Ñiene oco vabecūja mū. Ūmūarigoje ñaja adi goje. ¿Nojūayere yūre catiorotirema yūre oco ioguada mū? ¹² Mani ñicu Jacob ñamasir'i adi gojere cūmasiñumi i. I quēne idimasiñuju, adi goje ocore. I rīa quēne idiyujarā. I yarā vaibūcarā ecariarā quēne idiyujarā. Mūma, ¿“i rētoro ñamasugū ñaja yu” yigū yatique mū? —Jesure ire yiyuju so.

¹³ To bajiro so yijare, ado bajiro sore cūdiyuju Jesús:

—No bojarā adi goje ocore idiboariarā, quēna gāme oco idirūacōarūarāma. ¹⁴ No bojarā oco catireayere masare yu iorāma, quēna gāme oco idirūabetirūarāma. Ñnare yu oco iose sūorine Diorāca quēnaro ñacōa ñarūgūarāma —sore yigotiyuju Jesús.

¹⁵ To bajiro i yisere ajicōari:

—Tijūare idirūaja yu quēne, “Quēna adi gojeayere tudi oco vacōari, idirobe yu” yigo —Jesure ire yiyuju so.

¹⁶ To bajiro so yirone,

—Vasa. Mū manajūre ire jiaya. Ire ji, vaba quēna adoju —sore yiyuju Jesús.

¹⁷ To bajiro i yijare,

—Manaju magō ñaja yu —yicūdiyuju so.

To so yisere ajicōari, ado bajiro sore yiyuju Jesús:

—“Manaju magō ñaja yu” mū yiserema soco me yaja mū. ¹⁸ Cojomocārācūju manajūa cūtirio ñaja mū. Quēna yucu mū rāca ñagū quēne, mū manaju masu me ñaami. To bajiri, “Manaju magō ñaja yu” mū yiserema soco me yaja mū —sore yiyuju Jesús.

¹⁹ To bajise sore i yisere ajicōari, ado bajiro ire yiyuju so:

—Diore gotirētobosagu ñaja mū, mūre yimasijaja yu —yiyuju so, so bajisere i gotise ñajare. ²⁰ —Mani ñicūa, adi buroju ejacōari, vaibūcare soemūomasiñujarā, Diore ire yirūcūbūorā. To bajiboarine mūama, jud'io masama, “Jerusalénju rīne yirūgūroti ñaja”, yirūgūaja mūa —Jesure yiyuju so.

²¹ To bajiro so yijare, ado bajiro sore yiyuju Jesús:

—Mūre yu gotisere ajitirūñūña mū: Cojorūmū adi burore quēne, to yicōari Jerusalénjūre quēne Diore, mani jacūre, ire yirūcūbūorā vabetirūarāma masa. ²² Mūama, Diore quēnaro mūa masibecūrene rūcūbūoaja mūa. Yūajūama, mūa rētoro ire masijaja yua. Yua, jud'io masa sūorine masa rojose ñna tāmūoborotire ñnare yirētobosarūcūmi Dios. ²³ “Cojorūmū Diore ire yirūcūbūorā vabetirūarāma” mūre yu yigotiserema yoato mene bajirotirene mūre gotijaja yu. Masa, Diore rūcūbūorā masuma, Esp'iritu Santo i bojarore

bajiro tɔoĩacɔari, ĩre rɔcɔbɔoama ĩna. To bajiro ĩre yirɔcɔbɔosere bojaami mani jacɔ.
²⁴ ĩabɔjayamagũ ñaami Dios. To bajiri, masa ĩre ĩna rɔcɔbɔomasucɔarɔajama, socarã mene Esp'iritu Santo ĩ bojarore bajiro tɔoĩacɔari, ĩre rɔcɔbɔorãma —sore yiyuju Jesús.

²⁵ To bajiro ĩ yisere ajicɔari ado bajiro yiyuju so:

—“Diore gotirɔtobosagɔ ejarɔcɔami, Cristo ĩna vãme yigɔ”, yimasiaja yɔ. Ejacɔari, yɔare quẽnaro gotiquẽnojeorɔcɔami —Jesúre yiyuju so.

²⁶ To bajiro so yirone,

—Ĩne ñaja yɔ, mɔre ñagɔgũma —sore yicami Jesús.

²⁷ To bajiro sore ĩ yĩnarone, tudiejacajɔ yɔ, ĩ buerã. To rɔmio rãca ĩ ñagɔñajare, no yimasibeticajɔ yɔ, tiũnire ĩabetirũgũriarã ñari. To bajiboarine, “¿Ñie ũnire bojati mɔ? ¿No yigɔ so rãca gãmerã ñagɔri mɔ?”, ĩre yisẽniãbeticajɔ yɔ. ²⁸ Yɔ tudiejarone oco varia sotare ãmibecone, so ñariarɔjɔ vacoacamo so. So ñariarɔjɔ tudiejacɔari, ado bajiro masare ĩnare yigoticudiyuju so:

²⁹ —Jediro yɔ yiadirere, “Ado bajiro yicajɔ mɔ” yɔare yigotigɔre ĩarã vayá mɔ quẽne. ¿Diore gotirɔtobosagɔ, Cristo me ñagũ yiguida ĩ? —Ĩnare yiyuju so.

³⁰ To bajiro so yirere ajicɔari, Jesúre ĩarã, yɔ tɔjɔre vayuma ĩna. ³¹ ĩna ejaroto rĩjoro ado bajiro Jesúre yiboacajɔ yɔ:

—Gotimasiorimasɔ, baya —Ĩre yiboacajɔ yɔ.

³² To bajiro ĩre yɔ yiboajaquẽne, ado bajiro yɔare cɔdicami Jesús:

—Jẽre yɔrema yɔ bare ñacɔaja mɔ masibeti —yɔare yicɔacami.

³³ To bajiro ĩ yirone,

—¿Sĩgũ ĩre bare cũgũ ejarida ĩ? —yɔ masune gãmerã yisẽniãacajɔ yɔ.

³⁴ To bajiro yɔ gãmerã yĩnagɔsere ajimasicɔari, ado bajiro yɔare yicami Jesús:

—Yɔre cɔacacɔ ĩ bojasere yɔ yijama, ti moarere yɔ yigajanojama, tine ñaja yɔ barere bajiro bajise. Masama bare bavariquẽnarũgũama. Yɔma yɔre cɔacacɔ ĩ bojasere bajiro yicɔari, variquẽnarũgũaja yɔ. ³⁵ “Babari muijua rɔyaja maji, ote ti bɔcɔaroti, tire mani juarɔoroti”, tɔcãrãca cɔmari yirũgũaja mɔ. Dios ocare masare gotimasiorãjɔama, ti ũnire yitɔoĩabesa. “Masare Dios ocare mani gotimasiorotijɔ ejabeaja maji”, yitɔoĩabesa mɔ. Yɔma ado bajiro yaja: Jẽre ote bɔcɔacoajɔ yuja. Yucɔacane tire juaroti ñaja. ĩãsaque. Jãjarã masa yɔre ajitirũnɔrona vadiama ĩna. Ado cɔrone ĩnare mɔ gotimasiojama, quẽnamasucɔaja, mɔare yaja yɔ. ³⁶⁻³⁷ Socaro me bajiaja bɔcɔrã ĩna gotimasire: “Sĩgũ ñagũmi otegu. Gãji ñagũmi ti rica cɔtiro boca juarɔogũ”, yiyujarã bɔcɔrã. To bajiro masune bajiaja ti, yɔ ocare gotimasiorãre quẽne. Tɔoĩasaque mɔ: Sĩgũri ñaama yɔ ocare masare gotimasiosɔorã. Oterimasare bajiro bajirã ñaama. ĩna bero ĩnare gotimasiorã, ti rica cɔtiro boca juarɔorãre bajiro bajirã ñaama gãjerã. ĩnajɔ ĩna gotimasiorone, ĩnare ajitirũnɔama masa yuja. To bajiri goti rĩjoro cɔtiriarã ña, bero gotimasiorã ña, bajiaama ĩna. No bojagɔ otericare juarɔogũ, vaja bɔjagɔ yigɔmi. To bajirone bajirãma yɔ ocare masare gotimasiorã quẽne, variquẽnarere bɔjarã. ĩna gotimasiose ti ñajare, yɔre ajitirũnɔama masa. To bajiri yɔre ajitirũnɔrã ñari, Diorãca quẽnaro ñarũgũrɔarãma, ĩna rijato berojɔ quẽne. To bajiro ĩna bajisere ĩacɔari, ĩnare gotimasiosɔoboariarã, bero ĩnare gotimasiorã rãca bɔto variquẽnarɔarãma ĩna. ³⁸ Tirũmɔjɔ quẽne mɔare cɔacajɔ yɔ, mɔ gotimasiose sɔorine masa ĩna ajitirũnɔrotire yigɔ. Yɔ ocare ĩnare gotimasiosɔoriarã me ñaja mɔ, bajirãjɔama. To bajiri, gãjerã ĩna gotimasioboariarã ñaama, mɔajɔ mɔ gotimasiorone, yɔre ajitirũnɔrona —yɔare yigoticami Jesús, ĩ buerimasare.

³⁹ To bajiro ĩnare ĩ yiro bero, “Jediro yɔ yiadirere, ‘Ado bajiro yicajɔ mɔ’ yɔare yigotimi ĩ” rɔmio so yigotisere ajicɔari, jãjarã ti macariana Samaria sitana, ado bajiro Jesúre tɔoĩacama ĩna: “Diore gotirɔtobosagɔ, Cristo ñaami”, Jesúre yitɔoĩacama ĩna. ⁴⁰ To bajiro yitɔoĩarã ñari, Jesús tɔ vadieja, ĩre ĩavariquẽnacɔari, yɔare tujaroticama ĩna. To bajiri, ĩna rãca juarũmɔ ñacajɔ yɔ. ⁴¹ ĩna rãca ñacɔari, Jesús ĩ masune ĩnare ĩ gotimasiosere ajicɔari,

“Diore gotirētosagū, Cristo ñaami”, yituoñacama jājarābusa. ⁴² Jesúre ñre ajitirūncōari, ado bajiro sore yicama ña, rōmiore:

—Jēre, ñre ajitirūncōaja yūa, mū gotise rñe me. Yucñe yūa masune ñre ajicōari, “To bajiro masu bajigū ñaami”, ñre yiajiritirūncōaja yūa yuja. “Ñe ñaami adi macarūncōroana rojose mani tāmūoborotire manire yirētosarocū”, yimasiaja yūa yuja —sore yicama ña, ti macana.

Ñamasugū macñe Jesús ñ catioire queti

⁴³ To yiro bero jnarūmū bajiña, vacoacajū yūa quēna, Jesúrāca, Galilea sitajūare vana.

⁴⁴ Ado bajiro yūare yigoticami Jesús, ña gotimasirere gotigū:

—“Diore gotirētosarimasare ña ye sitana ñnare rūcūbūobeama” yise socaro mene yigotiaja ti —yūare yigoticami Jesús.

⁴⁵ Galilea sitajūare Jesús ñ ñariarōjūre ñ rāca yūa ejatone quēnaro yūare yicama toana. Ña quēne Jerusalénjū Pascua boserūmū ñaro ñarā variarā tudiejariarā ñacama ña. To bajiri jediro Pascua ñaro Jesús ñ yicatire ñariarā ñañuma ña quēne.

⁴⁶ To bajiro bero Galilea sita Caná vāme cūti macajū ejacajū yūa quēna, Jesúrāca. To ñacajū, ocorene űye oco ñ godoveocato. Tojūre ñacami sīgū masū űjūre rotibosagū. Ñ macū, Capernaum vāme cūti macajū buto rijañañuju ñ. ⁴⁷ To bajiri, Judea sitajū ñar'í Galilea sitajūare Jesús ñ vadisere ajicōari, ñre ñagū ejacami űjūre rotibosagū. Jesús tūjūre ejacōari ado bajiro ñre yicami:

—Yū ya vijū vayá. Yū macū bajirocacū yimi. Ñre catiogū vayá —Jesúre, ñre yicami.

⁴⁸ To bajiro ñ yisere ajicōari, ado bajiro ñre yicami Jesús:

—Ñañañamanire yū yīosere mūa ñabetijama, “Dios ñ masise rāca yigū yami”, yūre yiajiritirūncōbetirūarāja mūa —ñre yicami Jesús.

⁴⁹ To bajiro ñ yiboajaquēne:

—Yū rāca mū vadibetijama, bajirocacoarūcūmi yū macū —Jesúre ñre yicami.

⁵⁰ To bajiro ñ yijare yuja:

—Mū ya vijū tudiasa. Jēre ñre catiocōaja yū —ñre boca yicōacami Jesújūama.

To bajise ñre ñ yisere ajicōari, Jesúre ñre ajitirūncūmi. To bajiri ñ ya vijū tudicoacami yuja. ⁵¹ Ñ ya vire ñ cōñarūtuatone, ñre moabosarimasa bocacōari, ado bajiro ñre yigoti bocayujarā ña:

—Jēre mū macū quēnacōami yuja —ñre yiyujarā ña.

⁵² To bajiro ña yirone,

—¿No cōro masune tudiquēnasūori ñ, yū macū? —Ñnare yisēñiñañuju.

—Ñamica, űmūrecaji ñaro masune ñre tūjamasimū ti —ñre yiyujarā ña, ña űjūre.

⁵³ To bajiro ñre ña yibocarone, “To cōro muiju ñ tūsatone, ‘Jēre mū macñe catiocōaja yū’ yūre yimasimi Jesús”, yituoñamasiñuju ñ. To bajiri ñ quēne, ñ yarā quēne, “ ‘Rotimūorūgōrūcūmi’ Dios ñ yicōagū, manire ejarēmōrocū ñaami”, Jesúre ñre yiajiritirūncōñujarā ña.

⁵⁴ Ti ñacajū quēna gaje ñañañamani Jesús ñ yīobabocati, Judea sitare ñacōari, Galilea sitajū tudiejacōari, ñ yīlocati.

5

Micagūre Betzata űtara tūjū ñagūre Jesús ñ catioire queti

¹ To ñ yiro bero, jud'io masa ña bajimasirere tuoñacōari, boserūmū ti ejajare, Jerusalénjū yūare űmato vacami Jesús. ² Ti macana ña vajanare, “Sājaroma ña” yirā, ña matagāniriacūni soje, Oveja vāme cūti soje ñacajū ti. Ti soje tūre ñacajū masa ña guarita. Hebreo ocama Betzata vāme cūticajū tira. Tira tūre cojomocārāca viriaca sitane ña veariaviriaca ñacajū, rijaye cūtirā ña cūñariviriaca. ³ Tojūre jājarā ñacama rijaye cūtirā. Caje ñamena, rujasagueri vana, micarā quēne, to cūñacama. Tira oco ti saberotire yurā,

bajicũñacama ñna. ⁴ Dios tũagũ, ángel, tocãrãcaji tirajũre ñ ejarone, tira oco saberũgũñuju ti. To ti bajirone, no bojagũ rijaye cutigũ, varocarogasogũ rĩne guaro catirũgũñuju ñ. ⁵ Tojũ rijaye cutirã vatoajũ ñacami sũgũ treinta y ocho cũmari rijañar'i. ⁶ Ñ cũñaro ñacõari, yoaro ñ cũñarũgũrere ñamasicõari, ado bajiro ñre sēniñacami Jesús:

—¿Quēna tudicati quēnaejacoarũati mũ? —Ñre yicami Jesús.

⁷ To bajiro ñ yisere ajicõari, ado bajiro ñre yicami:

—Sĩgũjũama oco ti saberone yũre ãmiroñũagũ maami. Tocãrãcaji oco ti sabero, gãjerãjũa rĩne yũ rĩjoro ñũñaveocõarũgũama ñna —Ñre yicami, Jesũre.

⁸ To bajiro ñ yirone,

—Vũmurũgũña. Mũ cũñaritore ãmiña. To yicõari, vasa —Ñre yicami Jesús.

⁹ To ñ yirirĩmarone, quēnaro catiquēnagũ ñacoacami ñ yuja. Ñ cũñaritore ãmi, vasũocami yuja. Tirũmũ ñacajũ jud'io masa yũa usũsãjariarũmũ. ¹⁰ To bajiri ñ cũñaritore ñ gaja vato ñacõari, ado bajiro ñre yicami jud'io masa ujarã:

—Yucũma usũsãjariarũmũ ñaja. To bajiri mũ cũñaritore gajabesa mũ. To bajiro mũ yijama, moare ñaja ti —Ñre yicami sũgũri, Jesús ñ catiocacũ.

¹¹ To bajiro ñna yiro, ado bajiro ñnare cãdicami Jesús ñ catiocacũ:

—Yũre catiogũ, “Mũ cũñaritore ãmiasa”, yũre yimi —Ñnare yicami.

¹² To bajiro ñ yisere ajicõari, ado bajiro ñre sēniñacama ñna:

—¿Ñimũ ñari, “Mũ cũñaritore ãmiasa” mũre yigũma? —Ñre yisēniñacama ñna.

¹³ To bajiro ñre ñna yisēniñaboajaquēne, tojũre jãjarã masa vatoajũ Jesús ñ vayayicoajare, “Ñ ñaami”, ñnare yigotimasibeticami. ¹⁴ Tijũ bero, Diore yirũcũbũoriavijũ yũa ñaro, rijarũmũri cutir'ire ñre ñabũjacami Jesús quēna. Ñre ñabũjacõari, ado bajiro ñre yicami Jesús:

—Ajija. Quēnaro quēna tudicaticoajũ mũ. Quēna gãme rojose yibesa, “Bũtobũsa rojose tãmũorobe” yigũ —Ñre yicami Jesús.

¹⁵ To bajiro ñ yiro bero micase rijaye cutiboacacũ, ñre sēniñaboariarã tũjũ ejacõari, “Jesũne ñaami, yũre catiogũ”, ñnare yigotiyumi ñ. ¹⁶ To bajiri usũsãjariarũmũre micaboacacũre Jesús ñre ñ catiocatore bajiro gãjerãre to bajirone ñ yirũgũjare, josari ñ tãmũorotire yirã, ñre rojose yisũyacama ñna, jud'io masa ujarã. ¹⁷ “Usũsãjariarũmũ ti ñaboajaquēne, masare ñ catiose vaja, rojose tãmũoato ñ” yirã ñna ñaboajaquēne, ado bajiro ñnare yicami Jesúsjũama:

—Masa rijaye cutirãre catiotũjabecũ ñaami Dios, yũ jacũ. To bajiri ñnare catiotũjabeaja yũ quēne —Ñnare yicami Jesús.

¹⁸ “Usũsãjariarũmũre Dios ñ moarotibetiboajaquēne, moami Jesús”, ñre yijũnisinica jud'io masa ujarã, ñre sũarũarã. To yicõari, “Dios ñaami yũ jacũ” ñ yisere ajicõari, “Diore bajiro ñamasugũ ñaja yũ yigũ yami”, yicami ñna. To bajiro yirã ñari, bũtobũsa jũnisinirã ñari, ñre sũarũa tũoĩacama ñna.

“Dios macũ ñari, ñ rotirore bajiro yimasiaja yũ”, Jesús ñ yire

¹⁹ To bajise ñna yitũoĩasere ñamasicõari ado bajiro ñnare yicami Jesús:

—Ñamasusere riojo mũare gotiaja yũ: Dios macũ ñari, yũ bojase yibeaja yũ. Yũ jacũ ñ yisere ñacõari, ñ yirore bajirone yaja yũ. Jediro yũ jacũ ñ yirore bajirone yũ quēne ñ macũ quēne, to bajirone yaja. ²⁰ Yũ jacũ yũre maiami. Yũre maigũ ñari, jediro ñ yisere yũre ñoami. Adirũmũriaye rētoro josasere yũre yĩorũcũmi. To bajiro ñ yisere yũ yĩosere ñacõari, no yimasibetirũarãja mũa quēne, ti ñnare ñabetirũgũriarã ñari. ²¹ Bajireariarãre catiorũgũami yũ jacũ. To bajiri yũ, ñ macũ quēne, ñ yirũgũrore bajirone yirũgũaja yũ, no yũ bojarãre. ²² Masa rojorãre beserocũ me ñaami yũ jacũ. “Ñnare beserocũ ñaja mũ”, yũre yicami. ²³ To bajiro yũre yicami, ñre quēnaro ñna yirũcũbũorore bajirone yũre quēne “Yirũcũbũoato ñna” yigũ. Quēnaro yũre yirũcũbũobecũma, yũ jacũre, yũre cõacacũre quēne yirũcũbũobecũ yigũmi —jud'io masa ujarãre yicami Jesús.

²⁴ To bajiro ñnare yigajanocõari, ado bajiro goticami Jesús:

—Ñamasusere riojo m̄are gotiaja ȳ: No bojaḡ ȳ ocare ajic̄ari, ȳre c̄acac̄ure ajitir̄n̄uḡma, Dios ĩ catisere c̄oḡ ñaami. ĩ ũḡrema, rojose t̄m̄ot̄jabetiriaroju ĩre c̄abetir̄c̄umi Dios. ²⁵ Ñamasusere riojo m̄are gotiaja ȳ: Adir̄m̄ari bajiro tirene m̄are yaja ȳ: Ȳre ajitir̄n̄menama, bajireariar̄re bajiro bajir̄ma, ĩna rijato beroju “Tudir̄jabetic̄ato” yiḡ, Dios ĩ catisere c̄omena ñari. To bajiboarine Dios mac̄ure ȳre ajitir̄n̄ur̄ar̄ma siḡari. ĩnaj̄are, “ĩna rijato beroju tudir̄jabetic̄ato” yiḡ, Dios ĩ catisere ĩnare ĩsir̄c̄uja ȳ. ²⁶ Masare ȳ jac̄ ĩ cator̄ḡure bajiro ȳre ĩ cator̄ot̄cati ñajare, ĩ catisere ĩnare ĩsimasiaja ȳ. ²⁷ To yic̄ari, Dios mac̄ ñaboarine, mas̄ure bajiro ruj̄ c̄atic̄ari, masa vatoaj̄ ñar'i ȳ ñajare, “Masare besemasir̄c̄uja m̄”, ȳre yicami ȳ jac̄. ²⁸ To bajiro ȳ yisere ajiyamanire bajiro ajit̄oĭabesa m̄. Bajireariar̄ jediro ĩnare ȳ jiro, ĩna ajijedirotir̄m̄ ejar̄aroja. ²⁹ To c̄rone ȳ jisere ajic̄ari, ȳ t̄j̄ ejajedir̄ar̄ma ĩna, tudicatiana yuja. Ȳ t̄ ejaic̄ari, qūenaro yir̄ḡur̄ar̄ma, Dior̄ca qūenaro ñac̄a ñar̄ḡur̄ar̄ma ĩna. Rojose yir̄ḡur̄ar̄rema rojose t̄m̄ot̄jabetiriaroju ĩnare c̄ar̄c̄uja ȳ yuja —ĩnare yiḡoticami Jesús, jud'io masa ĩjar̄re.

“Ado bajiro ȳre ĩna yire s̄ori, ‘Rotim̄or̄ḡor̄c̄umi’ yiḡ, Dios ĩ c̄ar'i ñaami’ ȳre yimasiroti ñaja”, Jesús ĩ yire queti

³⁰ Qūena ado bajiro ĩnare goticami Jesús:

—Ȳ bojarore bajiro yiḡ me ñaja ȳ. Ȳre c̄acac̄ ĩ bojarore bajiro yir̄ t̄oĭaḡ ñari, masare rojose yir̄re, to yic̄ari qūenase yir̄re ȳ ĩabesejama, qūenaro riojo yaja ȳ. ³¹ “To bajiro yiḡ ñaja ȳ” ȳ masurione ȳ yijama, “Soc̄ yami”, ȳre yiroti ñaboroja. ³² To bajiboarine, ñaami siḡ, ȳre gotibosaḡ. Ȳre ĩ gotibosase, qūenaro riojo ñaja ti. ³³ Ḡji qūene, “ĩne ñaami ‘Rotim̄or̄ḡor̄c̄umi’ yiḡ Dios ĩ c̄ar'i”, ȳre yiḡotibosayumi, Juan, masare oco r̄ca bautizarimas̄. ĩ t̄j̄re m̄ ejar̄emorimasare s̄n̄iar̄otic̄oñaja m̄. Qūenaro riojo m̄are c̄diyumi. ³⁴ “Rotim̄or̄ḡor̄c̄umi” yiḡ Dios ĩ c̄ar'ire ȳre ĩ gotibosajaqūene, ȳre ĩ gotibosabetijaqūene, no yibeaja ti, ȳre, Dios ĩ c̄acac̄ ñari. Juan ȳre ĩ gotibosarere m̄are gotiaja ȳ, tire ajitir̄n̄c̄ari, rojose t̄m̄ot̄jabetiriaroju m̄ vabetiro tire bojaḡ ñari. ³⁵ S̄ibusuoc̄ari qūenaro riojo ĩamasire ñaja. Tire bajirone bajicami Juan, qūenaro riojo ȳre gotibosacac̄ ñari. ĩre ajivariqūenañaja m̄ maji. ³⁶ To bajiro m̄are yiboarine, “Siḡ ñaami ȳre gotibosaḡ” ȳ yijama, Juanre t̄oĭaḡ me yaja ȳ. Juan ȳre ĩ gotibosacati r̄toro ñamasuse ñaja. Tima ĩaĭañamanire m̄are ȳ yir̄ḡuse, ȳ jac̄ ȳre ĩ rotise ñaja. Tire ĩac̄ari, “Soc̄ me yami. Dios ĩ c̄ar'i ñaami”, ȳre yimasiamama. ³⁷⁻³⁸ Ȳ jac̄ ȳre c̄acac̄ qūene, ĩ masune, “Ȳ mac̄, ȳ c̄aḡ ñaami” yiḡ ñari, masa ĩna ajimasiro tire ĩnare c̄ar̄ḡumi. ĩ c̄acac̄ure ȳre ajitir̄n̄mena ñari, ĩre ajimena, to yic̄ari, ĩ ocare ajitir̄n̄mena ñaja m̄. ^{a 39-40} Dios ocare masa ĩna ucamasirere b̄to buer̄ḡboaja m̄, “Ti ocare mani buejama, Dior̄ca qūenaro ñac̄ari, mani rijato beroju ĩ r̄ca qūenaro ñac̄a ñar̄ḡur̄ar̄ja mani” yir̄. To bajiboarine ȳ bajiserene m̄are ti gotiboajaqūene, ȳre ajir̄abeaja m̄. Ȳre m̄ ajitir̄n̄jama, Dior̄ca qūenaro ñac̄ari, m̄ rijato beroju ĩ r̄ca qūenaro ñac̄a ñar̄ḡur̄ar̄ja m̄.

⁴¹ “Qūenaro ȳre yir̄c̄ub̄oato masa” yiḡ me, adi mac̄ar̄c̄uroj̄re vadicaju ȳ. ⁴² M̄ t̄oĭasere ĩamasiaja ȳ. To bajiri, “Diore mair̄ me ñaja m̄”, m̄are yimasiaja ȳ. ⁴³ Ȳ jac̄ ȳre ĩ rotic̄ajare, adoju vadicaju ȳ, m̄are gotimasioġ. To bajiro ȳ bajiboajaqūene, ȳre ajitir̄n̄beaja m̄. No bojaḡ, Dios ĩ c̄abec̄rema, “Masa qūenaro ȳre yir̄c̄ub̄oato ĩna” yiḡ ĩ vadijama, ĩj̄are ajitir̄n̄ur̄ar̄ja m̄. ⁴⁴ M̄ masune qūenase ḡamer̄ yir̄c̄ub̄orere bojar̄ḡaja m̄. Dios siḡne ñaami mani ĩj̄. To bajiḡ ĩ ñaboajaqūene, “Qūenase manire yato Dios” yir̄, no bojase m̄ yiro tire yit̄oĭabetir̄ḡuja m̄. To bajiro bajir̄ ñari, ȳre ajitir̄n̄beaja m̄. ⁴⁵ Ȳ jac̄ t̄j̄re m̄ ejaro, “Ȳre

^a 5:37-38 “Diore ajimena, to yic̄ari, ĩre ĩmena ñaja m̄ Jesús ĩ yijama, ĩre ĩar̄ ñaboarine, to yic̄ari, ĩre ajir̄ ñaboarine, “Dios mac̄ ñaami” yimasibeama’ yiḡ yiyuju”, yiyujar̄ Dios ocare masa ĩna ucamasire buer̄etoburimasa.

ajitirānūbeticama”, m̄are yigotiyirobetirūcūja yū. Moisés ñamasir'ine ñaami to bajisere m̄are yigotiyirogū. “Moisés ñamasir'i ī rotimasirere quēnaro mani ajitirānūjama, Dios tūjū varuarāja mani”, yitūoīaboaja m̄a. ⁴⁶ To bajiboarine yū bajirotirene ucamasifūmi Moisés. To bajiri ī ucamasirere m̄a ajitirānūmasucōajama, yūre quēne ajitirānūborāja m̄a. ⁴⁷ Ī ucamasirere quēnaro ajitirānūmena ñari, yūre quēne ajitirānūbeaja m̄a, —ñare yicami Jesús, jud'io masa űjarāre.

6

Masa, cinco mil ñarāre Jesús ī bare ecare queti (Mt 14.13-21; Mr 6.30-44; Lc 9.10-17)

¹ To bajiro ñare ī yiro bero, űtabūcūra Galilea vāme cūtura gajejacatūajū yūare űmato jēacami Jesús. Gaje vāme, Tiberias vāme cūticajū tira. ² “Dios macūne ñaja yū” yigū, rijaye cūtirāre Jesús ī catorūgūse ñacōari, jājarā masa ĩre sūyarūgūcama ĩna. ³ Gajejacatūajū ejacōari, burore yūare űmato majacōari, rujicami Jesús. ⁴ Pascua boserūmū jud'io masa yūa quēnorotirūmū cōñacajū. ⁵ To bajiri jājarā masa Jesúre ĩre sūyarūgūrā ĩna vadore ĩacōari, ado bajiro Felipere ĩre yicami Jesús:

—Īnare ecaruarā, ¿nojū bare vaja yirāti mani? —ĩre yicami.

⁶ “Ado bajiro yirūcūja yū” yimasiboarine, “Mū ejarēmose rāca ecamasicōaruarāja’ Felipe yūre ī yicūdiro ajigūsa” ĩre yigūne, yicōañūmi Jesús. ⁷ To bajiro ī yijare ado bajiro ĩre yicūdicami Felipe:

—Doscientos gājoatiiri rāca vaja yiboarine, ĩnare ecajeomasibetiborāja mani —Jesúre ĩre yicami.

⁸ To ī yirone, yūa rācagū, Pedro bedi Andrés vāme cūtigū, ado bajiro Jesúre yicami:

⁹ —Sīgū daquegū, cojomo cōro pan cebada vāme cūtise, to yicōari, juarā vaire cūoboami, bajigūjūma. Masa jājarā ĩna ñajare, tījariaro manimasucōaja ti —Jesúre ĩre yicami Andrés.

¹⁰ To bajiro ī yirone,

—Masare ĩnare rujirotiya —yicami Jesús.

Tojūre tatūcuro ñacajū. To bajiri, ta joejū rujicama. Cinco mil űmūa ñacama ĩna.^b

¹¹ ĩna rujijediro ĩacōari, pan daquegū ī baborotirene juacōari, “Quēnaro yaja mū”, Diore yivariquēnacami Jesús. To yicōari ī buerāre yūare ĩsicami, “Rujirāre ĩsibatoya” yigū. Vaire quēne, to bajirone yicami. Sīgū ruyariaro mano quēnaro baūscūtijedicōacama. ¹² ĩna bagajanoro ĩacōari, ado bajiro yūare yicami Jesús:

—ĩna barūasere juarēoña. Bajirearobe tijūma —yūare yicami Jesús.

¹³ To bajiro yūare ī yijare, cebada vāme cūtise cojomo cōro pan ñaboarere yūa juarēojama, juaāmo cōro, gūbo jūa jēnituario ñarijibūri ruyacajū. ¹⁴ To bajiro ĩaīañamanire Jesús ī yīīoro ĩacōari, ado bajiro yicama masa:

—Diore gotirētobosarimasū, adi macarūcūrojūre vadicoari, manire rotirocūne ñaami —Jesúre ĩre yicama masa.

¹⁵ To bajiro ĩna yijare, “Yū bojabetiboajaquēne, yūre āmivacōari űjū yūre cūruama” yimasicoari, ī sīgūne buro joejūre majacoacami Jesús.

Oco joene Jesús ī vare queti (Mt 14.22-27; Mr 6.45-52)

¹⁶ Tī rāioato ĩacōari, űtabūcūrare rojaejacajū yūa, Jesús buerimasa. ¹⁷ Rojaeja, cūmua vasāja jēacajū yūa, gajejacatūajū Capernaum vāme cūti macajū vana. Tī rētiacoaboajaquēne, ejabeticōacami Jesús. ¹⁸ To yūa bajijēarūtuate, buto mino vacajū. To bajica yiro, buto sabetūocōacajū ti. ¹⁹ Cinco o seis kilómetros cōro yūa jēatusatone, yūa tūjū oco joene

^b 6:10 Rīamasare, rōmiare cōmenane, űmūa būcūrā ĩrene ĩna cōjama, cinco mil ñañujarā ĩna.

vadicami Jesús. Oco joene ì vadire ìarãne, ɯcacaɯ yua. ²⁰ To bajiro yua bajiboajaquêne, ado bajiro yuare yicami Jesús:

—Güibesa. Yune ñaja —yuare yi vadicami Jesús.

²¹ To bajiro yuare ì yijare, variquênarãne, ìre sãcaɯ yua. Ìre yua sãrirĩmarone jêaejacoacaju yua yuja.

Jesúre masa ìna macare queti

²²⁻²⁴ ɯtabuɯra gajejacatuaju tujacana, cūmuane yua ì buerã Jesús ì manone yua jêasere ìacama ìna. To bajiri gajerũmu yua tudijêaejabetore ìacõari, Jesúre quêne ìre ìabeticõari, Tiberias macana ìna ejase cūmune jêaejayuma, Capernaum vãme cãti macaju, Jesúre macarã.

“Pan quênamasusere bajiro bajigu ñaja yu”, Jesús ì yire queti

²⁵ Yuare ìabujacõari, ado bajiro Jesúre yisēniñacama ìna:

—Gotimasiorimasu, ¿Divato adore ejari mu? —Ìre yisēniñacama ìna.

²⁶ To bajiro ìna yisēniñasere ajicõari:

—Ñamasusere riojo muare gotiaja yu. Ìañañamanire yu yĩosere ìari, “To bajiro yigu ì ñajare, ìre ajitirũnu sayaroti ñaja” yirã me yure macasuyaja mu. “Quênaro bausucutiriaroju bare ecagu ñaami” yirã ñari, bajaiaja mu. ²⁷ Bare mu bojamasusejuama yoaro meacane muare jediveocoatoja ti. To bajiri mu barotire tuoĩarejaibeticõañã mu. Gajeye barere bajiro bajise ñaja, Dios ì roticõacacu yure ajitirũnurãre yu ìsisema. Jedibetirũaroja tima. “Tire ìsimasiami’ yure yimasiato ìna” yigu, ìañañamanire yu yĩorũgũrotire yure ɯjocami Dios. To bajiri, bare jedibetijure bojarã, Dios ì bojasere yiya mu —Ìnare yicami Jesús.

²⁸ To bajiro ì yijare, ìre sēniñacama ìna:

—¿No bajiro yua yivotire bojati Dios? —Ìre yisēniñacama.

²⁹ To bajiro ìna yisere ajicõari ado bajiro ìnare yicadicami Jesús:

—Dios ì cõacacure yure mu ajitirũnusere bojaami Dios —Ìnare yicami Jesús yuja.

³⁰ To bajiro ì yijare,

—¿Ñie ùnire Dios ì masise rãca ìañañamanire yuare yĩorucuada mu, tire ìacõari “Yure ajitirũnũato ìna” yuare yigu? ³¹ Mani ñicua ñamasiriarã yucã manojũ ñacudirã, manã vãme cãtisere bamasiñujarã ìna. To bajirone gotiaja Dios ocare masa ìna ucamasire. Tuoĩasaque: “Bare Dios ì ñaroayere manire ecagu yivējañumi”, yigotiaja Dios oca, masa ìna ucamasire —Jesúre ìre yicama. To bajiro ìna yijama, “Moisés ñamasir'i sũorine bajiriaroja ti” yirã yicama.

³² To bajiro ìna yisere ajicõari, ado bajiro cãdicami Jesús:

—Ñamasusere riojo muare gotiaja yu: Moisés ñamasir'i me Dios ì ñaroayere barere ìnare cõacami. Yu jacune ñaami ì ñaroayere barere ìnare cõacacuma. To bajirone bajaiaja pan quênamasusere quêne. Tire muare cõami Dios. ³³ Tire mu bajaiaja, mu rijato beroju, “Tudirijabeticõato” yigu, Dios ì cãtisere ìsiecoruarãja mu.

³⁴ To bajiro ì yirone,

—To yijama, pan quênamasusere yuare ecarũgũma mu —Ìre yicama ìna yuja.

³⁵ To bajiro ìna yijare, ado bajiro ìnare yicami Jesús yuja:

—Yune ñaja pan quênamasuse Dios ì cõase. To bajiri, no bojagu yure ajitirũnũgũma, bausucutirũgũgũre bajiro bajigumi. To bajiri, disejuane Dios ì ejarẽmose ìre ruyabetirũaroja. ³⁶ To bajiro yu bajiboajaquêne, yure ajitirũnũbeaja mu, yure ìarã ñaboarine. Jere tirene muare gotiboabu yu. ³⁷ No bojarã yure ajitirũnũrãma, yu jacu sũorine yu bojarore bajiro quênasejuare tuoĩavasoariarã ñaama. No bojagu yure ajitirũnũgũre, “Muare bojabeaja”, ìre yibetirũcũja yu. ³⁸ Adojure vagu, yu bojasere yiru me rujiadicaju yu. Yu jacu ì bojasejuare yiru, vadicaju yu. ³⁹ Ado bajiro bojaami yu jacu, yure cõacacu: Ì sũorine yure ajitirũnurã ñajediro, ñatũsarirũmure rojose tãmũotũjabetiriaroju

ĭna vasere bojabeami. ĭ tujm ĭna ĩnasejmare bojaami.^{C 40} No bojagu, “Dios macu ĩaja mu” yure yimasicōari, yure ajitirūnugāre, Dios ĭ catisere ĭ cūosere bojaami yu jacu —ĭnare yicami Jesús.

⁴¹ “Pan quēnamasusere bajiro bajigu ĩaja yu Dios ĭ ĩaroju rujiadicacu” Jesús ĭ yisere ajicōari, ĩagōjaicama jud'io masa ujarā. ⁴² Ado bajiro gāmerā yicama:

—¿Adi macagu, José macu me ĩatique? ĭ jacure, ĭ jacore quēne masiaja mani. To bajigu ĩaboarine, “Dios ĭ ĩaroju rujiadicaju yu”, manire yisocaboami —gāmerā yicama ĩna.

⁴³ To bajiro ĩna gāmerā yĭñajare, ado bajiro ĩnare yicami Jesús:

—Yure ĩagōmacabesa mu. ⁴⁴ Yu jacu sūorine yu bojarore bajiro quēnasejmare tūoĭvasoariarā rĭne ĩaama yure ajitirūnarā. ĩatusarirūmu ĩnare catorucūja yu. ⁴⁵ Diore gotirētosariarā yure ajitirūnaronā ĩna bajiro tire yirā, gotirā ado bajiro ucayuma ĩna: “Dios ĭ masise sūorine masiruarāma ĩna jedirone”, yucayuma ĩna. To bajiri yu jacu ĭ masise sūorine yu bojarore bajirojmare tūoĭvasoacōari, yure ajitirūnuarāma.

⁴⁶ Masu, ĩjūane yu jacure ĩagū maami. Yu sĭgūne ĭ tujure rujiadicacu ĩari, ĩre ĩacacu ĩaja yu. ⁴⁷ ĩamasusere riojo mūare gotiaja yu: No bojagu yure ajitirūnugūma, Dios ĭ catisere cūogu ĩaami. ⁴⁸ Pan quēnamasusere bajiro bajigu ĩaja yu. ⁴⁹ Mu ĩicua yucū manojū manā vāme cutisere bare, Dios ĭ cōarūgūrere barūgūrĭarā ĩaboarine bajireajedi-coasuma ĩna. ⁵⁰ Yurema, pan quēnamasusere bajiro bajigure, masa ĩna ajitirūnūjama, bajireacoaboarine, quēna tudicaticōari, quēnaro ĩarūgūruarāma ĩna. ⁵¹ Yure ĩaja pan quēnamasusere bajiro bajigu Dios ĭ cōacacūma. No bojarā yure barā ĩna rijato beroju, quēna tudicaticōari, quēnaro ĩarūgūruarāma. To bajiro ĩna bajiro tire yigu, ĩnare rijabosarucūja yu —jud'io masa ujarāre yicami Jesús.

⁵² To bajiro ĭ yisere ajicōari, ĩna masune ado bajiro gāmerā yicama ĩna:

—¿No bajiro ĭ rujure manire ecariquĭda ĭ? —gāmerā yicama ĩna.

⁵³ To bajiro ĩna yisere ajicōari, ado bajiro ĩnare yicami Jesús:

—ĩamasusere riojo mūare gotiaja yu: Yure, Dios ĭ roticōacacure, yu rujure mu ba-betijama, yu ri'ire quēne mu idibetijama, mu rijato beroju “Tudirĭjabeticōato” yigu, Dios ĭ catisere cūobetiruarāja mu. ⁵⁴ No bojagu yu rujure bagu, yu ri'ire idigu ĩaami Dios ĭ catisere cūogu. To bajicōari, ĭ rijato beroju ĩatusarirūmure tudicaticōari, quēnaro ĩarūgūrucūmi. ⁵⁵ Yu rujū ĩaja bare ĩamasuse. To bajicōari, yu ri'ĭ ĩaja idire ĩamasuse. ⁵⁶ To bajiri yu rujure bacōari, yu ri'ire idigūma, yu rācagu ĩagūmi. Yūjua quēne, ĭ rācagu ĩaja yu. ⁵⁷ Yu jacu, yure cōacacu catirere cūogu ĩaami. To bajiri ĭ sūorine catiaja yu. To bajirone bajirucūmi yure ajitirūnugū quēne. Yu sūorine ĭ rijato beroju quēna tudicaticōari, yu rāca quēnaro ĩacōa ĩarūgūrucūmi. ⁵⁸ To bajiri pan quēnamasusere bajiro bajigu, Dios ĭ ĩaroju rujiadicacu ĩaja yu. Yuma mu ĩicūare ō vecaye bare Dios ĭ cōare manā vāme cutisere bajiro bajigu me ĩaja. Mu ĩicua, manā vāme cutisere bariarā ĩaboarine, bajireajedi yuma ĩna. No bojagu yure ajitirūnugūma, ĭ rijato beroju quēna tudicaticōari, yu rāca quēnaro ĩacōa ĩarūgūrucūmi —ĭnare yicami Jesús, jud'io masa ujarāre.

⁵⁹ Ado bajiro ĭ gotimasio ĩajama, Capernaum vāme cuti maca ĩarivi, Dios ocare ĩna buerivijū ĩacōari, ĩnare gotimasĭocami Jesús.

“Yu ocare ajitirūnugūrema, ‘Tudirĭjabeticōato’ yigu, Dios ĭ catisere ĩsirucūja”, Jesús ĩyire queti

⁶⁰ To bajiro ĭ gotisere ajicōari, jājarā ĩre sūyarā, ado bajiro gāmerā yicama ĩna:

—To bajiro ĭ yigotimasĭose, no bajiro yimasirĭaro maja. Tire ajivarĭquēnagū magūmi —gāmerā yicama ĩna.

⁶¹ To bajiro ĩna gāmerā yisere masicōacami Jesús. To bajiri, ado bajiro ĩnare yicami:

^{C 6:39} ĩatusarirūmure ĭ yĭjama, adi macarucūro ti jediro tudiejacōari, masare ĭ ĩabeserirūmure yigu yiyuju Jesús.

—To bajiro m̄are ȳa yigotimasiosere ajitebesa m̄a. ⁶² “Riojo me yami” m̄a yit̄oĩajama, Dios ĩ rotic̄oacac̄a ð vecaj̄a ȳa vadicatoj̄are quēna ȳa tudim̄jatore ĩac̄ari, “Riojo yiyumi”, yit̄oĩaboar̄ar̄aja m̄a. ⁶³ “Ȳa ruj̄are ĩna base s̄orine, ĩna rijato beroj̄a ‘Tudirijabetic̄oato’ yiḡa, Dios ĩ catisere c̄or̄ar̄ama masa” ȳa yijama, ȳa ruj̄are yiḡa me yaja ȳa. Ȳare masa ĩna ajitir̄un̄sej̄are yiḡa yaja. Ȳare ajitir̄un̄r̄arema Esp'iritu Santore ĩnare c̄or̄ac̄aja ȳa, ĩna rijato beroj̄a, “Tudirijabetic̄oato” yiḡa. ⁶⁴ To bajiro ȳa yigotisere, “Soc̄a yami”, yit̄oĩaja m̄a s̄iḡari —ĩnare yicami Jesús.

R̄emoj̄ane, “ĩna ñar̄ar̄ama ‘Soc̄a yami’ ” ȳare yit̄oĩar̄a, to yic̄ari, “ĩ ñar̄ac̄ami ȳare ĩsirocaroc̄a” yimasiḡa ñari, to bajiro ĩnare yicami.

⁶⁵ To bajiro yigajanoc̄ari, ado bajiro ĩnare gotiquēnocami:

—“Ȳare s̄uyar̄a s̄iḡari, ‘Soc̄a yami’, ȳare yit̄oĩaama” yimasiḡa ñari, “Ñimar̄a ȳare ajitir̄un̄r̄a manibor̄ama, ȳa jac̄a s̄orine quēnasej̄are ĩna t̄oĩavasoabetijama”, m̄are yib̄a ȳa. To bajiri ȳa jac̄a s̄orine quēnasej̄are t̄oĩavasoar̄a me ñari, “Soc̄a yami”, ȳare yaja m̄a s̄iḡari —ĩnare yicami Jesús.

⁶⁶ To bajiro ĩ yisere ajic̄ari, jājar̄a ĩre s̄uyaboacana ĩre c̄amotadic̄ari, j̄aj̄i ĩ r̄aca vacudibeticama ĩna yuja. ⁶⁷ To bajiro ĩna bajiro ĩac̄ari, j̄aāmo c̄oro, ḡabo j̄a j̄enituarir̄ac̄a ñar̄are ado bajiro ȳare s̄eniñacami Jesús:

—¿M̄a quēne, “ĩre c̄amotadito mani”, ȳare yit̄oĩati m̄a? —ȳare yis̄eniñacami.

⁶⁸ To bajiro ĩ yisere ajic̄ari, ado bajiro ĩre yic̄adicami Pedro:

—Ñim̄j̄a m̄are bajiro bajiḡa maḡami. Ȳa rijato beroj̄a, “Tudirijabetic̄oato” yiḡa, Dios ĩ catisere ȳare m̄a ĩsere gotiaja m̄a. ⁶⁹ M̄are ajitir̄un̄aja ȳa. “Rojose yiḡa me, Dios ĩ c̄ar'i ñaja m̄a”, m̄are yimas̄aja ȳa —Jes̄ure ĩre yicami Pedro.

⁷⁰ To bajiro ĩ yisere ajic̄ari ado bajiro ȳare yicami Jesús:

—M̄arema, ¿j̄aāmo c̄oro, ḡabo j̄a j̄enituarir̄ac̄a ñar̄are ȳane m̄are bese juabeticati ȳa? To ȳa yicana m̄a ñaboajaquēne, m̄a vatoare ñaami s̄iḡa v̄atia ̄j̄are c̄adiḡa —ȳare yicami Jesús.

⁷¹ To bajise ĩ yijama, Simón mac̄a Judas Iscariotere yiḡa yiyumi Jesús, ȳa j̄aāmo c̄oro, ḡabo j̄a j̄enituario r̄acaḡa ñaboarine, ĩre ĩsirocaroc̄a ĩ ñajare.

7

Jesús beder̄a ñaboarine, ĩre ĩna ajitir̄un̄betire queti

¹ To bajiro ĩ yiro bero, quēna Galilea sitaj̄a ȳare ūmato vacudicami Jesús. Judea sitaj̄a ñar̄abeticami, ti sitana jud'io masa ̄jar̄a ĩre ĩna s̄iar̄ajare. ² Yuc̄a manoj̄a ĩna ñic̄a ĩna ñacudimasirere t̄oĩar̄ar̄am̄ari, Enramadas v̄ame c̄uti boser̄um̄a c̄oñacaj̄a. ³ To bajiri, Jesús beder̄a ado bajiro ĩre yicama:

—Judea sitaj̄a m̄are s̄uyaboacana, jājar̄a ñar̄ama. To bajiri adoj̄are tujabesa. Toj̄ane tudicoasa m̄a, ĩna quēne, “ĩaĩañamanire m̄a ȳīor̄ũḡusere ĩato ĩna” yiḡa. ⁴ No bojaḡa, jājar̄a masa ĩre ĩna ĩamas̄irotire ĩbojajama, masa mojoroaca ñaroj̄are ȳīocudibec̄ami. ĩaĩañamanire ȳīomasiḡa ñari, jājar̄a ĩna ñaroj̄are ȳīoaya m̄a —ĩre yicama ĩna, Jesús beder̄a.

⁵ Jesús beder̄a ñaboarine, “ ‘Rotim̄or̄aḡor̄ac̄ami’ yiḡa, Dios ĩ c̄ar'i ñaami”, ĩre yit̄oĩar̄a me ñacama. ⁶ To bajiri ado bajiro ĩnare yicami Jesús:

—Judeaj̄a ȳa varoti ejabeaja maji. No bojarir̄um̄a m̄a vajama, m̄arema quēnac̄aja. ⁷ Diore ajimena m̄a ñajare, m̄are ĩatemenama. Ȳarema ĩateama ĩna, “M̄a yir̄ũḡuse, rojose ñaja ti” ĩnare ȳa yijare. ⁸ Enramadas boser̄um̄a ĩar̄a vasa m̄ama. Ȳarema, ȳa varoti ejabeaja maji —ĩ beder̄are yicami Jesús.

⁹ To bajiro ĩnare ĩ yiro bero, Galilea sitaj̄are ñac̄acaj̄a ȳa maji.

Enramadas v̄ame c̄uti boser̄um̄are Jesús ĩ gotimas̄iore queti

10 Ī bederã ĩna vato bero, Jesús quẽne, Enramadas boserũmu ũmato ĩagũ vacami. To bajiboarine, yayioroaca yũare ũmato ejacami. 11 To ñacama jud'io masa Ʃjarã quẽne. ĩre macaboacama.

—¿Noju ñati ĩ? —yicudiboacama.

12-13 Tirũmarire jãjarã masa Jesũre ñagõjai ñacama ĩna. Sĩgũri ado bajiro yicama:

—Quẽnaro yĩgu ñagũmi —yicama ĩna.

Gãjerãjuama:

—Quẽnaro yĩgu me ñagũmi. Masare yitogu ñagũmi —boca yicama. Ʃjarãre gũirã ñari, ĩna masune yayioroaca gãmerã ñagõcõa ñacama ĩna, Jesũre gõjarã.

14 Enramadas boserũmu ĩna yi gudareco cutiato, Diore yirũcũbũoriavire sãjacõari, masare ĩnare gotimasiocami Jesús yuja. 15 ĩ gotimasiosere ajicõari, no yimasibeticama jud'io masa Ʃjarã:

—Buebetir'i ñaboarine, ¿no yĩgu to bajise gotimasiosasiati ĩ? —yicama ĩna.

16 To bajiro ĩna yisere masicõari,

—Yũ gotimasiosema yũ ye me ñaja. Yũre cõacacũ ye ñaja ti. 17 Dios ĩ bojasere mũa yirũajama, “Dios ĩ yerene gotimasioami”, yimasiborãja mũa. 18 No bojagu no ĩ tũoĩasene gotigũma, masa quẽnase ĩre ĩna yirũcũbũosere bojagũmi. No bojagu ĩre cõacacũre Diore masa quẽnase ĩre ĩna yirũcũbũosere bojagũma, riojo masune gotigu ñagũmi. Ñie ũnijũare masare ĩnare yitobecũmi.

19 ¿Moisės ñamasir'i Dios ĩ rotimasirere mũare cũbesujarique ĩ? Tire cũorã ñaboarine no bojagu mũa vatoare Dios ĩ rotimasirere cũdijeogu maami. Rojose yũ yibetiboajaquẽne yũre sũarũaja mũa —masare yicami Jesús.

20 To bajiro ĩ yisere ajicõari, ado bajiro ĩre cũdicama ĩna masa:

—Vãti mũa usũjũre sãjacõari, rojose mũre yitogu yigũmi. Ñimũjũa mũre sũarũagu magũmi —ĩre yicama ĩna, Jesũre.

21 To bajiro ĩna yijare,

—Usũsãjariarũmu ñaboajaquẽne, sũgũ rijagũre yũ catioro ĩacõari ĩaũcacajũ mũa, “Usũsãjariarũmu ñaboajaquẽne moami” yĩaterã. 22 Moisės ñamasir'i sũcacare circuncisiõn yirere mũare rotiyumi ĩ. ĩ masu me tire rotisũoyumi. Jẽre ĩ ñicũajũne to bajirone yicoadimasĩũjarã ĩna. To bajiro rotimasire ñajare, usũsãjariarũmu ti ñaboajaquẽne, sũcare circuncisiõn yaja mũa. 23 Moisės ñamasir'i ĩ rotimasirere cũdirã ñari, usũsãjariarũmu ti ñaboajaquẽne sũcare circuncisiõn yaja mũa. Yũjũarema usũsãjariarũmu ti ñaboajaquẽne sũgũ rijagũre yũ catiojama, ¿no yirã yũre jũnisiniati mũa? 24 Ñie manone rujajine quẽnaro tũoĩabetiboarine, “Rojose ĩre ñaja”, yũre yibesa mũa. “Rojose ĩre ñaja” mũa yijama, quẽnaro tũoĩa rĩjoro yicõari, “Rojose ĩre ñaja”, yũre yija mũa —ĩnare yicami Jesús, masare.

“Dios ĩ ñarõjũre vadicaacũ ñaja yũ”, Jesús ĩ yire queti

25 To bajiro ĩ yisere ajicõari, Jerusalén macana sũgũri ĩna masune gãmerã sẽnĩĩacama ĩna:

—¿Sũarũarã, ĩna macagu me ñarũyuati ĩ? 26 Ado mani jediro rĩjorojũare ñagõñaami ĩ. To ĩ bajiboajaquẽne sũgũ ĩre boca yimatagu maami. Adoana Ʃjarã, “Cristo Dios ĩ cõagũ, mani Ʃjũ ñagũmi ĩ”, ¿yitũoĩarãda ĩna? 27 “Ti macagu vayumi”, yimasiaja mani. Cristorema, “ĩ ejaro, ‘Toagu vayumi’ yimasibetirũarãja mani”, yĩadire ñaja—ĩna masune gãmerã yicama ĩna, Jerusalén macana sũgũri.

28 To bajiro ĩna yisere ajicõari, Diore yirũcũbũoriavijũ gotimasio ñacacũ, oca tutuase rãca ñagõcami Jesús yuja:

—Yũre ĩacõari, “Ti macagu ñaami”, yũre yitũoĩaboaja mũa. To bajiro mũa yitũoĩajama, yũre cõacacũre riojo yigũre masibeaja mũa. 29 Yũma ĩre masiaja. ĩ cõacacũne ñaja yũ. ĩ ñarõjũne vadicaajũ yũ —ĩnare yicami Jesús.

³⁰ To bajiro ĩ yijare, buto ĩre ajijũnisinirã ñari, ĩre ñiaruaboacama ĩna, jud'io masa ujarã. To bajiboarine ĩre ñiamasibeticama ĩna, “To cõrone ñiaecorucumi” Dios ĩ yiriarũmu ti ejabetijare. ³¹ Gãjerãma jãjarã ĩre ajitirũnucama ĩna. To bajiri ado bajiro yicama ĩna:

—Cristo, Dios ĩ cõar'i ñagũmi ãni. No bojagu ĩ rëtoro ĩaiañamanire yigu manirucumi — yicama ĩna, ĩre ajitirũnarã.

Jesúre ĩre ñiaruarã, Diore yirũcubũoriavire coderimasa ĩna ejare queti

³² Masa Jesús ĩ bajisere yayioroaca ĩna gotiro ajiyuma fariseo masa. To bajiri, Diore yirũcubũoriavi coderimasare Jesúre ĩre ñiarotiyuma ĩna, paia ujarã quẽne. ³³ ĩna ejaro ĩacõari ado bajiro yicami Jesús:

—Yũre cõacacu tũju quẽna tudiarucuja yũ. To bajiri yoaro meaca adore masa tũjũre ñarucuja yũ. ³⁴ Yũre macaruarãja mũa. To bajiboarine yũre bũjabetiruarãja mũa. Yũ ñarojũre no bajiro yi vamasibetiruarãja mũa —masare ĩnare yigoticami Jesús.

³⁵ To bajiro Jesús ĩ yisere ajicõari, jud'io masa ujarã ĩna masune gãmerã sẽnĩacama ĩna:

—¿Nojũre variquĩda ĩ, ĩre mani bũjabetirotøjũrema? Mani ñaro sojuaju vacõari griego masa rãca vusarã tũju varũ yigumi, ĩ yijama. Tojũre vacõari, gãjerã masare, o mani yarãre gotimasiogũ varũ yigumi, ĩ yijama. ³⁶ “Yũre macaboarine yũre bũjabetiruarãja mũa. To bajicõari yũ ñarojũre vamasibetiruarãja mũa” ĩ yijama, ¿no yire ùnire yati ĩ? —gãmerã yĩñagõcama ĩna.

“Masa Diorãca quẽnaro ñaruarã, ado bajiro bajirãma”, Jesús ĩ yire queti

³⁷ Masa manojũ ĩna ñicua ĩna ñacudimasirere tũoĩatusariarũmu, tirũmu ñacaju rujarũmu masuma. Tirũmũre vũmũrũgũcõari, oca tutuase rãca ñagõcami Jesús:

—Sĩgũ ĩ oco idirũajama, oco sẽnigũmi. Tire bajirone, no bojagu Diore ĩ masirũajama, yũ tũjũre vadicõari ĩre yũ catiorotire sẽnigũ ejato ĩ. ³⁸ Ajiya mũa. Ado bajiro gotiaja Dios ocare masa ĩna ucamasire: No bojarã yũre ajitirũnarãrema, “Ĩna usũrijũ oco masare catiose, riagare bajiro ũmayucõa ñarũaroja, ‘Diorãca quẽnaro ñacõa ñarũgũrãjaro’ yiro”, yigotiaja Dios oca —masare ĩnare yigoticami Jesús.

³⁹ To bajiro ĩ yijama, “Yũre ajitirũnarãre ĩna usũrijũre, Dios ĩ cõagũ Esp'iritu Santo ejacõari quẽnaro ĩnare ejarẽmocõa ñarũgũrucumi, ĩna rijato berojũ tudirijabeticõari, Diorãca quẽnaro ñaronare” yigu yicami Jesús. Ő vecajũre, quẽnase ĩre yirũcubũoriayũjũre Jesús ĩ tudiejabetijare, Dios ĩ cõagũ Esp'iritu Santore adi macarucũrore Jesúre ajitirũnucanare cõabesumi Dios maji.

Ricatiri rĩne masa ĩna tũoĩare queti

⁴⁰ Jesús ĩ ñagõsere ajicõari, sĩgũri ado bajiro yicama:

—Diore ĩre gotirëtohosarimasa, Dios ocare ucarã, “To bajirucumi” masa ĩna yucamasir'i masune ñaami —yicama ĩna, sĩgũri.

⁴¹ Gãjerãjũama ado bajiro yicama ĩna:

—Cristo, “Rotimũorũgõrucumi” yigu, Dios ĩ cõar'i masune ñacõaami —yicama ĩna.

Gãjerãma ado bajiro yicama:

—Cristo me ñaami. No bajiro yigu, Galileagũne Cristo ñabecumi. ⁴² Dios ocare masa ĩna ucamasire ti gotijama, ado bajiro yaja: “Uju David ñamasir'i jãnerabatia jãnami ñarucumi Cristo. To bajiri David ñamasir'ire bajirone Belén macagũne ñarucumi ĩ quẽne”, yigotiaja Dios oca —yicama ĩna.

⁴³ Ado bajise ricatiri rĩne Jesúre ĩre yitũoĩacama ĩna. ⁴⁴ Sĩgũri ĩre ñiaruaboacama. To bajiboarine ĩre ñiamasibeticama.

Jud'io masa ujarã, Jesúre ĩna ajitirũnũbetire queti

⁴⁵ Diore yirũcubũoriavire coderimasa Jesúre ĩre ñiamasibeticõari, fariseo masa, paia ujarã tũjũre tudiacama ĩna. Ñie manane ĩna ejaro ĩacõari ado bajiro ĩnare yisẽnĩaiañujarã ĩna paia ujarã:

—¿No yirã ìre ãmiadibeti m̃a? —Ìnare yiyujarã ìna.

⁴⁶ Ado bajiro ìnare yic̃diyujarã Diore yir̃c̃ub̃oriavire coderimasa:

—Ìre bajiro ñagõrã manicama ìna —yiyujarã ìna.

⁴⁷ To bajiro ìna yijare, fariseo masaj̃a ado bajiro ìnare yiyujarã:

—¿To yitog̃ ì yiserene ìre ajiri m̃a? ⁴⁸ M̃a ùjarã ñaja ỹa. Ỹama s̃ig̃ ìre ajitir̃ñug̃ ì maja. Mani ùjarã qũene s̃ig̃ ìre ajitir̃ñug̃ maami. ⁴⁹ Adoana masa Moisés ñamasir'ì ì rotimasirere masibeticõari, Jesùre ìre ajitir̃ñur̃ama. To bajiro ìna bajijare, ìnare rear̃c̃umi Dios —yiyujarã ìna fariseo masa.

⁵⁰ Nicodemo ñamij̃ Jesùre ìre ìag̃ ìjar'ì, fariseo mas̃ ñañuju ì qũene. Ì babarãre ado bajiro ìnare yiyuju ì:

⁵¹ —ìMajique! Moisés ñamasir'ì manire ì rotimasirere yirã, ì gotisere ajicõari, ìre s̃enĩabetiboarine, “Rojose ñaja ti, ìre”, yimasibeaja mani —yiyuju Nicodemo, ì babarãre.

⁵² To bajiro ì yijare,

—¿M̃ qũene Galileag̃ ñatique m̃a? Dios ocare masa ìna ucamasiriatutire ìãasaque m̃a. Tire m̃a buero bero, “Diore gotir̃etobosarimas̃ Galileaj̃ vadir'ì manir̃c̃umi” yiuaturere masir̃c̃aja m̃a qũene —Ìre yiyujarã ìna, Nicodemore tud'irã.

⁵³ To bajiro ìre yicõa, ìna ya virij̃ tudijedicoasujarã ìna.

8

Rõmio manaj̃a c̃utiboarine, g̃aji rãca ajeri c̃utigo Jesús tuj̃re so ejare queti

¹ Macaj̃a ỹa tujarone, Olivo vãme c̃uti buroj̃a majacoacami Jesús. ² Gajer̃m̃a, busurij̃a, Diore yir̃c̃ub̃oriavij̃a tudiejacami qũena Jesús. Ì ejaro ìacõari j̃ajarã masa ì t̃ure r̃ejacama. To bajiro ìna bajijare, rujicõari ỹare gotimasiocami Jesús.

³ To bajiro ỹare ì yigotimasio ñarone, fariseo masa, Dios ì rotimasire gotimasiorimasa qũene ejacama. S̃igõ rõmio manaj̃a c̃utiboarine g̃aji rãca ajeri c̃utigore ỹa ìaro r̃joroj̃are sore j̃iaejocama ìna. ⁴ To yicõari, ado bajiro Jesùre ìre yicama ìna:

—Ỹare masiog̃, adio rõmio manaj̃a c̃utiboarine g̃aji rãca so ajeri c̃utisere ìam̃a ỹa.

⁵ Moisés ñamasir'ì ì rotimasire ado bajiro yirotiaja ti: “To bajiro yirãrema g̃õtane ìnare reas̃aña”, yaja ti. M̃ma, ¿no bajiro t̃uõiatì m̃a? —Jesùre ìre yicama.

⁶ “Moisés ì yiriarore bajirone Jesús manire ì c̃udibetijama, ‘Jesús, rojose yimi’ ” ùjarãre yì ocasãr̃arã, Jesùre s̃enĩatoboacama ìna. To bajiro ìna yis̃enĩatoboajaqũene, mubiacõari ì ãmo vãsoane ucacami Jesús, sita t̃ucuroj̃are. ⁷ Ìre ìna s̃enĩat̃ujabetijare, ṽm̃ur̃g̃ucõari, ado bajiro ìnare yicami Jesús yuja:

—M̃a rãcag̃, “Rojose yibec̃ ñaja ỹa” yig̃, g̃õtane m̃are ùmato rocavas̃oato —Ìnare yicami Jesús.

⁸ To bajiro yicõa, qũena mubiacoacami Jesús. Mubiacõari, sita t̃ucurore ucacõa ñacami qũena. ⁹ To bajiro ì yisere ajicõari, “Rojose yibeticaj̃” yig̃ manicami. To bajiri, sore g̃õtane rocavamenane, b̃ucarã vas̃o, tij̃a bero g̃ajerã vajedicoacama ìna. To ìna bajì veogo, so s̃igõne Jesùrãca tujacamo so. ¹⁰ To ìna bajiro bero, ṽm̃ur̃g̃ucõari, so s̃igõne so ñaro ìacõari, ado bajiro sore s̃enĩlacami Jesús:

—¿Noj̃a ñati ìna yuja, “Rojose yimo” m̃are yirãma? ¿Rojose m̃a yise vaja, s̃ig̃j̃ama m̃are s̃iamenane, vacoajari ìna? —sore yicami Jesús.

¹¹ To bajiro ì yijare,

—Ỹre s̃iamenane, vacoajama —Jesùre yicamo.

To so yisere ajicõari, ado bajiro sore yicami Jesús:

—Ỹ qũene, “Rojose m̃a yire vaja rojose t̃am̃uor̃ocoja”, yibeaja ỹa. Vasa. Qũena g̃ame rojose yibeja m̃a yuja —sore yicami Jesús.

“Ỹ s̃uorine Diore masire ñaja”, Jesús ì yire queti

¹² Qũena ado bajiro masare ìnare yigoticami Jesús:

—Y_u s_uorine Diore masiama masa. Y_ure ajitir_un_umasur_uãma, Diore masimenare bajiro bajibetir_uar_uãma ñna. Y_ure ajitir_un_ur_ure catioaja y_u, ñna rijato beroj_u, “Qu_uenaro catijedic_uõa ñar_ug_ur_uãjaro” yig_u —ñnare yicami Jesús.

13 To bajiro ñ yisere ajic_uõari, ado bajiro yicama fariseo masa:

—“To bajiro bajig_u ñaja y_u” m_u yiboajaqu_uene, nij_uane g_uãji mami, “Riojo gotiami” m_ure yig_uma. To bajiri to bajiro m_u yiboase vaja maja ti. To bajiro yitoc_uõag_u yaja m_u —Jesúre ñre yicama.

14 To bajiro ñna yijare, ado bajiro ñnare yic_udicami Jesús:

—Y_u vadicatoj_ure masiaja y_u. Y_u varotore qu_uene masiaja y_u. To bajiri y_u masune y_u gotise ñaboarine, socase me ñaja ti. M_uama, y_u vadicatoj_ure, to yic_uõari, y_u varotore qu_uene masibeaja m_ua. 15 Masa ñari, riojo masimenane, “Rojose yir_uã ñaama”, g_uãjer_ure y_uñabeser_ug_uãja m_ua. Y_uma, masa ñna yisere ñabeseg_u me yaja. 16 To bajiboarine masa rojose ñna yisere y_u ñabesejama, y_u s_ug_une ñabesebeaja y_u. Y_u jac_u, y_ure c_uõacac_u, y_u r_ucane ñabeseami. To bajiri, masare, “Rojose yir_uã ñaama” y_u yijama, riojo masune ñnare gotiaja y_u. 17 M_ua ñic_ua ñna rotimasirere ado bajiro y_uicamasire ñaja ti: “ ‘Rojose yimi’ j_uar_uã ñna yijama, ñnare aj_uya”, yaja ti, m_ua ñic_ua ñna rotimasire. 18 To bajiri, “To bajiro bajig_u ñaja y_u”, masare y_uñor_ug_uãja y_u, y_u masu qu_uene. Y_u jac_u y_ure c_uõacac_u qu_uene, ñ masune, “Y_u mac_u y_u c_uõag_u ñaami” yig_u ñari, masa ñna ajimas_urotire ñnare c_uõar_ug_uãmi —ñnare yicami Jesús.

19 To bajiro ñ yisere ajic_uõari, ado bajiro ñre s_uniñacama ñna:

—¿Noj_u ñnati m_u jac_u? —ñre yicama, Jesúre.

To bajiro ñna yijare ñnare c_udicami Jesús:

—Y_ure ñamasibeaja m_ua. To bajiri y_u jac_ure qu_uene masibeaja m_ua. Y_ure m_ua ñamasijama, y_u jac_ure qu_uene masibor_uãja m_ua —ñnare yicami Jesús.

20 Diore yir_uc_ub_uoriavij_u, masa ñna g_uãjoa s_uriaj_u t_uj_ure r_ug_uõc_uõari, to bajise masare ñnare yigotimas_uocami Jesús. Toj_u jud'io masa ñjar_uã ñna moar_uj_u ti ñaboajaqu_uene, Jesúre ññamasibeticama, ñre ñna ññiaroticu maji ti ejabetijare.

“Y_u vatoj_ure no bajiro y_u vamasibetir_uar_uãja m_ua”, Jesús ñ yire

21 Qu_uena ado bajiro masare yigoticami Jesús:

—Var_uc_uja y_u. Y_u vato bero, y_ure macaboar_uar_uãja m_ua. Y_ure b_ujamena r_uñe rojose m_ua yise r_ucane bajireacoar_uar_uãja m_ua. To bajiri y_u vatoj_ure vamasibetir_uar_uãja m_ua —ñnare yicami Jesús.

22 To bajiro ñ yisere ajic_uõari, ado bajiro g_uãmer_uã yicama ñna, jud'io masa ñjar_uã:

—¿Ñ masune s_uayayir_u yati ñ, “Y_u varotoj_ure vabetir_uar_uãja m_ua” ñ yijama? —g_uãmer_uã yicama ñna.

23 To bajiro ñna yisere ajic_uõari:

—M_uama, adigodoana ñaja. Y_uma, õ vecag_uj_u ñaja. Adi macar_uc_uroana Diore ajimena ñaja m_uama. Y_uma, adi macar_uc_uroag_u me ñaja y_u. 24 To bajiri, “Rojose m_ua yise r_ucane bajireacoar_uar_uãja m_ua”, m_uare yib_u y_u. “Ñe ñaja y_u” y_u yirore bajiro y_ure m_ua ajitir_un_ubetijama, rojose m_ua yise r_ucane bajireacoar_uar_uãja m_ua —ñnare yicami Jesús.

25 To bajiro ñ yisere ajic_uõari, ado bajiro ñre s_uniñacama ñna:

—¿Ñim_u ñg_u ñnati m_u? —ñre yicama ñna, Jesúre.

To bajiro ñna yirone, ñnare c_udicami Jesús:

—M_uare gotis_uog_uj_une, “Ñ ñaja y_u” m_uare yis_uoadicaj_u y_u. 26 Jairo m_uare y_u gotiroti ñaboaja ti. Rojose m_ua yisere ñac_uõari, “Ado bajiro rojose yaja m_ua” cojoji me m_uare y_u yiborotine bajic_uõaja ti. To bajiboarine masare adi macar_uc_uroanare m_uare y_u gotijama, y_ure c_uõacac_u ñ gotirotise r_uñe gotir_ug_uãja y_u —ñnare yicami Jesús.

27 To bajiro ñ yiboajaqu_uene, “ ‘Y_ure c_uõacac_u’ yig_u, ‘Diore, ñ jac_ure’ yig_u yami”, yiajimasibeticama ñna. 28 To bajiri ado bajiro ñnare yigoticami Jesús:

—Dios ĩ roticõacacune ñaja yu. Yucátẽroju masa yure ĩna jajuturo bero bajisere ĩacõari, “Riojo yiyumi. To bajiro masune bajigu ñañumi”, yure yimasiruarãja mua. “Ī masurione ĩ tuoñasere me gotirũgũñumi. Ī jacu ĩre ĩ gotimasiorotisere gotirũgũñumi”, yimasiruarãja mua. ²⁹ Yure cõacacu yu rãcane ñacõa ñarũgũami. Ī bojase rĩne yaja yu. To bajiri yure vaveobetirũgũami —masare yigoticami Jesús.

³⁰ To bajiro Jesús ĩ yisere ajicõari, jãjarã masa ĩre ajitirũnucama.

“Dios rĩa me ñaama rojose yirã”, Jesús ĩ yire queti

³¹ To bajiri jud'io masare ĩre ajitirũnucare ado bajiro goticami Jesús:

—Mũare yu gotimasiorũgũsere mua ajitirũnuc tujabetijama, yu buerã masune ñaruarãja mua. ³² To bajiro bajirã rĩne Dios ocare socabetire ajimasiruarãja mua. Ti ocare ajimasicõari, rojose mua yisejasere yitujaruarãja mua, Dios ĩ bojasejũare yiruarã —ĩnare yicami Jesús.

³³ To bajiro ĩ yijare, ado bajiro yicama ĩna:

—Abraham ñamasir'i jānerabatia ñari, Dios yarã ñaja yua. To bajiri, ¿no bajiro yigu, “Rojose mua yisejasere yitujaruarãja mua, Dios ĩ bojasejũare yiruarã”, yũare yati mu? —Jesũre ĩre yicama ĩna.

³⁴ To bajiro ĩna yisere ajicõari, ado bajiro yicami:

—Ñamasusere riojo mũare gotiaja yu: No bojarã rojose yirãma, rojose yisejarã ñari, rojose yitujamasibeama. ³⁵ Sĩgũ ĩ ujure moabosarimasu, “Ado yure moarotigu rãcane ñacõa ñarũgũrucuja yu”, yimasibeami. Uju macujũama, ĩ rãcane ñacõa ñarũgũrucumi. To bajiri, Dios rĩama, ĩ rãcane ñacõa ñarũgũruarãma. ³⁶ To bajiri, rojose mua yisejasere yu suorine “Yitujaruarãja” mua yijama, “Rojose maja ĩnare”, mũare yirucuja yu yuja. ³⁷ “Abraham ñamasir'i jānerabatia ñaja yua” mua yisere masiaja yu. To bajiro yirã ñaboarine, yu gotisere ajitirũnuceticõari yure sĩaruaja mua. ³⁸ Yu jacu yure ĩ yĩlocatire mũare gotiaja yu. Mũama, mua jacu rojose yigu ĩ rotisere cudirã ñaja —ĩnare yicami Jesús.

³⁹ To bajiro ĩ yisere ajicõari, ado bajiro yicama ĩna:

—Abraham ñamasir'ine ñañumi, “yua jacu” yua yiguma —Jesũre ĩre yicama ĩna.

To bajiro ĩna yirone, ado bajiro ĩnare yicami Jesús:

—Abraham ĩ yirũgũriarore bajirone yiborãja mua, ĩ rĩa mua ñajama. ⁴⁰ Yu jacu, Dios oca socase mere ĩ gotirotirote bajirone mũare yu gotimasioboaquẽne, yure sĩaruaja mua. Abraham ñamasir'ima ti ũnire yibetirũgũmasiñumi. ⁴¹ Yure sĩaruarã, mua jacu masu rojose yigu ñadir'i ĩ yirũgũrore bajirone yirã ñaja mua —ĩnare yicami Jesús.

To bajiro ĩ yijare, ado bajiro ĩre yicama:

—Yua jacu masuma, Dios ñaami. Gãji mami yũarema. Ī rĩa masune ñaja yũama —Jesũre ĩre yicama ĩna.

⁴² To bajiro ĩna yisere ajicõari, ado bajiro ĩnare cudicami Jesús:

—Mũa jacu masune Dios ĩ ñajama, yure maiboriarãja mua. Yu masu me vadicaju yu. Dios yure ĩ cõajare vadicaju yu. Dios tujũ vadicõari adone ñaja yu. ⁴³ ¿No yirã yu gotisere ajimasibeati mua? Yu gotimasiosere ajirũamena ñari, tire ajimasibeaja mua. ⁴⁴ Mũa jacuma, vãtia uju ñaami. Ī rĩa ñaja mua. To bajiri ĩ bojasere bajirone mua quẽne yirua tuoñaja mua. Rẽmoju ne masare sĩarimasune ñacoayumi vãtia uju. Riojo gotibetirũgũami. Yitorimasu, socase jacu ñaami. Ī gotijama, socarũgũami. Rẽmoju ne to bajirone bajicoayumi. ⁴⁵ Yurema socabeti quetire gotigu yu ñajare, yure ajitirũnucabeaja mua. ⁴⁶ Sĩgũ, “Ado bajise rojosere yicaju mu”, yure yimasigũ mami. To bajiri, riojo mũare yu gotiboajaquẽne, ¿no yirã yure ajitirũnucabeati mua? ⁴⁷ Dios rĩa mua ñajama, ĩ ocare ajiboriarãja mua. Ī rĩa me ñari yure ajirũabeaja mua —ĩnare yicami Jesús.

“Abraham ñamasir'i rĩjoroju ne ñacoadicaju yu”, Jesús ĩ yire

⁴⁸ To bajiro ĩ yirone, cudicama jud'io masa ujarã:

—“Samaria sitagu, vāti sãñagũ ñaja m̃” m̃are yua yirũgũse riojone yiyuja yua —Jesúre ìre yicama jud'io masa ɛjarã yuja.

⁴⁹ To bajiro ìna yisere ajicõari, ado bajiro ìnare yicami Jesús:

—Vāti sãñagũ me ñaja yuma. Ỹu jacu Diore quẽnase ìre yirũcũbuoaja yu. M̃uama, ỹure r̃ũcũbuobeaja m̃ua. ⁵⁰ “Quẽnaro ỹure yirũcũbuoato ìna masa” yigu me vad-icacu ñaja yu. S̃ĩgũne ñaami, quẽnaro masa ỹure ìna yirũcũbosere bojaguma. Ỹure r̃ũcũbomenare ìamasigũ ñaami. Ìamasicõari, rojose ỹure ìna yise vaja rojose tãm̃orotirucumi. ⁵¹ Ñamasusere riojo m̃are gotiaja yu. No bojarã yu gotisere ajitirũnarãma, bajireabetirũarãma ìna —ìnare yicami Jesús.

⁵² To bajiro ì yisere ajicõari, ado bajiro Jesúsre yicama jud'io masa ɛjarã:

—To bajiro m̃u yisere ajicõari, “Vāti sãñagũ masune ñaami”, m̃are yimasiaja yua yuja. Abraham ñamasir'i, Diore gotirẽtobosarimasa ñamasiriarã quẽne, bajireajedicoasuma ìna. To bajiro ìna bajire ti ñaboajaquẽne, “Ỹure ajitirũnarãma bajireabetirũarãma ìna”, yiboaja m̃u. ⁵³ Yua ñicu Abraham ñamasir'i, ñamasugũ ñamasifũju ìma. ¿Ì rẽtoro ñamasugũ ñatique m̃u? Abraham quẽne, Diore gotirẽtobosarimasa quẽne bajireajedicoasuma ìna. To yijama, ¿ñimũ ũgũ ñati m̃u? —Jesúre ìre yicama ìna.

⁵⁴ To bajiro ìna yijare, ìnare c̃udicami Jesús:

—Ỹu masurione, “Quẽnagũ ñaja yu. Quẽnase yigu ñaja yu” yu yiboajama, ñie vaja maja ti. Ỹu jacu ñaami quẽnase ỹure yirũcũbuogu, “Ìne ñaami yua Dios” m̃ua yiboagu. ⁵⁵ Ìre masibeaja m̃ua. Yuma, ìre quẽnaro masiaja. “Ìre masibeaja” yu yijama, m̃are bajirone socagu ñaboguja yu. Yuma, quẽnaro masune ìre masicõaja yu. Ì yirore bajirone ìre c̃udiaja yu. ⁵⁶ M̃ua masa ñicu, Abraham ñamasir'i, “Cojorũm̃u ejarucumi Dios ì cõagũ, ñajediro masa ɛjũ” yigu, variquẽna yuñamasifũmi. To bajiri adi macarucurojure yu ejaro ìacõari, variquẽnamasucõacami —ìnare yicami Jesús, jud'io masa ɛjarãre.

⁵⁷ To bajiro ì yisere ajicõari, ado bajiro ìre yicama ìna, Jesúsre:

—B̃ucu me ñaja m̃u. Cincuenta c̃umari c̃uobetiboarine, ¿no yigu, “Abraham ñamasir'ire ìre ìacajũ yu”, yati m̃u? —Ìre yicama ìna.

⁵⁸ To bajiro ìna yijare, ado bajiro ìnare yicami:

—Ñamasusere riojo m̃are gotiaja yu. Abraham ñamasir'i ì ñaroto r̃ĩjorojune jẽre ñacõacajũ yu —ìnare yicami Jesús.

⁵⁹ To bajiro ì yisere ajicõari, g̃utari juacama, ìre rearũarã. To bajiro ìna yirone, ìnare rudicõa budiacami Jesús, Diore yirũcũburiavire ñaboacacu.

9

Caje ìabecu ruyuar'ire Jesús ì ìarotire queti

¹ To bajivacune, s̃ĩgũ rẽmone caje ìabecu ruyuar'ire ìre ìabũjacami Jesús. ² To ì bajisere ìacõari, ado bajiro ìre s̃ẽniĩacajũ yua, ì buerimasa, Jesúsre:

—Gotimasiogũ, ¿no yigu rẽmone ìabecu ruyuayujari ìma? ¿Ì jacũajua o ì masu ye s̃uri bajiyujarique? —Jesúre ìre yis̃ẽniĩacajũ yua.

³ To bajiro yua s̃ẽniĩarone, ado bajiro ỹure c̃udicami Jesús:

—Ì masune rojose ì yire vaja me, ì jacua quẽne rojose ìna yire vaja me, to bajigu ruyuayumi ì. “Dios ì masisere masirãjaro masa” yigu, to bajigu ruyuayumi. ⁴ Ìm̃ua ti ñaro moamasiaja mani. Rãioro berojũma moamasibeaja mani. To bajirone bajaiaja mani catise quẽne. Ado ñarãma, moamasiaja mani. To bajiboarine, no bojarirũm̃u mani bajireacoajama, moamenaja mani. To bajiri, ỹure cõacacu ì rotirore bajirone quẽnaro yirũgũroti ñaja. ⁵ To bajiri adi macarucurojure masa rujure bajiro rujũ c̃uticõari, yu ñasere ìacõari, to yicõari, yu gotimasiosere ajicõari, Diore masiama masa. Ti ñaja yu moare —yicami Jesús.

⁶ To bajiro yigajanogãne, sita tũcurojare gooco eoreacũcami. To yicõa, ï goocone sitare yierocami. To yicõari, ïabecũre tine tucami, ï cajere. ⁷ To bajiro ïre yicõari ado bajiro ïre yiroticami, ïabecũre:

—Siloé vãme cutirita, masa ïna guarũgũritaju vasa. Tojũ ejacõari, mũ cajere coeba —ïre yicami Jesús, ïabecũre. (Hebreo oca rãca “siloé” ïna yijama, “cõar'i” yirã yicama.)

To bajiri Jesús ï coerotisere ajicõari, ï coerotirore bajirone ï cajere coegũ vacoacami ïabecũ. ï cajere coegajanogãne, ïacoasuju. To bajiri ï ya vijũ tudicoasuju. ⁸ ï tudiejaro ïacõari, ï yarã, ïre ïarũgũriarã, ado bajiro ïre yiyujarã ïna:

—“¿Yũre ïamaicõari, yũre ïsiña” yirujirũgũgũ me ñati ïma? —yiyujarã ïna.

⁹ To bajiro ïna yirone,

—Ïne ñaami —yiyujarã ïna sũgũri.

Gãjerãjuama:

—Ï me ñaami. ïre bajigũne ñaami, bajigujũma —yiyujarã gãjerãjuama.

To bajiro ïna yisere ajicõari ï masune,

—Ïne ñaja yũ —yigotiyuju ï.

¹⁰ To bajiro ï yigotijare ado bajiro ïre yisẽniãañujarã masa:

—¿No bajiro yicõari, ïacoati mũ yuja? —ïre yiyujarã ïna.

¹¹ To bajiro ïna yijare,

—Sũgũ, Jesús vãme cutigu ï goocone sitare yierocõari yũ cajere tumi. Tire tucõari, ado bajiro yũre yirotimi: “Siloé vãme cutiritaju vacõari, mũ cajere coeba”, yũre yimi. To bajiri tiraju ejacõari, yũ cajere coebũ yũ. To bajiro yigũne, ïacoaju yũ yuja —ïnare yiyuju ï.

¹² To bajise ïnare ï yigotijare, ado bajiro ïre yisẽniãañujarã masa:

—¿Nojũ ñarõari, to bajiro mũre yir'ima? —ïre yisẽniãaboayujarã ïna.

—Ba. Masibeaja yũ —yiyuju ïabecũ ñaboar'i.

¹³ To bajiro ï yisere ajicõari, fariseo masa tũjũre ïabecũ ñaboar'ire ïre jiasujarã ïna.

¹⁴ ï goocone sitare yierocõari ïabecũre Jesús ï caje ïaroticatirũmũma, jud'io masa ïna usũsãjarirũmũ ñacaju ti. ¹⁵ To bajiri ïabetiboacacũre ïna ãmiejaro ïacõari, ado bajiro ïre yisẽniãañujarã fariseo masa:

—¿No bajiro yicõari, ïabetirũgũboagũne, ïacoati mũ yuja? —ïre yisẽniãañujarã fariseo masa.

To bajiro ïre ïna yirone,

—Ï goocone sitare yierocõari, yũ cajere tumi. Tire coegũne ïacoaju yũ yuja —ïnare yigotiyuju ï.

¹⁶ To bajiro ï yirone,

—Mũre to bajiro yir'ima, Dios ï cõar'i me ñagũmi. Usũsãjarirũmũre rũcũbũobesumi —yiyujarã ïna.

Gãjerãjuama ado bajiro yiyujarã ïna:

—Rõjose yigũ ï ñajama, ado bajiro ïãããñamanire yibetiborimi —yiyujarã gãjerãjuama.

To bajiri ricatiri rĩne tũõãañujarã ïna fariseo masa. ¹⁷ To yicõari bero, quẽna gãme sẽniãañujarã ïna, ïabecũ ñaboar'ire:

—Mũma, ¿no bajiro tũõãti mũ, “Ïato” mũre yir'ire? —yiyujarã ïna.

To bajiro ïna yirone,

—“Diore gotirẽtobosarimasũ ñagũmi”, yaja yũma —yiyuju ï.

¹⁸ “Ïabecũ ruyuar'i ñaboarine, ïacoasumi yuja”, yirũabesujarã ïna maji. To bajiri ïabetiboar'i jacũare jicõañujarã ïna. ¹⁹ ïna ejaro, ado bajiro ïnare yisẽniãañujarã ïna:

—¿Mũna macũ, ïabecũ ruyuacacũ mũna yigũne ñati ãnima? ¿No bajiro yicõari ïabecũ ñaboarine, ïacoasujari ï yuja? —yisẽniãañujarã ïna, ï jacũare.

²⁰ To bajiro ïna yisẽniãajare, ïnare gotiyujarã ïna:

—Īne ñaami yua macune, ĩabecu ruyuacacune. ²¹ To bajiboarine, “Ado bajiro yicōari, ĩaami yuja”, yimasibeaja yua. Ī cajere ĩarotir'ire masibeaja yua. Īre sēniñaña mua. Bucu ñaami jēre. Ī masu mware gotiato —yiyujarā ĩ jacua.

²² Jud'io masa ujarāre ĩnare güirā ñari, “Jesúne ñaami ĩre ĩarotir'i” ĩnare yiterā ñari, to bajise yiyujarā ĩ jacua. Jud'io masa ujarā ado bajiro yituoñañujarā ĩna:

—“Jesús ñaami ‘Rotimorügörucumi’ yigü, Dios ĩ cōar'i, mani ujü” yirāre sājarotibetiruarāja mani, Dios ocare ĩna buerivirijare —yituoñañujarā ĩna.

²³ To bajiri, “Manire sājarotibetoma” yirā, “Bucu ñaami. Īre sēniñaña”, ĩnare yiyujarā ĩabetiboar'i jacua.

²⁴ To bajiro ĩna yijare, ĩabetiboar'ire ado bajiro ĩre yiyujarā ĩna quēna:

—Dios sīgūrene quēnase ĩre yirucubuoaya, mü cajere ĩarotir'i ĩ ñajare. Jesúwarema, “Rojose yigü ñaami”, ĩre yimasiaja yua —Īre yiyujarā ĩna.

²⁵ To bajiro ĩna yisere ajicōari, ado bajiro yiyuju ĩ:

—“Rojose yigü, quēnase yigü ñagūmi”, ĩre yimasibeaja yua. “Īabecu ñaboacacu, yucurema ĩagü ñaja yu yuja”, yimasiaja yu, tirema —yiyuju ĩ.

²⁶ To bajiro ĩ yisere ajiboarine, quēna ĩre sēniñañujarā ĩna:

—¿No bajiro mure yiri ĩ, “Īato ĩ” mure yigü? —Īre yiyujarā ĩna.

²⁷ To bajiro ĩna yijare, ado bajiro ĩnare cūdiyuju ĩ:

—Jēre mware gotiboabu yu. Yure ajibeaja mua. ¿No yiruarā quēna gāme gotire bojati mua? ¿Mua quēne ĩ buerā ñaruatique? —ĩnare yiyuju ĩ.

²⁸ To bajiro ĩ yisere ajicōari, ĩre tud'iyujarā ĩna:

—Müma, ĩ buegu ñaja mü. Yüama, Moisés ñamasir'i ĩ rotimasirere buerā ñaja yüama.

²⁹ “Moisés ñamasir'ire ñagōñumi Dios”, yimasiaja yua. Mure cator'irema masibeaja yua. “Toju vadir'i ñagūmi”, yimasibeaja yua, ĩrema —yiyujarā ĩna.

³⁰ To bajiro ĩna yisere ajicacōari, ado bajiro ĩnare cūdiyuju ĩ:

—Yu cajere ĩ ĩarotiboajaquēne, “Toju vadir'i ñañumi”, yimasibeaja mua. ³¹ “Rojose yirārema ajibecumi Dios. Īre rucubucōari, ĩ bojasere yirā rĩrene ajigūmi Dios”, yimasiaja mani. ³² “Īabecu ruyuar'ire sīgü ĩre ĩaroticōañuju” yire ajiyamanicaju ti. ³³ Yure ĩarotigüma, Dios ĩ cōagü me ĩ ñajama, yure no yimasibetiborimi —ĩnare yiyuju ĩ.

³⁴ To bajiro ĩ yijare, ado bajiro ĩre yiyujarā ĩna:

—Rēmone rojose rāca ruyuar'i ñaja mü. To bajigü ñaboarine, “Īnare gotimasiorucuja yu”, ¿yituoñaboati mü, yure? —Īre yiyujarā ĩna, ĩabecu ñaboar'ire.

To yicōa, ĩre bucōañujarā ĩna, Dios ocare ĩna buerivijü ñaboagure.

“Yure ajitirñnmenama, caje ĩamenare bajiro bajiana”, Jesús ĩyire queti

³⁵ Īabecu ñaboar'ire ĩre ĩna bucōasere ajicaju yua, Jesúrāca. To bajiri ĩre ĩabujacōari, ado bajiro ĩre yicami Jesús:

—¿Dios ĩ roticōacacure ajitirñnati mü? —Īre yicami Jesús.

³⁶ To bajiro ĩ yirone, ado bajiro ĩre cūdicami:

—Yure gotiya. “Ī ñaami”, yiya. Īre ajitirñnruaja —Jesúre ĩre yicami.

³⁷ To bajiro ĩ yirone, ado bajiro ĩre cūdicami Jesús:

—Jēre ĩre ĩaja mü. Īne ñaja yu, ado mü rāca ñagōgūne —Īre yicami Jesús.

³⁸ To bajiro ĩ yirone,

—Yu ujü, mure ajitirñnruaja yu —Jesúre ĩre yicōa, ĩ rĩjorojware gūsomuniari tuetucami, “Ñamasugü masune ñaja mü” ĩre yirucubuoogu.

³⁹ To ĩ yiro bero, ado bajiro masare yicami Jesús:

—Īamenare bajiro bajirā ñaama Dios ocare ajitirñnato. “Quēnaro Diore ajitirñnato ĩna” yigü, adi macarucurojare vadicaju yu. To bajiboarine Diore ajitirñnmena ñaboarine,

“ ‘Dioire ajitirūnarā ñaja yu’ yirāma, rojose tāmōtūjabetiriaroju varuarāma ĩna” yiguagu vadicaju yu —ĭnare yicami Jesús.

⁴⁰ To bajiro ĩ yijare, to ñacana fariseo masa sīgūri, Jesúre ĩre sēniñacama ĩna:

—¿“Dios ocare masimena ñaama ĩna quēne” yigu, yuare yati mu? —Jesúre ĩre yicama ĩna.

⁴¹ To bajiro ĩna yirone,

—“Dios ocare quēnaro masibeaja yu” muu yigotijama, rojose maniboriaroja ti, muare. “Jēre Dios ocare masiaja yu” yirā ñari, yure muu ajitirūnūbetijare, rojose ñacōa ñaja muare —ĭnare yicami Jesús.

10

Ovejare ĩatirūnūgūre bajiro Jesús ĩre ajitirūnarāre ĩ codese

¹ Quēna masare gotimasioḡū ado bajiro yicami Jesús:

—Ñamasusere riojo muare gotiaja yu. No bojagu oveja ĩna ñarisānirore, sojere sājabecu, soje manijurene joresājagūma, juarudirimasu o gājerā yarāre ēmacudirimasu ñagūmi.

² Sojene sājagūma, ĩnare coderimasu ñaami. ³ Ovejare coderimasure, “Sājajaro ĩ” yigu ĩre soje jānabosagūmi, ti sāniro sojere codegu. ĩ sājatone ĩ oca jedisere ajimasicōarāma ĩna oveja. ĩna vāmene ĩnare jibugūmi, ĩnare masigū ñari. ⁴ ĩnare jibujeocōari, ĩnare rījoro cuti vacūmi. ĩ ocare ajimasicōari, ĩre suyarāma ĩna. ⁵ ĩna ajimasibecurema suyamenama ĩna. ĩ ocare ajimasibeticōari, ĩre rudiruarāma ĩna —ĭnare yicami Jesús, masare.

⁶ Ado bajise ĩnare yigotimasioboacami Jesús. ĩnajūma boca ajimasibeticama.

“Oveja ĩna sājarijojere bajiro bajigu ñaja yu”, Jesús ĩyire queti

⁷ ĩna ajimasibetire masicōari, ado bajiro ĩnare goticami Jesús quēna:

—Ñamasusere riojo muare gotiaja yu. Yu ñaja soje, oveja ĩna sājarijojere bajiro bajigu. Ovejare bajiro bajirā ñaama masa. ⁸ Yu rījoro ejariarāma, “ ‘Rotimōrūḡōrucūmi’ yigu, Dios ĩ cōagū ñaja yu”, yisocariarāma. ĩna ñaro cōrone juarudirimasare bajiro bajirā ñacoayuma ĩna, yure ajitirūnūriarāre, “Ajitirūnūbeticōaña” yirā. To bajiro ĩnare ĩna yiboajaquēne, yure ajitirūnūrājuama, ĩnare cudibesuma ĩna. ⁹ Yu ñaja sojere bajiro bajigu. No bojarāre yure ajitirūnūrāre, rojose tāmōtūjabetiriaroju ĩna vaborotire ĩnare yirētobosarūcūja yu. Ovejare coderimasure bajirone quēnaro ĩnare ĩacoderūḡūrucūja yu. To bajiri ñie ḡūiose mano quēnaro ñacōa ñarūḡūruarāma ĩna.

¹⁰ Juarudirimasa, masare juarudiruarā, ĩnare sīama ĩna. Yūjuama, “Sīgū ruyabeto catireayere quēnaro cuojedicōato ĩna” yigu, vadicaju yu. ¹¹ Yu ñaja ovejare quēnaro coderimasure bajiro bajigu. Ovejare quēnaro coderimasure ĩre ĩna sīarūaboajaquēne, quēnaro ĩnare codecōa ñarūcūmi. ĩre bajiro bajigu ñaja yu. Yure ajitirūnūrā rojose ĩna yise vajare yune ĩnare vaja yibosarocū ñaja yu. ¹² Sīgū, vaja bojagu rīne ĩ moajama, quēnaro ovejare codetirūnūbecūmi. Buyairo ĩ ejaro ĩacōari, ovejare vaveocoacūmi ĩ, ĩre rudigu. ĩ yarā oveja me ĩna ñajare, ĩnare vaveocoacūmi. To bajiri, buyairo jiaejacōari, ovejare ĩnare āḡōbatereacōagūmi. ¹³ Vaja bojagu masune moagū ñari, ovejare ĩnare maibecūne, ĩnare vaveorūcūmi, ĩ yarā me ĩna ñajare.

¹⁴⁻¹⁵ Yu ñaja ovejare quēnaro coderimasure bajiro bajigu. Dios, yu jacū yure ĩ masirore bajirone yu quēne ĩre masiaja. Tire bajirone yure ajitirūnūrāre quēne ĩnare ĩamasiaja yu. ĩnajūa quēne, yure ĩamasiamā ĩna. ĩnare rijabosarocū ñaja yu. ¹⁶ Yure ajitirūnūrona, sīgūri, jud'io masa me ñaruarāma. ĩnare quēne ĩnare jirēorūcūja yu. ĩna quēne yure cudiruarāma ĩna. To bajiri cojorūmū cojo masare bajirone bajicōa ñarūḡūruarāma ĩna, gāmerā ĩamairā. To bajiri yu sīgūne quēnaro ĩnare coderūḡūrucūja yu.

¹⁷ Yure ajitirūnūrāre ĩnare rijabosarūaja yu, “ĩna rijato beroju rojose tāmōtūjabetiriaroju vatoma ĩna” yigu. Yu rijato beroju quēna tudicatirūcūja yu,

bajiguma. Yure ajitirunare yu rijabosarajare, yu jacu buto yure maiami. ¹⁸ Masare yu rijabosarabetijama, no bajiro yicōari yure sīabetiborāma ĩna. Masare yu rijabosarase ĩaja yu bojarore bajirone yu yiroti. To bajiri, quēna yu tudicatirajama, caticoa masiaja yu. To bajiro yu yimasirotire yure cūcami yu jacu —masare yigoticami Jesús.

¹⁹ To bajiro ĩ yisere ajicōari, jud'io masa ujarā ricatiri rīne tuoīacama ĩna. ²⁰ Jājarā ĩna rācana ado bajiro yicama:

—Vāti sāñagū, mecūrimasu ĩ ĩaboajaquēne, ¿no yirā ĩre ajiati ma? —ĩnare yicama ĩna.

²¹ Gājerājuma, ado bajiro yicama ĩna:

—Vāti sāñagū ĩ ĩajama, to bajise ñagōbetiborimi; to yicōari, caje ĩamenare quēne ĩnare ĩarotibetiborimi —yicama ĩna.

Jud'io masa ujarā, Jesúre ĩna ajirabeti queti

²² Jerusalénju Diore yirūcubūoriavijare ĩarāre Diore rūcubūomenare ĩnare bucōari, ĩna quēnore tuoīariarūmari ĩacaju ti, tirūmari. Juebucurūmari ĩacaju ti. ²³ To bajiri Diore yirūcubūoriaviju sājacōari, Salomón vāme cutijacatuajare vacaju yua Jesúrāca. ²⁴ To bajiro yua bajiñarone, Jesús tūju jud'io masa ujarā rējacōari, ado bajiro ĩre sēniīacama:

—¿No cōroju, “Ī me ĩaami. ĩne ĩaami”, mare yimasirāti yua? “Rotimūorūgōrūcūmi” yigu, Dios ĩ cōar'i ma ĩajama, yucane riojo yure gotiya —Jesúre ĩre yicama ĩna.

²⁵ To bajiro ĩna yisere ajicōari, ado bajiro cūdicami Jesús:

—Jēre mare gotiboaja yu. Yure ajibeaja ma. Yu jacu ĩ rotisene cojoji me mare yīōcōarūgūboaja yu. Tire ĩacōari, “ĩne ĩaami”, mare yiroti ĩarūgūboaja ti. ²⁶ Yu yarā me ĩaja ma, bajirājuma. To bajiri yure ajitirūnubeaja ma. ²⁷ Oveja ĩna uju ocare ĩna ajimasirore bajirone yu yarā yure ajimasiamā ĩna. Yu quēne quēnaro ĩnare masiaja. To bajiri yure ajitirūnū sūyaama ĩna. ²⁸ Dios ĩ catisere ĩnare ĩsiaja yu. To bajiri niyane yure jicāmoto ecobetirūcūmi. To bajiri, ĩna rijato beroju, quēna tudicatijedicōari yu rāca quēnaro ĩnacōa ĩarūgūrāma. ²⁹ “ĩnare cūoato” yigu, yu jacu yure cūcami. Niyane ĩ rētoro masigū magūmi. To bajiri niyane yure jicāmoto veomasibetirūcūmi. ³⁰ Yu, yu jacu rāca sīgūne ĩaja yua —yicami Jesús, jud'io masa ujarāre.

³¹ To bajiro ĩ yirone, gūtarire juacama ĩna, ĩre rearuarā. ³² To bajiro ĩna yisere ĩacōari, ado bajiro ĩnare yicami Jesús:

—Yu jacu ĩ masisene cojoji me ma ĩaro rījorojua ĩaīañamanire yīōrūgūmū yu. ¿Di vāme yu yīōsere ĩacōari, “Rojose yigu yami” yirā, gūtane yure rearuati ma? —ĩnare yicami Jesús.

³³ To bajiro ĩ yirone, ado bajiro ĩre cūdicama ĩna jud'io masa ujarā:

—Īaīañamanire ma yīōse sūori me gūta rāca mare rearuarāja yua. Rujajine Diore ma yise vaja mare rearuarāja yua. Yure bajiro masu ĩaboarine, “Dios ĩaja yu”, yiboaja ma —ĩre yicama ĩna, Jesúre.

³⁴ To bajiro ĩna yijare, ado bajiro ĩnare yicami Jesús:

—“Yure bajiro bajirā ĩaja ma' yiyumi Dios”, yucamasire ĩaja, ma ĩicua ĩna rotimasire. ³⁵ “Dios ocare masa ĩna ucamasire riojo ĩamasuse ĩaja”, yimasiaja mani. “Ī ocare ajitirūnare, Yure bajiro bajirā ĩaja ma' yiyumi Dios”, yimasiaja mani. ³⁶ “Mu sīgūne ĩaja ma, yure bajiro bajigu” yigu, adi macarūcūrojare yure cōacami Dios. To bajiro ĩ yicacu yu ĩaboajaquēne, “Dios macu ĩaja yu” yu yirone, ¿no yirā, “Diore yiajegu yaja ma”, yure yati ma? ³⁷ Yu jacu ĩ yirore bajirone yu yibetijama, yure ajitirūnūbesa. ³⁸ Yu jacu ĩ yirore bajirone yu yijama, yure ajitirūnūbetiboarine, yu yīōsere ĩacōari, “Dios macu ĩaami”, yitūōiaroti ĩaja mare. To bajiri, “Yu jacu rācane ĩaja yu. Ī quēne yu rācane ĩaami” yu yigotimasiosere ajicōari, “Riojo gotiami”, yure yimasirona ĩaja ma —ĩnare yicami Jesús.

³⁹ To bajiro ĩ yisere ajicōari, ĩre ĩaruaboacama ĩna. Jesújuma boca rudicoacami.

⁴⁰ To bajivacu, Jordán vāme cutirisa gajejacatūaju yure ūmato jēacoacami Jesús. Toju ejacōari, masare oco rāca Juan ĩ bautiza ĩacatojare tujacaju yua yuja. ⁴¹ Tojare jājarā masa ĩre ĩarā ejacama. Jesúre ĩre ĩacōari, ado bajiro gāmerā yicama ĩna:

—Íaíñañamanire yíibetiboarine, jediro Jesús í bajisere gotigũ, socũ mene gotiyumi Juan —gãmerã yicama masa.

⁴² Tojũre jãjarã masu, Jesúre íre ajitirũnũ sũyasũocama ína yuja.

11

Lázaro í bajirocare queti

¹⁻² Sígũ ñacami Lázaro vãme cutigũ. Í bederã rõmiri ñacama Mar'ia, gajeo Marta. Ína ñacama Betania vãme cuti macana. Mar'ia ñacamo so, Jesús gũborire sãtiquẽnase tucõari so joa ñajone vejacarocaco. Bũto rijayuju Lázaro. ³ Lázaro í rijaro íacõari, í bederã rõmiri Jesúre íre oca cõañuma ína:

—Mũ baba Lázaro bũto rijami —íre yi oca cõañuma ína.

⁴ Tire ajicõari, ado bajiro yũare yicami Jesús:

—Rijaye íre sãbetoja. “ ‘Quẽnarẽtogũ ñaami Dios. Í cõrone quẽnagũ ñaami í macũ quẽne’ yirũcũborãjaro masa” yigũ, rijagũ bajigũmi —yũare yicami Jesús. “Íre rijaye íre sãbetoja” yigũ, “Rijayayicõa tũjabetirũcũmi” yirũne yicõañumi.

⁵ Lázarore, í bederã rõmiri Martare, to yicõari, Mar'iare quẽne ínare maicami Jesús. ⁶ To bajiboarine, “Bũto rijami Lázaro” ína yisere ajiboarine, vabeticami Jesús maji. Tone yũa ñacatone jũarũmũ ñacõacajũ yũa maji, Jesúráca. ⁷ To baji, jũarũmũ bero yũare í buerãre ado bajiro yũare yicami Jesús:

—Ita quẽna, Judea sitajũ. Lázaro í ñarojũ vajaro mani —yũare yicami Jesús.

⁸ To bajiro í yisere ajicõari, ado bajiro íre sẽnĩacajũ yũa:

—Cãnũbusane toana jud'io masa mũjarã gũta ráca mũre rearũacama ína. ¿Tojũre quẽna tudivaroti tũoĩati mũ, yũare gotimasiogũ? —íre yisẽnĩacajũ yũa, Jesúre.

⁹ To yũa yirone, ado bajiro yũare cũdicami Jesús:

—Adi macarũcũrojũre mani catiro cõro quẽnaro cõĩamasiami Dios. Í bojaro cõro catirũarãja mani. No bojarã Diore masirã, Dios í bojasere yitũjabeama, yũre ajitirũnũrã ñari. ¹⁰ Diore masimenajũama, Dios í bojasere yirũabeama, yũre ajitirũnũmena ñari —yũare yicami Jesús.

¹¹ Tire yũare goticõa, quẽna gajeje yũare gotirẽmocami:

—Mani baba Lázaro, cãnicoarimi. To bajiri íre yujiogũacũ yaja yũ —yicami Jesús.

¹² To bajiro í yijare, ado bajiro íre yicajũ yũa:

—Cãnigũ í bajijama, caticoarũcũmi —íre yicajũ yũa, Jesúre.

¹³ “Cãnigũ bajigũmi” Jesús í yisere ajicõari, “Í usũsãjarere yigũmi”, yicõacajũ yũa. To bajiro yũa yitũoĩaboajaquẽne, Jesújũama, “Bajirocacoarimi” yirũne yicõañumi Jesús. ¹⁴ To bajiri, “Yũre quẽnaro ajimasibeama ína” yigũ, riojo yũare goticami Jesús:

—Lázaro bajiyayicoarimi —yicami yuja. ¹⁵ —Variquẽnaja. Quẽnaro í tũjũre vabejũ yũ, “Riojo Dios macũne ñaami” mũa yirũcũborotire yigũ. To bajiri, ita. Íato, Lázarore —yũare yicami Jesús.

¹⁶ Jesús buerimasũ yũa rácagũ, Tomás vãme cutigũ ñacami. Cojoji ruyuarãne, jũarã ruyuar'í yũa yicacũ ñacami. Ado bajise yũare yicami:

—Ita mani quẽne. Jesúrácane bajiyayirãsa —yũare yicami Tomás.

“Yũ ñaja masare catiomasigũ”, Jesús í yire queti

¹⁷ To bajiri, Betaniajũ yũa ejarone, —Babarirũmũri tũsajũ, Lázarore ína yujero bero —yũare yigoticama masa.

¹⁸ Jerusalén macajũ ñacõari, vajama, tres kilómetros vaejariaro ñacajũ Betania maca.

¹⁹ Jerusalén maca vadiriã jud'io masa jãjarã ejayuma, Lázaro í bajirocãjare otirã. “Quẽnabeti bajiaja ti mũa gagũ í bajiyayise” Martare, to yicõari Mar'iare quẽne yiotirã ejayuma ína. ²⁰ To bajiro ína yíñarone, “Vadiami Jesús” ína yisere ajicõari, yũare bocago,

vadicoayumo Marta. To so bajiro ũnone, so bedeo, Mar'iajuma, vadibesumo. Vijune ñacōañumo so. ²¹ Jesús tujure ejacōari, ado bajiro ĩre yicamo Marta:

—Yũ ujũ, adone mũ ñajama, yũ gagũ bajiyayibetiborimi. ²² ĩ bajirocato bero ti ñaboajaquẽne, “Diore mũ sēnijama, mũ sēnirore bajirone mare cudirucumi Dios”, yimasiaja yũ —Jesũre ĩre yicamo so, Marta.

²³ To so yisere ajicōari,

—Mũ gagũ quẽna caticoarucumi —sore yicami Jesús.

²⁴ To bajiro ĩ yijare,

—Socũ me yaja mũ. Ñatusarirũmũ masare Dios ĩ catorirũmũ, quẽna caticoarucumi yũ gagũ —ĩre yicamo so.

²⁵⁻²⁶ To so yisere ajicōari, ado bajiro sore yicami Jesús:

—Yũ ñaja masare catiogũ masuma. No bojarã yũre ajitirũnrãma bajiyayicoabarine, quẽna tudicaticōarũrãma ĩna. To ĩna bajiro bero, jũaji tudirijabetirũarãma. ¿Tire ajitirũnũati mũ quẽne? —Martare sore yisēniñacami Jesús.

²⁷ To bajiro ĩ yisere ajicōari,

—“Yũ ujũ, mũ yirore bajirone bajaiaja ti. Mũne ñaja, ‘Rotimũorũgõrũcumi’ yigũ, Dios ĩ cōar'i, masa ñajediro ujũ. Dios macũne ñaja mũ, adi macarũcrojũre vadir'i”, mare yimasiaja yũ —Jesũre ĩre yicamo so.

Lázaro masa boero tujũ Jesús ĩ otire queti

²⁸ To yicōa, so bedeo Mar'iare, sore jigo, tudicoacamo Marta. So tujure ejacōari, ado bajiro Mar'iare sore gotirudiyuju so, yayioroaca:

—Manire gotimasiorimasũ tone ñaami. “Vadiato”, mare yimi —sore yiyuju Marta, so bedeo.

²⁹ To sore so yigoticōarojũma, guaro vãmũ budi vadicoayumo so Mar'ia, Jesũre ĩre ĩagoago. ³⁰ Jesũrãca ti macajũre ejabeticaia yũ maji. Marta yũare so bocacatojũne ñacōacajũ yũ maji. ³¹ Mar'ia rãca ñañuma ĩna jud'io masa, so gagũ ĩ bajiyayijare otirã. To bajiri Mar'ia guaro so vãmũ vado ĩacōari sore sũyayuma ĩna quẽne. “Masa boero tujũ otigo, vaco bajigomo” yirã baji ruyuyuma ĩna.

³² Mar'ia, Jesús tujũ ejacōari, ĩ gũbori tujũ gũsomuniari tuetucamo so, ĩre rãcũbũogo. To yicōari, ado bajiro ĩre yicamo so:

—Yũ ujũ, cãnũjũ mũ ejajama, yũ gagũ bajiyayibetiborimi —Jesũre ĩre yicamo so, Mar'ia.

³³ Mar'ia so otisere ĩacōari, so rãca vadicana jud'io masa quẽne ĩna otisere ĩacōari, Jesús, bũto sũtiriticami. ³⁴ To bajicōari ĩnare sēniñacami Jesús:

—¿Nojũ ĩre yujemasiri mũa? —ĩnare yisēniñacami Jesús.

To bajiro ĩ yirone,

—Adojũa ĩagũ vadiĩasa yũa ujũ —ĩre yicama ĩna.

³⁵ To bajiro ĩre ĩna yirone, oticami Jesús. ³⁶ Jesús ĩ otisere ĩacōari, ado bajiro yicama ĩna jud'io masa, sīgũri:

—ĩaĩsaque. Lázarore bũto ĩre maiboayumi —gãmerã yicama ĩna.

³⁷ To bajiro ĩna yirone, gãjerã sīgũri ado bajiro yicama:

—Caje ĩabecũre ĩaroticacũ ñaboarine, ¿no yigũ Lázarorema, “Rijabeticōato”, yimasibesujari? —gãmerã yicama ĩna sīgũri, to ñacodecana.

Lázaro ĩ tudicatire queti

³⁸ Bũto sũtiritigũne, ejarũgũcami Jesús, Lázaro masa boero tujũre. Gũtavi ñacajũ ti, bajirocar'ire ĩna yujeriajũ. Gũtane bibe ecoyuja. ³⁹ Tojũre ejagũne,

—Gũtare tũnuo gocōañũ —ĩnare yicami Jesús.

To bajiro ĩ yirone ado bajiro ĩre yicamo so, Marta, Lázaro ñaboar'i bedeo:

—¡Yũ ujũ, majique! Babaricãrãcũmũ tũsacoajũ ĩ bajiyayiro bero. Jẽre ãni sũticoacumi —Jesũre yicamo so.

⁴⁰ To so yiboajaquêne, ado bajiro sore yicami Jesús:

—Yure m̄ ajitir̄n̄jama, r̄etoro ñamasusere Dios i yimasisere ñar̄ucoja m̄, m̄re yib̄u ȳ —sore yicami Jesús.

⁴¹⁻⁴² To bajiri yuja, ḡtare t̄nuogocama masa. Ñna t̄nuogorone, ò vecaj̄are ñar̄ucōari, ado bajiro yicami Jesús:

—Cac̄, “Quēnaja” m̄re yaja, yure m̄ ajise ñajare. Tocār̄acajine m̄re ȳ sēniro ajir̄ūḡaja m̄. To bajiri, “ ‘Dione ñaami Jesúre ñre cōar'i’ yimasiato ñna” yiḡ, ñna ñaro r̄ijoroj̄a ȳ yimasirotire m̄re sēniaja ȳ —Diore yicami Jesús.

⁴³ To yigajanoḡane, tutuase avas̄cami Jesús yuja:

—Lázaro, budiaja m̄ —yicami Jesús.

⁴⁴ To bajiro i yirone, bajirocar'ire ñna yujer'i ñaboarine, budicoadicami Lázaro. Ñ ricarire to yicōari, i rujare quêne sudine d̄arear'i ñacami. Ñ ḡbori, i rujoa quêne sudine ḡumar'i ñacami. To bajiri,

—Ñre òjaña m̄a. Vajaro i —ñnare yicami Jesús.

“¿No bajiro yicōari, Jesúre ñre s̄iar̄ati mani?” , ñna yire queti

(Mt 26.1-5; Mr 14.1-2; Lc 22.1-2)

⁴⁵ To bajiro Jesús i ȳiosere ñacōari, j̄jar̄a jud'io masa, Mar'iare baba cuticana, Jesúre ñre ajitir̄n̄u s̄ayas̄ocama ñna. ⁴⁶ Ḡajer̄ama, Jesús i ȳiosere ñacōari, fariseo masare gotir̄a vasujar̄a ñna. ⁴⁷ Ñna gotisere ajicōari, fariseo masa, paia ujar̄a r̄aca r̄ējañujar̄a ñna. R̄ejacōari, jud'io masa ujar̄are, Dios i rotimasire gotimasiorimasare quêne jir̄ecōañujar̄a ñna. To bajiri ñna r̄aca ado bajiro ḡamer̄a ñagōñujar̄a ñna:

—¿No bajiro ñre yir̄ati mani? B̄to masune ñaiañamanire ȳioḡ yami. ⁴⁸ To bajirone ñre mani yiboa t̄ajajama, masa jediro ñre ajitir̄n̄u r̄ar̄ama. To bajicōari, Diore yir̄ac̄ub̄oriavire caguereacōar̄ar̄ama romano masa. To yicōari mani ñarimacarire rea-jeocōar̄ar̄ama ñna —ḡamer̄a yiyujar̄a ñna.

⁴⁹ Ti c̄umare paia uju ñamasuḡ Caifás v̄ame cutiḡ ñacami. To bajiro ñna yisere ajicōari, ado bajiro ñnare gotiyuju i:

—Masibeaja m̄a. ⁵⁰ Mani ye jedirore ñna reajama, quēnabetoja. To bajiri ñaiañamanire ȳioḡ, manire rijabosato i —yiyuju Caifás.

⁵¹⁻⁵² Ñ masurione to bajise t̄oñacōari, yibesuju Caifás. Paia uju ñamasuḡ ñari, Dios s̄orine to bajiro gotiyuju, Jesúre ñre s̄iar̄aḡ ñaboarine. “Jud'io masa r̄irene ñnare rijabosabetir̄c̄ami Jesús. No bojar̄a Jesúre ñre ajitir̄n̄u r̄ona Dios r̄ia ñaronare adi macar̄uc̄roanare ñnare rijabosar̄c̄ami Jesús” yimasibec̄ ñaboajaquêne, i t̄oñasere Caif̄are cōañuju Dios. ⁵³ To bajiri, Caifás i gotiriar̄um̄ne, “¿No bajiro yicōari Jesúre ñre s̄iar̄ati mani?”, ḡamer̄a yis̄oyujar̄a ñna, jud'io masa ujar̄a.

⁵⁴ To bajiri, jud'io masa ñna ñarorema ñacudibeticami Jesús yuja. To ñabec̄ane, yucú manoj̄ ñarimaca, Efra'in v̄ame cuti macaj̄a ȳare ùmato vacoacami Jesús.

⁵⁵ Pascua boser̄um̄ ñna yiroto mojeroaca r̄yacoadicaj̄a ti. To bajiri, j̄jar̄a masa vacama Jerusalén̄j̄, “ ‘Rojose mana ñaja m̄a yuja’ manire ȳīato Dios” yir̄a, paia ñna yirotirere yir̄a vana. ⁵⁶ Toj̄are ejacōari, Jesúre macaboayujar̄a ñna. Ñre macaboana, Diore yir̄ac̄ub̄oriavij̄are ejacōari ado bajiro ḡamer̄a s̄ēñañujar̄a ñna, Jesús i ejabetijare:

—¿M̄ma no bajiro t̄oñati m̄? ¿Boser̄um̄ vadibetimasucōaḡ yiguida? —ḡamer̄a yiyujar̄a ñna, Jesús i ejabetijare.

⁵⁷ Fariseo masa, to yicōari, paia ujar̄a quêne, “Jesúre m̄a ñab̄ajajama, ȳare gotiba. Ñre ñiar̄ar̄a yaja ȳa”, yiyujar̄a ñna, masare.

12

Jesús ḡaborire s̄atiquēnasene r̄ōmio so yuejeore queti

(Mt 26.6-13; Mr 14.3-9)

¹ Cojomo cōro, coja jēnitarirūmari Pascua boserūmā ñaroti ti ruyarūtuo Betania vāme cuti macajū vacajū yua, Jesúrāca. Lázaro ī ñarimaca ñacajū ti maca Betania. To ñacajū Lázarore, bajirocaboar'irene Jesús ĩre ī catiocato. ² Jesús ĩ ejaro ĩacōari, ĩre rucuborā ĩre bare quēnoecacama toana rōmiri. Lázaro bedeo, Marta ñacamo, yuare bare jeogo. Lázaro quēne ñacami, yua rāca bagu. ³ Yua bañarone sutiquēnase nardo vāme cutisere amiejacamo Lázaro bedeo ñatusago, Mar'ia vāme cutigo. Trescientos gramos cōro ñacajū ti. Jairo vaja cutise ñacajū. Tine Jesús guborire yuetucamo so. Yuetucōari so joa ñajone tire vejacarocamo so. Vi jūmarone sutijūmcoacajū ti.

⁴ Tone ñacami Judas Iscariote quēne. ĩ quēne yuare bajirone Jesús buegū ñacami. ĩ ñañumi Jesúre ĩaterāre ĩsirocarocū. Jesús guborire so yueturo ĩacōari, ado bajiro sore yicami:

⁵ —Tire sutiquēnasere ĩsicōari, trescientos ñaritiiri juaroco ñaboayumo so. Ti vaja juacōari, maioro bajirāre ĩnare mani ĩsijama, quēnaboyuja ti —sore yicami Judajūama.

⁶ Maioro bajirāre maibetiboarine to bajiro yicōacami ĩ. Juarudirimasū ñari to bajise yicami ĩ. ĩ ñarūgūcami yua gājoare juabosarimasū. To bajiro yica yigūne yua gājoare juarudicōarūgūñumi ĩ. ⁷ To bajiri Judas to bajise sore ĩ yijare, ado bajiro ĩre yicami Jesús:

—Tone yicōato. Yuare ĩna yujeroto rĳoro yuejeo rĳoro cutigo yamo so. ⁸ Maioro bajirā mūa rāca ñacōa ñarūgūruarāma, mūa ejarēmorona. Yuma, mūa rāca ñacōa ñabetirucūja — ĩre yicami Jesús.

Lázarore ĩna sĳarare queti

⁹ “Betania macajū ñaami Jesús” ĩna yisere ajicōari jud'io masa jājarā ejacama. Jesús sĳārene ĩre ĩarā ejarā me, bajicama ĩna. Lázarore, Jesús ĩ catior'ire ĩarā rācane vayuma ĩna. ¹⁰⁻¹¹ Lázarore quēne sĳarayujarā ĩna paia ujarā, ĩre Jesús ĩ catiore suorine, jājarābusa Jesújūare ajitirūnū sūyacōari, ĩnare ĩna cāmotadise ñajare.

“Rotimorūgōrucūmi” yigū, Dios ĩ cōagū ñaja yū” yĳogū, Jerusalénjū Jesús ĩ ejare queti (Mt 21.1-11; Mr 11.1-11; Lc 19.28-40)

¹²⁻¹³ Jerusalénjū Pascua boserūmā ĩna yĳarore ĩarā, jājarā masa ejayuma ĩna. To bajiri Mar'ia Jesúre so yuetucatirūmā beroagarūmā ñacajū tirūmūma. To bajiri tirūmūrene Jesús ĩ ejarotire ajicōari, jejejū ũni rujañoquerire jasurejuacōari Jesúre bocacama. ĩre bocarā, ado bajiro yivasā variquēnacama ĩna:

—ĳ“Rotimorūgōrucūmi” yigū, Dios ĩ cōar'i ñaami! ĳQuēnase ĩre yivariquēnato mani! ĳDiore rotibosagū quēnaro ĩ yigū ñaami! —Jesúre ĩre yivasā variquēnacama ĩna.

¹⁴ To bajiro ĩna yi vatone, burro vāme cutigūre ĩre bujacōari, ĩre vajejacami Jesús, “To bajirone bajirucūmi” Dios oca, masa ĩna yucamasire ñajare. Ado bajiro yucamasiñuma ĩna:

¹⁵ “Mūa Jerusalén macana, güibetiruarāja mūa. Mūa uju ñarocū burro vāme cutigū joejū jesacōari, vadirucūmi”, yucamasiñuma.

¹⁶ Maji to bajiro ĩna yucamasirere ajimasibeticajū yua, ĩ buerimasa. Jesús masare rijabosacōari Dios ĩ ñarojū ĩ tudimujato bero, “Dios ocare masa ĩna ucamasire, Jesús ĩ vaditirene gotiyuja ti”, yimasicajū yua yuja.

¹⁷ Jēre ĩna yujerijūre Lázarore Jesús ĩ catiocatire ĩacana, masa jedirorene gotibatocōañuma. ¹⁸ To bajiri, ĩañañamanire Jesús ĩ yĳocatire ajicōari Jesúre ĩarā ejacama jājarā masa. ¹⁹ To bajiro masa ĩna yisere ĩacōari fariseo masa ĩna masune gāmerā ñagōñujarā ĩna:

—ĩaña. Masa jediro ĩ ocare ĩre ajitirūnūama ĩna yuja. No yiriaro maja mani —gāmerā yiyujarā fariseo masa.

Griego masa Jesúre ĩna macare queti

²⁰ Pascua boserãmure Jerusalénju Diore rãcubũorã vana rãca sīgũri vhsacama griego masa. ²¹ Felipere sēniarã ejayujarã ñna. Galilea sita Betsaida vãme cuti macagũ ñacami Felipe. Jesús buegũ ñacami ĩ quēne. Ado bajiro Felipere yiyujarã ñna:

—Jesúrãca ñagõruaja yũ —Felipere ĩre yiyujarã ñna.

²² To bajiro ñna yisere ajicõari, Andrére ĩre gotigũ vasuju Felipe. To bajiri ñna jũarã Jesúre gotirã ejacama, yũ tũju. ²³ Ñna gotisere ajicõari, ado bajiro yicami Jesús, ĩnare:

—Yũ ñaja Dios ĩ roticõacacu. Yũre ñna sãarotirãmũ cõñaja ti. Yũre ñna sãaro bero, “Rẽtoro quēnagũ ñaami”, yũre yimasirũarãma masa. ²⁴ Ñamasusere riojo mũare gotiaja yũ: Yũ rijabosabetijama, masa ñajediro, Diorãca quēnaro ñabeticõari, ñna bajirearo bero, rojose tãmũotũjabetiriaroju varũarãma. Trigo aje oteriarore bajirone bajiaja ti. Trigo ajea, sita ĩñeroca tiare ñna coacũbetijama, judibetoja ti. Tiare ñna coacũjama, judicõari, jairo rica cutirũaroja ti. To bajirone bajirũaroja yũre quēne. Yũre ñna yujejare, yũ sũorine ñna rijato bero quēnaro catijedicõa ñarũgũrũarãma jãjarã yũre ajitirãñũrona. ²⁵ No bojarã, no ñna bojarone ñare cutirãma adi macarũcũro ñasere ĩavariquēnacõari, Diore tũoĩamenama, Dios ĩ catisere cũomena ñarũarãma ñna. To bajiboarine, yũre ajitirãñũrã, “Ī oca yũ gotise ñajare, yũare ñna sãacõajama, quēnacõaroja” yirãma, Dios ĩ catisere cũorã ñarũarãma. ²⁶ No bojagũ yũ bojasere yirũagũ, quēnaro yũre ajitirãñũ sũyaroti ñaja. To bajiro bajigũma, yũ rãca ñacõa ñarũgũrũcũmi. To bajiro bajigũrema quēnaro ĩre rãcubũorũcũmi yũ jacũ —ĩnare yicami Jesús.

“Masare rijabosarũcũja yũ”, Jesús ĩ yire queti

²⁷ To bajiro yicõari, ado bajiro ñagõcami Jesús quēna:

—Bũto tũoĩasũtiritiaja yũ. ¿No bajiro yigũti yũ? ¿“ ‘Cacu rojose tãmũoromi’ yigũ, yũre matabosaya”, yigũti yũ? To bajiro yibetirũcũja yũ. Tire tãmũorũne vadicacu ñaja yũ —yicami Jesús.

²⁸ To bajiro yicõa, Diojũare sēnicami yuja:

—Cacu, mũ bojarore bajirone bajiato. Masa mũare rãcubũorãjaro —Diore ĩre yicami Jesús yuja.

To bajiro ĩ yirone, õ vecajũ ocaruyucajũ:

—Mũ sũori “Masa quēnaro yũre yirũcũbũoato” yigũ, yicoadicajũ yũ. To bajiri, yirũcũja yũ quēna, mũ bajirotire —yi ocaruyucajũ õ vecajũ.

²⁹ Tire ajirãne,

—Bũjo ñaromi —yicajũ yũ sīgũri.

Gãjerãma:

—Ángel ĩre ñagõgũ yiromi —yicama ñna.

³⁰ To bajiro masa ñna yisere ajicõari, ado bajiro yicami Jesús:

—“Yũre yiro me”, yi ocaruyujaja ti. Mũare “Ajiao” yiro, yaja. ³¹ Yucũacane rojose yũre yirãre ĩabesũorũcũmi Dios. To bajiro ĩ yisũorone masare ĩnare rojose yirofigure yirẽtorũgũrũcũja yũ. To yũ yirone, masare ĩ rotirũgũboasere rotimasibetirũcũmi ĩ yuja.

³² Yucũtẽroju masa yũre ñna jajutuse sũorine masa ñajediro mũ ñarũcũja yũ yuja. To bajiro yũ bajise sũorine, “Dios macũ, yũ mũ ñarũcũja mũ, mũ masise rãca yũre ejarẽmorocũ”, yirũarãma jãjarã adi macarũcũroana.

³³ To bajiro ĩ yijama, “Ado bajiro sãacõarũcũja” yigũ yicami. ³⁴ To bajiro ĩ yijare, ado bajiro ĩre cũdicama masa:

—Dios ocare masa ucamasire ti gotijama, “ ‘Rotimũorũgõrũcũmi’ yigũ, Dios ĩ cõarocũ bajirocabetirũcũmi”, yigotiaja ti. To bajiro ti yigotiboajaquēne, ¿no yigũ, “ ‘Rotimũorũgõrũcũmi’ yigũ, Dios ĩ cõagũre yũre jajuturũarãma ñna”, yati mũ? ¿Ñimũjua Dios ĩ roticõar'i masuma ñati? —Jesúre ĩre yicama ñna.

³⁵ To bajiro ñna yijare, ado bajiro cũdicami Jesús:

—Ym s̄orine riojo ñamasusere masiama masa, ñna masir̄ajama. Yoaro mene m̄are vaveoḡaḡu yaja ym. To bajiri ȳre quēnaro ajitir̄n̄at̄saya m̄a, “Ī yirore bajirone yir̄asa mani” yir̄a. To bajise m̄a yijama, rojose t̄m̄ot̄jabetiriaroju vabetir̄ar̄aja m̄a. Diore masimenaj̄ama, rojose t̄m̄ot̄jabetiriaroju ñna varotire masibeama. ³⁶ To bajiri, m̄a r̄aca ym ñarone ȳre ajitir̄n̄a, “Īre bajirone Diore masicoar̄ar̄aja mani” yir̄a —ñnare yicami Jesús.

To bajiro masare ñnare yigotigajanoc̄o, ñna masibetoju vac̄ari, ñnare yayicami Jesús.

Jud'io masa Jesúre ñna ajitir̄n̄abetire queti

³⁷ Jesús, jairo ñañamanire ñnare ĩ yĩoboajaquēne, ĩre ajitir̄n̄abeticama masa. ³⁸ “To bajiro bajir̄aroja ti” Isa'ias ñamasir'i, ĩ yimasire ñajare, bajicaj̄u ti. Ado bajiro yiucamasiñumi:

“Ym̄a m̄j̄u, m̄re ym̄a gotir̄etobosasere ajiboarine, to yic̄ari, m̄u yĩosere ĩboarine, m̄re ajitir̄n̄uḡu maami”, yiucamasiñumi Isa'ias ñamasir'i.

³⁹ Dios ĩ c̄aroc̄ure ajitir̄n̄abetironare yiḡu ado bajiro ucamasiñumi Isa'ias ñamasir'i quēna:

⁴⁰ “Īre ñna ajitir̄n̄abeti vaja ñna masiboasere ñnare masiriojeoc̄ar̄c̄ami Dios. To bajiro ĩ yise ñajare, ĩre ajimasibetir̄ar̄ama. Riojo ñna ajimasijama, rojose ñna yir̄uḡusere t̄oĩas̄ut̄iritic̄ari, t̄oĩavasoabor̄ama ñna. Ȳre ñna s̄enijama, ȳre ñna c̄amotadic̄o t̄jaborotire ñnare yir̄etobosaboḡaja ym, yigotiami Dios”, yiucamasiñumi Isa'ias ñamasir'i.

⁴¹ “Cristo r̄etoro ñamasuḡu maami” Dios ĩ yĩosere ĩac̄ari, to bajiro yiucamasiñumi Isa'ias.

⁴² “To bajiro bajir̄aroja” Isa'ias ĩ yiucamasire ñaboajaquēne j̄jar̄a jud'io masa, to yic̄ari ñna m̄jar̄a quēne s̄iḡuri Jesúre ĩre ajitir̄n̄ac̄ama ñna. To bajir̄a ñboarine, masa ñna ajiro r̄ijoroj̄u, “Jesúre ajitir̄n̄ar̄a ñaja”, yibeticama ñna bajir̄aj̄ama, fariseo masa, “Jesúre ajitir̄n̄ar̄e s̄ajarotibetir̄ar̄aja mani, Dios ocare mani buerivij̄ure” ñna yire ñajare. To bajiri ñnare ḡuir̄a, “Ym̄are masiroma” yir̄a, tire gotibeticama ñna. ⁴³ To bajiro yir̄a ñari, Dios ye r̄etob̄usaro masa yej̄are r̄ac̄ub̄orere bojacama ñna.

“Ym̄re ajitir̄n̄amenare rojose ñna t̄m̄ot̄jabetiriaroju ñnare c̄ar̄c̄ami Dios”, Jesús ĩ yire queti

⁴⁴ Ruyugoaro goticami Jesús:

—Ym̄re ajitir̄n̄ar̄ama, ym̄ s̄iḡurene ajitir̄n̄ar̄a me yama. Ym̄ jac̄u ȳre c̄ac̄ac̄ure quēne ajitir̄n̄ar̄a yama. ⁴⁵ Ym̄re ĩar̄ama, ym̄ jac̄ure quēne ĩar̄a yama. ⁴⁶ Ym̄ s̄orine Diore masiama masa. Adi macar̄c̄uroj̄ure vadicaju ym, “Ym̄re ajitir̄n̄ac̄ari, rojose yit̄jato” yiḡu. ⁴⁷ Ym̄ ocare ajiboarine ȳre ñna ajitir̄n̄abetijama, ym̄ me ñaja rojose t̄m̄ot̄jabetiriaroju ñnare c̄aroc̄uma. Adi macar̄c̄uroanare rojose yiḡuaḡu vadicac̄u me ñaja ym̄a. Ym̄re ajitir̄n̄ar̄e ñna ñaro c̄orone rojose t̄m̄ot̄jabetiriaroju ñna vaborotire ñnare yir̄etobosaḡuaḡu vadicaju ym. ⁴⁸ To bajiboarine, ym̄re r̄ac̄ub̄obetic̄ari, ym̄ ocare ajitir̄n̄amenama, ñat̄sarir̄m̄u rojose t̄m̄ot̄jabetiriaroju var̄ar̄ama ñna. ⁴⁹ Ym̄ masurione t̄oĩac̄ari, tire gotiḡu me yaja ym. Ym̄ jac̄u ȳre c̄ac̄ac̄u ĩ gotirotise r̄ine gotiaja ym. ⁵⁰ “Ym̄ jac̄u ĩ rotisere ñna ajitir̄n̄ajama, ñna rijato beroj̄u, tudir̄jabetic̄ari, ym̄ r̄aca quēnaro ñac̄o ñar̄uḡur̄ar̄ama ñna”, yimasaja ym. To bajiri ym̄ gotijama, ym̄ jac̄u ȳre ĩ yirotiore bajirone gotiaja ym —masare yicami Jesús.

13

Ī buerimasare ñna ḡub̄orire Jesús ĩ coere queti

¹⁻³ Pascua boser̄m̄u ym̄a bat̄saroto r̄ijoro, j̄ere, “Ym̄ jac̄u t̄j̄u adi macar̄c̄urore ym̄ vaveoroto mojoroaca r̄uyaja yuja”, yimasic̄ac̄ami Jesús. Sim̄on mac̄ure, Judas Iscariotere, “Jesús vajanare ñnare ocas̄ar̄c̄uja ym, ‘Īre ñiato ñna’ yiḡu” yirere ĩre c̄oñumi ĩ, v̄atia m̄j̄u. J̄ere tire masic̄oñumi Jesús. “Dios t̄j̄u vadicac̄u ñaja ym. To bajiri ĩ t̄j̄u

quēna tudiarucšja yu. Rēmojne, ‘No yiyamagū űaja mu. No mu bojasere yimasiaja mu’ yure yicoadicami Dios”, yimasicōacami Jesús. Rēmojne adi macarucuroanare, ĩre ajitirūncanare, yuare maicoadicami “Muare maimasucōaja yu” yigu, ado bajiro bajicami Jesús adi macarucurojure ĩ űatucacatirūmuri. Tire muare gotiguagu yaja yu.

⁴ Yu batusañarone, vūmurūgūcōari, joeado ĩ sãñaritore veacami Jesús. To yicōari, ĩ ruju gudarecore toallare siatucami. ⁵ To yicōari, rujabajaju ocore jiocami. Jiojeo, yu guborire coecami Jesús. Coecōari, toalla rāca yu guborire carocami.

⁶ Pedro guborire ĩ coegnadone, ado bajiro ĩre boca yicami:

—¿Yu űju űaboarine, yu guborire coeguagu yati mu? —yicami Pedro.

⁷ To bajiro ĩ yijare, ado bajiro ĩre cūdicami Jesús:

—Yucacarema mu guborire yu coesere tūōñamasibeaja mu maji. Bero tire ajimasiruarāja mu —yicami Jesús.

⁸ To bajiro ĩ yiboajaquēne:

—Yu guborire coebetirucšja mu —Jesúre ĩre yicami Pedro.

To bajiro ĩ yirone,

—Mu guborire yu coebetijama, yu rācagu me űarucšja mu —Pedrore ĩre yicami Jesús.

⁹ To bajiro ĩ yisere ajicōari, ado bajiro ĩre cūdicami Pedro:

—To mu yiro űnoma yu gubori rīne coebesa. Yu āmorire quēne, yu rujoare quēne coeya —Jesúre ĩre yicami Pedro.

¹⁰ To bajiro ĩ yisere ajicōari, ado bajiro ĩre cūdicami Jesús:

—Jēre guacōar'irema, jediro ĩ rujure coere maja. Gubori rīne coejama, quēnaja. Ŭeri manare bajiro bajirā űaja mu. To bajiboajaquēne sīgū űaami mu rācagu űeri cūtigure bajiro bajigu —yuare yicami Jesús.

¹¹ “Ī űaami yure ĩsirocarocu” yimasicōari, “Mu jedirone űeri mana űajedicōa bajibeaja mu”, yuare yicami Jesús.

¹² Yu guborire coegajanocōari, quēna ĩ veacūcatiasere sãñacami Jesús. To yigajano, quēna gāme ejarūjucōari ado bajiro yuare goticami Jesús:

—¿Mu guborire yu coesere ajimasiati mu? ¹³ “Yuare gotimasiogū, yu űju”, yure yaja mu. Ī masune űaja yu. To bajiro yure mu yijama, quēnaja. Riojone yaja mu.

¹⁴ Yu, mu űju, muare gotimasiogū űaboarine, mu guborire yu coejare, mu masu quēne, mu gāmerā gubori coejama, quēnaja. ¹⁵ “Yu yirore bajirone yato ĩna” yigu, muare yīlogū yaja yu. ¹⁶ űamasusere riojo muare gotiaja yu: Sīgū moabosarimasu űamasugū me űaami ĩ. Ī űjuűama űamasugū űaami. Sīgū gāji ĩ cōar'i ĩ űajama, űamasugū me űaami. űamasugūűama ĩre cōar'i űaami. To bajiri mu űju űari, “Yu yirore bajirone mu masu quēne gāmerā ejarēmoña mu”, muare yaja yu. ¹⁷ Yu gotisere ajicōari, quēnaro mu yijama, variquēnaruarāja mu.

¹⁸ Mu jedirorene yigu me yaja yu adirema. Yu besecanare, muare quēnaro masiaja yu. Yucacane yu bajiroti Dios ĩ goticūcati ejaruroja ti. Ado bajiro yigotiaja ti, Dios ocare masa ucamasire: “Yu rāca bagu űaboarine yure ĩsirocarocu űaami”, yigotiaja Dios oca. ¹⁹ Ti bajiroto rījoroaca muare gotiaja yu. To bajiro ti bajiro ĩacōari, “‘Rotimorūgōrucumi’ yigu, Dios ĩ cōar'i űaami”, yure yiajitirūncuarāja mu. ²⁰ űamasusere riojo muare gotiaja yu: Yu cōarāre ajitirūncuarāma, yure quēne ajitirūncuarāma. No bojarā yure ajitirūncuarāma, yure cōacacare quēne ajitirūncuarāma —yuare yicami Jesús.

*“Sīgū mu rācagu yure ĩaterāre yure ĩsirocarucumi”, Jesús ĩ yire queti
(Mt 26.20-25; Mr 14.17-21; Lc 22.21-23)*

²¹ To bajiro yigoticōari bero, buto tūōñastiriticami Jesús. To bajiri quēnaro riojo yuare goticami:

—űamasusere riojo muare gotiaja yu. Sīgū mu rācagu, yure ĩaterāre yure ĩsirocarucumi —yuare yicami Jesús.

²² To bajiro ï yisere ajicõari, yua ï buerimasa, yua masune gãmerã ïacajũ yua, “¿Ñimujũare yati?” yirã ñari. ²³ Yũre ï buegũre bũto yũre maicami Jesús. To bajiri yua batũsacatire ï tũaca barujicajũ yũ. ²⁴ “¿Ñimujũare yati mũ?” ïre yisẽniĩato” yigũ, yũre sõjucami Pedro. ²⁵ To bajiro ï yiro ïacõari, Jesús tũbũsaca vũgũacajũ yũ, ïre sẽniĩagũ:

—Yũ ujũ, ¿ñimujũa ñati mũre ïaterãre ïsirocarocũma? —ïre yisẽniĩacajũ yũ.

²⁶ To yũ yirone, ado bajiro yũre cũdicami Jesús:

—Pan yosecõari, yũ ïsigũne ñarũcũmi yũre ïsirocarocũma —yicũdicami Jesús.

To yicõa yuja, Simón macũ Judas Iscariotere, ïsicami ï yuja. ²⁷ Tire bocaãmicõari, ï barone ï usũjũre vãtia ujũ sãjacoa ruyucami Judare. To bajiro ï bajijare, ado bajiro ïre yicami Jesús:

—Mũ yirũa tũoĩasere yidaya mũ —Judare ïre yicami Jesús.

²⁸ ï rãca barujicana sũgũjũama to bajiro ï yisere ajimasibeticajũ yua. ²⁹ Yũa ye gãjoare coderimasũ ï ñajare, “‘Boserũmũ ñaro mani baroti vaja yiaja’ ïre yigũ yigũmi Jesús”, yitũoĩaboacajũ yua sũgũri. Gajeyerema, “‘Maioro bajirãre gãjoa ïsiaya’ yigũ yigũmi ï yijama”, yicõacajũ yua.

³⁰ Bagajano, vacoacami Judas yuja. Jẽre ñamijũ ñacajũ ti.

“Gãmerã ïamaiña”, Jesús ï yire queti

³¹ Judas ï budiato bero, ado bajiro yũare yicami Jesús:

—Yucũacane, “Quẽnamasugũ ñaami Dios ï roticõacacũ”, yimasiroti ñaja. To bajiro yũre yirã ñari, “Quẽnamasugũ ñaami Dios quẽne”, yimasiroti ñaja ti. ³² Diore masa ïna rũcũbũojama, yũre quẽne, “ïre rũcũbũogũarãma”, yirũcũmi Dios. Yoaro mene to bajiro yigũagũ yami Dios. ³³ Yũ rĩare bajiro bajirã ñaja mũa. Mũa rãca yoaro ñacõa ñabetirũgũrũcũja yũ. Yũre macaboarũarãja mũa. Cãnu jud'io masa ujarãre yũ goti-masirore bajirone mũare quẽne gotiaja yũ. “Yũ varotore vamasimenaja mũa”, mũare yaja yũ. ³⁴ Yucũne mame rotisere mũare gotiaja yũ: Ado bajiro bajiñama mũa: Mũare yũ ïamaiadicatorre bajirone mũa quẽne gãmerã ïamaiña. ³⁵ Mũa gãmerã ïamairo ïacõari, “Jesús buerimasa ñaama”, mũare yĩarũarãma ïna, masa jediro —yũare yicami Jesús.

“Jesũre masibeaja yũ’ yirũcũja mũ”, Pedrore Jesús ï yire queti (Mt 26.31-35; Mr 14.27-31; Lc 22.31-34)

³⁶ To bajiro ï yisere ajicõari, Jesũre sẽniĩacami Pedro:

—Yũ ujũ, ¿nojũa vacũ yati mũ? —ïre yicami Pedro.

To bajiro ï yijare,

—Yucũacarema yũ varotojũre vamasibecũja mũma maji. Ado berojũ yũre sũyarũcũja mũ —Pedrore ïre yicami Jesús.

³⁷ To bajiro ï yirone,

—Yũ ujũ, ¿no bajijare yucũacarema mũ rãca sũyamasibecũada yũ? Mũ sãaecoroti ñaboajaquẽne, yũjũa sãaecorũcũja yũ —Jesũre yicami Pedro.

³⁸ To bajiro ï yirone, ado bajiro ïre cũdicami Jesús:

—¿Socabetiboatime mũ? Ñamasusere riojo mũre gotiaja yũ: Gãjabocũ ï ñagõroto rĩjoro idiaji, “Jesũre ïre masibeaja yũ”, yirũcũja mũ —Pedrore ïre yicami Jesús.

14

“Yũ sũorine Dios tũjũre ejamasire ñaja”, Jesús ï yire queti

¹ To bajiro Pedrore ïre yigajanocõari ado bajiro yũare yigoticami Jesús quẽna:

—Bũto tũoĩarejaibeticõaña mũa. Diore ïre ajitirũnũcõari, yũre quẽne ajitirũnũña. ² Yũ jacũ ya vijũre jairo mũa ñarotijauri ñaja ti. To ti bajibetijama, mũare gotibetibogũja yũ. Tojũ mũa ñarotire mũare quẽnoyugũ varũ bajiaja yũ. ³ Tojũ mũa ñarotijaurire quẽnogajanocõari, quẽna gãme vadirũcũja yũ. “Tojũre yũ ñaro yũ rãca ñarãjaro” yigũ mũare juagũ ejarũcũja yũ

quēna. ⁴Y_u vaejarotore masiaja m_ua. To bajiri toj_u vaejaria maare masiaja m_ua —y_uare yicami Jesús.

⁵To bajise ĩ yiboajaquēne, ado bajiroj_ua ĩre yicami Tomás:

—Y_ua _uj_u, m_u varotore masibeaja y_ua. ¿No bajiro yicōari, to varia maare masiruarāda y_ua? —Jesúre ĩre yicami.

⁶To bajiro ĩ yirone ado bajiro ĩre yicadicami Jesús:

—Y_une ñaja varia maare bajiro bajig_uma. Y_u s_uorine Dios t_uj_ure ejare ñaja ti. Y_u s_uorine riojo ñamasusere masire ñaja ti. “Īna rijato beroj_u tudirijabeticōato” yig_u, Dios ĩ catisere masare ĩnare ĩsig_u ñaja y_u. To bajiri, y_ure ajitir_un_ur_uā r_une y_u jac_u t_uj_ure ejaruarāma. ⁷Y_ure m_ua masijama, y_u jac_ure quēne ĩre masiruarāja m_ua. Y_ure ĩarā ñari, “Ī jac_ure masiaja y_ua”, yimasiruarāja m_ua —y_uare yicami Jesús.

⁸To bajiro ĩ yirone, ado bajiro ĩre yicami Felipej_uama:

—Y_ua _uj_u, m_u jac_ure y_uare ĩoña m_u. To m_u yicōaroj_u, “Riojo gotiami y_uare”, yimasiruarāja y_ua yuja —Jesúre ĩre yicami Felipe.

⁹To bajiro Felipe ĩ yijare,

—Tir_um_uj_une m_ua rāca ñacōa s_uoadicaj_u y_u. ¿No yig_u to y_u bajiboajaquēne y_ure ĩamasibeati m_u maji? No bojag_u y_ure ĩag_uma, y_u jac_ure ĩag_u ñaami. To bajiri, “M_u jac_ure y_uare ĩoña”, yibeticōaña m_u. ¹⁰“Y_u jac_u rācane ñacōaja y_u. Ī quēne y_u rāca ñaami”, m_uare yaja y_u. Tire ajicōari, ¿“Riojone gotiami”, y_ure yibetimasucōati m_ua, y_ure ajitir_un_ur_uā? M_uare y_u gotir_ug_userema y_u masune y_u t_uoĩase mere m_uare gotiaja y_u. Y_u jac_u, y_u rācane ñacōar_ug_ug_u ĩ yise ñajare, jediro yicoadicaj_u y_u. ¹¹“Y_u jac_u rācane ñaja y_u. Ī quēne y_u rācane ñaami” y_u yisere y_ure ajitir_un_uña. Y_u gotisere ajicōaboarine y_ure m_ua ajitir_un_ubetijama, ĩaĩañamanire y_u yĩoadir_ug_ucatire t_uoĩacōari, y_ure ajitir_un_uña m_ua. ¹²Ñamasusere riojo m_uare gotiaja y_u: No bojag_u “ ‘Rotim_uor_ug_uōr_uc_umi’ yig_u, Dios ĩ cōar'i ñaami” y_ure yiajitir_un_ug_uma, y_u yirore bajirone yir_uc_umi. Y_uc_uacane y_u jac_u t_u vaguag_u yaja y_u. Dios t_u y_u tudiajare, ĩaĩañamani y_u yĩocati r_utob_usaro ĩaĩañamanire yĩoruarāja m_ua quēne. ¹³Y_ure ajitir_un_ur_uā ñari, g_uimenane s_unir_ug_uma m_ua. To bajiro m_ua yijama, no m_ua bojasere m_ua s_uniro cōrone m_uare ĩsir_ug_ur_uc_uja y_u, “ ‘Quēn_uamasug_u ñaami’ y_u jac_ure yimasiat_uo ĩna” yig_u. ¹⁴Y_ure ajitir_un_ur_uā ñari, g_uimenane y_ure m_ua s_unijama, no m_ua s_unirore bajirone m_uare c_udir_uc_uja y_u —ĩ buerāre y_uare yicami Jesús.

“Esp'iritu Santore cōar_uc_umi Dios”, Jesús ĩ yire queti

¹⁵To bajiro yigajanocōari, ado bajiro y_uare goticami Jesús quēna:

—Y_ure m_ua maimasucōajama, y_u rotisere c_udiruarāja m_ua. ¹⁶To bajiro m_ua yijama, y_u jac_ure ĩre s_unir_uc_uja y_u, “Y_ure ñavasoarocure ĩre cōato ĩ” yig_u. Ī cōaroc_u ñaami Esp'iritu Santo riojo gotig_u. M_ua rāca ñacōar_ug_ur_uc_umi, m_uare yir_umog_u. ¹⁷Diore ajimena Dios ĩ cōag_u Esp'iritu Santore masibeama ĩna. To bajiri ĩna _us_urij_ure ĩre s_ujarotimasibeama. M_ua rāca ĩ ñajare, ĩre masirā ñaja m_uama. M_ua _us_urij_ure ñacōar_ug_ur_uc_umi.

¹⁸Vaguag_u yaja y_u. M_ua rāca ñag_u vadir_uc_uja y_u quēna. ¹⁹Y_uc_uacane vaguag_u yaja y_u. To bajiri y_ure ajimenama, y_ure ĩabetiruarāma. M_ua rāca y_u ñar_ug_urotire masiruarāja m_uama. Y_u rijato bero quēna g_uame caticōaroc_u y_u ñajare m_ua quēne, y_ure ajitir_un_ur_uā, m_ua rijato beroj_u quēna g_uame caticōari ñacōar_ug_ur_uuarāja m_ua quēne. ²⁰Y_u jac_u rāca ñacōaja y_u. M_ua rāca quēne ñacōaja y_u. M_uaj_ua quēne, “Y_u rācane ñacōaja m_ua” y_u yirore bajirone, y_u tudicatirir_um_u, “Soc_u mene yiyumi Jesús”, yimasiruarāja m_ua yuja. ²¹Y_u rotisere c_udig_uma, y_ure maig_u ñaami. Y_ure maig_urene ĩre mair_uc_umi y_u jac_u quēne. Y_u quēne ĩre mair_uc_uja y_u. ĩre maicōari, ĩ rāca ñag_u ejar_uc_uja y_u. To y_u bajiro y_ure ĩabetiboarine ĩ rācane y_u ñasere “Masiato” yig_u ĩre rotir_uc_uja y_u —y_uare yicami Jesús.

²²To bajiro ĩ yisere ajicōari, Judas Iscariote me, g_uaji Judas vāme cutig_u, ado bajiro ĩre s_unĩacami:

—Yua uju, ¿no yigu gâjeräre ñare yiïobecune, yua rîrene yuare yiïorucuada ma? —Jesúre ñre yisēñiacami Judas.

²³ To bajiro ĩ yirone, ado bajiro cudicami Jesús:

—No bojarã yure mairã, yu gotisere ajitirũnarãma. To bajiri yu jacu ñare mairucami. To bajiri yu quēne, yu jacu quēne, ña tu ñarã vadiruarãja yua. ²⁴ No bojagu yure maibecuma, yu gotisere ajitirũnabecami. Mũare yu gotisema yu masune yu tuoïarujeose mere mũare gotiaja yu. Yu jacu yure cõacacu ĩ gotirotisere gotiaja yu.

²⁵ Maji mua rãca ñagũ ñari, tire mũare gotiaja yu. ²⁶ Yure ñavasoarocure, Esp'iritu Santore ñre cõarucami yu jacu. Ñajediro mũare yu gotiadicature, “Masiritiroma” yigu, mũare ejarẽmorucami —yuare yicami Jesús.

²⁷ Gajeye quēna ado bajiro yuare goticami Jesús:

—Mũare vare gotiguagu yaja yu. Mũare yu rijabosaroti ñajare, Diorãca quēnaro ñaruarãja mua. Yure ajimenajuma, “Ado bajiro mani yijama, quēnaro ñaruarãja mani” yiboarine, Diorãca quēnaro ñamasibetiruarãma. To bajiri, tuoïarejaibesa mua. To bajicõari, güibesa. ²⁸ “Vaguagu yaja yu. To bajiboarine mua rãca ñagũ vadirucuja yu quēna” yu yisere ajibũ mua. Socarã mene yure mua maijama, “Yu jacu tujure vaguagu yaja yu” yu yisere ajicõari, quēnaro variquēnaboriarãja mua. ĩ ñaami yu rëtobusaro ñagũ. ²⁹ Yu bajiroto rïjoro tire mũare gotiaja yu. To bajiri to ti bajiro ñacõari, butobusa yure ajitirũnarãja mua.

³⁰ Gajeye jairo mũare ñagõrẽmobetirucuja yu. Diore ajimenare rojose yirotigũ, vãtia uju, jere vadicoagumi. To bajiboarine, yure rotimasigũ me ñaami ĩma. ³¹ Yu jacu ĩ rotirore bajirone yaja yu. To bajiro yu yisere ñacõari, “ĩ jacure maigũ masune ñacõaami”, yimasiruarãma masa —yuare yicami Jesús.

To bajiro yigajanocõari,

—Ita. Vajaro mani —yuare yicami Jesús yuja.

15

“Uyebu ñamasuribure bajiro bajigu ñaja”, Jesús ĩ yire queti

¹ —Uyebu ñamasuribure bajiro bajigu ñaja yu. Tibure ĩatirũnugũre bajiro bajigu ñaami yu jacu. ² To bajiri tibu rujari ti rica manijama, jasurereacõarucami. Ti rica cutijama, quēnaro ĩatirũnucami. “Jairobusa rica cutiato” yigu, sñirirujarirema, tire bejareacõarucami. ³ Rica cuti rujarire bajiro bajirã ñaja mua, mũare yu gotimasiosere ajitirũnarã ñari. To bajiri yu jacu sũorine jere rojose mana ñacoadicaju mua. ⁴ Quēnaro yu rãca ñacõarũgũma mua. To bajiro mua bajijama, mua rãcane ñacoarũgũrucuja yu. Uyebu raju tibujare ti tuyabetijama, rica manoja ti. To bajirone bajiruarãja mua. Yu rãca mua ñabetijama, quēnase yimasibetiruarãja mua yuja.

⁵ Yu ñaja uyebure bajiro bajiguma. Tibu rujarire bajiro bajirã ñaja mua. No bojarã yu rãca ñarãma, ña rãca yu ñajare, quēnase rĩne yiruarãma ña. To bajiro ña bajijama, jairo rica cutirãre bajiro bajirã ñaruarãma ña. Yu manijama, ña masurione Dios ĩ ĩavariquēnasere yimasibetiruarãma ña. ⁶ No bojagu yu rãca ñabecurema ñre rocacõarucami yu jacu. Sñirirujare ãmicõari, jeameju tĩarocagure bajiro ñre yicõarucami yu jacu.

⁷ Yu rãcane ñacõari, mũare yu gotimasiosere masiritibeticõari, mua bojasere yure mua sēniro cõrone mũare ĩsirucuja yu. ⁸ Quēnase rĩne mua yirũgũsere ĩacõari, yu jacure quēnase ñre yirũcũboruarãma masa. To bajiri, “Jesúre ñre ajitirũnarã ñaama”, mũare yimasiruarãma ña. ⁹ Yu jacu yure ĩ mairore bajirone mũare quēne maijaja yu. Yu mairã ñaja mua. To bajiri quēnase rĩne yirũgũña mua, yu bojarore bajirone yirã. ¹⁰ Yu rotisere mua cudirũgũjama, yu mairã ñarũgũruarãja mua. To bajirone yaja yu quēne. Yu jacu yure ĩ rotisere cudirũgũja yu. To bajiri yure mairũgũami yu jacu.

¹¹ “Yure bajirone quēnaro variquēnaro ñato ña” yigu mũare gotiaja yu. ¹² Ado bajiro mũare rotiaja yu: Mũare yu maiadicatore bajirone gãmerã maiña mua. ¹³ Sīgũ ĩ babare

maigũ ñari, ì rijabosajama, tijua ñaja ñamasuse gãmerã maireayema. ¹⁴ Yũ rotirore bajiro mũa cadijama, yũ babarã ñaruarãja mũa. ¹⁵ To bajiri, “Yũre moabosarimasa ñaja mũa”, mũare yibeaja yũ yuja. Moabosarimasama ña ñju ì yisere masimenama ña. “Yũ babarã ñaja mũa”, mũare yaja yũ yuja. Jediro yũ jacũ yũre ì gotiadicatire mũare gotimasiocoadicaju yũ. To bajiri yũ babarã ñaja mũa. ¹⁶ Yũre besecana me ñaja mũaama. Yũjua mũare besecaju yũ. “Quẽnase rĩne yato ña” yigu, mũare besecaju yũ. To bajiro mũa yijama, gãjerã mũare ñacõari, mũare ajicõari yũre ajitirũnarãma ña quẽne. To bajiri Dios ì catisere cõoruarãma ña quẽne. To bajiri, quẽnase mũa yijama, yũre mũa sẽnirore bajirone mũare ñisurũami yũ jacũ. ¹⁷ Ado bajiro mũare rotiaja yũ: Gãmerã ñamaiña mũa —yũare yicami Jesús.

“Diore ajimena, mũare ñatud'iruarãma”, Jesús ñ yire queti

¹⁸ Quẽna ado bajiro yũare gotimasiocami Jesús:

—Diore ajimena mũare ña ñatud'ijama, “Yũa rĩrene ñatud'irã me yirãma ña. Jesũre quẽne ñre ñatud'icoadicama ña”, yitũoĩamasiruarãja mũa. ¹⁹ Diore ajimenama, ñnare bajiro tũoĩarãre maiama ña. To bajiri ñnare bajiro mũa tũoĩajama, mũare quẽne maiboriarãma ña. Diore ajimena rãca mũa ñnare mũare besecaju yũ, “Tũoĩavasoacõari, yũre ajitirũnarãjaro” yigu. To bajiri mũare ñatud'iamama Diore ajimena yuja. ²⁰ Mũare yũ gotisere masiritibesa mũa: “Moabosarimasama, ñamasugũ me ñaami. Ujũjuaama ñamasugũ ñaami ñma” yigu, mũare gotibũ yũ. Diore ajimenama, mũa ñjare, yũre rojose yisũyarũgũama. To bajiri mũare quẽne rojose yisũyaruarãma. To bajiboarine tũoĩavasoacõari, yũ gotimasiosere cũdirũgũama. To bajiri mũare quẽne mũare cũdiruarãma. ²¹ Yũre cõacacũre quẽne masibeama Diore ajimena. To bajiri yũre ajitirũnarã mũa ñajare, mũare quẽne rojose yisũyaruarãma ña.

²² Masare gotimasiogũ yũ vadibetijama, “Rojose yirã ñaja mani. Dios ì rotiriarore bajirone cũdibeaja”, yimasibetiboriarãma, Diore ajimena. ñnare yũ gotimasioro bero ñajare, “Rojose mana ñaja”, yimasibeama ña yuja. ²³ No bojarã yũre ñatud'irã, yũ jacũre quẽne ñatud'irã yama ña. ²⁴ ñna ñaro rĩjorojua Dios ì masise rãca ñaĩañamanire yũ yĩĩobetijama, “Yũare Dios ì masise rãca ñaĩañamanire ì yĩĩobetijare, ‘Dios ì cõar'i, Cristo ñaami’ ñre yimasibeaja yũ”, yiboriarãma ña. Dios ì masise rãca ñaĩañamanire yũ yĩĩoro ñacana ñaama ña. Tire ñacana ñaboarine ña ñatirũnũbeti vaja rojose ñnare ñacõa ñaja. To bajiri, yũre ñateama ña. Yũ jacũre quẽne ñre teama ña. ²⁵ Dios ocare masa ña ucamasire ti gotirore bajirone bajiaja ti yuja, yucũrirema. Ado bajise gotiaja ti: “Ñie manone yũre ñateama ña”, yigotiaja ti —yũare yicami Jesús.

²⁶ To bajiro yicõari, gajeyere quẽna ado bajiro yũare gotimasiocami Jesús:

—Dios ì cõagũ Esp'iritu Santore socabecũre mũare cõarũcũja yũ, yũ gotimasirũgũsere “Ajimasiato” yigu, mũare ejarẽmorocũre. ²⁷ Yũ gotimasiosũorojũne yũ rãcane ñacoadicaju mũa. To bajiri, yũ gotimasiocatire ajicana ñari, ñaĩañamanire yũ yĩĩocatire ñacana ñari, masare gotimasiomasiruarãja mũa —yũare yicami Jesús.

16

¹ Quẽna ado bajiro yũare gotimasiorũtuacami Jesús:

—“Yũre ajiquejeroma” yigu, adire mũare gotiaja yũ: ² Dios ocare mani buerũgũrivijũ mũa ñnare mũare bucõaruarãma ña. To bajiro yicõari mũare sũarãne, “Dios ì bojasere bajiro ãnoare ñre sũabosaja mani”, yitũoĩaboaruarãma ña. ³ To bajiro ña yijama, yũre quẽne, yũ jacũre quẽne masimena ñari, yiruarãma ña. ⁴ “ ‘ “To bajiro masune bajirũaroja ti” yiquĩda ì Jesús’ yitũoĩamasirãjaro ña” yigu, mũare gotiaja yũ.

Esp'iritu Santo ñ ejarẽmorotire Jesús ñ gotimasiore queti

Rẽmojũre mũare gotisũogu, mũare gotibeticaju yũ maji, “Ñna rãca ñarũcũja yũ maji” yigu ñari. ⁵ Yũre cõacacũ tũjũ vagũagũ yaja yũ yuja. To yũ bajiboajaquẽne, “¿Nojũ vagũagũ yatĩ

ma?”, yure yisēniābeaja ma. ⁶ Sēniāmenane, maare yu yigotiserene tūoīasūtiritiaja ma. ⁷ To bajiri, riojo maare gotiaja yu. Yu vacoajama, maare quēnarūaroja. Yu vabetijama, maare ejarēmorocū, Esp'iritu Santo ma rāca ñagū vadibetibogūmi. Yu vajama, ĩre cōarūcūja yu. ⁸ Esp'iritu Santo ĩ vadijama, ĩ ejarēmose rāca, “Riojo manire yiyumi Dios. Rojose yirā ñaja mani”, yimasiruarāma masa. ĩ ejarēmose rāca quēnase masune yirere masiruarāma ĩna. Gajeye quēne, ĩ ejarēmose rāca ado bajiro tūoīamasiruarāma masa: “Diore mani cūdibeti vaja rojose tāmūotūjabetiriaroju manire cōarūcūmi Dios”, yimasiruarāma. ⁹ Yure ĩna ajitirūnūbeti vaja rojose tāmūotūjabetiriaroju ĩna varotire Esp'iritu Santo ĩ ejarēmose rāca masiruarāma. ¹⁰ Yu jacū ĩ ñarōjare yu varoti ti ñajare, yure ĩabetiruarāja ma. Yu jacū tū ñacōari, yu cōagū Esp'iritu Santo ĩ ejarēmose rāca, “Quēnaro riojo yigū ñañumi”, yimasiruarāja ma. ¹¹ “Masare rojose yirotigūre vātia ũjare rojoroju, rojose tāmūoato” yigū, ĩre yu cōarotire Esp'iritu Santo ĩ ejarēmose rāca masiruarāja ma.

¹² To bajiro yigajanocōari, ado bajiro yuare yigotimasociami Jesús:

—Jairo maare yu gotiroti ñaboaja ti. To ti bajiboajaquēne yucūne maare yu goti-jeocōajama, ajimasimenaja ma maji. ¹³ Dios ĩ cōagū Esp'iritu Santo ma tū ejačōari, ĩ ejarēmose rāca riojo masu ajimasijeoruarāja ma. ĩ sīgū ĩ ejarēmose rīne bajibetirūaroja. Yu jacū ĩ rotise rāca ejarēmorūcūmi. To yicōari, “Ado bajiro bajirūaroja” ĩ yise rāca ajimasiruarāja. ¹⁴ To yicōari, ma rāca yu yīñarūgūcatire ma ajimasirotire maare ejarēmorūcūmi Esp'iritu Santo, “‘Jesús, quēnamasugū ñaami’ ĩre yirūcūbūoato ĩna” yigū. ¹⁵ Ñajedirone yu jacū yure ĩ rotirore bajirone maare gotiaja yu quēne. To bajiri, “Ma rāca yu yiadicatire maare gotimasiorūcūmi Esp'iritu Santo”, maare yibū yu —yuare yicami Jesús.

¹⁶ To yigūne, quēna ado bajiro goticami Jesús:

—Yucūne yu jacū tūju vagūagu yaja yu. To bajiri yure ĩabetiruarāja ma. To bajiboarine quēna yoaro mene yure ĩacōaruarāja ma —ĩ buerāre yuare yicami Jesús.

“Tūoīasūtiritirā ñaboarine, variquēnaruarāja ma”, Jesús ĩ yire queti

¹⁷ To bajiro ĩ yisere ajicōari, sīgūri ĩ buerā, ado bajiro gāmerā yisēniācaju yu:

—¿No yire ũnire yigū yati ĩ? —gāmerā yicaju yu. —“Yu jacū tūju vagūagu yaja yu. To bajiri yure ĩabetiruarāja ma. To bajiboarine quēna yoato mene yure ĩacōaruarāja ma”, manire yami —gāmerā yicaju yu. ¹⁸ —“Yoato mene yure ĩaruarāja” manire ĩ yijama, ¿no bajiro bajirū yati? “Tire yigū yami”, yiajimasibeaja mani —gāmerā yicaju yu.

¹⁹ To yu yīñarone, “Yure sēniāruama ĩna”, yimasicōacami Jesúsūama. To bajiri ado bajiro yuare yicami:

—“Yoaro mene yure ĩabetiroana yaja ma. To bajiboarine quēna yoato mene yure ĩacoaruarāja ma”, maare yibū yu. To bajiro yu yiserene, ¿ma masune gāmerā sēniāti ma? ²⁰ Riojo ñamasusere maare gotiaja yu. Tūoīasūtiritirā ñari, otiruarāja ma. Diore ajimenama, variquēnaruarāma ĩna. Mūama, tūoīasūtiritirā ñaboarine yoaro mene quēna variquēnacoaruarāja ma. ²¹ Adire bajiro bajirūaroja ti: Sīgō rōmio, macū cūtigoago, tūoīasūtiritigomo so, “Josari tāmūorūocoja” yigo. So macū cūtiro berojūma, tire tūoīasūtiritibecone, variquēna masiriocōagōmo so. ²² Tire bajirone ma quēne yucūrema tūoīasūtiritiaja ma. To bajiboarine quēna maare ĩagū vadirūcūja yu. Yure ĩacōari, buto variquēnaruarāja ma quēna. To bajiro ma variquēnasere gāji, “Variquēnabeticōañ ma”, yibetirūcūmi.

²³ Tirāma ti ejarone yuja, ñiejūare yure sēniābetiruarāja ma yuja. Jēre masicōaruarāja ma. Riojo ñamasusere maare gotiaja yu: “‘Rotimūorūgōrūcūmi’ yigū, Dios ĩ cōar'i ñaami” yure yiajiritirūnūā ñari, yu jacūre ma sēnijama, ma sēniro cōrone maare ĩsirūcūmi. ²⁴ “Jesūre ajitirūnūā ñaja yu”, yisēnibeticaju ma maji, yu jacūre. Ado beroma yuja, “Jesūre ajitirūnūā ñaja yu”, yisēnirūgūña ma. To bajiro ma yijama, maare ĩsirūcūmi yu jacū, “Quēnaro variquēnato ĩna” yigū —yuare yicami Jesús.

“Rojose yare ña yiboajaquêne, rojosere yibeticōari, Dios ñ bojasejare yicoadicaja”, Jesús ñ yire queti

²⁵ Gajeye quēna ado bajiro yare yigoticami Jesús:

—Mare yu gotijama, gotimasiore rāca mare goticoadicaja yu maji. Bero mare yu gotijama, gotimasiore rāca me mare gotiracuja yu. To bajiro yu jacu yere mare yu gotijare, quēnaro ajimasiruarāja ma. ²⁶ Yu jacu taju yu tudiejato berone, “Yare sēnibosaya ma”, yare yibetiruarāja ma. Ma masune, yu jacu gūimenane, “Jesúre ajitirūnarā ñaja ya”, ñe yisēnirūgūuarāja ma. ²⁷ Mare maiami yu jacu, yare ma maijare. “Dios ñ cōar'i ñaami” ma yajitirūnarā, mare maiami ñ. ²⁸ Yu jacu tu ñar'i, adi macarucurojare vadicaja yu. To bajiri adi macarucuroanare vaveoacacuja yu, quēna yu jacu tu tudiacu —yare yicami Jesús, ñ buerāre.

²⁹ To bajiro ñ yisere ajicōari ñe cūdicaja ya yuja:

—Yucarema gotimasiore rāca me, ma gotisere quēnaro ajimasiaja ya yuja. ³⁰ “Ñajediro masigū ñaja ma”, yimasiaja ya yuja. Mare ya sēniaroto rñjorojne jēre ya sēniarotire masicōaja ma. To bajiri, “Dios tu vadir'i ñaja ma”, mare yajitirūnarāja ya yuja —Jesúre ñe yicaja ya.

³¹ To bajiro ya yijare, ado bajiro yare cūdicami Jesús:

—¿Socarā mene, “Quēnaro mare ajitirūnarāja ya”, yare yati ma? ³² Riojo mare gotiaja yu: Yucare yare cāmotadjedicoaruarāja ma. To bajiro ma bajiboajaquêne, sigūne ñabetiracuja yu. Yu rācane ñacōa ñarucami yu jacu. ³³ Ti jediro mare gotiaja yu, “Yare ajitirūnarā, quēnaro ñacōaruarāja ma” yigu. Adi macarucuroana, Diore ajimena, rojose mare ña yijare, rojose tāmucuarāja ma. To bajiboarine, tūōatīmama: Masa rojose yare ña yiboajaquêne, rojose yibeticōari, Dios ñ bojasejare yicoadicaja yu. To bajiri, ma quēne yare bajirone yimasiruarāja ma —yare yicami Jesús, ñ buerāre.

17

Ñ buerimasare Diore Jesús ñ sēnibosare queti

¹ To bajiro yicōari bero, ñ vecajare ñamocōari, ado bajiro yicami Jesús:

—Cacu, ma taju yu tudiaroti mojoroaca ruyaja ti yuja. Masa, “Quēnamasugū ñaami” yare ña yimasiritire yigu, ejarēmoña. To bajiro ma yijama, yu suorine, “Quēnamasugū ñaami”, mare quēne yiruarāma ña. ² Ma macu ñaja yu. “Masare ñajedirore rotimasiato ñ” yigu yare cōacaja ma. Ma suorine yare ajitirūnarā, “Ña rijato bero quēnaro catijedicōa ñarūgūrājaro” yigu yare cōacaja ma. ³ Ado bajiro bajiamā ña tudirijabetirere suorāma: Dios ñamasugūre, mare masiama. To yicōari, ma roticōacacure quēne yare masiama.

⁴ Adi macarucuroju yu ñaro, yu suorine quēnase mare yirucubucocadicama ña masa. Yare ma yirotirūgūro cōrone jēre mare yibosagajanoaja yu. ⁵ Adi macarucuro ti ruyaroto rñjorojne mare bajirone rācubucocogū ñacoadicaja yu. To bajiri, ma taju yu tudiejaro, quēna yare ña yirucubucorotire yigu, yare yirēmoña ma.

⁶ Yu buerimasa mare ajimena rāca ña ñarore ma besecana ñama. Ñare besecōari, yare ñisicaja ma. To bajiri yu suorine mare masiama ña yuja. Ma yarā ñacōari, ma ocare cūdirā ñaama. ⁷ To bajiri jediro yu gotimasiose, to yicōari, ñañamani yu yñosere ñacōari, “Dios suorine yami”, yimasiama ña. ⁸ Ma ocare yare ma gotiroticatore bajirone ñare goticoadicaja yu. Tire ajicōari, “Dios tu vadir'i, Dios ñ cōar'i ñaami”, yare yimasiama ña yuja.

⁹ Mare ñare sēnibosaja yu. Mare ajimenarema ñare mare sēnibosabeaja yu. Yare ma ñisicana ñajare, sēnibosaja yu. ¹⁰ Yu yarā ñarā ñari, ma yarāne ñarā bajiamā. Ña suorine yare quēnase yirucubucococama masa.

¹¹ Yucacane ma rāca ñagū vaguagu yaja yu. To bajiri adi macarucurore vaveoacu yaja yu yuja. Yare ajitirūnarāma, adi macarucuroju tujacōarā yama ña. Cacu, rojose

yigu me ñaja mɛ. Mɛ masise, yɛre mɛ ĩsicati rãcane ãnoare ĩnare ĩtirũnũña. Cojoro cõro tũoĩarã ñaja mani. Manire bajirone ĩna quẽne “Sĩgũre bajirone tũoĩato ĩna” yigu, ĩnare ĩtirũnũña. ¹² Adi macarũcũrojũre ĩna rãca ñagũ yɛ yimasirotire yɛre mɛ ĩsicati ñajare, quẽnaro ĩnare ĩtirũnũcõadicaɟũ yɛ. “Sĩgũ rojose tãmũotũjabetiriaroɟũ vatomi” yigu quẽnaro ĩnare ĩtirũnũcõadicaɟũ yɛ. To bajiboarine sĩgũ ñaami rojose tãmũotũjabetiriaroɟũ varocũ. “To bajiro bajirũaroɟa” mɛ yicatire masa ĩna ucamasicati ti goticatore bajirone yigu bajirũcũmi ĩma.

¹³ Yũcũacane mɛ tũ vagũagũ yaja yɛ yuja. Adi macarũcũrojũre ñagũ maji adire mũre sẽnijaɟa yɛ, “Yũre ajitirũnrã, yɛ variquẽnarore bajirone ĩna quẽne quẽnaro variquẽnajedicõato ĩna” yigu. ¹⁴ ãnoa yɛ buerã, yɛre mɛ gotiroticatire ajicõari tũoĩavasoacana ñaama ĩna. To bajiri mũre ajimena ĩna tũoĩare bajirone tũoĩabeama ĩna yuja. Yũre bajirone tũoĩarã ñama. To bajiro bajirã ĩna ñajare, ĩnare ĩateama masa, mũre ajimena. ¹⁵ Yũre ajitirũnrãre, “ ‘Mũre ajimena rãca vatoajũ ñabeticõato ĩna’ yigu, ĩnare juacoasa mɛ”, mũre yibeaja yɛ. Ado bajiroɟũa mũre sẽnijaɟa yɛ. Quẽnaro ĩnare yirẽmoña, “Vãtia mũre ĩre cũdirõma ĩna” yigu. ¹⁶ Mũre ajimena ĩna tũoĩarore bajirone tũoĩagũ me ñaja yɛ. To bajiri, yũre ajitirũnrã quẽne, mũre ajimena ĩna tũoĩarore bajiro tũoĩarã me ñaama ĩna. ¹⁷ Riojo ñamasuse ñaja ti mɛ oca. To bajiri yũre ajitirũnrãre ĩnare yirẽmoña mɛ, mɛ ocare “Quẽnaro ajimasiato ĩna” yigu. Mɛ ocare ajimasicõari, “Quẽnase rĩne yirã ñato” yigu, ĩnare yirẽmoña. ¹⁸ Mũre ajimena vatoajũre yũre cõacajũ mɛ. Yũ quẽne, to bajirone mũre ajimena vatoajũre yũre ajitirũnrãre ĩnare cõagũagũ yaja yɛ. ¹⁹ “Yũ bajirotire mɛ tũoĩacatore bajirone bajirũaroɟa ti”, mũre yaja yɛ, “Yũ sũorine quẽnase ĩnare ejarũaroɟa” yimasigũ ñari. To bajiro mũre yaja yɛ, “Yũre ĩacõari, ‘Dios ocare socabetire Jesús ĩcũdirõre bajirone cũdirãsa mani’ yato ĩna” yigu —yicami Jesús, Diore sẽnigũ.

²⁰ Gajeye ado bajiro Diore sẽnicaɟa Jesús:

—Yũ rãca ñacõari, yũre ajitirũnrã rĩrene ĩnare sẽnibosagũ me yaja yɛ. ãnoa ĩna gotimasiõse ti ñajare, “Gãjerã quẽne, yũre ajitirũnrãrãma” yigu, ĩnare quẽne sẽnibosaja yɛ. ²¹ “Yũre ajitirũnrã ñajediro sĩgũre bajiro ñato ĩna” yigu, mũre sẽnijaɟa yɛ, to yicõari, “Mani rãca quẽne ñacõa ñato ĩna” yigu. Cacũ, yɛ rãca ñaja mɛ. Yũ quẽne, mɛ rãca ñaja. To mani bajirore bajirone sĩgũre bajiro ĩna ñasere bojaja yɛ. To bajiro ĩna bajiro ĩacõari, “Socũ mene Dios ĩcõar'ĩ ñaũumi Jesús”, yitũoĩavasoarũarãma masa. ²² “ ‘Diorãca ñaami’ masa yũre yirũcũbũoato” yigu, yũre ejarẽmõadicaɟũ mɛ. To bajirone yũre ajitirũnrãre quẽne, yũre mɛ ejarẽmõcatore bajirone ĩnare ejarẽmõrũcũɟa yɛ, masa, ĩnare ĩacõari “ ‘Diorãca ñaama’ ĩnare yirũcũbũoato” yigu. To bajiro ĩnare yirũcũɟa yɛ, mani bajirore bajirone, “Sĩgũre bajiro ñato ĩna” yigu. ²³ ĩna rãca ñarũgũaja yɛ. Mɛ quẽne, yɛ rãca ñarũgũaja mɛ. To bajiri sĩgũre bajirone tũoĩarũarãma ĩna. To bajiro ĩna bajiro ĩacõari, “Dios ĩcõar'ine ñaũumi Jesús”, yimasirũarãma masa. “Ĩ macũre ĩ mairõre bajirone ĩnare quẽne maiami Dios”, yimasirũarãma masa.

²⁴ Cacũ, yũre ajitirũnrã yũre mɛ ĩsicana ñaama ĩna. To bajiri yɛ rãca ĩna ñarõtire bojaja yɛ, mɛ rãca yɛ rotĩnarore “ĩarãjaro ĩna” yigu. To bajiri, mɛ rãca yɛ rotisere ĩacõari, “Adi macarũcũro ti ruyuaroto rĩjoroɟũne Jesúsre maicoayumi Dios” ĩna yimasirotire bojaja yɛ. ²⁵ Cacũ rojose yigu me ñaja mɛ. Mũre ajimenama, mũre masibeama ĩna. Yũma, mũre masiaɟa yɛ. ãnoa yɛ buerã quẽne, “Dios ĩcõar'ine ñaami”, yũre yimasiamã ĩna. ²⁶ “Ado bajiro bajigũ ñaami Dios”, ĩnare yigotimasiõcõadicaɟũ yɛ, yũre ajitirũnrãre. To bajirone ĩnare gotimasiõcõaja yɛ maji, yũre mɛ mairõre bajirone “Gãjerãre maiato ĩna” yigu. To yicõari, “Ĩna rãca yɛ ñacõa ñarũgũrotire masiato ĩna” yigu to bajiro yũre ajitirũnrãre ĩnare gotimasioaja yɛ —Diore ĩre yicami Jesús.

*Jesúre ñna ñiare queti**(Mt 26.47-56; Mr 14.43-50; Lc 22.47-53)*

¹ To bajiro Diore Jesús ñ yisēniro bero, Cedrón vāme cuti cora gajejacatujaj vacajaj yua, ñ rāca. To vanane, olivo vāme cutisere oterivesejure jiacajaj yua. ² Tocārācajine ti vesejure rējacajaj yua. To bajiri Judas, Jesúre ñaterāre ñsirocacacū quēne, yua rāca rējarūgūcacū ñari, tojūre quēnaro masicami. ³ To bajiri ti vesere masigū ñari, surarare, to yicōari, Diore yirūcūbuoriavi coderimasare ūmato ejacami Judas. Paia ujarā, to yicōari, fariseo masa ñna cōariarā ñacama. Jariaserine besu cūocama ñna. Sīgūri sīabusuariari, gājerā mājorijāirire bajise sīare cūocama ñna. ⁴ Jēre, “To bajirone yure yiruarāma” yigoticacū ñari, ñnare bocagūacami Jesús. ñnare bocacōari ado bajiro ñnare sēniñacami:

—¿Ñimūre macati mūa? —ñnare yicami Jesús.

⁵ To bajiro ñ yirone,

—Jesús Nazaret macagūre macaja yua —ñre yicūdicama ñna.

To bajiro ñna yirone,

—Yūne ñaja —ñnare yicūdicami ñjūama.

Judas, Jesúre ñaterāre gotiyiror'i quēne ñna rāca ñacami. ⁶ “Yūne ñaja yū” Jesús ñ yirone, jūdavējacoacama ñna. ⁷ To ñna bajirone, ñnare tudisēniñacami Jesús:

—¿Ñimūre macarā bajiati mūa? —ñnare yicami Jesús.

To bajiro ñ yirone,

—Jesús Nazaret macagūre macaja yua —yicama ñna.

⁸ To bajiro ñna yisere ajicōari:

—“Yūne ñaja yū”, jēre mūare yibū yū. Yūrene mūa macajama, yū rācanare ñnare varotiya maji —ñnare yicami Jesús.

⁹ To bajiro ñ yijama, “ ‘To bajirūaroja ti’ ñ yigoticatore bajiro bajiato” yigū yicami. Ado bajise Diore ñre yicami: “Cacū, yure mū ñsicanare quēnaro ñnare ñatirūnūcoadicajaj yū, ‘Sīgū bajiyayiro mi’ yigū”, yicami Jesús.

¹⁰ Jesúre ñna ñnaruaro ñacōari, ñ jariasere yoveacami Pedro. Tiasene paia uju ñnamasugūre moabosarimasare, Malco vāme cutigūre riojojacatūaga gāmoro ñre jatarocacōacami Pedro. ¹¹ To bajiro ñ yijare, ado bajiro Pedro ñre yicami Jesús:

—Mū jariasere tudisuacōaña quēna. Rojose yū tāmūrotire yū jacū ñ bojacatire, “Tāmūroūabecūmi”, ¿yure yiboatime mū? —Pedro ñre yicami Jesús.

*Anás ya vijū Jesúre ñna ñmiejare queti**(Mt 26.57-58; Mr 14.53-54; Lc 22.54)*

¹² To bajiro ñ yirone surara, ñna uju rāca, Diore yirūcūbuoriavi coderimasa quēne Jesúre ñnacamama ñna. ñre ñnacōari, ñ ñmobearire siacama ñna. ¹³ To yicōari, Anás ya vijū ñre ñmicoacama ñna yuja. Caifás ūmañicū ñnacamama Anás. Ti cūmare paia uju ñnamasugū ñnacamama Caifás. ¹⁴ Caifás ñañuju: “ñre mani sīabetijama, mani ñnaro cōrone sīajeocōaruarāma ñna romano masa. To bajiri manire rijabosagūre bajirone bajiato ñ”, yigotir'i ñañuju ñ.

*“Jesúre masibeaja yū”, Pedro ñ yire queti**(Mt 26.69-70; Mr 14.66-68; Lc 22.55-57)*

¹⁵ Pedro rāca, Jesúre ñna ñmivato sūyacajaj yua. Paia uju ñnamasugūre quēnaro ñ masigū ñacajaj yū. To bajiri josari mene paia uju ya vi ta biberiasāniro rētosājacoacajaj. ¹⁶ Pedrojūama ta biberiasāniro sūyarojūajūne sājabecūne tujacoacami. To bajiri paia uju ñnamasugūre masigū ñari, ta biberiasāniro coderimaso rāca ñagōgū tudibudicoacajaj yū. To yicōari Pedro ñre jisōcāajaj yū. ¹⁷ To cōrone ta biberiasāniro coderimaso, Pedro ñre sēniñacamo so:

—¿Jesús buerimasa rācagū me ñati mū? —ñre yicamo so, Pedro.

To so yirone,

—ñ me ñaja yū —sore yicami Pedro.

¹⁸ Ti usajare, paia ɯju ñamasugũre moabosarimasa, Diore yirũcũbũoriavi coderimasa quẽne jea riocõari, sũmañacama ñna. Pedro quẽne ñna rãca sũmañacami.

Paia ɯju ñamasugũ, Jesũre ñ sẽnĩtare queti
(Mt 26.59-66; Mr 14.55-64; Lc 22.66-71)

¹⁹ Jesũre ñna ãmiejaro, ñacõari, paia ɯju ñamasugũ, ado bajiro ñre sẽnĩñañuju:

—¿Nocãrãcũ ñnati mũ buerã? ¿Ñie ùnire ñnare gotimasiorũgũati mũ? —Ñre yisẽnĩñañuju ñ, Jesũre.

²⁰ To bajiro ñ yijare, ado bajiro cũdiyujũ Jesũs:

—Masa ñaro rĩjorojũa gotisũoadicajũ yũ, Diore yirũcũbũoriavijũre, to yicõari, ñ ocare mani buerũgũrivirijũre quẽne. Disejũane yayioroaca yũ gotimasiore maja. ²¹ ¿No yigũ yũjũare sẽnĩñati mũ? Yũre ajicanajũare ñnare sẽnĩñañasaque. Yũ gotirũgũcatire mũre gotirũarãma ñna. Tire masirãma ñna —Ñre yiyujũ Jesũs, paia ɯju ñamasugũre.

²² To bajiro Jesũs ñ yisere ajicõari, sĩgũ, Diore yirũcũbũoriavi coderimasũ Jesũs riogare jayujũ. Ñre jacõari,

—To bajiro mũ yicũdijama, paia ɯju ñamasugũre ñre rũcũbũogũ me yaja mũ —Jesũre ñre yiyujũ Diore yirũcũbũoriavi coderimasũ.

²³ To bajiro ñ yirone, ñre cũdiyujũ Jesũs:

—Riojo me yũ yijama, “Ado bajiro yaja mũ”, yũre yigotiya mũ. Riojo yũ yiboajaquẽne, ¿no yigũ yũre jati mũ? —Ñre yiyujũ Jesũs.

²⁴ To bajiro ñre yisẽnĩñacõari bero, ñre ñna siarere jojiorotibecũne paia ɯju ñamasugũ Caifãs vãme cõtigu tũjũare Jesũre cõañujũ Anãs.

Quẽna, “Jesũre masibeaja yũ”, Pedro ñ yire queti
(Mt 26.71-75; Mr 14.69-72; Lc 22.58-62)

²⁵ To ñna yĩñaro ùnone jea sũmacõa ñnacami Pedro. Ñ rãca jea sũmañarã ado bajiro ñre yisẽnĩñacama ñna:

—¿Ñ buerimasũ me ñnati mũ quẽne? —Ñre yisẽnĩñacama ñna.

To bajiro ñna yirone, —Bajibeaja. Ñ me ñaja yũ —yicami Pedro.

²⁶ To bajiro ñ yirone, sĩgũ paia ɯjũre moabosarimasũ Pedore ñre sẽnĩñacami:

—Olivo vãme cõtisere oterivasesejũ, ñ rãca mũ ñaro, mũre ñamũ yũ —Ñre yicami. Ñ ñnacami Pedro ñ gãmorõ jatacaca.

²⁷ To bajiro ñ yisẽnĩñasere ajicõari,

—Ñ me ñaja yũ —yicõacami quẽna Pedro.

To bajiro ñ yirirĩmarone, gãjabocũ ñagõcõacami yuja.

Pilato tũjũ Jesũre ñna ãmiejare queti
(Mt 27.1-2, 11-14; Mr 15.1-5; Lc 23.1-5)

²⁸ Tijũ bero, Caifãs ya vi ñnariarã, Pilato ya vijũare Jesũre ñre ãmivacama. Jud'io masa ɯju ñaboarine, Roma vãme cõtĩ macagũ ñnacami Pilato. To cõrone busumũjacoacajũ yuja. Ñ ya vire sãjabeticama ñna jud'io masa, “Gãjerã masa ya vi mani sãjajama, Pascua bare bamasimenaja mani” yitũoĩarã ñnari. ²⁹ To bajiri, Pilato ñna rãca ñagõrũ budiacami ñ yuja:

—¿Ñie rojose ñ yise sũori ñre ocasãti mũa? —yicami Pilato, jud'io masare.

³⁰ To bajiro ñ yisẽnĩñarone, ado bajiro ñre cũdicama ñna:

—Rojose ñ yibetijama, mũ tũ ñre ãmiejobetiboriarãja yũa —Ñre yicama ñna.

³¹ To bajiro ñna yirone,

—Ñre ãmicoasa mũa. Mũa masune rojose ñ yisere ñacõãjajecõari, rojose ñ yise vaja rojose ñre yiba mũa yuja —Ñnare yiboacami Pilato, jud'io masare.

To bajiro ñnare ñ yirone,

—Yũa, jud'io masama, masare sãmasibeaja —Pilatore ñre yicama ñna.

³² “Yucátëroju yare jajutusĩacõaruarãma masa” Jesús ì yicatore bajirone bajicaju ti.
³³ Quëna sãjacõari, Jesúre ìre jiyuju Pilato. To yicõari, ado bajiro Jesúre ìre yisëniãñuju:
 —¿Jud'io masa ujũ masune ñati mũ? —Jesúre ìre yiyuju Pilato.

³⁴ To bajiro ì yirone,
 —¿Mũ masu tũõarine, to bajise yare yisëniãti mũ? ¿Gãjerã mure ìna gotijare, to bajise yare sëniãtique mũ? —Ìre yiyuju Jesús, Pilatore.

³⁵ To bajiro ì yijare,
 —Jud'io masu me ñaja yũ, tia. Mũ yarãne, paia ujarã rãca, yũ tu mure ãmiejoama ìna. ¿Ñie ùni rojose yirori mũ? —Jesúre ìre yiyuju Pilato.

³⁶ To bajiro ì yisere ajicõari, ado bajiro ìre cãdiyuju Jesús:
 —Masa ujũ mũ yigũre bajiro bajigũ me ñaja yũ. To bajiro bajigũ yũ ñajama, yare suyarimasa yare ìaterãre ìna rãca gãmerã quëaboriarãma ìna, “Yure ñiaroma ìna” yirã. To bajiri, masa ujũ mũ yigũre bajiro bajigũ me ñaja yũ. Yure rotise adone ñabeaja —Pilatore ìre yiyuju Jesús.

³⁷ To bajiro ì yirone,
 —To yijama, ¿ujũ ñati mũ? —yiyuju Pilato.
 To bajiro ì yirone ìre cãdiyuju Jesús:
 —Mũ yimore bajirone bajiaja yũ. Ujũne ñaja yũ. Adi macarũcũrojũre vadicõari ruyua-caju, riojo ñamasusere gotirũ. No bojarã yũ gotisere ajivariquënarãma, yare ajitirũnarã ñaama —Pilatore ìre yiyuju Jesús.

³⁸ To bajiro ì yirone,
 —¿Ñie ùnire yigũ yati mũ, ñamasuse ñaja mũ yiserema? —Jesúre ìre yiyuju Pilato.

*“Jesúre sãaroti ñaja”, ìna yire queti
 (Mt 27.15-31; Mr 15.6-20; Lc 23.13-25)*

To bajiro Jesúre ìre yisëniã gajanocõari, budiejacami Pilato, jud'io masare gotiguagu quëna:

—Yũ ìajama, ñie rojose yigũ me ñaami. ³⁹ Tocãrãca cãmari Pascua mũa yiro cõro, sīgũ tubibe ecor'ire mũare bubosarũgũaja yũ. To bajiri, ¿mũa jud'io masa ujũre yũ bubosasere bojati mũa? —Ìnare yicami Pilato, jud'io masare.

⁴⁰ To bajiro ìnare ì yijare, ado bajiro ìre avasãcãdicama ìna:

—¡Ìrema bubesa mũ! ¡Barrabájũare ìre bucõaña! —yiasãcãma ìna, Pilatore.
 Barrabájũama, juarudirimasu ñañuju.

19

¹ To bajiro ìna yisere ajicõari, Jesúre ìre bajarotiyuju Pilato yuja. ² Jesús rũjoa joere jotabedo suariabedo ìre jeoyujarã surara. To yicõari, ujarã ìna sãñarito ùnore sũarivũjorore ìre sãñujarã ìna. ³ To bajiro ìre yigajanocõa, ì tubusa ejarũgũcõari, ado bajiro ìre yiyujarã ìna:

—Jud'io masa ujũre mure quënarotiaja yũa yuja —yiajatud'iyujarã ìna, Jesúre.

To yicõari ì riogare ìre jayujarã ìna.

⁴ To bajiro ìna yiro bero quëna budiejacõari jud'io masare ado bajiro ìnare yicami Pilato yuja:

—¡Ìaña mũa! Yũ ìajama, ñiejũ rojose yigũ me ñaami. Mũa quëne ìre ìacõari, “Yure bajiro tũõiato” yigũ, ìre buaja yũ —Ìnare yicami Pilato.

⁵ To bajiro ì yirone, jotabedo jesacõari, sũarivũjorore sãñacõari budiadicami Jesús. To cõrone yuja ado bajiro masare yicami Pilato:

—¡Ìaña mũa! Ñni ñaami ì yuja —Ìnare yicami Pilato.

⁶ To bajiro ì yirone, Jesús ì budiadore ìacõari ado bajiro avasãcãma ìna paia ujarã, Diore yirãcãbũoriavi coderimasa quëne:

—¡Yucátēroju ĩre jajutuya! ĩĩre jajutuya! —yivasācama ĩna.

To bajiro ĩna yirone,

—¡M̄ua masune ĩre āmivacōari yucátēroju ĩre jajutuaya m̄ua! Yujua yu ĩajama, ĩiejua rojose yigu me ñaami —ĩnare yicami Pilato, jud'io masare.

⁷ To bajiro ĩ yisere ajicōari, ado bajiro ĩre cūdicama jud'io masa:

—Yua ñicua ĩna rotimasiriarore bajirone yirā “Rijacoajaro” yaja yua, “Dios macu ñaja yu” ĩ yise vaja —Pilatore ĩre yicama ĩna.

⁸ To bajiro ĩna yisere ajicōari butobusa güiyuju Pilato. ⁹ To bajiri quēna vijua ĩre jicōari ĩre sēniñañuju Pilato:

—¿Noagu masu ñati m̄u? ĩre yisēniñañuju Pilato.

To bajiro ĩ yisēniñaboajaquēne —ĩre cūdibesuju Jesús.

¹⁰ To bajiri quēna ĩre tudisēniñañuju Pilato:

—¿Yure cūdibeatime m̄u? Gājerāre m̄ure yucátēroju yu jajuturotiruajama, jajutu rotimasiaja yu. M̄ure yu buruajajuquēne bucōamasiaja yu. ¿Tire masibeatique m̄u? —Jesúre ĩre yiyuju Pilato.

¹¹ To bajiro ĩ yirone,

—No bajiro yicōari rotimasibetiboguja m̄u, Dios ĩ bojabetijama. Masare rotirocare m̄ure cūcami Dios. To bajiri m̄u tujure yare cōagūre, m̄u rētoro rojose masu ñacōaja ti —Pilatore ĩre yiyuju Jesús.

¹² To bajiro ĩ yisere ajicōari, “¿No bajiro yicōari, Jesúre ĩre bucōaroti ñaboati ti?”, yituoñañuju Pilato yuja. To bajiro ĩ yituoñaboajaquēne, ado bajiro yivasācama jud'io masa:

—ĩre m̄u bucōajama, uju ñamasugū César vāme cutigu rācagu me ñarucuja m̄u. No bojagu ĩre sēnibecane, “Uju ñarucuja yu” yiguma, César ĩ ĩategu ñaami. To bajiri, ĩre m̄u bujama, quēnabeaja —Pilatore ĩre yivasācama ĩna.

¹³ To bajiro ĩna yisere ajicōari, Jesúre ĩre jiburoticami Pilato yuja. To yicōari, rotigu ĩ rujirijure ejarūjūcoacami Pilato. Gabata vāme cuticaju hebreo ocarema. “Gātane buoriaju” yire ũni ñacaju ti. ¹⁴ Pascua boserūm̄u bare basuoriarūm̄u rījoroagarūm̄u, ñacaju ti. Ūm̄urecaji ñaro ado bajiro ĩnare yicami Pilato, jud'io masare:

—Āni ñaami m̄ua uju —ĩnare yicami.

¹⁵ To bajiro ĩ yisere ajicōari, buto avasācama ĩna quēna:

—¡Sīacōaroti ñaja! ¡Sīacōaroti ñaja! ¡Yucátēroju ĩre jajutusīarotiya m̄u! —Pilatore ĩre yivasā cūdicama ĩna.

To bajiro ĩre ĩna yise ñajare, ado bajiro ĩnare yicami Pilato:

—¿No yigu m̄ua ujure jajutusīarotiguada yu? —ĩnare yicami Pilato.

To bajiro ĩ yijare, ado bajiro ĩre cūdicama paia ujarā:

—César sīgūne ñaami yua uju. Ñimujua gāji maami —yicama ĩna, Pilatore.

¹⁶ To bajiro ĩna yisere ajicōari, “Yucátēroju ĩre jajusīato ĩna” yigu, Jesúre ĩnare ĩsicami Pilato. To bajiri Jesúre ĩre āmicoacama ĩna yuja.

Yucátēroju Jesúre ĩna jajusīare queti

(Mt 27.32-44; Mr 15.21-32; Lc 23.26-43)

¹⁷ ĩre ĩna āmiato, yua quēne suyacaju yua. ĩre āmivacōari, yucátērore ĩre gajaroticama ĩna. Hebreo ocama Gólgota vāme cuti buroju ĩre āmivacama ĩna. “Rajoco Buro” yire ũni ñacaju ti. ¹⁸ Toju ĩre āmiejacōari, Jesúre yucátēroju ĩre jajutucama ĩna. ĩ tu gājerā juarā ĩnare jajutucama. Sīgūre ĩ riojojacatua, gājire ĩ gācojacatua ĩnare jajutucama ĩna. ¹⁹ Jesús ĩ tuyaritērojure ĩ rujoa vecare ĩ vāmere ucaturotiyumi Pilato. Ado bajise yituyacaju: “Jesús Nazaret macagu, jud'io masa uju” yiuature ñacaju ti. ²⁰ Jājarā jud'io masa tire ĩacama ĩna. Maca tuacane ñacaju ti, Jesúre ĩna jajutucato. ĩ rujoa veca vāme tuyase griego oca, hebreo oca, lat'in oca quēne ñacaju ti. ²¹ To bajiri jud'io masa paia ujarā ado bajiro ĩre yicama, Pilatore:

—“Jud'io masa ɯɟɯ ñaami” mɯ yuicarotiboare quēnabeaja ti. “‘Jud'io masa ɯɟɯ ñaja yɯ’ yiboami”, yuicavasoarotiya mɯ —Pilatore ĩre yicama ĩna.

²² To bajiro ĩna yiboajaquēne, ado bajiro ĩnare cɯdicami Pilato:

—Jēre uca ecocoamɯ. To bajiro ñacōato —ĩnare yicami Pilato.

²³ Yucátēroɟɯ Jesúre jajutugajanocōari, ĩ sudi sãñaboarere juacama ĩna surara. Babar-icārãcaɟɯ vocōari, gãmerã batocama ĩna. To bajiri, cojasene ruyacajɯ ti, ĩna ãmirotiase. Jesús ĩ sãñarito joeado tiayamano ñacajɯ ti. Riojone suamɯjagajanoriaro ñacajɯ ti. ²⁴ To bajiri ado bajiro gãmerã yicama surara:

—Tiasere vobeticōato mani. “Ñimɯɟɯa tiasere ĩ ãmiɯjaro ĩarãsa mani” yirã, gūtariacane reacũĩacama ĩna.

To bajiro ĩna yijama, Dios ocare masa ĩna ucamasire ti gotiriarore bajirone bajicajɯ ti yuja, ado bajiro ti yimasire ñajare: “Yɯ ye sudire gãmerã batorɯarãma ĩna. ‘Ñimɯɟɯa tiasere ĩ ãmiɯjaro ĩarãsa mani’ yirɯarãma ĩna. To yirãne gūtariacane reacũĩarɯarãma ĩna”, yigotiaja Dios ocare masa ĩna ucamasire. To bajiri, to bajirone yicama surara.

²⁵ Jesús yucátēroɟɯ ĩ tuyaro tɟɟɯ adocãrãcɯ ñacajɯ yɯa: ĩ jaco, to yicōari, so yo Cleofas manajo Mar'ia vãme cɯtigo, gajeo Mar'ia Magdalena, ñacajɯ yɯa. ²⁶ Yɯ Jesús ĩ buecacɯ, ĩ maigũ quēne ñacajɯ yɯ. ĩ jaco rãca yɯ ñasere ĩacōari ado bajiro yicami Jesús:

—Caco, ĩ ñarɯcɯmi mɯ macɯre bajiro bajigɯ —sore yicami Jesús, yɯɟɯare.

²⁷ To yicōari, yɯɟɯare ado bajiro yicami:

—Mɯ jacore bajiro bajigo ñarɯocomo so —yɯre yicami Jesús.

To bajiro ĩ yise ñajare, yɯ ya vijɯ sore ũmato ñarũgũcaɟɯ yɯ yuja.

Jesús ĩ ɯsɯtadire queti

(Mt 27.45-56; Mr 15.33-41; Lc 23.44-49)

²⁸ Jesús, to bajise yɯare ĩ yiro bero, “Dios ĩ bojadicatore bajirone jēre adi macarɯcɯroɟɯare yijeocōaja yɯ yuja” yigɯ ñari, Dios ocare masa ĩna ucamasire, “Ti gotirore bajirone bajiato ti” yigɯ,

—Bogoaja yɯre —yicami Jesús yuja.

²⁹ To ñacajɯ ɯye oco jiase. Tire, sudiro burɯane ñiabiacoari, hisopo vãme cɯtiricɯ gajane siatucama ĩna, tibɯɯare. To yicōari, Jesús rise tɟɟɯre ñumɯotucama ĩna. ³⁰ ɯye oco jiase veroĩacōari ado bajiro yicami Jesús:

—Dios ĩ roticōacatore bajirone jēre yijeocōaja yɯ yuja. To cōrone ñaja —yicami Jesús.

To yigɯne, murocayo, ɯsɯtadicōa tɟɟacami Jesús yuja.

Surara, Jesús varubɯre ĩ sarejorare queti

³¹ Pascua boserɯmɯ bare basɯoriarɯmɯ rĩjoroagarɯmɯ ñacajɯ ti. Gajerɯmɯ yɯa jud'io masa ɯsɯsãjariarɯmɯ ñacajɯ. To bajiri yucátēroɟɯ rijariarã rujɯri tuyasere bojabeticama ĩna. To bajiri Pilatore ĩre sēniñujarã jud'io masa ɯjarã:

—Yucátēroɟɯ tuyarãre ĩna ñicɯgũri gōare jatãrerotiya mɯ, “Guaro rijacoajaro” yigɯ. To yicōari ĩna rujɯrire rujio rotiya —ĩre yiyujarã ĩna, jud'io masa ɯjarã.

³² To bajiri Pilato ĩ rotijare, ĩ yarã surara vacōari, yucátēroɟɯ Jesús tɟɟɯ jɯarã tuyarãre ĩna ñicɯgũri gōare jatãrecama ĩna. ³³ Jesús tɟɟɯre ejarũgũcōari, “Jēre ɯsɯtadicoasumi ãnima”, ĩre yĩĩacama ĩna. To bajiri ĩ ñicɯgũri gōare jatãrebeticama ĩna.

³⁴ To bajiboarine Jesús varubɯre sīgũ surara sarejoracami. ĩ sarejorarone, ri'i, oco rãca budicajɯ. ³⁵ Yɯ, tire gotigɯ, tire ĩacacɯ masune ñacōaja yɯ. “Riojo gotiaja tire”, yimasiaja yɯ. Mɯare quēne, quēnabɯsaro “‘Jesús ñaami Dios macɯ mani ɯɟɯ, ĩ masise rãca manire ejarēmogũ’ yimasiatto ĩna” yigɯ, riojo tire gotiaja yɯ. ³⁶ To bajiro ti bajijama, Dios ocare masa ĩna ucamasire ti gotirore bajirone jediro bajicajɯ ti. Ado bajiro gotiaja Dios oca: “Cojo gōaro ĩre gōaro jajeabetirɯarãma ĩna”, yigotiaja ti Dios oca. ³⁷ Gajeɟɯ Dios oca ti gotijama, ado bajiro gotiaja: “Sarejora ecor'ire ĩarɯarãma masa”, yigotiaja Dios oca.

*Jesúre ñna yujere queti**(Mt 27.57-61; Mr 15.42-47; Lc 23.50-56)*

³⁸ To ñna yiro bero, Arimatea vāme cūti macagu José, Jesús rujarire āmiru Pilatore sēniñuju ĩ. Jesúre ĩre ajitirūnacacu ñacami José. To bajiboarine gājerāre gotibatobeticami, jud'io masa ujarāre güigu. To bajiri, “Āmiña” Pilato ĩ yijare, Jesús rujarire rujiogu vasuju José. ³⁹ Nicodemo ñamiju Jesúrāca ñagōgū ejar'i quēne ejayuju. Treinta y cuatro kilo cōro rūcuse satiquēnasere juajayuju ĩ. Mirra vāme cūtise, áloe vāme cūtise rāca vūore ñañuju ti sūtise. ⁴⁰ To bajiri José, Nicodemo rāca, Jesús rujarire rujiocōari sudijāiri botiquēnarijāirine sūtisere tucōari, ĩre gūmañujarā ñna. Yua jud'io masa, to bajiro yirūgūcaju yua, bajirearāre yujerā. ⁴¹ Jesúre yucūtēroju ñna jajutusīacato, ote vese tūju ñacaju ti. Ti vesejare masa yujeriavi gūtavi mame quēnoraviyure ĩ rujarire cūñujarā. Gājerāre yujeñañamanivi ñañuju ti vi. ⁴² Usasājariarūmu, Pascua bare basuoriarūmu ti ejaroto mojoroaca ruyacaju ti. To bajiri ti vijū Jesús rujarire cūñujarā ñna, sōju me ti ñajare.

20*Jesús ĩ tudicature queti**(Mt 28.1-10; Mr 16.1-8; Lc 24.1-12)*

¹ Gaje semana ñna moasuarūmu busuriju jēju rētiabusarōjune vasuju so Mar'ia Magdalena. Jesúre ñna yujeriavi tū ejacōari, so ĩajama, gāta tūnuobibeboaria mañuju. ² To ti bajiro ĩacōari, ũmadi, yua tūju ejacamo so. Pedro, yu, Jesús bato ĩ maicacu, ñacaju yua. Yua tūjare ejacōari, ado bajiro yuare goticamo so:

—Mani uju rujarire āmicoasuma ñna. “Toju ĩ rujarire cūriarāma ñna”, yimasibeaja yu — yuare yicamo so.

³ To so yisere ajicōari, Pedro rāca ĩarā vacoacaju yua. ⁴ Yua juarā, cojoro cōro ũmacaju yua. Pedro rētoabusaro ũmacaju yujua. To bajiri, yujua ĩ rījoro ejacoacaju yu. ⁵ Mubiacōari, ti vire ĩasōcaju yu. ĩre ñna gūmaboare rīne ñacaju. Sājabeticaju yu, bajigujuma. ⁶ Yu beroju ejacami Pedrojuma. ĩma ĩre ñna yujeriaviju sājacoacami. ĩ quēne, Jesúre ñna gūmaboare rīrene ĩacami. ⁷ Jesús rūjoare ñna gūmariaro ricatiju ti jesaro ĩacami. ĩre ñna dūreariaboare gajeroju jesacaju ti. ⁸ To cōrone yu quēne ĩ rījoro ejasucacu quēne sājacoacaju yu. Tire ĩacōari, “Tudicaticoasumi Jesús”, yimasicaju yu yuja. ⁹ “Rijacoaboarine tudicaticoarucami Jesús” Dios ocare masa ñna ucamasire ti yigotisere ajimasibeticaju yua maji. ¹⁰ To bajicōa, yua ya vijū tudicoacaju yua yuja.

*Mar'ia Magdalenare Jesús ĩ ruyuañore queti**(Mr 16.9-11)*

¹¹ Mar'ia Magdalenama, Jesúre ñna yujeriavi tūjune oticōa tujasumo so. Otiñagōne, mubiacōari, ti vire ĩasōcōañuju so. ¹² ĩasōcōagōne, juarā ángel mesa, botiquēnase sāñacōari rujirāre ĩañuju so. Sīgū Jesús rūjoa ñariarōjūare rujiyuju ĩ. Gāji, ĩ gūbori ñariarōjūare rujiyuju. ¹³ So otiñaro ĩacōari, sore sēniñañujarā ñna, Mar'ia Magdalenare:

—¿No yigo otiati mu? —sore yiyujarā ángel mesa.

To bajiro ñna yirone,

—Yu uju rujarire āmicoasuma ñna. “Toju ĩ rujarire cūriarāma ñna”, yimasibeaja yu — yiyuju so.

¹⁴ To bajiro ñnare yigotigajanocōari, judarūgūgōne Jesúre ĩañuju so. ĩre ĩaboarine, “Jesúne ñaami”, yimasibesuju so. ¹⁵ To cōrone ĩju sore sēniñañuju ĩ:

—¿No yigo otiati mu? ¿Ñimare macati mu? —sore yiyuju Jesús.

“Adi vese coderimasu ñagūmi”, yitūoñacōañuju so. To bajiri ado bajiro ĩre yiyuju so:

—ĩrujarire mu āmicūjama, “To cūmu yu”, yure yigotiya. Āmigō varuo yaja yu—ĩre yiyuju so.

¹⁶ To so yirone, ado bajiro sore yiyuju Jesús yuja:

—Mar'ia —sore yiyuju.

To bajiro ĩ yirone hebreo ocane ado bajiro ĩre yiyuju so:

—Rabuni —yiyuju so. “Gotimasiogũ” yire ũni ñaja ti.

¹⁷ To so yirone, ado bajiro sore cadiyuju Jesús:

—Yũre moañabesa maji. Yũ jacu tũju mujabeaja yũ maji. Vasa. Yũ yarãre ĩnare gotiaya: “Dios mani jacu, mani rãcũbũogũ, ĩ ñaroju vacu yimi”, ĩnare yigotiaya —sore yigotirotiyuju Jesús, Mar'ia Magdalenare.

¹⁸ To bajiro ĩ yirio, yũare gotigo ejacamo so. “Mani ujure ĩamu yũ”, yũare yicamo so. To yicõari, Jesús ĩ gotiroticõariare bajirone yũare goticamo.

Ī buerimasare Jesús ĩ ruyuaĩore queti

(Mt 28.16-20; Mr 16.14-18; Lc 24.36-49)

¹⁹ Moasũoriarũmũ rãioati ñamire yũ Jesús ĩ buecana vijure rējacõari, ñacaju yũ. Yũ yarã jud'io masare ĩnare gũirã ñari, sojere tubibecõari ñacaju yũ. To bajiro yũ bajiñaro yũ vatoane ruyuarũgũcõacami Jesús:

—¿Ñati mũa? Quẽnaro ñaña mũa —yũare yicami Jesús.

²⁰ To yigũne, ĩ ãmorire ĩna jajucati, ĩ varubũre ĩna sarecati yũare ĩocami Jesús. Yũ ĩ buecana yũ ujure ĩacõari, bũto variquẽnacaju yũ yuja. ²¹ To bajiri quẽna ado bajiro yũare gotirũtuacami Jesús:

—Quẽnaro ñaña mũa. Yũ jacu masa tũju yũre ĩ cõacatore bajirone yũ quẽne mũare cõaja yũ yuja —yũare yicami Jesús.

²² To yigũne, yũare jutijeocami. Jutijeogũne, ado bajiro yicami:

—Dios ĩ cõagũre Esp'iritu Santore bocaãmiña mũa. ²³ ĩre bocaãmicõari, gãjerã rojose ĩna yisere mũa masiriojama, Dios quẽne rojose ĩna yisere masiriorũcũmi. Rojose ĩna yisere mũa masiriobetijama, Dios quẽne rojose ĩna yisere masiriobetirũcũmi —yũare yicami Jesús.

Jesús ĩ tudicatiro Tomás ĩ ĩare queti

²⁴ Yũare Jesús ĩ ruyuaĩororema, Tomás yũ rãcagũ cojoji ruyuarãne, juarã ruyuar'i yũ yicacu manicami maji. ²⁵ Jesús ĩ ruyuaĩoro bero Tomãre ĩabũjacõari, “Mani ujure ĩre ĩamu yũ”, ĩre yiboacaju yũ. To bajiro ĩre yũ yiboajaquẽne ado bajiro yũare boca cãdicami Tomás:

—Ī ãmorire ĩre ĩna jajucati gojerire ĩacõari yũ tõmeĩabetijama, to yicõari ĩ varubũre ĩna sarecati yũ moañabetijama, “Īne ñaami”, yimasibecũja yũ —yũare boca yicami Tomás.

²⁶ Cojomo cõro idia jẽnituarirũmũri bero quẽna rējacaju yũ. Tirũmũ yũ rējjarirũmũre Tomás quẽne ñacami yuja. Soje turiaro ti ñaboajaquẽne yũ vatoane ruyuarũgũcũmi Jesús quẽna.

—¿Ñati mũa? Quẽnaro ñaña mũa —yũare yicami Jesús.

²⁷ To yicõa, ado bajiro Tomãre ĩre yicami:

—Yũ ãmorire ĩacõari, mũ ãmo vãsoane yũre tõmeĩaña mũ. Mũ ãmo vãsoane yũ varubũre ĩna saremasirijure tõmeĩaña. “Ī me ñagũmi”, yibeja yuja. “Īne ñaami”, yimasiña mũ yuja —ĩre yicami Jesús.

²⁸ To bajiro ĩre ĩ yirone,

—Yũ uju, Dione ñaja mũ —Jesũre yicami Tomás.

²⁹ To bajiro ĩ yirone, ado bajiro ĩre cãdicami Jesús:

—Tomás, yũre ĩagũ ñari, “Īne ñaja mũ”, yũre yaja mũ. Gãjerãma yũre ĩabetiboarine mũ yirore bajirone yũre ĩna yijama, quẽnaro variquẽnarũarãma ĩna —Tomãre ĩre yicami Jesús.

“ Masa, Jesũre ĩre ajitirũnrãjaro’ yigũ, adi quetire ucaja yũ”, Juan ĩ yire

³⁰ Gajeye jairo ĩañañamanire yĩocami Jesús, yũare ĩ buerãre. Ti ñaro cõrone ucajeobeaja yũ, adi queti ucagũ. ³¹ Yũ ucasema, “Mani rijato beroju, rojose tãmũotũjabetiriaroju mani

vaborotire manire yirētobosacōari, ĩ rotirotire yigɯ, Dios ĩ cōar'i, to yicōari, ĩ macɯ ñagūmi Jesús” mɯa yitɯoĭarotire yigɯ, ucaja yɯ. To bajiro Jesúre mɯa yitɯoĭajama, mɯa rijato berojɯ, “Tudirijabeticōato” yigɯ, Dios ĩ catisere ĩsiecorɯarāja mɯa quēne.

21

Ī buerimasa, cojomo cōro jɯa jēnituarirācɯ ñarāre Jesús ĩ ruyuaĭore queti

¹ Tiju bero, quēna yɯare ruyuaĭocami Jesús, ĩ buecanare. Tiberias vāme cutira tɯsarojɯ yɯare ruyuaĭocami ĩ. Ado bajiro bajicami: ² Adocārācɯ ñacajɯ yɯa, rējacana: Simón Pedro vāme cutigɯ, Tomás yɯa rācagɯ cojojɩ ruyuarāne, jɯarā ruyuar'i yɯa yicasɯ, Natanael, Galilea sitagɯ Caná vāme cuti macagɯ, yɯa Zebedeo rĭa, gājerā jɯarā Jesús ĩ buecana ñacajɯ yɯa. ³ To yɯa bajīñarone, ado bajiro yicami Pedro:

—Vai vayagɯacɯ yaja yɯ —yicami.

To bajiro ĩ yijare,

—Yɯa quēne mɯ rāca vana yaja —ĭre yicajɯ yɯa.

To yi, ĩ rāca vacoacajɯ yɯa. Va, cūmɯa vasājacajɯ yɯa. Ti ñamire vai vaya ñamicutiboacajɯ yɯa. ⁴ Ti busumɯjadone utabɯcɯra tɯne yɯare ruyuaĭocōacami Jesús. To ĩ bajiboajaquēne, “Īne ñagūmi”, yimasibeticajɯ yɯa. ⁵ Ado bajise yɯare yicami:

—¿Vai sĭabeati mɯa? —yɯare yicami Jesús.

To bajiro ĩ yijare,

—Vai vayaboaja yɯa. Sājabeama —ĭre yicajɯ yɯa.

⁶ To yɯa yirone,

—¿Cūmɯa riojojacatɯare bajīre rocaroaya mɯa! To bajiro mɯa yijama, vai sĭarɯarāja mɯa —yɯare yicami Jesús.

To ĩ yirotirore bajirone yicajɯ yɯa. Jājarā vai ĩna sājajare, no yi tūamɯo sātĭmabeticajɯ yɯa. ⁷ Tire ĩaboacɯ, yɯ, Jesús ĩ maicacɯ ado bajiro ĩre yicajɯ yɯ, Pedrorre:

—Mani ɯjɯne ñaami —ĭre yicajɯ yɯ.

Tire ajicōari, ĩ sudiro veacūcatiasere guaro sāña, jatirocaroa, bacōa jājacami ĩ, Jesús ĩ ñarojɯare. ⁸ Cien metros cōro vijariarojɯre jayacajɯ yɯa. To bajiri jabua cutojɯre bajīre sājacanare vaire vejajājacajɯ yɯa. ⁹ Jājaeja, majacōari, jeame ɯjɯrime vecare vai jesarāre ĩnare ĩacajɯ yɯa. To bajicōari, pan quēne jesacajɯ ti. ¹⁰ Yɯa ejaro ĩacōari ado bajiro yɯare yicami Jesús:

—Gājerā vai juadirēmoña yucɯacane mɯa vayasĭarāre —yɯare yicami Jesús.

¹¹ To bajiro ĩ yisere ajicōari, cūmuajɯre ejasājacami Pedro. To yicōari, bajīre boejɯ vejamocūcami, jacarā vai sāñaricɯre. Ciento cincuenta y tres ñarirācɯ ñacama vai ñajediro. Jājarā ĩna ñaboajaquēne, surebeticajɯ ti, bajī. ¹² To ĩ yiro bero, ado bajiro yɯare yicami Jesús:

—Bayujiroaya —yɯare yicami Jesús.

“¿Ñimɯ ñati mɯ?” ĩre yisēniĭabeticajɯ yɯa, “Mani ɯjɯne ñaami” yirā ñari. ¹³ To yicōa, yɯa tɯjɯ ejarūgū, panre yɯare ĩsibatocami. Vaire quēne, to bajirone yicami.

¹⁴ Idiaji yɯare ruyuaĭocoacami, ĩ sĭaecocato bero tudicaticōari.

Simón Pedro rāca Jesús ĩ ñagōre queti

¹⁵ Yɯa bayujigajanoro bero, Pedrorre ĩre sēniĭacami Jesús:

—¿Mɯ rācana yɯre ĩna mairo rētoro yɯre maiati mɯ Pedro, Jonás macɯ? —ĭre yisēniĭacami Jesús.

To bajiro ĩ yirone,

—Yɯ ɯjɯ mɯre maiaja yɯ. Mɯre yɯ maisere masiaja mɯ —Jesúre ĩre yicami Pedro.

To bajiro ĩ yijare,

—¿Oveja rĭare ĩna ecarūgūriarore bajirone yɯ yarāre yɯre gotimasiobosaba mɯ! —ĭre yicami Jesús.

¹⁶ Quēna tudisēniñacami Jesús, Pedroro:

—¿Yure maimasucōati m̄ Pedro, Jonás mac̄? —Īre yicami Jesús.

To bajiro ĩ yirone Pedroj̄ama:

—Ȳu ɱj̄u m̄re maiaja ȳu. M̄re ȳu maisere masiaja m̄u —Jesúre ĩre yicami Pedro quēna.

To bajiro ĩ yijare,

—¡Ovejare coderiarore bajirone ȳu yarāre ȳure codebosaba m̄u! —Īre yicami Jesús.

¹⁷ To yicōa, quēna ĩre tudisēniñaquēnocami Jesús:

—¿Yure maiati m̄ Pedro, Jonás mac̄? —Īre yicami Jesús.

Idiaji, “¿Yure maiati m̄?” Jesús ĩ yisere ajicōari, s̄tiriticoacami Pedro yuja. To bajiri ado bajiro Jesúre ĩre yicami Pedro:

—Ȳu ɱj̄u, ñajediro masigū ñaja m̄u. M̄re ȳu maisere masiaja m̄u —Jesúre ĩre yicami Pedro.

To bajiro ĩ yijare,

—Ovejare ĩna ecarūgūrore bajirone ȳu yarāre ȳure gotimasiobosaba m̄u. ¹⁸ Socu mene m̄re gotiaja ȳu. Tirūm̄j̄u mam̄u ñagūj̄uma sudi sãñacōari, no m̄u bojarone vacudirūgūcaj̄u m̄u maji. B̄uc̄u m̄u ñatone m̄u āmorire siacōari, m̄u var̄uabetoj̄ure m̄re āmir̄uarāma ĩna —Pedroro ĩre yicami Jesús.

¹⁹ To bajise Pedroro ĩ yijama, ĩ s̄iaecoroti vāmere gotimasiogū yicami. To bajiro m̄u yiecosere ĩacōari, “Diore r̄uc̄ub̄uor̄uarāma masa” yiḡu, to bajise goticami Jesús, Pedroro. To yigajanogūne,

—Vayá ȳu r̄aca. Ȳure ajitir̄un̄u s̄uyaya —Īre yicami Jesús.

“Jesús ĩ maimasugū ñacaj̄u ȳu”, Juan ĩ yire queti

²⁰ J̄udati ĩacōari ĩnare ȳu s̄uyaro ȳure ĩacami Pedro. Ȳu ñacaj̄u Jesús ĩ buecac̄u, b̄ato ĩ maicac̄u. Ȳune ñaja Jesús, Pascua boserūm̄u ȳure ĩ ūmato bat̄usacatir̄um̄u ĩ tub̄usaca ñacōari, “¿Ñim̄u ñati, m̄re ĩaterāre ĩsirocaroc̄uma?” Jesúre yisēniñacac̄u. ²¹ Ȳure ĩacōari, ado bajiro Jesúre ĩre yisēniñacami Pedro:

—Ȳu ɱj̄u, ānima, ¿no bajiro bajirijariquīda? —Jesúre ĩre yisēniñacami Pedro.

²² To bajiro ĩ yirone, ado bajiro ĩre c̄udicami Jesús:

—Quēna ȳu tudivadirotoju ĩ catirotire ȳu bojajama, caticōa ñarūgūr̄uc̄umi maji. No bajiro m̄re yibeaja ti, m̄u masibetijaquēne. M̄uma ȳure ajitir̄un̄u s̄uyaya m̄u —Pedroro ĩre yicami Jesús.

²³ To bajiro ĩ yirone, ȳuñarema, “‘Rijabetir̄uc̄umi’ yiḡu yiḡumi” yirene masicōacama ĩna. To bajiboarine Jesúj̄ama, “Rijabetir̄uc̄umi”, yibeticami. Ado bajiroj̄u yicami ĩ: “Ȳu tudiejarij̄u ĩ catisere ȳu bojajama, caticōar̄uc̄umi maji. Tire m̄u masibetijama, no yibeaja m̄re” yiḡu yicami Jesús. Tire quēnaro ajimasibeticōari, “Rijabetir̄uc̄umi Juan” yire queti gotibatoyuma ĩna.

²⁴ Juan ñaja ȳu, Jesús ĩ buecac̄u. Ȳune ñaja, adi paperare ucaḡu. Ȳu gotisere, “Riojo gotiaja ti”, yimasiaja mani.

²⁵ Gajeye jairo ñaja Jesús ĩ yīocati. Jediro Jesús ĩ yirūgūcatire mani ucajeocōajama, adi macar̄uc̄urore t̄jabetiboroja paperatutiri.

To cōrone ñaja.

HECHOS de los Apóstoles

“Esp'iritu Santore m̄are cōaruc̄aja yu”, Jesús īyire queti

¹⁻² ¿Teófilo, ñaboati m̄u? Tir̄m̄u m̄are papera cōas̄ocaj̄u yu. Ti papera r̄aca Jesús īyis̄orere masare ī gotimasiorere m̄are ucac̄ocaj̄u yu. Ī bueriar̄a ȳare ĩna goticato cōro ucajeoc̄ocaj̄u yu. Ī ruyuarere ucac̄ocaj̄u yu. To yic̄ōari, ĩ s̄iaecorere, tudicatic̄ōari ō vecaj̄u ĩ m̄jarere quēne ucacaj̄u yu. Ō vecaj̄u ĩ m̄jaroto r̄joro, ĩ bueriar̄are ĩnare gotimasiorotic̄ōaḡū, Esp'iritu Santo ĩ ejar̄ēnose r̄aca, “Ado bajiro yiba m̄u” ĩnare ĩ yigotic̄ūre ucacaj̄u yu. ³ Ī rijato bero, tudicatic̄ōari ĩ cōaronare cojōji me ĩnare ruyuañōñuju Jesús. To bajic̄ōari, cuarenta ñarir̄m̄ari ĩna r̄aca ñaḡū, ĩnare ĩ ūmato yir̄ūḡūriarore bajiro ĩnare ūmato yic̄ōa ñañuju, “Īne ñaami” ĩna yimasirotire yiḡu. To bajiñaḡū, “Yu rijabosare s̄orine ȳare ajitir̄ānr̄are ĩvariquēnaami Dios yuja”, ĩnare yigotimasioñuju.

⁴ ĩna r̄aca ñaḡūju, ado bajiro ĩnare gotiyuju Jesús maji:

—Adone ñac̄ōama maji, Jerusalēne. Dios mani jac̄u ĩ gotirere bajirone ĩ cōaḡū Esp'iritu Santo ejarotire yuba m̄u. Tire m̄are yu goticatire ajicaj̄u m̄u. ⁵ Tir̄m̄uj̄u oco r̄aca m̄are bautizacami Juan, “Dios ĩ bojabeti yir̄abeaja” m̄u yit̄ōñajare. To bajiri, yoaro mene Esp'iritu Santore m̄are cōaruc̄ami Dios, m̄u r̄aca ñarocare, “Dios ĩ bojarore bajirone yimasiato” yirocare —ĩnare yiyuju Jesús.

Jesús ō vecaj̄u ĩ m̄jare queti

⁶ To bajiri, Jesúr̄aca r̄ejar̄a ado bajiro sēniñañujar̄a ĩna:

—Tir̄m̄uj̄u romano masa, mani Israel ñamasir'i jānerabatia ye sitare ēmac̄ōari, moarotis̄oadimasiñuma ĩna. ¿Yuc̄arema, ĩnare buc̄ōari, “Rotim̄or̄ūḡōr̄uc̄aja m̄' yiḡu, Dios ĩ cōaḡū ñaja yu”, yigotiḡuti m̄u? —Jesúre ĩre yiyujar̄a ĩna.

⁷ To bajiro ĩna yijare, ado bajiro ĩnare c̄diyuju Jesús:

—No bajiro yic̄ōari, masimenaja m̄uama. Dios mani jac̄uma ĩ masise r̄aca ĩ yirotire, ĩ s̄iḡūne masiami. ⁸ To bajiboarine, Dios ĩ cōaḡū Esp'iritu Santo ĩ vado, ĩ masise m̄are ejar̄aroja ti. To bajiri, ḡajer̄a masa t̄j̄u vac̄ōari ȳare gotibosar̄a var̄ar̄aja m̄u. Jerusalēnj̄are, adi maca Judea sita jediro, Samaria sitaj̄u quēne, macar̄uc̄ro ñaro cōrone ȳare gotibatocudibosar̄ar̄aja m̄u —ĩnare yiyuju Jesús ĩ buer̄are.

⁹ To bajiro ĩnare gotigajanoḡūne, ĩre ĩna ĩñarone m̄jacoasuju Jesús. Buerigasero ejacone yayicoasuju. To bajiro ĩ bajiro bero ĩre tudīñabesujar̄a yuja. ¹⁰ ĩ m̄javeoro bero to bajirone vecaj̄ure ĩam̄oc̄ōa ñañujar̄a ĩna maji. To ĩna bajirone ĩna vatoaj̄u j̄ar̄a ángeles ruyuar̄ūḡūc̄ōañujar̄a ĩna. B̄uto botise sudi s̄añar̄a ñañujar̄a ĩna. ¹¹ To bajic̄ōari, ado bajiro ĩnare gotiyujar̄a ĩna:

—M̄u Galileana, ¿ñiere yir̄a ūm̄agaseroj̄are ĩam̄oc̄ōa ñati? Jesús, m̄u r̄aca ñar'i, ūm̄agaseroj̄u ĩ m̄jato m̄u ĩarore bajirone tudir̄uj̄adir̄uc̄ami quēna —Jesús bueriar̄are yiyujar̄a ángeles.

Judare, Mat'ias ĩ ñavasoare queti

¹² To bajiri, Olivo v̄ame c̄uti buro ñañujar̄a ĩna, Jesús ĩ bueriar̄a, ĩ cōarona. To bajiri Jerusalēnj̄u tudicoasujar̄a ĩna yuja. Ti buro t̄acane ñañuju ti, ti maca. ¹³ Ti macaj̄u ejaçōari, vij̄u vecaga s̄ōaj̄ure ñañujar̄a ĩna. Ado bajise v̄ame c̄tiyujar̄a ĩna: Pedro, Juan, Santiago, Andrés, Felipe, Tomás, Bartolomé, Mateo, ḡaji Santiago Alfeo mac̄u ñañuju ĩ. Ḡaji Simón Celote ĩna yiḡu ñañuju. Ḡaji, Santiago mac̄u Judas ñañuju ĩ. Toc̄ar̄ac̄u ñañujar̄a ĩna. ¹⁴ S̄iḡūre bajirone t̄ōñac̄ōari, r̄ejar̄ūḡūñujar̄a ĩna, Diore sēnir̄a. Jesús beder̄a, ĩ jaco Mar'ia, ḡajer̄a r̄omia quēne ñañujar̄a ĩna.

¹⁵ Tirāmure ĩna rāca rējarũgũñujarā ĩna, Jesúre ajitirũnarā. Ciento veinte cõro ñariarāma ĩna. ĩna vatoaju vāmuregũcõari, ado bajiro ĩnare gotiyuju Pedro:

¹⁶—Ajiya ma, yu yarā. Tirāmũju Esp'iritu Santo ĩ ejarēnose rāca Judas ĩ bajiro tire ucamasĩuju, mani ñicu David ñamasir'i, Jesúre ĩre ñiacanare ũmato ejacacure. ¹⁷ To bajiri Judas yua rācagu ñaboacami. ĩ ye moare quēne ñaboacaju ti. ¹⁸ Judas, ĩ masune rojose yicõari, rijacoasuju ĩ. ĩ rũjoajuane quediruji, tãasiarocayocõa tujasuju. To baji, tuvagua potogune, ĩ gũdamisi budibatecoasuju ti. To ĩ bajiro bero, rojose ĩ yire vaja gãjoa ñarāre juacõari, ti sitare vaja yiyujarā ĩna gãjerā. ¹⁹ To bajiri to ĩna yijare, Jerusalén ñarā, Acéldame vāme yiyujarā ĩna, ti sitare. ĩna ocarema ri'i vese yire ũni ñañuju ti. ²⁰ “To bajiro bajiruroja” David ñamasir'i ĩ yimasire socase me ñañuja, ado bajiro ĩ ucamasirema: “Masa mano ñato ĩ ya vi. To bajiro bajicõari ĩ ye moare ñaboarere, gãji moavasoato”, Diore yiucabosayuju David ñamasir'i, Judas ĩ bajiro tire goti rĩjoro yigũ.

²¹⁻²² To bajiro David ñamasir'i ĩ yiucamasire ti ñajare, Judare ĩre vasoagu, Jesús ĩ rijato bero quēna ĩ tudicatiro ĩacacure, Juan, Jesúre ĩ tuñabiario ĩacacure, yua Jesús ĩ cõasucana rāca vacudicacure macato mani —yiyuju Pedro.

²³ To bajiro ĩ yiro bero, jmarāre ũmũare beseyujarā ĩna. “José vāme cutigu quēnagũmi” yicõari, “Gãji, Mat'ias vāme cutigu quēnagũmi”, yiyujarā ĩna. Josére, Justo ĩre yiyujarā gãjerā. Gaje vāmerema, Barsabás ĩre yiyujarā. ²⁴ To bajiro yicõari, ado bajiro Jesúre ĩre sēniñujarā ĩna:

—Jesús yua uju, mu masiaja ñajediro masa ĩna tũoĩasere. To bajiri ānoare, “Nijua ñati mu besegu” yuare ĩoña mu. ²⁵ Judare vasoarocu yua rāca moarocure ĩoña yuare. Rojose yiru Judas yuare vaveocami. To bajiri yucarirema rojose ĩ yicati vaja, rojose tãmũotũjabetiriaroju ñagũmi —yisēniñujarā ĩna, Jesúre.

²⁶ To yigajano, José vāme ucatuyujarā ĩna, gũtajure. To yicõari, gajea gũtare Mat'ias vāme ucatuyujarā. “Tiarire reacũlato mani, ĩñimũjua ñati Dios ĩ beseguma?”, yiyujarā ĩna. Gũtarire reacũlõari, “Mat'iane ñaami Dios ĩ beseguma”, yimasĩujarā ĩna. To bajiri, juaāmo cõro, coja gũbo jēnituarirācu ñañujarā maji. To bajiri, Mat'ias rāca ñarā, juaāmo cõro jua jēnituarirācu ñañujarā yuja.

2

Dios ĩ cõagũ Esp'iritu Santo ĩ ejare queti

¹ Pentecostés boserũmure Jesúre ajitirũnarā rējañujarā ĩna. ² To bajiro ĩna bajiñarone, ñaro tũsarone busi ocaruyuyuju õ vecaju. Bũto mino cutiejarore bajiro ejayuju, ĩna ñarivijure. ³ To bajicõari, jea ũjusere bajise ruyuyuju. To bajicõari tocārācurene ĩnare quedireajeoyuju. ⁴ To bajiro ti bajirone, Dios ĩ cõagũ, Esp'iritu Santo ĩnare ejayuju, tocārācurene. Ejacõari, ĩna ñagõmasirotire ĩnare ujoyuju. To bajiro ĩ yijare, tocārācure ricatiri rĩne ñagõjedicoasujarā ĩna, gãjerā masa yere.

⁵ Pentecostés boserũmu ñaro, jud'io masa Jerusalén macajure boserũmu ĩarā ejariarā ñañujarā, Diore rācũbuorā. Jud'io masa ñaboarine, ricatiri rĩne ñagõrā ñañujarā, gaje macariana vadiriarā ñari. ⁶ To bajiri mino vatore bajiro ti busisere ajicõari, jãjarā masa rējañujarā ĩna, ti busirojure. To ejacõari ĩna ajijama, ricati oca ñagõrā ñaboarine, sīgũ ruyariaro mano ĩna ocare ajiyujarā ĩna. To bajiri, no bajiro yimasĩna mañuju ĩnare. ⁷ No yimasibeticõari, ĩna masune ado bajiro gāmerā yiyujarā ĩna:

—¿Galileana me ñati, ma ĩajama? ⁸ Galileana, ma ocare, yua ocare quēne ñagõmasimena ñaboarine, ānoajuama, ĩno bajiro yicõari, mani ocare ñagõmasiati ĩna yuja? ⁹⁻¹⁰ Adocārāca sitana vadiriarā ñaja mani: Partia, Media, Elam, Mesopotamia, Judea, Capadocia, Ponto, Asia, Frigia, Panfilia, Egipto, to yicõari, Cirene maca adojuana Africana quēne, Roma macaju vadiriarā sīgũri jud'io masa quēne ñaama. ¹¹ To yicõari, gãjerā jud'io masare bajiro Diore rācũbuorā Roma macaju vadiriarā ñaama ĩna quēne. Creta, Arabia vadiriarā quēne

ñaama. To bajiro mani bajiboajaquêne, Dios quênaro manire ï yĩñasere mani oca rãca manire gotiama, Galileana ñaboarine —gãmerã yiyujarã ïna.

¹² To bajiro yituoïarejaica yirã, no bajiro yimasibesujarã ïna. To bajiri ado bajiro gãmerã yicõa ñañujarã:

—¿Ñie ùnire yirã, to bajiro yati ïna? —gãmerã yisēniñañujarã ïna.

¹³ Gãjerãjũama:

—Mecurã yama, yiajatud'iyujarã ïna —Jesús buerimasa ñariarãre.

To rējarãre Pedro ï gotimasiore queti

¹⁴ To bajiro ïna yiajatud'isere ajicõari, juaãmo cõro, coja jēnitarirãcu ñarã rãca vãmũrũgũñuju Pedro. Vãmũrũgũcõari, bũto tutuase rãca ado bajiro gotiyuju Pedro, to rējarã ïna ajjediro:

—Quênaro ajiya yũ yarã, yũ gotisere, Jerusalén ñarã quêne. ¹⁵ “Mecurã yaja mũa”, yũare yirãja mũa. Mecurã me yaja yũa. Busurijũaca ñaja maji. Masa mecũriaju ejabeaja maji. ¹⁶ Ado bajirojũa bajiaja: Yũare mũa ïase, “To bajiro bajirũaroja”, yiyuju Diore gotirētobosamasir'i, Joel. Ado bajiro yiucamasiñuju:

¹⁷ “Adi macarũcũro ñatũsarirũmũrire Esp'iritu Santore ïre cõarũcũja yũ, jediro masare.

To bajiri, ï sũorine mũa rĩa, Diore gotirētobosarũarãma ïna. Mamarãma, yũ yĩosere ïamasirũarãma ïna. Bũcũrãma, yũ cõasere cãjiriarũarãma.

¹⁸ Tirãmũrire Esp'iritu Santore cõarũcũja yũ, yũre ajitirũnrãre. Őmũare, rõmiare quêne ïre cõarũcũja yũ. To bajiri yũ ocare gotimasiorũarãma ïna.

¹⁹ To bajiri õ vecaju ïaĩañamanire mũare yĩogũ, adigodo quêne ïaĩañamanire yĩorũcũja yũ. Ri'i ñarũaroja ti. To bajicõari, jea ùjuse, bueri buemũjarũaroja ti.

²⁰ Őmũagũ muiju quêne rētiacoarũcũmi. Ñamiagũ muiju quêne ri'ire bajirone sũagũ ñacoarũcũmi. Ti jediatone, Dios rojose yirãre ïabeserirũmũ ejaro bajirũaroja. Ñamasurirũmũ ñarũaroja, Jesús to bajiro ï yĩorirũmũ. Gajerũmũ tire bajiro bajibe-tirũaroja yuja. Gũiorirũmũ ñaro yirũaroja yuja.

²¹ To bajiboajaquêne no bojarã, ‘Yũ mũjũ, rojose yigũ ñaja yũ. Rojose yũ yisere masirioya mũ’ yirãre rojose ïna yise vaja rojose tãmũotũjabetiriaroju ïna vaborotire ïnare yirētobosarũcũja yũ, yami Dios”, yiucamasiñuju Joel —yiyuju Pedro.

²² To yicõa, quēna tudigotiyuju Pedro:

—Dios ï beserimasa ajiya mũa. Nazaret macagũ Jesús ïaĩañamanire Dios ï masise rãca mũare yĩoñumi. To bajiri, “Dios ï rotirore bajiro yiyumi Jesús”, yimasiaja mũa, tire ïacana ñari. ²³ To bajiro yimasirã ñaboarine, Jesúre ïaterãre ocasãñuja mũa. To yicõari, yucátēroju ïnare jajurotiyuja mũa, ïre. Tire mũa yiroto rĩjorojũne masicõañuju Dios. “To bajiro rojose ïre ïna yiboajaquêne, quēnasejũare yirũcũja yũ” yigũ, ïre cõañuju Dios, Jesúre. To bajiri mũare matabesumi, “Jesúre ïre sĩato ïna” yirã, ïre ïaterãre mũa ïsiboajaquêne. ²⁴ To bajiro Jesúre mũa yiboajaquêne, Diojũama, Jesús ï sĩaecoro bero, quēna ïre catiocõañumi. To bajiri rijayayicõa tũjabesumi Jesús, no yiyamagũ ñari. ²⁵ To bajiri tirãmũju mani ñicu David ñamasir'i, Jesús ï bajiro tire yigũ, ado bajiro ucamasiñumi ï:

“Casũ, yũ rãcane ñaja mũ. Yũre mũ ejarēmose ti ñajare, ñiere gũibeaja yũ.

²⁶ Tire yũ tũoĩajama, yũre quēnamasucõaja. To bajiri bũto variquēnagũ quēnase mũre ñagõaja yũ. To bajiri, ‘Yũ rujũ ti yayiboajaquêne, quēna tudicaticoarũcũja yũ’ yitũoĩa tutuaja yũ.

²⁷ Casũ, masiaja yũ, ïna yujerojũne ñacõa ñabetirũcũja yũ. Mũ macũ ñaja yũ. Mũre rũcũbũoaja yũ. To bajiri yũ rujũ boarocabetirũaroja ti.

²⁸ To bajiri quēna yũre catiorũcũja mũ. To cõrone bũto variquēnarũcũja yũ, mũ rãca ñagũ ñari”, yiucamasiñumi David, Jesús ï yiro tirene yigũ.

²⁹ ï tũoĩase mere yimasiñuju ï. ï rijato, adone ïre yujerocamasiñujarã, ïrema. “Ado ñaja ïre yujeriaro”, yimasiaja mani. ³⁰ To bajiro bajiro tire goti rĩjoro cũtirimasũ ñamasiniñuju

David. “Berojɯ ‘Rotimɯorɯgɔrɯcɯmi’ yigɯ, Dios ɩ cɔagɯ, yɯ jɔnami ɱarɯcɯmi. Yɯre bajiro ɯjɯ ɱarɯcɯmi”, yimasiɱuju David, Diore gotirɛtobosagu. ³¹ To bajiro ti bajiro tire masigɯ ɱari, “Rotimɯorɯgɔrɯcɯmi” yigɯ, Dios ɩ cɔarocɯ Cristo rijacoaboarine, ɩ tudicatiro tire ucamasiɱuju. “ɩna yujerojɯne ɱacɔa ɱabetirɯcɯmi Cristo. To bajicɔari, ɩ ruju quɛne, boabetirɯaroja. To bajigɯ ɱari, tudicaticoarɯcɯmi quɛna”, yucamasiɱuju. ³² Jesú ɩ rijato bero, ɩre tudɩacajɯ yɯ. To bajiri, “Dios ɩre catioyumi”, yimasiaja yɯ. ³³ Jesúre, ɔ vecajɯ ɱacɔari, ɩre jiyuju Dios. To bajiri rɯcɯbuorɩajɯre Dios ɩ rujiro riojocatɯajɯare rujigɯmi. Tojɯre Dios ɩ gotiriarore bajirone, “Esp'iritu Santore rotiya mɯ”, Jesúre ɩre yiyuju. To bajiri Jesújɯa yɯare cɔaɱumi, Esp'iritu Santore. Jɛjɯ mɯa ɩase, mɯa ajise quɛne, Esp'iritu Santo ɩ ejajare, bajibɯ ti. Tine ɱaja ti, Dios ɩ cɔagɯ Esp'iritu Santo ɩ ejase. ³⁴ Quɛna David ɱamasir'i ɩ bajimasirere gotiaja yɯ. David ɩ masu ɩ bajiro tire yigɯ me, ucamasiɱuju. ɩ ruju, Dios ɩ ɱarɯjɯre mɯjabetiriaroja. To bajiboarine Jesú ɩ mɯjarotire yigɯne, ado bajiro yucamasiɱuju David:

“ Yɯ riojocatɯa rujiya maji.

³⁵ Mɯre ɩaterɩre, “Rojose yitɯjaya” ɩnare yɯ yiro bero, rojose yimasibetirɯarɩma yuja. To cɔrone rotisɯorɯcɯja mɯ’ yirɯcɯmi Dios, yɯ ɯjɯre”, yucamasiɱumi David.

³⁶ To bajiri, “Israel ɱamasir'i jɔnerabatiare, ‘Socase me ɱaja’ yimasirɩjaro” yigɯ, mɯare gotiaja yɯ. Jesúre, yucɩtɛrojɯre mɯa sɩar'irene, mani ɯjɯ ɱamɯorɯgɔrocɯre cɔaɱuju Dios — yiyuju Pedro, masare.

³⁷ To bajiro ɩ yisere ajicɔari tɯoɩarejai sɩtirityujarɩ ɩna. To bajiri, Pedro rɩcanare sɛniɩaɱujarɩ:

—¿Yɯa yarɩ, no yirɩti yɯa? —yiyujarɩ ɩna.

³⁸ To bajiro ɩna yirone, cɩdiyuju Pedro:

—Rojose mɯa yisere sɩtiriticɔari tɯoɩavasoaya. To yicɔari, oco rɩca bautizarotiya mɯa, “ Yɯare rijabosar'i ɱaami’ Jesúre ɩre yitɯoɩarɩ ɱaja yɯa” yirɩ. To bajiro mɯa yijama, rojose mɯa yisere masiriocɔari, Esp'iritu Santore mɯare cɔarɯcɯmi Dios. ³⁹ Esp'iritu Santore mɯare cɔarɯcɯmi, mɯa rɩare quɛne, mɯa jɔnerabatiare quɛne, sɔjɯanare quɛne. “Yɯ rɩa ɱarɯarɩja mɯa” ɩ yirere cɩdirɩ ɱajedirore ɩre cɔarɯcɯmi Dios —yiyuju Pedro.

⁴⁰ Ti rɩne gotigɯ me yiyuju Pedro. Jairo ɩnare gotimasioɱuju. To yigɯne ado bajiro gotiyuju:

—Masa adirɯmɯana rojose yirɩ rɩca ɱabesa mɯa. Cɩmotadicoasa mɯa, “Rojose tɩmɯotɯjabetiriaroju ɩna rɩca vatobe” yirɩ —yiyuju Pedro.

⁴¹ To bajiro ɩ yigotisere quɛnaro ajiyujarɩ ɩna. To bajiri tres mil cɔro ɱarɩ, ɱarɛmoɱujarɩ ɩna, Jesúre ajitirɩnɩrɩ. To bajiri, ɩnare bautizarotiyujarɩ ɩna, “Rojose yirɩabeaja. Dios yarɩ ɱaja yɯa yuja” yirɩ. ⁴² To bajiri Jesú ɩ gotiroticɔasɯorɩarɩ rɩca rɛjɩaɱujarɩ ɩna. Tocɩrɩcarɩmɩne ɩna rɩca rɛjarɯgɩɱujarɩ. To bajiri sɩgɩre bajiro tɯoɩaɱujarɩ ɩna. To bajicɔari Diore sɛnirɯgɩɱujarɩ ɩna. Bare barɩ quɛne, Jesú ɩ yirotiriarore bajirone yibayujarɩ ɩna.

Jesúre ajitirɩnɩrɩ ɩna bajire queti

⁴³ Tirɩmɩri Jesú ɩ gotiroticɔasɯorɩarɩ jairo ɩaɩaɱamanire yiyujarɩ, Dios ɩ masisere ɩnare ɩ cɔajare. Tire ɩacɔari, no yimasibesujarɩ ɩna toana ɱajediro. ⁴⁴⁻⁴⁵ Tocɩrɩcɩne Jesúre ajitirɩnɩrɩ sɩgɩre bajiro tɯoɩaɱujarɩ. “Yɯ ye ti ɱaboajaquɛne, mɩre ti rɩyajama, ɩsirɯcɩja yɯ”, gɩmerɩ yitɯoɩajedicɔaɱujarɩ ɩna. Gɩjerɩre maioro bajirɩre ɩacɔari, ɩna ye gajeyeɩnire ɩsicɔari vaja sɛni, juayujarɩ, ɩna, maioro bajirɩre gɩjoa ɩsirɩarɩ. ⁴⁶⁻⁴⁷ Tocɩrɩcarɩmɩ sɩgɩre bajiro tɯoɩarɩ ɱari, Diore yirɩcɯbuorɩavijɯre rɛjarɯgɩɱujarɩ ɩna, Diore sɛnirɩ. To yigajano, gɩjerɩre jicoasujarɩ ɩna, ɩnare barotirɩ. ɩna ya virɩjɩ ejacɔari, bare barɩne, Jesú ɩ rotiriarore bajirone yibavariquɛnaɱujarɩ ɩna. To bajiro bajirɩ, quɛnase Diore yirɩcɯbuorɩgɩɱujarɩ ɩna. To bajiri ɩnare ɩacɔari, “Quɛnaro yirɩ ɱaama”, yɩaɱujarɩ ɩna, ti macana. To bajiri, Jesú ɩ masisere ɩnare cɔaɱuju. ɩnare ɩ cɔajare, cojorɩmɩ rɩyabeto

ti macana sīgūri, Jesúre ĩre ajitirūnūsoyujarā ĩna. To bajicōari, Jesúre ajitirūnarā tūju rējañujarā ĩna quēne. ĩna rāca ñarā, jājarābūsa ñañujarā, Jesúre ajitirūnarā.

3

Pedro, micagūre ĩ catioire queti

¹ Tocārācarūmū ñamicajūa tūsatō, Diore sēnirā ejarūgūñujarā ĩna jud'io masa. To bajiri cojorūmū Pedro, Juan rāca, Diore ĩre sēnirā vasujarā ĩna quēne, Diore yirūcūbūoriavijū. ² Ti vi soje tūre rujiyuju rēmone micagū ruyuar'i. Tocārācarūmū tojūre ĩre āmiejorūgūñujarā ĩ babarā. Ti soje, Quēnarisoje vāme cūti soje ñañuju ti. Ti soje tūre rujicōari, ti vi sājarāre, “¿Yūre ĩamaicōari, gājoa ĩsirūabeati mūa?”, yirujirūgūñuju ĩ. ³ To bajiri, Pedro, Juan rāca ĩna sājatone, gājoare ĩnare sēniñuju micagū. ⁴ To bajiro ĩ yisere ajicōari, ĩre ĩañujarā ĩna. To yirāne, ado bajiro ĩre yiyuju Pedro:

—Adojūare ĩañā, mū —ĩre yiyuju.

⁵ To ĩ yijare, “Yūre ĩsirūarāma mojoroaca” yigu, quēnaro ĩnare ajiyuju micagūjūama. ⁶ To yicōari, ado bajiro ĩre yiyuju Pedro:

—Gājoa maja yūare. Gajeye quēnamasuse mūre yirēmōrūcūja yū. Jesucristo Nazaret macagū ĩ masise rāca mūre varotiaja yū —yiyuju Pedro, micagūre.

⁷ To yicōari, ĩ riojojacatūaga āmore ñiacōari, ĩre tūavūmūorūgōñuju Pedro. To ĩ yirone, ĩ ñicūgūri, ĩ āñatigāri tīmācoasuju, ĩre, micaboar'ire yuja. ⁸ To bajicōari, jatirocarūgūcōari, vasūoyuju ĩ yuja. ĩna rāca sājasuju micaboar'i, Diore yirūcūbūoriavijūre. To jatisājacūne, “Dios quēnaro yūre yami. Yū rijaye cūtisere yūre catioami”, yivariquēnañuju ĩ. ⁹ Ti vi ñarā, to bajiro ĩ yivariquēnasere ĩañujarā ĩna. ¹⁰ To bajiri ĩre ĩamasicōari ūcayujarā ĩna. “¿‘Quēnarisoje’ vāme cūti soje tū gājoa sēnirujirūgūgū me ñati ĩ?”, yiyujarā ĩna.

Diore yirūcūbūoriavijū Pedro ĩ gotimasiore queti

¹¹ To bajiri micagū ñaboar'i, Pedrore, Juanre ĩnare ñiatuayuju, “Yūre vaveobeticōato ĩna” yigu. Salomón vāme cūtijacatūajūare rūgōñujarā ĩna, Pedro, Juan rāca. To bajiro ĩna bajirone, masa ĩna ñaro cōrone ūmarējañujarā ĩna, ĩre ĩna catioore ĩaūcacōari. ¹² ĩna ūmarējaro ĩacōari, ado bajiro ĩnare gotiyuju Pedro:

—¿No yirā ĩaūcati? ĩaūcabesa, mūa, yū yarā Israel ñamasir'i jānerabatia. Āni micar'ire yūa masune catiobejū yūa. “Diore quēnaro cūdirā ñari, ĩre catioama”, yitūoĩabesa mūa.

¹³ Ado bajirojūa bajiaja: Mani ñicūa Abraham, Isaac, to yicōari, Jacob ĩna rūcūbūomasir'i, ĩ bojasere yicacūre Jesúre “Ñamasugū ñaami” yirūcūbūogū, āni micar'ire yūare catiorotimi. To bajiro yigu ĩ ñaboajaquēne, Jesúre ĩaterāre ocasācāju mūa, ūjarāre, “ĩre sĩato ĩna” yirā. Ūju Pilato, Jesúre ĩ burotirūaboajaquēne, mūajūa ĩre sĩarūacāju. ¹⁴ Dios ĩ bojase rĩne yigūre Jesúre burotimenane, Barrabájūare ĩre buroticōacāju mūa, Pilatore. ¹⁵ To bajiro mūa yijama, ĩna rijato berojū “Tudirijabeticōato” yigu, Dios ĩ catisere ĩsirocūre sĩarotiyuja mūa. To bajiboarine rijar'irene tudicaticōañuju Dios. ĩre ĩacōari, “Quēna tudicaticoasumi”, yimasiaja yūa. ¹⁶ Āni micagū ñaboagūre ĩre ĩaja mūa. “Jesús yūre catioarūcūmi” ĩ yitūoĩajare, rēmone ĩ ñicūgūri tīmācoajū ti. Tire ĩacōari, “Jesús sūorine bajiaja ti”, yimasiaja mūa.

¹⁷ Mani ūjarā rāca Jesúre ĩre sĩarotiacāju mūa, riojo tūoĩabetica yirā. ¹⁸ “To bajirone bajirūaroja ti” Dios ĩ yimasire ñajare, bajiacāju tima. Ado bajiro ucamasīñujarā Diore ĩre gotirētobosariarā: “Rojose tāmūocōari, sĩaecorūcūmi Cristo”, yīucamasīñujarā ĩna. ¹⁹ Tire ajicōari, rojose mūa yisere yitūjacōari, Diore sēniña mūa. To mūa yijama, rojose mūa yisere masiriorūcūmi. To bajiro ĩ yijare, ĩ rāca quēnaro ñarūarāja mūa. ²⁰ To bajiro mūa bajijama, Jesúre mūare cōarūcūmi Dios quēna, tirūmūjūne “‘Masa ūjū ñañā mū’ yigu mūre cōarūcūja” yimasir'i ñari. ²¹ Yūcūrema ō vecāju ñagūmi Jesús. “To cōrone adi macarūcūrore tudiquēnorūcūja yū” Dios ĩ yitūoĩariaro bajiro ti bajiroto rĩjoro, tone ñacōa ñarūcūmi. Adi ñaja tirūmūana Diore ĩre gotirētobosamasiriarā, ĩna ucamasire. ²² Diore

gotirētosamasir'i, Moisés vāme cūtigū, ado bajiro gotimasiñuju, mani ñicūare: “Dios mani űjū yure ĩ cōacatore bajirone gāji ĩ ocare gotirocure cōarucūmi. ĩ cōarocūma, mani rācagūne ñarucūmi. Jediro ĩ yirore bajirone cūdiruarāja mūa. ²³ ĩ yirore bajiro cūdimenarema, ĩnare bucōaroti ñaja ti. ĩnare bucōari ĩnare sīaroti ñaja”, yimasiñuju Moisés. Adi ñaja, Jesús ĩ bajiro tire goti rījoro yigū, mani ñicūare ĩ gotimasire.

²⁴ Samuel vāme cūtimasir'i, to yicōari, ĩre bajiro bajirā quēne ĩ beroana Diore ĩre gotirētosasariarā ñajediro, adirāmari bajiro tire gotiyujarā ĩna quēne. ²⁵ Tirāmūjū, mani ñicūare Dios ĩ gotirere gotimasiñujarā ĩna. Dios mani ñicūare ĩ goticōare ti ñajare, quēnase manire ejarūaroja ti. Ado bajiro mani ñicū Abraham ñamasir'ire gotimasiñuju Dios: “Masa jedirore quēnaro yirucūja yū, mū jānerabatia sūori”, yimasiñuju Dios, mani ñicū ñamasir'ire gotigū. ²⁶ To yimasir'i ñari, ĩ macure catiocōari bero, mani jud'io masa tujure ĩre cōasūoyūmi Dios, “ĩ sūori, rojose ĩna yisere masiriocōari, quēnaro ñato ĩna” yigū cōañuju, ĩ macure —ĩnare yigotimasioñuju Pedro.

4

Pedrore, to yicōari, Juanre tubiberiavijū masa űjarā, ĩna tubibere queti

¹⁻² To bajiri Pedro, Juan rāca, ado bajiro masare gotimasioñujarā ĩna:

—Jesús, sīaecogū ñaboarine, quēna tudicaticoasūmi. To bajiri mani quēne tudicaturarāja, yimasijaja mani —yiyujarā Pedro, Juan rāca.

To ĩna yiñarore paia, to yicōari, saduceo masa quēne ejayujarā ĩna. Diore yirucūbūoriavire coderimasa űjū quēne ejayuju ĩ. Buto jūnisiniejayujarā ĩna, Pedro, Juan rāca to bajiro ĩna gotimasiosere ajicōari. ³ To bajiri Pedrore, Juanre quēne ĩnare ñejecōari, tubibe, vaveocoasujarā ĩna, rāiorijū ti ñajare. ⁴ To bajiro ĩnare ĩna yiboajaquēne, Jesús ocare ajicōari, jājarā ajitirūnūoyujarā ĩna. To bajiri űmūa cinco mil ñañujarā ĩna.

⁵ To bajiri busurijū tudirējañujarā ĩna quēna, jud'io masa űjarā, Dios ĩ rotimasire gotimasiorimasa, to yicōari, bucūrā quēne. ⁶ Paia űjū ñamasugū Anás, to yicōari, ĩ yarā Caifás, Juan, Alejandro ñañujarā ĩna quēne. ⁷ To bajiri, Pedro, Juan rāca tubibe ecoriarāre, jirotiyuju Anás. To ĩ yijare, ĩ rījorojūare ejarūgū ejayujarā Pedro, Juan rāca. To ĩna ejaro, ado bajiro ĩnare sēñiñuju Anás:

—¿Ñimū masare mūare gotimasiorotimasiri? ¿Ñimū ĩ masise rāca micagūre catiomasiri mūa? —ĩnare yisēñiñuju Anás.

⁸⁻⁹ To bajiro ĩ yisēñiaro, Dios ĩ cōagū Esp'iritu Santo ĩ ejarēmose rāca cojo vāme ruyabeto quēnaro cūdiyuju Pedro:

—Yūa űjarā, bucūrā quēne, quēnaro yure ajiya. “¿Ñimū ĩ masise rāca micagūre catiomasiri mūa?” yūare mūa yisēñiasere cūdirucūja yū. ¹⁰ “Quēnaro masiato” yirā, adi macana, to yicōari, “Israel sitana ñaro cōrone masiato” yirā, ñamasusere mūare gotiaja yūa. Jesucristo Nazaret macagū sūorine micagū ñaboar'i catimasimi. Jesús, yucātēroju mūa sīar'ine, Dios ĩ tudicatiōr'ine, micagū ñaboagure ĩre catiomasimi. ¹¹ Tirāmūjū David ñamasir'i ado bajiro ucamasiñumi: “Gūta rāca vi quēnorimasa coja gūtare rocarāma. ĩna rocaria ñaboarine, gajea gūta rētoro quēnarica ñarūaroja tia. Tia gūta sūorine quēnarivi quēnorucūmi Dios. Tia manijama, quēnomasibetibogūmi”, yiucamasiñumi. “Ado bajiro bajiaja” yire űni ñaja adi: Mūa jud'io masa űjarā, Jesúre ĩre bojabetesuja mūa. To bajiboarine ñamasugū ñaami. ¹² Jesús rīne ñaami adi macarucūroana masa, ĩna rijato berojū, rojose ĩna tāmūoborotire ĩnare yirētosarocū, Dios ĩ cōar'i. Gāji to bajiro manire yirētosogū maami —yiyuju Pedro.

¹³ To bajiri Pedro, Juan rāca quēnaro masirāre bajiro ĩna ñagōsere ajimasicōañujarā űjarā. “Papersa buebetiriarā ñaboarine, quēnaro ñagōama ĩna. Jesúrāca ñarūgūriarāne ñaruyūama ĩna. To bajiri ĩre bajirone gotimasioama”, yitūoñañujarā ĩna, űjarā. ¹⁴ To bajiri micagū ñaboar'i, Pedro, Juan rāca ĩ ñajare, “Rojose yiyuja mūa”, yimasibesujarā űjarā.

15-16 To yi, budiarotiyujarã ɱjarã, Pedrore, to yicõari Juanre quẽne. To yicõari ado bajiro ãna masune gãmerã ñagõñujarã ãna:

—¿No yirãti mani ãnare, Pedrore, Juanre quẽne? Jerusalén macana ãna ñaro cõrone masiama micar'ire ãna catorere. To bajiri, “Socarã yama”, yimasiña maja. 17 To bajiri ado bajiro ãnare gotiroti ñaja: “Jesús yere quẽna mɱa ñagõrẽmojama, rojose tãmɱorã vana yaja mɱa”, ãnare yiroti ñaja, “To cõrone Jesús yere gotibatobeticõato yuja” yirã — yitɱoãñujarã ɱjarã. 18 To yi, quẽna ãnare jisõñujarã ãna, Pedrore, to yicõari, Juanre quẽne. ãna sãjaejarone:

—Jesús yere masare gotimasiobesa mɱa —yiboayujarã ãna, Pedrore, to yicõari, Juanre quẽne. 19 To bajiro ɱjarã ãna yisere ajicõari, ado bajiro cɱdiyujarã Pedro, Juan rãca:

—Mɱare yɱa cɱdijama, Diore cɱdimena yirãja yɱa. To bajiri, mɱa tɱoãjama, mɱajɱare yɱa cɱdijama, ¿riojo yirã yirãjari yɱa? 20 Jesúre yɱa ãacati, yɱa ajicatire quẽne, tire gotitɱamasimenaja —yiyujarã Pedro, Juan rãca.

21 Tire ajicõari,

—Gotimasiobeticõaña, Jesús yere. Jesús yere mɱa gotijama, rojose tãmɱorɱarãja mɱa —yiyujarã ɱjarã quẽna.

Micagũ ã catisere ãcõari, “Quẽnaro yigɱ ñaami Dios”, yiyujarã masa. To ãna yisere ajirã ñari, Pedrore, to yicõari, Juanre quẽne rojose ãnare yimasibesujarã ãna. To bajiri ãnare budiroticõañujarã ɱjarã. 22 Micagũ ñaboar'i, Pedro, Juan rãca ãna cator'i, cuarenta cãmari rẽtobɱsaro tɱsacɱ ñañuju ã.

“ ‘Jesús yere gotimasiocõa ñato ãna’ yigɱ, yɱare ejarẽmoña”, Diore ãna yisẽnire queti

23 Budicoanajɱma, ãna babarã tɱjɱ vacoasujarã Pedro, Juan rãca. Tojɱ ejacõari paia ɱjarã, to yicõari, bɱcɱrã quẽne, ãnare ãna yirere gotiyujarã ãna. 24 Tire ajicõari, sãgũre bajirone tɱoãcõari, ado bajiro Diore sẽnĩñujarã ãna:

—Dios, yɱa jacɱ, mɱ rĩne ñajediro masirẽtogũ ñaja mɱ. Mɱne, ɱmɱagaserore quẽnoñuja, sitare quẽne, riagarire quẽne jediro. Adì macarɱcɱroayere jediro rujeoyuja mɱ. 25 Tirũmɱjɱ yɱa ñicɱ mɱ bojarore bajiro yimasir'i David ñamasir'i, Esp'iritu Santo ã ejarẽmose rãca ado bajiro ucamasĩnumi:

“¿No yirã ‘Rotimɱorũgõrɱcɱmĩ’ yigɱ, Dios ã cõagũre jũnisiniati jud'io masa, to yicõari, jud'io masa me ñarã quẽne? ¿No yirã Diore rojose yirɱaboati ãna?”

26 ‘Rotimɱorũgõrɱcɱmĩ’ yigɱ, Dios ã cõagũre, to yicõari, Diore quẽne rojose yirɱarã, adì macarɱcɱroana ɱjarã rẽjacõari, ñayurɱarãma”, yìucamasĩnumi David.

27 Socɱ me yimasĩnumi David. ã gotimasiriarore bajirone bajicajɱ. ɱjɱ Herodes, Poncio Pilato vãme cãtigɱ quẽne, jud'io masa, to yicõari, jud'io masa me quẽne, rẽjacama ãna. Mɱ bojase rĩne yigɱre, “Rotimɱorũgõrɱcɱmĩ” yigɱ, mɱ cõar'ire Jesúre rojose ãre yirɱarã rẽjacama ãna. 28 “Ado bajirone bajirɱaroja” mɱ yiriarore bajiro yirã, to bajiro yicama ãna. 29 To bajiri Dios yɱa jacɱ, yɱare ajiya. “Rojose tãmɱorɱarãja mɱa” yɱare ãna yisere masiritibesa mɱ. Mɱ yirore bajiro mɱre cɱdirɱaja yɱa. To bajiri yɱare yirẽmoña mɱ, “Ñie gũimenane Jesús ã goticatire quẽnaro gotiato ãna” yigɱ. 30 Mɱ masise rãca masa rijarãre catioya mɱ. ããañamanire quẽne yiya mɱ, “ ‘Jesús, Dios ã bojase rĩne yigɱ, ã macɱ sɱorine to bajiaja ti’ yato ãna masa” yigɱ —yiyujarã ãna, Diore sẽnirã.

31 Diore ãna sẽnigajanoro, sita nɱrɱañuju. Tirĩmarone, Dios ã cõagũ Esp'iritu Santo, ã masisere ãnare ãsiñuju. To ã yijare, cojo vãme rɱyabeto Dios ã bojarore bajirone gũimenane, Dios ocare masare gotiyujarã ãna.

Jesúre ajitirũnrã ãna gãmerã yirẽmore queti

32 Jesúre ajitirũnrã sãgũre bajiro tɱoãrã ñañujarã ãna. ãna cɱosere, “Yɱ sãgũ ye ñaja”, yibesujarã ãna. Ñajedirore, “Mani ye ñaja” yirã, ãna babarãre ãsiñujarã ãna. 33 Jesús ã bajireayere gotimasio tɱjabesujarã Jesús ã gotiroticõasɱoriarã. “Jesús, rijacoaboarine,

tudicaticōari ñaami quēna”, yigotiyujarã ñna, masare. To bajiro quēnaro ñnare yigoticōari, ñaïñañamanire ñnare yïñoñujarã. “To bajirone quēnaro yïñato ñna” yigũ, Jesúre ajitirũnarã ñna ñnaro cōrone quēnaro ñnare yirẽmoñuju Dios. ³⁴⁻³⁵ Sita cœorã, viri cœorã, gãjerãre ñsiñujarã ñna. To yicōari, gãjoa bũjayujarã. Gãjoa bũjacōari, Jesús ñ gotiroticōasũoriarãre ñsiñujarã ñna, “Maioro bajirãre ñnare ñsiato” yirã. To bajiri ñna rãcana nijũma maioro bajigũ mañujarã yuja. ³⁶ To bajiro Jesúre ajitirũnarã vatoare, sīgũ jud'io masũ levita jũnagũ ññañuju ñ. José vãme cõtigũ ññañuju. Chipre vãme cõtiyojũ ruyuar'ï ññañuju ñ. Jesús ñ gotiroticōasũoriarã, Josere gajeye ñre vãme yiyujarã, Bernabé. Griego ocama, “Quēnase gãjerãre oca cõtigũ” yire ñni ññañuju ti vãme. ³⁷ Sita cœoyuju José. Tire gãjire ñsiñuju ñ. Ti vajane gãjoa bũjacōari, Jesús ñ gotiroticōasũoriarãre ñsiñuju, “Maioro bajirãre ñsiato” yigũ. Quēnaro yigũ ññañuju José.

5

Anan'ias, ñ manajo Safira rãca, ñna yitore queti

¹ Anan'ias vãme cõtigũ ñ manajo Safira rãca, quēnaro yirã me ññañujarã ñna. Anan'ias ñ manajo rãca ñna ya vesere gãjerãre ñsiñujarã. To yicōari, gãjoa bũjayujarã ñna. ² Anan'ias ñ manajo rãca cojoro cōro tœoñañujarã ñna. To bajiri gãjoa mojoro yayioyujarã ñna. To yicōari Jesús gotiroticōasũoriarãre ñsigũ vacoasuju, ruyasere. ñna tũjũ ejacōari,

—Ado cōrone bũjabũ yũ —ñnare yïñsiñuju Anan'ias.

³⁻⁴ To ñ yisere ajicōari, ado bajiro ñre yiyuju Pedro:

—Anan'ias, ¿no yigũ Diore ñategũre vãtia cũjũre cũdiati mũ? ¿Mũ ya vese me ñari, mũ ñsiriavesema? ¿Ti vese vaja mũre ñna ñsirema, mũ ye me ñari? To bajiro ti bajiboajaquēne, “Ti vese vaja ñnaro cōrone mũare ñsiaja yũ”, yitoaja mũ. To bajiro yũare mũ yitojama, yũa rĩrene yitogũ me yaja mũ. Diore, Esp'iritu Santore quēne yitogũ yaja mũ —yiyuju Pedro, Anan'iare.

⁵ To ñ yisere ajicōari, rijaquedicoasuju Anan'ias. To bajiro ñ bajirere ajicōari, bũto gũiyujarã toana. ⁶ Sīgũri mame bũcũarã Anan'ias rujũre gũmacōari, ñre yujerã vacoasujarã ñna.

⁷ Tres hora bero ejayuju Anan'ias ñnaboar'ï manajo. “To bajiro bajiriaroja”, yibesuju so.

⁸ To so ejarone,

—¿Adi ñnati vese vaja, jediro mũa bũjare? —sore yiyuju Pedro.

—Ti ñnaro cōrone ñaja —ñre yicũdiyuju so.

⁹ To so yisere ajicōari, ado bajiro sore yiyuju Pedro:

—¿No yirã mũ manajũ rãca cojoro cōro tœoñacōari, Dios ñ cœagũ Esp'iritu Santore yitorũari mũa? Ñ tũsaroma mũ manajũre yujerã variarã. Mũre quēne ñmiaroana yirãma, mũre yujerũarã —sore yiyuju Pedro.

¹⁰ To ñ yirĩrĩmarone, rijaquedicoasuju sojũama. Sãjanane, rijaqueariore ñabũjayujarã mame bũcũarã. To bajiri sore ñmibudicōari, so manajũre ñna yujeriaro tũjũ sore yujeyujarã. ¹¹ To bajiri, Jesúre ajitirũnarã ñajediro, to yicōari, ñna tũana quēne, “To bajiyuju” yisere ajicōari, bũto gũiyujarã ñna.

Jesús ñ gotiroticōasũoriarã, ñaïñañamanire ñna yĩore queti

¹² Tirũmũrĩre Jesúre ajitirũnarã jediro sīgũre bajiro tœoñarã, Diore yirũcũbũoriavi, Salomón vãme cõtijacatũajũare rẽjarũgũñujarã ñna. To bajicōari, Jerusalén macana ñna ñaro rĩjoro Dios ñ masise rãca ñaïñañamanire yïñoñujarã ñna Jesús ñ gotiroticōasũoriarã. ¹³ To bajiri, Jesúre ajitirũnarãre, “Quēnarã masu ñnaama”, ñnare yirũcũbũoyujarã Jerusalén macana. To bajiro yiboarine, Anan'ias ñ manajo Safira mesa ñna bajirere masicōari, “Jesúre ajitirũnũgũ ñaja yũ quēne” yisocacōari sãjarũcũja yũ”, yibesujarã ñna, gũirã. ¹⁴ To bajiri jãjarãbũsa ñnarũtuasujarã Jesúre ajitirũnarã. Rõmia quēne, ñmũa quēne ññañujarã. ¹⁵ ñaïñañamanire Pedro ñ yĩorere ajicōari, rijaye cõtĩrãre ñna jesariajajũri rãcane maa tũ ñnare juajoyujarã ñna. To bajiro ñna yiejorã, Pedro ñ rẽtorotire yuññañujarã, “Yũare moaĩato

ĩ yirã. “Ĩ moañabetijaquẽne, ĩ vãti mani joere ti rẽtojama, caticoaruarãja mani” yirã, yuñañujarã ĩna. ¹⁶ To bajicõari, ti maca tuana jãjarã masa vasujarã, Jerusalénjũre, rijaye cutirãre, to yicõari ĩna usurijũre vãtia sãñarãre quẽne juavana. To bajiri rijaye cutiboariarã catijedicoasujarã. ĩna usurijũre vãtia sãñarãre, vãtiare ĩnare bureayujarã ĩna, Jesũs ĩ gotiroticõasũoriarã.

Jesũs ĩ gotiroticõasũoriarãre ĩna ĩajũnisinire queti

¹⁷ Tire ajicõari, paia uju ĩ rãcana, saduceo masa quẽne bũto jũnisiniñujarã, Jesũs ĩ gotiroticõasũoriarãre. ¹⁸ To bajiri ĩnare ñejeroticõari tubiberiavijũ tubiberotiyujarã ĩna, Jesũs ĩ gotiroticõasũoriarãre. ¹⁹ To ĩna yiboajaquẽne, tubiberiavijũ ĩna ñaro, ángel ĩnare ruyuyuju ĩ, ñamijũ. To bajicõari, ĩnare jãnabucõañuju. ²⁰ ĩnare jãnabucõari,

—Diore yirũcũbũoriavijũ vasa mũa —yiyuju. —To ejacõari masare gotiba, Dios ĩ catisere ĩna cũrotire yirã —ĩnare yiyuju ángel.

²¹ To bajiri busurijũ jẽjũ, Diore yirũcũbũoriavire sãjaejacõari, masare ĩnare gotimasioñujarã quẽna.

Dios oca masare ĩna gotimasio ñarone, paia uju, ĩ rãcana, to yicõari, Israel sitana ujarã quẽne rẽjañujarã ĩna. To yicõari, “Tubiberiavijũ ñarãma” yirã, ĩnare jiroticõañujarã ĩna.

²² ĩna jiroticõariarã tubiberiavijũre ĩna ejaro, mañujarã ĩna. To bajiboa, tudicoasujarã ĩna, gotirã tudiana. ²³ Tudiejacõari, gotiyujarã ĩna:

—Tubiberiavi quẽnaro turiaro ti ñarore ejaboabũ yũa. Ti vire coderimasa quẽne tone ñaboama ĩna. To bajiboarine sojere jãnacõari yũa ĩajama, mama ĩna, Jesũs ĩ gotiroticõasũoriarã —yigotiyujarã ĩna, tudiejana.

²⁴ Tire ajicõari, paia uju, Diore yirũcũbũoriavire coderimasa uju quẽne, no yimasibesujarã ĩna yuja. “To bajiro ĩna bajijama, ¿no bajiro yiroana yirãda ĩna?”, yiyujarã ĩna. ²⁵ To ĩna yitũoĩarejaiñarone sĩgũ, ĩna tũre ejacõari, ado bajiro ĩnare gotiyuju:

—Mũa tubibecũboariarãma, Diore yirũcũbũoriavijũ masare gotimasio ñama ĩna —ĩnare yigotiyuju.

²⁶ To ĩ yijare, Diore yirũcũbũoriavi coderimasa uju, ĩre moabosarimasa rãca Jesũs ĩ gotiroticõasũoriarãre ĩnare ñejerã vasujarã ĩna. To bajicõari rujaji yimenane, ĩnare ñejecoasujarã, “Rujajine ĩnare mani yijama, manire gũtane reasĩlaborãma masa” yigũirã ñari. ²⁷ To bajiro ĩnare yi vacõari, ujarã rĩjorojũare ĩnare ũmato ejayujarã ĩna. ĩna ejaro ĩacõari, ado bajiro ĩnare yiyuju paia uju:

²⁸ —Jesũs yere mũa gotimasiosere, mũare gotirotibetiboacajũ yũa. To yũa yiboajaquẽne, adoanare Jerusalén macanare ĩna ñaro cõro ĩnare buecudiyuja mũa. To bajiri sĩgũ ruyariaro mano masiama mũa gotimasiodisere. “Ĩna sũorine sĩaecocami Jesũs”, yiyuja mũa, yũare —yiyuju paia uju, Jesũs ĩ gotiroticõasũoriarãre.

²⁹ To ĩ yisere ajicõari ado bajiro ĩre cũdiyuju Pedro, ĩ babarã rãca:

—Diojũare cũdiroti ñaja manire. Masa ĩna rotisere rẽtoro ñaja Dios ĩ rotisejũa.

³⁰ Mani ñicũa ĩna rũcũbũomasir'ine ñaami Jesũre yucũtẽroju mũa jajusĩarotir'irene tudicacior'ima. ³¹ Ő vecajũ ñacõari, Jesũre ĩre jiyuju. To bajiri ĩ riojojacatũa rũcũbũoriajũre rujigũmi. Jesũs masa uju ñarocũre, ĩna rijato beroju rojose tãmuotũjabetiriaroju ĩna vaborotire ĩnare yirẽtobosarocũre cũñuju Dios. “Mũ sũori Israel jãnerabatia rojose ĩna yisere yitũjamasirũarãma” yigũ, to yicõari, “To bajiro yirãre rojose ĩna yisere masiriomasirũcũja yũ” yigũ, ĩre cõañuju Dios. ³² Tire masiaja yũa. Dios ĩ cõagũ Esp'iritu Santo rãca ñaja yũa. To bajiri jediro Dios ĩ yirere gotiaja yũa. No bojagũre Dios ĩ yirore bajiro cũdigũre, Esp'iritu Santore ĩre cõarũcũmi —yiyujarã ĩna, Pedro ĩ babarã rãca.

³³ To ĩ yisere ajicõari, bũto jũnisinirã ñari, ĩnare sũarũayujarã. ³⁴ Gamaliel vãme cutigũ, ĩna rãcagũ, Dios ĩ rotimasirere gotimasiorimasũ ñañuju ĩ, masa ĩna rũcũbũogũ. Vũmurũgũcõari, —Pedro, ĩ babarãre ĩnare bucõaña —yiyuju, gãjerã ujarã rãca ñagõru. ³⁵ To yicõari, ado bajiro ĩ babarãre gotiyuju:

—Quēnaro ajiya yu yarã mña. Añoare mña yiruasere quēnaro tuoñaña mña. ³⁶ Teudas ï yirere masiritibesa mña. Yoabeaja ti, “Ñamasugũ ñaja” ï yiboariaro bero. Tire ajicõari, “Socaro me bajiroja”, ïre yisuyaboayujarã cuatrocientos ñarã. Tijũ bero, gãjerã ïre sãacõañujarã. To bajiri ïre suyaboariarã no ïna bojarone bajicõañuma ïna. ï gotimasioboare quēne to cõrone jedicoasuja. ³⁷ Tijũ bero, “To cõro ñaama masa” yimasiruãrã, ïna ucaturotirirũmũre Galileagu, Judas vãme cutigu ñañuju. ïre quēne ï gotisere ajicõari jãjarã masa ïre suyaboayujarã. Tijũ bero, ïre sãacõañujarã gãjerã. To ïna yijare, ïre suyaboariarã no ïna bojarone bajicõañuma ïna quēne. ³⁸ To bajiri mñare gotiaja yu: Gõjanabiobesa añoare. No ïna bojarore bajiro yato. ïna masune tuoïacõari, ïna gotimasiocudijama, yayiori mene jedicõarũaroja tia. ³⁹ Dios ï gotirotiserene ïna yijama, gãjerãre ïna gotisere “Ajitirũnũbeticõato” yirã, no bajiro yimasimenaja mña. To bajiri mña yiruasere quēnaro tuoñaña mña; Dios ï rotiserene yicõari, “Yibetirotirene yiyuja” yirobe —ïnare yiyuju Gamaliel, ï babarãre.

⁴⁰ To ï yisere ajicõari,

—Socũ me yaja mñ. To bajiro masu bajiruãaroja ti —yiyujarã ïna.

To yi, Pedrore, to yicõari, ï babarãre quēne jiejocõari, ïnare bajerotiyujarã ïna yuja. ïnare bajegajano, Jesús yere ïna gotimasiocere gotirotibesujarã ïna yuja. To yicõari, ïnare budirotiyujarã. ⁴¹ To bajiro ïnare ïna yiro bero, Pedro, ï babarã rãca ujarã vatoare ñariarã, variquēnase rãca budicoasujarã. Jesũre mani ajitirũnũse suori rojose yiecoaja mani. “ To bajiro bajiruãrãma, Jesũre ajitirũnũ tujamena ñari’ Dios ï yire ñajare, bajiaja mani”, yituoña variquēna budiasujarã.^a ⁴² To bajiri Jesús yere ujarã ïna gotirotibetiboajaquēne, masare gotimasio tujabesujarã ïna. Tocãrãcarũmũne Diore yiruãcũbũoriavijure, to yicõari ïna ya virijure quēne Jesucristo yere masare gotimasiocudirũgũñujarã ïna.

6

Cojomo cõro jua jẽnituarirãcũ ïnare ejarẽmorãre ïna besere

¹ Tirodore Jesũre ajitirũnũrã jãjarãbũsa ñarũtuasujarã ïna. To bajiri, griego oca ñagõrã, hebreo oca ñagõrãre ado bajiro ñagõjaisũoyujarã:

—Tocãrãcarũmũne mña bare batojama, cojoro cõro batobeaja mña. Manajua rijaveoriarãre hebreo oca ñagõrã rõmiri rĩne jairo ïsiaja mña —yiyujarã ïna griego oca ñagõrã.

² To bajiro ïna gãmerã ñagõjaisere ajicõari, Jesũre ajitirũnũrã jedirore ïnare jirẽoñujarã ïna, Jesús ï gotiroticõasũoriarã. To yicõari, ado bajiro ïnare yiyujarã ïna:

—Yũarema, yua gotimasiosejua ñaja, bare batoreaye rẽtoro ñamasusema. Bare batorejũre yua yijama, Diore ïre cãdimena yirãja yua. ³ To bajiri, cojomo cõro jua jẽnituarirãcũ ñarã beseya mña, mña vatoanare, bare batorona ñaronare. Quēnaro tuoïarã, “Quēnaro yirã ñaama” mña yirã, Dios ï cõagũ Esp'iritu Santo ï ejarẽmose rãca tuoïarã, cojo vãme ruyabeto Dios ï bojarore bajirone yirãre, ïnare beseya mña. ⁴ Ado bajirojua yirũgũruãrãja yuama. Diore ïre sãnirũgũruãrãja. To yicõari, Dios ocare masare gotimasiorã ñaruãrãja, yuama —yiyujarã Jesús ï gotiroticõasũoriarã.

⁵ To bajiro ïna yisere ajicõari, sīgũre bajiro tuoïacõari, Esteban vãme cutigure beseyujarã ïna. Jesũre quēnaro ajitirũnũgũ ñañuju ï. To bajicõari, Esp'iritu Santo ï ejarẽmose rãca tuoïagũ, cojo vãme ruyabeto Dios ï bojarore bajiro yigu ñañuju. To yicõari, gãjerã Estebanre bajiro bajirãre beseyujarã ïna. Adocãrãcũ ñañujarã ïna: Felipe, Prócoro, Nicanor, Timón, Parmenas, to yicõari, Antioqu'ia macajũ vadir'i, Nicolás, tocãrãcũ ñañujarã, “Bare batoato” yirã ïna beseriarã. Nicolásma, jud'io masũ me ñaboarine jud'io masare bajiro bajiyuju ï. ⁶ ïnare besegajanocõari, “Añoa ñaama masa, yua beserã”, yiyujarã, Jesús ï gotiroticõasũoriarãre. To ïna yijare, ïnare año ñujeocõari Diore ïre sãnirũñujarã Jesús ï gotiroticõasũoriarã, “Quēnaro ïnare ejarẽmoato Dios” yirã.

^a 5:41 Mt 5.11-12.

⁷ To bajiri, masa jājarābūsa ajitirānūñujarā, Jesús yere. To bajirā rīne, tojūre Jerusalénjūre, Jesús yere ajitirānūñujarā, jājarābūsa ñarūtūsuñujarā ĩna. Paia quēne jājarā, Jesús yere ajitirānūñujarā ĩna.

Estebanre ĩna ñiare queti

⁸ Estebanre quēnaro yirēmoñuju Dios. To yicōari, ĩ masisere ĩre ęjoyuju. To bajiri jairo ĩaĩaĩamanire masare yĩoñuju Esteban. ⁹ ĩaĩaĩamani Esteban ĩ yĩoñaro, ĩ rāca gāmerā ñagōñujarā ĩna. Dios ocare ĩna buerivijū vadiriarā ñañujarā. Moabosarimasa ñaboariarā ya vi vāme cūtiyuju ti vi. Cojo macana me ñañujarā ĩna, bajirājūma. Cirene macana, Alejandr'ia macana ñañujarā ĩna. ĩna rācana Cilicia sitana, Asia sitana ñañujarā ĩna. Esteban rāca ñagōboanane, oca josayujarā ĩna. ¹⁰ Esp'iritu Santo ĩ ejarēmojare, ĩna rētoro masiñuju Esteban. To bajiri no bajiro ĩre yimasibesujarā ĩna. ¹¹ To bajiri, gājerāre yayioroaca gājoa ĩsiñujarā ĩna, “ ‘Rojose yimi’ ęjarāre yato ĩna” yirā. To bajiri, “ ‘Diore, to yicōari, Moisés ñamasir'ire quēne rojose ĩnare ñagōmacami’ yigotiba mūa”, ĩnare yiyujarā. ¹² To bajiro ĩna yigotire ñajare, Estebanre buto jūnisiniñujarā ti macana. To bajiri, būcārā, Dios ĩ rotimasire gotimasiorimasa rāca Estebanre ñiañujarā, ĩna ęjarā tųjūre ĩre āmivaruarā. ¹³ ĩna ęjarā tųjūre ĩna āmiejarone gājoa ĩsiecoriarā, ado bajiro yisocayujarā:

—Diore yirūcūbūoriavire, to yicōari, Moisés ĩ rotimasirere quēne rācūbūobecū rojose ñagōrūgūami Esteban. ¹⁴ Ado bajiro ĩ gotisere ajirūgūmū yūa: “Jesús Nazaret macagū, Diore yirūcūbūoriavire caguerearūcūmi. To yicōari, Moisés manire ĩ roticūmasirere vasoarūcūmi”, yigotirūgūmi Esteban —yisocayujarā ĩna.

¹⁵ To ĩna yisocasere ajicōari, ĩna ęjarā yoaro ĩre ĩaĩaĩujarā, Estebanre. ĩre ĩna ĩajama, ángel riogare bajiro rioga cūtiyuju Esteban.

7

“Ñie rojose yibejū yū”, Esteban ĩ yire queti

¹ To bajiri, paia ęjū, Estebanre ĩre sēniĩañuju:

—¿“Rojose yimi” mūre ĩna yise, riojo yati ĩna? —ĩre yiyuju, Estebanre.

² To ĩ yirone, ado bajiro ĩnare cūdiyuju Esteban:

—Yū yarā, ajiya mūa. Tirūmūjū mani ñicū Abraham ñamasir'i, Mesopotamia ĩ ñarone, Harán vāme cūti macajūre ĩ ñagū varoto rĳjoro, ĩ rāca ñagōmasiñuju Dios. ³ Ado bajiro yimasiñuju: “Mū ñarore, to yicōari, mū yarāre quēne vaveoya, gaje sitajū mūre yū ĩorotoju vacū”, ĩre yimasiñuju Dios, mani ñicū ñamasir'ire. ⁴ To bajiro Dios ĩ yisere ajicōari, Caldea maca ñar'i, Harán vāme cūti macajūre ñagū vamasiñuju. To ĩ ñaro, ĩ jacū ñamasir'i ĩre rijaveocoamasiñuju. Tijū bero, adoju mani ñari sitajūre ĩre ñarotimasiñuju Dios. ⁵ “Adi sitajū ñaĩa” Dios ĩ yiboajaquēne, ñajediro gājerā ye sita ñamasiniñuju ti maji. To bajiri, “Adi ñaja yū ye sita”, yimasibesuju Abraham. Rēmone, “Ado bajiro bajirūaroja”, yimasiñuju Dios, Abrahamre: “Ti sitare mūre ĩsirūcūja yū. Mū rijato berojū, mū jānerabatia ye sita ñarūaroja”, yimasiñuju Dios, Abrahamre, rĳa magū ĩ ñaboajaquēne. ⁶ To yicōari, ado bajiro ĩre gotimasiñuju Dios: “Cojorūmū adi sitare vaveorūarāma mū jānerabatia. Adi sitare vaveocōari, gājerā sitajūre ñarūarāma. Tojūre ĩna ñaro, cuatrocientos cūmari ĩnare rotiajerūarāma ĩna. ⁷ To bajiboarine mū jānerabatiare rojose ĩnare ĩna yise vaja gāmetorūcūja yū quēne. Tijū bero, mū jānerabatia ti macare tudiveocoarūarāma. To baji, adi sitajūre tudiejarūarāma quēna. Adoju ñacōari yūre sēnirūcūbūorūarāma”, yiyuju Dios, mani ñicūre Abraham ñamasir'ire. ⁸ To yicōari, ado bajiro Abrahamre rotimasiñuju Dios: “Yū gotisere, ‘To bajirone bajirūaroja’ mū yicūdijama, mū macū ĩ ruyūaro bero, circuncisión ĩre yirūcūja mū. ‘Dios yū ñaami’ yigū, to bajiro ĩre yirūcūja mū”, yimasiñuju Dios, Abrahamre. To bajiro Dios ĩ yire ñajare, ĩ macū Isaac ĩ ruyūaro cojomo cōro, idia jēnituarirūmū tūsatirūmūre circuncisión ĩre yimasiñuju Abraham. To bajiri Isaac ĩ macū

Jacob vāme cutigure circuncisión ĩre yimasiñuju. Jacob quēne to bajirone yimasiñuju, ĩ rñare mani ñicua ñamasiriarāre. Juaāmo cōro, jua jēnituarirācua ñamasiniujarā ĩna.

⁹ Jacob rña, ĩna bedi, José vāme cutigure buto ĩre ĩatemasiñujarā ĩ gagua mesa. To bajiri Egipto sita vanare ĩre ĩsicōari, vaja sēnimasiñujarā ĩna. To bajiro ĩna yiboajaquēne quēnaro ĩre ĩatirūnacōa ñañuju Dios. ¹⁰ Egiptoju José rojose ĩ tāmūoborotire ĩre yirētosamasiniuju Dios. To bajiri uju, faraón ĩna yigu rāca ñamasiniuju José. To ĩ bajiñaro, ĩ masisere ujomasiñuju Dios, Josére. Faraón, ĩre ĩavariquēnacōari, “Rotigu ñato, ĩre yicūgūjaro ĩ” yigu yimasiñuju Dios. To bajiri Egipto sitana ñaro cōrone, ĩ ya vianare quēne, “ĩnare rotirucuja ma”, Josére ĩre yicūmasiniuju faraón.

¹¹ To ĩ yiro bero, Egipto sitajure bare jedicoamasiñuju. Canaán sitajure quēne jedicoamasiñuju. Masa buto ñiorijamasiñujarā ĩna. To bajicōari rojose tāmūomasiniujarā ĩna. Mani ñicua, no ũno bare bujamasibetimasiniujarā ĩna. ¹² To bajiri José jacua mani ñicu ñamasir'i, Jacob, “Egiptoju trigo ĩna juacūre ñañuju ti” yirere ajicōari, ĩ rñare cōamasiniuju “Vaja yirā vajaro” yigu. ¹³ Egiptoju bare juarā vamasiñujarā ĩna. Tiju bero, quēna tojune vamasiñujarā ĩna. To ĩna bajiro ĩacōari, ado bajiro ĩnare yimasiñuju José: “Yure ĩamasibeaja mua. Mua bedine ñaja ya”, ĩnare yimasiñuju. To bajiro José ĩ yirere ajicōari, “ĩ yarā ñaama”, yimasiñuju faraón. ¹⁴ To bajiri José, ĩ yarā ĩna ñaro cōrone ĩ jacure quēne jiroticōañuju, “Egiptoju ñato ĩna” yigu. ĩna jediro ñarā, setenta y cinco ñamasiniujarā ĩna. ¹⁵ To bajiri, Egiptoju vamasiñuju Jacob. Egiptoju yoaro ñaboacuju, bajirocacoamasiñuju Jacob. To bajicōari, ĩ rña ñariarā, mani ñicua ñamasiriarā quēne, tojune bajireamasiñujarā ĩna. ¹⁶ Jacob ĩ bajirocero bero, ĩ rujurire juamasiñujarā, Siquem vāme cuti macaju. Toju ejacōari, ĩre yujemasiñujarā, gūtaviju. To ñamasiniuju Abraham, Hamor rñare ĩ vaja yimasiriavi, gūtavi.

¹⁷ To bajiboarine mani ñicua ñamasiriarā, Egiptoju jājarābusa masa bujumasiñujarā. To ĩna bajiñaro rñe, cōñamasiniuju mani ñicua ñamasiriarāre Dios ĩ sita ĩsiroti, mani ñicu Abraham ñamasir'ire ĩ gotiriarore bajirone ti bajiroti. ¹⁸ Tiju bero, gāji uju Egiptoju rotisūomasiniuju. José ĩ ñamasirere masibecu, to yicōari, mani ñicua ñamasiriarāre rucubūobecu ñamasiniuju ĩ. ¹⁹ ĩne mani ñicua ñamasiriarāre ĩnare yitomasiniuju. To yicōari, rojose yimasiñuju. Mame ruyuarā rñamasare riagaju ĩnare rearotimasiniuju ĩ, “Bujroma” yigu. ²⁰ Tirodorene ruyamasiñuju Moisés quēne. Dios ĩ ĩajama, quēnagūaca ñamasiniuju ĩ. To bajiri, ĩ jacua idiarā muijua ĩre cūomasiniujarā ĩna. ²¹ To bajiñabo, so macuacare vijure ĩre yayomasibeticōari, riagaju ĩre jomasiniuju so. To so yir'ire, uju Egiptoagu maco, ĩre ĩabujacōari, so macure yigore bajiro ĩre masomasiniuju so. ²² To bajiro so yibūcūomasir'i, Egiptoana ĩna bajisere quēnaro masiniuju ĩ, Moisés. ĩ ñagōjama quēnaro tūoĩamasicōari ñagōñuju ĩ, ĩna yere. Quēnaro ĩ yisere ĩacōari, buto ĩre yirūcūbuoyujarā ĩna.

²³ Cuarenta cūmari cuotasacu, “Yu yarāre ĩagū varucuja ya”, yitūoĩamasiniuju ĩ. ²⁴ To yi va, ĩna taju ĩ ejaro, ĩ yure egipcio masu ĩre ĩ bajero ĩacōari, ĩre gāmetoca yigu, ĩre ślacōamasiniuju Moisés. ²⁵ “ ‘Egipcio masa rojose manire ĩna yisere manire yirētosarocu, Dios ĩ cūr'i ñaami Moisés’ yure yimasiruarāma ya yarā”, yitūoĩamasiboayuju Moisés. To bajiro ĩ yitūoĩaboajaquēne, tire tūoĩabetimasiniujarā ĩnajuama. ²⁶ To bajiri gajerūmu quēna ĩ yarāre ĩnare ĩagū vamasiñuju Moisés. To ejacōari, ĩ yarā juarā ĩna gāmerā quēañarore ĩamasiniuju ĩ. ĩnare ĩacōari, ado bajiro ĩnare yimasiboayuju: “Yure ajiya maji. ¿No yirā cojo masa ñaboarine, gāmerā quēati ma?”, ĩnare yimasiboayuju. ²⁷ To ĩ yirone, ĩ babare quēagūju, Moisére ĩre turocacōañuju, ĩre jūnisinigū: “¿Ñimu ‘ĩna uju ñaña’ mare yicati? ²⁸ ¿Ñamica egipcio mare ma śliarore bajiro yure quēne ślaru yatique ma?”, ĩre yimasiñuju ĩ, Moisére. ²⁹ To bajiro ĩ yisere ajicōari, Egipto sita ñar'i, Madián sitajure rudicoamasiñuju Moisés. Toju manajo bujacōari, juarā rña cutimasiniuju ĩ.

³⁰ To bajiri, cuarenta ñaricūmari bero, cojorūmu Sina'i vāme cutiricu gūtau taju yucú manojure vacudigu vamasiñuju Moisés. To bajiro ĩ bajirone, ĩ tujure yucú zarza vāme cuti, ujuūgōmasiniuju. To bajiro vatoajure ruyuarūgūñuju ángel. ³¹ Tire ĩacōari,

ucacoamasiñuju Moisés. Quēnaro ĩaru tabusaca ĩ vatone ado bajiro ĩre ñagōmasiñuju Dios: ³² “Yñe ñaja Dios. Mñ ĩcua Abraham, Isaac, Jacob quēne ĩna rucubucacane ñaja yñ”, yimasiñuju Dios, Moisére. Tire ajicōari, güigu nanamasiñuju ĩ. To bajiri, ĩarubetimasiñuju. ³³ Quēna tudiñagōñuju Dios: “Adone yñ ñaro ñaja ti. To bajiri mñ gubo sudi vejeya mñ, yare rucubucogu. ³⁴ Yñ yarā Israel ñamasir'i jānerabatia, Egiptoju rojose ĩna tāmōsere ĩarūgūaja yñ. To bajicōari, ĩna sutiritisere ĩaja yñ. To bajiri, ‘Egiptoanare cāmotadiato ĩna’ yigu, ĩnare yirēmogū vabñ yñ. Egiptoju quēna mñre tudiarotiaja yñ”, ĩre yimasiñuju Dios —yigotiyuju Esteban, ujarāre.

³⁵ To yicōa, quēna gotirūtusaju:

—Moiséne ñaami, mani ĩcua ĩna ajirubetir'i. “Yñ uñ me ñaja mñ. Rojose yñ yisere ĩacōarimasñ me ñaja mñ”, ĩre yimasiñujarā mani ĩcua. To bajiro ĩna yiboajaquēne, Diojuama, Egiptoju ñamasiriarāre ĩnare ũmato varocure yigu, yucá zarza vāme cutiñ uññaro vatoajure ángel suorine Moisére gotimasiñuju Dios. ³⁶ To bajiri ĩaiañamanire yīomasiñuju Moisés, Egiptoju. To yigajano, mani ĩcua ñamasiriarāre ĩnare ũmato vadimasiñuju. To bajivacñ, moa riaga Oco Sūarisa vāme cutojure, to yicōari, yucá manojure quēne ĩaiañamanire ĩnare yīomasiñuju Moisés. ³⁷ ĩne ñamasinumi ado bajiro mani ĩcua ñamasiriarāre ĩnare gotimasir'i: “Dios mani jacñ yare ĩ cōacatore bajirone, gāji ĩ ocare gotirocure cōarucumi. Dios ĩ cōarocuma, mani yñe ñarucumi”, yimasiñuju Moisés mani ĩcua ñamasiriarāre. ³⁸ Moiséne mani ĩcua ñamasiriarā rāca gūtañ Sina'i vāme cutiñ veaju rējamasiñuju. ĩ sīgūne gūtaujure mñjacōari, ángel rāca ñagōmasiñuju. To ĩ yijare, ĩre ĩsimasiñuju, Dios ĩ rotisere, mani jedirone mani ajitirāññ suyarotire.

³⁹ To bajiboarine tire ĩ gotisere ajirubetimasiñujarā ĩna, mani ĩcua. Tire ajiterā ñari, quēna Egiptoju tudiarubamasiñujarā ĩna. ⁴⁰ To yicōari Moisés gūtañ joeju ĩ ñatoye rīne, ĩ gagñ Aarón vāme cutigure ado bajiro ĩre yimasiñujarā ĩna: “¿Noju ñati mñ bedi, Egipto sitaju mani ñaro manire ũmato vadicacuma? Toju ĩ bajiñasere masibeaja mani. To bajiri, Diore bajiro bajigure mani rucubucorocure quēnoña mñ. ĩ ũgū rāca mani ñajama, manire quēnaruroja ti. No mani vararore manire ũmato varucumi”, yimasiñujarā, Aarón ñamasir'ire. ⁴¹ To yirā ñari, ta vecñ macucare bajigu quēnorujeomasiñujarā ĩna. To yicōari, vaibucurā ecariarāre sñacōari, soeĩsimasiñujarā. To yicōari, basavariquēna code-masiñujarā, ĩna quēnorujeor'i ta vecñ macure bajigu ñagūre rucubucorā. ⁴² To bajiri Dios ĩnare ĩatirāññ tujacoamasiñuju. ĩna bojarore bajiro ĩna yirūajare, ĩnare matabetimasiñuju Dios. To bajiri ñocoare, muijure quēne, ñamiagu muijure quēne, yirucubucomasiñujarā ĩna yuja. To bajiri Diore gotirētobosamasir'i, Amós, ado bajiro ĩ ucamasire ñajare, bajiyuja ti: “Israel ñamasir'i jānerabatia, yare ajiya mñ: ¿Cuarenta ñaricūmari yucá manojñ ñarā, vaibucurā, mñ sñarāre yare rucubucorā, yare soeĩsirūgūcati mñ?”

⁴³ Yñe rucubucomenane, mñ masu mñ quēnorujeoriarārene rucubucocaju mñ. Mojariv-iaca quēnocaju mñ. To yicōari, ti vi jubeaju Moloc vāme cutigure ĩre jeocōari gajarūgūcaju mñ. Gājire quēne ñocore bajiro bajigure mñ quēnorujeor'ire, Refán vāme cutigure ĩre rucubucocaju mñ. To bajiro mñ yirūgūcati ñajare, Babilonia sojuaju mñare cōarucuja yñ”, yimasiñuju Dios ĩnare —yiyuju Esteban, ujarāre gotigu.

⁴⁴ To yicōa, ado bajiro ĩnare gotirēmoñuju Esteban:

—To bajiri mani ĩcua yucá manojñ ñarā, cabra vāme cutirā gase rāca ĩna quēnorivire cuomasiñujarā ĩna. “Mani rāca ñagūmi Dios” ĩna yirucubucorivī ñamasinuju ti vi. Dios, Moisére ĩ yīōriarore bajirone ti vire quēnorujeomasiñujarā ĩna. No ĩna bojaro vana quēne ti vire āmicoarūgūmasiñujarā ĩna. ⁴⁵ Moisés ĩ rijato bero, Josué vāme cutigu ĩre ñavasoamasiñuju. Moisés rācana ĩna bajirearo bero, ti vire cuosuyayujarā ĩna rīa, mani ĩcua. Ti vire āmicōari, adi sita Canaán vāme cuti sitajure vadimasiñujarā ĩna. To bajiri Dios ĩnare yirēmoñuju, mani ĩcūare. Adi sita ñaboariarāre ĩnare bucōamasiñuju

Dios. To ï yiriaro bero, mani ñicũ David ñamasir'i ï ñaro quẽne ñacõamasifñuju ti vi maji, cabra gasene ñna quẽnoravi. ⁴⁶ David ñamasir'ire quẽnaro ñre yimasiñuju Dios. To bajiri Diore variquẽnagũ ñari, ï yarã Jacob jãnerabatia rãca, ñre ñna yirũcũboroti vire ñre bũabosarũamasifñuju. To ï yitũoĩaboajaquẽne, ñre bũarotibetimasifñuju Dios. ⁴⁷ David macũ Salomón ñamasir'ijũa Diore ñre vi bũabosamasifñuju yuja —yiyuju Esteban, ujarãre gotigũ.

⁴⁸ To yicõa, quẽna gotirũtuasuju ñ:

—To bajiboarine, masa ñna quẽnoravire ñabecũmi Dios, Diore ñre gotirẽtobosamasir'i, ado bajiro ucamasire ñajare:

⁴⁹ “Adi macarũcũroaye, to yicõari, õ vecaye ñajediro uju ñaja yũ. To bajiro bajigũ yũ ñaboajaquẽne, ¿no bajirivi yũre bũabosarũarãda mũa? ¿No bajiriju quẽnobosarũarãda yũ usũsãjarotijũrema?”

⁵⁰ Yũne ñaja ñajediro rujeocacũma' yami Dios”, yucamasifñumi ñre gotirẽtobosamasir'i —yigotiyuju Esteban.

⁵¹ To bajiro ñnare yigajano, ado bajiro ñnare gotirẽmoñuju quẽna:

—Dios ocare ajitirũnũbetirũgũaja mũa. “Dios magũmi” yirãre bajiro ï ocare ajiteaja mũa. Mani ñicũare bajiro Dios ï cõagũ Esp'iritu Santore cũdimena ñaja mũa. ⁵² Sĩgũ, Diore gotirẽtobosar'i, mũa ñicũa quẽnaro ñna yir'i manicoayumi. To bajiri, Cristo rojose yibecũre, ï ejarotire gotiriarãre quẽne ñnare sũamasifñuma mũa ñicũa. To yiriarã ñari, cãnũribũsane “Jesũre ñre sũato” yirã ñre ñaterãre ñsirocayuja mũa. To bajiro mũa yijare, ñre sũañuma. ⁵³ Dios ï rotimasirere cũdibetirũgũaja mũa, ángel mesa suori mũa ñicũa ñna gotiecore ti ñnaboajaquẽne —ujarãre ñnare yiyuju Esteban.

Estebanre ñre ñna sũare queti

⁵⁴ Tire ajicõari, yaia guarãre bajiro guji ñoñujarã ñna, Estebanre bũto jũnisinirã ñari.

⁵⁵ To bajiro ñre ñna yiboajaquẽne, Esp'iritu Santo ï masisere ujar'i ï ñajare, bũtobũsa ñre ejarẽmoñuju Esp'iritu Santo. To bajiri, õ vecajũ ñamũogũne, Dios ï ñasere ñabũjayuju. To bajicõari, ï riojojacatũa ñagũre Jesũre quẽne ñañuju. ⁵⁶ Tire ñacõari, ado bajiro ujarãre ñnare yiyuju Esteban:

—Ñaña mũa quẽne. Uũmagasero soje jãnacõaju. Dios ï roticõacacũ, ï riojojacatũajuare ñnaami —yiyuju Esteban.

⁵⁷ To ï yijare, quẽna ï tudiñagõrotire ajiterã, ñna gãmo gojerire bibeyujarã ñna. To yi, ñna jediro bũto avasãcõari, ñre ñnarã ñumarẽjañujarã ñna. ⁵⁸ To yicõari, ti maca sojuaju ñre vejacoasujarã ñna, gãtarine ñre reasũaroana. Toju eja, ñna sudĩ joeayere vejecõari, Saulo vãme catigare ñre ñsiñujarã ñna, “Tire codebosato” yirã. To yicõari, gãtarine Estebanre ñre reasũovasujarã ñna.

⁵⁹ Gũtane ñre ñna reañarone, Jesũre ado bajiro sũeniñuju Esteban:

—Jesũs, yũ uju yũ usũre bocaãmiña mũ —yiyuju Esteban.

⁶⁰ To yi, gũsomuniari tuetucõari, avasãñuju Esteban:

—Yũre rojose ñna yisere ñnare masirioya mũ —Jesũre ñre yisẽniñuju Esteban.

To yigajanogũne, rijacoa tũjasuju Esteban.

8

Saulo, Jesũre ajitirũnũrãre rojose ñyirũgũre queti

¹⁻³ Estebanre gũtane ñre reasũariarã rãcagũ, ñna sudire coderine ñañuju Saulo. “Estebanre ñre sũacõato”, yitũoĩañuju ï quẽne. Esteban ï sũacoro bero, ï rujũrere ñacõari, sũgũri jud'io masa Diore quẽnaro rãcũborã ñre yujeyujarã ñna. To yirãne, bũto otiyujarã Estebanre. Tirũmarine Jesũre ajitirũnũrãre Jerusalẽnju ñnarãre rojose yisũoyujarã ti macana. To bajiri Saulo quẽne, Jesũre ajitirũnũrãre cojovi rũyabeto ñnare macañuju ï. ñnare bũjagũne, uũmare quẽne rõmiare quẽne ñnare juacõari tubibecũrũgũñuju ï. To bajiri ñna jedirone Jesũre ajitirũnũrã, ï gotiroticõasũoriarã rãca ñnariarã rudiasujarã Judea

sitajũ, to yicõari, Samaria sitajũre quẽne. Jesús ï gotiroticõasũoriarãma Jerusalénre vaveobesujarã ïna.

Jesucristo yere Samaria sitajũ Felipe ï gotimasiore queti

⁴ Jerusalén macana rudiriarã no ïna vacudiro cõrone Jesús yere gotimasiocudiyujarã ïna. ⁵ Felipe, Jerusalénjũ ñar'i, Samaria sita ñarimacajũre vasuju. Tojũ ejacõari, “Rotimũorũgõrũcũmi” yigũ Dios ï cõar'i Jesús yere ïnare gotimasioñuju Felipe. ⁶ Jãjarã masa rējañujarã, ï gotisere ajirũarã ñari. To bajicõari, ïaĩañamanire ï yĩosere ïañujarã ïna. To bajicõari ï gotimasiosere quẽnaro ajiyujarã ïna. ⁷ To ïna bajirone jãjarã masa usũrijũre sãñarãre vãtiare bureayuju Felipe. ïnare ï bureajare, bũto avasãbudivasujarã ïna vãtia. Jãjarã rijarãre quẽne catiyyuju ï. Micarãre, rujasagueri vanare quẽne quẽnoejarotiyuju ï. ⁸ To bajiri ti macana bũto variquẽnañujarã ïna.

⁹⁻¹¹ Ti macajũre Simón vãme cõtigũ ñañuju. Cojo cũma me ï masisere yĩoñuju ï. “Gãjerã rẽtoro masigũ ñaja yũ” yigũ, ïaĩañamani yĩorũgũñuju ï. To bajiro yigũ ñari, “Yũ ñaja ñamasugũma”, yiyuju ï, masare. To ï yise ñajare, sīgũ ruyariaro mano ïre ajiyujarã. Bũcũarã quẽne, rĩamasa quẽne jediro quẽnaro ïre ajiyujarã ïna. “Diore bajiro masiami”, ïre yirũcũborũgũñujarã ïna. ¹² To yiriarã ñaboarine, Jesucristo ï rijabosare sũorine ïre ajitirũnũrãre, “Yũ yarã ñaja” Dios ï yĩavariquẽnasere gotiyuju Felipe. Tire ajicõari, Jesũre ïre ajitirũnũñujarã ãmũa, rõmia quẽne. To yicõari, oco rãca Felipere ïre bautizarotiyujarã, “Jesũre ajitirũnũaja” yirã. ¹³ Simón quẽne, Jesús yere ajitirũnũñuju ï. To yicõari, oco rãca bautizarotiyuju ï quẽne. To ï yiro bero, Felipere baba cõtisũoyuju. To yicõari ïaĩañamanire Dios ï masise rãca Felipe yĩosere ïacõari, no yimasibesuju Simón, ti ãnũre ïabetirũgũr'i ñari.

¹⁴ Jesús gotiroticõasũoriarã Jerusalénjũ ñarã, “Samaria sitana jãjarã Dios ocare ajitirũnũñujarã” yire quetire ajiyujarã ïna. To bajiri, Samariajũre cõañujarã ïna, Pedrore, to yicõari, Juanre quẽne. ¹⁵⁻¹⁶ To bajiri, Samaria sitajũre ejacõari, Diore ïnare sãnibosayujarã ïna, toana Jesũre ajitirũnũsũorãre. Oco rãca bautizarotiriarã ïna ñaboajaquẽne, Dios ï cõagũ Esp'iritu Santo ïnare ejabesuju maji. To bajiri, “Esp'iritu Santo ïnare ejato” yirã, Diore sãnĩñujarã ïna. ¹⁷ To yicõari, Pedro, Juan rãca, Diore sãnĩcõari Jesũre ajitirũnũsũorãre ïna ãmori rãca ïnare ñujeoyujarã ïna. To cõrojũ Esp'iritu Santo ejayuju, ïnare.

¹⁸⁻¹⁹ ïna ãmori rãca ïna ñujeorore Esp'iritu Santo ï ejasere ïañuju Simón. Tire ïacõari ïnare gãjõa ïsirũ, ado bajiro yiyuju Simón:

—Gãjerãre yũ ãmo ñujeorone Esp'iritu Santo ï ejarotire bojaja yũ quẽne —ïnare yiyuju Simón.

²⁰ To bajiro ï yisere ajicõari, ado bajiro ïre cãdiyuju Pedro:

—Vaja mani Dios ï cõasere, “Vaja yire ñaroja ti”, yitũoĩaboaja mũ. To bajiro yitũoĩagũ ñari, mũ gãjõa rãcane bajirocacoarũcũja mũ. ²¹ Rojose mũ tũoĩasere masiami Dios. To bajiri, Esp'iritu Santore mũre cõabetirũcũmi Dios. ²²⁻²³ Mũ tũoĩasere ïamasicõaja yũ. Rojose rĩne tũoĩagũ ñaja mũ. To bajiri, rojose mũ tũoĩasere yitũjaya. To yicõari, Diore sãnĩña mũ, “Rojose yũ yisere masirioya” yigũ —yiyuju Pedro.

²⁴ To bajiro ï yisere ajicõari, ado bajiro ïre cãdiyuju Simón:

—Diore sãnibosaya mũa, yũre. Mũa gotisere bajiro yũre ti bajirotire bojabeaja yũ —yiyuju Simón.

²⁵ To ï yiro bero, Jesús ï yirere ïna ïarere, to yicõari, ï gotimasiore ti macanare gotiyujarã. ïnare gotimasio gajanocõari, Jerusalénjũ tudianane Samaria sita ñarimacarianare Jesús ye quẽnasere ïnare gotimasioñujarã ïna.

Etiop'ia sitagũre Felipe, oco rãca ï bautizare queti

²⁶ To ïna bajĩñarone, Felipere ado bajiro ïre yiyuju ángel:

—Jerusalénjũ vasa. To ejacõari, Gaza vãme cõtĩ maca vati maare vaja mũ. Yucã manõju ñavati maa ñaja ti maama —yiyuju ángel, Felipere.

²⁷ To bajiri Felipe vacoasuju, ángel ï gotiriarore bajirone. Maa vacu, Etiop'ia sitana ujore gãjoa codebosarimasure ïre ïañuju Felipe. Jerusalénju Diore ïre rãcubuoꝑu ejar'i, tudiacu bajiyuju ï. ²⁸ Caballo ï tãa vaticoroju sãñacõari, Diore gotirëtobosamasir'i, Isa'ias ï ucamasirere buesãñañuju ï.

²⁹ To bajiri, ado bajiro yiyuju Esp'iritu Santo, Felipere:

—Ï tubusa vacõari, ïre baba cuti vasa mu —yiyuju, Felipere.

³⁰ To bajiri ï tu vaejacõari, ajiyuju, Diore gotirëtobosamasir'i Isa'ias ï ucamasirere ï buesere ajiyuju Felipe. Tire ajicõari,

—¿Mu buesere ajimasiati mu? —yiyuju Felipe, Etiop'iagure.

³¹ To ï yirone:

—“To bajiro yiruaro yaja”, yiajimasibeaja yu, ñimu yure ï gotiro cõro —yiyuju ï, Felipere. To yigune, —Yu tu vasãjaguaya —yiyuju Etiop'iagu.

³² Dios ocare Isa'ias ñamasir'i ï ucamasirere ï buere ado bajiro yiyuju ti:

“Ovejare sãaroana ïre ñiacõari ïna jiatore bajiro ïre yiruãrãma ïna. To bajiri, ovejare ïna joa suaro ï avasãbetore bajiro yigu, rojose ïre ïna yiboajaquene, ñagõbetirucãmi.

³³ Masa ïna ïaro rãjoro bojoneose yiecorucãmi. Rojose ï yibetiboajaquene, ‘Rojose yigu me ñaami’ ïre yibosagu manirucãmi. To bajiri, ï sãacoro bero, ‘Ï jãnerabatia ñaama’ yimasiña maniruaroja”, yucamasire ñañuju, Etiop'iagu ï buere.

³⁴ To bajiri,

—Yure gotiya mu. Ñimure yiro yati, to bajiro ti yijama. ¿Ï masune ï bajiro tire tuoãcõari yiyujari? ¿Gãji ï bajiro tire yigu, ucamasiñujarique ï? —yiyuju Etiop'iagu, Felipere.

³⁵ To ï yijare, Isa'ias ï ucamasirere ïre ïagotigune, ado bajiro ïre gotiyuju Felipe:

—Isa'ias ñamasir'i to bajiro ï ucajama, Jesús ï bajiro tirene yigu yimasiñumi —ïre yigotiyuju Felipe. To yicõari, Jesús ï bajirerere ïre gotimasioñuju yuja.

³⁶ To yi vana rãne, maa tu utabucãra ejayujarã ïna. To eja,

—Ïaña, ado ñaja oco. ¿Yucune, oco rãca yure bautizaruabeati mu? —yiyuju Etiop'iagu, Felipere.

³⁷ To ï yirone, ado bajiro ïre yiyuju Felipe:

—“ ‘Jesúne ñaami Dios macu, rotimorãgõroc’ yigu ï cõar'i” mu yijama, oco rãca mure bautizarucãja yu —ïre yiyuju Felipe.

To ï yirone, ado bajiro ïre cãdiyuju Etiop'iagu:

—To bajirone bojaja. Jesúne ñaami Dios macu, rotimorãgõroc yigu ï cõar'i, yaja yu —yiyuju Etiop'iagu.

³⁸ To yi, utabucãra tuju tujayujarã. To bajicõari, ïmato rojasuju, oco rãca Etiop'iagure ïre bautizagucã. ³⁹ ïre bautiza gajano, ïna majarãgãrone, ñaro tusarone ruyubetiboarine Esp'iritu Santo ïre ãmicoasuju, Felipere. To bajiri ïre ïabeticõa tujasuju Etiop'iagu. To bajiboajaquene, quẽnaro variquena vasuju ï Etiop'iagu. ⁴⁰ Felipejama, “To bajiro bajirija” yiri mene, Azoto vãme cuti macaju ejayuju. Toju ñacõari, cojo maca ruyabeto Jesús ï bajirere masare gotimasiodiyuju ï. Goticudigu rãne, Cesarea vãme ti macajure ejacoasuju ï Felipe.

9

Saulo, tuoãvasoacõari, Jesúre ï ajitirãnãre queti
(Hch 22.6-16; 26.12-18)

¹ Saulo ñañuju. Jesúre ajitirãnãrãre sãaru, bato ïnare ïajũnisinirũgũñuju maji. To bajiri, paia ujã ñamasugure sãnigã vasuju. ² Damasco vãme cuti maca ñarivi, Dios ocare ïna bueriviriju Jesúre ajitirãnãrãre macagã varu, papera sãnijuju:

—Ïnare yu ïabujaro cõrone ïmure, rõmiare quene, juadirucãja yu, Jerusalénju ïnare tubibecũru —yiyuju Saulo, paia ujã ñamasugure sãnigã.

³ Ìre sēnigajano, vasuju ì. Maa ì vato rīne Damasco macajū ì cōñatone, ñaro tūsarone vecajū bñto caje mose busurujiayuju ti. ⁴ To bajiro ti bajijare, quedirocacūcoasuju Saulo. Ì quedirocacūatone, ado bajiro ocaruyuyuju ti:

—Saulo, Saulo, ¿no yigū rojose yūre yisūyarūgūati mū? —yi ocaruyuyuju, ò vecajū.

⁵ To bajiro ti yirone,

—¿Ñimū ūgū ñacōari, to bajise yūre yati mū? —yiyuju Saulo.

To ì yirone,

—Yūne ñaja, Jesús, rojose mū yisūyarūgūgūne —ìre yiyuju Jesús. ⁶ To bajiro ìre yicōa, —Damascojū vasa mū. To mū ejaro, “Ado bajiro yiya”, mūre yirūarāma —Saulore yiyuju Jesús.

⁷ Saulo rāca vana, masa maniboarine, to bajiro yi ocaruyusere ajicōari, no yimasibesujarā ñna. ⁸ To ti bajiro bero, vūmūrūgūcōari, ñarūaboayuju Saulo. Ì caje ruyubesuju. To ì bajijare, ì babarā Damascojū vana ìre tūa vasujarā ñna. ⁹ Damascojū ejacōari, idiarūmū ìabeti, babeti, idibeti, bajiñañuju Saulo.

¹⁰ Damascojūre Jesúre ajitirūnūgū ñañuju ì, Anan'ias vāme cūtigū. Ìre ruyuañocōari:

—Anan'ias —ìre yiyuju Jesús.

—Adone ñaja yū —yiyuju Anan'ias.

¹¹ To ì yirone,

—Vasa Riojo vāme cūti maajūre. Ti maa vacūne, Judas vāme cūtigū ya vire ejarūcūja mū. Tojū ejacōari, “¿Adone ñati Saulo, Tarso vāme cūti macagū?”, ìre yiba mū. Yucūrema yūre sēnigū yami Saulo. ¹² Jēre ìre ìomū yū, ì tūjū mū ejarotire. To bajiri ì tū sājajacōari mū āmo ñujeorūcūja mū, “Quēna tudīiāto” yigū —Anan'iare yiyuju Jesús.

¹³ Tire ajicōari, ado bajiro yiyuju Anan'ias:

—Bñto queti ajirūgūaja yū, Diore ajitirūnūrāre Jerusalénjū ñarāre rojose ì yirūgūrere.

¹⁴ Yūare mūre rācūbñorāre tubiberū, ejarimi —Jesúre ìre yiyuju Anan'ias.

¹⁵ To ì yise ñajare, ado bajiro Anan'iare gotiyuju Jesús:

—Yū ocare masare gotimasiorocū yigū, ìre cūmū yū, Saulore. Hjarāre, jud'io masare quēne, jud'io masa mere quēne gotimasiorūcūmi. ¹⁶ To bajiri, “Yūre gotimasiosagū ñari, rojose tāmūorūcūja mū”, ìre yirūcūja yū —Anan'iare ìre yiyuju Jesús.

¹⁷ To ì yijare, vacoasuju Anan'ias. Vijū sājajacōari, ì āmo ñujeoyuju, Saulore. To yigūne,

—Yū rācagū, ajiya mū. Jesús mani ūjū, mū vado, mūre ruyuañorine yūre cōami, “Quēna tudi caje ñato” yigū. “Dios ì cōagū Esp'iritu Santo mūre ejato” yigū yūre cōami —Saulore ìre yiyuju Anan'ias.

¹⁸ To ì yirone, rujarūtūrori ì cajearijūre ñase jānevējañuju, Saulore. To ti bajirone quēna tudīiācoasuju Saulo. To bajisere ñacōari, vūmūrūgūcōari, oco rāca ìre bautizarotiyuju Saulo, “Jesúre ajitirūnūgū ñaja yū” yigū. ¹⁹ To ì yiro bero, bacōari, rujū tīmācoasuju Saulo quēna. To bajiri yoarobūsa ñañuju Saulo, Jesúre ajitirūnūgū rāca, Damascojū.

Saulo, Jesús yere Damascojū ì gotimasiosūore queti

²⁰ Bero, Dios ocare ñna buerivijū sājajacōari, “Dios macū ñaami Jesús”, ñnare yigotimasioñuju Saulo. ²¹ To ì yisere ajicōari, no yimasibesujarā ñna, ñajediro:

—Ñni Saulo, ¿Jerusalénjū Jesúre ajitirūnūrāre ñnare sñar'i me ñati? To yicōari, ¿Jesúre ajitirūnūrāre ñjejerū me adojuere vayujari ì? ¿Ñnare ñjecōari, paia hjarāre ñsibequīda ì? —yiyujarā masa.

²² To bajiro ñna yitūoñaboajaquēne, tocārācarūmū jājarābūsa, Jesúre ajitirūnūñujarā ñna, Saulore ajicōari. “Socū me yaja yū. Jesúne ñaami, ‘Rotimūorūgōrūcūmi’ yigū Dios ì cōar'i”, yiyuju Saulo. Quēnaro ì gotise ñajare, no bajiro yimasibesujarā ñna, jud'io masa Jesúre ìre ajimena.

Jud'io masa, Saulore ìre ñna sñarūajare, ì rudire queti

²³ To bajiri Damascoj, Saulo ï gotiñasere ïacõari, “Ïre sïaroti ñaja manire”, yituoïañujarã ïna, jud'io masa Jesúre ïre ajitirünamena. ²⁴ To bajiri ïre ïna sïaruasere ajiyuju Saulo. Ñami, ùmua quêne ïre sïaruarã, quearügũñujarã ïna maca budiriasojeri tujure. ²⁵ Ïre ïna sïaruaaboajaquêne, Saulo Jesús yere ï gotimasiosere ajitirünarã ïre ejarëmoñujarã, “Rudiajaro” yirã. Ñami, maca matariacãni veca ñarisojeju, jib, jairijib, sãcõari, ticãni sũyarojuaj, ïre rujiocõañujarã. To bajiro ïna yijare, rudicoasuju Saulo.

Jerusalénj, Saulo ï bajire queti

²⁶ Rudiva, Jerusalénj, ejacoasuju ï. Tojare ejacõari, Jesúre ajitirünarã rãca rëjaruaboayuju ï. “Jesúre ïre ajitirünagũ me ñagũmi Saulo” yituoïarã ñari, buto ïre güiyujarã ïna. ²⁷ To ïna bajiboajaquêne, Bernabé vãme cutig, Saulore ïre ejarëmoñuju ï.

—Vayá. Jesús ï gotiroticõasuarãre ïnare ñagõto mani —Saulore ïre yiyuju Bernabé.

To yi, ïna tuj, ejacõari, ado bajiro Saulo ï bajirere ïnare gotiyuju Bernabé:

—Ñire Saulore maaju ï vatone ïre ruyuañoñuju Jesús. Ïre ruyuañocõari ïre ñagõñuju ï. To ï yiro bero, Damasco vãme cuti macanare güibecne Jesús ï bajirere gotimasioñuju —ïnare yiyuju Bernabé, Jesús ï gotiroticõasuarãre.

²⁸ To ï yisere ajicõari, “Mani rãcagu ñaami Saulo”, ïre yituoïañujarã ïna yuja. To ïna yijare, Jerusalénj, ïna rãca ñacõañuju Saulo. To bajiro bajig, rïne güiri mene Jerusalén macanare Jesús ï bajirere ïnare goticudiyuju ï. ²⁹ Jud'io masa ñaboarine griego oca ñagõrã quêne ñañujarã. To bajiri, Saulo rãca ñagõboanane, oca josayujarã. To yirãne, ïre sïaruyujarã ïna. ³⁰ Ïre ïna sïaruasere ajicõari, Cesarea vãme cuti macaju Saulore ïre ãmicoasujarã ï rãcana. Ïre ãmiejacõari, ï ya macaju Tarso vãme cuti macajure cõacõañujarã ïna.

³¹ Tirodore Judea, Samaria, Galilea sitana quêne Jesúre ajitirünarã rojose tãmbesujarã. Dios ï cõagũ Esp'iritu Santo ïnare ï ejarëmose rãca Jesús ocare butobusa ajivariquënarütuasujarã ïna, Jesúre ajitirünarã. To bajiri jãjarãbusa ñarütuasujarã ïna, Diore quënarõ cãdirã.

Micagũre Pedro ï catiore queti

³² To bajiri Jesús ï gotiroticõasuarã rãcagu Pedro vãme cutig, Jesúre ajitirünarãre ïacudig, Lida vãme cuti macaju, ejayuju Pedro. ³³ Toj, ejacõari, micagũre Eneas vãme cutig, ïre ïabujayuju ï. Cojomo cõro idia jënituario rãca cãmari ï cãnijesarioju jesacõarügũñuju ï. ³⁴ Ïre ïabujacõari, ado bajiro ïre yiyuju Pedro:

—Ajiya m. Jesucristo m, ïre catioami. To bajiri vãmãrãgũña. To bajicõari m, cãnijesariore quënocũña m —yiyuju Pedro.

To bajiro ï yirone, micagũ ñaboar'i vãmãrãgũñuju ï. ³⁵ Ï bajisere ïañujarã Lida vãme cuti macana, to yicõari, Sarón vãme cuti macana quêne. Tire ïacõari, Jesúre ïre ajitirünañujarã ïna jediro.

Rijariore Pedro ï catiore queti

³⁶ Tirãmari Jope vãme cuti macaju Tabita vãme cutigo ñañuju so. Jesúre ïre ajitirünagõ ñañuju. Griego ocarema, Dorcas vãme cutigo ñañuju. Quënase yigo ñañuju so. Maioro bajirãre quënarõ yirëmorügũñuju. ³⁷ To bajiro yicudiboacone, bajirocacoasuju so. To bajiri so yarã so bajirocato ïacõari, rijariarãre ïna yirügũriore bajiro sore ïna yujeroto rïjoro, so rujare coecõari, vecaga sõaju sore cũñujarã ïna. ³⁸ Jope vãme cuti maca tãne ñañuju Lida vãme cuti maca. To bajiri, Lida macaju Pedro ï ñasere ajiyujarã Jope macana, Jesúre ajitirünarã. Tire ajicõari, juarã, Pedrore “Ïre jirã vajaro” yirã ïnare cõañujarã ïna. To bajiro ïna yicõariarã, ï tuj, ejacõari, ado bajiro ïre yiyujarã ïna:

—Yua rãca guaro vayá —ïre yiyujarã ïna.

³⁹ To ïna yisere ajicõari, ïna rãca vacoasuju Pedro. Toj, ejacõari, Dorcas bajirocario so ñarisõajure ïre jimocõañujarã ïna. Jãjarã manaj, rijaveoriarã otïñañujarã ïna, so

rujɔ tɔre. To ñna yiñarone, Pedro ï ejaro ïacõari, ï tɔjɔre gãnibiarũgũcoasujarã rõmia, ïre gotirɔarã:

— Ñaña mɔ. Dorcas ñaboario so bajirocaroto rĩjoro jairo sudi yɔare tiaĩsiboacamo — yirãne, Pedrore ïre juañoñujarã ñna.

⁴⁰ To ñna yirone,

— Adi sõare vijagocoasa maji — ñnare yiyuju Pedro.

To yigajanocõari, gɔsomuniari tuetucõari, Diore sēniñuju Pedro. Diore sēnigajanocõari, rijariore judarũgũ ñañuju. Judarũgũ ïacõari:

— Tabita, vãmurũjuña mɔ — sore yiyuju Pedro.

To ï yisere ajicõari, tudicaticoasuju so. To bajigo ñari, Pedrore ïacõari vãmurũjuñuju so. ⁴¹ To so bajirone, so ãmore ñiacõari sore tãavãmũoñuju Pedro. To yicõari, ti sõare vijagoriarãre ñnare jãjarotiyuju quēna:

— Quēna so tudicatisere ñarã vayá mɔ — ñnare yiyuju Pedro, manajɔa rijaveoriarãre, gãjerã Jesúre ajitirũnũrãre quēne.

⁴² To bajiri, quēna so tudicatirere ajiyujarã toana Jope vãme cɔti macana ñajediro. Tire ajicõari, jãjarã ñañujarã “Jesús ï masise rãca yiyumi Pedro” yirã ñari, “Jesúre ajitirũnũrã ñato mani quēne” yirã. ⁴³ To bajiro ï yiro bero, yoaro Jopejɔ ñacudiyuju Pedro, vaibucurã gasene sudi, to yicõari vasojoari quēnorimasɔ, Simón vãme cɔtigɔ tɔjɔre.

10

Cornelio tɔjɔ Pedro ï vare queti

¹ To bajiri Cesarea vãme cɔti macajɔre, Cornelio vãme cɔtigɔ ñañuju ï. Surara mesare coderã ɔjɔ ñañuju romano masɔ. Italia sitana surara ɔjɔ ñañuju ï. To bajiri cojomo cõro masa cõro ñarãre rotigɔ ñañuju ï. ² Jud'io masɔ me ñaboarine, quēnaro Diore ïre rũcubũoyuju, ï ya viana rãca. Jud'io masare maioro bajirãre quēnaro ñnare yirẽmorũgũñuju ï. Tocãrãcarũmũne Diore ïre sēnirũgũñuju. ³ To bajiri cojorũmũ ñamicajɔa tusato, ángel ïre ruyuañoñuju, Corneliore.

Quēnaro ïre ñamasucõañuju Cornelio. ï tɔjɔre sãjaejacõari,

— ¡Cornelio! — ïre yiyuju ángel.

⁴ To ï yiboajaquēne, ïre cɔdibesuju maji. ïre gũigɔ ñari, ïre ïacõa ñañuju Cornelio. To bajigane,

— ¿Ñie bojati mɔ? — ïre yiyuju Cornelio.

To ï yirone,

— Diore ïre mɔ sēnisere ajivariquēnarũgũami. Maioro bajirãre mɔ ejarẽmosere quēne ñavariquēnarũgũami. To bajiri mure quēnaro yiguagu yami. ⁵ To bajiri, Jope vãme cɔti macajɔre ñaami Simón Pedro vãme cɔtigɔ. ïre jirã varonare ñnare cõaña mɔ. ⁶ Gãji Simón vaibucurã gasene sudi, to yicõari vasojoari quēnorimasɔ ya vijɔre ñaami Simón Pedro, ɔtabucurã tɔjɔ ñarivire — ïre yiyuju ángel, Corneliore.

⁷ To yigajanocõari, ïre vaveocoasuju ángel. ï vato bero, juarã ïre moabosarimasare to yicõari, ï surarare quēnaro Diore ajirũcubũogũre quēne ïre jiyuju Cornelio. ⁸ ñnare jicõari, ángel ïre ï gotirere ñnare gotiyuju. To yigajanocõari, Jope macajɔ ñnare varotiyuju.

⁹ To ï yicõariarã, gajerũmũ ãmũrecaji ñaro Jope maca tɔ tusasujarã ñna. To ñna bajirone, vi rijo tũnajɔ mɔjacõari, Diore ïre sēniñuju Pedro. ¹⁰ Yoaro Diore sēniñagũ ñari, ñiorijacoasuju. To bajiri gãjerãre ïre ñna bare quēnobosañasere yuyuju ï. To ï bajiñarone, ado bajise ïre ruyuañoñuju Pedrore: ¹¹ Õ vecajɔ ãmũagasero soje jãnacoasuju ti. To bajicõari, sudijãi jairijãi jũajacatũa gaja ñiacõari yorujicõariarore bajiro rujiayuju ti. Rujiadi, ï tɔjɔ ejayuju.

¹² Tojɔre ñañujarã vaibucurã jediro. Jēnirã, varã, ãña quēne, ñajediro ñañujarã ñna. ¹³ ï tɔjɔ ti ejaro, ado bajiro yi ocaruyuyuju õ vecajɔ, Pedrore:

— Vãmurũgũña mɔ. ñnare sãcõari, baya — ïre yi ocaruyuyuju.

¹⁴ TIRE ajicōari ado bajiro yiyuju Pedro:

—Babeaja yu. Rēoriarāre divatojūane baīabeticaju yu —boca yicōañuju Pedro.

¹⁵ To ī yirone, quēna ocaruyuyuju:

—“Rēore ñaja”, yibesa. “Baya” Dios ī yisema, quēnase ñaja —yi ocaruyuyuju.

¹⁶ Idiajijū ñe bajiiocoasuju ti. To baji, tudimūjacoasujarā. ¹⁷ TIRE ĩacōari, “¿Ñie ũni yūre bajiati ti?”, yitūoīañuju Pedro. To ī yīñarone, Simón vaibucurā gasene sudi, to yicōari vasojoari quēnorimasu ī ñarijūre gājerāre sēniīacōari ī ya vi soje tūre ejayujarā Cornelio ī cōariarā. ¹⁸ Ejacōari,

—¿Adi vire Simón Pedro vāme cutigū ñati? —yiyujarā ĩna.

¹⁹ Pedro ī ĩasere ī tūoīañarone, ado bajiro ñe gotiyuju Esp'iritu Santo:

—Idiarā ũmūa mūre macarā ejama. ²⁰ Vūmūrūgūcōari, ĩnare ĩagū rujiāsa mū. Tūoīarejaibecūne vasa, yu cōarā ĩna ñajare —Pedrore ñe yiyuju Esp'iritu Santo.

²¹ To bajiri, ĩna tūre rujiacōari,

—Yūne ñaja mūa macagū. ¿No bajiro yirā vadi mūa? —ĩnare yiyuju ī.

²² To bajiro ī yisere ajicōari, ado bajiro Pedrore gotiyujarā ĩna:

—Yūa ũjū Cornelio yūare cōami. Surara ũjū ñaami. Quēnaro Diore ajirācūbūoami. “Quēnase yigū ñaami”, ñe yama jud'io masa jediro. To bajiri ado bajiro ñe gotiyuju ángel: “Cornelio ajiya mū. Simón Pedrore jiaya mū. To yicōari ī gotisere quēnaro ajiba mū”, yūa ũjūre ñe yiyuju ángel —yiyujarā Cornelio ī cōariarā, Simón Pedrore.

²³ To ĩna yisere ajicōari, ado bajiro ĩnare yiyuju Pedro:

—Ado sājaaya maji. Rāioato yaja. Yū tū cāniña maji —ĩnare yiyuju Pedro.

To yi, gājerūmū ĩna rāca vasuju yuja. Sīgūri Jopeana Jesúre ajitirūnūrā, ī rāca vasujarā, ñe baba cuti vana.

²⁴ To bajiri gājerūmū, Cesarea vāme cuti macajū ejayujarā ĩna. ĩna ejaroto rījoro, ī yarāre, to yicōari, ī babarāre quēne ĩnare jirēoñuju Cornelio, “Simón Pedro ī gotisere ajito mani” yigū. ²⁵ To baji, vi tūjū ĩna ejarone, Pedrore bocaāmīrū budiasuju Cornelio. ñe bocacōari, gūsomuniari tuetuyuju, Pedrore rācūbūogū. ²⁶ To ī yijare,

—Vūmūrūgūñā mū. Mūre bajirone masū ñaja yū quēne —Corneliore ñe yiyuju Pedro.

²⁷ To yi, gāmerā ñagōrāne vijū sājacoasujarā yuja. Sājaejacōari, jājarā ejacōari, bajiñarāre ĩnare ĩañuju Pedro.

²⁸ ĩnare ĩacōari, ado bajiro gotiyuju ī:

—Yūa jud'io masa, gājerā masa ya vire yūa sājajama, to yicōari, no bojarijū gājerā masa rāca yūa vūsajama, yūa ũjarā ĩna rotisere cūdimena yirāja yūa. TIRE ajiriarāja mūa. To bajiro ti bajiboajaquēne, Dioma ado bajiro yūre yimasimi: “‘Quēnaja’ yū yisema quēnase ñaja. ‘Rēore ñaja’ yibesa mū”, yūre yimasimi Dios. To bajiri, “Jud'io masū ñaboarine gājerā masa rāca yū ñajama, quēnacōaja ti”, yimasijaja yū yuja. ²⁹ To bajiri mūa ocare ajicōari, tūoīarejaibecūne vabū yū. To bajiri, ¿no bajiro yato yirā, yūre bojacōari mūa? —ĩnare yiyuju Pedro.

³⁰ To ī yisere ajicōari, ado bajiro ñe cūdiyuju Cornelio:

—Cānū babarirūmū rījoroagarūmū, ñamicajūa, ado cōro muiju ī tūsatone Diore sēniñamasimū yū. ñe yū sēniñarone, sudi bato botise sāñacōari, yūre ruyuarūgūmasimi ángel. ³¹ Ruyuarūgūcōari, ado bajiro yūre gotimasimi: “Diore ñe mū sēnisere ajivariquēnarūgūami. Maioro bajirāre mū ejarēmosere quēne ĩavariquēnarūgūami. To bajiri mūre quēnaro yigūagū yami. ³² To bajiri, Jope macajū Simón Pedro vāme cutigūre jiaya. Gāji Simón, vaibucurā gasene sudi, to yicōari vasojoari quēnorimasu ya vijūre ñaami, utabucurā tūjū ñarivire”, yūre yimasimi ángel. ³³ To ī yijare, guaro mūre jicōamasimū yū. Quēnaro vayuja mū. Ado mū ejajare, variquēnaja yūa. Adojūre Dios ī ĩaro rējamū yūa, ñajediro mūre ī gotitirere ajirūarā —Pedrore ñe yiyuju Cornelio.

Cornelio rācanare Pedro ī gotire queti

³⁴ To bajiro ï yisere ajicõari, ado bajiro gotiyuju Pedro yuja:

—Ajimasiaja yu yuja. Gãjerã masare ï mairo rëtoro jud'io masare maigũ me ñaami Dios.

³⁵ No bojarãre Diore mani rãcubuoajama, quënarõ mani yijama, cojoro cõrone manire ïavariquënaami Dios. ³⁶ Dios ï ejarëmose rãca yua yarã Israel ñamasir'i jãnerabatiare ïnare gotimasiorũgũaja yua, ñajediro uju Jesucristo suorine Diorãca quënarõ ïna ñaroti quetire.

³⁷⁻³⁸ Jesús, Nazaret vãme cuti macagu ï bajirere masirãja mu. Galilea vãme cuti sitaju oco rãca Juan ïre ï bautizariaro bero, Esp'iritu Santore, to yicõari, ï masisere Jesũre cõañumi Dios. To bajiro ï yicõar'i ñari, masare quënarõ yicudicami, Galilea sitanare, to yicõari Judea sitanare quëne. ïna usurijure vãtia sãñarãre, vãtiare ïnare bureacudicami. Tire masirãja mu. ³⁹ Ti jedirore ïacaju yua Jesús ï gotiroticõasucana, Jerusalén vãme cuti macaju yicatire quëne. To bajiro ï yiro bero, Jerusalénju yucátëroju ïre jajusãacama ïna.

⁴⁰ To bajiro ïre ïna yiboajaquëne, idiarũmu tusatirũmane, ïre catiocõari, “ïnare ruyuaïõña”, Jesũre ïre yiyumi Dios. ⁴¹ Jediro masa mere Jesũre ïre ruyuaïorotiyumi. Rëmojuane Jesús ï bajicatire gotirona ï cũcana yua ñajare, “ïre catiõyumi Dios” yua yimasirotire yigu, ïre ruyuaïorotiyumi. To bajiri, Jesús ï tudicatiro bero, ï rãca ba, idi, yicaju yua.

⁴² “Catirãre, bajireariarãre quëne ïna yisere ïacõiarocure Jesũre ïre cũñumi Dios”, yuare yigoticudiroticami Jesús. ⁴³ Diore gotirëtobosamasiriarã ïna ñaro cõrone Jesús ï bajirotire ucamasiñujarã ïna. To bajiro yirã ñari, no bojarãre, Jesũre ajitirũnrãre, rojose ïna yisere Dios ï masiriorotire ucamasiñujarã —yiyuju Pedro.

Dios ï cõagũ Esp'iritu Santo jud'io masa mere ïnare ï ejasore

⁴⁴ ïnare ï gotimasio ñarone, Dios ï cõagũ Esp'iritu Santo ïnare ejayuju ï. ⁴⁵⁻⁴⁶ To ï bajirone, ricatiri rĩne oca ñagõsuojujarã ïna, quënase Diore yirãcubuoarã. Tire ïacõari, “Jud'io masa mere quëne ejaami Dios ï cõagũ Esp'iritu Santo” yirã ñari, no yimasibesujarã Pedro rãca ejariarã jud'io masa. ⁴⁷ To bajiri, ï rãcanare ado bajiro ïnare gotiyuju Pedro:

—Yure ajiya yu yarã. Esp'iritu Santo, manire ï ejacatore bajirone ïnare quëne ï ejajare, ¿mani rãcagu nijuane, “Oco rãca ïnare bautizabeticõato” yigu magũmi? —ïnare yiyuju Pedro. ⁴⁸ To yicõari, —“Jesũs suorine Dios yarã ñaama” yirã, oco rãca ïnare bautizaya mu —ï rãcanare ïnare yiyuju Pedro.

To bajiri, ïna bautiza ecoro bero, “Vabesa maji. Yua rãca ñacõaña”, Pedroro ïre yiyujarã Cornelio rãcana.

11

Jerusalén macana Jesũre ajitirũnrãre Pedro ï gotire queti

¹ To bajiri Jesús ï gotiroticõasucoriarã, gãjerã ïre ajitirũnrã Judea sitanaju, “Jud'io masa me ñaboarine, Jesũre ajitirũnrãñujarã” yire quetire ajiyujarã ïna. ²⁻³ To bajiri, Jerusalénju Pedro ï tudiejarõ, ado bajiro ïre sënĩañujarã ïna:

—¿No yigu jud'io masa vi me ti ñaboajaquëne, sãjacati mu? To bajicõari, ¿no yigu ïna rãca bacati mu? —yiyujarã, Pedroro.

⁴⁻⁵ To bajiro ïre ïna yijare, ado bajiro riojo ïnare gotiyuju Pedro:

—Jope macaju ñacõari, Diore ïre yu sënirone, ado bajiro yure ruyucaju. Vecaju sudijãi jairijãi juajacatu gaja ñiacõari, yorujiocõariarore bajiro ejacaju ti, yu taju. ⁶ “¿Ñie ñati, ti jubeajure?” yigu, quënarõ ïacaju yu. Toju ñacama sãñarã vaibucurã jediro. Ñña, jënrã, to yicõari, vurã quëne ñacama. ⁷ ïnare yu ïarone, õ vecaju ado bajiro ocaruyucaju: “Pedro, vãmũrgũña mu. ïnare sãcõari, baya mu”, yure yi ocaruyucaju ti. ⁸ “Babeaja yu. Rëorere divatojuane baãabeticaju yu”, boca yicõacaju yu. ⁹ To yu yirone, ado bajiro yure ocaruyucaju quëna: “‘Rëore ñaja’, yibesa. ‘Baya’ Dios ï yisema, quënase ñaja”, yure yi ocaruyucaju. ¹⁰ Idiajju to bajiro yure bajijocaju. To baji, tudimujacoacaju quëna. ¹¹ Ti mujato bero, idiarã ejacama, yu ñarivijure. Cesarea vãme ti macagu Cornelio vãme cutigu

Īnare cōañumi, yure “Macato ĩna” yigu. ¹² Īna ejarone, “Tuoĵarejaibecune vasa mu” Esp'iritu Santo yure ĩ yijare, vacaju yu. Cojomo cōro coja jēnituarirācu Jesúre ajitirānūrā yure baba cuti vacama ĩna. Īna rāca vacōari, Cornelio ya vijure sājacaju yu. ¹³ Yu sājaejarone, ángel, ruyuañocōari, ĩre ĩ gotirere yure goticami Cornelio. Ado bajiro yure goticami: “Jope macaju mu ĩmure ĩnare cōaña mu, Simón Pedro vāme cutigure “Īre jirā vajaro” yigu. ¹⁴ Mure, mu ya vianare quēne gotimasiorucami ĩ. Mure ĩ gotimasiose suorine mu rijato bero, rojose tāmūotūjabetiriaroju mu vaborotire yirēto ecobosaruarāja mu’, yure yigotimasimi ángel”, yure yicami Cornelio. ¹⁵ To bajiro yure ĩ yiro bero, ĩnare gotimasiocaju yu. Īnare yu gotimasiosuorone, Esp'iritu Santo manire ĩ ejacatore bajirone ĩnare quēne ejacami. ¹⁶ To ĩ bajirone, mani ũju Jesús ĩ goticatire masibūjacōacaju yu: “Tirāmūju oco rāca mure bautizacami Juan, ‘Dios ĩ bojabeti yirūabeaja’ mu yitūoĵajare. To bajiri, yoaro mene Esp'iritu Santore mure cōarucami Dios, mu rāca ñarocure, ‘Dios ĩ bojarore bajirone yimasiato’ yirocure” manire ĩ yigoticatire. ¹⁷ Jesucristore ajitirānūrā mani ñajare, Esp'iritu Santore manire ĩ cōacatore bajirone ĩnare quēne cōacami Dios, jud'io masa me ĩna ñaboajaquēne. Īnare quēne to bajiro ĩ yijare, “Jud'io masa me ñari, mani rācana me ñaama”, yimasibeaja yu —Īnare yiyuju Pedro.

¹⁸ To bajiro ĩ yisere ajicōari, ĩre sēniātūjacōañujarā ĩna. Ado bajiroju yiyujarā ĩna yuja: —Quēnaro yigu ñaami Dios. “Jud'io masa mere quēne, rojose ĩna yisere masirioami, ĩna rijato beroju ĩ rāca quēnaro ñacōa ñato ĩna” yigu —yiyujarā jud'io masa Jesúre ajitirānūrā.

Antioqu'iana, Jesúre ajitirānūrā ĩna rējare queti

¹⁹ Tirāmuri rĵoro Estebanre sĵacōari gājerāre quēne Jesúre ajitirānūrāre rojose ĩnare yiyujarā ĩna Diore masimena. To bajiri sĵgūri Jesúre ajitirānūrā Fenicia sita ñarimacariju, Chipre vāme cutiyoa ñarimacariju, to yicōari, Antioqu'ia vāme cuti macaju quēne rudiasujarā ĩna. Ti macarijure ejacōari, jud'io masa rĵrene Jesús yere ĩnare gotiyujarā ĩna. ²⁰ Gājerāma, Chipre vāme cutiyoa ñarimacariana, Cirene vāme cuti macana, vacōari Antioqu'ia macaju ejayujarā. Toju ejacōari, jud'io masa mere quēne Jesús yere ĩnare gotiyujarā ĩna. ²¹ “Quēnaro gotimasioato ĩna” yigu, ĩnare ejarēmoñuju Esp'iritu Santo. To bajiri Jesús ĩ bajirere ajicōari, masa ĩna rotisere ĩna ajirūcūbooarere ajitūjacōari, jājarā Jesúre ajitirānūsuyujarā ĩna.

²² Jesúre ĩna ajitirānūrere ajiyujarā Jerusalén macana Jesúre ajitirānūsuyarā. To bajiri ĩna tūjare Bernabé vāme cutigure ĩre cōañujarā. ²³ To ĩna cōar'i, ejacōari, Dios quēnaro ĩnare ĩ yisere ĩañuju. To bajiri būto variquēnacōari, ado bajiro ĩnare gotiyuju:

—Tocārācune, Jesúre ĩre ajitirānūrūgūña mu —Īnare yiyuju Bernabé.

²⁴ Esp'iritu Santo ĩ ejarēmose rāca tūoĵagū ñari, cojo vāme ruyabeto Dios ĩ bojarore bajiro quēnaro yigu, to bajicōari, Jesúre quēnaro ajitirānūgū ñañuju Bernabé. To bajiri jājarā masa, ĩ gotimasiosere ajicōari, Jesúre ajitirānūsuyujarā ĩna.

²⁵ Tijū bero, Tarso vāme cuti macajure vasuju Bernabé, Saulore macagū. ²⁶ To ĩre ejabūjacōari, “Ita mu, Antioqu'iaju”, ĩre yiyuju. To bajiri vasujarā Antioqu'iajare. Tojare cojo cūma ñañujarā ĩna, Jesúre ajitirānūrā rāca. Toju ñacōari jājarā masare Dios oca Jesús yere ĩnare gotimasioñujarā ĩna. Ti macane Jesúre ajitirānūrāre, “Cristiano masa ñaama ĩna”, yisuyujarā. “Mani ũju ñaami Cristo’ yirā ñaama” yire ũni ñañuju ti vāme.

²⁷ Tirāmūrĵrene Jerusalén macana, Diore ĩre gotirētosarimasa ejayujarā tojare, Antioqu'iajare. ²⁸⁻³⁰ Īna rācagu ñañuju Agabo vāme cutigu. Jesúre ajitirānūrā ĩna rējarūgūrojure sājaejacōari, Esp'iritu Santo ĩ ejarēmose rāca tūoĵacōari, ado bajiro ĩnare gotiyuju Agabo:

—Judea sita ti ñaro cōrone, ñio ejarūaroja. Bare jedicoarūaroja —yiyuju Agabo.

To ĩ yisere ajicōari, “Judeana ñiorĵarūarāma ĩna. Gājoa ĩnare cōato mani”, yiyujarā Antioqu'iana Jesúre ajitirānūrā. To ĩna yiriarore bajirone yiyujarā ĩna. Īna cūose ĩna ĩsimasiro cōro Saulore, Bernabére quēne ĩnare ĩsiñujarā, Judea ñarāre Jesúre ajitirānūrā

bucurãre “Înare İsiato” yirã. To bajiro ti bajijama, Roma macagũ Claudio vãme cutigũ masa ñajediro ɯjũ ĩ ñariarodore bajiyuju.

12

Santiago ĩ sãacore, to yicõari tubiberiavire Pedro ĩ budire

¹ Tirũmurirene, Ʋjũ Herodes, Jesũre ajitirũnrãre sġũrre rojose ĩnare yisũoyuju ĩ. ² To yicõari, “Juan bedire Santiagore ĩ rãjoare jataya mũa”, ĩnare yiyuju ĩ. ³⁻⁴ To bajiro ĩre ĩ yirotsere ajicõari, bũto variquẽnañujarã jud'io masa ĩ yarã sġũri. ĩna variquẽnaro ĩacõari, Pedore quẽne ñiaroticõari, tubiberotiyuju ĩ. To bajiro ti bajijama, pan vũoyamanire ĩna bariarũmurire bajiyuju. ĩre tubiberotigũ, “Rudiromi” yigũ, ado bajiro quẽnaro coderotiyuju ĩ:

—Diez y seis ñarãre babaricãrãcũne vacõari, tocãrãcãjine babaricãrãcũ codevasoaya mũa —ĩnare yiyuju. To yicõari, “Pascua boserũmũ ti jediro, masa ĩna ĩaro rġjoro Pedore ĩre sġarotirũcũja yũ”, yitũoĩañuju Herodes. ⁵ To bajiri quẽnaro masune code ecocõañuju Pedro. Tire ajicõari, gãjerã Jesũre ajitirũnrã Diore bũto ĩre sãnibosayujarã ĩna.

⁶ Gajerũmũ busurijũne ñaboayuju, Herodes Pedore ĩ sġarotirũmũ. Jũarã surara coderimasa vatoajũre cãnicũñañuju Pedro. Jũããmojũne cõmemari rãca siaecocõañuju. Gãjerã surara soje tũne coderũgõñujarã ĩna. ⁷ To ĩna bajiboajaquẽne, ñaro tũsarone ruyuyuju ángel. To ĩ bajirone Pedore ĩna tubiberiasõa busujũmãcõañuju. To bajicõari, Pedore ĩre moañañuju ángel, ĩre yujiogũ. ĩ yujiro ĩacõari,

—Vũmurũgũña mũ —ĩre yiyuju, Pedore.

To ĩ yirone, Pedore ĩna siaboariamari, cõmemari jojivẽjacoasuju. ⁸ To ti bajirone,

—Mũ sudi sãñaña. Mũ gũbo sudi cũdaya —Pedore ĩre yiyuju. To yigũne, ado bajiro yirẽmoñuju:

—Mũ sudiro joeagarore quẽne sãña. To yicõari, vayá. Yũre sũyaya mũ —ĩre yiyuju ángel, Pedore.

⁹ To ĩ yirone, ĩre sũyacoasuju Pedro. To bajiboarine, “To bajiro bajigũja yũ”, yimasibesuju ĩ. “¿Socarõ me bajiati ti?” yiboacũ, “Ba. Socarõ bajiroja gajeyerema”, yitũoĩañuju Pedro. ¹⁰ To bajivana rġne, jũã soje surara ĩna coderisojerire rẽtoasujarã ĩna. Tũsarisoje, cõme soje ñañuju ti. Ti soje tũ ĩna ejarone, ti masune jãnacõasuju ti. To baji budirũgũ, maa ĩre ĩ ũmato vacũne, “To bajigũmi” yimasiña manone yayicoasuju ángel. To bajiri Pedro sġũne tujacõañuju yuja.

¹¹ To bajisere ĩacõari, “Socarõ me bajiaja”, yimasicoasuju Pedro. “ ‘Herodes ĩre sġaromi’ yigũ, yũre ũmato budirocũre cõañumi Dios”, yitũoĩañuju ĩ. “To bajiri jud'io masa rojose yũre ĩna yirũaboase rẽtocoajũ ti yuja”, yitũoĩañuju Pedro.

¹² To yitũoĩamasicõari, Juan Marcos vãme cutigũ jaco, Mar'ia ya vijũ vacoasuju ĩ. Ti vijũre jãjarã masa rẽjacõari ñañujarã, Diore sãnirã. ¹³ To ĩna yiñarore soje tũ ejacõari,

—¿Ñaboati mũa? —yiyuju Pedro.

Ti vijũre, sġõ ti vianare ejarẽmorimasõ ñañuju so, Rode vãme cutigo. To bajiri Pedro ĩ sãnĩasere ajicõari, soje tũ ejarũgũcõari, ajiyuju so, “¿Ñimũ ñarõari?” yigo. ¹⁴ Soje jãnabecõne ajirũgõca yigo, Pedro ocare ajimasiñuju. ĩ ocare ajimasicõari bũto variquẽnañuju. To bajigo ñari, soje jãnabecõne gotigo tġjasuju, ti vianare.

—Macajũjũ ñarõmi Pedro —ĩnare yigotiyuju so.

¹⁵ To bajiro ĩnare so yirone,

—Mecũgõ yigoja mũ —sore boca yiyujarã ĩna.

To ĩna yijare,

—Soco me yaja yũ —ĩnare boca yicũdiyuju so.

To so yijare,

—Ba, ángel, Pedore coderimasũ ñagũmi —sore yiyujarã ĩna.

¹⁶ To ñna yiboajaquêne,

—¿Ñaboati mua? —yi ocaruyucōa ñañuju Pedro, macajúju ñacōari.

To bajiri, sojere jñnacōari, Pedrore ñre ñaŋsayujarã ñna. ¹⁷ Ñre ñna ñaŋcasere ñacōari, ñnare, “Ñagōbesa” yigu, ñ ãmone ñumõñuju Pedro. To yicōari, “Ado bajiro yare yirēmomi Dios, tubiberiaviju ya ñaro”, ñnare yigotiyuju. Tire gotigajanocōari,

—Adire Santiagore, to yicōari, mani rãcanare Jesúre ajitirãnarãre quêne ñnare gotiaya mua —ñnare yiyuju Pedro.

To bajiro ñnare yigotigajanocōari, gajeroju vacoasuju ñ.

¹⁸ Gajerũmu busuato tubiberiavire codeboariarã, Pedro ñ mano ñacōari, “¿No bajiro bajiyujari ñ?” gãmerã yiboana, bũto tũõñarejaiyujarã ñna. ¹⁹ Herodes quêne, Pedro ñ mano ñacōari, ñre macarotiboayuju. Ñre bũjabesujarã ñna. To bajijare, tubiberiaviju codeboariarãre ñnare sēniãaboayuju Herodes. Ñna cãdimasibetijare, “Ñnare sñacōaña”, yiyuju ñ. To yicōari bero, Judea sitaju ñar'i, Cesarea vãme cãti macaju ñagũ, vacoasuju Herodes.

Herodes ñ bajirocare queti

²⁰ Tirũmarire Tiro vãme cãti macanare, to yicōari Sidón vãme cãti macanare quêne bũto ñnare jũnisiniñuju Herodes. To bajiri Sidón macana, Tiroana rãca rējacōari, Herodere ñagōrã vasujarã ñna. “Herodes ñ jũnisinicōa ñajama, uju ñ ñari sita bare mani bũjarũgũsere ñsibecami” yirã ñari, to bajiro bajiyujarã ñna. Herodes tũjure ñañuju ñre ejarēmogũ ñamasugũ, Blasto vãme cãtigu. To bajiri Herodere ñna ñagōroto rñjoro, ñre ñagōñujarã ñna, Blastore. To ñna yise ñajare, ñnare ñamaicōari, ñnare ñagōbosayuju Blasto. Ñnare ñ ñagōbosarone, “Cojorũmu ñnare ñagōrũcũja ya maji”, ñre yiyuju Herodes. ²¹ “To cõro ñnare ñagōrũcũja ya” ñ yiriarũmu ti ejaro, uju ñagũ ñ sãñase sudi quēnase sãñañuju ñ Herodes. To yicōari, rotigu ñ rujiri cũmurojure ejarũjucōari, masare gotiyuju ñ. ²² Ñ ñagōsere ajicōari,

—Masu me ñnaami ñni. Dione ñnaami —yivasã variquēnañujarã masa.

²³ To bajiro ñna yĩñarone, ángel Herodere rijaye ñre cõañuju. To ñ yijare, ñ gudajoajure vãsia ñna bajare, bajirocacoasuju Herodes. “To bajise yibesa mua. Dios me ñaja ya. Dios sñgũrene rãcũbuoya mua” ñ yibetijare, to bajiro bajiyuju ñre.

²⁴ Herodes ñ bajirocarirodore Jesús ñ bajirere Dios oca gotisere ajicōari, jãjarãbũsa Jesúre ajitirãnarũtuasujarã ñna.

²⁵ Bernabé, Saulo rãca Jerusalén vãme cãti macanare gãjoa ñnare ñsigajanocōari, Antioqu'iaju tudiasujarã ñna. Gãji, Juan Marcos vãme cãtigu, ñna rãca vasuju ñ.

13

Saulo, Bernabé rãca Dios ocare ñna gotimasiodisũore queti

¹ To bajiri, Antioqu'ia vãme cãti macajure Jesúre ajitirãnarã rãcana, ñnare gotimasiorã, to yicōari, gãjerã Diore gotirētobosarã ñañujarã. Adocãrãcũ ñañujarã: Bernabé, Simón, Lucio, Cirene vãme cãti macagu, Manaén, Saulo. Tocãrãcũ ñañujarã ñna. Simónre, Ñigũ ñre yiyujarã gãjerã. Manaénju, Uju Herodes ñamasir'i rãcagu ñaboayuju ñ. Cojovata bũcũariarã ñañujarã ñna. ² To ñnacōari, bare bamenane, Diore ñre yirũcũbuo ñañujarã ñna. To yĩñarãne, Esp'iritu Santo sũorine ado bajiro yiyujarã ñna, Bernabé, Saulore quêne:

—Gajeroju mua gotimasiodirotire bojami Dios. To bajiri, ñ bojarore bajirone yirũarãja mua —ñnare yiyujarã.

³ To yicōari, quēna Diore rãcũbuorã bare bamenane, Diore ñnare sēnibosayujarã ñna, Bernabé, Saulore. To yicōari, ñna rũjoari joere ñna ñmori ññujeoyujarã, Bernabé, Saulore, “Dios ñ bojarore bajirone gotimasiodiya” yirã. To bajiro ñnare yigajanocōari, ñnare varotiyujarã ñna.

Chipre vãme cãtiyoa ñarimacarire Pablo, Bernabé rãca ñna gotimasiorã vare queti

⁴ To bajiri Esp'iritu Santo ñnare ï cõajare, vacoasujarã ñna, Bernabé, Saulo, Seleucia vãme cuti macajure. Ti maca moa riaga tã ññañuju ti. To bajiri, rojaeja, cãmua jairicajũ vasãja vacoasujarã ñna, Chipre vãme cutiyoaju vana. ⁵ Salamina vãme cuti maca jetagare rocatuejayujarã ñna. Ejacõari, tiyoa ñnarimacarire jud'io masa Dios ocare ñna buerivirijure Jesús bajirere Dios oca gotisere gotimasiodiujarã ñna. Ñna rãcagũ, ñnare ejarẽmogũ ññañuju Juan vãme cutigũ.^b

⁶⁻⁸ To bajiri goticudirã rĩne, Pafos vãme cuti macajure ejasujarã ñna. Tojure sīgũ Barjesús vãme cutigure ñre ñabujayujarã ñna. Barjesús ti yijama, griego ocarema Elimas yiruaro yiyuju ti. Jud'io masũ ññañuju ññañamanire yigũ. “Diore gotirẽtobosarimasũ ñaja yũ”, yisocagũ ññañuju ñ. Ti macagũ ñjũña, Sergio Paulo vãme cutigũ, quẽnaro tũõĩagũ ñari, quẽnaro masigũ ññañuju. To bajigũ ñari, Jesús ñ bajirere ñna gotimasiosere ajirũ, Bernabé, Saulore ñnare jicõañuju ñ. To ñ yire ñajare, ñre gotimasioñujarã ñna. Ñna gotimasio ñnare,

—Ñnare ajibesa —yiyuju Barjesújũ, “Jesúre ajitirũnũromi” yigũ. ⁹⁻¹⁰ To ñ yiboajaquẽne, Esp'iritu Santo ñ ejarẽmose rãca tũõĩacõari, Barjesúre ñre ñacõari, ado bajiro ñre yiyuju Saulo, romano ocarema Pablo vãme cutigũ:

—Vãtia ñjũre bajiro socajaigũ ñaja mũ. Jediro quẽnasere bũto tegũ ñaja mũ. Dios oca quẽnaro riojo ti gotiboajaquẽne, “Tire ajibeticõaña. Socase ñaja”, masare yimavisioģũ ñaja mũ. ¹¹ To bajiri yucũne rojose mũ yise vaja rojose mũre cõaami Dios. Caje ñabecũne ñacõarũcũja mũ, Dios ñ bojaro cõro —ñre yigotiyuju Pablo, Barjesúre.

To bajiro ñ yirone, ñabecũ ñacoasuju ñ yuja. To bajiri, “Yũ ñmore ñnacõari yũre tũato” yigũ, masare vare macaboayuju ñ yuja. ¹² To ñ bajisere ñacõari, “Jesús ñ bajirere gotimasiorã ñari, to bajiro yama” yitũõĩagũ ñari, Jesús ñ bajirere ajitirũnũñuju ti macana ñjũ.

Pisidia sita ñnarimaca Antioqu'iajũ Jesús ñ bajirere ñna gotimasioire queti

¹³ To bajiri Pablo rãcana, Pafos vãme cuti macare ñnariarã, cãmua jairica rãca vacoasujarã ñna, Perge vãme cuti macajũ vana. Panfilia sitajure ññañuju Perge. Ti macajũ ñna rãca ejacõari, Juanjũama, Jerusalénjũ tudicoasuju. ¹⁴ Perge maca ñnariarã, Pisidia sita ñnarimaca Antioqu'ia vãme cuti macajũ vasujarã. Ti macajũ ejacõari, usũsãjariarũmũ ñaro, jud'io masa Dios ocare ñna buerivijũ sãjasujarã ñna. ¹⁵ To bajiri Moisés ñamasir'ĩ ñ ucamasirere, to yicõari Diore gotirẽtobosamasiriarã ñna ucamasirere quẽne ñagotiyuju gãji. To bajiro ñ yiro bero, Pablo rãcanare sẽnĩñañujarã ñna, ti vi ñjarã:

—“Bũtobũsa Diore ajitirũnũato ñna” yirã, quẽnase oca yũare gotiya mũa —ñnare yiyujarã ñna.

¹⁶ To bajiro ñna yijare, vãmũrũgũcõari, ñ ñmone ñnũmũõñuju Pablo, “Ñagõbesa mũa” yigũ. To bajiro yicõari, ado bajiro ñnare gotiyuju ñ:

—Yũre ajiya mũa, Israel ñamasir'ĩ jãnerabatia, to yicõari, ñajediro Diore rãcũbũorã quẽne: ¹⁷ Dios, Israel ñamasir'ĩ jãnerabatia ñna rãcũbũogũ, Egipto sitajũ ñna ñaro ñnare bũjũrotimasĩñuju ñ. To yicõari, ñ masise rãca yucũ manojũ ñnare ñmato vamasĩñuju ñ.

¹⁸ To bajiri, cuarenta ñnaricũmari yucũ manojũ ñarã ñre ñna rãcũbũobetiboajaquẽne, ñna rãca ñnacõa ñarũgũñuju ñ. ¹⁹ Bero, ñ sũorine Canaán sita ñnarimacarianare heteo masare, gergeseo masare, amorreo masare, cananeo masare, ferezeo masare, heveo masare, to yicõari jebuseo masare quẽne ñnare sãreacõari, ñna ñaboaria macarire ñamasĩñujarã ñna. To bajiro ñna bajijama, “Yũ yarãjũ, ti sitare ñarũarãma” Dios ñ yimasire ñajare, to bajiro bajiyuma ñna. ²⁰ To bajiri, Egipto sitajure ñna ñnasũoriacũma, to yicõari Canaán sitajure ñna ñnasũomasiriacũma rãca, cuatrocientos cincuenta ñnaricũmari tũsamasiñuju ti.

Bero, gãjerã masa rojose ñnare ñna yijare, ñnare ñmato ñnaronare cũmasĩñuju Dios. Samuel vãme cutigure ñre cũtũsamasiñuju. Diore gotirẽtobosagũ ñamasĩñuju ñ. ²¹ Samuel ñ ñarirodore, “Gaje sitare ñjũ ñ ñarore bajiro yũa quẽne ñjũ bojaja”, yimasĩñujarã jud'io masa. To ñna yijare, ñna ñjũ ñarocũre cũmasĩñuju Dios. ñ cũsũomasir'ĩ ñamasĩñuju Cis macũ, Saúl

^b 13:5 Lucas, “Juan” ñ yijama, Juan Marcos vãme cutigure yami.

vāme cūtigū. Benjam'in űamasir'i jānami űamasīñuju ĩ. Cuarenta űaricūmari rotimasīñuju Saúl. ²² Rojose ĩ yisere ĩavariquēnabeticōari, Isa'i űamasir'i macu David vāme cūtigūmare uju űarotimasīñuju Dios. “űajediro yirucūmi”, yīlamasiñuju Dios, David űamasir'ire. ²³ To bajiri, “David jānamire, Israel űamasir'i jānerabatiarojose ĩna tāmūoborotire ĩnare yirētobosarocure ĩre cōarucūja yu” Dios ĩ yigotiriarore bajirone Jesúre ĩre cōañumi. ²⁴ Israel űamasir'i jānerabatiare Jesús ĩ gotimasioroto rījorojne, ĩna jedirore ado bajiro ĩnare gotimasiorūgūñuju Juan vāme cūtigū: “Rojose mūa yisere tūoīasūtiritiya mūa. Tūoīasūtiriticōari, ‘Rojose yirūabeaja yu. Diorāca quēnaro űaruarāja yu’ yirā, oco rāca yure bautizarotiya mūa. To bajiro mūa yijama, rojose mūa yisere mūare masiriorucūmi Dios”, ĩnare yigotimasiorūgūñuju ĩ. ²⁵ To bajiro ĩ yigotimasiorūgūrere ĩ gotigajanoroto rījoro, ado bajiro ĩnare gotiyuju: “‘Rotimūorūgōrucūmi’ yigu, Dios ĩ cōagū me űaja yu. Yu bero ejarucūmi ĩma. űamasurā rīne ĩre yibosamasiama, űamasugū masu ĩ űajare”, masare yigotiyuju Juan —yiyuju Pablo.

To yicōa, quēna tudigotiyuju:

²⁶—Abraham űamasir'i jānerabatiare to yicōari, űajediro Diore rūcūbuorāre quēne rojose mani tāmūoborotire manire ĩ yirētobosaruase quetire manire cōañumi Dios. ²⁷ Jerusalén macana, to yicōari, ĩna ujarā quēne, “Ānine űaami ‘Rotimūorūgōrucūmi’ yigu, Dios ĩ cōagū, mani yurūgūgū”, Jesúre ĩre yimasibesujarā ĩna. Tocārāca semana ususājariarūmūrire Diore gotirētobosariarā ĩna ucamasirere ĩgotirā űaboarine riojo tūoīamasibesujarā. “Dios ĩ cōagū me űaami” yirā, Jesúre ĩre sīarotiyujarā ĩna, “To bajiro bajirūaroja” Dios ĩ yimasiri-arore bajirone yirā. ²⁸ Disejūa rojose Jesús ĩ yise ti maniboajaquēne, “ĩre sīarotiya”, Pilatore ĩre yiyujarā ĩna. ²⁹ “To bajiro yiruarāma ĩna” Dios ĩ yiriarore bajirone ti bajiro bero, Jesúre yucātēroju tuyagure ĩ rujūrire āmirujicōari, masa yujeriavi gūtavijū ĩre cūñujarā ĩna. ³⁰ ĩre ĩna sīaboajaquēne, ĩre catiocōañuju Dios quēna. ³¹ ĩ sīaacoroto rījoro, Galilea sitaju ĩ rāca vadicōari Jerusalénju ejariarāre tudicaticōari cojorūma me ĩnare ruyuaioñuju Jesús. To bajiri, ĩ bajirere gotirūgūama ĩna, ĩre ĩariarā űari.

³²⁻³³ To bajiri, quēnase quetire mūare gotiaja: Tirūmūju mani űicūare jud'io masare, “Quēnaro mūare yirucūja” ĩ yimasiri-arore bajirone yiyumi Dios. Manire, ĩna jānerabatiare, to yicōari űajedirore quēne yibosagu, Jesús ĩ rijacoaboajaquēne, ĩre catioyumi Dios. Ado bajiro gotiaja ti, Dios ĩ goti rījoro cūtire, Salmo segundo ucare: “Yu macu űaja mū. Adirūmū yure bajirone rotisūorucūja mū yuja”, yimasiñuju Dios, Jesúre ĩre ĩ gotirotire yigu. ³⁴ “Jesúre ĩ catioro bero, tudirijabetirucūmi” yigu, quēna gajeju ado bajiro yimasiñumi Dios: “Davidre yu goti rījoro cūticatore bajirone quēnaro mūare yirucūja yu yuja”, yimasiñumi Dios. ³⁵ Quēna gajeju ado bajiro gotiaja ti: “Mū bojasere yigure, ĩ rijato bero, boayairomi’ yigu, ĩre tudicatorucūja mū”, yaja ti. ³⁶ To bajiro ti yijama, David űamasir'i ĩ bajiroti mere gotiyuja. Dios ĩ bojasere yigu űamasīñuju David. To bajiro yigu ĩ űaboajaquēne, ĩ bajirocaro bero gūtavijū, ĩ űicūare ĩna yujeriavijure ĩ rujūrire yujemasiñujarā masa. ĩre ĩna yujero bero, ĩ rujūri űaboare boayayicoariaroja ti. ³⁷ To bajiboarine Jesúsūama, rijacoaboarine, Dios ĩre ĩ catiojare, ĩ rujūri boayayibesuju. ³⁸⁻³⁹ To bajiri, ado bajiro tūoīañā mūa: “Moisés űamasir'ire Dios ĩ roticūmasirere cūdijeoroti űaja manire”, yimasicaju mani. “űajedirore mani cūdijeojama, ‘Quēnarā űaama’ Dios ĩ yīarā űari, mani rijato beroju ĩ tūju űaruarāja”, yicaju mani. To bajiboarine, “Cūdijeogu magūmi”, yicoadicaju mani. Yucūrema ado bajirojūa bajaiaja yuja: Jesúre mani ajitirūñujama, rojose mani yisere masiriocōari, Jesús manire ĩ rijabosare sūorine, “űie rojose mana űaama”, manire yīagūmi Dios. ⁴⁰⁻⁴¹ Dios ocare ajiterā, ĩna bajirotire ucamasīñuma Diore gotirētobosariarā. Ado bajiro ĩre ucabosamasiñuma:

“Yu ocare ajiterā, ĩañāmanire yu yīorotire, ‘Bajibetirūaroja’ mūa yiboasere ĩaucacōari, bajireacoaruarāja mūa”, yuucamasīñuma Diore gotirētobosariarā.

To bajiri, “Īna bajiro tire bajiro bajirɥabeaja yɥa” yitɥoĩacõari, mɥare yɥ gotisere quẽnaro ajiya mɥa —ĩnare yigotiyuju Pablo.

⁴² To bajiro ĩnare yigotigajanocõari, Pablo, Bernabé rãca ĩna budiatone, ado bajiro ĩnare yiyujarã ĩna, Dios ocare ĩna buerivi ñarã:

—Gaje semana ɥsɥsãjariarũmɥ ti ñaro yɥare gotimasiorẽmorã vaba quẽna —ĩnare yiyujarã ĩna.

⁴³ Jud'io masa, to yicõari gãjerã Diore rãcɥbɥorã quẽne, Pablo, Bernabé rãca budicõari, ĩnare sɥyasujarã ĩna. To ĩna bajirone,

—“Manire maigũ ñari, Jesús ĩ rijabosare sɥorine manire ĩvariquẽnaami Dios”, yicõa ñarũgũña mɥa —ĩnare yiyujarã ĩna, Pablo, Bernabé rãca.

⁴⁴ To bajiri, gaje semana ɥsɥsãjariarũmɥ ti ñaro ti macana, jãjarã rējañujarã ĩna, Jesús ĩ bajirere Dios oca gotisere ajirã. ⁴⁵ Jãjarã ĩna rẽjasere ĩacõari, bɥto jũnisiniñujarã jud'io masa. To bajicõari, “Socɥ yaja mɥ”, Pablora ĩre yitud'iyujarã ĩna. ⁴⁶ To ĩna yiboajaquẽne, bojonemenane, ado bajiro gotiyujarã Pablo, Bernabé rãca:

—Dios oca, jud'io masare gotimasiosɥore ñaja ti. To bajiboarine, tire ajiteaja mɥa. To bajiro yirã ñari, “Mani rijato berojɥ tudicatibetirɥarãja mani” yirãre bajiro yaja mɥa. To bajiri Dios ocare ajiterã mɥa ñajare, gãjerã masare ĩnare gotimasiorũtuana yaja yɥa yuja.

⁴⁷ Ado bajiro yɥare rotiyumi Dios:

“Yɥ ocare mɥa gotimasiose sɥori yɥre masirɥarãma jud'io masa me ñarã. ‘Adi macarɥcuroana ñajediro, rojose tãmɥotɥabetiriarojɥ ĩna vaborotire ĩnare yɥ yirẽtobosarotire sẽnirãjaro’ yigɥ, mɥare cõagũ yaja yɥ”, yɥare yiyumi Dios —ĩnare yigotiyujarã Pablo, Bernabé rãca, jud'io masare.

⁴⁸ To ĩna yisere ajicõari, “Quẽnaro masu yigɥ ñaami Dios”, yivariquẽnañujarã jud'io masa mejɥa. To bajicõari, “Īna rijato berojɥ, quẽna tudirijabetirɥarãma” Dios ĩ yimasiriarã, Jesúre ĩre ajitirãɥsɥoyujarã ĩna. ⁴⁹ To bajiri, Pablo, Bernabé rãca, mani ɥjɥ ĩ bajirere ĩna gotisere ti macana, to yicõari ti maca tɥana quẽne ajijediyujarã ĩna. ⁵⁰ ĩna gotisere ĩna ajijedicoaboajaquẽne, Pablora, Bernabére gotiyiroyujarã ĩna, jud'io masa, gajeyeũni jairã rõmiri Diore rãcɥbɥorãre, to yicõari ti macana ñamasurãre quẽne. To bajiro ĩna yijare, jũnisinicõari, Pablo, Bernabére varotiyujarã ĩna. ⁵¹ To bajiro ĩna yijare, ti macaye sitare ĩna gɥbo sudi tuyasere varerea, vacoasuju Pablo, Bernabé rãca. To bajiro ĩna yijama, “Yɥare mɥa ajirɥabetijare, rojose mɥare yirɥcɥmi Dios” yirã yiyujarã ĩna. To yicõari, Iconio vãme cɥti macajɥ vacoasujarã ĩna. ⁵² To bajiro ĩna bajiboajaquẽne, ĩna gotimasiore sɥorine Jesúre ajitirãɥrãma, bɥto variquẽnañujarã ĩna. To bajicõari, Esp'iritu Santo ĩ ejarẽmose rãca tɥoĩacõari, cojo vãme rɥyabeto Dios ĩ bojarore bajirone yirũgũñujarã ĩna.

14

Iconio macajɥ Pablo, Bernabé rãca ĩna gotimasiore queti

¹ Iconio macajɥ ejacõari, jud'io masa Dios ocare ĩna buerivire sãjasujarã Pablo, Bernabé rãca. Sãjaejacõari, quẽnaro ĩna gotimasiojare, Jesúre ĩre ajitirãɥsɥoyujarã ĩna, jãjarã jud'io masa, jud'io masa me ñarã quẽne. ² To bajiro ĩna bajiboajaquẽne, jud'io masa, Pablo, Bernabé rãca ĩna gotiboasere ajimenama, “Jesúre ajitirãɥrã socarã ñaama”, jud'io masa me ñarãre ĩnare yigotiyujarã ĩna. To ĩna yijare, Jesúre ajitirãɥrãre ĩateyujarã ĩna. ³ Ti macajɥre yoaro ñacõañujarã Pablo, Bernabé rãca. “Mani ɥjɥ ĩ bajirere mani gotirotire manire ejarẽmorɥcɥmi” yitɥoĩarã ñari, “Ī rijabosare sɥorine manire ĩvariquẽnaami Dios” yire quetire ĩnare gotirũgũñujarã ĩna. To yicõari, Jesús quẽnaro ĩnare ĩ ejarẽmojare, ĩaĩañamanire yĩorũgũñujarã ĩna. ⁴ To bajiro ĩna yĩnaboajaquẽne, ti macana ricatiri rĩne tɥoĩañujarã ĩna: Sīgũri Pablo mesa ĩna gotisere ajitirãɥñujarã. Gãjerãma, ĩnare ĩaterã, jud'io masa rãcana ñañujarã. ⁵ To bajiri, jud'io masa, jud'io masa me ñarã quẽne, “Gãtane Pablora, Bernabére reasĩato mani”, gãmerã yiyujarã, ĩna ɥjarã rãca. ⁶⁻⁷ To ĩna yirɥase

quetire ajicōari, Licaonia sitaju rudicoasujarā Pablo mesa. Ti sitaju ejacōari, Litra vāme cūti maca, Derbe vāme cūti macare, to yicōari, ti macari tūrire quēne Jesús ĩ bajirere goticudiyujarā ĩna.

Listra vāme cūti macana, Pablöre gūta rāca ĩre ĩna reare queti.

⁸ Litra macare ñañuju sīgū rēmojuane ruyagujuane micar'i. To bajiri, no yivamasibecu ñañuju. Pablo ĩ gotimasiosere ajitirūnurujiyuju ĩ. ⁹ ĩre ĩ ajitirūnsere, to yicōari, “Jesús, yure catorucami” ĩ yituoīasere ĩre ĩamasicōañuju Pablo. ¹⁰ To yicōari, oca tutuase rāca ado bajiro ĩre yiyuju:

—Vāmurūgūña —ĩre yiyuju Pablo. To ĩ yirone, jativāmurūgūcoasuju. To bajiri quēnaro vamasigū ñañuju. ¹¹ To bajiro Pablo ĩ yisere ĩacōari, ado bajiro avasāñujarā, ĩna oca, Licaonia oca rāca:

—Masa ĩna rūcubūorā ō vecana, manire bajirone ruja cūticōari, adojure rujiayuma —yiavasāñujarā ĩna.

¹² To yicōari Bernabére, “Zeus” ĩre yiyujarā ĩna. Pablojuarema, “Hermes” ĩre yiyujarā ĩna, “Zeure ñagōbosagu ñaami” yirā. ¹³ Ti maca tujare Zeure yirūcubūoriavi ñañuju. Ti vijare pai ĩ yirore bajiro yigu ñañuju, “Zeure rūcubūoto mani” masare ūmato yigu. “Pablo, to yicōari Bernabére ĩnare rūcubūoto mani” yigu, ta vecua, gore quēne juaáyuju ĩ. “Pablo mesare rūcubūoto mani” yigu, vaibucurā sīacōari, masare ūmato soeru yiboayuju. ¹⁴⁻¹⁵ ĩ ūmato yiguadire ĩamasicōari, “Ti ūnire yure yirūcubūobetiroti ñaja” yirā, ĩna sudire tūavoyujarā. To yicōari, masa ĩna ñaro ūmaejacōari, oca tutuase rāca ado bajiro ĩnare gotiyujarā ĩna:

—¿No yirā to bajise yati mua? Yua quēne masane ñaja yua. Mūare bajirāne ñaja. To mua yise ūnirene, “Yitujato ĩna” yirā, mūare gotirā vabu yua. To bajiro yure mua yiboase, vaja maja. Tire yitujacōari, Dios catimūorūgōgūjuare yirūcubūoya mua. ĩ ñaami ūmūagaserore, sitare, ocore, ñajediro rujeor'i. ¹⁶ Tirūmūjarema masa no bojarārene ĩna rūcubūosere, bojabecu ñaboarine, “Tone yicōato”, ĩnare yimasiñuju Dios. ¹⁷ “Tone yicōato” yigu ñaboarine, quēnaro ĩnare yicoadimasiñumi Dios, “ ‘Quēnagū ñaami’ yimasiato ĩna” yigu. ĩne ñaami oco quedisere, rica cūtire quēne mūare cōarūgūgūma, “Rodori rica cūtiato” yigu. ĩne ñaami barere mūare cōarūgūgūma. Mūare quēnaro ĩ yise ñajare, variquēnaja mua —ĩnare yigotiyujarā Pablo, Bernabé rāca.

¹⁸ To bajiro ĩnare ĩna yigotiboajaquēne, “Pablo, Bernabére ĩnare rūcubūorā vaibucurā sīaīsito mani”, yituoīacōañujarā ĩna.

¹⁹ To bajiro ĩna yiñarone, jud'io masa, Antioqu'ia macana, to yicōari, Iconio macana quēne ejayujarā ĩna. Ejacōari, Pablöre, Bernabére ĩnare gotiyujarā ĩna, ti macanare. To bajiro ĩna yijare, gūta rāca Pablöre ĩre reayujarā, ĩre sīaruarā. To bajiro ĩre yicōari, “Ĵere rijacoajami” yirā, ti maca tūsaraju ĩre vejavacōari, ĩre rocacōañujarā ĩna. ²⁰ To bajiro ĩna yirocar'ire ĩre ejayujarā ĩna, Jesúre ajitirūnarā. To ĩna ejarone, vāmurūgū, ti macajuane jiacoasuju Pablo quēna. Gajerūmū Derbe vāme cūti macajua vacoasuju Pablo, Bernabé rāca.

²¹ Ti macajure ejacōari, toanare Jesús ĩ bajirere ĩnare gotimasioñujarā. Tire ajicōari, jājarā ñañujarā Jesúre ajitirūnsuorā. ĩnare gotimasio gajanocōari, Litra macaju vasujarā ĩna quēna. Litra macare eja, ĩna rāca bajiña, Iconio macajua vacoasujarā ĩna. Ti macare eja, ĩna rāca bajiña, Pisidia sita ñarimacajua Antioqu'iaju vacoasujarā ĩna. ²² To ĩna bajicudiriaroriju ñariarāre Jesúre ajitirūnarāre ado bajiro ĩnare gotiyujarā ĩna:

—Jesúre ajitirūnarā mani ñajare, rojose manire yirūgūama masa. To bajiro manire ĩna yiboajaquēne, Jesúre ajitirūncōa ñaruarāja mani, “Ĵ yarā ñari, ĩ tujū ejarona ñaja mani” yirā —ĩnare yiyujarā ĩna. ²³ To yicōari, ĩnare ūmato ñaronare bucurāre ĩnare beseyujarā.

C 14:12 Licaonia masa ĩna rūcubūorāre ĩnare ñagōbosagu, “Hermes vāme cūtigumi” yituoīarā ñari, to bajiro Pablöre ĩre yiyujarā ĩna.

To yicōari, bare bamenane ado bajiro Diore mani ɥjũre ñnare sēnibosayujarã ñna: “Ado ñnarã mɥ yarã ñna ñajare, quēnaro ñnare yirēmoña, mɥre ñna ajitirũnɥcōa ñnare yigũ”, ñnare yisēnibosayujarã ñna. Jesũre ajitirũnɥrã ñna ñnarimacarine ejacōari, to bajiro rĩne yicōañujarã, Diore ñnare sēnibosarã.

Pablo, Bernabé rãca, Siria sita ñarimaca Antioqu'iajũ ñna tudiare queti

²⁴⁻²⁵ Pisidia sita ñarimacari ñnariarã, Panfilia sitare ñarimacare, Perge vãme cuti macare ejayujarã. Ti macajũ ejacōari, Jesũs ñ bajirere ñnare gotimasioñujarã ñna. To yigajanocōari, Atalia vãme cuti macajũ vacoasujarã ñna. ²⁶ Ti macajũ ejacōari, cũmuane vacoasujarã, Antioqu'ia macajũ tudiana, “Quēnaro ñnare ejarēmoato” yirã, Diore ñnare sēnibosariarã ñna ñnarojũ. ñna goticudiroticōariarore bajirone yijeocōariarã ñnari, Antioqu'iajũre tudiejayujarã ñna, Pablo mesa. ²⁷ Ti macajũre tudiejacōari, Jesũre ajitirũnɥrãre rēocōari ñna bajicudirere, Dios ñnare ñ yirēmorere, to yicōari, jud'io masa me ñnaboarine Jesũre ñna ajitirũnɥrere quēne ñnare gotiyujarã ñna. ²⁸ Tone yoaro ñnacōañujarã, Jesũre ajitirũnɥrã rãca.

15

Jerusalénjũ rējacōari ñna gãmerã ñagōre queti

¹ Tirodore, sīgãri Judea sitana Jesũre ajitirũnɥrã, Antioqu'ia macajũre vasujarã. To ejacōari toanare Jesũre ajitirũnɥrãre ñnare gotimasioñujarã. Ado bajiro ñnare gotiyujarã ñna:

—Moisés ñnamasir'ire circuncisiõn yirere Dios ñ roticũmasirere, mɥa yibetijama, rojose tãmɥotɥjabetiriarojũ mɥa varotire mɥare yirētobosabetirɥcãmi Jesũs —ñnare yigotiyujarã ñna, Jesũre ajitirũnɥrãre.

² Pablo, Bernabé rãca, to bajiro ñna yisere ajicōari, bũto ñnare jũnisiniñujarã ñna. To bajiri, “To bajirone bajiroja” ñna gãmerã yimasibetijare, Jerusalénjũ Pablõre, Bernabé, to yicōari, gãjerã ñna rãcanare quēne ñnare cōañujarã Antioqu'iana. “Jerusalén macanare Jesũs ñ gotiroticōasũoriarãre, to yicōari, ñre ajitirũnɥrãre ñnare ãmato ñnarãre quēne, circuncisiõn yirere ñnare sēniãaaya mɥa”, ñnare yicōañujarã ñna.

³ To ñna yicōariarã, Fenicia sitare, Samaria sitare quēne ejacōari, Jesũre ajitirũnɥrãre ado bajiro ñnare gotibatoyujarã ñna:

—Jud'io masa me ñnaboarine, yɥa gotimasiosere ajicōari, ñna rũcũbũoboarere rũcũbũotɥjacōari, Jesũre ajitirũnɥcãma —ñnare yigotibatoyujarã ñna.

Tire ajicōari, bũto variquēnañujarã ñna.

⁴ Jerusalénjũ Pablo, Bernabé rãca ñna ejaro, quēnaro ñnare bocaãmiñujarã Jesũs ñ gotiroticōasũoriarã, gãjerã Jesũre ajitirũnɥrã, to yicōari, ñnare ãmato ñnarã quēne. To bajicōari, Dios sũorine jediro ñna yirere ñnare gotiyujarã ñna, Pablo, Bernabé rãca. ⁵ To bajiro ñna yisere ajicōari, fariseo masa, Jesũre ajitirũnɥrã, vãmũrũgũcōari, ado bajiro yiyujarã ñna:

—Jesũre ajitirũnɥrãre jud'io masa me ñnarãre quēne, ñnare circuncisiõn yiroti ñnaja ti. Moisére Dios ñ yiroticũmasiriarore bajirone yiroti ñnaja ñnare quēne —yiyujarã ñna.

⁶ To bajiro ñna yijare, Jesũs ñ gotiroticōasũoriarã, gãjerã Jesũre ajitirũnɥrãre ãmato ñnarã, rējañujarã ñna, to ñna yisere gãmerã ñagōrētobudiruarã. ⁷ Yoaro gãmerã ñagõñañujarã ñna. To ñna bajiñarone, vãmũrũgũcōari, ado bajiro ñnare gotiyuju Pedro:

—Yɥ yarã Jesũre ajitirũnɥrã, yũre ajiya. Tirũmũjũ mɥa rãcagũre yũre besecōari, jud'io masa me ñnarãre Jesũs ñ bajicatire yũ gotirotire yigũ, yũre cōacãmi Dios, “Tire ajicōari, Jesũre ajitirũnɥato ñna” yigũ. Tire masiaja mɥa. ⁸ Masa ñna tũoĩasere masigũ ñnari, jud'io masa me ñnarãre quēne Esp'iritu Santore ñnare cōacãmi Dios, manire ñ cōacatore bajirone. To bajiro ñnare ñ yicati ñajare, “ñnare quēne ñvariquēnaami Dios”, yimasiaja mani. ⁹ “Jud'io masa me ñna ñajare, rojose ñna yisere ñnare masiriobetirɥcãjã”, yibesumi Dios. Jesũre ñna ajitirũnɥsũorijaũne, rojose ñna yisere masiriocōari, Jesũs ñ rijabosare sũorine

“Ñie rojose mana ñaama”, ñinare yíñañumi Dios. ¹⁰ To bajiro ñinare ñi yire ti ñaboajaquêne, “Mñare rñyaja. Dios mñare ñi ñavariquēnase mña bojajama, ado bajiro yiroti ñaja”, ñinare yaja mña, Jesúre ajitirñnrãre. To bajiro ñinare mña yijama, Jesús ñi rijabosare suorine quēnaro Dios manire ñi yisere ajimenare bajiro yirã yaja mña. Circuncisión ñinare mña yirotijama, Dios ñi rotimasire ñaro cōrone cūdiroti ñaroja ñinare. Rēmojnene mani ñicua quēne yijeobeticoadimasiñuma. Mani quēne, tire cūdijeobeticajm mani. ¹¹ Ado bajirojma tñoiaroti ñaja manire: “Tire mani cūdise suorine me, rojose mani tāmñoborotire manire yirētobosagm, Jesucristo manire rijabosayumi”, yiroti ñaja manire. To bajirone bajiaja jud'io masa me ñarãre quēne —ñinare yigotiyuju Pedro.

¹² To bajiro Pedro ñi yisere ajicōari, ñagōbesujarã ñina yuja. To ñina bajirone, Dios ñi masise suorine ñañañamanire jud'io masa me ñarãre ñina yíñorere ñinare gotiyujarã Pablo, Bernabé rãca. ¹³ To bajiro ñina yigajanoro bero, ado bajiro yiyuju Santiago vãme cutigm:

—Ym yarã, yure ajiya. ¹⁴ Jud'io masa me ñarã ñina bajirere manire gotigajanoami Simón. ñi gotisere ajicōari, “Jud'io masa me ñarãre quēne ñinare besecōari, ‘Ym rña ñaama ñina’ yíñavariquēnañumi Dios”, yimasiaja mani. ¹⁵ Ti bajirotire tñoiacōari ado bajiro ucamasiñujarã Diore gotirētobosamasiriarã:

¹⁶⁻¹⁸ “Adirãmuri ñarã, Ujm David ñamasir'i jānerabatia, ujarã me ñaama ñina. To bajiro ñina bajiboajaquêne, berojm mña jud'io masare ñamaicōari, David jānamire, “Rotimñorūgōrñcñja mñ” yigm, ñire yicōarñcñja ym. ñi rotisñorone, jud'io masa me ñarã quēne ym rña ñarñarãma. To bajiro ñina bajirotire yigm, ñire cōarñcñja ym’ yami Dios”, yucamasiñujarã ñina, mani ujmre Jesúre Dios ñi cōarotire yirã —yigotiyuju Santiago.

¹⁹ —To bajiri, ado bajiro tñoiaja ym: Jud'io masa me ñaboarine, ñina rñcñbñorere rñcñbño tñjacōari, Dios ñi bojasejñare yirãre jairo ñinare rotibetiroti ñaja. ²⁰⁻²¹ Tirñmñjñene usñsñjariarñmñ ti ejaro, Dios ocare ñina buerivirijm Moisés ñamasir'ire Dios ñi roticñmasirere gotimasiocoayuma ñina, tocãrãca macarine. To bajiri ñamasuse rñne ado bajiro ñinare yucacōato mani: “Ado bajirã ñarãma” ñina masune yiquēnorujeocōari, ñina yirñcñbñorã tñjñre vaibñcñrãre sñacōari, mojoroaca ñina tñjm cñrãma. Tire babesa, ñinare yucacōato mani. To yicōari, manajo cutirã, manajm cutirã, manajo mana, manajm mana quēne, gãjerã rãca ajeriarã cutibesa, ñinare yucacōato mani. Vaibñcñrã sñariarãre ñina ri'ire yireamenane, babesa. ñina ri'ire quēne idibesa, ñinare yucacōato mani —ñinare yiyuju Santiago.

Jud'io masa me ñarãre ñina ucacōare queti

²² To bajiro ñi yisere ajivariquēnacōari, Jesús ñi gotiroticñasñoriarã, Jesúre ajitirñnrã, ñinare ñmato ñarã quēne, “Pablo, Bernabé rãca Antioqu'iajm mani cōaronare beseto mani”, yiyujarã ñina. To bajiri, Judas, Barsabás ñina yigm, to yicōari Silas vãme cutigm ñañujarã ñina. Jesúre ajitirñnrã vatoajñre ñamasurã ñañujarã ñina. ²³ To bajiri, Pablo, Bernabé rãcare ñinare cōañujarã ñina. Ado bajise queti ñina rãca ucacōañujarã ñina:

“Jesúre ajitirñnrã, ñinare ñmato ñarã to yicōari, Jesús ñi gotiroticñasñocana quēne, mña yarã ñaja ym, mña quēne Jesúre ajitirñnrã mña ñajare. To bajiri mñare, jud'io masa me ñarãre, Antioqu'ia macanare, Siria sitanare, to yicōari Cilicia sitanare quēne mñare quēnaroticñaja ym. Cojo masare bajiro bajirã ñari, Jesús bederã rñne ñaja mani. ²⁴ Ado ym rãcana sñgñri, ñinare ym cōabetiboajaquêne, mña ñarojñre vacōari mñare ñina gotimavisiodudise quetire ajibm ym. ²⁵ To bajiri, ñinare ucacōato mani, tire ñinare gotiquēnorã. To yicōari, ado mani rãcanare “ñinare ñarã vajaro” yirã, Pablo, Bernabé rãca ñinare cōato mani’ yitñoiaja ym. Pablo, Bernabé, ym ñamairã ñaama ñina. ²⁶ ñinare ñina sñarñaboajaquêne, Jesús mani ujm ñi bojasere yicōa ñañuma ñina, tojm ñina gotimasiocudijaquêne. ²⁷ To bajiri Judare, Silare, mñare cōaja ym, Pablo, Bernabé rãca. Tojm ejacōari, mñare ym ucacōasere quēnaro mñare gotiquēnorñarãma ñina. ²⁸ Esp'iritu Santo yñare ñi tñoiarñarēmose rãca, ñamasuse rñne mñare yiroticñaja ym: ²⁹ ‘Ado bajirã ñarãma’ ñina masune yiquēnorujeocōari, ñina rñcñbñorã tñjñre vaibñcñre sñacōari, mojoroaca ñina tñjm cñrãma. Tire babesa mña. To yicōari, vaibñcñrã

mua s̄ariar̄e ña ri'ire yireamenane, babesa. Ña ri'ire quēne idibesa. To yicōari, manajo c̄tir̄a, manaj̄u c̄tir̄a, manajo mana, manaj̄u mana quēne, ḡajer̄a r̄aca ajeriar̄a c̄tibesa. Adire mua yijama, quēnase yir̄a ñaruar̄aja mua. M̄are quēnarotiaja ȳu”, ñare yiuacōañujar̄a ña, Antioqu'ianare, jud'io masa me ñar̄are.

³⁰ To bajiri, Antioqu'ia macaj̄u ña varotir̄a, ñare vare goti, vacoasujar̄a ña. To ejacōari Jesúre ajitir̄anur̄are ñare r̄eocōari, gotiquēnor̄a ña ucacōarere ñare ñiñujar̄a ña. ³¹ Tire ñacōari, b̄uto variquēnañujar̄a ña, t̄oñas̄tir̄itiñaboariar̄a. ³² Judas, Silas quēne, Diore gotir̄etobosarimasa ñañujar̄a ña. To bajiri toanare Jesúre ajitir̄anur̄are Jesús ocare quēnaro gotimasioñujar̄a. Tire ajicōari, b̄utobusa ajivariquēnañujar̄a ña. ³³ Ña r̄aca yoaro ña bajiñaro bero, ñare queti cōariar̄a t̄uj̄u tudiana, ñare ña vare gotirone,

—Quēnaro tudiasa mua —ñare yit̄uocōañujar̄a ña.

³⁴ To ña bajirone,

—Adone tujaḡu yaja ȳu —yitujacōañuju Silama.

³⁵ Pablo, Bernabé quēne, Antioqu'iaj̄ure tujayujar̄a ña. To ñacōari, ḡajer̄a j̄ajar̄a r̄aca Jesús ñ bajirere masare gotimasiocōa ñar̄uḡñujar̄a ña.

Jesús ñ bajirere Pablo ñ goticudiḡu tudivare queti

³⁶ Antioqu'iaj̄u yoaro bajiñaboana,

—Ita. Quēna ñare tud̄iñacudito, Jesús ñ bajirere mani goticudicati macarire, “¿Mani goticudicatore bajirone ajitir̄anur̄cōa ñati?” yir̄a —ñre yiyuju Pablo, Bernabé.

³⁷ To bajiri, Juan Marcos v̄ame c̄tiḡure ñre jiar̄uaboayuju Bernabéj̄uama. ³⁸ Ñre ñ jiar̄uaboajaquēne, bojabesuju Pabloj̄uama, Panfilia macaj̄u Jesús ñ bajirere ña gotimasiocludirote ñare ñ tudiveore ti ñajare. ³⁹ To bajiri s̄iḡure bajiro t̄oñamasibetica yir̄a, ḡamer̄a c̄motadicōañujar̄a ña. Bernabéj̄uama, Chipre v̄ame c̄tiyoaj̄u Juan Marcocore ñre ñmato vasuju. ⁴⁰ To ñ bajiro bero, Pabloj̄uama, Silare ñre jiyuju. Ña varoto r̄ijoro, toana Jesúre ajitir̄anur̄a Diore ñare s̄enibosayujar̄a, Pablöre, Silare quēne, “Ña goticudiro ñare ejar̄emoato Dios” yir̄a. To bajiro ña yiro bero, vacoasujar̄a ña. ⁴¹ To bajivana, Siria sitare, Cilicia sitare quēne, Jesúre ajitir̄anur̄are ñare gotimasiocludir̄uḡñujar̄a ña, “B̄utobusa ajivariquēnato ña” yir̄a.

16

Timoteo, Pablöre, Silare, ñ baba c̄ti vare queti

¹ To bajivana, Derbe v̄ame c̄ti macare, to yicōari Lистра v̄ame c̄ti macaj̄ure quēne ejayujar̄a Pablo mesa. Ti macaj̄ure Jesúre ajitir̄anur̄ḡure, Timoteo v̄ame c̄tiḡure ñre b̄ujayujar̄a ña. Jesúre ajitir̄anur̄ḡo jud'io maso mac̄u ñañuju ñ. Ñ jac̄uma, griego masu ñañuju. ² Lистра macana, Iconio macana quēne, “Quēnaro yiḡu ñaami”, ñare yigotiyujar̄a Jesúre ajitir̄anur̄a, Timoteore. ³ “Ñ jac̄u griego masu ñacami”, yimasijedicōañujar̄a ti macariana. To bajiri ñ r̄aca Timoteo ñ vacudirotire bojaḡu ñari, “Jud'io masa adi macariana, ‘Circuncisión yiyamaḡu ñaḡumi Timoteo’ ȳiateroma” yimasiḡu ñari, “Circuncisión yirotiya”, yiyuju Pablo. ⁴ To bajiro yicōa, vacoasujar̄a ña, Timoteo r̄aca. Ña ejarimacari ñaro cōrone Jesúre ajitir̄anur̄are ado bajiro ñare gotir̄uḡñujar̄a ña:

—Jerusalén macana Jesús ñ gotiroticōas̄oriar̄a, ñre ajitir̄anur̄are ñare ñmato ñar̄a quēne, “Adi v̄amere yibetiroti ñaja” ña yirere —ñare gotir̄uḡñujar̄a.

⁵ To bajiro ña yigotir̄uḡsere ajivariquēnañujar̄a ña, ti macariana Jesúre ajitir̄anur̄a. To bajicōari, j̄ajar̄abusa ñar̄utuasujar̄a ña.

Pablöre Macedonia sitaḡu ñ ruyuañore queti

⁶ Asia sitaj̄ure Jesús s̄orine quēnaro Dios ñ yisere ñare gotirotibesuju Esp'iritu Santo. To bajiri toj̄ure vamenane, Frigia, Galacia, to yicōari, Misia sita ñarimacarianare quēne ñare gotimasiocludiyujar̄a ña. ⁷ Misia sita t̄sarij̄u ejacōari, Bitinia sitaj̄ure

varuaboayujarã ñna. Ñnare varotibesuju Esp'iritu Santo. ⁸ To bajiri, Misia sitare varũtu vanane, ti sita ñarimaca Troas vãme cuti macaju ejayuma ñna. ⁹ Ti macajure Pablo ñ ejarãioati ñamire, Macedonia sitagu ñre ruyuaioñuju. Ruyuaioçari, ado bajiro ñre yiyuju:

—Vayá. Yuare ejarẽmogua —ñre yiyuju.

¹⁰ Ñre ñ ruyuaiojare,

—Macedonia sitaju vajarõ. Tojure Jesús suõrine quẽnaro Dios ñ yisere mani gotirotire yigu, ñre ruyuaiorotiyumi Dios —yituoĩacaju yua.

To yirã ñari, yua gajeyeũnre quẽnosãcaju yua, Macedoniaja varuarã.^d

Filipos vãme cuti macaju Pablo mesa ñna bajire queti

¹¹ To bajiri, Troas maca ñariarã, cũmuane vacõari, Samotracia vãme cutiyoaju ejacaju yua. To ejacõari, gajerũmu Macedonia sita ñarimaca, Neápolis vãme cuti macajure vacaju yua. ¹² Romano masa, Macedonia sitare emacõari ñna ñaro ñacaju. Ti maca ejacõari, Filipos vãme cuti macaju vacaju yua. Jairimaca, ñamasuri maca ñacaju ti maca. Tojure yoarobusaca ñacaju yua. ¹³ Ususãjariarũmu ti ñaro, ti maca tusaroju vacaju yua, riaga boeju. “Jud'io masa, rẽjacõari Diore ñre ñna sãniriju ñaroja”, yituoĩa rojacaju yua. Rojaejacõari, to rẽjarãre rõmiare ñnare gotimasioçaju yua, Jesús suõrine quẽnaro Dios ñ yisere. ¹⁴ Sĩgõ yuare ajigo, Lidia vãme cutigo ñacamo, Tiatira vãme cuti macago. Sudijãiri, sũarivãjojãiri ñsicõari, vaja sãnigõ ñacamo. Quẽnaro Diore yirũcũbuõgo so ñajare, “Pablo ñ gotimasiosere ajimasiato” yigu, ñ masisere sore cõañumi Dios. To bajiro sore ñ yijare, Jesũre ñre ajitirũnũocamo so. ¹⁵ To bajiro so bajijare, sore, to yicõari, so ya vianare quẽne oco rãca ñnare bautizacaju yua. To yua yiro bero,

—“Jesũre ñre ajitirũngõ ñamo” yure mũa yijama, yu ya vijũ ñarã vayá mũa —yuare yicamo so.

To so yijare, so ya vijũ ñacaju yua.

¹⁶ Cojorũmu Diore sãniriarõju vana, gãjerãre moabosarimasore sore bujacaju yua. Vãti sãñagõ ñacamo so. Vãti suõrine masa ñna bajiro tire tuõĩacõari, riojo gotigo ñacamo. To bajiro bajigo so ñajare, ñna bajiro tire masiruarã, sore sãnĩarũgũñujarã. To so yise vaja jairo gãjoa bujarũgũñujarã so ujarã. ¹⁷ To bajiri yuare suyacõari, ado bajiro yuare yivasã suyarũgũcamo so:

—Ãnoa, masirẽtogũ Dios ñ bojasere yirã ñaama. Dios, masa rojose ñna tãmuõborotire ñnare ñ yirẽtobosarotire gotirimasa ñaama —yivasã suyarũgũcamo so.

¹⁸ Tocãrãcarũmũne to bajiro so yivasã suyajare, bũto gõjanabidicami Pablo. To bajiri judarũgũcõari, so usaju vãti sãñagũre ado bajiro ñre yicami:

—Jesucristo ñ rotise rãca mure budirotiaja yu —ñre yicami Pablo.

To bajiro ñ yirone, budicoacami vãti.

¹⁹ So usajure vãti ñ budicoajare, masa ñna bajiro tire gotimasibeco ñacamo so yuja. To bajiro so bajijare, “So suõrine gãjoa bujarũgũboabu mani. No yicõari, gãjoa bujariaro maja mani yuja” yijũnisinirã ñari, Pablõre, Silare quẽne ñnare ñejecama so ujarã. Ñnare ñejecõari, masa ñna yisere ñacõiarimasa tũju ñnare juaácama. ²⁰ Ñna tu ejacõari, ado bajiro goticama ñna:

—Ãnoa jud'io masa mani ñarimacanare gotigõjanabioama. ²¹ Ñna ñicua ñna yimasiriarore bajiro yiroti ñaja, yigotimasioama ñna. Manima romano masa mani ñajare, ñna gotisere mani ajijama, Uju César ñ rotisere cãdimena yirãja mani —ñnare yigoticama ñna, vãti sãñaboario ujarã.

²² To bajiro ñna yisere ajicõari, jãjarãbusa ñnare ñajũnisinicama ñna. Ñnare sudi vejecõari, ñnare bajeroticama masa ñna yisere ñacõiarimasa. ²³ Bũto ñnare ñna bajero bero, tubiberi-aviju ñnare tubiberoticama. To yicõari,

—Quẽnaro ñnare ñatirũnũma —ñre yicama ñna, ti vire coderimasure.

^d **16:10** Adi quetire ucamasirĩ Lucas vãme cutigu, Troas maca ñacõari, Filipos vãme cuti macaju Pablo rãca varĩ ñari, “yicami Pablo”, yuucayumi.

²⁴ To ñna yijare, gũdareco ñari aruajure no yirudimasiña manojũ ñnare juacõari, yucájãi goje cõtijãine ñna gũborire yirẽtobuñiacõari, ñnare tubibecũcõañuju.

²⁵ To ï yicõariarã, ñami gũdareco ñaro Diore sēni, basa, yĩñañujarã ñna, Pablo, Silarãca. Gãjerã, ti vi tubibe ecoriarã, to ñna yisere ajiyujarã. ²⁶ To bajiro ñna yĩñarone, bũto sita sabeyuju. To bajiro ti bajirone, ti vi ñarisõari sojeri jedirone jãnajedicoasuju. Cõmemarine ñnare ï siaboare jojijedicoasuju, ñna jedirorene. ²⁷ To bajiro ti bajirone, yujicõari, ti vi ñarisõari sojeri ñaro cõrone jãnariasojeri ti ñacõajare, “Budijedicõariarãma ñna” yigũ, ï masune jariase rãca sãagũagũ yiboayuju ti vi ñacoderimasũ. ²⁸ To ï yigũadone,

—¡Mũ masune siabeticõaña! Yũa ñaro cõrone adorine ñajedicõaja yũa —ĩre yiyuju Pablo.

²⁹ To ï yisere ajicõari, siabusuorotiyuju ti vi coderimasũ. To yicõari, ti vijare ũmasãjacõari, bũto gũigũ ñari, nanagũne Pablo, Silarãca rĩjorojũare gũsomuniari tuetuyuju, ñnare rũcũbũogũ. ³⁰ To ï yiro bero, ñnare bucõari, ado bajiro sēniñañuju ï:

—Rojose yũ tãmuoborotire Dios yũre ï yirẽtorotire yũ bojajama, ¿no bajise yiroti ñati yũre? —Ñnare yisēniñañuju ï.

³¹ To ï yisere ajicõari, ado bajiro ïre cãdiyujarã ñna:

—Mani mũ Jesũre mũ ajitirũnũjama, rojose tãmuotũjabetiriarojũ mũ vaborotire mũre, mũ yarãre quẽne yirẽtobosarũcũmi Dios —ĩre yiyujarã Pablo, Silarãca.

³² To bajiro ïre yicõari, ïre, ï ya vianare quẽne mani mũ ocare ñnare gotimasioñujarã ñna.

³³ Ti ñamine Pablo mesa cãmire coeyuju ï, tubiberiavi coderimasũ. Ñnare ï coegajanorone, ïre, ï ya vianare quẽne oco rãca ñnare bautizayujarã ñna. ³⁴ To bajiro ñnare ñna yiro bero, ï ya vijũ ñnare jiacõari bare ñnare ecayuju. Diore ajitirũnrã ñari, bũto variquẽnañujarã ñna.

³⁵ Gajerũmũ busurijũ masa ñna yisere ñacõiarimasa, ado bajiro ñna surarare ñnare yiyujarã ñna:

—Tubiberiavi coderimasũre ïre gotiaya, “Pablöre, Silare ñnare bucõato” —Ñnare yiroticõañujarã ñna. ³⁶ To ñna yiroticõare ti ñajare, ado Pablo mesare ñnare gotiyuju ti vi coderimasũ:

—“Pablöre, Silare ñnare bucõaña”, yũre yicõañuma ñna. To bajiri, “Rojose manire yirēmomenama”, yitũoĩa variquẽna budiasa mũa —Ñnare yiyuju ï.

³⁷ To ï yiboajaquẽne, ado bajiro ñnare yiyuju Pablo, masa ñna yisere ñacõiarimasa ñna cõariarãre:

—Bajibeaja. Roma macana yũa ñaboajaquẽne, rojose yũa yirere ñacõĩamenane, yũare bajerotimasima ñna, masa ñna ñaro rĩjorojũa. To yicõari yũare tubiberotimasima. To bajiro yũare yirã ñaboarine, ¿no yirã masa ñna ñabetone yũare burotiati ñna? Ñna masune yũare burã vadiato —Ñna cõariarãre ñnare yiyuju Pablo.^e

³⁸ To ï yijare, masa ñna yisere ñacõiarimasa tũjũ ejacõari, Pablo ï gotirere ñnare gotiyujarã ñna. To ñna yisere ajicõari, “Roma macana ñañuma ñna quẽne” yimasicõari, bũto gũiyujarã ñna. ³⁹ To bajiri tubiberiavijũ ejacõari, “Rojose mũare yũa yimasisere masirioya mũa”, ñnare yiyujarã, Pablo mesare. To ñna yiro bero, ñnare bucõari, rũcũbũose rãca ñnare varotiyujarã ñna, masa ñna yisere ñacõiarimasa. ⁴⁰ To bajiro ñnare ñna yiro bero, Lidia ya vijũ vasujarã ñna. Ti vijũ sãjaejacõari, to ñnariarãre Jesũre ajitirũnrãre quẽnaro ñnare gotiyujarã ñna. Ñnare gotigajanocõari, vacoasujarã Pablo mesa.

17

Tesalónica vãme cãti macajũ Pablo mesa rojose ñna tãmuore

¹ To bajivanane, Anf'ipolis, Apolonia vãme cãti macare rẽtoanane, Tesalónica macajũre ejayujarã Pablo mesa. Tojũre jud'io masa Dios ocare ñna buerivi ñañuju ti. ² To bajiri ï yirũgũriarore bajiro yigũacũ, ti vire sãjañuju Pablo. Idia semana cõro tocãrãcarũmũ

^e **16:37** Pablo jacũ Roma macana surara rãca quẽnaro ï moajare, Roma macagũ me ï ñaboajaquẽne, “Roma macagũ ñaami” ñna yũcature cõoyuju, jud'io masũ ñaboarine. To bajiro ñna yire ti ñajare, ï macũ Pablo quẽne, “Tarso macagũ ñaboarine, Roma macagũ ñaja”, yiyuju.

us̄s̄ajariar̄um̄ri ñaro Dios oca masa ña ucamasirere ñare bueajioc̄ari, ado bajiro ñare gotimasior̄uḡũñuju:

³ —Tire quēnaro m̄ua buejama, “‘Rotim̄or̄uḡōr̄uc̄mi’ yiḡu, Dios ĩ c̄ōaroc̄u rojose t̄am̄oc̄ōari, ĩ rijarotire, to yic̄ōari, quēna ĩ tudicatirotire gotiaja ti”, yimasir̄uar̄aja m̄ua quēne. “To bajiro bajir̄uc̄mi” ña yiucamasir̄'i, “Jesúne ñaami”, m̄uare yaja yu —ñare yigotimasioñuju Pablo.

⁴ To bajiro ĩ yisere ajic̄ōari, s̄īḡari jud'io masa, griego masa Diore r̄uc̄ub̄or̄uḡūriar̄a, to yic̄ōari, r̄ōmia ñamasur̄a quēne, “Pablo mesa r̄ācana ñaja yu”, yiyujar̄a ña. ⁵ To bajiro ña yisere buto ĩaj̄ūnisiniñujar̄a ḡajer̄a jud'io masa. ĩaj̄ūnisinic̄ōari, j̄ajar̄a masa ña r̄ējar̄uḡūrijau ejac̄ōari, “Pablore, Silare ñare ñejec̄ōari, rojose yito mani” yir̄a, rojose yir̄are ñare jir̄eōñujar̄a ña. To yic̄ōari, “Jasón ya vij̄u ñar̄ama” yir̄a, ñare macar̄a s̄ājasujar̄a ña. ⁶ ñare b̄ujabetica yir̄a, Jasón to yic̄ōari ḡajer̄a Jesúre ajitir̄un̄r̄are quēne, ñare vejabudiac̄ōari, ti maca ujar̄a t̄uj̄u ñare juaásujar̄a. To ejac̄ōari, ado bajiro ñare avas̄agotiyujar̄a ña:

—Ānoa, macar̄uc̄uro jediro ñar̄a masare ḡōjanabior̄a ñaama. To bajiri adoj̄are quēne manire ḡōjanabior̄a ejama ña. ⁷ Jasón ñare bocaāmiñumi ĩ ya vij̄u. ña jedirone, Ūju César ĩ rotisere ajir̄uc̄ub̄omena ñaama. “Ḡaji ñaami mani ūju, Jesús v̄ame c̄utiḡu”, yir̄uḡūama ña —yiavas̄a gotiyujar̄a ña.

⁸ To bajiro ña yigotisere ajic̄ōari, maca ujar̄a, ḡajer̄a to r̄ējar̄a quēne, buto avas̄aj̄ūnisiniñujar̄a ña. ⁹ To yic̄ōari, Jasónre, ḡajer̄a Jesúre ajitir̄un̄r̄are quēne ñare ḡajoa s̄ēniñujar̄a ña, “Tire m̄ua ĩsijama, m̄uare bur̄uar̄aja yu” yir̄a. To ña yijare, ḡajoa ñare ña ĩsirone, ñare buc̄ōañujar̄a ña.

Berea v̄ame c̄uti macaj̄re Pablo mesa ña bajire queti

¹⁰ Tir̄um̄a r̄āioati ñamine, Berea v̄ame c̄uti macaj̄u Pablo mesare ñare varotiyujar̄a ña Jesúre ajitir̄un̄r̄a. Toj̄are ejac̄ōari, Dios ocare ña buerivij̄are s̄ājañujar̄a ña. ¹¹ Tesalónica v̄ame c̄uti macanare bajiro t̄uoĩabesujar̄a ña, ti macana jud'io masa. Pablo ĩ gotimasiosere buto ajivariquēnañujar̄a ña. Toc̄ar̄acar̄um̄arine Pablo ĩ gotisere ajic̄ōari, Dios oca masa ña ucamasirere buer̄uḡũñujar̄a ña, “¿Pablo ĩ gotisere bajirone gotiati?” yir̄a. ¹² To bajiri j̄ajar̄a jud'io masa, griego masa r̄ōmia ñamasur̄a, ūm̄ua quēne, Jesúre ĩre ajitir̄un̄s̄uoyujar̄a ña. ¹³ Berea macaj̄re Jesús s̄orine quēnaro Dios ĩ yisere Pablo ĩ gotimasio ñasere ajiyujar̄a Tesalónica macana jud'io masa. Tire ajic̄ōari, Pablo ĩ gotimasio ñar̄oj̄are vasujar̄a ña. Toj̄u ejac̄ōari, “Pablo rojose yiḡu ñaami”, ñare yigotiyujar̄a ña. To ña yijare, Pablore buto ĩre j̄ūnisiniñujar̄a ña, ti macana. ¹⁴ To ña yijare, moa riaga boeju Pablore ĩre varotiyujar̄a ña Jesúre ajitir̄un̄r̄a. To bajiboarine, Timoteo, Silar̄ca Berea macane ñac̄ōañujar̄a ñama. ¹⁵ Pablo r̄āca variar̄a, Atenas v̄ame c̄uti macaj̄u ĩre c̄uejoyujar̄a ña. ĩre c̄ū, Berea macaj̄u ña tudiatone, “Guaro yu t̄uj̄u vayá”, yiucac̄ōañuju Pablo, Silas, Timoteore.

Atenas v̄ame c̄uti macaj̄u Pablo ĩ bajire queti

¹⁶ Pablo, Atenas macaj̄u ñac̄ōari, Silas, Timoteore ñare yuñañuju ĩ. To bajiñaḡū, ti macana, ña yiñasere ĩañuju, “Ado bajir̄a ñar̄ama” ña masune yiquēnorujeoc̄ōari, ña yir̄uc̄ub̄oñasere. Tire ĩac̄ōari, buto t̄uoĩarejaiyuju. ¹⁷ To bajiri jud'io masa Dios ocare ña buerivij̄u s̄ājac̄ōari, ñare gotimasioñuju Pablo, Jesús s̄orine quēnaro Dios ĩ yisere. Griego masare, Diore r̄uc̄ub̄or̄uḡūriar̄are quēne gotimasioñuju. To yic̄ōari, toc̄ar̄acar̄um̄arine masa ña r̄ējar̄uḡūrijau ejar̄are ñare gotimasioñuju Pablo. ¹⁸ Toj̄are epicúreo masa, to yic̄ōari estoico masa ĩ r̄āca ñaḡōñujar̄a ña. To yic̄ōari, ña masune ado bajiro ḡāmer̄a yiyujar̄a ña:

—¿Ñie ūnire ñaḡōr̄u yiboati, āni t̄uoĩamasibec̄u? ¿No bajise gotir̄u yiboati? ĩ yar̄a ña r̄uc̄ub̄or̄are “ñā quēne r̄uc̄ub̄oato” yiḡu, manire gotimasior̄u yiboami —ḡāmer̄a yiyujar̄a ña, Jesús rijacoaboarine, quēna ĩ tudicatirere Pablo ĩ gotisere ajic̄ōari.

¹⁹ To bajiro gãmerã yicõari, ãre jiasujarã ãna, masa rëjacõari ãna gãmerã gotiroju, Areópago vãme cutõju. To ejacõari,

—¿Ñie ãnire ajiããamanire yuare gotirũgũati mu? ^f ²⁰ Mu gotise ãnire ajibetirũgũmu yua. Mu gotiri vãmere masiruaja yua —Pablore ãre yiyujarã ãna.

²¹ (Atenas vãme cuti macana, to yicõari, gãjerã gajeroju vadiriarã quẽne, ãna ajiãbetirũgũrere ãna ajiãama, Areópagoju vacõari, ti rione gãmerã gotirũgũñujarã ãna.)

²²⁻²³ To bajiri ãna vatoajure vãmurũgũcõari, ado bajiro ãnare gotiyuju Pablo:

—Atenas vãme cuti macana, yure ajiya mu. “Ado bajirã ñarãma” yiquẽnorujeocõari, muã rucubũorã jãjarã ñaama adi macare. Ñnare buto rucubũorã ñaja muã. Muã quẽnoriarãre muã rucubũorivirire, ãacudica yigu, cojoju soemũoriajure, ucaturre ãamu yu. Ado bajiro yibu ti: “Ado ñaja Dios ãããmagũre rucubũoriaju” yibu. Ñre masibetiboarine, muã rucubũogure muare gotigũaguã vadimasimu yu.

²⁴ Ñne ñaami Dios, ñajediro uju, adi macarũcũro ãmũagaserore, to yicõari, catirã ñajedirore rujeor'i. Masa ãna bũariavire ñagũ ãgũ me ñaami ãma. ²⁵ Masa ãre ãna yibosasere bojagu me ñaami. Disejuã ãrema ruyabetoju. Ñne ñaami ñajediro mani catirotire manire ãsirũgũgũma.

²⁶ “Macarũcũro ti ñaro cõrone jãjarã masa ñarũtuarãma” yigu, rẽmojure sũgũne ãmũre rujeosũomasinũju. Mani catirotirore, to yicõari, mani ñaroti sitare quẽne manire cũbosamasinũju. ²⁷ “Íabũjayamagũ ñaboarine, yure ãna sãnijama, yure masiruããma ãna” yigu, to bajiro manire rujeomasinũju ã. Sõju me ñaami. Ado mani rãcane ñacõagũmi. ²⁸ Ñsũorine catiaju mani. Sũgũri muã yarã ado bajiro ucamasinũma ãna: “Mani rucubũogũ yarã ñaja mani. To bajiri ã rã ñaja mani”, yucamasinũma. ²⁹ To bajiri, Dios rã ñari, “Orone, cõme vetane, gũtane masare bajirã ãna quẽnoriarã ãgũ ñagũmi mani rucubũogũ”, ãre yitũõãbeticõato. Masa ãna quẽnoboasema Diore bajiro bajise me ñaja ti.

³⁰ Tirãmũjũrema, “Ado bajirã ñarãma” ãna masune yiquẽnorujeocõari, ãna yirucubũõãsere bojabecu ñaboarine, rojose yibetimasinũmi Dios, “Í bojabetire yirã yirãja mani” ãna yimasibetijare. To bajiboarine yucũrema, “Yu ãvãriquẽnabetire yitũãcõari, yu bojasejũare yiya”, yami Dios, masa ñajedirore. ³¹ To bajiri, “Cojorũmu masa ãna yisere rioju ãbeserocũre cũrucũja yu”, yimasinũju Dios. To bajiro ã yir'i ñari, adi macarũcũrojũre ejacõari, ã rijato bero Dios ãre ã catiore ñajare, “Masa ãna yisere ãbeserocu ñaami”, yimasire ñaja —Ñnare yigotiyuju Pablo.

³² “Bajirocacoabarine quẽna tudicaticoasuju” Pablo ã yigotisere ajicõari, ãre ajayujarã ãna, sũgũri. To ãna yirone, gãjerãjuama:

—To mu gotiserema, gajerũmu mũre ajirũarãja —Ñre yiyujarã ãna.

³³ To bajise ãre ãna yijare, vacoasuju Pablo. ³⁴ Sũgũri, Pablo ã gotisere ajicõari, Jesũre ãre ajitirãnusũoyujarã ãna. Dionisio, Areópago masũ ñañuju ã. To yicõari, Dãmaris vãme cutigo, gãjerã quẽne ñañujarã ãna.

18

Corinto vãme cuti macaju Pablo ã bajire queti

¹ To bajiro bero, Atenas macaju ñar'i, Corinto vãme cuti macaju vacoasuju Pablo. ² Toju ejacõari, Ponto sitaju ruyuar'i jud'io masũ Aquila vãme cutigure ãabũjayuju. Italia sitagu uju Claudio vãme cutigu, Roma vãme cuti macajure jud'io masa ãna ñasere bojabecu ñari, ãnare varotiyuju ã. To ã yijare, Italiaju ñariarã, Corinto macaju ejayujarã ãna, Aquila, ã manajo Priscila vãme cutigo rãca. Ñnare ãabũjar'i ñari, ãna ya vijũ ãnare ãagũ vasuju Pablo.

³ Vaibũcũrã gaserorine viri bũarotire quẽnocõari, vaja sãnirã ñañujarã ãna. To bajiri Pablo quẽne, tire moarũgũr'i ñari, ãna tũju ñacõari, ãna rãca moañuju ã. ⁴ Ñna rãca ñacõari,

^f 17:19 Areópago vãme cutore rëjarũgũriarã Areópago vãme cutiyujarã.

usúsajariarũmu ti ejaro Dios ocare ña buerivijũ vacõari, jud'io masare, griego masare quẽne, “Jesús yere ajitirũnũato” yigũ, ñare gotimasiorũgũñuju Pablo.

⁵ Macedonia sitajũ ñariarã, Pablo ñi ñarojũre Corinto macajũre ejayujarã Silas, Timoteo rãca. To bajiri ña ejaro bero, vaibucurã gaserorine viri buarotire ñi quẽnorũgũboarere yitũjacõari, tocãrãcarũmũne jud'io masare ñare gotimasiorũgũñuju. “Jesúne ñaami masa rojose ña tãmboborotire ñare yirẽtobosacõari, rotimũorũgõrocũ, Dios ñi cõar'i”, ñare yigotimasiorũgũñuju Pablo. ⁶ To bajiro ñare ñi yigotiboajaquẽne, ñre ajiterã “Rojose yigũ ñaami Pablo. Socagũ ñaami”, yiyujarã ña. To bajiro ñre ña yijare, “To cõrone mũare gotitũjagũ yaja” yigũ, ñi sudi sãñasere tũayayeyuju Pablo. To yicõari, ado bajiro ñare yiyuju:

—Jesús sũorine Dios quẽnaro ñi yisere mũare yũ gotisere ajiterã ñari, sũoye cutiaja mũa. Yũ sũori me bajirũarãja mũa. To bajiri, jud'io masa mejũare mũare yũ gotiboasere ñare gotigũacũ yaja yũ —ñare yigotiyuju Pablo.

⁷ To yigajanocõari, ti vi ñar'i, budicoasuju ñi. Ti vi tũre ñañuju Ticio Justo vãme cutigũ ya vi. Jud'io masũ me ñaboarine, Diore ajirũcũbũogũ ñañuju ñi. To bajiri ñi tũ sãjasuju Pablo.

⁸ Jud'io masa Dios ocare ña buerivi mũju Crispo vãme cutigũ, ñi ya viana, to yicõari Corinto macana quẽne, jãjarã Pablo ñi gotimasiosere ajicõari, “Jesúrãcana ñaja yũ” yirã, oco rãca bautizarotiyujarã ña. ⁹ Cojo ñami Pablõre ruyuañocõari, ado bajiro ñre yiyuju Jesús, mani mũju:

—Gũibesa. Gũibecũne yũ yere ñare gotimasio cõa ñaña. ¹⁰ Mũ rãcane ñaja yũ. To bajiri mũre ñiacõari, rojose mũre yirocũ maami. Adi macare jãjarã ñaama yũre ajitirũnũrã —Pablõre ñre yigotiyuju Jesús. ¹¹ To bajiri cojo cãma jedi, gaje cãma gũdareco Corintojũre Dios ocare ñare gotimasio ñañuju Pablo.

¹² Tirodore Acaya sita mũju ñañuju Galiõn vãme cutigũ. To bajiri Pablo ñi gotimasio ñarone, jud'io masa, ñre ñiacõari, Galiõn tũju Pablõre ñre ñamiasujarã ña, “ ‘Rojose yigũ ñañumi’ ñre yato” yirã. ¹³ To ejacõari, ado bajiro Galiõnre gotiyujarã ña:

—“Ado bajiro yũre yirũcũbũorũgũrũarãja mũa” Dios ñi yicũmasire mere masare ñmato yirũgũami —ñre yigotiyujarã ña.

¹⁴ To ña yijare, Pablo ñi ñagõgũadone, ado bajiro ñare gotiyuju Galiõn:

—Rojose ñi yire ti ñajama, “Rojose yigũ yiyumi”, mũare yiajibogũja yũ. ¹⁵ To bajiboarine mũa ñicũa ña yirũgũrere ñi yijama, ñi yibetijaquẽne, no yibeaja, yũrema. To bajiri no yigũ ñi yirere ñacõĩabecũja yũ. Mũa masune tire oca quẽnoña —ñare yiyuju Galiõn, jud'io masare.

¹⁶ To yigajanocõari, ñare budirotiyuju ñi. ¹⁷ To ñi yirã, budianane Dios ocare ña buerivi mũju Sóstenes vãme cutigũre ñare ñmato var'irene ñiacõari, quẽañujarã ña. To ña yiboajaquẽne, “To yaja mũa”, ñare yibeticõañuju Galiõn.

Antioqu'ia macajũ tudiejacõari bero, Dios ocare Pablo ñi tudigotigũ vare queti

¹⁸ To bajiro bero, Corinto macajũre yoaro ñacõañuju Pablo. To bajirũaboacũ, Jesúre ajitirũnũrãre vare goti, vacoasuju. Priscila so manajũ Aquila quẽne ñi rãca vasujarã ña, Siria sitajũ vana. Cencrea macajũ ejacõari, “Tire yirũcũja yũ” Diore ñre yir'i ñari, ñi rũjoa joare suarotiyuju Pablo. To bajiro ñi yiro bero, cũmuane Efeso macajũ vacoasujarã ña. ¹⁹ Ti macajũ ejacõari, Priscila so manajũ Aquila rãca to ña ñatoyene, jud'io masa Dios ocare ña buerivijũ vasuju Pablo. Ti vi ejacõari, ñare gotimasioñuju ñi. ²⁰⁻²¹ To ñi yĩñarone,

—Yũa rãca yoarobũsa ñacõaña —ñre yiboayujarã ña.

To ña yijare,

—Mũa rãca yoaro ñamasibeaja yũ. Dios ñi bojajama, quẽna mũare ñagũ vadirũcũja yũ —ñare yiyuju.

To yicõari, ñare vare goti vacoasuju cũmuane, Cesarea macajũ vacũ. ²² Cesarea macare ejacõari, Jerusalénjũ vacoasuju ñi. To ejacõari, Jesúre ajitirũnũrãre ñare quẽnaroti

gajanocōari, Antioqu'ia macajꝯ vacoasuju. ²³ Ti macajꝯ ejacōari, yoaro ñañuju. To bajiñaboacꝯ, vacoasuju Galacia sitajꝯre, to yicōari, Frigia sitajꝯre quēne, Jesúre ajitirñurãre “Bũtobũsa ajitirñurũtuajaro” yigꝯ, ñnare goticudigꝯacꝯ.

Efeso macajꝯre Apolos vãme cutigꝯ ñ gotimasiore queti

²⁴ Tirodore Efeso macajꝯ ejayuju jud'io masꝯ, Apolos vãme cutigꝯ. Alejandr'ia vãme cuti macajꝯ ruyuar'i ñañuju ñ. Dios ocare masa ñna ucamasirere quēnaro masigũ ñañuju ñ. ²⁵ “Jesús ñañumi, ‘Rotimñorũgõrũcꝯami’ yigꝯ, Dios ñ cõar'i” gãjerã ñna yigotimasior'i ñañuju ñ. “Rojose mꝯa yisere yitũjacōari, ‘Dios ñ bojasejũare yirũarãja’ yirã, oco rãca bautizarotiya” Juan ñ yire rĩne masiñuju ñ. To bajiboarine, ñ masiro cõro quēnaro gotimasio variquēnañuju. ²⁶ Ti macajꝯ ejacōari, Dios ocare ñna buerivijũre bojonebecũne ñnare gotimasioñuju ñ. To bajiro ñ yisere ajiyujarã ñna, Priscila, so manajꝯ rãca. Tire ajicōari, “Cojo vãme ñre rũyaja” yirã, ricati ñre jicãmotocōari, ñre gotirẽmoñujarã ñna, Jesús ocare, to yicōari ñ bajirere quēne. ²⁷ ñ gotimasiorotire ñre ñna gotirẽmoro bero, Acaya sitana Jesúre ajitirñurã ñna ñnarojũ varũa tũoĩañuju Apolos. “To mꝯa vajama, quēnamasucōaroja ti”, ñre yiyujarã ñna, Efeso vãme cuti macana Jesúre ajitirñurã. To bajiri Acaya vãme cuti sitanare queti ñnare ucacõañujarã ñna, “Apolo mꝯa tũ ñ ejaro, quēnaro ñre bocaãmiña mꝯa” yirã. To bajiri, Acayajũre vacoasuju ñ. To ejacōari, Dios ñ ejarẽmose rãca Jesúre ajitirñurũrioriãre ado bajiro ñnare yirẽmoñuju Apolos: ²⁸ Quēnaro tũoĩagũ ñnari, masa ñna ñaro rĩjorojũa, jud'io masa ñna gotiboasere, “To bajiro me bajiaja” yigꝯ, Dios oca masa ñna ucamasirere gotiyuju ñ.

—“Rotimñorũgõrũcꝯami” yigꝯ Dios ñ cõar'i, ñne ñnaami Jesús —yigotimasioñuju ñ.
Quēnaro ñ gotimasiojare, “To bajiro me bajiaja”, yimasibesujarã jud'io masa.

19

Efeso vãme cuti macajꝯ Pablo ñ bajire queti

¹ Corinto vãme cuti macajꝯ Apolos ñ ñnatoyene, Pablojũa gãtayucũ vatoajũ ñnarimacarire rẽtoacōari, Efesojũ ejayuju. Tojũ ejacōari, Jesúre ajitirñurãre sīgũrĩre ñnare bũjayuju Pablo. ² ñnare bũjacōari, ado bajiro ñnare sēniñañuju:

—Jesúre ñre mꝯa ajitirñurũriorijũ, ¿Dios ñ cõagũ Esp'iritu Santo mũare ejacati? —ñnare yiyuju.

To ñ yisere ajicōari,

—¿Ñimũ ñnati Dios ñ cõagũ Esp'iritu Santo mꝯa yigũma? ñre masibeaja yũa —ñre yicũdiyujarã ñna.

³ To ñna yisere ajicōari,

—¿Ñie ñnire yirã, oco rãca bautizaroticati mꝯa? —ñnare yisēniñañuju Pablo.

To ñ yisere ajicōari,

—Juan ñ yirere yirã, oco rãca bautizaroticaajũ yũa —ñre yicũdiyujarã ñna.

⁴ To bajiro ñna yijare,

—“Rojose yirũabeaja yũa. Dios ñ bojasejũare yirũarãja yũa” yirãre ñnare bautizayuju Juan. To yicōari, “Yũ bero ejarocũre ñre ajitirñurũma mꝯa”, ñnare yigotiyuju ñ, Jesús ñ ejarotire yigꝯ —ñnare yigotiyuju Pablo.

⁵ To yicōari Jesús ñ gotimasiorere, ñ bajirere quēne ñnare gotiyuju Pablo. Tire ajicōari, “Manire rijabosayumi Jesús mani ñjũ. To bajiri ñ rãcana ñaja yũa” ñre ñna yiajitirñurũuojare, oco rãca ñnare bautizayuju Pablo. ⁶ To yigajanocōari, ñ ãmori rãca ñnare ñ ñujeorone, Esp'iritu Santo ñnare ejayuju. To ñnare ñ bajirone, ajiyamani oca ñnagõñujarã ñna. To yicōari, Diore ñre gotirẽtobosayujarã ñna. ⁷ Juaãmo cõro, gũbo jua jēnituarirãcũ ññañujarã ñna.

⁸ Jud'io masa Dios ocare ñna buerivijũ tũoĩagũibecũne idiarã muijua ado bajiro ñnare gotimasio ññañuju Pablo:

—Jesúne ñaami “Rotimuoꝛũgõꝛucami” yigũ, Dios ï cõar'i. Ìre ajitirũnrãre, “Yũ rãcana ñaama” ñnare yĩlavariquẽnaami Dios —ñnare yigotirũgũñuju.

⁹ To bajiro ñnare ï yigotiboajaquẽne, sīgũri Ìre ajitecoasujarã ñna. To bajiri, “Jesús yere ajitirũnũ sũyare socase ñaja”, yigotiyujarã ñna, ti vi rẽjarãre. To bajiro ñna yijare, Tirano vãme cutigu ya vi, bueriavijũ Jesús yere ajitirũnrãre ñnare ùmato vacõari, tocãrãcarũmũne ñnare gotimasiorũgũñuju Pablo. ¹⁰ Jua cũma ñnare gotimasio ññañuju ï. To bajiri Asia sitana, jud'io masa, to yicõari griego masa quẽne, mani ẽjũ Jesús ï bajirere to yicõari, ï gotimasiorere Pablo ï gotisere ajijedicoasujarã ñna. ¹¹ Tirodore Ìaĩañamanire Dios ï masise rãca yĩñoñuju Pablo. ¹² To bajiri, Pablo ï masune rijaye cutirãre ï moaĩagũ vabetiboajaquẽne, sudi joeaye, to yicõari ñna rũjoa siariarorine Pablõre Ìre moaĩaroticõari, juacoarũgũñujarã rijaye cutirã tũjũ. Tire ñna juaejasere moaĩarãne, caticoarũgũñujarã. Masa ẽsũrijũ sãñarã vãtia quẽne, budicoarũgũñujarã.

Masũ ẽsũrijũ sãñagũre vãtire, “Budiya”, Esceva rĩa ñna yiboare

¹³ Masa ẽsũrijũ sãñarãre vãtiare bureacõari, vaja sẽnucudirimasa ññañujarã ñna, Ìaĩañamanire Pablo ï yĩorirodore. To yirũgũriarã ñnari, “Jesús ï rotise rãca yaja yũa’ mani yijama, quẽnaro manire cudirũarãma vãtia”, gãmerã yiyujarã ñna. To yirã ñnari, “Pablo masare ï gotimasiorũgũgũ, Jesús ï rotise rãca budiya”, yirũgũñujarã ñna, masa ẽsũrijũ sãñarãre vãtiare.

¹⁴ To bajiro yirũgũñujarã jud'io masũ paia ẽjũ ñamasugũ Esceva vãme cutigu rĩa. Cojomo cõro, jua jẽnitarirãcũ ññañujarã ñna. ¹⁵⁻¹⁶ To bajiro yirũgũriarã ñnari, vãti sãñagũ ï ñarivijũre sãjaejacõari, “Jesús ï rotise rãca budiya”, yiboayujarã, masũ ẽsũrijũ sãñagũre vãtire. To ñna yirone,

—Jesúrema masiaja yũ. Pablõre quẽne Ìre masiaja. To bajiboarine mũarema masibeaja —ñnare yicõañuju vãti. To yigũne, —ñnare quẽaña mũ —yiyuju vãti, ï sãñagũre.

To ï yijare, ñnare quẽacõari, ñna sudire voreajeocõañuju. To ï yiriarã, cãmironi cuticõari, sudi manane, ùmabudicoasujarã, Ìre rudiana. ¹⁷ Efeso macana, jud'io masa, to yicõari griego masa quẽne, to bajiro Esceva rĩa ñna yiecorere ajicõari, bũto gũiyujarã ñna. To yicõari, Jesús yere ñna gotijama, rũcũbũose rãca gotiyujarã ñna.

¹⁸ To yicõari, Jesúre ajitirũnrã, Dios ï bojabetire ñna yirũgũrere masa ñna ajiro rĩjorojũa gotirã ejayujarã ñna, “Tire tudiyibetirũarãja yũa” yirã. ¹⁹ “Gãjerã rẽtoro masirã ñaja yũa” yirã, Ìaĩañamani yĩorimasa, ñna ucariatutirire buerã ññañujarã gãjerãma. To bajiri ñna buerũgũriatutirire juadicõari, soereayujarã ñna, masa ñna Ìaro rĩjorojũa. Cincuenta mil ñnaritiiri cõro vaja cuti ññañuju titutiri. ²⁰ To bajiri, Jesús yere ajitirũnrã jãjarãbũsa ñnarũtuasujarã ñna.

²¹ To bajiro ti bajiro bero, ado bajiro yiyuju Pablo: “Macedonia sitanare, Acaya sitanare Ìacudigu varocũ ñagũja yũ. To bajigũne, Jerusalén macajũre ejacoarũcũja yũ. Ti macajũre ñacõari, Roma vãme cuti macajũre quẽne ejacoarũcũja yũ”, yitũoĩañuju Pablo.

²² To bajiro yitũoĩagũ ñnari, Macedonia sitajũre ï varoto rĩjoro, Ìre ejarẽmorãre, Erasto, to yicõari, Timoteore ñnare cõañuju ï. Ìjũama, Asia sitajũre ñnacõañuju maji.

Efeso macagũ Demetrio vãme cutigu, Jesúre ajitirũnrãre rojose ï yirũare queti

²³ Tirodore Jesús yere ajitirũnũmena, Jesús yere ajitirũnrãjũare bũto jũnisiniñujarã, Efeso macana rĩne ñaboarine. ²⁴ Demetrio vãme cutigu ññañuju. Masore bajigo ñagõre ñna quẽnorio Artemisa vãme cutigore ñna rũcũbũorivire bajiriviriaca cõme botisene quẽnocõari Ìsigũ ññañuju ï. Gãjerã quẽne, ï quẽnose ùnire quẽnorimasa ññañujarã ñna. Tire quẽnorã ñnari, tire Ìsicõari, jairo gãjoa bũjarũgũñujarã ñna. ²⁵ Ìre bajiro moare cutirãre, to yicõari Ìre moabosarimasare quẽne jirẽoñuju Demetrio. Ì tũ ñna ejarone, ado bajiro ñnare gotiyuju ï:

—Mani moase jairo vaja cutiaja ti. Tire manire ñna moarotibetijama, ñie mana ñnarũarãja mani. Tire masiaja mũa. ²⁶ Pablo ï gotirũgũsere ajirũgũaja mani. “Masa ñna

quēnorāma, rūcubūoriarā me űaama”, yigotirūgūami. To bajiro ĩ gotisere ajitirūnarā, adi macana rīne űabeama. Asia sita űaro cōrone űarāma, ĩ gotisere ajitirūnarā. ²⁷ To bajiro ĩ yigoticōa űajama, mani quēnosere vaja yibeticōari, Artemisare sore rūcubūorā ĩna ejarūgūrivijure ejabetiruarāma ĩna. To yicōari, Asia sitana jediro, adi macarucuro űarā jediro, sore rūcubūoboariarā sore rūcubūobetiruarāma yuja —Īnare yigotiyuju Demetrio.

²⁸ To bajiro ĩnare ĩ gotijare, ajijūnisinicōari, ado bajiro avasāñujarā ĩna:

—Mani ya maca, Efeso vāme cuti macago űaamo Artemisa. űamasugō űaamo —yiavasāñujarā ĩna.

²⁹ To bajiro ĩna yiavasā űarone, jājarābūsa ĩna tujure rējacōari avasārēmoñujarā ĩna. To yiñarāne sīgū ĩ tūōiarore bajiro tūōiacōari, Gayore, Aristarcore quēne ĩnare űejeñujarā. Macedonia sitana űañujarā ĩna, Pablo rācana. ĩnare űejecōari, ti macana űajediro ĩna rējarūgūriaroju ĩnare juaásujarā ĩna. ³⁰ “Īna rējaroju ĩnare juacoasujarā” ĩna yisere ajicōari,

—Īnare juavariarāre űagōgū vacu yaja —yiboayuju Pablo.

To ĩ yisere ajicōari, ĩre varotibesujarā gājerā Jesúre ajitirūnarāja. ³¹ Gājerā Pablo babarā, Asia sitana űjarā sīgūri, ti macare ejariarā, “Tojure vabeticōato” Pablore ĩre yire queti cōañujarā, “Īre űiaroma” yirā.g ³² Tojare rējarā, rujajine tūōīamecūcōañujarā ĩna. To bajiri, no ĩna bojarone ricatiri rīne avasācōa űañujarā ĩna. “Tire yirā rējamu mani”, yimasibeticōañujarā. ³³ To bajiro ĩna yiñarone, “Yūare űagōbosaya; manire quēne rojose yiroma ĩna” yirā, ĩna yu Alejandro vāme cutigure ĩre turocavioyujarā jud'io masa. To ĩna yijare, “Avasātujaya” yigū, ĩ āmo rāca vāre vāre yiboayuju. ³⁴ To bajiro ĩ yiboajaquēne, “Jud'io masune űaami ĩ quēne” ĩre yīīamasicōari, jua hora cōro, ĩna jedirone avasājedicōañujarā ĩna.

—Mani ya maca, Efeso vāme cuti macago űaamo Artemisa. űamasugō űaamo —yiavasā űañujarā ĩna.

³⁵ To ĩna yiñarone, ti macana űju,

—To cōrone avasātujaya —ĩnare yiyuju.

Īna avasātujarone ado bajiro ĩnare gotiyuju:

—Ajiya mūa, adi macana: Masa jedirone, “Artemisare sore rūcubūoriavire, to yicōari, ō vecaju quedirujadiariajare sore bajigo ruyuriju, masa ĩna rūcubūorijure coderimasa űaama”, manire yimasiamā ĩna. ³⁶ To bajiro ĩna yiñajare, rujajine yibesa. Quēnaro tūōīacōari yiya. ³⁷ Mani rūcubūogore rujajine sore ĩna yibetiboajaquēne, to yicōari rūcubūoriaviayere ĩna juarudibetiboajaquēne, ānoare ĩnare űejeayuja mūa. ³⁸ Demetrio, to yicōari, ĩ quēnose űnire quēnorimasa quēne, “Rojose yūare yama” ĩna yirūajama, masa ĩna yisere ĩacōīarimasa tujare vajaro. ĩna űaama, tire yirimasama. ³⁹ Gaje vāme mūa űagōrua tūōīajama, űjarā ĩna rējaroju vacōari, quēnaro tire gotiroti űaja. ⁴⁰ “¿No yirā rujajine yimasiri mūa?”, manire yisēñiarāma romano masa, mūa avasācōa űajama. To bajiro manire ĩna yisēñiarone, “To bajiro ti bajijare, yibū yūa”, ĩnare yigotimasibetiruarāja mani. To bajiri, “Rujajine mūa yicudire vaja, rojose tāmūoruarāja mūa” manire yiroma —ĩnare yiyuju űju.

⁴¹ To yigotigajanocōari, —Mūa ya viriju tudiasa —ĩnare yiyuju ĩ.

20

Macedonia sitanare, Grecia sitanare quēne Pablo ĩ goticudire

¹ To bajiro ĩna yiriaro bero, “Ado bajiro űaruarāja mūa” ĩnare yigotiru, Jesúre ajitirūnarāre ĩnare jirēoñuju Pablo. To yigajanocōari, ĩnare vare goti, vacoasuju ĩ, Macedonia sitaju vacu. ² Ti sitaju ejacōari, Jesúre ajitirūnarāre, butobusa ĩre ĩna ajitirūnarotire ĩnare goticudiyuju. To yicōari, Grecia sitaju vacoasuju ĩ. ³ Ti sitaju ejacōari, idiarā muijua űañuju ĩ. To bajiñaboa, Siria sitajure varūaboayuju. Jud'io masa ĩre ĩna sīruasere

ajicōari, vabesuju. To bajiri, “Macedonia sitare rētoarucija yu, Efeso macaju vacu”, yituoīañuju Pablo. ⁴ Īre baba cūti vacana ado bajiro vāme cūtirā ñacama ĩna: Berea vāme cūti macagu, Pirro macu Sópater vāme cūtigu ñacami. To bajicōari, Segundo, Aristarco ñacama Tesalónica macana. Derbe vāme cūti macagu Gayo quēne ñacami. T'iquico, Trófimo, to yicōari, Timoteo ñacama ĩna Asia sitana.^h ⁵ Troas vāme cūti macaju vana, yua rījoro vacoacama ĩna, toju yuare yuroana. ⁶ Boserūmu pan ūmato vauvase vuooyamani bariarūmuri bero, vacaju yua, Filipos vāme cūti macaju. Ti maca ñariarā, Troas macajure vana, cojomocārācarūmu bero, ejacaju yua, ti macajure. Ti macaju yuare yuyuma rījoro vacana. ĩna rāca cojomo cōro, juā jēnitarirūmuri ñacaju yua.

Troas macanare Jesúre ajitirūnrāre Pablo ĩ gotire queti

⁷ Sábado rāioriju rējacaju yua, Jesúre ajitirūnrā. “Yu rijato bero, muare yu rijabosarere tuoīarā, uye ocore idi, to yicōari, pan ba, yirūgūrarāja muā” Jesús ĩ yiroticūre ñajare, tire yiruarā rējacaju yua. Yua baroto rījoro, Jesús ocare ĩnare gotimasiocami Pablo. Busuriju varocu ñari, goticōa ñacami. Ī gotiñaro rīne, ñami gudareco ejacoacaju. ⁸ Idiatuti cūtivi ñacaju yua rējacativi. To bajiri tūsaritutiure ñacaju yua. Jairo sīabusuore ñacaju ti. ⁹ Mame bucūagu Eutico vāme cūtigu, yua rāca ñacami. Īburiasojejure rujicōari, cānijuriarujicami. To bajica yigu, quedijasīacoacami. To bajiri rijar'ire tūavūmūboā yicōacama. ¹⁰ To ĩna yisere ĩacōari, rujiadicami Pablo. Rujiejacōari, ĩre tūavūmūogūne, jabariocami. To yigune,

—Īaucabeticōañā. Rijayayibeami —yuare yicami.

¹¹ To yicōari, mājacoacami quēna. Jesús ĩ rijabosarere tuoīagū, bare ūmato bacami. To yicōa, gotirūtuacūne gotibusuocoacami. To ĩ yigajanoro bero, vacoacaju yua. ¹² Ti macana, variquēnarāne Euticore ĩre tūacoacama ĩna, Pablo ĩ cator'ire.

Mileto macajure Pablo ĩ vare queti

¹³ Maane Pablo ĩ varoto rījoro, cūmuane Aso macaju vacaju yua, “Toju yure sāruarāja muā” ĩ yijare. ¹⁴ Aso macaju yua ejaro bero, maaju vadicōari, ejacami. Ī ejaro bero, Mitilene vāme cūti macaju ĩre sāvacaju yua. ¹⁵ Ti macaju yua ejabusuocatirūmure Qu'io vāme cūtiyoa cānamuñarore ejacaju yua. Gajerūmu, Samos vāme cūtiyoaju ejacaju yua. Gajerūmu vana, Mileto vāme cūti macaju ejacaju yua. ¹⁶ Asia sitajure yoaro ñarūabecu ñari, “Efeso macare rētocoaruarāja mani”, yicami Pablo. Jerusalénjure Pentecostés boserūmu rījoro ejaruagu ñari, guaro varuacami.

Efeso macanare Jesúre ajitirūnrāre Pablo ĩ gotitū sare queti

¹⁷ Mileto macajure ñacōari, Efeso macana Jesúre ajitirūnrāre ūmato ñarāre jigū, ĩnare uacōacami Pablo. ¹⁸ Ī jicōarā ĩna ejaro, ado bajiro ĩnare goticami Pablo:

—Muā tūju ejasuogu, quēnaro yu yirūgūcatire bajirone yu yicōa ñasere masiaja muā.

¹⁹ Mani ũju Jesús ĩ bojasere yu yijama, yu masune tuoīacōari, yigu me yirūgūcaju yu. Yu yarā jud'io masa yure ĩna sīaruajare, bato rojose tāmūocaju yu. Cojo vāme me rojose tāmūocōari, otirūgūcaju yu. ²⁰ Muā rējariviriju, to yicōari muā ya virijure quēne, yure ĩna sīaruasere gūibecu, muare ejarēmora, yu masiro cōro Dios ocare muare gotimasiorūgūcaju yu. ²¹ Jud'io masare, to yicōari, jud'io masa me ñarāre quēne, “Rojose muā yisere yitūjacōari, ‘Dios ĩ bojasejure yiruarāja. To yicōari, mani ũju Jesucristo ĩ rijabosare suorine rojose yua yisere Dios ĩ masiriojare, ĩ rāca quēnaro ñaja yua’ yituoīañā”, muare yigotirūgūcaju yu. ²² Esp'iritu Santo yure ĩ rotise rāca, Jerusalén macaju vacu bajiaja yu. Toju yure bajiro tire masibetiboarine, bajiaja yu. ²³ To bajiboarine masiaja yu, bajigūjuma. Tocārāca macari yu ejaro, Esp'iritu Santo ado bajise yure gotirūgūami: “Tubibe ecorucija m. To yicōari, gajeye rojose tāmūorucija m”, yure yigotirūgūami.

²⁴ Tire tuoīaboarine, yu bajiro tire gūibeaja yu. Ñamasuse me ñaja ti. Ado bajisejua ñaja

^h 20:4 Macedonia sitaju ñacōari, Pablo rācanare ĩari ñari, “Adocārācu ñacama”, yiucauyumi Lucas. To yicōari, ĩ rāca varī ñari, “Bajicaju yua”, yiucauyumi.

ñamasuse: Masare Dios ï maisere quēnase quetire mani ʘjʘ Jesús yʘre ï gotiroticatire tire yijeocōarʘaja yʘ.

²⁵ Dios ï bojarore bajiro Jesúre ajitirʘnʘrere mʘare gotimasio gajanocōaja yʘ. To bajiri yʘre tudĩabetirʘarāja mʘa. ²⁶⁻²⁷ Quēnaro yʘre ajiya mʘa: Gũibecʘne, jediro Dios ï bojaro cōrone mʘare gotijeocōacajʘ yʘ. To bajiri, “Pablo, quēnaro yʘare ï gotibeticati suorì rojose tāmʘoaja yʘa”, yibetirʘarāja mʘa. ²⁸ “Rojosere yibetirʘarāja”, yitʘoĩacōa ñarũgũrʘarāja mʘa. Mʘa rācanare ïre ajitirʘnʘrēre ïnare rijabosayumi Jesús, “ ‘Yʘ yarā ñaama’ yĩĩato Dios” yigʘ. To bajiri, Esp'iritu Santo mʘare ï roticũriarore bajirone quēnaro ïnare ũmato ñarũgũrʘarāja mʘa. ²⁹ Yʘ vaveoro bero ejarʘarāma gãjerā, “Diore gotirētobosarimasa ñaja yʘa” yitorimasa. Mʘa ñaro vatoajʘre ejacōari, ïna gotitose suorine Jesúre ajitirʘnʘ tʘjacōari, rojose tāmʘorʘarāma mʘa rācana. ³⁰ Mʘa quēne, Jesúre ajitirʘnʘrēre ũmato ñarā ñaboarine, “To bajiro me bajaiaja. Ado bajirojʘa bajaiaja ti”, yisocarʘarāja mʘa sīgũri, “Yʘajʘare ajisʘyato ïna” yirā. ³¹ To bajiro bajiroti ti ñajare, “Rojose yibetirʘarāja”, yitʘoĩacōa ñarũgũrʘarāja mʘa. Tocārācʘrene, idia cūma tire mʘare gotirũgũcayʘ yʘ, ũmʘari, to yicōari ñamire quēne. Tire mʘare gotiñagũne, sīgũri mʘa bajirotire tʘoĩacōari, cojoji me otisʘtiritirũgũcayʘ yʘ.

³² To bajiro mʘare yirũgũcacʘ ñari, “Ïnare ïatirʘnʘña”, yisēniaja yʘ, Diore. Mʘare ïamaicōari, quēnaro Dios ï yisere, to yicōari mʘare yʘ gotimasiocatire quēne tire masiritibetirʘarāja mʘa. Tire mʘa masiritibetijama, Jesúre bʘtobusa ajitirʘnʘrũtuarʘarāja mʘa. To yicōari, Dios rĩa ñari, mʘa rijato berojʘ ï gotiriarore bajirone ï ñarajʘre quēnaseayere bʘjarʘarāja mʘa. ³³ Dirũmʘ ũnone gãjerā ïna cʘosere gãjoare, sudire ïnare sēnigōjanabibetirũgũcayʘ yʘ. ³⁴ Yʘ masu moacōari, yʘ bojasere, yʘ rācana ïna bojasere quēne tire vaja yirũgũcayʘ yʘ. Tire masiaja mʘa. ³⁵ To bajiro yʘ yijama, “Mani bojasere, to yicōari, maioro bajirā ïna bojasere ïnare vaja yĩisirʘarā, quēnaro moarũgũroti ñaja” yigʘ, yicajʘ yʘ. Ti ũnire ado bajiro manire gotimasioñuju mani ʘjʘ Jesucristo: “Ïsiecocōari, ï variquēnaro rētoro variquēnagũmi gãjerāre ï ïsijama”, manire yigotiyuju Cristo. To bajiri, tire masiritibeticōaña mʘa —Ïnare yigoticami Pablo, Efesoana Jesúre ajitirʘnʘrēre ũmato ñarāre.

³⁶ To bajiro ïnare yigotigajanocōari, ïna rāca gʘsomuniari tuetucōari, “Diore sēnito mani”, ïnare yicami Pablo. ³⁷ To ï yigajanoro bero, otirāne Pablöre ïre jabario, usu, yicama ïna. ³⁸ “Yʘre tudĩabetirʘarāja mʘa” ï yijare, bʘto sʘtiriticama ïna. To bajirā ñari, cūmua yʘa vasājavatojʘ yʘare ïasʘyaejocama ïna.

21

Jerusalénjʘre Pablo ï vare queti

¹ Ïnare vare gotigajano, vasāja, vacoacajʘ yʘa, Cos vāme cʘtiyoajʘ. Gajerũmʘ vana, Rodas vāme cʘtiyoajʘ ejacajʘ yʘa. Tiyoare rētoanane, Pátara macajʘ ejacajʘ yʘa. ² “Fenicia sitajʘre vana yaja”, yicama. To bajiri ïna vatiane ïna rāca vacoacajʘ yʘa. ³ To bajivana, Chipre vāme cʘtiyoare ïacajʘ yʘa. To bajiri, tiyoa visarore vacajʘ. To baji rētoanane, Siria sitajʘ ejacajʘ. Ti sita ñarimaca, Tiro vāme cʘti macajʘ rocatuejacōari, gajeyeũni cūcama ïna. ⁴ Tone tujacajʘ yʘa quēne. To bajiri toanare Jesúre ajitirʘnʘrēre ïabʘjacōari, cojomo cōro jʘa jēnituarirũmʘri ñacajʘ yʘa, ïna rāca. To yʘa bajiñaro Esp'iritu Santo Pablo ï bajirotire ïnare ï gotirere masirā ñari, “Jerusalénjʘre vabeticōaña mʘ”, ïre yiboacama ïna. ⁵ To ïna yiboajaquēne, vacoacajʘ yʘa quēna. Ïna manajoa, ïna rĩa, jediro yʘare ïasʘyarā vadicama ïna. Ïna rāca jabuajʘ rojaejacōari, gʘsomuniari tuetucōari, Diore sēnicajʘ yʘa. ⁶ Diore sēnigajanocōari, ïnare vare goti, vasāja, vacoacajʘ yʘa. Ïna quēne, ïna ya virijʘ tudicoacama.

⁷ Tiro variarā, Tolemaida vāme cʘti macajʘ ejacajʘ yʘa. To ejacōari, Jesúre ajitirʘnʘrēre ïabʘjacajʘ yʘa. To bajiri ïna rāca cojorũmʘ ñacajʘ. ⁸ Gajerũmʘ Cesarea vāme cʘti macajʘ vacajʘ yʘa. To ejacōari, Felipe ya vijʘ vacajʘ. Jesús ï bajirere gotimasiogũ ñacami Felipe.

Jerusalén macana Jesúre ajitirúnuräre, “Bare batoato” yirä ñna beseriarä räcagü ñacami. ⁹Babaricäräco rña rōmiri cūticami. Manajüa mana ñacama. Diore gotirētobosarimasa rōmiri ñacama ñna. ¹⁰Yoaro ñ tu ñacōacajü yua. To yua bajiñaro, Agabo vāme cūtigü ejacami. Judea sitagü Diore gotirētobosarimasü ñacami. ¹¹Yua tu sājajacōari, Pablo ñ vēñarigaserore tūaveaāmicami. To yicōari, ñ āmorire, ñ gaborire quēne siacami, ti gaserone. To yigüne, ado bajiro yicami:

—Esp'iritu Santo ado bajiro yure gotiami: “Yü āmori, yü gabori yü siarore bajiro Pablore ñre siaruarāma ñna jud'io masa, Jerusalén macana. ñre siacōari, jud'io masa me ñaräre ñsiruarāma”, yure yigotiami Esp'iritu Santo —yüare yigoticami Agabo.

¹²To ñ yisere ajicōari, Cesarea macana, yua quēne, Jerusalénjüre Pablore ñre varotibeti-boacajü. ¹³To yua yirone, ado bajiro yüare yicami:

—¿No yirä otiami müa? Yure yisutiriobeticōaña. Jesúre ajitirünügü yü ñajare, jud'io masa Jerusalén macana yure ñna siajama, ñna sñajaquēne quēnacōaruroja. To bajirone mani üjü Jesús ñ bojjama, “To bajirone bajiato”, yaja yü —yüare yicami Pablo.

¹⁴To bajiro yüare ñ yicūdjare, “Vabesa”, ñre yibeticajü yua.

—Dios ñ bojarore bajiro bajiya mü —ñre yicōacajü yua yuja.

¹⁵Tijü bero, yua gajeyeünire quēnosā, Jerusalénjü vacoacajü yua. ¹⁶Sīgüri Cesarea macana Jesúre ajitirünurä, yüare ūmato vacama, Chipreagü, Mnasón vāme cūtigü ya vijü. Tojü yüare cū, tudicama ñna, “Ñ ya vijü cāniato” yirä. Tirümjüne Jesúre ajitirünügü ñacoayumi Mnasón.

Santiagore Pablo ñ ñagü vare queti

¹⁷Jerusalénjüre yua ejato, toana Jesúre ajitirünurä, variquēnase räca yüare sēnicama ñna. ¹⁸Gajerümü yua räca vacami Pablo, Santiago ya vijüre. To ññauma Jesúre ajitirünuräre ūmato ñarä jedirone. ¹⁹To bajiri ñnare quēnaroti gajanocōari, ñ gotimasiore Dios ñ ejarēmose räca jud'io masa me ñarä Jesúre ñna ajitirünurere ñnare gotijeocōacami Pablo. ²⁰To bajiro ñnare ñ yisere ajicōari, “Dios süorine to bajiro yiyumi Pablo” yirä ñari, Diore yiräcubuo variquēnacama ñna. To yigajanocōari, Pablore ado bajiro ñre goticama ñna:

—Adojüre jājara masu ñacōama jud'io masa, Jesúre ajitirünurä. To bajirä ñaboarine, “Moisés ñamasir'ire Dios ñ roticūmasirere quēne yicōa ñarügüroti ñaja ti” yirä rñe ñacōama ñna. ²¹To yicōari, ado bajiro mü yirügürere yüare gotirügüama: Jud'io masa, gaje sitajü ñaräre, “Moisére Dios ñ roticūmasiboarere tire yibeticōato mani. Rñamasare quēne ñnare circuncisión yibeticōato mani. Mani ñicua ñna yisüoadimasirere quēne tire yibeticōato mani” ñnare mü yirügürere ajicōari, yüare gotirügüama —ñre yicama, Pablore.

²²—Müre jünisinirä ñari, mü ejasere ajicōari, ejaruarāma ñna. To bajiri, ¿no bajiro yiruarāda mani? ²³Ado bajiro yirucüja mü: Adore barbaricäräcu ümua ñnaama ñna, “Tire yiruarāja yua” Diore ñre yiriarä. ²⁴Diore yiräcubüoriavijüre ñna räca vaja mü. Ti vijü ejacōari, ñna yirore bajiro yiba. “ ‘Tire yiruarāja’ yicōari, yua yibetirere masirioya Dios” yirä, ñre ñna soemüosere, to yicōari, ñna joare ñna suarotisere ñnare vaja yibosaba mü. To bajiro mü yijama, “Socarö bajiyuja ti. Moisés ñamasir'ire Dios ñ roticūmasirere cūdigü ñnaami ñ quēne”, müre yiruarāma ñna, jud'io masa, mani yarä. ²⁵Jud'io masa me ñaboarine, Jesúre ajitirünuräjüare adocäräca vāmene ñnare roticajü mani: “ ‘Ado bajirä ñarāma’ ñna masune yiquēnorujeocōari, ñna rñcubüorä tujüre vaibücüräre sñacōari, mojoroaca ñna tujü cüräma. Tire babesa müa. Manajo cūtirä, manajü cūtirä, manajo mana, manajü mana quēne, gājera räca ajeriarä cūtibesa. Vaibücürä müa sñariaräre ñna ri'ire yireamenane, babesa”, ñnare yicajü mani —Pablore ñre yigoticama ñna, Santiago ya vijü ñacana.

Diore yiräcubüoriavijü ñagüre Pablore ñna ñiare queti

²⁶To bajiri, gajerümü Diore yiräcubüoriavijü ñna räca vacami Pablo. To ejacōari, “ ‘Tire yiruarāja’ yure müa yicatore bajiro müa yibetire müare masirioaja yü’ manire yato Dios” yirä, ñ babarä ñna yirore bajiro yiyuju ñ quēne. To yigajanocōari, paia tujü sñasaju, Diore

yirūcubūoriavijū. “Vaibucurā ĩna soemūorotirāmū ti ejaro vadirūcūja yū, ĩna soemūose vaja ĩnare vaja yibosagu”, yigotigūacu bajiyuju ĩ.¹

²⁷ To yir'i ĩnari, cojomo cōro, jūa jēnitarirūmū ti ejaroto rĳoro, vasuju Pablo, Diore yirūcubūoriavijū. Ti vijū ñagūre ĩre ĩañujarā jud'io masa Asia sita vadiriārā. ĩre ĩacōari, “Rojose yirūgūr'i ĩnaami”, masare yigotiyujarā, “Pablōre jūnisiniato” yirā. To ĩna yijare, ĩre jūnisinicōari, “ĩre ĩniato mani”, yūmasujarā ĩna. ²⁸ To yicōari, ado bajiro avasāñujarā ĩna:

—Israel ĩnamasir'i jānerabatia, yūare ejarēmōrā vayā. Rojose yigū ĩnaami āni. “Manire ĩateato” yigū, masa ĩnaro cōrone gotimasiodirūgūami. To bajiro ĩ yirā ĩnari, Moisére Dios ĩ roticūmasiboarere, to yicōari, Diore yirūcubūoriavire rūcubūobecū, griego masare ĩnare ũmato sājāñumi —masare yivasā gotiyujarā ĩna, Pablōre ĩre jūnisinirā.

²⁹ Efeso macaju vadir'i, griego masū, Tróximo vāme cutigū rāca Pablo ĩ ĩnarore ĩre ĩañujarā ĩna. To bajiri, “Diore yirūcubūoriavijū ĩre ũmato sājārimi Pablo” yitūoīarā ĩnari, to bajise yiyujarā ĩna.

³⁰ “Rojose yiyumi Pablo” ĩna yisocasere ajicōari, Jerusalén macana ĩnadedirone buto jūnisinirā ĩnari, avasā ũmarējañujarā ĩna, Pablōre ĩnaroana. ĩre ĩnacōari, Diore yirūcubūoriavijū ñagūre ĩre vejabudiasujarā ĩna, ĩre sĳaroana. ĩre vejabudianane, ti vi sojere tubibe, yicoasujarā ĩna. ³¹ Pablōre sĳaroana ĩna yīñarirīmarone, romano masū surara ũjare queti ejayuju, jūnisinirā, masa ĩna avasāñase. ³² To bajiri, surarare jirēocōari ĩnare ũmato vasuju, Pablōre ĩna jañarōjare. ĩna vado ĩacōari, ĩre jatūjacōañujarā ĩna. ³³ Surara ũjū, ejacōari ĩre ĩñañuju. To yicōari, “Cōmemarine ĩre siaya”, yiyuju, ĩ surarare. To yicōari, “¿ĩnimū ĩnati ĩ? ¿No bajise rojose mūare yiri?”, ĩnare yisēñiñaju ĩ, Pablōre jūnisinirāre. ³⁴ To ĩ yisēñiasere ajicōari, jājarā ĩre ĩna cūdimavisiodōajare, “To bajiro rojose yiyumi”, yiajimasibeticōañuju surara ũjū. Tire ajimasibeticōari, “Mani ĩnarivijū ĩre āmicoaya”, yiyuju, ĩ surarare. ³⁵⁻³⁶ To bajiri Pablōre ĩnacōari, ĩna ĩnarivi mūjariajū tūjū ĩre āmiejayujarā. To ĩre ĩna āmiejagure “Pablōre sĳaña” yivasācōari, butobūsa ĩre jayujarā. To ĩna yijare, ĩre āmimūjasujarā, ĩna ĩnarivijū.

ĩre sĳararāre Pablo ĩ ñagōre queti

³⁷ ĩre ĩna āmisājaroadone,

—Mū rāca ñagōrūaja yū —surara ũjare ĩre yiyuju Pablo, griego oca rāca.

To ĩ yirone,

—¿Griego ocare ñagōmasiatique mū? ³⁸ “Egipto sitaju ĩnar'i, adi sitare ejacōari, ‘Gobierno ĩ rotiboasere cūdibeticōari, mani masune rotirāsa’ ĩnare ũmato yicōari, sĳarimasa cuatro mil ĩnarāre yucū manojū ĩnare ũmato var'i ñagūmi”, mūre yitūoīaboabū yū —Pablōre ĩre yiyuju surara ũjū.

³⁹ To ĩ yisere ajicōari, ado bajiro ĩre cūdiyuju Pablo:

—Jud'io masū ĩnaja yū, Cilicia sita ĩnarimaca Tarso vāme cuti macagu. To bajiri, ānoa yūre jūnisinirā rāca ñagōrūaja yū —ĩre yiyuju Pablo.

⁴⁰ To ĩ yijare, ĩre ñagōrotiyuju surara ũjū. To cōrone Pablōjūa, mūjariarōjare rūgōcōari, ĩ āmone ĩnumōñuju, “Ñagōbesa mūa” yigū. To ĩ yirone, ñagōtūjacoa būsayujarā. To bajiri, hebreo oca rāca ado bajiro ĩnare ñagōñuju Pablo:

22

¹ —Yū yarā, to yicōari, yū jacūare bajiro bajirā yūre ajiya: “Rojose yibesumi” yūre mūa yimasirotire yigū mūare gotigūagu yaja yū —ĩnare yiyuju Pablo.

² ĩna oca rāca ĩnare ĩ ñagōjare, ĩre ajirūarā, ĩna jedirone ñagōbeti jedicōañujarā. To ĩna bajiro ĩnacōari, ado bajiro ĩnare gotiyuju ĩ:

ĩ 21:26 Lucas, ĩna rāca vabetirī ĩnari, “yiyujarā”, yūcayumi.

³—Jud'io masu ñaja yu quēne. Cilicia sita ñarimaca Tarso vāme cuti macaju ruyuar'i ñaja yu. Toju ruyuar'i ñaboarine, ado Jerusalénju bñcñacaju yu. To bajicōari, Moisés ñamasir'ire Dios i roticūmasirere quēnaro yure buecami Gamaliel. To bajiri, quēnaro masicaju. Tire masigū ñari, “Dios i bojase rīne yirā yaja” mu yituoīarore bajiro yituoīagū ñacaju yu quēne. ⁴ To bajiro tuoīagū ñari, “Jesúre ajitirūnrā, Dios i rotimasirere rñcñobeama” yituoīacōari, ado bajiro rojose ñare yicaju yu: Ūmuare, rōmiare quēne ñare ñejecōari, tubiberiavirijū ñare tubibecūrūgūcaju yu. To yicōari, ñare sīarotirūgūcaju yu. ⁵ Socu me yaja yu. Paia ujū ñamasugū, to yicōari i rāca rējarūgūrā quēne, tire ñacana ñari, yu bajicatire masiama. “Damasco vāme cuti macana, mani yarā, tojūre mure yirēmoato ña” yirā, yure ucabosacōari, ĩsicama ña. To bajiri, Jesúre ajitirūnrāre macagñacu, Damasco macajure vaboacaju yu, “Ñare ñejecōari, Jerusalénju yu juaejorāre rojose ña yise vaja rojose ñare yato” yigñu.

*“Rojose yicacu ñaboarine, Jesúre ajitirūnrācaju yu”, Pablo i yire queti
(Hch 9.1-19; 26.12-18)*

⁶ Ūmñrecaji muiju i tñsato Damascore yu cōñatone, ñaro tñsarone vecaju bñto caje mose busurujiadicaju ti. ⁷ Yure ti busurocaturone, quedicocacaju yu. Yu quediocacūatone, ado bajiro ocaruyucaju ti: “Saulo, Saulo, ¿no yigñu rojose yure yisñyarūgūati mu?”, yi ocaruyucaju ti. ⁸ To bajiro ti yirone, “¿Ñimū ūgū ñacōari, to bajise yure yati mu?”, ĩre yicaju yu. To yu yirone, “Yñe ñaja, Jesús, Nazaret macagñu, rojose mu yirūgūgñe”, yure yi ocaruyucami. ⁹ Yu rāca vacana quēne, bususere ñacama. To bajiboarine Jesús yure i ñagōsere ajibeticama ña. ¹⁰ To bajiro yure i yisere ajicōari, “Yu ujū, ¿no bajiro yigñati yu?”, ĩre yisēñiacaju yu. To yu yirone, “Damascuju vasa mu. To mu ejaro, ‘Ado bajiro yiya’ mure yirñarāma”, yure yi ocaruyucami. ¹¹ Yu caje ĩamasibeticaju. To yu bajijare, yu babarā Damascuju vana yure tña vacama ña.

¹² Ti macajure ñañumi Anan'ias vāme cutigñu. Moisés ñamasir'ire Dios i roticūmasirere quēnaro ajitirūnrāgū ñacami. “Quēnaro yigñu ñaami”, ĩre yicama jud'io masa jediro. ¹³ Yure ĩagū ejacōari, ado bajiro yure yicami: “Yu maigū, Saulo, tudīñaña mu quēna”, yure yicami. To yure i yirone, ĩacocacaju yu. ¹⁴ To yicōari, ado bajiro yure gotirūtuacami: “Mani ñicña ña rñcñuosñoadimasir'i Dios, mure beseyumi, ‘Rojose yibecñe, yu macñe ĩacōari, i ñagōsere ajiato’ yigñu, to yicōari, ‘Yu bojasere masigūjaro’ yigñu. ¹⁵ To bajiri Diore gotirētobosarimasu ñarñcñaja mu. Mu ajirere, mu ĩarere quēne, tire gotirñcñaja mu. ¹⁶ ¿No yigñu yumaniajari? Vñmñrñgñña. ‘Rojose yu yisere yure masirioya’ mani ujū Jesúre ĩre yiya. To yicōari, ‘ĩre ajitirūnrāgū ñaja’ yigñu, oco rāca bautizarotiya”, yure yicami Anan'ias.

¹⁷⁻¹⁸ Ti macaju yu ñacato bero, Jerusalénjūre tudiejacōari, Diore yirñcñubñoriavijū, Jesúre sēñigū sājacaju yu. ĩre yu sēñiñarone yure ruyuañocōari, ado bajiro yure yicami: “Divatone vasa. Yu bajisere adi macanare mu gotijama, mure ajibetirñarāma ña”, yure yicami. ¹⁹ To yure i yisere ajicōari, ado bajiro ĩre yicaju yu: “Yu ujū, tocārñca vine, Dios ocare ña buerivirire sājacōari, mure ajitirūnrāre ñejecōari, ñare bajarūgūcaju yu. To yicōari tubiberiavijū ñare tubiberūgūcaju yu. To yu yirūgūcana masirāma ña. ²⁰ Mure gotirētobosarimasure Estebanre ĩre sīaroana ña yññarone, ‘ĩre sīarocacōaña’ yicaju yu quēne. To yicōari, ña sudi joeayere ña vejecūsere ñare codebosacaju yu”, ĩre yicaju yu. ²¹ To bajiro ĩre yu yiboajaquēne, “Vasa mu. Sōju mure cōagñagñu yaja yu, jud'io masa me ña ñarorijū”, yure yicami yu ujū —jud'io masare ñare yigñiyuju Pablo.

Surara ujū Pablöre i sēñiñare queti

²² To cōro i gotitñsatone, “ ‘Jud'io masa me ñarā tñju vasa mu’ yure yicami yu ujū Jesús’ i yisere ajiterā ñari, bñto avasātud'icōañujarā ña:

—Catitegñu yami. ĩre sīarocacōaña —yivasññujarā ña.

²³ To bajiro yiñarãne, bũto jũnisinirã ñari, ñna sudi joeayere vejecõari, ñ cutojũare reacõañujarã ñna. To yicõari, sitane mareayujarã ñna. ²⁴ To ñna yijare, surara ʋjũjũa ado bajiro yiyuju, ñ surarare:

—Ñre ãmisãjacõari, ñre bajeya mũa. Ñre bajecõari, “¿No bajiro mũ yijare, mũre avasãjũnisiniati ñna?”, ñre yisẽniãña mũa —ñnare yiyuju.

²⁵ Ñre siatucõari, ñre ñna bajeroadone, to rũgõgũre, surara ʋjũre rotibosarimasũre ado bajiro ñre yiyuju Pablo:

—Rojose ʋ yirere ñacõĩabetiboarine, ʋre mũa bajejama, ¿quẽnacõarojari ti, Roma macagũ ʋ ñaboajaquẽne? —Ñre yiyuju Pablo.

²⁶ To bajiro ñ yisere ajicõari, ñ ʋjũre gotigũ vasuju:

—“Roma macagũ ñaja”, ʋre yimi. ¿No bajiro ñre yigũti mũ? —Ñre yiyuju.

²⁷ To bajiro ñ yisere ajicõari, Pablõre ñre sẽniãgũ vasuju surara ʋjũ:

—Yũre gotiya mũ: ¿Roma macagũ ñati mũ? —Ñre yisẽniãñuju ñ.

To ñ yisere ajicõari,

—Roma macagũne ñaja ʋ —Ñre yiyuju Pablo.

²⁸ To ñ yisere ajicõari, ado bajiro Pablõre ñre yiyuju:

—“ ‘Roma macagũ ñaami’ ʋre yĩato ñna” yigũ, jairo vaja yicajũ ʋma.

To ñ yirone, ado bajiro ñre yiyuju Pablo:

—Yũrema, ʋ jacũjũne, Roma macagũ ñacõañumi. To bajiri, Roma macagũ ñaja ʋ —Ñre yiyuju Pablo.

²⁹ To ñ yisere ajicõari, ñre bajerũaboariarã, bũto gũiyujarã. To bajiri ñre ʋrũgocoasujarã ñna. “Pablo, Roma macagũ ñaboajaquẽne, ‘Cõmemarine ñre siaya’ ñnare yibũ ʋ” yigũ ñari, bũto gũiyuju surara ʋjũ.

Jud'io masa ʋjarã rãca Pablo ñ ñagõre queti

³⁰ To bajiri gajerãmũ, “Pablõre ñre jojioya mũa”, ñnare yiyuju surara ʋjũ. To yicõari, paia ʋjarãre, jud'io masa ʋjarã ñaro cõro ñnare jirẽoñuju, “ ‘Ado bajise rojose yimi Pablo’ ʋre yigotiya mũa” ñnare yisẽniãra. To bajiri, ñna ejaro ñacõari, Pablõre ñre jiyuju, “Ñna rãca ñagõgũaya mũ” yigũ.

23

¹ To ñ yigũ ñari, ʋjarã rĩjorojũa rũgõcõari, ado bajiro ñnare gotiyuju Pablo:

—Yũre ajiya, ʋ yarã: Dios ñ bojase jediro yirũgũaja ʋ. To bajiro yigũ ñari, tũõĩarejaibecũne ñacõaja ʋ —ñnare yiyuju Pablo.

² To bajiro ñ yisere ajicõari, Anan'ias ʋãme cõtigu paia ʋjũ ñamasugũ, ñ tũ rũgõrãre, “Pablo risere jaya”, ñnare yiyuju. ³ To bajiro Anan'ias ñ yijare,

—Mũre jarũcũmi Dios. “Quẽnaro yigũ ñaja ʋ” yitũõĩaboarine, rojose yigũ ñaja mũ. “Moisẽs ñamasir'ire Dios ñ roticũmasirere cũdibecũ ñaami” ʋre yi ocasãrũaboarine, ʋre mũ jarotijama, tire cũdibecũ yaja mũ —Anan'iare ñre yiyuju Pablo.]

⁴ To ñ yisere ajicõari, ñ tũ ñarã ado bajiro Pablõre ñre yiyujarã:

—¿To bajise ñre yitud'iatu mũ, Dios ñ cũr'ire paia ʋjũ ñamasugũre? —Ñre yiyujarã ñna.

⁵ To ñna yijare, ado bajiro yiyuju Pablo:

—“Paia ʋjũ ñamasugũ ñagũmi”, yimasibeju ʋ. “Mũare ãmato ñagũre ñre tud'ibesa”, yigotiaja Dios oca masa ñna ucamasire —ñnare yiyuju Pablo.

⁶ Pablõre gotiyiroriarã, saduceo masa, to yicõari fariseo masa ñañujarã ñna. To bajiri, ñnare ñamasicõari, ado bajiro ñnare yiyuju Pablo:

—Yũ yarã, ʋre ajiya mũa. Fariseo masũ ñaja ʋ. Yũ ñicũa quẽne fariseo masa ñamasĩnũma ñna. “Masa bajireariarãre ñnare tudicatioũcũmi Dios” yigũ ʋ ñajare, ʋre gotiyirorã yaja mũa —ñnare yiyuju Pablo.

¶ 23:3 “Mũre jarũcũmi Dios” Pablo ñ yijama, “Rojose mũ yise vaja rojose mũre yirũcũmi Dios” yigũ yiyuju.

⁷ To ï yijare, fariseo masa, saduceo masa rãca gãmerã oca rëtoruayujarã ïna. To bajiro bajica yirã, gãmerã ajimasibesujarã. ⁸ Fariseo masama, ado bajiro tuoïarã ñañujarã ïna: “Bajireariarãre tudicationucami Dios. Ángel mesa, to yicõari, mani vatoa ïna ñaboajaquëne, ïabujayamana quëne ñarãma”, yituoïarã ñañujarã ïna. Saduceo masajuama, “Bajireariarãre tudicatiobetirucami Dios. Ángel mesa quëne manama. ‘Mani vatoare ïabujayamana ñarãma’, ïna yirã quëne, manama”, yirã ñañujarã ïna. ⁹ To bajica yirã, butobusa avasãñujarã ïna. Sïgãri fariseo masa, Dios ï rotimasire gotimasiorimasa ado bajiro yiyujarã ïna:

—“Ñie rojose yibetirimi”, yaja yuama. ïabujayamagũ, ïre ñagõrimi. ï yijama, ángeljua ïre ñagõrimi —yiyujarã ïna.

¹⁰ Butobusa ïna avasãjare, “Ïre sïaroma” yigũ, “Mani ya vijũ ïre ãmicoasa mũa”, ïnare yiyuju surara uju.

¹¹ To ï yijare, ïre ãmivacõari, ïre tubibeyujarã ïna quëna. To ïna yiro bero, ñamijũ Pablore ïre ruyuañoñuju mani uju. ïre ruyuañoõari, ado bajiro ïre yiyuju:

—Tuoïagũibesa mũa. Ado Jerusalénjare yũre mũa gotibosarore bajirone Roma vãme cuti macajare quëne gotirucuja mũa —Pablore ïre yiyuju mani uju Jesús.

Pablore ïna sïarũaboare queti

¹² Gajerũmũ busurijũ, “Ado bajiro Pablore ïre sïaruarãja mani”, yiyujarã ïna sïgãri, jud'io masa. “Pablore ïre mani sïaroto rïjoro bare babeti, idibeti, bajiruarãja mani. To bajiro mani yibetijama, rojose manire yato Dios”, yiyujarã ïna. ¹³ Cuarenta rëtoro ñarirãcũ ñañujarã ïna, “Pablore ïre sïarãsa mani” yiriarã. ¹⁴ To bajiro yicõari, paia ujarãre, Dios ï rotimasire gotimasiorimasare quëne ïnare gotirã ejayujarã ïna:

—“Pablore ïre mani sïaroto rïjoro bare babetiruarãja mani. ïre sïamenane mani bare bajama, rojose manire yato Dios”, yibũ yua. ¹⁵ To bajiri paia ujarã, to yicõari masa ujarã quëne, surara ujure ado bajiro ïre yiucacõaña mũa: “Yua tũju Pablore ïre cõaña. ïre ajiquënorooana yaja yua”, ïre yiucatoya mũa. Adore ï ejabetone ïre sïacõaruarãja yua —ïnare yiyujarã ïna.

¹⁶ To bajiro ïna yisere ajiyuju Pablo bedeo macũ. Tire ajicõari, surara ya vijũ vasuju, Pablore ïre gotigũacũ. ¹⁷ Tire ï gotijare, surara ujure rotibosagare ïre jiyuju Pablo. ï ejaro ïacõari, ado bajiro ïre yiyuju:

—Ñire jiasa mũa. Ujure ïre ñagõruami —ïre yiyuju Pablo.

¹⁸ To ï yijare, uju tũju ïre jiasuju. To ejacõari, ado bajiro ïre yiyuju:

—Pablo, yũ tubibecũmasigũ yũre jicõari, “Ñire mũa uju tũju ïre jiasa. ï rãca ñagõruami”, yũre yimi. To bajiri ïre jiabũ yũ —ïre yiyuju.

¹⁹ To ï yirone, gajerobusa ïre tũaacõari, ïre sëniñañuju ï:

—¿Ñiere yũre ñagõruati mũa? —ïre yiyuju surara uju.

²⁰ To ï yirone, ado bajiro ïre yiyuju:

—Jud'io masa, sïgũre bajiro tuoïacõari, busiyũ, “Yua tũju Pablore ïre cõaña. ïre ajiquënorooana yaja yua’ ïre yiucatoya”, yima, ïna ujarãre. ²¹ To bajiri ïnare ajibeja mũa. Cuarenta rëtoro ñarirãcũ ñama ïna, Pablore queacõari ïre sïarona. “Ïre mani sïaroto rïjoro bare babeti, idibeti, bajiruarãja mani. To bajiro mani yibetijama, rojose manire yato Dios”, yïnama ïna. To bajiri ïnare mũa cãdirotire yurã yirãma —surara ujure ïre yigotiyuju Pablo bedeo macũ.

²² To ï yisere ajicõari,

—Vasa. Yũre mũa gotisere gãjerãre ïnare gotibeja —ïre yiyuju surara uju.

Surara uju, Félix tũju, Pablore ï cõare queti

²³ To yicõari, juarã ïre rotibosarãre ïnare jicõari, ado bajiro ïnare yiyuju ï:

—Yucu ñami nueve ñaro, Cesarea vāme cūti macaju Pablōre ũmato vana yirāja m̄ua. Adocārācū ñnare jirēoña, m̄ua rāca varona: Doscientos ñarirācū ḡubone varona, setenta ñarirācū caballo joe varona, to yicōari, doscientos ñarirācū reare besu c̄uocōari varonare ñnare jirēoña m̄ua. ²⁴ To yicōari, caballo, Pablo ĩ jesavaroc̄are quēne quēnoyuya. Sīacobec̄une, Ūju Félix t̄uju Pablo ĩ ejasere bojaja yu —ñnare yiyuju ĩre rotibosarāre, surara uju.

²⁵ To bajiro yigajanocōari, Ūju Félixre ado bajiro ĩre ucayuju ĩ:

²⁶ “¿Félix, yu r̄uc̄ub̄oḡu, tone ñaboati m̄u? M̄ure quēnaroticōaja yu. Yu ñaja Claudio Lisias vāme c̄utiḡu, surara uju. ²⁷ Jud'io masa, ānire ñiacōari, ĩre sīar̄uayuma ĩna. ĩre ĩna sīaroadone, ‘Roma macagu ñaami’ yire quetire ajicōari, yu surara rāca matamasim̄u yu. ²⁸ ‘¿No bajise rojose yiri?’ ñnare yisēñiar̄u, jud'io masa ujarā t̄uju ĩre āmiamasim̄u yu. ²⁹ To yu ejaro ĩacōari, ĩna ñic̄ua ĩna yir̄uḡurere, ĩ yibetirere yure gotimasima ĩna. Tire ajicōari, ‘Ñie rojose yibesumi. To bajiri, ĩre tubibecūña manoja ti. To yicōari, ĩre sīañna manoja’ yiajimasim̄u yu. ³⁰ ĩre ĩna sīar̄uasere ajiḡu ñari, m̄u t̄uju ĩre cōaja yu. To yicōari, ‘Rojose yimi’ ĩre yī ocasārāre quēne, ‘Ūju Félix t̄uju vasa m̄ua’ ñnare yir̄uc̄uja, ‘Ado bajise rojose yimi’ m̄ure yigotiato ĩna’ yiḡu”, ĩre yīucacōañuju surara uju, Ūju Félixre.

³¹ To bajiro ĩ yiriarā ñari, ñamine Pablōre ĩre ũmato vacōari, Ant'ipatris vāme cūti macajure ejayujarā ĩna. ³² ĩna va ñami cūtibusuoriar̄um̄une, tudicoayujarā ĩna, caballo joe vabetiriarāma. Caballo joeju vana rīne, Pablo rāca vasujarā ĩna. ³³ Cesarea macaju ejacōari, ĩna uju ĩ ucacōariajūrore Ūju Félixre ĩre ĩsiñujarā ĩna. To yicōari Pablōre quēne ĩ t̄uju ĩre cūñujarā. ³⁴ ĩ ucarere ĩacōari, “¿Noagu ñati ĩ?”, ñnare yisēñiñañuju Félix. To ĩ yirone, “Cilicia sitagu ñaami”, ĩre yic̄diyujarā ĩna. ³⁵ To ĩna yisere ajicōari, Pablōj̄ure ado bajiro ĩre yiyuju:

—“Rojose yimasimi” m̄ure yī ocasārā ĩna ejaroju yure m̄u gotisere ajir̄uc̄uja yu —ĩre yiyuju Ūju Félix.

To yicōari, Ūju Herodes ñamasir'i ya vijū ĩre cūcōari, ĩ surarare ĩacoderotiyuju.

24

“Rojose yibeticaju yu”, Pablo, Ūju Félixre ĩ yire queti

¹ Cojomocārācar̄um̄u bero ejayujarā jud'io masa. Paia uju ñamasuḡu Anan'ias vāme c̄utiḡu, Tértulo vāme c̄utiḡu, to yicōari buc̄urā quēne ñañujarā ĩna, Pablōre, “Ado bajiro rojose yimasimi” ĩre yī ocasārā ejarā. Tértulo ñañuju ĩnare ñagōbosagu, romano masa ĩna rotisere masiḡu. To ĩna ejaro bero, Pablōre ĩre jicōañuju Ūju Félix. ² Pablo ĩ s̄ajaejarone, Félixre “Ado bajiro rojose yimi Pablo” yiguagu, ado bajiro ĩre gotiyuju Tértulo:

—Adi sitanare quēnaro yure coderūḡūaja m̄u. Quēnaro rotiḡu m̄u ñajare, quēnaro ñarūḡūaja yu. “Ado bajiroj̄ua ĩnare yu rotijama, quēnar̄aroja” yit̄uōiacōari yure rotirūḡūaja m̄u. To bajiri, r̄ijoro rotiriarā rētoro quēnaro rotimasiaja m̄u. ³ Adi sitanare quēnaro m̄u rotisere t̄uōiacōari, “Quēnamasucōaja”, m̄ure yivariquēnarūḡūaja yu. ⁴ Gajeye jairo ñaboaja, m̄ure yu gotir̄uase. Moare jaib̄usaḡuja m̄u. To bajiboarine gaje vāme m̄ure gotir̄uaja yu. Tire ajiya m̄u maji. ⁵ Āni Pablo vāme c̄utiḡu, yu jud'io masa jedirore buto gotimavisiodirūḡūami. To bajiro ĩ yijare, quēnaro ñamasibeaja yu. To bajiri, nazareno masare socase yirāre ĩnare ũmato ñaḡu ñaami. Tire masiaja yu. ⁶⁻⁷ Diore yir̄uc̄ub̄oriavire r̄uc̄ub̄obec̄u, s̄ajamasin̄umi. To bajiro ĩ bajire ñajare, ĩre ñiamasim̄u yu, yure rotise ti yirore bajirone rojose yir̄uarā. To yu yiroadone, surara uju Lisias vāme c̄utiḡu ĩ surara rāca ejacōari, yure ēmacoamasimi. To yicōari, “Ūju Félix t̄uju vacōari, oca quēnor̄uarāja m̄ua”, yure yimasimi. To bajiri, bajibu yu. ⁸ To bajiri m̄u masu, ĩre sēñiñacōari, “Socarā mene yiyuma ĩna. Rojose yiḡu ñaami”, yimasir̄uc̄uja m̄u —Ūju Félixre ĩre yiyuju Tértulo.

⁹ Īre ĩ gotigajanorone, “Soc̃a me yami. To bajirone bajimasim̃a”, ĩre yigotirẽmoñujarã jud'io masa, Tértulo rãcana. ¹⁰ To ĩna yiro bero, Pablojũare ĩre ñagõrotiyuju Félix. To ĩ yijare, ado bajiro ĩre gotiyuju Pablo:

—“Cojo cãma me jud'io masa yũa yisere quẽnaro riojo ĩacõiarũgũami. To bajiri yũ yisere quẽne quẽnaro riojo ĩacõiarũcũami” mũre yitũoĩamasigũ ñari, variquẽnase rãca mũre gotiaja yũ. ¹¹ Jerusalénjũre Diore yirũcũbũogũ, ejamasim̃a yũ. Yũ ejamasiro bero, jũaãmo cõro, gũbo jũa jẽnituarirũmũri ñatũsajũ. Tire gãjerãre mũ sẽnĩlajama, yũ gotirore bajirone mũre gotirãma ĩna quẽne. ¹² Rojose yũ yibetiboajaquẽne, ãnoa socarãne yũre gotiyiroama. Diore yirũcũbũoriavijũre gãjerã rãca gãmerã oca josabetimasim̃a yũ. Dios ocare bueriavirijũre, to yicõari ti maca tũri ñarãre quẽne ĩnare gotimavisiobetimasim̃a yũ. ¹³ Rojose yũ yiro cõro, “Rojose yimasimi”, mũre yigotimasimenama ĩna. ¹⁴ Ado bajirojũa bajigũ ñaja yũ. Jesús vãme cutigũre ajitirũnũgũ ñaja yũ. Yũa ñicũa ĩna rũcũbũomasir'ire Diore ĩre rũcũbũogũ ñaja yũ. “Socasere ajitirũnũgũ ñaami” yũre ĩna yijama, Jesũre yũ ajitirũnũjare, yama. To bajiro ĩna yiboajaquẽne, yũa ñicũre Moisés ñamasir'ire Dios ĩ roticũmasire jediro, to yicõari, Diore gotirẽtobosariarã ĩna ucamasirere quẽne ajitirũnũgũ ñaja yũ. ¹⁵ “Cojorũmũ masa bajireariarãre rojose yiriarãre, quẽnase yiriarãre quẽne ĩnare catorũcũami Dios” ĩna yitũoĩayurore bajirone tũoĩaja yũ quẽne. ¹⁶ To bajiro tũoĩagũ ñari, yũ yimasiro cõro quẽnasere yirũgũaja yũ, Dios quẽne, masa quẽne, “ ‘Rojose yigũ ñaami’ yũre yiroama” yigũ.

¹⁷ Cojo cãma me gajerori ñacudiboacũ, Jerusalénjũre ejamasim̃a yũ, yũ yarã sigũri maioro bajirãre ĩnare gãjoa ĩsigũ. To yicõari, Diore rũcũbũogũ ñari, paiare vaibũcurã sĩaroticõari, ĩnare soemũorotigũ bajimasim̃a yũ. ¹⁸⁻¹⁹ “Tire yirũcũja” yicõari yũ yibetirere, Diore yirũcũbũoriavijũ ñacõari, “Yũre masirioya” Diore yũ yigajanorone, yũre ĩamasima jud'io masa, Asia sita vadiriarã. Jãjarã masa rãca ñacõari, rujajine yicudigũ me bajimasim̃a yũ. Tire yũ yibetiboajaquẽne, yũre jũnisinirã ñari, ñiamasima ĩna. ĩna masune adojũre vadicõari, rojose yũ yirere mũre gotirã ejarona ñaama ĩna. ²⁰ ĩna ejabetijama, ado ñarã, jud'io masa ãjarã rĩjorojũa ejacõari, “Ado bajise rojose yimi” yũre yĩ ocasãmasirã, rojose yũ yirere mũre gotirona ñaama ĩna. ²¹ ĩna rĩjorojũa ñacõari, ado bajiro ĩnare gotimasim̃a yũ: “ ‘Masa bajireariarãre ĩnare tudicationũcũami Dios’ yigũ yũ ñajare, yũre gotiyirorã yaja mũa”, ĩnare yimasim̃a yũ —Ujũ Félixre ĩre yigotiyuju Pablo.

²² To ĩ yisere ajicõari, Jesũre ajitirũnũrã ĩna bajisere quẽnaro masigũ ñari, ado bajiro ĩnare gotiyuju Ujũ Félix:

—Jẽre ajicõaja yũ. Surara ãjũ Lisias ĩ ejarojũ, Pablore yũ yirotire mũare gotirũcũja — ĩnare yiyuju ĩ Ujũ Félix.

²³ To bajiro ĩnare yigotigajanocõari, surara ãjũre, “Ado bajiro ĩre codeba mũa”, yiyuju Félix:

—Tubiberiavi ñacõari, ĩ vacudijama, ĩ ĩacudijaquẽne, “Vabesa”, ĩre yibeja. ĩ babarã ĩre ĩarã ĩna ejajama, ĩre yirẽmorã ejajaquẽne, “¿No yirã bajiatĩ?”, ĩnare yibeja —ĩre yĩ vacoasuju Félix.

²⁴ To ĩ yivariaro bero, yoatojũ tudiejayuju ĩ quẽna, ĩ manajo Drusila vãme cutigo rãca. Jud'io maso ñañuju so. Ejacõari, Pablore ĩre jirotiyuju ĩ. ĩ ejaro ĩacõari,

—Jesucristore ajitirũnũrere yũare gotiya —Pablore ĩre yiyujarã ĩna.

²⁵ —Dios quẽnase rĩne manire yirotiãmi. Rojose yirũaboarine, “Rojose yibetirũarãja” mani yitũoĩasere bojaami Dios. Gajerũmũ masa rojose ĩna yisere ĩ ĩabeserirũmũ ejarũaroja —ĩnare yigotiyuju.

Tire ajicõacõari,

—Jẽre ajicõaja yũa. Quẽna gajerũmũ yũ moare manirũmũ mũre jirũcũja. To cõrojũ mũ gotisere ajirẽmorũcũja —ĩre yiyuju Félix.

²⁶ Tijũ bero, cojoi me Pablore ĩre jirũgũñuju Félix. Jesús ocare ĩ gotimasiose rĩne, ajirũ me ĩre jirũgũñuju ĩ. “Yũre mũ bucõajama, gãjoa mũre ĩsirũcũja” ĩ yisere ajirũne, ĩre jicõarũgũñuju. ²⁷ To bajiro ĩ yĩnarõ rĩne jũa cãma rẽtocoasuju ti. “Jud'io masa yũre

jūnisiniroma” yigū, Pablore ĩre bubesuju ĩ. Jua cūma bero, uju ĩ űaboasere budicoasuju Félix. To bajiri, Porcio Festo vāme cutigūja uju sājāñuju.

25

Uju Festo rāca Pablo ĩ űagōre queti

¹ Cesarea macaju uju ĩ sājariaro bero, idiarūmu űacōari, Jerusalén macajūare vasuju Festo. ²⁻³ Toju ĩ ejaro ĩacōari, paia ujarā, gājerā jud'io masa űamasurā quēne,

—Rojose yicami Pablo —Festore ĩre yi ocasāñujarā ĩna. To yicōari, —Pablore yūare mu jiroticōabosajama, quēnarūaroja —Uju Festore ĩre yisēniñujarā ĩna. To bajiro ĩna yijama, “Maa ĩ vadojūne Pablore ĩre sīacoarāsa manī” yirā, yiboayujarā ĩna.

⁴ To bajiro ĩre ĩna yiboajaquēne, ado bajiro ĩnare yiyuju Festo:

—Cesarea macajūne ĩre codecōa űarūarāma ĩna. To bajiri, yoaro mene tojūre tudiarūcūja yū quēna. ⁵ To yū bajirone, mūa rācana sīgūri yū rāca tojūre vaejacōari, rojose Pablo ĩ yirere yūre gotirūarāma ĩna —ĩnare yicūdiyuju Festo.

⁶ To bajiro ĩnare ĩ yiro bero, Jerusalénjūre jūāāmocārācarūmu cōro űacōari, Cesarea macajūre tudiasuju Festo. ĩ ejabusuorirūmūne oca ĩna űagōquēnorijūju rujicōari, Pablore ĩre jicōañuju ĩ. ⁷ Pablo ĩ sājajaro ĩacōari, “Cojo vāme me rojose yicami”, Festore ĩre yigotiyujarā ĩna, jud'io masa, Jerusalénjū vadiriārā. “Rojose yicami” yicōarā űaboarine, “Ado bajise rojose yicami”, yimasibesujarā ĩna. ⁸ To ĩna yiro bero, “ ‘Rojose yibesumi’ yūre yato” yigū, ado bajiro yiyuju Pablo:

—űie rojose yibeticajū yū. Jud'io masa ĩna rotisere, to yicōari, Uju César ĩ rotisere quēne cūdirūgūcāju yū. To yicōari, Diore yirūcūbūoriavire quēne, rūcūbūorūgūcāju yū —yiyuju Pablo.

⁹ To ĩ yirone, “Jud'io masa yūre tud'iroma” yigū, ado bajiro Pablore ĩre sēniñañuju Festo: —ĴJerusalénjū ejacōari, rojose mu yirere mūre yū sēniñajama, quēnati? —ĩre yisēniñaboayuju.

¹⁰ To ĩ yiboajaquēne, ado bajiro ĩre yiyuju Pablo:

—Bajibeaja. No yigū vabecūja. Uju César “Masa rojose ĩna yisere ĩacōāña” ĩ yiriavine űaja yū. To bajiri adone yūre sēniñacōaroti űaja. Yū yarā jud'io masare rojose ĩnare yibeticajū yū. Tire quēnaro masiaja mu. ¹¹ Rojose yū yire sūori ĩnare mu sīarotijama, “Yūre sīabesa”, yibecūja yū. To bajiri, socarāne “Rojose yicami” yūre ĩna yi ocasājare, “ĩre sīaña” yigū, yūre ĩsirocagū magūmi. “Rojose yiyujari yū” yigū, Roma macagū, Uju César ĩre ĩacōiarotirūcūja yū —ĩre yicūdiyuju Pablo.

¹² To bajiro Pablo ĩ yijare, ĩre űagōejarēmōrāre, “ĴNo bajiro yiroti űati ĩre?” ĩnare yisēniñacōari bero, ado bajiro yiyuju Festo:

—“ ‘ĴRojose yiyujari yū?’ yigū, Uju César ĩre ĩacōiarotirūcūja yū” mu yijare, ĩ tūju mūre cōarūcūja yū —Pablore ĩre yiyuju Festo.

Uju Agripa rāca Pablo ĩ űagōre queti

¹³ To ĩ yiriarūmūri bero, Uju Festore ĩagū ejayuju Uju Agripa, Berenice vāme cutigo rāca. ¹⁴ Cojorūmu me ĩ rāca űacōañujarā ĩna. To ĩna bajiñarone Pablo ĩ bajisere Agripare ĩre gotiyuju Festo:

—Sīgū űaami ado, Pablo vāme cutigū, Uju Félix ĩ tubiber'i. ¹⁵ Jerusalénjū yū űaro, “Rojose yicami”, yūre yigoticama būcūrā jud'io masa, paia ujarā quēne. “Rojose ĩ yicati vaja ĩre sīarotiya mu”, yūre yiboacama ĩna. ¹⁶ To bajiro yūre ĩna yiboajaquēne, “Yibeaja yū. Yūa, romano masama, rojose masa ĩna yirere ĩacōāmenane, sīarotire manicoadimasifūja. ‘Rojose yimi’ yigotiyirorā, to yicōari, rojose yir'i rāca ĩnare jirēocōari, sēniñare űacoadimasifūja”, ĩnare yicajū yū. ¹⁷ Adojūre ĩna rāca yū ejabusuocatirūmūne, Pablore ĩre jicōacajū yū.

¹⁸ “ĩre gotiyirorā, ‘Būto rojose masu yimasimi’ yūre yigotirūarāma ĩna”, yitūoĩaboacajū yū. ¹⁹ “Yūa rūcūbūosere rūcūbūobeami. “Rojose yigū yiyumi” yiajijamanirene goticōacama. ¹⁹ “Yūa rūcūbūosere rūcūbūobeami.

Jesús vāme cūtigū, rijacoaboarine tudicatiami quēna' yisocarūgūami Pablo". “Rojose yigū yimi' yirā vāja”, yirā, ti rīne yūre goticama. ²⁰ To bajiro ĩna yijare, “Rojose yiyumi”, yimasibeticajū yū. To bajiri, “¿Jerusalénjū ejacōari, rojose mū yirere mūre yū sēniājama, quēnati?”, ĩre yisēniāboacajū yū. ²¹ To yū yirone, ado bajiro yūre yicūdicami: “Rojose yiyujari yū' yigū, Ūjū Césare ĩre ĩacōārotirūcūja yū”, yūre yicami. To ĩ yijare, surarare ĩnare coderoticaajū yū, Ūjū César ĩ ĩnarojūre ĩre cōarū —Agripare ĩre yigotiyuju Festo.

²² To ĩ yisere ajicōari,

—Yū quēne, ĩ gotisere ajirūaja yū —Festore ĩre yiyuju Agripa.

To ĩ yijare, —Busiyū ajirūcūja mū, ĩ gotisere —ĩre yiyuju Festo.

²³ To bajiri gajerāmū masa ĩna rējarivijū Pablōre ajigū ejayuju Agripa, Berenice rāca. “Manire ĩacōari, ‘Ńamasurā ĩnaama ĩna’ manire yato” yirā, rūcūbūoro ejayujarā ĩna. ĩna rācana, surara ũjarā, gājerā Cesarea macana ĩnamasurā quēne ejayujarā ĩna, Pablōre ajirā. ĩna ejaro bero, Pablōre ĩre jiyuju Festo. ²⁴ Pablo ĩ ejarone ado bajiro gotiyuju Festo:

—Ūjū Agripa, ado rējarā jediro, ĩaña mūa. Āni ĩnaami Pablo. Būto ĩre sīaruarūgūama jud'io masa. Jerusaléana, adi macana quēne, “ĩre sīacōaroti ĩnaja”, yivasāboacama ĩna. ²⁵ “Ńie rojose ĩ yire sūori ĩre sīaña manoja ti”, yicajū yū. To bajiro yū yiboajaquēne, “Rojose yiyujari yū' yigū, Ūjū Césare ĩre ĩacōārotirūcūja yū” yūre ĩ yijare, “Ūjū César ĩ ĩnarojū ĩre cōarūcūja”, yicajū yū. ²⁶⁻²⁷ To bajiro yitūoīaboarine, rojose ĩ yirere ucamasibeaja yū, mani ũjūre, Césare gotigu. Rojose ĩ yirere gotibecūne ĩre yū ucacōajama, tūoīamasibecūre bajiro yigū yigūja yū. Tire tūoīagū ĩnari, Pablōre ĩre jicōamū yū, mūa ajiro rījorojūa, “Ūjū Agripa ĩre sēniāto” yigū. ĩre sēniācōari, “Rojose yiyumi Pablo” mū yisere ajicōari, “Ūjū Césare ĩre ucacōarūcūja”, ĩre yibū yū —ĩnare yiyuju Festo.

26

¹ To bajiro Festo ĩ yisere ajicōari, ado bajiro Pablōre ĩre yiyuju ũjū Agripa:

—Mū yirūgūrere yūare gotiya —Pablōre ĩre yiyuju Agripa.

To ĩ yijare, ado bajiro ĩnare gotiyuju Pablo:

²⁻³ —Yū ũjū Agripa, mū ajiro rījoro gotigūagū ĩnari, variquēnase rāca gotigūagū yaja yū. Jud'io masa mani yisere quēnaro masiaja mū. Gāmerā ajimasibeticōari, yūa gāmerā oca rētorūgūsere quēne quēnaro masiaja mū. To bajiri jud'io masa, “Rojose yigū ĩnaami” ĩna yiboasere mū ajiro rījoro gotigūagū yaja yū. To bajiri quēnaro yū gotisere ajirūcūja mū —yiyuju Pablo, Agripare.

⁴ —Yū ya maca ĩnacōari, mamū ĩnagū yū bajiñarūgūcatire masirāma jud'io masa jediro. To bajicōari, Jerusalénjūre yū bajirūgūcatire quēne masirāma. ⁵ Yūre masirā ĩnari, “Fariseo masū ĩnacami”, mūre yigotirāma ĩna, ĩnare mū sēniājama. Fariseo masama, Dios manire ĩ rotimasirere būto ajirūcūbūorā ĩnaama. ⁶ “Bajireariarāre ĩnare tudicatorūcūja yū”, yigotimasiñumi Dios, mani ĩncūare. To ĩ yire ti ĩnare, “To bajirone yirūcūmi” yitūoīagū yū ĩnare, “Rojose yigū ĩnaami”, yūre yī ocasācama. ⁷ Tire yū yitūoīarore bajirone tūoīaama jud'io masa, jūaāmo cōro, gūbo jūa jēnituarirāca jūnari ĩnarā jedirone. Tire tūoīarā, ĩnari ũmūari, ĩnamirire quēne būto Diore ĩre yirūcūbūorūgūama ĩna. Tire tūoīagū yū ĩnare, “Rojose yigū ĩnaami”, yūre yī ocasācama jud'io masa. ⁸ ¿No yirā, “Bajireariarāre tudicatorūcūmi Dios”, yitūoīabeati mūa? —yiyuju Pablo.

“Jesūre ajitirūnūrāre rojose ĩnare yirūgūcūja yū”, Pablo ĩ yire queti

⁹ Quēna ado bajiro gotiyuju Pablo:

—“Nazaret macagū Jesús vāme cūtigū yere ĩna ajitirūnūse vaja, cojo vāme me rojose ĩnare yirūcūja yū”, yitūoīarūgūcūja yū. ¹⁰ To bajiro yigū ĩnari, Jerusalénjūre ĩnacōari, rojose ĩnare yirūgūcūja yū. “Jesús yere ajitirūnūrāre ĩnare tubibeya mū” paia ũjarā yūre ĩna yijare, jājarā Jesūre ajitirūnūrāre ĩnare tubiberūgūcūja yū. To yicōari, “ĩnare sīacōato mani” ũjarā ĩna yijama, “To bajirone bojaja”, yirūgūcūja yū quēne. ¹¹ Cojōji me Dios ocare bueriavirijū

sãjaejacõari, “ ‘Rotim̃orũgõr̃uc̃ami” yig̃u, Dios ï cõar'i me ñarimi Jesús' yiya m̃aa” yig̃u, ñare b̃uto rojose yicudirũgũcaj̃u ỹu. B̃uto ñare ñateg̃u ñari, gãjerã masa ña ñarimacarij̃ure ña rudicoaboajaquẽne, rojose ñare yir̃u, ñare s̃ỹarũgũcaj̃u.

“Jesúre ajitir̃uñuocaj̃u ỹu”, Pablo ï yire queti
(Hch 9.1-19; 22.6-16)

¹² Jesúre ajitir̃uñur̃are rojose ñare yig̃u ỹu ñajare, “Damasco ṽame c̃uti macaj̃u vasa” paia ujarã ỹure ña yijare, ỹu babarã r̃ãca vacaj̃u ỹu. ¹³ To ỹua bajivato, ãm̃urecaji ñaro, ãm̃uagu muiju ï bususe r̃ëtoro b̃uto caje mose busucaj̃u ti. ¹⁴ To bajiro ti bajijare, quedicocaj̃u ỹua. Ỹua quediocacũatone, hebreo oca r̃ãca ado bajiro yi ocaruyucaj̃u ti: “Saulo, Saulo, ¿no yig̃u rojose ỹure yis̃ỹarũgũati m̃u? To bajiro m̃u yijama, m̃u masune rojose yig̃u yaja m̃u”, ỹure yi ocaruyucaj̃u ti. ¹⁵ To bajiro ti yirone, “¿Ñim̃u ãgũ ñacõari, to bajise ỹure yati m̃u?”, ñe yicaj̃u ỹu. To ỹu yirone, “Ỹune ñaja, Jesús, rojose m̃u yis̃ỹarũgũgãne”, ỹure yi ocaruyucami. ¹⁶ To yig̃une, “Ṽãm̃ur̃ũgũña m̃u. ‘Ỹure gotibosar̃uc̃ami’ yig̃u, m̃ure ruyuaõoja ỹu. To bajiri, ỹu bajicatire, to yicõari yuc̃aca m̃u ñasere, bero m̃ure ỹu ỹiõrotire quẽne masare gotimasioducir̃uc̃aja m̃u. ¹⁷ M̃u yarã jud'io masa, to yicõari jud'io masa me ñarã quẽne, rojose m̃ure ña yirotere m̃ure yir̃ëtobosar̃uc̃aja ỹu. ¹⁸ ‘Ṽãtia uju ï bojasere yit̃ujacõari, Dios ï bojasej̃ure yirã ñaruarãma ña’ yig̃u, ỹu bajicatire m̃ure gotimasioroticõagũ yaja ỹu. M̃u gotimasiosere ajitir̃uñur̃ã ñari, rojose ña yisere masirio ecocõari, Dios yarã ñaruarãma ña quẽne”, ỹure yicami Jesús —ñe yiyuju Pablo, Agripare.

“Jesús ruyuaõocõari, ỹure ï yiroticatire bajirone c̃udicaj̃u ỹu”, Pablo ï yire queti

¹⁹ —To bajiri, ỹure ruyuaõocõari, ï yiroticatire bajirone c̃udicaj̃u ỹu. ²⁰ Damasco ṽame c̃uti macanare ñare gotimasios̃uc̃aj̃u ỹu. Bero, Jerusalén macanare, Judea sitanare, to yicõari jud'io masa me ñarãre quẽne ñare gotimasioducir̃ũgũcaj̃u ỹu. “Rojose ỹua yisere yit̃ujacõari, ‘Dios ï bojasej̃ure yiruarãja ỹua’ yigoticõari, quẽnasej̃ure yirũgũña m̃u”, ñare yigotirũgũcaj̃u ỹu. ²¹ To bajiro ỹu yijare, Diore yir̃uc̃ub̃oriavij̃u ỹu ñaro ỹure ñiacõari, ỹure s̃iar̃uaboacama ña, jud'io masa. ²²⁻²³ To bajiro ỹure ña yir̃uaboajaquẽne, quẽnaro ỹure ejarẽmocami Dios. Ỹure ï ejarẽmose ñajare, ñamasurã, ñamasumenare quẽne, m̃ure gotimasiodõa ñarũgũaja ỹu. Moisés ñamasir'i, to yicõari Diore gotir̃ëtobosamasiriarã quẽne, “Ado bajiro bajir̃uaroja”, yucamasif̃uma: “ ‘Rotim̃orũgõr̃uc̃ami’ yig̃u, Dios ï cõagũ, rijacoaboarine, quẽna tudicatis̃oroc̃u ñar̃uc̃ami. To bajiro ï bajiroti ñajare, Diorãca quẽnaro ñacõari, ï catisere ñisecoaruarãma, jud'io masa, jud'io masa me ñarã quẽne”, yucamasif̃uma. “ ‘Bajir̃uaroja’ ña yucariarore bajirone bajiaja”, m̃ure yigotirũgũaja —ñare yigotiyuju Pablo.

“Jesúre ajitir̃uñuato” yig̃u, Pablo Agripare ï gotimasiore queti

²⁴ To bajiro Pablo ï yigotiñarone, ado bajiro yivasãñuju Festo:
—To bajiro yimec̃ucõagũ yaja m̃u. Jairo bueri ñari, no bojasene t̃uõiacõari, goticõaja m̃u —Pablore ñe yivasãñuju Festo.

²⁵ To bajiro ï yijare, ado bajiro yiyuju Pablo, Festore:

—Yimec̃ugũ me yaja ỹu. M̃ure ỹu gotise socase me ñaja ti. Tire quẽnaro ajicõari, “To bajirone bajiroja”, yimasiroti ñaja. ²⁶ Jesús ï bajirere ỹu gotise yayioroju gotire me ñaja. Masa ña ñaro bajire ñaja ti. To bajiro bajire ti ñajare, masare ỹu gotimasioducir̃uc̃aja masig̃ami Uju Agripa. To bajiri, güibec̃une ñajediro ñe gotiaja ỹu —Festore ñe yiyuju Pablo.

²⁷ To yicõari, Agripaj̃ure ado bajiro yiyuju Pablo:

—Diore gotir̃ëtobosariarã ña ucamasirere m̃u ajir̃uc̃ub̃osere masiaja ỹu —ñe yiyuju Pablo.

²⁸ To bajiro ñe ï yisere ajicõari, ado bajiro yiyuju Agripa:

—“To cõro ñe ỹu gotirone t̃uõiavasoacõari, Jesúre ñe ajitir̃uñucoar̃uc̃ami”, ¿ỹure yit̃uõiacõati m̃u? —ñe yiyuju Agripa.

²⁹ To ï yisere ajicõari, ado bajiro yiyuju Pablo:

—Yoaro meaca mure yu gotiboajaquene, “Jesure yu ajitirunare bajiro ire ajitirunato i” yigu, Diore mure senibosaja yu. To yicōari, mua jedirore Jesure mua ajitirunotire bojaja yu. To bajiboarine Jesure mua ajitirunase sūori yare bajiro mua tubibe ecosere bojabeaja yu —yiyuju Pablo.

³⁰ To i yisere ajicōari, Agripa, Festo, Berenice, to yicōari Pablore ire ajiñariarā jediro, vūmūgū budicoasujarā ina. ³¹ Budianane, ado bajise gāmerā yiyujarā ina:

—Ñie rojose yibesumi. To bajiri, ire tubibecūre, ire sīare quene mañuja ti —gāmerā yiyujarā ina.

³² To yicōari, ado bajiro yiyuju Agripa, Festore:

—“ ‘¿Rojose yiyujari yu?’ yigu, Ūju Césare ire ĩacōiarotirucija yu” Pablo i yibetijama, ire bucōaroti ñaboayuja —Festore ire yiyuju Agripa.

27

Roma vāme cūti macajure Pablore ire ina cōare queti

¹ “Pablore, gājerā tubibe ecoriarāre quene, Italia vāme cūti sitajure ĩnare cōato mani”, yicama ina. To yirā ñari, Julio vāme cūtigure,

—ĩnare ūmato vasa —ire yicama. Roma macana surarare Ūju César i beseriarāre rotigu ñacami Julio. ² Cūmua ñacaju Adramitio vāme cūti macana yaga. Asia sitajure varoado bajicaju tia. To bajiri tia rāca vacaju yu. Yu rāca ñacami Aristarco vāme cūtigū quene. Macedonia sita ñarimaca, Tesalónica vāme cūti macagu ñacami.^k ³ Gajerūmu Sidón vāme cūti macaju ejacaju yu. “Rojose tāmūoami Pablo” yīamaicōari, “Mu babarāre ĩnare ĩacudiaya. No mu bojase mure ĩsiato”, ire yicami Julio. ⁴ Ti maca ñariarā, vacaju yu quēna. To yu bajivatone, buto mino vacaju. To bajicōari, yuare vēatucaju. To ti bajijare, Chipre vāme cūtiyoa ture gāniacaju yu. ⁵ To bajivana, Cilicia sitare rēto, Panflia sitare, Licia sita ñarimaca Mira vāme cūti macare ejacaju yu.

⁶ Ti macaju gajea cūmua Alejandr'ia vāme cūti macana yagare, Italiaju varoado bajiricare ĩacōari, tia rāca yuare ūmato vacami surara ūju. ⁷ Buto mino ti vajare cojorūmu me josari vacōari, Gnido maca cānamuñarore ejacaju yu. Yu vato riojo buto mino ti vacōa ñajare, Creta vāme cūtiyoa cūtoju vacoacaju yu. Tiyoa ñarimaca Salmón vāme cūti macare rēto, tiyoa ture vacaju yu, mino ti vabetibūsarōju vana. ⁸ Josari masu bajivana, Lasea maca tu ñarimaca Buenos Puertos vāme cūti macajure ejacaju yu.

⁹ Cojorūmu me vacoacaju yu. To bajiri tone buto yuare gūiocoacaju yuja, juebucu ti cōñajare. To bajiri, ado bajiro ĩnare goticami Pablo:

¹⁰—Vabeticōato. Mani vajama, rojose tāmūorūarāja. Cūmua rujacoarūaroja. Gajeyeūni quene yayicoarūaroja. Mani quene sīgūri rujareacoarūarāja —ĩnare yigotiboacami Pablo.

¹¹ To i yiboajaquene, ire cūdibeticami surara ūju. Cūmua ūjarāja, “Vacoajaro mani” ina yisejare ajicami. ¹² Ti maca jetaga rocaturiaro juebucu ti ñajama quēnabesuju. To bajiri, “Fenice vāme cūti macaju vajaro mani. Ti maca jetaga quēnaro rocaturiaro ñañuju ti, mino ti vabetibūsarōju. Toju mani ñaro juebucu rētorūaroja”, yitūoīacama ina jedirone.

Buto mino ti vare queti

¹³ To bajiri ina vatojare mino ti vasere ĩacōari, “Vajaro mani”, yicama ina. To yi, cūmua ruucūñariajau ancla vāme cūtijare tūamūosā, tiyoa ture vacoacaju yu. ¹⁴ To yu bajivatone, gajeroju buto tutuaro mino vadicōari, yuare vēaviocōacaju ti. Nordeste vāme cūti ñacaju ti. ¹⁵ To ti bajijare, “Tiyoa tūbūsa vanasa mani” yirā, tiare veaquēnobūsabocama ina. Butobūsa mino ti vajare, “Manire ti vēacōarore bajirone vacoajaro mani”, yicōacama ina. ¹⁶ To bajivana, Cauda vāme cūtiyoa cōñarore rētoanane, mino ti vabetibūsarōju, cūmua jairica ture ina siajoriare tiare tūamūosācama ina, yu vacatia jubeaju. ¹⁷ To

^k 27:2 Lucas vāme cūtigū, Pablo rāca varī ñari, “vacaju yu”, yūcayumi.

yigajanocōari, “Saguerobe” yirā, yua vacatia rāca quēnaro siañiacōacama ĩna. Sirte vāme cūtijū cōñanane, “Jōrero vana yaja mani” yirā, ancla vāme cūtijauere rocaroarucama ĩna. To bajiro ĩna yijare, mino ti vēacōarore bajirone vacajū yua. ¹⁸ Gajerūmū to bajirone mino ti vacōa ñajare, buto sabecōa ñacajū. To ti bajijare, “Rujarobe” yirā, gajeyeūni gājerāre ĩsiruarā ĩna juaboarere juarearodecōacama ĩna. ¹⁹ To ĩna yibusuorirūmū, to bajirone mino vacōari, ti sabecōa ñajare, cūmuayere quēne juarearodecama ĩna yuja. ²⁰ Cojorūmū me, muiju ruyubeticami. Ñamire quēne ñocōa ruyubeticama. Mino ti vatūjabetijare, “Rujareacoaruarāja mani”, yitūoīacajū yua.

²¹ Yoaro babeti vacajū yua. To yua bajivajare, ado bajiro yuare goticami Pablo:

—“Vabeticōato mani” muare yu yimasisere mua ajijama, Creta vāme cūtiyoajūne mani ñacōajama, rojose tāmūobetiborāja mani. ²² To bajiboarine, tūoīasūtiritibesa mua. “Cūmua ti yayicoaboajaquēne, manima caticōaruarāja”, yitūoīaña mua. ²³ Jējuaga ñami ángel yuere ruyuaīocōari yuere gotimi, Dios, yu ujū, ĩ cōagū. ²⁴ Ado bajiro yuere gotimi: “Gūibesa mū. Ujū César tū ejacōari, ‘¿Rojose yiyujari yu?’ yigū, ĩre ĩacōiarotirucūja mū. Dios, mūre ĩamaigū ñari, ĩre mū sēnijare, rojose mua tāmūoborotire muare yirētobosarucūmi. Mū rāca vana jedirone catijedicōaruarāma ĩna”, yuere yimi ángel. ²⁵ To bajiri tire ajirā ñari, sūtiritibesa mua. “Dios ĩ gotiroticōariarore bajirone bajiruarōja”, yaja yu. ²⁶ To bajiri, yucūyoa cōñarojua mino manire vēatucōaruarōja —yuare yigoticami Pablo.

²⁷ Adriático vāme cūtiyajūre jua semana vacajū yua, mino yuare vēatucōase rāca. To bajivana rīne, ñami gūdareco ti tūsatō, “Yucūyoare cōñacoana yirāja mani”, yicama cūmuare ĩacoderimasa. ²⁸ To bajiri ũcūase cōñariama rāca “¿no cōro ũcūati ti?” yirā, ruucōīacama ĩna. Treinta y seis metros ũcūacajū ti. Yoarobūsa vacōari, ruucōīacama ĩna quēna. Veintisiete metros ũcūacajū yuja. ²⁹ To ti bajijare, “Gūtare rocaturo, cūmua vadirobe” yirā, cūmua ruucūñiare ancla vāme cūtijauere babarirācajūre rearoderuucama ĩna, cūmua gūde ñasejūare. To yicōari, “Guarobūsa busuato” yirā, Diore sēnicama ĩna. ³⁰ To yicōari, “Īguēaju ñasere quēne rearoderuuroana yaja yua”, yicama cūmuare ĩacoderimasa. Cūmua mojorica rāca rudiaruarā yirā yiboayuma. ³¹ To ĩna yiboajaquēne, surara ũjūre, to yicōari surarare quēne ado bajiro ĩnare goticami Pablo:

—Cūmuare ĩacoderimasa ĩna rudicoajama, catibetiruarāja mua —ĩnare yigoticami.

³² To ĩ yijare, “Rudicoanasa mani” ĩna yiboariare, ĩna siariamare yijesurecōari, vējarocarocōacama ĩna, surara.

³³ To ĩna yiro bero, busujedibetone yua jedirore baroticami Pablo:

—“¿No bajiro bajirāti mani?” yitūoīarā ñari, jua semana quēnaro bare bamenane ñacoajū mua. ³⁴ To bajiri bare baya mua, “Catirāsa” yirā. Nijūane mani rācagū rijayayibetirucūmi —yuare yigoticami Pablo.

³⁵ To bajiro yuare ĩ yiro bero, panre āmicōari, “Quēnaro yaja mū”, yicami, Diore sēnigū. To yigajanocōari, bacami. ³⁶ To ĩ yisere ajivariquēnacōari, bacajū yua quēne. ³⁷ Tia cūmuare vacana, doscientos setenta y seis ñarirācu ñacajū yua. ³⁸ Yua baususcutiro bero, trigo joarire rearodecama ĩna, “Rūcūbetibūsarō vanasa” yirā.

Pablo mesa ĩna rujare queti

³⁹ Busuro bero yucūyoare ĩacōari, “¿No ũnoju ñati?”, yicama ĩna. To bajiro yiboarine, jabua ti ruyujare, “Tibua cūtojuare rocatūrāsa”, yicama cūmuare ĩacoderimasa. ⁴⁰ To bajiri, ancla buto ti rūcūjare, ti cānori rācane jasureruucōacama ĩna. To ĩna yirone, gājerāma “Cūmuare veaturāsa” yirā ĩna siaturiajāirire jojocama ĩna, jabuajūare jājaruarā. To yicōari, cūmua ĩguēa cūtojuā ñarigaserore mino tuarigaserore tūamūocama ĩna, “Cūmuare ũmato jājajaro” yirā. ⁴¹ Tūsarōjūre jājaejamenane ti jōrejare, cūmua ĩguēa jabuajū jejacōacajū ti. To ti bajirone, buto oco sabeca yiro, cūmua gūde cūtojuare sabevaruucōacajū.

⁴² To ti bajirone, tubibe ecoriarã ñna juadiriarãre “Baájãjarudiatoma” yirã ñnare sïarũacama surarajũa. ⁴³ Ñna sïarũaboajaquẽne, Pablöre maigũ ñari, ñnare sïarotibeticami ñna ɸjũjũa.

—Tire yimenane, baámasirãma jatirearodecõari, tũsarojũa baájãjasa mũa —ñnare yicami. ⁴⁴ —Baámasimenama, yucújãiri, to yicõari, no bojase jayase rãca ñiacõari tũsarojũa baájãjasa —yicami. To bajiri sïgũ rujarocariaro mano jabuajũ baájãjajacajũ yũa.

28

Malta vãme cõtijoajũ ejacõari, Pablo mesa ñna bajire queti

¹ Tojũ ejacõari, “Malta vãme cõtijoajũ ñaja mani”, yĩamasicajũ yũa. ² Tijũana masa, to yũa ejaro, quẽnaro yũare yicama. Bũto oco ti quedijare, yũare ɸsacajũ. To yũa bajijare, jeame riocõari, “Sũmaroaya mũa quẽne”, yũare yicama. ³ Jearũjũri juagũ vacõari, ñna riori mere ñ ñarone, ãña jearũjũri vatoa ñar'i, “Jea asisere rudiacũja” yigũ, ñ ãmojũre jatirocayocõari, cũnicami, Pablöre. ⁴ Ñ cũniyojasere ñacõari, ado bajiro gãmerã yicama toana:

—Masa sïarimasũ ñagũmi. Ñna rujariarojũ ñ rujarocabetijare, ñ masa sïare vaja ñre ãña cũnirotigomo so, mani rũcũbũogo —gãmerã yicama ñna.

⁵ To bajiro ñna yiboajaquẽne, jeamejũ ãñare ñre yayerocatĩacõacami. To bajicõari, visiorũgũ yibeticami Pablo. ⁶ “Guaro mijirũaroja. Ti mijibetijaquẽne, ñaro tũsarone rijacoa tũjarũcũmi”, yitũoĩaboacama tijũana jediro. To yicõari, yoaro ñre ñacodeñaboacama. Ñna tũoĩarore bajiro ñ bajibetijare, ado bajirojũa tũoĩacama ñna yuja: “Mani rũcũbũogũ, masũre bajiro rujũ cõtĩcõari, ejami”, gãmerã yicama ñna yuja.

⁷ To yũa bajiñacatijũ tũre ñacajũ, tiyoana ɸjũ Publio vãme cõtigu ye sita. Quẽnaro yũare bocaãmicami. To bajiri, idiarũmũ ñ rãca yũa ñaro quẽnaro yũare yicami. ⁸ Ñ tũ yũa ñaro, “Bũto rijaami yũ jacũ” ñ yisere ajicajũ yũa. “Bũbũribũjacõari, gũda cuduami. Mano gajajuar'i cãnijesariaro joejũ jesaami”, yicami. To bajiro ñ yijare, ñre ñagũ jãjacami Pablo. Ñ tũ jãjajacõari, Diore ñre sãnibosacami. To yicõari, ñ ãmori ñũjeocami. To ñ yirone, caticoacami ñ yuja. ⁹ Ñre ñ catiosere ajicõari, toana rijaye cõtĩrã, ñre catorotirã ejacama ñna. To ñna bajijare, ñnare catiocami Pablo. ¹⁰ To ñ yijare, yũare rũcũbũorã, quẽnaro yirũgũcama ñna. To yicõari, yũa varoto rĩjoro, yũa bojase jediro yũare ñsicama.

Romajũ Pablo ñ ejare queti

¹¹ Malta vãme cõtĩ yoajũre idiarã muijua ñacajũ yũa. “Juebũcũ ti rẽtoro bero vanasa” yirã, tujayuma Alejandr'ia vãme cõtĩ macana. To bajiri, juebũcũ bero, ñna rãca vacajũ yũa quẽna. Tia ñguẽajũre, “Ado bajirã ñarãma cũmuare ñacoderimasa mani rũcũbũorã, Cãstor, to yicõari Pólux vãme cõtigu quẽne” yicõari ñna quẽnoriarã ñacama. ¹² Siracusa vãme cõtĩ macajũ ejacõari, idiarũmũ ñacajũ yũa. ¹³ Ti macajũ ñacõari vana, Regio vãme cõtĩ macajũ ejacajũ yũa. Gajerũmũ yũa vato riojo mino ti vajare, Puteoli vãme cõtĩ macajũ vaejacajũ yũa. ¹⁴ Ti macajũ ejacõari, Jesũre ajitirũnrãre ñnare bũjacajũ yũa. “Yũa rãca cojo semana ñaña mũa”, yũare yicama ñna. To bajiri ñna rãca cojo semana ñacajũ yũa. To bajĩ, Romajũ vacajũ yũa. ¹⁵ Yũa vadi quetire ajicõari, yũare bocarã vayuma ñna, ti macana Jesũre ajitirũnrã. To bajiri, Foro de Apio vãme cõtĩ macajũ yũare bocacama. Gãjerãma, Tres Tabernas vãme cõtijo yũare bocacama ñna. To ñna bajiro ñacõari, variquẽnagũ ñari, “Quẽnaro yaja mũ”, Diore ñre yicami Pablo. ¹⁶ Roma vãme cõtĩ macajũ yũa ejaro, tubiberiavijũ Pablo ñ ñarũabetijare, “Gaje vijũ sïgũ ñ ñacõajama, quẽnacõaroja. To bajiboarine sïgũ surara ñre coderũcũmi”, yicama.

Romajũ ñacõari, Pablo ñ bajire queti

¹⁷ Romajũ ñ ejaro bero idiarũmũ ñatũsacũ, “Jud'io masa ɸjarãre ñnare jirẽoña”, yicami Pablo. Ñna rẽjajediro, ado bajiro ñnare goticami:

—Yure ajiya yu yarã. Mani yarãre rojose yu yibetiboajaquêne, to yicõari, mani ñicua ña yirügũrere yu rucuborügũboajaquêne, yure ñiacõari, romano masare ñsicama mani yarã, Jerusalén macana. ¹⁸ Ñie rojose yu yibetijare, “Rojose yibesumi” yicõari yure buruaboacama romano masajama. ¹⁹ Yure ña buruaboajaquêne, mani yarãjua, “Ïre bubeticõaña”, ñnare yicama. To ña yijare, “ ‘Rojose yiyujari yu’ yigu, Roma macagu, Uju Césare ñre ñacõiarotirucuja”, yicaju yu. “ ‘Rojose yure ña yicati ti ñajare, rojose ñnare yiya’ yiru me, Uju César taju varucuja”, yicaju yu. ²⁰ Tire gotiru mure jicõamu yu. Israel ñamasir'i jānerabatia mani tuoļayurügũcacu, jere ejayumi. To bajiri, ñre yu ajitirũnũjare, cõmema rãca yure siarügũama —ñnare yigoticami Pablo.

²¹ To ñ yisere ajicõari, ado bajiro ñre yicama ña, Roma macana jud'io masa ujarã:

—Judea sitana ejaboarine, “Rojose yigu ñaami Pablo”, yure yigotibetirügũama. ña ucacõasere quêne ñabetirügũaja yua. To bajiri mu bajisere masibeaja yua. ²² To bajiboarine, “Jesúre masa ña ajitirũnũjama, quēnabeti ñaja” masa ña yise rñe ajirügũmu yua. To bajiri, mu tuoļase yure mu gotisere bojaja —ñre yicama ña, Pablore.

²³ To bajiro ñre yirã ñari, ñ gotisere ajirã ña rējarotirũmure ñre goticama ña. “Tirũmu rējaruarãja mani” ña yicaturũmu ti ejaro, jājarãbusa rējacama ña.

To bajiri, ado bajiro ñnare gotimasiocami Pablo:

—Jesúne ñaami “Rotimorũgõrucumi” yigu, Dios ñ cõar'i. ñre ajitirũnrãre, “Yu yarã ñaama” ñnare yĩavariquēnacõari, quēnaro yirügũami Dios —ñnare yigotimasiocami Pablo.

Tire ñ gotimasiojama, Moisés ñamasir'ire Dios ñ roticũmasirere, to yicõari Diore gotirētobosamasiriarã ña ucamasirere masigũ ñari, ñnare gotimasiojũ yicami. Busuriju ñ goticoajama, rãiorijũmu gotigajanocami. ²⁴ To bajiro ñ yisere ajicõari, “Socu me yami. Riojone bajiroja”, yiajicama sigũari. To bajiboarine gãjerãma ajitebusacama. ²⁵ To bajiri sigũre bajiro tuoļabetica yirã, budisucocama ña. To ña bajirone, ado bajiro ñnare goticami Pablo:

—Ado bajiro mu bajirotire yigu, Esp'iritu Santo, mu ñicua ñamasiriarãre ñ yimasire riojo ñañuja ti. “Ado bajiro ñnare gotiya”, yimasiñumi, Isa'ias ñamasir'ire:

²⁶ “Mu yarãre ñnare gotiaya mu: ‘Yure ajirã ñaboarine, ajimasibeticõa ñaruarãma. Yu yĩosere ñarã ñaboarine, “¿To bajiro bajisere yigu yatique ñ?”’, yĩamasibeticõa ñaruarãma.

²⁷ Ado bajiro bajirã ñari, yu yere ajimasimena ñarãma ña: Gãmo gojeri tusubeti, to yicõari, caje ñamenare bajiro bajirãma. To bajiro yu yijama, “Yu yere tuoļarũamena ñaama” yigu yaja yu. To bajirã ñari, tire quēnaro ajimasibeama. Yu yere ña tuoļarũajama, tire ajimasicõari, yu bojarore bajiro tuoļavasoacõari, yure sēnirucuboborãma ña. Yure ña sēnijama, yure ña cãmotadicõa tujaborotire ñnare yirētobosaboguja yu, ñnare yigotiaya mu”, Isa'iare ñre yigotimasiñumi Esp'iritu Santo. To bajiro ñ yijama, adirodorianare quêne, mure gotigu yimasiñumi.

²⁸ To bajiri quēnaro ajiya mu: Adirũmure Jesús sũorine quēnaro Dios ñ yisere jud'io masa me ñarãjare gotimasiocudiroti ñaja. ñnajuama tire ajirã ñari, ajitirũnrũarãma —ñnare yigoticami Pablo.

²⁹ To bajiro ñ yigotijare, sigũre bajiro tuoļabetica yirã, gãmerã oca rētocõari, budijedicoacama jud'io masa.

³⁰ Ju cãma ñacami Pablo, gãjoa bojarã ñari, ñre ña vasoariavijure, Roma macajure. To bajirãgũ, ñre ñarã ejarã jedirore quēnaro ñnare yirügũcami. ³¹ Gũibecune ado bajiro ñnare gotimasiorügũcami:

—Jesucristore mu ajitirũnũjama, “Yu yarã ñaama” mure yĩavariquēnacõari, quēnaro mure yirügũrucumi Dios. To yicõari, —Ado bajiro Jesucristore ajitirũnrõti ñaja —ñnare yigotimasiorügũcami.

Tire ñ gotimasio ñaro, “ñnare gotibesa”, ñre yibetirügũcama ña, romano masa.

To cõro ñaja.

Carta de San Pablo a los ROMANOS

Roma vāme cūti macana, Jesucristore ajitirūnarāre Pablo ī ucacōare queti

¹ Yū ņaja Pablo vāme cūtigū adi quetire mūare ucacōagū. Jesucristo, ī bojasere yigū ņaja yū. Yūre besecōari, yūre cōacami Dios, “Yū macū sūori quēnaro yū yise quetire gājerāre gotimasiodirūcūja mū” yigū.

²⁻³ Adi quetire Jesucristo ī bajirotire quēnasere ucasūomasiñuma īna tirūmūanajū Diore gotirētobosariarā. To bajiri adigodojūre masūre bajiro rujū cūticōari ī ruyūare ti ņajare, tirūmūana ī bajirotire yirā īna ucariarore bajirone bajiyumi. To bajiri, “Ujū David ņamasir'i jānami ņañumi”, ĩre yimasijaja mani. ⁴ To bajiri ī sīaecoro bero, Dios ī masise rāca ĩre catiocōari, “ņajediro ujū ņañā mū” ĩre ī yire ti ņajare, “Jesucristo mani ujū, Dios macūne ņaami”, ĩre yimasijaja mani.

⁵ To bajiri Jesucristo sūori quēnaro yūre yigū, yūre goticudirotiyumi Dios, “Tocārāca sitana ī macū ī bajirere ajicōari, quēnaro ĩre ajitirūnūato” yigū. ⁶⁻⁷ To bajiri mūa quēne Roma ņarā, “Cristore ĩre ajitirūnūā” Dios ī yirere cūdiriarā ņaja mūa, Jesús yarā. Mūare buto maiami Dios. Jesūre ajitirūnarā ņari, Dios rīa ņañūja mūa. Mūare quēnarotigū, manī jacū Diore, to yicōari, manī ujū Jesucristore, ado bajise mūare sēnibosaja yū: “Quēnaro īna ņarotire yirā, ĩnare ejarēmoña”, mūare yisēnibosaja yū.

Roma macanare Pablo ī űagū varūare queti

⁸ ņasūose ado bajise mūare gotijaja yū: Cristore ĩre mūa ajitirūnūasere gotirūgūama tocārāca macariana. To bajiro īna yisere ajicōari, “Dios ī yise sūorine Cristore ajitirūnūarāma” yimasigū ņari, “Quēnaro yaja mū”, Diore ĩre yaja yū. ⁹ Tocārācajine Diore yū sēnijama, mūare quēne sēnibosarūgūaja yū. Dios yūre ī rotirore bajiro buto cūdivariquēnaja yū. ĩ yirore bajiro cūdigū ņari, ī macū sūori quēnaro ī yise quetire goticudirūgūaja yū. To bajiri, masiami Dios, mūare yū sēnibosasere. ¹⁰ Diore sēnigū, “Mū bojjajama, no bojjarirūmū ĩnare ĩacudigū varūcūja yū”, ĩre yisēnirūgūaja yū. Mūa tūjū varū, tūoīacōa ņarūgūboaja yū. ¹¹ “Būto būsā Jesūre ajitirūnūato” yigū, mūare ejarēmorūaja yū. ¹² Mūa quēne, yū quēne, “Būto būsā ĩre ajitirūnūarāsa mani” yigū, mani gāmerā ejarēmosere bojaja yū.

¹³ Cojōji me mūa tūjūre yū varūarūgūboasere masiña mūa, yū mairā. “Gaje sitana yū gotisere ajicōari, Cristore ĩre īna ajitirūnūacatore bajiro mūa rācana quēne ajitirūnūato” yigū, varūarūgūboaja yū. Mūa ņarojūre varūa tūoīagū ņaboarine, mūa tūjūre vamasibeticajū yū. ¹⁴⁻¹⁵ Yū moare ņaja Jesucristo ī bajire sūorine Dios quēnaro masare ī yisere gotimasiore. Griego ocare ņagōrāre quēne, īna mere quēne, quēnaro masirāre, masimenare quēne gotimasioroti ņaja yūre. To bajigū ņari, Roma macajū ejacōari, mūa rācanare quēne buto gotimasiorūaja yū.

“Masa, Jesucristore ĩre ajitirūnūacōari, quēnaseayere īna būjjajare, tire gotibojonebeaja yū”, Pablo ī yire queti

¹⁶ Jesucristo ī bajire sūorine masare quēnaro Dios ī yise queti, quēnase ņaja. Tire ajicōari, Jesucristore īna ajitirūnūajare, rojose īna yise vaja rojose īna tāmūotūjabetirotire ĩnare yirētobosami Dios. Quēnaro ī yise ņajare, ti quetire gotibojonebeaja yū. Jud'io masa, ti quetire ajisūocajū. Tijū bero, ajisūyarūtuajama jud'io masa me quēne. ¹⁷ Ado bajiro yaja ti queti: “ ‘ ‘ ‘ ņie rojose mana ņaama’ yato Dios” yigū, yūre rijabosayumi Jesús’ yitūoīarāre, ‘ ņie rojose mana ņaama’ ĩnare yīāami Dios”, yaja ti. ĩjūne to bajiro ī yire ņajare, to bajiro tūoīaja mani. Tirene gotijaja Dios ocare masa īna ucamasire. Ado bajiro gotiami Dios: “ ‘ ņie rojose magū ņaami’ yū yīāvariquēnagūma, ‘Cristo sūorine Diorāca quēnaro ņaja yū’

yigũ ñari, ĩ rijato berojũ tudirijabeticõato ĩ' yigũ, yũ catisere yũ ĩsigũ ñarũcũmi ĩ ũgũma", yigotiaja Dios ocare masa ĩna ucamasire.

"Masa jediro rojose yirã ñaama", Dios ĩ yĩase queti

18-19 "Ado bajiro ti bajijare, 'Rojose mana ñaama' Dios manire ĩ yĩasere bojaja mani jediro", yigotimasiogũagũ yaja yũ. Dios ĩ rujeorere ĩacõari, "To bajiro tũoĩagũ ñagũmi", yimasiroti ñaja. To yicõari, "Masa rojose ĩna yisere ĩategũ ñaami", ĩre yimasiroti ñaja. "To bajiro tũoĩagũ ñagũmi" ĩre yimasiroti ti ñaboajaquẽne, ĩre rũcũbũobeticõari, rojose yirã ñari, gãjerã ĩre ĩna masirũaboasere "ĩre masibeticõaña" yirã yama. To bajiro ĩna yijare, rojose ĩnare ĩ yijama, riojo yigũ yirũcũmi Dios. 20 ĩabũjayamagũ ĩ ñaboajaquẽne, ĩ rujeorere ĩacõari, "To bajiro yir'i ĩ ñajare, ĩ masisere masiaja' yũre yato ĩna" yigũ, adi macarũcũrore rujeo-masiñumi Dios. To bajiri, tire ĩacõari, "Ñagũmi mani rẽtoro masigũ, adi macarũcũrojũre yirũjeosũor'i", yire ñacoayuja. To bajiro yire ti ñacoadijare, "Diore masiña manicajũ ti", yimasĩna maja. To yicõari, "Dios ĩ bojabetire masibecũ ñari, no yũ bojarone yirũgũcaju yũ", yimasĩna maja. 21 Tirãmũjũ, Diore masiboarine, quẽnaro ĩre rũcũbũobetimasĩñujarã masa. Quẽnaro ĩnare ĩ yiboajaquẽne, "Quẽnaro yaja mũ", ĩre yibetimasĩñujarã ĩna. To bajiro bajirã ñari, socasejũare ajitirũnũcõari, Dios ĩ ĩajama, rojose ti ñaboajaquẽne, "Quẽnasere yirã yaja mani", yicoayuma ĩna. 22 To bajiro bajica yirãne, "Bũto masirã ñaja yũ" yicõarã ñaboarine, ñamasusejũarema masiriticoayuma ĩna. 23 Dios rijabetirocũjũare ĩre rũcũbũobeticõari, masa rijarona rujũre bajirojũa quẽnorũjeocõari, rũcũbũoyujarã ĩna. To yicõari, vũrãre bajirã, vaibũcũrãre bajirã quẽnorũjeocõari, rũcũbũoyujarã ĩna.

24 To bajiri, ĩre ĩna ajitirũnũbetijare, "Rojose ĩna yirũaro cõro yicõa ñato ĩna", ĩnare yicõañuju Dios. To bajiro ĩnare ĩ yijare, bũtobũsa bojoneose yirũtuasujarã ĩna. 25 Dios yere ajitirũnũbeticõari, socasejũare ajitirũnũrũtuayujarã ĩna. To yica yirã, Diore jediro rujeor'ijũare ĩre rũcũbũobeticõari, ĩ rujeorejũare ĩna masune quẽnorũjeocõari, rũcũbũoyujarã ĩna. Diojũa ñaami masa ĩna rũcũbũo tũjabetirocũma. To bajirone bajimũorũgõato.

26 To bajiri gaje vãmejũa rĩne masa ĩna rũcũbũocõa ñajare, "No ĩna bojaro yicõa ñato ĩna", ĩnare yicõañuju Dios. Ado bajiro yirũgũñujarã ĩna: "Rõmia, ũmũa rãca yirũarãma" Dios ĩ yiboarere yibeticõari, rõmia rĩne gãmerã ajeriarã cãtiyujarã ĩna. 27 ũmũa quẽne, "Rõmia rãca yirũarãma" Dios ĩ yiboarere yibeticõari, ũmũa rĩne bũto gãmerã yirũacõari, gãmerã yiyujarã ĩna. To bajiri ĩna rujũriaye rãca bojoneose yirã ĩna ñajare, rojose ĩnare yiyuju Dios.

28 ĩre ĩna ajibeti vaja, "No ĩna bojaro bajicõato", ĩnare yiyuju Dios. 29-31 Rojose ĩna yijama, ado bajiro yirũgũrãma: Jairo gajeyeũni cũorã ñaboarine, jaibusaro bojarẽmorã ñarãma. Gãjerãre, "Yũ rẽtobũsaro quẽnaro ñaama", yĩajũnisinirã ñarãma. Gãjerãre sĩa, bũto oca josajai, socajairã ña, bajirãma. Gãjerã rojose ĩna yirere ajicõari, gãjerãre gotirudijairã ñarãma. Masa ĩna ajiro rĩjorojũa quẽne, socarãne, "Ado bajise rojose yima", yigotirãma. Diore ĩre terã ñarãma. Gãjerãre tud'irã ñarãma. "Ñamasurã ñaja yũ", yijairã ñarãma. Gãjerãma, "Ñamasurã ñaja yũ" yitũoĩarã ñaboarine, "To bajiro bajirã ñaja yũ", yimenama. Rojose ĩna yirore quẽnaro yimasirã ñarãma. ĩna jacũare ocarẽtorã ñarãma. "Quẽnase ñaja. Rojose ñaja", yimasimena ñarãma. ĩna gotirore bajiro yirã me ñarãma. Gãjerã ĩna yarã ĩna ñaboajaquẽne, ĩnare ĩamaimena ñarãma ĩna. Maioro bajirãre sũtirĩtiĩamena ñarãma ĩna. To bajiri, rojose jediro yirã ñarãma. 32 To bajiro yirãrema, "Rojose ĩna yise vaja, rojose tãmũotũjabetiriaroju cõarũcũja yũ' yiyumi Dios" yimasicõarã ñaboarine, rojose yitũjamenama. To yicõari, ĩna yirore bajiro gãjerã ĩna yijama, rojose ĩna yisere ĩacõari, bũto variquẽnarãma ĩna.

2

"Rojose, quẽnase masa ĩna yisere ĩabeserũcũmi Dios", yire

1 “Rojose ñna yise vaja Dios rojose ñnare ñ yijama, riojo yigu yigumi” yituoĩacõari, “Quẽnarã ñaja yua; yuarema rojose yibecumi” mua yituoĩaboajaquẽne, “Yuare quẽne, rojose yuare yato Dios” yirã yirãja mua. Rojose ñna yirore bajirone rojose yaja mua quẽne. To bajiri, “Rojose yimena ñaja yua”, yimasimenaja mua. 2 “Dios ñaami, ‘Rojose ñna yise vaja rojose tãmuorũarãma’ yĩamasigũma”, yimasiaja mani. 3 “Rojose ñna yise vaja rojose ñnare yirucumi Dios” yicõari, “Rojose yibetirucumi yuarema”, çyituoĩaboati mua, ñnare bajiro rojose yirã ñaboarine? 4 Rojose mua yise vaja guaro rojose muare ñ yibetijama, “Manire maigũ ñari, rojose yibetirucumi Dios”, çyituoĩaboati mua? To bajiro me bajiaja. Muare ñamaicõari, rojose mua yise vaja guaro rojose muare yiruabeami Dios. Rojose mua yisere sutiriticõari, mua tũoĩavasoarotire bojaami. Rojose mua yisere “Yitujato” yigu, muare yugu bajiami maji. 5-6 To bajiri rojose mua yise vaja rojose muare ñ yibetijare, “Rojose yirã yaja yua” yisutiritimena ñari, rojose yitujabeaja mua. To bajiri, rojosere mua yicõa ñarũgũjare, masare ñ beserirũmu ti ejaro, rojose yirãre rojose tãmuotujabetiriaroju ñ cõarotirũmu buto muare jũnisinigũ ñari, rojose muare yirucumi Dios. To ñ yijama, “Ñ yirore bajiro yigu ñaami”, yimasire ñarũaroja. 7 Sĩgũri quẽnasere yitujamena ñaama ñna. “‘Quẽnaro yirũgũcaju mua’, manire yato ñ Dios”, yituoĩarã ñaama. Dios tũju ñna ñarotire bojarã ñaama. To bajiro ñna tũoĩajare, ñna rijato beroju “Tudirijabeticõato” yigu, ñ catisere ñnare ñsirucumi Dios. 8 Gãjerãjuama to bajise tũoĩarã me ñaama ñna. ñna bojarore bajiro tũoĩarã ñari, Diore ajimena ñaama ñna. ñre ajimena ñari, rojose yirũgũama ñna. To bajiro ñna yise ñajare, buto jũnisiniami Dios. ñnare jũnisinigũ ñari, masare ñ beserirũmu ti ejaro, rojose tãmuotujabetiriaroju ñnare cõarucumi. 9 Jud'io masa, jud'io masa me quẽne, rojose yirãma, buto rojose tãmuorũarãma ñna. 10 Quẽnasere yitujamenajũarema, “Quẽnaro yirũgũcaju mua” ñnare yicõari, “Yu rãca quẽnaro ñarũarãja mua”, ñnare yirucumi Dios. To bajiro yirucumi, jud'io masare, to yicõari jud'io masa mere quẽne.

11 Masare ñ ñabesejama, “Ãnoama rojose yirã ñna ñaboajaquẽne, ñamasurã ñna ñajare, ñnare quẽnaro yirucuja yu” yigu me ñaami Dios. To bajiro yigu ñari, rojorãre rea, quẽnarãre jua, yirucumi. 12 Jud'io masa me ñarãre, Moisére Dios ñ roticũmasirere cuomena ñna ñaboajaquẽne, rojose ñna yise vaja rojose tãmuotujabetiriaroju ñnare reacõarucumi. To yicõari, Moisére Dios ñ roticũmasirere cuorãre quẽne, tire cuorã ñaboarine ñre ñna cudibeti vaja rojose tãmuotujabetiriaroju ñnare reacõarucumi. 13 “Dios ñ rotimasirere cuorã ñaja yua” yirã ñaboarine, ti rotirore bajiro ñna cudibetijama, ñie vaja maja. “Quẽnase yirã ñaama”, ñnare yĩabetirucumi Dios. ñ rotimasire ti yirore bajiro cudirã rĩne ñarũarãma, “Quẽnase yirã ñaama” ñ yĩarã. 14 To bajiri jud'io masa me ñarã, Moisére Dios ñ roticũmasirere masibetiboarine, quẽnasere ñna yijama, Dios ñ rotimasirere ajicõari, cudirãre bajiro bajirãma, ñ bojasere yirã ñari. To bajiro yirã, Dios ñ ucarotimasirere cuomena ñaboarine, rojose ñna yisere masirãma, Dios ñ masisere ñnare ñ cõase ti ñajare. 15 “Dios ñ rotise ñaja ti” yimasimena ñaboarine, Dios ñ bojasere masirãma ñna. To bajiri rojose ñna yijama, “Rojose yirã yaja yua”, yituoĩarãma. To yicõari, quẽnasere ñna yijama, “Quẽnase yirã yaja yua”, yituoĩarãma. 16 To bajiro masa ñna yituoĩarũgũse ñajare, masare ñ beserirũmu ti ejaro Jesucristore cõarucumi Dios, masa jediro ñna tũoĩarũgũrere ñacõari, “‘Ado bajiro tũoĩarã ñari, quẽnase bujarã, rojose tãmuorã, bajirũarãja mua’ ñnare yato ñ’” yigu. To bajiro ñ yiroti ti ñajare, Jesucristo manire ñ rijabosare suorine Dios quẽnaro ñ yise quetire yu gotimasiojama, tire quẽne gotirũgũaja yu.

“Moisére Dios ñ roticũmasirere cudirã ñari, Dios yarã ñaja yua”, jud'io masa ñna yire queti

17 Ado bajiro yituoĩaboarãja mua jud'io masa sũgũri: “Jud'io masa ñari, Moisés ñamasir'ire Dios ñ roticũmasirere rucũbuoaja yua. To bajiri Dios yarã ñaja yua, rojose ñ yibetirona”, yituoĩaboarãja mua. 18 Moisére Dios ñ roticũmasirere cuorã ñari, ñ bojarore bajiro yirere masirãja. To yicõari, “Dios ñ rotimasire masicõari, quẽnasere yimasirã ñaja yua”, yirãja

mua. ¹⁹⁻²⁰ To bajise yituoŕarã ñari, ado bajiro tũoŕaboarãja mua: “Dios yere masimenare gotimasiorimasa ñaja mani”, yiboarãja mua. “Rojose yirãre Dios ĩ bojasejuare gotimasioaja mani. To bajiro mani yibetijama, rŕamasare bajiro tũoŕacõa ñaruarãma”, yitũoŕaboarãja mua, “Dios rotimasirere cuorã ñari, Dios ye jediro riojo masijeorã ñaja mani” yitũoŕarã ñari. ²¹ To bajiri gãjerã masare gotimasioaboarine, ¿muajuama gãjerãre mua gotimasiorore bajiro yibeati mua? Gãjerã masare, “Mua juarudijama, quẽnabeaja ti” yigotiboarine, muajuama juarudirãja mua. ²² “Mua manajo me rãca, rõmia quẽne mua manaju me rãca mua ajeriarã cutijama, quẽnabeaja ti” yirã ñaboarine, muajuama, ¿no yirã tire yicõarũgũati mua? “Gãjerã masa, Diore masimena, ĩna masune ĩna quẽnoriarãjuare rũcũbuosocarãma. To ĩna yisere ĩaterã ñaja yua” yigotiboarine, ¿no yirã ĩna yirũcũbuosocariviriayere ñasere juarudiati mua? ²³ “Moisere Dios ĩ roticũmasirere ñamasusere cuoaja yua” yivariquẽnarã ñaboarine, ti rotirore bajiro yimenaja mua. To bajiro mua bajijama, Diore terã bajirãja mua. To bajiro mua bajisere ĩacõari, gãjerã masa quẽne, ĩre terãma. ²⁴ Ti ũnire gotiaja Dios ocare masa ĩna ucamasire: “ ‘Dios yarã ñaja yua’ yigotirã ñaboarine, rojose yirũgũrãja mua. To bajiri Diore masimena quẽne, ‘Rojosere quẽnaro yigu ñagũmi Dios’ yitũoŕaama ĩna”, yigotiaja Dios ocare masa ĩna ucamasire.

²⁵ Circuncisión yiecoriarã ñarãja mua. “ ‘Dios yarã ñaja yua. To bajiri ĩre cudirona ñaja yua’ yimasiritibeticõato ĩna” yigu, to bajiro mani ñicũare yirotimasifũmi Dios. To bajiro Dios manire ĩ yirotimasire ti ñajare, ĩ rotimasire ñaro cõrone mani cudijeocõajama, circuncisión mani yiecore, vaja cutiboroja ti. To bajiboarine Dios ĩ rotimasire jediro cudijeomena ñari, circuncisión yiecobetiriarãre bajirone bajicõaja mani. ²⁶ No bojarã, circuncisión yiecoyamana ĩna ñaboajaquẽne, Dios ĩ roticũmasirere masibetiboarine, ti yirore bajiro ĩna yijama, “Yũ yarã ñaama”, yĩagũmi Dios. ²⁷ Jud'io masajuama, Dios ĩ rotimasire masa ĩna ucamasirere cuorã ñaboarine, to yicõari, circuncisión yiecoriarã ñaboarine, Diore quẽnaro cudimenaja mua. Gãjerã masa circuncisión yiecobetiriarã ñaboarine, Dios ĩ roticũmasirere masibetiboarine, ti yirore bajiro yirã ñarãma. To bajiro bajirã ñari, muaare jud'io masare ĩacõari, “Rojose yirã ñaama”, muaare yĩaruarãma. ²⁸ Jud'io masa quẽnase ĩna gotiboajaquẽne, to yicõari quẽnase ĩna yiboajaquẽne tire ĩacõari, “Jud'io masa masu ñaama”, yĩabeami Dios. Circuncisión yiecoriarã ĩna ñaboajaquẽne, “Jud'io masa masu ñaama”, ĩnare yĩabeami Dios. ²⁹ Dios ĩ ĩajama, Esp'iritu Santo ĩ ejarẽmose rãca tũoŕarã rĩne ñaama ĩ yarã, jud'io masa masuma.

3

¹ To bajiro yũ gotisere ajicõari, ado bajiro tũoŕarãja mua jud'io masa sũgũri: “No yirã, Jud'io masa ñaja yua’ yimenaja mani. Jud'io masa mani ñajaquẽne, ñie bujamenaja. Circuncisión yire quẽne, ñie vaja manoja”, yitũoŕaboarãja mua. ² To bajiro me bajiaja. Cojo vãme me jud'io masare quẽnaro yiyumi Dios. Ñasũose ado bajiro muaare gotiaja yũ: Mani ñicũare ĩ ocare cũũmi Dios. “Quẽnaro muaare yirũcũja yũ”, ĩnare yimasifũmi Dios. Tire ajicõari, ado bajiro tũoŕarãja mua: ³ “Mani ñicũa sũgũri Dios ĩ rotimasirere cudimena ĩna ñajare, ‘Quẽnaro ĩnare yirũcũja yũ’ Dios ĩ yiboarere yibetirũcũmi”, yitũoŕaboarãja mua. “Diore ajitirũnarũgũrãrãja” yirã ñaboarine, ĩna yirore bajiro yirã me ñaama masama. Diojuama, to bajiro bajigu me ñaami. “Quẽnaro ĩnare yirũcũja” yir'i ñari, ĩ yirore bajiro yirũcũmi. ⁴ Ado bajiro bajiaja: Masa mani socaboajaquẽne, Dioma, socagu me ñaami. Tirene ucamasifũmi Diore gotirẽtobosarimasũ:

“Mũre yũ cudibeti vaja, rojose yũre mũ yiro ĩacõari, ‘ ‘Yirũcũja’ ĩ yiriarore bajiro yami’ mũre yirũcũbuo variquẽnaruarãma masa. To bajiri, ‘Socagu ñaami’ mũre yigu manirũcũmi”, yucamasifũmi.

⁵ ĩ rotisere cũmasifũmi Dios, mani ñicũare. “Yũ rotirore bajiro mua yibetijama, rojose muaare yirũcũja”, ĩnare yimasifũmi. To bajiro ĩ yimasire ti ñaboajaquẽne, ĩre ajibeticoayuma ĩna. To bajiri, jud'io masare, “Yũ yarã ñaama”, yĩabeami Dios yuja. Jud'io

masare, “Y_u yarã me ñaama” ï yirere ajicõari, “Ïre ñna cãdibeti vaja, ‘Rojose’ yir_uc_uja ï yiriarore bajirone yig_u ñaami” yirã ñari, ïre r_uc_ub_uoama ñna, jud'io masa me. To bajiri, jud'io masaj_uama, Dios m_uare rojose ï yisere masicõari, “ ‘Gãjerã y_ure r_uc_ub_uo variquênato ñna’ yig_u, y_u yarã me ñaama jud'io masama”, yig_umi Dios. “To bajiro ï yijama, mani rãca rojose yig_u, yig_umi Dios”, ¿yit_uoïati m_ua? ⁶ To bajiro me bajiaja. Masa rojose ñna yise vaja Dios rojose ñnare ï yijama, vatojene rojose yig_u me yami. To bajiri, masa rojose ñna yisere ñamasig_u ñari, rojose ñnare yir_uc_umi Dios.

⁷ To bajiro m_uare y_u gotisere ajicõari, ado bajiro t_uoïar_uemoboarãja m_ua jud'io masa: “Dios ï rotimasirere cãdijeobetiboarine, ï rotimasirere yirã ñaja mani. To bajiri rojosere mani yiboajaquêne, rojose manire yimasibeami Dios. Rojose mani yise vaja, rojose manire ï yijama, rojose manire ï yisere ñacõari, ‘ ‘To bajiro yir_uc_uja” ï yiriarore bajiro yig_u yami Dios’ yïacõari, r_uc_ub_uo variquênar_uarãma jud'io masa me ñarã”, yit_uoïaboarãja m_ua. ⁸ To bajiro me bajiaja. To bajiboarine, jud'io masare y_u gotimasiosere ajicõari, sïg_uri ado bajiro y_ure ñagõmacarãma ñna: “ ‘ ‘Gãjerã, Diore r_uc_ub_uo variquênato ñna” yig_u, rojose yito mani’ yig_umi Pablo”, socarãne y_ure yïñagõmacarãma ñna. To bajiro yirãma, rojose tãm_uot_ujabetiriaroju reaecorã ñarãma.

“Mani jedirone rojose mani yise vaja, s_uoye cãtiaja mani”, yire

⁹ To bajiro m_uare y_u gotisere ajicõari, ¿ado bajiro yit_uoïati m_ua? “Dios manire ï ñajama, gãjerã masa rëtoro quênarã ñaja mani jud'io masa”, ¿yit_uoïati m_ua? To bajiro me bajiaja. Mani jud'io masa, jud'io masa me ñarã quêne, ñajediro rojose mani yise vaja s_uoye cãtiaja mani, Dios ï ñajama. ¹⁰ Tirene, ado bajiro gotiaja Dios ocare masa ñna ucamasire: “Jediro m_u rotirore bajiro cãdig_u mag_umi.

¹¹ ‘Adi ñaja quênase. Tij_ua ñaja rojose’ yimasimena rïne ñaama. ‘M_u bojarore bajiro yir_uc_uja y_u’ m_ure yisëneg_u mag_umi.

¹² Masa jediro m_u ocare ajir_ug_uboariarã, tire ajit_ujacõari, rojosej_uare yirã ñarãma ñna. Gãjerãre quênaro yirã manama. Quênasere yirã manimasucõarãma.

¹³⁻¹⁴ ñna ñagõjama, masa yujeriagojerire jãna ñniorãre bajiro yama ñna. Socajairã ñaama. Gãjerãre j_unisinicõari, ñna tud'ijama, ñna oca, ñña rïma j_unisere bajiro budiaja.

¹⁵ Gãjerãre ñna tud'ij_unisijama, guaro sïarã ñarãma.

¹⁶ Rojose yirã ñna ñajare, ñna vacudirijari ñarãj_ua, rojose tãm_uoama ñna.

¹⁷ Gãjerã rãca quênaro ñarere masimena ñaama.

¹⁸ Diore g_uimena ñari, ïre r_uc_ub_uomena ñarãma”, yigotiaja Dios ocare masa ñna ucamasire.

¹⁹ Dios ï rotimasirere, “Mani jud'io masare c_uñumi, ‘Y_u rotisere quênaro cãdiato ñna’ yig_u”, yimasiaja mani. To bajiri Dios ï rotimasirere masiboarine tire yibeticõari, “Y_uma s_uoye maja”, yimasiña maja. To bajiri, jud'io masa, jud'io masa me ñarã quêne, “Dios ocare ti yirore bajirone, ‘Rojose yirã ñaja’ ”, yimasiaja mani. ²⁰ “ ‘Y_u rotiro cõrone cãdijeog_u ñaja m_u’ y_ure yïar_uc_umi Dios”, yimasig_u mag_umi. “Dios ï rotimasire ñaro cõrone yijeomena ñari, s_uoye cãtiaja mani”, yimasiaja mani jediro.

“Jesucristo manire rijabosayumi” yit_uoïarãre, “Ñie rojose mana ñaama”, Dios ï yïãre queti

²¹ To bajiro yirã ñaboarine, yuc_urema ado bajiroj_ua yimasiaja mani yuja: “Dios ï rotimasire ñaro cõrone yijeomena ñaboarine, sïg_urire, ‘Ñie rojose mana ñaama’ yïãami Dios”, yimasiaja mani. Mani ñaja, Cristore ajitir_un_urã ñari, “Ñie rojose mana ñaama” Dios ï yïarã. To bajiro manire ï yirore goti rïjoro cãtiyuja, Moisére Dios ï rotic_umasire, to yicõari, Diore gotirëtohosariarã ñna ucamasire quêne. ²²⁻²⁴ Ado bajiro bajiaja ti, Dios quênaro manire ï yise: Dios ï rotimasire ñaro cõrone cãdijeog_u mag_umi. To bajiboarine mani jedirore maig_u ñari, “Masa rojose ñna yise vaja ñnare vaja yibosaaya” yig_u, ï mac_ure cõañumi Dios. ï mac_u ï rijabosare ti ñajare, rojose mani yisere manire masirioyumi Dios, Cristore ajitir_un_urãre. To yig_u ñari, “Ñie rojose mana ñaama”, manire yïãami Dios yuja.

To bajiro bajiaja jud'io masare, jud'io masa me ñarãre quêne. ²⁵ “Masa rojose yirãre rojose tãmuotujabetiriaroju cõaroti ñaja” yir'i ñari, “Rojose tãmuoroma” yigu, Jesucristore ï macãre cõañumi, ñajediro rojose yirãre ñare rijabosarocãre. To bajiro ï yire ñajare, masare rijabosayumi Jesús. Ì ri' i rãca manire ï vaja yibosare ti ñajare, rojose mani yisere masirioyumi. To ï yijare, no bojagu Jesúre ajitirãnuãgãre, “Ñie rojose magũ ñaami”, ïre yĩaami Dios. To bajiro ï yijama, “Yirucãja” ï yirore bajiro yigu yami. ²⁶ To bajiro yir'i ñari, tirãmuanaju rojose ña yisere ñaboarine, rojose ña yise vajare rojose tãmuotujabetiriaroju ñare cõabesumi. To yicõari, yucãre quêne, “Rojose yirã ñaboarine, yãre rijabosayumi Jesucristo” yitũoĩarãre rojose tãmuotujabetiriaroju ñare cõabetirucãmi.

²⁷ To bajiri, “Dios ï rotimasire ti yirore bajirone mani yijare, ‘Quênase yirã ñaama’ manire yĩagũmi Dios”, yimasiña maja. Ado bajirojuã yire ñaja: “ ‘Jesucristo mani uju, manire ï rijabosare ñajare, ‘Ñie rojose mana ñaama’ manire yĩagũmi Dios’ yirãjuare, ‘Ñie rojose mana ñaama’ ñare yĩagũmi Dios”, yire ñaja. ²⁸ To bajiri, Moisére Dios ï roticũmasirere mani masiro cõro quênaro mani cudiboajaquêne, “Quênase yirã ñaama”, manire yĩabecãmi. “Jesucristo manire ï rijabosare ti ñajare, ñie rojose mana ñaja mani yuja” mani yisejuare masicõari, “Rojose mana ñaama”, manire yĩagũmi Dios.

²⁹ ¿Dioma, jud'io masa uju rĩne ñagũjarique? Bajigũmi, bajigujuma. Bajicõari, jud'io masa me ñarã uju quêne ñagũmi. ³⁰ Sīgũne ñaami Dioma. Gãji magũmi. To bajiri circuncisiõn yiecoriarãre, yiecoyamanare quêne, “Jesucristo manire ï rijabosare ti ñajare, ñie rojose mana ñaja mani yuja” mani yisere masicõari, “Rojose mana ñaama”, manire yĩagũmi Dios. ³¹ To bajiri, “Jesucristo ï rijabosare suorine manire ñavariquēnaami Dios” mani yitũoĩajama, “Moisére Dios ï roticũmasirejuã vaja mano tujaroja”, yitũoĩarãja mua sīgũri. To bajiro me bajiaja. Moisére Dios ï roticũmasirere rearã me yirãja. “Jesucristo suori manire ñavariquēnagũmi Dios” yimasirã ñari, tire yirẽmorã yirãja mani.

4

“Ñie rojose magũ ñaami Abraham’ yĩamasiñumi Dios”, yire

¹ Abraham, jud'io masa ñicu ñamasir'ire ado bajise ï yijare, “Ñie rojose magũ ñaami” ïre yĩamasiñumi Dios yire quetire muare gotirucãja yu. ² Abraham quênaro ï yimasire ti ñaboajaquêne, “Rojose magũ ñaami”, ïre yibesuju Dios. “Rojose magũ ñaami” ïre ï yijama, “Quênaro yigu yu ñajare, ‘Rojose magũ ñaami’ yure yĩagũmi Dios”, yiborimi Abraham. ³ Ado bajirojuã gotiaja Dios ocare masa ña ucamasire: “Abrahamre, ‘Quênaro muare yirucãja yu’ Dios ïre ï yisere ajicõari, ‘Ï yirore bajirone bajirũaroja’ ï yimasire ñajare, ‘Ñie rojose magũ ñaami’ ïre yĩamasiñuju Dios”, yigotiaja ti, Dios ocare masa ña ucamasire. ⁴ No bojagu gãjire ï moabosajama, ïre ï moabosase vaja ïre vaja yigu, ïre ïsigũmi. ïre ï moabosase vaja bujacõari, “Vaja manone yure ïsigũ me yimi. ïre yu moabosase vajare yigu, yure ïsimi”, yigũmi. ⁵ Tire bajiro me bajiaja ti, manire Diore ajitirãnuãrãre. “Dios ï rotimasire ti yirore bajiro mani yise ñajare, ‘Ñie rojose mana ñaama’ manire yĩagũmi Dios”, yitũoĩabeaja. Ado bajirojuã tũoĩarã ñaja mani: “Dios ï bojarore bajiro yirã me mani ñaboajaquêne, quênaro manire yigũmi. Rojose mani yisere ‘Manire masirioato Dios’ yigu, manire vaja yibosayumi Jesús. To bajiro manire ï yibosare ti ñajare, ‘Ñie rojose mana ñaama’ manire yĩagũmi Dios, yaja ti, ï oca. To bajiro ti yijare, to bajirone bajiroja”, yitũoĩarã ñaja mani. To bajiro yitũoĩarãre, “Ñie rojose mana ñaama”, yĩagũmi Dios. ⁶ Tire tũoĩagũ, David ñamasir'i, ado bajiro ucamasiñumi: “Rojose ña yisere tũoĩabecũne, ‘Rojose mana ñaama’ ñare yĩagũmi Dios, ïre ajitirãnuãrãre. To bajiro ñare ï yijare, variquēnarũarãma”, yiu camasiñumi David ñamasir'i. ⁷ Ado bajiro yiu camasiñumi ï: “Variquēnarũarãma rojose ña yisere Dios ï masiriorã.

8 ‘Rojose mani yiro bero, manire masiriocōari, “Rojose yicajū m̄a. To bajiri rojose m̄are yir̄c̄aja yū” tudiyibetir̄c̄ami Dios’ yit̄oīar̄ama, variquēnar̄ama”, yiu-camasiñumi David.

9 Variquēnarere ti yijama, jud'io masa, circuncisiōn yiriarā r̄ine yiro me yaja. Circuncisiōn yiecoyamana jud'io masa mere quēne yiro yaja. Abraham ī bajimasirere t̄oīasaque m̄a quēna: Dios ĩre ī gotimasirere, “Ī yirore bajirone bajir̄aroja” yigū ī ñajare, “Ñie rojose magū ñaami”, ĩre yīamasiñuju Dios. 10 To bajiro ĩre ī yijama, circuncisiōn ī yiecoriaro berojūa, ī yiecobetojūa bajiyujarique? “Ñie rojose magū ñaami” Abrahamre Dios ĩre ī yijama, circuncisiōn ī yiecoroto r̄ijorojūne ĩre yimasiñumi. 11 Dios ĩre ī gotimasirere, “Ī yirore bajirone bajir̄aroja” yigū ī ñajare, “Rojose magū ñaami”, ĩre yīamasiñumi Dios. To yicōari bero, “To bajiro ĩre yū yicatire masiritiromi” yigū, circuncisiōn ĩre yirotimasiñuju, Abrahamre. To bajiri Abraham circuncisiōn ī yiecoroto r̄ijorojūne, “Rojose magū ñaami”, ĩre yīamasiñuju Dios. To bajiro bajimasir'i ñari, jud'io masa ñicu r̄ine ñagū me bajimasiñumi Abraham ñamasir'ima. “Dios ī yiriarore bajirone bajir̄aroja” ī yit̄oīamasiriarore bajirone yit̄oīar̄a ĩna ñajare, “Ñie rojose mana ñaama” Dios ī yīar̄are quēne, ĩna ñicūne ñamasiñumi Abraham. 12 Jud'io masa circuncisiōn yiecocōari, Abraham circuncisiōn yiecobec̄ajū, “Dios ī yirore bajiro bajir̄aroja” ī yit̄oīamasiriarore bajirone t̄oīar̄are quēne ĩna ñicu ñamasiñumi Abraham.

“Cristore mani ajitir̄añajama, ‘Yir̄c̄aja’ ĩyiriarore bajirone yir̄c̄ami Dios”, yire queti

13 “M̄are, m̄a jānerabatiajure quēne, adi macar̄c̄uro ti ñaro cōrone m̄are űjor̄c̄aja yū”, yimasiñuju Dios, Abrahamre. “Yū rotisere quēnaro c̄adiami” yigū me, to bajiro ĩre yimasiñuju Dios. Abrahamjūa, “‘Yir̄c̄aja’ Dios ī yiriarore bajirone bajir̄aroja” yit̄oīamasir'i ī ñajare, “Rojose magū ñaami” ĩre yīagū ñari, to bajiro ĩre yimasiñuju Dios. 14 “Dios ī rotimasire ti yirore bajiro yir̄a r̄ine, macar̄c̄uro ti ñaro cōrone űjar̄ar̄aja” mani yit̄oīajama, Dios Abrahamre, “M̄are, m̄a jānerabatiare quēne űjor̄c̄aja yū” ī yimasiboarejūama vaja maniboroja. 15 “Dios ī roticūmasire ti yirore bajiro mani yijama, macar̄c̄uro ti ñaro cōrone űjar̄ar̄aja” mani yit̄oīajama, riojo gotir̄a me yir̄aja mani, Dios ī roticūmasire ñaro cōrone c̄adijeomena ñari. “Macar̄c̄uro űjar̄ar̄aja” mani yit̄oīaboajaquēne, rojose manire yir̄c̄ami Dios, ī roticūmasirere c̄adijeomena mani ñajare. “Dios ī roticūmasire mani c̄adibetiboajaquēne, ‘Rojose mana ñaama’ yīagūmi Dios” yit̄oīar̄a r̄ine ñaama “Rojose mana ñaama” Dios ī yīar̄a.

16 To bajiri, “Ī yirore bajirone bajir̄aroja” ī yit̄oīase ñajare, Abrahamre ĩamaicōari, “Macar̄c̄uro jedirore m̄are űjor̄c̄aja yū”, ĩre yimasiñuju Dios. To bajirone bajiaja manire quēne. Abraham Diore ī t̄oīariarore bajiro Diore mani t̄oīajama, manire quēne, “Abraham jānerabatia ñari, adi macar̄c̄uro jedirore űjar̄ar̄aja m̄a”, manire yīagūmi Dios. To bajiri jud'io masa Moisére Dios ī roticūmasirere c̄ocōari, Abraham ī t̄oīariarore bajirone ĩna t̄oīajama, ĩnare quēne to bajirone yir̄c̄ami Dios. 17 Dios ocare masa ĩna ucamasire quēne, to bajirone gotiaja: “J̄ar̄a masa cojo sitana me ñar̄a ñicu ñar̄c̄aja m̄’ yigotimasiñuju Dios, Abrahamre”, yigotiaja. To bajiro Dios ī yisere ajicōari, “Ī yirore bajirone bajir̄aroja”, ĩre yit̄oīamasiñuju Abraham. To bajiri, rijariar̄are catiogū, to yicōari, ñajediro rujeomasir'i ñaami Dioma.

18 “B̄c̄u ñari, r̄ia maniac̄u bajiaja” Abraham ī yit̄oīaboajaquēne, “J̄ar̄a ñar̄ar̄ama m̄ jānerabatia” Dios ĩre ī yijare, “Ī yirore bajirone bajir̄aroja”, yimasiñuju Abraham. “Bajir̄c̄aja m̄” ī yiriarore bajirone yigū, jediro ñicu ñaami yuja. 19 Abraham, cien cūmari cōro t̄asac̄u ñamasiñuju. Ī manajo r̄aca, j̄ar̄ajūne b̄c̄ur̄a ñari, r̄ia c̄atibetiariar̄ajū ñamasiñujar̄a. To bajiri, “To cōro bajirear̄ar̄aja yūa” yimasibetiboarine, “Dios ī yirore bajirone bajir̄aroja”, yicōa ñagū ñamasiñuju Abraham. 20 “‘Bajir̄aroja’ Dios ȳre ī yicati bajibetir̄aroja”, yibec̄u ñamasiñuju Abraham. To bajiro bajigū ñari, “Dios ī yirore bajirone yir̄c̄ami” yigū ñari, “Socagū me ñaami Dios” ĩre yiajir̄c̄ub̄omasucoamasiñuju

Abraham. To bajiri, “Mu yirore bajirone yigu ñaja mu”, Diore yivariquēnamasiñuju Abraham. ²¹ “I yirore bajirone yirucami. I yimasibeti manoja, Diorema”, yituoīamasiñuju. ²² “To bajiro yure tuoīagū i ñajare, ‘Rojose magū ñaami’ ire yīaja yu”, yimasiñuju Dios. To bajirone gotiaja ti, Dios ocare masa ña ucamasire.

²³ Abraham sīgūrene, “Rojose magū ñaami”, yiuca ecobesuja Dios ocare masa ña ucamasire. ²⁴ Manire quēne, Abraham Diore i tuoīamasiriarore bajirone ire mani tuoīajama, “Rojose mana ñaama”, yīagūmi Dios. I ñaami mani ujū Jesucristo i rijato bero ire catior’ima. ²⁵ “Rojose ña yise vaja ñare vaja yibosaya” yigu, Jesucristore ire rijaroticōañumi Dios. To yicōari, Jesucristo i rijato bero, “ ‘Rojose mana ñaama’ manire yīagūsa” yigu, ire tudicatoyumi quēna.

5

Rojose mana mani bajise queti

¹⁻² To bajiri, “Rojose mani yise vaja manire vaja yibosayumi mani ujū Jesucristo” mani yituoīasere masicōari, “Rojose mana ñaama”, manire yīagūmi Dios. To bajirā ñari, “Mani rijato beroju, i rāca quēnaro ñacōa ñarūgūrāraja”, yivariquēnaja mani. To yicōari, “ ‘Yure bajiro quēnase rīne yirā ñato’ yigu, manire yirēmogū yami”, yivariquēnaja mani. ³ To bajiro yirā ñari, rojose tāmūboarine, variquēnaja mani. Tiaye rīne variquēnarā me yirāja mani. Rojose tāmūboarine, “ ‘Jesucristo suorī Diorāca quēnaro ñaja’ yituoīarā ñari, rojose yirūboarine, tire yibeju yu”, yimasiaja mani. ⁴ Cojoji me rojose tāmūorā ñaboarine, “Jesucristo suorī Diorāca quēnaro ñaja” yituoīarā ñari, rojose yirūboarine, tire yimena ñari, “I ñaroju i rāca quēnaro ñarūarāja”, yituoīañarūarāja mani. ⁵ Esp’iritu Santore manire cōañumi Dios. To bajiro i yiriarā ñari, “Manire maiami Dios”, yimasiaja mani. To bajiri, “I ñaroju i rāca ñabetirūarāja”, yisutiritibetirūarāja mani.

⁶ Rojose yitujamasimena mani ñajare, rojose mani yisere masirioru, i macure cōañumi Dios, “Rojose ña yise vaja, ñare vaja yibosaya” yigu. ⁷ Josari ñaroja ti, gājire ña sīaroadone, “Yujua ire rijabosarucuja” yirema. Dios ocare ajitirūnugūre ire ña sīaroadijaquēne, ire maigū ñari, “Yujūare sīaña”, yimasigū magūmi. To bajiboarine quēnaro ire yigu i ñajama, “Yujūare sīaña”, yimasibogūmi, cojojirema. ⁸ Rojose yirā mani ñaboajaquēne, Jesucristojūama manire rijabosayumi. To bajiri, “Manire buto maiami Dios”, yimasiaja mani. ⁹ Rojose yirā mani ñaboajaquēne, Jesucristo manire i rijabosare ti ñajare, “Rojose mana ñaama”, manire yīaami Dios. To bajiri, “Rojose tāmūotujabetiriaroju manire cōabetirucami”, yimasiaja mani. ¹⁰ Rojose mani yisere itegū ñaboarine, tire masirioru, i macure manire cōañumi, “Iñare rijabosaaya” yigu. To bajiri i macu manire i rijabosaro bero ire catiocōari, “Rojose mana ñaama”, manire yīajūnisini tujayumi Dios. To bajiri, ado bajiro yimasiaja mani: “ ‘Dios tujū i rāca quēnaro ñato’ yigu, butobusa manire yirēmōrūgūrucami Jesucristo”, ire yivariquēnaja mani. ¹¹ Ti rīne yivariquēna tujamenane, “Jesucristo mani ujū manire i rijabosare ñajare, Diorāca quēnaro ñaja mani”, yivariquēnaroti ñaja.

Adán i bajire, to yicōari, Jesucristo i bajire rāca Pablo gotire

¹² Adán ñamasiñuju rojose yisur’i. To bajiro i yimasire vaja rijacoamasiñuju. To bajiro i yimasire ti ñajare, jedirone rojose yirā ñari, bajireacoayuja mani quēne. ¹³ Dios Moisére i roticūroto rījorojūne, masa jediro rojose yimasiñujarā ña. To ña yiboajaquēne, i roticūre ti manijare, “Yu rotirore bajiro yibeama ña”, yīabetimasiñuju Dios. ¹⁴ To bajiro i yīabetiboajaquēne, Moisére i roticūroto rījoroana quēne bajireacoadimasiñuma. To bajiro ña bajijama, Adán Dios ire i roticūsere masiboarine, i cūdibetimasire vaja bajireasūoadimasiñuma ña. To bajiri Adán manire i yiromasire suorine bajireacoarūgūaja mani quēne. To bajiboarine, “Quēnase yigūre ire cōarucuja yu. I suorine quēnaro ñarūarāma ña”, yimasiñuju Dios.

¹⁵ Adán rojose ï yisomasire vaja rojose manire ti ñaboajaquêne, manire ïamaicōari, quēnaro masu manire yirēmoami Dios. To bajiri Adán s̄orine “Rojose yirã ñaama” manire ï yĩare ti ñaboajaquêne, yuc̄rema Jesucristo s̄orine “Rojose mana ñaama”, manire yĩagūmi Dios. To yicōari, butobusa quēnaro manire yirēmocōa ñagūmi Jesucristo, “Diorãca quēnaro ñato” yiḡu. ¹⁶ Adán, rēmojune rojose ï yisere ïacōari, “M̄u yise s̄orine, m̄u quēne, m̄u jānerabatij̄u quēne, bajireajedicōaruarãma”, yimasiñuju Dios. To bajiro manire yimasir'i ñaboarine, yuc̄rema cojopi me rojose mani yise ti ñaboajaquêne, tire masiriocōari, “Ñie rojose mana ñaama”, manire yĩagūmi Dios. ¹⁷ Sīgū rojose ï yisomasire s̄orine masa jediro bajireacoayuja mani. To bajiro bajirã mani ñaboajaquêne, Dios, masijeoḡu ñari, manire ïamaicōari, quēnaro masu manire ejarēmogūmi. “Jesucristo manire rijabosayumi” yirãre, rojose mani yisere masiriocōari, “Rojose mana ñaama. Ñna rijato beroḡu ‘Tudirijabeticōato’ yiḡu, ȳu catisere ñnare ïsiruc̄uja ȳu”, manire yĩagūmi Dios.

¹⁸ Adán rojose ï yisomasire s̄orine, “Masa jediro bajireacoaruarãma”, manire yimasiñuju Dios. To bajiro ï yimasire ti ñacōaboajaquêne, “Jesucristo ȳuare rijabosayumi” yirãre, “Ñie rojose mana ñaama. Ñna rijato beroḡu ‘Tudirijabeticōato’ yiḡu, ȳu catisere ñnare ïsiruc̄uja ȳu”, ñnare yiḡumi Dios. ¹⁹ To bajiro ȳu yijama, ado bajiro yiḡu yaja ȳu: Sīgū Diore ï c̄udibetimasire s̄orine rojose yirã ñacoayuja mani jediro, Dios ï ñajama. To bajiro bajiriarã ñaboarine, Jesucristo, Dios ï rotirore bajirone ï c̄udire s̄orine, “Rojose mana ñaama” ï yĩarã j̄ajarã ñarũtuaj̄u mani yuja.

²⁰ Dios cūmasiñumi, ï roticūmasirere Moisés ñamasir'i rãca, “ ï roticūriarore bajiro yibeticōari, rojose yijairã ñaja mani’ yimasiato ñna” yiḡu. ï rotimasirere masiboarine, butobusa rojose yiyuma. To bajiro ñna yiboajaquêne, Dioj̄uama, butobusa ñnare ïamaiñumi.

²¹ Rojose mani yise vaja, bajireacōari, rojose tãm̄ot̄ujabetiriaroḡu varona ñañuja mani. To bajirona mani ñaboajaquêne, manire ïamaigū ñari, mani ñjare Jesucristore cōañumi Dios, “M̄ure ajitir̄anurãre rojose ñna tãm̄oborotire ñnare yir̄etobosaaya” yiḡu. To bajiri Jesucristo manire ï rijabosare s̄orine, “Rojose mana ñaama, manire yĩacōari, ñna rijato beroḡu ‘Tudirijabeticōato’ yiḡu, ȳu catisere ñnare ïsiruc̄uja ȳu”, manire yĩagūmi Dios.

6

“Rojose mani yisere yit̄ujacōari, Dios ï bojasej̄uare yirã ñato mani”, yire queti

¹ To bajiri Dios manire ï ñamaisere ȳu gotisere ajicōari, ¿no bajiro t̄uoĩati m̄ua? “Rojosere ñna yiboajaquêne, rojose yiḡu me ñañumi. To bajiri, butobusa rojose yito mani. To bajiro mani yiboajaquêne, manire maigū ñari, manire masiriocōa ñaruc̄umi”, ¿yit̄uoĩaboati m̄ua?

² ;To bajiro me bajiaja! “Manire rijabosayumi” yit̄uoĩarã ñari, rojose yir̄uaboarine, tire yibetis̄ooyuja mani. To bajiro yiriarã ñaboarine, ¿no yirã rojosere tudiyirãjari mani?

³ ¿Bautizarere ajimasiati m̄ua? Oco rãca manire ñna bautizarone, “Cristore ajitir̄anurã ñaja ȳu” yirã, ado bajiro yiriarãja mani: “ ‘ “Rojose ñna yisere, tire yit̄ujato” yiḡu, Cristo manire rijabosayumi’ yirã ñari, rojose mani yisere to cōrone yit̄ujato”, yiriarãja mani.

⁴ To bajiri rojose mani yisere yit̄ujaruarã ñari, oco rãca mani bautizarotirone, Jesucristo rãca rijanare bajiro bajiyuja mani. To bajicōari, Jesucristo ï yuje ecoro bero, ï masise rãca ñre tudicat̄ioyumi Dios. To bajiri, ï rãca tudicatirãre bajiro bajiyuja mani, bautismo mani yiecoro bero. To bajirã ñari, Jesucristo ï ejarēmose rãca Dios ï bojarore bajiro yirã ñaja mani.

⁵ To bajiri, Jesucristo rãca rijariarãre bajiro bajirã ñari, tudicatir'i ï ñajare, ï rãca tudicatiriarãre bajiro bajirã ñari, ï ejarēmose rãca quēnase yir̄üḡuroti ñaja manire. ⁶ “Rojose mani yisere yit̄ujacōari, Jesucristoj̄uare ñre ajitir̄anurãja” yirãre, manire rijabosayumi Jesús, rojose mani yisere “Yit̄ujato” yiḡu. To bajiro ï bajire ti ñajare, rojosere yir̄uaboarine, tire yit̄ujaroti ñaja. ⁷ Masu ï bajirocacoajama, j̄uaji rojose yibec̄umi. To bajiri mani quēne rojose yir̄üḡuriarã ñaboarine, Jesúre ajitir̄anurãca yirã, j̄uaji rojose

yibetiroti ñaja manire. ⁸⁻⁹ Mani quēne, Jesucristo rāca rijariarāre bajiro bajirā ñari, rojose yir̄aboarine, tire yibetir̄arāja. “Jesucristo ï rijariaro bero tudicaticōari, j̄uaji tudirijabetir̄ac̄ami” yimasirā ñari, “Ï ejarēmose rāca quēnase yicōa ñar̄ūgūr̄arāja mani, adigodoj̄u quēne, to yicōari, mani rijato beroj̄u quēne”, yit̄oīaja mani. ¹⁰ Jesucristo cojojine rijayumi, “Rojosere yit̄ujacōari, quēnasej̄uare yato ña” yiḡu. To bajiri j̄uaji tudirijabec̄ami. Ï rijaro bero, tudicaticōari, yuc̄rema õ vecaj̄u ñacōari, Dios ï bojasere yīñaḡūmi. ¹¹ To bajiro t̄oīar̄ūgūr̄oti ñaja manire quēne. “‘Quēnasej̄uare yato’ yiḡu manire ï rijabosare ti ñajare, rojosere yir̄aboarine, tire yibetir̄arāja. To bajicōari, Jesucristo ï ejarēmorā ñari, Dios ï bojasere yicōa ñar̄arāja mani quēne”, yit̄oīar̄ūgūr̄oti ñaja manire.

¹²⁻¹³ Mani ruj̄u, yoaro catirotiruj̄u me ñaja. To bajiri Dios ï bojabetire yir̄arā ñaboarine, tire yibetir̄arāja mani. “Rijacoaboarine, Jesucristo ï tudicatire ñajare, ï ejarēmose rāca Dios ï bojasej̄uare yir̄arāja” yit̄oīacōari, quēnasej̄uare yir̄ā ñar̄arāja mani. ¹⁴⁻¹⁵ “Dios Moisére ï roticūmasirere mani c̄adibetijama, rojose t̄am̄ot̄ujabetiriaroj̄u manire cōar̄ac̄ami”, yit̄oīa güibetiroti ñaja manire. Dios, manire maiḡū ñari, ï mac̄are cōañumi, rojose mani yise vajare, “Vaja yibosato” yiḡu. To bajiri, “Ñie rojose mana ñaama’ manire yīñaḡūmi Dios”, yaja mani. To bajiri, rojosere yir̄aboarine, Jesucristo ï ejarēmose rāca rojose yibeaja mani.

“‘Rojose mana ñaama’ Dios ï yīñarā ñari, rojose mani yijama, quēnacōaroja”, ¿yit̄oīati m̄aa? To bajiro me bajiaja. ¹⁶ “Rojosere yir̄arā ñari, tire mani yicōa ñajama, ti rione yise-jacoanaja mani”, ¿yimasibeati m̄aa? “To bajiro mani yijama rojose t̄am̄ot̄ujabetiriaroj̄u var̄arāja mani”, ¿yimasibeati m̄aa? “Tire yibeticōari, Dios ï bojarore bajiroj̄u mani yicōa ñajama, ï bojasej̄uare yisejacoanaja mani”, ¿yimasibeati m̄aa? ¹⁷ Tir̄um̄uj̄uma rojosere yisejariarā ñari, ti rione m̄are yir̄amacōriaroja ti. To bajiri sīḡū moarimas̄u c̄aticōari, ïre ï rotiajeriarore bajiro m̄are bajiriaroja rojosej̄u. To bajiro m̄are ti bajiboajaquēne, ado bajisej̄u yit̄oīañuja m̄aa yuja: “Jesucristo manire rijabosayumi, rojose mani yise s̄ori”, yit̄oīañuja m̄aa. To bajiri yuc̄rema Dios ï bojasere yir̄ā ñarāja m̄aa. Tire t̄oīacōari, Dios s̄orine to bajiro yir̄ā m̄aa ñajare, “Quēnaro yaja m̄”, ïre yaja ȳ. ¹⁸ Dios s̄orine rojose yit̄ujacōari, quēnasej̄uare ï bojarore bajiro yir̄ā ñarāja m̄aa. ¹⁹ Moarimas̄u c̄aticōari, ï rotirere quēnaro masirāja m̄aa. To bajiri tire cōīacōari, m̄are gotib̄u ȳ. Tir̄um̄uj̄uma rojose yisejarā ñañuja m̄aa. Yuc̄rema ado bajiro Diore s̄enir̄ūgūña: “M̄ bojase quēnase r̄ine yir̄aja ȳ”, ïre yis̄enir̄ūgūña m̄aa.

²⁰ Rojosere yir̄ā ñaboarine, “Rojose yir̄ā yaja ȳ”, yimasibetiriarāja m̄aa. ²¹ Rojose r̄ine m̄aa yijama, ¿dise ũni quēnase b̄ujacati m̄aa? B̄ujabetiriarāja. Rojose m̄aa yir̄ūgūrere m̄aa t̄oīajama, “Bojoneose yir̄ā yiyuja mani”, yir̄aja m̄aa. Rojose r̄ine m̄aa yicōa ñajama, rojose t̄am̄ot̄ujabetiriaroj̄u varona ñaboriarāja m̄aa. ²² To bajiboarine, yuc̄rema, Dios ï ejarēmose rāca rojosere yit̄ujacōari, ïre c̄adirāja m̄aa yuja. ïre c̄adirā ñari, Dios ï ejarēmose rāca b̄utob̄usa ï bojasere yir̄ūtuanaja m̄aa. To bajicōari, m̄aa rijato beroj̄u tudicaticōari, ï rāca quēnaro ñacōa ñar̄ūgūr̄arāja m̄aa. ²³ To bajiri, masa rojose mani yise vaja mani rijato beroj̄u rojose t̄am̄ot̄ujabetiriaroj̄u varoti ñaja. To bajiboarine, Jesús yarā mani ñajama, rojose mani yise vaja, mani vaja yibetiboajaquēne, mani rijato beroj̄u “Tudirijabeticōato” yiḡu, ï catisere manire ïsiami Dios.

7

“‘Rojose mana ñarāsa’ yir̄ā, Moisére Dios ï rotimasirere ajis̄uyabetiroti ñaja”, yire queti

¹ Ȳ mairā, Moisére Dios ï rotimasirere masirāja m̄aa. Mani catiro cōro tire c̄adire ñaja. Mani rijacoajama, tire c̄adimasimenaja. ² Tire bajirivāme m̄are gotiaja ȳ: Rōmio so manaj̄u c̄atijama, ï catiro cōro so manaj̄u rāca so ñajama, quēnaja. So manaj̄u ï bajirocacoajama, “Gājire manaj̄u c̄atibesa”, yibeaja Dios Moisére ï roticūmasire. To bajiri so manaj̄u ï bajirocaro bero, gāj̄i so manaj̄u c̄atijama, Dios ï rotimasirere c̄adibeco me

bajigomo. ³ To bajiboarine, so manajū ĩ catirone, gāji rāca so ajeri cūtijama, “Rojose yigo yamo”, sore yīare ñaroja. So manajū ĩ rijato berojū, gāji rāca so manajū cūtijama, Dios rotimasirere cūdibeco me yigomo. To bajiri, “Rojose yigo yamo”, sore yimasiña manija.

⁴ Tire bajiro bajiaja manire quēne. Cristo ĩ rijaroto rījoro, Dios ĩ rotimasirere mani cūdibeti vaja rojose tāmūotūjabetiriarojū manire varoti ñaboayuja maji. To bajiboajaquēne, rojose mani yisere “Masirioato Dios” yigū, manire rijabosayumi Cristo. ĩre ajitirūnūrā, ĩ rāca rijariarāre bajiro bajiaja mani. To bajiri yucūrema, “Dios ĩ rotimasirere mani cūdibetijama, rojose tāmūotūjabetiriarojū manire cōarūcūmi Dios”, yitūoīagūibetiroti ñaja manire. Cristo, mani yū ñaami. ĩre catioyumi Dios, “Yū macūre ajitirūnūrā, yū bojarore bajiro yato” yigū. ⁵ Jesúre mani ajitirūnūrōto rījorojūma, rojose rīne yirā ñarūgūñuja mani. Moisére Dios ĩ roticūmasirere masiboarine, ti yirore bajiro yirūabesuja mani. To bajiri, rojose yisejarā ñari, ti rione manire yirūamacōñuja ti. To bajiro yirā ñari, rojose tāmūotūjabetiriarojū varona ñaboayuja mani maji. ⁶ Yucūrema, “Moisére yū roticūcatire cūdijeoroti ñaja, yū tūjū ĩna ñarūajama”, yitūoīabeami Dios. To bajiro ĩ yibetijare, “Dios ĩ rotimasirere mani cūdibetijama, rojose tāmūotūjabetiriarojū manire cōarūcūmi Dios”, yitūoīagūirā me ñaja mani yuja. To bajirā ñari, Esp'iritu Santo ĩ ejarēmose rāca Dios ĩ bojarore bajiro yirā ñaja mani.

Rojose mani yisere Pablo ĩ gotire queti

⁷ To bajiro mūare yū gotisere ajicōari, ¿ado bajiro yitūoīati mūa? “Dios, Moisére ĩ roticūmasire, ‘Rojose yiya mūa’ manire yiro yaja”, ¿yitūoīati mūa? To bajiro me bajiaja. “‘Rojose yirā ñaja mani’ yimasiato” yiro, yaja ti, Moisére Dios ĩ roticūmasire. Moisére ĩ roticūmasire ti manijama, “Rojose yirā ñaja mani”, yimasibetiboriarāja mani. Ado bajiro bajiaja: “Gājerā ye gajeyeūnire bojaīabesa”, yigotiaja Dios ĩ roticūmasire. To bajiro ĩ yimasirere yū masibetijama, “Rojose yigū yaja”, yimasibetiboriaja yū. ⁸ “Bojaīabesa” Dios ĩ yimasirere masicōari, “Yū bojaīajama, rojose yigū yaja” yimasiboarine, rojose yigū ñari, butobūsa gājerā yere bojaīarūtuacajū yū. Dios ĩ rotimasire ti manijama, “Rojose yigū yaja yū”, yimasire maniboriaroja. ⁹ Moisére ĩ roticūmasirere yū masiroto rījorojūma, “Quēnaro yigū ñaja yū”, yitūoīaboacajū yū maji. “Bojaīabesa” Dios ĩ yimasirere masicōari, “Yū bojaīajama, rojose yigū yaja” yimasiboarine, butobūsa gājerā yere bojaīarūtuacajū yū. To bajiri, “Dios ĩ ĩajama, rojose tāmūotūjabetiriarojū varocū ñaja yū”, yimasicajū yū yuja. ¹⁰ “Masa, yū rāca quēnaro ñato” yigū, Moisére roticūmasiñumi Dios. To ĩ yimasire ti ñaboajaquēne, “Tire yū cūdibetijare, rojose tāmūotūjabetiriarojū yūre cōarūcūmi Dios”, yitūoīacajū yū. ¹¹ “Gājerā ye gajeyeūnire bojaīabesa” yirere ajicōari, “Tire yū cūdijama, ‘Quēnaro yigū ñaami’ yūre yīarūcūmi Dios”, yitūoīacajū yū. To yitūoīaboarine, gājerā yere bojaīacōa ñacajū yū. Tire yitūjabecū ñari, “Rojose tāmūotūjabetiriarojū yūre cōarūcūmi Dios”, yitūoīacajū yū.

¹² To bajiri, Dios, Moisére ĩ roticūmasire, ñajediro riojo yise ñaja ti. To bajicōari quēnase ñaja. ¹³ Tire ajicōari, Dios ĩ rotimasire quēnase ti ñaboajaquēne, “‘Ti sūorine rojose yirā ñari, rojose tāmūotūjabetiriarojū varūarāma masa’, yigū yami”, ¿yūre yitūoīati mūa? To bajiro me yaja yū. “Rojose ĩna yise vaja rojose tāmūorūarāma” yigūjūa yaja yū. “‘Rojose masu yirā ñaja mani’ yitūoīamasiato’ yirojūa bajiyuja Dios ĩ rotimasirema”, yimasiaja mani.

¹⁴ Dios ĩ roticūmasire, quēnase ti ñaboajaquēne, rojosere yirūa tūoīarā ñari, Dios ĩ bojabetijūare yaja mani. To bajiri, sīgū moarimasū cūticōari, ĩre ĩ rotiajerore bajiro manire bajiaja. ¹⁵ Mani bajisere ajimasibeaja mani. Quēnasere mani yirūasejūarema yibetirūgūaja mani. To yicōari, “Rojose yibetirūarāja” mani yitūoīasejūare yirūgūaja mani. ¹⁶ “Mani yirūgūesere yirūabeaja” mani yitūoīajama, “Quēnase ñaja Dios ĩ rotimasire” yirā yaja mani. ¹⁷ “Mani yirūgūesere yirūabeaja” yirā ñaboarine, tire mani yijama, mani masune yirā me yaja mani. Rojosejūa manire ũmato yirūgūaja. ¹⁸ Quēnasere

yiruarã ñaboarine, rojosejuare yirũgũaja mani. To bajiri, “Quēnasere yimasimena ñaja mani”, yimasiaja. ¹⁹ Quēnasere mani yirũasejuare yibeticōari, mani yirũabeti rojosejuare yirũgũaja mani. ²⁰ To bajiri, “Mani yirũgũsere yirũabeaja” yirã ñaboarine, tire mani yijama, mani masune yirã me yaja mani. Rojoseju manire ũmato yirũgũaja.

²¹⁻²³ Ado bajiro bajirũgũaja manire: “Quēnasere yiruarãja” yirã ñaboarine, rojosejuare yirũgũaja mani. Dios ĩ rotimasire ti yiore bajiro mani yirũacōaboajaquēne, rojoseju manire ũmato ti yicōa ñajare, rojosejuare yirũgũaja mani.

²⁴ To bajiri rojose yitujamasimena ñari, rojose tãmuotujabetiriaroju mani varotire tũoĩacōari, bũto sutiritiaja mani. “¿Ñimu manire yirēmogũti, rojose yitujacōari, Dios ĩ bojasejuare mani yirũgũrotire yigu?”, yisutiritiaja mani. ²⁵ To bajiro sutiritiboarine, “ ‘Rojose yitujacōari, yũ bojasejuare yirã ñato ĩna’ yigu, mani ujare Jesucristore ĩre cōañumi Dios”, yivariquēnaroti ñaja manire. To bajiri, “Quēnaro yaja mũ”, Diore ĩre yivariquēnato mani.

To bajiri Dios ĩ bojarore bajiro mani yirũaboajaquēne, rojoseju manire ũmato ti yicōa ñajare, rojosere yicōa ñaja mani.

8

“Esp'iritu Santo ĩ ejarēmose rãca quēnasere yimasiaja mani”, yire queti

¹⁻² Yucurema, “Yũ roticatore bajiro yibeama” Dios ĩ yĩarã me ñaja mani. Jesucristo yarã ñari, “Rojose mana ñaama” ĩ yĩarã ñaja. To bajicōari, rojose yirũaboarine, Esp'iritu Santo ĩ ejarēmojare, rojosere yimena ñaja mani. To bajiri, rojose tãmuotujabetiriaroju vabetiruarãja. ³ Ado bajiro bajiyuja manire: Dios Moisére ĩ roticũmasire ti yiore bajiro cũdijeomasibesuja mani, rojosejuare yirã ñari. Mani cũdijeobetijare, rojose magũ ĩ ñaboajaquēne, “Rojose yigu ñaja mũ” ĩre yigũre bajiro ĩ macũre rijaroticōañumi Dios, “Rojose ĩna yisere ĩnare vaja yibosaya” yigu. Mani rujare bajiro rujũ cutigu ñaboarine, rojose yibecũ ñari, rojose mani yise vaja manire rijabosayumi. ⁴ To bajiro yiyumi Dios, “Yũ ejarēmose rãca yũ bojarore bajiro quēnase rĩne yirã ñato” yigu. To bajiri, rojosere yiruarã ñaboarine, tire yibeaja mani. To yicōari, Esp'iritu Santo ĩ ejarēmose rãca tũoĩacōari, Dios ĩ bojarore bajiro yirũgũaja mani.

⁵ Rojose yirãma, rojose ĩna yiotire tũoĩarũgũrãma ĩna. Esp'iritu Santo ĩ bojarore bajiro yirãma, “Ĭ bojarore bajiro yirãsa” yirã tũoĩarũgũrãma. ⁶ Rojose yirãma, rojose tãmuotujabetiriaroju varona ñaama ĩna. Esp'iritu Santo ĩ bojarore bajiro yirãma, ĩna rijato beroju, Diorãca quēnaro ñacōa ñarũgũruarãma. ⁷ Rojose yirãma, Diore terã ñarãma ĩna. To bajirã ñari, ĩ bojarore bajiro yimasimenama. ⁸ To bajiro yirãrema, ĩnare ĩvariquēnabeami Dios.

⁹ Mũajũama, rojose yirã me ñaja mũa, Esp'iritu Santo mũa rãca ĩ ñajare. Esp'iritu Santo ĩ bojarore bajiro yirã ñarãja mũa. Esp'iritu Santore cũobecũ, Jesucristo yũ me ñaami, ĩ ũgũma. ¹⁰ Rojose mũare ũmato yirirujũrima, boacoarũaroja. Boarotirujũri ti ñaboajaquēne, Cristo rãcana mũa ñajare, “Rojose mana ñaama”, mũare yĩlagũmi Dios. To bajiro mũare ĩ yĩajare, ĩ rãca quēnaro ñarãja mũa. ¹¹ Dione ñaami Jesús ĩ rijacoaboajaquēne, ĩre tudicator'i. ĩre ĩ catioire ti ñajare, Esp'iritu Santore cũorã ñaja mũa. ĩre cũorã mũa ñajare, mũa rijato beroju Cristore ĩ catoriarore bajirone mũare quēne tudicatorũcũmi Dios, jũaji boabetitirujũrire mũare ĩsigũ.

¹² To bajiri yũ mairã, rojose yirũaboarine, tire yibetiroti ñaja mũare. ¹³ Rojose mũa yĩñajama, mũa rijato beroju rojose tãmuotujabetiriaroju varuarãja mũa. Rojose yirũaboarine, Esp'iritu Santo ĩ ejarēmose rãca rojosere mũa yibetijama, mũa rijato beroju “Tudirijabeticōato” yigu, ĩ catisere mũare ĩsirũcũmi Dios.

¹⁴ Esp'iritu Santo ĩ ejarēmose rãca yirãma, Dios rĩa ñarãma ĩna. ¹⁵ “ ‘Rojose mani yijare, rojose tãmuotujabetiriaroju manire cōarũcũmi Dios’ yigũiato ĩna” yigu me, manire ejarēmoami Esp'iritu Santo. ĩ suorine Dios rĩa ñaja mani. To bajicōari, ĩ ejarēmose rãca,

“Dios ĩ macure ĩ maiore bajiro manire maiami” yituoĩarã ñari, “Cacu”, yaja mani, Diore. ¹⁶ Esp'iritu Santo ĩ ejarẽmose rãca, “Dios rĩa ñaja”, yimasiaja mani. ¹⁷ To bajiri ĩ rĩa, Cristo yarã mani ñajare, ĩ macure ĩ maiore bajirone manire maigũ ñari, manire quẽne quẽnaro yirucumi Dios. Adigodoju, “Cristo ĩ bojasere yica” yirã, rojose mani tãmuojama, mani rijato bero Dios tãju quẽnaro ñarũgũruarãja. ĩ macu quẽnaro ĩ ñarore bajirone quẽnaro ñarũgũruarãja mani quẽne.

Mani rijato bero, quẽnaro mani ñaroti queti

¹⁸ To bajiri adirũmuri, “¿No yirã rojose tãmuoati mani?”, yituoĩa sutiritibetiroti ñaja manire, rojose mani tãmuose rẽtoro quẽnaro Diorãca ñarona ñari. ¹⁹ Adi macarucuro Dios ĩ rujeore jediro, Dios ĩ rĩare quẽnaro ĩ yirotirũmu ti ejarore ĩaruro bato yuñaroja ti. ²⁰ Rẽmoju Dios ĩ rujeorema, adirũmuri ti bajirone bajiro me bajimasiñuju. Adán rojose ĩ yise ti ñajare, “Boase rĩne ñacõaruroja” Dios ĩ yimasire ñari, adirũmuri ñase quẽne, boase rĩne ñacõaja. To bajiboarine, “Cojorũmu adi macarucuro ĩ rujeorere Dios ĩ tudiquẽnorotirũmu ejaruroja”, yimasiaja mani. ²¹ To bajiri ĩ rujeore jedirone “Boabeticõari, quẽnase rĩne ñato” yigu, tudiquẽnorucumi quẽna. To yicõari, “Yu rĩa quẽnase rĩne yirã ñato” yigu, tudirijayamanire manire ĩsirucumi. ²² Adirũmuri quẽne Dios ĩ rujeore jedirone rojose tãmuocõa ñaja ti. Tire masiaja mani. Rõmio macu cutigoago, rojose so tãmurore bajiro rojose tãmuoaja ti. ²³ Esp'iritu Santo ĩ ejarẽmorã ñaboarine, rojose yicõa ñarã ñari, rojose tãmurũgũaja mani. To bajiri, “Quẽnase rĩne yirã ñato” yigu, tudirijayamanire Dios manire ĩ ĩsirotire bojarã ñari, bato tuoĩacõa ñarũgũaja mani. ²⁴ “Tudirijayamanire ĩsirucumi”, yituoĩacõa ñarũgũaja mani, rojose mani yise vajare Jesús ĩ vaja yibosariarã ñari. Jẽre quẽnase rĩne yirã mani ñajama, tudirijayamanire manire ĩ ĩsirotire, no yirã yumenaja mani. ²⁵ Mani cubeti ti ñajare, quẽnaro tire yucõa ñarũgũroti ñaja.

²⁶ Esp'iritu Santo manire ejarẽmogũmi, “Rojose yirũaboarine, tire yibeticõato ĩna” yigu. To yicõari, Diore mani sãnimasibetire masicõari, manire sãnibosarũgũgũmi, ĩ masise rãca. ²⁷ Dios ĩ bojarore bajiro manire sãnibosagũmi. To bajiri, Esp'iritu Santo manire ĩ sãnibosasere masigũmi Dios. ĩ ñaami mani tuoĩasere masigũma.

Cristore ajitirũnarã ñari, “Dios ĩ ejarẽmose rãca quẽnase rĩne yirã ñarũarãja mani”, yire queti

²⁸ Dios ĩ beseriarã ñari, ĩre maiaja mani. To bajiri, quẽnaro mani ñarotire yigu, manire ĩ yirẽmorũgũsere masiaja mani. Rojose tãmuoaboarine, “Quẽnaro mani ñarotire yigu, manire yirẽmogũmi”, yituoĩacõa ñaroti ñaja. ²⁹ Rẽmoju Cristore ajitirũnaronare manire masicõañumi Dios. “Yu macu Jesucristore bajiro quẽnase rĩne yirã ñarũarãma ĩna” yigu. To bajiri, “Yu bojarore bajiro yirãrema, ĩna gagu ñarucumi Jesucristo”, yicõamasiñumi Dios. ³⁰ To bajiri rẽmoju, “Cristore bajiro quẽnase rĩne yirã ñarũarãma” ĩ yiriarã ñaja mani. To bajiro manire yigu ñari, “Rojosere yitũjacõari, ĩ macure ajitirũnato” yigu, manire ejarẽmoñumi. To yicõari, ĩ macure mani ajitirũnũjare, “Rojose mana ñaama”, manire yĩañumi. To bajiri, ĩ macu yarã mani ñajare, “ ĩre bajiro quẽnase rĩne yirã ñato’ yigu, ĩnare ejarẽmorucũja”, yiyumi Dios.

³¹ Ti oca quẽnasere masicõari, ado bajiro yirẽmomasiaja mani: “Dios manire ejarẽmoami, rojose tãmuotũjabetiriaroju vabeticõato ĩna” yigu. Rojose gãjerã manire ĩna yiboajaquẽne, “Dios manire ĩ ejarẽmojare, no bajiro manire yimasimenama”, yimasiaja mani. ³² ĩ maigũ ĩ ñaboajaquẽne, ĩ macure ĩre cõañumi Dios, “Masare rijabosato” yigu. To bajiro yirĩ ñari, quẽnasere manire ejarẽmocõa ñarucumi Dios. ³³ To bajiri, ĩ beseriarãre manire ĩamaicõari, “Rojose mana ñaama”, manire yĩagũmi Dios. To bajiro ĩ yirã mani ñajare, “Rojose yirã ñaama”, manire yimasimenama. ³⁴ Rojose mani yise vaja, manire vaja yibosagu rijayumi Jesucristo. Tudicaticõari, Dios ĩ rujiro riojojacatuajũare rujicõari, manire ñagõbosarũgũgũmi. To bajiri, “Rojose yirã ñaama”, manire yibetirucumi ĩ quẽne.

³⁵ Cristo manire ĩ maisere, “¿No yigũ ĩnare maiati?” yigũ magũmi. Cojoji me rojose mani tãmooboaajaquẽne, gãjerã rojose manire ĩna yiboajaquẽne, ñiorjarã, sudi mana mani ñaboajaquẽne, güioroju mani vaboajaquẽne, gãjerã manire ĩna sãboajaquẽne, manire maicõa ñarucumi Cristo. ³⁶ Tirũmũju Dios ocare masa ĩna ucamasire mani bajisere gotiro, ado bajiro gotiaja ti:

“Mũ yarã yua ñajare, gãjerã yuare sãarũgũama ĩna. Ovejare juaácõari, ĩna sãaroju juaejacõari, ĩna sãarore bajiro yuare yirũgũama”, yigotiaja Dios oca.

³⁷ Ñajediro rojose mani tãmoose ti ñaboajaquẽne, manire ĩ ejarẽmocõa ñajare, “Manire buto maicõa ñaami”, yitũjabetiruarãja mani. ³⁸⁻³⁹ Dios manire ĩ maisere matase manoja. Mani bajireacoajaquẽne, mani ñacõajaquẽne, manire maitũjabetirucumi. Adirũmũri rojose mani tãmoose, to yicõari, gajerãmũri rojose mani tãmooroti ti ñaboajaquẽne, manire maitũjabetirucumi Dios. Ángel mesa, vãtia, adigodo ujarã, õ vecana, õ eñerocana, ĩañamana quẽne, rojose manire ĩna yiboajaquẽne, manire ejarẽmocõa ñarucumi Dios, ĩ tũju mani ejarotire yigũ. Jesucristo yarã mani ñajare, manire buto maigũmi Dios.

9

Israel sitanare Dios ĩ besere queti

¹⁻³ “Yũ yarã, Jesús ĩ bajirere ĩna ajitejare, ĩ yarã me ñaama”, yisãtiritiaja yũ. ĩre ajitirũnũgũ ñari, Esp'iritu Santo ĩ ejarẽmose rãca, “Riojo gotiaja yũ”, yimasiaja yũ. ĩnare maigũ ñari, rojose ĩna yise vaja ĩnare vaja yibosagu, Cristore ĩre cãmotadicõari, rojose tãmoũjabetiriaroju varũboaja yũ; “To bajiro yũ bajise vajane, ĩnajũa Cristo rãcana ñato” yigũ. ⁴ Yũ yarãre ado bajiro quẽnaro ĩnare yiyumi Dios: ĩnare besecõari, “Yũ rĩa ñaja mũa”, ĩnare yiyumi. To yicõari, ĩañamagũ ñaboarine, ĩañamani ĩnare yĩlorũgũñumi, “Mani rãca ñagũmi” ĩna yimasirotire yigũ. Moisés ñamasir'ire ĩ rotisere ĩre cũmasiñumi. To yicõari, “Yũ bojasere mũa yijama, quẽnaro mũare yirucãja yũ”, ĩnare yimasĩñumi. “Mũare, mũ jãnerabatiajũre quẽne, adi macarucũro ti ñaro cõrone mũare uxorucãja yũ”, ĩnare yimasĩñumi. ⁵ Yũ ñicũa, Diore rũcũbuorã ñamasĩñujarã ĩna. ĩna jãnamine ñañumi Cristo. ĩne ñagũmi Dios, ñajediro uju. ĩ ñaami masa ĩna rũcũbuo tũjabetirocũma. To bajirone bajimũorũgõato.

⁶ Yũ yarã israelita masare Dios oca quẽnase ti gotiboaajaquẽne, “Quẽnaro yirucãja” ĩ yiriarore bajiro ĩ yibetijama, “Socũ yiyumi”, yitũoĩarãja mũa sigũri. To bajiro me bajiaja. ĩre ajitirũnrã rĩne ñarãma quẽnaro ĩ yirona. Gãjerãma, israelita masa ñaboarine, Dios ĩ ĩajama, ĩ rĩa me ñarãma, ĩre ajitirũnũmena ñari. ⁷ Abraham jãnerabatia ñaro cõrone, ĩ jãnerabatia masu me ñarãma, Dios ĩ ĩajama. Ado bajiro Abrahamre gotimasiñuju Dios: “Mũ macũ Isaac rĩa ñaruarãma mũ jãnerabatia masuma”, yimasĩñuju Dios. ⁸ To bajiro ti yijama, ado bajiro yiro yaja: “Quẽnaro mũre yirucãja yũ” ĩre ĩ yirere ajitirũnrãjũa ñaama Dios rĩa. ĩna roque, Abraham jãnerabatia masu ñaama, Dios ĩ ĩajama. ⁹ Dios, ado bajiro ĩre yimasĩñumi, Abrahamre: “Gaje cũma ado cõrone mũre ĩagũ vadirucãja yũ quẽna. To bajiri, tĩrodoore mũ manajo Sara, macũ cãtirucocomo”, ĩre yigoti rĩjoro cãtimasiñumi Dios.

¹⁰ Adi mũare yũ gotise rĩne ñabeaja. Abrahamre Dios ĩ gotiro bero, ĩ macũ Isaac vãme cãtigũ, bũcũacõari Rebecare manajo cãtiyuju. Sore ĩ manajo cãtiro bero, cojoji rĩa cãtigone, jũarã rĩa cãtimasiñuju so. Esaú, Jacob vãme cãtimasiñujarã. Jũarãjũne sigũ rĩa ñaboarine, Dios ĩ ĩajama, Jacob sigũne ñamasĩñuju Abraham jãnami masu. ¹¹⁻¹² ĩnare so rĩa cãtiroto rĩjoro, ado bajiro sore gotimasiñuju Dios: “Mũ macũ cãtisũogũ, ĩ bedire moabosarimasũ ñarucumi”, sore yimasĩñuju Dios, Rebecare. ĩna jũarãjũne, quẽnasere, rojosere quẽne ĩna yibetojũne, to bajiro sore gotimasiñuju Dios. To bajiro sore ĩ yimasire ti ñajare, ado bajiro yimasiaja mani: “Masa quẽnasere ĩna yise sũori me, ĩ bojarãre besegũmi Dios”, yimasiaja mani. ¹³ To bajiri, Dios ocare masa ĩna ucamasire ado bajiro gotiaja: “Jacobjũare ĩre maicõari, Esaúrema ĩre ĩatecaju yũ”, yigotiaja Dios oca.

¹⁴ To bajiro ĩ yijama, “Rojose yigũ yigũmi Dios”, yitũoĩaboarãja mũa. To bajiro me bajija. ¹⁵ Ado bajiro Moisére gotimasiñuju Dios: “Masa jediro rojose yirã ĩna ñaboajaquẽne, yũ bojarãre besecõari, ĩnare ĩamairũcũja yũ”, ĩre yimasiñuju Dios, Moisére. ¹⁶ To bajiri, Dios manire ĩ ĩamaĩrotire mani sēniro me, manire ĩamaigũmi. To yicõari, “Quẽnase mani yise sũori manire besegũmi Dios”, yimasĩna maja. “Ĭ bojarãre ĩamaicõari, besegũmi”, yimasire ñaja. ¹⁷ Egipto vãme cuti sitagu mũjũre Dios ĩre ĩ yĩrotire gotiro, Dios ocare masa ĩna ucamasire ado bajiro yaja: “Uũ mũre cũcũja yũ, Yũre mũ ajirũabeti sũori Egiptoanare rojose yũ yisere ĩacõari, “Masigũ ñaami Dios” masa yũre yirũcũbũoato ĩna’ yigũ”, yigotiaja Dios ocare masa ĩna ucamasire. ¹⁸ To bajiro Dios ĩ yimasire ñajare, “Ĭ bojarãre ĩamaicõari quẽnaro yigũ ñagũmi Dios”, yimasire ñaja. To yicõari, “Ĭre ajiterãrema, ‘Butobusa yũre ajiteato ĩna’ yigũ ñagũmi”, yimasire ñaja.

¹⁹ Tire ajicõari, ado bajiro tũoĩarãja mũa sigũri: “Dios ĩ yirũasere, ‘Tire yibeticõato’ yigũ magũmi. Ĭ manijare, ĩ bojarore bajiro yigũ ñari, rojose mani yisere ĩacõari, ‘Rojose tãmũotũjabetiriariojũ ĩnare ĩ cõarũajama ĩna’ Dios ĩ yijama, rojose yigũ, yigũmi”, yitũoĩarãja mũa sigũri. ²⁰ To bajiro mũa tũoĩajama, ado bajiro mũare cũdigũja yũ: Dios ĩ rujeoriarã ñari, “Rojose yũare yaja mũ”, ĩre yimasibeaja mani. Riri sotũ quẽne, “¿No yigũ to bajiri sotũ yũre veari mũ?” yibetoja ti, ti sotũre veari’ire. ²¹ Riri sotũri ĩ veajama, ĩ vearũa tũoĩase cõro veagũmi. Cojobũrũaye ti ñaboajaquẽne, “Gãjerã, yũ veari sotũre ĩacõari, ‘Quẽnase veamasigũ ñaami’ yũre yĩato ĩna” yigũ, quẽnari sotũ veagũmi. Gajerũrema, “Yũ cũoroti sotũ ñarũaroja” yigũ, “Ado bajiri sotũ yũ veajama, quẽnaja”, yigũmi. “To bajirone manire yigũmi Dios quẽne”, yimasiaja mani.

²²⁻²³ To bajiro yigũ ñari, jud'io masa rojose ĩna yise vaja rojose tãmũotũjabetiriariojũ ĩnare ĩ cõarũajama, cõamasigũ ñaboarine, ĩnare cõabesumi. ĩnare ĩ cõabetijama, gãjerãjũa, “Yũ ocare ĩna ajitirũnũjare, ĩnare ĩamaicõari, ‘Rojose mana ñaama’ ĩnare yĩarũcũja” yigũ, bajiyumi. To bajiri, jud'io masare rojose tãmũotũjabetiriariojũ ĩnare cõabetiboarine, rojose ĩna yijare, “Rojose tãmũoña mũa”, ĩnare yirũgũñumi, “ ‘Jũnisinigũ ñaami’ yũre yimasiatu” yigũ.^a ²⁴ To bajiro yigũ ñari, “Yũre ajitirũnũato” yigũ, manire beseyumi, jud'io masare, jud'io masa me ñarãre quẽne. ²⁵ Tirene gotiaja Dios ĩ yirere, Oseas ñamasir'i ĩ ucamasire: “ ‘Yũ yarã merene, “Yũ yarã ñaama”, yirũcũja yũ. Yũ ĩamaibeticanare, “Yũ ĩamairã ñaama”, yirũcũja yũ’, yami Dios.

²⁶ “Yũ rĩa me ñaama ĩna’ Dios ĩ yiriaro bero ti ñaboajaquẽne, ‘Catimũorũgõgõ Dios rĩa ñaama ĩna’ yirũarãma”, yuucamasiñuju Oseas ñamasir'i.

²⁷ Isa'ias ñamasir'ijũama, ado bajiro Diore gotirẽtobosamasiñumi, manire jud'io masare tũoĩagũ: “Jud'io masa moa riaga jare bajiro jãjarã ñaboarine, mojoroaca ñarũarãma, ‘Rojose tãmũotũjabetiriariojũ vabeticõato’ yigũ, yũ yirẽtobosarã. ²⁸ Jãjarã masa, adigodoana, rojose ĩna yise vaja, ‘Rojose tãmũotũjabetiriariojũ ĩnare cõarũcũja’ ĩ yiriarãmũ ti ejaro rēmone ĩnare cõarearũcũmi”, yuucamasiñuju Isa'ias. ²⁹ Quẽna gajejũ ado bajiro ucamasiñuju Isa'ias, jud'io masa mani bajiro tire yigũ:

“Rojose ĩna tãmũoborotire sigũrire Dios masijeoga ĩnare yirẽtobosabecũne, Sodomanare, Gomorranare, ĩ yiriarore bajiro ĩnare ĩ yireajeocõa tũajajama, mani jãnerabatia maniborãma”, yuucamasiñuju Isa'ias, jud'io masa mani bajiro tire yigũ.

Cristore ajitirũnũrãre, “Rojose mana ñaama” Dios ĩ yĩarere jud'io masa ĩna ajirũabeti queti

³⁰ Tire tũoĩacõari, jud'io masa me ñarãre ado bajiro yimasiaja mani: “ ‘¿No bajiro yirãti mani, “Rojose mana ñaama” Dios, manire ĩ yĩarotire yirã? ’ yitũoĩabetiboarine, ‘Rojose mani yise vaja, manire rijabosayumi Cristo’ ĩna yitũoĩajare, ‘Rojose mana ñaama’ ĩnare yĩagũmi Dios”, yimasiaja mani. ³¹ To yicõari, jud'io masajũrema ado bajiro yimasiaja mani: “Dios ĩ rotimasire ti yirore bajiro mani yijama, ‘Quẽnase yirã ñaama’

^a 9:22-23 Rojose tãmũotũjabetiriariojũ ĩnare cõabetiboarine, “Rojose tãmũoña mũa” ĩnare ĩ yijama, adi macarũcũro ñacõari, rojose ĩna tãmũoĩarotire yigũ, yiyuju.

manire yīārūcūmi Dios”, yitūōīaboayuma īna. To bajiro yitūōīaboarine, ī rotimasire jediro īna cūdibetijare, “Quēnase yirā űaama”, īnare yīābesuju Dios, yimasiaja mani. ³² ¿No yirā to bajise bajiyujari īna? “Jesucristo, manire ī rijabosare ti űajare, manire īavariquēnagūmi Dios”, yibesuma. “Quēnaro mani yisere īacōari, ‘Quēnase yirā űaama’ manire yīāvariquēnarūcūmi Dios”, yitūōīaboayuma īna. To bajiro yitūōīarā űari, gūta jūatarāre bajiro bajiyuma.^b ³³ Ado bajiro yaja Dios oca, tire gotiro:

“Sion vāme cuti macare gūta cūrūcūja yū, masa īna jūata quedirotiare. Tiare ajitirūnūrāma, yū goticatore bajiro īnare quēnaro yirūcūja yū. To bajiro īnare yū yijare, ‘Yirūcūja’ ī yiriarore bajiro yigū űaami’ yirā, sūtiritibetirūarāma”.

10

¹ Ajiya mūa, yū mairā, Cristore ajitirūnūrā. “Jud’io masa jediro rojose tāmūotūjabetiriaroju vatoma” yigū, Diore īnare sēnibosarūgūaja yū. ² Ado bajiro īna bajisere masiaja yū: Dios ī bojasere buto yirūaboama īna. To bajiboarine, “Ti űaja ī bojase”, yimasibeama. ³ “Rojose mani yisere Dios ī masiriose vaja, manire vaja yibosayumi Cristo. To bajiri, Dios ī īajama, ‘Rojose mana űaama’ manire yīāgūmi”, yitūōīabeama. “ī rotimasirere mani cūdijama, ‘Rojose mana űaama’ manire yīārūcūmi Dios”, yitūōīaboama. To bajiro īna yijama, Dios ī bojase yirā me yirāma. ⁴ “Cristo sūorine manire īavariquēnagūmi Dios” yitūōīarārema, “Rojose mana űaama”, yīāgūmi Dios. “Yū roticatire cūdirā űari, rojose mana űaama”, īnare yibecūmi.

⁵ “Dios ī rotisere cūdirāma, rojose mana űaama” yigū, ado bajiro ucamasiñumi Moisés űamasir’i: “Dios ī roticatore bajirone cūdirāma, Diorāca quēnaro űacōa űarūgūrūarāma īna, adigodoju, to yicōari, īna rijato beroju quēne”, yiucamasiñuju Moisés. ⁶ To ī yimasire ti űaboajaquēne, “Dios ī rotimasire ti yirore bajirone cūdigū magūmi”, yimasiaja mani. To yicōari, “Jesucristore masa īna ajitirūnūjama, ‘Rojose mana űaama’ īnare yīāgūmi Dios”, yimasiaja mani. To bajiro yirā űari, “Dios ī űaroju űagūre manire yirētobosarūcūre Cristore īre āmirā varoti űaja”, yitūōīabetiroti űaja, manire. ⁷ To yicōari, “Rijariarā īna űaroju űagūre Cristore īre tudicatioarā varoti űaja”, yitūōīabetiroti űaja, manire. ⁸ “To bajiro tire yitūōīamenane, ‘Dios ī yiriarore bajirone bajiyuja’ yitūōīamasicōari, gājerāre tire gotiya”, yigotiaja Dios oca. To bajiri, tirene masare ado bajiro gotimasiorūgūaja yūa: ⁹ “Jesús ī rijacoaboajaquēne, īre tudicatioyumi Dios” yitūōīacōari, “Jesús űaami mani űju” mūa yigotijama, rojose tāmūotūjabetiriaroju mani vaborotire manire yirētobosarūcūmi Dios, yigotimasiorūgūaja yūa. ¹⁰ Tire īnare yūa gotimasiojama, “Rojose mana űaama” īnare yīācōari, rojose tāmūotūjabetiriaroju īna vaborotire īnare yirētobosarūcūmi Dios yirā, īnare gotimasiorūgūaja.

¹¹ To bajirone gotiaja Dios oca: “Jesūre ajitirūnūrārema yū goticatore bajiro īnare quēnaro yū yijare, ‘Yirūcūja’ ī yiriarore bajiro yigū űaami’ yirā, sūtiritibetirūarāma”, yigotiaja ti. ¹² Īna űju űagūmi jud’io masare, jud’io masa me űarāre quēne. To bajiri, īre sēnirārema, quēnaro īnare yigūmi. ¹³ Tire gotiaja Dios ocare masa īna ucamasire: “Rojose yūa yise vaja rojose tāmūotūjabetiriaroju yūa varotire yūare yirētobosaya’ īre yisēnirārema yirētobosarūcūmi mani űju”, yigotiaja Dios ocare masa īna ucamasire. ¹⁴ To bajiro ti gotiboajaquēne, “Dios ī cōar’i űañumi” īna yitūōīabetijama, no bajiro īre yisēnimenama. To yicōari, Jesús ī bajire quetire īna ajibetijama, no bajiro yimasicōari, “Dios ī cōar’i űañumi”, īre yimasimenama. No bajiroju yicōari tire masimenama īna, űimūjūane Jesús ī bajirere īnare ī gotimasioebetijare. ¹⁵ “Jesús ī bajirere gotimasioyadiaya” űimūjūane īnare ī yiro cōro gotimasioyadiarā vamenama. To bajiro yitūōīarāre ado bajiro gotiaja Dios ocare masa īna ucamasirere: “Masare quēnaro Dios ī yise quetire gotimasiorā īna ejasere buto īavariquēnaja mani”, yigotiaja ti.

^b 9:32 “Gātare jūatayuma” ti yijama, jud’io masa Jesucristore īna ajiterere yiro yaja.

16 To bajiro ti yiboajaquêne, jud'io masa Jesús ï bajire quetire ajirã jãjarã ñaboarine, mojoroaca ñaama ïre ajitirãnarãma. To bajiro ñna bajiro tire yigũ, Isa'ias ñamasir'i ado bajiro ucamasinũmi: “Yũ ujũ, yũare mũ gotimasiorotisere ajirũamena rĩne ñacõama”, yucamasinũmi Isa'ias. 17 To bajiri, Cristo ï bajirere ñna gotimasiosere ajicõari, “To bajirone bajirimi Cristo”, yitũõiare ñaja.

18 To bajiri, Jud'io masa, ¿Cristo ï bajirere ajibesujarique ñna? Ajiboayuma, bajirãjũma. Ado bajiro gotiaja Dios ocare masa ñna ucamasire: “Dios ocare gotimasiodiyujarã ñna. To ñna yijare, Cristo ï bajirere ajijedicõañujarã”, yigotiaja Dios oca.

19 ¿Jud'io masa tire ajiboarine, quẽnaro ajimasibesujarique? Ajimasiboayuma. “Ado bajiro bajirũarãma jud'io masa”, yigotiaja Moisés ï ucamasire:

“ “Dios ocare ajimasimena ñaama” mũa yirãre, “Yũ yarã ñaja mũa”, ñnare yirũcũja yũ. Ñnajuare quẽnaro yũ yisere ñacõari, ñnare jũnisinirũarãja mũa' yami Dios”, yucamasinũmi Moisés.

20 Isa'ias ñamasir'i quêne, gũitũõĩari mene ado bajiro ucamasinũmi:

“Yũre macamenajũa, yũre bũjarũarãma. “Diore masirũarãja” yitũõĩamenajũa, yũre masirũarãma' yami Dios, jud'io masa me ñnarãre tũõĩagũ”, yucamasinũmi Isa'ias.

21 Jud'io masajũare Dios ï gotirere ado bajiro ucamasinũmi Isa'ias: “Tocãrãcarũmũne, “Yũ yarã mũa ñasere bojaja yũ”, ñnare yirũgũboacajũ yũ. Yũre cãdibeticõari, yũre oca rẽtorũgũcama ñna' yami Dios”, yucamasinũmi Isa'ias.

11

Israelita masare Dios ï ñamaire queti

1 To bajiri, ¿ĩ yarãre jud'io masare ñnare maitũjacoasujari Dios? Bajibeaja. No yigu maitũjabecũmi. Yũ quêne, jud'io masũ ñaja. Yũ ñicũ ñasũor'i ñamasinũju Abraham. To bajiri, ï jãnami ñamasir'i, Benjam'in ñamasir'i ya jũnagũ ñaja yũ. 2 Tirũmũjũ, yũa jud'io masare, “Yũ yarã ñarũarãja mũa”, yimasinũmi Dios. To bajiro yir'i ñari, maitũjabeami. El'ias ñamasir'i Diore ï sãnimasire masa ñna ucamasirere ñariarãja mũa. “Jud'io masa yũ yarãre rojose ñna yise vaja rojose ñnare yiya” yigũ, ado bajiro yimasinũmi: 3 Yũ ujũ, yũre ajiya. “Mũre gotirẽtobosarimasare sãjaeocõama ñna. Mũre ñna rũcũbũorijũrere quêne reajeocõama ñna. Yũ sũgũne, mũre rũcũbũogũma rũyaja yũ. Yũre quêne sãrũama”, Diore ïre yimasinũmi El'ias. 4 To bajiro ï yisere ajicõari, ado bajiro ïre cãdimasinũmi Dios: “Mũ sũgũ me rũyaja. “Yũ yarã ñaja mũa' yũ yirã, siete mil ñarirãcũ rũyaama, yũre rũcũbũorã, Baal vãme cutigure rũcũbũomena”, yimasinũmi Dios, El'ias ñamasir'ire. 5 Yucũrere quêne sũgũrere jud'io masare yũare ñamaicõari, quẽnaro ï yire ñajare, “Yũ yarã ñaja mũa” ï yirã ñaja yũa. 6 Quẽnaro mani yibetiboajaquêne, manire ñamaicõari, quẽnaro ï yire ti ñajare, ï yarã ñaja mani. To bajiro ti bajijare, “Quẽnaro mani yise sũori me, “Yũ yarã ñaama' manire yũãñũmi Dios”, yimasiaja mani.

7 Ado bajiro bajiyuja jud'io masare: “Rojose mana ñaama” Dios ï yũasere ñna bojaboajaquêne, Diojũama, “Rojose mana ñaama”, ñnare yũãbesumi. To yibetiboarine, sũgũrere ñamaicõari, quẽnaro ï yire ti ñajare, “Rojose mana ñaama” ï yũãrã ñari, ï yarã ñaja yũa. Gãjerãrema, “Yũre ajiterã ñari, bũtobũsa yũre ajiterũarãma”, yiyumi Dios. 8 Tire gotiro, ado bajiro gotiaja Dios oca:

“Yũre ajiterã ñari, bũtobũsa yũ ocare ajimasibetirũarãma' yirũcũmi Dios. To bajiro ï yijare, ï ocare masa ñna ucamasirere ñaboarine, ajimasibetirũarãma. Gãjerã ï ocare ñna gotiboajaquêne, ajimasibetirũarãma ñna”, yigotiaja Dios oca.

Ï gotiriarore bajirone bajicõa ñaja ti, yũ yarãre. 9-10 David ñamasir'i quêne, ado bajiro ucamasinũmi, Diore ï sãnigũ:

“Jud'io masa, boserũma yivariquẽnaboarã, sũtiritiato, to yicõari, ajimasibetirũarãma ñnare yiya. Rojose ñna yise vaja rojose tãmũorũarãma ñnare yiya. To yicõari rojose ñna yise

vaja, sīgūne bato rūcūserē juacōari, ī tānivatore bajiro bajiato ĩnare yiya”, Diore ĩre yisēnimasīñumi David.

Jud'io masa me ñarā, rojose ĩna yise vajare Dios ĩnare ĩ yirētobosare queti

11-12 To bajiri, ¿Jud'io masa Cristo ocare ĩna ajirūabeti vaja, “Yū yarā me ñaja mūa”, ĩnare yicōa tūjasujari Dios? To bajiro me bajiaja. Jud'io masa jājarā ĩre ĩna ajirūabetijare, jud'io masa me ñarājūa Cristo ocare ajitirūñūma. ĩna ajitirūñūjare, rojose ĩna yise vaja rojose tāmūotūjabetiriaroju ĩna vaborotire ĩnare yirētobosayumi. To bajiro ĩ yijama, “ ‘Quēnaro manire ĩ yiborere ĩnajuare quēnaro yigūmi Dios’ yitūoīacōari, ‘Manire quēne quēnaro yato Dios’ yirā, yūre ajitirūñūato jud'io masa” yigū, jud'io masa mere quēnaro yiyumi Dios. Jud'io masa quēne ĩna ajitirūñūjama, masa jedirore rētoro quēnaro yirūcūmi Dios.

13 Jud'io masa mejūare ado bajiro mūare gotiaja yū: Mūare gotimasiorocūre yūre cōacami Cristo. To bajiri, “Ti moare ñamasuse ñaja” yigū ñari, yū masiro cōro quēnaro gotimasiorūgūaja yū. 14 Mūare yū gotimasiojama, yū yarā jud'io masa, mūare yū gotimasiosere ajicōari, “ ‘Yūare ĩ gotiborotire ĩnajuare gotimasioami’ yirā ñari, ĩna quēne Cristore ajitirūñūato” yigū, mūare gotimasioaja yū. To bajiri, rojose ĩna yise vaja rojose tāmūotūjabetiriaroju ĩna vaborotire ĩnare yirētobosarūcūmi Dios. 15 Jud'io masa, Cristo ocare ĩna ajirūabetijare, jud'io masa mejūare gotimasiocaju yūa. To bajiri Cristo ocare ajitirūñūrā ñari, adigodoju Diorāca quēnaro ñaama ĩna. Dios ĩ bojariarore bajiro jud'io masa quēne, Cristo ocare ĩna ajitirūñūjama, rētoro quēnarūaroja ti. Tudirijayamanire Dios ĩ catisere cūorā ñarūarāma. 16 Pan mani quēnorotibūñūayere mojobūñūaca āmicōari, mani quēnoricare, “Dios yaga ñarūaroja” mani yijama, tiare quēnorū mani juarūare quēne, Dios ye rīne ñacōaroja, ĩ ĩajama. Yucū ñemare, “Dios ya ma ñarūaroja” mani yiboajaquēne, tiū rūjari jedirone ĩ ye rīne ñacōaroja. Abraham ñamasir'ire quēne, “Yū yū ñaami”, ĩre yīāmasiñumi Dios. To bajiro ĩre yir'i ñari, ĩ jānerabatia jedirore, “Yū yarā ñaama”, ĩnare yīāarūcūmi Dios.

17 Tirūñūjama, jud'io masa, olivo vāme cuti rūjare bajiro ñañūma. To bajiro ĩna bajiboajaquēne, tirūjare jatarocariarore bajiro ĩnare yiyumi Dios, ĩre ĩna ajitirūñūbeti vaja. Mūa, jud'io masa mejūa, no bojaricū yucū rūjare bajiro mūa bajiboajaquēne, Jesucristore mūa ajitirūñūse sūorine ti rūjare jataāmiadicōari, olivo vāme cuti rūju ĩ jatarocariarūjare vasoagūre bajiro yiyumi Dios. To bajiro ĩ yijama, “Sīgū rīare bajiro bajirā ñarūarāma” yigū yiyumi. 18 To bajiri, jud'io masa sūori Dios ye quēnase būjarā ñari, jud'io masare, “Yū yarā me ñaama” ĩ yīārāre ĩatebesa mūa. “ĩna rētoro quēnarā ñaja yūa”, yitūoīabesa. Ado bajirojuā tūoīañā: “ ‘Yū yarā ñaama’ manire ĩ yīāroto rījorojuā, jud'io masarema, ‘Mūa sūori masa jedirore quēnarūaroja ti’ ĩnare yimasīñuju Dios”, yitūoīañā mūa.

19 To bajiro mūare yū yigotiboajaquēne, mūa sīgūri ado bajiro tūoīarāja mūa: “Yucū rūjari rojosere mani jasurerearore bajirone jud'io masare, ‘Yū yarā me ñaama’ ĩnare yīāñumi Dios, ‘Gājerā masa yū rīa ñato’ yigū”, yitūoīarāja mūa. To bajiro yitūoīacōari, “Jud'io masa rētoro quēnarā ñaja mani”, yitūoīaboarāja mūa. 20 To bajiro tūoīarāre ado bajiro cūdiaja yū: Diore ĩna ajitirūñūbeti sūori, jud'io masare reayumi Dios. To bajiro ĩnare yiboarine, mūajūare ĩ yarāre bajiro mūare ĩaami, ĩre mūa ajitirūñūse sūori. ĩre mūa ajitirūñū sūyabeticōajama, ĩ yarā me ñaborāja. To bajiri, “Jud'io masa rētoro ñamasurā ñaja”, yitūoīabeticōañā. Diojūare gūiya, “Yūare quēne rearomi” yirā. 21 Jud'io masa ĩre ĩna ajitirūñū sūyabeti sūori, rojose ĩna yire vaja ĩnare masiriobesumi Dios. Olivo rūjare ñasūorirūju jatarocariarore bajiro ĩnare yiyumi. To bajiri mūa jud'io masa me ñarā quēne, ĩre mūa ajitirūñū sūyabetijama, to bajirone yirūcūmi. 22 Diore mūa teboajaquēne, mūare ĩamaicōari, quēnaro ĩ yirere, to yicōari, jud'io masa, Cristo ocare ĩna ajitirūñūbeti vaja “Yū yarā me ñaama” ĩnare ĩ yirere tūoīañā. Tire masirā ñari, “Cristore mani ajitirūñū tūajama, manire quēne, ‘Yū yarā me ñaama’ yīāarūcūmi”, yimasīñā mūa. 23 Jud'io masa quēne, Cristo ocare ĩna ajitirūñūjama, ĩnare ĩamaicōari, “Yū yarā ñaja mūa quēne”, ĩnare

yīarucumi Dios quēna. ²⁴ Jud'io masa me m̄ua ñaboajaquēne, ñare ī yis̄oriarore bajirone m̄uare īamaicōari, “Ȳu yarā ñaama”, m̄uare yīāñumi. To bajiro ī yire ñajare, “Quēna ĩre ĩna ajitir̄un̄ajama, josari mene, ‘Ȳu yarā ñaama’ ĩnare yīacōagūmi, jud'io masare”, yimasire ñaja.

Jud'io masa rojose ĩna yise vajare Dios ĩnare ī yir̄etobosaroti

²⁵ Ȳu mairā, masa ĩna masibeticatire ado bajiro m̄uare gotiaja ȳu: “ ‘Dios yarā ñari, ȳua r̄ine ñaja ī ocare quēnaro riojo ajimasirā’ yibeticōato” yiḡu, adi ocare m̄uare gotiaja ȳu: Adir̄um̄ari jud'io masa jājarā ñarāma Cristo ocare ajiterā. Jud'io masa me Cristore ĩna ajitir̄un̄ajediro bero, jud'io masa quēne, Cristore ĩre ajitir̄un̄ar̄ama ĩna. ²⁶ ĩna ajitir̄un̄ajare, rojose ĩna yise vaja rojose ĩnare ī yiborotire ĩnare yir̄etobosarucumi Dios. Tirene, ado bajiro gotiaja Dios ocare masa ĩna ucamasire:

“Siōn v̄ame c̄ati macaḡu ejarucumi, jud'io masa rojose ĩna yisere Dios ī masiriose vajare, ĩnare vaja yibosaroc̄u. Rojose ĩna yisere ī s̄orine yit̄ajacōari, ȳure ajitir̄un̄ar̄ama quēna.

²⁷ Rojose ĩna yisere masiriocōari, ȳu goticatore bajirone yir̄uc̄aja ȳu”, yigotiaja Dios ocare masa ĩna ucamasire.^c

²⁸⁻²⁹ Cristo ī bajire s̄orine quēnaro Dios ī yisere jud'io masa jājarā ĩna ajir̄uabetijare, ĩnare ĩategumi Dios. ĩna ajir̄uabetijare, jud'io masa mejuare m̄uare gotimasiocaju ȳua. To bajiboarine, jud'io masa ñic̄ua ñamasiriar̄are, “Ȳu r̄ia, quēnaro ȳu yirona ñar̄ar̄aja, m̄ua jānerabatia quēne” ĩnare yir̄'i ñari, ĩnare maicōa ñagūmi Dios. To bajicōari, “Yir̄uc̄aja” ī yir̄iarore bajirone yiḡu ñari, Cristo ī bajirere ĩna ajitir̄un̄aro, ĩnare quēne, “Ȳu r̄ia ñaama”, yīarucumi. ³⁰ Tir̄um̄ajama Dios ocare ajiterā ñañuja m̄ua maji. To bajiro bajiriarā m̄ua ñaboajaquēne, jud'io masa Dios ocare ĩna ajir̄uabetijare, m̄uajure ĩamaicōari, rojose m̄ua yise vaja rojose m̄ua t̄am̄uoborotire m̄uare yir̄etobosayumi. ³¹ To bajiri yuc̄urema jud'io masa ñaama Dios ocare ajiterā. To bajiro ĩna bajiboajaquēne, m̄uare ĩamaicōari, ī yir̄iarore bajirone rojose ĩna yise vaja rojose ĩna t̄am̄uoborotire ĩnare yir̄etobosarucumi Dios. ³² Ado bajiro bajiyuja manire: Jud'io masare, ĩna mere quēne, “Ȳu bojarore bajiro yir̄a me ñaama”, manire yīāñumi Dios, “Manire rijabosayumi” Jesúre yit̄oīar̄are ĩamaicōari, quēnaro ī yirotire yiḡu.

³³ Mani jedirore quēnaro yiḡu ñagūmi Dios. ¡Masijeoḡu ñagūmi! ĩre bajiro quēnaro yiḡu magūmi. ĩnim̄ujane, ī t̄oīasere, to yicōari ī yisere quēne masibecumi. ³⁴ Ado bajiro gotiaja Dios ocare masa ĩna ucamasire: “Dios, mani ̄ju, ī t̄oīasere masigū magūmi. ĩre gotimasiogū magūmi. ³⁵ ‘Quēnaro mani yijare, Dios quēne quēnaro manire yiroc̄u ñagūmi’ yimasibeaja mani”. ³⁶ “Quēnase ȳure yir̄uc̄ub̄o variquēnato” yiḡu, ñajedirore rujeomasiñumi Dios. To bajiro ī yire ñaro cōrone c̄oḡu ñagūmi. To bajiro bajigu ī ñajare, quēnase ĩre r̄uc̄ub̄o variquēnat̄ujabetiroti ñaja, manire. To bajirone bajim̄or̄uḡoato.

12

“Dios ī bojasere yir̄ūḡur̄ar̄aja mani”, yire queti

¹ To bajiri, ȳu mairā, Dios manire ī ĩmaisere masirā ñari, ī bojarore bajiro quēnase r̄ine yiroti ñaja. To bajiro mani yīñajama, ĩre r̄uc̄ub̄or̄a yir̄aja mani. Tire ĩavariquēnagūmi Dios. ² Adigodoaye r̄ine t̄oīarā ĩna t̄oīarore bajiro t̄oīabetiroti ñaja m̄uare. M̄uajama, Dios ī ejar̄emose r̄aca ī bojasere yir̄ūḡūña. To bajiro m̄ua yijama, “Quēnasere, Dios ī ĩavariquēnasere yir̄a yaja”, yimasiruar̄aja.

³ Ȳure ĩamaicōari, quēnaro ȳure yiḡu, ȳure goticudirotiyumi Dios. To bajiri ado bajiro m̄uare gotiaja ȳu: “Mani masune Dios ī bojasere yimasiaja mani”, yit̄oīabesa m̄ua. Ado bajiroj̄ua t̄oīaña m̄ua: “Toc̄ar̄ac̄ure ricatiri r̄ine mani yimasirotire ̄joyumi Dios. To bajiri, ī ejar̄emose r̄aca yir̄uar̄aja”, yit̄oīaña m̄ua. ⁴ Mani rujare jairo ñaja. Āmo, cajea,

^c 11:27 He 8.8-12. b

gãmoru, gũbo, gajeye quẽne ñaja, cojo ruju ñaboarine. Ricati rĩne yaja. Cajea rãca ña, gãmoru rãca aji, ãmo rãca ãmi, gũbo rãca va, bajimasire ñaja manire. ⁵ To bajirone bajiaja Cristore ajitirũnrãre quẽne. Jãjarã ñaboarine, Cristore ajitirũnrã ñari, cojo ruju bajirone bajiaja mani. To bajicõari, cojo masare bajiro quẽnaro gãmerã ejarẽmorũgũaja mani.

⁶ Tocãrãcure ricati rĩne ñ bojarore bajiro mani yimasiro tire manire ujoyumi Dios. To bajiri ñ ujure mani yimasise rãca Cristore ajitirũnrãre ñnare ejarẽmoroti ñaja. “Ñnare yu gotisere ajicõari, gotirẽtobosarimasa ñato” yigu, ñna yimasiro tire ñnare Dios ñ ujure ti ñajama, “Tire manire ujoyumi” yitũoĩacõari, gãjerãre gotimasiro ti ñaja. ⁷ “Gãjerãre ejarẽmoato” yigu, ñna yimasiro tire Dios ñ ujure ti ñajama, ñnare quẽnaro ejarẽmoroti ñaja. “Dios ocare ajimasicõari, gãjerãre gotimasioato” yigu, ñnare ñ ujure ti ñajama, “Tire manire ujoyumi” yitũoĩacõari, quẽnaro gotimasioroti ñaja. ⁸ “Yure ajitirũnrã butobusa ajitirũnato” yigu, ñna gotimasioroti tire ujoyumi Dios. Tire ujoecoriarãma, quẽnaro gotimasioroti ñaja. Maioro bajirãre gãjoa ñsigũma, “To bajiro yu yise vaja yure ejarẽmoruarãma ñna” yitũoĩagũ me, ñsiroti ñaja. Rotirãrema, quẽnaro rotiro ti ñaja. Maioro bajirãre ejarẽmorãrema, variquẽnase rãca ñnare ejarẽmoroti ñaja.

“Ado bajise ñaroti ñaja Cristore ajitirũnrã”, yire queti

⁹ Socarãne, “Mũare maiaja”, yitobesa. To yicõari, ñnare mai, ñnare ejarẽmo, rojose yibeti, quẽnase rĩne yirũgũña. ¹⁰ Cristore ajitirũnrã ñari, sigũ rĩare bajiro bajiaja mña. To bajirã ñari, quẽnaro gãmerã ñamaicõari, rũcũbuoya, “Ñnajua ñaama ñamasurãma” gãjerã ñnare ñna yĩarũcũboroti tire yirã.

¹¹ Dios ñ bojasere mña yijama, teyejairãne yibesa mña. Tocãrãcarũmũne Dios mñare ñ ejarẽmosere tũoĩacõari, variquẽnase rãca ñ bojasere quẽnaro yirũgũña.

¹² “Õ vecaju manire quẽnaro yirũcũmi Dios” yimasirã ñari, quẽnaro variquẽnase rãca ñacõarũgũña mña. Rojose tãmũboarine, Diore ajitirũncõa ñarũgũña. Ñre ajitirũncõari, “Yure ejarẽmoña”, ñre yisẽnitujabeja mña.

¹³ Cristore ajitirũnrã rojose ñna tãmũojama, ñnare ejarẽmoña. Ejarãre quẽnaro yiya.

¹⁴ Rojose mñare yirãre, “Quẽnaro ñnare yato Dios” yirã, ñnare sãnibosaya.

¹⁵ Gãjerã quẽnaro ñna variquẽnajama, ñnare variquẽnaejarẽmoña. Gãjerã ñna sutiritijama, ñnare sutiritiejarẽmoña.

¹⁶ Gãjerã rãca cojo masare bajiro gãmerã ñamaiña. “Ñamasurã ñaja yua”, yitũoĩabesa. “Ñamasurã me ñaama” gãjerã ñna yirãre baba cãtiya mña. “Gãjerã rẽtoro masirã ñaja yua”, yitũoĩabesa.

¹⁷ Quẽnase rĩne yirũgũña mña, “Quẽnaro yirã ñaama” masa ñna yĩaroti tire yirã. Rojose mñare yirãre ñnare gãmebesa mña. ¹⁸ Mña yimasiro cõro quẽnase rĩne yiya, “Masa jediro mani rãca quẽnaro ñato” yirã. ¹⁹ Gãjerã rojose mñare ñna yiboajaquẽne, “Dios rĩne ñaami, masa rojose ñna yise vaja, rojose ñnare yirocũ” yirã ñari, rojose mñare ñna yijama, ñnare yigãmebesa mña. Dios ocare masa ñna ucamasire ado bajiro gotiaja: “Yu ñaja, rojose ñna yise vaja, ñnare rojose yirocũ”, yigotiaja ti. ²⁰ Gaje vãme, ado bajiro gotiaja, rojose manire yirãre ñnare mani yiro tire yiro: “Mũare ñategũ ñ ñiorijajama, bare ñre ecaya. Ñ idirũajama, ñre ioya. To bajiro ñre mña yijama, rojose mñare ñ yisere tũoĩacõari, mñare buto bojonercũmi”, yigotiaja Dios oca. ²¹ Gãjerã rojose mñare ñna yijama, rojose ñnare yicõarũboarine, quẽnasejuare yicõa ñaña.

13

¹ Dione ñagũmi masa ujarã ñaronare ñnare cũrimasu. Ñ cũriarã ñna ñajare, ñna rotirore bajiro quẽnaro yirũgũrũarãja mña. ² Dios ñ cũrãre cãdimenarema, ñna cãdibeti vaja rojose ñnare yirũcũmi Dios. ³ Quẽnase yirãrema gãiorã me ñaama ujarã. Rojose yirãjuarema gãiorã ñaama ñna. To bajiri quẽnase rĩne yiya mña. Quẽnase rĩne mña yijama, “Quẽnaro yirã ñaama”, mñare yĩarũarãma mña ujarã. ⁴ “Masa quẽnaro gãmerã ejarẽmoato” yigu,

ɯjaräre cūgūmi Dios. To ĩ yiboajaquēne, rojose mɯa yijama, “Rojose yɯa yise vaja rojose yɯare yirɯarāma ɯjarā” yimasirā ñari, ĩnare gūirɯarāja mɯa. “Rojose yiräre rojose ĩna yise vaja rojose yɯre yibosato” yigɯ, ĩnare cūgūmi Dios. ⁵ “Rojose mani yise sɯori rojose manire yiroma” yitɯoĭarā ñari, ɯjaräre cɯdirūgūrɯarāja mɯa. Tiaye rĭne, cɯdirā me, Gajeye quēne, “Mani cɯdisere bojagūmi Dios” yirā ñari, cɯdirūgūrɯarāja. ⁶ Masa ɯjarā Diore moabosarūgūama, manire “Quēnaro ñato” yirā. To bajiri manire ĩna moabosase vaja ĩnare vaja yiroti ñaja.

⁷ Mɯa ɯjarā jedirore Dios ĩ bojarore bajirone quēnaro ĩnare yiroti ñaja. ĩna vaja taro cōrone ĩnare vaja yiya. “Gajeye moare ĩna yise vajare quēne ĩnare vaja yiya” mɯare ĩna yirore bajirone cɯdirɯarāja mɯa. To yicōari, quēnaro ĩnare yirɯcɯɯoyu.

⁸ Gājeräre mɯa vaja mojama, mɯa vaja mosere vaja yiya. Mɯa rācanare ĩamaiña. To bajiro mɯa yijama, Dios ĩ rotise ñaro cōrone cɯdirā yirāja. ⁹ Dios ĩ rotimasire ado bajiro gotiaja: “Manajo cɯtirā, manajɯ cɯtirā, manajo mana, manajɯ mana quēne, gājerā rāca ajeriarā cɯtibesa. Sĭabesa. Juarudibesa. Gājerā ye gajeyeūnire bojaĭabesa”, yigotiaja Dios ĩ rotimasire. To bajicōari, gajeye ñarēmoaja Dios ĩ rotimasire. Tire cojo vāme mɯare gotigɯagɯ yaja yɯ. Cojo vāme ti ñaboajaquēne, tire quēnaro mani cɯdijama, Dios ĩ rotise ñaro cōrone cɯdirā yirāja mani. ĩ rotimasire ado bajiro yaja: “Mɯ masu rujare mɯ mairone bajirone mɯ rācanare maiña”, yigotiaja Dios ĩ rotimasire. ¹⁰ Mani rācanare mani maijama, rojose ĩnare yimenaja. To bajiro mani yijama, Dios ĩ rotise ñaro cōrone cɯdirā yirāja mani.

¹¹ Tirūmɯjɯ Cristo ĩ bajirere ajisɯorājɯne, “Tudiejacōari, quēnaro manire yirɯcɯmi”, yicōasɯoyuja mani. To bajiri yucɯrema, “Ī tudiejarotirūmɯ cōñadiaja” yimasirā ñari, tire tɯoĭatɯjamenane, ɯtobɯsa Dios ĩ bojarore bajiro yito mani. ¹² Cristo ĩ ejarotirūmɯ cōñacoajɯ. To bajiri vāti ĩ bojasere ĩna yirirodori jedicoato yaja. To cōrone rojose yiräre rearɯcɯmi Cristo. Tire masicōari, “Cristo manire ejarēmoato” yirā, ĩre sēnito mani, “Rojose yirɯaboarine, tire yibeticōari, ĩ bojasejɯare yirāsa mani” yirā. ¹³ To bajiro mani bajijama, quēnase rĭne yirɯarāja mani. Boserūmɯri ñaro idimecɯcōari, avasāmecɯcɯdiräre bajiro bajibetiroti ñaja manire. Manajo cɯtirā, manajɯ cɯtirā, manajo mana, manajɯ mana quēne, gājerā rāca ajeriarā cɯtibetiroti ñaja. Gāmerā oca rētobeticōato. Gājerā ĩna yisere ĩajūnisinibeticōato mani. ¹⁴ Ado bajirojɯa yirā ñato mani: “Mani ɯjɯ Jesucristo manire ejarēmoato” yirā, ĩre sēnirūgūto mani. ĩne ñagūmi manire ejarēmogū, “Rojose yiroma” yigɯ. To bajiri ĩ ejarēmose ti ñajare, rojose yirɯaboarine, tire yibetirɯarāja mani.

14

“Cristore ajitirūnɯrā ñari, gāmerā ajirɯcɯɯoto mani”, yire

¹ “Cristo yɯre ejarēmogūmi” yitɯoĭagū ñaboarine, tɯoĭagūigɯrema, quēnaro ĩre yiya. “Ado bajiro yiroti ñaja” ĩ yisere ajicōari, “Bajibeaja. Ado bajirojɯa yiroti ñaja, mɯre”, ĩre yi oca rētobesa. ² Sĭgūri, Cristore ajitirūnɯrā, “Bare vāme cɯti ñaro cōrone mani bajama, quēnaja”, yitɯoĭaama ĩna. Gājerāma, “Cristo manire ejarēmogūmi” yitɯoĭarā ñaboarine, “Vaibɯcɯ rii mani bajama, quēnabetoja” yitɯoĭagūicōari, bamenama ĩna. ³ Bare jediro barājɯa, “Mani bajama, quēnabetoja” yigūiräre, “Tɯoĭamasimena ñaja mɯa”, ĩnare yibetiroti ñaja. Vamenajɯa quēne, jediro baräre, “Rojose yirā yaja mɯa”, ĩnare yiñagōjaibes, “ĩna quēne, yɯ rĭa ñaama” Dios ĩ yirā ĩna ñajare. ⁴ Cristore ajitirūnɯrā, Dios ĩ rotirā ñaja mani. To bajiri sĭgūri ĩna bajisere ĩacōari, “Quēnaro yaja mɯa. Ado yɯa rāca ñaña”, ĩnare yirā ñaboarine, ricati tɯoĭarārema, “Quēnaro yibeaja mɯa. Gajerojɯ vasa”, ĩnare yibetiroti ñaja. Dios sĭgūne ñaami ti ũnire yimasigūma. To yicōari ĩ rotiräre ejarēmogūmi, “Yɯ rāca ñacōa ñato ĩna” yigɯ. To bajiri ricati tɯoĭaräre quēne, “Yɯ rāca ñacōa ñato”, ĩnare yimasigūmi.

⁵ Sĭgūri, Cristore ajitirūnɯrā ado bajiro tɯoĭaama ĩna: “Cojorūmɯne, gajerūmɯri rētoro ñamasurirūmɯ Diore rɯcɯɯoriarūmɯ ñaja”, yitɯoĭaama. Gājerā Cristore ajitirūnɯrā, ado bajiro tɯoĭaama: “Tocārācarūmɯne Diore rɯcɯɯoroti ñaja”, yitɯoĭaama ĩna. To

bajiboarine ricati rīne m̄ua t̄uoīase, no yibeaja. Diore m̄ua s̄enise ñaja ñamasusema, “Ī bojasere yaja” m̄ua yimasirotire yirā. ⁶ Sīgū ñagūmi, “Adirūm̄u ñaja ñamasurirūm̄u Diore rūc̄ub̄uoriarūm̄u” yiḡu. Mani ɯj̄are Diore rūc̄ub̄uoḡumi. Gājima, “Bare vāme cuti ñaro cōrone mani bajama, quēnaja” yiḡu ĩ bajama, “Quēnaro yaja m̄u”, Diore yiḡumi. Gāji, vaib̄uc̄u rii babec̄u ñaboarine, gajeye bare bañagūne, “Quēnaro yaja m̄u”, Diore yir̄uc̄ub̄uoḡumi ĩ quēne.

⁷⁻⁹ Cristore ajitir̄un̄r̄ā, mani masune t̄uoīac̄ōari, yirā me ñaja mani. Ado bajiro bajiaja: Sīac̄oarine, tudicaticoasumi Cristo, ĩna catijaquēne to yic̄ōari ĩna rijacoajaquēne, “Īna ɯj̄u ñar̄uc̄umi” Dios ĩ yijare. To bajiri adigodo mani catiñaro cōro, mani rijato beroj̄u quēne, “Ȳu masune rotiaja. Gāji ȳure rotibeami”, yimasiña manoja. Cristo yarā ñari, mani rijato beroj̄u quēne ĩ yarā ñac̄ōa ñar̄uar̄aja mani. To bajiri, Cristo ĩ bojase rīne yic̄ōa ñaroti ñaja.

¹⁰ To bajiro ti bajiboajaquēne, ¿no yirā, “Rojose yaja m̄ua”, m̄ua yarāre ĩnare yiñagōjai coderūḡuati? To yic̄ōari, ¿no yirā m̄ua yarāre, “T̄uoīamasimena ñaja m̄ua”, yīlateati m̄ua? Mani ñaro cōrone, Dios ĩ ñaroj̄u ejarona ñaja mani. To bajiri, “Ānoa ñaama quēnase yicana. Ānoa ñaama rojose yicana”, yīabeser̄uc̄umi. To bajiro ĩ yirotire masirā ñari, gājerā Cristo yarāre, “Rojose yaja m̄ua”, yiñagōjaibesa. ¹¹ Ado bajiro gotiaja Dios oca Isa'ias ĩ ucamasire: “Soc̄u me yaja ȳu. Ado bajise bajir̄uaroja ti, masa jedirore: Ȳu ĩaro r̄ijoroj̄ua ȳure rūc̄ub̄uor̄ā, ḡusomuniari t̄uetuc̄ōari, “Masa ĩna yisere masigū ñaja m̄u”, ȳure yir̄uar̄ama ĩna’, yami mani ɯj̄u”, yīucamasiñumi Isa'ias.

¹² To bajiro ĩ yimasire ñajare, “Tocār̄ac̄une, ĩna yire jedirore Diore ĩre gotir̄uar̄ama ĩna”, yimasiaja mani.

¹³ To bajiri, “Rojose yaja m̄u” gāmerā yiñagōjaibetir̄uar̄aja mani. Tire yibetic̄ōari, “Mani rācanare rojose ĩnare ūmato yirobe” yirā, quēnase rīne yito mani. ¹⁴ Ȳu, mani ɯj̄u Cristo ĩ gotimasioctaire ajicac̄u ñari, ado bajiro yaja ȳu: “Bare vāme cuti ñaro cōrone mani bajama, quēnaja”, yimasiaja ȳu. To bajiro ȳu yiboajaquēne, ñar̄ama gājerā Cristore ajitir̄un̄r̄ā, “Vaib̄uc̄u rii ȳu bajama, rojose yiḡu, yiḡuja ȳu”, yit̄uoīar̄ama. ¹⁵ “Vaib̄uc̄u rii ȳu bajama, quēnabetoja” yiḡu ñari, m̄uaj̄ua tire m̄ua baro ĩac̄ōari s̄utiritiḡumi. To bajiro ĩ bajisere masirā ñaboarine, m̄ua bac̄ōa ñajama, “M̄ure maibeaja” yirāre bajiro yir̄aja m̄ua. M̄ua rī mere, gājerāre quēne rijabosaḡu bajiyumi Cristo. To bajiri sīgū, Cristore ajitir̄un̄r̄aḡū, “Vaib̄uc̄u rii ȳu bajama, rojose yiḡu yaja” ĩ yisere ajic̄ōari, vaib̄uc̄u riire babeja. “Mani basere ĩ bajama, ‘Rojose yiḡu yaja ȳu’ yit̄uoīac̄ōari, rojose t̄am̄uot̄ujabetir̄iaroju vatomi” yirā, tire babetir̄uar̄aja m̄ua. ¹⁶ To bajiri, “Mani yise quēnase ti ñaboajaquēne, tire ĩac̄ōari, ‘Rojose yirā yama’ gājerā manire yīar̄ama” m̄ua yimasijama, tire yibetic̄ōañā. ¹⁷ Mani barotire, mani idirotire b̄uto t̄uoīaroti me ñaja. Mani ɯj̄u ĩ bojarore bajiro quēnaro mani yisej̄uare t̄uoīaroti ñaja. To yic̄ōari, Esp'iritu Santo manire ĩ ejar̄emose s̄uorine gājerā mani rāca quēnaro ĩna variquēnarotij̄uare t̄uoīaroti ñaja, manire. ¹⁸ Esp'iritu Santo ĩ ejar̄emose s̄uorine Cristo ĩ bojarore bajiro quēnaro mani yijama, “Quēnaro yirā ñaama”, manire yīavariquēnaḡumi Dios. To bajic̄ōari, masa quēne, “Quēnaro yirā ñaama”, manire yīar̄uar̄ama ĩna.

¹⁹ To bajiri b̄utob̄usa ĩ bojarore bajiro mani yijama, gāmerā ejar̄emorā yir̄aja mani, “Jediro Cristo ĩ bojarore bajiro yirā ñar̄asa mani” yirā. ²⁰ To bajiri sīgū, Cristore ajitir̄un̄r̄aḡū, m̄ua baroti ñaboasere ĩac̄ōari, “Babetiroti ñaja” ĩ yijama, tire babetir̄uar̄aja m̄ua. “Mani basere ĩ bajama, ‘Rojose yiḡu yaja ȳu’ yit̄uoīac̄ōari, rojose t̄am̄uot̄ujabetir̄iaroju vatomi” yirā, tire babetir̄uar̄aja m̄ua. Mani base jediro quēnase rīne ñac̄ōaja. To bajiboarine mani rācaḡu Cristore ajitir̄un̄r̄aḡū, “Vaib̄uc̄u rii ȳu bajama, rojose yiḡu yaja” ĩ yīasere, mani bajama, rojose ĩre yir̄or̄are bajiro yir̄aja mani. ²¹ Mani rācaḡu Cristo ȳu, m̄ua basere, ɯye oco m̄ua idise, to yic̄ōari, gajeye no bojase m̄ua yisere ĩac̄ōari, ĩ quēne ĩ yijama, “Rojose yiḡu yaja”, yit̄uoīaḡumi. To bajiro t̄uoīaḡū ĩ ñajare, to bajiro m̄ua yijama, rojose ĩre yir̄or̄are bajiro yir̄aja m̄ua. ²² To bajiri, “Bare vāme cuti ñaro cōrone mani bajama,

quēnaja”, “Mani bajama, quēnabeaja” m̄ua yit̄uōiasere, gāmerã gotimenane, Dios s̄igūrene m̄ua t̄uōiasere gotiroti ñaja. “To bajiro yua yisere ñac̄ōari, ‘Quēnaja’ yīñagūmi Dios” yirāma, variquēnarāma. ²³ “Yua bajama ¿Dios ñ bojabetire yirojari yua?” yiboarine ña bac̄ōajama, rojose yirã yirāma. To bajirone bajiaja. “Dios ñ bojabetire yirã yaja” yiboarine, mani yijama, manire quēne rojose ñaroja.

15

“Mani ñaroti r̄ine t̄uōiaroti me ñaja”, yire queti

¹ “Cristo yuare ejarēmogūmi” yit̄uōiarã ñaboarine, t̄uōiagūirãre, “To bajiro m̄ua bajise quēnabeaja” ñare yimenane, ñare r̄uc̄ub̄uōc̄ōañã. M̄ua ñaroti r̄ine t̄uōiamenane, t̄uōiagūirãre ñare ejarēmoroti ñaja. ² Mani rācana Cristore ajitir̄un̄arã, gājerã ñare ajitir̄un̄arã ñaboarine, t̄uōiagūirã quēne, ñare ejarēmoroti ñaja, “B̄utob̄usa Cristore ajitir̄un̄ac̄ōari, variquēnase rāca quēnaro ñato ña” yirã. ³ Cristo adigodo ejac̄ōari, ñ yiriarore bajiro yito mani. Ñ s̄igūne ñ variquēnarotire bojagu me ñañumi. Mani variquēnarotij̄uare bojagu ñari, b̄uto rojose t̄am̄uōñumi, manire ejarēmogū. To bajiri, ado bajiro gotiaja Dios ocare masa ña ucamasire: “Rojose yirã, m̄ure ña r̄uc̄ub̄uob̄etijama, ȳarene r̄uc̄ub̄uomena yicama”, yigotiaja Dios ocare masa ña ucamasire, Cristo ñ jac̄ure Diore ñ yirere yiro. ⁴ Jediro Dios ocare masa ña ucamasire quēnaro manire gotimasioaja ti. To bajiri tire mani buejama, quēnaro gotimasioac̄ōa ñaruarãja mani, “B̄utob̄usa Cristore ajitir̄un̄uato ña” yirã. To bajiri, “Õ vecaju manire quēnaro yir̄uc̄umi Dios” yimasirã ñari, variquēnac̄ōa ñaruarãja mani. ⁵ Dios manire ejarēmoami, “Ña rācanare gotimasioac̄ōa ñaruarãma” yigu. “Ȳare ajitir̄un̄ac̄ōa ñato” yigu, mani variquēnarotire c̄ōaami. To bajiri, b̄utob̄usa m̄uare ejarēmoato Dios, m̄ua gāmerã mairōtire yigu. To bajiro ñ yijama, Jesucristo ñ bojarore bajiro yirã ñaruarãja m̄ua. ⁶ To bajiro manire ñ ejarēmojare, mani ñaro c̄ōrone mani ūjare Jesucristo jac̄ure ñare r̄uc̄ub̄uō variquēnaruarãja mani.

Jud'io masa mere Cristo ñ bajirere ña gotimasioe queti

⁷ To bajiri, “Ȳu yarã ñaja m̄ua” Cristo m̄uare ñ mairiarore bajirone gāmerã maiña m̄ua. M̄ua gāmerã maisere ñac̄ōari, “Dios s̄uorine bajiaja” yirã ñari, “Quēnagū ñagūmi Dios”, ñare yiruarãma masa. ⁸ Adì macar̄uc̄uroj̄ure jud'io masare ñare ejarēmogū vayumi Cristo. Yua ñic̄uare, “ ‘ “To bajiro bajiruarōja” ñare ñ yimasiriarore bajirone yigu ñaami Dios’ yimasioato ña” yigu, yuare ejarēmoñumi. ⁹ Jud'io masa r̄i mere ejarēmogū vagu bajiyumi Cristo. Jud'io masa mere quēne ejarēmogū bajiyumi. “Masare Dios ñ ñamaisere masic̄ōari, ñare quēnaro r̄uc̄ub̄uō variquēnato jud'io masa, jud'io masa me quēne” yigu, vayumi Jesús. To bajisene gotiaja Dios ocare masa ña ucamasire:

“Jud'io masa me, yu rāca m̄ure yivariquēnato ña’ yigu, var̄uc̄uja yu. Ȳu s̄uorine m̄ure yir̄uc̄ub̄uōc̄ōari, basaruarãma ña”, yigotiaja Dios ocare masa ña ucamasire, Cristo ñ jac̄ure ñ gotirere yiro.

¹⁰ Quēna gajeye ado bajiro gotiaja Dios ocare masa ña ucamasire:

“M̄ua jud'io masa me, Dios yarã jud'io masa rāca cojo masare bajiro variquēnaruarãja m̄ua”, yigotiaja Dios oca.

¹¹ Gajeye quēne ado bajiro gotiaja ti:

“Jud'io masa, ña me quēne, masa jediro ñare r̄uc̄ub̄uō variquēnaruarãja m̄ua”, yigotiaja ti.

¹² Isa'ias ñamasir'i quēne ado bajiro ucamasin̄umi:

“Isa'i jānami s̄igū ruyuar̄uc̄umi, jediro masa ūju ñaroc̄u. Ñare ajitir̄un̄ac̄ōari, ñ s̄uorine Diorāca quēnaro ñarūgūruarãja mani’ yiruarãma ña”, yiucamasin̄umi Isa'ias.

¹³ “Cristo s̄uorine Diorāca quēnaro ñarūgūruarãja” yit̄uōiamasirere manire c̄ōagū ñagūmi Dios. Ñare ado bajiro m̄uare s̄enibosaja yu: “M̄ure ajitir̄un̄arūt̄uac̄ōari, quēnaro variquēnarã, m̄u rāca quēnaro ñac̄ōa ñato ña’ yigu, ñare ejarēmoña. To yic̄ōari, ‘Esp'iritu

Santo ĭ ejarẽmose rãca bũtobũsa tire masiato ĩna' yĩgu, ĩnare ejarẽmoña", Diore mũare yisẽnibosaja yũ.

"Diore gotirẽtobosagu yũ ñarotire Dios ĩ cõar'i ñari, mũare ucacõagũ yaja", Pablo ĩ yire queti

¹⁴ Yũ mairã, "Quẽnaro yirã ñarãma ĩna. Cristo ocare quẽnaro masirã ñari, quẽnaro gãmerã gotimasiorã ñarãma ĩna", mũare yimasiasaja yũ. ¹⁵ To bajiro mũa bajisere masigũ ñaboarine, papera rãca quẽnaro riojo mũare gotiasaja yũ. "Tirũmũju mũa ajirere masiritibeticõato" yĩgu, mũare ucacõaja yũ. Dios yũre ĩamaicõari, ĩ ocare gotirẽtobosagu yũ ñarotire ĩ bojacati ñajare, mũare ucaja yũ. ¹⁶ "Jesucristo ĩ bajirere jud'io masa mere gotimasiasato" yĩgu, yũre cõacami Dios. To bajiro ĩ yicati ñajare, yũ gotimasiosere ajicõari, Cristore ajitirũnũama jud'io masa me ñarã. ĩre ajitirũnrã ñari, Esp'iritu Santo ĩ ejarẽmose rãca "Rojose mana ñaama", Dios ĩ yĩarã ñari, ĩ yarã ñaama.

¹⁷ To bajiri, "Dios ĩ bojasere yĩgu, Jesucristo sũorine quẽnaro moaja", yivariquẽnaja yũ. ¹⁸⁻¹⁹ Jud'io masa mere yũ gotimasiojama, yũ masune tũoĩacõari, gotigu me yaja. Cristo, ĩ ejarẽmose rãca gotimasiojaja yũ. Tire ajicõari, Cristo ĩ ejarẽmose rãca quẽnaro yũ yisere ĩacõari, to yicõari, Esp'iritu Santo sũorine ĩaĩañamani yũ yĩosere ĩarã ñari, "Yũre ejarẽmorũcũmi Cristo", ĩre yitũoĩasũocama ĩna. To bajiri, Jerusalẽnũne Cristo ĩ bajirere gotisũocacũ, gaje macarire quẽne goticudigu rĩne, Iliria sitaju gotiejocaju yũ. ²⁰ "Cristo ĩ bajirere gotimasioñamana ĩna ñarõjũre, gotimasioigũ varũcũja", yitũoĩa vadirũgũcaju yũ. Gãjerã ĩna goticõariarõjũrema gotimasioigũ varũabeticaju yũ. ²¹ To bajiro yũ bajirotire yiro, ado bajiro gotiyuja, Dios ocare masa ĩna ucamasire:

"Cristo ĩ bajirere masibetiriarã, gotimasio ecorũarãma.

To bajiri, tire ajimasirũarãma", yigotiyuja ti.

Romaju Pablo ĩ varũa tũoĩare queti

²² To bajiri, Cristo ĩ bajirere gotimasioñamana ĩna ñarõjũare gotimasiojudigu ñari, mũa tũre varũaboarine, vabetirũgũcaju yũ maji. ²³ Tirũmũjũne mũa tũ varũacõa ñacaju yũ. To bajiro bajirũarũgũcacũ ñari, adi sitanare ĩnare gotimasiojeocõari, mũa tũjũa varũa tũoĩaja yũ yuja. ²⁴ Espaũajũ vacũ mũare ĩarẽtoarũcũja yũ. To bajiri mũa rãca yoaro variquẽnacõa ñarũagu ñaboarine, yoaro mũa rãca ñabetirũcũja yũ, bajigũjũma. To bajiboarine mũa ejarẽmose bojaja yũ, Espaũa yũ ejasasirotire yĩgu. ²⁵ To bajiro yũ bajiroto rĩjoro Jerusalẽnũ vacoacu yaja maji, Cristore ajitirũnrãre ĩnare ejarẽmogũacũ. ²⁶ Cristore ajitirũnrã, Macedonia vãme cũti sitana, Acaya vãme cũti sitana quẽne, ado bajiro tũoĩañujarã ĩna: "Jerusalẽn macana, Cristore ajitirũnrã maiorõ bajirãre gãjoa rãca ĩnare ejarẽmoto mani", yitũoĩañujarã ĩna. To bajiro yitũoĩariarã, ĩna ĩsirere juacõari, Jerusalẽn macanare ĩsigũacũ yaja yũ. ²⁷ ĩna masune tũoĩacõari, "ĩnare ejarẽmoto mani", yitũoĩañujarã ĩna, jud'io masa me ñaboarine. Jud'io masa sũorine, jud'io masa mere, Dios yarã ĩna ñase ejayuja ti. To bajiri jud'io masare maiorõ bajirãre ejarẽmoroti ñaja. ²⁸ To bajiri Jerusalẽn macanare gãjoa ĩnare yũ ĩsiro bero, Espaũajũ vacũ, mũare ĩarẽtoarũcũja yũ. ²⁹ "Mũa tũ yũ ejaro, mani ñajediro mani variquẽnarotire cõarũcũmi Cristo", yimasiasaja yũ.

³⁰ Yũ mairã, Jesucristore ajitirũnrã ñaja mũa. To bajicõari, Esp'iritu Santo sũorine gãjerãre ĩamairã ñaja. To bajiri yũ bajisere tũoĩacõari, Diore yũre sẽniejarẽmoña yaja yũ. ³¹ "Judeana Cristo ĩ bajirere yũ gotisere ajiterã rojose yũre yiroma" yirã, Diore yũre sẽniejarẽmoña. To yicõari, "Jerusalẽn macana, Cristore ajitirũnrã gãjoa yũ ĩsirotire variquẽnase rãca boca juato ĩna" yirã, Diore yũre sẽniejarẽmoña. ³² To bajiri Diore yũre mũa sẽniejarẽmojama, variquẽnase rãca mũa tũjũ ĩagũ ejarũcũja yũ, Dios ĩ bojajama. Mũa tũjũ eja, mũa rãca quẽnaro usũsãjarũcũja yũ. ³³ Dios, quẽnaro mũa ñarotire mũare ejarẽmoato ĩ. To bajirone bajiato.

16

Pablo ĩ quēnaroticōare queti

¹ Febe vāme cūtigore m̄ua tu sore cōagū yaja yu. Dios s̄uorine Cristore ajitir̄nugō ñaamo so. Cristore ajitir̄nūrā Cencrea vāme cūti macana rāca Diore moabosarimaso ñaamo so.

² Sone ñaamo jājarā Cristore ajitir̄nūrāre quēnaro ejarēmorio. Yure quēne ejarēmorigūmo. To bajiri m̄ua tu so ejaro, “Mani ɱjare ajitir̄nugō ñaamo so quēne” yimasirā ñari, so bojase cōro sore yirēmoña, “Cristore ajitir̄nūrā ñaja mani” yirā.

³ Yure bajiro Jesucristo ocare gotimasiorā ñacana, Prisca, so manaj̄u Aquila, quēnato ĩna. ⁴ “Īre mani ejarēmojama, manire quēne s̄iarāma” yimasiboarine, yure ĩna s̄laborotire yirētobosacama ĩna. To bajiri, “Quēnaro yure yicaj̄u m̄ua”, ĩnare yiucacōaja yu. Yu s̄īgū mere, “Quēnaro yirā yicaj̄u m̄ua”, ĩnare yaja yu. Yu s̄īgū me to bajiro m̄uare yicōaja yu. Jud'io masa me, tocārāca macariana Cristore ajitir̄nūrā quēne, yirūgūama. ⁵ Quēnato Cristore ajitir̄nūrā Aquila ya vi rējarūgūrā. Quēnato yu maigū, Epeneto quēne. Ī ñaami Asia sitaḡu Cristore ajitir̄n̄us̄uor'i. ⁶ Mar'ia, quēnato, b̄uto m̄uare ejarēmorio quēne. ⁷ Yu yarā, Andrónico, Junias quēne quēnato. ĩna rāca tubiberiavij̄u ñacaj̄u yu. ĩna ñacama yu r̄joro Cristore ajitir̄n̄us̄uoriarā. Cristo ocare ajitir̄nūrā ĩna cōarā rētoro quēnaro yicudiyuma ĩna.

⁸ Quēnato yu maigū Ampliato quēne. Mani ɱjare ajitir̄nugū ĩ ñajare, ĩre b̄uto maiaja yu. ⁹ Gāji, yure bajiro Cristo ocare gotimasiogū, Urbano vāme cūtiḡu, quēnato. To bajicōari, yu maigū Estaquis quēne, quēnato. ¹⁰ Apeles quēne, quēnato. Rojose tām̄uoboarine, Cristore ajitir̄n̄ucōa ñacami. Aristóbulo, to yicōari ĩ ya viana quēne, quēnato. ¹¹ Yu yu Herodión quēne, quēnato. Mani ɱj̄u Cristore ajitir̄nūrā Narciso ya viana, quēnato. ¹² Trifena, to yicōari, Trifosa quēne quēnato. Mani ɱj̄u Cristore b̄uto moabosarimasa ñaama. Mani maigō Pérsida quēne, quēnato. So quēne, mani ɱj̄u Cristore b̄uto moabosacamo. ¹³ Rufo quēne quēnato. Cristore quēnaro ajitir̄nugū ñacami. Ī jaco quēne quēnato. Sone ñacamo, yu jacore bajiro yure maicaco. ¹⁴ To yicōari, As'incrito, Flegonte, Hermes, Patrobas, Hermas, ĩna rācana quēne, Cristore ajitir̄nūrā jediro quēnato. ¹⁵ Filólogo, Julia, Nereo, to yicōari, ĩ bedeo quēne, quēnato. Olimpas, to yicōari, ĩna rācana Cristore ajitir̄nūrā jediro quēnato.

¹⁶ Cristo s̄uorine cojo masare bajiro bajirā ñari, quēnaro gāmerā yisēniña, yiñaña m̄ua. Adoana, Cristo ocare ajitir̄nūrā jediro, m̄uare quēnaroticōama ĩna.

¹⁷ Yu mairā, gajeye ado bajiro m̄uare gotimasioaja yu: M̄ua rācana s̄īgūri ricati ĩna gotijare, s̄īgūre bajiro t̄uoiamenaja m̄ua. Cristo oca m̄ua ajiriarore bajiro me bajiaja ĩna yisema. To bajiri ĩnare cāmotadicōaña. ¹⁸ Mani ɱj̄u Cristo ĩ bojasere yirā me ñarāma ĩna. ĩna t̄uoiarore bajiro yirā ñari, socarāne quēnaro gotitorāma. To bajiri socase ĩna gotisere ajitir̄nūrāma, quēnaro t̄uoiamasimena. ¹⁹ M̄uarema, ĩnare bajiro m̄ua bajibetijare, “Īna ɱjarāre quēnaro cūdirā ñaama”, yama masa, m̄uare. To bajiro m̄ua bajisere ajivariquēnaja yu. To bajiri, quēnase r̄ine m̄ua yisere bojaja yu. ²⁰ Quēnaro mani ñarotire cōagū ñaami Dios. To bajiro yiḡu ñari, vātia ɱj̄ure ĩre cūdaaboḡure bajiro yir̄uc̄umi, “Socarimasa ĩna gotiboasere ajibeticōato ĩna” yiḡu. To bajiri, “Quēnaro ĩnare yiya” mani ɱj̄u Jesucristore m̄uare yisēnibosaja yu.

²¹ Yu baba, Cristo ocare gotimasiogū, Timoteo vāme cūtiḡu, m̄uare quēnarotiami. Yu yarā Lucio, Jasón, Sos'ipate quēne, m̄uare quēnarotiamā.

²² Yu Tercio, Pablo ĩ rotirore bajiro adi paperare ucabosaḡu quēne, mani ɱj̄u Cristore ajitir̄nugū ñari, m̄uare quēnarotiaja yu.

²³ Gayo quēne, m̄uare quēnarotiami. Ī ya vij̄une ñacōari, Cristore ajitir̄nūrā rējarūgūaja. Erasto adi macaj̄ure gājoa codebosarimas̄u quēne, m̄uare quēnarotiami. Cristo s̄uorine mani yu, Cuarto vāme cūtiḡu quēne, “Quēnato”, m̄uare yami.

²⁴ To bajiri, “Quēnaro ñnare yiya”, mani ɯju Jesucristore mɯare yisēnibosaja yɯ. To bajirone bajiato.

“Diore r̄ɯcɯbɯor̄o variquēnato mani”, yire queti

²⁵ Diore r̄ɯcɯbɯor̄ã ñari, “Quēnaro yigɯ ñaami. Rētoro masigã ñaami”, Diore yir̄ɯcɯbɯoroti ñaja. Ī ocare quēnaro mɯa ajitir̄ɯnɯjama, “Manire ejarēmogãmi Cristo” mɯa yit̄ɯoĩarotire cõarɯcɯmi Dios. Ī ocare gotimasiorũgũaja yɯ, masa rojose ñna tãm̄ɯoborotire Cristo ĩ yir̄etobosarere. Tir̄ɯmɯjuma ti ũnire gotimasio ecobesuja maji. ²⁶ To bajiboarine, Diore gotir̄etobosariarã ñna ucamasirere ajicõari, “To bajise bajirotire gotiro yaja”, yimasibesuma. Adir̄ɯm̄ɯrirema, “ ‘Cristo ĩ rijabosare ti ñajare, “Quēnarã ñaama”, manire yĩagãmi Dios’, masa jediro yɯre yimasiato” yigɯ, ti oca mani ajimasirotire manire cõañumi Dios, adi macar̄ɯcɯroju ñacõa ñarũgũgũ.

²⁷ Ī ñagãmi jediro masigã. Gãji ñre bajiro bajigɯ magãmi. Jesucristo manire ĩ codese sɯorine ñre yir̄ɯcɯbɯo variquēnacõa ñnato mani. To bajirone bajiato.

To cõrone ñaja.

Primera carta de San Pablo a los CORINTIOS

Corinto vāme cūti macana, Cristore ajitirānūrāre Pablo ī ucacōare queti

1-3 Adi quetire mūare cōagū, Pablo vāme cūtigū ñaja yū. ¿Ñati mūa, Corinto macana, Dios sūori ī macū ocare ajitirānūcōari, rējarūgūrā? Jesucristo ī rijabosare ñajare, “Rojose mana ñaama” yicōari, “Yū rīa ñaama” Dios ī yīārā ñaja mūa. Sóstenes rāca ñacōari, mūa rī mere ucaja yūa. “Mani ūjare Jesucristore sēnirā jediro, adi quetire ajiato” yirā, ucaja yūa. Mūare quēnarotirā, mani jacū Diore, to yicōari, Jesucristo, mani ūjare, ado bajise mūare sēnibosaja yūa: “Quēnaro mūa rāca īna ñarotire yirā, īnare ejarēmoña”, mūare yisēnibosaja yūa. Dios ī bojarore bajiro yūre cōacami Jesucristo, “Yū sūorine yū jacū quēnaro ī yise quetire gājerāre gotimasiodiaya mū” yigū.

“Mūa bajisere tūoīacōari, ‘Quēnaro yaja mū’ Diore yaja yū”, Pablo ī yire queti

4 Tocārācaine Dios, mani jacūre sēnigū, mūare quēnaro ī yisere tūoīacōari, “Quēnaro yaja mū”, īre yivariquēnarūgūaja yū. Jesucristore ajitirānūrā mūa ñajare, quēnaro mūare yirūgūami Dios. 5 Īre ajitirānūrā mūa ñajare, ī oca jediro quēnaro riojo ajimasicōari, mūa gotimasiorotire, to yicōari, ī bojarore bajiro mūa yimasirotire yigū, mūare ūjoyumi Dios. 6 To bajiro mūare ī yire ñajare, Cristo ī bajirere mūare yūa gotimasiosere ajicōari, “Socase me ñaja”, yicajū mūa. 7 Ñajediro mūa yimasiroti mūare ī ūjore ti ñajare, mani ūjū Jesucristo ī tudiejarotire yurāre, ñie ruyabetoja, mūare. 8 “Yūre quēnaro ajitirānūcōa ñato” yigū, mūare ejarēmorūcūmi. To bajiri, Jesucristo ī ejarirāmūre, ñimūjane, “Rojose yirā ñaama”, mūare yimasigū manirūcūmi. 9 “‘Yirūcūja’ ī yirore bajiro yigū ñari, manire ejarēmorūcūmi Dios”, yimasiaja mani. Ī ñaami, “Jesucristore ajitirānūña” yirere manire cōagū. To bajiri ī ejarēmose sūorine mani ūjū, Cristore ajitirānūrā ñari, quēnaro gāmerā baba cūtirūgūaja mani.

Corinto macana ricati rīne īna tūoīare queti

10 Yū mairā, yū gotirore bajiro yirā ñaboarine, gajeye mūa yise quēnabeaja. Mani ūjū, Jesucristore yibosagū, ado bajiro mūare yaja yū: Rojose mūa yijama, “Jūaji rojose yimenasa mani” yicōari, sīgūre bajiro tūoīaña. 11 “To bajiro yama Corinto macana” Cloé yarā īna yisere ajicōari, to bajiro mūare yaja yū. 12 Ado bajise yūre gotiama: “Sīgūri, ‘Pablōre ajisūyarā ñaja yūa’, gājerāma, ‘Apolōre ajisūyarā ñaja yūa’ yama. Gājerāma, ‘Pedrore ajisūyarā ñaja yūa’, gājerāma, ‘Cristore ajisūyarā ñaja yūama’ yama”, yūre yigotiama Cloé yarā. 13 ¿No bajiro yirā to bajise ñagōjaiati mūa? “Mani ūjū Cristo sīgūne ñaami” yirā ñaboarine, “Jājarā ñaama mani ūjarā” yisocarāre bajiro yīñaja mūa. ¿Yū, Pablone rojose mūa yire vajare yirētobosagū, yucātēroju rijabosayujarique yū? “Pablōre ajitirānūrā ñaja yūa” yirā me, oco rāca bautiza ecoyuja mūa. 14-15 “Crispo vāme cūtigū, to yicōari, Gayo vāme cūtigū, īna rīne ñacama oco rāca yū bautizacana”, yitūoīaja yū. To bajiri mūa rācana, “Pablōre ajitirānūrā ñaja yūa”, yimasirā manama. Tire tūoīacōari, “Tocārācūne ñacama yū bautizacana”, Diore īre yivariquēnaja yū. 16 Estēfanās ya viana quēne ñacama oco rāca yū bautizacana. To cōrone yiriaja yū. 17 “Oco rāca masare īnare bautizacudiaya” yigū me, yūre cōacami Cristo. “Yū sūorine Dios quēnaro masare ī yisere gotimasiodiaya” yigūjūa, cōacami. “‘Quēnaro ī gotimasiojare, īre ajitirānūaja yūa’ yato” yigū, me yūre cōacami. To bajiro īna yijama, “‘Yucātēroju rojose mani yise vajare yirētogū, manire rijabosayumi’ yitūoīarā me ñarūarāma”, yūre yicami Jesucristo.

“Jesucristo manire ī rijabosare, ñamasuse oca ñaja”, yire queti

18 Yucátēroju Cristo ï rijabosarere ajicōari, “Socase ñaja”, yituoīaama rojose tām̄otujabetiriaroju varona. Dios tuj̄ varonaj̄ama, ti quetire ajicōari, “Masijeogu ñaami Dios. Ì sīgũne ñagũmi rojose mani tām̄oborotire yirētobosaroc̄”, yituoīaama.

19 Tire bajirone gotiaja Dios oca masa ñna ucamasire:

“ ‘Masirã ñaja ȳa’ yirãre masimenare bajiro ñnare yir̄uc̄aja ȳ, ȳre ñna masirotire yiḡ”, yigotiaja Dios oca masa ñna ucamasire.

20 To bajiri, “Dios ï rotimasire riojo gotimasiorã ñaja ȳa” yirãre, to yicōari, gãjerã, “Adi macar̄uc̄uro ñase jedirore masirã ñaja ȳa” yirãre masimenare bajiro ñnare yami Dios.

21 Masijeogu ñaami Dios. To bajiri adi macar̄uc̄uroana, masa ñna masune ñna buese, ñna tuoīase s̄ori ñre ñna masirotire bojabetesumi. Ado bajiroj̄a ñna yisej̄are bojayumi: Ì mac̄ ï bajirere ajitir̄n̄rã r̄rene rojose ñna tām̄oborotire ñnare yirētobosagu ñaami Dios. To bajiri ti ocare ajicōari, “To bajiro yimec̄rã yama. Socase ñaja”, yama Diore masimena.

22 To bajiri, jud'io masa quēne, ti quetire ñna ajitir̄n̄s̄oroto r̄joro, “Socase me ñaja ȳa yirore yirã, ñaãñamani ȳare yīoña”, yirã ñaama. Griego masaj̄ama, “Quēnaro ñna gotijama, ñnare ajis̄yar̄arãja mani”, yirã ñaama. 23 To bajiro ñna yituoīaboajaquēne, ȳaj̄ama, yucátēroju Cristo manire ï rijabosarere gotimasiorũgũaja. Jud'io masa ñna ajitese, griego masa, “Yimec̄rã yama” ȳare ñna yisere yirũgũaja ȳa. 24 To bajiboarine, Cristo ï bajirere ȳa gotimasiosere ajicōari, jud'io masa, griego masare quēne, “Ȳ mac̄re ajitir̄n̄ña” Dios ï yirere ñna c̄dijama, ï masisere ñnare cōaami. To ï yijare, “Masijeogu ñaami Dios”, yirũgũama. 25 Gãjerãj̄a, Diore masimena ñari, “Yimec̄rã yama Cristore ajitir̄n̄rã”, yituoīaboama. To bajiro ñna yiboajaquēne, “Masijeogu ñaami Dios. Ìre bajiro yimasigũ magũmi”, yimasiaja mani, ï ocare ajitir̄n̄rãma. 26 Ȳ mairã, Dios m̄are ï besere tuoīaña m̄a. Jãjarã me ñacaj̄ m̄a, ñamasurã, masare rotirimasa, to yicōari, “Masirã ñaama” Diore masimena ñna yīarã. 27 To bajiro m̄a ñarotire bojayumi Dios. “ ‘Tuoīamasimena ñaama’ masa ñna yirã, to yicōari ñna r̄c̄ub̄omena ñar̄arãma ȳ mac̄re ajitir̄n̄rã”, yiyumi Dios. To bajiro ï yijama, “ ‘Masirã ñaama’ Diore masimena ñna yir̄c̄ub̄orãre, ‘Masirã me ñañuma’ yato” yiḡ, yiyumi. 28 “ ‘Ñamasurã me ñaama’ to yicōari, ‘No yimasimenama’ masa ñna yirãj̄a, ȳ mac̄re ajitir̄n̄rãrãma”, yiyumi Dios. “ ‘Ñamasurã ñaama’ masa ñna yīarã, ñamasurã me ñato” yiḡ, to bajiro yiyumi. 29 To bajiro yiḡ ï ñajare, ï ñaro r̄joro, “Masa ñna r̄c̄ub̄oḡ, ñamasugũ ñari, m̄ mac̄ ï bajirere ajicōari, ‘Riojo gotiaja’ yicaj̄ ȳ”, ñre yiroc̄ magũmi. 30 To bajiri Dios s̄orine Jesucristo ï bajirere ajicōari, ï yarã ñaja m̄a. To bajiri, Dios ocare ñamasusere masirã ñaja m̄a. Rojose m̄a yisere ï masiriojama, Cristo ï rijabosare s̄orine, “Rojose mana ñaama” Dios ï yīavariquēnarã ñaja m̄a. 31 Dios mac̄ s̄orine to bajiro m̄a bajise ñajare, ado bajiro gotiaja Dios ocare masa ñna ucamasire: “ ‘Ñamasurã ñaja ȳa’ yituoīamenane, ‘Manire quēnaro yiyumi Cristo. Ìj̄a ñaami ñamasugũ’ yivariquēnaroti ñaja”, yigotiaja Dios ocare masa ñna ucamasire.

2

“Masigũ ñaja ȳa” masa ñna ñaro r̄joroj̄a, yibec̄ne, Cristo ï bajirere Pablo ï gotimasiore queti

1 Dios oca masa ñna masibetirere m̄are ȳ gotimasioatire tuoīaña m̄a, ȳ mairã. “ ‘Masigũ ñaami’ ȳre yīato ñna” yiḡ me, m̄are goticaj̄ ȳ. 2 “Yucátēroju Jesucristo ï rijabosare r̄ne ñnare gotir̄c̄aja” yituoīagũ ñari, to bajiro m̄are goticaj̄. 3 M̄a t̄ ejağ̄, gotimasiobetiroc̄re bajiro m̄are bojonec̄aj̄ ȳ. To bajiro bajiḡ ñari, nanacaj̄ ȳ. 4 Cristo ï bajirere m̄are ȳ gotiḡadijama, “Masirã ñaja ȳa” yirã ñna yirore bajiro me m̄are goticaj̄ ȳ. “ ‘Pablo quēnaro ï gotijare, Cristore ajitir̄n̄aja ȳa’ yato” yiḡ me, m̄are goticaj̄. M̄are ȳ gotimasioro, Esp'iritu Santo ï masise rãca ï ejarēmojare, “Riojo gotiami Pablo”, ȳre yiaj̄itir̄n̄c̄aj̄ m̄a. 5 To bajiri, masa ñna masise rãca me

ajimasicōari, Cristore ajitirūnucajū m̄na. Dios ī masise m̄are ī cōajare, Jesucristore ajitirūnucajū m̄na.

“Esp'iritu Santo ī ejarēmose rāca Diore masire ñaja”, Pablo ī yire queti

⁶ Jesucristo ocare quēnaro ajitirūnūā īna ñajama, yua gotimasiorotire Dios ī cōajare, josabusase īnare gotimasiorūgūaja yua. Yua gotimasiose, adigodoana, masirā, to yicōari, ujarā īna masise me ñaja. Īna masiboase rācane īna rijato, yayicoarucaroja tijuama. ⁷ Yua gotimasiosejūama, Dios ye, ī masise, ī cōase ñaja. Ti oca, masa īna masibeticati ti ñaboajaquēne, adi macarucaro īrujeoroto rījorojūne, “Masare quēnaro yirucaja” ī yimasire ñaja. ⁸ Adigodoana ujarā tire ajimasirā manicama. Tire īna ajimasijama, mani uju Cristo quēnamasugūre, “Yucātēroju īre jajutu sīacōaña”, yibetiboriarāma īna. ⁹ To bajirone gotiaja Dios ocare masa īna ucamasire:

“Dios, īre mairāre, ‘Quēnase īnare uxorucaja’ yi goti rījoro yiyumi. Masa īna īabetirūgūre, īna ajiīabetirūgūre, to yicōari īna tūoīabujabetirūgūre quēne ñaja”, yigotiaja Dios oca masa īna ucamasire.

¹⁰ Yucurema, mani masibetirūgūrere Esp'iritu Santo ī ejarēmose s̄orine Dios ī ujosere masiaja mani. Ñajediro masiami Esp'iritu Santo. Dios ī tūoīasere quēne masigū ñaami.

¹¹ Gājerā īna tūoīasere, “To bajiro tūoīama”, yimasiña maja. Mani masu mani tūoīase rīne masire ñaja. To bajirone bajaiaja, Dios ī tūoīase quēne. Mani masibetiboajaquēne, Esp'iritu Santo sīgūne masiami, Dios ī tūoīasere. ¹² To bajiboarine, adigodoana Diore masimena īna tūoīase ūni mere manire cōañumi Dios. Esp'iritu Santojūare manire cōañumi, manire ī ujosere quēnaro mani ajimasiorotire yigū. ¹³ To bajiri yua gotimasiojama, gājerā yuare īna gotimasiore mere gotimasiorūgūaja. Esp'iritu Santo yuare ī ejarēmojare, quēnaro gotimasiorūgūaja yua.

¹⁴ Esp'iritu Santore c̄omena, ī ejarēmose rāca yua gotimasiosere ajicōarā ñaboarine, ajimasimena ñari, “Tūoīamasimena ye ñaja”, yicōama. To bajiro īna yiboajaquēne, Esp'iritu Santo s̄orine Dios yere quēnaro ajimasire ñaja. Esp'iritu Santore c̄omena, ī ocare ajimasimenama. ¹⁵ Esp'iritu Santore c̄orājuama, masa īna yise jedirore īacōari, “Quēnaro yama. Rojose yirā yama”, yimasiamama. To bajiro yirā īna ñajare, Esp'iritu Santore c̄omenajūama, īna yisere īacōari, “Socarā yama”, īnare yimasibeama. ¹⁶ Dios oca masa īna ucamasire ado bajiro ti gotijare, “Esp'iritu Santore c̄orā īna yisere īacōari, ‘Socarā yama’ īnare yimasibeama Esp'iritu Santore c̄omena”, m̄are yaja yu: “Mani uju, ī tūoīasere masigū magūmi. Īre gotimasioigū magūmi”, yigotiaja Dios oca masa īna ucamasire. To bajiro ti gotiboajaquēne, Esp'iritu Santo s̄orine Cristo ī tūoīarore bajiro tūoīarā ñaja mani.

3

“Dios ī bojasere yirā ñaja yua”, Pablo ī yire queti

¹ M̄na t̄ju ñacudigū, Esp'iritu Santo ī bojarore bajiro yirāre yu gotimasioatore bajiro m̄are gotimasioeticajū yu. Cristore ajitirūnuc̄orā m̄na ñajare, Diore tūoīabeticōari īna masune īna bojarore bajiro yirāre yu gotimasioatore bajiro m̄are gotimasioicajū yu. ²⁻³ Cristo ī gotimasiorere, josari me busane ajimasirere m̄are gotimasiorūgūc̄ajū. “Yu gotimasios̄osere ajimasibeticōa ñaama” yigū, josasere m̄are gotimasioeticajū. Yucu quēne to bajirone bajicōa ñarāja m̄na maji. Beroaye m̄are gotimasioroti ti ñaboajaquēne, m̄are yu gotimasioboatirene tudigoticōaroti ñaroja. M̄na masune m̄na bojarore bajiro m̄na yicōa ñajare, to bajiro yaja yu. Gājerā īna bajisere īacōari, “Yua rētoro quēnaro ñaama” yīajūnisini, ñagōjai, bajiñarāja m̄na. To bajiro m̄na bajiñajama, Esp'iritu Santore c̄omenare bajiro m̄na masune m̄na bojarore bajiro yicōa ñarāja. ⁴ Ado bajiro yirā m̄na ñajare, to bajiro yaja yu: “Sīgūri, ‘Pablōre ajisuyarā ñaja yua’, gājerājuama, ‘Apolore ajisuyarā ñaja yuama’ yirūgūama” īna yisere ajiaja yu.

⁵ Apolos, ñamasugũ me ñaami. Yu quẽne, ñamasugũ me ñaja. Diojua ñaami ñamasugũma. Ìre moabosarimasa ñaja yua. Tocãrãcune, mani ujũ, yuare ì moaroticõariarore bajirone moaja yua. Yua gotimasioire suorine Cristore ajitirũnũoyuja mua. ⁶ Yu, mũare Cristo ocare gotimasiosũocaju. Yu gotimasioro bero, butobusa mũare gotimasiorẽmoñumi Apolos. To bajiro yua yisere ejarẽmoami, Dios “Butobusa Cristore ajitirũnũato” yigu. ⁷ To bajiri Cristo ì bajirere gotimasiosũorã, ñna bero tire gotirẽmorã quẽne, ñamasurã me ñaja yua. Diojua, ñaami ñamasugũma, “Yu macũre ajitirũnũcõari, butobusa ajitirũnũrũtuajaro ñna” yiguma. ⁸⁻⁹ Gotimasiosũorã, gotimasiorẽmorã, cojoro cõro ñacõaja yua, Diore moabosarã. Tocãrãcure ìre ñna moabosase vaja, vaja yirũcumi Dios. Mua ñaja Dios ì ñatirũnrã, yuare ì moaroticõarijũre bajiro bajirã. To bajicõari, Dios ì quẽnorivire bajiro bajiaja mua. ¹⁰ Yujua, ti vire bũasũogũre bajiro bajigu ñaja. Dios, yure ì yirẽmojare, ì oca ñamasusere quẽnaro mũare gotimasiosũocaju yu. Yu gotimasioro bero gotimasiorã, yure bũarẽmorãre bajiro yirã ñaama. To bajiri, quẽnaro riojo Dios ocare ñnare gotimasioroti ñaja. ¹¹ Ado bajise mũare gotimasioacaju yu: “Jesucristo manire ì rijabosare ñajare, rojose mana, Dios ì ñavariquẽnarã ñaja mani”, yigotiacaju yu. Ti oca ñaja ñamasuse. Gãjerã ricati ñna gotimasiojama, Dios ye mere gotimasiorã yirãma. ¹²⁻¹³ Sīgũri, Dios ocare ñna gotimasiojama, quẽnaro riojo gotirãma. Gãjerãma, quẽnaro riojo gotimasioimenama. Tocãrãcurene gotimasiorimasare, “Quẽnaro gotiyuma. Quẽnaro gotimasibesuma”, yimasirũarãja mani, masa jedirore Dios ì ñabeserirũmũju. To bajiri, ñna gotimasiorere, “Quẽnase ñaja” yimasirũ, jeameju tire soeĩagũre bajiro yirũcumi Cristo. Ñna gotimasioire quẽnase ti ñajama, ñabetoja. Quẽnabeti ti ñajama, ñajedicoarũaroja. ¹⁴ Quẽnase ñari, ti ñabetijama, vaja yirũcumi Cristo. ¹⁵ Rojose ñari, ti ñajedicoajama, rojose tãmũorũarãma quẽnaro yibetiriarã. Rojose tãmũoroti ti ñaboajaquẽne, rojose tãmũotũjabetiriaroju ñnare cõabetirũcumi Cristo, ìre ajitirũnrã ñna ñajare. Vi ti ñaro rudi budirãre bajiro bajirũarãma.

¹⁶ ¿“Esp'iritu Santore suorã ñaja mani”, yimasibeatique mua? ¹⁷ Dios yarã ñaja mua. To bajiro bajirã mua ñajare, gãjerã rojose mũare ñna ùmato yijama, ùmato yirãjuare buto rojose ñnare yirũcumi Dios.

¹⁸ Mua masune socabesa. Adigodoaye rĩne tũoĩarã, “Masirã ñaja yua” ñna yitũoĩarore bajiro mua yijama, mua masune socarã yirãja. “Ñamasurã me, masirã me ñaja”, yitũoĩaroti ñaja mũare. To bajiro mua yijama, ñamasurã ñnarũarãja mua. ¹⁹ Dios ì ñajama, ìre ajitirũnũmena ñna tũoĩase, tũoĩamasimena ye ñaja. Dios ocare masa ñna ucamasire ado bajiro ti gotijare, to bajiro bajiaja: “‘Dios oca socase ñaja’ yitũoĩarã ñari, ‘Yua masise rãca ado bajiro yirũarãja’ yitũoĩaboarãre matarũgũgũmi Dios, ‘Masimena ñaboarine, to bajiro tũoĩañuja mani’ yimasiato” yigu. ²⁰ Quẽna gajeju ado bajiro gotiaja Dios ocare masa ñna ucamasire: “Yure ajitirũnũmena, ‘Masirã ñaja yua’ ñna yitũoĩaboase, vaja maja’ yimasigũmi Dios”, yigotiaja Dios ocare masa ñna ucamasire. ²¹⁻²² To bajiri, “Mũare gotimasiorimasũ rẽtoro yimasigũ ñaami yuare gotigu”, mua rãcanare yivariquẽnabesa. No yirã to bajise yimenaja. Yu, Pablo, Apolos, to yicõari, Pedro, yua jediro, mũare moabosarimasare bajiro mũare ejarẽmorã, mũare gotimasioaja yua. Adigodoaye jediro mũare cũbosayumi Dios. Tire masicõari, ì ocare ajitirũnrã quẽnaro ñaja mua. To bajiri, mua rijato bero quẽne, Dios tũju quẽnaro ñarũgũrũarãja. ²³ Dios macũ yarã mua ñajare, jediro mua ye rĩne ñacõaja.

4

Jesucristo ocare gotimasiorimasa ñna bajire queti

¹ Mũare gotimasiorimasare: “Cristore moabosarimasa ñaama”, yuare yiya mua. Ì oca masa ñna masibeticatire yuare gotimasioroticõacami Dios. ² Moabosarimasa mani ñacõa ñnarũajama, ñna rotirore bajirone cũdirũgũroti ñaja. Ñna bojarore bajiro ñna yijama, ñnare rotigũju, quẽnaro ñnare ñavariquẽnagũmi. ³ Yujũarema, “Cristo ì bojarore bajiro

quēnaro moagũ ñaami Pablo” m̄ua yijama, m̄ua yibetijaquēne, no yibeaja ȳrema. Masa ɛjarã quēne, “Cristo ĩ bojarore bajiro quēnaro moagũ ñaami Pablo” ĩna yijama, ĩna yibetijaquēne, no yibeaja. Ȳu masune, “¿Cristo ĩ bojarore bajiro quēnaro moati ȳu, moamasibeatique ȳu?”, yit̄uoĩabeaja ȳu. ⁴ No yiḡu to bajise t̄uoĩabec̄uja. Cristore quēnaro moabosadicaj̄u. To bajiro ȳu yiboajaquēne, “Cristo ĩ bojarore bajiro quēnaro moacami Pablo” yire ũni me ñaja ti. Mani ɛj̄u Cristo ñaami, “Ȳu bojarore bajiro quēnaro moacami. Quēnaro moabeticami” yimasiroc̄ama. ⁵ To bajiro yiroc̄u ĩ ñajare, Cristo ĩ tudiejaroto r̄ijoro, “Ñani quēnaro moaami. Īj̄ua, quēnaro moabeami”, ȳuare yibetiroti ñaja m̄uare. Masa ĩna ajibeto, mani yisere, mani t̄uoĩasere quēne, ĩ tudiejarir̄um̄u, “Ajijedic̄oato masa” yiḡu, manire gotirotir̄uc̄ami. To c̄ōrone mani yirere ĩabesejeomasir̄uarãja mani. Quēnaro yiriarãre, “Quēnaro yicaj̄u m̄ua”, ĩnare yir̄uc̄ami Dios.

⁶ “ ‘Dios oca m̄uare gotimasiorimasare ado bajiro t̄uoĩaroti ñaja’ yimasiat̄o ĩna” yiḡu, Apolos ĩ bajisere, to yic̄ōari, ȳu bajisere m̄uare gotib̄u ȳu. “Ȳu bajisere t̄uoĩac̄ōari, Dios ocare masa ĩna ucamasire ti gotirote bajiro t̄uoĩato ĩna quēne” yiḡu, to bajiro m̄uare yib̄u ȳu, ado bajiro t̄uoĩarã m̄ua ñajare: “Ȳuare gotimasioġũj̄ua, m̄uare gotimasioġũ r̄ētoro masiḡu ñaami”, yaja m̄ua. To bajiro yibetiroti ñaja. ⁷ “Ȳuare gotimasioġũj̄ua, m̄uare gotimasioġũ r̄ētoro masiḡu ñaami” m̄ua yijama, “Gãjerã r̄ētoro masirã ñari, b̄utob̄usa masiḡure besemasiaja ȳua” yirã yirãja. “To bajiro yirã ñato” yiḡu me m̄ua masirotire ɛjoyumi Dios. Jediro m̄ua masise Dios ĩ ɛjore ñaja. To bajiri, Dios ĩ ɛjore ti ñaboajaquēne, ¿m̄ua masune t̄uoĩac̄ōari, “Masirã ñaja ȳu” yirãre bajiro yati m̄ua? Tire yibetic̄oãña.

⁸ ɛjarãre bajiro t̄uoĩarũgũaja m̄ua. To bajiro t̄uoĩarã ñari, “Īna gotimasiosere bojabeaja. Masimena ñaama”, ȳuare yil̄aja m̄ua. Dios yere quēnaro masirã m̄ua ñajama, ȳu quēne, m̄ua masisere ajitir̄un̄borãja. ⁹ To bajiri, “Dios yarã ĩ ĩamaimena ĩ c̄ūriarãre bajiro bajiaja”, yit̄uoĩaja ȳu. “Vaja mana ñaja m̄ua. M̄ua s̄ia ecosere ĩaruarãja” masa ĩna yirãre bajiro bajiaja ȳu. “ ‘Adi macar̄uc̄uroana, õ vecana ángel mesa quēne, Cristore ajitir̄un̄rã rojose ĩna t̄am̄osere ĩna ĩar̄ujama, ĩnare ĩato’ yiḡu, ȳuare c̄ũñumi Dios”, yit̄uoĩaja ȳu. ¹⁰ Cristo ĩ bojasere yirã ȳu ñajare, “T̄uoĩamasimena ñaama”, ȳuare yama masa. To bajiro ȳuare yiboarine, m̄uaj̄uarema, masirãre bajiro m̄uare ĩama. “Dios ĩ ejar̄ēmobetijama, ĩ ocare quēnaro gotimasimenaja mani”, yit̄uoĩarã ñaja ȳu. To bajiro yirã ȳu ñaboajaquēne, “Dios oca quēnaro masiaja ȳu”, yirũgũaja m̄ua. Gãjerã ĩna r̄ac̄ub̄orã m̄ua ñaboajaquēne, ȳuarema r̄ac̄ub̄ob̄etirũgũama masa. ¹¹ Tir̄um̄j̄u ȳu bajicatore bajirone bajic̄ōa ñarũgũaja ȳu, adirodorire quēne: B̄uto ñiorija, oco idir̄uaboa, sudi mani, masa quēne rojose ȳuare yirũgũama. Ȳu ñarotivi quēne, maja ȳuare. ¹² Dios ocare gotirã ñaboarine, ȳu masune b̄uto josari moarũgũaja ȳu, ȳu ñase vaja, ȳu base vaja, vaja yiruarã. Gãjerã ȳuare ĩna ajatud'iboajaquēne, “Quēnaro m̄uare yato Dios”, ĩnare yic̄udirũgũaja ȳu. Rojose ȳuare ĩna yiboajaquēne, ĩnare gãmebetirũgũaja. ¹³ Ȳuare ĩna tud'iboajaquēne, quēnasej̄uare t̄uoĩac̄ōari, ĩnare gotirũgũaja ȳu. Tir̄um̄j̄u ȳuare ĩna ĩatecatorre bajirone ĩatec̄ōa ñarũgũama.

¹⁴ “Ȳu ucac̄ōasere ĩac̄ōari, ajibojoneato” yiḡu me, adi quetire m̄uare ucac̄ōaja ȳu. Ȳu mairã, ȳu r̄iare gotimasioġũre bajiro m̄uare gotiaja ȳu, “Quēnaro riojo masiat̄o ĩna” yiḡu. ¹⁵ Cristo ĩ bajirere m̄uare gotimasiorã, diez mil ñarã ĩna ñaboajaquēne, ȳu s̄iḡune ñaja, m̄uare gotimasios̄oc̄ac̄u. Ȳu gotimasiosere ajic̄ōari Jesucristore ajitir̄un̄s̄oc̄aj̄u m̄ua. To bajiri m̄ua jac̄ure bajiro bajiaja ȳuma. ¹⁶ To bajiro ȳu bajijare, ȳu yirũgũatore bajiro m̄ua yijama, quēnaroja.

¹⁷ To bajiro m̄ua bajirotire bojaḡu ñari, Timoteore, m̄uare ejar̄ēmoroc̄ure, m̄uare c̄ōaja ȳu. “Cristore ajitir̄un̄gũ ñari, ado bajiro bajirũgũami Pablo”, m̄uare yigotir̄uc̄ami, Jesucristore ajitir̄un̄rã jedirore ȳu gotimasioicatire. Ȳu mac̄u, ȳu maiḡure bajiro bajiḡu mani ɛj̄u ĩ bojasere yiḡu ñaami Timoteo. ¹⁸ “J̄uaji ejabec̄ami Pablo” yit̄uoĩarã ñari, s̄iḡari m̄ua rãca “Ñamasurã ñaja ȳu”, gãmerã yivariquēnarãja m̄ua. ¹⁹ “Ȳu varotire Dios ĩ bojajama, yoaro mene m̄uare ĩagũ var̄uc̄uja”, yit̄uoĩaja ȳu. M̄ua t̄u ejac̄ōari, to bajiro

gãmerã m̄ua yiñasere masir̄uc̄ja ȳu. Dios ã ejarẽmose rãca m̄ua yijama, m̄ua rãca butobusa Cristore m̄ua ajitir̄un̄sere quẽne ãamasir̄uc̄ja. ²⁰ Ado bajise ti bajijare, to bajiro yaja ȳu: Dios yarã me ñaama socarãne, “Diore ajirã ñaja ȳua” yigotiboarine, ã bojarore bajiro yimena. ã yarã ñaama ã ejarẽmose rãca ã bojarore bajiro yirã. ²¹ To bajiri m̄ua t̄u ejacõari, ¿no bajiro m̄uare ȳu yirotire bojati? Rojose m̄ua yisere m̄ua yit̄ujabetijama, tutuaro m̄uare gotir̄uc̄ja ȳu. Tire m̄ua yit̄ujajama, m̄uare ȳu maisere quẽnaro m̄uare gotir̄uc̄ja ȳu.

5

Ï jac̄u manajore ajerio cutiḡure Pablo ã burocarotire queti

¹ Gaje vãme m̄uare gotir̄uaja ȳu. Sīgũ m̄ua rãcaḡu ã jac̄u manajore ã ajerio cutisere ajib̄u ȳu. To bajiro ã yijama, buto rojose yiḡu yiyumi. Gãjerãj̄uama, Diore ajimena ñaboarine, ti ùnire yimenama ña. ² To bajiro yirã ñaboarine, “Dios oca masirã ñaja ȳua”, yivariquẽnarãja m̄ua. M̄ua rãcaḡu rojose ã yisere ãsutiriticõari, ãre burocaroti ñaboayuja ti. ³⁻⁴ M̄ua rãca ñabetiboarine, m̄ua rãca ñaḡure bajiro t̄uoñaja ȳu. Mani ūju Jesucristo ã ejarẽmose rãca, “Ado bajiro ãre yiroti ñaja”, yimasiaja ȳu, ã jac̄u manajore ajerio cutiḡure. To bajiri m̄ua r̄ejaroju, m̄ua rãca ñabetiboarine, ȳu t̄uoñasejama m̄ua rãca ñar̄uc̄ja ȳu. To bajicõari, mani ūju Jesucristo quẽne, m̄ua rãca ñar̄uc̄mi, m̄uare ejarẽmogũ. ⁵ Ï jac̄u manajore ajerio cutiḡure, “Satanás ã bojarore bajiro rojose ãre yato” yirã, ãre burocaya. “Rojose tãm̄ogũ ñari, ã jac̄u manajore ajerio cutibeticõari, Dios ã bojarore bajiroj̄ua yato” yirã, to bajiro ãre yir̄uarãja m̄ua. Tire ã yit̄ujajama, mani ūju Cristo, masare ã ãbeserir̄um̄u ti ejaro, rojose yir̄'i ã ñaboajaquẽne, rojose tãm̄ot̄ujabetiriaroju ã vaborotire ãre yir̄etobosar̄uc̄mi.

⁶ M̄ua rãcaḡu rojose ã yiñaboajaquẽne, “Dios oca masirã ñaja ȳua” m̄ua yivariquẽnase quẽnabeaja. Tire bajiro bajiaja pan ùmato vauvase. Mojoroaca v̄ore ti ñaboajaquẽne, vauvajediaja ti. Tire bajirone bajiaja rojose mani yise. Mani rãcaḡu, rojose ã yicõa ñajama, ã yisere ãcõari, mani jediro rojose yijedicoanaja. ⁷ Jud'io masa, Pascua boser̄um̄ari quẽnorã, pan ùmato vauvasere ña reajeorore bajiro rojose m̄ua yisere reajeocõaña m̄ua. “Jediro rojose m̄ua yise yit̄ujacõaña” yiḡu yaja ȳu. “Rojose mana ñato mani” yirã, to bajiro yiya m̄ua. Oveja mac̄ure bajiro masare Jesucristo ã rijabosare suorine rojose mani yise vaja manire ã vaja yiyeobosare ñajare, to bajiro yiroti ñaja. ⁸ “Rojose mani tãm̄oborotire manire yir̄etobosayumi” yirã, “Yir̄uarãja” m̄ua yit̄uoñarore bajirone quẽnase r̄ine yiroti ñaja.

⁹ Tir̄um̄ju papera m̄uare cõagũ, ado bajiro gotiboacaju ȳu: “Gãmerã ajeriarã cutirã rãca ñabesa”, m̄uare yiucaboacaju ȳu. ¹⁰ To bajiro ȳu yijama, “Cristore ajitir̄un̄menena rãca ñabesa” yiḡu me yicaju ȳu. Adigodoj̄ure jãjarã ñarãma: Manajo mana, manaju mana, manaju cutirã, manajo cutirã quẽne, gãjerã rãca ajeriarã cutirã ñarãma. To yicõari, jairo gajeyeũni c̄uorã ñaboarine, jaib̄usaro bojarẽmorã ñarãma. Juarudirimasa ñarãma. “Ado bajirã ñarãma” ña masune yiquẽnorujeocõari, r̄uc̄ub̄orã quẽne ñarãma. Cristore ajitir̄un̄menaj̄ua jãjarã ña ñajare, ñare t̄uoñacõari, “Rudiya” m̄uare ȳu yiboajama, no bajiro yicõari, rudimasimenaja m̄ua. Rijana r̄ine ñarãma rudirãre bajiro bajirãma. ¹¹ M̄uare ȳu ucacõacatire, “Quẽnaro ajimasiato” yiḡu, ado bajise m̄uare papera ucacõaja ȳu quẽna: “Ado bajiro bajirãma” yit̄uoñagũ, “Ña rãca ñabesa”, m̄uare yiucaõacaju: “Cristore ajitir̄un̄rã ñaja ȳua” yiboarine, gãmerã ajeriarã cutirã ñarãma. To yicõari, jairo gajeyeũni c̄uorã ñaboarine, quẽna gajeye bojarẽmorã ñarãma. Socarãne gãjerãre, “Rojose yima”, yigotirimasa ñarãma. “Ado bajirã ñarãma” ña masune yiquẽnorujeocõari, r̄uc̄ub̄orã ñarãma. Idimec̄urã, to yicõari, juarudirimasa quẽne ñarãma. “Ña ùna rãca ñabesa” ȳu yiucajama, ña rãca m̄ua babetirotire quẽne t̄uoñagũ yaja. ¹²⁻¹³ Cristore ajitir̄un̄menena ña yisere ãcõari, “Adi quẽnase ñaja; tij̄ua rojose ñaja”, yibeseroti me ñaja manire. Dios sīgũne ñaami to bajise yiroc̄uma. Cristore ajitir̄un̄rã ñaboarine, rojose ña yisere ãcõari, “Tire yit̄ujacõato” yirã, rojose ñare yiroti ñaja. To bajiri Dios ocare masa ña ucamasire ti

gotirote bajiro yiya mña. Ado bajiro gotiaja: “Mña rãcagu rojose yigure ‘Yña rãca ñabesa’ ñre yicõaña”, yigotiaja Dios oca.

6

“Cristore ajitirãnurã rñe, rojose gãmerã mña yijama, ñre ajitirãnumena tujm vamenane, mña masune oca quẽnoroti ñaja”, yire queti

¹ Gajeye quẽnabeti mña yisere mñare gotirujaja ym. Cristore ajitirãnurã rñe rojose mña gãmerã yijama, ¿no yirã oca quẽnorurã, Cristore ajitirãnumena tujm vacõari, oca quẽnorotirügũati mña? ¿No yirã Cristore ajitirãnurã rñe rëjacõari, ñnare oca quẽnorotibeati mña? “To bajiro bajiaja”, ¿yibojonebeati mña, Cristore ajitirãnumena tujm varurã? ² “Dios yarã ñari, Cristore ajitirãnumena rojose ñna yisere ñabeserona ñaja mani” yimasirã ñaboarine, ¿no yirã ñamasuse mere mña rojose gãmerã yisere oca quẽnomasibeati mña? Mña masune oca quẽnomasicõarãja. ³ Ángel mesa, vãtia, ñna yisere quêne ñabeserona ñari, adigodo mña yñasere roque rëtoro ñabesemasirãja mña. ⁴ ñna yisere ñabeserona ñaboarine, rojose gãmerã mña yisere, Cristore masimenare oca quẽnorotirã varügũaja mña. ⁵ “¿To bajiro yirügũñujari mani?” mña yimasirotire yigm, to bajiro mñare gotiaja ym. Tire masicõari, Cristore ajitirãnumena oca quẽnorotibetirurãja mña yuja. “Masirã ñaja ym” yirã ñaboarine, Cristore ajitirãnumena tujm mña oca quẽnorotirã vajama, “Rojose mani gãmerã yisere mani rãcagu oca quẽnorimasu magũmi” yirãre bajiro yaja mña. ⁶ To bajiri ado bajiro bajiaja mña: Cojo masare bajiro bajirã ñaboarine, rojose gãmerã yaja mña. To bajiro mña yise quẽnabeti ñaja. To yicõari, mña masune oca quẽnomenane, Cristore ajitirãnumena yare mña oca quẽnorotirã vase ñaja rëtobusaro quẽnabeti.

⁷ Mña masune rojose mña gãmerã yijare, quẽnabeaja. Gãjerã tujm ñnare oca quẽnorotirã vamenane, ado bajirojma mña yijama, quẽnaboroja: Gãji rojose mñare ñ yisere gãmemenane, “Yñare yitocõari, ym ye ñaboasere mñ emase tone bajicõato. Mñre masirioaja ym” ñre mña yijama, gãjerã tujm mña vase rëtoro quẽnaroja. ⁸ To bajiro ñmato bajiroti ñnirere, ¡mñajmne ñaja rojose yisurõama! ¡Mñane ñaja gãjerã Cristore ajitirãnurãre, mña mairona ñaboarãre yitocõari, ñna yere emarã!

⁹ To bajiro rojose mña yisere, “Rojose me ñaja” mña yituoñase socase ñaja. To bajiri, to cõrone mña yirügũsere yitujacõaña. “Rojose yirãma, Dios tujm ejarona me ñaama”, yimasiaja mña. Rojose yirãma, ado bajiro yirã ñarãma: Manajo cutirã, manajm cutirã, manajo mana, manajm mana quêne, gãjerã rãca ajeriarã cutirã ñarãma. “Ado bajirã ñarãma” yiquẽnorujeocõari, rucubõorã ñarãma. ¹⁰ Juarudirimasa ñarãma. Jairo gajeyeñni cõorã ñaboarine, quëna gajeye bojarëmorã ñarãma. Idimecurã ñarãma. Socarãne, “Ado bajise rojose yima”, yigotirimasa ñarãma. Gãjerãre yitocõari, ñna cõoboasere emarã ñarãma. “Ñna ñnama, Dios tujm ejarona me ñaama”, yimasirãja mña. ¹¹ Mña quêne ñnare bajiro bajiyuja mña maji. Yucurema Jesucristo, to yicõari Espiritu Santo surine “Rojose mana ñaama ym yarã” Dios ñ yñarã ñaja mña.

“Dios ñ bojarore bajiro yiroti ñaja”, yire queti

¹² Ado bajiro yisere ajirügũaja mña: “Mani bojarore bajiro yimasiaja”, yigotiaja. To bajiro yigotiboajaquêne, mani tuoñarore bajiro mani yijama, quẽnabetoja. “Butobusa Dios ñ bojarore bajiro yirã ñato mani” yirã, yibetiroti ñaja manire. “Tire mani yisejacõajama, ti rione manire yimamacõroja” yirã ñari, yibeticõato mani. ¹³ Gãjerãma, ñna rujm ti bojarore bajiro yirurügũrã ñari, ado bajiro yirügũama: “Mani gudajoajm mani basãroti ñaja bare. To bajicõari, gudajoajm quêne bare basãrotijoa ñaja”, yirügũama. To bajiro ñna yise, socase me ñaja, bajirojma. To bajiboarine, mani base, mani gudajoa quêne ñamasuse me ñaja. Cojorũm tire reajeocõarucami Dios. To bajiri, “Mani rujm quêne rõmia rãca ajeriarã cutiato” yiro me bajiaja. Cristo ñ bojasejmare yirotirujm ñaja. To bajiri, Cristojm quêne,

“Y_u bojasere yirã ñaama” yig_u, manire ejarëmog_umi. ¹⁴ Mani ru_{ju} ti bajiyayiboajaquëne, mani _uju Cristore ï catoriarore bajirone manire quëne ï masise rãca cator_uc_umi Dios.

¹⁵ Cristo yarã ñari, ïre moabosarimasa ñaja mani. To bajiro bajirã ñaboarine, ¿r_omia, ãm_uare ajeriarã cutic_oari, vaja sënirã r_omiri rãca ñarãti m_ua? ¡Ñabetir_uarãja! ¹⁶ “Ïna r_omiri rãca mani ajeriarã cutijama, ïnare ajeriarã cutirã ñari, cojo ru_{ju}ne, ru_{ju} cutirãre bajiro bajirã ñarãja mani”, yimasirãja m_ua, Dios ocare masa ïna ucamasire ado bajiro ti gotijare: “Manajo cutijama, j_uarã ñaboarine, s_ig_u ru_{ju}re bajiro ñaama, Dios ïajama”, yigotiaja Dios ocare masa ïna ucamasire. ¹⁷ Manajo cutirere ti gotirore bajirone mani quëne, Cristore ajitirãnurã ñari, Cristo rãca cojo _us_une, _us_u cutirãre bajiro bajaiaja mani, Dios ï ïajama.

¹⁸ To bajiri Cristo yarã ñari, r_omia rãca ajeriarã cutir_uaboarine, yibetic_oañã m_ua. Gajeye rojose m_ua yisema, quënac_oaroja. To bajiboarine, r_omia rãca m_ua ajeriarã cutisej_ua ñaja quënabeti masu. ¹⁹ Esp'iritu Santore mani _us_uri_{ju}re manire c_oañ_umi Dios. To bajiri mani _us_uri_{ju} ï ñajare, “Esp'iritu Santo ï ñarivire bajiro bajaiaja”, yimasirãja m_ua. To bajiri mani ru_{ju}, mani masu ru_{ju} me ñaja. Dios ye ñaja. ²⁰ “Y_u yarã ñato” yig_u, Satanás yarã ñaboarãre ï mac_u ï rijare s_uorine, “Y_u yarã ñaama”, manire yiyumi Dios. To bajiri r_omia rãca ajeriarã cutimenane, Dios ï bojarore bajiro r_ine yir_uarãja. To bajiro mani yijama, Diore r_uc_ub_uorã yir_uarãja mani.

7

Ïna manajo cutirotire ïna sën_iac_oarere Pablo ï c_udire queti

¹ P_upera rãca y_ure m_ua sën_iac_oarere m_uare c_ud_iaja y_u. “S_ig_u manajo mag_u ï ñac_oajama, ¿quënati?”, y_ure m_ua yisën_iac_oarere, “Quënaja”, yaja y_u, tire. ² To bajiboarine, “Manajo mana, r_omia rãca ajeriarã cutire ïna bojajama, manajo cutiroti ñaja”, yaja y_u. R_omia quëne, ïna manaj_u cutijama, quënaja. ³ Manajo cutic_oari, ï yir_uaro c_oro so c_udijama, quënaja. Ïj_ua quëne, ï manajo so yir_uaro c_oro ï c_udijama, quënaja. ⁴ Manaj_u cutic_oari, “Y_u bojarore bajiro ïre yir_uocoja y_u”, yibetir_uocomo. So manaj_u ï yirore bajiro c_udir_uocomo. Ëm_u quëne, manajo cutic_oari, “Y_u bojarore bajiro sore yir_uc_uja y_u”, yibetir_uc_umi. Ï manajo so yirore bajiro c_udir_uc_umi. ⁵ To bajiri, ïna manajoa rãca ïna yijama, “Yibesa”, yibetic_oato ïna manajoaj_ua. Ïna manajoaj_ua quëne, ïna yir_uajama, “Yibesa”, yibetic_oato ïna manaj_ua. To bajiboarine, “Diore r_uc_ub_uorã, yibetic_oato mani maji” ïna j_uarãj_une ïna yit_uo_iajama, quënaja. Diore r_uc_ub_uo gajanoc_oari, ïna yir_ug_uriarore bajiro ïna yijama, quënaja. To bajiro ïna yijama, “Gãjerã rãca ajeriarã cutiya”, yimasibetir_uc_umi vãtia _uju, Satanás.

⁶ Adi jediro m_uare y_u gotise, m_uare rotig_u me yaja y_u. “Y_u gotirore bajirone m_ua yijama, quënaja” yig_u, tire m_uare gotiaja y_u. ⁷ “Y_ure bajiro manajo mana m_ua ñajama, quënaboroja”, yit_uo_iaja y_uma. To bajiboarine s_ig_ure bajiro bajirã me ñaja mani. Tocãrãc_ure ricati Dios ï masisere manire _ujoyumi.

⁸ Manajo manare, manaj_u manare, manaj_u rijaveoriarãre quëne ado bajiro m_uare gotiaja y_u: Y_ure bajiro manajo mana, r_omia quëne manaj_u mana m_ua ñac_oajama, quënaja. ⁹ To bajiboarine, manajo mag_u ï ajerio cutir_uajama, manajo cutiato. To bajirone yato r_omia quëne. Ajeriarã cutire b_uto ïna t_uo_iajama, manaj_u cutiato.

¹⁰ Manaj_u cutirãre, ado bajiro m_uare gotiaja y_u: M_ua manaj_uare reare maja. Ti ñaja mani _uju ï rotire. Y_u masu t_uo_iac_oari, yig_u me yaja. ¹¹ So manaj_ure so rocajama, gãji manaj_u cutire manir_uaroja. So manaj_u ñar'i rãca so oca quënojama, quënaja. To bajirone bajaiaja ãm_ure quëne. Ï manajo cutijama, rocare maja.

¹² Mani _uju y_ure ï rotire me, y_u masune t_uo_iac_oari, ado bajise m_uare gotiaja, Cristore ajitirãn_ubeco rãca manajo cutirãre: M_u manajo Cristore ajitirãn_ubeco ñaboarine, m_u rãca so ñac_oa ñar_uajama, sore rocabetiroti ñaja. ¹³ To bajirone gotiaja manaj_u cutirãre quëne. M_ua manaj_ua Cristore ajitirãn_umena ñaboarine, m_ua rãca ïna ñac_oa ñar_uajama,

Īnare reabetiroti ñaja. ¹⁴ Ado bajiro ti bajijare, tire gotiaja yu: Mña manajua, Cristore ajitirñnumena ñaboarine, mña rōmiajua Cristore ajitirñnrã mña ñajare, ĩ yarãre ĩ ĩamairore bajiro ĩnare ĩamaiami Dios. To bajirone bajiaja Cristore ajitirñnumena rōmirire quēne. Cristore ajitirñnumena ĩna ñaboajaquēne, mñare ĩna manajua cutijare, ĩ yarãre ĩ ĩamairore bajiro ĩnare ĩamaiami. To bajiro ti bajibetijama, mña rĩare, Cristore ajitirñnumenare bajiro ĩnare ĩ ĩaborotire ĩ yarãre ĩ ĩamairore bajiro mña rĩare quēne ĩnare ĩamaiami. ¹⁵ Cristore ajitirñnugũ manajo Cristore ajitirñnubeco ñari, ĩre so rocaruajama, rocacōato. To bajirone bajiato rōmiojua quēne. Cristore ajitirñnubecu ñari, ĩ manajore ĩ rocaruajama, rocacōato. To bajiro ĩna yijama, quēnacōaroja. Quēnaro mani ñase bojaami Dios. ¹⁶ Ado bajiro ti bajijare, to bajise mñare gotibũ yu: “Cristore ajitirñnugō yu ñajare, yu manaju yu rãca ĩ ñacōa ñajama, Cristore ajitirñnucuarũcũmi ĩ quēne”, yimasimenaja mña. Īmña quēne, “Cristore ajitirñnrã yua ñajare, yua manajoa yua rãca ĩna ñacōa ñajama, Cristore ajitirñnucuarũarãma ĩna quēne”, yimasimenaja mña, ĩna bajirotire masimena ñari.

¹⁷ To bajiri Cristore ajitirñnumena ĩna bojarore bajiro ĩna yicōa ñaboajaquēne, manijua rema Cristore mani ajitirñnũsorijũne ricati rĩne mani ñarotire manire ujoyumi Dios. To bajiro ĩ yire ñajare, manire ĩ cũriarore bajirone mani ñacōa ñajama, quēnaja. To bajiro rĩne gotirũgũaja yu, tocãrãca macariana Cristore ajitirñnrãre. ¹⁸ Tire yu gotijama, ado bajise tuoĩacōari yaja: Cristore mña ajitirñnuroto rĩjorojũne jud'io masa ñari, circuncisiōn yiecoriarã ñañuja mña. To bajiri mña rãcana, “ ‘Jud'io masa ñaama’ yĩaroma” yirã, circuncisiōn yiyamanare bajiro ñaruarũgũrãja mña. Ti ũnire yibeticōaña mña. Mña ñariarore bajiro ñacōaña. Gãjerãma, Cristore mña ajitirñnuroto rĩjorojũne, circuncisiōn yiecobetiriarã ñañuja mña, jud'io masa me ñari. Mña rãcana, “Jud'io masare bajiro circuncisiōn mani yirotijama, quēnaroja”, yitũoĩarãma. “Ti ũnire yibeticōato ĩna”, yaja yu. ¹⁹ Circuncisiōn yiecoriarã mani ñajama, mani ñabetijaquēne, no yibeaja. Dios ĩ bojarore bajiro mani yisejua ñaja ñamasusema. ²⁰ To bajiri “Cristore mani ajitirñnũsorijũne tocãrãcure Dios manire ĩ cũriarore bajirone mani ñacōa ñajama, quēnaja”, mñare yaja yu. ²¹ Cristore mña ajitirñnuroto rĩjorojũne, gãjerãre moabosarimasa ñañuja mña. To bajiri adirũmarire quēne to bajirone mña moabosacōa ñajama, tuoĩarejaibesa. To bajiboarine, mña ujarã, “Mña masune moamasiruarãja” mñare ĩna yijama, ĩnare vaveocōari, mña masu mña bojarore bajiro moaruarãja mña. ²² Gãjerãre moabosarimasa ĩna bojase rĩne yiriarã ñaboarine, Cristore mña ajitirñnũsorijũne, Satanás ĩ bojasere yitũjacōari, Dios yarãjua ñacoasuja mña. Gãjerãre moabosarimasa me ñariarã quēne, Cristore ĩna ajitirñnũsoriajũne, Cristo yarã ĩ bojasejua yirã ñacoasuma ĩna. ²³ “Yu yarã ñato” yigũ, Satanás yarã mña ñaboarone, ĩ macũ ĩ rijare sũorine, “Yu yarã ñaama”, mñare yiyumi Dios. To bajiri gãjerã, Dios ĩ bojabetire mñare ĩna yirotisere ĩnare cũdibetiroti ñaja. ²⁴ To bajiri Cristore mani ajitirñnũsorijũne Dios manire ĩ cũrere mani yicōa ñajama, quēnaja.

²⁵ Gajeye, manaju mana, manajo mana mña sēniĩacōarere mñare cũdiaja yu. Mani uju yure ĩ yirotire me ñaja ti. Yu masune tuoĩacōari, mñare gotigũ yaja. Mani uju, yure ĩamaicōari, yure ejarēmorũgũami, “Quēnaro riojo tuoĩagũ ñato” yigũ. To bajiro yure ĩ yijare, yure mña ajitirñnũjama, quēnaja. ²⁶ Cristore ajitirñnrã ñari, bũto rojose yiecorã ñaja mani. To bajiri, ado bajiro ñaroti ñaja: Manajo mana, to yicōari manaju mana, mña ñacōajama, quēnaja. ²⁷ Manajoa cutirã, manaju cutirã quēne, gãmerã reabesa. Manajo mana quēne, manajo macabesa. Manaju mana quēne, manaju macabesa. ²⁸ To bajiro yu gotisere ajiboarine, ĩ manajo cutijama, to yicōari rōmio quēne, so manaju cutijama, rojose yirã me yirãma ĩna. To bajiboarine manajoa cuticōari, rojose ĩna tãmũojama, bũtobusa josari ñaruarõja ĩnare. Tire, bũtobusa rojose ĩna tãmũosere bojabecu ñari, “Manaju mana, to yicōari manajo mana mña ñacōajama, quēnaja”, mñare yibũ yu.

²⁹ Quēnaro tuoĩaña yu mairã. Ado bajise yigũ, “Mña ñariarore bajirone mña ñacōajama, quēnaroja”, mñare yibũ yu: Cristo ĩ ejarotirũmũ cõñaro masu bajiaja. To bajiri manajo cutirã, rōmia manajua cutirã quēne, manajo mana mña ñariarore bajirone ñacōari, Cristo

ĩ bojasejũare yiñarũgũroti ñaja mũare. ³⁰ Sũtiritirã, mũa sũtiritisere bũto tũoĩabesa. Variquẽnarã quẽne, mũa variquẽnasere tũoĩabesa. Gajeyeũni bũjarã quẽne, mũa cũosere tũoĩabesa. “Adigodojũ yoaro meaca catirũarãja mani” yitũoĩarã ñari, to bajiro bajiya. ³¹ Adigodoaye yoaro me jediroti ti ñajare, bũto tire tũoĩabesa. Ñamasuse me ñaja ti. Tire mũa tũoĩajama, Cristo ĩ bojasejũare quẽnaro yimasimenaja mũa.

³² Adigodoayere bũto mũa tũoĩasere bojabeaja yũ. Manajo magũma, Cristo ĩ bojasejũare bũto tũoĩagũmi, ñajediro ĩ yisere ĩ ĩavariquẽnarotire bojagũ ñari. ³³ To bajiboarine, manajo cutigũma, adigodoayere bũto tũoĩagũmi, ĩ manajo so variquẽnarotire bojagũ ñari. ³⁴ To bajiri Cristo ĩ bojasere tũoĩa, to yicõari, ĩ manajo so bojasejũare quẽne tũoĩa, yigũmi. Jũa vãme tũoĩare ñaroja ĩre. To bajicõari, manajũ magõma, Cristo ĩ bojasejũare bũto tũoĩagõmo, ñajediro so yisere ĩ ĩavariquẽnarotire bojago ñari. To bajiboarine, manajũ cutigoma, adigodoayere bũto tũoĩagõmo, so manajũ ĩ variquẽnarotire bojago ñari.

³⁵ “Manajo cutirũagũ manajo cutibeticõato” yigũ me, tire mũare gotiaja yũ. “Quẽnaro tũoĩacõari, manajo cutiato ĩna” yigũ, tire gotiaja yũ. Dios ĩ bojase rĩne mũa yiñasere bojaja yũ.

³⁶ ĩ manajo cutiroco ñario rãca, sore bũto bojagũ ñari, manajo cutiato. To bajiro ĩ yijama, rojose yigũ me yigũmi. ³⁷ To bajiboarine, “Manajo cutibetirũcũja” yigũma, manajo cutibeticõato. To bajiro bajigũ ñari, gãjerãre quẽne, ĩ ajeriarã cutibetijama, quẽnaja. ³⁸ To bajiri ĩ manajo cutiroco ñario rãca, manajo cutigũma, quẽnaro yigũ, yigũmi. “Manajo cutibetirũcũja” yigũjũama, ĩ rẽtoro quẽnaro yigũ, yigũmi.

³⁹ Manajũ cutigo, so manajũ ĩ catiñaro cõro ĩ rãca ñacõa ñaroco ñaamo maji. ĩ rijato berojũ, gãjire, no so bojagũre, mani mũjũre ajitirũnũgũre, manajũ cutirũocomo. ⁴⁰ To bajiboarine, “So manajũ ĩ rijato bero, gãjire so manajũ cutibetijama, rẽtoro quẽnaro ñagõmo”, yitũoĩaja yũ. Yũ quẽne, Espĩritu Santore cũogũ ñaja yũ. To bajiri quẽnaro tũoĩacõari, to bajiro mũare gotiaja.

8

“Jesũre ajitirũnũrãre ĩnare yirobetiroti ñaja”, yire queti

¹ Quẽna gajeye mũare gotigũagũ yaja yũ. Vaibũcũrãre sũacõari, “Ado bajirã ñarãma” yiquẽnorũjeoriarã tũjũre ĩnare rũcũbũorã, mojoroaca vaibũcũ riire cũrũgũama. To yicõari, rũyasere barũgũama. To bajiri, ĩna yisere ĩacõari, “Socarã yama. ĩna rũcũbũoboarã manama” yimasirã ñari, “Yũa quẽne, yũa bajama, quẽnacõaja”, yirãja mũa. To bajiro mũa yijama, gãjerã, “Tire babetiroti ñaja manire” yitũoĩaboarãjũare ĩnare ĩamaimenane, “ĩna rẽtoro ñamasurã ñaja yũa” yirãre bajiro yaja mũa. To bajiro yimenane, ado bajirojũa yiroti ñaja: “ĩnare ĩamaicõari, ĩnare ejarẽmoroti ñaja, ‘Bũtobũsa Diore ajitirũnũato ĩna’ yirã”. ² Masijeobetiboarine, “Quẽnaro masigũ ñaja yũ” sũgũ ĩ yiboajama, rũyacõaroja ĩre, quẽnaro riojo ĩ masiroti. ³ Diore ĩ maijama, ĩ bojarore bajiro yigũ ĩ ñajare, “Quẽnaro masigũ ñaami”, ĩre yĩamasigũmi Dios.

⁴ Yirũcũbũorũarã ĩna quẽnorũjeose ñie vaja maja. “Dios sũgũ ñaami, mani rũcũbũogũ. Gãjerã ĩre bajiro bajirã manama”, yimasiaja mani. ⁵ Gãjerã ĩna gotijama, “Jãjarã ñarãma mani yirũcũbũorã. Ő vecana, adigodoana quẽne ñarãma”, yitũoĩaboarãma. ⁶ To bajiro ĩna yiboajaquẽne, “Dios sũgũne ñaami mani jacũ”, yimasiaja mani. ĩne ñaami ñajediro, “Yũ bojasere yato ĩna” yigũ, manire rujeor'ĩ. To bajicõari, Jesucristo sũgũne ñaami mani mũjũ. Jesucristo sũorine ñajediro rujeoyumi Dios. To bajiri ĩ sũacore sũorine Dios yarã ñaja mani.

⁷ To bajiro yirã mani ñaboajaquẽne, gãjerã ñaama Cristore ajitirũnũrã ñaboarine, mani tũoĩarore bajiro tũoĩamena. ĩna ñaama, Cristore ĩna ajitirũnũroto rĩjorojũ, “Ado bajirã ñarãma” ĩna masune yiquẽnorũjeocõari, rũcũbũorũgũriarã. To bajiro yirũgũriarã ñari, ado bajiro tũoĩarãma: “Vaibũcũrãre sũacõari, ‘Ado bajirã ñarãma’ yiquẽnorũjeoriarã tũjũre

Īnare rācuborā, mojoroaca vaibucu riire ĩna cūserē mani bajama, rojose yirā yaja mani”, yituoīarāma. ⁸ To bajiro ĩna yijama, riojo tuoīarā me yama. Mani bajama, mani babetijaquēne, űamasuse me űaja, Dĳos ĩ ĩajama. “Tire mani babetijama, rētoabusaro manire ĩavariquēnarucumi Dĳos”, yire maja. ⁹ “Mani base jediro quēnase rĳine űacōaja” yirā űaboarine, babetiharāja mĳua. Gājerā Cristore ajitirānrā, “Īna basere mani bajama, ‘Rojose yirā yaja yĳua’ yituoīacōari, rojose tāmĳotĳabetiriaroĳu vatoma ĩna” yirā, tire babetiharāja mĳua. ¹⁰ To bajiro yĳu yijama, ado bajiro yigĳu yaja yĳu: “Babetiroti űaja” gāĳi ĩ yisere mĳua baro ĩacōari, “Yĳu bajama, quēnabetoja” yituoīaboarine, bagĳumi ĩ quēne. ¹¹ Cristore ajitirānrā űaboarine, mĳua tuoīarore bajiro tuoīamenare quēne rijabosagu bajiyumi, “Yĳu rāca quēnaro űato” yigĳu. To bajiri, “Mani base jediro quēnase rĳine űacōaja” mĳua yise suorine mĳua mairona űaboarā ĩna quēne ĩna bajama, “Rojose yirā yaja yĳua” yituoīarā űari, rojose tāmĳotĳabetiriaroĳu vanama. ¹² Mĳua rācagu Cristore ajitirānugĳu, “Babetiroti űaja” ĩ yĳiaboasere mĳua bajama, rojose ĩre yirorā yirāja mĳua. To bajiro mĳua yijama, ĩ sĳigĳurene rojose yirā me, yirāja mĳua. Cristore quēne rojose yirā yirāja. ¹³ To bajiri, “Vaibucu rĳi yĳu bajama, Cristore ajitirānugĳure rojose ĩre yirogĳure bajiro yigĳuja yĳu” yituoīagĳu űari, baĳobetiroti űaja.

9

“Jesucristo ĩ cōar'i me űaami Pablo” ĩna yirere Pablo ĩ cudire

¹ Yĳu bojarore bajiro yimasigĳu űaboarine, Jesucristo ĩ bojaseĳuare yigĳu űaja yĳu. Jesĳus, mani ĳĳure ĩacacu űaja yĳu. Gājerāre ĩ cōasĳoriarore bajiro yĳure quēne cōacami. Yĳure ĩ gotiroticōacati suorine ĩre ajitirānrā űaja mĳua. ² “Jesucristo ĩ cōar'i me űaami Pablo” gājerā ĩna yiboajaquēne, mĳuajĳama, mĳuare yĳu gotimasĳosĳocati suorine Cristore ajitirānrā űari, “Jesucristo ĩ cōar'i űaami”, yiroti űaja mĳuare.

³ “Jesucristo ĩ cōar'i me űaami Pablo” yĳure yirāre ado bajiro ĩnare cudiaja: ⁴ Yĳu Pablo, to yicōari, Bernabé quēne, Jesĳus ĩ cōacana űaja yĳua. To bajiri gājerā Jesĳus ĩ bajirere gotimasĳorāre ĩna baroti, to yicōari, ĩna idirotire mĳua ĩsirĳgĳurore bajirone yĳuare quēne ĩsiroti űaja. ⁵ Pedro, ĩ rācana quēne Cristo ĩ gotiroticōariarā, to yicōari, mani ĳĳu Jesĳus bederā quēne, Jesĳure ajitirānrāre manajoa cuticōari, ĩna rāca varĳgĳuama. To bajiro ĩna bajijare, ĩna manajoare quēnaro codebosarĳgĳuja mĳua. To bajiri “Yĳua quēne, manajo cuticōari, vamasirāja”, yituoīaja yĳua. ⁶ Jesĳus ĩ bajirere gotimasĳiocudirimasa gajeye moare moamenane, “Quēnaro yĳuare gotimasĳioato” yirā, ĩnare mĳua ejarēmoriarore bajiro yimenane, “Īna masune moacōari, vaja yato ĩna űarotire”, ĳyituoīati mĳua, yĳuarema? ⁷ Surara mesa quēne, ĩna moare rĳine moarāma. “Īna moare ĩna moajama, ĩna űaroti vaja ĩsĳecorĳarāma”, yimasire űaja. ĳĳye oterimasĳuma, “Tire barucumi”, yimasire űaja. Cabrare coderimasĳu quēne, “Īna oĳjecoa idirucumi”, yimasire űaja. ⁸ To bajiri, “Mani moase suorine quēnase bujaroti űaja”, yimasire űaja. To bajiri, Dĳos ocare masa ĩna ucamasire quēne, tire bajiro gotiaja. ⁹⁻¹⁰ Ado bajiro gotiaja Moĳisés űamasir'ire Dĳos ĩ roticĳumasire: “Ta vecĳu risere siabibebesa, trigo gasere ĩre mĳua cĳuda jānerotijama, ‘Ī quēne bato’ yirā”, yigotiaja. To bajiro ĩ gotijama, ta vecĳua rĳirene tuoīagĳu me yimasĳiĳumi Dĳos. Mani jedirore tuoīacōari, yigĳu, yimasĳiĳumi. Vese moarā, to yicōari, gājerā ĩna otere rica juarāre quēne, “ ‘Mani moase suorine quēnase bujarĳarāja’ yimasĳiato” yigĳu, tire yimasĳiĳumi Dĳos. ¹¹ Jesĳus ĩ bajirere mĳuare gotimasĳosĳocajĳu yĳua, “To bajiro mani yise suorine Cristore ajitirānrĳarāma sĳigĳuri” yirā. Mĳuare yĳua gotimasĳiojama, ote ajere oterāre bajiro mĳuare yĳicajĳu yĳua. To bajiri yĳua gotimasĳiocati suorine Cristore ajitirānrā űari, yĳua otecatiricare bajiro bajirā űaja mĳua. To bajiro bajirā mĳua űajare, yĳua gotimasĳiocati vaja, mĳuare yĳua sēnijama, ĳvaja yiroti me űaboayujarique? ¹² Gājerā Cristo ĩ bajirere ĩna gotimasĳiojare, ĩnare vaja yirĳgĳurāja mĳua. To bajiri, mĳuare gotimasĳosĳocanare roque, ĳĳinare mĳua ĩsiro rētoro yĳuare vaja yiroti me űatique?

To bajiro yiroti ti ñaboajaquêne, mware vaja sēnibeticaju yua. Buto josari yua moarūgūcati ti ñaboajaquêne, “Yware ejarēmoña”, mware yibeticaju yua, “ ‘Gãjoa bojarã, Jesús ï bajirere gotimasioama’ manire yiroma” yirã. ¹³ Diore yirūcubuoariaviju ïre rūcubuoarã, bare ïna cūserē ti vi moarimasa ñari, ïna baroto cōro juacōari, barūgūama. Tire masiaja mwa. ¹⁴ “Tire bajirone bajirwaroja yu ocare gotimasiodirimasare quêne. ïna gotimasiose vajane bacatirwarãma”, yiyumi mani wju Cristo. ¹⁵ To bajiro ï yirere masigū ñaboarine, mware vaja sēnibeticaju yu. Sēnibeticacu ñari, “Yucaju yure vaja yiya” mware yuicagu me yaja yu. Buto ñiorijagu ñaboarine, mware bare sēnibecu rīne, rijacoarucuja yu. To bajiri, Jesucristo ï bajirere yu gotimasiodijama, vaja sēnibetirūgūaja. “ ‘Vaja taami Pablo’ gãjerã ïna yisere bojabecu ñari, vaja sēnibeticaju”, yivariquēnaja yu.

¹⁶ Cristo ï bajirere gotimasioagū ñari, “Ñamasugū ñaja yu”, yituoīabetirūgūaja. Jesucristo yure ï gotiroticati ñaja yu moare. Tire yu gotimasioebetijama, rojose tāmuboguja. ¹⁷ Jesucristo yure ï gotimasiorotibetone, yu masu “Ï ocare gotimasiodirucuja” yu yijama, “Yu gotimasiose vaja, quēnase bjarucuja”, yituoīaboguja yu. To bajiboarine, Jesucristo yure gotimasioroticōacami. To bajiri quēnase yu bjarajama, yu bjarabetijaquêne, no yibeaja ti. Ï ocare gotimasiodōa ñaroti ñaja yure. ¹⁸ To bajiro ti bajijare, vaja sēnibecune, Jesucristo ï bajirere gotimasio variquēnarūgūaja yu, vaja sēniroti ti ñaboajaquêne.

¹⁹ To bajiri yu gotimasiose vaja, yure vaja yimena ñari, rotimasibeama masa. Yure ïna rotimasibetiboajaquêne, “Jãjarãbusa Cristore ajitirũnũato” yigu, ïna ïavariquēnarore bajiro bajiñarūgūaja yu. ²⁰ Jud'io masa tujū yu ñajama, Cristore ïna ajitirũnũrotire bojagu ñari, ïnare bajiro bajiñaja yu quêne. To bajiro yu yijama, ado bajise yigu yaja yu: Moisére Dios ï roticūmasirere ajirūcubuoarã tujū yu ñajama, “Cristore ajitirũnũato” yigu, ïna yirūcubuoarore bajiro yirūgūaja. “Tire quēnaro mani ajirūcubuoajama, manire ïavariquēnarucumi Dios” ïna yituoīarore bajiro tuoīagū me ñaboarine, to bajiro yirūgūaja yu. ²¹ Jud'io masa me ñarã tujū yu ñajama, “Cristo ocare yu gotimasiosere ajitirũnũato” yigu, ïna ñasere bajiro ñacōari, ïnare gotimasiorūgūaja. To bajiro yu bajijama, Dios ï bojabetire yigu me bajiaja. Jesucristore ajitirũnũcōa ñarūgūaja yu. ²² “Manire ejarēmorcumi Cristo” yituoīaboarine, tuoīagūrã tujū yu ñajama, ïnare bajiro bajiñaja yu quêne, “Yu gotisere ajivariquēnacōari, butobusa Cristo ocare ajitirũnũato” yigu. “Sīgūri yu gotimasiosere ajicōari, Cristore ajitirũnũato” yigu, yu yimasiro cōro yirūgūaja yu. ²³ “ ‘Cristore mwa ajitirũnũajama, rojose tāmũotujabetiriaroju mwa vaborotire mware yirētobosarucumi’ yire quetire ajijedicōato masa” yigu, to bajiro yirūgūaja. To bajiri, “Gãjerã Cristore ajitirũnũarē Dios quēnaro ï yirotire bajiro yure quêne quēnaro yato” yigu, to bajiro yirūgūaja yu.

²⁴ Cristore ajitirũnũarã, Dios quēnaro manire ï yirotire mani bojajama, josari yirūgūroti ñaja. Ũmatĩmarã cōro buto ïna ũmaboajaquêne, sīgū ñagūmi ïna rētoro ũmacōari, quēnase bjarocū. To bajiri mani quēne, gãjerã rētoro ũmagūre bajiro mani yimasiro cōro yirūgūroti ñaja, quēnase mani yise vaja, Dios quēnaro manire ï yirotire bojarã ñari. ²⁵ To bajiri, ï ũmaroto rĩjorojune quēnaro ñayucōagūmi. To bajiro ï bajijama, yoaro mene rojoribedo ti ñaboajaquêne, “Gãjerãre ũmarētocōari, bjaragusa” yigune bajicōagūmi. To bajiro ï bajijosase ũnire yirãne, Cristore ajitirũnũarã quēne ï bojarore bajiro mani yisere ïacōari, yayiroti mejware manire ï ïsirotire bojarã, quēnaro yirūgūaja mani. ²⁶ Quēnase mani bjaroti, yayiroti me ti ñajare, yu yimasiro cōrone Dios ï bojarore bajiro yĩñarūgūaja yu. Ũmagū ï ũmagajanorotijū rīne tuoīacōari ũmagūmi. ïre bajiro bajiaja yu quēne, Dios quēnaro yure ï yirotire bojatuoīagū ñari, ï bojarore bajiro yĩñarūgūaja yu. Quēarimasu ñaboarine, quēnaro ñose ejobecumi. Yujwama, quēnaro ñose ejogure bajiro bajigu ñari, Dios quēnaro yure ï yiroti rīrene tuoīagū, Dios ï bojarore bajiro yirūgūaja yu. ²⁷ To bajiri, yu gotimasiorãre quēnaro Dios ï yirotire yu gotiboajaquêne, “Rojose yure yiromi” yigu, yu bojasere yirwaboarine, ï bojasejware yirūgūaja.

10

“Rūcubuoḡarā ĩna quēnorujeoriarāre rūcubuoḡobesa”, yire

¹ Adire masiritibesa m̄ua: Jud'io masa yua ñicua, Moisés ñamasir'ire suyamasiriarā ĩna bajimasirere masiritibesa. “Egiptoana ĩnare s̄iabeticōato” yiḡu, Dios ĩ masise rāca buerine yua ñicua buebibecōamasiñuju. To ĩ yijare, jediro jēacoamasiñujarā riaga, Oco Sūarisa vāme c̄utiya, gajejacat̄aj̄u ĩnare rudirā. ² To bajiro ĩna bajijama, “Moisére ajitir̄un̄arā ñaja yua” yīorā bajimasiñujarā ĩna. ³ ĩna jēaro bero, ĩna jediro ō vecaye maná vāme c̄uti Dios ĩ cōarere barūḡumasiñujarā. ⁴ To yicōari, ĩna idicatirotire yiḡu, ḡutaj̄ure oco budirotimasiñuju Dios. Ti oco ĩna idise quēnase ñamasiñuju. Jesucristo quēne, ḡutare bajiro ñaḡu quēnasere cōaḡu ñacoayumi. To bajicōari, ḡuta suorine ĩna catijama, Cristo, ruyubetiboarine, ĩnare ĩ ĩatir̄un̄aj̄ure, ĩna jedirone quēnaro ñacoayuma. ⁵ Quēnaro ĩnare ĩ ĩatir̄un̄aboarone, jājarā rojose ĩna yijare, ĩnare ĩavariquēnabetimasiñuju Dios. To bajiro ĩna yisere ĩavariquēnabec̄u ñari, “Ujoruc̄uja” ĩnare ĩ yiboaria sitaj̄u ĩna ejabetone, “Yucú manoj̄une bajireacōaña m̄ua”, ĩnare yimasir̄uju Dios.

⁶ To bajiro ĩna bajimasire ñajare, “Dios ĩ bojabetire mani yijama, ĩnare ĩ yimasiriarore bajiro manire quēne yiromi Dios” yimasirā ñari, mani yibetijama, quēnaja. ⁷ To bajiri yua ñicua s̄iḡuri, “Ado bajiḡu ñaḡumi” yiquēnorujeocōari, ĩna rūcubuoḡomasiriarore bajiro rūcubuoḡobesa m̄ua. Yua ñicua, ĩna rūcubuoḡomasirere ado bajiro gotiaja Dios ocare Moisés ĩ ucamasire: “ ‘Ado bajiḡu ñaḡumi’ yiquēnorujeocōari, ‘Īre rūcubuoḡorā yaja’ yirā, barujiyuma. To yicōari, idiyuma. To yigajanocōari, basavariquēnacama”, yigotiaja Dios ocare Moisés ĩ ucamasire, Dios ĩ bojabetire ĩna yimasirere gotiro. ⁸ To yicōari, gajeye yua ñicua s̄iḡuri, rōmia rāca gāmerā ĩna ajeriarā c̄utimasire ũnire yibetiroti ñaja manire. To bajiro ĩna yijaise vaja, cojor̄am̄une veintitres mil ñarāre bajirearotimasiñuju Dios. To bajiri ĩnare ĩ yimasiriarore bajiro, “Manire quēne yiromi” yirā, yibetiroti ñaja. ⁹ “Rojose mani yijama, rojose manire yiruc̄umi” yit̄uōiaboarine, rojose yit̄uj̄amena ñari, āña c̄ūnieco, bajireacoamasiñujarā ĩna. To bajiri, “Rojose t̄am̄orobe” yirā, ĩna yimasiriarore bajiro yibetiroti ñaja manire. ¹⁰ Yua ñicua s̄iḡuri Diore ñaḡōmacamasiñujarā. To bajiro ĩna yise suorine ĩ t̄uaḡure ĩnare s̄iarearoticōamasiñuju Dios. To bajiri ángelj̄ua ĩnare s̄iareacōamasiñuju. “Manire quēne to bajiro yirotiromi Dios” yirā, ĩre ñaḡōmacabetiroti ñaja.

¹¹ “To bajise rojose yua ñicua ĩna yimasiriarore bajiro mani yijama, ĩnare ti bajimasiriarore bajiro bajir̄uaroja manire quēne”, yimasiaja mani. Adirodoriana, mani t̄uōiamasirotire yiḡu, ĩna bajimasirere Moisére ucarotimasiñumi Dios. ¹² To bajiri, Cristore quēnaro ajitir̄un̄uḡuma, quēnaro t̄uōiamasiri ñato, “Jud'io masa rojose ĩna bajimasiriarore bajiro yure bajirobe” yiḡu. ¹³ Quēnaro t̄uōiaroti ti ñaboajaquēne, “ ‘Rojose yir̄uabeaja’ yicōaboarine, rojose yicōaroti ñaja”, yit̄uōiaroti me ñaja m̄uare. “Ȳuare rojose ĩ rotirore bajiro m̄uare rotibec̄umi Satanás”, yiroti me ñaja. Gājerāre rojose ĩ yirotiore bajiro r̄ine manire yirotir̄uḡumi. Rojose manire ĩ yirotiaboajaquēne, “Tire yibeticōari, yu bojasej̄uare yirā ñato” yiḡu, manire ejar̄em̄oc̄umi Dios.

¹⁴ To bajiri yu mairā, “Jud'io masa rojose ĩna bajimasiriarore bajiro manire bajirobe” yirā, quēnaro t̄uōiamasiri ñaña m̄ua. “Ado bajirā ñarāma”, ĩna masune yiquēnorujeocōari, ĩna rūcubuoḡorāre rūcubuoḡobeticōaña. ¹⁵ Quēnaro t̄uōiamasirā ñari, m̄uare yu gotisere ajicōari, “Riojo gotiami Pablo”, yit̄uōiamasir̄uarāja m̄ua. ¹⁶ Cristo manire ĩ rijabosarere t̄uōiarā, uye ocore mani idiroto r̄ijoro, “Quēnaja” Diore yicōari, mani idijama, ¿Cristo ri'ire idirā me yatique mani? Pan mani baroto r̄ijoro, “Quēnaja” Diore yicōari mani bajama, ¿Cristo ruj̄u riire barā me yatique mani? To bajiro mani yijama, “Manire ejar̄em̄oḡumi”, yit̄uōiaja mani. To bajiro mani yisere ĩacōari, butobusa manire ejar̄em̄oḡumi, “Ȳure ajitir̄un̄uato” yiḡu. ¹⁷ Jājarā ñaboarine, pan cojane batecōari, baja mani. To bajiro yirā ñari, ĩ yarā ñaja mani jediro.

¹⁸ Jud'io masa, Diore rŭcubŭorã, vaibŭcŭrãre sŭacŭari, mojoroaca soemŭorãma. To yicŭari, rŭyasere barãma. Tire ũna bajama, “Manire ejarẽmogŭmi”, yitŭoŭaama ũna. To bajiro ũna yisere ũacŭari, “Butobŭsa yure ajitirũnũato” yigŭ, ũnare ejarẽmogŭmi Dios. To bajirone tŭoŭarãma, “Ado bajirã ñarãma” ũna masune yiquẽnorujeocŭari, rŭcubŭorã quẽne. ¹⁹ To bajiro yŭ yijama, “Catirã ñarãma ũna quẽnorujeoriarã” yigŭ me yaja. To yicŭari, “ũnare rŭcubŭorã vaibŭcŭ rii ũna cŭse ñamasuse ñaja” yigŭ me yaja. ²⁰ Ado bajirojŭa yigŭ yaja yŭ: Diore masimena, ũna quẽnorujeoriarãre ũna rŭcubŭojama, vãtiajũare rŭcubŭorã yirãma. To bajiri, vãtiare mŭa ejarẽmosere, to yicŭari, vãtiajũa quẽne, ũnare mŭa ajitirũnũrotire yirã, mŭare ũna ejarẽmorotire bojabeaja yŭ. ²¹ To bajiri mani ũjare rŭcubŭocŭa, vãtiare quẽne rŭcubŭo mani yijama, quẽnabetoja. To bajiro yibetiroti ñaja manire.

²² To bajiro mani yijama, ũajũnisinirŭcŭmi mani ũjŭ. ũrẽtoro masirã me ñaja mani. To bajiri, “Rojose mani yise vaja, rojose ũ yijama, rudimasibetirũarãja mani”, yimasiaja.

“Mani ñaroti rŭne tŭoŭaroti me ñaja”, yire queti

²³ Ado bajiro yisere ajirũgũaja mŭa: “Mani bojarore bajiro yimasiaja”, yigotiaja. To bajirone bajiaja, bajirojŭma. Jediro mani yise manire ejarẽmobeaja. To bajiro mani yijama, “Gãjerã, Dios ũ bojarore bajiro yirã ñato” yirã me, yirãja mani. ²⁴ Mani masu quẽnaro mani ñaroti rŭne tŭoŭaroti me ñaja. Gãjerã quẽnaro ũna ñarotire quẽne tŭoŭarũgũrũarãja mani.

²⁵ Vaibŭcŭ rii ũna ũsirijŭ ñasere vaja yicŭari, “Rojose ñaroja” yitŭoŭamenane, mŭa bajama, quẽnaja. “ũũna quẽnorujeor'ire rŭcubŭorã ũna cŭrũare ñati adi?”, yisẽniãbeja. Dios ocare masa ũna ucamasire ado bajiro ti gotijare, “Sẽniãbetiroti ñaja”, mŭare yaja yŭ: ²⁶ Adi macarũcŭroaye jediro Dios ũ rujeore ti ñajare, bare ñaro cŭrone mani bajama, quẽnaja.

²⁷ Cristore ajitirũnũbecŭ, “Yŭ tŭ barã vayã” yicŭari, no bojase ũ ecasere mŭa bajama, quẽnaja. “ũũna quẽnorujeor'ire rŭcubŭorã vaibŭcŭ rii ũna cŭrũare ñati adi?” yisẽniãamenane, mŭa bajama, quẽnaja. ²⁸⁻³⁰ “Tire mani bajama, quẽnaja” mŭa yitŭoŭajama, gãji magŭmi, “Rojose yirã yaja mŭa” yigŭ. ũna quẽnorujeor'i tŭjŭ ũna cŭrũare riire, “Quẽnaja” Diore mŭa yisẽniro bero mŭa bajama, rojose yirã me yirãja mŭa. To bajiboarine, Cristore ajitirũnũgũ, “ũna quẽnorujeor'i tŭjŭ ũna cŭrũare rii ñaja, mani babeti” ũ yigotijama, babeja. ³¹ To bajiri mani bajama, mani babetijaquẽne, mani idijama, mani idibetijaquẽne, no bojase mani yijama, Dios ũ bojarore bajiro yirũarãja mani, ũre rŭcubŭorã. ³² Gãjerãre ũamaimenane mani bojarore bajiro mani yisere ũacŭari, “ũna quẽne rojose yiroma” yirã, yibetiroti ñaja. ³³ Tire mŭare yŭ gotirore bajiro yirũgũaja yŭ. To bajiro yigŭ ñari, yŭ masu yŭ bojasere yibecŭne, yŭ rãcana jediro ũnare yŭ ejarẽmorotijũare tŭoŭacŭari, yirũgũaja yŭ, “Yŭ yise sũorine Cristore ajitirũnũcŭari, rojose tãmũotũjabetiriaroju ũ yirẽtobosarã ñato” yigŭ.

11

¹ To bajiri, “Cristo ũ bajiñariarore bajiro yiroti ñaja” yitŭoŭacŭari, yŭ yimasiro cŭro yirũgũaja yŭ. To bajiri mŭa quẽne, yŭ bajiñarũgũsere tŭoŭacŭari, mŭa yimasiro cŭro yirũgũroti ñaja.

Rẽjariavijŭ Diore sãnirã, ũ ocare gotirã, rŭmia ũna bajiroti queti

² “Jediro yŭ gotimasiocatire masiritimenane, ajitirũnũcŭa ñarãja mŭa”, yivariquẽnaja yŭ. ³ To bajiro yigŭ ñaboarine, gajeye mŭare gotimasioaja yŭ. Rẽjacŭari, Diore mŭa rŭcubŭose, “Ado bajirojŭa yiroti ñaja”, mŭare yigotigŭ yaja yŭ: Tocãrãcŭre rotigŭ ñari, mani rŭjoare bajiro bajiami Cristo. To bajirone bajiaja rŭmia manajŭa cãtirãre. ũna manajŭa, ũna rŭjoare bajiro bajirã ñarãma, ũnare rotirã ñari. To bajirone bajiaja Cristore quẽne. ũ jacŭ, ũ rŭjoare bajiro bajigŭmi, ũre rotigŭ ñari. ⁴ To bajiro ti bajijare, rẽjariavijŭ, rŭjoa jeoriarori jeocŭari, Diore ũna sãnijama, Dios oca ũna gotijaquẽne, Cristore

rūcubūomena yirāma. ⁵ Rōmiajūama, ĩna rujoa jeoriarori jeomenane Diore ĩna sēnijama, Dios oca ĩna gotijaquēne, ĩna manajure rūcubūomena yirāma. ĩna rujoa jeoriarori ĩna jeobetijama, joa suagoriarāre bajiro bajirā ĩnarāma, ĩnare rūcubūomena ĩnari. ⁶ To bajiro ti bajijare, “Rōmia manajūa cūtirā ĩna rujoa jeoriarorire ĩna jeorūabetijama, ĩna joare suagoroti ĩnaja”, mūare yaja yū. To bajiro yū yijama, “Bojoneose ti ĩnajare, rujoa jeoriarorire jeoato” yigū yaja. ⁷ To bajiri ūmūa, Diore ĩna sēnijama, ĩ ocare ĩna gotijaquēne, rujoa jeoriarorire jeobetiroti ĩnaja, “Yūre rotibosacōari, yūre rūcubūoato” yigū, Dios ĩ rujeoriarā ĩnari. Rōmiajūama, “Ūmūare rūcubūoato” yigū, Dios ĩ rujeorio ĩnaamo. ⁸ Rōmio gōarore āmicōari, ūmūare rujeobesumi Dios. Ūmū gōarojūare āmicōari, rōmiore rujeomasīñumi Dios. ⁹ “Rōmiore ejarēmoato” yigū me, ūmūare rujeomasīñumi Dios. Rōmiojūa, ūmūare ejarēmoato yigū, rujeomasīñumi. ¹⁰ To bajiro bajimasire ti ĩnajare, ĩna manajūare rūcubūorā, rujoa jeoriarori ĩna jeojama, quēnaja. To bajiro ĩna yijama, “Dios ĩ bojarore bajiro yama, ĩna manajūare rūcubūorā”, yīlavariquēnarūarāma āngel mesa. ¹¹ Ūmūare quēne, rōmiare quēne rujeoyumi Dios. Rōmia ĩna manijama, quēnaro ĩnamasimenama ūmūa. Rōmia quēne, ūmūa ĩna manijama, quēnaro ĩnamasimenama. ¹² Ūmū gōarone rōmiore Dios ĩ rujeomasirio so ĩnaboajaquēne, ūmūa, rōmia sūorine ĩna ruyūase ti ĩnajare, “Gāmerā ejarēmoroti ĩnaja”, yaja mani. To bajicōari, mani jediro ĩnaja Dios ĩ rujeoriarā.

¹³ Mūa masune quēnaro tūoīamasiña. “Rējariavijū Diore sēnirā, ĩ ocare gotirā quēne, rujoa jeoriarori jeomenane rōmia ĩna yīñajama, quēnabeaja”, yimasirāja mūa. ¹⁴ “Ūmūa yoese ĩna joa cūtijama, bojoneose ĩnaja”, yitūoīaja mani. ¹⁵ Rōmiajūarema, “Yoese joa cūtirā ĩnaama”, yitūoīaja mani. “ĩna joa ĩna rujoarire būase ĩnato” yigū, Dios ĩ cūmasire ĩnajare, to bajiro tūoīaja mani, rōmiare. To bajiri yoese ĩna joa cūtijama, variquēnaama rōmia. ¹⁶ Sīgūri to bajiro mūare yū gotisere ajicōari, “To bajiro me bajaiaja” ĩna yijama, “Ñajediroana Cristore ajitirūnūarāre, to bajise rīne gotirūgūaja yūa, mūare yū gotiri vāmere”, ĩnare yigotiroti ĩnaja.

Cristo ĩ batū sare boserūmūre bañarā ĩna rūcubūobetire queti

¹⁷ Rējacōari, mūa basere tūoīavariquēnabeaja yū. “Rējacōari bato mani” mūa yibetijama, quēnacōaboriaroja. ¹⁸ “Rējaboarine, ricati rīne tūoīarā ĩnari, ricatitubuari rujicōari, gājerā rāca oca josaama”, yire queti ajiaja yū, mūare. Ado bajiro tūoīarā mūa ĩnajare, “To bajirone bajirāma”, mūare yaja yūa: ¹⁹ “Mani tūoīarore bajiro tūoīarā rāca mani rujijama, ‘ĩna ĩnaama Dios oca quēnaro masirā’ manire yirūarāma”, yitūoīarāja mūa. ²⁰ Ricati rīne tūoīarā ĩnari, “Cristo ĩ batū sarere tūoīacōari bato mani” mūa yiboase, Cristore rūcubūomena yirāja. ²¹ Mūa juavarere gājerāre yūmenane, bajeocōarāja mūa. To bajiri jairo barā, to yicōari, idimecūrā mūa ĩnaboajaquēne, mūa bero ejarā sīgūri bare mana ĩnari, ĩnoriyacōa ĩnarāma. To bajiro yirā ĩnari, cojo masare bajiro bajirā ĩnaboarine, mūa bero ejarā rāca baba cūtimasiña manoja mūare. ²² Viri cūtirā ĩnarāja mūa. Mūa ya virijūne bare ba, idi, mūa yijama, quēnaja. To bajiro mūa yibetijama, gājerā bare cūomenare rojose yīlorā yirāja mūa. Gājerā Cristore ajitirūnūarāre ĩaterā ĩnari, ¿to bajiro yatique mūa? “ ‘Bare cūomenare quēnaro yaja mūa’ yato Pablo”, ¿yitūoīaboati mūa? Yibeaja yū. To bajiro mūa yijama, rojose masu yirā yirāja mūa.

Mani ūjū ĩ rijaroto rījoro ĩ batū sare queti

(Mt 26.26-29; Mr 14.22-25; Lc 22.14-20; Lc 4.1-7)

²³⁻²⁴ Adi mūare yū gotimasiose, mani ūjū ĩ rijaroto rījoro ĩ batū sare queti ĩnaja. Yūre ĩ goticati, to yicōari, mūare yū gotirētocati ĩnaja. Ado bajiro bajaiaja: Mani ūjūre Judas ĩre ĩ ĩsirocaroto rījoro, panre āmicōari, “Quēnaja”, Diore yisēniñuju Jesús. To yigajano, panre mātocōari, ĩ buerimasare ĩsibatogūne, ado bajise gotiyuju ĩ: “Ti ĩnaja yū rujari. Mūare rijabosarūcūja yū. Yū rijato bero, mūare yū rijabosare tūoīacōari, yūre rūcubūorā, ado bajirone rējacōari, barūgūrūarāja”, ĩnare yigotiyuju. ²⁵ To yicōari, bare ĩna baro bero, ūye oco sāñaribajare āmicōari, ado bajiro gotiyuju Jesús quēna: “Adi ĩnaja tirūmūana,

‘Rojose mani yirere masirioato’ yirã, Diore rãcubhoraja joere ñna yuejeoriarore bajiro bajise. Yucurema, yu ri’i ñaja. Ti sãorine, ‘Gajerodori ado bajiro masare quẽnaro yirucuja yu’ Dios i yigotimasiriarore bajiro bajiruroja. Yu rijato bero, mure yu rijabosare tãoĩacõari, yure rãcubhorã, ado bajirone rẽjacõari, idirũgũrãrãja”, ñnare yiyuju Jesús. ²⁶ I rotiriarore bajirone mani bajama, mani idijaquẽne, yiĩorũgũroti ñaja, “Manire rijabosayumi mani uju” yirã. I tudiejaraju to bajiro yitujarãrãja mani.

²⁷ To bajiri, mani uju manire i rijabosarere tãoĩagũ, panre ba, to yicõari, uye ocore idi, yiboarine, rãcubobeti rãca i yijama, Cristore rãcubobecu yigumi. “Cristo ri’i, i rujari quẽne, ñie vaja mani ñaja” yigu yigumi. ²⁸ To bajiri panre mani baroto rĩjoro, to yicõari, uye ocore mani idiroto rĩjoro, rojose mani yirere tãoĩa, Diore yigoticõari, panre ba, uye ocore idi, yiroti ñaja. ²⁹ To bajiro yibecurema, Cristo manire i rijabosare quẽnaro i tãoĩabetijare, rojose ñre yirucumi Dios. ³⁰ To bajiro ti bajijare, jãjarã ñarãja mua rijaye cutirã. Gãjerãma, bajireacoana, bajireamena quẽne ñarãja mua. ³¹ Cristo manire i rijabosarere quẽnaro tãoĩacõari, to yicõari, rojose mani yirere tãoĩa, Diore mani yigotijama, rojose manire yibetirucumi Dios. ³² Rojose mani yise sãori rojose Dios manire i yijama, “Rojose yitujacõari, yure ajimena rãca rojose tãmũotujabetiriaraju vabetiruarãma” yigu yigumi.

³³ To bajiri yu mairã, mani uju manire i rijabosare tãoĩacõari panre barã, to yicõari uye ocore idirã mua rẽjajama, gãjerãre yucõari, ñna ejajediro baba. ³⁴ Mua rẽjaroto rĩjoro, mua ñiorijajama, mua ya viriju mua bajama, quẽnacõaroja. To bajiro mua yijama, no yigu rojose mure yibecumi Dios.

Mua taju ejacõari, gajeye quẽnaro mure gotirucuja yu.

12

“Yu ujose rãca gãmerã ejarẽmomasiato” yigu, Esp'iritu Santo manire i yire queti

¹ Yu mairã, gajeye Esp'iritu Santo i masise manire i ujosere gotiguga yaja yu, “Masiato” yigu.

² Diore mua ajirucubhoroto rĩjoro, mure yitorimi vãtia uju, Satanás. To i yijare, “Ado bajirã ñarãma” ñna masune yitãoĩa quẽnorujeocõari, ñagõmena ñna ñaboajaquẽne, “Rẽtoro masirã ñarãma” socarãne yirucubhorã ñañuja mua maji. ³ To bajiri, ado bajise mua masisere bojaja yu: Esp'iritu Santo rãca ñagũma, “Rojose tãmũotujabetiriaraju Jesure cõaroti ñaja”, yibecu ñagũmi. To bajicõari, “Mani uju, Jesure, Dione ñagũmi” yiguma, Esp'iritu Santo i ejarẽmose rãca tire yigumi.

⁴ “Dios i bojarore bajiro yimasiato” yigu, i masisere manire ujoyumi Esp'iritu Santo. I sigũne manire ujur’i i ñaboajaquẽne, tocãrãcure ricati rĩne mani yimasirotire manire ujoyumi. ⁵ Dios i bojasere yirã, ricati rĩne mani yimasise ti ñaboajaquẽne, sigũne ñaami mani uju. ⁶ Ricati rĩne manire i ejarẽmose ti ñaboajaquẽne, sigũne ñaami manire ejarẽmogũma. ⁷ Ado cõrone Esp'iritu Santo manire i ujosere mure gotigu yaja: Tocãrãcure Esp'iritu Santo i ñajama, “Gãjerãre ejarẽmomasiato” yigu, i masisere ujugumi. “Esp'iritu Santo i ujur’i ñari, to bajiro yami”, yimasire ñaja. ⁸ “Quẽnaro tãoĩacõari gotimasioğũ ñato” yigu, i yimasirotire ñre ujugumi. Gãjirema, “Dios ocare quẽnaro ajimasicõari, ñnare gotimasioğũ ñato” yigu, i yimasirotire ñre ujugumi. ⁹ Gãjirema, “Dios i masise rãca yure ejarẽmorucumi” i yitãoĩarotire ñre ujugumi. Gãjirema, rijaye cutirãre i catorotire ñre ujugumi. ¹⁰ Gãjirema, ñañamãmani i yiĩorotire ñre ujugumi. Gãjirema, “Ñre yu gotisere ajicõari, yure gotirẽtobosarimasu ñato” yigu, i yimasirotire ñre ujugumi. Gãjirema, gãjerã ñna gotisere ajicõari, “Esp'iritu Santo i ejarẽmojare, ñnare gotiama; vãtijua i ejarẽmojare, ñnare gotiama” i yimasirotire ñre ujugumi. Gãjirema, gãjerã oca masibecu ñaboarine, i ñagõmasirotire ñre ujugumi. Gãjirema, “Ti ocare buebecu ñaboarine, ajimasicõari, gotirẽtoğũ ñato” yigu, i yimasirotire ñre ujugumi. ¹¹ Ricati rĩne tocãrãcure i bojarore bajiro ñna yimasirotire ñnare ujugumi.

“Cojo ruju ñaboarine, mani rujure jairo ñabateaja”, yire queti

¹² Mani rujure jairo ñabateaja, cojo ruju ñaboarine. To bajirone bajiaja mani Cristore ajitirũnrã quẽne. ¹³ Jediro ñaja mani. Jud'io masa, jud'io masa me ñarã quẽne ñaja mani. Sīgũri gãjerãre moabosarã, gãjerãma, moabosamena ñaja mani. Mani jedirore oco rãca mani bautiza ecorone, manire ejayumi Esp'iritu Santo. To bajiri Esp'iritu Santo suorine Cristo yarã, cojo masare bajiro ñaejayuja mani.

¹⁴ Mani ruju, cojo ruju ñaboarine, jairo vãme cutibatoaja. ¹⁵ Mani rujure, gũbo ti tũoĩajama, “Ãmo me ñaja yũ. To bajiri, rujuaye me ñaja” ti yiboajaquẽne, rujuayene ñacõa ñaroja. ¹⁶ Gãmoru ti tũoĩajama, “Cajea me ñaja yũ. To bajiri, rujuaye me ñaja” ti yiboajaquẽne, rujuayene ñacõa ñaroja. Tire bajirone bajiaja mani quẽne. Sīgũ, Cristore ajitirũnũgũ, gãjire ñacõari, “Ïre bajiro yimasigũ me ñaja yũ. To bajiri Cristo yũ me ñagũja yũ” ï yiboajaquẽne, Cristo yũne ñacõa ñagũmi. ¹⁷ Mani ruju ñaro cõrone, cajea rĩne ti ñacõajama, ¿no bajiro ajimasirãda mani? Mani ruju ñaro cõrone, gãmoru rĩne ti ñacõajama, ¿no bajiro vĩnimasirãda mani? Tire bajirone bajiaja Cristore ajitirũnrãre quẽne. Ïre ajitirũnrã jediro, cojo vãme rĩne quẽnaro yimasirã mani ñajama, gaje vãme Dios ï bojasere yimasimena ñaborãja mani. ¹⁸ To bajiri, Dios, manire rujeosũogũjũne, mani ruju ñasere, “Adijũne ti ñajama, quẽnaja” yigũ, mani rujuayere rujeoyumi. To bajiri, mani ruju, cojo ruju ñaboarine, ricati rĩne ti ñabaterore bajirone bajiaja Cristore ajitirũnrãre quẽne. ¹⁹ Mani rujuaye, cojojũne jairijũro ti ñajedicõajama, rujujuama nojũa ñabetoja. ²⁰ To bajiri mani rujuaye jairo ñabateboarine, cojo rujuane ñaja.

²¹ To bajiro ti bajijare, mani cajea ti yijama, “Ñie vaja maja ãmo”, yimasibetoja. Mani rujoa quẽne, “Ñie vaja maja gũbori”, yimasibetoja. Ñajedirone manire ejarẽmoaja. Tire bajiro bajiaja Cristore ajitirũnrãre quẽne. Cristore ajitirũnũgũ, gãjire ñacõari, “Yũre bajiro yimasigũ me ñaami. Vaja magũ ñaami”, yibetiroti ñaja. ²² Ado bajirojũa bajiaja: Mani ruju ñasere, “Adijũma ñamasuse me ñaja” mani yitũoĩaboasene ñaja ñamasuse. ²³⁻²⁴ Mani ruju ñasere jediro toobetiboarine, “Ñamasuse me ñaja” mani yisere, “Gãjerã ñaroma” yirã, sudine sãñatoorũgũaja mani. To bajiro mani yijama, mani ïorijũ rẽtoro tijaure mairãre bajiro yirã yaja. “To bajirone bajiato” yigũ, to bajise manire rujeoyumi Dios. ²⁵ Mani ruju jairo ñabateboarine, cojoro cõro ñamasuse ñaja. Mani Jesũre ajitirũnrã quẽne, to bajirone bajirã ñaja. Jãjarã ñaboarine, ñamasurã rĩne ñaja mani. To bajiri variquẽnase rãca gãmerã mairõti ñaja. ²⁶ Mani ruju, cojojũ rojose ti tãmũojama, mani ruju jedirone rojose tãmũojedicõaja. To yicõari, mani ruju, cojojũ quẽnaro ti yiecojama, mani ruju jedirone quẽnaro yiecojedicõaja.

²⁷ To bajirone bajiaja mani Cristore ajitirũnrã quẽne. Tocãrãcũne ï yarã ñaja mani. Sīgũ mani rãcagũ ï sutiritijama, mani jedirone ï rãca sutiritiaja. To yicõari, sīgũ mani rãcagũ ï variquẽnajama, mani jedirone variquẽnaja mani. ²⁸ “Jãjarã ñacõari, ricati yato ña” yigũ, tocãrãcũre ï masisere manire mũjoyumi Dios. To bajiri ï bajirere goticudironare yũare cõacami Jesús. Gãjerã, ïre gotirẽtobosaronare cũñumi Dios. Gãjerã, Dios oca gotimasioronare cũñumi. Gãjerã, ñaĩañamani yĩloronare cũñumi. Gãjerã, rijaye cutirãre cationonare cũñumi. To yicõari, gãjerãrema ejarẽmoronare cũñumi. Gãjerãrema, Cristore ajitirũnrãre ũmato ñaronare cũñumi. Gãjerãrema, ña masibeti oca ñaboasere ñagõronare cũñumi. ²⁹ “Ricati rĩne yirũarãma” ï yiriarã ñari, mani jedirone, Jesús ï bajirere goticudirã me ñaja. Mani jedirone Diore gotirẽtobosarã me ñaja. Mani jedirone, Dios ocare gotimasiorã me ñaja. Mani jedirone, ñaĩañamani yĩlorã me ñaja. ³⁰ Mani jedirone, rijaye cutirãre cationã me ñaja. Mani jedirone, mani masibeti ocare ñagõrã me ñaja. Mani jedirone, mani masibeti oca ña ñagõsere buemena ñaboarine, tire ajimasicõari, gotirẽtoburã me ñaja. ³¹ To bajiri, jedirone masijeobetiboarine, quẽnamasusejũare ï mũjorõti sẽnĩña.

To bajiro mũa yiboajaquẽne, gajeye ñaja rẽtoro ñamasuse. Tire mũare gotigũagũ yaja yũ.

13

“Gãjerãre mani maise ñaja ñamasusema”, yire queti

¹ Cojo oca ruyabeto mani ñagõmasiboajaquêne, to yicõari, ángel mesa yere quêne ñagõmasijocõaboarine, gãjerãre mani maibetijama, vaja mana ñarãja mani. Ñagõre me ñaroja. Buto busisere yibusiorãre bajiro yirãja mani, gãjerãre mani maibetijama. ² Diore gotirëtobosarã, to yicõari, Dios ye masa ña masibetire masijeorã ñaboarine, gãjerãre mani maibetijama, vaja mana ñarãja mani. “Manire ejarëmorucumi” Cristore yituoïarã ñari, gũtaure, “Gajeroju vururügũcoasa mua masune” yimasiboarine, gãjerãre mani maibetijama, vaja mana ñarãja mani. ³ “Masare ñare maibetiboarine, maioro bajirãre jediro yu cusere ñare ñisijeocõari, yu masu ruju quêne ñare rijabosacoarucuja” yu yijama, “Quênaro yigũ ñaami” yure ña yivariquênasere bojagu yu yijama, Dios taju ñie vaja bujabecuja yu.

⁴ Gãjerãre mani majama, ado bajiro bajiruarãja mani: Rojose manire ña yiboajaquêne, ñare jünisinimenane, quênasejuare ñare yiruarãja. Quênaro ña ñajama, “Yuã rëtoro quênaro ñaama”, yijajünisinirã me ñaruarãja. “Ñamasurã ñaja yua” yirã me ñaruarãja. ⁵ Quênaro mani ñase rĩ mere tuoïarãja mani. Gãjerã quênaro ña ñasere quêne tuoïarãja. Gãjerã rojose manire ña yiboajaquêne, ñare rucuborã, yoaro mene jünisini tujacoaruarãja. ⁶ Gãjerã rojose ña yisere ñavariquênamenaja. Quênaro ña yisejuare ñavariquênarãja. ⁷ Gãjerã rojose ña yijare, buto rojose mani tãmuose ti ñaboajaquêne, ñare maitujamena ñari, ñare ñagõmacamenaja. Rojose ña yiboajaquêne, quênaro ña yiro tire tuoïacõa ñaruarãja.

⁸ Gãjerãre mani maise, jedise me ñaja. Diore gotirëtobosarejuama, jedise ñaja. Masa ña masibeti oca ñagõre, mani masise quêne, jedise ñaja. ⁹ Ado bajiro ti bajijare, “Jedise ñaja”, muare yaja yu: Adiro dori Dios ñ masise manire ñ ujo se ti ñaboajaquêne, jediro masibeaja mani. Ñre gotirëtobosare Dios ñ ujo se ti ñaboajaquêne, ñajediro ajimasibeaja mani. ¹⁰ To bajiboarine, ñ taju mani ejaro, ñ masisere manire ñ ujo jare, jediro ajimasijeocõaruarãja mani. To cõrone adiro doriaye mani masise, vaja maniruarõja.

¹¹ Ado bajiro bajiaja: Daqueguaca yu ñajama, ñagõjeomasibeticaju yu maji. To bajicõari, quênaro tuoïabeticaju. Bucucaju, to bajiro yu bajicatire yitujacaju yu. ¹² Tire bajirone bajiaja adi quêne: Quênaro ruyubetiase ëoro ñariarore bajiro Dios yere quênaro ajimasijeobeaja mani maji. To bajiboarine, Dios tajuãa ëoro quênaro ruyubetiase ñarãre bajiro me Diore ñaruarãja mani. To cõrojama quênaro ajimasijeocõaruarãja mani yuja.

¹³ To bajiri idia vãme ñaja, adirãmariaye ñamasuse mani yirügũroti: Diore ajitirãnurügũroti ñaja. Gaje vãme, “Dios ñ gotiriarore bajiro ñ masise manire ujojeocõarucumi”, yituoïarügũroti ñaja. To bajicõari, tãsari vãme ñaja ñamasuri vãme, “Gãjerãre mairügũroti ñaja” yiri vãme.

14

Gajeye oca masiñamani ñaboasere ña ñagõre queti

¹ To bajiri gãjerãre mani maise ñamasuse ti ñajare, mani yimasiro cõro gãjerãre mairügũto mani. To yicõari, gajeye Dios ñ masise ñ yarãre ñ ujo sere buto bojarã ñari, ñre sënirügũroti ñaja. Tire bojarã, gajeye mua bojarõ rëtoro Diore gotirëtobosarõ tire muare ñ ujo sere mua bojajama, quênaja. ² Ado bajiro ti bajijare, to bajise muare yaja yu: Sīgũ, masiñamani oca ñ ñagõjama, masare ñagõgũ me yigumi. Diore ñagõgũ yigumi, Esp'iritu Santo ñ ujo se rãca. Ñ rãcanajuãa, ñre ajimasimenama, “To bajirone bajiato” yigũ, Dios ñ yise ti ñajare. ³ Gãjijuaãa, Diore gotirëtobosagu, masare gotigu yigumi. To bajiro ñ yijare, butobusa Diore ajitirãnurãma. ⁴ Masiñamani oca ñagõgũrema, ñ sīgũrene quênaja ti. Gãji, Diore gotirëtobosaguãa, ñ rãca rëjarãre ejarëmogũ yigumi.

⁵ To bajiri sīgũ ruyabeto oca masiñamanire mua ñagõjama, quênaroja. To bajiboarine, Diore mua gotirëtobosajama, rëtobusaro quênaruarõja. To bajiboarine, masiñamani oca

ñagõgũ ã ñagõrone, “Mani rãca rëjarã ajimasicõari, butobusa Diore ajitirũnũato” yigu, gãji tire ã gotirëtobujama, ñamasuse moagũ yigũmi, ã quëne. ⁶ Ado bajiro bajiaja: Yũ mairã, mũare ãagũ ejagu, masiñamani oca yũ ñagõjama, ¿no bajiro mũare ejarëmogũ yigũada yũ? Mũare yũ ejarëmorũajama, ado bajirojũa yiroti ñaja: Dios ã ejarëmose rãca ã ocare buecõari mũare gotiroti ñaja. To bajiro yũ yibetijama, ã ocare buebetiboarine, ã ejarëmose rãca tũoĩacõari mũare gotiroti ñaroja.

⁷ Gotimasiore queti mũare gotigu yaja: Tõroare quënarõ ã jutibetijama, “Ti basare jutigu yami”, yimasiña manõja. To bajirone bajiroja arpa vãme cutijũre quëne. Quënarõ ã yibũsiomasibetijama, “Ti basare yami”, yimasiña manõja. ⁸ Surarare jigũ, trompeta vãme cutijũ quënarõ ã jutibetijama, “Sĩarotigu yiromi”, ãre yiajimasimenama, quënarõ ã jutibeti ti ñajare. ⁹ To bajirone bajiaja, gãjerã, oca masiñamani mũa ñagõboajama. Mũa ñagõboasere ajimasibeticõari, “To bajiro yire ãni ñaja”, yimasibetirũarãma ãna. To bajiro bajica yiro, masa mano ñagõriarore bajiro bajicõaroja. ¹⁰ Adi macarũcũrore jãjarã masa ñarãma ricati rĩne ñagõrã. ãna cojo masama, gãmerã ajicõarãma. ¹¹ To bajiboarine, yũ ocare ajibecũ rãca, yũa ñagõboajama, gãmerã ajimasimenaja. To bajiro ti bajijama, gãmerã ejarëmomasiña manõja. ¹² To bajirone bajiroja mũare quëne, masiñamani oca mũa ñagõjama. Gãjerãre ejarëmomasiñenaja. To bajiri, Esp'iritu Santo ã masise mũare ã uxorõtire buto bojarã ñari, gãjerãre ejarëmorõtijuare sëniña, “Butobusa Diore ajitirũnũato” yirã.

¹³ Gãjerãre ejarëmorõtire tũoĩarã ñari, masiñamani oca ñagõrã quëne, Diore sëniña mũa, “Ti ocare buebecũ ñaboarine, ajimasicõari, gãjerãre gotirëtobumasirã ñarãsa” yirã. ¹⁴ Diore sëniñũ, oca masiñamani yũ ñagõjama, Esp'iritu Santo ã ejarëmose rãca to bajiro ñagõgũja yũ. “To bajiro yirũaro yaja” yimasibetiboarine, ñagõgũja yũ. To bajiri gãjerãma yũre ajimasimenama. ¹⁵ To bajiro ti bajijare, ado bajiro yiroti ñaja: Cojojirema Esp'iritu Santo ã masise yũre ã ujose rãca Diore sëniroti ñaja. Gajejũma, yũ masune tũoĩacõari, ãre sëniroti ñaja. Cojojirema Esp'iritu Santo ã masise yũre ã ujose rãca basaroti ñaja. Gajejũma, yũ masune tũoĩacõari, basaroti ñaja. ¹⁶ To bajiro mani yibetijama, Esp'iritu Santo manire ã ujose rãca Diore mani yirũcũbũojama, “Tire ñagõrã yama”, manire yimasimenama ãna. To bajiri, mani rãca Diore yirũcũbũomasimenama. ¹⁷ “Quënarõ yaja mũ” Diore mani yiboajaquëne, manire ajimasibeticõari, quënabusaro Diore ajitirũnũamenama gãjerã. ¹⁸ Mũa rëtoro masiñamani oca ñagõaja yũ. To bajiri, yũ masibeti oca ñaboasere yũ ñagõmasise yũre ã ujose ti ñajare, “Quënarõ yaja mũ”, Diore ãre yaja yũ. ¹⁹ To bajiboarine, cojomocãrãca vãme cõro gotimasiorũarũgũaja, quënarõ ãna ajimasirotire yigu. Diez mil ñari vãme ñase oca gãjerã ãna ajimasibeti yũ gotijama, ajimasibetiborãma.

²⁰ Yũ mairã, rĩamasare bajiro tũoĩabesa mũa. Bũcũrã ãna tũoĩarore bajiro tũoĩacõari, quënarõ tũoĩamasiña, yũ gotimasiosere. Rojasere rĩamasã ãna tũoĩamasibetore bajiro mũa quëne rojosejũarema yibeticõaña. ²¹ Dios ocare masa ãna ucamasire ti gotijama, ado bajiro gotiaja: “ãna tũjũ gajeye oca ñagõrãre cõarũcũja. To bajiro yũ yiboajaquëne, yũre ajibeticõã ñarũarãma”, yigotiaja Dios oca masa ãna ucamasire. ²² Ado bajiro manire yaja ti: “Masiñamani oca, Esp'iritu Santo ã masisere manire ã ujose rãca mani ñagõjama, Cristore ajitirũnũarã ãna ãaro rĩjoro ñagõroti me ñaja. ãre masimena ãna ãaro rĩjorojũa ñagõroti ñaja”, yaja ti manire. To yicõari, Diore mani gotirëtobosajama, Cristore ajitirũnũamena ãna ãaro rĩjoro ñagõroti me ñaja. ãre ajitirũnũarã ãna ãaro rĩjorojũa ñagõroti ñaja, “Quënabusaro Cristore ajitirũnũato ãna” yirã. ²³ To bajiro mũare gotiboarine, ado bajise mũare yicõã ñaja yũ: “Masiñamani oca mani ñagõjama, ñie vaja manõja. Tire ajimasimenama gãjerã”, mũare yicõã ñaja yũ. Mani jediro rëjacõari, masiñamani oca mani ñagõjama, gãjerã Cristo ã bajirere ajimena, to yicõari ocare ajimena, sãjaejacõari, “Mecũrã yama”, manire yĩarũarãma. ²⁴ To bajiboarine, Diore mani gotirëtobosãnarone, sãjaejacõari, Dios oca ti ñajare, “ ‘Rojose yirã ñaama’ yũare yĩagũmi Dios”, yimasirũarãma Cristo ã bajirere ajimena. ²⁵ “Yũa usũrijũ rojose yũa tũoĩasere masicoami Dios”, yirũarãma. To yicõari,

Diore rācuborā, gūsomuniari tueturarāma ĩna. To yicōari, “Socarā me yaja m̄a. M̄a rācane ñagūmi Dios”, yiruarāma.

“Rējacōari, Diore rācuborā, ado bajiro yirūgūroti ñaja”, yire

²⁶ Ȳu mairā, rējacōari, Diore rācuborā, ado bajiro m̄a yijama, quēnaja. Sīgūri basa, gājerāma, Dios ocare buecōari gotimasio, gājerāma, Dios ĩnare ĩ ñagōrotisere goti, gājerāma, masiñamani oca ñagō, to yicōari, gājerāma, masiñamani ocare ajimenare, “Ado bajiro yiruarō yaja”, ĩnare yiruarāja m̄a. “Quēnabusaro Diore ajitirūnato” yirā, ti jediro gāmerā ejarēmoruarāja m̄a. ²⁷ Masiñamani oca m̄a ñagōruajama, juarā, idiarā cōrone ñagōruarāja m̄a. Jājarā ĩna ñagōjama, quēnabetoja. Sīgū ĩ ñagōro bero, ñagōrucūmi gāji. ĩ bero ñagōrucūmi ñagōtusagu. Ajimasimena ñaboarine, masiñamani oca ĩna ñagōro bero, gājerā ti ocare ajimenare ĩna gotisere, “Ado bajiro yiruarō yaja” ĩnare yigotimasiorimasu quēne ñarucūmi. ²⁸ “Ado bajiro yiruarō yaja” yigotirimasu ĩ manijama, ĩna ĩaro rījoro m̄a masibeti ocare ñagōbetiroti ñaja. Ñagōbumenane, m̄a tuoīase rāca Diore m̄a ñagōjama, quēnaja. ²⁹ Dios ocare m̄a gotimasiojama, juarā, idiarā cōrone ñagōruarāja m̄a. Gājerā m̄a ñagōsere ajicōari, “Socabeama”, yiajimasiruarāma. ³⁰ Sīgū, ĩ gotiñarone, ĩ gotisere ajigūjua, Dios ĩ ejarēmose rāca tuoīacōari, ĩ quēne ĩ gotiruarāja, gotisugūjua gotitujato, “Ījua gotiatio” yigu. ³¹ To bajiri, sīgū ĩ gotiro bero, gotirucūmi gāji. ĩ bero gotirucūmi gāji. To bajiro rīne yirūgūruarāja m̄a. To bajiro m̄a yivajama, sīgū ruayabeto Dios ocare ajivariquēnaruarāma ĩna. ³² Diore gotirētosarā, ado bajiro bajirā ñari to bajiro quēnaro gotirūgūruarāja m̄a: M̄a gotirētose Esp'iritu Santo m̄are ĩ ujosere, “Ado cōrone tire yu gotijama, quēnaja”, yimasirāja m̄a. ³³ Ñie oca mano mani rējasere ĩvariquēnarucūmi Dios. Rējacōari, gājerā ĩna gotiruarō rācubūomenane mani ñagōjama, ĩvariquēnabecūmi.

To bajiri gājerā Jesúre ajitirūnarā ĩna rējarore bajiro, rojose oca mano m̄a rējajama, quēnaja. ³⁴ Diore rācuborā, ĩna rējaro, rōmiama ñagōbetirona ñaama, to bajiro ĩna yibetirūgūre ti ñajare. ĩna manajua ĩna rotirore bajiro cūdiroti ñaja. To bajirone gotiaja Dios ocare masa ĩna ucamasire. ³⁵ ĩna masiruarāja, ĩna ya viju tudiejacōari, ĩna manajua ĩna sēniñajama, quēnaroja. “Rējariavijare ñagōbetiruarāma rōmia” yire ti ñajare.

³⁶ ¿No yirā yu gotirore bajiro yibeticōa ñati m̄a maji? “Ī oca yuare cūñumi Dios, ‘Gājerā masare quēnaro riojo gotibosato’ yigu”, ¿yituoīaboati m̄a? “Yua rīne Dios ocare masa ĩna ucamasirere masirā ñaja yua”, ¿yituoīaboati? M̄a rī me ñaja Dios ocare ajicana. ³⁷ Sīgū, “Diore gotirētosagu ñaja yu” ĩ yijama, m̄are yu gotisere ajicōari, “Dios ĩ rotirore bajirone gotiami Pablo”, yimasirucūmi. To bajirone yiruarāma gājerā quēne, “Esp'iritu Santo ĩ masise yuare ĩ ujose rāca gājerāre ejarēmoaja yua” yirā. ³⁸ Ȳu gotimasiosere, “Socase ñaja” sīgū ĩ yigotijama, ĩre ajibeja.

³⁹ Ȳu mairā, ado bajiro m̄are yaja yu: Diore gotirētosaroti, Esp'iritu Santo m̄are ĩ ujoretire b̄uto bojarūgūña. Rējacōari, gājerā masiñamani oca ĩna ñagōjama, “Ñagōbesa”, ĩnare yibeja. ⁴⁰ To bajiboarine, gāmerā rācuborā, quēnaro tuoīacōari, yu gotirore bajiro yirūgūña.

15

“Socase me ñaja Cristo ĩ tudicatire”, yire queti

¹ Ȳu mairā, quēna Cristo ĩ bajirere m̄are yu gotimasiosuocaire m̄a tudituoīasere bojaja. Tire ajicōari, Cristore ajitirūnarā ñacoacaju m̄a. ² To bajicōari, “Pablo ĩ gotirore bajirone yiyumi Cristo” m̄a yitujabetijama, rojose m̄a tāmūoborotire m̄are yirētosacōari, quēnaro m̄are yirucūmi Dios. To bajiboarine, m̄a ajitirūnū tujajama, m̄are yirētosabetirucūmi Dios.

³ Ti oca ñamasuse, Cristo yure ĩ goticati ñacaju. Ado bajiro bajiaja: Dios ocare masa ĩna ucamasire ti gotirore bajirone rojose mani yise vaja manire rijabosayumi Cristo. ⁴ ĩre

Īna jajušiaro bero, ĩre yujeyujarā ĩna. To bajiboarine, idiarāmu tāsaturāmane Dios ocare masa ĩna ucamasire ti gotirote bajirone ĩre catiomyu Dios. ⁵ To ĩ yijare, tudicaticōari, Pedrote ruyuaioñuju Cristo. Bero, ĩ buerā ĩariarā cōrote ruyuaioñuju quēna. ⁶ Bero, gājerā quiniento rētoro ĩarāre ĩre ajitirānūrāre ruyuaioñuju Cristo. To bajiri, jājarā caticōama maji, to bajiro ĩ bajirere ĩariarā. Gājerāma, rijareacoasuma. ⁷ Bero, Santiagore ruyuaioñuju. Bero, ĩ ocare ĩ gotiroticōariarā jedirote ruyuaioñuju.

⁸ Īnare ĩ ruyuaioñiaro bero, yure quēne ruyuaioñocami. ĩre yu ajitirānūrōto rĳoro, “Cristore ajitirānūrōcu ĩagūmi”, yure yimasibeticama masa. Gājerā Cristo rāca ĩacōari, ĩre ĩna ajitirānūrariare bajiro ĩre ajitirānūrābeticajū yu maji. ⁹ ĩre ajitirānūrāre buto rojose ĩnare yisuyacacu ĩari, Cristo ocare gotigū ĩaboarine, ĩnamasugū me ĩaja yu. Gājerā ĩ ocare ĩ gotiroticōariarā ĩnaama ĩnamasurāma. ¹⁰ To bajiboarine Dios, yure ĩamaicōari, Cristo suorine ĩ ocare yure gotiroticōañumi. Quēnaro yure ĩ yijare, quēnaro ĩre moabosaja yu. To bajiri, “ĩre gotirotiboacajū yu”, yure yibecūmi. Gājerā Cristo ĩ oca ĩ gotirotiriarā rētoabusaro gotimasiorūgūaja yu, “Jājarābusa ĩre ajitirānūrā ĩnato” yigū. Yu masune yigū me yaja. Yure ĩamaicōari, quēnaro yure ejarēmōrūgūgūmi Dios. ¹¹ Cristo ĩ bajire yu gotijama, gājerā Cristo ĩ gotirotiriarā ĩna gotijaquēne, no yibeaja. Jediro mūare yua gotise, ti rĳne ĩnacōaja, mūa ajitirānūrācati.

“Mani rijato bero, quēna mani tudicatibetijama, vaja maniboroja Cristore mani ajitirānūrāse”, yire queti

¹² To bajiri, “ĩ rijato bero ĩre catiomyu Dios” yua yigotise ti ĩaboajaquēne, mūajūama, ĳno yirā “Bajireariarā, tudicatimenama”, yati mūa? ¹³ To bajiro mūa yisere quēnaro tūoĩaĩa mūa: Tudicatire ti manijama, Cristo quēne tudicatibetiborimi. ¹⁴ Cristo ĩ rijato bero, Dios ĩre ĩ catiobetijama, ĩ oca masare yua gotise, vaja maniboroja. ĩre mūa ajitirānūrāse quēne, vaja maniboroja. ¹⁵⁻¹⁶ To bajiri, Dios Cristore ĩ tudicatiobetijama, socasere Dios ĩ gotiroticōarāre bajiro bajiborāja yua. “Bajireariarā tudicatibeticōato” ĩ yijama, Cristore quēne ĩre tudicatiobetiborimi Dios. ¹⁷ “Tudicatibetirimi Cristo” mūa yitūoĩajama, ĩre mūa ajitirānūrāse, vaja maniboroja. Rojose mūa yisere mūare masiriobetiborimi Dios. ¹⁸ To bajicōari, Cristore ajitirānūrariarā quēne, tudicatio ecomenare bajiro bajirāma bajireariarā, Cristo ĩ tudicatibetijama. ¹⁹ Cristore ajitirānūrā ĩaboarine, mani tudicatibetijama, ĩre ajitirānūrāmena ĩna sutiritiro rētoro tāmūoborāja mani.

²⁰ Ado bajirojūa bajiaja: Cristo ĩ rijacoaboajaquēne, ĩre catiomyu Dios. To bajiri ĩ ĩagūmi, rijacoaboarine, quēna tudicaticōari, rijabetirocu ĩasūogūma. To bajiro ĩ bajijare, “Mani quēne ĩre ajitirānūrā ĩari, rijacoaboarine, ĩre bajiro quēna tudicatirūarāja”, yimasija mani. ²¹ Sĳgū suorine masa bajireare ĩasūoyuja. To bajiboarine, quēna sĳgū suorine bajireacoaboarine, tudicatire ĩasūoyuja. ²² Ado bajiro bajiaja: Adán ĩnamasir'i jānerabatia ĩari, rijarūarāja mani. To bajiboarine Cristore ajitirānūrā ĩ yarā mani ĩajare, manire catiorūcūmi Dios. ²³ Cristo ĩagūmi rijacoaboarine quēna tudicatisūor'i. To bajicōari, adigodojū ĩ tudiejaro, ĩre ajitirānūrariarā tudicatirūarāma. ²⁴ To bajiro ti bajirone, adi macarūcūro jedirūaroja. ĩre ĩaterā ĩnaro cōrone ĩna rotiboasere ĩnare yirotibetirūcūmi Cristo. Adigodoana rojose yirotirā, ō vecana rojose yirotirāre quēne ĩnare yirotibetirūcūmi. To yigajanocōari, ĩajediro, ĩre ajitirānūrāre ĩ jacū Diojūare ūjorūcūmi, “ĩajediro ūjū ĩnamasugū ĩarūgūrūcūja mū” yigū. ²⁵ Cristo ado bajiro yirocu ĩ ĩajare, “To bajirone bajirūaroja”, mūare yaja yu: Cristo ĩ jacūre ĩ ūjoroto rĳoro, ĩ rotiĩarirodone, ĩre ĩaterā ĩnaro cōrone ĩna rotiboasere ĩnare yirotibetirūcūmi. ²⁶ ĩre ĩaterā ĩna rotiboasere yirotibeticōari, quēna masa ĩna bajirease quēne bajibetirotirūcūmi Cristo. To bajiri ĩre ajitirānūrārema, jūaji rijare manirūaroja. ²⁷ Dios ocare masa ĩna ucamasire ti gotirote bajirone jediro ūjū ĩarocūre Cristore cūrūcūmi Dios. Bajigūjūma, ĩ jacūre rotigū me ĩnaami Cristo. ²⁸ To bajiri, ĩre ĩaterā ĩnaro cōrone ĩna rotiboasere ĩnare yirotibeticōari, jedirote rotigū ĩnarūcūmi Cristo.

Tirāmune ĩ rotimasirotere ĩ ʉjore ĩre tudĩĩsirucumi, ĩ jacure, “Ñajediro ʉj ńamasugũ ńarucuja mʉ” yigʉ.

²⁹ “Bajireariarã tudicatimenama” sīgũri mʉa yisere tʉoĩacõari, gajeye mʉare gotirẽmorʉaja yʉ. ¿No yirã, bajireariarã, oco rãca bautiza ecobetiriarãre tʉoĩacõari, “Īnare bautiza ecobosato mani”, yati mʉa? Bajireariarã ĩna tudicatibetijama, oco rãca ĩna bautiza ecore vaja maniboroja ti. ³⁰ Gãjerãre Cristo ĩ bajirere yʉa goticudise quẽne, vaja maniboroja ti. Tire yʉa goticudijare, rojose yʉare ĩna yirʉase ti ńaboajaquẽne, goticudicõa ńaja yʉa. Bajireariarã ĩna tudicatibetiboajaquẽne, ¿no yirã to bajise yicõa ńati yʉa? ³¹ Yʉ mairã, riojo mʉare gotiaja yʉ. Buto yʉre ĩna sĩarʉajare, tocãrãcarãmune tire tʉoĩarũgũaja. To bajiboarine, tire yʉ tʉoĩaro cõro yʉ goticati sʉorine Jesucristo mani ʉjare mʉa ajitirũnʉsere tʉoĩavariquẽnarũgũaja. ³² Adoana, Efeso macana yʉre ĩatecõari, buto rojose yʉre ĩna yirʉaboajaquẽne, tone goticõa ńacaju yʉ. Bajireariarã ĩna tudicatibetijama, yʉ goticati vaja, vaja bajabetibogʉja yʉ. Mani rijato bero, mani tudicatibetijama, Cristore ajitirũnamena ĩna tʉoĩarore bajiro tʉoĩaroti ńaboroja. Ado bajiro tʉoĩarãma ĩna: “Mani bajireacoajama, tudicatimenaja mani” yitʉoĩarã ńari, “Mani bojarore bajiro yito mani”, yitʉoĩarãma.

³³ To bajiro ĩna yisere ajitirũnʉbesa. “Rojose yirã rãca mʉa baba cʉtijama, quẽnaro yirã ńaboarine, ĩnare bajiro rojose yirʉarãja mʉa quẽne” yirere masiritibesa. ³⁴ “Mani rijato bero, tudicatimenaja mani” mʉa yitʉoĩaboasere to cõrone tʉoĩatʉajaya mʉa. To yicõari, rojose mʉa yisere quẽne yitʉajaya. “Rojose yirã rãca baba cʉtibesa”, mʉare yibʉ yʉ, mʉa rãcana sīgũri Diore masimena ĩna ńajare. Tire mʉare gotiaja yʉ, yʉ gotisere ajicõari, mʉa tʉoĩabojonerotire yigʉ.

Rijacoaboarine, quẽna mani tudicatiroti queti

³⁵ “Mani rijato bero, tudicatiroti ńaja manire” mʉare yʉ yiboajaquẽne, sīgũri ńarãja mʉa ado bajise sẽnĩarã: “Bajireariarã ńaboarine, ¿no bajiro tudicatirãda? To yicõari, ¿no bajiro ruju cʉtirãda?”, yʉre yisẽnĩarãja mʉa. ³⁶ To bajiro yʉre mʉa sẽnĩajama, quẽnaro tʉoĩamasimena yirãja mʉa. Ado bajirojʉa bajiaja: Ote mani otejama, joeaye boacoatoja. To bajiboarine, jubeayejʉa judiroja. ³⁷ Trigo aje, gajeye mani otejama, ruju jediro me oteaja mani. ³⁸ Mani otero bero, “Ote ti ńarore bajirone judiato” yigʉ, tire judirotimasigũmi Dios. Trigo aje ti ńajama, trigo judirʉaroja. ³⁹ Gajeyere quẽne tʉoĩañã: Mani catirã, jediro ricati rĩne ruju cʉtiaja mani. Masa, vaibucurã, minia, vai quẽne ricati rĩne ruju cʉtiama. ⁴⁰ Õ vecana quẽne, ricati ruju cʉtirãma. “Õ vecana ńato” yigʉ, ĩnare rujeoyumi Dios. To bajirone bajiaja, adigodoaye quẽne. “Adigodoaye ńato” yigʉ, tire rujeoyumi Dios. To bajiri ricati ńaja ti. Ricati ńaboarine, quẽnase rĩne ńacõaja. ⁴¹ To bajirone bajiaja ʉmʉagʉ muiju ĩ bususere quẽne. ʉmʉagʉ muiju ĩ busuro cõro me busuami ńamiagʉ quẽne. To bajicõari ńamiagʉ muiju ĩ busuro cõro me busuama ńocõa quẽne.

⁴² To bajirone bajirʉarãja mani. Mani rijato bero, quẽna tudicaticõari, ricati ruju cʉtirʉarãja mani. Mani ruju rĩre gãjerã ĩna yujero bero, boacoatoja. To bajiboarine, bero ricati ruju Dios manire ĩ ĩsirotijʉama, rijabetirotiruju ńarʉaroja. ⁴³ Mani ruju boarotiruju ńaja. To bajiboarine, bero Dios manire ĩ ĩsirotirujʉama, no yimasińamani ruju ńarʉaroja. ⁴⁴ Mani ruju, “Adigodojʉa ńato” yigʉ, Dios ĩ rujeoriaruju ńaja. To bajiboarine, bero Dios manire ĩ ĩsirotirujʉama, “Yʉ rãca quẽnaro ńarʉarãma” yigʉ, manire ĩ ĩsirotiruju ńarʉaroja.

⁴⁵ Ado bajiro gotiaja Dios ocare masa ĩna ucamasire: “Adán ńamasir'ire ĩ catirotire ĩre ĩsimasińuju Dios”, yigotiaja. Adán beroagʉ ńaboarine ĩ rẽtoro ńamasugũ ńaami Cristo. ĩne ńaami ĩre ajitirũnrã, rijacoaboarine, tudirijayamanire ʉjogʉ. ⁴⁶ To bajiro ti bajiboajaquẽne, ĩ rãca õ vecaju ńarotiruju mere manire ĩsisʉoyumi. To bajiro ĩ yiro bero, õ vecaju ĩ rãca mani ńarotirujʉare manire ĩsirucumi. ⁴⁷ Adán ńamasir'ire sitane rujeomasińuju Dios. To bajiri adigodoagʉ ńamasińuju ĩ. Bero vadir'i, Cristojʉama, õ vecaju vadir'i ńañuju.

⁴⁸ Adigodoana Adán ñamasir'i ruju cõtiriarore bajiro ruju cõtiaja mani. To bajirone bajiruroja, manire Cristore ajitirũnarãre quẽne. Cristo, rijacoaboarine, tudicaticõari, ï ruju cõtiriarore bajiro ruju cõtiruarãja mani quẽne.

⁴⁹ Adigodoana Adán ï ruju cõtimasiriarore bajiro rujari cõtirá ñaja mani. To bajiboarine, Dios tũju ejacõari, Cristore bajiro ruju cõtiruarãja mani.

⁵⁰ Yũ mairã, ñamasusere muare gotigu yaja yũ: Ado mani ruju cõtisea Dios tũju ñarotiruju me ñaja. Gaje ruju, ruju cõticoari, Dios tũju ñaruarãja. ⁵¹ Quẽnaro yure ajiya mua. Masa ñna masibeticatire muare gotigu yaja yũ: Cristo ï tudiejaro, ïre ajitirũnarã jediro rijajedibetiboarine, sigũ ruyabeto gaje ruju, ruju cõticoaruarãja mani. ⁵² Trompeta vãme cõtiju, ñna jutibusiorone, guaro cajea bibitiarore bajirone bajireariarã, tudicaticõari, rijabetirotiruju, ruju cõtiruarãma. To bajiro ñna bajirone, mani quẽne bajireamenane Cristore ajitirũnarã ñari, gaje ruju, ruju cõtiruarãja mani. ⁵³ Ado bajiro ti bajijare, to bajiro bajiroti ñaja: Mani ruju cõtise, rijacõari, boaroti ñaja. To bajiri rijabetirotirujumare, ruju cõtiroti ñaja. ⁵⁴⁻⁵⁵ To bajiro mani ruju cõtirone, Dios ocare masa ñna ucamasire ti gotirore bajiro bajiruroja. Ado bajiro gotiaja: “Rijaroti ñaboasere reajeorucumi Dios. To bajiro ï yijare, ïre ajitirũnarã, tudirijabetiruarãma. To bajiri, no yirã ñna bajirotire güimenama”, yigotiaja Dios ocare masa ñna ucamasire. ⁵⁶ Dios ï rotimasiriarore bajiro yimena ñari, rojose tãmuoruarãma. To bajiro bajiroti ti ñajare, ñna bajirearotire güirãma masa. ⁵⁷ To bajiboarine, mani mũju Jesucristo manire ï rijabosare ñajare, mani bajirotire güibeaja mani. Tire tũoĩacõari, “Quẽnaro yaja mũ”, Diore yito mani.

⁵⁸ To bajiri Jesucristore ajitirũna tũjabetiruarãja mua, yũ mairã. To yicõari, mua yimasiro cõro Dios ï bojasere yirũgũña. “Ñajediro Dios ï bojase mani yijama, quẽnaro manire yirucumi” yitũoĩacõari, to bajiro yirũgũña.

16

Jerusalén macanare ejarẽmorã, gãjõa ñna juarẽore queti

¹ Gãjerã Cristore ajitirũnarãre ejarẽmorã gãjõa mua juarẽorotire muare gotigu yaja. Galacia sitana Cristore rucubũorã ñna rẽjaro, ñnare quẽnaro yũ roticatore bajiro muare rotigu yaja. ² Tocãrãca domingo ñaro, gãjõa mua ïsirũaro cõro, mua ïsijama, quẽnaja. Tire cojojũne juarẽocũma. To bajiro mua yijama, mua tũju yũ ejaro, tire juarẽoroti maniruroja. ³ Mua tũju ejacõari, gãjõa mua cũsere juavarõnare, “Ãnoa ñaama tire juavarõna”, yiba. To bajiri, queti ñnare ucabosarucuja yũ. “Ãnoa ñaama quẽnaro yirã. Ñnare quẽnaro bocaãmiña” yire quetire ñnare ucabosarucuja yũ, “Jerusalén macanare ïoato” yigu. ⁴ “Pablo rãca varuarãma” mua yitũoĩajama, yũ rãca varuarãma.

Pablo, Corinto macajũ ï varũa tũoĩare queti

⁵ Macedonia sitaju varucuja yũ. Toju ïacudigu vacũne, mua tũju ejarucuja. ⁶ Yoaro, juebucũ ñaro cõro mua rãca ñarucuja, yũ bajijama. Mua tu yũ ñaro, gãjerã tũju yũ ïacudigu varotire yirã, yure ejarẽmoruarãja mua. ⁷ Ado cõrone mua tu yũ vajama, yoaro mua rãca ñabetiboguja yũ. To bajiri mua tũju vabeaja maji. Mani mũju ï bojajama, yoarobũsa mua rãca ñaboguja yũ. ⁸⁻⁹ Efeso macajũne ñacõarucuja maji, jãjarã yure ïaterã ñna ñaboajaquẽne, Jesús ï bajire yũ gotimasiosere quẽnaro ajiruarã jãjarã ñna ñajare. To bajiri Pentecostés boserũmu adoana ñna yiro bero, varucuja yũ.

¹⁰ Timoteo, mua tu ï ejajama, “Manire güibecũne, quẽnaro riojo gotiato” yirã, quẽnaro ïre yiba. Yure bajirone mani mũju ï bojasere yigu ñaami ï quẽne. ¹¹ To bajiri ïre quẽnaro rucubũoba. Yũ tũju vagũ, muare ïarẽtovagumi. To bajiri, yũ tũju ejagũ, “Variquẽnase rãca ejato ï” yirã, quẽnaro ïre ejarẽmoma. Gãjerã Cristore ajitirũnarã rãca ï ejarotire ñayuruarãja yũ.

¹² Mani maigã, Apolos ï bajisere yure sēniãcõañuja mña. Gãjerã Cristore ajitirãnurã rãca mña tujũ ïre varotirũgũboacajũ yũ. Varuabeticami. No bojarirũmũ ï vatirũmũ, varucumi, bajigujuma.

“Estéfanos mesa ïna rotirore bajiro mña yijama, quēna”, Pablo ï yire queti

¹³ Rojose yirãre güimenane, quēnaro tuoĩacõari ñarũgũña mña. To bajicõari, mani ujũ Cristore tuoĩatujabesa, “Dios ï bojasere yitujarobe” yirã. ¹⁴ Mña yise jediro quēnaro gãmerã maire rãca yirũgũruarãja mña.

¹⁵ Acaya sitagũ, Estéfanos, ï yarã rãca Cristo ï bajirere yũ gotimasiosere ajitirãnusucama. Adirũmuri ñarã, Cristore ajitirãnurãre ejarẽmoama ïna. Tire masiaja mña.

¹⁶ ïnare, to yicõari, ïna rãca moarãre quēne quēnaro mña cudisere bojaja yũ.

¹⁷ Estéfanos, Fortunato, Acaico ïna ejasere buto variquēnaja yũ. Jediro yũ tujũ mña ejamasibetijare, ïnajua, ejacõari, mña gotiroti ñaboasere quēnaro mñare gotibosama.

¹⁸ Quēnaro mñare ïna gotibosajare, mña variquēnarore bajiro variquēnaja yũ quēne. To bajiri, “Yũare quēnaro mña gotibosajare, variquēnaja yũ” yirã, quēnaro ïnare yiba mña.

Pablo, ïnare ï quēnaroticõare queti

¹⁹ Asia sitana Cristore ajitirãnurã, “Quēnato”, mñare yicõama. Aquila, ï manajo Prisca, ïna ya vi rējarã quēne, mani ujũre ajitirãnurã ñari, mñare quēnarotiana. ²⁰ Adoana Cristore ajitirãnurã, mñare mairã, “Quēnato”, mñare yicõama ïna quēne. Gãmerã mairã ñari, rējacõari, quēnaro gãmerã yiba.

²¹ Yũ Pablo, yũ masune, “Quēnato”, mñare yiucacõaja yũ.

²² Mani ujũre ïre ajitirãnumena, rojose tãmnotujabetiriaroju varuarãma ïna. Mani ujũ, yoaro mene ï tudiejasere bojaja yũ.

²³ Mani ujũ, quēnasere mñare cõarũgũato. ²⁴ Mña quēne, Jesucristore ajitirãnurã mña ñajare, “Mñare buto tuoĩamaiaja”, mñare yicõaja yũ.

To cõro ñaja.

Segunda carta de San Pablo a los CORINTIOS

Corinto vāme cūti macana, Cristore ajitirānūrāre, Pablo ī ucacōare queti

1-2 ĶNati mēa Corinto vāme cūti macana, Dios sūrōi ī macu ocare ajitirānucōari, rējarūgūrā? Adi queti mēare ucaja yua. Jesucristo sūrōi Dios yarā űaja mēa. Mēa rī mere ucaja yua. Mēa ye sitana, Acayana jediro Dios yarā adi quetire īna īarotire bojaja yua. Mēare quēnarotirā, mani jacu Diore, to yicōari, Jesucristo mani űjūre ado bajise mēare sēnibosaja yua: “Quēnaro mēa rāca īna űarotire yirā, īnare ejarēmoűa”, mēare yisēnibosaja yua. Yū űaja Pablo, adi paperare mēare cōagū. “Yū ocare gājerāre gotimasiodirucūja mē” yigū, Dios ī bojarore bajiro yūre cōacami Jesucristo. Mani maigū, Timoteo rāca űaja yū.

³ Diore īre rūcūbuoto, mani űjū Jesucristo jacure.

Īne űaami manire īamaigū. Mani tūoīasūtiritisere, “Sūtiritibeticōato” yigū űaami. ⁴ űajediro rojose mani tāmūojama, manire ejarēmōrūgūami. To bajiro manire ī yisere masicōari, mani quēne, gājerā rojose īna tāmūojama, īnare ejarēmomasiruarāja mani. ⁵ “Diorāca quēnaro űato” yigū, rojose manire tāmūobosayumi Cristo. To bajiri, gājerā Diorāca quēnaro īna űarotire yirā, rojose tāmūobosarūgūaja yua quēne. Būtobūsa rojose yua tāmūoűaro rīne, “Sūtiriti tūjacōari, variquēnato” yigū, bītobūsa quēnaro manire ejarēmōrūgūami Cristo. To bajiro ti bajijare, “Quēnaro yaja mē”, Diore īre yivariquēnarūgūaja yua. ⁶ To bajiri, mēare quēnaro yua ejarēmosere, to yicōari, ī rāca quēnaro mēa űarotijūare quēne tūoīarā űari, rojose tāmūorūgūaja yua. To bajiro yua bajiboajaquēne, yūare quēnaro ejarēmōrūgūami. To bajiri, yua sūrōine mēare quēne ī ejarēmōjare, mēa quēne, rojose tāmūoboarine, Cristore ajitirānū tūjabetiruarāja. ⁷ “Rojose mani tāmūorore bajiro rojose tāmūorā īna űajare, manire ī ejarēmōre bajiro īnare quēne ejarēmogū yigūmi Dios” yimasirā űari, “Cristore ajitirānū tūjabetiruarāma”, mēare yitūoīaja yua.

⁸ Yū mairā, adoju, Asia sitaju būto rojose yua tāmūocaire mēa masisere bojaja yū. Būto rojose tāmūocana űari, “Yūare sīabeticōato” yirā, no bajiro yimasibeticaju yua.

⁹ “Manire sīaruarāma”, yitūoīacaju yua. “Dios űaami manire rujeorī, rijariarāre quēne catiogū. To bajiri adigodojūre ī sīgūne űaami manire maigū” yua yitūoīarotire yiro bajicaju. ¹⁰ Yūare īna sīaborotire yirētobosayumi Dios. To bajiri, “Ī yicatore bajiro manire yirētobosarucūmi quēna”, īre yitūoīa variquēnacōa űaja yua. ¹¹ Diore mēa sēnise sūrōine yūare ejarēmōruarāja mēa quēne. Gājerā quēne, yūare sēnibosaruarāma. To bajiri īna rāca jājarā űaruarāja mēa, yūare quēnaro Dios ī yisere ajicōari, “Quēnaro yaja mē”, Diore īre yirona.

“Ado bajiro tūoīagū űari, mēa tūjū vabeaja yū maji”, Pablo ī yire queti

¹² Ado bajise tūoīacōari, variquēnaja yua: “Dios ī bojarore bajiro masare quēnaro yicaju mani”, yitūoīaja yua. Masare yitorā me űaja yua. “Corinto macana rāca űarā, quēnaro Dios ocare gotimasioacaju”, yitūoīaja yua. Yūare quēnaro yiyumi Dios, “Gājerāre quēnaro yato” yigū. Yua masune yua tūoīasene gotibeticaju. Dios ī masise rāca to bajiro yicaju yua. ¹³ Mēare ucacōarā quēnaro riojo mēa ajimasirotire ucacaju yua. To bajiri űajediro yua ucacaire quēnaro ajimasīűuja mēa. Bero quēne, jediro yua ucacaire ajimasiruarāja mēa. ¹⁴ To bajiboarine, yua ucasere quēnaro ajimasijeobeaja mēa maji. Quēnaro yūare mēa ajimasijeosere bojaja yua. Yūare mēa ajimasijeojama, mani űjū Jesucristo ī tudiejarirūmū ti ejaro, “Quēnaro yūare gotimasioűuma Pablo mesa”, yivariquēnaruarāja mēa. Yua quēne, “Quēnaro ajitirānūrā űaama”, yitūoīa variquēnaruarāja.

15 Tire t̄oĩagũ ñari, quēna m̄are ĩagũ var̄ua t̄oĩacaj̄u ȳu. “To bajiro ȳu bajijama, ĩnare ȳu ejarēmojare, b̄utob̄usa variquēnar̄uar̄ama”, m̄are yit̄oĩaboacaj̄u ȳu. 16 “Macedonia sitaj̄u vac̄u, ĩnare ĩarētoar̄uc̄ija ȳu. Quēna tudiaḡu, ĩnare ĩarētoadir̄uc̄ija”, yit̄oĩaboacaj̄u. M̄ua t̄uj̄u ejac̄ōari, “Judea v̄ame c̄uti sita ȳu ejaminas̄irotire yir̄ā, ȳure ejarēmor̄uar̄ama”, m̄are yit̄oĩaboacaj̄u. To bajiro yit̄oĩaboarine, beroj̄u ricati t̄oĩacaj̄u ȳu. 17 M̄ua t̄uj̄u ȳu ejabetijare, “Quēnaro t̄oĩabec̄une, to bajise yit̄oĩaboayumi”, ȳure yir̄āja m̄ua. “To bajiro yir̄uc̄ija ȳu” yiboarine, ricatij̄ua yiḡu me ñaja ȳu. 18 Mani jac̄u Dios, riojo gotiḡu ñaami. To bajiri ȳu, ȳu babar̄ā quēne riojo gotir̄ā ñaja ȳu. To bajiro yir̄uar̄āja ȳu yijama, ȳu yirore bajirone yaja ȳu. “To bajiro bajir̄ā ñaama”, ȳure yĩaḡumi Dios. 19 Jesucristore ajitir̄an̄uḡũ ñari, to bajiro yaja ȳu. Ȳu Pablo, Silvano^a, Timoteo quēne, Jesucristo yere m̄are goticaj̄u ȳu. ĩ ye queti socase me ñaja. “To bajiro yir̄uc̄ija” yiboarine, ricatij̄ua yire me ñaja. To bajiri, “Yir̄uar̄āja” ȳu yirore bajirone gotir̄uḡūaja. 20 “Quēnaro masare yir̄uc̄ija” Dios ĩ yigotic̄ure jedirore yijeoḡu ñaami Cristo. To bajiro yiḡu ĩ ñajare, quēnaro Diore yir̄uc̄ub̄uo variquēnaja mani. 21 ĩne ñaami Dios, m̄are, to yic̄ōari ȳure quēne, Jesucristo yar̄ā mani ñarotire yiḡu, manire beser'i. To yic̄ōari, ȳure ĩ ye ocare ũmato gotimasioronare ȳure c̄ucami. 22 “Ȳu yar̄ā ñaruar̄ama yuja” yiḡu, mani ũsar̄ijare c̄ōañumi, Esp'iritu Santore. Mani ũsar̄ijare ejac̄ōari, ĩ ñajare, “Jesucristo yar̄ā ñaja mani. To bajiri Dios ĩ gotiriarore bajirone jediro ĩ ñaroj̄u quēnamasusere b̄ujar̄uar̄āja”, yimasaj̄a mani. 23 Ado bajiro t̄oĩagũ ñari, m̄ua t̄uj̄u vabeticaj̄u ȳu maji: M̄ua t̄uj̄u ejac̄ōari, m̄are ȳu gotiserene, “Tud'ire bajiro ajis̄tiritiroma” yiḡu, vabeticaj̄u ȳu. To bajiri vabetic̄ōari, “Queti ȳu uc̄ase r̄āca ĩnare gotir̄uc̄ija maji”, yit̄oĩacaj̄u ȳu. Soc̄u me yaja ȳu. Riojo masiami Dios quēne. 24 M̄are rotir̄uar̄ā me to bajiro m̄are gotimasioaja. J̄ere Diore quēnaro t̄oĩamasir̄ā ñaja m̄ua. Quēnaro mani ñajediro variquēnase r̄āca b̄utob̄usa Diore mani masirotire yir̄ā, m̄are ejarēmor̄uḡūaja ȳu.

2

1 Tir̄ām̄uj̄u m̄ua t̄uj̄u ejac̄ōari, m̄are ȳu gotiro, b̄uto s̄tiriticaj̄u m̄ua. To bajiri s̄tiriticaj̄u ȳu quēne. To bajiro ti bajijare, quēna ȳu ĩaro r̄ĩjoro m̄ua s̄tiritirotire bojabec̄u ñari, “ĩna t̄uj̄u ĩagũ vabec̄ija ȳu maji”, yit̄oĩac̄ōacaj̄u ȳu. 2 M̄ua s̄tiritijama, ñim̄u r̄āca variquēnabetiboḡūaja ȳu. To bajiri m̄are ȳu gotise s̄uorine m̄ua s̄tiritisere bojabec̄u ñari, vabeticaj̄u ȳu. 3 M̄ua t̄uj̄u ejac̄ōari, s̄tirititeḡu, m̄are paperare uc̄ac̄ōacaj̄u, m̄ua r̄āca ȳu variquēnarotij̄uare bojaḡu ñari. 4 Ti quetire m̄are uc̄aḡu, s̄tiritic̄ōari, b̄uto oticaj̄u ȳu. Tire m̄ua ĩas̄tiritirotire bojabeticaj̄u. Tire ĩac̄ōari, “B̄uto manire maiami Pablo” m̄ua yimas̄irotire bojacaj̄u.

“Rojose yirere masirioya”, Pablo ĩ yire queti

5 M̄ua r̄ācaḡu rojose ĩ yirere ajic̄ōari s̄tiriticaj̄u ȳu. Ȳu s̄iḡũ me s̄tiriticaj̄u. Rojose ĩ yirere masic̄ōari, s̄tiritiriar̄aja m̄ua quēne. B̄utob̄usa ĩ s̄tiritirotire m̄ua yisere bojabeaja ȳu. 6 J̄ere j̄ār̄ā r̄ējac̄ōari, rojose ĩ yire vaja rojose ĩre yiyuja m̄ua. “To c̄ōrone rojose t̄ām̄oato” ĩre m̄ua yisere bojaja ȳu. 7 Rojose ĩ yirere masirioc̄ōari, ĩre baba c̄utiya quēna. To bajiro m̄ua yibetijama, s̄tiritic̄ōari, Cristore ajitir̄an̄u t̄ujacoar̄uc̄ami. 8 To bajiri quēnaro ĩre yiya m̄ua yuja, “‘Ȳure maiama’ yimas̄iatio ĩ” yir̄ā. 9 Tir̄ām̄uj̄u papera m̄are uc̄ac̄ōacaj̄u ȳu, “¿Ȳu yirotisere yic̄ōati?” yimasir̄u. 10 Ḡāji rojose ĩ yirere m̄ua masiriojama, ȳu quēne ĩ yirere masirioaja. To bajiri rojose ĩ yire ti ñajama, ĩre masirior̄uc̄ija. B̄uto m̄are maiḡũ ñari, Cristo ĩ ĩaro r̄ĩjoroj̄ua to bajiro yir̄uc̄ija. 11 Mani ḡāmer̄ā masirioc̄ōa ñajama, v̄ātij̄ua ĩ bojarore bajiro manire rotimasibec̄umi. Bajir̄āj̄uma, masare rojose ĩ yitoajer̄uḡūsere j̄ere masaj̄a mani.

Troas v̄ame c̄uti macaj̄u ejac̄ōari, Pablo ĩ t̄oĩarejaire queti

^a 1:19 Jesucristore ajitir̄an̄uḡũ ñari, to bajiro yaja ȳu. Ȳu Pablo, Silvano, Timoteo a 1.19 Silas ti yijama, griego oca r̄āca yiyuju. Silvano ti yijama, latín oca r̄āca yiyuju. Hch 15.22; 18.5; 1 Pe 5.12 macañu.

¹² Troas vāme cūti maca ejacōari, Cristo oca quēnasere toanare gotimasio ñacajū yū. To yū bajirone, jājarā masa yūre ajirā ejacama. ¹³ To bajiro ĩna ajirūaboajaquēne, yūñūa, mani maigūre mūa tūjū yū cōacacure Tito vāme cūtigūre bujabeticōari, buto tūoīarejaicajū yū. To bajiri, toanare vare goticōari, ĩre macagū vadicañū yū, adojū, Macedonia sitajū.

¹⁴ “Cristo manire ĩ rijabosare sūorine vātia ũjū, rojose yirotigū, manire ĩ rotiriarore bajiro yibeticōato” yigū yiyumi Dios. To bajiro ĩ yijare, vātia ũjūre ajibeticōari, Dios ĩ bojaseñūare yirūgūaja mani. “Jediroñū quēnase sūtise ti sūtibatōrore bajiro ñajediroanare ti quetire gotibatoato” yigū, yūare goticudi rotirūgūami. To bajiro yigū ĩ ñajare, “Quēnaro yaja mū”, Diore yivariquēnato mani. ¹⁵ Ti quetire masare yūa gotibatosere ĩavariquēnagūmi Dios. Yūa gotibatose sūorine masa jediro, Dios tūjū varona, rojose tāmūotūjabetiriarojū varona quēne, tire ajijedirāma. ¹⁶ Cristore ajitirāñūmena rojose masu ĩna bajiro tire yūa gotimasiosere ajiteama, rojose tāmūotūjabetiriarojū varona ñari. Gājerāñūama, Dios tūjū varona, quēnase masu ĩna bajiro ti yūa gotijare, tire ajivariquēnaama. Yūa masune yūa tūoīasene gotibeaja. Dios ĩ masise rāca tire gotimasiorūgūaja. ¹⁷ Bajirāñūama, gājerā, jājarā ñarāma, Dios ocare gotimasiorā. ĩnama, “Tire goticōari, gājoa bujarāsa” yirā ñaama. Yūañūama, ĩnare bajiro yirā me ñaja. Jesucristo yarā, Dios ĩ cōariarā ñari, ĩ ĩaro rĭjoroñūa rācūñūose rāca ĩ ocare gotimasiorūgūaja.

3

“ ‘Quēnaro mūare yirūcñūa’ Dios ĩ yiriarodo ti ejajare, ado bajiro bajiaja”, Pablo ĩ yire queti

¹ ĩna masurione, “Quēnaro gotimasiorā ñaja”, yama Pablo mesa. Papera jūro, “ ‘Quēnaro gotimasioama’ yirijūro gājerā ĩnare ĩna ucabosariajūrore ĩoroti ñaja” yirere yiboarāja mūa. Bajibeaja. Gājerā gotimasiorimasajūama, to bajiro yiriajūrore ĩna ĩorore bajiro ĩoroti me ñaja yūarema. ² Mūa ñaja “Dios ocare quēnaro gotimasioama” yūa yīorijūrore bajiro bajirā. Mūare ĩacōari, “Pablo mesa, ĩnare ĩamaicōari, Dios ocare quēnaro gotimasioñūma”, yūare yimasirāma masa jediro. Rojose mūa yirere yitūjacōari, quēnaro mūa yiseñūare ĩarā ñari, to bajise yirāma. ³ “Cristo ĩ ejarēmojare, to bajiro bajiaja”, mūare yimasire ñaja. Tirūmūjū gūtājāirijū ucacūmasiriarore bajiro mūare yibesumi Dios. Ado bajiroñūa yiyumi: Mūa ũsūñū Esp'iritu Santore cōañūmi. To yicōari, quēnaseñūare tūoīarotire yiyumi, “Cristo yarā ñaama” gājerā mūare ĩna yiro tire yigū.

⁴ “Cristo sūorine manire ejarēmoami Dios” yirā ñari, “Ti quetire quēnaro gotimasioaja”, yaja yūa. ⁵ “Yūa masurio yūa masise rāca masare gotimasioaja”, yibeaja yūa. Ñajediro quēnase yūa yise, Dios ĩ masise rāca yaja. ⁶ To bajiri Dios oca tirūmūayere ĩ vasoare gotirētobumasiaja yūa. “Yū roticūsere cūdiyeobecūne, ĩ bajirocañūama, rojose tāmūotūjabetiriarojū varūcūmi”, yigotiyūja tirūmūaye. Mameayeñūama, tirūmūayere bajiro me bajiaja. Ado bajiroñūa bajiaja: “Esp'iritu Santore cūorā rĭne yūre cūdirūarāma. To bajiri, Diorāca ñacōa ñarūgūarāma”, yigotiaja Dios oca.

⁷ Tirūmūjū ĩ rotirere gūtājāirijū ucacōari, Moisés ñamasir'ire ĩsimasiñūju Dios. Tire ĩna cūdiyeobeti sūori rojose tāmūotūjabetiriarojū varoti ñamasir'ire. Tire ĩ ĩsirone, buto yaase rāca ejayūju, “Dios ye ñaja” yiro. Ado bajiro bajimasir'ire ti: Dios ĩ ucarijāirire ĩ boca juarone, buto ĩ rioga yaamasir'ire, Moisére. Buto yaarica rioga cūtigū ĩ ñajare, ĩre ĩamasibetimasir'ire israhelita masa. To bajiboarine yoaro mene quēna yaabeticōamasiñūju. ⁸ Adirodorirema, mameaye oca, Dios ĩ vasoare ñajare, Esp'iritu Santo, mani ũsūrijū ejacōari, ĩ ejarēmose sūorine Diorāca mani ñacōa ñarūgūrotire masiaja mani. To bajiri “Tirūmūaye oca rētoro ñamasuse ñaja mameaye oca Dios ĩ vasoare”, yitūoīaja mani. ⁹ Tirūmūaye oca Moisére cūgū, “Ñamasuse ñaja”, yīomasir'ire Dios. To bajiro ĩ yire ti ñaboajaquēne, gājerā tire cūdiyeomena ñari, “Rojose tāmūorūarāja”, yitūoīamasir'ire masa. Yūcūrema mameaye oca Dios ĩ vasoare sūorine, “Dios ĩ ĩajama, rojose mana

ñaja”, yimasiaja mani. To bajiri, “Tirũmũaye rētoro ñamasuse ñaja”, yimasiaja mani. ¹⁰ Mameaye oca, Dios ĩ vasoare, tirũmũaye rētoro ñamasuse ti ñajare, “Ñamasuse me ñariaroja tirũmũayema”, yitũoĩvasoare ñaja, adirodorirema. ¹¹ Dios ĩ vasoare, jũaji ĩ vasoabetiroti ti ñajare, “Tirũmũaye ocama yoaro ñabesuja”, yimasiaja mani. To bajiri yucũrema, “Tirũmũaye oca rētoro ñamasuse ñaja”, yitũoĩaja mani.

¹² “Ñamasuse ñaja Dios ĩ vasoare” yitũoĩarã ñari, bojonemenane tire gotimasioducud-irũgũaja yũa. ¹³ Moisés ñamasir'ire bajiro bajirã me ñaja yũa. Moiséma, Dios ĩre ĩ ñagõro bero, ĩ rioga yaase yayirũtuasere, “Israelita masa ĩaroma” yigũ, ĩ rujoa jeoriaro jeotoomasĩñuju. Yũama, ĩ yimasiriarore bajiro yayior'i, masare gotimasioducud-irũgũaja. ¹⁴ Tirũmũajare quēne Dios ocare ajitirũnũrũabetimasĩñujarã israelita masa. To bajiri ĩ ocare ajiboarine, “To bajiro yirũaro yaja”, yimasibetimasĩñujarã. Adirũmũari quēne to bajirone bajicõa ñaama ĩna. Cristore ajitirũnũrũ rĩne, Dios ocare ĩacõari, ajimasiamama ĩna. ¹⁵ Tire mũare tudigotiaja yũ. Israelita masa, mani mũ Cristore ajitirũnũrũabeticõari, Moisés ĩ ucamasire ajimasibeamama maji. ¹⁶ To ajiboarine, rojose ĩna yisere yitũjacõari, mani mũjũre ĩna ajitirũnũrũojama, ĩnare ejarẽmogũmi, “Tire ajimasiatoma ĩna” yigũ. ¹⁷ Mani mũjũre ajitirũnũrũorãre ejami Esp'iritu Santo. To bajiri, “Rojose mana ñaama” Dios ĩ yĩĩavariquēnarã ñari, “Dios ĩ rotimasire mani yijeobeti vaja, rojose manire yirũcũmi Dios”, yitũoĩabeaja mani. ¹⁸ Jesucristore ajitirũnũrũ ñari, “Quēnarẽtogũ ñagũmi”, ĩre yitũoĩamasiaja mani. To bajiri, ĩ bojarore bajiro yirũgũaja mani. To yirã rĩne, bũtobũsa ĩre bajiro bajirũarãja mani, Esp'iritu Santo ĩ ejarẽmorã ñari.

4

¹ Yũare ĩamaicõari, ĩ ocare yũare gotimasiorotiyumi Dios, masare. To bajiro yũare ĩ yijare, tire tũoĩavariquēnacõari, ti ocare gotimasioducud-irũgũaja yũa. ² Masa bojoneosere yirã, yayiorojũ ĩna yirore bajiro yibeaja yũama. “Manire ajitirũnũrũato ĩna” yirã, masare yitobeaja yũa. Gãjerã, “Quēnase bũjarãsa” yirã, ĩna masu ĩna tũoĩarujeorore bajiro gotimavisioabeaja yũa, “Manire ĩagũmi Dios” yirã ñari. To bajiri, “Quēnaro gotimasioama Pablo mesa”, yũare yimasijedirãma masa. ³ Quēnaro gotimasiorã yũa ñaboajaquēne, jãjarã ñaama tire ajimasimena. Mani mũjũre ajiterã ñari, to bajiro bajiamama. Rojose tãmũotũjabetiriaroju varona ñaama ĩna. ⁴ “Ajimasibeticõa ñato” Satanás ĩ yise ñajare, yũa gotimasiosere ajimasibeamama. ĩ ñaami vãtia mũjũ, Dios ĩ bojabetire masare ĩnare yirotigũ. Cristo, Diore bajiro bajigũ ĩ ñajare, ĩ oca quēnamasusere ajitirũnũrũcõari, quēnaro ĩre masa ĩna rũcũbũosere bojabeami Satanás. ⁵ “Yũajũare rũcũbũoaya” yirã me, ti ocare gotimasiorũgũaja yũa. “Mani mũjũ Jesucristojũare rũcũbũoato” yirãjũa yaja. Jesũre maicõari, mũare moabosarãre bajirone bajirũgũaja, tire mũare gotirã. ⁶ Dios, rēmojũne adi macarũcũro rētiaboarere busurotimasiñuju. Tire ĩ yimasiriarore bajirone ĩ yere mani ajimasibetiboarere mani ajimasiorotire yiyumi. To bajiri, “Quēnarẽtogũ ñaami Dios”, yimasiaja mani yucũrema yuja, Jesucristo quēne quēnamasugũ ĩ ñasere masirã ñari.

Cristore ajitirũnũrũcõari, quēnaro ñare queti

⁷ Cristo ĩ gotiroticõariarã, ñamasurã me ñaja yũa. ĩ ocajũa ñaja ñamasusema. Yũa masune yũa tũoĩasene masare gotimasioabeaja. Bũto tũoĩamasirã me ñaja yũa. To bajiro yũa bajisere bojagũmi Dios, “Ĩna masise ĩna ye me ñaja. Dios yene ñaja” masa yũare ĩna yimasiorotire yigũ. ⁸ Gãjerã bũto rojose yũare yirũgũama. To bajiro ĩna yiboajaquēne, Dios ĩ bojarore bajiro gotimasioducud-irũgũaja yũa. Rojose tãmũoboarine, “¿No bajiro bajirãti?”, yitũoĩarejaibetirũgũaja. ⁹ Jãjarã yũare ĩaterã ĩna ñaboajaquēne, Dioma yũa rãca ñacõa ñarũgũami. Cojõji me bũto rojose yũare yiboarine, sĩabetirũgũama. ¹⁰ No bojarõ yũa vacudirojũ yũare sĩarũarã ñaama ĩna. Jesũre ĩna sĩariarore bajiro yũare quēne sĩarũama. “Yũare sĩaroma” yigũ, yũare quēnaro coderũgũami Jesús. Tire ĩacõari, “Catigũ ñaami Jesús”, yitũoĩarũgũama masa. ¹¹ Jesũre ajitirũnũrũ yũa ñajare, yũare sĩarũarũgũama masa. Yũare

Īna sĭaruoaboajaquēne, yua caticōa űasere ĩacōari, “Tudicaticōari, ĩnare ĩatirũnrũgũami Jesũs”, yĩamasire űaja. ¹² To bajiro rojose tãmoobarine, yua gotimasiocati űajare, Jesũre ajitirũnrã űacoacaju maa. To bajiri, maa rijato beroju maa catirotire Dios ĩ catisere ĩ ĩsicana űaja maa.

¹³ Masa yuare ĩna sĭaruoaboajaquēne, no yibeaja yuare. Sĭgũ Dios ocare ucamasir'i Diore ĩ ajitirũnrarore bajiro ajitirũncōa űaja yua quēne. Ado bajiro gotiaja ĩ ucamasire: “Diore ajitirũngũ űari, ĩ ocare masare gotimasioaja yu”, yigotiaja Dios oca ĩ ucamasire. To bajiro tuoĭaja yua quēne. Diore ajitirũnrã űari, yua catiņaro cōro ĩ ocare gotimasiocōa űaruarãja yua. ¹⁴ Ado bajiro tuoĭarã űari, masa yuare ĩna sĭaruasere gũibeaja yua: “Mani uju, Jesũs ĩ rijacoaboajaquēne, ĩre catiomyi Dios. To bajiri, Jesũs yarã mani űajare, manire quēne, catiorũcumi Dios”, yituoĭaja yua. “Muare quēne catiocōari, ĩ űaroju ō vecaju manire jua varũcumi Dios”, yituoĭaja yua. ¹⁵ Ado bajiro tuoĭarã űari, “Yu rãca varuarãja maa”, yibu yua: “ ‘Mani gotimasiosere ajirona quēnase bujato ĩna’ yirã, rojose tãmorũgũaja mani”, yituoĭaja yua. To bajiri mani uju ocare gotimasiorã űari, rojose tãmorã űabarine, tire gotimasiocōa űaja, “Jãjarãbusa Jesucristore ajitirũnrũtuajaro” yirã. “Manire ĩamaicōari, quēnaro yami Dios”, yivariquēnaruarãma ĩre ajitirũnrã. To bajiri, jãjarãbusa űarũtuaruarãma ĩre quēnaro rũcũborã.

¹⁶ To bajiri, Dios, quēnaro yuare ĩ yijare, tire tuoĭavariquēnacōari, ĩ bojarore bajiro yirũgũaja yua. Yu rujuuama butobusa ti bucajedi vaboajaquēne, yu tuoĭasejuama tocãracarũmũne butobusa quēnase yirua tuoĭarũtuana yaja yua, Dios ĩ ejarẽmose rãca. ¹⁷ Adigodo űarã, rojose yua tãmorũgũuse yoaro mene jedicoaroti űaja. Beroju Dios ĩ űaroju, jedibetirore, quēnamasusere bujaruarãja yua. ¹⁸ “Mani rujuaye, mani ĩase jediro, yoaro me jedicoaruroja. Mani ĩabujabetijuama, űacōa űarũgũuroti űaja”, yituoĭaja yua. To bajiri yua ĩase, tire buto tuoĭabetirũgũaja yua. Diore, to yicōari, ĩ ye yua ĩabujabetijuarema buto tuoĭarũgũaja.

5

¹ To bajiri mani rujuama, vire bajiro bajiriruju űaja. Vi ti boarore bajirone, mani ruju quēne boaruroja. Ti boacoaboajaquēne, mani rijato beroju gajeruju manire vasoarũcumi Dios, ō vecaju. Ti rujuama, boabetiruju űaruroja. To bajiro ĩ yirore jere masiaja mani. ² To bajiro mani bajiroti ti űajare, cojojirema adigodoju űarã, buto rojose tãmoobana, ō vecaju mani űarotiruju rãcaju űaru tuoĭarũgũaja mani. ³ Adirũmuri mani uju ĩ tudiejajama, buto quēnaruroja. Gãjerã rijariarã gaje ruju Dios ĩ vasoabetiriarã tujare vabetiruarãja mani. Riojone gaje ruju vasoaruarãja, to bajiro ĩ bajijama. ⁴ To bajiri, cojojirema adigodo űarã, rojose tãmoobana, ruju cuti quejerũgũaja mani. Tire mani yijama, “Bajiyayiruaaja” yirã me yaja. Bajiyayibetiboarine, rijabetiruju bojarã yaja. ⁵ Mani tuoĭarujeore me űaja ti, mani ruju vasoaroti. Dios űaami, “Gaje ruju vasoaruarãma” yir'ima. To yicōari, Esp'iritu Santore manire cōaũumi, “ ‘Dios ĩ gotiriarore bajirone mani rujure vasoarũcumi’ yimasiato” yigu.

⁶ “Maji adigodoju űarã, mani uju Cristo ĩ űaroju ejamasibeaja”, yimasiaja. To bajiri mani bajirore tuoĭa yurã, tire tuoĭavariquēnaja mani. ⁷ Adigodo űarã, Cristore ĩabetiboarine, “ĩ gotiriarore bajirone quēnaro yirũcumi”, ĩre yituoĭarũgũaja mani. ⁸ Adoju to cōrone űaruaja mani, mani uju ĩ űarojuare mani varotire yirã. ⁹ To bajiri adigodoju űarã quēne, ō vecaju mani űarã vajuquēne, Dios ĩ ĩavariquēnase rĩne yiruarũgũaja. Diseju gajeye űamasuse maja manire. ¹⁰ Cojorũmu mani jediro Cristo ĩ ĩaro rĩjoroju ejarona űaja mani. To bajiri, “Ānoa űaama quēnase yicana. Ānoa űaama rojose yicana”, yĩabeserũcumi. Yĩamasicōari, manire vaju yirũcumi.

“Cristo ĩ rijabosare sũorine Dios ĩ ĩavariquēnarã űaja mani”, Pablo ĩ yire queti

11 To bajiro ï beserirũmu ti ejaro, “Rojose ïnare yiromi” yirã ñari, “Ïre ajitirũnũato” yirã, ïnare gotimasiorũgũaja yua. “To bajirone tũoĩaama Pablo mesa”, yuare yimasigũmi Dios. Mũa quẽne, to bajirone mũa yitũoĩasere bojaja yua. 12 Tire mũare yua gotijama, yuare mũa ïvariquẽnasere bojarã me yibu yua. Ado bajirojua bajiaja: Yuare ñagõmacarãre, “Ado bajiro tũoĩacõari, cũdimasiato” yirã, tire mũare gotibu yua. Yuare ñagõmacarã ñaama, gãji ï tũoĩasere masibetiboarine, “Quẽnagũ ñaami”, yitũoĩarãma. Quẽnaro ï bajisere ïacõari, “Quẽnagũ ñaami”, yĩarã ñaama. 13 Yuare ñagõmacarã sĩgũri, “Tũoĩamasimena, mecũrimasa ñaama Pablo mesa”, yuare yirãma. No yibeaja ti. Dios ï bojarore bajiro masare gotimasioaja yua. Gãjerãma, “Quẽnaro yitomasirã ñarãma”, yuare yĩñagõmacarãma. Ti quẽne, no yibeaja. “Mũare yitorã yama” mũare ïna yiboajaquẽne, tire ajicõari, Dios ye quẽnase bujaja mũa. 14 “Manire ïamaiami Cristo” yitũoĩacõari, ïre cũdirũaja yua. Manire bũto ïamaigũ ñari, rojose mani yise vaja manire rijabosayumi. To bajiri, “Ïre ajitirũnũrãre manire ï rijabosare ñajare, mani quẽne ï rãca rijariarãre bajiro bajiyuja”, yitũoĩaja mani. 15 “Rojose yitũajacõari, yu bojaseyuare yimasianto” yigu, ïre ajitirũnũronare manire rija-bosayumi Cristo. Ï rijato bero, tudicaticõari ï ejarẽmose ñajare, ïre ajitirũnũmasiaja mani. 16 Tirũmũjũma, Cristore, to yicõari, gãjerãre quẽne, ïna tũoĩasere masibetiboarine, “Ãnoa ñaama quẽnarã; ãnoa ñaama rojorã”, yitũoĩariarãja mani maji. Cristore ajitirũnũcõari, to bajiro tũoĩabeaja mani yuja. 17 To bajirone bajiaja Cristore ajitirũnũrã jedirore. Cristore ajitirũnũsũorã, Esp'iritu Santore sũorã ñari, rojose ïna yirũgũrere yirũa tũoĩabetirũgũama. 18-19 Dios ñaami, “To bajirone tũoĩato” manire yigu. Tirũmũjũ ï terã mani ñaboajaquẽne, Cristo ï rijabosare sũorine, ï yarã, ï ïvariquẽnarã mani ñarotire yiyumi. Rojose mani yisere masiriocõari, “Rojose mana ñaama”, manire yĩagũmi. To yicõari, “Gãjerã quẽne, yu ïvariquẽnarã ñato ïna” yigu, ï ocare yuare gotimasiodudi roticõañumi. 20 To bajiri, Cristore gotirẽtobosarimasa ñaja yua. Mũare yua gotimasiojama, Dios ï masune vadicõari, ï gotiroti ïnirene gotimasiorũgũaja. Cristore gotirẽtobosarã ñari, ado bajiro masare bũto sãnĩarũgũaja yua: “Rojose yua yisere masirioya mũ; mũ ïvariquẽnarã ñarũaja’ ¿Dioe yiruabeati mũa?”, ïnare yirũgũaja yua. 21 Ñie rojose yibecu ï ñaboajaquẽne, “Rojose yigu ñaja mũ” ïre yigũre bajiro ï macũre rijaroticõañumi Dios, “Rojose ïna yisere ïnare vaja yibosaya” yigu. “Cristore ajitirũnũronare, ‘Ñie rojose mana ñaama’ ” manire ï yĩarotire yigu, yiyumi.

6

1 Dios ï ejarẽmose rãca ï yere gotimasiorã ñari, ado bajiro mũare rotiaja yua: Dios, mũare ïamaicõari, quẽnaro ï yire ñajare, ï ejarẽmose rãca ï bojarore bajiro quẽnaro yirũgũña.

2 Dios ocare masa ïna ucamasire ado bajiro ti gotiaja:

“Mũare yu yirẽmorirũmu ti ejaro, mũa sãnisere ajicõari, mũare quẽnaro ejarẽmorũcũja yu, rojose mũa tãmũosere mũare yirẽtobosagu”, yigotiaja Dios ocare masa ïna ucamasire.

Quẽnaro ajiya mũa. Yucũne ñaja rojose mani tãmũosere Cristo sũorine Dios manire ï yirẽtobosarirũmu. To bajiri yucũne ïre mũa sãnijama, “Yu bojase yimasianto” yigu, mũare ejarẽmorũcũmi.

3 To bajiri, Dios ocare gotimasiorã, gãjerãjũa “ ‘Socaserene gotiama’ yuare yiroma” yirã, rojose yibetirũgũaja yua. 4 Ñajediro yua bajisere ïacõari, “Dios ï bojarore bajiro yirã ñaama Pablo mesa”, yimasiamasa masa. Cojoji me gãjerã rojose yuare ïna yiboajaquẽne, ïnare gãmebeaja yua. Bũto rojose tãmũoboarine, tire tũoĩarejaimenane, Dios ï bojarore bajiro yicõa ñaja yua. Ado bajiro rojose tãmũorũgũaja yua: 5 Yuare ïna bajerũgũse, tubiberiavijũ yuare ïna tubiberũgũse, rẽjacõari, rojose yuare yirũarã yuare ïna tud'irũgũse, to bajicõari, bũto moarã ñari cojojirema ñamire quẽne busuocõarũgũcãju. To bajicõari, cojoji me ñiorijarũgũcãju. To bajiboarine, Dios ï bojarore bajiro yicõa ñacãju yua. 6 Gajeyere quẽne ado bajiro yua bajisere ïacõari, “Dios ï bojarore bajiro yirã ñaama Pablo

mesa”, yuare yimasiana masa: “Rojose yirobe” yirã, quẽnase tuoĩarũgũaja yua. Dios ocare quẽnaro masiaja. Gãjerã rojose yuare ãna yiboajaquẽne, ãnare jũnisinibeaja yua. Socarã mene gãjerãre mairã ñari, ãnare quẽnaro yirũgũaja. Esp'iritu Santo, yua rãca ñacõari, yuare ejarẽmorũgũami. ⁷ Dios oca, riojo ti gotirore bajirone gotimasiorũgũaja. Dios ã ejarẽmose rãca ã bojarore bajiro yirũgũaja. To bajiro yirũgũaja, “Vãtia uju Satanás manire rojose ã yirotisere cãdirobe” yirã, to yicõari, “Gãjerã, rojose yitũjato” yirã. ⁸ Cojojirema yuare rãcãbũoama masa. Gajerãmũrema rãcãbũobeama. Cojojirema quẽnaro yuare ñagõama. Gajerãmũrema rojose yuare ñagõama. “Socarimasa ñaama Pablo mesa” masa yuare ãna yitũoĩaboajaquẽne, riojo gotimasioaja yua. ⁹ No bojaro yua vato, “Gãjerã ñaama” masa yuare ãna yĩaboajaquẽne, yuare quẽnaro masiana sũgũri. Cojoji me “Rojose yibũ mũa” yigoticõari, yuare ãna sãarũaboajaquẽne, caticõa ñacãju yua. ¹⁰ Cojojirema bũto sãtiritirã ñaboarine, manĩ uju quẽnaro ã yisere, to yicõari, quẽnaro ã yirotire tuditũoĩacõari, variquẽnarũgũaja yua. Maioro bajirã yua ñaboajaquẽne, Dios ocare masare yua gotimasiose sũorine, Dios ye quẽnamasuse bũjaama ãna. “Ñie mana ñaama Pablo mesa” masa yuare ãna yigotiboajaquẽne, Dios ye quẽnamasuse ã ujose jediro sũorã ñaja yua.

¹¹ Corinto macana, yuare ajiya. Yua tuoĩase cõro mũare gotijeoaja yua, mũare bũto mairã ñari. ¹² Quẽnaro gãmerã maire ti manijama, yua sũori me bajiroja. Mũare bũto yua maiboajaquẽne, mũajuama, yuare maimenaja. ¹³ Jacũ ã rãre maigũ ã ñagõore bajiro mũare ñagõaja yu. Mũare yu maiore bajirone yure maiña mũa quẽne.

“Mani uũju Dios ã ñajare, Cristore ajitirũnũmena rãca baba cãtibetiroti ñaja manire”, yire queti

¹⁴ Cristore ajitirũnũmena rãca baba cãtibesa mũa. Dios ã bojase yirã, Dios ã bojabeti yirã rãca ãna baba cãtijama, ¿no bajiro ãna yisere ãvariquẽnaguĩda Dios? Bususere bajiro me bajaiaja rẽtiase. Busuroju rẽtiabeaja. Rẽtiaroju, busubeaja. Tire bajirone bajiroti ñaja Cristore ajitirũnrãre quẽne. Cristore ajitirũnũmena rãca baba cãtibetiroti ñaja. ¹⁵ “Ado bajiro yiroti ñaja” Cristo ã yijama, ãre ajicõari, ¿“Mũ gotirore bajirone tuoĩaja yu quẽne”, yicãdiguida Satanás? Sũgũre bajiro tuoĩarã me ñaama. To bajiro bajaiaja manĩ Cristore ajitirũnrã quẽne. ãre ajimena ãna tuoĩarore bajiro tuoĩabeaja manĩ. ¹⁶ Dios yarã ñaja manĩ, ãre ajitirũnrã. To bajirone gotiaja Dios ocare masa ãna ucamasire. Ado bajiro gotiaja ti: “Yu yarã uũju ñarũgũrũcãja yu. No bojaro ãna ñaroju ãna rãca ñarũgũrũcãja. ãna rãcãbũogũ ñarũcãja yu. To bajicõari, yu yarã ñarũarãma ãna”, yigotiaja Dios ocare masa ãna ucamasire.

To bajiri, Dios yarã ñaboarine, ¿ãna masu ãna quẽnorũjeoriarãre rãcãbũorã rãca baba cãtirãda manĩ?

¹⁷ ãna rãca baba cãtibetiroti ti ñajare, gajeye Dios ocare masa ãna ucamasiriarore bajiro yiroti ñaja mũare. Ado bajiro gotiaja ti, manĩ uju ã gotimasire:

“Yure ajimenare cãmotadiya mũa. ‘Dios ã bojabeti yirobe’ yirã, ãnare baba cãtibesa. To bajiro mũa yijama, yu yarã ñarũarãja mũa”, yigotiami manĩ uju.

¹⁸ “Mũa jacũ ñarũcãja yu. To bajicõari, yu rã ñarũarãja mũa”, yigotiaja Dios ocare masa ãna ucamasire, masijeogu manĩ uju ã ñagõre.

7

¹ Dios ã gotimasire to bajiro manire ti gotijare, ã bojarore bajiro jediro rojose manĩ yise yitũjacõari, ãre rãcãbũorã ñari, ã bojase rãne yito manĩ, “Rojose mana ñato” yirã.

Corinto macana, rojosere yitũjacõari, quẽnasejuare ãna yire

² Quẽna ado bajise mũare gotiaja yua: Yuare maiña mũa. Ñimũjuare rojose yibeticãju yua. Ñimũjuare rojose yirobeticãju. Ñimũjuare yitobeticãju yua, “Yuã masurio quẽnase bũjarãsa” yirã. ³ Tire mũare yua gotijama, “Pablo mesare ñagõmacarã, rojose yiyuja manĩ” mũa yirotire yirã me yaja. “Ñie rojose yibeticãma Pablo mesa” mũa yirotijũare

yirã yaja yua. Jẽju yua gotirote bajirone mũare tudigotiaja yua: Buto mũare maiaja yua. Mũa bajireacoajaquẽne, mũa caticõajaquẽne, mũare maitajabetiruarãja yua. ⁴ “Quẽnaro yirã ñaama Corinto macana; yua gotirote bajirone cãdiruarãma” mũare yitũoĩacõari, rojose tãmũorã ñaboarine, buto variquẽnaja yua.

⁵ “Macedonia sitaju ejacõari, rojose tãmũomenaja mani”, yitũoĩaboacaju yua. Adoju quẽne buto rojose tãmũocaju. Yũare ãatecõari, tud'irũgũcama. To bajiri, “¿Jesúre ajitirãnrã, ãre ajitirãnu tãjarãti?”, yitũoĩarejaicaju yua. ⁶ Dios ñaami tũoĩa sãtiritirãre, “Tũoĩa variquẽnato” yigu. To bajiri, tũoĩa sãtiritirã ñaboarine, Dios ã ejarẽmose rãca tũoĩavariquẽnamu yua. Tito ã ejase sũorine, “Tũoĩa variquẽnato”, yũare yiyumi Dios. ⁷ Tito ejasere variquẽnacõari, gajeyere quẽne variquẽnamu. Mũa bajisere ããvariquẽnare quetire ajicõari, variquẽnaja yua quẽne. Ado bajiro mũa bajisere yũare gotimi: “Buto mũare ãarũaama Corinto macana. ‘Rojose mani yicati sũorine buto sãtiritiyuju Pablo’ yire quetire ajicõari, buto sãtiritima. Mũre rãcũbũocõari, mũ ucacatore bajirone yima”, yũare yigotiejami Tito. To bajiro ã yisere ajicõari, butobusa variquẽnaja yua.

⁸ Tirũmũju papera mũare yũ ucacõaro bero, “Tire ãacõari, sãtiritiruarãma ãna. To bajiri cõabetiroti ñaboayuja”, yitũoĩa sãtiriticaju yũ maji. To bajiboarine, sãtiritibeaja yucũrema, “Yoaro me sãtiritiriarãma” mũare yimasigũ ñari. ⁹ “ ‘Sãtiritiato ãna’ yigu yiyuja yũ” yigu me, variquẽnaja yũ. “Sãtiriticõari, rojose ãna yicati yitũjacõari, quẽnase tũoĩañuma” yigu, variquẽnaja yũ. To bajiro mũa bajisere bojayumi Dios. To bajiri tirũmũju mũare yũ papera cõacati, mũare quẽnañuja ti. ¹⁰ Rojose yigure, “Rojose tãmũoato” yigu ñaami Dios. To bajiro ã yijama, “Rojose ã yisere yitũjacõari, yũũare ajitirãnuato” yigu, yiyumi. To bajiro ã bajijama, rojose ã tãmũoborotire ãre yirẽtobosarũcũmi Dios. Diore ajiterãjũama, rojose ãna yisere tũoĩa sãtiritibeama ãna. To bajiri, rojose tãmũotũjabetiriaroju varuarãma ãnama. ¹¹ Mũa rãca yũ ñaro, “Rojose mani yijama, mani yibetijaquẽne, no yibeaja”, yitũoĩaboacaju mũa maji. “Mani yisere ãvariquẽnabeami Dios”, yijũnisiniriarãja mũa. Dios mũare ããvariquẽnabetire tũoĩa gũiriarãja mũa. “Manire oca ñaja. Tire oca quẽnoroti ñaja”, yiyuja mũa. Dios ããvariquẽnasere bojarã ñari, yũ ucacõacatore bajiro yivariquẽnañuja mũa. Rojose yir'ire rojose ã yire vaja, rojose ãre yiyuja mũa. To bajiri, “Quẽnaro yiyuma ãna. Ñie rojose maja ãnare”, mũare yitũoĩaja yũ yuja. ¹² Tirũmũju mũare papera cõagũ, mũa rãcagu rojose yir'i, to yicõari rojose yiecor'ire quẽne buto tũoĩabeticaju yũ. Mũaũare quẽnaro tũoĩagũ ñari, mũare ucacõacaju yũ. “ ‘Pablõre rãcũbũorã ñari, ã rotirore bajiro yama ãna’ Dios ã yĩãmasisere tũoĩãmasiato” yigu, ucacaju yũ.

¹³ To bajiri quẽnaro mũa yirere tũoĩacõari, variquẽnaja yua. “Quẽnaro ãna yicãtũre ãacõari, yũ tũoĩarejaiboacãtũre tũoĩa tũjacõari, variquẽnacaju yũ”, yigotimi Tito. To bajiro ã yijare, butobusa mũare variquẽnaja yua. ¹⁴ Mũa tũju Titore yũ cõaroto rĩjoro, ado bajiro ãre yicãju yua: “ ãnare yũ ucacõasere quẽnaro cãdiruarãma Corinto macana”, ãre yicãju yua. ãre yũ goticatore bajirone quẽnaro cãdiyuja mũa. To bajiri, tire ajivariquẽnaja yua. ¹⁵ Mũa tũju ã ejaro, buto rãcũbũose rãca ãre mũa bocaãmirere, to yicõari, ãre quẽnaro mũa cãdirere tũoĩabũjacõari, butobusa mũare maiami Tito. ¹⁶ “Yũ rotise, josase ti ñaboajaquẽne, quẽnaro cãdiruarãma” mũare yitũoĩacõari, buto variquẽnaja yua.

8

“Maioro bajirãre variquẽnase rãca ejarẽmojama, quẽnaja”, yire

¹ Yũ mairã, gajeyere mũare gotigu yaja: Adoana, Macedonia sitanare, Cristore ajitirãnrãre, Dios, ãnare ãamaicõari, quẽnaro ã yise sũorine quẽnaro ãna yicati queti mũare gotigu yaja. ² Buto rojose tãmũoboarine, variquẽnase rãca Diore ajitirãnũcõa ñaama. To bajicõari, jairo gãjoa cũomena ñaboarine, gãjerãre ejarẽmoruarã, ãna cũose cõro juarẽoñuma. ³ ãna cũoro cõro ãsicama. Bajibeaja. “ ãsiecoruarãma ãna” yiboariaro rẽtobusaro ãsiecocama. ãacaju yũ, to bajiro ãna yiro. ⁴ ãnare yũ sãnibetiboajaquẽne, ado bajiro

yare yicama: “Jerusalén macana Cristore ajitirūnarā maioro bajirāre buto ejarēmorua ja yua. To bajiri adi gājoa yare juabosa vacōari, m̄ua ĩsijama, buto quēnarua roja”, yare yicama. ⁵ Yua t̄uoĩaboacato rētoro quēnaro, ado bajiro yicama: “M̄u bojarore bajiro yirua ja yua”, Diore ĩre yisēni gajanocōari, “Ī bojarore bajiro m̄uare c̄udiruarā ja”, yare yicama. ⁶ To bajiri, “Adoana Macedonia sitana ĩna juarēoriarore bajiro, m̄ua, Corinto macana quēne m̄ua yijama, quēnarua roja” yit̄uoĩacōari, m̄uare gājoa juarēorotis̄uor'ire Titore tudivarotia ja yua. “Toj̄u vacōari, gājoa ĩna juarēore juarēojeoba m̄u”, ĩre yaja yua. ⁷ Gājerā Cristore ajitirūnarā rētobusaro ĩre ajitirūnarā ñaja m̄ua. To bajiri ĩ ocare quēnarobusa gotimasia ja. To bajicōari, ĩna rētobusaro yare mairā ñari, ĩna rētobusaro Dios ĩ bojarore bajiro yare ejarēmo variquēnarā ñaja. To bajiri, maioro bajirāre quēne t̄uoĩamaicōari, gājerā ĩna cōase rētoro gājoa m̄ua cōajama, quēnarua roja.

⁸ To bajiro m̄uare yu yijama, rotiḡu me yaja yu. “Tire ajicōari, maioro bajirāre gājerā ĩna ejarēmo variquēnase rētoro ĩnare ejarēmo variquēnato mani” m̄ua yiret̄u bojaḡu, adi sitana quēnaro ĩna yicatire m̄uare gotib̄u yu. To bajiro m̄ua yijama, “Socarā mene maioro bajirāre mairā ñaja yua” yirā, yirā ja m̄ua. ⁹ Mani ɱj̄u, Jesucristo, ado bajiro quēnaro manire ĩ yire ñajare, “Quēnaro ĩnare ejarēmoto mani”, yit̄uoĩaroti ñaja m̄uare: Manire ĩamaicōari, ĩ rijabosarere masia ja m̄ua. Diorāca jediro c̄uoḡu ñaboarine, manire ĩamaiḡu ñari, adigodoj̄u vadicōari, maioro bajiḡu ñacoasuju ĩ. To bajiro bajiyuju, Diorāca quēnaro ñacōari, ñiejua manire r̄uyabet̄uotire yiḡu.

¹⁰ M̄uare rotibetiboarine, quēnaro m̄ua ñarotire bojaḡu ñari, yu t̄uoĩasere ado bajiro m̄uare gotiḡu yaja yu: R̄ijoroaga c̄umare quēne, variquēnase rāca ĩnare ejarēmorua t̄uoĩas̄uoyuja m̄ua. To yicōari, gājoa juarēos̄uoyuja m̄ua. ¹¹ To bajiri, “Maioro bajirāre mani ejarēmorua t̄uoĩavariquēnas̄uocatore bajirone juarēojeocōato mani”, yivariquēnañ̄a. ĩna ĩsiro cōrone juarēocōari, cōañ̄a. ¹² “Jairo mani ĩsibetijama, ĩavariquēnabec̄umi Dios”, yit̄uoĩabesa. Jairo c̄uorā, mojoroaca c̄uorā quēne, mani ĩsimasiro cōro mani ĩsivariquēnajama, manire ĩavariquēnaḡumi Dios.

¹³ “Maioro bajirāre ejarēmoñ̄a” yu yijama, “Cōajeocōañ̄a” yiḡu me yaja yu. “Maioro bajirāre gājoa cōajeocōari, maioro bajiya m̄ua” yiḡu me yaja. ¹⁴ “Cristore ajitirūnarā, nij̄uane maioro bajirā manicōato” yiḡu yaja. Adirūmarirema m̄ua ñaja jairo c̄uorā. To bajiri, “Maioro bajirā ñaama ĩna” yire quetire ajicōari, gājoa ĩnare m̄ua cōajama, quēnarua roja. To bajiri, ĩna quēne, maioro m̄ua bajise quetire ajicōari, m̄uare ejarēmoruarā ma. To bajiri ñiejua r̄uyabeto ja ĩnare, m̄uare quēne. To bajiro mani yijama, cojoro cōro c̄uorā ñaruarā ja mani jediro. ¹⁵ To bajiro mani yijama, Dios ocare masa ĩna ucamasire ti gotirote bajiro c̄udirā yiruarā ja mani. “To bajirone bajirua roja”, yucamasiñ̄umi Moisés, ĩsraelita masa ĩna juarēoro bero, cojoro cōro cōĩacōari, ĩna ĩsibatomasire ñajare. Ado bajiro gotia ja: “Jairo juarēoriarā ñaboarine, ĩna bojaro rētoro b̄ujabeticama ĩna. Gājerā ma, mojoroaca juarēoriarā ñaboarine, ĩna bojaro cōro b̄ujacama”, yigotia ja Dios ocare Moisés ĩ ucamasire.

“M̄ua t̄uñ̄u Tito mesare cōaḡu yaja”, Pablo ĩ yire queti

¹⁶ M̄uare t̄uoĩamaicōari, buto yu ejarēmorua ro cōro m̄uare ejarēmorua mi Tito quēne. “To bajiro t̄uoĩato ĩ” yiḡu, yiyumi Dios. To bajiro ĩ yijare, “Quēnaro yaja m̄u”, Diore ĩre yaja yu. ¹⁷ “Corinto macanare quēna m̄u ejarēmoḡu vajama, quēnarua roja” yua yisēnīasere ajicōari, buto variquēnami Tito. M̄uare buto ejarēmorua ḡu ñari, “Yure m̄ua sēnīaroto r̄ijoroj̄u ne, yu masu yu t̄uoĩase rāca, ‘Yuc̄ane varuc̄u ja’ yit̄uoĩam̄u yu”, yare yimi.

¹⁸ Tito rāca varoc̄u re, yua maiḡu re cōaja yua. ĩ ñaami, manire bajirone Cristore ajitirūnaḡu. ĩre ajitirūnarā jediro, “Cristo oca quēnasere quēnaro gotirētobumasiḡu”, ĩna yir̄uc̄ub̄uoḡu ñaami. ¹⁹ Cristo ocare quēnaro gotirētobuḡu r̄i me ñaami. Adoana, Macedonia sitana, Cristore ajitirūnucōari rējarūḡurā, “Gājoa manire juabosarā re ejarēmoruc̄umi” yirā, ĩna besecac̄u quēne ñaami. Ti gājoa, maioro bajirāre yua ĩsiroti s̄uorine, “Maioro bajirāre quēnaro ejarēmo variquēnarā ñaama, Cristore ajitirūnarā”, yit̄uoĩaruarā ma masa.

To yicōari, mani ɯɟu Jesucristore r̄uc̄uɓuɔɟar̄ama. ²⁰ “Pablo mesa ñna masune ñna yireajare, ḡajoa ejabetoja” ñna yigōjarotire bojamena ñari, ɯɟare baba c̄utiroc̄are ñre bojacajɯ ɯɟa quēne. ²¹ “Quēnaro yama” Dios ñ yīɯavariquēnase r̄i mere bojaja ɯɟa. Masa quēne, to bajise ñna yīɯavariquēnasere bojaja.

²² To bajiri, ḡajire cōaja ɯɟa, Tito mesa r̄aca. Cristore ajitir̄anuḡu ñari, mani ɯɟ ñaami ñ quēne. ñre ñamasir̄a ñari, “Quēnaro yiḡu ñaami”, ñre yimasiaja ɯɟa. Cojoi r̄uyabeto quēnaro ejar̄emo variquēnar̄uḡuami. To bajicōari, “Corinto macana quēnaro c̄udiana ñna” Tito ñ yisere ajicōari, ɓutobusa m̄uare ejar̄emor̄uami. ²³ To bajiri Tito, to yicōari, ñ babar̄a j̄uar̄a ñaama, m̄ua t̄ujɯ ɯɟa cōar̄a. J̄ere Titore ñre masir̄aja m̄ua. ñ ñaami ɯɟ baba, “Cristore quēnaro ajitir̄an̄uato” m̄uare yiḡu, ɯɟ r̄aca moar̄uḡuḡu. Ḡajer̄a j̄uar̄a, Titore baba c̄uti vana, Jesucristore ajitir̄an̄ar̄a ñari, mani yar̄a ñaama ñna quēne. “Quēnaro yir̄a ñaama” adi macariana ñna yīar̄a, m̄ua t̄ujɯ ñna cōar̄a ñaama. Quēnaro ñna yise s̄uorine Cristore quēnabusaro r̄uc̄uɓuɔama masa, adi macariana. ²⁴ M̄ua t̄ujɯ ñna ejaro, quēnaro ñnare yiba. “Cristore ajitir̄an̄ar̄e ñamair̄a ñaama Corinto macana” yaja ɯɟa, adi macarianare Tito mesare cōar̄are. To bajiri ñnare quēnaro m̄ua yijama, “Riojo yama Pablo mesa”, yiḡuar̄ama ñna.

9

Cristore ajitir̄an̄ar̄e maioro bajir̄are ejar̄emore queti

¹⁻² “Cristore ajitir̄an̄ar̄e maioro bajir̄are ejar̄emor̄a, ḡajoa juar̄eocōari mani cōajama, quēnar̄aroja”, yit̄uoiar̄a ñaja m̄ua. To bajiri, m̄ua cōarūa t̄uoiase quetire masiḡu ñari, “To bajiro m̄ua yijama, quēnar̄aroja”, m̄uare yucabetiroti ñaboaja. Adoana, Macedonia sitanare, ado bajiro ñnare goticajɯ ɯɟ: “Acaya sitana, Corinto macana, mani mair̄a, j̄ere ñ c̄ama ‘To bajiro yiroti ñaja’ yis̄uoyujar̄a”, ñnare yicajɯ ɯɟ, m̄uare. Tire ajicōari, “Mani quēne to bajirone yiroti ñaja” yit̄uoiacōari, j̄ajar̄a ḡajoa ñsicama. ³ To bajiro yis̄uoriar̄a m̄ua ñaboajaquēne, ɯɟ varoto r̄ijoro Tito mesare cōaja ɯɟ. “Ḡajoa juar̄eocōari, ɯɟre yuato” yiḡu, ñnare cōaja ɯɟ. Adoanare gotir̄a, “ɯɟ ejaroto r̄ijoro ḡajoa juar̄eocōari, ɯɟuar̄ama”, yaja ɯɟa, m̄uare. To bajiri m̄ua t̄ujɯ ɯɟ ejaro, “Ḡajoa juar̄eojobeaja maji” m̄ua yisere ajir̄uabeaja ɯɟ. Adoanare ñnare ɯɟ gotirore bajiro m̄ua bajirotire bojaja. ⁴ Adoana Macedonia sitana s̄iḡuri ɯɟre ñna baba c̄uti vajama, ḡajoa manone m̄uare ñna ñarotire bojabeaja. “Corinto macanare quēnaro masiaja. ɯɟa ejaroto r̄ijoroȳne, ḡajoa juar̄eojecōar̄uar̄ama ñna”, yaja ɯɟa, adoanare gotir̄a. To bajiri, m̄ua c̄uo yubetijama, bojoner̄uar̄aja ɯɟa. M̄ua quēne, bojoner̄uar̄aja. ⁵ Mani bojonerotire bojabecu ñari, ɯɟ varoto r̄ijoro, Tito mesare m̄ua t̄ujɯ ñna vasere bojaja. “Ñsir̄uar̄aja” m̄ua yigotiriarore bajirone m̄ua ñsirotire yir̄a, m̄uare ejar̄emor̄uar̄ama ñna. To bajiri ɯɟ ejarone, ñsicōar̄uar̄aja m̄ua. To bajiro m̄ua yijama, “Pablo, ejacōari, ñnare ñ ñsirotijare, ñsiter̄a ñaboarine, ñsiñujar̄a”, yire manir̄aroja. “Pablo ñ ñsirotibetiboajaquēne, ñna masune maioro bajir̄are t̄uoiamaicōari, ñsivariquēnañujar̄a”, yirejua ñnar̄aroja.

⁶ Ḡajoa ñsiroana, gotimasiore quetire masiritibeja: “Oterimas̄u, mojoroaca ñ otejama, mojoroaca ti ricare ɓjar̄uc̄umi. Jairo oteɟuma, jairo ɓjar̄uc̄umi”.^b ⁷ To bajiri toc̄ar̄ac̄u, “Ado cōro ñsir̄uc̄uja ɯɟ” m̄ua yit̄uoiaro cōro m̄ua ñsijama, quēnar̄aroja. Ḡajoa maiboarine, m̄ua ñsijama, quēnabetoja. M̄ua ñsiteboajaquēne, ḡaji ñ ñsirotijare, m̄ua ñsijama, quēnabetoja. M̄ua masune ñsir̄uar̄a, m̄ua ñsijama, quēnar̄aroja. ñsivariquēnar̄are ñamaiami Dios. ⁸ To bajiro m̄ua yisere ñacōari, quēnaro m̄uare yir̄uc̄umi Dios. M̄ua bojaro r̄etobusaro cōar̄emor̄uc̄umi. To bajiro manire yami, “Ḡajer̄are ejar̄emor̄a, ñajediro quēnaro ñna yiro bero, ñiejua r̄uyabeticōato” yiḡu. ⁹ “To bajiro quēnaro mani yisere bojaami Dios”, yimasiaja mani, Dios ocare masa ñna ucamasire quēnaro yigure ado bajiro ti gotijare:

^b 9:6 Ado bajiro manire gotimasioro yaja ti queti: Ḡajer̄are ejar̄emor̄a, ñsiter̄a ñari, mojoroaca mani ñsijama, Dios ye quēnamasuse, mojoroaca manire ɓjor̄uc̄umi. ñsivariquēnar̄a ñari jairo mani ñsijama, jairo quēnamasuse manire ɓjor̄uc̄umi.

“Maioro bajirãre jairo ïsirũgũami. To bajiro quẽnaro ï yirũgũsere masiritibeticõari, quẽnaro ïre yirũcũmi Dios”, yigotiaja Dios ocare masa ïna ucamasire.

¹⁰ Dios ñaami “Ote aje cõoato” yigũ, manire cõagũ. Ti ote aje sũorine bare rĩ mere bajaja mani. Quẽna gajeye ote aje mani oterotire quẽne bajaja mani. Tire bajiro bajiaja Dios quẽnaro manire ï yise. “Ado bajiro bajiato” yigũ, quẽnaro manire yami: Quẽnaro manire ï yise sũorine, cojoji me quẽnaro yaja mani. Quẽna gajerãmurema gãjerãre quẽnaro yimasiaja mani. Gãjerã quẽne, quẽnaro mani yirã, gãjerãre quẽnaro yimasiaja ïna quẽne. “To bajiro bajiato” yigũ, quẽnaro manire yami Dios. ¹¹ Jairo mũare ïsirũgũrũcũmi Dios, “Maioro bajirãre ejarẽmoato” yigũ. To bajiro mũa yijama, “Quẽnaro yaja mũ”, Diore ïre yirũarãma jãjarã masa. To bajirone yirũarãma Jerusalén macana Cristore ajitirũnrã quẽne. Gãjoa mũa juarẽorere yũ juaejasere ïacõari, “Quẽnaro yaja mũ”, Diore ïre yirũarãma ïna. ¹² To bajiri, gãjerã Cristore ajitirũnrã, maioro bajirãre gãjoa mũa cõaroti, ïna rĩ mere quẽnarũaroja. Tire ïacõari, “Quẽnaro yaja mũ” ïre ïna yiroti ti ñajare, Diore quẽne quẽnarũaroja. ¹³ Gãjoa ïnare mũa cõasere ïacõari, “Cristore ajitirũnrã masu ñarãma Corinto macana. Manire ejarẽmocõari, gãjerãre quẽne ejarẽmoama” mũare yitũoïacõari, variquẽnase rãca Diore rũcũbũorũarãma ïna. ¹⁴ “Manire ïna ejarẽmose Dios sũorine bajiaja” mũare yitũoïamaicõari, Diore bũto mũare sãnibosarũarãma ïna. ¹⁵ “Quẽnaro yaja mũ”, Diore ïre yiroti ñaja manire. Quẽnamasusere manire yibosayumi Dios. Rojose mani yise vajare “Yirẽtobosato” yigũ, ï macare cõañumi.

10

“Dios yũre ï rotise rãca gotimasioaja yũ”, Pablo ï yire queti

¹ Yũ, Pablo, ado bajise gotigu yaja, sĩgũri yũre ñagõmacarãre: Quẽnabeti masa ïna yiboajaquẽne, ïnare ïamaicõari, quẽnaro ejarẽmorũgũñuju Cristo, “Rojose yitũajacõari, quẽnasejũa tũoïato” yigũ, ïre bajiro mũare ejarẽmorũaja yũ quẽne. “Mani rãca ï ñajama, bojonegũre bajiro manire gotiami Pablo. Sõjũ ñacõari, manire ï ucacõajama, tud'igure bajiro gotirũgũgũmi”, yiyuja mũa. ² Rojose yirãre tud'igure bajiro gotigu ñaboarine, mũa tũjũ ejacõari, tud'igure bajiro gotirũabeaja. To bajiri yũre mũa ñagõmacasere yitũajacõaña, “Mani tũjũ ejacõari, tud'igure bajiro gotiromi” yirã. To bajiro mũa yiboajaquẽne, sĩgũri, adigodoaye rĩne tũoïarã, “Ïna masu ïna bojarore bajiro yirã ñaama Pablo mesa” yũare yĩñagõmacarãre tud'igure bajiro gotiroti ñaja. ³ Adigodoaye rĩne tũoïarã rãca ñaboarine, yũa masu yũa bojarore bajiro yirã me ñaja yũa. ⁴ Yũa masise adigodoaye me ñaja. Dios ï masise rãca yũa gotijama, yũare ïna ñagõjaiboajaquẽne, ïnare gotirẽtobumasiaja yũa. ⁵ Cristo ocare ajiterã, “Masirã ñaja yũa” yivariquẽnarãre Diore sãnibosaja yũa, “ ‘Riojo me tũoïañuja yũa’ yato” yirã. No bojasene gãjerã ïna tũoïase, Cristo ï bojabeti ti ñajama, tire yitũajacõari, “Cristo ï bojarore bajiro rĩne tũoïato” yirã, Diore sãnija yũa. ⁶ To bajiro mũare sãnibosaja yũa. Mũa rãcana yũare bajiro tũoïamenare rojose ïna yise vaja rojose ïnare yirũgũrũarãja yũa, “Mũa jediro Cristo ï bojarore bajiro yũare cũdirũa tũoïato” yirã.

⁷ “To bajigu ñaami” yũre yĩlãmasirã ñaboarine, yũ tũoïasejũarema masibeaja mũa. Gãji, “Cristore ajitirũnrũgũ ñaja” yigũ ï ñajama, Cristo yarã yũa ñasere quẽne masirocũ ñaami. ⁸ “Cristore gotirẽtobosarimasũ ñari, mũare rotimasiaja yũ” yũ yigotijare, “To bajiro ï yijama, ‘Ñamasugũ ñaja yũma’ manire yigũ yami”, yitũoïaboarãja mũa. To bajiro mũa yiboajaquẽne, Cristo, to bajiro yirocũre yũre ï cõacati ñajare, bojonebecũne tire gotiaja yũ. Mani cũjũ, “Yũ yere ajicõari, sũtiritiatio” yigũ me, yũre cõacami. “Tire ajivariquẽnato” yigũjũa, yũre cõacami. ⁹ “Ï ucacõase rãca yũare tud'igure bajiro yũare gotirũgũami Pablo” mũa yitũoïaboasere bojabeaja yũ. ¹⁰ Ado bajise yirã, tire bajiro yũre tũoïaboarãja mũa sĩgũri: “Sõjũ ñacõari, papera rãca goticõajama, tud'igure bajiro manire gotiami Pablo. Mani rãca ï ñajama, bojonegũre bajiro manire gotiami. Ñie vaja maja mani rãca ñagũ, ï ñagõse”, yũre yitũoïaboarãja mũa. ¹¹ To bajiro yũre mũa yiboajaquẽne, to bajiro bajigu

me ñaja yu. Tud'igure bajiro gotiroti ti ñajama, yu ucacõase rãca yu gotimasirore bajirone gotimasiaja yu, masa tu yu ñajaquẽne.

¹² Mña rãcana sīgūri, ña tuoĩa gotirore bajiro yibeaja yuama. Ado bajiro tuoĩacõari, gotirãma ña: “¿Ñimũ ñati mani vatoaju butobusa tuoĩagũ? Yu ñaja butobusa tuoĩagũ” gãmerã yĩñagõrãma ña. “Gãjerã rëtoro masirã ñaja mani”, yituoĩarãma ña. Tuoĩamasimena ñarãma ña ùnama. Ñare bajiro yibeaja yuama. ¹³ Yu masune tuoĩarujeocõari, gotibeaja yuama. “Ado bajiro bajirã ñaja yu” mñare yu gotijama, Dios, yuare ñ rotire ñajare, to bajise mñare yaja. To bajiri, “Corinto macanare quẽne yu ocare gotimasiocõari mña”, yuare yiroticõañumi. ¹⁴ To bajiri, Dios, yuare ñ rotijare, gãjerã rĩjoro vacõari, Cristo ñ rijabosare suorine quẽnaro Dios ñ yisere mñare gotimasiocaju yu. ¹⁵ Gãjerã ña gotimasiocõari ñacõari, “Yuare gotimasiocõari suorine Cristore quẽnaro ajitirũnũrã ñaama”, yibeaja yuama. Yuare masu yu moare rĩne mñare gotiaja yu. Quẽnarobusa Cristore mña ajitirũnũrotire bojarã ñari, butobusa mñare gotimasiocõari, ejarẽmoruaja yu, Dios yuare ñ gotiroticõariarore bajirone yirã. ¹⁶ “Cristore quẽnaro ajitirũnũrã ñaama” mñare yimasicõari rĩne, Dios ñ bojarore bajiro gajeroju ñarãre ñ yere masimenare gotimasiocõari. To bajiro yuare yijama, gãjerã ña gotimasiocõariarõre, “Yuare gotimasiocõari ñaama ñnoa” yigotirũamena ñari, gotiecomenare gotirã varũaja.

¹⁷ Ado bajiro gotiaja Dios ocare masa ña ucamasire: “Ñamasurã ña bajisere mña gotivariquẽnarũajama, Cristo ñ bajisejuare gotivariquẽnaña. Ñe ñaami ñamasugũ”, yigotiaja Dios ocare masa ña ucamasire. ¹⁸ Ado bajiro ti bajijare, to bajiro gotiaja Dios ocare masa ña ucamasire: Gãji ñ tuoĩarore bajiro yigu, “Quẽnaro yigu ñaja yu” ñ yiboase, vaja maja ti. Ñ ùgãrema “Quẽnaro yigu ñaami”, ñre yivariquẽnabeami Dios. “Quẽnaro yicaju mña” ñ yirãju ñaama, quẽnaro yirã.

11

“Socase gotimasiocõari, Dios ñ gotiroticõariarõre me ñaama”, Pablo ñ yire queti

¹ Tuoĩamasibecõari bajiro yu gotiroti ti ñaboajaquẽne, mña ajisere bojaja yu. ² Diore bajiro buto mñare tuoĩamaiaja yu. Ado bajiro bajiaja: Rõmio, ùmña rãca ñaĩabeco so manaju ñarocũ rĩrene tuoĩagõmo. Sore bajiro yirã mani quẽne, Cristo rĩrene ajitirũnũaja mani. Yu ñaja “Cristore ajitirũnũato” yigu, mñare gotimasiocõari. To bajiri, Dios mñare ñ maiore bajiro buto mñare maiaja yu quẽne. To bajiri, “Ñnoa ñaama yu gotimasiocõari suorine mñare ajitirũnũrã” Cristore ñre yu yĩloroto rĩjoro, “Ñre ajitirũnũ tũjacõari, gãjerãjuare ajitirũnũroma” yigu, quẽnaro mñare ñatirũnũrũgũaja yu. ³ Tirũmũju vãtia ùju, Eva ñamasirore quẽnase sore yitomasinũju. To bajirone bajirãma gãjerã, socase oca gotimasiocõari. Ña gotimasiocõari suorine mñare yitogũmi. “Vãtia ùju quẽnaro ñ yitosere ajitirũnũcõari, Cristo yejuare ajitirũnũ tũjarãma”, mñare yituoĩarejaiaja yu. ⁴ Gãjerã mña tũju ejacõari, “Jesucristo, ado bajiro bajigu masu ñagũmi” ña yisocasere ajicõari, “To bajirone bajigu ñagũmi” ñare yicõari, ajitirũnũ variquẽnarãja mña. To bajiro mña yijama, Esp'iritu Santo mere ajitirũnũrã yirãja mña. To yicõari, Cristo ocare, yuare gotimasiocõari mere, ricati gotimasiocõari suorine ajitirũnũrã yirãja mña. To bajiro ña yisejuare mña ajitirũnũajama, quẽnabetoia. ⁵ “Dios ñ cõariarã gãjerã rëtoro masirã ñaja yu”, mñare yisocarãma ña. Dios ñ cõar'i, ñare bajiro socagu me ñaja yu. “Yuare rëtoro masirã me ñarãma ña”, yituoĩaja yu. ⁶ Ña gotimasiocõari bajiro yimasibetiboarine, Dios ocare quẽnaro masigũ ñaja yuama. To bajiri, ñ ocare quẽnaro mñare gotirẽtoburũgũcaju yu. Cojoi me yure ajicana ñari, “Dios ocare quẽnaro masiami Pablo”, yure yimasirãja mña.

⁷ ¿Mña tu ñagũju, “Ñamasurã ñaja yu” yirãre bajiro yirocũ ñaboayujari, yure? ¿Cristo ocare quẽnase mñare gotimasiocõari, vaja sãnirocũ ñaboayujari? Bajibeaja. “Ñamasugũ me ñaja” yigure bajiro bajirũgũcaju yu, “Yuare tuoĩamenane, Dios oca rĩne ajitirũnũcõari, ñ yarã, ñamasurã ñato” yigu. ⁸ Gajeroana Cristore ajitirũnũrã gãjoa yure ñsicama ña, “Corinto

maca tujm ñacõari, ñnare gotimasioato” yirã. Yure mua ñsiroti ñaboacati, ñnajuã, yure ñsicama. ⁹ Mua tujm yu ñajajuẽne, gãjoa magũ ñaboarine, “Yure ejarẽmoña”, mware yibeticajm yu. Macedonia vadiriarã Cristore ajitirũnarã ejacõari, yu bojaro cõro yure ñsicama. Gãjoa mware sãnibetirũgũcãjm yu. Bero quẽne sãnibetirũgũrũcãjm. ¹⁰ Cristore ajitirũnũgũ ñari, riojo ñ gotirote bajiro, ado bajiro mware gotiaja yu: “Gãjoa sãnibecũne, Dios ocare gotimasiorũgũaja”, yivariquẽna tujabetirũcãjm yu. Mua, Acaya sitana jediro, “Dios ocare ñ gotimasiose vaja, vaja sãnibetirũgũami Pablo”, yimasirũarãja mua. ¹¹ Mware buto maigũ ñari, to bajise mware gotiaja yu. “Ñnare buto maiami Pablo”, yure yimasigũmi Dios quẽne. ¹² “Pablõre bajiro Dios ñ cõariarã ñaja yua quẽne” yisocarã, mware ñna gotimasiose vaja, vaja sãnirũgũñujarã ñna. To bajiri, “ ‘Pablõre bajiro vaja sãnija yua’ yimasibeticõato ñna” yigũ, mware vaja sãnibetirũcãjm yu. ¹³ Socase gotimasiorimasa, Dios ñ cõariarã me ñnarãma. ¹⁴ Ñnare bajiro bajirũgũama Dios ocare ajiterã. Vãtia mũju Satanás quẽne, cojojirema Dios tũagu ángel quẽnaro yigũre bajiro bajitorũgũami. ¹⁵ To bajiro bajigũ ñ ñajare, “Ñre cũdirã quẽne ñre bajiro bajirũgũama”, yimasiaja yu. “Quẽnase rĩne yirã ñnaama” ñnare mua yĩasere bojarã ñari, to bajiro bajirãma. To bajiro ñna yisere ñacõari, “Rojose tãmũorũgũrũarãja mua”, ñnare yirotirũcãmi Dios.

“Cristo ñ cõacã ñari, buto rojose tãmũoaja yu”, Pablo ñ yire

¹⁶ Ado bajise mware tudigotiaja yu: “Tũoĩamasibecũre bajiro gotiami Pablo” mua yitũoĩasere bojabeaja yu. To bajiboarine, to bajiro mua yitũoĩajama, tũoĩamasibecũre bajiro mware yu gotisere ajiya mua, yure mua ñarũcũbũorotire yirã. ¹⁷ Yucũne mware yu gotiroti mani mũju Jesucristo ñ gotirotise me ñaja. Yu masune yu bajisere mware gotiguagu yaja yu. ¹⁸ Mua rãcana, socase gotimasiorã, jãjarã adigodoaye rĩne tũoĩarãre bajiro gotirãma, ñnare mua ajirũcũbũorotire yirã. To bajiri “Yu quẽne, ñna gotirote bajiro gotivariquẽnarũcãjm” yitũoĩacõari, mojoroaca mware gotirũcãjm yu, “Yure ajirũcũbũoato ñna” yigũ. ¹⁹ Mũajuama, “Masirã ñaja yua”, yiboarãja, tũoĩamasimena ñna gotisere ajisũyarã ñari. ²⁰ Ñna rotiajerãre bajiro bajirã ñaboarine, ñnare ajiquejemenaja mua. “Ñna sũorine gãjoa bũjarãsa mani” yirã, mware ñna yitosere ajiquejemenaja. “Yũnare ñarũcũbũoya” yirãre bajiro ñna bajirũgũsere ñaquejemenaja. “Ajirũcũbũobeaja mua” yirã, mware ñna jaboajaquẽne, ñnare ajiquejemenaja mua. ²¹ Yũjuama, mua tujm ñagũ, “Ñnamasugũ me ñaja yu” yigũre bajiro yu bajijare, yure ajirũcũbũomenaja mua. Mware ñna yirore bajiro yu yijama, “Rojose yigũ yaja yu” yitũoĩacõari, bojonebogũja yuama.

To bajiboarine, “Ado bajiro bajirã yua ñajare, yũnare ajirũcũbũoya” mware ñna yise ñajare, yu quẽne, tũoĩamasibecũre bajiro mware gotirũcãjm yu. ²² “Hebreo oca ñagõrã ñari, ñnamasurã ñaja yua”, mware yiyujarã ñna. Yu quẽne, Hebreo oca ñagõgũ ñaja yu. “Yua, israelita masa, gãjerã rẽtoro Diore masirã ñaja yua”, yiyujarã ñna. Yu quẽne, israelita masũ ñaja yu. “ ‘Quẽnaro mware yirũcãjm’ Dios ñ yimasir'i, Abraham ñnamasir'i jãnerabatia ñaja yua”, yiyujarã ñna. Yu quẽne, Abraham ñnamasir'i jãnami ñaja yu. ²³ “Cristo ñ cõariarã ñre moabosarã ñaja yua”, mware yiyujarã ñna. To bajiro ñna yire ñajare, “Ñna rẽtobũsaro Cristore moabosagu ñaja”, mware yaja yu. Tũoĩamasibecũre bajiro mware goticõa ñaja yu. Ado bajiro ti bajijare, “Ñna rẽtobũsaro ñre moabosagu ñaja”, mware yaja yu: Cojoji me buto ñre yu moabosajare, tubiberiavijũ yure tubibecama masa. Cojoji me yure buto bajecama. Cojoji me yure sũarũaboacama. ²⁴ Cojomocãrãcãjm yure ñiacõari, buto rojose yirãre ñna bajarore bajiro yure bajecama masa. Tocãrãcãjine treinta y nueve ñarijiri yure bajecama. ²⁵ Idiaji yure ñiacõari, yucũne buto yure jacama ñna. Yure sũarũarã, cojoji gũtane buto yure reaejoberacama. Idiaji moa riagare yu vaboacati cũmuari rujacãjm. Cojoji cũmua rujacõari, mũmua ñnarũmũ cũti, quẽna ñnãmi quẽne, ñna ñnãmi cũtibusuocãjm yu, moa riagãjm. ²⁶ Cojoji me Dios ocare gotimasioagũ, sõju josari vacudirũgũcãjm yu. Riaga gũiorõjm vacãjm. Juarudirimasa gũiorõjm vacãjm. Cojo macana me yu yarã rojose yicama. To bajicõari, gãjerã masa vatoajũ gũiorõjm vacãjm. Jairimaca ñagũ, masa ñna ñabetojm quẽne,

güioroju vacaju. Moa riaga güioroju quëne vacaju. “Cristore ajitirãnurã ñaja yu” yitocõari, rojose yure yirnarã vatoaju vacaju yu. ²⁷ Buto josari moadicaju yu. Cojosi me cânibecne moabusuoarügũcaju yu. Cojosi me bare babecu, ocore quëne idibecu, tãmũorügũcaju. Cojosi me ñiorijarügũcaju yu. To bajicõari, buto usarügũcaju, sudi yure ti manijare.

²⁸ Yu rujaye rĩ me rojose tãmũorügũaja yu. Tocãrãcarãmune Cristore ajitirãnurã, cojo macana me yu gotimasiocana, quënarobusa ãre ãna ajitirãnurũtuatire bojagu ñari, ãnare buto tũoĩarejairügũaja yu. ²⁹ Cristore ajitirãnurã ñaboarine, rojose yicõari, sutiritirãre, yu bñajajama, yu quëne, ãna rãca sutiritiaja. Cristore ajitirãnurãre gãjerã ãnare rojose ãna ãmato yijama, ãnare buto jũnisiniaja yu. ³⁰ Yu bajicatire yu gotijama, “Masigũ me ñaami’ yure yimasianto” yigu, yu bajicatire mũare gotivariquënjaja yu. ³¹ Tire mũare yu gotivariquënasere, “Riojo gotiami Pablo”, yure yimasigãmi mani mũ Jesucristo jacu, Dios. Ñaami “Ñajediro rëtoro masigũ ñaja mu” mani yirũcũbũorügũrocu. ³² Tirãmũju Damasco vãme cũi macaju yu ñarone, “Pablõre ñiacõari, tubiberotirũcũja” yigu, ti maca matariacũni ñarisojeriju surara mesare cũñumi, ti maca mũ, Areta vãme cũifigure rotibosacacu. ³³ Yure tubiberũaboarine, yure ñiamasibeticami. Ti maca matariacũni vecaju ñariviju, jĩbu jairibũne sãcõari, sojeacaju yure rujiocama ãna, yure ejarẽmorimasa. To bajiro yure ãna ejarẽmojare, rudicaju yu.

12

Dios ã ñaroju Pablo ã cãjiriare queti

¹ “Ado bajiro bajigu ñari, ñamasugũ ñaja yu’ ãnare yu yĩnãgõjama, ñie vaja manoja ti” yitũoĩagũ ñaboarine, mũa bojarore bajiro gajeye mũare gotirẽmorũcũja. Yu cãjiriaroju mani mũ yure ã ãocatire, to yicõari, yure ã gotimasiocatire quëne mũare gotirũcũja yu. ²⁻³ Tirãmũju, jũãmo cõro jedi, cojo gũbo babari jënituario ñaricũmari rĩjoroju, õ vecaju ã ñaroju yure ãmiejarimi Dios. “To bajiro yure ãmimũjarimi”, yimasibeaja yu, bajigũjama. Yu rujare ã ãmimũjabetijama, yu usũjuare ãmimũjarimi. Dios sigũne masiami tire. ⁴ “To bajiro yure ãmiejarimi” yimasibecu ñaboarine, “Ejacaju”, yimasiaja. Mani mũ ã ñaro, quënarigodo ñacaju. Toju ñagũ, masa ãna masibeticatire ajicaju. Ñ goticati, masare ã gotirotise me ñacaju. ⁵ “Masigũ ñaja yu” yigotivariquënãgũ yu ñajama, to bajiro Dios yure ã yicatire mũare gotibogũja yu. To bajiboarine, “Masibecu ñaja yu” gãjerãre yu yiajiose queti rĩne gotivariquënjaja yu. ⁶ “Yure rũcũbũoato” yigu, gajeye quënarõ Dios yure ã yicati mũare yu gotirẽmorũajama, socu mene yigũja yu. Tũoĩamasibecũre bajiro gotigu me yigũja. To bajiboarine, tire ãbeticaju mũa. To bajiri, “Riojo gotiami Pablo”, yimasimenaja. Yu gotisere, to yicõari yu bajiñasere ãcõari, yure mũa rũcũbũosejuare bojaja. ⁷ Dios yure ã ãocati buto quënasẽ ñacaju. To bajiri, tire yure ãboarine, ãre yu ãocati ñajare, gãjerã rëtoro ñamasugũ yu ñatũoĩasere bojabecu ñari, vãti rojose yure ã yisere matabeticami. To bajiri josari jota judicõari, mani ñarore bajiro bajiaja ti, yure. ⁸ Rojose yu tãmũose, “Yure tũjato” yigu, idiaji Diore sãniboacaju yu. ⁹ To bajiro ãre yu sãniboajaquëne, ado bajiro yure cũdicami: “Catiobeaja yu. Yu yarã rojose ãna tãmũojama, butobusa yure sãnirügũama, ‘Yu bojasere yicõa ñarãsa’ yirã. To bajiro ãna yijama, ‘Rojose tãmũoboarine, ãnare yu ejarẽmojare, quënarõ yama’ yimasiamã masa”, yure yicami Dios. ¹⁰ To bajiri, “Cristore ajitirãnũgũ ñari, rojose tãmũoaja” yimasicõari, variquënjaja yu. Cojosi me rojose tãmũocaju yu. Cojosi me rojose yure yicoderügũama masa. Cojosi me yu bojase ruyarügũaja yure. To bajirivãme rojose tãmũogũ ñaboarine, ado bajise tũoĩã variquënarügũaja yu: “Rojose tãmũoboarine, yure ã ejarẽmoroti ti ñajare, ã bojarore bajiro yicõa ñarũcũja”, yitũoĩã variquënarügũaja yu.

Pablo, Corinto macanare ã tũoĩarejaire queti

¹¹ Yu bajisere gotigu tũoĩamasibecũre bajiro gotibu yu. “Quënarõ yigu ñaami Pablo” mũa yibetijare, yu masune to bajiro yibu yu. To bajiboarine, “Quënarõ yigu ñaami Pablo”, yiroti ñaboayuja mũare. Mũ tũju ñarã, Dios ã cõariarã ñaja ñamasurã yirã rëtoro ñamasugũ

ñaja yu. ¹² Rojose tãmooboarine, mua tujũ ñagũ, Dios ï masise rãca jairo ãaãamani muaire yĩorũgũcaju yu, “ ‘Dios ï cõar'i ñaami Pablo’ yũre yimasiato” yigu. ¹³ “Gajeroana Jesucristore ajitirũnrãrema quẽnabusaro yigumi Pablo”, ¿yitũoĩaboati mua? Cojoro cõrone muaire yirũgũaja yu. To bajiro yigu ñaboarine, gãjerã Jesucristore ajitirũnrãrema, “Yũre ejarẽmoña mua, ‘Ñamasiato’ yirã”, ñnare yicaju yu. Mũarema, to bajiro yibeticaju. To bajiro muaire yibeticõari, ñnare yu yirore bajiro muaire quẽne yiroti ñaboayuja ti, yũre. “To bajiro rojose muaire yu yisere masirioya”, ¿mũare yigũada yu? Yibecũja. To bajiro yu yibeticati, “Rojose me ñacaju”, yimasirãja mua.

¹⁴ Juaji mua tujũ ejacaju yu. To bajiri yucu yu vase rãca idiaji muaire ãagũ varucũja. Yu varoto rĩjoro, quẽnojeocõaja yu, jẽre. Mua tujũ ejacõari, “Yũre ejarẽmoña, yu ñamasirotire yirã” muaire yu yibeticatore bajiro yibetirucũja yu quẽna. Gãjoa mua yere bojabeaja yu. Yũre ãamaicõari, Dios ï bojarore bajiro mua yirotijũare bojaja yu. Yu rĩare bajiro bajiaja mua. Ñna rĩa me ñaama ñna jacũare ãatirũnrã. Jacũajũa ñaama ñna rĩare ãatirũnrã. To bajiri mua jacũare bajiro bajigu ñari, yũre mua ãatirũnrũsere bojabeaja yu. To bajiri, “Yũre ejarẽmoña yu ñamasirotire yirã”, muaire yibetirucũja. ¹⁵ Mũare bũto maigũ ñari, jediro yu cõose muaire ãsicõari, yu yimasiro cõro quẽnaro muaire yigũa tũoĩavariquẽnaja yu, “Cristore quẽnabusaro ajitirũnrũtuajaro” yigu. Bũto muaire yu maĩboajaquẽne, muaũama, yũre maĩbetibũsaja.

¹⁶ “ ‘Yũre ejarẽmoña, yu ñamasirotire yirã’ yibeticami Pablo”, yũre yitũoĩarãja mua. To bajiboarine, “Quẽnaro tũoĩagũ ñari, ‘Gãjoa bũjagũsa’ yigu, manire yitorimi”, ¿yũre yitũoĩaboati mua sũgũri? ¹⁷ “Manire ï queti cõariarã rãca manire yitorimi Pablo”, ¿yitũoĩaboati mua? Mũare yitobeticaju yu. ¹⁸ “Ñnare ãama” yigu, tirũmũju mua tujũ Titore cõacaju yu, gãji Cristore ajitirũnrũgũ mani maigũ rãca. “Manire yitorimi Tito”, ¿yitũoĩaboati mua? Yitobetirimi. “Quẽnaro yigu ñaami”, ãre yimasirãja mua. Yu tũoĩarore bajiro tũoĩacõari, mua rãca yu bajiñacatore bajiro bajiñarimi.

¹⁹ “Ñnare mani ãavariquẽnarotire yirã, manire goticõarãma Pablo mesa”, ¿yitũoĩaboati mua? To bajiro me bajiaja. Ado bajirojuã bajiaja: Cristore ajitirũnrã ñari, ï bojarore bajiro muaire goticõarã yaja yuã. Quẽnaro yũre ajiya yuã mairã. Jediro muaire yuã goticõase, “Cristore quẽnabusaro ajitirũnrũato” yirã, muaire goticõarã yaja yuã. ²⁰ Mũare yu ãacudigu vatirũmũ, quẽnaro yũre mua ñayusere bojaja yu. “Cojojirema quẽnaro ñayubetiborãma”, yitũoĩarejaiaja yu. Gãmerã oca josacõari, mua bajiñarore ejarũabeaja. Mua ñarõjũre ado bajiro mua gãmerã yise ñaroja: Gãmerã tud'ire, “Mani rẽtobũsaro quẽnaro ñaama” yũãjũnisinire, ñna ajibeto ñagõjaire, “Ñna rẽtoro ñamasurã ñaja yuã” yitũoĩare, tocãrãcũne ricati rĩne tũoĩacõari, ñna masurione ñna bojarore bajiro ñna yirũgũse quẽne ñaroja. To bajiro mua gãmerã yũñajama, tũoĩarejaiborãja mua, “Manire tud'igũagu yigumi” yirã. ²¹ Mua tujũ yu vacudiro rojose mua yicõa ñajama, Dios ï ñaro rĩjorojuã, “ ‘Yu gotimasiosere quẽnaro ajitirũnrũama ñna’ yimasibecũja”, yitũoĩarejaiaja yu. “Jãjarã mua rãcana gãmerã ajeriarã cõtĩcõa ñnare yu ãabujajama, bũto otigu yigũja yu”, yitũoĩarejaiaja. “Tũoĩarejaibeticõato” yirã, rojose mua yisere yitũjaya mua.

13

Pablo ï gotitũsare queti

¹ Juaji mua tujũ ejacaju yu. To bajiri yucu yu vase rãca idiaji muaire ãagũ ejarucũja yu. To bajiri, rojose mua yirere yitũjacõari, quẽnasejuãre tũoĩãña mua, yũre yurã. Ado bajise Dios ocare masa ñna ucamasire gotiaja: “Rojose yir'ire ñna oca sãjama, juãrã, idiarã ñacõari ñna oca sãjama, quẽnarũaroja. To bajiri ñna idiarãjuãne, to bajirone ñna ñagõjama, ñnare ajirã quẽne, ‘Socarã me yama’ yimasirãma”, yigotiaja Dios ocare masa ñna ucamasire. ² Tirũmũju mua tujũ ñagũ, rojose yiriarãre, yibetiriarãre quẽne ado bajise yicaju yu: “Rojose mua yise mua yitũjabetijama, quẽna mua tujũ ejagu, rojose mua yicõa ñnãũgũse

vaja rojose m̄are yir̄c̄aja ȳ. Adir̄m̄urirema m̄are rojose ȳ yibetiboajaquēne, ȳ yirotire masiña”, m̄are yicaj̄ ȳ. M̄a t̄j̄ ñabec̄a quēne, to bajirone m̄are gotic̄ōa ñaja ȳ. “To bajiro gotiḡ ñaboarine, yibec̄ami”, ȳre yit̄oĩabesa. ³ “Cristo ï bojasere gotiaja m̄’ ȳa yimasirotire yiḡ, ñaĩañamani ȳare yĩoma” ȳre m̄a yic̄ōare ñajare, to bajirone yir̄c̄aja ȳ. “Cristo, manire rojose ï yijama, no yibeaja. Masibec̄a ñaḡmi”, ïre yit̄oĩabesa m̄a. Ȳ s̄orine ï masisere m̄are yĩor̄c̄ami. ⁴ Masijeoḡ ñaboarine, manire bajiro ruj̄ c̄atic̄ōari, yuc̄t̄ēroj̄ ï jaju ecoriario bero, masibec̄are bajiro bajirocacoasumi Cristo. To bajiboarine, Dios ï masise r̄aca tudicatic̄ōari, ñaḡmi quēna. Cristore bajiro rojose t̄am̄or̄ũḡaja ȳa quēne. To bajiro bajir̄ ñaboarine, ïre ajitir̄n̄ t̄jamena ñari, ïre bajirone bajic̄ōa ñar̄ar̄aja. Dios ï ejar̄m̄ose r̄aca m̄are ejar̄m̄oc̄ōa ñar̄ar̄aja.

⁵ M̄a masune, “¿Cristore ajitir̄n̄r̄a masu ñati ȳa?”, yit̄oĩañ m̄a. Cristore ajitir̄n̄r̄a m̄a ñajama, m̄a r̄aca ï ñasere masiaja m̄a. ï ñabetijama, ïre ajitir̄n̄r̄a masu me ñaja m̄a. To bajiro m̄a bajijama, m̄a masune, “Cristore ajitir̄n̄r̄a ñaja ȳa”, yisocar̄aja m̄a. ⁶ Ȳaj̄are, “Cristo ï c̄ōariar̄a masu ñaama” ȳare m̄a yimasirotire bojaja ȳ. Cristore ajitir̄n̄r̄a m̄a ñajama, to bajiro yir̄aja m̄a. ⁷ “Rojose m̄a yir̄ḡurere yit̄jato” yir̄a, Diore m̄are s̄enibosaja ȳa. “Dios ocare quēnaro gotimasioñumi Pablo” m̄a yivariquēnarotire yiḡ me, Diore m̄are s̄enibosaja ȳa. Quēnasej̄are m̄a yirotire bojar̄ ñari, yaja. “Ḡajer̄a socase gotimasior̄a yama” ȳre m̄a yiboajaquēne, quēnase m̄a yiroti ñaja ñamasusema. ⁸ “Ñamasusere ajitir̄n̄ato” yir̄a, Dios ocare gotimasior̄ḡaja ȳa. Ñamasusere m̄a ajitir̄n̄ t̄jasere bojabeaja. ⁹ To bajiri m̄a t̄j̄ ejaç̄ōari, “Quēnaro Cristore ajitir̄n̄ama ña” m̄are ȳa yĩamasijama, tud'ir̄are bajiro m̄are yibetir̄ar̄aja ȳa. To bajiro m̄a bajisere ïac̄ōari, variquēnar̄ar̄aja ȳa, “Quēnaro gotimasiasibeama Pablo mesa” m̄a yise ti ñaboajaquēne. “Cristore ajitir̄n̄c̄ōari, ï bojarore bajiro r̄ine yir̄a ñato ña” yir̄a, Diore m̄are s̄enibosaja ȳa. ¹⁰ M̄a t̄j̄ ejaç̄ōari, tud'igure bajiro m̄are gotir̄abec̄a ñari, ȳ varoto r̄joro papera ucac̄ōari, m̄are c̄ōaja ȳ. Mani ñj̄, “Ȳ yere ajic̄ōari, s̄atiritiatio” yiḡ me, ȳre c̄ōacami. “Tire ajivariquēnato” yiḡj̄a, ȳre c̄ōacami.

¹¹ Ȳ mair̄a, to c̄ōrone m̄are ȳ gotimasiosere ucaja ȳ. Tire ajitir̄n̄ña. Cristo ï bojarore bajiro r̄ine yir̄ḡũña m̄a. S̄iḡure bajiro t̄oĩac̄ōari, quēnaro ñaña m̄a. To bajiro m̄a bajijama, m̄a r̄aca ñac̄ōa ñar̄ḡur̄c̄ami Dios. ï ñaami ï masisere ñjoḡ, “Ḡamer̄a maic̄ōari, quēnaro ñato” yiḡ. ¹² Cristore ajitir̄n̄r̄a ñari, m̄a r̄ejajama, quēnaro variquēnase r̄aca ḡamer̄a s̄enima. ¹³ Adoana Cristore ajitir̄n̄r̄a, “Quēnato”, m̄are yic̄ōaama ña.

¹⁴ Mani ñj̄, Jesucristo, quēnasere m̄are c̄ōar̄ḡũato. M̄are ñamaiato Dios. To yic̄ōari, Esp'iritu Santo, m̄a jediro r̄aca ñac̄ōa ñar̄ḡũato.

To c̄ōro ñaja.

Carta de San Pablo a los GÁLATAS

Galacia sitanare Cristore ajitirũnrãre Pablo ï ucacõare queti

¹⁻² ¿Ñaboati mũa, Galacia sitana, Jesucristore ajitirũnrã? Yũ ñaja Pablo adi queti mũaare ucacõagũ. Jesucristo, to yicõari, ï rijato bero ïre catior'i, ï jacũ, ïna ñaama ti quetire yũre gotiroticõarimasa. Masane, “Goticudiaya” yirã ïna cõar'i me ñaja. Yũ sīgũ me adi papera mũaare cõaja yũ. Yũ rãcana, Jesucristore ajitirũnrã quẽne, “Quẽnato”, mũaare yicõaama ïna. ³ Mani jacũ Diore, to yicõari, Jesucristo mani ñjũre ado bajise mũaare sãnibosaja yũa: “Quẽnaro ïna ñarotire yirã, ïnare ejarẽmoña”, mũaare yisãnibosaja yũa. ⁴ Rojose mani yisere, “Tire yitũjato” yigũ, Dios ï bojarore bajiro manire rijabosayumi Cristo. ⁵ Dione ñaami “Quẽnarẽtogũ ñaja mũa” mani yirũcũbũorũgũrocũ. To bajirone ïre yitũjabetirũarãja mani.

“Ricati gãjerã ïna gotimasiosere ajibesa”, Pablo ï yire queti

⁶ Cristo ï rijabosare sũori, “Quẽnaro yũ yisere ajitirũnrãcõari, yũ yarã ñaña mũa” Dios mũaare ï yirere cãdicana ñaboarine, yoaro mene ï yere ajitirũnrã tũjacõari, gãjerã ricati ïna gotimasiosejũare ajitirũnrãñuja mũa. Tire ajisũtiriticõari, adi queti mũaare ucacõaja yũ. ⁷ Cristo oca rĩne ñaja riojo gotimasioire. Gaje oca bũtobũsa quẽnase manoja. To bajiro ti bajiboajaquẽne, gãjerã sīgũri, “Cristo oca quẽnasere ajitirũnrãbeticõato” yirã, mũaare gotimavisiorã yirũgũrãma. ⁸ Mũa tũjũ yũa ñajama, Cristo ocare riojo mũaare gotimasiocajũ yũa. To bajiri, sīgũ Cristo ocare ricati mũaare ï gotimasiojama, rojose tãmũotũjabetiriarojũ ïre rocacõaroti ñaja. Yũa quẽne ricati yũa gotimasiojama, yũaare reacõaroti ñaroja. Õ vecagu quẽne, ángel ñaboarine, vadicõari, ricati ï gotimasiojama, rojose tãmũotũjabetiriarojũ ïre quẽne rocacõaroti ñaja. ⁹ Tirũmũjũ mũa rãca ñarã, yũa goticatore bajirone quẽna mũaare tudigotiaja yũ: Sīgũ, Cristo ocare yũa goticati mũa ajitirũnrãcati me, ricati mũaare ï gotimasiojama, rojose tãmũotũjabetiriarojũ ïre rocacõaroti ñaja.

¹⁰ To bajiro yũ yijama, ¿masa yũre ïna ajivariquẽnarotire yigũ yatique yũ? “Rojose ïna yiboajaquẽne, ïre ïna ajivariquẽnarotire yigũ, ïnare quẽnaro gotiami Pablo”, yiboayuja mũa. To bajiro yũ gotijama, Dios ï bojarore bajiro me yigũ, yigũja yũ. Tirũmũjũ to bajiro yicacũ ñaboarine, yucũrema to bajiro yibeaja yũ. Dios ï ajivariquẽnarotijũare yigũ, mũaare gotiaja.

Jesús, Pablõre ï gotiroticõare queti

¹¹ Quẽnaro ajiya yũ mairã. Riojo mũaare gotiaja yũ. Jesucristo oca yũ gotimasiose, masa ïna tũoĩarujeore me ñaja. ¹² Tire gãjerãne yũre gotimasioibeticama. Jesucristo ï masune yũre goticõari, tire yũ ajimasiotire yũre ñjocami.

¹³ Yũ bajicatire ajicana ñari, “Riojo gotiami Pablo”, yimasiaja mũa. Tirũmũjũ yũa jud'io masa yere bũto ajirũcũbũocajũ yũ maji. To bajiro bajigũ ñari, Cristore ajitirũnrãre bũto rojose ïnare yirũgũboacajũ yũ, “Ïre ajitirũnrã tũjato” yigũ. ¹⁴ Gãjerã yũ cõro ñatũsana yũa jud'io masa yere ïnare masirẽtocoacajũ yũa, yũa ñicũa ïna rotimasirere ïna rẽtobũsaro yivariquẽnagũ ñari. ¹⁵ To bajiro yũ bajiboajaquẽne, yũ ruyuaroto rĩjorojũ, “Ãni Pablo, bũcũacũ, yũ yũ ñarũcũmi”, yitũoĩañumi Dios. To yicõari, berojũ, bũto quẽnagũ ñari, yũre ïlamaicõari, “¿Yũ yũ, yũ bojasere yigũ ñarũabeati mũa?”, yũre yicami. ¹⁶ “Ï macũne ñaami Jesús” yũ yimasiotire yigũ, yicami Dios. To bajiro yũre yicami, ï macũ ï rijabosare sũorine quẽnaro ï yise queti jud'io masa me ñarãre yũ goticudirodire yigũ. To ï yirone, “¿No bajiro yigũti yũ? ¿‘Tire quẽnabũsaro ajimasigũsa’ yigũ, gãjerãre sãnĩaroti ñati?”, yisãnĩabeticajũ yũa. ¹⁷ To yicõari, yũ rĩjoro Cristo ï cõariarãre quẽne sãnĩlagũ, vabeticajũ yũa,

Jerusalénju. Ado bajirojua yicaju yu: Yoaro mene Arabia vāme cūti sitaju masa űabetoju vacaju yu. Beroju Damasco vāme cūti macaju tudiejacaju yu quēna.

¹⁸ To bajiri, “¿Yu yu, yu bojase yigu űaruabeati mu?” Dios yure i yiro bero, idia cūma bero, Pedrore űagū vacaju yu yuja, Jerusalénju. Toju ejacōari, yoaro me űacaju yu, i rāca. Juaāmo cōro, cojo gūbo jēnituaro űarirūmuri űacaju yu. ¹⁹ Toju űagū, gājerā Jesús i cōariarāre űabeticaju yu. Pedrore, mani űju bedi Santiagore quēne, űna juarārene űacaju yu. ²⁰ Socu me yaja yu. “Riojo gotiami Pablo”, yure yimasigūmi Dios.

²¹ Pedrore, Santiagore űnare yu űaro bero, Siria vāme cūti sitaju, to yicōari, Cilicia vāme cūti sitaju űacudicaju yu. ²² Judea sitana Cristore ajitirūnrā, “Pablo űaami”, yure yūűamasibesuma űna maji. ²³ To bajiboarine, gajeroana ado bajiro yure űna űagōre rīne ajiyuma űna: “Jesucristo i rijabosare suorī Dios quēnaro i yise quetire ajitirūnu tujato’ yigu, buto rojose yuare yiboacacune, adirūmurema, ti quetirene masare gotimasioduciami, ‘Ajitirūnato’ yigu” yure űna yire rīne ajiyuma Judea sitana. ²⁴ “Yu macure ajitirūnuña’ Dios i yicōare űajare, űre ajitirūnugū űagūmi Pablo” yimasicōari, “Quēnaro yaja mu”, Diore yirūcūbuoyujarā űna.

2

Jesús i cōariarā Pablore űna űavariquēnare queti

¹ Jerusalénju yu vacato bero, juaāmo cōro, gūbo babari jēnituari cūmari bero, Jerusalénju vacaju yu quēna, Bernabé rāca. To yicōari, Tito vāme cūtigure ji vacaju yu. ² Dios i ejarēnose rāca, “Toju varoti űaja” yitūoűagū űari, vacaju yu. Toju ejacōari, Cristore ajitirūnrā sīgūri, “űamasurā űaama” űna yirūcūbuorā rāca rīne rējacōari, goticaju yu. “Cristo i rijabosare suorine Dios quēnaro i yise queti jud'io masa me űarāre ado bajiro űnare gotimasiorūgūaja yu”, űnare yigoticaju. “Riojo masu űnare gotimasiorūgūgūmi Pablo” űna yiajimasirotire yigu, to bajiro űnare yicaju. “Tire űna ajimasibetijama, yu gotimasioduciana quēne, quēnaro Dios i yisere ajimasibetiruarāma űna quēne” yitūoűagū űari, to bajise goticaju yu. ³ Tire ajicōari, yu gotirore bajirone tūoűacama űna quēne. To bajiro tūoűarā űari, “Dios yarā űaja yua; to bajiri űre cūdirona űaja” yirā, jud'io masa circuncisión yiadire ti űaboajaquēne, yu rācagu Titore űre yirotibeticama űna yuja. To bajiro űre yirotibeticama, Tito, jud'io masu me űari, circuncisión yiyamagū i űaboajaquēne. ⁴ Gājerāma, “¿No bajiro yati Cristore ajitirūnrā? ¿Moisére Dios i roticūmasire cūdiati űna?” yūűarā, “Cristore ajitirūnrā űaja” yuare yitocōari, rējacama űna. “Moisére Dios i roticūmasirere cūdiroti űaja”, yitūoűarā űacama. To bajiro űna tūoűacatore bajiro yua yitūoűarotire bojaboacama. To bajiri yua rāca rējacōari, “Titore circuncisión yiya”, yiboacama űna. ⁵ To bajiro űna yiboajaquēne, cojo vāme yuare űna goticatore bajiro űnare cūdibeticaju yua. “Cristo i rijabosare suorine Dios quēnaro manire i yise queti, mavisiare mano, riojo Pablore Dios i gotiroticōariarore bajirone gotimasiodcā űarūgūato” yirā, űnare cūdibeticaju yua. To yicōari, Galacia sitana, “Quēnaro Dios manire i yise queti mani ajicatore bajirone bajiyuja” mu yimasirotire yirā, űnare cūdibeticaju.

⁶ Gājerājua, “űamasurā űaama” Cristore ajitirūnrā űna yirūcūbuorā, “Quēnaro riojo gotimasioami Pablo”, yicama űnama. “Rojose maja mure’ Dios manire i yūűavariquēnase mu gotimasiorūajama, gajeye gotimasiorēmoroti űaja”, yure yibeticama. “Ado bajiro bajiriarā űari, űamasurā űaama űna” gājerā űna yirūcūbuorā űna űajama, űna űabetijaquēne, no yibeaja yurema. “‘űamasurā űaama’ masa űna yirūcūbuorā űna űajare, ‘Gājerā rētoro masirā űaama’ yūűagūmi Dios quēne”, yire maja. ⁷ Ado bajirojua yure yicama űna, masa űna rūcūbuorā: “Dios i cōar'i űaja mu quēne. ‘Jud'io masa mere quēne yu macu suorī quēnaro yu yise queti gotimasioduciatu’ yigu, mure cōañumi Dios”, yure yicama űna. “‘Jud'io masare gotimasioato’ yigu, Pedrore Dios i cōariarore bajiro mure quēne cōañumi, ‘Jud'io masa mere gotimasioato’ yigu”, yure yicama űna, masa űna rūcūbuorā. ⁸ To bajiro yu yijama, ado

bajiroj_{ma} yig_u yaja y_u: Dios ï masise Pedrore _ujoyumi, “Y_u bojarore bajiro jud'io masare gotimasioato” yig_u. Pedrore ï _ujoriarore bajiro y_ure quëne _ujoyumi Dios, “Jud'io masa mere gotimasioato” yig_u.

⁹ To bajiri ti macana y_ua rãca rëjacana, ñamasurã ñacama Santiago, Pedro, Juan quëne. Y_u gotisere ajicõari, “Dios, quënegã ñari, to bajiro Pablore gotimasio roticõañumi”, yimasicama ña. To bajiro yirã ñari, y_ure, y_u rãcag_u Bernabére quëne, ado bajiro y_uare goticama ña: “Y_uare bajiro Dios ï bojasere yirã ñaja m_ua quëne. Jud'io masare y_ua gotimasiosere Dios ï bojarore bajiro jud'io masa mere m_ua gotimasiosere bojaami”, y_uare yigoticama ña. ¹⁰ To yicõari, ado bajise rïne y_ua yirotere goticama: “Dios ï bojarore bajiro ñare gotimasiodiroti ti ñaboajaquëne, adoana Cristore ajitirãnurã maioro bajirãre ñare masiritibeticõari, gãjoa m_ua cõajama, quënaruroja”, y_ure yicama. To ña yicatore bajirone masiritibeticõari, “Ñare ejarëmoto mani”, yicaj_u y_u.

Pablo, “To bajiro m_u yise quënabeaja”, Pedrore ï yire queti

¹¹ Pedro, y_ua t_uoĩacatore bajirone gotiboarine, beroj_u Antioqu'ia vãme cuti macaj_u y_u ñarone, ejacõari, rojose yicami. To bajiri ï ñaro rĩjoroj_ua ejarügücõari, “To bajiro m_u yise quënabeaja”, ïre yicaj_u y_u. ¹² Ado bajiro rojose yicami Pedro: Rĩjoroj_u Antioqu'iaj_u ejacõari, quënaroyicami maji. Jud'io masa me ñarã rãca baba cuticõari, ña rãca bacami. To bajiro ï yĩnarone, Jerusalén macana Santiago ï cõariarã ñacudirã ejacama ña quëne. “Jud'io masa me ñarã, Dios ï rotimasire cudimena, circuncisión yibetiriarã ña ñajare, ña rãca babetiroti ñaja”, yit_uoĩarã ñacama ña. Ña ejasere ñacõari, “ ‘Rojose yaja m_u’ y_ure yirota” yig_u, güicami Pedro, ï quëne jud'io mas_u ñari. To bajig_une, babetirütuacami, jud'io masa me ñarã rãca yuja. ¹³ Ti macana, gãjerã jud'io masa, jud'io masa me ñarã rãca Pedro ï babetire ñacõari, ïre bajirone babeticama ña quëne, ña masune “Ña rãca mani bajama, quënacõaja” yit_uoĩarã ñaboarine. To bajiro ña yisere ñacõari, Bernabé quëne, ñare bajirone babeticami, jud'io masa me ñarãre b_uto ñamaigã ñaboarine. ¹⁴ To bajiri, “Cristo ï rijabosare s_uorine quënaroyicami Dios ï yise queti ti gotirore bajiro t_uoĩamena ñari, to bajiro yama” yimasicõari, jediro masa ña ñaro rĩjoro Pedrore ado bajiro ïre yigoticaj_u y_u: “Jud'io mas_u ñaboarine, tirãm_uj_u Moisés ï rotimasirere ajibec_u ñacoasuja m_u. To bajiro m_u bajijama, quënaroyicami t_uoĩañuja m_u maji. To bajiboarine Moisés ï rotimasirere ajirãcub_uog_ure bajiro yaja m_u quëna. To bajiro m_u bajijama, jud'io masa me ñarãre Cristore ajitirãnurãre ado bajiro ñare rotig_ure bajiro bajiaja m_u: ‘Cristore ajitirãnurã masu, “Rojose maja m_uare” Dios ï yĩavariquënarã m_ua ñar_uajama, jud'io masa yere Moisés ï rotimasiriarore bajiro cudiroti ñaja m_uare quëne’ ñare yirotig_ure bajiro bajiaja m_u. To bajiro m_u bajise quënabeaja”, Pedrore ïre yigoticaj_u y_u.

To yicõari, ado bajiro ïre goticaj_u y_u quëna:

¹⁵ Mani j_uarã jud'io masa ñaja mani. To bajiri gãjerã masa, Moisére Dios ï roticũmasirere cudimenare bajiro bajirã me ñañuja mani maji. ¹⁶ To bajiboarine, beroj_u, “Moisére Dios ï roticũmasirere mani cudise s_uorine, ‘Rojose maja’ manire yĩabetiruc_umi Dios”, yimasicõasuja mani. To bajiro yimasirã ñari, jud'io masa ñaboarine, mani ñic_ua yere, Moisére Dios ï roticũmasirere ajitirãnu tujacõari, Cristoj_uare ajitirãnusoyuja mani, “ ‘Rojose maja’ manire yĩavariquënato Dios” yirã.

¹⁷ To bajiri ïre ajitirãnurã ñari, Moisére Dios ï roticũmasirej_uare ajimenare bajiro bajiaja mani. To bajiro bajirã mani ñajare, “Rojose yaja m_u”, manire yĩaama y_ua yarã, Moisés ï rotimasirere ajirãcub_uorã. Ña t_uoĩarore bajiro mani t_uoĩajama, “Cristo s_uorine rojose yaja mani, Moisés ï rotimasire cudimena ñari”, yit_uoĩaboarãja. ¿Rojose manire yirotiatique Cristo? ¡Yibeami! To bajiri, “Cristore ajitirãnurã ñari, Moisés ï rotimasirej_uare mani ajibetijama, rojose yibeaja mani”, yimasire ñaja. ¹⁸ Moisére Dios ï roticũmasire mani ajitirãnu tujarere mani tudi ajitirãnujama, rojose yirã yirãja mani. ¹⁹ Moisére Dios ï roticũmasire ado bajiro gotiaja: “Adire cudijeomena, rojose yirã ñar_uarãma”, yigotiaja

ti. Tirāmujū tire yū yimasijeoboajaquēne, “‘Rojose maja’ yūre yīābetirucumi Dios”, yimasicoacajū yū. To bajiri Moisére Dios ī roticūmasirere ajitirūnū tujacoacajū yū. To bajicōari, Cristo ocajūare ajitirūnūsuocajū, “‘Ī rijabosare suorine, ‘Rojose magū űaami’ yūre yīāto Dios” yigū. Tire tūoīavariquēnacōari, ī bojarore bajiro yirūgūaja. ²⁰ To bajiri tirāmujū yū bajicatore bajiro bajibeaja yū yuja. Cristo, yū rācane űaami. To bajiri, “Yūre ejarēmorcumi” yitūoīagū űari, ĩre sēnirūgūaja yū, ī jacū ī bojarore bajiro yū yirotire yigū. Īne űaami yūre maigū, yūre rijabosar’i. ²¹ Mani jacū quēnagū űari, ī macū ī rijabosare suorine quēnaro yūre ī yisere tegure bajiro bajirūabeaja. Moisés űamasir’i ī rotimasirere mani ajisuyase suorine rojose mani yise vajare yirētoecoriarā mani űajama, Cristojūa manire ī rijabosare, vaja maniboriaroja.

3

“Cristore mūa ajitirūnūjare, Esp’iritu Santo, mūare ejayumi”, yire queti

¹ Ajiya Galacia sitana. Cristore ajitirūnū tujacōari, ricatijūa ajitirūnūrā űari, tūoīamasimenare bajiro bajiaja mūa. ĩNo yirā gājerā socasere gotirāre ajitirūnūmenaja mūa tia! Tirāmujū mūare gotimasiorā, “Yucātēroju Jesucristo manire ī rijabosare űajare, ‘Rojose mana űaama’ manire yīāmi Dios”, mūare yicajū yūa. ² To bajiri cojo vāme mūa masibūjasere bojaja yū: ĩMoisére Dios ī roticūmasire mūa cūdjare, Esp’iritu Santo, mūare ejacōari, ī masisere mūare űjocati? ĩTo bajiro me bajicajū! Cristo ī rijabosare suorī Dios quēnaro ī yise quetire ajicōari, Cristore mūa ajitirūnūjare, mūare ejayumi Esp’iritu Santo. ³ ĩNo yirā tūoīamasimena masu űnacōati mūa? Tirāmujū Jesucristore mūa ajitirūnūsuorojane, “Dios ī bojarore bajiro yato ĩna” yigū, mūare ejarēmogū, ejayumi Esp’iritu Santo. To bajiboarine, mūa rācane ī űaboajaquēne, adirūmūrirema, ĩ“Dios ī rotimasire quēnaro mani cūdjama, Dios ī bojarore bajiro yirā rīne űarūarāja mani”, yitūoīaboati mūa? ⁴ Cojo vāme me quēnaro mūa bajirūgūboare, yucurema vaja manire bajiro bajiaja. To bajiro mūa bajise yū tūoīajama, vaja manire bajiro bajise me űaboayuja. Quēnaro mūa bajirūgūrere tūoīacōari, “Jesucristore ĩna ajitirūnūsuocatore bajiro tudiajītirūnūrāma”, mūare yitūoīaja yū. ⁵ Esp’iritu Santore mūare cōaűumi Dios. To yicōari, jairo ĩāāñamanire mūare yīoűumi. ĩNo bajiro mūa yicati űajare, to bajise mūare yiyujari? Moisére Dios ī roticūmasirere ti gotirore bajiro mūa yise suorī me, to bajiro yiyumi. Cristojūare mūa ajitirūnūjare, to bajiro yiyumi.

⁶ Dios ocare masa ĩna ucamasire ado bajiro gotiaja ti: “‘Quēnaro mūre yirucūja yū’ Abrahamre Dios ī yirere, ‘Ī yirore bajirone bajirūaroja ti’ ī yiajire űajare, ‘Rojose maja’ ĩre yīāñuju Dios”, yigotiaja. ⁷ Tire ajicōari, ado bajiro yimasiaja mani: “Abraham űamasir’ire bajiro Diore ajitirūnūrāre, ‘Ī jānerabata űaja mūa’ ĩnare yīāgūmi Dios”, yimasiaja mani. ⁸ Ado bajiro ti bajijare, to bajiro yimasiaja mani: Tirāmujū adi macarucūroju ī macure Dios ī cōaroto rījoroju, “Jud’io masa me űarā quēne, Abraham, yūre ī ajitirūnūrore bajiro yū macure ĩna ajitirūnūjama, ‘Rojose maja’ ĩnare yīarucūja”, yitūoīamasīñuju Dios. Tire tūoīacōari, ado bajiro Abraham űamasir’ire ĩre gotimasīñuju: “Mū suorine masa jedirore quēnase ĩnare yirucūja yū”, yimasīñuju Dios. ⁹ To bajiri Abrahamre bajiro Diore ajitirūnūrāre quēnaro yami Dios. ĩna rīrene, “Rojose maja”, yīāgūmi.

¹⁰ “Moisés űamasir’ire Dios ī roticūmasirere mani cūdjama, ‘Rojose maja’ manire yīarucūmi Dios” yitūoīaboarāre, “Rojose űaja”, ĩnare yīāgūmi Dios, ī rotimasirere cūdijeomena ĩna űajare. To bajirone gotiaja Dios ocare masa ĩna ucamasire. Ado bajiro gotiaja ti: “Dios ī rotirere cūdijeomenare, ‘Rojose űaja’ ĩnare yīāgū űari, rojose ĩnare yirucūmi Dios”, yigotiaja ti. To bajiri, tire cūdijeorā ĩna manijare, “Tire ajitirūnūrā jedirore, ‘Rojose űaja’ ĩnare yīāgūmi Dios”, yimasiaja mani. ¹¹ Sīgū tire cūdijeogu ī űaboajaquēne, “Rojose maja”, ĩre yīābetibogūmi Dios, ricati ī gotimasire ti űajare. Ado bajiro gotiaja ī gotimasire: “Manire ĩamaicōari, ‘Rojose maja’ manire yīāami Dios,

yituoĩarãma, ñna rijato berojũ ñna catirotire yigũ, yũ catisere yũ ñsirã ñnaama”, yigotiaja ti. ¹² Moisére Dios ñ roticũmasire ado bajirojũa gotiaja: “Ñ roticũcati jedirojũne ñ cãdijeocõajama, ñ rijato berojũ Diorãca quẽnaro ñnacõa ñnarũgũrucũmi”, yigotiaja.

¹³ Dios ñ rotimasirere ajisũyaboarine, rojose mani yise vajare, Cristo, rojose magũ ñaboarine rojose yir'ire bajiro manire rijabosayumi. Dios ocare masa ñna ucamasire ado bajiro ti gotijare, “ ‘Rojose yir'i ñnaami’ yĩami Dios”, yimasiaja mani: “Yucũjũ ñna jaju sĩagũre, ‘Rojose yir'i ñnaami’ yĩaami Dios”, yigotiaja ti. ¹⁴ Tirũmũjũ ado bajiro gotimasiñuju Dios, Abraham ñamasir'ire: “Yũre mũ ajitirũnũrore bajiro, gãjerã, yũre ajitirũnũrãre quẽnaro ñnare yirũcũja”, ñre yimasĩñuju. Jud'io masa, jud'io masa me quẽne, Cristore ñna ajitirũnũjama, ñna rijato berojũ mani catirotire yigũ, ñnare ñsirũcũmi Dios. To yicõari, “Esp'iritu Santore mũare ejarẽmorocũre cõarũcũja” Dios ñ yicatore bajiro yigũ, ñnare cõarũcũmi.

“Ado bajiro yirũcũja yũ”, Dios ñ yire queti

¹⁵ Quẽnaro ajiya yũ mairã. Gotimasiore queti mũare gotigũ yaja yũ: Sĩgũ, “Ado bajiro yirãsa”, gãji rãca gãmerã yigũmi. To yicõari, “Yirũcũja” ñ yiriaro cõrone papera jũroju ucatujeocõagũmi. To bajiro ñ yicõare ñajare, gãjijũa, “Ado bajirojũa yiroti ñañuja” yigũ, ñ ucaria jũrojuare ucarẽmomasiyecũmi. ¹⁶ Tire bajiro bajimasiñuju Abrahamre Dios ñ goticũmasire quẽne. Ado bajiro ñre goticũmasiñumi: “Sĩgũ mũ jãnami sũorine masa jedirore quẽnaro yirũcũja yũ”, ñre yigoticũmasiñumi Dios. “Mũ jãnerabatia sũorine masa jedirore quẽnaro yirũcũja”, yibesumi. “Sĩgũ mũ jãnami sũorine” ñ yijama, “Cristo sũorine” yire ñni ñamasĩñuju ti. ¹⁷ “Tire quẽnaro ajimasiato” yigũ, mũare gotimasiogũ yaja yũ. “Mũ jãnami sũorine masa jedirore quẽnaro yirũcũja”, Abraham ñamasir'ire yigoticũmasiñumi Dios. To yicõari, “Socũ me yaja yũ. Yũ gotirore bajirone yirũcũja”, ñre yigotirẽmomasiñumi. To ñ yiro bero, cuatrocientos treinta cãmari bero, gajeye ñ rotimasire Moisére cũmasiñumi, jud'io masa ñna cãdirotire yigũ. “Tire quẽnaro ñna cãdijama, quẽnaro ñnare yirũcũja”, Moisére ñre yimasĩñumi. To bajiro ñ yijama, “Tirũmũjũ Abrahamre yũ goticatire vasoagu yaja yũ” yigũ me, yimasĩñumi. To bajiro ñ yijama, Abrahamre quẽnaro ñ yirore goticũcõari, “Socũ me yaja yũ”, ñre yirẽmobetimasiborimi Dios. ¹⁸ Moisére ñ roticũroto rĩjorojũne, quẽnaro mani yirore gotibecũne, “Quẽnaro mũare yirũcũja”, manire yigotiyumi Dios. To bajiri, “Dios ñ rotimasirere mani cãdirotire tũoĩagũ me yiyumi”, yimasiaja mani. To bajiro ñ yibetijama, “Socũne manire yiyumi”, yimasiborãja mani.

¹⁹ “Abraham ñ cãdirotire gotibecũne, ‘Masa jedirore quẽnaro yirũcũja’ Dios ñ yijama, ¿no yigũ berojũ Moisére ñre roticũmasiñujari Dios?”, yituoĩarãja mũa, sĩgũri. To bajiro yituoĩarãre ado bajiro cãdiaja yũ: “ ‘Cãdijeomasibeaja; rojose yijairã ñaja mani’ yimasiatto masa” yigũ, ñ rotimasirere cũmasiñuju Dios. “To bajiro tũoĩarũgũrũarãma, Abraham jãnami sũorine masare quẽnaro yũ yirore tũarũma ti ejaro”, yituoĩamasĩñumi Dios. Ñ masune, ñ rotimasirere Moisére gotibetimasĩñuju. Ñ tũana ángel mesare Moisére gotirotimasĩñuju. Ñna gotisere ajicõari, jud'io masajũare gotirẽtomasiñuju Moisés quẽna. ²⁰ “Mũ jãnami sũorine masare quẽnaro yirũcũja” Dios ñ yijama, ñ tũana ángel mesare gotirotibesuju. Ñ masune Abrahamre gotimasiñuju.

“ ‘Rojose yirã ñaja’ masa ñna yituoĩarotire yigũ, ñ rotimasirere cũmasiñuju Dios”, yire queti

²¹ Abraham ñamasir'ire quẽnaro ñ gotiro bero, ñ rotimasirere cũgũ, ¿“Abrahamre yũ goticatijũare masiritiya” yigũ, yiyujari? To bajiro me yiyumi. Moisére Dios ñ roticũmasirere quẽnaro mani cãdijeose sũorine, “Ñie rojose mana ñnaama”, manire yibogũmi Dios. ²² To bajiboarine, Dios ñ rotimasire masa ñna cãdise sũorine, “Rojose mana ñnaama”, ñnare yibeami Dios. Dios ocare masa ñna ucamasire ado bajiro ti gotijare, tire masiaja mani: “Masa jediro rojose yisejarã ñari, ti rione ñnare yirũamacõrũgũaja”, yigotiaja. To bajiri, “Mũ rotimasire cãdibecũ ñaja yũ” Diore ñre yigoticõari, “Jesucristo yũre ñ rijabosare ñajare,

‘Rojose maja’ Dios ĩ yĩlagũ ñaja yu” yituoĩarã rĩne ñaama Abrahamre Dios ĩ goticũmasiriarore bajiro quẽnaro ĩ yirã.

²³ Tirãmujũ, “Jesucristore mani ajitirũnũsere ĩacõari, rojose tãmũotũjabetiriaroju mani vaborotire manire yirẽtobosarũcũmi”, yimasibeticaju mani maji. Dios ĩ rotimasire cũdirũgũre ñañuja ti. To bajiri, “Rojose mani yise vaja rojose yibeticõato Dios” yirã, no bajiro yimasibesuja mani maji. ²⁴ Gotimasiore queti mũare gotiaja yũ: Uju, ĩ macũre ĩre codebosagũre ado bajiro ĩre rotigũmi: “Yũ macũ rojose yibeticõato’ yigũ, ĩre quẽnaro coderũcũja mũ”, ĩre yirotigũmi. “Ĭ bũcũacoajama, yũ yere cũomasijeoacu ĩ ñajare, no yigũ ĩre codebecũja mũ”, ĩre yigũmi ĩ mũ. Ĭ macũre codebosagũre bajiro bajiyuja Dios ĩ rotimasire. “Rojose yibesa mũa” manire yimasiore ñacoayuja ti, Cristo manire ĩ rijabosaro bero, “Ĭ sũorine, ‘Rojose maja’ Dios ĩ yĩarã ñaja” mani yituoĩaroto rĩjoroju. ²⁵ To bajiri adirũmũrirema Cristore ajitirũnrã ñari, manire codegũre bajiro me bajaiaja ti, Dios ĩ rotimasire. ²⁶ To bajiri mũa jediro Jesucristore ajitirũnrã ñari, “Yũ rĩa ñaja” Dios yirã ñaja mũa quẽne yuja. ²⁷ Cristore ajitirũncõari, oco rãca bautiza ecoyuja mũa. To bajiro mũa yiecosere ĩacõari, Cristo quẽnaro ĩ yirũgũriarore bajirone mũare quẽne “Quẽnaro yirã ñato” mũare yiyumi Dios. ²⁸ Mũa jediro Jesucristo yarã mũa ñajare, cojoro cõro mũa ñasere ĩamaigũmi Dios. Jud’io masa, jud’io masa me quẽne ñaja mũa. Gãjerãre moabosarimasa, moabosarimasa me quẽne ñaja mũa. Rõmia, ãmũa quẽne ñaja mũa. Jediro vũsaro mũa ñaboajaquẽne, Jesucristo yarã mũa ñajare, cojoro cõrone mũa ñasere ĩamaigũmi Dios. ²⁹ Cristo yarã ñari, Abraham jãnerabatiare bajiro bajaiaja mũa quẽne. To bajirã ñari, Abrahamre Dios ĩ gotimasiriarore bajirone quẽnaro ĩ yirona ñaja mũa.

4

¹ Gotimasiore mũare gotiaja yũ quẽna: Sĩgũ, ĩ macũ ñasũogũ, ĩ jacũ ye jediro cũorocũ ñaboarine, ĩ daquecõajama, ĩ jacũre moabosarimasare bajiro bajiami. ĩna rotijama, ĩna rotirore bajiro cũdiroti ñaja ĩre. ² Daquegũ ĩ ñaro, ĩ jacũre moabosarimasa ĩre coderãma. To yicõari, ĩ cũorotire quẽne coderãma. “Yũ macũre yũ cũose jediro ĩre ĩsiaja yũ yuja” ĩ jacũ, ĩ yirotirãmũ ti ejaro, moabosarimasare bajiro me bajigũmi yuja. ĩre rotimasimenama. ³ Mani quẽne Cristore mani ajitirũnrõto rĩjoroju, to bajirone bajiboacaju mani maji. Adigodoaye rĩne tũoĩarã, ĩna ajirũcũbũore ti rotirore bajirone rotiecocaju mani. ⁴ To bajiro mani bajiñaboajaquẽne, “To cõrone yũ macũre cõarũcũja yũ” Dios ĩ yiriarãmũ ejayumi. To bajiri Dios macũ ñaboarine, manire bajirone rõmio sũorine ruyuyumi. Jud’io masũ ruyuar’i ñari, Dios ĩ rotimasire rotiecoyumi. ⁵ Tirãmũaye rotimasire ajitirũnũboariarã, rojose mani yisere ĩ masiriose vaja, ĩ macũ ĩ vaja yibosarotire yigũ, ĩre cõañumi Dios. Ĭ rĩa mani ñarotire bojagũ ñari, to bajiro yiyumi. ⁶ To bajiri Dios rĩa mani ñajare, ĩ macũ Jesucristo rãcagũ, Esp’iritu Santore, manire cõañumi Dios. Manire quẽne ĩ ñajare, “Cacũ”, ĩre yivarĩquẽnaja mani. ⁷ To bajiri, adirũmũrirema, Dios Moisére ĩ roticũmasirere rotiecorã me ñaja, Dios rĩa ñari. To bajiri, “Yũ rĩare quẽnaro ĩnare yirũcũja yũ” ĩ yiriarore bajirone manire yirũcũmi”, yimasiaja mani.

“Jud’io masare bajiro bajibesa”, Pablo ĩ yire queti

⁸ Tirãmũajama Cristore mũa ajitirũnrõto rĩjoro, Diore masibeticaju mũa maji. ĩre masimena ñari, “Ado bajirã ñarãma” mũa masune yiquẽnorujeocõari, rũcũbũoboyuja mũa maji. ⁹ Adirũmũrirema Diore masirã ñaja mũa quẽne. To bajiri, “Yũ rĩa ñaama” mũare yĩarũ, mũare beseyumi Dios. Diore masirã ñaboarine, ¿no yirã Diore masimena ĩna rotirere mũa rotiecoriarore bajiro Dios ĩ rotimasirere rotiecorã ñarũati mũa? To bajiro mũa yirũaboase vaja maja. ¹⁰ Jud’io masa me ñaboarine, jud’io masa ye Moisére Dios ĩ roticũmasire ti rotirore bajiro mũa cũdirũgũrere ajibũ yũ. “Adirũmũ rũcũbũoriarũmũ ñaja. Ado cõro ñamiagũ ĩ tũsatone, ado cõro juebũcũ ti tũsatone, to yicõari, ado cõro cũma

ti tusatone, r̄sc̄ub̄oroti ñaja” yic̄ōari, m̄ua c̄udir̄ũḡũrere ajib̄u ȳu. ¹¹ Tire ajic̄ōari, “¿Ȳu gotimasioboacati vaja mañujari?”, yit̄uōia sutiritiaja ȳu.

¹² Ȳu mairã, ado bajiro m̄ua bajisere bojabeaja ȳu: Dios ï rotimasirere m̄ua rotiecosere bojabeaja ȳu. Ȳuj̄uama, jud'io mas̄u ñaboarine, “Tire ȳu c̄udijama, ‘Rojose maja’ ȳure yir̄uc̄ami Dios”, yibeaja ȳu. Ȳu yit̄uōiarore bajiro m̄ua quēne, m̄ua t̄uōijama, quēnar̄uaroja. Tir̄ũm̄uj̄u m̄ua t̄uj̄u ȳu ñaro, quēnaro ȳure yic̄aj̄u m̄ua maji. ¹³ Tire masiritimenaja m̄ua. Rijaḡu ñari, m̄ua t̄uj̄u ejacaj̄u ȳu. Cristo ï rijabosare s̄uorine quēnaro Dios ï yise quetire m̄uare gotimasios̄uc̄aj̄u. ¹⁴ Rijaḡu ȳu ñaboajaquēne, ȳure ïatebeticaj̄u m̄ua. Ángel bocaãmirãre bajiro quēnaro ȳure bocaãmicaj̄u m̄ua. To yic̄ōari, Jesucristore bocaãmirãre bajiro quēnaro ȳure bocaãmicaj̄u m̄ua. ¹⁵ Adir̄ũm̄urirema, “Vaja maḡũ ñaami” yĩarãre bajiro ȳure yaja m̄ua yuja. To bajiri, “Ȳu gotimasioacatire ajic̄ōari, b̄uto ña variquēnacatire masiriticoari-arãma”, m̄uare yit̄uōijaja ȳu. Tir̄ũm̄uj̄uama, variquēnac̄ōari, b̄uto ȳure ïamaicana ñari, m̄ua yimasijama, m̄ua caje juac̄ōari, ȳure ïsiboriarãja m̄ua, “Ïamasiato” yirã. ¹⁶ Adir̄ũm̄urirema ȳure ïateaja m̄ua. ¿No bajiro bajic̄ōari, ȳure ïateati? Cristo ï rijabosare s̄uorine quēnaro Dios ï yise quetire quēnaro riojo m̄uare ȳu gotic̄ōa ñajare, ¿ȳure ïateati m̄ua?

¹⁷ Dios ï rotimasire gotimasiorã, m̄uare baba c̄utir̄ũḡũrãma ña. To bajiboarine, m̄uare quēnaro yir̄uarã me, to bajiro bajirãma. “Pablore ajitec̄ōari, mani rĩrene ajitir̄ũn̄uato” yirã, to bajiro bajirãma. ¹⁸ Gãjerã manire mairã, b̄uto manire ña t̄uōijama, quēnaja. To bajiboarine, manire yitor̄uarã, socarãne manire ña maijama, quēnabeaja. Gajeyerema, mani t̄uj̄u gãjerã ña ñaro rĩne, ñare mairoti me ñaja manire. To bajiro m̄uare yir̄ũḡũroti ñaboaja, ȳure. ¹⁹ Ȳu mairã, ȳu rĩare bajiro bajirã ñaja m̄ua. M̄uare b̄uto t̄uōiac̄ōa ñaja ȳuma. Rõmia ña mac̄u c̄uoroto rĩjoro, b̄uto t̄uōiac̄ōari, rojose ña tãm̄uorore bajiro ȳu quēne, m̄uare t̄uōiac̄ōari, rojose tãm̄uoc̄ōa ñarũḡũr̄uc̄uja ȳu. Gajeye t̄uōiav̄uomenane, “Cristo ï rijabosare s̄uorine, ‘Rojose maja’ manire yĩaḡũmi Dios” m̄ua yit̄uōiaroj̄u, rojose tãm̄uo t̄ujar̄uc̄uja. ²⁰ M̄ua t̄uj̄u b̄uto ñar̄uaboaja ȳu. Toj̄u ȳu ñajama, quēnab̄usaro m̄uare gotiboḡuja ȳu. Sõj̄u ñari, m̄uare t̄uōiarejaic̄ōari, adi papera rãca quēnaro m̄uare gotimasibeaja ȳu.

Sara, Agar ña bajire queti

²¹ M̄ua s̄iḡũri, Moisére Dios ï rotic̄ũmasire c̄udir̄ua t̄uōijaja m̄ua. “Dios ï rotimasire” ȳua yijama, Moisés ï ucamasirere yirã yaja. To bajiri Moisés ï ucamasirere m̄uare ȳu gotimasiosere quēnaro ajimasiña m̄ua. ²² Abraham ñamasir'i, j̄uarã ãm̄ua rĩa c̄utimasiñuju. Ï manajore moabosarimaso Agar vãme c̄utimasirio mac̄u ñamasir̄uju s̄iḡũ. Gãjij̄ua, ï manajo Sara vãme c̄utimasirio mac̄u ñamasir̄uju. ²³ Sarare moabosarimasorene manajo c̄uti, yi mac̄u c̄utimasiñuju Abraham. Gãjij̄uama, ï manajo c̄utis̄uorio mac̄u ñamasir'ima, “Mac̄u c̄utir̄uc̄ocomo” Abrahamre Dios ï yimasir'ire mac̄u c̄utimasiñuju. ²⁴ To bajiro ña bajimasirere ado bajiro gotiaja: Moabosarimaso, so rĩa c̄utijama, so ãj̄ure moabosarimasa ñarãma ña quēne. To bajiro rĩne bajicoayuja ti. To bajiri, Sarare moabosarimaso, Agar vãme c̄utimasirio, ḡũtau Sina'i vãme c̄utīuj̄u Moisére Dios ï rotic̄ũmasirere bajiro bajiyumo so. To bajic̄ōari, Dios ï rotimasire c̄udirã, ado bajiro so rĩare bajiro bajiamã ña: Ña quēne, moabosarimasare bajiro bajiamã, Dios ï rotimasire c̄udijeobetiboarine, “‘Manire ïvariquēnato Dios’ yirã, c̄udiroti ñaja” yirã ñari. ²⁵ Gajeyerema, ado bajiro ti bajijare, “Moisére Dios ï rotic̄ũmasirere bajiro bajiamo Agar”, yimasijama mani: Cojojirema, “Agar” ña yijama, ḡũtau Sina'i vãme c̄utīure yirã yama masa. To bajic̄ōari, Agar mac̄u jãnerabatia, árabe masa ña ñar̄oj̄u ñaroja tīu. To bajic̄ōari, Jerusalén vãme c̄uti macare bajiro bajiamo so, Agar. Moabosarimasa jacore bajiro bajiaja Jerusalén, ti macana, Dios ï rotimasire c̄udirã ña ñajare. ²⁶ Õ vecaj̄u quēne, Dios ya maca “Jerusalén vãme c̄uti maca ñaroja”, yicama. Toj̄uma, moabosarimasa jacore bajiro me bajiaja. Sarare bajiro bajiaja, ti maca ñarona, so rĩare bajiro bajirã, “Dios ï rotimasire c̄udiroti me ñaja” yic̄ōari, Cristo rĩrene ajitir̄ũnarã mani ñajare. ²⁷ Diore gotir̄ẽtobosarimas̄u Isa'ias vãme c̄utimasir'i

ado bajiro ï ucamasire ñajare, “Sarare bajiro bajaia ð vecajũ, Jerusalén maca”, yaja yũ. Sarare gotigũre bajiro ucamasiñuju:

“Rĩa magð, ajiya. Rĩa magð ñaboarine, quẽnaro variquẽnaña. Macũ cutigoago rojose tãmũoĩabeco ñaboarine, ‘Jãjarã rĩa cutirũocoja’ yimasigð ñari, variquẽnaña mũ. ‘Jãjarã rĩa cutiato’ yigũ yirũcũja yũ. Yũ rãca ñagð rẽtoro rĩa cutirũocoja mũ”, yiucomasiñuju Isa’ias.^a

²⁸ Yũ mairã, quẽnaro ajiya. “Macũ cutirũocoja mũ” Dios ï yimasire ñajare, macũ cutimasiñuju Sara, Isaac vãme cutigure. Ï jãnamijũa ñañumi Cristo, “Ï sũorine quẽnaro yirũcũja yũ” Abrahamre Dios ï yigotimasir’i. To bajiri, manijũa, Cristore ajitirũnarã ñari, Abraham jãnerabatiare bajiro bajaia mani yuja. Dios ï rotimasire cũdirã, to bajiro me bajaia mani. “Cristo ï rijabosare sũorine quẽnaro ñnare yirũcũja yũ” Dios ï yimasire ñajare, bajaia mani. ²⁹ Gajeyerema, ado bajiro manire gotiaja Moisés ï ucamasire, “Dios ï rotimasire” yũa yise: “Ï manajore moabosarimaso macũjũa, Esp’iritu Santo sũorine Sara so macũ cutir’ire rojose yimasiñuju”, yigotiaja Moisés ï ucamasire. Adirũmuri quẽne, to bajirone bajaia manire quẽne. Cristo sũori Abraham jãnerabatiare bajiro bajirãre, manire rojose yirũgũama Abraham jãnerabatia, Moisére Dios ï roticũmasire cũdirã. ³⁰ Rojose manire ñna yiboajaquẽne, Moisés ï ucamasirere mani buejama, Dios ye mani cũoroti gotisere ñabũjarãja mani. Ado bajiro gotiaja: “Mũ manajore moabosarimasore, so macũre quẽne ñnare varoticðaña. So macũ ñari, mũ rijato beroju mũ cũosere cũosũyabetirũcũmi. Jediro Sara macũ ye ñarũaroja”, yigotiaja, Dios ocare Moisés ï ucamasire. To bajiro ti gotijare, “Moabosarimaso rĩare bajiro bajirã me ñarãma ‘Quẽnaro ñnare yirũcũja yũ’ Abrahamre Dios ï yimasiriarã”, yimasiaja mani. ³¹ To bajiri, yũ mairã, “Ado bajise tũoĩamasiato” yigũ, Moisés ï ucamasire mũare gotibũ yũ: “Dios ï rotimasire mani cũdijeobetijama, manire ñavariquẽnabetirũcũmi Dios” yitũoĩa gũirã me ñari, moabosarimaso rĩare bajiro bajirã me ñaja mani. “Cristo ï rijabosare sũorine Dios ñavariquẽnarã ñaja” yirã ñari, Sara ñamasirio rĩare bajiro bajirã ñaja mani.

5

Rojose mano quẽnase rĩne yĩnare queti

¹ “Yũ sũorine Dios ï ñavariquẽnarã ñari, Dios ï rotimasire cũdirũa tũoĩabeticðato ñna” yigũ, manire rijabosayumi Cristo. To bajiri, gajeye tũoĩamenane, “Cristo ï rijabosare sũorine Dios ï ñavariquẽnarã ñaja mani”, yitũoĩarũgũũarãja mũa. Gãjerã ricati ñna gotijama, ñnare ajibetirũgũũarãja.

² Quẽnaro ajiya mũa. Ñamasuse mũare gotigũ yaja yũ: “Manire ñavariquẽnato Dios” yirã, jud’io masa circuncisión yiotirãre bajiro mũa yiotijama, Cristo sũorine Dios ï ñavariquẽnarã me ñarũarãja mũa. ³ Quẽna mũare tudigotiaja yũ: Jud’io masa circuncisión yiotirãre bajiro mũa quẽne, mũa yiotijama, Dios ï rotimasire cũdijeoroti ñaboroja mũare. To bajiboarine ñimũjũa cũdijeogũ manirũcũmi. ⁴ “Dios ï rotimasire quẽnaro yũ cũdijama, yũre ñavariquẽnarũcũmi Dios” mũa yitũoĩajama, Cristore ajitirũnarã me ñacoarũarãja mũa. “Cristo ï rijabosare sũorine manire ñavariquẽnagũmi Dios” yitũoĩamena ñari, to bajiro bajirũarãja mũa. ⁵ Manijũama, “Cristo manire ï rijabosare ñajare, Dios ï ñaro rĩjoro mani ejaro, ‘Rojose maja’ manire yĩnarũcũmi”, yitũoĩa yuñaja mani. Esp’iritu Santo ejaecoriarã ñari, to bajirone yitũoĩa yuñaja mani. ⁶ Cristo yarã ñari, circuncisión yiecojama, yiecobetijaquẽne, ñamasuse me ñaja. Ti sũori me manire yirẽtobosarũcũmi Dios. “Manire rijabosayumi Cristo” mani yitũoĩase, to yicðari gãjerã mani maise sũorijũa manire yirẽtobosarũcũmi Dios. ⁷ Cristo sũorine quẽnaro Dios ï yise queti socabetire quẽnaro ajitirũnũsũoboacajũ mũa maji. ¿Ñimarã oca sũori tire ajitirũnũ tũjati mũa? ⁸ Dios

^a 4:27 Is 54.1. Adirũmurirema, “Yũ rãca ñagð” ï yijama, adi macarũcũro Jerusalén macare yigũ yimasiñuju. “Rĩa magð ñaboario” ï yijama, ð vecajũ Jerusalén macare yigũ yimasiñuju.

me to bajiro m̄are bajiro tiami. Dione ñaami “Ȳu mac̄u Cristore ajitir̄ũñũña” yiḡu, m̄are beser'i. ⁹ Panre ũmato vauvase quetire masiritibesa m̄a. Panre ũmato vauvasere mojoroaca v̄ore ti ñaboajaquẽne, vauvajediaja ti, pan. Tire bajirone bajiaja socase m̄a t̄oĩase. Socase, ñamasuse me ti ñaboajaquẽne, m̄a t̄oĩac̄õa ñajama, ñajediro riojo me t̄oĩarã ñacoaruarãja m̄a. ¹⁰ To bajiboarine, “Cristo yarã ñaama ñna quẽne”, m̄are yit̄oĩaja ȳu. To bajiri, “Ñna quẽne ȳu goti rore bajiro yiruarãma”, m̄are yit̄oĩaja ȳu. “Riojo gotiami Pablo. ‘Rojose maja’ manire yĩf̄ato Dios’ yirã, Cristore ajitir̄ũñũc̄õari, gajeye yiroti me ñaja”, yit̄oĩarãja m̄a quẽne. Gãjerãjuama, socase m̄are gotimasiorã, ñamasurã ñna ñaboajaquẽne, to bajiro ñna yise vaja, rojose ñnare yir̄uc̄umi Dios.

¹¹ Ado bajiro ȳre socase ñna gotisere t̄oĩañna, ȳu mairã: “Ȳua gotimasiosere gotimasioami Pablo quẽne. ‘Diorãca quẽnaro m̄a ñaruarãja, jud'io masare Dios ñ rotir̄arore bajiro circuncisión yirotiya’ yami Pablo quẽne”, ȳre yisocayuma. To bajiro masare yigotimasiobeaja ȳu. To bajiro ȳu yigotijama, ȳu gotimasiosere ajic̄õari, ¿rojose ȳre yit̄ajaboriarãda ñna, jud'io masa? Ȳuma, circuncisión yirere gotibec̄une, ado bajirojuama gotimasioaja: “Yucút̄eroj̄u manire rijabosayumi Cristo, ñre ajitir̄ũñũrãre Dios ñ ñavariquẽnarotire yiḡu”, yigotimasioaja. To bajiro ȳu gotimasiosere b̄uto ajiteama jud'io masa. ¹² To bajiro socase ocare gotirã, circuncisión yire r̄uc̄ub̄orã ñari, ñna vejerijoare quẽne ñna yijetareac̄õajama, quẽnaboroja.

¹³ M̄a, ȳu yarã, ȳu bederãre bajiro ñarã, “Quẽnaro ñrona, rotic̄umasirere rotieco-betirona ñato” yiḡu, Dios ñ beseriarã ñaja m̄a. To bajiri, quẽnase r̄ine yir̄ũḡurona ñaja m̄a. To bajiro ñ yiriarã ñaboarine, “Mani t̄oĩarore bajiro rojose mani yijama, quẽnaroja”, yit̄oĩabetic̄õañna. Gãjerãre ñamaic̄õari, ñna bojasere yir̄ũḡurotijua ñaja. ¹⁴ To bajiro bajir̄ũḡuroti ñaja, Dios ñ rotimasire ado bajiro ti gotijare: “M̄u masu ruj̄ere m̄u mair̄ore bajirone m̄u t̄anare maiña”, yigotiaja. Tire m̄a yijama, Dios ñ rotise ñaro c̄õrone c̄adirã yirãja. ¹⁵ To bajiboarine, gãmerã ñatec̄õari, tud'ir̄ũḡurãja m̄a. To bajic̄õari, m̄a gãmerã oca quẽnobetijama, b̄utobusa gãmerã ñater̄ũtuaruarãja m̄a. To bajic̄õari, ñim̄ujuama Cristore ajitir̄ũñũḡu manir̄uc̄umi.

¹⁶ To bajiri, ado bajiro m̄are gotiaja ȳu: Esp'iritu Santo m̄are ñ rotisere m̄a c̄adijama, rojose m̄a yir̄ua t̄oĩaboasere yibetiruarãja. ¹⁷ Rojose m̄a yir̄ua t̄oĩase, to yic̄õari, Esp'iritu Santo m̄are ñ rotise, cojoro c̄õro me ñaja. Quẽnasejuama m̄a yisere Esp'iritu Santo ñ bojaboajaquẽne, ñ rotisere c̄adibetic̄õari, m̄a masu rojose m̄a yir̄uasejuare yir̄ũḡurãja m̄a. ¹⁸ To bajiboarine Esp'iritu Santo m̄are ñ rotisejuare m̄a c̄adijama, Dios ñ bojarore bajiro ñ rotimasire rotiecomenaja m̄a.

¹⁹ Rojose ñnare yir̄ua t̄oĩasere yir̄ũḡurã, ado bajiro yirã ñarãma: Manajo c̄utirã, manaju c̄utirã, manajo mana, manaju mana quẽne, gãmerã ajeriarã c̄utirã ñarãma. Ñna rujuriaye rãca bojoneose yirã ñarãma. ²⁰ “Ado bajirã ñarãma” ñna masune yiquẽnorujeoc̄õari, ñna quẽnorãre r̄uc̄ub̄orã ñarãma. “Rẽtoro masirã ñaja ȳu” yirã, ñañamani yirã ñarãma. Gãmerã ñaterã ñarãma. “Mani r̄etobusaro quẽnaro ñaama”, yijaj̄ũnisinirã ñarãma. Guaro j̄ũnisinidarã ñarãma. Ñna bojarore bajiro r̄ine yirã ñarãma. Gãjerã rãca ñna ñajama, ñna yise suorine s̄iḡure bajiro t̄oĩabetic̄õari, quẽnaro ñamenama masa. Ñna t̄oĩarore bajiro t̄oĩarã rãca ricati rujic̄õari, oca josarã ñaama. ²¹ Gajeyeũnire gãjerã yere ñaorã ñarãma. Idire mec̄uose idimec̄õari, rojose yirã rãca vana ñarãma. Ti ñnire yirã ñarãma, rojose ñna yir̄ua t̄oĩasere yirã. Tir̄ũm̄uju m̄are ȳu goticatore bajiro m̄are gotiḡu yaja ȳu quẽna: Gãjerã, to bajiro rojose yir̄ũḡurã, õ vecaj̄u Ũju Dios yarã quẽnaro ñ yirona me ñarãma.

²² Esp'iritu Santo rãcanaj̄uama, ñ masisere ñ ñjoriarã ñari, ado bajirojuama bajirã ñaja mani: Gãjerãre mairã ñari, ñna rãca variquẽnarã ñar̄ũḡũaja mani. Gãjerã manire rojose ñna yiboajaquẽne, ñnare j̄ũnisinibeaja mani. To yic̄õari, “Yiruarãja” mani yirore bajirone yir̄ũḡũaja. ²³ Gãjerãre r̄uc̄ub̄orã ñari, mani bojabetire ñna yir̄uaboajaquẽne, “Yibesa”, ñnare yibeaja mani. Rojosere yiruarã ñaboarine, tire yibetir̄ũḡũaja mani. To bajiro yirã

mani ñajama, Dios ï rotimasire ti gotirotore bajiro yirã yirãja mani. ²⁴ Cristo yarã ñari, ado bajiro tũoïaja mani: “ ‘Rojose yirũaboarine, tire yibeticõato’ yigũ, manire rijabosayumi Cristo. To bajiri, rojose yibetirũarãja mani”, yitũoïaja mani. ²⁵ Esp'iritu Santo sũorine, mani rijato beroju mani catirotire yigũ, Dios ï catisere ï ïsiriarã ñari, ï bojarore bajiro yirũgũroti ñaja manire.

²⁶ “Gãjerã rẽtoro masirã ñaja yũ”, yibetiroti ñaja manire. To bajiro mani yibetijare, manire ïatemenama gãjerã.

6

Gãmerã ejarẽmore queti

¹ Yũ mairã, Esp'iritu Santo rãcana ñari, sīgũ mũa rãcagũ rojose ï yijama, ïre ejarẽmoña, “Rojose ï yise yitũjato” yirã. ïre tud'imenane, ïamaicõari, ïre ejarẽmoroti ñaja mũare. To yicõari, quẽnaro tũoïama, “ïre bajiro rojose yirobe” yirã. ² Rojose tãmũorãre ïamaicõari, ejarẽmoña. To bajiro mũa yijama, Cristo ï rotiriarore bajiro yirã, yirãja mũa.

³ Sīgũ, “Rojose yigũ me ñaja” ï yitũoïajama, ï masune socagũ yami. ⁴ Tocãrãcũ, mũa yisere tũoïacõari, “¿Dios ï bojarore bajiro yigũ yati yũ?”, mũa masune yisẽniãrũgũña. Tire yitũoïacõari, “Yũ yisere ïavariquẽnagũmi Dios” mũa yijama, variquẽnarũarãja mũa. To bajiboarine, “ïna rẽtoro quẽnaro yibũ yũ” yicõïabecũne, to bajiro yirũgũroti ñaja. ⁵ Beroju tocãrãcũ mani yisere, “Ado bajiro yigũ ñari, to bajiro yicajũ yũ” Diore ïre yigotiroti ti ñajare, to bajiro mani masune yisẽniãrũgũroti ñaja.

⁶ Cristo ocare mũare gotimasiorimasare, ï bojase masu ti manijama, ïre ejarẽmoroti ñaja mũare.

⁷ Quẽnaro tũoïaña mũa. “Rojose yũ yijama, masibecũmi Dios” mani yitũoïaboajaquẽne, disejũ ï masibeti manijare, mani yisere masijeogũ ñaami. Gotimasiorore ocare mũare gotigũ yaja yũ: Ote ajere mani otejama, ti ajene judicõari, ti bũcũato, ti ricarene juarũarãja. Gajeye mere juarũarãja mani. ⁸ Tire bajirone bajiaja gãji rojose ï yirũa tũoïarore bajiro yirũgũgũma. To bajiro ï yicõa ñajama, õ vecajũ rojose ï yise vaja rojose tãmũotũjabetiriaroju ïre rocarũcũmi Dios. Esp'iritu Santo ï rotisere yirũgũgũrema, ï rãca quẽnaro masu ï ñarotire yirũcũmi. ⁹ To bajiri Dios ï bojarore bajiro quẽnasere yitũjabetiroti ñaja manire. Tire mani yitũjabetijama, “To cõrone quẽnaro yirũcũja” Dios ï yiriarũmũ ti ejaro, quẽnaro manire yirũcũmi. ¹⁰ To bajiri mani yimasiro cõro, masa jedirore quẽnaro yirũgũrũarãja mani. Gãjerã Cristore ajitirũnrã ñari, mani yarã ïna ñajare, bũtobũsa ïnare ejarẽmorũgũrũarãja mani.

Pablo, Galacia sitanare ï gotitũsare queti

¹¹ Adi yũ gotitũsase, jacase vãme rãca yũ masune ucaja yũ. ¹² Circuncisiõn yirotirã, gãjerã jud'io masa ïnare ïna ïarũcũbũorotire yirãma. Ado bajiro tũoïarãma ïna: “Mani mũa Cristo, yucũtẽroju manire ï rijabosare ñajare, ‘ ‘Rojose maja mũare’, manire yïãvariquẽnagũmi Dios’ mani yigotiboajaquẽne, jud'io masa yere quẽne mani gotimasioajama, manire rojose yimenama ïna”, yitũoïarã ñaama. ¹³ Circuncisiõn yiriarã, Dios ï rotimasire cãdijeomasimena ñaboarine, circuncisiõn mũare yirotirãma ïna. “Galacianare circuncisiõn yiroticajũ yũ” ïna yarã jud'io masare yigotivariquẽnarũarã, to bajiro mũare yirotirãma. ¹⁴ To bajisere gotimasioebetirũcũja yũjũama. Yũ gotimasiosema ado bajise ñaja: “Yucũtẽroju mani mũa Jesucristore jajusãñũma masa. To bajiri, manire ï rijabosare ñajare, ‘Rojose magũ ñaami’ yũre yami Dios”, yivariquẽnaja yũ. Adirũmũrĩrema Cristore tũoïamena, “Ñamasuse ñaja ti” ïna yitũoïaboase, ñamasuse me ñaja yũrema. Cristore tũoïamena, “Ñamasugũ me ñarimi Jesús” ïna yitũoïaboagũ, ñamasugũ ñaami yũrema. ¹⁵ Circuncisiõn mani yijama, mani yibetijaquẽne, ñamasuse me ñaja ti. Ñamasuse ñaja Cristore ajitirũncõari, ï yarã Esp'iritu Santo rãcana ñari, rojose mani yirũgũrere mani yirũa tũoïabetirũgũse.

16 Mña jediro yu yirotsere ajitirãnrãre, ado bajiro mñare sãnibosaja yu, Diore: “Ïnare ñamaicõari, ‘Ñie rojose mano quẽnaro ñato’ yigũ, ñnare ejarẽmoña”, mñare yisãnibosaja yu.

17 Rojose yure ñagõmacarãjũare ado bajiro yaja yu: “Rojose yure mña yirose yitũjaya yuja. Jesucristo oca yu gotimasiocudijare, rojose yure yirũgũcama masa. To bajiro ñna yijare, jairo cãmi godo cutigũ ñaja yu. Tire yu ñojama, ‘Socũ me yami Pablo. Jesucristo oca goticudirimasũ ñaami’ yure yĩarũarãma masa. To bajigũ yu ñajare, yure ajirũcũbũoya mña yuja”, ñnare yaja yu, rojose yure yirorãre.

18 Cristore ajitirãnrã mña ñajare, “Yu yarã ñaja mña quẽne”, yaja yu. Mani mũ Jesucristo, quẽnasere mñare cõarũgũato.

To cõro ñaja.

Carta de San Pablo a los EFESIOS

Efeso vāme cūti macana, Jesucristore ajitirānrāre Pablo ĩ ucare queti

¹⁻² ¿Ñati m̄ua, Efeso vāme cūti macana, Dios yarā? Jesucristore ajitirānr̄a t̄ajamenare m̄uare ucacōaja ȳu. M̄uare quēnarotiḡu, mani jac̄u Diore, to yicōari mani ɱ̄ju Jesucristore, ado bajise m̄uare sēnibosaja ȳu: “Quēnaro ĩna ñarotire yirā, ĩnare ejarēmoña”, m̄uare yisēnibosaja ȳu. Ȳu ñaja Pablo vāme cūtiḡu, adi paperare m̄uare cōagū. Dios ĩ bojajare, Jesucristo ĩ cōacac̄u ñaja ȳu.

³ “Rētoro masigū, quēnarētogū ñaami”, mani ɱ̄ju Jesucristo jac̄ure ĩre yir̄uc̄ub̄uoto mani. Jesucristore ĩre mani ajitirānr̄us̄orone, quēnaro manire yiyumi Dios, ĩ rāca quēnaro mani ñasere, to yicōari mani ñarotire quēne. ⁴ Adi macar̄uc̄urore ĩ rujeoroto r̄ĳoroj̄une, “Jesucristo yarā ȳu r̄ĳa ñarona ñaama”, manire yit̄oĳamasiñumi Dios. Ō vecaj̄u ĩ t̄aj̄u mani ejaro, “Jesucristo yarā ĩna ñajare, ñie rojose ĩnare yibetir̄uc̄uja ȳu. Quēnase r̄ĳne yirā ñaama” manire yīar̄u, to bajiro yimasiñumi. ⁵ “Jesucristo ĩnare rijabosaroc̄ure cōar̄uc̄uja ȳu. Tĳ s̄orine ȳu r̄ĳa ñaruarāma ĩna”, yit̄oĳamasiñumi Dios, manire maigū ñari. ⁶ ĩ mac̄u ĩ maigū yarā mani ñajare, quēnaro manire yiyumi. Tire mani t̄oĳajama, “Quēnaro masune yiyuja m̄u” ĩre mani yivariquēnarotire yiḡu, to bajiro yimasiñumi Dios. ⁷⁻⁸ To bajiri, ĩ maigū yarā mani ñajare, “Rojose ĩna yise vaja ĩnare rijabosaaya” yiḡu, Jesucristore ĩre cōañumi Dios. To bajiro ĩ yiriaro bero, manire ĩ rijabosare ñajare, “Ñie rojose ĩnare yibetir̄uc̄uja ȳu”, manire yīañumi Dios. To bajiro ĩ yirere mani ajimasise ĩ cōare ti ñajare, “Manire maimasucōaami Dios”, yimasija mani. ⁹ Tir̄m̄ɱ̄juma, Dios ĩ cōaroc̄u Cristo ĩ bajirocaroti s̄orine ĩnare quēnaro Dios ĩ yiotire masibeticama masa maji. Adirodorema quēnaro ĩ yisere, to yicōari quēnaro ĩ yiotire mani masirotire manire cōañumi. ¹⁰ “To bajiro yir̄uc̄uja ȳu” Dios ĩ yiriar̄m̄u ti ejaro, ō vecanare, to yicōari adi macar̄uc̄uroanare quēne rojose t̄am̄uot̄ajabetiriaroju rojose t̄am̄uoboronare ĩnare yir̄etobosajeoc̄ari, “Ñajediro ɱ̄ju ñaña m̄u”, Jesucristore ĩre yir̄uc̄umi.

¹¹⁻¹² Ȳu jud'io masa, “Rotim̄uor̄ḡōr̄uc̄umi” yiḡu, Dios ĩ cōaroc̄ure t̄oĳayucana ñaja ȳu. To bajiri Cristore m̄ua ajitirānr̄aroto r̄ĳoro ĩre ajitirānr̄ucana ñaja ȳu. To bajicōari, adi macar̄uc̄uro ĩ rujeoroto r̄ĳoroj̄une, “Quēnaro ĩnare yir̄uc̄uja” ĩ yiriarore bajirone Cristo yarā ȳu ñajare, quēnaro ȳuare yiyumi. To bajiro ȳuare ĩ yire ti ñajare, quēnaro Dios ȳuare ĩ yirere, to yicōari, ō vecaj̄u ȳuare ĩ yiotire quēne ȳu gotisere ajicōari, “Rētoro quēnagū ñagūmi Dios”, ĩre yir̄uc̄ub̄uor̄ḡūama ḡajerā. ¹³ M̄ua jud'io masa mere quēne, Jesucristo ĩ bajirere ajitirānr̄ā, ĩ yarā m̄ua ñajare, quēnaro yiyumi Dios. To yicōari, Dios t̄aj̄u m̄ua ejaro Jesúre quēnaro ĩ yirore bajiro m̄uare quēne quēnaro yir̄uc̄umi Dios. Jesucristore m̄ua ajitirānr̄us̄orone, Esp'iritu Santore m̄uare cōañumi Dios, “Cōar̄uc̄uja” ĩ yiriarore bajiro yiḡu. To bajiro ĩ yijare, “Dios yarā ñaja mani”, yit̄oĳamasiñaja m̄ua. ¹⁴ To bajiri, Dios ĩ cōagū Esp'iritu Santo r̄ācana mani ñajare, “ ‘Quēnaro yir̄uc̄uja’ ĩ yiriarore bajirone quēnaro manire yir̄uc̄umi”, yimasija mani. To bajiri, “Dios t̄aj̄u mani ejaro, Jesucristore quēnaro ĩ yirore bajiro, manire quēne, quēnaro ĩ yiroto r̄ĳoro, ‘Quēnase r̄ĳne yirā ñato ĩna’ yiḡu, manire ejarēmojeoc̄ar̄uc̄umi”, yimasija mani. To bajiro manire Dios ĩ yisere ĩacōari, “Quēnaro masu ĩnare yami Dios”, ĩre yir̄uc̄ub̄uor̄uarāma adigodoana, to yicōari, ō vecana quēne.

Jesucristore ajitirānr̄āre, Diore Pablo ĩ sēnibosare queti

¹⁵ Mani ɱ̄ju Jesúre m̄ua ajitirānr̄uḡūsere, to yicōari ḡajerā Jesúre ajitirānr̄āre ĩamaicōari quēnaro m̄ua yisere quēne ajicaj̄u ȳu. ¹⁶ Tire ajiḡu ñari, tocār̄āc̄ajine Diore ȳu sēnijama, “Quēnaro yaja m̄u. M̄u s̄orine to bajise yama ĩna”, ĩre yir̄uḡūaja ȳu. ¹⁷ ĩ ñaami mani ɱ̄ju

Jesucristore cōar'i, mani jacu, quēnaro masu manire yirēmogū. Īrene ado bajise m̄are sēnibosaja yu: “ Īnare quēnaro m̄a yisere ajimasicōari, m̄a bojarore bajiro butobusa yato ĩna' yigu, m̄a masisere ĩnare cōañā m̄a”, Diore m̄are yisēnibosarūgūaja yu. ¹⁸ Adigodoju m̄are ĩ yarāre quēnaro ĩ yisere m̄a ajimasijama, ĩ tujā quēnaro m̄are ĩ yirotire ajimasiruarāja. ¹⁹⁻²⁰ To yicōari, “Dios manire ejarēmogūre, ñiejua josase maja”, ĩre yimasiruarāja. Cristo ĩ bajirocaboajaquēne, ĩre catiocōari, ō vecaju ĩ ñaroju ĩ riojojacatuare ĩre rojoyumi Dios. To bajiro ĩ yire ñajare, “Masijeogu ñaami”, ĩre yimasijama mani. ²¹⁻²² Cristore riojojacatuare ĩre rojocōari, ō vecanare, adi macarucuroanare, to yicōari rijariarāre quēne, “Jediro uju ñañā m̄a”, ĩre yiyumi Dios. To bajiro ĩ yijare, rojose yirāre, rojose tām̄otujabetiriaroju ĩnare ĩ rearoto r̄ijoro, ĩnare ĩ rearo bero quēne, rotim̄orūgōcōa ñarucumi. To bajiri, Cristore mani ajitirūñajama, ĩne ñaami mani uju. Manire ūmato ñagū ñari, mani r̄ujoare bajiro bajigu ñaami. ²³ To bajiri, Cristore ajitirūñarā ñari, sīgūre bajiro t̄oñarā ñaja mani. Mani ñacudiro cōrone mani rāca ñacōa ñarūgūrucumi Cristo. To bajiri mani rāca ĩ ñajare, ñiejua ruyabeaja manire.

2

“Cristo manire ĩ rijabosare suorine Dios ĩ catisere ĩ ĩsirā ñaja mani”, yire queti

¹ M̄a jud'io masa me ñarā, ĩre masimena ñari, rojose yirā ñariarāja m̄a maji. To bajiri, catirā ñaboarine, Dios ĩ ĩajama, bajireariarāre bajiro bajirā ñariarāja m̄a. ² Rojose m̄a yijama, vātia ujure c̄adirā yiriarāja m̄a. ĩ ñaami Dios ocare ajimenare rotigu. ³ Yu jud'io masa quēne, Dios ĩ roticūmasirere masiboarine, ti yirore bajiro yir̄abesuja yu. To bajiri, rojose yisejacōari, ti rione yuare yir̄amacōrūgūcaju ti maji. To bajiro bajirā ñari, rojose tām̄otujabetiriaroju Dios ĩ rearona ñaboayuja yu quēne. ⁴ To bajiro yiecorona mani ñaboajaquēne, manire maimasucōagū ñari, quēnaro manire yiyumi Dios. ⁵ Rojose yirā ñari, Dios ĩ ĩajama, rijariarāre bajiro bajirā mani ñaboajaquēne, ĩ macu rācana mani ñajare, ĩ catisere manire ĩsiñumi Dios. Quēnamasugū ñari, rojose tām̄otujabetiriaroju mani vaborotire ĩ macure manire yir̄etobosarotiyumi Dios. ⁶ To bajiri, ĩ macure ĩ tudicatorone, manire quēne tudicatiogure bajiro manire yiyumi. To bajiro ĩ yijama, “Ō vecaju ĩ ñaroju Jesucristo rāca rujirāre bajiro ñaruarāma” yigu yiyumi. ⁷ To bajiro ĩ yijama, “Quēnaro yiyumi Dios” ĩna yirūgūrotire yigu yiyumi. ⁸ M̄a masune, “Quēnaro yirā ñaja yu” m̄a yiro me, ĩ bojarore bajiro m̄are yigu yiyumi Dios. To bajiri, “Quēnaro manire yibosayumi Dios” m̄a yit̄oñajare, rojose tām̄otujabetiriaroju m̄a vaborotire m̄are yir̄etobosayumi. ⁹ Cristo ĩ yir̄etobosare ñajare, “Quēnaro yirā ñari, Dios tujā ñaruarāja yu”, yiroti me ñaja. ¹⁰ “Jesucristo yarā ñaruarāma”, manire yiyumi Dios. To bajiro manire yiyumi Dios, ḡajerāre quēnaro mani yirotire yigu.

“Jesucristore ajitirūñarā ñari, ḡamerā ĩatebeaja mani”, yire

¹¹ Tirūm̄aju mani bajirere masiritibesa m̄a. R̄iomasaca mame ruyuarācare circuncisión yirere mani ñicua ñamasiriarāre ĩnare yirotimasiñumi Dios. “Dios yarā ñaja yu. To bajiri ĩ rotisere c̄adiroti ñaja” yu yirotire yigu, to bajiro yuare yiyumi. M̄ajuaama, Diore masirā me ñañuja m̄a maji. ĩre masimena m̄a ñajare, “Circuncisión yiyamana ñaama ĩna” yirā, m̄are ĩaterūgūcaju yu. ¹² Cristo ĩ bajirotire masimena, to yicōari Dios r̄ia me ñañuja m̄a maji. Mani ñicua jud'io masarema, “Yu rotisere m̄a c̄adijama, quēnaro m̄are yir̄ucuja yu”, ĩnare yigoticūmasiñumi Dios. Gajeyere quēne, ĩna c̄adirotire t̄oñabecune, “Yu r̄ia m̄a ñajare, quēnaro m̄are yir̄ucuja yu”, ĩnare yimasiñumi Dios. To bajiboarine, m̄ajuaama, m̄a rijato beroju m̄a bajirotire masibesuja m̄a maji. ¹³ To bajiro bajiriarā ñaboarine, yucurema Jesucristo yarā ñari, ĩ rijabosare suorine Diore masirā ñaja m̄a yuja. ¹⁴⁻¹⁶ Yu jud'io masa Dios ĩ roticūmasirere ajir̄ucuborā ñari, “Dios r̄ia ñaja mani” yit̄oñacōari, jud'io masa me ñarā rāca ḡamerā ĩateyuja mani. Jesucristo manire ĩ rijabosare ti ñajare, “Dios ĩ roticūmasire mani c̄adijama, ĩ tujā ejaruarāja mani”

yua yituoõaboare vaja maja. Jesucristo manire ï rijabosare s¸orine, jud'io masa, jud'io masa me ñarã quêne, cojo masare bajiro Diorãca quênaro ñas¸oyuja mani. To bajiro mani ñarotire yig¸u, manire rijabosayumi Jesucristo.

¹⁷ To bajiri yua jud'io masa, Dios ï rotic¸umasire ajir¸uc¸b¸ocana, to yic¸ari, ï yere masimena quêne, Diorãca quênaro mani ñarotire gotig¸u, adi macar¸uc¸roj¸u vayumi Cristo. ¹⁸ Vadic¸ari, manire ï rijabosare s¸orine Esp'iritu Santo ï ejar¸emose rãca mani jac¸u Diore s¸enimasiaja mani. ¹⁹ Tocãrãc¸une Esp'iritu Santo ï ñajare, Diore masirã ñaja m¸ua yuja. Dios rãa ñaja m¸ua quêne. ²⁰⁻²² Mani Cristore ajitir¸unãrã, g¸utavi Dios ï qu¸enorivire bajiro bajirã ñaja mani. To bajiri ti vijure ñag¸ure bajiro bajig¸u ñaami Esp'iritu Santo, mani jediro ï rãcana mani ñajare. G¸uta ñamasuricare bajiro bajig¸u ñaami Jesucristo, ï s¸orine Dios rãa mani ñajare. Ì beroana ñaama Diore gotir¸etobosariarã, to yic¸ari yua Jesús ï bajirere goticudirimasa, yua gotisere ajic¸ari Jesucristore m¸ua ajitir¸un¸s¸ore ñajare. Yua beroana ñaja m¸ua.

3

Jud'io masa me ñarãre Pablo ï goticudire queti

¹ To bajiri, jud'io masa me ñarãre, Jesucristo ï bajirere y¸u gotimasiocati s¸orine tubibe ecoaja y¸u. ²⁻⁴ Ti quetire masa ñna masibeticatire, jud'io masa me ñarãre Jesucristo s¸orine quênaro Dios ï yisere mojoroaca m¸uare gotic¸aja y¸u. “Jud'io masa me ñarãre ñnare goticudiato” yig¸u, y¸u masirotire y¸ure c¸oãnumi Dios. Tire ajiriarãja m¸ua. Tire y¸u ucasere ñac¸ari, Cristo s¸orine m¸uare quênaro ï yisere ajimasir¸uarãja m¸ua quêne. ⁵ Tir¸um¸jurema masa ñna masibeticatire, Dios ï c¸ag¸u Esp'iritu Santo s¸orine gotimasioaja y¸ua, Jesucristo ï bajirere goticudirã, to yic¸ari Diore gotir¸etobosarimasa quêne. ⁶ Ti quetire m¸uare tudigotiaja y¸u: Jesucristo ï bajirere ajitir¸unãrãre “Yir¸uc¸ja” ï yiriarore bajiro jud'io masare, jud'io masa me ñarãre quêne, quênaro yami Dios. To yic¸ari, õ vecajure quêne quênaro yir¸uc¸mi. To bajiri ï yarã ñac¸ari, cojo masare bajiro ñaja mani ñre ajitir¸unãrã.

⁷ Rojose yig¸u y¸u ñaboajaquêne, “Tire goticudiato” yig¸u, y¸u masirotire y¸ure m¸joyumi Dios. ⁸⁻⁹ Gãjerã Cristore ajitir¸unãrãre Dios ï mairore bajiro yiecoroc¸u me y¸u ñaboajaquêne, y¸ure ñamaic¸ari, ñajedirore rujeor'ï ñari, jud'io masa me ñarãre y¸ure gotirotic¸oãnumi Dios. “Masa ñna masibeticatire Cristore ajitir¸unãronare quênaro ñnare y¸u yirotire goticudir¸uc¸ja m¸u”, y¸ure yic¸oãnumi. To bajiro y¸ure ï yire ti ñaboajaquêne, quênaro manire ï yirotire masijeoyamaja. ¹⁰ To bajiri, Jesucristore ajitir¸unãrãre quênaro Dios manire ï yisere ñac¸ari, “T¸uoãjeog¸u ñaami”, ñre yir¸uc¸b¸oama ángel mesa, to yic¸ari gãjerã ñre rotibosarã quêne. ¹¹ Tir¸um¸ju adi macar¸uc¸ro ï rujeoroto r¸ijoroj¸une, “Y¸u mac¸ure ajitir¸unãrãre quênaro ñnare yir¸uc¸ja”, yituoãmasiñuju Dios. To bajiro ï yituoãmasiriarore bajirone mani m¸ju Jesucristo ï rijabosare s¸orine quênaro manire yami Dios. ¹² “Jesucristo yarã mani ñajare, manire ñavariqu¸enag¸umi Dios” yituoãrã ñari, ñre g¸uimenane s¸enir¸ug¸uja mani. ¹³ To bajiri, Jesucristo ï rijabosare s¸orine Dios quênaro ï yisere jud'io masa mere m¸uare y¸u gotimasiocudicati s¸orine tubiberiavij¸u rojose y¸u tãm¸osere ajic¸ari, s¸atiritibesa m¸ua. Ado bajiroj¸ua t¸uoãña: “Pablo ï gotisere ajic¸ari, Jesucristore ajitir¸un¸s¸ocaj¸u y¸ua. To bajiri Dios yarã ñaja y¸ua”, yituoã variqu¸enaña m¸ua.

Jesucristo manire ï maise queti

¹⁴ To bajiri, jud'io masare, to yic¸ari gãjerãre quêne, mani jac¸u quênaro manire ï yisere y¸u t¸uoãjama, g¸usomuniari tuetuc¸ari, ñre s¸enir¸ug¸uja y¸u. ¹⁵ Ñne ñaami, adi macar¸uc¸roana, õ vecana quêne, mani ñaro c¸oro jac¸u, manire rujeor'ï. ¹⁶ Ñre, ado bajiro m¸uare s¸enibosar¸ug¸uja y¸u: “Quênaro yig¸u ñari, Esp'iritu Santo s¸orine ñnare ejar¸emoña m¸u, batobusa m¸ure ñna ajitir¸unãrotire yig¸u. ¹⁷ ‘“Mani rãca ñag¸umi Cristo manire ejar¸emog¸u” yituoãc¸ari, ñre s¸enir¸ug¸uato ñna’ yig¸u, ñnare ejar¸emoña. To bajiro ñna yic¸oã ñajama, Cristore ajitir¸unãrã ñari, ï bojarore bajiro gãjerãre quêne ejar¸emor¸ug¸urãrãma”,

m̄are yis̄enibosaja ȳ. ¹⁸ To bajiro m̄a yijama, Cristo m̄are ĩ maisere bajiro ḡajer̄e maijeomena ñaboarine, Cristo m̄are ĩ maisere qūenarobusa masiruar̄aja m̄a. ¹⁹ Masare ĩ maise jediro masijeobetirona ñaboarine, qūenarobusa m̄a masirotire bojaja ȳ. To bajiro m̄a bajijama, Dios ĩ bojase r̄ine yir̄a ñaruar̄aja m̄a.

²⁰ ĩ r̄ia mani ñajare, ĩ masise r̄aca qūenaro manire yir̄emorũgũami Dios, ĩ bojarore bajiro qūenaro yir̄a mani ñarotire yiḡ. To bajiro manire ĩ yijare, tire t̄oĩac̄ari, “Īre mani s̄eniro r̄etoro manire yir̄emomasiami”, yimasijaja mani. To bajiro yiḡ ĩ ñajare, qūenase ĩre yir̄uc̄ub̄oto mani. ²¹ To bajiri, ĩ r̄ia, Jesucristo yar̄a ñari, Diore qūenase r̄ine ĩre yir̄uc̄ub̄orũgũto mani.

4

“Esp'iritu Santo ĩ ejar̄emose r̄aca s̄iḡure bajiro t̄oĩaroti ñaja”, yire queti

¹ Jesucristo ocare ȳ gotise s̄orine tubibe ecoḡ, ado bajise m̄are gotimasioaja ȳ: “‘Qūenase r̄ine yir̄a ñato’ yiḡ, manire beseyumi”, yit̄oĩaja m̄a. To bajiri, “Ī bojarore bajiro yir̄a ñaña m̄a”, m̄are yaja ȳ. ² “Ñamasur̄a ñaja ȳ”, yit̄oĩabesa m̄a. Ḡajer̄e ajir̄uc̄ub̄oc̄ari, qūenaro ĩnare yir̄a ñaña. Ḡajer̄a ḡojanabioro ĩna yiboajaqūene, ĩnare tud'ibesa. To yic̄ari, rojose m̄are ĩna yiboajaqūene, ĩnare maic̄o ñaña. ³ Esp'iritu Santo ĩ ejar̄emose r̄aca Diore s̄enirũgũña m̄a, “Cojo masare bajiro qūenaro ñato mani” yir̄a. ⁴ M̄a jediro, s̄iḡure bajiro t̄oĩaja, Esp'iritu Santo r̄acana ñari. To bajic̄ari, “Yir̄uc̄aja” Dios ĩ yir̄iarore bajiro qūenaro m̄are ĩ yir̄otire t̄oĩayur̄a ñaja m̄a jediro. ⁵ S̄iḡure ñaami mani ɱ̄, Jesucristo. Īre ajitir̄un̄c̄ari, “Cristo yar̄a ñaja ȳ” yir̄a, oco r̄aca bautiza ecoriar̄a ñaja m̄a jediro. ⁶ To bajic̄ari, mani jac̄, Dios s̄iḡurene r̄uc̄ub̄oaja mani. ĩ s̄iḡure ñaami mani jedirore rotiḡ. Mani r̄aca ñac̄ari, manire ejar̄emoḡumi, “Ȳ bojasere yato ĩna” yiḡ.

⁷ S̄iḡure bajiro mani t̄oĩaboajaqūene, ĩre ajitir̄un̄r̄are ricatiri r̄ine mani yimasiro-tire manire ɱ̄joyumi Cristo. ⁸ Tire bajirone yaja Dios ocare masa ĩna ucamasire:

“Īre ĩater̄e, ‘To c̄orone rojosere yit̄ajaya’ ĩnare yirotic̄ari, Dios ĩ ñaroj̄ ĩnare tudijum̄ajar̄uc̄umi mani ɱ̄, ‘Ū masu ñaja ȳ’ yĩoḡ. To yiḡajanoc̄ari, adigodoana masare qūenase r̄ine ĩna yimasiro-tire yiḡ, ĩnare c̄ar̄uc̄umi”, yucamasire ñaja.

⁹ ¿No yire ũn̄ire “Tudim̄ajar̄uc̄umi”, yati? Maji, adi macar̄uc̄roj̄ure rujiayumi, ĩ tudim̄ajar̄oto r̄ijoro yir̄aro yaja. J̄ere rujiadic̄ari, bajirocacoasumi. To bajiri, “Bajireariar̄a ĩna ñaroj̄ure qūene rotiḡ var'i ñaami”, ĩre yimasire ñaja. ¹⁰ Adi macar̄uc̄roj̄ure, to yic̄ari bajireariar̄a ĩna ñaroj̄ure qūene rotiḡ var'ine ñaami, qūena õ vecaj̄ Dios ĩ ñaroj̄ure qūene m̄jar'i. To bajir'i ñari, dise r̄yabeto rotimasiḡ ñaami. ¹¹ ĩne ñaami ricatiri r̄ine mani yimasiro-tire manire ɱ̄jor'i. To bajiro ĩ yire ñajare, Cristo ĩ gotirotic̄ariar̄a ñaja ȳ. Ḡajer̄ama, Diore gotir̄etobosarimasa ñaama. “Jesucristo manire ĩ rijabosare ñajare, Dios yar̄a m̄a ñar̄ajama, rojose m̄a yisere yit̄ajac̄ari, Cristore ajitir̄un̄ña”, yigotimasiorimasa ñaama. Ḡajer̄ama, Cristore ajitir̄un̄r̄are ĩnare gotimasiorimasa ñaama. Ḡajer̄ama, Cristore ajitir̄un̄r̄are Dios ocare masa ĩna ucamasirere ĩnare gotimasiorimasa ñaama. ¹² To bajiro ricatiri r̄ine mani yimasiro-tire ɱ̄joyumi Cristo, ĩ bojarore bajiro mani yiro-tire yiḡ. To bajiro mani yijama, ḡamer̄a ejar̄emor̄a ñari, butobusa Cristore ajitir̄un̄r̄ar̄aja mani. ¹³ Mani ḡamer̄a ejar̄emoc̄o ñajama, s̄iḡure bajiro Cristore ajitir̄un̄c̄ari, qūenase r̄ine yir̄a ñaruar̄aja mani. ¹⁴ To bajic̄ari, r̄iomasare bajiro t̄oĩar̄a me ñaruar̄aja mani. R̄iomasare, socasere ajic̄ari, “Socar̄a yama”, yimasibeama ĩna. To bajiro yir̄a ĩna ñajare, josari mene ĩnare yitor̄ama ḡajer̄a. To bajiri manire yitor̄are ajimasiruar̄aja mani. ¹⁵ Manij̄ama, ḡamer̄a ĩamaic̄ari, socamenane qūenaro gotir̄ũgũr̄ar̄aja. To bajiro mani yic̄o ñajama, mani ɱ̄ Cristo ĩ bojase r̄ine yir̄a ñaruar̄aja mani. ¹⁶ Cristo ñaami mani ɱ̄. Dios ĩ bojarore bajiro manire ejar̄emor̄ugũami, butobusa ḡamer̄a ejar̄emoc̄ari, ĩ bojarore bajiro yir̄a mani ñarotire yiḡ. ĩ bojarore bajiro ḡamer̄a ĩamaic̄ari mani ejar̄emoc̄o ñajama, butobusa Dios ĩ bojasere yir̄utuar̄ar̄aja mani.

Cristo ajitir̄n̄arā ñari, quēnasej̄are yire queti

¹⁷ Mani ɱj̄ Jesucristo ȳare ī gotirotijare, ado bajise m̄are yaja ȳ: Dios ocare ajimena, rojose ña yir̄ḡūrore bajiro yibesa m̄a. Dios ī ñajama, vaja manire t̄oīarā yir̄ḡūama.

¹⁸ Dios ocare ajiterā ñari, ñamasusere ajimasibeamā ña. To bajicōari, ī catisere c̄orā me ñaama ña. ¹⁹ “Bojoneose yirā yaja ȳa” yimasibeticōari, ti rione yisejariarā ñaama.

To bajiri rojose r̄ne yir̄ḡūama. ²⁰⁻²¹ “To bajiro rojose ña yir̄ḡūrore bajiro yibetiroti ñaja”, yimasirā ñarāja m̄a. Jesucristo ī bajirere ajiriarā ñari, “Quēnaro mani yir̄ḡūsere bojaami Dios”, yimasiaja. ²² Cristore m̄a ajitir̄n̄aroto r̄joroj̄, rojose yir̄ḡūñuja m̄a maji. To bajiro m̄a yir̄ḡūriarore bajiro yibesa m̄a. ²³ To yicōari, rojose m̄a yir̄a t̄oīasere yibeticōari, Esp'iritu Santo ī yir̄ēnose r̄āca quēnasej̄are yir̄a t̄oīar̄ḡūña m̄a.

²⁴ To bajicōari, Dios ocare ajitir̄n̄arā ñari, ī bojarore bajiro quēnase r̄ne yir̄ḡūña m̄a. ²⁵ Dios ocare ajitir̄n̄arā ñari, m̄a socasere quēne to cōrone yit̄ajaya. Jesucristore ajitir̄n̄arā ñari, cojo masare bajiro bajirā ñaja mani. To bajiri, riojo gāmerā gotir̄ḡūña m̄a.^a

²⁶ Gājire m̄a j̄ūnisinijama, rojose ñe yibesa m̄a. Yoaro ñe j̄ūnisinimenane, gāmerā oca quēnocōari, m̄a j̄ūnisinisere tire masiritiya. ²⁷ Yoaro m̄a j̄ūnisinijama, vātia ɱj̄ ī bojarore bajiro yirā yirāja m̄a.

²⁸ Juarudir̄ḡūr'ima, to cōrone juarudi t̄ajaya. Juarudimenane, moa, vaja tacōari gājerā maioro bajirāre ñare ñiña.

²⁹ Gājerāre rujajine oca rojose ñagōbesa m̄a. Quēnasej̄are oca c̄atiya, m̄are ajirā, “Butobusa quēnase yirā ñato ña” yirā. To bajiro m̄a yijama, ñare ejarēmorā yir̄arāja m̄a. ³⁰ Rojose m̄a yijama, rojose m̄a yisere ñacōari buto s̄tiritiḡumi Esp'iritu Santo. Ñe ñaami Dios manire ī cōar'i. “Ī s̄orine, Jesucristo yarā ñaja mani”, yimasiaja. Ñe cōa ecorā ñari, rojose yimenane ñacōañā m̄a, Jesucristo “Ñare yir̄ētobosar̄c̄aja” ī yir̄iar̄m̄u ti ejarotire yurā.

³¹ Gājire rojose m̄a yir̄a t̄oīasere yibesa. Gājerāre ñatebesa. J̄ūnisinicōari, avasātud'ibesa. Gājerāre rojose ñagōmacabesa. Gājerā rojose m̄are ña yiboajaquēne, j̄ūnisinibesa. To yicōari, rojose m̄are yir̄are gāmebesa. Ñajediro rojose m̄a yisere yit̄ajaya m̄a. ³² Ñare ñamaicōari, quēnaro ñare yiroti ñaja m̄are. Cristo manire ī rijabosare ñajare, rojose m̄a yirere masirioyumi Dios. To bajiro manire ī yire ñajare, ī yir̄iarore bajiro yirā, m̄a quēne, gājerā rojose m̄are ña yisere masirioya.

5

“Dios r̄ā ñari, quēnaro ī yirore bajiro yiroti ñaja”, yire queti

¹ Dios r̄ā, ī mairā ñari, quēnaro ī yirore bajiro yiroti ñaja m̄are quēne. ² Jesucristo m̄are ī maiore bajiro, gājerāre ñare mañā m̄a quēne. M̄are maiḡū ñari, rojose m̄a t̄am̄oborotire m̄are yir̄ētobosaḡu, m̄are rijabosayumi Jesucristo. To bajiro manire ī yir̄ētobosare ñajare, buto variquēnañumi Dios.

³ Dios yarā ñaja mani yuja. To bajiri, manajo mana, manaj̄u mana, manaj̄u c̄atirā, manajo c̄atirā quēne, gājerā r̄āca ajeriarā c̄atibesa m̄a. To yicōari, jairo gajeyeñi c̄orā ñaboarine, gajeye quēna bojarēmobesa. Ti ñire m̄a yibetijama, nij̄ane “To bajiro yiyuma” yirā manama. ⁴ Quēnaro t̄oīamenane, oca ajiquēnañamani ñagōbesa m̄a. To yicōari, “Gājerā r̄āca ajeriarā c̄aticōari, ajato” yirā, ña gotise ñire yibesa m̄ama. Dios yarā ñari, ti ñire ñagōbetiroti ñaja m̄are. Ado bajiroj̄ua ñaña m̄a: Dios m̄are ī ejarēmosere t̄oīacōari, “Quēnaro yaja m̄”, ñe yivariquēna ñaña m̄a. ⁵ Ado bajiro bajiroti ti ñajare, to bajise yibesa m̄are yaja ȳ: Manajo mana, manaj̄u mana, manaj̄u c̄atirā, manajo c̄atirā quēne, gājerā r̄āca ajeriarā c̄atirāma, Dios ī ñaroj̄are ejabetir̄arāma ña. Sīḡari Diore ña mairo r̄etoro gajeyeñire mairā ñarāma. To bajiro ña yijama, Diore r̄uc̄ub̄orā me yirāma. To bajiri, Dios ī ñaroj̄are ejabetir̄arāma ña. ⁶ “To bajiro mani

^a 4:25 Ro 12.5.

yijama, quēnacōaja” m̄are yitorāre ĩnare ajibesa m̄a. To bajiro yirārema b̄uto ĩateami Dios. To bajiro yirāre b̄uto ĩatecōari, “Rojose tām̄uoruarāma”, yir̄ac̄ami Dios. ⁷ To bajiri to bajiro yirāre ĩnare baba cutibesa m̄a, “Mani quēne ĩna yirore bajiro Dios ĩ bojabetire yirobe” yirā.

⁸ Diore masimena ñari, ĩ bojasere m̄a yirore masirā me ñañuja m̄a maji. Yuc̄urema Jesucristo yarā ñari, Dios ĩ bojasere m̄a yirore masicōari, tire yir̄uḡuroti ñaja m̄are. ⁹ (ĩ bojasere yirāma, quēnase r̄ine yirā ñaama. To yicōari, gājerāre socasere yitorā me ñaama.) ¹⁰ “Mani yisere ĩavariquēnagūmi” yimasiruarā, ĩ bojasere yir̄uḡūna m̄a. ¹¹ To yicōari, Diore masimena ĩna bojarore bajiro t̄uoĩacōari yirāre ĩnare baba cutibesa m̄a. Dios ocaj̄are ĩnare gotimasioña, “ ‘Rojose yirā ñaja mani’ yimasianto ĩna” yirā. ¹² Masa ĩna ĩabetoju b̄uto rojose ĩna yir̄uḡūse mani ñagōjama, bojoneose ñaja. To bajiri, ti ũnre ñagōbetiroti ñaja. ¹³ Dios ocaj̄are ĩnare m̄a gotimasiojama, tire ajicōari, “Rojose yirā yiyuja ȳa” yimasicōari, rojose ĩna yirere yit̄ujaruarāma. ¹⁴ To bajiri ado bajise yire ñaja: “Rojose yirā ñaboarine, ‘Rojose yirā yaja mani’ yimasibeaja m̄a. Bajireariarāre bajiro bajirā ñaja m̄a, ‘Rojose yirā yaja ȳa’ yimasibeticōari. To bajiro bajirā ñari, Cristoj̄are ajitir̄un̄a. To bajiro m̄a bajijama, ĩ ejarēmose rāca quēnase r̄ine yirā ñaruarāja m̄a”, yigotire ñaja.

¹⁵ To bajiri quēnaro t̄uoĩacōari, “Diore masirā ñaja ȳa” yirā, quēnasej̄are yir̄uḡūna m̄a. Diore masimena ĩna yirore bajiro yibesa. ¹⁶ Adir̄um̄are b̄uto rojose yir̄uḡūama masa. To bajiro ĩna yĩnaro ũnone, m̄aj̄ama, tocār̄acajine Diore sēnicōari, quēnaro yir̄uḡūna. ¹⁷ T̄uoĩamasimenare bajiro bajibesa m̄a. “Dios ĩ bojasere yimasiaja ȳa” m̄a yimasirore t̄uoĩacōari, quēnaro yirā ñañi m̄a. ¹⁸ Idire mec̄ose idimec̄besa. M̄a idimec̄jama, m̄a masune rojose yirā yirāja. Tire idimec̄menane, Esp̄iritu Santo ĩ masisej̄are ĩre sēnir̄uḡūna, ĩ bojasere yiruarā. ¹⁹ M̄a rējajama, Dios ocare masa ĩna ucamasire basare, Diore m̄a t̄uoĩabasare quēne, gāmerā gotiya m̄a. To bajiro m̄a yijama, Diore t̄uoĩacōari, b̄uto variquēnase rāca basar̄uḡūna, ĩre r̄uc̄uorā. ²⁰ To yicōari, “Quēnaro yaja m̄”, mani jac̄ Diore ĩre yir̄uḡūna, ĩ s̄orine mani ĩju Jesucristo quēnaro manire ĩ yir̄uḡūse ñajare.

“Cristore ajitir̄un̄rā ñari, ado bajiro mani ñajama, quēnaja”, yire queti

²¹ To yicōari, Cristore ajir̄uc̄uorā ñari, m̄a masu quēne gāmerā ajir̄uc̄uoya.

²² Rōmia, manaj̄a cutirāre, m̄are gotiḡu yaja ȳa: Cristore ĩre m̄a ajir̄uc̄uorore bajiro m̄a manaj̄are quēnaro ĩnare ajir̄uc̄uoya. ²³ M̄a manaj̄une ñaami m̄are ũmato ñaḡū. To bajirone bajiaja Cristore ajitir̄un̄rāre quēne. ĩne ñaami manire ũmato ñaḡū, to yicōari, rojose mani tām̄uoborotire manire yir̄etobosar̄i. Manire ũmato ñaḡū ñari, mani r̄ujoare bajiro bajiḡu ñaami. To bajiro ĩ bajijare, ĩre moabosarā ñari, ĩ ruj̄are bajiro bajirā ñaja mani. ²⁴ To bajiri Cristore m̄a ajir̄uc̄uor̄uḡurore bajiro m̄a manaj̄are quēne ĩnare ajir̄uc̄uoya.

²⁵⁻²⁶ Ūm̄are quēne gotiḡu yaja ȳa: Cristo manire ĩ maiore bajiro m̄a manajoare ĩnare maiña m̄a. Manire maiḡū ñari, manire rijabosayumi Cristo. “Ȳure ajitir̄un̄rā bautiza ecorāre, rojose ĩna yisere masiriocōari, ‘Ȳu yarā ñaama’ ĩnare yĩar̄uc̄aja ȳu” yiḡu, rijabosayumi Cristo. ²⁷ ĩ t̄uj̄ ejarā, rojose mana mani ejarotire yiḡu, manire rijabosayumi. ²⁸ To bajiri, manire Cristo ĩ maiore bajirone, m̄a manajoare ĩnare maiña m̄a. J̄arā ñaboarine, s̄iḡu ruj̄are bajirone ñaja m̄a, Dios ĩ ĩajama. To bajiri, ĩ manajore maiḡūma, ĩ masu ruj̄are ĩ maiore bajirone maiḡūmi, sore. ²⁹⁻³⁰ Ñim̄uj̄ane ĩ masu ruj̄are ĩateḡu maḡūmi. Mani ruj̄are maicōari, bare ba, quēnaro ĩatir̄un̄aja mani. To bajirone manire ĩatir̄un̄ḡūmi Cristo, ĩ ruj̄are bajiro bajirā mani ñajare. ³¹ Dios ocare masa ĩna ucamasire ado bajiro ti gotijare, “ĩna manajoa cutijama, j̄arā ñaboarine, s̄iḡu ruj̄are bajiro ñaama ĩna”, yimasire ñaja: “Ūm̄u, rōmio ĩ rujeomasire ti ñajare, ĩ manajo cutijama, ĩ jac̄are ĩnare cām̄otadir̄uc̄ami. Manajo cuticōari, j̄arā ñaboarine, s̄iḡu ruj̄are bajirone

ñaruarãma”, yigotiaja Dios oca. ³² Tire buecõari, ñamasusere masa ñna masibeticatire mware gotimasioaja yu: Cristo rãca mani ñasere quẽne gotiaja ti. “Cristo yarã ñari, jãjarã ñaboarine, sãgũ rujure bajiro ñaama ñna”, yire ùni ñaja. ³³ To bajiro yiruaro ti yiboajaquẽne, manajoa cutirere quẽne gotimasioaja ti. Mwa masu rujurire mwa mairone bajirone mwa manajoare ñnare maiña. Mwa, rõmia quẽne, mwa manajware quẽnaro ñnare ajirucubwoya.

6

¹ Rãmasare gotigu yaja yu: Mwa jacware quẽnaro ñnare ajiya. Cristo mani wju to bajiro mwa yisere bojaami. ² “Quẽnaro mware yirucuja” i yire rãcaye Dios i roticumasire ado bajiro yaja: “Mw jacu, mw jacore quẽne quẽnaro rucubwoya. ³ To bajiro mwa yijama, variquẽnaro yoaro adigodojure catiñaruarãja mwa”, yiyuja ti.

⁴ Rãmasa jacware, ado bajise mware gotiaja yu: Mwa rãare ñnare yijũnisiomenane, Dios i bojarore bajiro yirã, quẽnaro ñnare gotimasioabucwoya.

⁵ Moabosarimasare quẽne gotiaja yu: Mwa wjarãre rucubwocõari, variquẽnase rãca quẽnaro ñnare cudiya mwa. To bajiro mwa yijama, Cristorene cudirã yaja mwa. ⁶ “Manire moare rotirã ñna ñaro rĩne quẽnaro moaruarãja, ‘Yware ñavariquẽnato ñna’ yirã”, yitwoĩabeticõaña mwa. Ñna ñaro mwa moarore bajirone, ñna ñabetijaquẽne moacõaroti ñaja. “Cristore moabosarãre bajirone moarã yaja mani” yirã, quẽnaro ñnare moabosaya mwa. ⁷ To bajiri, “Cristo i bojasere yirã yaja mani” yirã, variquẽnase rãca quẽnaro ñnare moabosaya mwa. ⁸ Moabosarimasa mwa ñajama, ñabetijaquẽne, quẽnaro mwa moarejware ñacõari, quẽnaro mware yirucumi Dios.

⁹ Moare rotirãjware quẽne gotiaja yu: Ado yu gotise ùni, mwa moarimasa Cristore ñna twoĩarore bajirone mwa quẽne twoĩarona ñaja. Mware moabosarimasare, “Rojose mware yiruuarãja, mwa moabosabetijama” yimenane, quẽnaro ñnare yiya. Sãgũne ñaami mani wju ñamasugã, mware moabosarimasare, to yicõari mware quẽne rotigu. “Ñna ñaama ñamasurã” yigu me ñaami. Quẽnaro mwa moarejware ñacõari, quẽnaro mware yirucumi mani wju. Tire masiritibesa mwa.

“Vãtia wju i bojarore bajiro yibeticõato ñna” yigu Dios manire i yirẽmose queti

¹⁰ Ñajedirore, ado bajiro mware gotiaja yu: Mani wju Dios, jediro masijeogu ñaami. To bajigu i ñajare, “ ‘Vãtia ñna bojasere cudibeticõato ñna’ yigu, manire yirẽmorucumi”, yitwoĩacõa ñarũgũña mwa. To bajiro mwa yijama, vãtiare cudibeticõari, butobusa Dios i bojasejware yirã ñarũtuarãja mwa. ¹¹ Surara, sãgũacu, i rujure “Sarejoroma” yigu, cõme sudiro sãñatoogumi. To bajiri mwa quẽne, Dios i masisere wjoecoriarã ñari, vãtia wju mware “Yitoromi” yirã, tire twoĩatujabesa. To bajiro mwa bajijama, no bajirojwane mware yitobecumi vãtia wju. ¹² Manire bajiro bajirãrene quẽarã me yaja. Rojose manire yirotiajerã, ruyumena vãtia rãcajua gãmerã quẽarã yaja. “Ñnare cudibetiroti ñaja”, yimasiña mwa. Buto masirã ñaama vãtia. Nĩmujwane vãtiare cudibecu magũmi, Dios i yirẽmobetijama. ¹³ To bajiri, Dios mware i wjose jedirore twoĩarũgũña mwa. To bajiro mwa twoĩajama, vãtiare cudibeticõari, Dios i bojasejware yicõa ñaruarãja.

¹⁴ To bajiri, Dios i yirẽmose rãca ado bajiro yirã ñaña mwa: Dios ocare masa ñna ucamasirere twoĩatujabesa mwa. Tire quẽnaro mwa masijama, mware yitomasibetirucumi vãtia wju. To yicõari, quẽnaro yirũgũña. ¹⁵ “ ‘Jesucristo i rijabosare ti ñajare, rojose ñnare yibetirucuja yu’ manire yĩavariquẽnaami Dios” yire quetire masiritibesa mwa, gãjerãre gotimasioruarã. ¹⁶ To yicõari, “ ‘Vãtiare cudibeticõato ñna’ yigu, manire yirẽmorucumi Dios”, ñre yitwoĩarũgũña mwa. To bajiro mwa yijama, rojose mwa yiruaboasere yimena ñaruarãja mwa. ¹⁷ “Vãtiare reajeocõari, i twju quẽnaro mani ñarũgũrotire yigu, i macure manire rijabosaroticõañumi Dios”, yitwoĩa twjabetirũgũña mwa. Esp'iritu Santo i yirẽmose rãca Dios ocare twoĩacõari, vãtiare ñnare cudibetiruarãja mwa. ¹⁸ Ñnare cudibeticõari, tocãrãcagine Esp'iritu Santo mware i yirẽmose rãca quẽnaro twoĩacõari, Diore sãnirũgũña. To yicõari,

“Vãtiare cãdibeticõato ãna” yirã, gãjerã Cristore ajitirãnrãre ãnare sãnibosarũgũña mña. ¹⁹ Yũre quẽne sãnibosarũgũña mña. “Ïre ãaterãre gãibecãne, to yicõari jud'io masa mere quẽne Dios oca ãna masibeticatire quẽnaro gotimasiocõa ñato ã” yirã, yũre sãnibosarũgũña mña, Dios rãa ãna ñarotire yirã. ²⁰ Ti quetire yũre goticudirotiyumi Dios. Tire masare yũ gotimasiose suorine tubibe ecoaja yũ. “Dios ã bojarore bajiro gãibecãne gotiato ã” yirã, Diore yũre sãnibosarũgũña mña.

Pablo, ãnare ã quẽnaroticõare queti

²¹⁻²² Yũ rãcagũ, mani maigũ, ñaami T'iquico vãme cutigũ. Mani uju ã bojasere yigũ ñaami ã quẽne. Mña tujũ ãre cõagũ yaja yũ. Tojũre ejacõari, yũa bajiãase quetire mũare gotirucumi. Tire ajicõari, variquẽnaruarãja mña.

²³ Mani jacũ Diore, to yicõari mani uju Jesucristore quẽne, ado bajise mũare sãnibosaja yũ: “ ‘Butobusa mũare ajitirãnrãto’ yirã, ãnare ejarẽmoña. To yicõari, ‘Mña rãca quẽnaro ãna ñarotire’ yirã, ãnare ejarẽmoña. ‘Mũare ajitirãnrũtuanane, butobusa gãmerã ãamaito’ yirã, ãnare ejarẽmoña”, mũare yisãnibosaja yũ. ²⁴ Mani uju Jesucristore ãre maitujamenare quẽnaro mũare yato Dios.

To cõro ñaja.

Carta de San Pablo a los FILIPENSES

Filipos macanare, Pablo, Timoteo rāca ñacōari, ï quēnarotire

¹ ¿Ñati m̄ua, Jesucristore ajitir̄n̄ur̄ā, Filipos macana? Ȳu, Pablo, ȳu baba Timoteo rāca adi papera m̄uare ucaja ȳua. Jesucristo ï bojasere yir̄ā ñaja ȳua. Cristore ajitir̄n̄ur̄āre m̄uare ūmato ñar̄āre, ñare moabosarimasare quēne, to yicōari, m̄ua jedirore quēnarotiaja ȳua. ² M̄uare quēnarotir̄ā, mani jac̄u Diore, to yicōari, mani ñj̄u Jesucristore, ado bajise m̄uare sēnibosaja ȳua: “Quēnaro ña ñarotire yir̄ā, ñare ejarēmoña”, m̄uare yisēnibosaja ȳua.

Jesucristore ajitir̄n̄ur̄āre, “Quēnaro yaja m̄u”, Diore Pablo ï yire queti

³ Tocār̄ācaine m̄uare t̄uoīacōari, “Quēnaro yaja m̄u”, Diore ñre yir̄ūgūaja ȳu. ⁴ Tocār̄ācaine Diore sēnigū, m̄uare ȳu t̄uoīajama, variquēnarūgūaja ȳu. ⁵ Tir̄ūm̄j̄une Cristo s̄uori quēnaro Dios ï yise quetire m̄ua ajitir̄n̄ur̄āre, “Ti ocare ajitir̄n̄ur̄āto gājer̄ā quēne” yir̄ā, quēnaro ȳure ejarēmoadicaj̄u m̄ua. To bajiro m̄ua yicati ñajare, m̄uare t̄uoīacōari, variquēnarūgūaja ȳu. ⁶ Jesucristore m̄ua ajitir̄n̄ur̄āre, “Ȳu bojarore bajiro yir̄ā ñato” yiḡu, m̄uare ejarēmos̄uoyumi Dios. “To bajiro yicōa ñar̄ūgūr̄uc̄ami, ‘Jesucristo m̄uare juaḡu ï tudiejarir̄ūm̄u ti ejaro, quēnase r̄ñe yir̄ā ñato ña’ yiḡu”, yimasiaja ȳu. ⁷ M̄uare maigū ñari, to bajiro m̄uare t̄uoīaja ȳu. Cristo ï rijabosare s̄uorine quēnaro Dios ï yise queti gājer̄āre ȳu gotimasiorotire yiḡu, ȳure ejarēmorūgūami Dios. Ȳure ï ejarēmore bajiro m̄uare quēne ejarēmorūgūami, ȳure m̄ua ejarēmorotire yiḡu. To bajiro ï yijare, tubiberivij̄u ȳu ñajama, ȳu ñabetijaquēne ȳure ejarēmorūgūr̄āja m̄ua. To yicōari, ñajar̄ā riojo ñare ȳu gotimasiorotire yir̄ā, ȳure ejarēmorūgūr̄āja m̄ua. ⁸ Jesucristo m̄uare ï maiore bajirone b̄uto m̄uare maiaja ȳu quēne. B̄uto m̄uare ȳu maisere masiami Dios quēne. ⁹ To bajiri, Diore sēnigū, m̄uare t̄uoīacōari, ado bajiro m̄uare sēnibosarūgūaja ȳu: “‘B̄utob̄usa gāmer̄ā mair̄ūt̄uajaro ña’ yiḡu, ñare ejarēmoña”, m̄uare yisēnibosarūgūaja ȳu. To bajiro m̄ua yijama, quēnaro Diore masir̄ar̄āja m̄ua. To bajicōari, “Ado bajiro mani yijama, quēnaroja”, yimasir̄ar̄āja. ¹⁰ Tire masir̄ā ñari, josase ti ñaboajaquēne, Dios ï bojasere yit̄ujabetir̄ar̄āja. To bajiri quēnaro yir̄ā m̄ua ñajare, Cristo ï tudiejarir̄ūm̄u, “Rojose yir̄ā ñaama”, m̄uare yit̄ujabetir̄ar̄āja. ¹¹ To bajicōari, Jesucristo ï ejarēmose rāca Dios ï bojarore bajiro quēnase r̄ñe yir̄ā ñar̄ar̄āja m̄ua. To bajiro m̄ua yisere ñacōari, “Quēnaro yiḡu ñagūmi Dios”, ñre yir̄ūc̄ub̄or̄uar̄āma gājer̄ā. To bajiro m̄ua yirore bojaḡu ñari, m̄uare sēnibosarūgūaja ȳu, Diore.

“Cristo ocare ajitir̄n̄ur̄ā j̄ajar̄āb̄usa ñaama”, Pablo ï yire queti

¹² Ȳu mair̄ā, quēna adire m̄ua masisere bojaja ȳu: Ȳure ña tubibecūse, “Gājer̄ā quēne Cristo ocare ajitir̄n̄ur̄āto ña” yiro, ȳure ejarēmoaja. To bajiri, rojose t̄am̄ogū ñaboarine, Cristo ocare ȳu gotisere j̄ajar̄ā ajir̄ūgūama. ¹³ “Cristore ajitir̄n̄ur̄ā ñajare, ñre tubibeyujar̄ā ña”, yimasiamā adi macaḡu ñj̄u ya vi, coderimasa. To bajiro r̄ñe yijedicoaama adi macana. ¹⁴ “Tubibe ecoḡu ñaboarine, Pablo quēne, Cristo yere gotimasio t̄ujabeami” yit̄uoīacōari, adoana mani mair̄ā, j̄ajar̄ā, “Tire mani gotijare, rojose manire yir̄āma” yigūimenane, b̄utob̄usa Cristo ocare gotimasioama ña quēne.

¹⁵ Gājer̄āma, “Cristo ocare ȳu gotimasiojama, j̄ajar̄ā ȳure ajitir̄n̄ur̄āre” yit̄uoīacōari gotir̄āma. To bajiro yir̄ā ñari, “Quēnaro gotimasiobeamī Pablo. Riojo m̄uare gotimasioaja ȳuama”, yigotir̄āma. Gājer̄āj̄uama, rojose t̄uoīamenane, j̄ajar̄āb̄usa Cristore ajitir̄n̄ur̄ā ña ñarotire bojar̄ā ñari, gotir̄āma. ¹⁶ “Cristo ocare Pablo ï gotimasiorotire bajiro yiḡu, tubiberivij̄u ï ñasere bojayumi Dios”, yimasir̄ā ñar̄āma. To bajiri, ȳure mair̄ā ñari, Cristo ocare gotimasior̄āma ña quēne. ¹⁷ Gājer̄āj̄uama, quēnaro ȳu gotimasiosere ñaj̄ūnisinir̄ā ñari, “Pabl̄ore ña ñavariquēnaro r̄ētoro manire ñavariquēnato masa” yit̄uoīar̄ā, Cristo ocare

gotimasiorāma. To bajicōari, “ Īna gotimasiosere quēnaro ajivariquēnaama masa’ ĩna yigotisere ajicōari, ‘Rojose bajiyuma yure ajitirūnūboacana’ yisutiritiatio Pablo” yirā, gotirūgūboarāma. ¹⁸ To bajiro ĩna yiboajaquēne, no yibeaja yure. “Sutiritiatio Pablo” yirā ĩnaboarine, Cristo ocare gotimasiorā ĩnarāma ĩna quēne. To ĩna yijare, buto variquēnaja yu.

¹⁹ Gajeyere quēne tuoīacōari, variquēnaja yu: Diore, yure mua sēnibosarūgūsere, to yicōari, Jesucristo ĩ cōar’i, Esp’iritu Santo yure ĩ ejarēmōrūgūsere quēne masiaja yu. To bajiri, “Rojose yu tāmūose, to cōrone tāmūo tujarūcūja yu”, yitūoīa variquēnaja yu. ²⁰ Beroju, Jesucristo ĩ ĩaro rījoro, yu yirere ĩre gotibojonerūabeaja yu. Cristo yure ĩ ejarēmosere tuoīavariquēnacōari, ĩ ocare riojo gotimasiorūgūaja yu. Tubiberiaviju ĩagūre yure ĩna bujama, yure ĩna sīacōajaquēne, no yibeaja yure. Cristore yu tuoīavariquēnarore bajiro ĩna quēne, ĩna tuoīasejūare bojaja yu. Tijua ĩaja ĩamasuse. ²¹ To bajiri, yure ĩna bucōajama, ĩajediro yu yirūgūrore bajiro yicōa ĩarūcūja, “Cristore quēnaro yirūcūbūoato masa” yigu. Yure ĩna sīacōajaquēne, rētoro yure quēnarūaroja. To cōrojuma, Cristo tujū quēnaro ĩnacōarūgūrūcūja yu. ²² To bajiboarine, yure ĩna bucōajama, yu gotimasiosere suorine jājarābūsa Cristore ajitirūnūarāma. To bajiri, “Yure ĩna sīarotire bojaja yu. Yu caticōa ĩarotire quēne bojaja yu”, yimasibeaja yu. Jua vāmejūne quēnacōaja yure. ²³ To bajiri, jua vāmejūne bojacōagū ĩari, no yimasibeaja. “Cristo rāca yu ĩarotijua ĩaja rētoro quēnase” yu yitūoīajama, “Yure sīacōato ĩna”, yitūoīarūgūaja yu. ²⁴ Quēna gaje vāme yu tuoīajama, mūare yu gotimasioroti ti ruyajare, mūare gotimasiocōa ĩarūaja yu. ²⁵ “To bajirone bajirūcūja”, yitūoīaja yu. To bajiri, butobūsa Cristore ajitirūnūcōari mua variquēnarotire yigu, mua rāca yu ĩarotire bojaja yu. ²⁶ To bajiri quēna mua rāca yu ĩacudisere variquēnarūarāja mua. To bajicōari, rojose yu tāmūoro Cristo yure ĩ yirētobosarere masicōari, “Quēnaro yaja mū”, Diore yirūcūbūorūarāja mua.

²⁷ Cristo oca ti gotirote bajiro mua cūdirotijua ĩaja ĩamasuse. Mua tujū yu vajama, yu vabetijaquēne, ado bajiro mua yisere ajirūaja yu: “Cristo ocare ajicōari, sīgūre bajiro tuoīarā ĩaama ĩna. To yicōari, ‘Cristore ajitirūnūato gājerā quēne’ yirā, ĩ ocare tocārācarūmūne gotimasioama ĩna” yure ĩna yigotisere ajirūaja yu. ²⁸ To yicōari, “Īnare ĩaterāre quēne gūimenane Cristo ocare gotimasiorūgūama” yure ĩna yigotisere quēne ajirūaja yu. Mūare ĩaterājūama, ĩnare gūimenane mua gotimasiocōa ĩasere ĩacōari, “Rojose tāmūotujabetiriaroju manire cōarūcūmi Dios”, yimasirūarāma. To bajiboarine, mūajūama, “Rojose mani tāmūoborotire yirētobosarūcūmi Dios”, yimasirūarāja mua, ĩnare gūibetiriarā ĩari. ²⁹ Rojose mūare ĩna yiboajaquēne, ĩnare gūimenane, Cristo oca ti gotirote bajiro goticōa ĩarūgūrore ĩaja mūare. Mūare ĩamaicōari, ĩ yarā mua ĩarotire mūare yiyumi Dios, “Yu macūre quēnaro yirūcūbūo ĩato ĩna” yigu. To bajiro ĩ yijama, Cristore ajitirūnūrā ĩari, rojose tāmūoboarine, ĩre mua ajitirūnūcōa ĩarotire yigu yiyumi. ³⁰ Rojose yu tāmūocatore bajiro rojose tāmūorāja mua quēne. “Adirūmūri quēne, rojose tāmūoboarine, Cristore ajitirūnūcōa ĩagūmi Pablo”, yure yimasirāja mua.

2

“Īnamasugū ĩnaboarine, Īnamasugū ĩaja yu’ yibesumi Cristo”, Pablo ĩyire queti

¹ ĩre ajitirūnūrā mua ĩajare, mūare quēnaro ejarēmōrūgūgūmi Cristo, “Tūoīa variquēnato” yigu. Esp’iritu Santo quēne mua rāca ĩ ĩajare, gāmerā ĩamaicōari, quēnaro ejarēmōrāja mua. ² To bajiri ado bajiro mua bajirotire bojaja yu: “Quēnaro variquēnato Pablo” yirā, sīgūre bajiro tuoīarā ĩaña mua. Mua rācana ĩajedirore cojoro cōro gāmerā ĩamaiña. Sīgūre bajiro tuoīacōari, Cristo ĩ bojarore bajiro yirūgūña. ³ Gājerā ĩna yisere ĩacōari, “Manijua, ĩna rētoro yimasirāja”, yitūoīabesa mua. “Gājerā rētoro ĩamasurā ĩaja yua”, yitūoīabesa. “Īnajua ĩnarāma yua rētoro ĩamasurā” yitūoīacōari, ĩnare quēnaro rūcūbūorūgūña. ⁴ Quēnaro mua ĩaroti rīne tuoīabesa. Gājerā quēnaro ĩna ĩarotire quēne tuoīarūgūña.

- ⁵ Ado bajiro Jesucristo ĩ t̃oĩariarore bajiro t̃oĩaroti ñaja m̃are:
- ⁶ Ō vecaju ñagũ, Diore bajiro bajigu ñaboarine, adigodoju vagu, “Īre bajiro bajicõa ñaruc̃aja yu”, yibesuju Cristo.
- ⁷ Diore bajiro bajigu ñaboarine, “Yu jacu ĩ bojasere yiru, ñamasugũre bajiro ñabetiruc̃aja” yit̃oĩacõari, manire bajirone ruyuyuju Cristo.
- ⁸ Adi macaruc̃aroju vadicõari, ĩ jacu ĩ bojarore bajiro yigu ñari, ñamasugũre bajiro me ñacoasumi. To bajiro bajigu ñari, rojose yirãre ĩna s̃iarore bajiro yuc̃t̃eroju jaju s̃iaecoyumi Cristo.
- ⁹ To bajiri, “Gãjerãre masa ĩna r̃uc̃buoro r̃etoro ĩna r̃uc̃buogu ñato” yigu, ĩre catiuyuju Dios. To yicõari, “Ñajediro uju ñaruc̃aja m̃”, ĩre yiyuju Dios.
- ¹⁰ To bajiro ĩre yiyuju Dios, õ vecana, adigodoana jediro, rijariarã quẽne, ĩ macu Jesús vãmere ajicõari, mani yir̃uc̃buorotire yigu.
- ¹¹ To bajicõari, “Jesucristo ñaami uju ñamasugũ”, yijediruarãja mani. To bajiro mani yijama, mani jacu Diore r̃uc̃buorã yiruarãja mani.

“Cristo, ĩjacure ĩ c̃udiriarore bajiro ĩre c̃udicõa ñarũgũroti ñaja manire quẽne”, Pablo ĩyire queti

¹² To bajiri, yu mairã, Cristo, ĩjacure ĩ c̃udirũgũriarore bajiro c̃udiroti ñaja manire quẽne. M̃a t̃aju ñacõari, Cristo ocare m̃are yu gotisere quẽnaro ajicaju m̃a. To bajiri, yucure quẽne m̃are yu goticõasere butobusa Cristo ocare m̃a ajitir̃anusere bojaja yu. Rojose m̃a yisere Dios ĩ yir̃etobosariarã ñari, r̃uc̃buose rãca ĩ bojarore bajiro yirũgũroti ñaja m̃are. ¹³ “Yu bojasere yirua t̃oĩacõari, yato” yigu, manire ejar̃emorũgũgũmi Dios.

¹⁴ Tocãracajine m̃a moare c̃utisere m̃a yijama, gãmerã ñagõjaimenane, variquẽnase rãca yirũgũña m̃a. ¹⁵⁻¹⁶ To bajiro yirũgũña, “Rojose yirã ñaama ĩna’ gãjerã manire yibeticõato” yirã. To bajiri, rojose yirã ĩna ĩaro r̃joro, quẽnase r̃ine yirũgũroti ñaja m̃are. To yicõari, “Yu t̃aju ĩna caticõa ñarotire yigu, yu catisere ĩnare ĩsiruc̃aja” Dios ĩ yirere ĩnare gotimasiorũgũña, “Tire masicõari, Dios ĩ bojarore bajiro quẽnaro yato ĩna” yirã. To bajiro m̃a yijama, Cristo ĩ tudiejarirũmu buto m̃are variquẽnaruc̃aja yu. “Yu gotimasioatore bajirone yirã ñaama ĩna”, ĩre yivariquẽnaruc̃aja yu, m̃are. ¹⁷⁻¹⁸ J̃ere Diore ajitir̃anucõari, quẽnaro yirũgũrãja m̃a. To bajiri, Cristore ajitir̃anurã m̃a ñajare, gãjerã, rojose m̃are ĩna yiboajaquẽne, quẽnaro yicõa ñarãja m̃a. M̃are bajirone yu quẽne Dios ocare yu ajitir̃anujare, romano masa yure ĩna s̃iarotire yu t̃oĩajama, sutiritiboarine, Dios ocare m̃are yu gotimasioatijare variquẽnaja yu. To bajirone t̃oĩavariquẽnaroti ñaja, m̃are quẽne, m̃are yu gotimasioatire.

Timoteore, Epafrodito vãme c̃utigure quẽne Filipos macaju Pablo ĩ cõarua t̃oĩare queti

¹⁹ M̃a t̃aju Timoteo ĩ varotire, mani uju Jesús ĩ bojajama, yoaro mene ĩre cõaruc̃aja yu, m̃a ñase quetire ajivariquẽnar̃u. ²⁰ ĩ s̃igũne ñaami m̃are yu mairore bajiro t̃oĩagũ. ²¹ Gãjerãma, quẽnaro ĩna ñaroti r̃ine t̃oĩarã ñaama. Jesucristo ĩ bojasere ĩna yiotire t̃oĩabeama ĩna. ²² “Jesucristo ĩ bojasere yigu ñacami Timoteo”, ĩre yimasirãja m̃a. “Ī macure bajiro Pabl̃ore quẽnaro ejar̃emocami, ‘Jãjarãbusa, Cristo ocare ajitir̃anũato ĩna’ yigu”, ĩre yimasirãja m̃a. ²³ To bajiri, tubiberiaviju yu ñaro yure ĩna yiotire masicõari, ĩ rãca m̃are queti cõaruc̃aja yu. ²⁴ Tire m̃are gotiboarine, “Mani uju ĩ ejar̃emose rãca yu bajijama, yu quẽne ĩ rãca m̃are ĩagũ varuc̃aja”, yit̃oĩaja yu.

²⁵ Yure ĩ ejar̃emotire yirã, m̃a cõar'i mani maigũ, Epafroditore, m̃a t̃aju ĩre t̃ocõagũ yaja yu. ĩ quẽne, Cristo ocare riojo gotigu ñari, yure bajirone rojose t̃am̃orũgũami. ²⁶ M̃a ñajedirore buto ĩarũami. To bajicõari, ĩ rijacati quetire m̃a ajirere t̃oĩarejaiami. ²⁷ Socase mere ajiriarãja m̃a. To bajirone bajicami. Bajirocacoarocure bajiroju bajicami. To bajiboarine, ĩre ĩamaicõari, ĩre catiocami Dios. To bajiro ĩ yijama, butobusa yu sutiritirotire bojabecu ñari, ĩre catiocami Dios. ²⁸ To bajiri m̃a t̃aju ĩre t̃ocõagũ yaja

yɯ, catiquēnagū ĩ ñasere mɯa ĩavariquēnarotire yigɯ. Mɯa tɯjɯ ĩre yɯ tɯocōajama, yɯ quēne tɯoĭarejaibetibusarɯcɯja yɯ. ²⁹⁻³⁰ Cristo oca yɯ gotimasiosere yɯre ejarēmobeaja mɯa, sōjɯ ñarā ñari. “ĩre gotirēmoato” yirā, mɯa cōar'i quēne Cristo ocare gotimasiorūgūami. To bajiro yicudigune, buto rijaye jairo ti ñajare, rijacoabocami. To bajiro bajicacɯ ñaboarine, ĩ caticōajare, mɯa tɯjɯ ĩ ejaro, variquēnase rāca ĩre sēnirɯarāja mɯa. ĩre bajiro Cristo ocare goticudirāre quēne, quēnaro ĩnare yiya.

3

“Cristore mani ajitirɯnɯse ñaja ñamasuse”, Pablo ĩyire queti

¹ Jesucristo yarā ñari, variquēnaña mɯa. Tirɯmɯjɯ mɯare yɯ ucacatire tudiucaja yɯ. To bajiro mɯare yɯ yicōa ñajama, “Gājerā socase ĩna gotisere ajiroma” yigɯ, yaja. ² Cristo ocare ricati gotimasiorāre roori ñaña mɯa. ĩna ñarāma rojose ũmato yirorā. “Dios ĩĭamairā mani ñarɯajama, circuncisión yiroti ñaja”, yisocarāma ĩna. ³ Circuncisión yiecorā ĩna ñaboajaquēne, Dios ĩĭamairā me ñarāma ĩna. Manijɯama, Esp'iritu Santo ĩ ejarēmojare, Diore quēnaro rɯcɯbɯoaja mani. To yicōari, “Jesucristo manire rijabosayumi’ yitɯoĭarā mani ñajare, Dios ĩĭamairā ñaja”, yitɯoĭa variquēnaja mani. ⁴ Mani ñicɯa ĩna yimasirere ĩna tɯoĭarore bajiro yɯ quēne yɯ tɯoĭajama, “ĩna rētoro ñamasugū ñaja yɯ”, yitɯoĭaroti ñaboroja. ĩna tɯoĭasere bajiro yɯ quēne yɯ tɯoĭajama, ado bajise bajiroja: ⁵ “Dios ĩ rotimasiriarore bajiro yigɯ ñato” yirā, cojomo cōro gaje āmo idia jēnituarirɯmɯri yɯ ruyaro bero, circuncisión yɯre yiyuma ĩna. To bajiri, jud'io masɯ ñari, Benjam'in ñamasir'i ya jūnagu ñaja yɯ. Yɯ ñicɯ ñasɯor'i ñamasirɯju Abraham. Yɯ ñicɯa, jud'io masa ñacoayuma ĩna. To bajiri, jud'io masa rīne gāmerā manajo caticōari ĩna macɯ cɯtir'i ñari, jud'io masɯ masu ñaja yɯ. To bajicōari, fariseo yere tɯoĭagū ñari, Moisére Dios ĩ roticūmasirere buto ajirɯcɯbɯogɯ ñaboacajɯ yɯ maji. ⁶ “Ado bajiro yɯ yisere bojagɯmi Dios” yitɯoĭacōari, variquēnase rāca yirūgūboacajɯ yɯ. To bajise tɯoĭagū ñari, “Cristore ajitirɯnɯrāma, mani ñicɯa Diore ĩna rɯcɯbɯomasiriarore bajiro yimenama” yitɯoĭacōari, buto rojose ĩnare yirūgūcɯjɯ yɯ. To bajicōari, Dios ĩ rotimasire quēnaro cɯdigɯ yɯ ñajare, “Adi vāme yibeami Pablo”, yɯre yimasigū manicami.

⁷⁻⁹ Yɯ ñicɯa ĩna yimasiriarore bajiro yɯ yisere, “Ñamasuse ñaroja”, yitɯoĭaboacajɯ yɯ maji. Adirɯmɯrrema, Cristore ajitirɯnɯca yigɯ, “Vaja maja”, yitɯoĭacōaja yɯ. To bajiri, yucɯrema, “Jesucristore ajitirɯnɯrā rīne ñaama Dios ĩĭavariquēnarā” yitɯoĭagū ñari, yɯ ñicɯa ĩna yimasiriarore bajiro yɯ yiboacatire yitɯajacōacajɯ. “Rojose yɯ yisere masirioato Dios’ yigɯ, yɯre rijabosayumi Cristo”, yitɯoĭaja yɯ, adirɯmɯrrema. To bajiri, “Rojose magū ñaami’ yɯre yĭlavariquēnagūmi Dios”, yitɯoĭaja yɯ. ¹⁰ “Cristo ĩ ejarēmorā rīne ñaama Dios ĩĭavariquēnarā” yitɯoĭacōari, Cristore ajitirɯnɯgū ñari, butobɯa ĩre masirɯtuarɯaja yɯ. Tire yɯ yijama, ado bajiro yigɯ yaja yɯ: Cristo ĩ rijato bero, tudicaticōari, ĩ masise rāca ĩre ajitirɯnɯrāre ejarēmo ñagūmi. Tire, ĩ masise rāca ĩ bojase rīne yigɯ ñarɯaja yɯ. To yicōari, ĩ jacɯre cɯdirɯagu ñari, Cristo, rojose ĩ tāmɯoriarore bajiro rojose tāmɯorɯaja yɯ quēne. To bajiro bajigɯ, yucátērojare ĩre ĩna sĭariarore bajiro yɯre ĩna sĭaboajaquēne, quēnarɯaroja. ¹¹ To bajiro bajirocɯ yɯ ñajama, yɯ rijato bero, yɯre quēne catiorɯcɯmi Dios.

“Quēnase rīne yirā ñarāsa mani”, Pablo ĩyire queti

¹² “Jediro masigū ñari, quēnase rīne yigɯ ñaja”, yimasibeaja yɯ. To bajiboarine, “Dios ĩ bojarore bajiro quēnaro yirɯcɯja” yigɯ, yɯ yimasiro cōro yirūgūaja yɯ. “Yɯre bajiro quēnase rīne yigɯ ñato” yigɯ, “Yɯre ajitirɯnɯña mɯ”, yɯre yicami Jesucristo. ¹³ Quēnaro ajiya, yɯ mairā. “Cristo ĩ bojarore bajiro quēnase rīne yigɯ ñaja yɯ”, yimasibeaja yɯ. Tirɯmɯjɯ yɯ yirūgūcatire buto tɯoĭabetirūgūaja yɯ. Tire tɯoĭabecɯne, quēnaro yɯ yirotijɯare tɯoĭarūgūaja. ¹⁴ “Dios tɯjɯ yɯ ejaro, quēnaro yɯ yise vaja quēnaro yɯre yato ĩ” yigɯ, to bajiro rīne yirūgūaja yɯ. ĩ tɯjɯ mani ejaro, quēnaro mani yise vaja, “Quēnaro ĩnare yirɯcɯja”, yiyuju Dios, quēnase rīne yirā mani ñarotire yigɯ.

¹⁵ To bajiri yu tʰoĩarore bajiro tʰoĩarũgũroti ñaja muare quẽne, quẽnaro Cristore ajitirũnarã jedirore. To bajiro tʰoĩarã ñaboarine, cojo vãme ricati mua tʰoĩajama, quẽnaro mua masirotire yirucumi Dios. ¹⁶ Dios i bojasere masijeobetiboarine, mani ajimasiro cõro mani yicõa ñajama, quẽnarũaroja.

¹⁷ To bajiri, yu bajiñarũgũcatore bajiro bajiñaña, mua quẽne. ¹⁸ Gãjerãjuama, quẽnasere yibetirũgũama. To bajiro ña bajise cojoji me muare gotirũgũcaju yu. Quẽna ña bajisere tʰoĩacõari, muare gotigu, bũto sutiritiaja yu. To bajiro ña bajicõa ñajama, “Cristo i rijabosare vaja maja” yirãre bajiro bajicõa ñarãma. ¹⁹ To bajiro bajirã ñari, rojose tãmuotujabetiriaroju varuarãma. Dios i bojasere yimena ñari, ña masu ña bojase rĩne yirã ñaama. To bajicõari, rojose ña yijama, bojonemenane, tire gotivariquẽnarãma. Adigodoaye rĩne tʰoĩarũgũrãma. ²⁰ Manijũama, õ vecaju Dios tũju varona ñaja. I ñaroju ñaja mani ñarũgũrotiju. To bajiri tijũare tʰoĩarũgũaja mani. To yicõari, “Õ vecaju ñagũ, vadicõari, rojose tãmuotujabetiriaroju mani varotire manire yirẽtobosarucumi mani uju Jesucristo”, yitʰoĩa variquẽnarũgũaja mani. ²¹ To bajiro bajigũne, quẽnariruju i ruju cutirore bajirone manire quẽne vasoarucumi, adi macarucuroaye jediro rotimasigũ ñari.

4

“Cristore ajitirũnarã ñari, variquẽnacõa ñaña”, Pablo i yire

¹ Yu mairã, quẽnaro ajiya mua. Cristore ajitirũnarã ñari, yu yarã ñaja mua. Muare maigũ ñari, bũto muare ñarũaja yu. “Yu gotimasilocatire ajicõari, Diore quẽnaro ajitirũnacõa ñarãma ña”, muare yitʰoĩavariquẽnaja yu. To bajiri mani uju Jesucristore ajitirũnu tujabetiroti ñaja.

² Evodia vãme cutigore, S'intique vãme cutigore quẽne, muare gotigu yaja. Mua juarã, mani uju yarã ñari, sigõre bajiro tʰoĩaña mua. ³ Toagu, yũre quẽnaro baba cuticacũjuare, “Ado bajiro yũre yibosaya”, mure yisẽniaja yu: Ña, rõmia juarãre, “Gãmerã oca quẽnoato” yigu, ñare ejarẽmoña mu. To yu ñaro, Cristo i rijabosare suorine quẽnaro Dios i yisere yu gotimasiorotire yirã, yũre quẽnaro ejarẽmorũgũcama ña. Clemente, i babarã quẽne yũre ejarẽmorũgũcama. Yũre ejarẽmocanare, “Ado cõro ñaama yu tũ ñarũgũrona” Dios i yuucaturiatutiju ucatuecorã ñarãma.

⁴ Mani uju ajitirũnarã ñari, tocãrãcãjine i yere tʰoĩavariquẽnarũgũña mua. ⁵ Rãcũbuose rãca gãjerãre quẽnaro yirũgũña mua, “‘Quẽnase rĩne yirã ñaama’, gãjerã muare yĩlato” yirã. Mani uju adi macarucuroju i tudiejaroti, mojoroaca ruaja.

⁶ Ñiejũare mua tʰoĩarejaisere bojabeaja yu. Tocãrãcãjine rojose mua tãmuojama, “Rojose yuã tãmuosere yirẽtobosaya” yirã, Diore mua sãnijama, quẽnaja. To yicõari, muare i ejarẽmoroti ti ñajare, “Quẽnaro yirucuja mu”, ñre yivariquẽnarũgũña. ⁷ To bajiro mua yijama, mua variquẽnarotire yirẽmorucumi Dios. To bajiri, Jesucristo muare quẽnaro i ejarẽmorotire tʰoĩarã ñari, rojose tãmuorã ñaboarine, variquẽnacõa ñaruarãja. Tire ajimasibetiruarãma Jesũre ajitirũnũmena.

“Quẽnase rĩne tʰoĩarũgũña”, Pablo i yire queti

⁸ Yu mairã, ado bajiro muare gotitũsaja yu: Quẽnase rĩne tʰoĩarũgũña. Rãcũbuore queti, quẽnaro yire queti, maire queti, to yicõari, masa quẽne ña ajivariquẽnase queti tʰoĩarũgũña. To yicõari, “Quẽnase ñaja” Dios i yisere quẽne tʰoĩarũgũña.

⁹ Muare yu gotimasilocatore bajirone yirũgũña. Yũre mua ajicatire, mua ñacatire quẽne to bajirone yicõa ñaña. To bajiro mua yijama, variquẽnase manire cõagũ, Dios, mua rãca ñacõa ñarũgũrucumi.

Filipos macana, ñre gãjjoa ña ñsirere Pablo i gotivariquẽnare

¹⁰ Yũre tʰoĩacõari, yu bojasere yũre cõañuja mua quẽna. To bajiri bũto variquẽnacõari, “Quẽnaro yaja mu”, mani uju, Diore yaja yu. Yoaro yũre mua cõabetiboajaquẽne, “Cõarũaboarine cõamasimena bajirãma”, muare yitʰoĩacaju yu. ¹¹ “Yu suorũa tʰoĩase

jediro сѡорѡаја уѡ” уігѡ ме јаја. Jairo уѡ сѡојама, уѡ сѡобетјаѡуѡне, variquēnacōa ñaja. ¹² Cojojirema maioro уѡ bajijama, уѡ bajibetijaquēne, variquēnarūgūaja уѡ. Bare ti ñajama, ti manijaquēne, variquēnacōa ñaja. ¹³ To bajiro уѡ bajise jedirote уѡре ејарѡморūgūami Cristo. ¹⁴ To bajiro уѡре ї ејарѡмобојаѡуѡне, gājoa уѡре мѡа сōase сѡорине уѡре ејарѡмоñuja мѡа.

¹⁵ Macedonia sitaja Cristo ї rijabosare сѡорине quēnaro Dios ї yise queti gotimasiodi gajanocōari, quēna gajeroja уѡ vato, мѡа, Filipos macana rīne gājoa juarēocōari, уѡре сōañuja мѡа. Gājerāma, уѡ gotimasiodati сѡорине Cristore ajitirūnarā ñaboarine, уѡре сōabesuma їна. ¹⁶ Rījoroja quēne Tesalónica macaja ñagū, ñie сѡобесѡ уѡ bajiro, сојоји ме gājoa уѡре сōañuja мѡа. ¹⁷ “Quēna gajeye уѡре сōato” уігѡ ме, to bajise мѡаре јаја уѡ. “Уѡре мѡа уіроре bajirone gājerāre quēne мѡа уісōa ñajama, rētobusaro quēnase мѡаре сōato Dios” уігѡ јаја. ¹⁸ Мѡа сōariaro сōроне уѡре їsicami Erafrodito. Уѡ сѡорѡа тѡоїacati rētobusaro сōañuja мѡа. Уѡре quēnaro мѡа уіcatire їavariquēnarimi Dios. ¹⁹ Ѓ ñaami mani uja, ñajediro quēnase сѡогѡ. To bajicōari, ї maca yarā мѡа ñajare, мѡа сѡорѡа тѡоїase jediro мѡаре сōarucami. ²⁰ Quēnaro їre rācabo variquēnarūgūarāja mani. To bajirone bajiato.

Pablo, ї quēnaroticōare queti

²¹ Toana, Jesucristore ajitirūnarā jediro quēnato їна. Уѡ rācana, Cristore ajitirūnarā, мѡаре quēnaroticōaama. ²² Adoana, Cristore ajitirūnarā jediro, мѡаре quēnaroticōaama. Cristore ajitirūnarā, Roma macagu uja ñamasugūre moabosarimasā quēne мѡаре quēnaroticōaama.

²³ Mani uja, Jesucristo, quēnaro мѡаре yato ї.
To сōro ñaja.

Carta de San Pablo a los COLOSENSES

Colosas macana, Cristore ajitirānūrāre Pablo ĩ ucare queti

1-2 ĴNati m̄a, Colosas vāme c̄uti macana, Dios yarā? Jesucristore ajitirān̄u t̄ujamenare m̄are ucacōaja ȳa. M̄are quēnarotirā, mani jac̄u Diore ado bajise m̄are sēnibosaja ȳa: “Quēnaro ĩna ñarotire yirā, ĩnare ejarēmoña”, m̄are yisēnibosaja ȳa. Ȳu ñaja Pablo vāme c̄utiḡu, adi paperare m̄are cōagū. Dios ĩ bojarore bajiro ȳare cōacami Jesucristo, “Ȳu s̄uori ȳu jac̄u quēnaro ĩ yise quetire gājerāre gotimasiodir̄uc̄aja m̄u” yiḡu. Ȳu rāca ñaami mani maigū, Timoteo.

Cristore ajitirānūrāre t̄uoĩacōari, Diore Pablo ĩ sēnibosare

3-4 “Jesucristore quēnaro ajitirān̄ucōa ñaama ĩna. To bajicōari, Dios yarā jedirore quēnaro mairā ñaama” m̄are masa ĩna yisere ajirūgūaja ȳa. To bajiro ĩna yirūgūsere ajivariquēnaja ȳa. To bajiri, tocārācagine mani ̄ju Jesucristo jac̄ure m̄are ȳa sēnibosajama, “Quēnaro yaja m̄u”, ĩre yivariquēnarūgūaja ȳa. ⁵ Tirūm̄uj̄une riojo ñamasusere, Cristo s̄uori quēnaro Dios ĩ yise quetire m̄a ajitirān̄us̄uorij̄uj̄une, “Ī oca ti gotirore bajirone ō vecaj̄u Dios t̄uj̄u ejacōari, quēnaro ñarūgūr̄uarāja mani”, yivariquēnacoyuja m̄a. To bajiro yirā ñari, Dios yarāre quēnaro ejarēmoñuja m̄a. ⁶ Cristo ocare ajis̄uocōari, “Ti ñaja riojo ñamasuse oca”, yiyuja m̄a. To yicōari, “Rojose yirā mani ñaboajaquēne, manire ĩamaicōari, manire quēnaro yiyumi Dios”, yiajitirān̄uñuja m̄a. Ī oca quēnasere m̄a ajitirān̄urore bajiro ajitirān̄ur̄utuana yirāma masa jediro. To bajicōari, m̄a yirūgūore bajirone quēnaro yirūgūr̄ama ĩna quēne. ⁷ Mani maigū, Epafras vāme c̄utiḡu, ñaami ti ocare m̄are gotimasior'i. Jesucristo ĩ bojasere yiḡu ñari, adoju quēnaro ȳare ejarēmorūgūami. ⁸ Ī ñaami “Esp'iritu Santo ĩ ejarēmose rāca gājerā Dios yarāre quēnaro maiama ĩna, Colosas macana” ȳare yigoticac̄u.

⁹ To bajiro ĩ yicatire ajicana ñari, ȳa ajis̄uorij̄uj̄une, Diore m̄are sēnibosadicaj̄u, Dios ĩ bojasere quēnaro m̄a yimaserotire yirā. To yicōari, Esp'iritu Santo s̄uorine tocārāca vāme m̄a maserotire quēne “Ejarēmoato” yirā, Dioj̄are m̄are sēnibosarūgūaja ȳa. ¹⁰ M̄are ȳa sēnibosase s̄uorine to bajiro m̄a yijama, mani ̄ju ĩ bojarore bajiro yirūgūr̄uarāja m̄a. To yicōari, ĩre b̄utob̄usa masirūtuar̄uarāja. ¹¹ ĩre r̄etob̄usaro m̄a masirūtu vajama, masir̄etogū, Dios, m̄are quēnaro ejarēmor̄uc̄umi, jediro rojose t̄am̄uob̄oarine, ĩre m̄a ajitirān̄ucōa ñarotire yiḡu. To bajiro m̄are ĩ yijama, rojose t̄am̄uob̄oarine, rojose m̄are yirāre j̄ūnisinimenane, variquēnacōa ñar̄uarāja m̄a. ¹² Mani jac̄u, Diore t̄uoĩavariquēnacōari, ado bajiro ĩre sēnir̄uarāja m̄a: “Quēnaro yaja m̄u. Quēnaro m̄u yire s̄uorine m̄u yarā ñaja ȳa. To bajiri m̄u ñaroju, ejacōari, gājerā, m̄u yarā quēnaro ĩna yiecorore bajiro yiecor̄uarāja ȳa quēne”, Diore yivariquēnar̄uarāja m̄a.

¹³ Dios, ado bajiro manire ĩ yire ñajare, to bajiro yivariquēnar̄uarāja m̄a: Satanás yarā, ĩ bojarore bajiro yirā ñaboariarāre manire ejarēmoñumi Dios, ĩ mac̄u ĩ maigū yarā, “Ī bojarore bajiro yirā ñato” yiḡu. ¹⁴ Dios ĩ yire ȳu yijama, ado bajiro yiḡu yaja ȳu: Ī mac̄u manire ĩ rijabosare s̄uorine Satanás manire ĩ rotiboarere c̄udimena ñacoariarāja mani. To bajicōari, rojose mani yisere Dios ĩ masiriorā ñacoariarāja mani.

Cristo ĩ rijabosare s̄uorine Diorāca quēnaro mani ñase queti

¹⁵ Ñim̄uj̄a Diore ĩagū magūmi. To bajiboarine Cristore masirājuama, Diore masiaja mani. Cristo ñaami adi macar̄uc̄uro ti ruyuaroto r̄ijoroj̄une ñacoadimasir'i. ¹⁶ Ī s̄uorine adi macar̄uc̄uro ñase jedirore rujeomasin̄uju Dios. Adi macar̄uc̄uro ñarā, ō vecanare quēne, ruyumena, ruyurāre quēne ĩ s̄uorine rujeomasin̄uju Dios. To yicōari, ō vecana

rotimasironare quēne ĩ suorine ĩnare rujeomasĩñuju Dios. To bajiro yimasiñuju, “Quēnaro yiyumi” ĩre gājerā ĩna yirūcūbūorotire yigū. ¹⁷ Adi macarūcūro ti ruyuaroto rĩjorojūne, ñacōadimasĩñuju Cristo. To bajicōari, ĩ suorine jediro ñaja. ¹⁸ ĩ rijabosare suorine ĩ yarā mani ñarotire yiyumi Dios. Cristo ñaami rijacoaboarine quēna tudicatisūor'i. To bajir'i ñari, masa ĩna rijato berojū “Tudirijabeticōato” yigū, Dios ĩ catisere ĩre ajitirūnarāre ĩsigū ñagūmi. To bajicōari, ĩre ajitirūnarāre, ĩre ajitirūnūmenare quēne jediro ũjū ñagū bajigūmi. ¹⁹ Dios, ado bajiro tūoĩañuju: “Yū macū, yūre bajirone bajigū ñari, ĩ sīgūne yū ye ñajediro quēnasere cōagū ñarūcūmi”, yitūoĩañuju Dios. ²⁰ Adigodoana, ō vecana quēne rojose yirā ñañujarā. To bajiri, rojose ĩna yisere “Masiriogūsa” yigū, ĩ macūre rijarotiyumi. To bajiro ĩ yijama, ĩna jediro ĩ rāca quēnaro ĩna ñarotire yigū yiyumi.

²¹ Tirūmūjūrema Dios yarā me ñañuja mūa maji. Rojose tūoĩacōari, rojose mūa yire suorine Dios ĩ ĩajama, ĩre terā ñañuja mūa. ²² To bajiro bajiriarā mūa ñaboajaquēne, ĩ tūjū mūa ejaro, “Rojose mana ñaama” ĩ yĩarotire yigū, ĩ macūre rijarotiyuju. ²³ To bajiro Dios ĩ yire ti ñaboajaquēne, ĩ tū mūa ejarirūmū, “Rojose mana ñaama” ĩ yĩarotire mūa bojajama, ĩ macū suorī quēnaro ĩ yire quetire ajitirūnūcōa ñaroti ñaja. Ti quetire masa ñajedirojūne ajirāma. Yū quēne, tire goticudigū ñaja.

Diore ajitirūnarāre Pablo ĩ ejarēmore queti

²⁴ Cristo ocare ajitirūnarāre gotimasiodigū, rojose tāmūogū ñaboarine, variquēnaja yū. Gājerā quēnaro ĩna ñarotire bojagū ñari, rojose tāmūoñūmi Cristo. To bajiri, yūre quēne, to bajiro yū bajirotire bojayumi Cristo. ²⁵ “Cristo ocare jud'io masa me ñarāre quēnaro gotimasiodirūcūmi” Dios ĩ yitūoĩariarore bajirone Cristo yūre ĩ yijare, Cristore ajitirūnarāre ejarēmorimasū ñacajū yū. ²⁶ Yū gotimasiosere, tirūmūanajūma tire masibetimasĩñuma maji. Adirūmūrirema, ĩ yarā ñarona tire ĩna masirotire yiyumi Dios. ²⁷ “Jud'io masa me ñarā, yū suorī quēnamasuse ĩna yiecorotire masiato ĩna, yū yarā” yigū yiyumi Dios. Ado bajiro bajiaja ti oca masa ĩna masibeticati: Mūare ejacōari, mūa rāca quēnaro ñarūgūrūcūmi Cristo. To bajiri, “Dios tūjū ejacōari, quēnamasuse yiecorūarāja mani”, yitūoĩa variquēnarūarāja mūa.

²⁸ No bojaro yūa vato masa jedirore Cristo ocare gotimasiodiaja yūa, “ĩre mūa ajitirūnūjama, rojose tāmūotūjabetiriarojū vabetirūarāja mūa” yirā. To yicōari, tocārācūne Cristore ĩna ajitirūnūjama, Dios tūjū ĩna ejarirūmū, “Ñie rojose mana ñaama” ĩ yĩarotire yirā, yūa masiro cōro quēnaro gotimasioaja yūa. ²⁹ To bajiro ĩna bajirotire bojarā, josase ti ñaboajaquēne, Cristo ĩ ejarēmose rāca moarūgūaja yūa.

2

¹ “Quēnaro mani ñarotire yigū, josari moarūgūgūmi Pablo” mūa yisere bojaja yū. Laodicea macana, to yicōari gājerā yūre ĩabetiriarā Cristore ajitirūnarā, to bajise ĩna yisere bojaja yū. ² Ado bajiro quēnaro mūa ñarotire yigū, josari moarūgūaja yū: Cristore mūa tūoĩavariquēnarotire, quēnabusaro mūa gāmerā mairūtuarotire, to yicōari, Cristo ocare quēnaro ajimasirotire yigū yaja. To bajiro mūa bajijama, masa ĩna masibeticatire, “Yū yarā masiato” yigū, Dios ĩ yisere quēnaro masirūarāja mūa. To bajiro yū yijama, “Cristore quēnaro masirūarāja mūa” yigū yaja. ³ Cristo yarā rĩne ñaama, “Ti oca, masa ĩna masibeticatire ñamasusere masiato” yigū, Dios ĩ yirā. ⁴ “Quēnaro gotitorāre ajitirūnarobe” yigū, tire mūare gotibū yū. ⁵ Mūa rāca ñabetiboarine, mūa rāca ñagūre bajiro tūoĩaja yū. “Quēnaro ñacōari, Cristore ajitirūnūcōa ñarāma” mūare yitūoĩacōari, būto variquēnaja yū.

“ Jesucristo, yū ũjū ñaami’ yiriarā ñari, ĩ bojarore bajiro rĩne yirūgūroti ñaja mūare”, Pablo ĩ yire queti

⁶ “Jesucristo, yu uju ñaami” yiriarã ñari, i bojarore bajiro rĩne yicõa ñaroti ñaja mũare. ⁷ Mũa yirotere masiruarã, ĩre sēnirũgũruarãja. To yicõari, Epafras mũare ĩ gotimasioriarore bajirone Cristore quēnabusaro ajitirũnũruarãja mũa. To yicõari, “Quēnaro yaja mũ”, Diore ĩre yivariquēnarũgũruarãja.

⁸ To bajiri, gãjerã ricati gotimasiorã, “Cristore bajiro bajirã ñarãma gãjerã” ĩna yisocasere ajibesa mũa. Cristo ye me ñaja ti. ĩna ñicua ĩna tũoĩamasiriarore bajiro tũoĩacõari gotirã yama.

⁹ Gãjerã manama. Cristo sīgũne ñaami jediro Dios ye cũogũ. Manire bajiro ruju cutiboarine, Dione ñañumi Cristo. ¹⁰ ĩ rotijama, ñimũja ĩre cũdibecu magũmi. To bajiri, Cristo yarã ñari, jediro ñamasuse cũorã ñaja mũa. Disejua ruyabeaja mũare quēne. ¹¹ Circunciõn ĩna yiecorijane, “Dios rĩare bajiro bajirã ñacoaju mani” yitũoĩarã ñari, tire yirũgũrãma jud'io masa. To bajiro ĩna yiboase, mani rujuaye ti ñajare, Dios ĩ ĩajama, vaja maja ti. Mũajuarema, Cristore mũa ajitirũnũsũorone, mũare ejarẽmoñumi, “Yu yarã ñacõari, rojose yirua tũoĩabeticõato” yigu. ¹² Mani bautizaecojama, Jesucristo rãca rijariarãre bajiro bajiyuja mani. To bajicõari, “Jesucristo ĩ yuje ecoro bero, ĩ masise rãca ĩre tudicatioyumi Dios” yitũoĩariarã ñari, Cristo rãca tudicatirãre bajiro bajiyuja mani. To bajiriarã ñari, Jesucristo ĩ ejarẽmose rãca Dios ĩ bojarore bajiro yirã ñaja mani. ¹³ Tirũmũju rojose yiriarã ñari, Dios yarã me ñariarãja mũa maji. To bajiro bajiriarã mũa ñaboajaquēne, rojose mũa yirere masiriocõari, “Cristo ĩ ejarẽmose rãca yu bojarore bajiro yirã ñato” yigu mũare yiyumi Dios. ¹⁴ Rĩjorojũma Dios ĩ rotimasirere cũdijeobetiriarã mani ñajare, rojose tãmũorona ñañuja mani maji. To bajiro mani bajiroti ti ñajare, yucátẽroju ĩ macũre rijarotiyuju Dios, “Rojose ĩna yise vaja, ĩnare vaja yibosato” yigu. To bajiri ĩ rijabosare sũorine rojose mani yisere masiriojeocõañuju Dios. ¹⁵ To bajiro Cristo ĩ rijabosare sũorine vãtia rojose yirotirã, ĩna rotimasiboariarore bajiro, “Rotimasibeticõato” yigu yiyumi Dios.

“Dios ĩ bojase rĩne mũa yijama, quēnaja”, Pablo ĩ yire queti

¹⁶ To bajiri, Cristo yarã ñari, Dios ĩ ĩvariquēnarã ñaja mũa. To bajiri, gãjerã socase gotirimasa ado bajise mũare ĩna yisere ajibesa mũa: “Ti ñaja babetiroti. Adi ñaja idibetiroti. Ñamiagu muiju ĩ roarirũmu beroagarũmu ñaja rũcũbũoriarũmu. Usũsãjariarũmũre ado bajiro yirũgũroti ñaja”, mũare yirãma ĩna. ¹⁷ To bajiro ĩna yise, Cristo ĩ rijabosaroto rĩjoro jud'io masare Dios roticũmasireju ñañuja maji. To bajiboarine, adirũmũrirema vaja maja ti. Cristo ĩ bojarore bajiro quēnaro mani yisejua ñaja vaja cuti. ¹⁸ “Ángel mesare yua yirũcũbũorore bajiro yirũcũbũomena mũa ñajare, mũare ĩvariquēnabecũmi Dios” ĩna yisere quēne ajibesa mũa. ĩna masune tũoĩaboarine, “Yua cãjiriaroju ĩacõari, quēnaro Dios ĩ rotisere gotiaja yua”, yirã ñarãma. “Ñamasurã me ñaja yua” yigotiboarine, ĩna tũoĩasejũama, “Ñamasurã ñaja”, yitũoĩaboarãma. ¹⁹ Cristore ajitirũnũmena ñari, ĩ ye riojo gotirã me ñarãma. Cristo, sīgũne ñaami mani uju. Dios ĩ bojarore bajiro manire ejarẽmorũgũami Cristo, bũtobusa gãmerã ejarẽmocõari, ĩ bojarore bajiro yirã mani ñarotire yigu.

²⁰ “Rojose yibeticõari, yu bojasejũare yato” yigu, ĩre ajitirũnũronare manire rijabosayumi Cristo. To bajiro ĩ bajire ti ñaboajaquēne, ¿no yirã Cristore ajitirũnũmena ĩna gotisere ajirũcũbũoati mũa? ²¹ “Tire moaĩabesa Tire babesa” ĩna yirotisere ajirũcũbũobesa mũa. ²² Jedise ñaja bare. To bajicõari, mũare ĩna rotise, Dios ye me ñaja. Masa ĩna masune tũoĩacõari, ĩna gotimasiose ñaja. ²³ ĩna ajivariquēnasere ĩna gotijama, tire ajicõari, “Quēnaro gotimasiamã”, yitũoĩaboarãma sīgũri. To bajiro ĩna yiboajaquēne, quēnaro tũoĩarã me ñarãma. Ado bajise ĩnare gotimasiboarãma ĩna: “Yua rũcũbũorãre mũa quēne mũa rũcũbũojama, quēnaja. ‘Masirã me ñaja’ mũa yitũoĩajama, quēnaja. Mani rujuare rojose mani yijama, quēnaja. To bajiro mani yijama, rojose mani yisere yitũajũarãja mani”, yitũoĩaboarãma. To bajiro ĩna yiboase socase ñaja.

3

¹ Cristore ñna sãboajaquẽne ãre catiomyumi Dios. To bajiro ãre yicõari, õ vecajũ, “Yũ rãca rotirũcũja mũ”, ãre yiyumi. Cristore mani ajitirũnũroto rĩjoro, Diore masimena ñari, rojose yirã ñañuja mani maji. To bajiro mani yirũgũboarere yitũjacõari, Cristore mani ajitirũnũsũoriarũmũne, “Yũ tũjũ varũarãma”, manire yiyumi Dios. To bajiri, quẽnaro manire ã yirotire tũoĩarũgũroto ñaja. ² Adigodoaye rojose tũoĩamenane, Dios yejuare tũoĩarũgũroto ñaja. ³⁻⁴ Rojose mũa yirũgũrere yitũjacõari, Cristore ajitirũnũrã mũa ñajare, “Ï rãca ñarũgũrũarãja mũa” Dios ã yiriarã ñañuja mũa. To bajiri, rojose tũoĩabetiroto ñaja. Cristo sũorine mũa rijato berojũma “Tudirijabeticõato” yigũ, Dios ã catisere ã ãsiriarã ñaja mũa. To bajiri mũa rãca ñagũmi Cristo. To bajiro ã bajisere ãmasibetiboarine, adigodo ã tudiejaro, “Ñajediro mũjũ ñaami”, ãre yirũcũbũorũarãma masa ñajediro. To cõrojũ mũare quẽne ã rãca mũa ñasere ãacõari, “Ï yarã ñañuma”, mũare yirũcũbũorũarãma ãna yuja.

“Rojose yibesa mũa”, Pablo ã yire queti

⁵ Rojose mũa yirũgũsere yitũjaya mũa. Manajo cõtirã, manajũ cõtirã, manajo mana, manajũ mana quẽne, gãjerã rãca ajeriarã cõtibesa. Rojose yirũa tũoĩabesa. To yicõari, Diore mũa mairo rẽtoro, gajeyeũnire maibesa. Diore mũa mairo rẽtoro, gajeyeũnire mũa maijama, Diore rũcũbũorã me yirãja mũa. ⁶ Rojose yirãre Dios rojose ãnare ã yiroto ti ñajare, rojose yibesa mũa. ⁷ Tirũmũjũ rojose yimasiriarãja mũa maji. ⁸ Adirũmũrĩrema ñajediro rojose mũa yirũgũrere to cõrone tire yitũjaya. Gãjerã rojose mũare ãna yiboajaquẽne, jũnisinibesa mũa. Gãjerãre ãatebesa. Gãjerãre rojose ñagõmacabesa. ⁹⁻¹⁰ Mũa socarũgũrĩarore bajiro socabesa mũa. Cristore mũa ajitirũnũsũorone, mũare ejarẽmosũoyumi. To bajicõari, quẽnabusaro Diore mũa masiroto yigũ, mũa rãca ñacõa ñagũmi. To bajiri ñajediro rojose yibetiroto ñaja. ¹¹ To bajiro ti bajijare, jud'io masa mũa ñajama, mũa ñabetijaquẽne, no yibeaja. Circuncisiõn yiriarã mũa ñajama, mũa ñabetijaquẽne, no yibeaja. Gãjerã masa ñaboarine, mũa rãcana yere ajimasirã mũa ñajama, mũa ñabetijaquẽne, no yibeaja. Moabosarimasa mũa ñajama, mũa ñabetijaquẽne, no yibeaja. Cristo ñaami mani jediro mũjũ. Manire ejacõari, mani rãca ã ñase rĩne ñaja ñamasusema.

¹² “Yũ yarã ñañũ mũa” yigũ, Dios ã beseriarã ñarãja mũa quẽne. To bajiri ã ãmairã ñarãja mũa. To bajiro bajirã ñari, gãmerã ãamaicõari, quẽnaro yirũgũroto ñaja mũare. “Yũ rẽtoro ñamasurã ñaama”, gãjerãre yirũcũbũorũgũroto ñaja. Gãjerã mũare rojose ãna yiboajaquẽne, ãnare jũnisinibetiroto ñaja mũare. ¹³ ãnare jũnisinibeticõari, rojose mũare ãna yisere masiriorũarãja mũa. Mani mũjũ rojose mũa yisere ã masirioriarore bajirone rojose mũare yirãre masirioya mũa quẽne. ¹⁴ Ti jediro yiroto ti ñaboajaquẽne, rẽtoro ñamasuse ñaja gãmerã ãmaire. Mũa gãmerã ãmajama, Dios ã bojarore bajiro yirã, quẽnaro ñarũgũrũarãja mũa. ¹⁵ Cristo sũorine quẽnaro ñarã ñari, mũa yiroto tũoĩacõari, “To bajiro yũ yijama, ãna rãca quẽnaro ñacõarũcũja” yimasicõari rĩne, yirũarãja mũa. Quẽnaro mũa ñarũgũsere Dios ã bojarore, to bajiro yirũgũrũarãja mũa. Ï sũorine quẽnaro ñarã ñari, “Quẽnaro yaja mũ”, Diore yirũgũrũarãja mũa.

¹⁶ Cristo ocare masirã ñari, quẽnaro tũoĩacõari, tire gãmerã gotimasiorũgũrũarãja mũa, “Ti ocare bũtobũsa masirãsa mani” yirã. To yicõari, Dios ocare masa ãna ucamasire basare, Diore tũoĩarã basare quẽne, basaya mũa. To bajiro mũa yijama, mũare quẽnaro Dios ã yisere tũoĩacõari, bũto variquẽnase rãca basarũgũrũarãja. ¹⁷ To yicõari, tocãrãcãjine mũa gotijama, mũa moajaquẽne, mani mũjũ Jesũre ajitirũnũrã ñari, ã bojarore bajiro rĩne yirũgũrũarãja mũa. To yicõari, “Quẽnaro yaja mũ”, mani jacũ Diore yivariquẽnarũgũrũarãja mũa.

Cristore ajitirũnũrã mani bajise queti

¹⁸ Rõmiare, manajũa cõtirãre, mũare gotigũ yaja yũ. Cristore ajitirũnũrã ñari, mũa manajũare quẽnaro ajirũcũbũorũgũña. ¹⁹ Ëmũajũare, mũare quẽne gotigũ yaja yũ. Mũa manajoare quẽnaro maiña. To yicõari, quẽnaro ãnare gotiya.

²⁰ Rīamasajūare, ado bajise mūare quēne gotiaja yu: Tocārācaine mūa jacua īna rotirore bajirone cūdirūgūrūarāja mūa. To bajiro mūa yisere ĩacōari, variquēnarūcūmi mani ɛju. ²¹ ĩna jacūajūare, mūare quēne gotigu yaja yu. Mūa rīare tud'ibesa, “Ajisūtiriticōari, quēnasere yitūjaroma” yirā.

²² Moabosarimasare, mūare quēne gotigu yaja yu. Cojoji ruyabeto variquēnase rāca mūare moare rotirāre quēnaro cūdiya mūa. “Manire moare rotirā ĩna ĩaro rīne quēnaro moarūarāja, ‘Manire ĩavariquēnato’ yirā”, yitūoĭabetirūarāja mūa. ĩna ĩaro, ĩna ĩabeto quēne, quēnaro ĩnare moabosarūgūrūarāja mūa, “ĩnare quēnaro mani moabosabetijama, rētoro masigū, mani ɛju, Cristo, manire ĩavariquēnabecūmi” yitūoĭa gūirā űari. ²³ Mūa yimasiro cōro Cristore mūa moabosarore bajirone mūare rotirāre quēnaro ĩnare moabosarūarāja mūa. ²⁴ Cristo sīgūne űaami mani ɛju űamasugū. To bajiri, űajediro ĩ bojarore bajiro yirūgūroti űaja manire. To bajiro tūoĭacōari, mani moajama, ĩre moabosarā yirāja mani. Tire masiritūbesa. Mani ɛju űari, ĩ gotiriarore bajirone quēnaro manire vaja yirūcūmi. Ti űaja ĩ űarōju ejacōari, gājerā ĩre ajitirūnūrā rāca quēnamasuse manire ĩ ĩsiroti. ²⁵ To bajiboarine rojose mūa yirūgūjama, rojose mūare yirūcūmi Dios. To bajiri, “Ānoama rojose yirā ĩna űaboajaquēne, quēnaro ĩnare yirūcūja yu”, yigu me űaami.

4

¹ Moarimasa ɛjarāre, mūare quēne gotigu yaja yu. Mūare moabosarimasare quēnaro ĩnare yiya. Sīgūne űaami mani ɛju űamasugū, mūare moabosarimasare, to yicōari mūare quēne rotigu. ĩne űaami mūa yise jedirore sēniĭarocū.

² Mūa jedirore gotigu yaja yu. Tocārācarūmūne Diore sēnirūgūroti űaja. To yicōari, ĩ yirēmosere masicōari, “Quēnaro yaja mū”, yirūgūroti űaja. ³ Yūare quēne ado bajiro sēnibosarūgūűa mūa: “‘Cristo oca masa ĩna masibeticatire Pablo mesa gājerāre gotimasioduciatu’ yigu, ĩnare ejarēmoűa mū”, ĩre yisēnirūgūűa mūa. Tire gotimasiogū űari, tubibe ecoaja yu. ⁴ Quēnaro riojo yu gotimasiorotire yirā, Diore sēnirūgūűa mūa. To bajirone yicōa űaroti űaja yūre.

⁵ Cristore ajitirūnūmena rāca mūa űajama, quēnaro űaűa mūa. To bajiűarā, cojorūmū gotimenane, űabesa. Tocārācarūmū Cristo ocare ĩnare gotimasiodcōa űaűa. ⁶ ĩnare mūa gotijama, quēnaro tūoĭacōari, gotiya. To bajiro yicōari, mūare ĩna sēniĭajama, quēnaro cūdimasirūarāja mūa.

Pablo ĩ gotimūsare queti

⁷ Adojū yu rācagū, mani maigū, T'iquico vāme cūtigū űaami. Mūa tūju ĩre cōagū yaja yu. Tojūre ejacōari, yu bajise queti mūare gotirūcūmi. Yūre quēnaro ejarēmorūgūgū, to yicōari, mani ɛju ĩ bojasere yigu űaami. ⁸ To bajiro yigu ĩ űajare, mūa tūju ĩre varotibu yu. Toju ejacōari, yu bajise quetire gotirūcūmi. Tire ajivariquēnarūarāja mūa. ⁹ ĩ rāca, mani maigū, Onésimo vāme cūtigū mūa ya macagūre quēne, varotibu yu. Quēnaro yūare ejarēmorūgūmi ĩ quēne. ĩ rāca űacōari, yu bajirūgūse jedirore gotirūarāma.

¹⁰ Adojū tubiberiavijū yu rāca űagū Aristarco vāme cūtigū, mūare quēnarotiami. Bernabé tēűū, Marcos vāme cūtigū quēne mūare quēnarotiami. “Mūa tūju ĩ ejacoajama, ĩre quēnaro yiba”, mūare yuicacōacaju yu, jēre. ¹¹ Jesús Justo vāme cūtigū quēne mūare quēnarotiami. Jud'io masa vatoajūre adocārācūne űaama, yu yarā, “Rotimūorūgōrūcūmi” yigu, Dios ĩ cōar'i, Cristo ocare yu rāca gotimasiodudirā. Yūre būto ejarēmorūgūama. ¹² Mūa ya macagū, Cristo ĩ bojasere yigu, Epafras vāme cūtigū quēne, mūare quēnarotiami. Diore ajitirūnū tūjabeticōari, Dios ĩ bojarore bajiro rīne mūa yirotire yigu, cojoji me Diore mūare sēnibosarūgūami. ¹³ Mūare, mūa tūanare quēne, Laodicea macanare, Hierápolis macanare quēne būto tūoĭamaigū űari, to bajiro mūare sēnibosarūgūami. To bajiro ĩ yirūgūsere ĩagū űari, mūare gotiaja yu. ¹⁴ Ūco yirimasū, Lucas vāme cūtigū, yu maigū quēne, mūare quēnarotiami. Demas vāme cūtigū quēne, to bajirone yami.

¹⁵ Cristore ajitirānūrā, Laodicea macana, “Quēnato ĩna”, yaja yu. Ninfa vāme cūtigore quēne “Quēnato”, yaja. Cristore ajitirānūcōari, so ya vijū rējarūgūrāre quēne, “Quēnato”, yaja yu. ¹⁶ Adi papera rāca mūare yu gotisere mūa ĩajeoro bero, Laodicea macana Cristore ajitirānūrāre ĩsirā vaja mūa, “ĩna quēne ĩato” yirā. To yicōari, ĩnare yu papera cōacatiūare juacōari, ĩama mūa quēne. ¹⁷ Arquipo vāme cūtigore ado bajiro ĩre gotiya: “Mani ũju Jesucristo mūre ĩ rotirere quēnaro yijeoroti ũaja”, ĩre yigotiya.

¹⁸ Yu Pablo, yu masune, “Quēnato”, mūare yuucacōaja yu. Adoju yu tubibe ecosere masiritibeticōari, Diore yure sēnibosarūgūña mūa. Yu quēne, Diore sēnigū, ado bajiro mūare sēnibosaja yu: “Quēnase ĩnare cōarūgūña mū”, ĩre yisēniaja yu.

To cōro ũaja.

Primera carta de San Pablo a los TESALONICENSES

Tesalónica macanare Cristore ajitirünuräre ĩ babarã rãca Pablo ĩ ucacõare queti

¹ ¿Ñati Jesús ocare ajitirünurã, Tesalónica macana? Yñ Pablo, yñ babarã Silvano^a, Timoteo rãca adi quetire mñare ucacõaja, Dios mani jacñ, to yicõari, mani ññ Jesucristo yaräre. Diore mñare sēnibosaja yña, “ Īnare ĩamaicõari, ejarēmoña mñ’, quēnaro ĩna ñarotire yigñ”.

“Mña bajisere tñoĩacõari, ‘Quēnaro yaja mñ’ Diore ĩre yivariquēnaja yña”, Pablo ĩyire queti

² Tocãrãcaine Dios mani jacñre ĩre sēnirã, mña jediro mña bajisere tñoĩacõari, “Quēnaro yaja mñ”, ĩre yisēnirũgũaja yña. ³ Ado bajiro bajirã mña ñajare, to bajiro yirũgũaja yña: “Yñare ejarēmorcñmi” Diore ĩre yitñoĩarã ñari, quēnaro yĩñaja mña. Gãmerã mairã ñari, gãjeräre quēnaro ejarēmorũgũaja. “Mani ññ Jesucristo ĩ tudiejarero bero, ĩ rãca rijamenane ñarũgũarãja”, yitñoĩa tñjabeaja mña. To bajiro tñoĩarã ñari, rojose tãñorũgũrã ñaboarine, “Yñare ejarēmorcñmi”, ĩre yitñoĩa tñjabeaja mña. To bajiri, to bajiro mña bajise Dios sñori ti bajijare, “Quēnaro yaja mñ”, Diore ĩre yivariquēnaja yña. ⁴ To bajiro Diore yaja yña, mani ññ yarã ado bajise mña bajisere masirã ñari: Dios ĩ ĩamairã, ĩ beseriarã ñañuja mña. ⁵ “To bajiro mñare yiyumi Dios”, yimasiaja, ado bajiro bajicati ti ñajare: “Jesús ĩ rijabosare sñori manire ĩavariquēnaami Dios” yire quetire yña gotimasiojama, yña masune tñoĩarujeocõari, gotirã me mñare gotimasiorũgũcayñ. Dios ĩ rotise rãca mñare gotimasioçayñ yña. Dios ĩ cõagñ Esp’iritu Santo sñorine tñoĩacõari, “Socase me ñaja”, yimasicayñ mña. Mña rãca yña bajiñacatire masicõari, “Quēnaro mani ñarotire yirã mani tññ ejayuma”, yñare yimasirãja mña.

⁶ To bajiri mña quēne, yña yicatire bajirone quēnaro yirũgũcayñ mña. To yicõari, mani ññ Jesús ĩ yiriarore bajirone yirũgũcayñ mña. To bajiri bajicatore bajirone rojose tãñuoboarine, “Variquēnato” yigñ, Esp’iritu Santo mñare ĩ ejarēmocati ñajare, bñto ajivariquēnacayñ mña. ⁷ To bajiro mña bajiñacatire ajicõari, mña ye sitana Macedonia ñarã, adoana Acaya sitana quēne, “Īna bajiñariarore bajiro yiroti ñaja manire”, yama ĩna, Cristore quēnaro ajitirünurã jediro. ⁸ To bajiri mña gotimasiose sñorine mani ññ Jesús ocare ajiyuma Macedonia sitana, Acaya sitana. ĩna rĩ mere, gajeroana jãjaräre gotimasioñuja mña. Quēnaro mña yirere ajicõari, “Cristore quēnaro ajitirünurã ñaama Tesalónica macana”, mñare yama. To bajiro mña bajisere jēre ĩna masicõajare, gajerojñ yña vacudijama, mña bajisere gotibetirũgũaja yña. ⁹ ĩñajña roque yñare quēnaro mña yicatire gotirũgũama. “Ado bajirã ñarãma” mña masune yiquēnorujeocõari, mña rñcññuoboarere yitñjacõari, Dios catimñorũgõrocñjare mña ajitirünurãocatire gotirũgũama. ¹⁰ Gajeye ado bajiro mña gotisere yñare gotirũgũama: “Dios macñ Jesús, ĩ bajirocaro bero, Dios ĩ cator’i, õ vecayñ ñagñmi. ĩ ñaami rojose mani yise vaja rojose tãñotñjabetiriarojñ manire Dios ĩ reacõaborotire manire yirētobosarocñ. To bajiro yirocñ ĩ tudiejarotire yurã yaja” mña yĩñasere quēne yñare yigotirũgũama ĩna.

2

Tesalónica macana rãca Pablo ĩ bajiñarere ĩ gotire queti

¹ Yña mairã, mña tñ yña bajiñacatire tñoĩacõari, “Bñto quēnacayñ”, yimasiaja mña. ² Mña tññ yña ejaroto rñjoro, Filipos ĩna yirimacayñ ñacayñ yña. Tojñ yña ñaro rojose yñare yicama. Mña ya macana quēne yñare gotirotibetiboacama. Jēre tire masiaja mña.

^a **1:1** yñ babarã Silvano, Timoteo rãca a 1.1 Silas ti yijama, griego oca rãca yiyuju. Silvano ti yijama, latín oca ñañuju. Hch 15.22; 18.5 macaña.

Yh̄are ĩna gotirotibetiboajaquēne, Dios ĩ ejarēmose rāca m̄hare goticōacaj̄u, Dios oca Jesús s̄uori quēnaro ĩ yise quetire. ³ Socasere ajir̄uc̄ub̄orā me ñari, tire m̄hare goticaj̄u ȳu. Rojose yir̄uarā me, m̄hare goticaj̄u. M̄hare yitor̄uabeticaj̄u. ⁴ “¿Ȳu bojarore bajiro yirā ñati?” yiḡu, ȳhare rotīacōari, variquēnañumi Dios. To bajicōari, “Ȳu mac̄u s̄uori quēnaro ȳu yise quetire gotir̄uarāja m̄u”, ȳhare yirotiyumi. To bajiri ĩ gotirotirote bajirone gotir̄uḡūaja ȳu. “Masa ajivariquēnato” yirā me, gotir̄uḡūaja. “Dios ajivariquēnato” yirāja, gotir̄uḡūaja. ⁵ “Oca quēnase rāca ȳhare yitorā me yama”, ȳhare yimasicaj̄u m̄u. “Gājoa manire ĩsiato” yirā me, m̄hare goticaj̄u ȳu. Tire masiaja m̄u. Dios quēne, tire masiami. ⁶ “Ñamasurā ñaama’ ȳhare yato” yirā me, m̄hare goticaj̄u ȳu. Noaj̄uane, “Manire r̄uc̄ub̄oato” yirā ȳu goticana manicama. ⁷ M̄hare rotibeticaj̄u ȳu. Cristo ĩ cōarā ñari, ȳu rotijaquēne, quēnacōaboariaroja. To bajiboarine, sīgō rōmio so r̄iacare so ĩatir̄un̄ore bajiro m̄hare ĩatir̄un̄r̄uḡūc̄aj̄u ȳu. ⁸ To bajiro m̄hare ĩamairā ñari, “Cristo ye quetire ĩnare gotimasiot̄uarāja”, yit̄uoīa variquēnar̄uḡūc̄aj̄u ȳu. Ti rī mere yivariquēnar̄uḡūc̄aj̄u ȳu. “Manire ĩaterā manire ĩna s̄iaroti ti ñaboajaquēne, ĩnare gotimasiot̄uarāja”, yivariquēnar̄uḡūc̄aj̄u ȳu, m̄hare ĩamairā ñari. ⁹ Ȳu mairā, m̄u tu ñarā, b̄uto josari ȳu moar̄uḡūcatire masiritimenaja m̄u. Ēm̄u, ñami quēne moar̄uḡūc̄aj̄u ȳu. Toj̄u m̄u t̄uj̄u ȳu ñase vaja, ȳu base vaja quēne ȳhare m̄u vaja yibosajama, josaboriaroja ti, m̄hare. Tire masirā ñari, “Vaja yibeticōato ĩna” yirā, Dios oca gotirā ñaboarine, gajeye moare ȳu masune moacōari, bare vaja yibar̄uḡūc̄aj̄u ȳu.

¹⁰ M̄u t̄uj̄u ñarā Dios ĩ bojarore bajiro quēnaro yir̄uḡūc̄aj̄u ȳu. Toj̄u quēnaro riojo yir̄uḡūc̄aj̄u ȳu. To bajiri socamenane, “Rojose yicama” yirā manama m̄u t̄u ñarā. To bajiro ȳu bajicatire ĩacana ñari, “ĩna yicatore bajiro yir̄uḡūc̄ama ĩna”, ȳhare yīñagōbosa masiaja m̄u quēne. Dios quēne tire ȳhare yīñagōbosa masiḡami ĩ. ¹¹ “Rīa c̄utigu ĩ rīare maiḡu, tocār̄ac̄ure quēnaro ĩ yirore bajiro manire yir̄uḡūc̄ama ĩna”, ȳhare yimasiaja m̄u. ¹² Rojose m̄u t̄am̄ojama, m̄u t̄am̄obetijaquēne, quēnaro m̄hare gotimasiot̄uḡūc̄aj̄u ȳu, “ ‘Manire ejarēm̄oc̄ami’ Cristore ĩre yit̄uoīa t̄uj̄abeticōato” yirā. “Dios ĩ bojarore bajiro m̄u yisere b̄uto bojaja ȳu”, m̄hare yir̄uḡūc̄aj̄u ȳu. Dios ñaami r̄etoro ñamasuḡu, quēnaro rotiḡu, “Ȳu t̄uj̄u ñar̄uarāja” m̄hare yiḡu.

¹³ Gajeye ado bajiro m̄u bajicatire t̄uoīacōari, “Quēnaro yaja m̄u”, Diore ĩre yis̄enir̄uḡūaja ȳu. Dios oca m̄hare ȳu gotimasiocatire ajicōari, “ĩna masune t̄uoīacōari, gotirā me yama” yimasicōari, ȳhare ajitir̄un̄us̄oc̄aj̄u m̄u. To bajiri socase me ñaja Dios ye ȳu gotimasiot̄uḡūse. To bajiri, tire quēnaro ajitir̄un̄ujama, Dios ĩ bojasere yirā ñar̄uarāma. ¹⁴ Ȳu mairā, ti ocare ajitir̄un̄r̄ā m̄u ñajare, rojose m̄hare yiyuma m̄u yarā. M̄u yiecorore bajirone yiyuma jud'io masa quēne, ĩna yarā Jesucristo ocare ajitir̄un̄r̄are. ¹⁵ ĩna yarāne ñaama Cristore s̄iararā. R̄ijoroj̄u Diore gotir̄etobosariarāre quēne ĩnane s̄iararā ñaama ĩna. Ȳhare quēne tud'irā, varoticana ñaama. To bajiro yirā ñari, Dios ĩ ĩavariquēnamena ñaama. Jediro masare ĩaterā ñaama. ¹⁶ Jud'io masa me rojose t̄am̄ot̄uj̄abetiriaroju ĩna varotire bojamena ñari, Dios ocare gotimasiot̄uaboacaj̄u ȳu. Ȳhare gotimasio rotibetir̄uḡūama. R̄emoj̄une, rojose r̄ine ĩna yicōas̄oadire ñajare, to bajirone bajiaja adirodore quēne. Rojose ĩna yit̄uj̄abetijare, rojose ĩnare yicōaḡuaḡu yami Dios yuja.

Tesalónica macaj̄u Pablo ĩ tudivar̄u t̄uoīare queti

¹⁷ Yoaro mene quēna m̄u t̄uj̄u ȳu tudivarotire gotir̄uaja ȳu. Ȳu mairā, m̄hare ȳu vadiveocato bero, m̄hare ĩabetiboarine, tocār̄acar̄um̄are m̄hare t̄uoīacōa ñar̄uḡūaja. To bajiri, m̄hare b̄uto t̄uoīarā ñari, m̄hare ĩarā var̄uar̄uḡūboacaj̄u ȳu. ¹⁸ Ȳu masu quēne cojoi me m̄hare ĩaḡu var̄uar̄uḡūboacaj̄u ȳu. Tocār̄ac̄ajine m̄u t̄uj̄u ĩarā ȳu var̄uacōarore, “Ejabeticōato” yiḡu, rojose ȳhare yir̄uḡūñumi v̄atia ēju Satanás. ¹⁹ Mani ēju Jesucristo ĩ tudivado ȳu ĩorona m̄u ñajare, m̄hare ĩarā var̄uacaj̄u ȳu. “M̄u oca ĩnare ȳu goticati ñajare, m̄u ajitir̄un̄uc̄ama ĩna”, Cristore ĩre yīovariquēnar̄uarāja ȳu. To bajiro ȳu yiroti

ti ñajare, Jesús ì tudivadirotire buto t̃oĩavariquēnaja yua. Gãjerãre yua t̃oĩaro rētoro m̃uare t̃oĩavariquēnaja. ²⁰ Socarã me yaja yua. Cristore m̃ua ajitir̃ũñsere buto t̃oĩavariquēnaja yua. Tire ìre gotivariquēnar̃arãja.

3

¹⁻² To bajiri, ìarã vabeticõari, m̃ua bajisere ajir̃uarã ñari, yua maigãre, Dios ì bojase yigũre Timoteore toju ìre cõacaju yua. Yua rãcagu, Jesucristo ocare masare gotimasiodigũ ñaami ì quēne. To bajiri, “Quēnaro ìnare gotiba m̃, ‘Manire ejarēmor̃uc̃m̃i’ Jesucristore ‘Ìre yit̃oĩa t̃ujabeticõato ìna’ yigũ”, ìre yicõacaju yua. Yũjama, Silvano rãca tujacaju yu, Atenas vãme cuti macarema. ³ Rojose tãm̃uorã ñaboarine, “Tire sutiritibeticõato” yirã, ìre cõacaju yua. Masiaja m̃ua: Cristore ajitir̃ũñrã ñari, rojose tãm̃uoroti ñaja. ⁴ M̃ua rãca ñarãju, cojoji me ado bajise m̃uare goticaju yua: “Cristore ajitir̃ũñrã m̃ua ñajare, rojose m̃uare yir̃uarãma gãjerã”, m̃uare yicaju yua. M̃uare yua goticatore bajirone bajiyuja ti. ⁵ To bajiro ti bajijare, ado bajise m̃uare yit̃oĩarejaicaju yu: “¿Cristore ajitir̃ũñcõa ñaboati ìna? Vãtia uju Satanás, ‘¿Cristore ajitir̃ũñbesa’ yirotibetiboati ì? To bajiro ì yisere ìna ajijama, yua gotimasioboacatijũare ajitir̃ũñ t̃ujar̃uarãma”, yit̃oĩarejaicaju yu. To bajiri, tire masir̃u, m̃ua t̃uju Timoteore ìre cõacaju yu.

⁶ M̃ua t̃uju ejar'ì, adoju tudiejami quēna. Adoju ejacõari, m̃ua bajise quetire oca quēnasere gotitudiejami. “Cristore ìre ajitir̃ũñcõa ñaama ìna. To yicõari, quēnaro gãmerã ìamaicõa ñaama”, yimi. “ ‘M̃uare quēnaro t̃oĩaja yua’ yima ìna”, yuare yimi. “Ìnare mani ìar̃uaro cõro manire ìar̃uama ìnajua quēne”, yuare yimi Timoteo. ⁷ To bajiro ì yijare, Cristore ìre m̃ua ajitir̃ũñcõa ñasere ajicõari, buto variquēnaja yua. Gãjerã suori buto rojose tãm̃uorã ñaboarine, tire ajivariquēnaja yua. ⁸ To bajiri, Cristore ìre m̃ua ajitir̃ũñcõa ñasere ajicõari, buto variquēnam̃u yua. ⁹ M̃ua bajisere t̃oĩavariquēnacõari, “Quēnaro yaja m̃”, Diore ìre yisēni t̃ujabetir̃uarãja yua. ¹⁰ Ūm̃ua, ñami quēne, ado bajiro ìre sēnirũgũaja yua: “ ‘Ìna t̃uju ejato’ yigũ, yuare yirēmoña m̃”, ìre yirũgũaja yua. “ ‘Butobusa Cristore ajitir̃ũñato’ yirã, ìna masibetire ìnare yua gotimasiorotire yigũ, yuare yirēmoña m̃”, ìre yirũgũaja yua.

¹¹ To bajiri ado bajiro mani jacu Diore to yicõari, mani uju Jesucristore yisēniaja yua: “ ‘Ìna t̃uju ìarã vajaro’ yirã, yuare ejarēmoña”, ìnare yaja yua. ¹² To yicõari, ado bajise m̃uare sēnibosaja yua: “ ‘Butobusa gãmerã ìamaiato ìna’ yirã ìnare ejarēmoña”, ìnare yaja yua. “ ‘Gãjerãre quēne ìamaiato ìna’ yirã, ìnare ejarēmoña”, yaja yua. “ ‘Ìnare yua mairore bajiro maiato ìna’ yirã ìnare ejarēmoña”, ìnare yaja yua, m̃uare sēnibosarã. ¹³ To bajiro m̃ua maijama, rojose m̃ua t̃oĩasere “Yit̃ujacõari, quēnase r̃ĩne t̃oĩato” yigũ, m̃uare ejarēmor̃uc̃m̃i Dios. To bajiro m̃uare ì yijama, mani uju Jesús ì yarã rãca ì tudiejarir̃ũm̃, mani jacu Dios ì r̃ĩjoroju ñie rojose mana ñar̃uarãja m̃ua. To bajirone bajiato.^b

4

Dios ì ìavariquēnase queti

¹ Yua mairã, gajeye m̃uare gotir̃uaja yua. “Ado bajiro m̃ua ñajama, m̃uare ìavariquēnar̃uc̃m̃i Dios”, m̃uare yimasioacaju yua. Tire ajicõari, quēnaro ñañuja m̃ua. To bajiri, Dios m̃uare “Ìavariquēnato” yirã, butobusa ì bojasere m̃ua yisere bojaja yua. Mani uju Jesucristo to bajiro yuare ì yirotijare, to bajiro m̃uare yaja yua.

² Mani uju Jesús ì roticatore bajirone m̃uare yua roticatire masiaja m̃ua jere. ³ Ado m̃ua bajisere bojaami Dios: Dios yarã m̃ua ñajare, quēnase r̃ĩne m̃ua yisere bojaami. Manajo cutirã, manaju cutirã, manajo mana, manaju mana quēne, m̃ua gãmerã ajeriarã cutisere bojabeami. ⁴ Manajo cutigũ, ì manajo rãca r̃ĩrene gãjerãre ajeriarã cutibec̃ũne, r̃ũc̃ũbuose rãca ñie oca mano ì yit̃ajama, quēnaja. ⁵ Diore masimena ñari, ìna bojarore bajiro ajeriarã

^b 3:13 2 Ts 1.7, 10.

cutirũgũama. Īnare bajiro yibetirũgũña. ⁶ Īnare bajiro m̄ua yijama, b̄uto rojose m̄uare yir̄uc̄ami Dios. J̄ere adirene m̄uare goticaj̄u ȳua. ⁷ “Rojose yir̄ã ñato” yiḡu me, “Ȳu yarã ñato”, manire yiyumi Dios. “Quẽnasej̄ua yato” yiḡu, to bajiro yiyumi. ⁸ To bajiro yiḡu ĩ ñajare, adi ȳua gotimasiosere ajimena ȳua r̄i mere terãma. Diore quẽne terãma ĩna. Rojose mani yisere “Yit̄ujato” yiḡu, Esp'iritu Santore manire cõañumi Dios.

⁹ “Gãmerã ĩamairoti ñaja” m̄ua yimasirotire j̄ere m̄uare ejarẽmoñumi Dios. To bajiri ȳuama, “Gãmerã ĩamaiña m̄ua”, m̄uare yiucacõabeaja. ¹⁰ Quẽnaro yir̄ã ñaja m̄ua. Macedonia sitana Cristore ajitir̄un̄r̄are ĩamairã ñañuja m̄ua. To bajiro yir̄ã ñaboarine, b̄utobusa ĩnare m̄ua ĩamajama, quẽnar̄aroja. Ȳua mairã, to bajiro m̄ua yirotire b̄uto bojaja ȳua. ¹¹ Ñie oca manone quẽnaro ñar̄ar̄aja m̄ua. Gãjer̄are gõjanabiomenane, m̄ua moasere moacõa ñaña. ¹² To bajiro m̄ua yijama, m̄uare ĩacõari, “Quẽnaro yir̄ã ñaama”, m̄uare yĩar̄uc̄ub̄or̄ar̄ama Cristore ajitir̄un̄mena. Ñiej̄ua r̄uyabetir̄aroja, m̄uare.

Mani ̄ju Jesús ĩ tudivadiroti queti

¹³ Ȳua mairã, Cristore ajitir̄un̄riarã bajireariarã ĩna bajirotire m̄uare gotirã yaja ȳua. Diore masimenama, bajireariarã ĩna bajisere riojo masibeama ĩna. Bajireariar̄are t̄uoĩacõari, b̄uto sutiritiama. “Quẽna tudicaticoar̄ar̄ama”, yit̄uoĩarã me ñaama. ĩna t̄uoĩarore bajiro m̄ua t̄uoĩasere bojabeaja ȳua. “Quẽna tudicaticoar̄ar̄ama”, yir̄ã ñaja manima. ¹⁴ “Jesús ĩ bajirocacoaboajaquẽne, quẽna ĩre catiomyumi Dios”, yimasiaja mani. Tire masicõari, “Cristore ajitir̄un̄riarã bajireariar̄are quẽne tudicatiōuc̄ami Dios”, yit̄uoĩaja mani.

¹⁵ Ado bajiro m̄uare gotiaja ȳua, mani ̄ju Jesús ĩ bueriar̄are ĩ gotimasiorere: Adigodo caticõa ñar̄aj̄uama, ĩre ajitir̄un̄acõari, bajireariarã r̄ijoro juaecobetir̄ar̄aja mani. ¹⁶ Ado bajiro bajir̄aroja ti, Jesús adi macar̄uc̄uroju ĩ tudivadirotir̄am̄: Dios ĩ rotijare, ángel mesa ̄ju ĩ ñagõse ocaruyur̄aroja. To bajicõari, Dios ya jutiria ti busise ocaruyur̄aroja. To cõrone, õ vecaj̄u mani ̄ju ĩ masune rujiadir̄uc̄ami. To bajiro ĩ bajirone, ĩre ajitir̄un̄riarã bajireariarã, quẽna tudicaticoar̄ar̄ama. ¹⁷ ĩna tudicatirone, ĩna rãca adigodo catiñarã Cristore ajitir̄un̄riar̄are juar̄eorotir̄uc̄ami Dios. To yicõari, oco bueri vatoaju ĩnare juam̄jarotir̄uc̄ami, “Īna ̄jure Cristore bocato” yiḡu. Toju ĩ rãca ñacõa ñar̄ũgũr̄ar̄aja mani. ¹⁸ To bajiri adi ȳua gotisere ajiri, gãmerã ñagõvariquẽñaña m̄ua.

5

¹ “Tir̄am̄, tirodo ñaro masu vadir̄uc̄ami mani ̄ju”, yimasiña maja. J̄ere tire masiaja m̄ua. ² “To cõro vadir̄uc̄ami” masa ĩna yimasibetij̄u vadir̄uc̄ami. Juarudirimas̄ ĩ ejarotire quẽne, “To cõro juarudiḡu ejaḡuagu yiḡumi”, yimasibeaja mani. To bajirone bajir̄uc̄ami Cristo quẽne. “To cõro ñaro ejar̄uc̄ami”, yimasibetir̄ar̄aja mani. ³ Ado bajisej̄ua yimasiaja mani: Diore masimena, “Ñie oca mano quẽnaro ñaja mani” ĩna yiboaro, ñaro t̄usarone gũiose ejar̄aroja. Rõmio quẽnaro ḡuda so ñaro gajane, ñaro t̄usarone j̄unise sore ejaroja, so mac̄u cutirij̄aj̄ure. Tire bajirone bajir̄aroja Jesús ĩ ejaroti quẽne. Masiñamanone ti bajijare, rudimasimena ñari, b̄uto rojose t̄am̄uor̄ar̄ama ĩna masa Diore masimena. ⁴ M̄uaj̄uama, r̄etiaroju ñar̄are bajiro bajirã me ñaja m̄ua. To bajiri mani ̄ju ĩ tudivadisere ĩaucabetir̄ar̄aja m̄ua. Juarudirimas̄ ĩ ejasere ĩacõari, masa ĩna ̄carore bajiro ̄cabetir̄ar̄aja. ⁵ Dios ĩ bojase yir̄ã ñari, busuroju ñar̄are bajiro bajirã ñaja m̄ua. Dios ĩ bojabeti yir̄ũgũr̄ama, r̄etiaroju ñar̄are bajiro bajirã ñaama.^c ⁶ To bajiri Jesucristo ĩ vadirotire t̄uoĩamenare bajiro bajirã me ñaja mani. Tire quẽnaro t̄uoĩayurã, rojosere yir̄uarã ñaboarine, tire yimena ñaja mani. ⁷ Ñamire cãniama masa. Gãjer̄ama, ñamire idimec̄r̄ũgũama. ⁸ Manima, ĩnare bajiro bajirã me ñari, busuroju ñar̄are bajiro bajiaja. To bajiri, tocãr̄acajine quẽnase r̄ine yĩnar̄ũgũroti ñaja, mani ̄ju ĩ tudivadirotire t̄uoĩayurã. “Manire ejar̄em̄uc̄ami” mani ̄jure mani yit̄uoĩase, mani

^c 5:5 Ro 13.12; Ef 5.8-9.

gãmerã maise s̄orine v̄ati manire rojose ã yirotoasere c̄adibetir̄arãja mani. To yic̄ari, Jesucristo ã vadirotire t̄oïayu t̄ajabetir̄arãja mani, “Rojose tã̄m̄ot̄ajabetir̄aroju mani vaborere manire yir̄etobosar̄uc̄ami” yirã. ⁹ “Rojose ãna yise vaja rojose tã̄m̄oato” yiḡu me, “Ȳu yarã ñaña m̄u”, manire yiyumi Dios. Mani ɛ̄ju Jesucristo manire ã rijabosare s̄ori rojose tã̄m̄ot̄ajabetir̄aroju mani vaborere manire yir̄etobosar̄u, “Ȳu yarã ñaña m̄u”, manire yiyumi. ¹⁰ Manire rijabosayumi Jesús, “Ȳure ajitir̄un̄rã, ȳu rãca ñac̄õa ñarũgũato” yiḡu. To bajiri tudiejaḡu, mani catic̄õa ñajama, mani rijacoajaquẽne manire juam̄jar̄uc̄ami, “Ȳu rãca ñac̄õa ñarũgũato” yiḡu. ¹¹ To bajiro ti bajijare, tire gãmerã gotiya m̄u, “Ajivariquẽnac̄õari, b̄utobusa mani ɛ̄j̄ure ãre ajitir̄un̄ato” yirã. J̄ere m̄u yĩnasere masiaja ȳu. To bajirone yic̄õa ñarũgũña.

Pablo ã gotiquẽnorotire queti

¹² Ȳu mairã ado bajiro m̄u yijama, quẽnar̄aroja: M̄uare ãmato ñarãre Dios ã c̄ur̄iarãre quẽnaro r̄uc̄ub̄oaya. ¹³ Quẽnaro m̄uare ejarẽmorũgũama ãna. To bajiri, “Ñamasurã ñaama”, ãnare yir̄uc̄ub̄oaya. To yic̄ari, quẽnaro ãnare yiya, “ ‘Manire maiama ãna’ manire yimasianto ãna” yirã. To yic̄ari, ñie oca manone quẽnaro ñaña m̄u.

¹⁴ To yic̄ari, m̄u t̄uana moamenare tud'ib̄usari ãnare gotiya, “Moato ãna” yirã. Gãjerã, s̄utiritirãre “Variquẽnato” yirã quẽnaro ãnare gotiya. Gãjerã, Cristore quẽnaro ajitir̄un̄menare, quẽnaro ãnare ejarẽmoña. Cristore ajitir̄un̄rã ñajediro rojose yimenane, quẽnaro gãmerã gotirũgũña.

¹⁵ Gãji rojose m̄uare ã yijama, ãre gãmebetic̄õaña.

Tocãrãc̄ajine quẽnaro gãmerã yiba m̄u. Masa jedirore to bajiro r̄ine yiba.

¹⁶ Tocãrãcar̄um̄ne variquẽnac̄õa ñarũgũña m̄u. ¹⁷ Tocãrãcar̄um̄ne Diore s̄eniña. ¹⁸ Tocãrãc̄ajine, “Quẽnaro yaja m̄u”, Diore yirũgũña. Rojose tã̄m̄oboarine, to bajiro r̄ine yirũgũña m̄u. Jesucristore ajitir̄un̄rã to bajiro ãna yisere Dios ã bojajare, to bajiro yirũgũña m̄u.

¹⁹ Rojose yibetirũgũña, “Rojose mani yisere ãc̄õari b̄uto s̄utiritiromi Esp'iritu Santo” yirã. ²⁰ Diore gotir̄etobosarã ãna gotisere ajitebesa. ²¹ Tire quẽnaro ajic̄õaña. ãna masune t̄oïarujeoc̄õari, gotimasiorãma cojojirema. “Dios ye ñaja” m̄u yimasijama, tire quẽnaro ajitir̄un̄ña. ²² Tocãrãca vãmere rojosere yit̄ajac̄õari, tudiyibetic̄õaña.

²³ Ado bajise Diore m̄uare s̄enibosaja ȳu: “ãnare ejarẽmoña, ‘Quẽnaro ñato’ yiḡu. ‘Tocãrãc̄ajine ȳu bojasere t̄oïac̄õari, yirã ñato’ yiḡu, ãnare ejarẽmoña m̄u”, m̄uare yis̄enibosaja ȳu. Mani ɛ̄ju Jesucristo ã tudiejarir̄um̄u, “Rojose mana m̄u ñarotire yirã”, Diore m̄uare s̄enibosaja ȳu. ²⁴ “ã yarã ñato” yiḡu, manire beseyumi Dios. To bajiri tocãrãcar̄um̄ne mani rãca ñarũgũami. To bajiri, ã bojarore bajiro mani yirotoasere manire ejarẽmor̄uc̄ami.

Tesalónica macanare Pablo ã quẽnarotic̄õare queti

²⁵ Diore ȳuare s̄enibosarũgũña ȳu mairã.

²⁶ M̄u t̄uana Cristore ajitir̄un̄rã jediro m̄u rãca ãna r̄ejaro, ȳuare quẽnarotibosaya m̄u, “ãnare ȳu maisere masianto” yirã.

²⁷ Adì queti m̄uare ȳu ucac̄õasere toana Cristore ajitir̄un̄rã jedirore ãnare ãgotiya m̄u, mani ɛ̄ju to bajiro m̄u yisere ã bojajare.

²⁸ Mani ɛ̄ju Jesucristo quẽnaro m̄uare yato ã.

To cõro ñaja.

Segunda carta de San Pablo a los TESALONICENSES

Tesalónica macana Cristore ajitirānūrāre ī babarā rāca Pablo ī ucacōare queti

¹ ¿Nati Jesús ocare ajitirānūrā, Tesalónica macana? Yū Pablo, yū babarā Silvano, Timoteo rāca adi quetire mūare ucacōaja, Dios mani jacu, to yicōari, mani ujū Jesucristo yarāre. ² Ado bajise mūare sēnibosaja yua: “Īnare Īamaicōari, ejarēmoña mū, quēnaro ĩna űnarotire yirā”, mūare yisēnibosaja yua.

Cristo ī tudiejarirāmū rojose yiriarāre Dios ī beseroti queti

³ Yūare ajiya yua mairā. Tocārācajine mūa bajisere yua tūoĭajama, “Quēnaro yaja mū”, Diore ĩre yirūgūaja yua. Būtoḃusa Jesucristore ajitirānūrūtūana yaja mūa. To yicōari, būtoḃusa gāmerā Īmairūtūana yaja mūa. Dios mūare ĩ ejarēmojare, to bajiro bajiaja mūa. To bajiro ĩ yijare, to bajiro mūa bajisere tūoĭacōari, “Quēnaro yaja mū”, ĩre yirūgūaja yua. ⁴ To bajiro bajirā mūa űajare, tocārāca macajū gājerā Jesús ocare ajitirānūrāre mūa bajisere gotirā, “Quēnamasucōaama Tesalónica macana”, ĩnare yivariquēnarūgūaja yua. Ado bajiro ĩnare yirūgūaja yua: “Tesalónica cūtoana Cristore ajitirānūrā ĩna űajare, rojose ĩnare yicoderūgūama gājerā. To bajiro ĩna yiboajaquēne, Cristore quēnaro ajitirānūrācōa űaama ĩna”, ĩnare yivariquēnarūgūaja yua. ⁵⁻⁶ Rojose tāmūorā űaboarine, Cristore mūa ajitirānūrācōa űajare, “Yū tūjū mūa vajama, quēnaja”, mūare yīlami Dios. Rojose mūare yirājūarema, “Rojose tāmūotūjabetiriarojū ĩnare yū reacōajama, quēnarūaroja”, ĩnare yīlami Dios. To bajiro ĩ yisere tūoĭarā, “To bajirone ĩnare yiroti űaja”, yimasire űaja. ⁷ ĩna suori rojose mūa tāmūosere, “To cōrone tūjato”, yirotirūcūmi Dios. Yūare quēne to bajiro yirūcūmi, mani ujū Cristo adi macarūcūrojū ĩ tudiejarotirāmū űaro. Tirūmū űarone ō vecajū vadiveocōari, ĩ yarā ángel mesa ĩlañamani yimasirā rāca jea űjūbusuosere bajise būto bususe vatoajū rujiadirūcūmi Jesús. ⁸ Tirūmūne Diore masimenare mani ujū Jesucristo oca quēnasere ajiterāre ĩna ajibeti vaja rojose ĩnare yirūcūmi Jesús. ⁹ Rojose tāmūotūjabetiriarojū ĩnare cōarūcūmi. To bajiri ĩ tūjū quēna jūaji ĩnare vadirotibetirūcūmi. To bajiri, “Rētoro masigū űari, űamasugū űaami” mani yimasigūre mani ujūre ĩmasibetirūarāma ĩna yuja. ¹⁰ To cōrone, ĩre ĩvariquēnarūarāma ĩ yarā ĩre ajitirānūrā űajediro. To yicōari, “Quēnarētogū űaami”, ĩre yirūcūbūorūarāma. To bajiri mūa Tesalónica macana quēne, Jesús ocare yua gotimasiocatire ajitirānūrā űari, ĩna rāca űarūarāja mūa.

¹¹ To bajiro ĩre mūa yirotire yirā, cojojī me ado bajiro Diore mūare sēnibosarūgūaja yua: “Yū yarā űaña mūa’, ĩnare mū yirere cūdiriarā űaama. ‘Quēnase ĩna yirūase yimasijeocōato ĩna’ yigū, mū masise rāca quēnaro ĩnare ejarēmoña”, ĩre yaja yua, mūare sēnibosarā. ¹² To bajiri, masa jediro quēnaro mūa yisere ĩacōari, mani ujū Cristore quēnaro ĩre yirūcūbūorūama. To bajiri, Dios, mani ujū Jesús quēne, mūare ĩamaicōari quēnaro mūare ĩna yiroti űajare, mūare quēne quēnaro rūcūbūorūarāma masa.

2

Jesús ī tudivadiroto rĭjoroaye bajiroti queti

¹ Jesús ĩ tudivadirotirāmūre, “Yū rāca űato” yigū, Dios, manire ĩ juarēorotire mūare gotiquēnorā yaja. ² “Jēre Jesús ĩ tudivadirāmū ejacoajū”, mūare yiyujarā gājerā. Tire ajicōari, tūoĭarejaibesa yua mairā. “Socase me űaja. Jēre Jesús ĩ ejasere yūre gotirotimi Esp'iritu Santo” ĩna yiboajaquēne, ĩnare ajibesa. “ĩna gotirore bajiro yire queti ajibū yua” gājerā ĩna yigotirēmoboajaquēne, tire ajibesa. “To bajirone bajiro ucayuma Pablo mesa quēne” gājerā ĩna yiboajaquēne, ĩnare ajibesa. ³ To bajiro mūare yitorā jedirore ajibesa mūa. Ado bajiro bajisere ĩacōari, “Yoaro mene tudivagūmi Jesús”, yimasirūarāja mūa: Jājarā masa,

“Dios ĩ rotiboasere c̄udibetic̄oato mani”, yit̄oĩarã ñaruarãma ĩna. To ĩna bajiñarone, R̄etoro Rojogu ruyuar̄uc̄umi, beroju rojose tã̄m̄ot̄ujabetiriaroju Dios ĩ c̄oaroc̄u.^a ⁴ Diore qūene, jediro masa ĩna r̄uc̄ub̄osere qūene, ĩategu ñaruc̄umi. “R̄etoro yure r̄uc̄ub̄oɔuarãja m̄ua”, masare ĩnare yigu ñaruc̄umi. To bajiroc̄u ñari, Diore yir̄uc̄ub̄oriaviju sãjac̄ari, rujiruc̄umi. To yic̄oari, “Ȳune ñaja Dios”, masare ĩnare yigotiruc̄umi ĩ, soc̄une.

⁵ Ti quetire Jesús qūena ĩ tudivadiroto r̄ĳoroayere m̄uare gotir̄uḡũcaju yu, m̄ua rãca ñagũju. To bajiri, “Tire masiritimenama”, m̄uare yit̄oĩaja yu. ⁶ R̄etoro Rojogu adi macaruc̄uroju vadirotire j̄ere masiaja m̄ua: “To c̄oone vadiruc̄umi” Dios ĩ yiriaro r̄ĳoroju^{ne}, ejabetiruc̄umi maji. ⁷ ĩ ejabetiboajaqūene, j̄ere masare rojose ĩ yirotir̄umu c̄oñaro masu bajiaja. ĩre c̄oaroc̄u, “Vasa m̄u” ĩ yiroti r̄ine r̄uyaja. ⁸ “To c̄oone vajaro” Dios ĩ yirir̄umu ejaruc̄umi rojose yigu. To bajiro ĩ bajiboajaqūene, mani ɔju Jesucristo ĩ tudivadir̄um̄une, r̄etoro masigũ ñari, josari mene ĩre rocac̄aruc̄umi. ⁹ To bajiro ĩ yiecoroto r̄ĳoro, adi macaruc̄uroju vadic̄oari, Satanás ĩ rotise rãca b̄uto masigũ ñaruc̄umi. To bajigu ñari, “ ‘Masigũ ñagũmi’ yure yit̄oĩato” yigu, ĩaĩañamanire yĩoruc̄umi. To bajiro ĩ yise socase ñaruaroja. ¹⁰ Jediro rojose yiruc̄umi, rojose tã̄m̄ot̄ujabetiriaroju varonare ĩnare yitogu. Dios ocare ajiterã ñari, to bajic̄oari, Jesucristo rojose ĩna yise vajare ĩ yir̄etobosar̄uasere qūene bojamena ñari, rojose tã̄m̄ot̄ujabetiriaroju varona ñaama. ¹¹ ĩ ocare ajiterã ĩna ñajare, “R̄etoro Rojogu soc̄une ĩ yisere ajitir̄un̄c̄oã ñaruarãma”, ĩnare yiruc̄umi Dios. ¹² To bajiro yiruc̄umi Dios, “Ȳu oca riojo ñamasusere ajimena ñari, rojose r̄ine yivariqūenarã jediro, rojose tã̄m̄ot̄ujabetiriaroju vajaro” yigu.

“Ȳu yarã ñaña m̄ua’ Dios ĩ yirere c̄udiriarã ñaja m̄ua”, yire

¹³ Ajiya yua mairã. Tocãrãcajine ado bajiro m̄ua ñasere t̄oĩac̄oari, “Qūenaro yaja m̄u”, Diore ĩre yivariqūenarũgũaja yua: Mani ɔju b̄uto m̄uare maiami. Tesalónica macana vatoana, “Ȳu yarã rojose tã̄m̄ot̄ujabetiriaroju vaborona ñaña m̄ua” Dios ĩ yirere c̄udiriarã ñaja m̄ua. To bajiro m̄ua bajisere bojayumi, “Rojose ĩna yisere t̄ujac̄oari, yu bojasej̄uare yato ĩna” yigu. To bajiro yigu ñari, Esp̄iritu Santore m̄uare c̄oañumi, “ĩnare ejar̄emoato” yigu. M̄uare ĩ ejar̄emose ñajare, Dios oca riojo gotisere ajic̄oari, “Socase me ñaja”, yimasiaja m̄ua. To bajiro yimasirã ñari, rojose yir̄uaboarine, tire yimena ñaja m̄ua. ¹⁴ “To bajiro bajirã ñato” yigu, ĩ oca Cristo yere m̄ua t̄uju yuare gotimasio rotic̄oañumi Dios. Rojose tã̄m̄ot̄ujabetiriaroju vabetic̄oari, mani ɔju Jesucristo rãca m̄ua ñarotire bojagu ñari, to bajiro yiyumi. To bajiro m̄ua bajisere t̄oĩac̄oari, “Qūenaro yaja m̄u”, Diore ĩre yir̄ugũaja yua.

¹⁵ To bajiri Jesucristo ocare ajitir̄un̄c̄oã ñarũgũña. M̄ua t̄uju vac̄oari, m̄uare yua gotimasio catire masiritibesa. To bajic̄oari, m̄uare yua ucac̄oacatire qūene masiritibesa. ¹⁶ Mani ɔju Jesucristore, to yic̄oari mani jac̄u Diore qūene, m̄uare s̄enibosaja yua. Manire ĩamaic̄oari, qūenaro manire yiyumi Dios. ĩ s̄uori ĩ yere t̄oĩavariqūenarũgũaja mani. Jesucristo qūenaro ĩ yise ñajare, “Dios ĩ gotiriarore bajiro qūenaro manire yiruc̄umi”, yimasiaja mani.

¹⁷ ĩ yere t̄oĩavariqūenac̄oari, ado bajiro Diore m̄uare s̄enibosaja yua: “ĩnare ejar̄emoña m̄u, gãjerã rãca qūenaro ĩna ñarotire yigu”, m̄uare yis̄enibosaja.

3

“Ȳuare s̄enibosaya”, yire queti

¹ Adi m̄uare yua ucasene gotit̄usarã yaja. Mani ɔju ocare gãjerã ĩna ajir̄uc̄ub̄osere bojaja mani. To bajiro ĩna bajisere bojarã ñari, ado bajise Diore yuare s̄enibosarũgũña: “Guarob̄usa cojoju r̄uyabeto, ti ocare m̄ua ajir̄uc̄ub̄oacatore bajiro gãjerã qūene ajir̄uc̄ub̄ojedic̄oato” yirã, ĩre s̄enir̄ugũña m̄ua. ² Rojose yuare yir̄uarũgũrãre, “Rojose yuare yiroma” yirã, Diore s̄eniña m̄ua. To yic̄oari yua gotimasiosere ajiterã qūene jãjarã

a 2:3 1 Jn 2.18, Ap 13.1-2.

ñaama. ³ Mani ɯjɯ ñagũmi “Yirɯɯja” ĩ yirore bajiro yigɯ. To bajiro yigɯ ĩ ñajare, “ ʼYure quẽnaro ajitirũnɯcõa ñarũgũato’ yigɯ, manire ejarẽmorɯɯɯmi”, yimasiaja mani. “ ʼVãtia ɯjɯ Satanás, rojose mɯare yiromi’ yigɯ, mɯare ejarẽmorɯɯɯmi”, yimasiaja mani, Diore. ⁴ “Jesús mani ɯjɯre ajitirũnɯcõari, Tesalónica macana, quẽnaro ĩna yirore yigɯ, ĩnare ejarẽmorɯɯɯmi”, yitɯoĩaja yɯa. To bajiri, “Yɯa roticõasere ĩna yirũgũrore bajiro yicõa ñarũgũrɯarãma”, mɯare yitɯoĩaja yɯa. ⁵ Ado bajiro mani ɯjɯre mɯare sãnibosaja yɯa: “ ‘Quẽnaro manire ĩamaiami Dios’ yimasiritibeticõato ĩna’ yigɯ, ĩnare yirẽmoña mɯ. ‘Cristore rojose ĩre ĩna yiboajaquẽne, yure quẽnaro ĩ ajitirũnɯcõatore bajiro ajitirũnɯ tɯjabeticõato ĩna’ yigɯ, ĩnare yirẽmoña”, mɯare yisãnibosaja yɯa, mani ɯjɯre.

Pablo ĩ moarotire queti

⁶ Ajiya yɯa mairã. Ado bajise mani ɯjɯ Jesucristo yɯare ĩgotirotijare, yaja yɯa: Cristore ajitirũnɯgũ ñaboarine ĩ moabetijama, ĩre baba ɯtɯibesa mɯa. ĩ ũgũ, mɯare yɯa gotimasioatore bajiro yibeami. ⁷ “Pablo mesa mani rãca ñarã, quẽnaro ĩna moarũgũcõatore bajiro yirũgũrore ñaja”, yimasiaja mɯa. ⁸ Mɯa tɯ ñarã, vaja yicõari rĩne mɯa yere bare bacajɯ yɯa. ʼMɯari, ñamiri quẽne quẽnaro moarũgũcõajɯ yɯa, “Mani masune bare vaja ta, barãsa” yirã. ⁹ Mɯare gotimasiorã ñari, “Bare yɯare ecaja” yɯa yijama, quẽnaboriaja, bajirojɯma. To bajiboarine mɯare sãnibeticajɯ yɯa. Quẽnaro moarũgũcõajɯ yɯa, “Manire ĩacõari, ĩnare bajiro mani moajama, quẽnaja’ yĩato” yirã. ¹⁰ Mɯa rãca ñarã, cojoi me ado bajiro mɯare yirocõajɯ yɯa: “Moarɯamena, babeticõato ĩna. ĩnare ecabesa”, mɯare yirocõajɯ yɯa. ¹¹ “Ĩna vatoajɯ sĩgũri moarɯamena ñaama” yire quetire ajiaja yɯa. ĩna masune moabeticõari, gãjerãre ĩna gõjanabiosere ajiaja yɯa. ¹² To bajiro ĩna bajise ñajare, mani ɯjɯ Jesucristo ĩrotirotijare, ĩnare yirocõajɯ yɯa: Gãjerãre gõjanabiomenane, quẽnaro moaña mɯa, ñie ɯomona ñari, mɯa vaja tarotire yirã.

¹³ Ajiya yɯa mairã. Quẽnaro yicõa ñarã ñari tire quejebesa mɯa. ¹⁴ Sĩgũ adi papera yɯa ucasere ajitirũnɯbecure ĩamasicõari, ĩre baba ɯtɯibesa, “Bojonecõari, ajitirũnɯato ĩ” yirã. ¹⁵ Rojose ĩ yiboajaquẽne, ĩre ĩatebesa mɯa. ĩre tud'imenane, mɯa bedire bajiro quẽnaro ĩre gotiya.

“Quẽnaro ñarũgũato ĩna” yigɯ, Pablo, Diore ĩ sãnire queti

¹⁶ Mani ɯjɯ ñagũmi, “Ñie oca manone quẽnaro ñato” yigɯ. To bajiri, “ ʼĨna rãca ñacõari, quẽnaro ñacõa ñarũgũato’ yigɯ ĩnare ejarẽmoña”, ĩre yaja yɯa, mɯare sãnibosarã.

¹⁷ Pablo ñaja yɯ, yɯ masune, “Quẽnato” mɯare yuucacõagũ. Gãjerãre yɯ ucacõajaquẽne, to bajiro rĩne yirũgũaja. ¹⁸ Mani ɯjɯ Jesucristo, mɯa jedirore quẽnaro mɯare yirũgũato. To cõro ñaja.

Primera carta de San Pablo a TIMOTEO

Timoteore, Pablo ĩ ucacõare queti

¹ ¿Ñaboati m̄, Timoteo? Ȳ ñaja Pablo v̄ame c̄utiḡ, adi quetire m̄re ucaḡ. Dios rojose mani yise vajare manire yir̄etobosar'i, ĩ mac̄ Jesucristo s̄orine ĩ ocare ĩ gotic-udiroticõar'i ñaja ȳ. To bajiri, manij̄ama, mani rijato beroj̄ manire ĩ yir̄etobosarotire yir̄, t̄oĩavariquēnacõa ñaja. ² Ȳ mac̄re bajiro bajiḡ ñaja m̄. Ȳ gotimasiocatire ajitir̄n̄cõari, ȳre bajiro Jesucristore ajitir̄n̄ḡ ñaja m̄.

M̄re quēnarotiḡ, mani jac̄ Diore, to yicõari, mani ̄j̄ Jesucristore quēne, ado bajise m̄re sēnibosaja ȳ: “Īre ĩamaicõari, quēnaro ĩ ñarotire yir̄, ĩre ejar̄emoña”, m̄re yisēnibosaja ȳ.

“Socase oca gotimasiorimasare ajitir̄n̄besa”, Pablo ĩ yire

³ Macedonia v̄ame c̄uti sita vac̄, “Ado Efeso v̄ame c̄uti maca tujaya m̄”, m̄re yicaj̄ ȳ. Ado bajiro yiḡ, to m̄ tujarotire bojacaj̄ ȳ: Toanare Dios oca riojo gotimasio menare, ĩnare m̄ gotimasiorotibetiro tire bojacaj̄ ȳ. ⁴ To yicõari, b̄c̄ur̄a ye quetire socasere gotimasior̄, “ ‘Ado bajiro yimasir̄n̄jar̄’ m̄a yir̄ḡsere yit̄jacõañ̄a” ĩnare m̄ yiro tire yiḡ, m̄re tujaroticaj̄ ȳ. Tire ĩna gotijama, ricati r̄ne t̄oĩar̄ ñari, “Ado bajiroj̄a bajiyuja” ĩna ḡamer̄a yir̄ḡse jedise me ñaja. Ti ocare ĩna gotimasiose s̄orine Dios ĩ bojarore bajiro yibeama. Dios ĩ bojarore bajiro ĩna gotimasiojama, ĩnare ajicõari, Cristore b̄tob̄usa ajitir̄n̄bor̄ama masa.^a

⁵ Ti macana jediro ĩna ḡamer̄a ĩamair̄otire bojaḡ ñari, to bajiro m̄re gotiro tiaja ȳ. Rojose mani yisere yit̄jacõari, Cristoj̄are mani ajitir̄n̄jama, “Rojose maja manire”, yimasir̄ja mani. To bajiro mani bajijama, ḡamer̄a ĩamair̄ja mani. ⁶ To bajiro ȳ gotimasio boajaquēne, ti macana s̄iḡri Dios oca ñamasusere ajit̄jacõari, vaja mani gajeyej̄are t̄oĩacõari, ḡamer̄a ñaḡr̄ama ĩna. ⁷ Moisés ñamasir'ire Dios ĩ rotic̄umasirere gotimasiorimasa ñar̄aboama. To bajiboarine, ĩna masune t̄oĩacõari ĩna gotiboaserene ajimasimenama.

⁸ Masa ĩna c̄dirotire yiḡ, Moisére Dios ĩ rotic̄umasirere masir̄ ñari, “Quēnase ñaja ti”, yimasiaja mani. To bajiboarine, Dios ĩ rotic̄umasirere mani ajimasibetijama, ñie vaja manoja ti. ⁹ ĩ rotic̄umasirere masicõari, “Diore c̄dibeaja ȳ. To bajiri rojose ñaja ȳre” masa ĩna yiro tire bojaḡ ñari, tire c̄masir̄umi Dios. To bajiri, quēnaro yir̄re t̄oĩaḡ me, ĩ rotimasirere c̄masir̄umi. Rojose yir̄j̄are t̄oĩaḡ, tire c̄masir̄umi. Īre r̄c̄b̄omenare, Dios yere ajatud'ir̄re, jac̄are s̄iar̄re, to yicõari, ḡajer̄re s̄arimasare t̄oĩaḡ, ĩ rotimasirere c̄masir̄umi. ¹⁰ Ajeriar̄ c̄tir̄re, “Ḡjoa bujar̄sa” yir̄, masare ñejecõari, ḡajer̄re ĩsir̄re quēne, ĩ rotimasirere c̄masir̄umi Dios. Socar̄re, to yicõari, Dios oca riojo gotimasiorere ajiter̄re quēne ĩ rotimasirere c̄masir̄umi Dios, “Īre c̄dibeaja ȳ. To bajiri rojose ñaja ȳre” ĩna yimasiro tire yiḡ. ¹¹ Cristo oca quēnase r̄ne ñaja ñamasuse. “Ti ocare gotimasioato” yiḡ, ȳre cõañ̄umi mani ̄j̄ Dios. ĩ s̄iḡne ñaami quēnaḡ masu, “Quēnaro yaja m̄” mani yir̄c̄b̄or̄ḡroc̄.

“Ȳre quēnaro yicami Cristo”, Pablo ĩ yire queti

¹² Mani ̄j̄ Jesucristo, quēnaro ȳre ejar̄emocami, ĩ ocare ȳ gotimasio cudiro tire yiḡ. “Ȳ bojarore bajiro gotimasio cudicõa ñar̄ḡr̄c̄umi” yiḡ, ȳre cõacami. To ĩ yicati ñajare, “Quēnaro yicaj̄ m̄”, ĩre yivariquēnaja ȳ. ¹³ Tir̄m̄j̄ Jesús ocare ajite, to yicõari, ajatud'ir̄ḡboacaj̄ ȳ. To yicõari, Cristore ajitir̄n̄r̄re b̄to rojose yir̄ḡc̄aj̄. To bajiro yicac̄ ȳ ñaboajaquēne, ȳre ĩamañ̄umi mani ̄j̄. “Ȳre ajitir̄n̄bec̄ ñari,

^a 1:4 1 Ti 4.7; 6.20; 2 Ti 2.16; Tit 1.13-14.

yure rojose ĭ yisere masibeami Pablo maji” yimasicđari, yure quēnaro yicami, ĭ oca yu gotimasiocudirodire yigū. ¹⁴ Quēnaro yure ĭ yicati s̄orine ĩre ajitir̄n̄aja yu. To yicđari, ĩre quēne, gājerāre quēne, maiaja yu.

¹⁵ Adi m̄are yu gotiroti riojo űaja. Tire masa űajediro ĩna ajitir̄n̄ajama, quēnar̄aroja. Ado bajiro bajiaja: Rojose yirā rojose t̄m̄ot̄jabetiriaroju ĩna vaborotire ĩnare yirētosarū, adi macar̄uc̄roju vayumi Cristo. Yu űaja rētoro rojose yicacu. ¹⁶ To bajiro yicacu yu űaboajaquēne, yure ĩamaicđari, rojose t̄m̄ot̄jabetiriaroju yu vaborotire yure yirētosayumi Cristo. To bajiri, gājerā quēne, “Pablore bajiro Cristore mani ajitir̄n̄ajama, rojose mani yisere manire quēne masirior̄uc̄ami Dios” gājerā ĩna yimasirotire yigū, to bajiro yiyumi. ¹⁷ Mani űju Dios ĭ rotise jedibetir̄aroja. ĩ űaami űajediro ti ruyaroto r̄ĵoroju űamasir'i, to bajicđari, űacđa m̄or̄ugđoc̄u. Sĳgū ĩre ĩagū magūmi. ĩre bajiro bajigū magūmi. To bajiri, ĩre quēnaro yir̄uc̄b̄or̄ugđuroti űaja manire. To bajirone bajiato.

¹⁸⁻¹⁹ Timoteo, yu mac̄are bajiro bajigū, yure quēnaro ajiya. M̄are yu gotirodicatore bajirone yiroti űaja m̄are. Tir̄m̄ju Diore gotirētosarimasa, “Dios ocare gotir̄uc̄ami” ĩna yicature masiritibeticđari, ĭ ocare gotimasiocđa űar̄uc̄aja m̄u. To bajiro m̄u bajijama, v̄ati rojose m̄are ĭ yirodisere c̄adibeticđari, Cristoj̄are ajitir̄n̄acđa űar̄uc̄aja. Gājerā sĳḡari űaama ĭ ocare ajitir̄n̄u t̄jacana. To bajicana űari, socasej̄are ajitir̄n̄urā űar̄ama.^b ²⁰ To bajiro bajicana űaama Himeneo, to yicđari, Alejandro quēne. Diore ajitir̄n̄u t̄jacđari, ĩre r̄uc̄b̄obeticama ĩna. To bajiri, “V̄atia űju, Satanás, ĭ bojarore bajiro rojose m̄are yimasir̄uc̄ami yuja”, ĩnare yicaju yu, “Rojose t̄m̄uo quēnabeti t̄oĭamasĳ, Dios ĭ bojarore bajiroj̄a yato” yigū.

2

“*Gājerāre ejarēmoato’ yirā, Diore sēnibosarūgđuroti űaja*”, *Pablo ĭ yire queti*

¹ űas̄ose ado bajiro m̄are rotiaja yu: Toana rāca rējacđari, Diore sēnirā, masa jedirore sēnibosarūgđuroti űaja m̄are. To yicđari, masare quēnaro ĭ yisere ĩarā űari, “Quēnaro yaja m̄u”, ĩre yir̄ugđuroti űaja. ² Gobiernore quēne, űjarā jedirore sēnibosarūgđuroti űaja. To bajiro mani yijama, Dios ĭ ejarēnose rāca űie oca mano űar̄arāja m̄ua. To bajiri, Dios ĭ bojarore bajiro quēnase r̄ĳne yir̄ugđur̄arāja. ³ To bajiro ĩnare m̄ua sēnibosajama, m̄are ajivariquēnagūmi Dios, rojose t̄m̄ot̄jabetiriaroju m̄ua vaborotire m̄are yirētosaroc̄u. ⁴ Masa jediro rojose t̄m̄ot̄jabetiriaroju ĩna vabetirodire bojami. To bajiro bojagu űari, ĭ oca riojo gotimasiorere quēne masa jediro ĩna masisere bojami. ⁵ Sĳgūne Dios ĭ űasere masiaja mani. Gāji mani r̄uc̄b̄ogū magūmi. To bajicđari, Jesucristo quēne, ĭ sĳgūne űaami manire bajirone ruju c̄aticđari, adi macar̄uc̄roana Diorāca quēnaro mani űarotire yigū, rijabosar'i. ⁶ Mani jedirore rojose mani yise vaja manire yirētosagū, rijabosayumi. To bajiro ĭ bajire űajare, “Masa jedirore yirētosar̄uc̄ami Dios”, yit̄oĭamasiaja mani. ⁷ To bajiri, “Ti ocare jud'io masa mere quēnaro gotimasiocudir̄uc̄aja m̄u, ‘Rojose mani yise vaja manire yirētosayumi’ yit̄oĭato ĩna’ yigū”, yure yicami Cristo. Soc̄u me yaja yu.

⁸ Cristo ĭ cđacacu űari, toana ĩre ajitir̄n̄urā jediro ado bajiro ĩna yirodire yu bojasere m̄are gotiaja yu: Ŝm̄are gotigū yaja. Gājerāre j̄ūnisinirā űaboarine, Diore ĩna sēnijama, quēnabeaja. To yicđari, gājerāre oca josarā űaboarine, Diore ĩna sēnijama, quēnabeaja ti quēne. Diore sēnirāma, rojose yimena űato.^c ⁹ Rōmiare quēne gotigū yaja yu. Cristore ajitir̄n̄urā, űm̄ua rāca ĩna rējaroto r̄ĵoro, quēnaro t̄oĭacđari, ĩna sudi s̄aűasere bojaja yu. “ĶNo bajiro yir̄ati mani, ‘Manire ĩvariquēnato űm̄ua’ yirā?”, yit̄oĭabetiroti űaja. ĩna joare quēnorā, “ĶNo bajiro quēnor̄ati, mani joare, ‘Ŝm̄ua quēnaro ĩvariquēnato’ yirā?”, yit̄oĭabetiroti űaja, ĩnare. ĩna busajaquēne, “Manire ĩvariquēnato űm̄ua” yirā, jairo vaja c̄utise, perla vāme c̄utise, oro vāme c̄utise quēne, busabetiroti űaja ĩnare. To yicđari,

^b 1:18-19 2 Ti 1.6. ^c 2:8 Mt 5.23-24; 6.14-15.

sudi sãnarã, “Manire ãavariquẽnato” yirã, sudi jairo vaja cutise sãnabetiroti ñaja. ¹⁰ Ado bajirojua yirũgũroti ñaja: “ ‘Cristore ajitirũnarã ñaja mani’ yirã ñari, quẽnase yirã mani ñajare, manire ãavariquẽnato”, yitũoĩarũgũroti ñaja, ñare. ¹¹ Dios ocare ajirã mua rẽjarojare, ñagõmenane, ñare gotimasiorimasa ña gotisere rucubuose rãca ajirujiroti ñaja, rõmiare. ¹² ñare gotimasiorotibeaja yu. To yicõari, ãmũare ña rotisere quẽne bojabeaja yu. Ñagõmenane, ña ñacõajama, quẽnaja. ¹³ Rĩjoro Adán ñamasir'ire rujeosomasiñuju Dios. Bero ã manajo Evare rujeomasinuju. ¹⁴ To bajicõari, Adán me ñamasiñuju vãtia mũre yitocomasir'i. Ñ manajojua ñamasiñuju vãtire yitocomasirio. Vãti ã yitomasirere cudicõari, rojose yimasiñuju so. To bajiri, rõmiojua, ãmũare ajirucuburoti ñaja. ¹⁵ Rojose yimasirio so ñajare, “Ñajediro rõmia, ña rĩa cutijama, rojose tãmũorũarãma”, yimasiñuju Dios. To bajiboarine, Cristore ajitirũnũ tũjamena ñacõari, gãjerãre ña maijama, rojose tãmũotũjabetiriaroju ña vaborotire ñare yirẽtobosarucumi Dios.

3

Cristore ajitirũnarãre ãmato ñarã ña bajire queti

¹ Jesũre ajitirũnarãre ãmato ñarũarãre gotigu yaja yu. Socũ me yaja yua. Ña moarũasema, quẽnase ñaja. ² Tire ã moare cutirũajama, quẽnaro tũoĩacõari, quẽnase rĩne yigu ã ñajama, quẽnaja. Quẽnaro masa ña rucubuose, manajo cuticõari, gajeore ajerio cutibecũ, ejarimasare quẽnaro yigu, to bajicõari, quẽnaro gotimasiasigũ ã ñajama, quẽnaja. ³ Mecuose idimecubecũ, quẽabecũ, gãjerãre ajijũnisinicõari, oca josabecũ ã ñajama, quẽnaja. Rojose gãjerã ña yiboajaquẽne, ñare ãamaicõari, quẽnaro ejarẽmogũ ñagũmi, “Quẽnasejua tũoĩato ña” yigu. Gãjoare bojatũoĩabecũ ñagũmi. ⁴ Ñ ya vianare quẽnaro rotigu, ã rĩa rucubuose rãca ãre quẽnaro ña cudirotire yigu, quẽnaro ñare gotimasioigũ ñagũmi. ⁵ Ñ ya vianare quẽnaro ã rotimasibetijama, Cristore ajitirũnarãre no bajiro rotimasibecumi. ⁶ Cristo ocare ajitirũnarãre ãmato ñagũ ã ñarũajama, Cristore mame ajitirũnũgũ me ñagũmi. Cristore mame ajitirũnũgũ ã ñajama, “Gãjerã rẽtoro ñamasugũ ñaja yu”, yitũoĩagũmi. To bajiro ã yijama, Satanás ã tũoĩamasiriarore bajiro tũoĩagũ ã ñajare, “Rojose tãmũorũcũja” Satanãre Dios ã yitomasiriarore bajiro yiecorucumi, ã quẽne. ⁷ To bajiri, quẽnaro yirũgũroti ñaja ãre, “Cristore ajitirũnũmena quẽne, yure ãarucubuoato” yigu. To bajiro ã yibetijama, “Quẽnaro yigu me ã ñajare, Cristo ocare ajirũabeaja yua”, yirãma masa. “To bajiro yato ña” yigu, rojosere yigu ñaami Satanás.

Cristore ajitirũnarãre ãmato ñarãre moabosarimasa ña bajire

⁸ To bajicõari Cristore ajitirũnarãre ãmato ñarãre moabosarimasare quẽne, gãjerã ña ãarucubũorãre bojaja mani. To bajicõari, ña bajirore bajirone bajirã ñarãma ña quẽne. Mecuose idimecũmena, “Gãjoa bũjarãsa” yirã, gãjerãre yitomena ñarãma. ⁹ Dios oca socabetire mani gotimasiosere Dios ã ejarẽmose rãca quẽnaro ajitirũnarã ñari, “Quẽnase ñaja” ña yimasise rĩne yirã ñarãma ña. ¹⁰ ñare mua beseroto rĩjoro, “Ãnoa ñaama quẽnase yirã, Cristo ocare quẽnaro ajitirũnarã” yimasirũarã, ñare ãatirũnũña maji. “Quẽnaro ajitirũnarã ñaama” ñare mua yimasijama, ñare beserũarãja mua yuja. ¹¹ Rõmiare quẽne, Cristore ajitirũnarãre ãmato ñarãre moabosarimasare gãjerã ña ãarucubũorãre bojaja mani. Socarãne, “Ado bajise rojose yima”, gãjerãre yigotirã me ñarãma. Quẽnaro tũoĩacõari, quẽnase rĩne yirã ñarãma. “Yirũarãja” ña yirore bajiro yirã ñarãma. ¹² Quẽna Cristore ajitirũnarãre ãmato ñarãre moabosarimasare, ãmũare gotigu yaja yu. Manajo cuticõari, gajeore ajerio cutibecũ ã ñajama, quẽnaja. Ñ rĩa rucubuose rãca ãre quẽnaro ña cudirotire yigu, quẽnaro ñare gotimasioigũ, to yicõari, ã ya vianare quẽnaro rotigu ñagũmi. ¹³ Quẽnaro ña moajama, gãjerã ña ãarucubũorã ñarũarãma. To bajicõari, Jesucristore quẽnaro ajitirũnarã ñari, Dios ocare ña gotimasiojama, quẽnaro gotirũarãma.

Cristo sũorine manire quẽnaro Dios ã yire queti

14 Yoaro mene mu tujm varua tuoĭaboarine, adi paperare mre ucacōaja yu. 15 “Varua tuoĭaboarine, yoaro me mua tujm yu ejaŧimabetijama, ‘Catimorūgōrocū, Dios yarā űari, ado bajiro yiroti űaja’ yimasianto” yigm, adi paperare mre cōaja yu. Dios yarā űari, “Ī oca, socabeti gotimasiore űaja”, yigotiaja mani. 16 Cristo suorine manire quēnaro Dios ĩ yire queti quēnamasuse űaja. Masa ĩna masibeti ĩ ejarēnose rāca mani masise űaja. Ado bajiro bajiaja ti:

Adi macarucurojm vadicōari, manire bajiro rujm catiyuju Cristo. To bajicōari, Esp'iritu Santo suorine, “űie rojose magū űaami”, yĭaűujarā masa. Ángel mesa quēne, ĩna ĩarūcubuoĝu űaűuju. Masa jedirore ĩ ocare gotimasioűujarā. To bajicōari, tocārāca sitana ĩ ocare ajitirūnūűujarā. Manire rijabosacōari, ĩ tudicatiro bero, ō vecajm ĩ űarojm ĩre āmicoasuju Dios.

4

Masa, Cristore ĩna ajitirūnū tujaroti queti

1 Cristore ajitirūnrā, jājarā mani űaboajaquēne, adi macarucuro ti jedirūtu vato cōrone sĭĝūri ĩre ajitirūnū tujaruarāma. “Īre ajitirūnū tujacōari, vātia ĩnare ĩna yitosere gotimasiore ajitirūnrarāma”, manire yiyumi Esp'iritu Santo. 2 ĩnare gotimasiorimasa ado bajiro bajirā űarāma: “Quēnase gotimasioaja” yirā űaboarine, socasere gotimasiore űarāma. “Adi űaja quēnase. Tijua űaja rojose”, yimasimenama ĩna, rojose rĭne tuoĭarā űari. 3 “Manajo catibetiroti űaja”, yirā űarāma ĩna. To yicōari, “Tocārāca vāme babetiroti űaja”, yirā űarāma. ĩna tuoĭariare bajiro me bajiaja, Jesúre ajitirūnrā Dios oca riojo gotimasiorere masirājūarema. Mani baroti ĩ cūre barā, “Quēnaro yaja mu” Diore mani yiroti yigm, jediro bare cūmasiűumi Dios. 4 űajediro bare Dios ĩ cūre quēnase űaja. To bajiri, “Tocārāca vāme babetiroti űaja”, yire maja manire. Bare mani bajama, “Quēnaro yaja mu” Diore yicōari, baroti űaja. 5 “Bare űaro cōrone quēnase űararoja” ĩ yimasirere barā, “Quēnaro yiyuja mu” ĩre mani yijama, quēnaja.

Jesucristo ĩ bajirore bajiro yire queti

6 Mre yu gotimasiose jediro ĝajerā Jesucristore ajitirūnrāre gotiroti űaja mre. To bajiro mu yijama, Jesucristo ĩ bojarore bajiro ĩnare yiejarēmoĝu yigm mu. To bajicōari, Dios oca quēnasere gotimasio tujabecūne, butobusa Diore tuoĭavariquēnacōari, Jesucristo ĩ bojarore bajiro quēnaro yirūtu varucūja mu.

7 Bucarā ye quetire socasere ĩna gotimasiosere ajibesa. Dios ĩ cūre me űari, vaja mani űaja. Tocārācarūmūne, mu yirūĝurotijuare tuoĭacōari, ĩ bojarore bajiro quēnase rĭne yirūĝūűa.^d 8 Tocārācarūmūne mani rujare mairā űari, quēnaro guacoerūĝūaja mani, “Catiquēnarā űarāsa” yirā. To bajiro mani yise quēnase űaja, bajirojuma. To bajiro mani yise rētobusaro quēnase űaja tocārācarūmūne, Dios ĩ bojarore bajiro quēnase rĭne mani yirūĝūse. To bajiro mani yijama, adigodo mani catiűaro cōro, to yicōari, ō vecajm Dios tujm mani űajaquēne, quēnaro manire yicōa űarucūmi Dios. 9 Mre yu gotise, socase me űaja. Masa jediro tire ĩna ajitirūnūjama, quēnararoja. 10 Socabeti ti űajare, josari moarūĝūaja yu. To bajiűarāne, catimorūgōrocure Diore ajitirūnrāre rojose ĩna bajiborotire ĩnare yirētohosarocure tuoĭa yuűaja yu.

11 Adi queti yu gotise ti macanare mu gotimasiosere ajicōari, cudjedicōato ĩna. 12 Bucū me mu űajare, toana Cristore ajitirūnrā, mre ĩna rūcubuoĝetijama, quēnabetoja. To bajiri, “Bucū me yu űaboajaquēne, mre quēnaro rūcubuoĝato” yigm, “Yure ejarēmorucūmi Dios” ĩre yituoĭacōari, ado bajise yirūĝūűa: ĩnare quēnaro ĩamaicōari, quēnase rĭne yicōa űarūĝūűa. To bajiro mu yijama, “Ī yirore bajiro yiroti űaja manire quēne” yituoĭacōari, mre quēnaro rūcubuoĝarāma ĩna. 13 Yu ejaroto rĭjoro, toana rāca rējacōari, Dios ocare

d 4:7 1 Ti 1.4; 6.20; 2 Ti 2.16; Tit 1.13-14.

masa ña ucamasire quënarō gotimasiorũgũña m̄, “Tire ajicõari, butobusa ajitirãnũato” yigũ. ¹⁴ “Quënarō yimasiato” yigũ, Dios m̄re ñ ajocatire masiritibesa m̄. Jesũre ajitirãnrãre ùmato ñarã m̄re yua ãmo ñujeorãne, Dios ñ masise rãca, “Adi ñaja m̄ moaroti Dios ñ cũre” yua yĩnarone, tire m̄re ajoyumi Dios.^e

¹⁵ Adi queti m̄re yu gotimasiosere masiritibeticõari, m̄ yimasiro cõro yirũgũña. To bajiro m̄ yijama, m̄ yisere ñacõari, “Butobusa Cristore ajitirãnrũtuacu yami”, yĩaruarãma ti macana. ¹⁶ M̄ gotimasioroto rĩjoro, to yicõari, no bojase m̄ yiroto rĩjoro quëne, quënarō tuoñacõari rĩne, yirũgũña. To bajiro m̄ yicõa ñajama, m̄ gotimasiose ajitirãnrãre quëne, rojose tãmuotujabetiriaroju m̄a vaborotire m̄are yirẽtobosarũcũmi Dios.

5

Cristore ajitirãnrã rãca ñare queti

¹ Sĩgũ bũcu, rojose ñ yiboajaquëne, tud'igũre bajiro ñre gotibesa. Ado bajiroju m̄ yijama, quënaja: Rũcũbuose rãca m̄ jacure m̄ yirore bajiro quënarō ñre gotiya. To yicõari, mamarãre quëne, m̄ bederãre m̄ yirore bajiro quënarō ñare yiya. ² Rõmia bũcũrãre m̄ jacore m̄ yirore bajiro quënarō ñare yiya. To yicõari, mamarã rõmiare quëne, m̄ bederãre m̄ rũcũbuore bajiro quënarō ñare rũcũbuoya.

³ Manaju rijaveoriarã maioro bajirã masu ña ñajama, rũcũbuose rãca ñare quënarō ejarẽmorũgũña. ⁴ To bajiboarine sũgõ manaju rijaveorio rĩa cutigo, to yicõari, jãnerabatia cutigo so ñajama, ñajua ñarãma sore ejarẽmorũgũrona. To bajiro ña yisere Dios ñ ñavariquënase ñajare, to bajiro yirũgũroti ñaja. Mani jacua manire ñamaicõari, mani daqueroju manire quënarō ña yibũcuore ti ñajare, ñare ejarẽmorũgũroti ñaja, manire.

⁵ Manaju rijaveorio maioro bajigo masujuare, so yarã sore ejarẽmorã manijare, “Yũre ejarẽmorũcũmi Dios” yitũoñacõari, ñre sãnirũgũgõmo so. Ũm̄a, ñamire quëne ñre sãnirũgũgõmo. ⁶ Manaju rijaveorio, no so bojase rĩne yigojuama, rojose yigo ñari, Dios ñ ñajama, cutigo ñaboarine, catibecore bajiro bajicõa ñagõmo, rojose tãmuotujabetiriaroju varoco ñari. Sojuarema ejarẽmobetiroti ñaja. ⁷ Tire m̄re yu gotimasiosere m̄ tũju ñarãre Cristore ajitirãnrãre gotiya. ña cũdisere ñacõari, “Rojose yama”, yirã maniruarãma. ⁸ Sĩgũ “Cristore ajitirãnrã ñaja yu” yiboarine, ñ yarãre ñare ñ ejarẽmobetijama, quënabetoja. To bajiro bajigu ñari, Cristore ajitirãnrã tũjacoar'ire bajiro bajigu ñagũmi. Gãjerãma, Cristore ajitirãnrãmena ñaboarine, ña yarãre ejarẽmorã, rojose ña yiro rẽtoro rojose yigu ñagũmi.

⁹ Cristore ajitirãnrã manaju rijaveoriarã, m̄a ejarẽmoronama, ado bajiro bajirã ñaruarãma ña: Sesenta cãmari rẽtoro tusana ñaruarãma. To bajicõari, sũgũne manaju cutiriarã ñaruarãma. ¹⁰ To bajicõari, gãjerãre ado bajiro quënarō yiriarã ñaruarãma: ña rĩare quënarō bũcũoriarã, ejarimasare quënarō yiriarã, “Yũ rẽtoro ñamasurã ñaama” gãjerãre Cristore ajitirãnrãre yitũoñacõari, ñare ejarẽmoriarã, to yicõari, rojose tãmuorãre ejarẽmoriarã ñaruarãma.

¹¹ ñare m̄a ejarẽmoroto rĩjoro, ña manaju ñ bajirocaro bero, “Gãji manaju cutibetirũcoja yu”, Cristore yisãniriarã ñaruarãma. Mamarãbusa manaju rijaveoriarãre ejarẽmobetiroti ñaja. Mamarãma, to bajiro yiriarã ñaboarine, buto manaju cutirua tũoñarãma ña quëna. ¹² To bajiro ña bajijama, “Rojose yirã yama”, ñare yĩarũcũmi Cristo. ¹³ Gaje vãme quëne, ado bajiro bajirã ña ñajare, ñare ejarẽmobetiroti ñaja. Moamenane gãjerã ya viriju ñacudirũgũrãma. To bajicudirã, socarãne, “Ado bajise rojose yima”, gãjerãre yigoticudirũgũrãma. To yicõari, gãjerã ña sãnĩabetiboajaquëne, “Ado bajiroju yiroti ñaja”, ñare yigõjanabiorũgũrãma. To bajiro ña yijama, yibetirotirene yicõarãma. ¹⁴ To bajiro bajirã ña ñajare, quëna ña manaju cutirotire bojaja yu, “Rĩa cuti, ña ya vi ñatirũnũ, yĩñacõato” yigũ. To yicõari, “Gãjerãju ñare ñagõmacaruarã, ña yisere

^e 4:14 2 Ti 1.6.

ĭacōari, no yimasibeticōato” yigū, quēnaro ĩna űasere bojaja yū. ¹⁵ Jēre sĭgōri mamarābūsa manajū rijaveoriarā Cristore ajitirūnū tūjacōari, Satanājūare ajitirūnū sūyarā ĩna űajare, to bajiro mūre gotibū yū.

¹⁶ Cristore ajitirūnūgō yarā, manajū rijaveoriarā ĩna űajama, ĩnare ejarēmōrūgūroco űagōmo. To bajiro so yijama, manajū rijaveoriarā maioro bajirāre ejarēmōrimasa ĩna manijare, ĩnare ejarēmomasirūarāma ĩna, gājerā Cristore ajitirūnūrā.

¹⁷ Būcūrā, Cristore ajitirūnūrāre ĩnare quēnaro ĩna ũmato űajama, ĩnare rūcūbūocōari, vaja yiroti űaja. ĩna rācana quēnaro gotimasiorāre būto būsa rūcūbūoroti űaja. ¹⁸ Dios ocare masa ĩna ucamasire, ado bajiro ti gotijare, tire ĩnare goticōaja yū: “Ta vecū risere siabibebesa, trigo gasere ĩre mūa cūda jānerotijama, ‘Ī quēne bato’ yirā”, yigotiaja Dios oca masa ĩna ucamasire. Tire yigū, ta vecūa rĭne tūoĭagū me, yimasiűumi Dios. Gajejū quēne ado bajiro gotiaja: “Īna gotimasiose vajane bacatirūarāma”, yigotiaja Dios oca masa ĩna ucamasire.^f

¹⁹ Būcūrē, “Rojose yimi” ĩna yi ocasājama, jūarā, idiarā űacōari ĩna oca sājama, ĩnare ajiroti űaja.

²⁰ To bajiro ĩna yi ocasājama, Cristore ajitirūnūcōari, rējarā jediro ĩna ĩaro rĭjorojūa tud'igūre bajiro ĩre gotiba mū, “Gājerā, būcūrā quēne tire ajicōari, ‘Manire quēne yiro mi’ yimasiato” yigū.

²¹ To bajiro mūre yū rotisere ajirāma Dios, ĩ macū Jesucristo quēne, ángel mesa, Dios ĩ beseriarā quēne. Mū cūdirotire masirūarāma ĩna. Mū baba rojose ĩ yijaquēne, yū rotirore bajiro cūdiya. ²² Cristore ajitirūnūrāre ũmato űarocare mū cūrūajama, quēnaro yigū ĩ űasere ĩajeocōari, beseya. To bajiro mū yibetijama, rojose yigūrene besegūja mū. To bajiro mū yijama, “Rojose yigūrene beseyumi”, mūre yirāma. “To bajiro bajirobe” yigū, quēnaro ĩnare beseba. To yicōari, quēnase rĭne yirūgūűa.

²³ “Quēnase rĭne yirūgūűa” yigū űaboarine, “Ūye oco idibetirūgūűa”, yibeaja yū. Oco rĭ mere idirūgūűa. Ūye oco quēne, mojoroaca idirūgūűa, biyaroaca mū gūdajoa ti jūnirūgūsere “Tūjato” yigū.

²⁴ Ado bajiro ti bajijare, “Īnare quēnaro masicōari rĭne, beseya”, mūre yibū yū: Sĭgūri rojose ĩna yisere ĭacōari, masiaja mani. To bajiboarine, gājerājūama, “Rojose yirā űaama”, yimasiűamana űaama. ĩnare quēnaro masicōari rĭne, rojose yirā ĩna űasere masiaja mani.

²⁵ To bajirone bajiaja quēnaro yirā ĩna űase quēne. Sĭgūri quēnase ĩna yisere ĭacōari, masiaja mani. To bajiri, ĩnare quēnaro mani masiroto rĭjoro, jēre “Quēnase yirā űaama”, ĩnare yimasiaja mani. To bajiboarine, gājerājūama “Quēnase yirā űaama”, yimasiűamana űaama. ĩnare quēnaro masicōari, quēnase yirā ĩna űasere masiaja mani. To bajiri Cristore ajitirūnūrāre ũmato űarāre, būcūrāre quēnaro masicōari rĭne, beseya.

6

Gājerāre moabosarā ĩna bajire queti

¹ Jesucristore ajitirūnūrā gājerāre moabosarā, ĩna űjarāre rūcūbūoroti űaja. ĩna űjarāre rūcūbūobetire ĭacōari, “Rojose yirā űaama Cristore ajitirūnūrā; vaja maja ĩna gotimasiose”, yirūarāma gājerā. ² Sĭgūri ĩna űjarā, Cristore ajitirūnūrā űarāma. ĩnare rūcūbūoroti űaja. “Mani űjū Jesucristore ajitirūnūrā űari, Dios ĩ mairā űarāma ĩna quēne. To bajiri quēnaro ĩnare yibosato mani” yitūoĭacōari, būto būsa ĩna moabosajama, quēnaja.

Cristo oca riojo gotimasiorere quēnaro ajitirūnūrē queti

Adi queti yū gotise ti macanare ĩnare gotimasiocōari, “Ado bajiro yirūgūrūarāja mani”, ĩnare yīya.

³ Mani űjū Jesucristo ocare buerētobubōarine, ricati gotimasiorā ĩna bajisere gotiaja yū: Dios ĩ bojase mani yisere riojo gotimasio mena űarāma. ⁴ “Būto masirā űaja yūa”

^f 5:18 1 Co 9.9.

yituoĩaboarine, masimena ñarãma. Cristo ocare, “Ado bajirojua yiruaru yaja ti”, gãmerã yi oca josarũgũrãma. To bajiro ñna yise suorine, “Yu rëtoro masirã ñaama” yĩajũnisinire, gãmerã rucubuoetire, “Socarã yama”, gãmerã yituoĩare ñaroja. ⁵ Rojose tuoĩarã ñari, Cristo ocare ajitirũnu tujacõari, vãti ĩ yitosere ajitirũnrã ñari, to bajiro yirũgũrãma. “Dios ĩ bojarore bajiro mani yijama, gãjoa bujaruarãja mani”, yituoĩaboarãma ñna. ⁶ To bajiro ñna tuoĩamavisiaboajaquẽne, mani suorõ cõro mani variquẽnajama, Dios ĩ bojarore bajiro mani yise suorine bato quẽnase bujarũgũaja mani. ⁷ Adigodo mani ruyujama, ñie suorinane ruyuararãja mani. To bajirone mani rijajaquẽne, ñie ãmi vamenaja mani. ⁸ To bajirone ñari, adigodoju ñarã, bare cuti, sudi cuti, mani yijama, variquẽnaja mani. ⁹ Gãjerãjuama, jairo gãjoa suorua tuoĩarũgũrãma ñna. To bajiro tuoĩarã ñari, rojose yisejarũgũrãma. To bajiro ñna bajiro tire yigumi vãti. To bajiro yirã rĩne, rojose tãmuotujabetiriaroju varuarãma. ¹⁰ Gãjoare bojarã ñari, tocãrãca vãmene rojosere yirũgũama sīgũri. Diore ajitirũnrã quẽne, gãjoare bojaca yirãne, Cristore ajitirũnu tujacama. To bajiri, yuja, ñna masune rojose tãmuorũgũama.

Timoteore Pablo rotire queti

¹¹ To bajiro ñna yiboajaquẽne, mujuama, Dios yu ñari, ñnare bajiro yibesa. Dios ĩ bojarore bajiro quẽnase rĩne yirũgũña. Bato rojose tãmuoaboarine, Cristore ajitirũnu tujabesa. Gãjerãre rucubuoocõari, quẽnaro ñnare yirũgũña. ¹² Vãti rojose mure ĩ yirotsere cudibeticõari, Cristojua ajitirũnuõa ñarucuja, “Yu macure mu ajitirũnujama, rojose tãmuotujabetiriaroju mu vaborotire mure yirëtobosarucuja yu” Dios ĩ yirere cudicacu ñari. Tire mu cudicatirũmure, jãjarã ñacaju yua, güibecune, “Cristore ajitirũnuaja yu” mu yigoticatire ajicana. ¹³ Dios, adi macarucuro catiñasere rujeor'i, to yicõari, mani uju Jesucristo quẽne, mure yu rotisere ajirãma. Jesucristo ñaami güibecune, Poncio Pilato vãme cutigu ĩ ñaro rĩjoro, gãjerãre quẽnaro mani gotirũgũrore bajiro gotir'i. Ado bajiro mure rotiaja yu: ¹⁴ Mure yu rotise ñaro cõrone quẽnaro cadiya, “‘Rojose yami’ mure yiroma” yigu. Mani uju Jesucristo adigodoju ĩ tudiejaroto rĩjoro to bajiro rĩne yicõa ñarũgũma. ¹⁵ Mani uju, Dios, “To cõrone varucumi” ĩ yiriarãmune tudieja rotirucumi. Ñne ñaami gãjerãre mani rucubuooro rëtoro mani rucubuoogu. Masirëtogũ ñagũmi. Ñimu gãji ĩre bajiro masigũ magũmi. ¹⁶ ĩ sīgũne ñaami ñajediro ti ruyuaroto rĩjorojune ñar'i, to yicõari, rijabetirocu. Bato busuroju masa ñna ejamasibetoju ñarũgũgũmi. Sīgũ ĩre ñagũ magũmi. ĩre ñarocu quẽne magũmi. ĩre rucubuoocõa ñarũgũroti ñaja manire. To bajiro rĩne bajirũgũato.

¹⁷ Adigodoaye gajeyeũni jairo suorã ñacõari, “‘Gãjerã rëtoro ñamasurã ñaja yua’ yirãre yibesa”, ñnare yigotiya. “‘Jairo gãjoa suorã ñari, quẽnaro ñarũgũruarãja mani’ yituoĩabesa mua”, ñnare yiya. Yoaro mene jedise ñaja gãjoa. Dios catimuoũgũrocujuare ajitirũnuõari, “‘Ñaami manire quẽnaro ĩtirũnugũ’”, yirũgũroti ñaja, ñnare. “‘Quẽnaro variquẽnañato’ yigu, manire quẽnaro yirũgũami Dios”, yituoĩarũgũroti ñaja. ¹⁸ To yicõari, “Jairo suorã ñari, ti rãca cojoi me quẽnase yirũgũña”, ñnare yirotiya mu. “‘Ñsivariquẽnarũgũña’”, ñnare yiya. Ñna gãjoare maimenane, gãjerãre ejarẽmorã ñna ĩsijama, quẽnaja. ¹⁹ To bajiro ñna yijama, quẽnaro ñna yise vaja õ vecaju gajeye cūrẽmorãre bajiro yirã, yiruarãma ñna. Quẽnaro ñna yise vaja, õ vecaju quẽnaro ñnare yirucumi Dios. Ñnare ĩ gotiriarore bajiro ñna rijato beroju ĩ rãca quẽnaro ñacõa ñarũgũruarãma yuja.

Timoteore Pablo ĩ gotiũsare queti

²⁰ Ajiya Timoteo. “Cristo ocare quẽnaro gotimasioato” yigu, mure cũñumi Dios. To bajiri quẽnaro gotimasiorũgũña. Socasere ñna gotimasiorũgũsere ajibesa. Dios ĩ cũre me ñari, vaja mani ñaja, “Masirã ye ñaja” ñna yituoĩaboase. ^g ²¹ “Bato masirã yere gotimasioaja yua” yirãre ajisuyacõari, Cristo ocare ajitirũnubesujarã ñna yuja.

Mani uju Jesucristo, quẽnaro mure yirũgũato.

To cõro ñaja.

Segunda carta de San Pablo a TIMOTEO

Timoteore, Pablo ĩ quēnaroticōare queti

¹⁻² ĶÑaboati m̄, Timoteo? Ȳ ñaja Pablo vāme c̄tiḡ, adi quetire m̄re ucacōaḡ. Ȳ mac̄re bajiro ȳ maiḡ m̄ ñajare “mac̄” m̄re yaja ȳ. M̄re quēnarotiḡ, mani jac̄ Diore, to yicōari, mani ɱj̄ Jesucristore quēne, ado bajise m̄re sēnibosaja ȳ: “Quēnaro m̄a rāca ĩ ñarotire yirā ĩre ejarēmoña”, m̄re yisēnibosaja ȳ.

“ “Manire rijabosayumi Jesucristo” yirāre ĩna rijato beroj̄ tudirijabeticōato’ yiḡ, ȳ catisere ĩnare ĩsir̄c̄ja”, yic̄masiñumi Dios. To bajiro ĩ yic̄masire ti ñajare, “Ti quetire Jesucristore gotibosaḡ, to bajise gotimasiocudir̄c̄ja m̄”, yicōañumi Dios, ȳre.

“Jesucristo ĩ bajirere masare gotimasio t̄jabesa”, Pablo ĩ yire

³ Ȳ ñic̄ua Diore ĩna r̄c̄ub̄omasiriarore bajirone ĩre r̄c̄ub̄oaja ȳ quēne. Ɔm̄are, ñamire quēne ĩre ȳ sēnijama, “Dios ĩ ejarēmojare, ĩre quēnaro ajitir̄n̄ḡ ñacami Timoteo” yimasiḡ ñari, “Quēnaro yaja m̄”, ĩre yivariquēnar̄ḡaja ȳ. ⁴ To bajiro ȳ yijama, m̄re ȳ vadiveocatir̄m̄ m̄ oticatire t̄oĭacōari, m̄re b̄uto ĩar̄aja ȳ, m̄ rāca ñavariquēnar̄.

⁵ M̄ ñico Loida, m̄ jac̄o Eunice quēne, Cristore m̄ ajitir̄n̄roto r̄j̄oroj̄ne ĩre ajitir̄n̄rā ñacama ĩna. “ĩna ajitir̄n̄catore bajiro ĩ quēne quēnaro ajitir̄n̄ḡ ñacami” yit̄oĭacōari, “Quēnaro yaja m̄”, Diore ĩre yivariquēnaja.^a

⁶ To bajiro m̄re yit̄oĭaḡ ñari, ado bajise m̄ tudit̄oĭarotire bojaja ȳ: M̄re ȳ āmo ñujeorone, “Adi ñaja m̄ moaroti Dios ĩ c̄re” Diore ȳ yigotibosarone, quēnaro m̄ yirotire m̄re ɱjoyumi Dios. To bajiro m̄re ĩ yire ti ñajare, tire masiritibec̄ne, m̄ yimasiro cōro variquēnase rāca quēnaro yicōa ñar̄c̄ja m̄. ⁷ Mani t̄oĭabojonerotire yiḡ me manire ɱjoyumi Dios. Ado bajiroj̄a mani yirotire yiḡ manire ɱjoyumi: Jesús ĩ bajirere mani gotijama, gotiḡibetirotire, masare mani mair̄otire, to yicōari rojosere yir̄aboarine, tire mani yibetirotire yiḡ, manire ɱjoyumi Dios. ⁸ To bajiri, mani ɱj̄ Cristo ĩ bajirere gotiḡibesa. Cristo ĩ bojasere yiḡ ñari, tubibe ecocaj̄ ȳ quēne. “Cristo s̄orine tubibe ecoyumi Pablo” yiḡibec̄ne, ado bajiroj̄a t̄oĭaña m̄: “Cristo ĩ bojasere yiḡ ñari, Pablo rojose ĩ t̄m̄orore bajiro t̄m̄oroti ti ñaboajaquēne, Cristo s̄ori quēnaro Dios ĩ yise quetire ĩ ejarēmose rāca gotimasiocōa ñar̄c̄ja ȳ”, yit̄oĭaña. ⁹ Cristo ĩ rijabosare s̄orine, “Rojose mana ñaama”, manire yīañumi Dios. To yicōari, “Ȳ yarā ñari, quēnaro yirā ñaña”, manire yiyumi. Adi macar̄c̄ro ĩ rujeoroto r̄j̄oroj̄ne, “ĩnare mair̄c̄ja” yimasir' ĩ ñari, quēnase mani yibetiboajaquēne, “Rojose mana ñaama”, manire yīañumi Dios. ¹⁰ “ĩnare mair̄c̄ja ȳ” ĩ yiriarore bajirone yiḡ ñari, adigodoj̄ Jesucristore cōañumi, manire ĩ rijabosarotire yiḡ. To bajiri Dios manire ĩ yire s̄orine mani masibetiborotire, “Manire b̄uto maiami Dios”, yimasijama mani. To yicōari, “Jesucristo manire rijabosayumi” mani yit̄oĭajama, mani rijato beroj̄ “Tudirijabeticōato” yiḡ, Dios ĩ catisere manire ĩ ĩsire quetire ajirā ñari, mani bajirotire ḡibeaja mani.

¹¹ “Ti quetire ajitir̄n̄ato masa” yiḡ, gotimasiocudiroc̄re ȳre cōañumi Dios. ¹² To bajiri, ĩ bojarore bajiro gotimasiocudiḡ ñari, tubibe ecocōari, rojose t̄m̄oaja ȳ. To bajiro bajiḡ ñaboarine, ȳre ejarēmoḡre Cristore quēnaro masiḡ ñari, ti quetire gotiḡibeaja ȳ. To bajiri, “Ȳre ĩna s̄ĭaboajaquēne, Cristore ajitir̄n̄r̄j̄ama, quēnaro ȳ gotimasiorore bajirone ‘Gotimasiocōa ñato’ yiḡ, m̄are ejarēmocōa ñar̄c̄mi”, ĩre yimasijama ȳ. To bajiro ĩ yirā ñari, Jesucristo ĩ tudiejajaquēne, gotimasiocōa ñar̄arāma.

¹³ To bajiri, m̄re ȳ gotimasiocatire bajirone gotimasiocōa ñaña. To bajiro m̄ yijama, “Jesucristore ajitir̄n̄r̄re manire maiami Dios” yimasiḡ ñari, “Manire ĩ mair̄ore

^a 1:5 Hch 16.1.

bajirone ñare quēne yu mairotire yigu ejarēmorucami” yituoĩacõari, mu gotimasiorãre ñare maiña. ¹⁴ Dios ñ ejarēmose rãca tuoĩacõari, “Cristo suorine quēnaro Dios ñ yise quetire gotimasiorocũ ñaja yu”, yicaju mu. To bajiri, “Quēnaro gotimasioato” yigu, Esp'iritu Santo ñ ejarēmose rãca mu yimasiro cõro yirũgũña. Gãjerã mu gotimasiorore bajiro me ña gotijama, “Bajibeaja. Ado bajirojua bajiaja”, ñare yigotirucuja mu.

¹⁵ Asia sitaju vadiriarã Cristore ajitirũnarã, yu babarã ñaboacana yu taju vadiboarine, ejadimenane, tudicoarere jere masigãja mu. Ña ñañuma Figelo, Hermógenes, to yicõari gãjerã quēne. ¹⁶⁻¹⁸ To bajiro ña bajiboajaquēne, Ones'iforo vãme cutigujama, “Yu baba ñacami Pablo” yituoĩagüibecu ñari, tubibe ecocõari yu ñarimacare ejacõagujama, macasuoasumi, yure bujacõariju “Tujagusa” yigu. Yure bujacõari, cojoji me quēnaro yure ñ yijare, variquēnacaju yu. Ñ ñarimaca Efeso vãme cuti macaju yu ejajaquēne, quēnaro yure ejarēmorũgũcami. Tire masigãja mu. To bajiro yicacu ñ ñajare, “Ñ ya vianare ñamaicõari, quēnaro yiba mu, masare mu beserirãmu ti ejaro”, ñre yisēñija yu, mani ujure.

2

“Cristo ñ bojasere yibosagu ñarucuja mu”, Pablo ñ yire queti

¹ Yu macure bajiro bajigu, ado bajise yu gotisere quēnaro ajiya mu: “Ñre ajitirũnagũ yu ñajare, yure ñamaicõari, quēnaro yu yirotere yure ujoyumi Jesucristo” yimasigũ ñari, ñ bojase rĩne yicõa ñaña mu. ² Mure yu gotimasiocatire gãjerãre quēne gotimasiocaju yu. To bajiri, jãjarã ñacama “Riojo gotiami Pablo” yirã. Tire riojo gotimasioronare gãjerãre gotimasiorotirucuja mu, “Cristore ajitirũnarã ñato ña quēne” yigu.

³ Surara masu, rojose ñre tãmuroti ti ñaboajaquēne, ñ uju ñ bojarore bajiro yigumi. Ñre bajirone bajiroti ñaja mure quēne. Jesucristore ajitirũnagũ ñari, “Pablo rojose ñ tãmurore bajiro rojose tãmuroti ti ñaboajaquēne, Cristo ñ bajirere gotimasiocõa ñarucuja yu” yituoĩacõari, gotimasiorũgũña. ⁴ Surara ñ moajama, uju ñ ñavariquēnarotire bojagu ñari, ñ rotise rĩne moagãmi. ⁵ To bajiro bajiaja ajerimasare quēne, “Gãjerãre ajerëtogusa” yiboagure. Ajere vãmere bajiro ñ ajetetijama, ñ ajeboase vaja, vaja bujabecumi. ⁶ Gajeyere quēne ado bajiro yaja mani: “Vese moagũma, ñjua ñaami ti vese ti rica cutiro, juasurorocuma”, yaja mani. ⁷ Mure yu gotisere quēnaro tuoĩaña. Quēnaro mu tuoĩajama, gãjerãre mu gotimasiorotire “Tuoĩamasiato” yigu, mure ejarēmorucami mani uju.

⁸ Cristo ñ bajirere masiritibeticõaña: Uju David ñamasir'i jãnami, rijacoaboarine Dios suorine quēna tudicatr'i ñaami Jesús. To bajiri, “Rotimurũgõrucami” yigu, Dios ñ cõar'i ñaami. To bajiri, tirene gotirũgũaja yu, masare gotimasiogũ. ⁹ Tire gotimasiogũ ñari, rojose yir'ire bajiro cõmemarine sia ecocõari, tubibe ecoaja yu. Yure ña tubibeboajaquēne, Dios ocajama gotitaja ecobetiruroja. ¹⁰ To bajiri, “Ña ñaruarãma yu yarã” Dios ñ yĩariarã quēnaro ña ñarotire yigu, rojose tãmuoaja yu. Cristo ñ bajirere ajitirũnarã ñari, “Ña rijato beroju Diorãca quēnaro ñaruarãma” yigu, gotimasiocõa ñaja yu.

¹¹ Ado bajiro gotire riojo ñaja:

Cristore ajitirũnarã ñari, rojose yuraboarine, tire mani yibetijama, mani rijato beroju quēna tudicaticõari, ñ rãca quēnaro ñarũgũuarãja.

¹² Gãjerã rojose manire ña yiboajaquēne, Dios ñ bojarore bajiro mani yicõa ñajama, õ vecaju ñ rotiroju ñ rãca ñaruarãja mani quēne. To bajiboarine, “Jesúre ajitirũnarã me ñaja yua” mani yijama, ñ quēne, õ vecaju ñ jacu ñaro rĩjorojua, “Ñare masibeaja”, manire yirucami.

¹³ Mani yirore bajiro yimena ñaboarine, “To bajirone bajigumi Dios quēne”, yituoĩaroti me ñaja. Socagu me ñaami ñma. “Yirucuja” ñ yirore bajirone yigu ñaami.

“Dios ñ bojarore bajiro quēnaro yiya”, Pablo ñ yire queti

¹⁴ To bajiro mure yu gotisere, Cristo i bajirere gotimasiorimasare inare gotiya, “Tire masiritibeticōato” yigu. To yicōari, gaje vāme ado bajiro inare gotirēmoña: “Socase ina yise ūni suorine gāmerā oca josabesa. Tire ma yijama, masare no bajiro yiejarēmobetoja. To bajiri, socase ina yisere ajianane, quēnasejuare ina ajiruaboasere ajimavisia tujacōarāma”, inare yigotiya mu. ¹⁵ To yicōari, Cristore ajitirūnrāre gotimasioḡū ñari, Dios mure i lavariquēnarotire yigu, mu yimasiro cōro variquēnase rāca quēnaro yirūḡūña. To bajiro yigu ñari, bojonebecune, mu yirūḡūsere ire gotirucuja mu. ¹⁶ Adigodoaye rīne tūoīacōari, “Gāmerā ñagōto mani” ina yijama, inare ajibesa. Tire tūoīavariquēnarā ñari, Diojuare ajibeticōari, rojosejuare butobusa yirūtuanā yirāma.^b ¹⁷ Socase ina gotimasiosejuare ajisuyacōari, Dios ocare ajiboariarā, jājarābusa ñarūtuararāma socasejuare ajirā. To bajiro bajiyuma, Himeneo, to yicōari Fileto vāme cutigu quēne, Cristore ajisuyaboariarā. ¹⁸ Cristo i bajirere riojo ajisuyaboariarā, socasejuare ajisuyacōari, ina gotimasiojama, “Jēre rijariarāre Dios i catoriarāma rētocoasuja”, yisocarāma ina. To bajiro ina yijare, Dios ocare ajitujacōari, socasejuare ajisuyacoasuma sīgūri. ¹⁹ Socasere ina ajisuyacoaboajaquēne, Dios ocare ajisuyarā masujua, socasere ajisuyabetiruarāma ina. To bajiro ina bajirotire yiro, ado bajiro gotiaja ti: “I yarāre iamasiami mani uju”, yigotiaja. To yicōari, gajeju ado bajiro gotiaja: “Jesūre ajitirūnrā ñaja yua’ yirāma, rojose ina yisere yitujajama, quēnaja”, yigotiaja ti.

²⁰ Gotimasiore queti mure gotigu yaja yu: Gajeyeūni jairo ti ñarivima, oro rāca, to yicōari, plata vāme cuti rāca ina quēnorā sotari rione ñabetoja. Yucú rāca, riri rāca ina quēnorā sotari quēne ñaroja. Jairo vaja cuti sotarire iacōari, gājerā ire ina iarucuborotire masigū ñari, ado bajiro tūoīagūmi ti vi uju: “Ñamasurā ina ejajama, inare bare ecagu, jairo vaja cuti sotari rāca bare jeorucuja”, yitūoīagūmi, “Yure rucubuoato ina” yigu. “Yucú rāca, to yicōari, riri rāca quēnorā sotarine bare yu jeojama, yure rucubuoamenama’ yigu, yu cuose ñaruroja”, yigūmi. Ti sotarire bajirone bajiaja mani quēne, Cristore ajitirūnrā. ²¹ Cristore ajitirūnrā ñaboarine rojose yirāma, tire yitujacōari, quēnasejuare ina yijama, “Rojose mana ñaama. Ina suorine yure rucubuoararāma gājerā quēne” yigu ñari, ire ina yibosarotire rotirucūmi Dios.

²² To bajiri, ado bajiro yirūḡūña mu: Mamarā, Diore ajimena, no ina bojase ina yise ūnire yibeticōari, ado bajirojuā yirūḡūña: “I yirore bajiro yigu ñaami” Cristore ire yitūoīacōari, quēnase rīne yirūḡūña. Diore, to yicōari “Jesucristore ajitirūnrā ñaja yua” yisocamenare quēne, maicōari, mu rāca quēnaro ina ñarotire yigu, quēnaro inare yirūḡūña. ²³ Adigodoaye rīne tūoīacōari, “Gāmerā ñagōto mani” ina yijama, inare ajibesa, “Tire mani gāmerā ñagōboajama, quēnabetoja” yimasigū ñari. ²⁴ Mani uju bojasere yiguma, oca josabesu ñagūmi. Ado bajirojuā bajigu ñagūmi: Gājerāre ajirucubuoacōari, quēnaro inare yigu ñagūmi. “Cristore quēnaro ajitirūnrato ina” yigu, quēnaro gotimasioḡū ñagūmi. ²⁵ Dios ocare riojo gotimasioimenare, Dios i bojarore bajiro quēnaro yirucagu ñari, inare iamaicōari, “Ado bajirojuā bajiaja”, inare yigotimasioḡūmi. Dios suorine ricatijua tūoīacōari, i oca riojo gotimasiorere ina ajitirūnrōtire bojagu ñari, to bajiro gotigūmi. ²⁶ I gotisere ajicōari, “Riojo gotiami” ire ina yiajjama, “Satanás suorine masare yitorūḡūñuja mani”, yirā ñari, i rotiboasere yitujaruarāma ina.

3

“Adi macarucuro ti jediroto rījoro ado bajiro bajiruarāma masa”, Pablo i yire queti

¹ Adi macarucuro ti jediroto rījoro Dios i bojarore bajiro yirāma, buto rojose tāmurouarāma, jājarā ado bajiro rojose yirā ina ñajare: ²⁻³ Gājerāre maitūoīamenane, ina masu yejuare tūoīarā ñaruarāma. Jairo gājoa cuorā ñaboarine, jaibusaro bojarēmōrā ñaruarāma. “Ñamasurā ñaja yua”, yijairā ñaruarāma. Gājerāma, “Ñamasurā ñaja yua”

^b 2:16 1 Ti 1.4; 4.7; 6.20; Tit 1.13-14.

yituoĩarã ñaboarine, “To bajiro bajirã ñaja yua”, yibetiruarãma. Masare, Dios yere quẽne, rucubomona ñaruarãma. Īna jacua ĩna rotisere cudimena ñaruarãma. Dios quẽnaro ĩnare ĩ yiboajaquẽne, “Quẽnaro yaja mu”, ĩre yimena ñaruarãma. Gãjerã rãca quẽnaro ñamena ñaruarãma. Masa ĩaro rĩjorojua, socarãne, “Ado bajise rojose yima”, yigotirã ñaruarãma. Rojose ĩna yirua tuoĩasere, “Yibeticõato mani”, yimena ñaruarãma. Quẽnaro yirãre ĩaterã ñaruarãma. ⁴ “Mua babarã ñaruarãja” yiboarine, ĩnare ĩsirearã ñaruarãma. “Rojose yibetiroti ñaja” yituoĩamenane, guaro rojosere yirã ñaruarãma. Dios ĩ bojasejua yiroti ũnirene yirã, ĩna bojasejua yivariquẽnarã ñaruarãma. ⁵ “Cristore ajitirũnarã ñari, Diore rucubojaja” yigotirã ñaboarine, Dios ĩ bajirore bajiro yibetiruarãma.

To bajiro yirãre ĩacõari, ĩnare baba cutibesa. ⁶⁻⁷ ĩna ũna, no bojarone virire sãjacudirã ñari, ado bajise tuoĩarãre rõmiare bujarãma: Rojose ĩna yirua tuoĩasere, “Yibeticõato mani” yibetiriarã ñari, “Rojose mani yise vaja rojose tãmuoruarãja mani”, yituoĩarãma. Tire tuoĩasutirititerã ñari, gajeye no bojase mame gotimasiojua ajivariquẽnaruarã ñarãma. To bajiri, socasere quẽnaro ĩnare gotimasiorãma. To bajiro ĩna yijare, ajimasirã ñaboarine, Dios oca riojo gotimasiojua masibetiruarãma. To bajiri, socarãne gotitorimasare ĩnare baba cutibetiroti ñaja. ⁸ ĩnare bajiro yimasĩnujarã Janes, to yicõari, Jambres vãme cutigũ. Diore gotirẽtobosagu, Moisés ñamasir'i, uju, faraõnre ĩre ĩ gotisere ajicõari, “Dios ocare ajirucubobeticõato” yirã, ĩaĩañamanire yĩomasĩnujarã ĩna. Ti ũnire yirã, adirãmuri ñarã quẽne, Diore ajitirũnarãre, “Ajitirũnubeticõato” yirã, socasere gotimasiorãma. To bajiro yirã ñari, rojose rĩne tuoĩarãma. To bajiri, Cristo ocare riojo gotimasiorere ĩna ajitirũnubetijare, “Yu macure ajitirũnarã me ñaama”, ĩnare yĩagũmi Dios. ⁹ Socase gotimasiorimasare, “Cristore ajitirũnarã me ñaama” yimasibetiboarine, yoaro mene, “Socasere gotirũgũama”, ĩnare yĩamasicoaruarãma masa. Tire bajirone bajimasĩnuja, Janes, to yicõari Jambres mesare quẽne. ĩna yitosere masibetiboarine, “Diore rucubomona ñari, tuoĩamasimenare bajiro yiyuma”, ĩnare yĩamasicoasujarã masa jediro. To bajiri, socase gotimasiorimasare baba cutibetiroti ñaja.

“Yu bajicatire tuoĩacõari, quẽnaro ñaña”, Pablo Timoteore ĩyire queti

¹⁰ Mu baba cutibetironare bajiro me bajiaja mujua. Yu gotimasiosere quẽnaro ajitirũnucacaju mu. “Dios ĩ bojasere yigusa’ yigu, to bajiro bajinarũgũami”, yure yimasiaja mu. “Yure ejarẽmorcami Cristo” yu yituoĩasere, yure ajirucubomenare rojose yijũnisinibecu, yu maicõa ñasere, to yicõari, buto rojose tãmuoiboarine, Cristore ajitirũnugũ ñari, yu gotimasioicõa ñarũgũsere masiaja mu. ¹¹ Antioqu'ia, Iconio, Listra vãme cuti macariju rojose yu tãmuocatire masiaja mu. To bajiro rojose yure ĩna yirũgũboajaquẽne, gotimasioicõa ñacaju yu. Tocãrãcagine rojose yu tãmuocatire yure yirẽtobosacami mani uju. ¹² “Yu sigũne rojose tãmuogũ me bajiaja”, yituoĩaja. Tocãrãcune Jesucristore ajitirũnarãma, Dios ĩ bojarore bajiro yirã ñari, rojose yiecoruarãma. ¹³ Rojose ĩna tãmuoĩarone, socasere gotimasiorimasa quẽne, “Diore gotirẽtobosarã ñaja yua” ĩna yisocajama, ĩna masune socasere gotiecorãre bajiro bajiruarãma. To bajiri, rojose yirã, to yicõari, socasere gotirã quẽne butobusa Dios ĩ ĩvariquẽnabetire yirũtuarãma.

¹⁴ To bajiro ĩna bajiboajaquẽne, mujua, Cristo ocare ajicõari, “Riojo gotimasiojua ñaja” mu yiajicatire ajitirũnu tujabeja. “Yure gotimasioicana riojo gotimasioicama”, yimasiaja mu. ¹⁵ To yicõari, daquegu ñagũjune, Dios ocare masa ĩna ucamasirere ajimasiadacaju mu. Tire mani buejama, “Jesucristo manire rijabosayumi’ yirãre quẽnaro Dios ĩ yise quetire butobusa masirã ñarũtuarãja”, yimasiaja mani. ¹⁶ Dios oca masa ĩna ucamasire ñajediro ĩ ye ñaja. Tire ucamasiriarã, Dios ĩ ejarẽmose rãca tuoĩacõari, ucamasĩnujarã. Ñajediro ado bajiro manire ejarẽmoaja ti: Riojo ñamasusere manire gotimasioaja. “Rojose yigu ñaja mu” manire yigotimasioicõari, “Tire yitujacõari, ado bajirojua mu yijama, quẽnaja”, manire yigotimasioaja. To bajiro yicõari, quẽnaro mani yirũgũrotire manire gotimasiorũgũaja. ¹⁷ Dios ocare ajiguma, “Ī bojarore bajiro

quēnaseayere yimasijeocōato” yiro, to bajiro manire yigotimasiorūgūaja Dios oca masa ĩna ucamasire.

4

“Cristore ajitirūnarāre ado bajiro ĩnare gotiya”, Pablo Timoteore ĩyire queti

¹⁻² Ńamasuse mure gotigu yaja yu. Dios, ĩ macu Jesucristo quēne tire ajirāma. Jesucristo Ńaami, Ńajediro rotirocu. Adigodojare tudiejacōari, catirāre, rijariarāre quēne, mani yirere ĩacōiarucumi. To bajiro ĩ yiroti ti Ńajare, Cristo ĩ bajirere gotimasiocōa Ńarūgūña. Masa ĩna ajirūajama, ĩna ajirūabetijaquēne, ĩnare gotimasiocōa Ńaña. Rojose ĩna yirere, “Rojosere yiyuja yu” ĩna yimasirotire yigu, quēnaro ĩnare gotimasioña. To yicōari, “Rojose yitujaya mu”, ĩnare yiba. “Ado bajirojua mu yijama, quēnararoja”, ĩnare yigotiba. To bajiro ĩnare mu gotimasioboaajuquēne, rojosere ĩna yicōa Ńajama, ĩnare gotimasiocōa Ńarucuja mu. ³ Ado bajiro bajiroti ti Ńajare, quēnaro ĩnare gotimasiorūgūña mu: Adirūmuri Dios ocare mu gotimasiosere ajirūgūrāma masa. Berojuma tire ajitecōari, ĩna ajirūasejare gotimasiorāre jirēocōari, “Yuare gotimasioña”, ĩnare yiruarāma. ⁴ Dios oca riojo gotimasiojare ajitujacōari, tirūmana ĩna tūoĩarūgūmasirejare ajitirūnarāma ĩna. ⁵ Mujama, “To bajiro yiroma” yigu, roori Ńarūgūrucuja mu. Rojose mure ĩna yiboajaquēne, Dios ĩ bojase jediro yicōa Ńarūgūrucuja mu. To bajiro yigu Ńari, “Jesucristo manire ĩ rijabosare Ńajare, Dios yarā mu Ńarūajama, rojose mu yisere yitujacōari, Cristore ajitirūña”, yigotimasiocōa Ńarūgūrucuja mu.

⁶ Jēre yujarema, tire gotimasioḡu yu Ńajare, yare ĩna sĩaroti mojoroaca ruyaja. ⁷ Rojose tāmogū Ńaboarine, mani uju ĩ roticatire bajirone quēnaro yicoadajmu. To bajiri, tire yijeocōaja yu. ⁸ To bajiro yigu yu Ńajare, masare Dios ĩ ĩabeserirūmu ti ejaro, “ ‘Quēnaro mure yaja’ yare yirucumi Dios”, yimasijaja yu. To bajiro yare ĩ yijama, yu sĩḡurene yigu me yirucumi. Ńajediro adi macarucurojare “Jesucristo tudiejarucumi” yitūoĩarāre quēne, to bajirone yirucumi.

“Yuare ĩagū vaba”, Pablo Timoteore ĩyire queti

⁹⁻¹¹ Yu rāca Ńaboagu, Demas vāme cutigu, yare vaveocami, Tesalónica vāme cuti macaju vacu. Dios yere ĩ mairo rētoro adigodoayere maigū Ńari, to bajiro bajicami. Crescente vāme cutijare, “Galacia sitanare Cristo ocare gotimasiorucuja mu”, ĩre yicōacaju yu. To yicōari, Titore quēne, “Dalmacia sitanare gotimasiorucuja mu”, ĩre yicōacaju yu. To bajiri, Lucas sĩḡune Ńaami yu rāca tujagu. To bajiro ti bajijare, yoato me busane vayá. Marcore ĩre macabujacōari, ĩre āmiaba. Yuare ejarēmogū vadiato. ¹² Tiquico vāme cutijarema, Efeso vāme cuti macaju ĩre cōacaju yu. ¹³ Mu vadijama, yu sudiro joeadore yare āmiadibosaba. Troas vāme cuti macagu, Carpo vāme cutigu ya vijmu cūcaju yu. Yu paperatutiri juadibosaba. To yicōari, gajeye papera yu cūcatire quēne juadimasucōama.

¹⁴ Alejandro vāme cutigu, cōme rāca quēnocōari, ĩna rācūborotire yĩsirimasu, bato rojose yare yicami. Rojose yare ĩ yicati vaja, ĩre quēne rojose ĩre yirucumi mani uju. ¹⁵ ĩre roori Ńaña mu quēne, “Rojose yare yiromi” yigu. Dios ocare mani gotimasioctaire “Ajibeticōato masa” yigu, bato rojose ĩ yicati Ńajare, to bajiro mure yaja yu.

¹⁶ Ujarā ĩna ĩaro rĩjorojua, “Ńie rojose yibecu Ńaami” yare yiejarēmorā manicama. Yu rāca Ńaboacana yare vaveojedicoacama. To bajiboarine, “Ti vaja, rojose ĩnare yibeticōato Dios” yigu, ĩre yisēniaja yu. ¹⁷ Yuare ĩna vaveojediboajaquēne, mani ujuma, ejarēmocōa Ńacami. To bajiri, jud’io masa me Ńarāre, “Quēnaro Dios yisere ajitirūnato ĩna” yigu, ĩnare gotimasiocaju yu. Tire ajicōari, “Rojose yigu yaja mu”, yare yibeticama ujarā, mani uju ĩ ejarēmose ti Ńajare. To bajiri, yare sĩaborona, sĩabeticama. ¹⁸ Ō vecaju ĩ rotiñaroju yu ejarotire bojagu Ńari, yare ejarēmocōa Ńagūmi mani uju. To bajiri, ḡajerā, “Dios ĩ bojabetire tūoĩato ĩ” yirā, rojose yare ĩna yiboajaquēne, ĩre ajitirūncōa Ńarucuja yu. “Quēnarētogū Ńaja mu”, ĩre yirūcūborogōroti Ńaja manire. To bajirone bajiato.

“Quēnato masa”, Pablo ñ yicōare queti

¹⁹To bajiri mani mairāre, Prisca vāme cūtigo, so manajū Aquilare, to yicōari, Ones'iforo ya vianare quēne, ñnare quēnaroticōaja yū. ²⁰Erasto vāme cūtigūma, Corinto macajū tujacoacami. Gāji, Tróximo vāme cūtigūrema, ñ rijajare, Mileto vāme cūti macajū ñre cūcaju yū. ²¹Juebūca rījoro yoato me busane vayá, “Pablo tūju ejagūsa” yigu.

To bajiri, mure quēnaroticōama, adoana, Jesucristore ajitirūñrā jediro. Eubulo, Pudente, Lino, Claudia quēne, mure quēnarotiama.

²²Mure quēnarotigu, mani ujure ado bajiro mure sēnibosaja yū: “Ñ rāca ñarūgūña mū, mū bojasere ñ yirūgūrotire yigu. To yicōari, ñ rācanare quēne, quēnasere ñnare cōañā mū”, mure yisēnibosaja yū.

To cōro ñaja.

Carta de San Pablo a TITO

Titore Pablo ĩ quēnaroticōare queti

¹ ĩ Naboati mu, Tito? Yu ñaja Pablo vāme cutigu adi quetire mure ucacōagū. Dios ĩ bojasere yigu, Jesucristo ĩ cōagū ñaja yu. To ĩ yigu ñari, Dios ĩ ejarēmose rāca ĩ macure ajitirūnarāre butobusa ĩre ĩna ajitirūnarotire, to yicōari, “Dios ĩ bojasere ĩna yirotere ajimasiato” yigu, gotimasiorūgūaja. Tire ajimasicōari, ĩ bojarore bajiro quēnaro yirūgūama ĩna. ² To bajiri, “Diore mani ajitirūnaja, rijacoaboarine, tudicaticōari, Diorāca quēnaro ñacōa ñarūgūarāja mani” masa ĩna yitaoīarotire yigu, Jesús ĩ bajirere ĩnare gotimasiorūgūaja yu. Macarucuro ĩ rujeoroto rījorojune, “Ado bajiro yirucaja”, yimasiñumi Dios: “Yure ajitirūnarā, rijacoaboarine, tudicaticōari, yu rāca quēnaro ñacōa ñarūgūarāma”, yimasiñumi Dios, socabecu ñari. ³ “Ado cōrone ti quetire gājerāre gotimasiorucumi” ĩ yiriarore bajirone yure goticudirotiyumi Dios, ĩre mani cāmotadicōa tujaborotire manire yirētosagū ñari. ⁴ Mure yu gotimasiosere ajicōari, “Jesucristo yere ajitirūnaja”, yicaju mu. To yicōari, Jesucristo ĩ bojarore bajiro mu yirūgūesere ĩacōari, “Jesucristore ajitirūngū masu ñaami”, mure yicacu ñaja yu. To bajiri, “Mure maiaja” yigu, yu macure bajiro bajigu mu ñajare, “macu” mure yaja yu. Mure quēnarotigu, mani jacu Diore, to yicōari, Jesucristo manire yirētosar'ire quēne, ado bajise mure sēnibosaja yu: “Quēnaro mua rāca ĩ narotire yirā, ĩre ejarēmoña”, mure yisēnibosaja yu.

Jesucristore ajitirūnarāre ũmato ñaronare Tito ĩ besere queti

⁵ Creta vāme cuti yoanare, Jesucristore ajitirūnarāre yu gotimasiojeobetire, “Mujua gotimasio gajanorucaja”, mure yicaju yu. To yicōari, “Toju ñarimacari cōrone Jesucristore ajitirūnarāre ũmato ñaronare besegusa’ yu yicanare yure besebosaba”, mure yivadicaju yu. ⁶ To bajiri, ĩnare ũmato ñaronare mu beserotire yigu, mure gotiaja yu: Jesucristore ajitirūnarāre ũmato ñarocu, “Rojose yigu ñaami” masa ĩna yibecu ñarucumi. Manajo cutigu, gajeore ajerio cutibecu ñarucumi. ĩrīa quēne, Jesucristore ajitirūnarā ñaruarāma. “Rojose yirā ñaama”, to yicōari, “ĩna jacuare rācubūomena ñaama” masa ĩna yirā me ñaruarāma. ⁷ Jesucristore ajitirūnarāre ũmato ñarā, Dios ĩ bojasere yirā ĩna ñajare, “Rojose yirā ñaama”, ĩnare yibetiruarāma masa. ĩna rācana ĩna gotijama, ajiterā, guaro jūnisinimena, quēamena, idimecūmena, “Gājoa bujarāsa” yirā, gājerāre yitorā me ñaruarāma. ⁸ Ado bajirojua bajirā ñaruarāma: No bojase ĩna yiroto rījoro, quēnaro tūoīacōari yirā ñaruarāma. To yicōari, ĩna ya vi ejarāre quēnaro yirā, no ĩna bojarō ĩna vacudijaquēne, masare ĩamaicōari, quēnaro ĩnare yivariquēnarā ñaruarāma. To yicōari, Diore quēnaro yirūcubūorā ñaruarāma. Rojasere yiruarā ñaboarine, tire yimena ñaruarāma. ⁹ To bajiri socabetire Dios oca Cristo yere yu gotimasioatire ajitirūnarāriā ñari, quēnaro riojo ĩna gotimasiojare, butobusa Jesús yere ajitirūnaruarāma. “To bajiro me bajaiaja” yirā quēne, “Riojo gotiama” yirā ñari, ĩna gotimasiosere ajitirūnaruarāma. To bajiro gotimasiorāre Jesure ajitirūnarāre ũmato ñaronare beserucaja mu.

¹⁰ Tojare jājarā ñacama, “Circuncisión yirere Dios ĩ roticūmasirere yiroti ñaja” yirā. To yicōari, socaserene masare ejarēmobetirene gotitorā ñacama. To bajiro ĩna yijama, Dios ĩ bojasere yirā me yicama. ¹¹ To bajise ĩna gotimasiosere, “To cōrone gotitujaya”, ĩnare yiya mu. “Gājoa bujarāsa” yirā, socasere gotimasio ñarāma. Tire ajica yirā, cojo viana me, ajimavisiarāma.

¹² “Rojose yama” yu yirore bajirone yiyumi Creta vāme cutiyoagu ĩna yu quēne: “Creta vāme cutiyoana socarā ñaja mua. Gājerāre rojose yirā, moamena, to yicōari, jairo barā ñaja mua”, yiyumi, ĩ yarāre. ¹³ To bajiro ĩ yijama, riojo gotigu yiyumi. To bajiri socarāne

masare gotitorãre buto ñnare gotiya m̄, “Dios oca Jesús yejuare t̄oĩato ñna” yiḡ. ¹⁴ Jud'io masa ñna masune t̄oĩac̄ari socarãne ñna gotisere, to yic̄ari ñna rotisere quẽne ajit̄jac̄ari, “Dios ye riojo gotisejuare ajiato ñna” yiḡ, ñnare gotiya m̄.^a ¹⁵ Quẽnasere t̄oĩarãma, jediro ñna yise rĩne quẽnase ñac̄aroja. Rojosere t̄oĩarãrema, ñna yise jediro rojose rĩne ñaroja. “Adi ñaja quẽnase. Tijua ñaja rojose”, yimasimenama ñna, rojose rĩne t̄oĩarã ñari. ¹⁶ Ñna ñnama, “Diore masirã ñaja yua” yirã ñaboarine, rojosere Dios ñatesere yirũgũama. To bajiro yirã ñna ñajare, masa ñna ñavariquẽnaboajaquẽne, “Yua bojasere yibeama”, ñnare yĩagũami Dios.

2

“ ‘Ado bajirojua ñaroti ñaja manire’ ñnare yigotiya” yiḡ, Titore Pablo ñ ucac̄are queti

¹ M̄juama, Dios ocare buec̄ari, riojo ñnare gotimasioña, “Dios ñ bojarore bajiro yirã ñato” yiḡ. ² Ado bajiro bucurãre ñnare gotimasioña: “Rojosere yir̄aboarine, tire yimena ñaña. ‘Quẽnase yirã ñaama’ masa ñna yĩarũc̄ub̄orã ñaña. Quẽnaro t̄oĩac̄ari, quẽnase rĩne yiya. Gãjerãre ñamaic̄ari, ñnare ejarẽmoña. Cristo yere ajirã ñari, tire ajitirũn̄ t̄ajabesa”, ñnare yigotimasioña m̄.

³⁻⁴ Bucurã r̄omirire quẽne, ado bajiro ñnare gotimasioña m̄: “Diore ajitirũnrã ñari, quẽnaro yirã ñaña. Gãjerãre socasere ñnare ḡjabesa. Idimec̄umenane ñaña”, ñnare yigotiya. “Quẽnase rĩne yirã ñari, mamarã r̄omiri mame manajua c̄tirãre, ‘M̄na manajua m̄na rĩne quẽne ñnare ñamaic̄ari’ ñnare yigotiya m̄”, ñnare yiya. ⁵ “Quẽnaro t̄oĩac̄ari, quẽnase rĩne yiya. M̄na ye moarere quẽnaro moaña. M̄na rãcanare quẽnaro yiya. M̄na manajua ajirũc̄ub̄oaya. ‘Tire yimenane, rojosejuare mani yijama, Jesús ocare ajirãma, “¿To bajise yirã ñañujarique?”, manire yiroma’ yirã, mamarã r̄omirire ñnare gotiya m̄”, ñnare yiya, bucurã r̄omirire.

⁶ Mamarã ñnare quẽne, “Quẽnaro t̄oĩac̄ari, quẽnase rĩne yiya”, yigotiya m̄. ⁷ M̄ quẽne quẽnase rĩne yiya m̄. To bajiro m̄ yisere ñac̄ari, “Ñre bajiro yiroti ñaja manire quẽne”, yir̄arãma. Dios ocare m̄ gotijama, “Masa yure ñavariquẽnac̄ari r̄uc̄ub̄oato” yiḡ me, r̄uc̄ub̄ose rãca quẽnaro Dios ocare ñnare gotiya. ⁸ M̄re yua gotimasioatore bajiro riojo ñnare gotimasioña, “Tire ajic̄ari, ‘Soc̄a yami’ yiroma” yiḡ. To bajiro m̄ yijama, manire ñaterimasa, riojo m̄ gotijare, tire ajic̄ari, bojoner̄arãma.

⁹ Ñna ñjarãre moabosarimasare Jesucristore ajitirũnrãre quẽne ado bajiro ñnare gotiya: “M̄na ñjarãre quẽnaro ñnare c̄dirũgũña, ‘Mani moasere ñac̄ari variquẽnato ñna’ yirã. ¹⁰ To yic̄ari, m̄na ñjarã yere juarudibesa. Tire ñac̄ari, ‘Dios ocare ajitirũnrã ñaama ñna’ m̄nare yir̄arãma. To bajiri, rojose mani t̄am̄ot̄ujabetirotire manire yir̄etobosagu yere ‘Quẽnaro r̄uc̄ub̄oato ñna’ yiḡ, quẽnaro moaña”, ñnare yiya, ñjarãre moabosarimasare, Jesucristore ajitirũnrãre.

¹¹ “Jesucristore ajitirũnrã rojose mani yise vaja rojose mani t̄am̄ot̄ujabetirotire manire yir̄etobosagure Dios ñ c̄are ti ñajare, quẽnase rĩne yirã ñaña m̄na”, ñnare yiya m̄. ¹² Ado bajiro Dios quẽnaro manire ñ yirũgũse ñajare, “Quẽnaro yirã ñaña m̄na”, ñnare yiya m̄: Adigodo mani catiro c̄oro ñatesere, ñre ajimena ñna yirore bajiro mani yir̄ajama, “Quẽnasejuare t̄oĩac̄ari, yua bojarore bajiro quẽnase rĩne yato” yiḡ, manire ejarẽmoami Dios. ¹³ Jesucristo adigodojare tudiejac̄ari, quẽnaro manire ñ yirore t̄oĩayurã ñari, quẽnasere yirũgũroti ñaja. “Quẽnar̄etogũ, ñaja yua” Dios ñ yĩose rãca tudiejar̄c̄ami. Ñ ñaami masir̄etogũ, rojose mani yisere Dios ñ masir̄iose vaja, manire vaja yibosar'i. ¹⁴ Ñre ajitirũnrã, “ ‘Ñie rojose mana ñaama’ manire yĩato Dios” yiḡ, manire rijabosayumi Jesucristo. To bajic̄ari, “Rojose yir̄aboarine, yibetic̄ari, quẽnasejuare yato” yiḡ, manire rijabosayumi.

^a 1:14 1 Ti 1.4; 4.7; 6.20; 2 Ti 2.16.

¹⁵ To bajiri, mure yu gotirotisere quēnaro ĩnare gotimasiorũgũña mu. “Tire quēnaro mu a jisere bojaja yu”, ĩnare yigotiya. Mu gotisere ĩna ajibetijama, Cristore ñagõbosagu ñari, ujare bajiro bojonebecune gotiya mu.

3

“Jesúre ajitirũnarãma, ado bajirojua ñaroti ñaja”, Pablo ĩyire

¹ Gaje vãme ado bajiro ĩnare gotiya mu, “Masiritiroma” yigu: “Gobierno, to yicõari muare ũmato ñarã ĩna rotisere, quēnaro ĩnare ajirũcũbuoya. To yicõari, gãjerãre quēne quēnaro yirũgũña mu. ² Gãjerãre socarãne rojose ĩnare ñagõbesa. Quēnase rĩne yirã ñaña. Rojose muare ĩna yiboajaquēne, ĩnare ĩamaicõari, quēnaro ĩnare ejarẽmoña. ĩnare ajirũcũbuocõari, quēnaro ĩnare yiya mu”, ĩnare yigotiya mu, Jesucristore ajitirũnarãre.

³ Ado bajiro Dios quēnaro manire ĩyise ñajare, gãjerãre quēnaro yirũgũroto ñaja manire: Mani quēne, Cristore ajitirũnamena ñari, tũõĩamasimena ñariarãja mani. Diore cudimena, socasejare ajitirũnarãja mani. To yicõari, rojose mani yivariquēnasere rũgũmena ñariarãja mani. Gãjerã ĩna cõosere uorã ñariarãja mani. “Teose yirã ñaama” manire ĩna yijare, ĩnare quēne, “Teose yirã ñaama”, ĩnare yigãmejairã ñariarãja mani. ⁴⁻⁶ To bajiro rojose yirã mani ñaboajaquēne, “To cõrone ĩnare ĩamaicõari, quēnaro ĩnare yirũcũja yu” Dios ĩyiriarore bajirone Jesucristore cõañumi, “Rojose ĩna yise vaja rojose ĩna tãmũoborotire ĩnare yirẽtobosaaya” yigu. ĩre mani ajitirũnũroto rĩjoro, quēnasere mani yibetiboajaquēne, ĩre cõañumi. ĩjama, manire ĩamaicõari, “Quēnaro ĩnare yirũcũja” yir'i ñari, yiyumi. To bajiro ĩyire ñajare, “Rojose mani tãmũoborotire manire yirẽtobosayumi” mani yitũõĩajare, Esp'iritu Santore manire cõañumi Jesús, manire ejarẽmorocure. To bajiro ĩyijare, Esp'iritu Santo rãca ñarã ñari, “Ñie rojose mana ñaama” Dios ĩyĩarã ñasũoyuja. To bajicõari, rojosere yirũaboarine, tire yibetisũoyuja mani. ⁷ “Ñie rojose mana ñaama” Dios ĩyĩarã ñari, mani rijato bero tudicaticõari, tudirijayamanire mani bũjarotire, “Tũõĩavariquēna ñaruarãma” yigu, to bajiro yiyumi Dios.

⁸ Dios yere socabetire mure goticõaja yu. Dios ye socabeti ti ñajare, quēnaro Dios ĩyirere tũõĩarãre ĩnare mu gotimasiosere bojaja yu. “Quēnase rĩne yĩnato ĩna” yigu, tire mure gotimasioroticõaja yu. No bojarã tire ajitirũnarãrema ejarẽmorũaroja. ⁹ Socase ĩna yise ũni sũorine gãmerã oca josabesa. ĩna ñicua ĩna bajimasirere ĩna masise sũorine gãmerã oca josabesa. Moisés ñamasir'i ĩroticũmasirere ajimasibeticõari, ti sũorine gãmerã oca mavisabesa. Tima, masare no bajiro yiejarẽmobetoja.

¹⁰ Sĩgũ mu vatoaju, Jesucristo ocare ajitirũnarãre ricatine ĩgotimavisio ñajama, “Tire yibeticõaña”, ĩre yigotiba mu. To bajiro ĩre mu yigotiboajaquēne, ĩajibetijama, quēna ĩre gotirẽmoma. ĩre mu tudigotiboajaquēne, ĩajibeti manicõajama, ĩre cãmotadicõama. ¹¹ ĩmasune, “Rojosere yigu yaja yu” yimasiboarine, butobusa rojose ĩyicõa ñajama, ti sũorine rojose ĩre yirũcũmi Dios. To bajiri, rojose yijaigũre masigũ ñari, ĩre cãmotadiba.

Tito ĩbajirotire Pablo ĩgoticõare queti

¹² Artemas vãme cutigure mu tũju ĩre cõarũcũja yu. ĩre yu cõabetijama, T'iquico vãme cutigũjare ĩre cõarũcũja. ĩe jaro ĩacõari, to ĩñaro ũnone mu bajitĩmaro cõro yure ĩagũ varũcũja mu, Nicópolis vãme cuti macaju. “Ti macaju juebũcũ rẽtorũcũja”, yibu yu. ¹³ Apolos, to yicõari masare rotisere gotimasiorimasu Zenas vãme cutigu mu tũju ejaruarãma. Mu tũeja, ñarũgũboa ĩna vato, mu ejarẽmoro cõro ĩnare yirẽmoma, “Quēnaro vajarõ” yigu. ¹⁴ Mu tũana quēne, Jesucristore ajitirũnarã ñari, gãjerã ĩna bojase ti rũyajama, ĩnare ĩna ejarẽmojama, quēnaja. Ti ñaja quēnaro ñarema. Gãjerãre mani ejarẽmobetijama, ñie vaja maja.

¹⁵ Mure quēnarotiaja yua jediro. Mu rãcana quēne, Jesucristore ajitirũnarã, yuare mairã quēnato. Diore sēnirã, “Quēnasere ĩnare cõaña”, muare yisēnibosaja yua.

To cõro ñaja.

Carta de San Pablo a FILEMÓN

Filemón vāme cutigure, Pablo, Timoteo rāca ĩna quēnarotire

1-3 ¿Ñaboati yua baba Filemón vāme cutigu? Mū ñaja quēnaro yua maigū, yuare bajiro moagū. Mani maigō, Apia vāme cutigure, to yicōari, yuare bajiro moagū, Arquipo vāme cutigure quēne adi queti mūare ucaja yua. Cristore ajitirūnucōari, mū ya vijū rējarūgūrā jedirore adi queti mūare ucaja yua. Mūare quēnarotirā, mani jacū Diore, to yicōari, mani ujū Jesucristore quēne, ado bajise mūare sēnibosaja yua: “Quēnaro mūa rāca ĩna ñarotire yirā, ĩnare ejarēmoña”, mūare yisēnibosaja yua. Yu Pablo, mani maigū, Timoteo rāca adi papera rāca mūare queti ucaja yua. Masare Jesucristo ocare gotimasioḡū ñari, adoju tubibe ecoaja yu.

Filemón Cristore ĩ ajitirūnure queti

4-5 Mani ujū Jesucristore, to yicōari Dios yarāre quēne quēnaro mū maisere yure gotirūḡūama masa. “Jesucristore quēnaro ajitirūnucōa ñaami. To bajicōari, Dios yarā jedirore ĩamaicōari, quēnaro yami” mure ĩna yisere ajivariquēnaja yu. To bajiri, tocārācājine Diore sēnigū, “Filemónre quēnaro yiyuja mū”, ĩre yisēnirūḡūaja yu. ⁶ Mū quēne, yure bajiro Jesucristore ajitirūnugū ñari, ñajediro quēnaro Dios manire ĩ yisere mū ajimasirotire yigū, mure sēnibosarūḡūaja. ⁷ “ĩnare ĩamaicōari, quēnaro mū yijare, variquēnama Jesúre ajitirūnrā” ĩna yisere ajicōari, buto variquēnarūḡūaja yu quēne.

“Onésimo vāme cutigure quēnaro bocaāmiña”, Pablo ĩyire

8-9 Dios yarāre quēnaro yirūḡūḡū mū ñajare, yure quēne quēnaro mū yirotire sēnigū yaja yu. Cristo ĩ cōacacū ñari, mū yirūabetire rotimasirocū ñaboarine, Dios yarāre quēnaro mū maisere masicōari, “Yuare quēne maicōari, yu sēnirore bajiro cudirucūmi” yigū, mure sēniaja yu. Yu ñaja bucū Pablo. To yicōari, Cristo ĩ bajirere yu gotimasiose suorī adoju tubibe ecoaja yu. ¹⁰ Ado bajiro mure sēniaja yu: Quēnaro ajiya, Filemón. Onésimo mure moabosarimasū ñaboar'ire, yu macure bajiro bajigūre sēnibosagū yaja. Adoju tubiberiavi ñagū, Cristo ĩ bajirere yu gotimasiocati suorine Jesucristore ajitirūnucami.

¹¹ Tirūmujū mure moabosarimasū ñaboarine quēnaro mure moabosabesumi. Yucurema quēnaro ejarēmogū ñaami. To bajiri, mure quēne quēnaro ejarēmorucūmi. ¹² Mū tujū ĩre varotiaja yu. ĩ ñaami buto yu maigū. To bajiri, quēnaro ĩre bocaāmiña. ¹³ Bajigujūma, yu rāca ĩ ñasere bojaboaja yu, “Tubiberiavijū yu ñaro yure ejarēmoato” yigū. To bajiro ĩ bajijama, sōjū ñacōari, yure mū ejarēmomasibetijare, mure ĩ moabosaroti ũnirene, yujūare ejarēmocōa ñabogūmi. ¹⁴ To bajiboarine, “Pablo tujū ĩ tujasere bojaja yu quēne” mū yiroto rījoro, “Adoju tujaya Onésimo”, yirūabeaja yu. To bajiri, ĩre bojagū ñaboarine, mū tujū ĩre varotiaja yu. Mū tujū ĩ tudiejasere ĩacōari, “Pablore ejarēmorocū ñaja mū” ĩre mū yijama, quēnaroja. ¹⁵ Mure rudiadicōari, yoaro me adoju ĩ ñarotire bojarimi Dios, mū tujū tudiejacōari, quēnaro ĩ ñacōa ñarotire yigū. “Yucurema Jesucristore ajitirūnugū ñari, ĩ rijato berojū ĩ catirotire Dios ĩ ĩsir'i ñari, ō vecajū quēne mū rāca quēnaro ñacōa ñarūḡūrucūmi” yigū yaja yu. ¹⁶ Mū tujū ĩ tudiejaro, “Yu moarimasū tudiejaami” ĩre yigū me, ĩre ĩamairucūja mū. “Jesucristore ajitirūnugū ñari, yu maigū, yu bedire bajiro bajigū ñaami” yitūoīagū, ĩre ĩamaima. To bajiri ĩre yu mairo rētoro mājūa, ĩre mairucūja mū.

¹⁷ To bajiri, mū tujū ĩre tūocōagū yaja yu. “Pablo quēne, yure bajiro Jesucristore ajitirūnugū ñagūmi” mū yitūoīajama, yurene bocaāmigūre bajiro Onésimore bocaāmima. ¹⁸ Tirūmujū rojose yir'i ĩ ñajama, to yicōari, no bojase mure vaja mor'i ĩ ñajama, yujūare vaja sēniña. ĩre vaja yibosarū yaja yu. ¹⁹ Yu masune adire ucaja yu: “Onésimo mure ĩ vaja more ti ñajama, ĩre vaja yibosarucūja”, yiucaja yu. To bajiro yu yiboajaquēne,

ado bajise t̄oĩagũja m̄u: “Pablo ĩ gotimasiocati s̄uorine Jesucristore ȳu ajitir̄ũn̄us̄uocati ñajare, ȳu rijato beroj̄u ȳu catirotire Dios ĩ ĩsir'i ñaja ȳu. To bajiri ĩ gotimasiore vaja ȳure ĩ s̄enijama, ĩre vaja yijeomasibec̄uja”, yit̄oĩagũja m̄u. ²⁰ To bajiri, Onésimo rojose m̄ure ĩ yirere masirioc̄ari, ĩre qūenaro m̄u bocaãmijama, “Mani ẽj̄u ĩ bojarore bajiro yiyumi” m̄ure yimasic̄ari, b̄uto variqūenar̄uc̄uja ȳu.

²¹ “ ‘Qūenaro ĩre bocaãmiña’ ȳu yiro r̄ẽtoro qūenaro ĩre yir̄uc̄umi” m̄ure yit̄oĩac̄ari, adi papera ȳu ucase r̄ãca m̄ure s̄enijaja ȳu. ²² Gajeye ado bajise m̄ure yaja ȳu: M̄u t̄ẽj̄u ȳu c̄ãnirotis̄oã ȳure qūenoyubosaya. “Diore ȳure m̄ua s̄enibosar̄ũḡũrore bajirone yoaro mene adoju tubiberiavire budir̄uc̄uja”, yit̄oĩaja ȳu. To bajic̄ari, m̄ure ĩagũ var̄uaja ȳu.

Pablo, ĩ r̄ãcana qūẽne ĩna qūenarotire queti

²³ Mani maigũ, Epafras m̄ure qūenarotiami. ĩ qūẽne, Jesucristo ĩ bojasere yiḡu ñari, adoju tubiberiavij̄u ȳu r̄ãca ñaami. ²⁴ Gãjerã, ȳu r̄ãca moarã, Marcos, Aristarco, Demas, Lucas qūẽne, m̄ure qūenarotiamã ĩna qūẽne.

²⁵ Mani ẽj̄u Jesucristo, qūenase m̄ure c̄õar̄ũḡũato.
To c̄õro ñaja.

Carta a los HEBREOS

Ī macu s̄horine ĩ ocare Dios ĩ gotimasiore queti

¹ Tirũmũju cojoji me mani ñicũare Hebreo masare ĩnare gotimasioñuju Dios. ĩre gotirẽtobosariarã s̄horine ĩnare gotimasioñuju ĩ. ĩna gotise rĩ me ĩnare yimasio masioñuju. Gajeye quẽne, ricati ĩnare ĩ yiroticõamasire rãca ĩnare yimasio masioñujarã. To bajiri, “To bajiro tũoĩagũ ñagũmi”, yimasioñujarã ĩna, mani ñicũa. ² To bajiri yucũrirema, Dios ĩ macũre manire ĩ cõajare, quẽnaro Diore masiaja mani. Macarũcũro, õ vecaye ñajediro ĩ macu s̄horine tire rujeomasioñuju Dios. ĩ macũne ñaami, “Jediro macarũcũroayere cũorũcũja mũ” ĩ yimasir’i. ³ Dios macũre ajitirũnũrã ĩre masirã ñari, “Rẽtoro ñamasugũ ñagũmi Dios”, yimasiaja mani. Diore masirã ñarãma ĩ macũre masirã. ĩ macũre quẽnaro masicõari, “Ī jacũre bajirone bajigu ñagũmi”, yimasiaja mani. ĩ macũne ñaami, “Adi macarũcũroaye bajimũorũgõato” yiro timasir’i. ĩne ñaami, Diore ajitirũnũrã rojose mani yise vaja manire rijabosacõari, Diorãca ñajedirore rotigu.*

“Ángel mesa rẽtoro ñamasugũ ñaami Dios macu”, yire queti

⁴ To bajiri adirũmũri Diorãca rotigu ñari, Diore moabosarã ángel mesare rẽtoro ñamasugũ ñaami Dios macu. ⁵ ĩ s̄gũne ñamasugũ ĩ ñajare, ado bajise ĩre yiyumi Dios: “Adirũmũne yũ macu ñari, yũre bajiro rotisũorũcũja mũ”, ĩre yimasioñuju Dios.

Ángel mesarema, to bajiro ĩnare yibesumi Dios. Gãjerãre quẽne, ti ũnire yibecũne ĩ macu s̄gũrene tũoĩagũ, ado bajiro yiyumi Dios:

“Ī jacu ñaja yũ. To bajiri yũ macu ñaami”, ĩre yiyumi.

⁶ ĩ macu ñamasugũre, adi macarũcũrojũre ĩre cõagũ, ado bajise ĩre yiyumi:

“Ángel mesa quẽne mũre rũcũbũo jedicõarũarãma ĩna”, yiyumi Dios.

⁷ ĩre moabosarimasa ángel mesare yigu, ado bajiro yiyumi Dios:

“Ángel mesare yũ rotijama, yoaro me mino ti vẽatuvasere bajiro yoaro mene yũre cũdirũarãma. To yicõari, jea ũjũse guaro ti ũjũjẽnirore bajiro yũre moabosarũarãma ĩna”, yiyumi Dios, ángel mesa ĩre ĩna moabosarotire yigu.

⁸ ĩ macu ñamasugũre yigu, ado bajirojũa yiyumi Dios:

“Yũ macu ñari, Dios ñaja mũ. Mũ rotise jedibetirũaroja. Masare mũ rotijama, yũ bojarore bajirone quẽnaro rotirũcũja mũ.

⁹ ‘Yũ bojarore bajiro quẽnaro yigu, rojosejũarema yibetirũcũja’ yitũoĩarũgũcãju mũ. To bajiro yicacu mũ ñajare, ‘Gãjerã rẽtoro ñamasugũ ñaja’ mũre yaja yũ. To bajiro mũre yũ yijare, bũto variquẽnaja mũ”, yiyumi Dios, ĩ macũre.

¹⁰ Quẽna gajeye ado bajise yiyumi Dios, ĩ macũre yigu:

“Rẽmojũne adi macarũcũrore rujeomasicãju mũ.

¹¹ Mũ rujeomasicati jedirone ti jedicoaboajaquẽne, mũjũama, ñacõa ñarũgũrosũ ñaja mũ, Dios ñari.

¹² Sudĩ ĩna sãñasũosere vejecõari, gajeye quẽnase ĩna vasoasãñarore bajiro, adi macarũcũro ñase ti jedirore quẽna gajeye vasoarũcũja mũ. Mũma, rijabetirosũ ñari, mũne ñacõa ñarũgũrũcũja mũ”, ĩ macũre yiyumi Dios.

¹³ Quẽna, ĩ macu s̄gũrene ado bajise yirũcũbũoyumi Dios:

“Rũcũbũoriajũre rujiya maji. Mũre ĩaterãre, ‘Rojose yitũjaya’ ĩnare yũ yiro bero, rojose yimasibetirũarãma. To cõrone rotisũorũcũja mũ”, yirũcũbũoyumi Dios, ĩ macũre.

* 1:3 Jn 1.1-3.

Ángel mesarema, to bajiro yibetimasíñuju Dios. ¹⁴ Ángel mesama, ruyumena ñre moabosarã ñ cõarã ñarãma. To bajiri, Diore ajitirũnarã õ vecajũ quẽnaro ñ rãca ñaronare ejarẽmorã ñarãma ángel mesa.

2

“Í macũ suorine quẽnaro manire Dios ñ yirotere ajitirũnarã tũjabetiroti ñaja”, yire queti

¹ Dios macũ ñamasugũ ñ ñajare, ñ ocare butobusa ajitirũnato mani, tire mani ajitirũnarã tũjajama, “Quẽnaro manire Dios ñ yirotere masiriticõari, rojose yirobe” yirã. ² Tirãmũju ángel mesa suorine, Dios ñ rotimasire Moisére ejamasíñuju tí. Tire, “Dios ye masu ñañuja”, yimasiaja mani. Tire cudibetimasiriarã ñaboarine, rojose Dios ñ yirotere masicõari, bojabetimasíñujarã. To bajiro bajirã ñaboarine, rojose tãmũo jedicõamasíñujarã ñna. ³⁻⁴ To bajiri Dios ñ yirere masiboarine, ñ rotimasire rẽtoro quẽnasere mani ajitirũnarã tũjajama, “No bajirojũ yicõari rojose manire yibeticõato Dios”, yimasibetirũnarãja. Rẽmojũne mani mũ Jesũs ñañuju, adirodori Dios ñ yarãre quẽnaro ñ yirotere gotisũor'i. Ñre ajiriarã, ti ocare manire gotirẽtocama ñna. To yicõari, Dios suorine jairo ñañañamanire manire yĩocama. To yicõari, Dios ñ bojarore bajiro ñna yimasirotere yigũ, tocãrãcũrene ricati rĩne ñ masisere ñnare mũjoyumi Esp'iritu Santo. To ñ yijare, manire quẽnaro gotimasiocama ñna. To bajiri, “Cristo oca socase mene bajiaja ti”, yimasicoacajũ mani quẽne.

Jesucristo manire bajigũ ñ ñare queti

⁵ Diore moabosarã, ángel mesarema, “Adi macarũcũro jedirore rotirũnarãja mũ”, ñnare yibesuju Dios. ⁶ Masajũarema, “Adi macarũcũrore rotirũnarãja mũ”, ñnare yimasíñuju. Sĩgũ, Diore ñ sãnirere ucagũ, ado bajise ucamasíñumi:

“Dios, ¿no yigũ ñamasurã me yũ ñaboajaquẽne, yũare masiritibeati mũ?”

⁷ ‘Ángel mesare bajiro bajibeticõato’ yigũ, ‘Ñamasurã me ñarũarãma’, yũare yiyuja mũ. To bajiro yũare yicũr'i ñaboarine, ‘Ñamasurã ñato’ yũare yicũñuja mũ quẽna.

⁸ ‘Adi macarũcũro ñase jediro mũ cũrere rotimasiato’ yigũ, yũare cũñuja mũ”, yiuca-masíñuju sĩgũ, Diore sãnigũ.

“Noajũane masare cudimena manirũarãma” Dios ñ yire ti ñaboajaquẽne, ñajediro manire cudijedibeamã maji. ⁹ To bajiboarine, sĩgũ adi macarũcũroaye jediro rotimasigũre masiaja mani, Jesũs vãme cutigũre. Ñ bajirere ado bajiro masiaja mani: Ángel mesa rẽtoro ñamasugũ ñ ñaboajaquẽne, “Yoaro meaca ñamasugũ mere bajiro bajirũcũmi” yigũ, adigodojũre ñre cõañumi Dios. To bajiro ñ yicõar'i ñari, manire rijabosayumi Jesũs. Rojose tãmũocõari, ñ rijabosare ñajare, “Jediro mũ ñamasugũ ñarũcũmi”, ñre yiyumi Dios.

¹⁰ Adi macarũcũro ñase jediro Dios ñ rujeore ñaja. Quẽnaro ñ rotimasijare, adi macarũcũro bajise jediro bajiñarũgũaja. Jediro Jesucristo suorine, “Yũ yarã ñaama” Dios ñ yĩarã, “Yũ tũjũ ejamasirũarãma”, ñnare yiyumi Dios. To bajiro yigũ ñari, “Rojose ñna tãmũoborotire yirẽtobosaaya” yigũ, ñ macũre cõañumi Dios. To bajiro ñ yiroticõajare, rojose tãmũocõari, manire rijabosayumi Jesucristo. ¹¹ To bajiri, Jesũrãca ñarã ñari, sĩgũ rĩare bajiro bajirã ñaja mani. Mani quẽne, Dios rĩa mani ñajare, bojonebecũne, “Yũ bederã ñaama”, manire yigũmi Jesũs. ¹² To bajirone gotiaja Dios ocare masa ñna ucamasire:

“Mũ bajisere yũ bederãre ñnare gotirũcũja yũ. Ñna rãca rẽjacõari, mũre variquẽnarã, basarũarãja yũ”, yigotiaja.

¹³ Quẽna gajeye ado bajise gotiaja, Jesũs Diore ñ yirotere yiro:

“ ‘Yũre ejarẽmorũcũmi’ Diore ñre yitũoñaja yũ”, yigotiaja.

Quẽna gajeye, ado bajiro gotiaja:

“ ‘Yũ rĩare bajiro bajirã ñaama’ Dios ñ yicana rãca adojũ ñaja yũ”, yigotiaja, Jesũs ñ yirotere yiro.

¹⁴ Mani, Dios rĩa, sĩgũre bajirone rujũ cuti, rĩi cuti bajiaja mani. To bajiri, Jesũs quẽne, Dios macũ ñaboarine, manire bajirone rujũ cuticõari, manire rijabosayumi.

To bajiro ï bajijama, ï rijabosase suorine rojose tãmuotujabetiriaroju masare vãti ï varotiboasere tire tegu bajiyumi. ¹⁵ Adi macarucuro ñarã rojose yirã ñari, bajireacõari bero, “Rojose yiecoruarãja” mani yituoïagüiboarere “To cõrone güitujato ña” yigu, manire rijabosayumi. ¹⁶ To bajiri, “Ángel mesare ejarëmogü bajiyumi Jesús”, yibeaja mani. Ado bajiroju yimasiaja mani: “Diore Abraham ñamasir'i ï tuoïariarore bajiro tuoïarãjua manire ejarëmogü bajiyumi”, yaja mani. ¹⁷ To bajiri manire bajiro ruju caticõari rojose tãmuoñumi Jesús. Adi macarucuro ñagü paia uju ï ñagõbosaro rëtoro ï jacu ï ñaroju ï rijabosariarãre “Ñagõbosagusa” yigu bajiyumi Jesús. Dios ï ñajama, masa ña bajisere quënarõ gotirëtosagü, to yicõari masa rojose tãmuorãre ñare ñamaigü ñañumi. Ñe ñañumi masa rojose ña yise vajare “Ñare masirioato Dios” yigu, rojose tãmuocõari, ñare yirëtosar'i. ¹⁸ Cojojirema Dios ï bojarore bajiro ï yise, buto josarügüñuju ti, Cristore. To bajiri rojose tãmuoñuju ï. To bajirone bajiaja manire quëne. Manire bajiro bajir'i ñari, Diore mani cãdiroti ti josajama, manire ejarëmomasiami Jesús, “Yure bajiro ña quëne, Dios ï bojasere yato” yigu.

3

“Moisés rëtoro ñamasugü ñagümi Jesús”, yire queti

¹ To bajiri, “Jesús manire ejarëmogü ñaami”, yimasiaja mani. Manijua, “Dios ï ejarëmose rãca Cristore ñe ajitirãnuroti ñaja” yimasicõari, ñe cãdirã ñaja mani. “Yu yarã ñato” Dios ï yiriarã ñaja. Jesúju ñagümi, “Masare quënarõ yu yirotire gotiba” Dios ï yicõar'i. To bajicõari, tirãmju paia ujarã ña yisuoadimasire ñure yigu, Cristo quëne rojose mani yisere “Masirioato Dios” yigu, manire sënibosagu ñagümi. To bajiri, “Ñamasugü ñagümi Jesús”, yituoïato mani. ² Adi macarucuroju ñagü Dios ï rotirore bajirone yigu, Dios yarã masare quënarõ ejarëmoñumi Jesús. To bajirone yimasiñuju Moisés ñamasir'i quëne. Dios ï rotirore bajirone yigu, Dios yarãre quënarõ ejarëmomasiñuju. ³⁻⁴ Quënarõ ñare ejarëmomasir'i ñaboarine, “ ‘Rojose mana ñaama’ Dios ï yiarã ñato”, yimasibetimasinuju. Jesújuama, “ ‘Rojose mana ñaama’ Dios ï yiarã ñato”, yimasigü ñaami. To bajiro yigu ï ñajare, Moisés ñamasir'i rëtoro Cristore rãcuboroti ñaja. ⁵ Moisés ñamasir'ijuaama, Dios moarimasare bajiro bajimasiñuju. To bajicõari, Dios ï yirotirore bajirone cãdigu, Diore ajitirãnrãre quënarõ ejarëmogü ñamasiñuju. To bajiro ï yimasirere tuoïacõari, “Cristo suorõ Dios manire quënarõ ï yirotire gotimasioagü yimasiñumi Moisés”, yimasiaja mani. ⁶ Cristojuama, Dios moarimasare bajiro me bajiyuju. Ñe ñaami Dios macu, ï rotirore bajirone yigu. To bajicõari, Dios yarã uju ñaami Cristo. “Cristo suorõ quënarõ Dios ï yirotire yiecoruarãja mani” mani tuoïatujabetijama, ï yarã ñacõa ñarügürãrãja.

“Diore ajitirãnu tãjabesa mña”, yire queti

⁷ To bajiri Dios yarã ñari, Cristore ajitirãnu tãjabeticõato mani. Dios ocare masa ña ucamasire Dios yarãre gotigu, ado bajiro yimasiñumi Esp'iritu Santo:

“Yucãne mñare yu gotisere mña ajijama, yu yirotirore bajiro cãdiya.

⁸⁻⁹ ‘Mñare ajitirãnmenaja yua’ yibesa. Mña ñicua yure jünisnicõari, ña cãdibetimasicatire bajiro bajibesa mña. Mña ñicua, masa manõju ña ñacudiro, juarã masa cõro ñaricãmari ñañamãmanire ñare yiorügüboacaju yu. To yu yiboajaquëne, yure ajirãcubõomena ñari, ado bajise yirügücama ña: ‘Mani bojaseju mani yijama, ¿no bajise manire yirojari Dios?’ yirügücama ña.

¹⁰ To bajiro ña yisere jünisnicõari, ado bajise ñare yicaju yu: ‘Yure ajiterügüaja mña. To bajiri, “Ado bajiro tuoïagü ñagümi”, yure yimasibeaja mña’, ñare yicaju yu.

¹¹ Quëna gajeye ñare goticaju yu: ‘Riojo mñare gotiaja yu. Yu rãca quënarõ mña ñasere bojaboacaju yu. To bajiboarine cojõji me mñaju yure mña ajibetijare, yu rãca quënarõ ñabetiruarãma’ yicõacaju yu”, yigotimasinumi Dios ï cõagü Esp'iritu Santo.

¹² To bajiri mani ñicua Diore ña ajitirũnu tujamasiriarore bajiro bajibesa yu yarã mua. Sīgũ mani yu, “Dios ocare socase ñaja” i yisere ajicõari, quẽnaro ñe gotimasioña, “Masirẽtogũ Dios yere ajitirũnu tujaromi” yirã. ¹³ Dios ocare gãmerã gotivariquẽnaña mua. “Maji busiyu gãmerã gotiroti ñaroja”, yitũoĩabesa, mua rãcana sīgũri vãti i rotisejuare cudicõari, “ ‘Dios oca socase ñaja’ yiroma” yirã. To bajiri tocãrãcarũmũne gãmerã goticõa ñarũgũroti ñaja muare, “Tire ajitirũnu tujabeticõato” yirã. ¹⁴ Tirũmũju, Cristore ñe mani ajitirũnuocatore bajirone ñe ajitirũnucõa ñaroti ñaja manire. To bajiro mani bajicõa ñajama, mani bajirearo beroju õ vecaju Cristo rãca quẽnaro ñacõa ñarũgũruarãja mani.

¹⁵ Tire muare yu gotirore bajirone gotiaja Dios ocare masa ña ucamasire: “Yucũne muare yu gotisere mua ajijama, yu yirotirore bajiro cudiya. ‘Mũre ajitirũnũmenaja yuã’ yibesa. Mua ñicua yũre jũnisinicõari, ña cudibetimasicatire bajiro bajibesa mua”, yigotiaja Dios ocare masa ña ucamasire.

¹⁶ Mani ñicua ña bajimasirere tũoĩañã mua quẽna: ¿Ñimarã ñañujari Dios i masune i gotisere ajirã ñaboarine, cudibetiriarã? Egipto sitaju ñarãre, Moisés i ãmato variarãne bajiyuma. ¹⁷⁻¹⁸ Juarã masa cõro ñaricũmari, Diore ña cudibetijare, bũto jũnisiniñuju Dios. Ñare jũnisinicõari, ado bajiro ñare yimasinũju Dios: “Riojo muare gotiaja yu. Quẽnari sitare muare yu ñjorũaboacatore ejabetirũarãja mua”, ñare yimasinũju Dios. To bajiro i yire ñajare, ti sitaju ejamenane, masa manojũ ña ñacudimasiriarojũne bajireacoamasinũjarã ña. ¹⁹ Tire ajicõari, “Diore ajirãcũbũobetiriarã ñari, ti sitajũre ejabesuma”, yimasiaja mani.

4

¹ To bajiri mani ñicua ña bajiriarore bajiro bajibeticõato mani. “Yu yarã, yu rãca quẽnaro ña ñasere bojaja yu” ñare Dios i yiriarore bajirone yami, manire quẽne. To bajiri, quẽnaro gãmerã ejarẽmoto mani, “Mani jedirone, Diorãca quẽnaro ñacõa ñarũgũrãsa” yirã.

² Ñare Dios i yimasiboariarore bajiro manire quẽne quẽnaro i yirotirore ajicaju mani. Mani ñicũajũama, Dios ocare ajirã ñaboarine, ñare i gotiriarore bajiro ña bajibetijare, “Toju ñarũarãja” i yimasiboariarore ejabetimasinũjarã. ³ Manijũama, Diore ñe ajitirũnu tujabeticõato mani. Ñe ajitirũnũrã rĩne ñarãma quẽnaro i rãca ñarona. To bajiro ti bajijare, ado bajise ñare gotimasinũju Dios, mani ñicũare:

“Riojo muare gotiaja yu. Muare bũto jũnisinicõari, yu rãca quẽnaro ñabetirũarãja mua”, ñare yimasinũju Dios, ñe ajitirũnũbetiriarãre.

To bajiboarine adi macarũcũrore rujeogũjũne, “Masa yu beserã rãca quẽnaro ñarũcũja yu”, yitũoĩacõamasinũju Dios. ⁴ To bajiro i yimasirere masiaja mani, Dios ocare masa ña ucamasire ado bajise ti gotijare:

“Adi macarũcũro ñase jedirore rujeojeocõari, cojomo cõro, gaje ãmo, juã jẽnituarirũmũre quẽnaro ñacõamasinũju Dios”, yigotiaja Dios ocare masa ña ucamasire.

⁵ To bajiri, “Yu ñarore bajirone quẽnaro yu rãca ñarũarãma” i yiboarere ña ajitejare, ado bajiro ñare yimasinũju Dios:

“iYu rãca quẽnaro ñabetirũarãja mua!”, yimasinũju.

⁶ “Yu rãca quẽnaro ñato ña” yigũ, Dios i yimasirere ajiriarã ñaboarine, i rãca quẽnaro ñabetimasinũjarã ña. To bajiboarine, masa rãca quẽnaro i ñarotire bojacõa ñaami Dios. ⁷ To bajiri mani ñicua ñamasiriarã i gotirere ajitemasiriarã bero yoatoju David ñamasir'i Diore ajicõari, ado bajiro ucamasinũju:

“Yucũne muare yu gotisere mua ajijama, yu yirotirore bajiro cudiya. ‘Mũre ajitirũnũmenaja yuã’ yibesa mua”, yucamasinũju David ñamasir'i, Dios oca tutijũ.

⁸ Diore ajitemasiriarã ña bajireajediro bero, ña rãa ñamasiriarã mani ñicũare ñare ãmato vamasinũju Josuẽ ñamasir'i, Dios ñare i ñjomasiriarore. Toju quẽnaro ñamasinũjarã ña mani ñicua. Quẽnaro ñaboarine, Diorãca quẽnaro ña ñabetijare, ado bajiro yimasinũju Dios: “Yucũne muare yu gotisere mua ajijama, yu yirotirore bajiro cudiya”, ñare yimasinũju

quēna. ⁹ To bajiri m̄are ȳa gotisere ajicōari, ado bajiro ajimasirāja m̄a: “Dios yarā, ĩ rāca quēnaro ĩna ñacōa ñarotire bojacōa ñagūmi”, yimasirāja m̄a. Diorāca quēnaro mani ñase ado bajiro bajiaja: Dios adi macaruc̄ore rujeogajanocōari, quēnaro ñacōamasiñuju. Tire bajirone bajiroja, Diorāca quēnaro mani ñacōa ñase quēne. ¹⁰ Adi macaruc̄oro ñase jediro rujeogajanoac̄u, ĩ bojarore bajiro ti bajirotire masicōari, quēnaro ñacōamasiñuju Dios. ĩre bajiro quēnaro ñaruc̄umi, “Ado bajiro m̄a yijama, ȳa rāca quēnaro ñaruc̄aja m̄a” Dios ĩ yirotsere c̄adiḡu quēne. ¹¹ To bajiri ĩ rāca quēnaro mani ñasere Dios ĩ bojjare, quēnabusaro ĩre ajitir̄un̄uto mani, “ĩ rāca quēnaro ñarāsa mani” yirā. Mani ñic̄ua Diore ajitir̄un̄ubeticōari, ĩ rāca quēnaro ĩna ñabetimasiriarore bajiro bajibetiroti ñaja manire.

¹² “Dios oca ñamasuse ti ñajare, ajitir̄un̄ucōa ñaroti ñaja”, m̄are yigotiaja ȳa. Masijeogu ĩ ñajare, “To bajiro bajir̄uaroja” ĩ oca ti yigotirore bajirone bajir̄uaroja ti. Jariase j̄uajac̄at̄uaj̄une b̄ujariase mani us̄uj̄u ti ejarore bajiro bajiaja Dios oca, mani ajise. To bajiri, mani t̄uoĩase, “Masibec̄umi Dios” mani yiboasere quēne ĩamasiḡū ñaami Dios. ĩ oca suorine, “Rojose ñaja; quēnase ñaja”, yit̄uoĩamasiaja mani. ¹³ Disej̄ua Dios ĩ rujeorere ĩre yayiomasiña manoja. To bajiri, disej̄uane mani yise, mani t̄uoĩase quēne, ĩ masibeti manoja. ĩ ñagūmi, ñajediro mani yisere mani gotiroc̄u.

“Paia ūju r̄ētoro ñamasuḡū ñagūmi Cristo”, yire queti

¹⁴ Cristo, paia ūju r̄ētoro ñamasuḡū ñagūmi. Dios mac̄u ñari, ĩ t̄uj̄u manire ñagōbosagu ñagūmi. To bajiri, ĩre ajitir̄un̄u t̄uj̄abeticōato mani. ¹⁵ “Cristo adi macaruc̄oroju ĩ ñaro, Dios ĩ bojjabette yato” yiḡu, manire ĩ yicoderūḡūrore bajiro Cristore quēne rojosere ĩre yirotir̄ūḡūboayuju Satanás. To bajiboarine rojose yibesuju Cristo. “Ȳure quēne rojose yirotir̄ūḡūc̄ami Satanás; ĩnare quēne to bajirone yami” yimasiḡū ñari, “Dios ĩ bojjare bajiro ĩna yir̄uaboase ĩnare josaja ti” yiḡu, manire ĩamaicōa ñagūmi. Manire ĩamaicōari, paia ūju r̄ētoro ñamasuḡū ñari, “ ‘M̄are ajitir̄un̄u t̄uj̄abeticōato ĩna’ yiḡu, ĩnare ejarēmoña”, ĩ jac̄ure manire yis̄enibosarūḡūḡūmi. ¹⁶ To bajiri mani quēne, Diore ḡūimenane, s̄eniroti ñaja. ĩre mani s̄enijama, rojose mani yise vaja rojose manire ĩ yiborotire manire ĩamaicōari, yibetir̄uc̄umi. No bojjarij̄une ĩ ejarēmosere mani bojjajama, quēnaro manire ejarēmoruc̄umi.

5

¹ Mani ñic̄ua ĩna ñarirodore ñamasiñuju paia ūju ñamasuḡū, Dios ĩ beser'i, “Masare ejarēmoato” yiḡu, ĩ c̄ūr'i. Ado bajiro yir̄ūḡūmasiñuju: Vaibuc̄urā ĩre ĩna ĩs̄isere quēne boca juacōari, soem̄obosarūḡūñuju, rojose ĩna yisere “ĩnare masirioya m̄a” ĩnare yis̄enibosagu.

² ĩ quēne, manire bajirone bajiḡu ĩ ñajare, Dios ĩ rotise yimasijeogu me ñamasiñuju ĩ. “Ȳure quēne josaja” yit̄uoĩaḡū ñari, “Gājerā Diore ajitir̄un̄urāre, to bajirone bajiroja”, yĩamasiñuju.

³ Manire bajirone rojose yiḡu ñari, “Rojose ȳa yise vaja ȳure masirioato Dios” yiḡu, gājerāre ĩ s̄enibosaroto r̄ijoro, ĩ quēne vaibuc̄u rii soem̄orūḡūñuju. ⁴ Nij̄uane, “Ȳu ñagūsa paia ūju”, yibetimas̄iñuju. Gājerā quēne, “ĩ ñato”, yibesujarā. Dios s̄īḡūne, “M̄a ñaruc̄aja paia ūju ñamasuḡū”, yimasiḡū ñamasiñuju ĩ. To bajiri, Aarón ñamasir'ire, “Paia ūju ñaña”, ĩre yic̄ūs̄omasiñuju Dios. ⁵ To bajirone ĩre yiyumi Jesucristore quēne. Dione ĩre c̄ūñumi. To bajiri ado bajise ĩre ĩ gotirotire ucamasiñuma masa:

“ Adir̄um̄ane ȳa mac̄u ñari, ȳure bajiro rotis̄uoruc̄aja m̄a’ yami Dios”, yiucomasiñuma ĩna, Cristore, Dios ĩ gotirotire yirā.

⁶ Gajeye ĩ mac̄ure ĩ gotirotire ado bajise yiucomasiñuma ĩna:

“ ‘Masa rojose ĩna yisere ĩnare masirioya’ ĩnare yis̄enibosagu ñaruc̄aja m̄a’ m̄are yaja ȳa. ‘Paia ūju ñamasuḡū Melquisedec ĩ bajicatore bajiro bajir̄uc̄aja m̄a’ m̄are yaja ȳa”, yiucomasiñuma ĩna, ĩ mac̄ure Dios gotirotire yirā.

⁷ Cristo, manire bajiro ruj̄u c̄uticōari, adigodoju ñagū ĩ bajirocaroto r̄ijoro, Diore buto s̄enir̄ūḡūñuju ĩ. Otiḡuane, ado bajise jacase s̄eniñuju ĩ: “Cac̄u, ‘Ȳure s̄ibeticōato ĩna’ yiḡu,

yure ejarëmoña. To bajiboarine, m̄u bojarore bajirone bajir̄uaroja”, yiyuju Cristo, ĩ jacure. ĩ rotirore bajiro yiḡu ĩ ñajare, ĩre ajic̄ari, “Ȳu bojarore bajirone bajiato” yiḡu, ĩre ejarëmoñuju Dios. ⁸ Dios mac̄u ñaboarine, rojose t̄am̄oñumi Cristo. “Rojose t̄am̄oobarine, Diore cudic̄o ñaroti ñaja”, yit̄oñaju. To bajiro bajica yiḡu, ñajediro Dios ĩ rotirore bajirone yiyuju Cristo. ⁹ ĩ rotirore bajirone ĩ cudijeoc̄ajare, “M̄u s̄uori ĩna rijato beroj̄u, m̄u r̄aca ñac̄o ñar̄uḡur̄ar̄ama ĩna, m̄ure ajitir̄un̄r̄a”, ĩre yiyuju Dios. ¹⁰ To bajiri, “Paia ūj̄u ñamasuḡu Melquisedec ñamasir'i ĩ bajicatore bajiro bajir̄uc̄aja m̄u” Dios ĩ yir'i ñaḡumi Cristo.

“Jesucristore ajitir̄un̄u t̄ujabetiroti ñaja”, yire queti

¹¹ “Tir̄um̄uj̄u paia ūjar̄a ĩna yis̄uoadimasire ũnire yiḡu ñaami Cristo” yu yigotir̄em̄oaboase jairo r̄uyaja maji. Tire ajimasijeomenaja m̄u, b̄uto m̄ure ti josajare. ¹² Tir̄um̄uj̄u, Cristore ĩre ajitir̄un̄us̄ocaj̄u m̄u. To bajiri tire quēnaro buec̄ari, b̄utob̄usa ĩ bojarore bajiro m̄u yir̄utu vajama, j̄ere ĩ ocare masare gotimasiocoarona ñaja m̄u. To bajiboarine, “Maji, josabetij̄ure yure gotimasioc̄o ñaña” yit̄oñar̄e bajiro bajiaja m̄u. ¹³ R̄iama ũjur̄ac̄are bajiro ñaja m̄u. To bajiro bajir̄a ñari, “Quēnase ñaja; rojose ñaja” ĩna yimasibetore bajiro bajir̄a ñaja m̄u. ¹⁴ R̄iamasare bajiro me bajiaja b̄uc̄uacoanaj̄ama. T̄uñamasicoana ñari, “Quēnase ñaja; rojose ñaja” yit̄oñamasic̄ari, Dios ĩ bojarore bajiro yir̄a ñaama.

6

¹ To bajiri Cristo oca ñamasuse ti ñajare, “Ȳu gotisere ajimasiriaro maja m̄u” yu yisere gotiḡuaḡu yaja, Dios ĩ bojarore bajiro m̄u yiroti yiḡu. J̄ere Cristo oca josabetib̄usasere masiaja mani. Adi ñaja Cristo ye mani bues̄ocati: “Rojose yit̄ujac̄ari, quēnasej̄ure yit̄oñaroti ñaja manire” yirere buecaj̄u mani. “Diore mani ajitir̄un̄ubetijama, rojose t̄am̄ot̄ujabetiriaroju var̄ar̄aja mani” yirere quēne buecaj̄u mani. ² Gajeye ado bajiro buecaj̄u mani: “Cristore ajitir̄un̄r̄a ñaja yu” yir̄are oco r̄aca ĩna bautizasere quēne buecaj̄u mani. To yic̄ari, “Esp'iritu Santo, m̄u r̄aca ñar̄uc̄umi” yir̄a, ĩnare ĩna ãmo ñujeosere quēne buecaj̄u mani. Quēna gajeye ado bajise buecaj̄u mani: “Cristore ajitir̄un̄r̄a, bajireacoobarine, tudicatic̄ar̄ar̄ama” yirere quēne buecaj̄u mani. To yic̄ari, masare Dios ĩ beserotire quēne buecaj̄u mani. ³ Ti ñacaj̄u Dios oca josabetib̄usa mani bues̄ocati. To bajiri, josasere quēne buemasic̄ari, b̄utob̄usa ĩ bojarore bajiro yir̄utuajaro mani, Dios ĩ bojajama.

⁴⁻⁶ S̄iḡuri Dios ocare ajitir̄un̄r̄a ñar̄ama maji. To bajic̄ari, Esp'iritu Santore c̄or̄a ñar̄ama. To yic̄ari, Dios ĩ bojasere yir̄a ñar̄ama. Dios ĩ masise r̄aca ĩañañamanire ȳiioecoriar̄a quēne ñar̄ama. To bajiro yir̄a ñaboarine, ĩna ajitir̄un̄u t̄ujajama, j̄uaji ajitir̄un̄ubetir̄ar̄ama. To bajiro ĩna bajijama, Jesucristore ĩatec̄ari, yuc̄t̄eroj̄u ĩre jajuturiar̄a ũnane ñar̄a bajir̄ama ĩna. To bajiro ĩna bajijare, ḡajer̄a quēne Dios ocare ajir̄uc̄ub̄obetic̄ari, ajar̄ama. ⁷ “Dios ocare ajic̄ari, quēnaro ote v̄an̄uri sitare bajiro bajiaja mani” yiḡu, ado bajise m̄ure gotiaja yu: Vese ote ñarivesere oco ti quedi ro bero ote quēnaro ti v̄an̄ore bajiro bajiroti ñaja manire. To bajic̄ari, ti sitajure ote v̄an̄uc̄ari, quēnaro ti rica cutijama, variquēnaḡumi ti vese ūj̄u. To bajiri, ote rica cuti vese ĩ ĩvariquēnarore bajiro manire quēne ĩvariquēnaḡumi Dios, ĩ ocare ajic̄ari, ĩ bojarore bajiro mani yijama. ⁸ To bajic̄ari, gajej̄uma vese yir̄iaj̄u sita quēnabeto ñari, oco ti quediboajaquēne, ote v̄an̄ubetone, vidise r̄ine ti judijama, “Sita quēnabeto ñaja” yiḡu, tire soereac̄aḡumi ti vese ūj̄u. Tire bajirone Dios ocare ajiboarine, ajitir̄un̄u t̄ujac̄ari, ĩ bojabetire ĩna yijama, rojose t̄am̄ot̄ujabetiriaroju ĩnare reac̄ar̄uc̄umi Dios.

“Ȳure yir̄etobosar̄uc̄umi Cristo’ mani yit̄oñac̄o ñajama, quēnaja”, yire queti

⁹ “Ado bajiro bajir̄ama Cristore ajitir̄un̄u t̄ujar̄a” m̄ure yu yigotimasiosere, “M̄uane ñaja Diore ajitir̄un̄u t̄ujarona” yiḡu me yaja yu. Quēnaro m̄u yirere ajic̄ari, “Jesucristo

suori Dios yarã ñarãma”, m̄are yaja ȳ. To bajiro m̄are yimasic̄ari, “Butobusa Dios ĩ bojarore bajiro yirũtu var̄arãma ĩna”, m̄are yaja ȳ. ¹⁰ Quẽnaro riojo yiḡu ñaami Dios. To bajiro yiḡu ñari, ĩ bojarore bajiro quẽnaro m̄a yirere masiritibetir̄uc̄ami. To bajiri, gãjerã Dios yarãre m̄a ejarẽmorere ajic̄ari, “Diore r̄uc̄ub̄orã ñarãma”, m̄are yimasiaja ȳ. ĩnare ejarẽmoc̄õa ñarãja m̄a maji. Tire quẽne masiritibetir̄uc̄ami Dios. ¹¹ To bajiro quẽnaro m̄a yirũgũse quẽnaja ti. Variquẽnase rãca Dios ocare ajitir̄ũn̄u t̄jamenane, ñajediro quẽnaro m̄a yirũgũrore bajirone gãmerã yic̄õa ñarũgũroti ñaja. To bajiro m̄a yic̄õa ñajama, “Cristo suori quẽnaro manire yir̄uc̄ami Dios” m̄a yit̄oĩarore bajirone m̄are yir̄uc̄ami. ¹² Dios ocare ajiterãre bajiro m̄a bajisere bojabeaja ȳ. To bajiri, “Bajir̄uaroja” ĩnare ĩ yirere ajitir̄ũn̄u t̄jabetir̄iarãre bajiroj̄na bajiya m̄a quẽne. ĩnare bajiro m̄a bajijama, m̄are ĩ gotiriarore bajirone m̄are quẽne yir̄uc̄ami Dios.

¹³⁻¹⁴ Abraham ñamasir'i ĩ bajimasirere t̄oĩañã m̄a. “Gãji ȳre bajiro yiḡu magũmi” yit̄oĩagũ ñari, ado bajiro ĩre gotimasiñuju Dios: “ ‘M̄re socabeaja ȳ. Jãjarã jãnerabatia c̄utir̄uc̄ami’ m̄re yaja ȳ”, ĩre yimasiniñuju Dios, Abraham ñamasir'ire gotiḡu. ¹⁵ “Ĭ yirore bajirone yiḡu ñaami Dios” yiḡu ñari, “Soc̄u yiḡumi” yit̄oĩarejaibetimasiñuju Abraham, Dios ĩ yirore yuḡu. To bajiri, Dios socabecu ĩ ñajare, “To bajiro bajir̄uaroja” Abrahamre ĩ yimasiriarore bajirone bajimasiñuju ti. ¹⁶ To bajiri, manij̄ama, “ ‘Soc̄u me yiḡumi’ gãjerã yiajiato” yirã, masa r̄etro ñamasugũ Dios vãme rãca yirũgũrãma. To bajise ĩna yijama, “Soc̄u me yaja. Dios quẽne masigũmi”, yirũgũama. To bajiro ĩna yisere ajic̄ari, “Socarã me yama”, yit̄oĩarãma masa. ¹⁷ To bajiri, “ ‘Soc̄u me yiḡumi Dios. Ĭ yirore bajirone yiḡu ñagũmi’ Abraham ȳre yiajiato” yiḡu, “M̄re socabeaja ȳ”, yimasiniñuju Dios. ¹⁸ Socagu me ñaami. “Yir̄uc̄uja” ĩ yirore bajirone yiḡu ñaami Dios. To bajiro yiḡu ĩ ñajare, rojose tãmt̄jabetir̄iaroju mani vaborotire manire yir̄etobosac̄ari, “ ‘Quẽnaro ĩnare yir̄uc̄uja’ ĩ yiriarore bajirone manire yir̄uc̄ami”, yit̄oĩaja mani. ¹⁹⁻²⁰ To bajiro manire Dios ĩ yire ti ñajare, ĩ gotiriarore bajiro ti bajirore t̄oĩac̄õa ñato mani. Diore yir̄uc̄ub̄oriavi yotoriaro vajaj̄na Dios ĩ ñaris̄õaj̄re jãjaejac̄ari, “Rojose ĩna yisere ĩnare masirioya” yis̄enibosarimasa ñamasiniñarã paia ñjarã. To bajiri, Cristo quẽne, ĩna yimasiriarore bajiro yiḡu, õ vecaj̄na Dios ĩ ñaroju ejac̄ari, “Rojose ĩna yisere ĩnare masirioya”, manire yis̄enibosa ñagũmi. Paia ñju ñamasugũ Melquisedec ĩ yimasiriarore bajirone yiḡu, Cristo quẽne, manire s̄enibosac̄õa ñar̄uc̄ami. Manire ĩ s̄enibosa ñajare, “Dios ĩ yiriarore bajirone quẽnaro manire yir̄uc̄ami”, yimasiaja mani.

7

“Aarón ñamasir'i r̄etro quẽnaro manire yibosaḡumi Cristo”, yire queti

¹ Melquisedec, Salem macana ñju ñamasiniñuju. To bajic̄ari, pai ñamasiniñuju. Ñajediro ñjare Diore r̄uc̄ub̄oḡu ñamasiniñuju. Mani ñic̄u Abraham ñamasir'i gaje macariana ñjarãre s̄iareac̄ari, ĩ ya macaj̄are tudiamasiñuju ĩ. To bajiri ĩ tudiado, ĩre bocagu, vamasiniñuju Melquisedec. ĩre bocac̄ari, ĩre s̄enibosamasiñuju, “Quẽnaro ĩre yato Dios” yiḡu. ² To ĩ yiro bero, gaje macariana ñjarãre s̄iareac̄ari, ĩna ye gajeyeũni ñaboare ĩna juarere, j̄aãmo c̄õro ñaritubuari yic̄ũc̄ari, cojotubua Melquisedec ñamasir'ire ĩsimasiñuju Abraham. “Melquisedec” ti yijama, “Ëju quẽnase r̄ine yiḡu” yire ũni ñañuju ti. Salem macana ñju ñamasiniñuju Melquisedec. “Salem” ti yijama, “Quẽnaro ñariamaca” yire ũni ñañuju. To bajiri, “ ‘Quẽnaro gãmerã yĩnato mani’ yiḡu ñamasiniñuju Melquisedec”, yimasiaja mani. ³ Melquisedec jac̄u, ĩ yarã quẽne, to yic̄ari, ĩ ruyuarere, ĩ bajirocarere quẽne ucare ti maniboajaquẽne, “Pai ñamasiniñuju Melquisedec”, yigotiaja Dios ocare masa ĩna ucamasire. To bajise yuicare ti maniboajaquẽne, “Diore s̄enit̄jabetir̄imi”, yaja mani. To bajirone bajiami Cristo quẽne. “ ‘Ĭnare ejarẽmoña’ manire yis̄enibosa t̄jabec̄ami”, yimasiaja mani.

⁴ Abraham ñamasir'i ñamasugũ ñaboajaquẽne, ñ rëtoro ñamasugũ ñamasiniuju Melquisedec. Gaje macariana ñjarãre sãareacõari, ñna ye gajeyeũni ñaboare ñna juarere, juaãmo cõro ñaritubuari yicũcõari, cojotubua Melquisedec ñamasir'ire ñsimasiñuju Abraham.^b
⁵ Abraham ñ bajirocaro bero, gajerodoju, “Paia ñaruarãma ñna Abraham jãnami Lev'i vãme cutigu jãnerabatia”, ñnare yicũmasiniuju Dios. To bajiri, “Sĩgũ jãnerabatia ñaboarine, ñna cõosere, juaãmo cõro ñaritubuari yicũcõari, cojotubua ñna yu Lev'i ya jũnanare paia ñsiruarãma ñna”, ñnare yimasiñuju ñ. ⁶ Lev'i cuti jũnagu me ñaboarine, Melquisedec quẽne, Abraham ñ ñisere boca juamasiñuju ñ. Abraham ñamasir'ire, “Mu suorine adi macarucuroana ñajedirore quẽnaro yirucuja yu”, yimasiñuju Dios. To bajiro ñ yir'i ñ ñaboajaquẽne, Melquisedecjua ñamasiniuju, “Quẽnaro mure yato Dios” Abrahamre yisẽnibosagu. ⁷ To bajiri, “ ‘Quẽnaro mure yato Dios’ yigujua ñaami ñamasugũ”, yimasijaja mani. Tire masirã ñari, “Abraham rëtoro ñamasugũ ñamasiniuju Melquisedec”, yimasijaja mani. ⁸ Gajeyere quẽne tũoiaña mu. Adirãmuri ñarã paia, Lev'i jãnerabatia, manire bajirone bajirearuarãma ñna quẽne. Melquisedecjua rema, “To cõro bajirocamasiñuju”, yigotibeaja Dios ocare masa ñna ucamasire. To bajiri, “Bajirocabetirimi”, yicõaja mani. ⁹⁻¹⁰ Abraham ñamasir'i, Melquisedere ñ ñsirone, ñ jãnerabatia quẽne beroju ruyuarona ñari, ñna quẽne ñre ñsirãre bajiro yimasiñujarã. To bajiri Lev'i cuti jũnana quẽne, Abraham jãnerabatia ñari, Melquisedere ñ ñsirone, ñna quẽne ñsimasiñujarã. To bajiri, “Lev'i cutijũnana rëtoro ñamasugũ ñamasiniumi Melquisedec”, yimasijaja mani.

¹¹ “Lev'i jãnerabatia ñaruarãma paia”, yimasiñuju Dios. Sĩgũ Lev'i jãnami ñamasiniuju Aarõn vãme cutigu, paia ñju ñamasugũ, Dios ñ cõsõomasir'i. To bajiri Aarõn, Lev'i jãnami ñ ñajare, “Aarõn rëtoro ñamasugũ ñamasiniuju Melquisedec”, yimasijaja mani. Lev'i jãnami Aarõn, ñna jãnerabatia quẽne, Diore rãcubõorã masa ñna ñisere ñnare yibosarimasa ñnacoadimasiñujarã ñna. Tire boca juacõari, Diore rãcubõorã tire soemõomasiniujarã ñna. “Rojose ñna yise vaja, rojose ñnare yibesa” masare yisẽnibosarimasa ñnacoadimasiñujarã. To bajiro ñna yiboajaquẽne, Diojua ñ ñajama, rojose ñna yire ti ñnacõajare, “Rojose mana ñaama”, ñnare yĩãbetimasiñuju Dios. To bajiro ti bajijare, paia ñju ñamasugũ Melquisedere bajiro bajigure, ñ macure cõañumi Dios, “Masare yirëtobosato” yigu. ¹² ñre ñ cõaro bero, “Masa rojose ñna yise vaja, rojose ñnare yibesa” yibosarimasa bojabesuju Dios. To yicõari, Moisére ñ roticũmasirere ñna yiboarere quẽne bojabesuju. ¹³⁻¹⁴ Adigodoju manire bajiro rujua cuticõari ruyuyuju mani ñju Cristo, Judá ñamasir'i cutijũnagu. To bajiboarine, Judá jãnerabatiarema “Paia ñabetiruarãma”, yimasiñuju Moisés ñamasir'i. To bajiri, Cristo rĩjorojore Judá jãnerabatiama, sũgũjuane paia ñabetimasiñujarã.

¹⁵⁻¹⁶ To bajiri, “Lev'i jãnerabatia rĩne paia ñaruarãma” Dios ñ yimasire yigu me, paia ñju Melquisedere bajiro bajiyumi Cristo. Tudicaticõari, rijabetirocu ñari, bajiyumi. To bajiro bajirocu ñari, “Paia ñju ñamasugũ Melquisedere bajiro bajiyumi Cristo”, yimasijaja mani. ¹⁷ Dios ñ macure ado bajiro ñ gotirotire masa ñna ucamasire ti ñajare, “Paia ñju ñamasugũ Melquisedere bajiro bajicõa ñarucumi Cristo”, ñre yimasijaja mani:

“ ‘Rojose ñna yisere ñnare masirioya’, ñnare yisẽnibosa tãjabetirocu ñaja mu’ mure yaja yu. ‘Paia ñju ñamasugũ Melquisedec ñ bajimasicatore bajiro bajinarucuja mu’ ñre yigotiyumi Dios, ñ macure’, yaja ti Dios ocare masa ñna ucamasire.

¹⁸ Dios, Moisére ñ roticũmasiriaro cõrone ñna cudijeocõaboajaquẽne, “Rojose mana ñaama”, ñnare yĩãbetiborimi Dios. To bajiri Moisére Dios ñ roticũmasire, vaja manire bajiro bajiyuja ti. ¹⁹ To bajiro ti bajijare, Moisére ñ roticũmasire vasoayuju Dios. Mame ñ vasoarejuama, ado bajiro bajijaja: Manire Cristo ñ rijabosare suorine, “ ‘Rojose mana ñaama’ manire yĩãgũmi Dios” yimasirã ñari, variquẽnase rãca ñre sãnirũgũaja mani. To bajiro ti bajijare, “Tirãmũaye Moisére Dios ñ roticũmasire rëtoro quẽnase ñaja adirodoriaye”, yimasijaja mani.

^b 7:4 “Gãjerã ñna ñisere boca juarã, ñsirã rëtoro ñamasurã ñaama”, yitũoiañujarã hebreo masa.

20-21 To bajiri, ĩ macu Cristore, “Paia ujarã rëtoro ñamasugũ ñarucuja mu” yigu, ado bajiro ĩre yiyuju:

“Mure socabeaja yu. “Rojose ĩna yisere ĩnare masirioya”, ĩnare yisēnibosa tujabetirocu ñaja mu’, mure yaja yu”, ĩre yiyuju Dios, ĩ macure.

Gãjerãrema “Paia ujarã ñaruarãja mua” yigu ñaboarine, ti ũnire yibetimasĩñuju Dios. 22 Tire mani ajijama, “Jesucristo suorine Dios ĩ gotiriarore bajirone quēnaro manire yirucumi”, yimasiaja mani. 23 Tirũmũaye Moisére Dios ĩ roticũmasire rucubũorã, jãjarã paia ñamasiñujarã. To bajicõari, ĩna bajireajaquēne, ĩnare moavasoarona jãjarã ñarũgũmasiñujarã. 24 To bajiboarine, Cristojũrema, tudirijabetirocu ĩ ñajare, “Īre moavasoarocu magũmi”, yimasiaja mani. 25 “Jesucristo suorine Diore ajitirũnarãre, rojose ĩna yisere ‘Masirioato Dios’ yigu, Dios ĩ ñaroju, ĩnare sēnibosacõa ñarũgũgũmi, tudirijabetirocu ñari”, yimasiaja mani.

26 To bajiri tirũmũju paia ujarã ĩna yisuoadimasire ũnire yigu, Cristo quēne rojose mani yisere “Masirioato Dios”, manire yisēnibosarũgũgũ ñagũmi. Cristo ñañumi masa rojose ĩna yirore bajiro yibecu. Quēnase rĩne yigu ñañumi. To bajiro bajir’i ĩ ñajare, Dios ĩ ñaroju, “Rëtoro ñamasugũ ñarucuja mu” Dios ĩ yir’i ñagũmi. 27 Paia ujarã ñamasurã ĩna yimasiriarore bajiro yigu me ñagũmi Cristo. Īnajũama, tocãrãcarũmũne vaibucũrãre sãacõari, soemũomasiñujarã, “Rojose yua yisere masirioya” Diore yirã. To yicõari, ĩna yarãre quēne rojose ĩna yirere “Īnare masirioya Dios”, ĩnare yisēnibosarũgũmasiñujarã ĩna. To bajiboarine, Jesũjũama, mani jedirorene cojojine rijabosayumi, rojose mani yisere “Masirioato Dios” yigu. 28 Moisére Dios ĩ roticũmasire, “Paia ujarã ñamasurã ñaruarãma” ĩ yire ti ñaboajaquēne, manire bajirone ĩna quēne tire cudijeobetiriarã ĩna ñajare, “Rojose mana ñaama”, yĩabetimasĩñuju Dios. To bajiboarine ĩ macujũarema, quēnase rĩne yir’i ĩ ñajare, “ ‘Rojose ĩna yisere masirioya mu’ ĩnare yisēnibosacõa ñarũgũrocu ñaja mu”, ĩre yiyuju.

8

“Cristo, õ vecaju manire sēnibosa ñagũmi”, yire queti

1 “To bajirone bajigumi Cristo, õ vecaju Diorãca ĩ rotiñaroju”, mure yaja yu. 2 Tojũre ejacõari, “Rojose mani yisere masirioya”, manire yibosa ñagũmi Cristo, Dios ĩ buariavijũre.

3 Tocãrãcu paia ujarã ñamasurã ado bajiro yiyuma: Rojose masa ĩna yisere, “Īnare masirioya Dios”, yisēnibosayujarã ĩna. To yicõari, Diore rucubũorã masa ĩna ĩsire boca juacõari, ĩnare yibosayujarã. To bajiro ĩna yire ũnirene yigu, Cristojũama, manire rijabosayumi, rojose mani yisere manire yirëtobosagu. 4 Yucari ñarã paia, Moisére Dios ĩ roticũmasiriarore bajirone yicõa ñarãma. To bajiri Cristo, adigodoju ĩ ñacõajama, ĩnare bajiro yibecu ĩ ñajare, “Pai me ñaami”, ĩre yiborãja mani. To bajiboarine, õ vecaju Dios ĩ ñaroju, “ ‘Rojose ĩna yisere masirioya’ manire yibosagu ñagũmi”, yimasiaja mani. 5 “Mani rãca ñagũmi Dios” masa ĩna yirucubũorotivire Moisés ñamasir’i ĩ buarotiroto rĩjoro, ado bajiro ĩre yimasiñumi Dios: “Gũtaũ joeju mure yu ĩocativire bajirivine buarotiya”, yimasiñuju Dios, Moisés ñamasir’ire. To bajiri, “Mani rãca ñagũmi Dios” masa ĩna yirucubũorivire ĩna buajama, Moisére Dios ĩ ĩomasirivire bajirivine buamasiñujarã. 6 Paia ujarã ñamasurã Dios ĩ rotimasire cudimasiriarã ĩna yirũgũmasire rëtoro quēnaro manire yibosarũgũgũmi Cristo. To bajiri, “ ‘Quēnaro mure yirucuja yu’ Moisére Dios ĩ yicũmasire rëtoro quēnase ñaja adirodoriaye”, yimasiaja mani.

7 Moisére Dios ĩ yicũmasire rëmoju ne quēnase ti ñacõajama, gajeye mamejuare vasoabetiborimi Dios. 8 Moisére Dios roticũmasire masa ĩna cudijeobetijare, ĩvariquēnabetimasĩñuju Dios. To bajiri, “Ado bajiro ĩnare gotiya”, yimasiñuju ĩ:

- “Mani ɯɟu Dios, ado bajiro mɯare gotiami: ‘Quɛnaro ajiya mɯa. Cojorɯmɯ mame mɯare vasoabosarɯɟa yɯ, Israel vɛme ɟɯti sitanare, Judá vɛme ɟɯti sitanare’, mɯare yami.
- ⁹ ‘Egipto sitaju ñarãre Israel sitajua ñnare ũmato vacu, quɛnaro ñnare gotiboacaju yɯ. To bajiboarine, yɯ yicatore bajiro ñna ɟɯdibetijare, “Yɯ yarã me ñaama”, ñnare yicaju yɯ. To bajiri, mame yɯ vasoarotijama, mɯa ñicɯare yɯ gotimasicatore bajiro me bajirɯaroja’ mɯare yami Dios mani ɯɟu.
- ¹⁰ ‘To bajiri, Israel ñamasir'i jãnerabatiare mame yɯ vasoaroti, ado bajiro bajirɯaroja: “Yɯ masise sɯorine yɯ rotisere tɯoĩamasirɯarãma”, ñnare yirɯɟa yɯ. To bajiro yɯ yisere bojarã ñari, quɛnaro yirũgũɯarãma. To yicɔari, yɯ sĩgũne ñna ɯɟu ñna yirɯɟaɯogɯ ñarɯɟa yɯ. To bajiri ñnajua quɛne yɯ yarã ñarɯarãma’ mɯare yami Dios.
- ¹¹ ‘Yɯ yarã ñari, rĩamasa quɛne, buɟurã quɛne, ñna ñaro ɟɔrone, yɯre masijedicoarɯarãma ñna. To bajiri, “Ado bajiro tɯoĩagũ ñaami Dios”, gãmerã yimasiorã manirɯarãma’, mɯare yami Dios.
- ¹² ‘Ñnare ñamaicɔari, rojose ñna yisere yɯ masiriojama, “Rojose yiriarã ñaama”, jɯaji ñnare yitɯoĩabetirɯɟa yɯ. To bajiro ñnare yɯ yiroti ti ñajare, yɯre quɛnaro masirɯarãma ñna’ mɯare yami Dios”, yimasiñuju, Diore gotirɛtobosamasir'i.
- ¹³ “Mame oca quɛnase vasoarɯɟa” Dios ñ yijama, tirɯmɯɟu ñ yimasiboarere reagɯ yigɯmi. To bajiri, “Tirɯmɯayeɟuma vaja manoja”, yimasiaja mani.

9

“Cristo, quɛnaro manire yibosagɯmi” yire queti

¹ “Adigodoɟu ñarã yɯre rɯɟubɯorã mɯa rɛjarotivire mɯa buasere bojaja yɯ”, Moisés ñamasir'ire ñre yimasiñuju Dios. ² To bajiri ñ rotiriavire bajirone buamasiñujarã ñna. Ti vi gɯdarecore sudirone yotoriavi ñamasiñuju. To bajiri, ejasɯoriasɔa Diore rɯɟubɯoriasɔa vɛme ɟɯtimasiñuju. Tisɔaju sĩabusuoriabajari jeoriaɟu ñamasiñuju ti. To yicɔari, Diore ñsiroti pan jesariɟu quɛne ñamasiñuju. ³ Gajesɔa, Dios ñ ñarisɔa vɛme ɟɯtimasiñuju. ⁴ Tisɔajure, ñamasiñuju Diore rɯɟubɯorã, ñna soejama, quɛnaro sɯtiquɛnase soemɯoriaɟu. “Dios ñ ñari sɔagaju ñaja” ñna yiboajaquɛne, ejasɯoriasɔajuarene ñacɔamasiñuju ti. To bajicɔari, Dios ñ ñarisɔajure ñamasiñuju ruajata orone ñna quɛnorajata. “Dios ñ rotirere ɟɯdiroti ñaja” yirã, ñna quɛnorajata ñamasiñuju. Tijatajare adocãrãca vɛme sãñamasiñuju: Orone ñna quɛnorã sotu sãñamasiñuju. Ti sotujure bare manã vɛme ɟɯti Dios ñ cɔare sãñamasiñuju. To bajicɔari, Aarón ñ tuemasir'i quɛne acatuar'i sãñamasiñuju. To bajicɔari, jɯajãi gɯtajãi Dios ñ rotimasire ñ ucamasirijãiri quɛne sãñamasiñuju. ⁵ Tijata joere rɯgɔmasiñujarã Diorãcana vurã querubines vɛme ɟɯtirãre bajirã masa ñna quɛnomasiriarã. Ñna ñamasiñujarã, “Adiju ñaja masa rojose ñna yisere Dios ñ masiriorijɯ” yigotirã. Ñna querɯjuri rãca gãmerã ñucãnamucɔari, rɯgɔmasiñujarã ñna. Yucɯrema ti viaye bɯto gotire maja ti.

⁶ To bajiboarine, Diore rɯɟubɯoroti ti ñajedicɔajare, tocãrãcarɯmɯne Diore rɯɟubɯorã sãjaejarũgũmasiñujarã paia, ñasɯorisɔare. ⁷ Paia ɯɟu ñamasugũ rĩne jãjarũgũmasiñuju, Dios ñ ñarisɔa vɛme ɟɯti sɔajure. Tocãrãca ɟɯmare cojojine jãjamasiñuju. Jãjacɔari, ñ masu rojose ñ yirũgũrere, to yicɔari, ñ ñarimacana, “Rojose yirã yaja yɯa” yitɯoĩamenane, “Rojose yɯa yirũgũrere masiribosato Dios” yigɯ, vaibucurã ri'ire juajãjarũgũmasiñuju. ⁸ “Paia ɯɟu ñamasugũ rĩne Dios ñ ñarisɔare jãjamasiñuju”, yimasiñujarã. Tire ñna tɯoĩajama, Esp'iritu Santo ñ ejarẽmose rãca, ado bajiroɟu yimasiñujarã ñna: “ ‘Mani masune rojose mani yisere yɯare masirioya’, Diore yimasibeaja. ‘Paia ɯɟu ñamasugũ rĩne manire sɛnibosagɯ ñaami’ yimasiaja mani. To bajiro rĩne bajicɔa ñarɯarãja mani maji. Dios manire ñ sãjarotirirɯmɯ ti ejaroɟu tisɔare jãjarɯarãja mani”, yimasiñujarã ñna. ⁹ “ ‘Mani ñicɯa Dios ñ rotimasirere ñna ajitirũnũrũgũmasire rɛtoro quɛnamasuse ñaja’ mani yitɯoĩamasiritore yiro bajiyuja”, yimasiaja mani. “Mani ñicɯa, tirɯmɯɟu ñna yirũgũmasiriarore bajirone mani quɛne, rojose

mani yisere, ‘Manire masirioato Dios’ yirã, paire mani soem̃oroticõa ñajama, Diojua ï ñajama, ‘Rojose maja ñnare’ manire yĩabeticõa ñagũmi”, yimasijaja mani. ¹⁰ Tirũm̃aye Dios ï rotimasire ado bajiro bajiyuja: “Adocãrãca vãme baruarãja m̃ua. Gajeyerema babetiruarãja m̃ua”, ñnare yimasijñumi. To yicõari, ñna idirotire, ñna guarotire, ñna ãmo coerotire quẽne to bajirone yimasijñumi. To bajiro ï yijama, ti ñajediro ï rotimasire mamejua ï vasoaroto rĩjororema, ñna rujure ñna ãtirũnuroti rĩne yigũ yiyumi Dios.

¹¹ To bajiro ï yimasire ti ñajare, yucurema, “Cristo s̃orine quẽnaro yirũcũja yũ” Dios ï yiriarodo ejayuja ti. To bajiro ï yire ñajare, Cristo manire rijabosacõari, õ vecajũ Dios ya vijũ ñagũ vasuju. Ti vijũ ñacõari, paia uju ñamasugũ ï s̃enibosarore bajiro, “Quẽnaro ñato ñna” yigũ, manire s̃enibosa ñagũmi. To bajiro ï yĩnarivima, adigodo ñarã Diore rãcub̃orã ñna b̃uariavi r̃etoro quẽnarivi ñaroja. ¹² To bajiri Dios ï ñarisõajũ jãjacõari, cabra rĩa ri'i, ta vecũ rĩa ri'i adigodojũ ñarã paia ujarã Diore ñna ãsiriare bajiro yirũ me, ãjũama, ï ruju rise s̃orine rojose mani yire vajare cojohne yir̃etobosajeocõarũ, õ vecajũ Dios ï ñarisõajũ jãjasuju Cristo. ¹³ Ado bajiro gotiaja Dios ï rotimasire: “Bajirocar'ire moãibetiruarãja m̃ua. To yicõari, ‘Babetiruarãja m̃ua’ yũ yisere quẽne moãibetiruarãja. To bajiro yũ yisere m̃ua cãdibetijama, yure ñna rãcub̃orivire sãjabetiruarãja m̃ua. To bajiboarine, ta vecũ macure ñna soese rĩtire, oco rãca abavũore ñasere m̃uare yayeturũcũmi pai. Tire ï yibetijama, hisopo vãme cuti ruju rãca vaibũcũ ri'ine m̃uare ṽejabate gurũcũmi. To bajiro m̃uare ï yijama, yure rãcub̃oriavire sãjamasiruarãja m̃ua”, yimasijñumi Dios. ¹⁴ “Vaibũcũrã ri'ine m̃uare ï yayeguojama yure rãcub̃oriavire sãjamasiruarãja m̃ua” Dios ï yimasire ti ñaboajaquẽne, “Cristo manire ï rijabosarejua r̃etoro quẽnase ñaũuja”, yimasijaja mani. Rojose yibetir'i ñari, to bajiro bajiyumi Cristo. Esp'iritu Santo ñacõa ñarũgũrocũ ï ejarẽmojare. Cristo manire ï rijabosare s̃orine, rojose mani yisere masiriojũmi Dios. To bajiri, “Rojose maja manire”, yitũoĩaja mani. To bajiro yitũoĩacõari, ñacõa ñarũgũrocũ Dios ï bojarore bajiro quẽnaro yirũgũroti ñaja manire.

¹⁵ “‘Mame m̃uare vasoarũcũja yũ’ ï yiriarore bajirone bajiato” yigũ, adi macarũcũrojare Cristore cõaũmi Dios. To bajiro ï yicõar'i ñari, tirũm̃aye ajirũcũb̃oriarãre quẽne rojose mani yisere “Masirioato Dios” yigũ, manire rijabosayumi Cristo. To bajicõari, ï rijabosare s̃orine “Yũ yarã ñaama” Dios manire ï yĩarotire yigũ, bajiyumi. To bajiro ï bajibosariarã mani ñajare, “Quẽnaro yirũcũja” Dios ï yiriarore bajirone yigũ, mani rijato berojũ ï rãca mani caticõa ñarotire ãsiecorona ñaja mani. ¹⁶ Ado bajise tũoĩãna m̃ua: Mani yũ, ï bajiyayiroto rĩjoro, “Ñne ñaami yũ ye gajeyeũni cũosũyagocũ”, yigũmi. To bajiro ï yir'i ñari, ï bajirocato bero, ï yere cũosũyagũmi. ¹⁷ ï caticõa ñajama, ï masune cũocõa ñagũmi maji. ï rijato bero, tire cũomasigũmi gãjjjũ. To bajiri, “Ï gotiriarore bajirone bajiaja”, yimasire ñaja. ¹⁸ To bajirone bajimasijñuju, “Quẽnaro yirũcũja yũ” Dios ï yimasirere quẽne. “Dios manire ï gotiriarore bajirone yato” yirã, vaibũcũrãre sãmasijñujarã. ¹⁹ Dios Moisés ñamasir'ire ï roticũmasire ñaro cõrone masa jedirore ñnare gotimasijñuju. Tire ï gotiro bero, oveja joa ñna sũorere, hisopo vãme cuti rujujũ siatucõari, vaibũcũrã cabra vãme cutirã rĩare, ta vecũ rĩare ñna sãriarã ri'ire juacõari, oco rãca ñna ṽorere yosemasijñuju. To yicõari, Dios ï rotimasire Moisés ï ucariãjotire ṽejabate gumasiñuju ï. To yicõari, masa ñajedirore quẽne to bajirone yimasijñuju. ²⁰ To bajiro yicõari, masare ado bajiro gotimasijñuju ï: “Dios m̃uare ï yirotisere cãdiroti ñaja”, yimasijñuju Moisés ñamasir'i, mani ñicũare. ²¹ “Mani rãca ñagũmi Dios” ñna yirũcũb̃orivire quẽne ri'ine ṽejabate gumasiñuju Moisés. To yicõari, ti viaye ñase jedirore, to bajiro yimasijñuju. ²² To bajiro Dios ï rotimasire ñajare, vaibũcũ ñna sãr'i ri'ine ṽejabate gumasiñujarã ñna. To bajiro ñna yibetijama, ñnare ãvariquẽnabetiborimi Dios. To bajirone bajiyuja Cristore quẽne. Ñre ñna sãro, ï ri'i ti budibetijama, “Rojose mani yisere masiriobetiborimi Dios”, yimasijaja mani.

“Cristo ï rijabosare s̃orine, ‘Rojose mana ñaama’ manire yĩãũmi Dios”, yire queti

²³ To bajiri, Diore yir̄uc̄b̄uoriavij̄u ĩna s̄ajaroto r̄joro, ĩna ruj̄ure ĩna ye gajeyeũnire qūene, vaib̄uc̄r̄ã ri'ine yayebate gurotiyujarã mani ñic̄na. To bajiro yirotic̄õari, s̄ajarũgũmasiñujarã ĩna. To bajiro ĩna yijama, õ vecaj̄u ĩna bajiroti ũnire yirã bajimasiñujarã ĩna. To bajiboarine toj̄ama Dios ye masu ti ñajare, vaib̄uc̄u ri'i ĩna yayebate gurotire ũnirere yiro, r̄etro qūenagũ ĩ rijabosasere bojayuja. To bajiri, manire ĩ rijabosare ti ñajare, “Rojose mana ñac̄õari, Dios ya vij̄u s̄ajaruarãja mani”, yimasire ñaja. ²⁴ Cristo, manire rijabosac̄õari bero, tudicatic̄õari, adi macar̄uc̄roju Diore r̄uc̄b̄uoruarã, masa ĩna b̄uariavi mere, õ vecagavi Dios ya vij̄ure s̄ajasuju Cristo. To bajiri, ti vij̄u ñac̄õari, “Qūenaro ñato ĩna” yiḡu, manire s̄enibosac̄õa ñarũgũgũmi. ²⁵ Paia uju ñamasugũ adigodoaguma, toc̄arãca c̄umare cojojine, Dios ĩ ñarisõa v̄ame c̄uti s̄õare j̄ajarũgũmasiñuju, vaib̄uc̄u ĩ s̄iar'i ri'ire “Masa rojose ĩna yisere masirioya Dios”, ĩnare yibosagu. To bajiboarine Cristoj̄ama, õ vecaj̄u Dios ĩ ñarõj̄ure ejac̄õari, adigodoagu paia uju ĩ yimasiriarore bajiro yir̄u me, bajiyumi. ĩ masu ruj̄u ri'i s̄orine yir̄etobosac̄õari, Dios ñarisõaj̄ure j̄ajasuju. ²⁶ Adigodoagu paia uju ñamasugũ toc̄arãca c̄umane “Masa rojose ĩna yisere, masirioya Dios”, ĩnare yibosarũgũñuju ĩ. Cristo qūene, paia uju ĩ yirũgũmasiriarore bajiro ĩ bajijama, adi macar̄uc̄ro Dios ĩ rujeorij̄uj̄une, cojoji me manire rijabosac̄õa s̄oadiborimi. To bajiro me bajiyumi Cristo. Cojojine manire rijabosayumi, “Rojose mana ñaama” manire Dios ĩ yĩarotire yiḡu. ²⁷ Mani jediro cojojine bajirearona ñaja mani. Mani bajirearo bero, ĩ t̄uj̄u mani ejato, rojose yir̄are, to yic̄õari qūenase yir̄are ĩabeser̄uc̄mĩ Dios. ²⁸ Cojojine manire ĩ rijabosare ñajare, j̄ajarã ñaja mani rojose yibetiriarãre bajiro bajirã. Qūena Cristo, ĩ tudiejajama, “Rojose mani yisere masirioato Dios” yiḡu, me ejar̄uc̄mĩ. “Manire rijabosayumi” yit̄õarãj̄ure juaguagu bajir̄uc̄mĩ.

10

¹ Moisés ñamasir'ire Dios ĩ roticũmasirej̄ama, “Rojose ĩna yisere ĩnare masiriojeor̄uc̄ja ȳu”, ĩ yire me ñañuja. Beroju bajirotire bajĩ r̄joro c̄utise ñañuja. To bajiro bajijare, toc̄arãca c̄umane vaib̄uc̄r̄ãre s̄iac̄õari, “Rojose ȳu yisere ȳure masirioato Dios” yirã ĩna soem̄orotiboajaqūene, “Rojose mana ñaama”, ĩnare yĩabesuju Dios. ² Vaib̄uc̄r̄ã ĩna soem̄orotise s̄orine, “Rojose mana ñaama” r̄emoj̄une Dios ĩ yĩac̄õajama, “Tudi rojose ȳu yisere masirioato Dios”, yibetiboriarãma. ³ Vaib̄uc̄r̄ã rii ĩna soem̄orũgũse toc̄arãca c̄umane rojose ĩna yirũgũrere t̄õarotire yiro bajaiaja. ⁴ Vaib̄uc̄r̄ã rii ĩna soem̄osema rojose masa ĩna yisere, masiriose me ñaja.

⁵ Vaib̄uc̄r̄ã ri'i, ĩna soem̄oboajaqūene, rojose ĩna yisere Dios ĩ masiriobetijare, adi macar̄uc̄roj̄ure ĩ vadiroto r̄joro, ado bajiro Diore gotiyuju Cristo:

“Masa vaib̄uc̄u rii ĩna soem̄osere bojabeaja m̄u. To bajiri, ‘Masare bajiro ruj̄u c̄utiḡu ñato’ yiḡu, ȳure c̄õañã m̄u.

⁶ ‘Rojose mani yisere masirioato Dios’ yirã, vaib̄uc̄u rii ĩna soem̄orotiboasere qūene ĩvariqūenabeaja m̄u.

⁷ To bajiri, ado bajiro m̄ure yaja ȳu: ‘Adone ñaja ȳu. M̄u bojasere yir̄u masa t̄uj̄u vac̄u yaja. “To bajiro bajir̄uc̄mĩ” m̄u ocare masa ĩna yucacatore bajirone yir̄u, bajaiaja’”, Diore ĩre yiyuju Cristo, masare ĩ rijabosarotire yiḡu.

⁸ Qūena, tirene m̄ure gotiaja ȳu. “ ‘Rojose mani yisere masirioato Dios’ yirã, vaib̄uc̄u rii ĩna soem̄orotiboasere ĩvariqūenabeaja m̄u, m̄u roticũcati ti ñaboajaqūene”, Diore yiyuju Cristo. ⁹ Qūena ado bajise yiyuju Cristo: “M̄u bojasere yir̄u masa t̄uj̄u vac̄u yaja ȳu”, ĩre yiyuju. To bajiro ĩ yijama, ado bajiro ĩre yiḡu yiyuju: “Tir̄ãm̄uj̄u Moisére m̄u roticũcatire yit̄jac̄õari, mamej̄ure masa ĩna ajise s̄ori qūenaro ĩnare m̄u yibosarotire bojagu bajaiaja ȳu”, ĩre yiyuju. ¹⁰ To bajiri Dios ĩ rotiriarore bajirone yiḡu, cojojine manire rijabosayumi. To bajiro ĩ bajire ñajare, rojose mani yisere masirioac̄õari, “Rojose mana ñaama”, manire yĩagũmi Dios.

11 Jud'io masa, paia, tocārācarūmarine ĩna ye moare ñajare, “Rojose ĩna yisere masirioato Dios” yirā, cojoji me vaibucurā riire soem̃orūgūrāma ĩna. To bajiro ĩna yiboajaquēne, rojose ĩna yisere, masiriose me ñaja. To bajiri rojose ĩna yisere masiriobecūmi Dios. 12 Jesucristo, cojojine manire rijabosacōari bero, rojose mani yisere yirētosajeocōagū ñari, Dios ĩ rotiñaroju rucub̃oriajare rujiyuju ĩ. 13 “Mure terā ñajediro rotigu ñarucuja m̃”, yiyuju Dios. To bajiri, “To bajiro yirucuja” Dios ĩ yirere yuñagūmi Cristo. 14 To bajiri, Cristo cojojine manire ĩ rijabosare ñajare, “Rojose mana ñaama”, manire yīagūmi Dios. To bajiro ĩ yijare, “Ñajediro rojose mani yirere, mani yirotire quēne, manire yirētosajeocōañumi Cristo”, yimasijaja mani. 15 Dios ocare masa ĩna ucamasire s̃orine ado bajise manire gotiami Esp'iritu Santo:

16 “To bajiri, ĩnare mame yu vasoaroti, ado bajiro bajiruroja: “Yu masise s̃orine yu rotisere t̃oĩamasiruarāma”, ĩnare yirucuja yu. To bajiro yu yisere bojarā ñari, quēnaro yirūgūruarāma’, yami Dios mani uju.

17 “ĩnare ĩamaicōari, rojose ĩna yisere yu masiriojama, “Rojose yiriarā ñaama”, juaji ĩnare yit̃oĩabetirucuja yu’, yami Dios”, yigotijaja Dios ocare masa ĩna ucamasire.

18 To bajiri rojose mani yisere Cristo manire ĩ yirētosajeore ti ñajare, rojose mani yisere tudit̃oĩabetirucūmi Dios. To bajiri, no yirā vaibucu riire soem̃omenaja mani.

“Diore quēnaro ajitirūñurūgūruarāja mani”, yire queti

19 To bajiri, Jesús, manire rijabosacōari, rojose mani yisere yirētosar'i ñari, õ vecaju manire sēnibosa ñagūmi. To bajiri güimenane Diore sēnito mani. 20 Tirāmujuma Diore yirucub̃oriaviju sudigasero yotoriario ñañuju ti, “ ‘Dios ĩ ñarisõa’ vāme cuti sõare jājamasibeamasa masa” yīoriju. To bajiro ti bajijare, ĩna masune Diore sēnimasimena ñari, paia uju ĩ sēnibosare bojarūgūmasiñujarā ĩna. Yucurema Cristo manire ĩ rijabosare ti ñajare, no mani bojarijune mani masune Diore sēnimasijaja mani. 21 Cristo sīgūne ñagūmi ñamasugū manire sēnibosagu. To bajiro yīñagūmi õ vecaju Dios ya viju ñacōari. 22 To bajiri, tocārācagine, “ĩ bojarore bajirone yirujaja” yirā, Diore sēnirūgūruarāja mani. “Cristo s̃orine manire ĩvariquēnagūmi Dios” yit̃oĩa t̃ujamenane ĩre sēnirūgūruarāja mani. To bajiro ĩre yisēnirāne, “Rojose ñaja manire”, yit̃oĩabetiruarāja mani, Dios, “Rojose mana ñaama” manire ĩ yīañajare. “Manire rijabosayumi Jesús” yirā, oco rāca ĩna bautizacana ñaja mani. 23 Cristo oca mani buesucotire ajitirūñu t̃ujabetiruarāja mani. “Quēnaro m̃are yirucuja” Dios manire ĩ yirere t̃oĩat̃ujabetiruarāja mani, “Yirucuja” ĩ yirore bajiro yigu ĩ ñajare. 24 Mani rācanare ĩamaicōari, quēnaro gotiruarāja mani, “ĩna quēne gājerāre ĩamaicōari, variquēnase rāca ĩnare ejarēmoato” yirā. 25 Cristore ajitirūñurā ñari, rējarūgūroti ñaja, manire. Gājerā rējarūgūboariarā ĩna rējatujarore bajiro bajibetiroti ñaja, manire. Rējacōari, “Cristore ĩre ajitirūñu t̃ujamenasa” yirā, quēnaro gāmerā gotirūgūruarāja mani, “Yoaro me ejaruroja rojose yirāre Dios ĩ ĩabeserirūm̃u” yimasirā ñari.

26 Cristo ocare masiriarā ñaboarine, tire ajitirūñu t̃ujacōari, rojosejare mani yicōa ñajama, manire yirētosabetirucūmi Cristo. 27 To bajiri, rojose manire ĩ yirotire t̃oĩagūrā rīne, Dios masare ĩ ĩabeserirūm̃u ti ejaro, “Yu uju me ñaja m̃” ĩre yirā rāca rojose t̃am̃ot̃ujabetiriaroju vaborāja mani. 28 Tirāmujuma Dios ĩ rotimasirere sīgū tire ĩ c̃udibetijama, ado bajiro bajimasijaju: Juarā ñacōari, “Rojose yimi” ĩre yirā ĩna ñajama, ĩre ĩamaimenane, Dios ĩ rotiriarore bajirone yirā, ĩre s̃iamasiñujarā ĩna. 29 To bajiro bajimasire ti ñajare, yucurema mame ĩ vasoarere ajitirūñuriarā ñaboarine, “Dios macu me ñarimi Jesús; manire rijabosabetirimi” ĩna yijama, ĩnare maigū Esp'iritu Santore rojose ñagōrā yirāma. To bajiri buto rojose t̃am̃oruarāma. “Manire rijabosabetirimi Jesús” ĩna yise ti ñaboajaquēne, ĩ rijabosare s̃orine, “Rojose ĩna yisere masiriocōari, quēnaro yirucuja yu” masare Dios ĩ yimasiriarore bajirone bajiyuja. 30 Rojose ĩna yise vaja buto rojose ĩna t̃am̃orotire masijaja mani, Dios ado bajiro ĩ gotirere masa ĩna ucamasire ti ñajare: “Yune ñaja masa rojose ĩna yise vaja rojose ĩnare yirocu. Yu sīgūne riojo tire yimasigū

ñaja yu”, yigotiaja. Gajeye quêne, ado bajise gotimasiñumi Dios: “Yu ñaja yu yarã rojose ña yijama, ñare rojose yirocu”, yigotimasiñumi Dios. ³¹ Caticõa ñarũgũrocũ, Dios, rojose yirãre ñajũnisinicõari, rojose ñare ñ yiroti, gũiose masu ñarũaroja ti.

³² Dios ñ ejarẽmose rãca Cristore mua ajitirũnu suocature tuõĩamasiña mua. Ñre ajitirũnurã mua ñajare, gãjerã cojoji me mũare rojose yicama ña. To bajiro mũare ña yiboajaquêne, ñre ajitirũnucõa ñarũgũcaju mua. ³³ Masa ña ñaro rĩjorojuã mũare ajatud'icama ña. To yicõari, mua babarãre ña ajatud'iro ñacõari, “Yuã rãcana ñaama”, ñare yĩamaicaju mua.

³⁴ Cristore ajitirũnurãre ña tubiberiarãre quêne, “Yuã rãcana ñaama”, ñare yĩamaicaju mua. To bajiro yirã mua ñajare, rojose mũare yicama gãjerã. Cristore ajitirũnucana mua ñajare, gãjerã mua tũju ejacõari, mua gajeyeũnire emacama ña. To ña yiboajaquêne, Cristore ajitirũnurã ñari, “Dios ñ gotiriarore bajirone, ña emase rẽtoro quẽnase ñacõa ñarotire bũjarũarãja mani, Dios ñ ñarõjuã”, yivariquẽnacaju mua. ³⁵ To bajiro mua yitũõĩacatore bajirone bajirũaroja. To bajiri, Cristore ñre ajitirũnu tũjabetirũarãja mua. ³⁶ Rojose tãmuõboarine, ñre ajitirũnucõa ñaña mua. To bajiro mua bajijama, Dios ñ bojarore bajiro yiriarã mua ñajare, Dios ñ gotiriarore bajirone õ vecaju quẽnaro mũare yirũcumĩ. ³⁷ To bajiro bajiroti ti ñajare, ado bajiro gotiaja Dios ocare masa ña ucamasire:

“Yu cõarocũ Cristo yoaro meaca ejarũcumĩ. ‘To cõrone ejarũcũja mu’ yu yiroticatore bajirone ejarũcumĩ.

³⁸ ‘Rojose magũ ñaami’ yu yĩavariquẽnagũ, ‘Ñ yirore bajiro yigu ñagũmi’ yure yitũõĩagũ ñari, bajirocacõari bero yu tũju quẽnaro ñacõa ñarũgũrocũ ñagũmi. To bajiboarine, yure ajitirũnu tũjagũrema, ñre ñaquẽnabetirũcũja yu”, yigotiaja Dios ocare masa ña ucamasire.

³⁹ To bajise Dios ñ gotimasire ti ñaboajaquêne, manijũama, Cristore ñre ajitirũnu tũjarona me ñaja mani. To bajiri, “Manire rijabosayumi Cristo” yitũõĩarã ñari, rojose tãmuõtũjabetiriarõju vabeticõari, Dios tũju quẽnaro ñacõa ñarũgũrona ñaja mani.

11

Diore mani ajitirũnu tũjabetiroti queti

¹ “Ñ yirore bajiro yigu ñagũmi” Diore ñre mani yitũõĩajama, ado bajiro bajiaja: “Mũare ñsirũcũja yu” manire ñ yijama, “Bũjarũarãja mani”, yitũõĩarõti ñaja. “To bajiro masu bajiaja” Dios ñ yijama, maji tire ñabetiboarine, “To bajirone bajiroja”, yitũõĩaja mani.

² Mani ñicũa to bajiro Diore ña tuõĩajare, ñare ñavariquẽnamasiniñumi Dios.

³ “Ñ yirore bajiro yigu ñagũmi” Diore ñre yitũõĩarã ñari, ado bajise yimasiaja mani: “‘Ruyuyaya’ Dios ñ yirore bajirone bajimasiñuju, adi macarũcũroaye, õ vecaye quêne”, yimasiaja mani. To bajiro ñ yire ti ñajare, ñ rujeoroto rĩjorojuã, manirũgũmasirere ñarũgũaja mani, adi macarũcũro ñasere.

⁴ “Ñ yirore bajiro yigu ñagũmi”, Diore ñre yitũõĩagũ ñamasiniñuju mani ñicũ Abel ñamasir'i. To bajiro Diore tuõĩagũ ñari, ñre rũcũbuõgu, Dios ñ bojarore bajiro yigu, vaibũcũre soemũomasiniñuju. To bajiro ñ yijama, ñ gagũ Ca'ĩn rẽtoro quẽnaro Diore rũcũbuõgu yimasiniñuju. To bajiri, Diojuama, “Rojose magũ ñaami”, ñre yĩamasiniñuju Dios. Abel ñamasir'i tirãmũju ñ bajirocare ti ñaboajaquêne, ñ yimasiriarore bajiro mani quêne Diore mani rũcũbuõguajama, Dios ñ bojarore bajiro yirũcũbuõroti ñaja manire.

⁵ “Ñ yirore bajiro yigu ñagũmi”, Diore ñre yitũõĩagũ ñamasiniñuju Enoc ñamasir'i quêne. To bajiro Diore tuõĩagũ ñ ñajare, “Yu bojarore bajiro yigu ñaami” ñre yĩavariquẽnagũ ñari, ñ bajirocabetone, ñre ñamicoamasiniñuju Dios. To bajiri, ñre bũjabetimasiñujarã masa. To bajirone gotiaja Dios ocare masa ña ucamasire. ⁶ Ado bajiro tuõĩarã ñari, Diore sẽnijaja mani: “Dios ñagũmi” yimasicõari, “‘Yure ejarẽmoña’ ñre yisẽnirãre quẽnaro yami” yitũõĩarã ñari, sẽnijaja mani. To bajiro mani yijama, “Ñ yirore bajiro yigu ñagũmi” Diore yirã yaja. “Ñ yirore bajiro yigu ñagũmi” Diore ñre mani yitũõĩabetijama, manire ñavariquẽnabecumi Dios.

7 “Ī yirore bajiro yigū ñagūmi”, Diore ĩre yituoĭagū ñamasiñuju Noé ñamasir'i quēne. Ado bajiro ĩre yimasiñuju Dios: “Masa ñajedirore ruureajeocōarucġa yu. To bajiri, cūmua jairica quēnoña mu, ‘Rujarobe’ yigū”, ĩre yimasiñuju Dios. To bajiro ĩ yijare, bajiro tire masibetiboarine, “Ī yirore bajiro yigū ñagūmi” Diore ĩre yituoĭagū ñari, ĩ gotirore bajirone yigū, cūmua jairicare quēnomasiñuju Noé. To bajiri ĩ yarā rāca Noé ĩ rujaborotire ĩnare yirētosamasiñuju Dios. To bajiboarine, gājerārema ĩ rācana ñaboariarāre, “Ī yirore bajiro yigū ñagūmi Dios” yituoĭamena ĩna ñajare, ĩnare yirētosabetimasiñuju Dios. Noéjuarema, “Ī yirore bajiro yigū ñagūmi” yare yituoĭagū ĩ ñajare, “Yu ĩavariquēnarā rācagū ñaami, ĩ quēne”, Noére ĩre yimasiñuju Dios.

8 “Ī yirore bajiro yigū ñagūmi”, Diore ĩre yituoĭagū ñamasiñuju Abraham quēne. To bajiri, “Mu ñarimacare to cōrone vaveoya mu. Mu ñaroti sitare mare uxorucġa yu”, ĩre yimasiñuju Dios. “Ī yirore bajiro yigū ñagūmi” Diore ĩre yituoĭagū ñari, Dios ĩ rotisere ajicōari, vacoamasiñuju ĩ, ĩ ñarotire masibetiboarine. 9 Gājerā ye sita ti ñaboajaquēne, “Adi sita mare uxorucġa” Dios ĩre ĩ yire ñajare, “Ī yirore bajiro yigū ñagūmi” Diore ĩre yituoĭagū ñari, cojojū me viriaca buacōari, ñacudirūgūmasiñuju Abraham. ĩ bajimasiriarore bajirone ñacudimasiñujarā ĩ macu Isaac, ĩ jānami Jacob quēne “Adi sita mare uxorucġa yu” Dios ĩnare ĩ yire ñajare. 10 To bajiboarine, variquēnagū ñacudimasiñuju Abraham, “Ō vecajū Dios ĩ quēnoría macare quēnaro ñacōa ñarūgūrucġa yu” yituoĭagū ñari.

11 To bajicōari, Abraham manajo Sara, bucuo rīa magō ñamasiñuju so. ĩ quēne bucu ñamasiñuju. To bajiboarine, “Ī goticatore bajirone yirucūmi Dios” yituoĭagū ñari, Dios ĩ ejarēmojare, macu cutimasiñujarā ĩna. 12 To bajiri, “Bucuoacoar'i ñaboarine, macu cuticōari, jājarā jānerabatía cutirocu ñamasiñumi. Jājarā ñocōa ñarāre, mani cōĭajeobetore bajiro, to yicōari, jare mani cōĭajeobetore bajiro jājarā jānerabatía cutirocu ñamasiñumi Abraham”, yimasíaja mani.

13 Abraham, Isaac, Jacob quēne, “Ī yirore bajiro yigū ñagūmi”, Diore ĩre yituoĭariarā ñamasiñujarā ĩna, ĩna catiñaro cōrone. Dios ĩ gotiriarore bajiro ĩnare ĩ yibetiboajaquēne, “Ī yirore bajiro yigū ñagūmi”, ĩre yituoĭacōa ñamasiñujarā ĩna. “Yu bajiro caro berojū yare ĩ goticatore bajirone yare yirucūmi”, yituoĭarā ñamasiñujarā ĩna. To bajiro bajirā ñari, “Mare uxorucġa yu” Dios ĩ yire sitajū ñacudiñarā, ti sitanare ado bajise ĩnare gotimasiñujarā ĩna: “Adi sitajure yoaro ñabetiruarāja yu”, ĩnare yigotimasiñujarā ĩna. 14 To bajise ĩna yijama, “Gajeye sita ĩna ñacōa ñarotire tuoĭarā yiriarāma ĩna”, yimasíaja mani.

15 ĩna vadiveoria sitare tuoĭarā ĩna yijama, quēna ti sitajure ñarā, tudicoaboriarāma ĩna. 16 To bajiro ĩna tuoĭajama, ĩna vadiveoria sita tuoĭarā me yiyuma. ĩna vadiveoria sita rētoro quēnari sita ō vecajū Dios ĩ ñarojū varua tuoĭarā yimasiñujarā ĩna. To bajiro tuoĭarā ĩna ñajare, “Yune ñaja ĩna rucubogū; yu yarā ñaama ĩna”, yivariquēnamasiñuju Dios. To bajiro yigū ñari, ĩna ñaroti macare ĩnare quēnobosayumi.

17-18 “¿‘Socu mene ĩ yirore bajiro yigū ñagūmi’ yare yituoĭagū ñati?” yimasirū, ĩre rucuborā, vaibucare ĩna soemuariorore bajiro yigū, ĩ macu sīgū ñagūre sĭarotimasiñuju Dios. “Isaac suori jājarā jānerabatía cutirucġa mu” Dios ĩ yire ti ñaboajaquēne, “Mu rotisere yibetirucġa”, yituoĭabetimasiñuju. 19 “Bajireariarāre ĩnare tudicatiomasigū ñagūmi Dios” yituoĭagū ñari, “Yu macure yu sĭacōajaquēne, catiocōarucūmi” yituoĭagū ñari, ĩre ĩ sĭaguadijune, “ĩre sĭabeticōaña” Dios ĩ yijare, ĩre sĭabetimasiñuju. To bajiro ĩ yire ti ñajare, “Rijacoaboarine, tudicatigūre bajiro ĩre ĩamasiñuju Abraham”, yimasíaja mani.

20 “Ī yirore bajiro yigū ñagūmi”, Diore ĩre yituoĭagū ñamasiñuju Isaac ñamasir'i quēne. To bajiro Diore tuoĭagū ñari, ĩ rĭare ado bajiro ĩnare gotimasiñuju, Jacob, Esaúre quēne: “Ī gotiriarore bajirone quēnaro mare yirucūmi Dios”, yimasiñuju.

21 “Ī yirore bajiro yigū ñagūmi”, Diore ĩre yituoĭagū ñamasiñuju Jacob ñamasir'i quēne. To bajiro Diore tuoĭagū ñari, ĩ bajiro caroto rĭjoro, ĩ macu José rĭare, “Quēnaro mare

yirucami Dios”, ĩnare yimasiñuju ĩ. Вүсү ĩnari, rügöťmabetiar'i ĩnaboarine, ĩ tueriу sуorine vүmүrүgöcöari, Diore rүсүbүomasiniñuju ĩ.

²² “Ī yirore bajiro yigү ĩnagүmi”, Diore ĩre yituoĭagү ĩnamasiniñuju Josę ĩnamasir'i quęne. To bajiro Diore tuoĭagү ĩnari, ĩ bajirocaroto rĭjoro, ĩ yaräre Israel ĩnamasir'i jänerabatiare ado bajiro ĩnare gotimasiñuju: “Adi sita Egipto sitare vaveoruaräma ĩna, mүa jänerabatia. ĩna vajama, yү göare juacöari, Canaán vame cuti sitajү yujeruaräma ĩna”, yimasiñuju.

²³ “Ī yirore bajiro yigү ĩnagүmi”, Diore ĩre yituoĭarä ĩnamasiniñujarä Moisés ĩnamasir'i jacү, ĩ jaco quęne. To bajiro Diore tuoĭarä ĩnari, Moisés ĩ ruyaro bero, idiarä muijua ĩre yayiocүomasiniñujarä ĩna, “Quęnagүaca sücare manire ĩsiami Dios” yirä. To bajiri egipcio masa eñү, Israel ĩnamasir'i jänerabatiare rĭamasa ümүare ĩ sĭarotiboajaquęne, ĩre güimena ĩnari, ĩ rotirore bajiro yibetimasiñujarä ĩna.

²⁴ “Yirucүja’ ĩ yirore bajiro yigү ĩnagүmi”, Diore ĩre yituoĭagү ĩnamasiniñuju Moisés ĩnamasir'i quęne. To bajiro tuoĭagү ĩnari, бүсүacү, Egipto sita eñү maco so masor'i ĩnaboarine, “Egipcio masare bajiro bajigү ĩnaami” masa ĩna yirүcүbүosere bojabetimasiñuju Moisés.

²⁵ Ado bajiro tuoĭagү ĩnari, tire bojabetimasiñuju ĩ: “Adi macarүcүrojү yү catiñaro cöro egipcio masa räca yү bojarore bajiro yү yijama, yү rijato berojү quęnabetoja ti. To bajiri Israel ĩnamasir'i jänerabatia Dios yarä räca baba cutirүcүja yү, egipcio masa yүre quęne rojose ĩna yiroti ti ĩnaboajaquęne”, yimasiñuju Moisés ĩnamasir'i. ²⁶ Ado bajiro tuoĭagү ĩnari, to bajiro yimasiñuju Moisés: “Egipto sitana ĩna cүose jairo vaja cuti rĕtoro ĩnamasuse ĩaja, Cristo ĩ ejaroti Israel ĩnamasir'i jänerabatia ĩna gotisejүama”, yituoĭacöamasiniñuju. To bajiri, “ĩna räca yү ĩajare, egipcio masa rojose yүre ĩna yiboajaquęne, quęnacöarүaroja”, yituoĭacöamasiniñuju Moisés. To bajiro ĩ tuoĭajama, ĩ rijato bero, “Cristo sүorine quęnaro yүre yirucami Dios” yituoĭagү yimasiñuju.

²⁷ Egipcio masa eñү ĩ jünisinisere güigү me, ti sitare vaveomasiniñuju Moisés. “Ī yirore bajiro yigү ĩnagүmi Dios” yituoĭagү ĩnari, Diore ĩre ĩabetiboarine, ĩ bojarore bajiro ĩ yirotire masicöari, vacoamasiniñuju. ²⁸ “Ī yirore bajiro yigү ĩnagүmi Dios” yituoĭagү ĩnari, Israel ĩnamasir'i jänerabatiare “Dios ĩ rotirore bajiro Pascua boserүmү yito mani” yigү, oveja sĭar'i ri'ire cojovi rүyabeto sojerire turotimasiñuju. Tire ĩamasicöari, Israel ĩnamasir'i jänerabatia ĩna rĭa cutisүoriaräre “Dios ĩ cöagү ängel, sĭagү säjabeticöato” yigү, yimasiñuju Moisés ĩnamasir'i.

²⁹ “Ī yirore bajiro yigү ĩnagүmi Dios”, yituoĭarä ĩnamasiniñujarä Israel ĩnamasir'i jänerabatia quęne. To bajiro Diore tuoĭarä ĩnari, Diore ajitirүnүcöari, moa riaga Oco Sүarisa vame cutiyare jęamasiniñujarä. Dios ĩ masise sүori “Riagare jęato” yigү, oco mano ĩ yibosajare, carari maare jęamasiniñujarä ĩna. To bajicöari, egipcio masa ĩnare tuoĭarä, sүyajęamasiboayujarä. ĩna jęaejabetone, ruureacöamasiniñuju Dios.

³⁰ To bajiro ĩna bajimasiriaro bero, Israel ĩnamasir'i jänerabatia Jericö vame cuti macare ĕmaruarä, ti macare ĩna matariacүni sүyarojүare ejacöari, cojomo cöro jүa jęnituariräcarүmүri rүja gänibiarүgүmasiniñujarä ĩna. To bajiro ĩna bajirone, “Ī yirore bajiro yigү ĩnagүmi Dios” yituoĭarä ĩna ĩajare, ti maca matariacүni cague vęjacoamasiniñuju ti. ³¹ Ti macago Rahab vame cutigo, ümүare ajeriarä cuticöari, vaja sęnigö ĩnaboarine, “Ī yirore bajiro yigү ĩnagүmi Dios”, yituoĭagö ĩnamasiniñuju so. To bajiri Israel ĩnamasir'i jänerabatia juarä ĩarudirimasa ejaräre quęnaro ĩnare yimasiñuju so. Quęnaro ĩnare yirio ĩnari, so ya macana Diore ajirүcүbүobetiriarä räca rijabetimasiñuju.

³² Jęre jairo mүare gotibү yү. Tire bajiro Diore tuoĭamasiriarä jediro ĩna bajimasirere yү ucajama, yoaro ucabogүja yү. Gedeón, Barac, Sansón, Jefte, David, Samuel, to yicöari, Diore gotirĕtobosariarä jediro ĩna bajimasirere quęne ucabogүja yү. ³³ ĩna quęne, “Ī yirore bajiro yigү ĩnagүmi Dios” yituoĭarä ĩnari, gaje sitana räca ĩna gämerä sĭajama, ĩnajүa rĭne, ĩnare sĭacöarүgүmasiniñujarä ĩna. Gäjeräma, quęnaro masare rotimasiñujarä ĩna, ĩna yaräre, “Quęnaro gämerä yato” yirä. Gäjeräma, rojose tämүorä ĩnari, “Yүare ejaręmoña”

yirã, Diore sēnimasiñujarã ñna. To ñna yijare, ñ gotiriarore bajirone ñnare ejarēmomasiniñuju Dios. Gãjerãrema, “Ñ yirore bajiro yigũ ñagũmi” Diore ñna yitũoñajare, “Yaia, león vãme cutirã ñnare babeticõato”, yiyumi Dios. ³⁴ Gãjerãma, jeame buto ãjuroju ñna reatñiararã ñnaboarine, ñ abetimasiniñujarã. Gãjerãma, ñnare ñaterimasa jariaseri rãca ñna sñaruasere ñacõari, rudimasiniñujarã. Gãjerãma, tñmabetiboariarãne, Dios ñnare ñ ejarēmojare, tñmarã ñnacoasujarã ñna. To bajiri, ñnare ñaterã sñarã ejarãre ñnajũa rñne sñareacõarũgũmasiniñujarã. ³⁵ Rõmia quēne, “Ñ yirore bajiro yigũ ñagũmi” Diore ñre yitũoñarã ñnari, bajireacoanare Dios ñ masise sũori ñ catorãre yarã cutiyujarã.

Gãjerãma, “Ñ yirore bajiro yigũ ñagũmi Dios” yitũoñarã, ado bajiro bajiyujarã: ñnare ñaterimasa ñnare ñejecõari, “Dios ocare mũ ajitirũnu tujabetijama, mũre sñaruarãja yũ”, ñnare yigotiyujarã ñna. To bajiro ñna yiboajaquēne, “Ñ yirore bajiro yigũ ñagũmi Dios” yirã, ñnare gũimenane, ado bajiro tũoñañujarã ñna: “Ñna sñacõajaquēne, tudicaticõari, Dios tujũ rētoro quēnaro ñnaruarãja mani”, yitũoñamasiniñujarã ñna. To bajiro yirã ñna ñajare, ñnare sñacõañujarã. ³⁶ Gãjerã quēne, “Ñ yirore bajiro yigũ ñagũmi Dios” yitũoñarã ñnari, ado bajiro rojose tãmũoñujarã ñna: ñnare ajatud'icõari, ñnare bajeyujarã. Gãjerãrema, ñna ãmorijũ cõmemarine siacõari, tubibecũñujarã ñna. ³⁷ Gãjerãrema, gũtane ñnare reasñañujarã. Gãjerãrema, ñna rujũ gũdarecone yijetasñacõañujarã. Gãjerãrema, jariaseri rãca ñnare saresñacõañujarã ñna. Gãjerãma, sudi manijare, vaibũcũgasene sãñañujarã. To bajicõari ñna ñaroti maca bũjamenane, maioro rojose yiecocudirũgũñujarã ñna. ³⁸ “Ñ yirore bajiro yigũ ñagũmi Dios”, yitũoñarã ñañujarã ñna. Dios ñ ñamairã ñnaboarine, gãjerã ñna ñaterã ñnari, ñna ñaroti bũjamenane masa manojũ, gũtayucũri vatoajũ gũtavirijũ ñnacudiyujarã ñna.

³⁹ Rojose tãmũoriarã mũare yũ gotirã, jediro ñañujarã “Ñ yirore bajiro yigũ ñagũmi Dios” yitũoñariarã. To bajiro Diore tũoñarã ñnari, “Manire ñavariquēnagũmi Dios”, yitũoñañujarã ñna. To bajise tũoñarã ñnaboarine, nijũane “Quēnaro yirũcũja yũ” Dios ñ yirere yiecobesuma maji. ⁴⁰ ñna tũoñase rētoro quēnase ñ yirũajare, to bajiro bajiyuma maji. To bajiri, yucũrema, mame Dios ñ vasoase ñajare, ñnare, manire quēne, “Rojose mana ñaama”, yũagũmi Dios.

12

“Cristore ajitirũnũcõa ñnarũgũrũarãja mani”, yire queti

¹ To bajiro mani ñicũa ñna bajirere mani ajijama, “ Ñ yirore bajiro yigũ ñagũmi’ Diore ñre yitũoñacõari, quēnaro ñre ajitirũnũñuma ñna”, yimasajaja mani. To bajiri josase ti ñnaboajaquēne, mani quēne, Diore ajitirũnu tujabeticõato mani. Mani tũana rojose manire ñna yirotijama, ñnare cũdibetirũarãja mani, “Ñna sũori Dios ñ bojabeti yirobe” yirã. Jesucristo, adigodoju ñagũ Diore ñ ajitirũnũriarore bajiro mani quēne Diore ajitirũnũcõa ñnarũgũrũarãja. ² Cristore tũoñatũjabetiroti ñaja manire. ñne ñnaami mani tũoñamasirotire cõagũ. To bajiri, manire ñ ejarēmojare, “Ñ yirore bajiro yigũ ñagũmi Dios”, yitũoñañujarã ñna. Yucũtērojũ masa ñre ñna jajuturo, buto rojose tãmũogũ ñnaboarine, Dios tujũ quēnaro ñ ñarotijũare tũoñagũ ñnari, ñre ñna yirotire, “Yibeticõato”, yibesumi. To bajiri manire rijabosacõari, yucũrema, õ vecajũ Dios ñ rotiñaroju ñ riojojacatũa rũcũbũoriajare rujigu ñagũmi.

³ Jesús adigodoju ñ ñaro, buto rojose ñre ñna yiboajaquēne, quēnasejuare yicõa ñañumi. To bajiri mani quēne, rojose tãmũorã ñnaboarine, quejemenane, quēnasejuare yicõa ñnarũgũroti ñaja. ⁴ Jesucristo rojose ñ tãmũoriarore bajiro tãmũomenaja mũa maji. To bajiri, rojose tãmũorã ñnaboarine, ñacõarãja mũa. ⁵ Diore ajitirũnũrã ñnari, ñ rñare bajiro bajirãre, “Rojose tãmũorã ñnaboarine, ‘Ñ yirore bajiro yigũ ñagũmi’ yũre yitũoñañujarã ñna” yigũ, mũare gotimasioñumi. Tire masiritirãja mũa. Ado bajise gotiaja ti Dios ocare masa ñna ucamasire:

“Macu, ‘Ado bajirojua yiya’, mure yu yisere ajitebesa. Rojose tãmuogũ ñaboarine, yu bojarore bajiro yicõa ñaña.

⁶ Yune ña jacure bajiro bajigu ñari, yu mairãre, ‘Ado bajirojua mua yijama, quẽnaruroja’ ñare yirũgũaja yu”, yigotiaja Dios ocare masa ña ucamasire.

⁷ To bajiri, rojose tãmuoboarine, “Í yirore bajiro yigu ñagũmi Dios”, yituoia tujabesa mua. Rojose mua tãmuose suorine quẽnaro mure í yirore masiogũ yigumi Dios. Sĩgũ í rĩare í gotimasiorore bajiro yigu, yigumi Dios, “Yu bojarore bajiro yirã ñato” yigu. Rĩa cutirã jedirone, ña rĩare gotirũgũrãma. ⁸ To bajiri, Dios quẽne, “Yure ajitirũnrã ñari, yu rĩare bajiro bajirã ñaama” yigu, ñare gotimasiorũgũami Dios. To bajiro mure Dios í yibetijama, jacu manare bajiro ñaborãja mua. ⁹ Mani jacua, manire ña yirere tuoĩato mani. Rĩamasaca mani ñaro rojose mani yijare rojose manire yiriarãma ña, “Yu bojarore bajiro yirã ñato” yirã. To ña yirore ajirũcũbuoriarãja mani. To bajiri Dios quẽne, “Yure bajiro quẽnaro yirã ñato” yigu, rojose mani yijare, rojose manire í yijama, butobusa ñe ajirũcũbuoroti ñaja manire. Ñe mani ajirũcũbuojama, mani rijato bero, tudicaticõari, í rãca quẽnaro ñacõa ñarũgũrãrãja mani. ¹⁰ Mani jacua, ña gotimasiojama, ña yimasiro cõro manire gotimasioriarãma ña. Diojuma, masijeogu ñari, “Ado bajirojua ña yijama, quẽnaja”, yimasigũ ñagũmi. To bajiro yigu í ñajare, yucurema rojose tãmuoboarine, quẽnaro ñe mani ajirũcũbuo tujabetijama, ñe bajiro quẽnaro yirã ñaruarãja mani. ¹¹ Rojose mani yise vaja “Rojose tãmuoato ña” yigu, Dios rojose manire í yijama, sutiritirãja mani. Rojose mani tãmuosere tuoĩacõari, “Ado bajise manire yimasioigũ yigumi Dios” mani yituoĩamasijama, í bojarore bajiro yiroti ñaja. To bajiro mani yijama, quẽnaro ñaruarãja mani.

“Dios ocare mani ajitirũnu tujajama, gũiose ñaja”, yire queti

¹² To bajiri, “Dios manire í gotiriarore bajirone quẽnaro yirucumi” mua yituoia suocatore bajiro yituoiaña mua quẽna. Tire tuoĩacõari, mua yimasiro cõrone Diore quẽnaro ñe ajitirũnuña mua, “Ñajediro Dios í gotiriarore bajirone quẽnaro manire yato” yirã. ¹³ To bajiri, Dios í bojasere yiruarã, quẽnaro tuoiaña mua. Quẽnaro tuoĩacõari, í bojarore bajiro mua yijama, mua babarã quẽne Cristore butobusa ajitirũnrũarãma ña.

¹⁴ Mua jediro, quẽnaro gãmerã yirũgũrãrãja mua, “Quẽnaro ñacõari, butobusa Dios í bojarore bajiro yirã ñato mani” yirã. To bajiro mua yibetijama, Diorãca quẽnaro ñabetiruarãja. ¹⁵ Mua rãcana ñajedirore quẽnaro ejarẽmorũgũrãrãja mua, “Cristo suorì Dios quẽnaro manire í yisere, ‘Socase ñaja’ yituoĩaroma ña” yirã. Socase yigu í ñajama, “Í suorine Dios ocare ajitirũnu tujacõari, ñuare ajisuyaroma” yirã, quẽnaro gãmerã ejarẽmorũgũña. ¹⁶ To yicõari, “Gãmerã ajeriarã cutiroma” yirã, mua rãcanare quẽnaro gotiruarãja mua. Esaú ñamasir'ire bajiro yibeticõaña mua. Í gagu ñaboarine, bare barune, “Yure mu ecajama, mu bedire bajiro bajirucuja yu”, ñe yimasinũju. To yicõari, “Mani jacu í rijaroto rĩjoro, ‘Yu macu ñasuogu ñaami’ í yirocu ñarucuja mu. To í yirocu ñari, ‘Quẽnaro yirucuja’ Dios í yirere yiecorocu ñarucuja mu”, yimasinũju Esaú, í bedire. ¹⁷ “Dios ocare ajirũcũbuobecu ñañumi”, ñe yimasiaja mani, ado bajiro ña bajimasire ñajare: Í jacu í bajirocaroto rĩjoro, “Í gagu ñaja mu. To bajiri quẽnaro mure yirucumi Dios”, í jacu í yisere ajirũcũbuobecu Esaú. “Jẽre mu bedire ñe gotiyuja yu” í yisere ajicõari, buto otiboarine, “Quẽnaro yirucuja” Dios í yirere bujabetimasinũju Esaú.

¹⁸ To bajiri, mame Dios í vasoasere ajirũcũbuorã ñari, muama, mani ñicua ña ñamasire ñnire ñabesuja mua. Ñama, gũtañu ñacudir'ì Moisés í rojaejaro bero, gũtau ti ñjusere ñañuma. To bajicõari ti buesene rãtiacõamasinũju. Buto bujo quẽne jamasinũju. To bajicõari, mino buto vamasinũju. ¹⁹ To bajiro ti bajirone, jutiria trompeta vãme cutia busisere ajicõari, buto gũimasinũjarã ña. To bajicõari, Dios í ocaruyusere ajimasinũjarã ña. Tire ajigũicõari, to cõrone í ñagõtũjasere bojamasinũjarã ña. ²⁰ Dios í rotirere no bajiro yimasibetica yirã, “To cõrone ñagõtũjato”, ñe yimasinũjarã. Ado bajiro ñare rotimasinũju Dios: “Sĩgũ masu,

to yicōari, vaibucu ūgū quēne gūtaure ĩ cūdajama, gūtane reasīacōaroti ñaja”, yimasiñuju. ²¹ ĩna ĩamasire bato gūiose ti ñajare, Moisés ñamasir'i quēne, “Gūigu, nanaja yu”, yimasiñuju.

²² Mani ñicua ĩna bajimasiriarore bajiro bajirā me ñaja mūama. To bajiri, ō vecaju ñaricu gūtau joeju ñarimaca Jerusalén vāme cuti macaju Dios ñacōa ñarūgūgū ya macaju ñarāre bajiro bajiaja mūa. To bajicōari, Dios tuana jājarā ángel mesa rējacōari, Diore ĩna rucuburoju ñarāre bajiro bajiaja mūa. ²³ To bajicōari, “Ado cōro ñaama yu rāca ñarūgūrona” Dios ĩ yucaturiarā ñari, ĩ taju ñarā rāca rējarāre bajiro bajiaja mūa quēne. Masa ñajedirore ĩabeserocu tajuere gūimenane ejarāre bajiro bajiaja mūa. Rojose yiriarā ñaboarine, Jesúre ajitirānariarā ĩna ñajare, ĩ taju ĩna ejaro, “Rojose mana ñaja mūa” Dios ĩ yīariarā rāca ñarāre bajiro bajiaja mūa quēne. ²⁴ To bajiri, Jesús taju ejarona ñaja mūa. ĩne ñaami, “ ‘Mame oca mūare vasoarucuja yu’ Dios ĩ yiriarore bajiro bajiato” yigu, manire rijabosar'i. To bajiri, ĩ ri'i suorine, “Rojose mana ñaama”, manire yīañumi Dios. To bajiboarine tirūmaju, Abel ñamasir'i ĩ sīacomasirejuama, “Ĭ ri'i suorine ‘Rojose mana ñaama’ masare Dios ĩ yīaroti me ñamasīñuja”, yimasiaja mani.

²⁵ To bajiri Cristo ĩ rijabosare suorine mame oca Dios ĩ vasoarere ajitirānuroti ñaja. Moisés ñamasir'ire Dios ĩ roticūmasirere cojoji me ĩna cūdibetijare, rojose ĩnare yirūgūmasiñuju Dios, “Yitajacōari, yu bojasejūare yato ĩna” yigu. To bajiro ĩ yimasire ñajare, mame ĩ vasoasere quēne mani ajibetijama, “Rojose manire yirucumi”, yimasiaja mani. ²⁶ Gajeyerema tirūmaju mani ñicua ñamasiriarāre gotigu, sita nuraroju ñagōmasiñuju Dios. ĩcare masa ĩna ucamasire quēna ĩ yirotere ado bajiro gotiaja: “Quēna yinurojama, adi macarucuroaye, ō vecayere quēne yinurobotarucuja yu”, yigotiaja, Dios ocare masa ĩna ucamasire. ²⁷ To bajiro quēna Dios, “Yirucuja” ĩ yirere mani ajijama, “Adi macarucuro ñase jediro ĩ rujeore reajeocōarucumi”, yimasiaja mani. Rēmojune “Yayibetiraroja” ĩ yirujeore rīne ruyararoja ti. ²⁸ To bajiri socase me ti ñajare, “Diore ajitirānariarā ĩna bajireajama, ĩ rotiñaroju ĩna caticōa ñarotire yigu, ĩ catisere ĩsiriārā ñari, ĩ rāca ñarūgūrārāma”, yimasiaja mani. To bajiro mani bajiroti ti ñajare, Diore rucuburoā, “Quēnaro yūare yaja mū”, ĩre yisēnito mani. To yicōari, ĩ bojarore bajiro yirūgūto mani, “Manire ĩajūnisinicōari, rojose manire yiromi” yirā. ²⁹ ĩ bojabeti yirāre rojose yigu ĩ ñajare, ĩ bojarore bajiro yiroti ñaja manire.

13

“Ĭavariquēnato Dios” yirā, quēnaro mani yiroti queti

¹ To bajiri adi mūare gotitusaja yu: Ado bajiro yīñaña mūa, “Manire ĩavariquēnato Dios” yirā. Cristo yarā ñari, gāmerā ĩamaitujabesa mūa. ² Gajeroana mūa masimena Cristore ajitirānurā mūa tu ĩna ejajama, quēnaro ĩnare yiruarāja mūa. Mani ñicua quēne, gajeroana ĩna masimena ĩna ejaboajaquēne, quēnaro ĩnare yirūgūmasiñujarā ĩna. To yirā ñari, cojojirema ángel mesare “Dios ĩ cōariarā ñarāma” yimasibetiboarine, quēnaro yimasiñujarā ĩna.

³ Gājerā Cristore ajitirānurāre tubibe ecorāre masiritibesa mūa. Mani quēne mani tubibe ecojama, “Quēnabetoja” yitūōārā ñari, ejarēmoña. Gājerāre quēne, rojose ĩnare ĩna yijama, mūa quēne ĩna rāca rojose tāmuroāre bajiro ĩnare ĩamaicōari, ejarēmoña mūa.

⁴ Gāmerā mūa bojasere quēnaro rucuburoti ñaja. Manajo cutirā, manaju cutirā, manajo mana, manaju mana quēne gājerā rāca ajeriarā cutibesa. To bajiro mūa yijama, “Rojose tāmuroarāma”, mūare yirucumi Dios.

⁵ Jairo gājoa suorā tūōābesa mūa. Mojoroaca suorā ñaboarine, “Ĭere ñacōaja”, yitūōācōaña mūa. Ado bajiro Dios ĩ yirejūare tūōāña: “Mūre vaveobecune, mū rāca ñacōa ñarūgūrucuja yu”, yiyumi Dios, manire. ⁶ To bajiro ĩ yirere mani ajijama, “Socu me yiyumi” yimasicōari, Dios oca ti gotirore bajiro ado bajiro yimasiaja mani:

“Dios ñaami rojose yu tãmuro, yure ejarẽmogũ. To bajiro rojose yure yirãre güibeaja yu”, yaja mani.

⁷ Cristo ocare mware gotimasiosuocana ñna bajicatire masiritibesa mwa. “Í yirore bajiro yigu ñagũmi Cristo” yituoĩarã ñari, ñre ajitirũnu tujamenane, bajireacoacama ñna. Ñna bajicatore bajiro, Cristore ajitirũnu tujabesa mwa quẽne.

⁸ Jesucristo ñagũmi tuoĩavasoabecu, cojojire bajiro quẽnaro yirũgũgũ. To bajiri mware gotimasiosuocanare quẽnaro ñnare ejarẽmor'i, manire quẽne to bajirone ejarẽmocõa ñarũgũrucumi. ⁹ Mware ñna gotimasiosuocatire bajiro me, ricati ñna gotimasiosere ajitirũnubeticõaña mwa. Ado bajiro mware gotirũgũrãma ñna: “ ‘Babetiruarãja mwa’ mani ñicua ñamasiriarã ñna yimasirere mwa ajirũcubuoajama, quẽnaja”, mware yirãma ñna. To bajiro mware ñna yigotise me, ado bajiro mwa yituoĩarũgũsejua ñaja quẽnase: “Dios manire ñamaicõari, manire ejarẽmorucumi” mwa yituoĩarũgũsejua ñaja quẽnase. To bajiro mwa tuoĩajama, butobusa í bojarore bajiro yirã ñarũtuarãja mwa.

¹⁰ Cristo manire í rijabosare suori Moisére Dios í roticũmasirore bajiro me bajiaja. Moisére Dios í roticũmasirere ajitirũnurã, rojose ñna yisere “Masirioato Dios” yirã, “Vaibucurã soemucõa ñaroti ñaja” yituoĩarã ñna ñajare, “Rojose mana ñaama”, ñnare yĩabecumi Dios. Manijwarema, vaibucu rii ñna soemucose ñnarene yigu, Cristo í rijabosare suori, “Rojose mana ñaama” Dios í yĩarã ñaja mani. ¹¹ Moisére Dios í roticũmasirere ajitirũnugũ paia uju ñamasugũma, vaibucu ñna sãr'i ri'i eoriabajare ñamisãjacumi, Dios í ñarisõa vãme cuti sõaju, “Rojose ñna yisere masirioato Dios” yigu. Í sãjatoye, vaibucu rujuwarema ti maca sojuaju ñmivacõari, soerocacõarãma ñna, ñre ñaterã ñari. ¹² To bajiro vaibucure ñna ñaterore bajiro bajiyumi Jesús quẽne. Jerusalén maca sojuaju yucãtẽroju jajusãa ecoyumi, rojose mani yisere manire yirẽtobosagu. To bajiro bajiyumi, “Rojose mana ñaama” manire Dios í yĩarotire yigu. ¹³ To bajiro Jesús í bajibosare ñajare, Moisére Dios í roticũmasirere ajitirũnurã rojose mware ñna yiboajaquẽne, tire ajirũcubuo tujacõari, mame Dios í vasoarejare ajitirũnuroti ñaja mware. ¹⁴ To bajiro bajiruarãja mwa, adigodoayere tuoĩabeticõari, “Dios í ñarimaca ñaja mani ñacõa ñarũgũroti maca” yituoĩarã ñari. “Adi macarucurojwarema manija mani ñacõa ñarũgũroti maca”, yimasirãja mwa. ¹⁵ To bajiri, Jesucristo í rijabosare suori, Diorãca mani ñacõa ñarũgũroti ti ñajare, vaibucurãre sãcõari, ñna soemucose ñnarene yirã, “Quẽnamasucõaja mwa” Diore yirũcubuo tujabetiroti ñaja, manire. ¹⁶ To yicõari, “Quẽnaro gãmerã yiroti ñaja manire” yirere masiritibeticõaña mwa. To yicõari, mwa tuana maiorõ ñna bajisere masicõari, mwa cuose ñnare ñisña. To bajiro mwa yijama, Dios í ñavariquẽnase yirã, yiruarãja mwa.

¹⁷ Mware ñmato ñarãre quẽnaro cudiya mwa. “ ‘¿No bajiro ñnare ñatirũnucati mwa?’ manire yisẽniãgũmi Dios” yimasirã ñari, tocãrãcarũmune, “Diorãca quẽnaro ñato ñna” yirã, mware ñatirũnurũgũrãma ñna. To bajiri, quẽnaro ñnare mwa cudijama, to bajiro mwa yisere, “Ado bajiro quẽnaro mware ajitirũnucama ñna”, Diore ñre yivariquẽnaruarãma ñna.

¹⁸ To bajiri, “Dios í bojarore bajirone yato í” yirã, Diore yure sãnibosaya. Dios í bojase jediro yirũgũaja yu. To bajiro yigu ñari, tuoĩarejaibecune ñacõaja yu. ¹⁹ To yicõari, yoaro mene quẽna mwa tu yu varotire yirã, yure sãnibosaya mwa, Diore.

“Quẽnaro mware yato Dios”, yire queti

²⁰ “Quẽnaro ñato ñna” yigu manire ejarẽmogũmi Dios. Ñne ñagũmi, mani uju Jesús manire í rijabosaro bero, ñre catior'i, ñre catiocõari, “Ovejare ñatirũnugũre bajiro, yu yarãre quẽnaro ñnare ñatirũnurucuja mwa” ñre yir'i. Jesús í rijabosare suorine, “Rojose ñna yisere masiriocõari, quẽnaro yirucuja yu” masare Dios í yimasiriarore bajirone bajiyuja. To bajiro í yise jedibetiruarõja. ²¹ Ado bajiro Diore mware sãnibosaja yu: “ ‘Mwa bojarore bajiro yato ñna’ yigu, ñnare ejarẽmoña mwa”, mware yisãnibosaja yu, Diore. “ ‘Jesucristo í ejarẽmose rãca quẽnaro yaja mwa’ yivariquẽnato” yigu, Diore mware sãnibosaja yu.

Quēnarētogū Cristo ĩ ñajare, “Quēnamasucōaja m̄”, ĩre yir̄uc̄b̄uo tajabetiroti ñaja, manire. To bajirone bajicōa ñarūgūato.

²² Mojoroaca m̄are papera ucacōaja ȳ. To bajiri, “B̄utob̄usa, ĩ yirore bajiro yiḡ ñagūmi’ Cristore ĩre yit̄uoīato ĩna” yiḡ, m̄are ȳ gotisere quēnaro tire ajimasiña m̄a, ȳ mairã. ²³ Mani maigū Timoteore ĩna tubiber’ire jēre ĩre bucōañujarã. To bajiri, yoaro mene ĩ ejajama, ĩ rãca m̄a taj̄ var̄uc̄ja ȳ.

²⁴ M̄are ũmato ñarimasa, to yicōari, m̄a rãcana Jesucristore ajitir̄an̄rã jediro, “Quēnato”. “Quēnato”, m̄are yama Italia sitana quēne.

²⁵ Dios, m̄are ĩamaigū ñari, quēnaro m̄are yato ĩ.

To cōro ñaja.

Carta de SANTIAGO

Jud'io masa, Jesucristore ajitirũnarãre, Santiago i ucacõare

¹ ¿Ñaboati mua, yu yarã, Jesucristore ajitirũnarã, jud'io masa? Adi papera rãca muare ucacõaja yu, Santiago. Mani jacu Dios, mani uju Jesucristo quẽne, ña bojasere yigu ñaja yu. Juaãmo cõro, gũbo jua jẽnituario masa jũnari ñaja mani, adi macarucũro jediro ñabatorã. Muare quẽnarotiaja yu.

“Diore mani sãnijama, i masisere manire cõarucumi”, yire

² Ajiya yu yarã, Jesucristore ajitirũnarã. Gãjerã, rojose muare ña yiboajaquẽne, sutiritimenane, variquẽnama. ³ Ado bajiro ti bajijare, “Variquẽnama”, muare yaja yu: “Rojose tãmũorã ñaboarine, Jesucristore mani ajitirũnacõa ñajama, rojose yirũaboarine, tire yibetirũarãja”, yimasirãja mua. ⁴ Rojose mua yibetire tũoĩavariquẽnacõari, beroju quẽna rojose tãmũorã, “Rojose yibetiroti ñaja” mua yirere masiritibeja mua. Tocãrãcãjine rojose tãmũoboarine, Jesucristore mua ajitirũnacõa ñajama, Dios i bojarore bajiro yirã ñarũarãja mua.

⁵ “¿No bajiro yu yirotere bojarojari Dios?” mua yitũoĩajama, ñe sãnina. “¿No yirã yure sãnĩati mua?” yigu me ñaami Dios. Ñe sãnirã jedirore, “Yu masisere ñare cõarucuja” yigu ñaami. To bajiri ñe mua sãnijama, mua masirotere muare ujobetirucumi. ⁶ Diore mua sãnijama, “Yu masirotere yure ujobetirucumi”, yitũoĩabesa. Diore sãnigũ, “Yure ujobetirucumi” yigu ñaboarine, “Yure ujobetirucumi” i yitũoĩajama, oco sabesere bajiro bajiroja i tũoĩase. Gajeroju sabe, quẽna gajeroju sabe, bajiñarore bajiro bajiroja i tũoĩaboase. ⁷⁻⁸ To bajiri, cojojũ ñamasibetore bajiro bajiroja, i tũoĩase. Jairo tũoĩagũ i ñajare, “Dios i bojarore bajiro yirucumi”, yimasiña manojã. “Ñe bajiro mani bajijama, mani sãnisere cõabetirucumi Dios”, yimasiña.

⁹ Maioro bajirã ñaboarine, “Jesucristore ajitirũnarã ñari, Dios rĩare bajiro bajirã ñaja yu” yimasicõari, variquẽnaro ñaroti ñaja muare. ¹⁰ Gajeyeũni jairã Jesũre ajitirũnarãre, variquẽnaro ñaroti ñaja ñare quẽne, “Ñamasuse me ñaja yu cõose” ña yitũoĩajama. Go yoaro mene sãnire bajiro bajiaja mani. To bajiro yu yijama, “Yoaro meaca catirũarãja mani” yigu yaja. ¹¹ Bũto muiju i asijama, quẽnase ruyuboasene sãnirea bajicoacaju, ta, to yicõari, go quẽne. To bajiri ñariaro quẽnase ruyuboase manicaju. Tire bajiro bajirãma gajeyeũni jairo cõoboariarã quẽne. “Jaiũsaro gajeyeũnre bũjarãsa mani” yirã, moa vaja tañarã rĩne, bajireacoarũarãma.

“Rojose rĩne mani yicõa ñajama, rojose tãmũotũjabetiriarojũ varũarãja mani”, yire queti

¹² Rojose tãmũorũgũrã ñaboarine, mani rijato beroju, Dios tũju i rãca variquẽnacõa ñarũarãja mani. “To bajirone bajirũarãma yure mairã”, yiyumi Dios. To bajiro mani bajiroti ñajare, rojose mani yirũaboasere mani yibetijama, variquẽnarũarãja mani. ¹³ Rojose mani tũoĩase, “Dios sũorine to bajiro tũoĩaja”, yiroti me ñaja. Rojose tũoĩagũ me ñagũmi Dios. To bajiri, “Dios sũorine rojose yaja”, yimasiña maja. ¹⁴ Ado bajirojũ bajiaja: Mani masune rojose yirũa tũoĩacõari, yirũgũaja mani. ¹⁵ Rojose rĩne mani yicõa ñajama, rojose tãmũotũjabetiriarojũ manire cõarucumi Dios.

¹⁶ Yu mairã, quẽnaro tũoĩamasiña: ¹⁷ “Jediro quẽnase, Dios manire i cũre ñaja. I ñagũmi ãmũagũ muijire, ñamiagũre, to yicõari, ñocoare quẽne rujeomasir'i. To bajicõari, ‘Yirucuja’ i yirore bajirone yigu ñaami, quẽnase rĩne tũoĩagũ”, yitũoĩaroti ñaja. ¹⁸ I oca quẽnasere mani ajitirũnũsũoriarũmũne, i rãca mani caticõa ñarũgũrotire manire ñisũumi. To bajiro i yire ñajare, i rĩa ñasũorãre bajiro bajirã ñaja mani. Tirũmũjũne to bajiro mani bajirotere bojayumi Dios.

“Dios oca ti gotirote bajirone cudiroti ñaja”, yire queti

¹⁹ Yñ mairã, mñare yñ gotirotire masiritibeja mña: Mña rãcana mñare ñna gotisere quẽnaro ajiroti ñaja. Mñajña quẽne, mña rãcanare mña gotijama, quẽnaro tũoĩacõari, ñnare gotiba. Mñare ñna ajirñabetijama, guaro jñnisinibetiroti ñaja. ²⁰ Gãjerãre mani jñnisinijama, Dios ñ bojarore bajiro yirã me yirãja mani. ²¹ Mani ajirũgũse, to yicõari, mani gotirũgũse quẽne, ñnamasuse ti ñajare, rojose mña yirũgũse jedirore yitũjacõaña mña. To yicõari, Dios ocare ajitirũñacõa ñarũgũña. Tire mña ajitirũñacõa ñajama, rojose tãmũotũjabetiriaroju mña vaborotire mñare yirẽtobosarũcũmi Dios.

²² Dios ocare ajicõari, ti yirore bajiro cudiroti ñaja. Tire ajiboarine, ti gotirote bajiro mña yibetijama, “Diore ajitirũñarã ñaja yña” mña yitũoĩaboase socase ñaroja. ²³⁻²⁴ Dios ocare ajiboarine, mña cãdibetijama, mñare ejarẽmobetoja. Mña cãdibetijama, sũgũ ãoro ãmiĩacõagũ ñaboarine, ãorore ñ cũrirĩmarone, “To bajigũ ñamũ yñ” ñ yimasibetore bajiro bajirãja mña. To bajiri ãoroju quẽnaro ñ ñaboase ñre ejarẽmobetoja. Ñre bajiro bajirãja mña, Dios ocare ajiboarine, mña cãdibetijama. ²⁵ Gãjerãma, rojose ñna tãmũoborotire Cristo ñ yirẽtobosarere tũoĩacõari tire masiritimenama. Masiritimena ñari, Dios ñ rotisere variquẽnase rãca yicõa ñarũarãma.

²⁶ “Diore yñ yirũcũbũose sũorine ñ bojasere yigũ yaja yñ”, yitũoĩarãma sũgũri. To bajiro yitũoĩarã ñaboarine, rojose ñna ñagõsere ñna yitũjabetijama, ñna masune socarã yirãma. Diore ñna yirũcũbũoboase, vaja manoja ti. Dios ñ bojasere yirã me ñarãma ñna. ²⁷ Mani jacũ, Dios ñ ñajama, socũ me ñ bojasere yigũma, ado bajiro yigũ ñagũmi: Jacũna rijaveoriarã, to yicõari, manajña rijaveoriarãre quẽne, maiorõ ñna bajijare, ñnare ejarẽmogũ ñagũmi. To bajicõari, gãjerã rojose ñna yirũgũrore bajiro yibecũ ñagũmi ñma.

2

“Jesús ocare ajitirũñarã ñari, gãmerã ñarũcũbũoroti ñaja”, yire

¹ Ajija yñ mairã. Mani ññ, Jesucristore ajitirũñarã ñaja mani. Quẽnamasugũ ñ ñajare, ñre bũto rũcũbũoaja mani. To bajiro yirã ñari, mani rãcanare quẽne gãmerã ñarũcũbũoroti ñaja. ² Mña rẽjarone, sũgũ quẽnase sudi sãñacõari, ãmo sãriabedori sãcõari ejağũmi. To yicõari, gãjijña sudi bũcũ sãñacõari ñ ejağama, ado bajiro yirãja mña: ³⁻⁴ Quẽnase sudi sãñacõari, sãjaejağurema, “Ado ñaja rujiriaro quẽnarito”, ñre yirãja mña. Maioro bajigũjñarema ñ sãjaejaro ñacõari, “Tone rũgõcõaña. Mñ bajirñabetijama, rũcacane rujicõaña mñ” ñre mña yijama, quẽnaro gãmerã ñarũcũbũomena yirãja mña. To bajiro mña yijama, Dios ñ bojarore bajiro yirã me yirãja mña.

⁵ Ado bajiro mñare yñ gotisere quẽnaro ajija mña: “Yñ macũre ajitirũñũña” Dios ñ yirere cãdiriarã, maiorõ bajirã jãjarã ñaama. “Maioro bajirã ñaama” Diore ajimena ñna yĩarã ñaboarine, Jesucristore ajitirũñarã ñari, “Bũtobũsa ñre ajitirũñarã ñato” yigũ, quẽnaro Dios ñ yirã ñaama. To bajicõari, ñ gotiriarore bajirone ñ tũjũ ejarona ñaama. ⁶ To bajiboarine, maiorõ bajirãre ñnare ñarũcũbũobeaja mña. Gajeyeũni jairãjũare rũcũbũorũgũaja mña. “Ñna sũorine rojose tãmũorãja mani”, ¿yimasibeatique mña? Ñna ñaama mñare gotiyiroğũarã, ujarã tũjũ, mñare juavarũgũrã. ⁷ “Jesús yarã ñaja yña” yicõari, bautiza ecoriarã ñaja mña. To bajiri, ñ ocare ajicõari, quẽnaro variquẽnaja mña. Gajeyeũni jairãjũama ñre rũcũbũobeticõari, ajarũgũama. ¿Tire masibeatique mña?

⁸ Mani ññ, Dios ñnamasusere ñ rotimasire ado bajiro gotiaja: “Mñ masu rujũre mñ maiorõ bajirone mñ tũanare maiña”, yigotiaja. Tire mña cãdijama, quẽnaro yirã yirãja mña. ⁹ Tire ajirã ñaboarine, masa jedirore mña ñarũcũbũobetijama, rojose yirã yirãja mña. To bajiri, “Mña ye sũorine rojose ñaja”, mñare yĩagũmi Dios. ¹⁰ Dios ñ rotimasire ñaro cõrone cãdijeomenare, “Ñna ye sũorine rojose ñaja”, ñnare yĩagũmi Dios. To bajiro yĩagũ ñ ñajare, ñ rotirere cojo vãme mani cãdibetijama, ñajediro ñ rotirere cãdibetijeocõarãre bajiro bajirãja mani, Dios ñ ñajama. ¹¹ Tirũmũjũ ado bajiro rotiyumi Dios: “Manajoa cãtirã

quêne, manajua cõtirã quêne, gãjerã rãca ajeriarã cõtibesa. Gãjerãre sãabesa”, manire yiyumi Dios. To bajiro ï yire ñajare, manajoa cõtirã gãjerãre ajeriarã cõtibetiboarine, gãjire mani sãajama, Dios ï rotimasire cãdimena yirãja mani. ¹² To bajiri, “Rojose mani yiruasere yibeticõari, Dios ï bojarore bajiro quênase rïne yirã ñato” yigu, manire rijabosayumi Cristo. To bajiri, quênaro mani yibetijama, rojose mani yisere masicõari, rojose manire yirucumi Dios, yimasirã ñari, quênase rïne yiroti ñaja manire. ¹³ To bajiri gãjerãre mani ñamajama, manire quêne ñamairucumi Dios. Gãjerãre mani ñamaibetijama, masare ï ñabeserirũmũ ti ejaro, manire quêne ñamaibetirucumi Dios, rojose mani yire vaja.

“Quênaro mani yisere ñacõari, ‘Socarã mene yure ajitirũnrã ñaama’ yigumi Dios”, yire queti

¹⁴ Adire quêne quênaro ajiya yũ mairã: “Rojose tãmuotũjabetiriaroju yua vaborotire yuare yirẽtobosarucumi Dios” yirã ñaboarine, gãjerãre mũa ejarẽmobetijama, Diore ajitirũnrã me ñarãja mũa. To bajiro mũa bajijama, rojose tãmuotũjabetiriaroju mũare cõarucumi Dios. ¹⁵⁻¹⁶ Cojojirema, ado bajiro bajiroja: Jesúre ajitirũnũgũ, buto ñiorijagu, to yicõari, sudi magũ maioro bajigu ï ñaboajaquêne, “Quênaro vasa. Bare quênase bũjaba. To bajicõari, sudi bũjaba” ïre yigotiboarine, ï bojasere mani ïsibetijama, socarãne ïre yigotiboarãja mani. ïre mani ñagõboase ñie vaja manoja. ¹⁷ Tire bajiro bajiaja Diore mani ajitirũnũse. “Diore ajitirũnrã ñari, ï yarã ñaja mani” yiboarine, gãjerãre mani ejarẽmobetijama, “Diore ajitirũnrã ñaja yua” mani yitũoĩaboase ñie vaja manoja. Dios yarã me ñarãja mani.

¹⁸ “Yũ gotisere ajimasimenama” yigu, ado bajiro gotiaja: “Gãjerãre quênaro maiaja yua” mũa yisere yure mũa yĩobetijama, “Diore ajitirũnrã me ñaama”, mũare yiguja yũ. Yũjũarema, gãjerãre quênaro yũ ejarẽmosere ñacõari, “Diore ajitirũnũgũ ñaami”, yimasirũarãja mũa. ¹⁹ “Sĩgũne ñaami Dios. Gãji magũmi” mũa yitũoĩase quênaja. To bajiro tũoĩarã ñaboarine, quênaro mũa yibetijama, “Sĩgũne ñaami Dios” mũa yitũoĩase ñie vaja manoja. Vãtia quêne “Sĩgũne ñaami Dios. Gãji magũmi” yitũoĩarã ñari, gũirã nanarãma. To bajiboarine rojosere yitũjamena ñarãma. ²⁰ “Diore ajitirũnrã ñaja” yitũoĩarã ñaboarine, gãjerãre mũa ejarẽmobetijama, quênaro tũoĩamasimenare bajiro bajirãja mũa. “Diore ajitirũnrã ñaja” mũa yitũoĩaboase ñie vaja manoja. ²¹ Mani ñicũ, Abraham ñamasir'i ï yimasirere mũare gotiaja yũ. Dios ï rotijare, ïre rũcũbũorã ñna soemũoriajau joeju ï macũ Isaac vãme cõtigure sãaguagu yimasiboayuju Abraham. ïre ï sãaguadone, “ïre sãabeticõãña”, ïre yimasiñuju Dios. To yicõari, ï rotirore bajiro yigu ï ñajare, “Rojose magũ ñaja mũa”, ïre yimasiñuju Dios, Abrahamre. ²² To bajiri, Dios ï rotiriarore bajiro yimasir'i ï ñajare, “Diore ajitirũnũgũ ñamasiñumi”, yimasiaja mani. ²³ Dios ï rotiriarore bajirone Abraham ï cãdire ñajare, “ ‘Yure ajitirũnũgũ ñari, rojose magũ ñaami’ ïre yimasiñuju Dios”, yigotiaja Dios ocare masa ñna ucamasire. To bajiri, “Dios baba ñaami”, ïre yimasiñujarã masa.

²⁴ To bajiri, “ïre ajitirũnrã ñaja yua” yicõari, quênaro mani yijama, “Ñie rojose mana ñaama”, manire yĩagũmi Dios. ²⁵ Rahab vãme cõtimasirio jãjarã ajeriarã cõtigo ñaboarine, quênaro so yimasirere quêne tũoĩãña: Jud'io masa uju ï cõamasiriarã ñna ejaro ñacõari, “Mũare ñaterã mũare sãaroma” yigo, “Yũ ya vijũ sãjarudiya mũa”, ñnare yimasiñuju. To yicõari, “Mũa rudiarotire mũare gotirũocoja”, yimasiñuju so. To bajiro ñnare so yirẽmomasire ti ñajare, “Rojose magõ ñaamo”, sore yĩlamasiñuju Dios. ²⁶ Mani ruju catise ti manijama, vaja manoja ti. To bajirone bajiaja “Diore ajitirũnrã ñaja yua” yiboarine, gãjerãre quênaro mani yibetijama. “Diore ajitirũnrã ñaja yua” mani yitũoĩaboase ñie vaja manoja.

3

Mani ñemero sũorine rojose mani ñagõse queti

¹ Y_u mairã Dios oca gotimasiorimasa ñaruarã quënarõ ajiya. Dios ocare masa ñna ucamasire gotimasiorimasa quënarõ ñna yibetijama, tire ñacõari, ñ ocare gotimasiorimare rojose ñnare ñ yiro rëtoro rojose ñnare yirucumi Dios. To bajiri, Dios oca gotimasiorã jãjarã ñabesa mua. ² Mani jediro rojose yirã ñaja mani. Quënase rïne ñagõgũma, rojose yirua tũoĩaboarine, tire yibeticõari, Dios ñ bojarore bajiro yigũ ñagũmi. ³ Ado bajiro ti bajijare, “Rojose ñagõbetiroti ñaja”, muare yaja yu: Caballo vãme cutigure jesacõari ñre mani yisere tũoĩasaque mua: Jaigũ ñ ñaboajaquëne ñ riseju cõmemaca sãja mani, “Mani rotirore bajiro cudiatõ ñ” yirã. ⁴ Tire bajirone bajiaja cũmuari jacase quëne: Jacase ti ñaboarone buto mino ti vajama, veaturiaro mojiaseaca ti ñaboajaquëne, veatumasirãma. ⁵ Tiaseacare bajiro bajiaja ti, mani ñemero quëne. Mojiaseaca ti ñaboajaquëne jairo rojose ñagõaja mani. Jeare quëne tũoĩasaque mua: Jeavaca, cojovacaca ñaboarine, jacariveserire soejeocõaroja ti. ⁶ Jeare bajiro bajiaja mani ñemero quëne. Mani rujũaye rãca rojose mani yise rëtoabusaro yaja ti, mani ñemero. Mani ñemero suorine rojose mani yijama, vãtire cudirã ñari, rojose rïne yimũorũgõcoaruarãja mani. ⁷ Macarocana, vaibucurã ñaro cõro, vurgã, ñña, riaganare quëne mani ecarãre bajiro ñnare rotimasiaja mani. ⁸ To bajiboarine mani ñemero rojose ti ñagõjama, “Yibesa”, yimasibeaja mani. Jũnisinicõari, gãjerãre mani tud'ijama, mani oca, ñña rĩma jũnisere bajiro ñnare yirũgũaja. ⁹⁻¹⁰ Mani jacũ Diore, “Quënarõ yaja mũ” yiboarine, rojosere quëne ñagõrũgũaja mani. “Yure bajiro quënase rïne yirã ñato” yigũ, Dios ñ rujeoriarã ñaboarine, gãmerã tud'irũgũaja mani. To bajiri, quënase mani ñagõjama, rojosere yibetiroti ñaja manire. ¹¹ Oco goje, cojo goje ñaboarine, oco quënase ti budijama, sãese budivũobetoja. ¹² Oteu higuera vãme cutiũ ñaboarine, olivo vãme cutiũ ricare rica cutibetoja. To bajicõari, uyebugũ quëne, higuera vãme cutiũ ricare rica cutibetoja. Tire bajirone bajiaja oco quëne. Ocase ti budijama, ocabeti budivũobetoja. To bajiri, quënase mani ñagõjama, rojosere yibetiroti ñaja manire.

Dios ñ ejarẽmose rãca masirã ñna ñnase queti

¹³ Mũa rãcagu “Masigũ ñaja” ñ yijama, gãjerãre ajirucubũocõari, quënarõ ñnare yirocu ñnaami. To bajiro ñ bajijama, ñ masisere, “Quënarõ yami”, yimasiruarãma masa. ¹⁴ To bajiri, gãjerãre “Yũa rëtoro quënarõ ñnama” mua yĩajũnisinijama, masirã me ñnarãja mua. To yicõari, “Gãjerã rëtoro ñamasurã ñnarãsa mani” yitũoĩarã mua ñajama, masirã me ñnarãja mua. ¹⁵ To bajiro mua tũoĩase, Dios ñ cõase me, mua masune mua bojarore bajiro tũoĩarã yaja. To bajiro mua yisere bojagumi vãtia uju. ¹⁶ Gãjerãre “Yũa rëtoro quënarõ ñnama” yĩajũnisinirã, to yicõari, “Gãjerã rëtoro ñamasurã ñnarãsa mani” yitũoĩarã ñna ñajama, ñna jedirone ricati rïne tũoĩarã ñari, rojose jediro yĩnarãma. To bajiri, quënarõ ñamasimenama. ¹⁷ To bajiro ñna bajiñarõ ñnone, Dios ñ ujose suorine masirãjuama, quënarõ ñna yarãre ñmato ñnarãma. To bajicõari, gãjerãjuã ñna ñmato ñnajaquëne, ñnare ajivariquënarãma. Masa jedirore ñarucubũocõari, maiorõ bajirãre ñamairãma. To bajicõari, socamenane quënase rïne yirã ñnarãma. ¹⁸ Gãjerã rãca quënarõ mani ñnarãajama, mani yimasiro cõro quënarõ yiroti ñaja. To bajiro mani yisere ñacõari, “Gãjerã quëne jãjarã Dios ñ bojarore bajiro yirã ñato” yirã, ñnare yiejarẽmoruarãma.

4

Diore tũoĩamenare bajiro mani bajise queti

¹ ¿Nojuã vadiati gãmerã mua ñatese? Mũa masune rojose yirua tũoĩacõari, rojosere gãmerã yirũgũaja mua. ² Gãjerã ñna cõosere buto bojarũgũaja mua, tire cõomena ñari. To bajiri tire ñmaruarã, ñnare quëarũgũaja mua. To yicõari, gãjerãrema ñnare sjarũgũaja mua. Diore sënimena ñari, mua bojasere bujamasimenaja mua. ³ Rojose mua tũoĩasere ñamasicõari, ñre mua sëniboase ñ bojabeti ti ñajare, muare cõabecumi Dios. Diore mua sëniboajama, gãjerãre tũoĩamenane, quënarõ mua ñaroti rïne sënirãja mua. ⁴ To bajiri, Diore ajitirũnu tujariarãre bajiro tũoĩarãja mua. Adi macarucũroaye rïne cõorũa tũoĩarãre bajiro

me t̄oīaroti ñaja, Diore ajitir̄n̄r̄ārema. To bajiro ti bajijare, “Diore ajitir̄n̄gū ñaja” yigū ñaboarine, Diore masimena, ña c̄uor̄ua t̄oīarore bajiro ĩ quēne ĩ t̄oīajama, Diore ajitir̄n̄u t̄ujac̄ōari, ĩre tegure bajiro bajigū ñagūmi. ⁵ To bajirone gotiaja Dios ocare masa ña ucamasire: “Mani us̄r̄ire buto ĩamaigū ñari, masa ĩre ña ajibetire ĩvariquēnabecu ñagūmi”, yigotiaja Dios ocare masa ña ucamasire. ⁶ To bajiro yigū ñaboarine, “Yure ajitir̄n̄uato ña” yigū, buto ejarēm̄or̄ua t̄oīagū ñagūmi. To bajiro yigū ĩ ñajare, ado bajiro gotiaja ĩ oca masa ña ucamasire: “ ‘ “Gājerā r̄ētoro ñamasurā ñaja yua” ña yit̄oīasere yit̄ujac̄ōari, yuj̄are ajitir̄n̄uato’ yigū, ĩnare yir̄ēmobeami Dios. ‘Ñamasurā me ñaja yua’ yit̄oīar̄aj̄uarema quēnaro yir̄ēmoami”, yigotiaja Dios ocare masa ña ucamasire. ⁷ To bajiri, v̄āti ĩ yirotisere yibetic̄ōari, Dios ĩ bojasej̄are yir̄ūgūña. To bajiro m̄ua yijama, rojose m̄uare yirotit̄ujaḡmi v̄āti. ⁸ Butob̄usa Diore m̄ua ajitir̄n̄ujama, ĩj̄ua quēne m̄uare ejarēm̄or̄uc̄mi, “Quēnab̄usaro yure ajitir̄n̄uato ña” yigū. To bajiri, rojose m̄ua yisere yit̄ujac̄ōaña. “Diore masirā ñaja yua” yiboarine, Diore masimena ña yisere yivariquēnar̄ūgūaja m̄ua. ⁹ Rojose m̄ua yisere t̄oīac̄ōari, variquēnar̄ūgūaja m̄ua. To bajiro me bajiroti ñaja m̄uare. Rojose m̄ua yisere t̄oīas̄t̄iritic̄ōari, otiroti ñaja m̄uare. ¹⁰ To bajiri, Diore “Ñamasugū ñaja m̄u” yir̄ā, quēnaro yir̄ūc̄ub̄ooya m̄ua. To bajiro m̄ua yijama, “To c̄ōrone adi macar̄uc̄uro jedicoar̄uroja” Dios ĩ yir̄iar̄m̄u ti ejaro, “Ñamasurā ñato”, m̄uare yir̄uc̄mi Dios.

“ ĩna ñaama rojose yir̄ā’ yibetiroti ñaja manire”, yire queti

¹¹ Ajiya m̄ua, yu mair̄ā. Gājerā Jesúre ajitir̄n̄r̄āre ñaḡōmacabesa. “Dios ĩ rotisere masibeam̄a ña. To bajiri rojose t̄ām̄orona ñaama”, ĩnare yit̄oīabesa m̄ua. To bajiro m̄ua yijama, Dios ĩ rotirore bajiro yir̄ā me yir̄āja m̄ua. Ado bajiro t̄oīar̄ā ñari, to bajiro yir̄āja m̄ua: “Dios ĩ rotise quēnaro gotibeaja ti. ĩ r̄ētoro masirā ñaja yua” yir̄āre bajiro yiboaja m̄ua. ¹² Dios s̄īgūne ñaami, quēnaro mani yirotire rotic̄ūr̄i. To bajic̄ōari, ĩ s̄īgūne ñagūmi masa ña yisere ĩabesegū, to yic̄ōari, rojose t̄ām̄ot̄ujabetir̄iaroju mani vaborotire yir̄ētobosagu. ĩ s̄īgūne ñagūmi rojose t̄ām̄ot̄ujabetir̄iaroju masare reagū. To bajiri gājerā Jesúre ajitir̄n̄r̄āre ĩac̄ōari, “Dios ĩ rotisere masibeam̄a ña. To bajiri rojose t̄ām̄orona ñaama”, yiroti me ñaja manire.

“Adi macar̄uc̄uroju mani bajirotire masirā me ñaja”, yire queti

¹³ Gajeyeūni ĩsicudirimasare, m̄uare gotigū yaja yu. Yure quēnaro ajiya m̄ua: “Yuc̄u, busiyu gaje macaju vac̄ōari, cojo c̄ama gajeyeūni ĩsiñar̄ā, jairo gājoa bujar̄uar̄āja yua”, yigotivariquēnar̄ūgūr̄āja m̄ua, s̄īgūri. ¹⁴ Ti ũn̄ire yibetiroti ñaja, mani bajirotire masimena ñari. Mani catise bueri guaro buer̄eto vatore bajiro bajise ñaja. ¹⁵ To bajiro ti bajijare, ado bajiroju yiroti ñaja: “Mani catirotire Dios ĩ bojajama, catir̄uar̄āja yua”, yiroti ñaja. ¹⁶ “Ñamasurā ñaja yua” yit̄oīar̄ā ñari, Diore t̄oīamenane, m̄ua yirotire gotivariquēnar̄ūgūaja m̄ua. To bajiro m̄ua yigotivariquēnase, Dios ĩ bojabeti ñaja. ¹⁷ To bajiri, m̄uare yu ucac̄ōasere masic̄ōari, “Ado bajiro mani yirotire bojaḡmi Dios” yimasiboarine, m̄ua yibetijama, rojose yir̄ā yir̄āja m̄ua.

5

Gajeyeūni jair̄ā rojose ĩna t̄ām̄oroti queti

¹ S̄īgūri, gajeyeūni jair̄āre m̄uare gotigū yaja yu. Gajer̄m̄u buto rojose m̄ua t̄ām̄orotire t̄oīaotiya m̄ua. ² “Gajeyeūni jairo c̄or̄ā ñaja” m̄ua yiboase, bare m̄ua quēnoc̄use quēne, m̄uare boaveocoar̄uroja. M̄ua sudi quēnase ñaboase butua ba ecosoar̄uroja. ³ M̄ua ye gājoa, oro quēne jairo bujac̄ōari m̄ua c̄ūboase boacoar̄uroja. Tire ĩac̄ōari, “Maīoro bajir̄āre ejarēm̄obesuma”, yīar̄uar̄āma gājerā. To bajiri, rojose t̄ām̄ot̄ujabetir̄iaroju reacorona ñaja m̄ua. Jairo gājoa cutir̄ā ñaboaja m̄ua. To bajiboarine, adi macar̄uc̄uro ti jediroti mojoroaca r̄ujaja. ⁴ M̄ua ote veser̄i moabosar̄āre quēnaro vaja yibesuja m̄ua. To bajiro

mua bajire ñajare, “Yua moase vaja yuare yibeama”, yiyujarã ña. To bajiro ña yisere ajirimi Dios, ñajediro masijeogu. ⁵ Adi macarucuroju ñarã, mua yirua tuoïarore bajiro yirũgũaja mua. Ta vecuare ña sïarotirũmari rïjoro, “Jacabusarã ña ñato sïarãsa mani” yirã, quẽnaro ecatusacama. To bajiri, ñare bajiro bajiaja mua quẽne. No mua bojarore bajiro quẽnaro yĩñatusarũgũaja mua. To bajiro bajirã mua ñajare, “Rojose tãmũoruarãma” mũare yĩlagũ yigumi Dios. ⁶ Masa rojose yimena ña ñaboajaquẽne, “Rojose yima”, ñare yigoti yiroyuja mua. To bajiri, mua sũorine sïaeco yuma sïgũri. To bajiro mua yigoti yirosere ujarã quẽne mũare ña cãdijare, no bajiro mũare yimasibesuma ña.

Santiago i gotitusare queti

⁷ Yu mairã, gãjerã sũorine rojose tãmũorãre mũare gotigu yaja yu quẽna: Rojose mũare ña yirũgũboajaquẽne, Jesús i tudivadirotire tuoïayurã, i bojarore bajiro quẽnaro yicõa ñarũgũña mua. Oterimasu i bajisere tuoïaña mua: “Ote, quẽnaro vãnucõari, juebucu bero rica cutirũaroja” yigu, yoaro yucõa ñagũmi oterimasu. ⁸ Ñe bajiro bajiya mua quẽne. Mani uju i tudiejarotire yurã, variquẽnase rãca i bojarore bajiro yitujabetiroti ñaja. “Yoaro mene tudivadicõari, masa jediro mani yisere ñabeserucumi” yirã, quẽnaro ñayuroti ñaja.

⁹ Rojose mua tãmũojama, gãjerãre “Rojose yaja mua”, gãmerã yĩatebesa, “Yoaro mene rojose mani yisere ñabesecõari, rojose manire yiromi Dios” yirã. ¹⁰ Diore gotirẽtobosamasiriarã ña bajimasirere tuoïaña mua: Masa rojose ñare ña yiboajaquẽne, gãmemenane, Diojuare gotirẽtobosacõa ñamasiñujarã ña. ¹¹ To yicõari, adire quẽne quẽnaro tuoïaña mua: Rojose tãmũoboarine, “ ‘Manire ejarẽmorucumi Dios’ yicõa ñarãre quẽnaro yigumi Dios”, yituoïaja mani. To bajiro bajimasiñuju Job vãme cutimasir'ire quẽne. Cojo vãme me bato rojose tãmũoboarine, “Yuare ejarẽmorucumi Dios”, yicõa ñamasiñuju. Rojose i tãmũoro bero, quẽnaro i yiecomasirere ajiriarãja mua. To bajiri, “Manire quẽne ñamaicõari, quẽnaro yigu ñagũmi Dios”, yimasirãja mua.

¹² Yu mairã, gajeye ñamasusere mũare gotiaja yu: “Yiruarãja. Dios quẽne masiami yua yiroti” mua yise ñire yibeticõaña. “Yiruarãja” yirã quẽne, “Yiruarãja” yi, “Yibetiruarãja” mua yijama, “Yibetiruarãja” yicõa tujasa, “Mani socajama, rojose manire yibogumi Dios” yirã.

¹³ Rojose mua tãmũojama, “Yuare ejarẽmoña”, Diore yisẽniroti ñaja. Mua variquẽnajama, Diore basavariquẽnaroti ñaja. ¹⁴ Sïgũ i rijajama, “Diore yure sãnibosato” yigu, mũare ñmato ñarãre jicõaroti ñaja ñe. To bajiro i yijama, ñmato ñarãju, i tujũ ejacõari, ñe sãnibosaruarãma ña. Sãnibosañarãne, uye ñe turuarãma, “Dios ñe catioato” yirã. ¹⁵ To bajiri, “Mani sãnirore bajiro ñe catiorucumi Dios” ña yituoïajama, rijagure catiorucumi. To yicõari, rojose yir'i i ñajama, rojose i yirere ñe masiriorucumi Dios. ¹⁶ To bajiri, rojose mua yirere gãmerã gotiya. To bajiro yicõari, Diore gãmerã sãnibosaya, rojose mua yirere mũare masiriocõari, mua rijasere quẽne i catiorotire yirã. To bajiri, Dios i bojarore bajiro yirã mua ñajama, mua sãnirore bajirone cãdirucumi. ¹⁷ Diore gotirẽtobosarimasu, El'ias vãme cutimasir'i, manire bajiro bajimasiñuju. To bajiboarine, “Oco quedibeticõato” yigu, Diore i sãnijama, i sãnirore bajirone idia cãma, gaje cãma gũdareco cõro oco quedibetimasiniñuju. ¹⁸ Bero, Diore i tudisẽnirone, oco quedimasiniñuju quẽna. Tijũ bero, quẽnaro ote rica cutimasiniñuju.

¹⁹⁻²⁰ Mũare yu gotisere ajiya mua, yu mairã. Mua rãcagu, Cristore ajitirãnu tujacõari, rojose yigure, “Quẽna Cristore ajitirãnuato i” yirã, ñe mua ejarẽmojama, i rijato beroju rojose i tãmũoborotire ñe yirẽtobosarucumi Dios. To yicõari, rojose mua yisere mũare quẽne masiriorucumi Dios.

To cõro ñaja.

Primera carta de SAN PEDRO

Dios ĩ beseriarãre Pedro ĩ ucacõare queti

¹⁻² ¿Ñati m̄ua, Dios ĩ beseriarã? ¿Ponto sitaj̄u, Galacia sitaj̄u, Capadocia sitaj̄u, Asia sitaj̄u, Bitinia sitaj̄u ñabaterã jediro, ñati m̄ua? Adi queti m̄uare ucaja ȳu. Gajerorij̄u m̄ua ñabateboajaquẽne, Dios ĩ ñaroj̄u ñaja m̄ua ñarotij̄u. To bajiri ĩ ocare b̄uto t̄uoĩarã ñari, adi macar̄uc̄uroana rãca ñaboarine, ĩna t̄uoĩarore bajiro t̄uoĩarã me ñarãja m̄ua. Tir̄um̄uj̄u, “Ĭna ñar̄uarãma ȳu rãa bajiro bajirã” Dios ĩ yimasire ñajare, to bajirone bajiaja m̄ua. To bajiri, “Rojose mana ñaama” m̄uare yĩar̄u, Esp'iritu Santore m̄uare cõañumi. To bajicõari, Jesucristo ocare c̄udirãja m̄ua. To bajiro yiyumi, rojose m̄ua yisere ĩ mac̄u s̄uorine ĩ masirior̄uḡuotire yiḡu.

M̄uare quẽnarotiḡu, Diore ado bajise m̄uare s̄enibosaja ȳu: “B̄utob̄usa quẽnase ĩnare cõaña”, m̄uare yis̄enibosar̄uḡuaja ȳu. “Ȳu s̄uori ȳu jac̄u quẽnaro ĩ yise quetire ḡajerãre gotimasior̄uc̄uja m̄u” yiḡu, ȳure c̄ucami Jesucristo. Ȳu ñaja Pedro, adi quetire m̄uare ucaḡu.

“Mani rijato bero, tudicaticõari, Diorãca quẽnaro variquẽnacõa ñar̄uḡur̄uarãja”, yire queti

³ Mani ūj̄u, Jesucristo jac̄u, b̄uto manire maiḡu ñari, rojose mani yisere “Yir̄etobosato” yiḡu, manire rijabosarotiyumi. Ĭ rijato bero, ĩre tudicatioyumi. To bajiro ĩ yire ñajare, Jes̄ure ajitir̄un̄rã, Esp'iritu Santo s̄uorine Diorãca quẽnaro ñacõari, ĩ bojarore bajiro yirã ñaja mani. To bajicõari, mani rijato bero ĩ rãca quẽnaro ñacõa ñar̄uḡur̄ona ñari, “Quẽnaro yaja m̄u”, Diore ĩre yito mani. ⁴ To yicõari, ĩ gotiriarore bajiro õ vecaj̄u b̄uto quẽnase manire Dios rãre bajiro bajirãre yayiroti me manire ĩ ūjorotire t̄uoĩavariquẽnaja mani. ⁵ Ĭ mac̄ure ajitir̄un̄rã mani ñajare, ĩ masise rãca manire quẽnaro coder̄uḡuḡumi, ĩ ñaroj̄u ejacõari, ĩ rãca quẽnaro mani ñar̄uḡuotire yiḡu. To yicõari, adi macar̄uc̄uro ti jedirir̄um̄u ti ejaro, ĩ t̄uoĩariorore bajiro yiḡu, jediro quẽnaro manire ĩ yir̄uḡusere, to yicõari, õ vecaye manire ĩ ūjorotire quẽne masiojeocõar̄uc̄umi.

⁶ Tire t̄uoĩacõari, adigodoj̄u rojose tã̄m̄orã ñaboarine, Dios t̄aj̄u quẽnase mani bajirotire t̄uoĩa yurã ñari, b̄uto variquẽnaroti ñaja manire. ⁷ Rojose tã̄m̄oboarine, Jesucristore mani ajitir̄un̄cõa ñajama, “Ĭre ajitir̄un̄rã masu ñaja” yĩorã yaja mani. Oro vaja c̄utiro r̄etoro vaja c̄utiaja Jesucristore mani ajitir̄un̄use. Oroj̄uama, jedise ñaja. “¿Oro masu ñati?” yirã, asioĩama ĩna. Tire bajiro bajiaja Jesucristore mani ajitir̄un̄use quẽne. “Ȳu mac̄ure ajitir̄un̄rã masu ñati ĩna” yĩar̄u, rojose mani tã̄m̄osere yir̄etobosabec̄umi Dios. To bajiri rojose tã̄m̄oboarine, Jesucristore mani ajitir̄un̄cõa ñajama, “To cõrone tudivar̄uc̄umi ȳu mac̄u” Dios ĩ yit̄uoĩariar̄um̄une, “Ȳu ejar̄emose rãca quẽnaro yicaj̄u m̄ua”, manire yivariquẽnar̄uc̄umi Dios. To bajiro yigajanocõari, r̄uc̄ub̄oriaj̄u manire rojor̄uc̄umi.

⁸ Jesucristore ĩabetiriarãja m̄ua. To bajiboarine ĩre mairãja m̄ua quẽne. Adir̄um̄ari quẽne ĩre ĩamena ñaboarine, ĩre ajitir̄un̄rã ñari, quẽnaro variquẽnarãja m̄ua. Dios t̄uana ĩna variquẽnarore bajiro b̄uto variquẽnarã ñari, m̄ua variquẽnasere r̄etob̄usaro gotir̄uaboarãja m̄ua. To bajiboarine, gotmasimenaja. ⁹ Quẽnase m̄uare ĩ ūjorotire, “To bajirone yir̄uc̄umi” yit̄uoĩarã ñari, to bajirone bajirãja m̄ua.

¹⁰ To bajiro quẽnaro Dios manire ĩ yiotire gotiyuma tir̄um̄ana, Diore gotir̄etobosariarã. Quẽnaḡu ñari, manire ĩamaicõari, quẽnaro ĩ yiotire gotiboarine, b̄utob̄usa tire masir̄uaboayujarã ĩna. To bajiri Diore ĩna gotir̄etobosarere quẽnaro buecõari, b̄uto t̄uoĩar̄uḡuñujarã ĩna. ¹¹ Esp'iritu Santore s̄uorine Cristo ĩ bajirotire t̄uoĩa gotimasĩnuma. B̄uto rojose ĩ tã̄m̄oro bero, quẽnaro ĩ yiotire t̄uoĩa gotiyuma. Tire gotiriarã ñaboarine, “To cõro ñaro bajir̄uaroja ti. To bajiro bajicõari, bajir̄uaroja”

yimasiruarã, ñna gotisere buecõari, tũoĩarũgũboayujarã ñna. ¹² Tire quẽnaro masibetiboarine, Dios suorine ado bajiro tũoĩañujarã ñna: “Tire ñamenaja mani. Mani beroana ñaruarãma”, yitũoĩañujarã ñna. “Mani beroana” ñna yijama, manirene gotirã yiyuma. Cristo ñ rijabosare suorine quẽnaro Dios ñ yise queti goticudirimasa, yua gotimasiosene ñaja Diore ñna gotirẽtobosare. Tire yua gotimasiorotire yigũ, Esp'iritu Santore cõañumi Dios. Ti oca quẽnase ti ñajare, bũto ajimasiruarũgũrãma ángel mesa.

“Quẽnase rĩne yiroti ñaja”, Pedro ñ yire queti

¹³ Ti ocare quẽnaro ajimasirã ñari, Cristo ñ tudiejarirũmũre quẽnaro Dios ñ yirotire tũoĩa tũjamenane, tocãrãcãjine mani yirotire quẽnaro tũoĩarũgũroti ñaja. ¹⁴ Dios rĩare bajiro bajirã ñari, Cristo ocare mũa masiroto rĩjoro, rojose mũa yirũgũriarore bajiro yibeticõari, ñ bojarore bajirojũa yirũgũroti ñaja. ¹⁵ Dios, quẽnase rĩne yigũ, “Yũ rĩa ñaruarãja mũa” ñ yire ñajare, ñre bajiro quẽnase rĩne yirũgũroti ñaja. ¹⁶ Ado bajiro gotiaja Dios ocare masa ñna ucamasire: “Quẽnase rĩne yigũ ñaja yũ. To bajiri quẽnase rĩne yirũgũña mũa quẽne”, yigotiaja.

¹⁷ Gajeyerema, ado bajiro mani yigũ ñaboarine, masa jediro mani yisere ñabeserocu ñaami. Ñ ñabesejama, “Ñnoama rojose yirã ñna ñaboajaquẽne, quẽnaro ñnare yirũcũja yũ”, yibetirũcũmi. To bajiri, Diore “mani jacũ” mũa yijama, rũcũbũose rãca ñre yicõari, quẽnase rĩne yirũgũroti ñaja. ¹⁸ Tirũmũjũ mũa ñicũa rojose ñna yimasiriarore bajiro yirũgũriarã ñaboayuja mũa maji. “Tire yitũjacõari, quẽnaro Dios ñ yirona ñato” yigũ, rojose mani yise vaja manire rijabosayumi Cristo. Jẽre Cristo manire ñ vaja yibosarere masirãja mũa. Gajeyeũni yoaro ñabeti, gãjõa rãca me vaja yibosayumi. ¹⁹ Rojose yĩãbecũ ñari, ñ rijare suorine, jediro rojose mani yire, mani yirotire quẽne manire vaja yibosayumi Cristo. ²⁰ Adi macarũcũro Dios ñ rujeoroto rĩjorojũ, tire manire ñ vaja yibosarotire tũoĩacõari, ñ macũre ñ cõarotire tũoĩamasiñuju Dios. To bajiri adi macarũcũro tũsarirũmũri manire rijabosagũ ejayumi Cristo. ²¹ “Manire rijabosayumi Cristo” yirã ñari, Diore ajitirũnũaja mani. Cristore catiocõari, ñ tũ rũcũbũoriajũre ñre rojoyuju Dios. To bajiro ñ yire ñajare, “Ñ gotiriarore bajirone quẽnaro manire yirũcũmi Dios”, ñre yitũoĩavariquẽnarãja mũa.

²² “Yũ macũre ajitirũnũña” Dios ñ yirere cũdiriarã ñaja mũa. To bajiro bajirã ñari, tirũmũjũ rojose mũa yirũgũre, mũa yitũjabetire yitũjacõari, socamenane sĩgũ rĩare bajiro quẽnaro gãmerã mairoti ñaja. To bajiri bũtobũsa mũa gãmerã mairotire bojaja yũ. ²³ Adirũmũrirema, quẽnasejũare mani tũoĩarotire Dios ñ ñsiriarã ñari, quẽna gãme ruyuarãre bajiro bajirãja mũa. Gajerodori ñ oca ti vasoabetirotire bajiro mũa quẽne bajireacõari bero mũa caticõa ñarotire yigũ, ñ catisere ñ ñsiriarã ñarãja mũa. ²⁴ Dios ocare masa ñna ucamasire ado bajiro ti gotijare, to bajiro yaja yũ:

“Muiju ñ jiado, bũto asirone, ta sĩnicoacajũ. Go quẽne, sĩniyayicoacajũ. To bajiri quẽnase ruyuboacati manicajũ. Tire bajirone bajirãma masa quẽne. Yoaro mene bajireacoaruarãma.

²⁵ To bajiboarine, mani mũjũ ocajũama ñacõa ñarũgũrũaroja”, yigotiaja Dios ocare masa ñna ucamasire.

“Mani mũjũ oca” ti gotise, Cristo suorine quẽnaro Dios ñ yise quetire, mũare gotimasiore ñaja.

2

¹ “Yũ macũre ajitirũnũña” Dios ñ yirere cũdiriarã ñari, jediro rojose yibetirũgũroti ñaja. Adi ñnire yibetirũgũña mũa: Gãjerãre yitobesa. Socabesa. Gãjerãre, “Quẽnaro ñaama”, ñnare yĩĩatebesa. Gãjerãre rojose ñagõmacabesa. ²⁻³ Bũtobũsa Dios ocare ajivariquẽnacõari, ti gotirore bajiro yirũa tũoĩarũtuaroti ñaja mũare. Sũca bũto ñjurũagũre bajiro tire yirũa tũoĩarũtuaroti ñaja. To bajiro mũa yijama, “Quẽnaro manire yami Dios” yimasirã ñari, quẽnabusaro ñ bojarore bajiro yirũtuarũarãja mũa. To bajiro mũa yijama, Dios tũju quẽnaro ñacõa ñarũgũrũarãja.

“Gūta ñamasuricare bajiro bajigũ ñagũmi Cristo”, yire queti

⁴ To bajiri, mani ujure Jesucristo, mani catirotire manire isigũre quẽnaro ajitirũncõa ñaña. Ìne ñaami masa vi quẽnorã gūta ñna cũsũorica, ñamasuricare bajiro bajigũ. Ìre bũto ìatecama masa. Ìre ñna ìateboajaquẽne, Diojũama, “Ñamasugũ ñarũcũmi”, ìre yiyumi. ⁵ To bajiro yigũ ñari, mũare quẽne Jesucristore ajitirũnrã rãcana mũa ñajare, Dios ya vire gūta ì jeomũjawasere bajiro bajaiaa mũa. To bajicõari, ti vi ñarã, quẽnase rĩne yirã, paiare bajiro bajaiaa mũa. To bajiri, Esp'iritu Santo sũori Dios ì ìavariquẽnasere yĩñaña. ⁶ Isa'ias ì ucamasire Dios oca ado bajiro ti gotijare, Jesucristo sũorine Dios ì quẽnorivire bajiro bajaiaa mũa:

“Sión vãme cũti maca ñarica gūta, gajea gūta rẽtoro quẽnaricare bajiro bajirocũre cũrũcũja yũ. Ìre ajitirũnrãjũama, yũ goticatore bajiro ìnare quẽnaro yũ yirũgũjare, ‘Ì yirore bajiro yigũ ñagũmi’ yũre yivariquẽnarũarãma”, yigotiaja Dios ocare masa ñna ucamasire, Cristore Dios ì gotirere yiro.

⁷ To bajiri, Jesucristore ajitirũnrã ñari, ìre bũto maiaja mani. Gãjerã, ìre ajime-najũarema, Dios ocare masa ñna ucamasire ti gotirore bajiro bajaiaa. Ìnarema, gūta ñna rocariare bajiro bajiami Jesús. Ado bajiro gotiaja ti:

“Gūta rãca vi quẽnorimasa coja gũtare rocarãma ñna. Ìna rocara ñaboarine, gajea gūta rẽtoro quẽnarica ñarũaroja tia. Tia gūta sũorine quẽnarivi quẽnorũcũmi Dios. Tia manijama, quẽnomasibetibogũmi”, yigotiaja Dios ocare masa ñna ucamasire.

⁸ To yicõari, gajeye Dios ocare masa ñna ucamasire “Gūta masa ñna jũata quedirotiare bajiro bajiami Jesús” yigotiro yaja.

“Coja gūta, ñna jũata quedirotiare bajiro bajirocũre cũrũcũja yũ”, yigotiyuja ti.

To bajiro ti gotijama, Cristo ocare ajimena ñari, ñna rijato berojũ rojose ñna tãmũotũjabetirotire yiro yaja. “To bajiro bajirũarãma” Dios ì yigotiriarore bajirone bajirũarãma.

⁹ To bajiro bajirona me ñaja mũajũama. Dios sũorine ì macũre ajitirũncõari, ì yarã ñaja mũa. Dios, mani ujure rãcũbũorã, ì bojarore bajiro quẽnaro yirũgũrã ñaja mũa. Ì sũorine cojo masare bajiro bajirã ñari, ì bojasere yirã ñaja. Rojose mũa yisere ì macũ ì vaja yijeobosare ñajare, Dios yarã ñaja mũa. “Ñajediro quẽnaro yũ yisere gãjerãre gotiato” yigũ, “Yũ yarã ñarũarãja”, mũare yiyumi. Diore mũa ajitirũnrũroto rĩjorojũ, ìre masimena ñari, vãtia ujũ ì bojasere yirã ñaboayuja mũa maji. To bajiro yirã mũa ñaboajaquẽne, mũare ìamaicõari, quẽnaro ì yire ñajare, ìre masirã ñari, rojose yitũjacõari, Dios ì bojasejũare yirã ñarãja mũa. ¹⁰ Tirũmũjũ Dios ì ìaimaimena ñañuja mũa maji. To bajiri, sīgũ rĩare bajiro ñabesuja mũa maji. Adirũmũrirema ì masune quẽnaro ì yijare, ì yarã ñarãja mũa yuja.

“Dios ì bojase rĩne yirũgũña”, yire queti

¹¹ Yũ mairã, adigodojũ ñarã yoaro me catiñarona ñaja mani. To bajiboarine õ vecajũ Dios tũjũ ñaja mani ñacõa ñarũgũrotojũama. To bajiro bajirona ñari, rojose mũa yirũa tũoĩasere yibetirũgũña. Rojose mũa yirũgũjama, Diore mũa ajitirũnũboasere yitũjarã ñari, rojose yiecorũarãja. ¹² Diore masimena vatoajũ ñarã ñari, quẽnase rĩne yirũgũña, “ ‘Rojose yama’ gãjerãre yi ocasãroma” yirã. Quẽnase rĩne mũa yicõa ñasere ìariarã ñari, “Mũ sũorine quẽnaro yirũgũcama”, Diore yirũarãma, masare ì ìabeserĩmũ ti ejaro.

¹³⁻¹⁴ Roma macagũ ujũ ñamasugũ, ìre cũdirũgũña mũa. Ìre moabosarãre quẽne cũdirũgũña. “Rojose yirãre rojose ñna yise vaja rojose yũre yibosato” yigũ, to yicõari, “Quẽnaro yirãre quẽnaro ñna yise vaja quẽnaro yũre yibosato” yigũ, ñnare cũgũmi ujũ ñamasugũ. Ò vecagũ, mani ujure quẽnaro ñna rãcũbũorotire bojarã ñari, quẽnaro ñnare cũdirũgũña mũa. ¹⁵ Diore ajimena, mũare rojose ñna ocasãrere ajicõari, “Socase ñaja” ujãrã ñna yitũoĩarotire yigũ, quẽnase rĩne mũa yirũgũsere bojaami Dios.

¹⁶ Ado bajiro ti bajijare, Dios ì bojasere yirũgũroto ñaja: Rojose mani yiboajaquẽne, manire masirioyumi Dios. To bajiro ì yire ñajare, “Rojose mani yijama, no yibeaja”,

yituoïaroti me ñaja. Ado bajirojua tũoïarũgũroti ñaja: “Manire maigũ ñari, rojose mani yirere masirioyumi Dios. To bajiri, mani quẽne, ãre mairã ñari, ã bojasejuare yiruarãja”, yituoïarũgũroti ñaja. ¹⁷ Masa jedirore rucubũoroti ñaja. Gãjerã Jesucristore ajitirãnurãre quẽne mairũgũroti ñaja. “ãre mani cudibetijama, manire ãvariquẽnabecumi Dios” yituoïarã ñari, ã bojarore bajiro yirũgũña. To yicõari, Roma macagu uju ñamasugũre quẽne quẽnaro rucubũorũgũña.

“Rojose ãre yirãre Cristo ã gãmebeticatore bajiro gãmebetiroti ñaja”, yire queti

¹⁸ Mua, gãjerãre moabosarã, mua ujarãre ajirucubũocõari, ãna rotisere quẽnaro cudirũgũroti ñaja. Quẽnaro yirã ãna ñajama, ãna ñabetijaquẽne, ãna rotisere quẽnaro cudiroti ñaja. ¹⁹ Cojojirema sãgũ rojose ã yibetiboajaquẽne, “Rojose yiyuja mu” ãre yituoïacõari, rojose ãre yigumi ã uju. To bajiro ã yiboajaquẽne, ãre moabosarimasuja, Dios ã bojarore bajiro yigu ñari, ã gãmebetijama, “Quẽnaroja”, yirucumi Dios. ²⁰ Rojose mua yijama, to bajiro mua yise vaja rojose muare yigumi mua uju. To ã yiro bero, “Rojose mani yijare, to bajiro yimi” yimasirã ñari, ãre gãmebetiruarãja. To bajiboarine, quẽnaro mua yiboajaquẽne, rojose muare ã yijama, rojose tãmuoboarine, gãmebetiruarãja mua. To bajiro mua bajise ñaja Dios ã ãvariquẽnase. ²¹ To bajiro mua bajirotire yigu, “Yu rã ñaña”, muare yirimi Dios. Cristo quẽne, manire rojose tãmuobosagu ñaboarine, gãmebeticami. To bajiro ã bajicati ti ñajare, ãre bajiro bajiroti ñaja manire quẽne. ²² Cojojirema rojose yãbeticami. Ñimajuare yitobeticami. ²³ Masa ãre ãna tud'iboajaquẽne, ãnare tud'igãmebeticami. Rojose ãre ãna yirone, “Yure rojose mua yise vaja rojose muare yirucuja”, ãnare yibeticami. Ado bajirojua tũoïacami: “Dios ñaami, masa rojose ãna yise vaja rojose ãnare yigãmerocuma. To bajiro ã yijama, quẽnaro riojo yirucumi”, yituoïacami. ²⁴ To bajicõari, yucãtẽroju ãre ãna jaju sãrone, rojose mani yise vaja, manire rojose tãmuobosacami, rojose yibeticõari, quẽnasejuare mani yirotire yigu. ²⁵ Tirãmujuma Diore ajimena ñari, oveja codeecobeticõari, ãna mavisiacludirore bajiro bajiyuja mua maji. Yucãrema, Cristore ajitirãnurã ñari, oveja codeecorãre bajiro bajiaja mua.

3

“Gãmerã rucubũoroti ñaja”, yire queti

¹⁻² Rõmia, manaju cutirãre, muare gotigu yaja yu: Mua quẽne, mani uju ã ãvariquẽnarotire bojarã ñari, mua manajure quẽnaro cudirũgũña. Sãgũri, mua manajua, Cristo ocare ajimena ñarãma. To bajiri, Cristo ocare mua gotibosasere ajirũamenama. Ti ocare gotibetiboarine, Diore rucubũocõari, quẽnase rãne yãñaña mua. To bajiro mua yisere ãcõari, ãna quẽne Cristo ocare ajitirãnũborãma. ³ “Manire ãvariquẽnato ãmua’ yirã, ¿no bajiro yirãti mani?” mua yituoïajama, “Ado bajiro yiruarãja”, yituoïabetiroti ñaja: Mua joa quẽnorotire, quẽnase mua busarotire, mua gãmo yorotire, to yicõari, quẽnase mua sudi sãnarotire quẽne, ti ãnire buto tũoïaroti me ñaja. ⁴ Ado bajirojua buto tũoïaroti ñaja: Quẽnase yirua tũoïarũgũroti ñaja. Mani rujuaye jedise ñaja. Quẽnase mani tũoïasejuama jedibetiruaroja. To bajiri, mua manajure ajirucubũocõari, ãnare quẽnaro mua yirotire tũoïarũgũroti ñaja. To bajiro mua yijama, muare buto ãvariquẽnarucumi Dios. ⁵ Tirãmuju to bajiro quẽnaro yirã ñamasiñujarã rõmia manaju cutimasiriarã. Diore rucubũomasiriarã, “Manire ã gotiriarore bajiro yirucumi”, yituoïamasiñujarã. To yicõari, ãna manajure cudirũgũmasiñujarã ãna. ⁶ To bajirone bajimasiñuju Sara vãme cutimasirio. So manaju Abrahamre ãre so jijama, “Yu uju”, ãre yimasiñuju, ãre rucubũogo. To yicõari, ãre quẽnaro cudimasiñuju so. So bajiriarore bajiro bajiroti ñaja muare quẽne. Mua manajua rojose ãna yirotire tũoïa gãimenane, quẽnaro yicõa ñaroti ñaja.

⁷ Ñmua, manajo cutirãre, muare quẽne gotiaja yu: Mua quẽne, mani uju ã ãvariquẽnarotire bojarã ñari, “Rõmia tãmabetibusarã ñaama” yituoïacõari, mua manajoare ãnare ejarẽmorũgũña. To yicõari, Dios quẽnagũ ñari, ãnare quẽne, ãna rijato beroju

“Tudirijabeticōato” yigũ, ï catisere ï ïsiriarã ïna ñajare, ïnare quēnaro rãcũbũoyã. Quēnaro ïnare mũa rãcũbũobetijama, ïre mũa sēnisere ajibetirũcũmi Dios.

“Gãjerã Cristore ajitirũnrã rãca quēnaro ñarũgũña”, yire

⁸ Gãjerã Cristore ajitirũnrã rãca mũa bajiñarotire mũa jedirore gotitũsagũ yaja yũ. Sīgãre bajiro quēnaro tũoĩacōari, ñarũgũrũarãja mũa. Gãjerã rojose ïna tãmuosere mũa ïajama, ïnare ïamaicōari, ejarẽmoroti ñaja. “Yũ rētoro ñamasurã ñaama”, gãjerãre yitũoĩaroti ñaja. ⁹ Gãjerã rojose mũare ïna yijama, ïnare gãmebetiroti ñaja. Gãjerã mũare ïna tud'ijama, ïnare tud'igãmebetiroti ñaja. Ado bajirojũa ïnare yirũgũroti ñaja: Tud'igãmemenane, quēnaro ïna ñarotire yirã, Diore ïnare sēnibosaya. To bajiro mũa yirũgũsere bojaami Dios, “To bajiro ïna yijama, jediro quēnase yũ ïsirũasere bũjarũarãma” mũare yimasigũ ñari. ¹⁰ Dios ocare masa ïna ucamasire ado bajiro ti gotijare, “Tire riojo gotiami Pedro”, yimasirãja mũa: “Quēnaro ïna ñarũajama, ïna ñagōroto rĩjoro quēnaro tũoĩarũgũrũarãma, ‘Rojose ñagōrobe’ yirã. To yicōari, gãjerãre yitobetirũarãma.

¹¹ Rojose yitũjacōari, quēnasejũare yirũgũrũarãma. ‘Gãjerã rãca quēnaro ñarãsa’ yirã, ïna yimasiro cōro quēnaro ïnare yicōa ñarũgũrũarãma.

¹² Quēnaro yirãre ïatirũnrũgũami Dios. To bajiri, ïre ïna sēnijama, ïnare ejarẽmorũgũami. To bajiboarine, rojose yirãrema ïavariquēnabeami”, yigotiaja Dios ocare masa ïna ucamasire.

¹³ Quēnase rĩne mũa yicōa ñajama, ñimarãjũa mũare rojose yigũ, magũmi. ¹⁴ To bajiboarine, sīgãri rojose mũare ïna yijama, “Quēnaro manire yirũcũmi Dios” yimasirã ñari, rojose mũare yirãre gũibeticōari, bũto variquēnaroti ñaja mũare. ¹⁵ “Cristo, mani ñjũ, jediro masigũ ñaami”, yitũoĩa rãcũbũocōa ñarũgũrãja mũa. Gãjerã, “¿No bajiro tũoĩarã ñari, ‘Quēnaro yũare yirũcũmi Dios’ yati mũa?” mũare ïna yisēniãajama, mũa cũdirotire quēnaro tũoĩa yuya mũa. ¹⁶ “Ïna rētoro masirã ñaja” yitũoĩamenane, Dios ï bojarore bajiro ïnare quēnaro cũdirũarãja mũa.

“Rojose yama” gãjerãre ïna yigotisere ajicōari, “Socarã yaja mũa” ïna yibojoneorotire yirã, quēnase rĩne yirũgũrũarãja mũa. Cristore ajitirũnrã ñari, to bajiro yiroti ñaja mũare.

¹⁷ Rojose mũa yise sũorine rojose mũare ïna yijama, “Jũaji to bajiro yibetirũarãja”, yitũoĩarũarãja mũa. Ti quēne quēnase ñaja, bajirojũa. To bajiboarine ti rētoro quēnamasuse ñaja quēnase mũa yise sũorine Dios ï bojarore bajiro rojose mũa tãmuojama. ¹⁸ Cristo quēne, quēnase rĩne yigũ ñaboarine, rojose tãmuocōari, rojose yirãre manire rijabosacami. To bajiro bajicami, Dios tũjũ quēnaro mani ñarũgũrotire yigũ. Rijacoaboarine, Esp'iritu Santo sũorine tudicatiyumi. ¹⁹ To bajicōari, rijariarã, tubiberiarojũ ñarãre ïnare gotimasiogũ vasuju Cristo. ²⁰ To ñariarã, Noé ï ñamasiriarodoju ñariarã ñañujarã. ïnare Dios ocare gotimasiboayuju Noé. Ajirũabetimasiñujarã ïna. To bajiri, cũmua jairicare Noé ï quēnotoyene, ïre ïna ajirotire yoaro yumasiboayuju Dios. ïre ajibeticōa ñamasiniñujarã ïna. To cōrone cũmua quēnogajanocōari, cojomo cōro jedi, gaje ãmo idia jēnituarirãcũ rĩne vasãjamasiñujarã. Oco ñamũse rãca ï ruureare sũorine rojorã rãca ïna ñacōa ñaborotire ïnare yirētosamasiñuju Dios. ²¹ Oco rãca mani bautizaecorirũmũne, manire rojose tãmuoboronare yirētosayumi Dios. “Ti ùnine bajiyuja ti Noére Dios ï yimasire quēne”, yimasiaja mani. Oco rãca mani bautizecojama, Dios mani jacũre quēnaro mani tũoĩarotire yirã, “Rojose yũa yisere masirioya”, ïre yisēniãaja mani. To yicōari, “Jesucristo manire ï rijabosaro bero Dios ïre ï catiore ñajare, manire rojose tãmuoboronare yirētosayumi”, yaja mani. ²² Jesucristo, tudicaticōari, õ vecajũ Diorãca rotiñagũmi. Tojũ ñarã, ÷jarã ñamasurã, ñamasumena quēne, ángel mesa, gãjerã quēne, ï rotisere cũdiñarãma.

4

“Mani masirotire Dios ï ñjoriarã ñari, gãmerã ejarẽmorũgũroti ñaja”, yire queti

¹ Adigodojũ ñagũ, rojose tãmuocami Cristo. To bajiri, manire quẽne, “To bajiro mani bajiro tire Dios ï bojjajama, rojose tãmuoruarãja”, yituoïaroti ñaja. Rojose tãmuocõari, Cristore butobusa mani tuoïajama, rojosere yirua tuoïamenaja mani. ² To bajiro mani tuoïarũgũjama, adigodojũ mani catiñaro cõro mani masu mani bojjarore bajiro yibeticõari, Dios ï bojjasejuare yirũgũruarãja. ³ Ado bajiro ti bajijare, to bajiro yirũgũroti ñaja muare: Diore mua masiroto rĩjoro, mua masu mua bojjarore bajiro, ado bajiro yirũgũñuja mua maji: Rojose yirã ñari, rõmia rãca ajeriarã cutirũgũñuja mua. Idire mecuse idimecucõari, rojose yicudirũgũñuja mua. “Ado bajirã ñarãma” ñna masune yiquẽnorujeocõari, ñna rucubhorãre mua quẽne rucubhorũgũñuja. ⁴ To bajiro mua yirũgũboarere yitujacõari, rojose yirã rãca mua ñabetijare, adirũmũrirema “¿no yirã mani rãca rojose yirũabeati? Rojorã ñaama” muare yituoïacõari, ajatud'irãma ñna. ⁵ To bajiro muare ajatud'irã, “Rojose yirã ñari, ñnare ajatud'icajũ yua”, mani ujare yigotiroti ñaja ñnare. Mani ujũ ñaami yoaro mene vadicõari, catirãre, rijariarãre quẽne ïabeserocũ. ⁶ Yoaro me to bajiro ï yiro tire tuoïagũ ñari, rijariarãre quẽne ï oca quẽnasere gotimasioñuju mani ujũ. To bajiro ñnare gotimasioñuju, jere rijariarã ñaboarine, ñre ajitirũnrã ñari, tudicaticõari, Diorãca quẽnaro ñna ñnartire yigũ.

⁷ Adi macarucuro ti jediro tirũmũ cõñaro bajiaja. To bajiri, quẽnaro tuoïacõari, rucubhose rãca tocãrãcãjine Diore sãnirũgũña mua. ⁸ To yicõari, gãmerã ïamairũgũña. Ti ñaja ñamasusema. Gãjerãre buto mani maijama, cojoi me manire rojose ñna yiboajaquẽne, ñnare masiriorũgũruarãja. ⁹ Gãjerã mua ya vi ñna ejajama, variquẽnase rãca ñnare quẽnaro yirũgũruarãja mua. ¹⁰ Tocãrãcũre ïamaicõari, ricati mua yimasiro tire muare ujjorimi Dios. To bajiri, muare ï ujjore mua yimasise rãca Dios ï bojjarore bajiro gãmerã ejarẽmorũgũroti ñaja. ¹¹ Mua rãcagu Dios ocare gotigu ï ñajama, quẽnaro gotimasioato. Gãjima, “Quẽnaro gãjerãre ejarẽmorucumi” yigũ, mani jacũ Dios ï masisere ï ujjor'ï ñari, quẽnaro ejarẽmoato. ñna yirore bajiro rĩne yicõa ñnato gãjerã quẽne. Jediro mani yisere ïacõari, “Jesucristo suorine ñnare quẽnaro ejarẽmogũmi Dios ñajediro ujũ”, gãjerã ñna yirucubhorotire yirã, to bajirone yicõa ñña.

“Cristore mani ajitirũnrũse suorine rojose manire yirũarãma gãjerã”, yire queti

¹² Yũ mairã, ajiya mua. Masa rojose muare ñna yijama, “¿Yũ macũre ajitirũnrã masu ñnati ñna?” yĩarũ, rojose mua tãmuosere yirẽtobosabecumi Dios. To bajiro ti bajijama, “¿No yigũ, Jesũre ajitirũnrũgũ ñaboarine, rojose tãmuoati yũ?”, yibesa. ¹³ Mua quẽne, Cristore ajitirũnrã ñari, rojose ï tãmuocatore bajiro rojose mua tãmuojama, variquẽnaña. To bajiro rĩne mua bajicõa ñajama, adi macarucurojũ Cristo ï tudiejarirũmũre, ï rãca ñnacõari, rẽtobusaro variquẽnaruarãja mua. ¹⁴ Cristore mua ajitirũnrũse suorine gãjerã muare ñna tud'iboajaquẽne, variquẽnaña mua, Dios ï cõagũ, Esp'iritu Santo, “Quẽnaro yirã ñnato” yigũ, butobusa ï ejarẽmorã ñari. ¹⁵ Cristore mua ajitirũnrũse suorine rojose muare yirũarãma masa. To bajiboarine rojose mua yise suori rojose mua tãmuojama, ïavariquẽnabetirucumi Dios. To bajiri, “Rojose yirã ñari, rojose tãmuoaja mani” yirobe yirã, ado bajiro rojose yibetirũgũña: Gãjerãre sĩabesa. Juarudibesa. Gãjerãre gõjanabiobesa. ¹⁶ Cristore ajitirũnrã ñari, quẽnasejuare mua yiboajaquẽne, gãjerã rojose muare ñna yisere tãmuocõari, “Rojose bajiaja mani” yituoïabojonemenane, Diojuare, “Mũ ejarẽmose rãca quẽnaro yicõa ñaja yua”, ñre yivariquẽnaña.

¹⁷ Jere adirũmũrine masa ñna yisere ïacõari, “Ado bajiro yicana ñari, quẽnase bujarã, rojose tãmuorã, bajirũarãma” Dios ï yiro tire ejacoato yaja. To bajiro ï yisurona ñaja mani, ï yarã Cristore ajitirũnrã. To bajiri, “Adigodojũ rojose mani tãmuoro rẽtobusaro ñre ajitirũnrũmena roque rojose tãmuoruarãma”, yimasijaja mani. ¹⁸ Tire bajirone gotiaja Dios ocare masa ñna ucamasire. “Rojose mana ñaama” Dios ï yĩarã quẽne, adigodojũ ñnarã rojose tãmuoaja mani. To bajiri, “Rojose mani tãmuoro rẽtobusaro ñre ajitirũnrũmena

roque rojose tãmuoruarãma”, yimasiaja mani. ¹⁹ Rojose m̄ua tãmuorotire Dios ĩ boja-jare, rojose tãmuoboarine, quēnasejuare yicōa ñaña m̄ua. “Ī gotiriarore bajiro quēnaro manire ĩatirũncōa ñarũcũmi manire rujeor’i, ĩ tũju quēnaro mani ñarũgũrotire yigũ”, yitũoĩarũgũña.

5

Cristore ajitirũnarãre ũmato ñarãre Pedro ĩ gotire queti

¹ Bucurã, Cristore ajitirũnarãre ũmato ñarãre, muare gotigu yaja yũ. Yũ quēne, Cristore ajitirũnarãre ũmato ñagũ ñaja yũ. To bajicōari, Cristo rojose manire ĩ tãmuobosacatire ĩacacũ ñaja yũ. To bajicōari, quēna ĩ tudiejarotirãmũ yũ quēne, m̄ua rãca ĩre ĩavariquēnarũcũja yũ. ² Ovejare coderimasũ quēnaro ĩ ĩatirũnarore bajiro, m̄ua quēne, variquēnase rãca Cristore ajitirũnarãre ĩatirũnarũgũña m̄ua, “Dios ĩ bojarore bajiro quēnaro yirã ñato” yirã. “Īnare yua codese vaja, gãjoa bujarãsa” yirã me, to bajiro yirũgũña m̄ua. ³ Bũto ĩnare rotibetiroti ñaja. Ado bajirojua yiroti ñaja. Cristo ĩ bojarore bajiro ĩnare ũmato yĩnarũgũña m̄ua. ⁴ To bajiro ĩnare m̄ua ũmato yicōa ñajama, mani ẽju Cristo m̄ua rãca variquēnarũcũmi. To bajicōari, ĩ tudiejarirãmũ muare quēnaro yirũcũmi, “Yũ rãca variquēnacōa ñato” yigũ.

⁵ Mamarãre, muare quēne gotiaja yũ. Muare ũmato ñarãre quēnaro rũcũbuocōari, cũdiya. Cristore ajitirũnarã, m̄ua jediro quēnaro gãmerã rũcũbuoya. “Īna rētoro ñamasugũ ñaja yũ”, yitũoĩabesa. Ado bajirojua yija: “Yũ rētoro ñamasurã ñaama”, gãjerãre yitũoĩaroti ñaja. Dios ocare masa ĩna ucamasire ado bajiro ti gotijare, to bajiro bajiroti ñaja:

“ ‘Īna rētoro ñamasurã ñaja yua’ yirãre ajibeami Dios. ‘Yua rētoro ñamasurã ñaama’ gãjerãre yitũoĩarãjuare quēnaro ejarẽmoami”, yigotiaja Dios ocare masa ĩna ucamasire.

⁶ To bajiri Diore, “Yua rētoro ñamasugũ ñaami” yirã, quēnaro yirũcũbuorũgũña m̄ua. “Yua ẽju, ñajediro masijeogu ñaja m̄u. Mũ bojarore bajiro bajiato”, ĩre yirũcũbuorũgũña. To bajiro m̄ua yijama, “To cōrone adi macarũcũro jedicoarũaroja” Dios ĩ yitũoĩariarũmũ ti ejaro, “Gãjerã rētoro ñamasurã ñato” yigũ, muare yirũcũmi Dios. ⁷ Dios muare quēnaro ĩ ĩatirũnarore, m̄ua tũoĩarejaise jedirore ĩre gotirũgũña m̄ua.

⁸ Quēnaro tũoĩamasiri ñaña, “Satanás rojose ĩ yirotisere cũdirobe” yirã. Macarocagu yai, bar’i sĩaru, ĩ bajirore bajiro, rojose tãmuotũjabetiriaroju manire Dios ĩ cōarotire bojagu ñari, rojose manire yiroticudirũgũgũmi Satanás. ⁹ To bajiro ĩ yirotibosere cũdibetirũgũña m̄ua. “Ī gotiriarore bajiro quēnaro manire ejarẽmorũcũmi Dios” yitũoĩa tũjamenane, Dios ĩ bojasejuare yicōa ñarũgũrũarãja m̄ua. “Adigodoana Cristore ajitirũnarã jediro, manire bajirone rojose tãmuorãma ĩna quēne”, yimasiritibesa. ¹⁰ Adigodoju ñarã, rojose mani tãmuoro bero, Dios tũju mani ejarone, ĩ bojarore bajiro quēnase rĩne yirã mani ñarũgũrotire yigũ, yirũcũmi Dios. ĩne ñaami manire ĩamaicōari, jediro mani yisere manire ejarẽmogũ. ĩ sũorine, “Cristore ajitirũncōari, ĩ rãca quēnaro ñarũgũrũarãja” gãjerã ĩna yigotisere ajiyuja m̄ua. ¹¹ ĩ ñaami masijeogu, ñajediro ẽju. “To bajirone bajicōa ñarũcũmi”, ĩre yirũcũbuoto mani.

Pedro ĩ gotitũsare queti

¹² Adi papera rãca mojoroaca muare yũ gotisere yũre ucabosami Silvano.^a ĩ ñaami Cristore quēnaro ajitirũnarũgũ, ĩ yirore bajiro yigũ. “Adi papera ĩ ucasere ĩavariquēnacōari, Cristore ajitirũnarũ tũjabeticōato” yigũ, yaja yũ. To yicōari, “Dios, manire ĩamaicōari, quēnaro ĩ ejarẽmosere masiato” yigũ, yaja yũ. To bajiri, tire masiritimenane, ĩre ajitirũncōa ñaña m̄ua.

¹³ Ado Babilonia vãme cũti macaju ñarã, Cristore ajitirũnarã, muare quēnarotiama ĩna. Dios sũorine Cristore ajitirũnarã ñaama ĩna quēne. Yũ macũre bajiro bajigu, Marcos

^a 5:12 Silvano ti yijama, latín oca rãca yiyuju. Silas ti yijama, griego oca rãca yiyuju. Hch 15.22; 18.5; 2 Co 1.19 macaña.

vãme cutigũ quẽne m̃are quẽnarotiami.^b 14 Cristo s̃orine cojo masare bajiro bajirã ñari, quẽnaro gãmerã yisẽniã, yĩñaña m̃a.

Toana, Cristore ajitir̃ñarã jedirore ado bajiro Diore m̃are s̃enibosaja ỹ: “ ‘M̃ mac̃ Cristo yarã, quẽnaro ñato’ yig̃, ñare ejarẽmoña”, m̃are yisẽnibosaja ỹ.

To cõro ñaja.

^b 5:13 Jesúre ajitir̃ñas̃omasiriarã, cojojirema Babilonia ña yijama, Roma macarene yicõamasĩujarã ña.

Segunda carta de SAN PEDRO

Cristore ajitirūnūrāre Pedro ī ucacōare queti

¹ ¿Ñati m̄ua, Jesucristore ajitirūnūrā? Ȳu ñaja Pedro, adi quetire m̄uare ucacōagū. Jesucristo ī bojasere yigū ñaja ȳu. Ī mac̄u ī rijabosare s̄uori quēnaro Dios ī yise quetire “Gājerāre gotimasiocudir̄uc̄ija m̄u” yigū, ȳure cūcami. Jesucristone ñaami Dios, mani r̄uc̄ub̄uogū, rojose mani yise vaja manire rijabosar'i. “To bajiro ī bajire ñajare, quēnaro yir̄uc̄ami Dios” yit̄uōīarā ñaro cōrone, quēnaro yiecorona ñaja mani. ² M̄uare quēnarotigū, Diore, to yicōari, Jesús mani ɱj̄ure quēne, ado bajise m̄uare sēnibosaja ȳu: “B̄utob̄usa m̄ua ocare ajimasicōari, quēnaro ĩna ñarotire yirā, ĩnare ejarēm̄orūgūña”, m̄uare yisēnibosaja ȳu.

³ Ī yarā ñacōari, ī bojarore bajiro quēnase r̄īne mani yimasiro tire yigū, manire be-seyumi Cristo. Masijeogū ñari, ĩre mani ajitirūn̄ujama, manire quēnaro ejarēm̄or̄uc̄ami.

⁴ To bajiri, masijeogū ñari, “Quēnaro yir̄uc̄ija” ī yicūmasiriarore bajiro manire yiyumi. To bajiro ī yiroti jairo vaja c̄utire bajiro bajise ñañuja. Ti s̄uori rojose mani t̄uōīasere “Yit̄ujato” yigū, manire yiyumi, ĩre bajiro yirā mani ñarotire yigū.

⁵ To bajiri, quēnaro manire ī yire ñajare, ĩre ajitirūnūrā ñari, m̄ua yimasiro cōro quēnasere yirūgūña, “Diore quēnab̄usaro masito mani” yirā. ⁶ Rojose yir̄uaboarine, tire yibeticōari, Dios ī bojarore bajiroj̄ua yirā, rojose t̄am̄uoboarine, quēnaro yicōa ñarūgūroti ñaja. ⁷ To yicōari, gājerā Cristore ajitirūnūrāre, ĩre ajitirūn̄umenare quēne mairūgūroti ñaja.

⁸ Ti vāme jedirore yirā ñacōari, b̄utob̄usa m̄ua yirūtu vajama, Jesucristo mani ɱj̄ure quēnaro masirā ñaruarāja m̄ua. ĩre quēnaro masirā m̄ua ñajama, ī bojasere quēnaro yiruarāja. To bajiro m̄ua yibetijama, ĩre masirā ñaboarine, ĩre ejarēm̄omenare bajiro bajirāja m̄ua. ⁹ Ti vāme jedirore yimena, Dios ī bojasere quēnaro ajimasimena ñarāma. To bajicōari, “Rojose ȳu yisere masirioyumi”, yimasiriticoaborāma. ¹⁰ To bajiri, ĩnare bajiro bajibesa m̄ua. Ado bajiroj̄ua yirūgūña: “Cristo yarā ñato” yigū, Dios beseriarā ñari, m̄ua yimasiro cōro ñajediro yirūgūña. To bajiro m̄ua yijama, Cristore ajitirūn̄u t̄ujabetiruarāja. ¹¹ To bajicōari, m̄ua rijato beroj̄u, rojose t̄am̄uot̄ujabetiriaroj̄u m̄ua vaborotire m̄uare yirētobosagū, ò vecaj̄u ĩ rotiñaroj̄u variquēnase rāca m̄ua ejarotire yigū yir̄uc̄ami mani ɱj̄u, Jesucristo.

¹² M̄uare ȳu gotisere masirā ñari, quēnaro yirūgūrāja m̄ua. Tire m̄ua masiboajaquēne, m̄uare goticōa ñar̄uc̄ija ȳu, “Masiritiroma” yigū. Gājerā socabeti quetire m̄uare ĩna gotiriaro bero ti ñaboajaquēne, m̄uare goticōa ñar̄uc̄ija ȳu.

¹³ Ȳu catiñaro cōro m̄uare gotimasiocōa ñar̄uc̄ija ȳu. To bajiri, ȳu gotisere quēnaro m̄ua ajisere bojaja ȳu. ¹⁴⁻¹⁵ “Jesucristo mani ɱj̄u, ‘Yoaro me rijacoar̄uc̄ija m̄u’ ȳure ĩ yigotica-tore bajiro bajir̄uaroja” yit̄uōīagū ñari, ȳu rijato beroj̄u ti vāmere m̄ua masiritibetiro-tire yigū, ȳu yimasiro cōro m̄uare gotimasiorūgūr̄uc̄ija ȳu.

“Jesucristo ī masise rāca ĩ yīlocatire ĩacana ñari, ‘Ñamasugū ñaami’ ĩre yimasijaja ȳu”, Pedro ĩ yire queti

¹⁶ “Mani ɱj̄u Jesucristo, masigū ñaami. Adi macar̄uc̄uroj̄u tudiejar̄uc̄ami”, m̄uare yigoti-caj̄u ȳu. “Masirētogū ñaami Cristo”, m̄uare yicaj̄u ȳu. Ȳu masune t̄uōīacōari me, m̄uare goticaj̄u. Cristore ĩre ĩacana ñari, m̄uare goticaj̄u. ¹⁷ Mani jac̄u Dios, Cristore quēnaro ĩ yir̄uc̄ub̄uocatire, to yicōari, “ ‘Ñamasugū ñaami’ yimasiatō” yigū, Cristo ĩ godovedicatire ȳuare ĩocami Dios. To yigūne, ado bajise ȳuare yī ocaruyucami: “Ānine ñaami ȳu mac̄u, ȳu

maigã. Īre bũto ĩavariquẽnaja yũ”, yũare yi ocaruyucami. ¹⁸ To bajise Dios ĩ ocaruyucati, buru joejũ Cristo rãca ñarã, ajicajũ yũa.^a

¹⁹ Diore gotirẽtobosamasiriarã Cristo ĩ bajiro tire ĩna gotimasiriarore bajiro bajicajũ. Mũa quẽne yũa gotimasiosere ajicõari, “Socabeti ñaja”, yimasicajũ mũa. Tirũmũju quẽnase queti Diore gotirẽtobosarimasa ĩna ucamasirema, rẽtiarojũre mani sũabusuorore bajiro bajise ñañuja. Yũa gotimasiose quẽnaro mũa buejama, Cristo ĩ tudiejarirũmũ, ĩ ejarẽmose rãca mũa masiojeobetire quẽnaro masijeocõarũarãja mũa. ²⁰⁻²¹ Dios ocare masa ĩna ucamasirere mũa buejama, ado bajise ñamasusere quẽnaro masiña: Diore gotirẽtobosariarã, ĩna masune tũoĩamasicõari, ucabetimasĩñujarã ĩna. Esp'iritu Santo ĩna masiro tire ĩ ĩsise sũori ucamasĩñujarã.

2

“Socase ĩna gotimasiosere ajitirũnũbesa”, yire queti (Jud 4-13)

¹ Diore gotirẽtobosarimasa socamena ĩna ñaboajaquẽne, gãjerã ñamasĩñujarã, “Diore gotirẽtobosarã ñaja” yisocariarã. To bajiri adirũmũrire quẽne, mũa rãca ñarũarãma socase gotirimasa. “Socabetire mũare gotiaja” yirã ñaboarine, rojose tũoĩarã ñarũarãma. To bajiro tũoĩarã ñari, manire yirẽtobosar'ire ĩre terã ñarũarãma. To bajiro bajirã ĩna ñajare, rojose tãmũotũjabetiriaroju yoaro mene ĩnare cõacõarũcũmi Dios. ² To bajiro Dios ĩ yiroto rĩjoro, mũa rãcana jãjarã rojose ĩna yirore bajiro yirũarãma. To bajiro ĩna yisere ĩacõari, Dios ocare ajiterũarãma. ³ To bajiro socase gotimasiorimasa, “Gãjoa bũjarãsa mani” yirã, socase ti ñaboajaquẽne, ĩna gotimasiose vaja mũare vaja sẽnirũarãma. Tirũmũjũne “To bajiro rojose yirãre rojose tãmũotũjabetiriaroju ĩnare cõarũcũja yũ”, yimasĩñuju Dios.

⁴ Dios tũana, ángel mesa rojose yimasiriarã ĩna bajimasire quetire masirãja mũa. “Rojose mũa yiboajaquẽne, rojose mũare yibecũja yũ”, yibetimasĩñuju ĩ. “Rojose ĩna yicati vaja rojose ĩnare yũ yiro tire yucõa ñato” yigũ, cõmemari rãca ĩnare siacõari, tusabetigojeju ĩna ñacõa ñarotire yigũ toju ĩnare cũmasĩñuju. ⁵ Tirũmũju Noé ĩ ñamasiriarodoju ñamasiriarãre quẽne, “Rojose mũa yise vaja rojose mũare yibetirũcũja”, yibetimasĩñuju ĩ. ĩna jedirore oco ñamũse rãca ĩnare ruureajeocõamasĩñuju ĩ. To bajiri, “Dios ĩ bojarore bajiro yiro ti ñaja” gãjerãre yigotirũgũboar'i, Noé, ĩ yarã, cojomo cõro jedi, gaje ãmo jũa jẽnitarirãcũ ñarãrema ruubetimasĩñuju. ⁶ ĩnare ĩ yiriarore bajirone yiyumi Dios, “Sodoma macana, to yicõari, Gomorra macanare quẽne, rojose ĩna yiboajaquẽne, rojose ĩnare yibetirũcũja yũ”, yibetimasĩñuju. Ti macarianare õ vecaye jea ãjũse rãca vẽjacõari, ĩnare soereajeocõamasĩñuju ĩ. To bajiro ĩ yijama, “Adirodore ñarã rojose yirã, tire masicõari, tũoĩamasiato” yigũ, yimasĩñumi. ⁷⁻⁸ Sodoma macanare, Gomorra macanare soereacõaboarine, Lot vãme cõtumasir'ire ĩre yirẽtobosamasĩñuju Dios. Quẽnaro yigũ ñamasĩñuju Lot. Tocãrãcarũmũne ti macariana Diore ajimena, rojose ĩna yisere ĩacõari, gãjerã “Rojose yama” ĩna yisere quẽne ajicõari bũto tũoĩasũtiritirũgũmasĩñuju Lot. To bajiri, “Ejũromi” yigũ, ĩre yirẽtobosamasĩñuju Dios.

⁹ To bajiri, ti quetire mũare yũ gotise jedirore tuditũoĩacõari, jũa vãme ado bajise masiaja mani: “Dios ĩ bojarore bajiro yirãre rojose ĩna bajiborotire ĩnare yirẽtobosamasiami”, yimasiaja mani. To yicõari, “Rojose yirãrema rojose ĩna yise vaja, rojose tãmũotũjabetiriaroju ĩnare ĩ cõaroto rĩjoro, rojose ĩna yijare, ‘Rojose tãmũoĩa mũa’ ĩnare yirũgũami Dios”, yimasiaja mani.^b ¹⁰ “Rojose ĩna yise vaja, rojose tãmũotũjabetiriaroju ĩnare cõabeaja maji” Dios ĩ yĩarãre mani yijama, ado bajiro rojose yirãre yaja mani: ĩna masune ĩna bojarore bajiro yirũgũrãre, gãjerã ĩna rotisere ajiterãre quẽne, ĩnare yaja mani. To bajiro yirã ñarãma socase gotimasiorimasa. “ĩna

^a 1:18 Mt 17.1-5, Mr 9.2-7, Lc 9.28-35. ^b 2:9 Rojose tãmũotũjabetiriaroju ĩnare cõabetiboarine, “Rojose tãmũoĩa mũa” ĩnare ĩ yijama, adi macarũcũro ñacõari, rojose ĩna tãmũoĩarotire yigũ, yiyuju.

rētoro ñamasurã ñaja уа” yituoĩacõari, güimenane, ángel mesare, to yicõari, vātiare quēne rūcub̄omenama. ¹¹ Socase gotimasiorimasa rētoro masirã ñaboarine, ñare bajiro yimenama Dios тана, ángel mesama. Vātiare, “Rojose yirã ñari, rojose tām̄oruarãja”, ñare yimenama.

¹² Socase m̄are gotimasiorimasa, ña ruju ti bojarore bajiro yirã, “Bojoneose yirã yaja” yimasimenane, tire yirũgũrãma. To yicõari, ángel mesare, vātiare quēne ña bajisere masimena ñari, rūcub̄ob̄etirũgũrãma. To bajiro rojose ña yise ñajare, rojose tām̄ot̄jabetiriaroju ñare cõaruc̄umi mani ұ̄ju. ¹³ Gãjerãre rojose ña yire vaja, rojose tām̄oruarãma. Bojoneose ti ñaboajaquēne, “Ñamiju yirudirãsa mani”, yirã me ñarãma. Bojonemena ñari, ұ̄m̄ane yivariquēnarã ñarãma. Diore rūcub̄orã m̄a rējajama, ña quēne m̄a rãca rējacõari, “Dios ñ bojasere yirã ñaja” yiboarine, no ña bojarore bajiroju yirũgũrãma. To bajiro rojose yirã ñaboarine, “Ado bajiro mani yisere ñavariquēnagũmi Dios”, m̄are yisocarãma. Rojose yirã rãca m̄a rējase suorine, m̄a jedirorene, “Rojose yirã ñarãma”, m̄are yĩnagõjairãma masa.

¹⁴ Rojose yirã ñari, rõmia jãjarãre ajeriarã cutirua т̄oĩarũgũrã ñarãma. Gãjerã, Cristore quēnaro ajitirũn̄menare quēnaro ña yitose suorine rojose ñare ұ̄mato yirã ñarãma. To bajicõari, jairo gajeyeũni c̄orã ñaboarine, quēna gajeye bojarẽmorã ñari, “Gãjoa bujarãsa mani” yirã, quēnaro yisocamasirã ñarãma. To bajiro yirã ñari, rojose tām̄ot̄jabetiriaroju Dios ñ cõarona ñarãma. ¹⁵ Cristo ocare ajiriarã ñaboarine, ajit̄jacõari, Dios ñ bojabetire yirã ñarãma. Beor mac̄u, Balaam vãme cutimasir'i, gãjoare buto ñ bojariorore bajiro bojarã ñari, ñ yiriarore bajiro rojose yirã ñarãma ña quēne. ¹⁶ Balaamju, rojose ñ yirujare, Dios jediro masigũ ñari, Balaam ñ jesavacu burro vãme cutigũre masure bajiro ñagõrotimasiñuju. Ado bajiro ñre yimasiñuju: “Rojose yiguacu yaja m̄”, ñre yitud'it̄jomasiñuju burro. Rojose ñ yir̄aboarere yibetimasiñuju Balaam ñamasir'i.

¹⁷ Quēna gaje vãme m̄are gotirẽmoaja уа, socase gotimasiorimasa ña bajisere: Oco ñaboariagojeri ti oco manore bajiro bajirã ñarãma. To bajicõari, buerigaserire mino vēarearore bajiro bajirã ñarãma. To bajiro bajirã ñari, Dios oca quēnasere mani ajir̄aboasere manire gotimasiobetiruarãma. To bajiri, “Rojose tām̄ot̄jabetiriaroju ñare cõaruc̄uja” ñ yimasiriarore bajiro ñare cõaruc̄umi Dios. ¹⁸ “Rojose mani yiboajaquēne, manire ñavariquēnacõa ñaruc̄umi Dios”, yivariquēnarãma. T̄uoĩamasimena ñari, to bajiro yirãma, “Gãjerã quēne, mani yisere ajicõari, mani yirore bajiro rojose yato ña quēne” yirã. To bajiro ña yijama, Diore ajimena rãca rojose ña yirũgũboarere yit̄jacõari, mame Cristore ajitirũnr̄are butobusa ñare gotirãma. ¹⁹ “Socase mere m̄are gotiaja уа. Mani bojarore bajiro mani yijama, quēnaja. Cojorũm̄ rojose mani yisere yit̄jaruarãja” yirã ñaboarine, rojosere yisejacoariarã ñari, tire yit̄jamasimenama. To bajiro ñare gotirã ñaboarine, ña quēne rojose ña yise vaja rojose tām̄orona ñaboarine, to bajiro ñare gotirũgũrãma. ²⁰ Ado bajiro bajirãma socase gotimasiorimasa: “Rojose mani yise vaja manire vaja yibosayumi Jesucristo mani ұ̄ju” yituoĩacõari, rojose ña yirũgũboarere yit̄jacõaboarine, quēna rojose ña yicõa ñajama, tirũm̄ju rojose ña yiriaro rētoro rojose yirãma. ²¹ To bajiro rojose yirãrema, rēmojuane Cristore ajitirũn̄beticõaroti ñaboayuja. Tire bajimenane, Cristore ajitirũn̄cõari, quēna ña ajitirũn̄ t̄jajama, quēnabeti ñaja. To bajiro bajirã ña ñajare, butobusa rojose ñare yiruc̄umi Dios. ²² Cristore ajitirũnr̄iarã ñaboarine, quēna ñre ña ajitirũn̄ t̄jasere ado bajiro gotiaja: “Ecari yai, m̄ñocõari, ñ m̄ñosere tudibaruc̄umi”, yigotiaja. Quēna gajeye ado bajiro gotiaja: “Ecari yese ñeritatare yugui moasĩnir'ire quēnaro mani guocõaboajaquēne, titatare tudivacõari, yugui moasĩniruc̄umi quēna, “Tudi ñeri jaigũ ñagũsa' yigũ”, yigotiaja.

3

Mani ұ̄ju adi macaruc̄roju ñ tudiejaroti queti

1 Yн mairā, tirāmнјм мнare yн ucasнocatore bajiro мнare tudiucaja yн, Cristo ocare masiritimenane, quēnaro мнa тнoīacōa њarotire yигн. 2 Tirāmнана, Diore gotirētobosamasiriarā њa goti rїjoro yimasirere мнa masiritibetirotire bojaja yн. To yicōari, mani нјм, rojose mani yise vaja manire vaja yibosar'i, adi macarнcнroјм ї tudiejarotire yнare ї gotimasiocatire, мнare yнa gotimasiocatire quēne мнa masiritibetirotire bojaja.

3 Ti oca њamasuse ado bajiro gotiaja: Adi macarнcнro тнsarirāmari mani нјм Jesucristore ajitirānнrāre, adigodoјм ї tudiejarotire mani тнoīa yuñajare, manire ajatud'irнarāma gājerā. Ыna њarнarāma њna masune њna bojarore bajiro rїne yirā. 4 Ado bajiro manire ajatud'irнarāma: “ ‘Mani нјм’ мнa yигнma, ї gotiriarore bajiro me bajiami. Tudiejabeami. Quēnaro тнoīaњa мнa. Tirāmнјм mani њicнa њaboacana, to yicōari, mani jacнa њaboacana quēne bajireacōa тнјacama. Ыnare catiobeticami. Adi macarнcнrore Dios ї rujeosнomasiriarodoјм њamasiriarore bajirone bajicōa њaja adirāmari quēne. ‘Mani нјм’ мнa yигнma ї gotire, њie vaja maja ti”, manire yiaјatud'irнarāma. 5 To bajiro тнoīarā њari, adi macarнcнrore Dios ї rujeosнomasirere masimena њarāma. Mani jacн Dios jediro masigū њari, adi macarнcнrore, нмнagaserore quēne rujeomasiņuju. Ы rotise снorine sita oco vatoajм њare ruyuamasiņuju. To bajiro yicōari, ocore quēne ricati ti њarotire yimasiniјuju. 6 To bajiro ї yimasire ti њaboajaquēne, ti vāmere bajirone bajicōa њabetimasiņuju. Beroјм, “Oco њasнocatore bajiro tudirujiasa quēna” ї yirotimasire снorine adi macarнcнro jedirone oco њamнse rāca ruureajeocōamasiņuju ї. 7 To bajiro ї yirotimasiriarore bajirone bajimнorūgōrнaroja, adi macarнcнrore, нмнagaserore quēne Dios ї soerearotirāmн ti ejaro. Tirāmнne mani нјм, tudiejacōari, rojose yirūgūrнarāre їabesecōari, “Rojose tāmнocōa њarūgūrнarāja”, њnare yirotirнcнmi.

8 Yн mairā, adi vāme њamasuri vāmere masiritibetirнarāja мнa: Mani нјм ї їajama, mil њaricāmari њaja coјorāmн. To bajicōari, coјorāmн њaja mil њaricāmari cōro, ї їajama. To bajiro yн yijama, “Cāmari mani cōīarore bajiro cōīabeami mani нјм” yигн yaja. 9 “Ы gotirore bajiro yигн њaboarine, guaro eјatīmabecнmi maji. To bajiro ї bajisere manire tegн bajigнmi” gājerā њna yitнoīarore bajiro тнoīabetiroti њaja мнare. To bajiro me bajigнmi. Gājerā quēne rojose њna yisere yitнјacōari, Dios ї bojaseјnare њna yirotire yugн bajigнmi maji. Masa jediro rojose tāmнotнјabetiriaroјм њna vabetirotire bojaami mani нјм.

10 Tire yuboarine, “To cōrone tudivarнcнmi” Dios ї yitнoīariarāmнne tudiejarнcнmi mani нјм. “To cōro њaro eјarнcнmi” masa њna yimasibetijнne eјarнcнmi. Juarudirimasн ї eјarore quēne, “To cōro њaro juarudigн eјarнcнmi”, yimasibeaja mani. To bajirone bajirнaroja Cristo ї eјaroti quēne. Ы tudiejarirāmн õ vecajм güioro ocaruyurнaroja. Ti ocaruyuse rācane õ vecaye jediro yayicoarнaroja. To bajicōari, adi macarнcнroaye jedirore soereajeocōarнcнmi mani нјм. Кiejнa rнyabetirнaroja yuja.

11 Adi macarнcнroaye jediro нјмyayiroti ti њajare, Dios rїare bajiro bajirā њari, rнcнbнose rāca ї bojarore bajiro quēnase rїne yirūgūroti њaja мнare. 12 Cristo ї tudiejarirāmн quēnaro њayurнarāja мнa. To bajiri ї bojarore bajiro quēnase rїne yirūgūњa, yoaro me ї eјarotire bojarā њari. Ы eјarirāmнne õ vecaye jediro нјмjedicoarнaroja. To bajicōari, adi macarнcнroaye quēne бuto ti asijare, ocoacoarнaroja. 13 To bajiro bajiroti ti њaboajaquēne, “Dios ї gotiriarore bajirone quēna adi macarнcнroayere, to yicōari, õ vecayere quēne reajeocōari, quēnase rїne mame rujeovasoarнcнmi Dios”, yitнoīavariquēnaja mani. To bajiro ї yiro beroјre Dios ї bojarore bajiro quēnaro yirā rїne catirнarāma.

14 To bajiri, yн mairā, Cristo ї tudiejaroto rїjoro, мнa yimasiro cōro Dios ї bojarore bajiro yicōa њarūgūњa мнa, “Mani нјм ї tudiejarirāmнјм, ‘Quēnase rїne yirā њaama’ ї yīlavariquēnarona њarāsa” yirā. 15 Mani нјм, rojose yirāre rojose tāmнotнјabetiriaroјм њnare cōabeami maji, “Rojose yitнјacōari, yнre њna ajitirānнјama, rojose њna tāmнoborotire yirētobosagнsa” yигн. Tire bajirone gotiyuja mani maigū, Pablo manire ї ucacōare quēne.

“Tire quēnaro riojo ajimasiato” yigu, quēnaro ãre ejarēmoñumi Dios. ¹⁶ Gãjerãre ã ucacõare quēne, tocãrãcagine ã ucajama, tire bajiro rĩne gotirũgũñumi. ã ucarere, cojo vãme mani ajimasirũajama, josari ñaja. Josase ti ñajare, tire ajimasimena ñari, ricatijũa gotimasiorãma Cristore quēnaro ajitirũnũmena. Dios ocare quēne ãna buejama, ajimasimena ñari, ricatijũa gotimasiorãma. To bajiro yirã ñari, rojose tãmũotũjabetiriariojũ mani uju ã cõarona ñarãma.

¹⁷ Yũ mairã, socase ãna gotimasiorotire mũare yũ gotisere jēre masirãja mũa. Tire masirã ñari, “Diore ajimena, socase ãna gotimasiosere ajitirũnũcõari, Cristo oca riojo gotimasiosejũare ajitirũnũ tũjarobe” yirã, quēnaro tire tũõãmasiri ñaña. ¹⁸ Jesucristo ñaami mani uju. ã ñaami rojose mani yise vaja manire vaja yibosar'i, “Quēnase rĩne yirã ñato” yigu. To bajiro yir'i ã ñajare, bũtobũsa ãre ajitirũnũrũtuasa mũa, “Quēnagũ ñari, quēnaro manire yami” yimasicõari, bũtobũsa gãmerã maiña mũa. “Ñamasugã ñaami”, Jesucristore yirũcũbũorũgũroti ñaja.

To cõro ñaja.

Primera carta de SAN JUAN

Jesúre ajitirãnrãre Juan ï ucare queti

¹ ¿Ñaboati mña, yu yarã? Adi papera rãca mñare queti ucaja yu. Adi macarucuro, õ vecaye quëne ti ruyuaroto rïjoroju, ñajediro mani catirotire ïsirocã ñacõasuoayumi. To bajiri yu masune ïre ïa, ïre aji, ïre moaïacacune mñare gotiaja yu. ï rijabosare suorine Dios ï catisere suorã ñaja mani. ² ïre ïacaju yua. ïne ñagãmi Jesucristo, ïre ajitirãnrã mani rijato beroju mani catirotire Dios ï catisere manire ïsir'i. To bajiri yua ïacatire mñare gotiaja yu. Yua ïacacu, adi macarucuro ï rujeoroto rïjorojune ï jacu rãca ñacõasuoayumi. ³ Yua ïacatire, to yicõari yua ajicatire quëne mñare gotiaja yua. Dios, ï macu rãca ïna tũoïarore bajiro tũoïarũgũaja yua. To bajiri mña quëne, yua tũoïarore bajiro mña tũoïarotire yigu, gotiaja. ⁴ Cojoro cõro mani variquënarotire yigu, tire mñare gotiaja yua.

“Rojose yibecu ñaami Dios”, yire queti

⁵ “Quënase rïne yigu ñagãmi Dios”, yuare yigoticami Jesús. To bajiri tire ajicõari mñare gotiaja yua. ⁶ Rojose yiboarine, “Dios ï tũoïarore bajiro tũoïaja yua” mani yijama, socarã yirãja mani. ⁷ To bajiboarine, Diore sënicõari, ï bojarore bajiro quënarõ mani yicõa ñajama, quënarõ ñaruarãja mani. To bajicõari, Jesús ï rijabosare suorine, “Rojose mana ñaama”, manire yïarũgũãmi Dios.

⁸ Quënase rïne yirã manama. To bajiri “Quënase rïne yirã ñaja mani”, yimasiña maja. ⁹ To bajiboarine, tocãrãcãjine rojose mani yisere, “ ‘Yuare masirioya’ ïre mani yigotijama, ‘Yirucãja’ ï yirore bajiro yigu ñari, tire manire masiriojeocõarucumi Dios”, yimasiaja mani. ¹⁰ Gajeyerema, “Masa jediro rojose yirã ñaama”, manire yiyumi Dios. To bajiri, “Rojose yibeticaju yua” mani yijama, “Socu yirimi Dios” yirãre bajiro yirãja mani.

2

“Diore manire ñagõbosagu ñaami Jesucristo”, yire queti

¹ Yu rïare bajiro mñare maiaja yu. To bajiri, “Rojose yibeticõato ïna” yigu, adire mñare gotiaja yu. To bajiboarine rojose mani yijama, sïgũ ñagãmi Diore manire ñagõbosagu. ïne ñagãmi Jesucristo, rojose yibecu. ² Rojose mani yise vaja manire rijabosayumi, rojose mani yisere manire Dios ï masiriorotire yigu. Masa ñajedirore rijabosagu bajiyumi.

³ Gajeyerema, Dios ï rotirore bajirone mani yijama, “ïre masiaja yu”, yimasiaja mani. ⁴ Sïgũ, Dios ï rotisere cudibetiboarine, “ïre masiaja yu” yiguma, socu yigumi. ⁵ Dios ï rotirore bajiro yigujua ñagãmi ïre maigũ. To bajiro mani yijama, “Dios yarã ñaja mani”, yimasirãja mani. ⁶ “Dios ï bojarore bajiro tũoïaja” yiguma, Jesús ï bajiñacatore bajirone bajiñaroti ñaja.

Mame rotire queti

⁷ Yu mairã, mame oca mere mñare ucaja yu. Dios ï rotimasire, ï ocare masa ïna ucamasire, mña ajisuoadicatine ñaja. ⁸ Tirãmuyeyu ti ñaboajaquëne, Jesús ï bajiñacatire ajicõari, ti ocare quënarõ riojo ajimasire ñaja. To bajicõari, Jesúre ajitirãnrã mani bajiñasere quëne ïacõari, ti ocare quënarõ riojo ajimasire ñaja. To bajiro ti bajijare, tirãmuyeyu ti ñaboajaquëne, mame ocare bajiro ejaja ti manire. Ti oca suorine Diore quënabysaro masirũtu vana yaja mani.

⁹ Sïgũ, “Dios ï bojarore bajiro yigu ñaja” yiboarine, gãjire ï ïatejama, Dios ï bojarore bajiro yigu me ñagãmi. ¹⁰ Gãjerãre ïamaigũjua, Dios ï bojarore bajiro yigu ñagãmi. To bajiro ï bajijare, ñimujua ïre rojose ïmato yirocu magãmi. ¹¹ Gãjire ïateguma, Dios ï bojabetire

yigū ñagūmi. To bajiro yigū ñari, “Rojose yigūja yu”, yimasigū me ñagūmi. Rojose ĩ yise vaja rojose tām̄otujabetiraroju ĩ varotire quēne masibecūmi.

¹² M̄ua jediro, yu r̄iare bajiro bajirā, adi queti m̄uare ucaja yu: Jesús manire ĩ rijabosare ñajare, rojose m̄ua yisere Dios ĩ masiriorā ñarāja m̄ua.

¹³ M̄uare b̄uc̄r̄are quēne, adi queti ucaja yu. Adi macar̄uc̄ro, ò vecaye quēne ti ruyuaroto r̄ijoroju ñar'ire masirā ñarāja m̄ua.

M̄uare mamarāre quēne adi queti ucaja yu. V̄atia ɰju ĩ bojarore bajiro yiriarā ñaboarine, yimena ñarāja m̄ua yuja.

¹⁴ M̄ua jediro, yu r̄iare bajiro bajirāre adi queti m̄uare ucaja yu. Mani jacu, Diore masirā ñarāja m̄ua quēne.

B̄uc̄r̄are quēne m̄uare queti ucaja yu. Adi macar̄uc̄ro, ò vecaye quēne ti ruyuaroto r̄ijoroju ñar'ire masirā ñarāja m̄ua.

Mamarāre quēne m̄uare queti ucaja yu. Dios ocare masa ĩna ucamasire ti gotirote bajiro ajitir̄un̄r̄ā ñarāja m̄ua. To bajirā ñari, v̄atia ɰju rojose ĩ yirotoasere c̄adimena ñarāja m̄ua. To bajiro bajirā m̄ua ñajare, adi queti m̄uare ucaja yu.

¹⁵⁻¹⁶ Adi macar̄uc̄ro ñarā ĩna t̄oīarore bajiro t̄oīabesa m̄ua. Ado bajiro t̄oīarā ñarāma ĩna: Adi macar̄uc̄roayere ĩvariquēnac̄ari, ĩna bojarore bajiro rojose yir̄ua t̄oīarāma. Jairo ĩna gajeyeūni c̄uose s̄uorine, “Ḡajerā r̄ētoro ñamasurā ñaja yu”, yivariquēnarāma. To bajiro ĩna t̄oīasema, Dios ĩ rotise me ñaja. ĩna t̄oīarore bajiro m̄ua t̄oīajama, Diore mairā me ñarāja m̄ua quēne. ¹⁷ Adi macar̄uc̄ro ti jedirone, Dios ĩ bojabeti masa ĩna yir̄ua t̄oīase, ĩna c̄uose, ĩna bojase quēne jedicoar̄aroja. Ti jedicoaboajaquēne, Dios ĩ bojarore bajiro yir̄ajama, ĩna rijato beruju Dios t̄aju quēnaro ñar̄uḡur̄arāma ĩna.

Cristore terā jājarā ĩna ñare queti

¹⁸ Ajija m̄ua, yu r̄iare bajiro bajirā. Adi macar̄uc̄ro ti jedirotir̄um̄u ejaroti, mojeroaca r̄uyaja. “Ti jedirotir̄um̄u ti ejaroto r̄ijoroaca vadir̄uc̄mi Cristore ĩre Tegū” yigotimasiorere ajicaju m̄ua. To bajiri ado bajiro m̄uare gotiaja yu: J̄ere ḡajerā Cristore terā socase queti gotimasiorā, jājarā ñarāma adi macar̄uc̄rore. To bajiro ti bajijare, “Adi macar̄uc̄ro ti jedirotir̄um̄u ejaroti, mojeroaca r̄uyaja”, yimasijaja mani. ¹⁹ Ado bajiro ti bajijare, “Mani r̄āca ñaboacana quēne Cristore terā ñarāma”, yimasijaja mani: Manire bajiro t̄oīacana ñaboarine, ricatī t̄oīac̄ari, manire c̄āmotadicama. To bajiri, “Cristore terā ñarāma”, yimasijaja mani. Dios yarā ĩna ñajama, manire c̄āmotadibetiboriarāma.

²⁰ Esp'iritu Santore m̄uare c̄oñumi Jesús. To bajiro ĩ yire ñajare, Dios yere riojo masirāja m̄ua. ²¹ Cristo yere quēnaro masirā m̄ua ñajare, “Tire tudit̄oīato” yigū, m̄uare ucaja yu. Cristo oca socabetire masirā ñari, “Ti mere gotimasioama”, yimasijaja m̄ua. ²² To bajiro ti bajijare, “ ‘Masa rojose ĩna t̄ām̄oborotire ĩnare yir̄ētosac̄ari, rotim̄or̄uḡōr̄uc̄mi’ yigū, Dios ĩ c̄ōar'i me ñarimi Jesús” yigūma, socagu ñagūmi. To bajiro ĩ yijama, Diore to yic̄ari, ĩ mac̄re quēne tegū yigūmi. ²³ Jesúre tegū ĩ ñajama, ĩ jacu Diore quēne tegū yigūmi. To bajiro ĩ yijama, Diore ajitir̄un̄gū me ñagūmi. “Dios mac̄re ajitir̄un̄aja” yigūjama, ĩ jacu Diore quēne ajitir̄un̄gū ñagūmi.

²⁴ Tir̄um̄uju Cristo oca m̄ua ajis̄oc̄atire toc̄ār̄acar̄um̄une m̄ua t̄oīac̄ōa ñajama, Dios ĩ mac̄u Jesúr̄āca, ĩna bojarore bajiro t̄oīac̄ōa ñar̄uḡur̄arāja m̄ua. ²⁵ To bajiro m̄ua yit̄oīac̄ōa ñajama, “Ȳare ajitir̄un̄r̄are quēnaro yir̄uc̄ja” ĩ yir̄iarore bajirone yiecorā ñaja mani. To bajiri, mani rijato bero ĩna t̄aju catim̄or̄uḡōrona ñaja mani.

²⁶ Ḡajerā socase gotirimasa ĩna ñajare, ĩnare ajic̄ari, “ĩna ñaama socase gotimasiorimasa” m̄ua yimasirore yigū, adi papera m̄uare ucaja yu. ²⁷ “Esp'iritu Santore manire c̄oñumi Jesús”, yit̄ujabesa m̄ua. ĩ s̄uorine ñajediro socabetire, Jesús ocare t̄oīac̄ōari quēnaro masirāja m̄ua. To bajiro bajirā ñari, “Socase ñaja” m̄uare yigotiroc̄are bojame-naja m̄ua. To bajiri, Esp'iritu Santo s̄uorine Jesús ocare masic̄ari, ĩ bojarore bajiro yic̄ōa ñaña.

²⁸ Quēnaro ajiya, m̄ua, yu r̄iare bajiro bajirã. Cristo ï bojarore bajiro mani yicõa ñajama, adi macarucuroj̄u ï tudiejaro, gãjerã ïre ajitirũnu tujariarã ïre ñna ïabojonerore bajiro me bajiruarãja mani, “Quēnaro yuare yirucumi” yitũoĩarã ñari. ²⁹ “Quēnaro yigu ñagũmi Jesús” yimasirã ñari, “Jesús ï bojarore bajiro quēnaro yirãma, Dios r̄ia ñaama”, yimasirãja m̄ua.

3

Dios r̄ia ñare queti

¹ Ajiya m̄ua. Mani jacu Dios, b̄uto manire maiami. Manire maigũ ñari, “Yu r̄ia ñaama”, manire yami. To bajiboarine, jãjarã ñaama Dios r̄ia mani ñasere masimena. To bajirã ñari, Dios mani jacure quēne masibeama. ² Dios r̄ia ñaja mani. Mani bajirotire, “Ado bajiro bajiruarãja”, yimasibeaja mani. To bajiboarine, “Jesucristo ï tudiejaro, ïre ïarãne, ïre bajiro bajicoaruarãja mani”, yimasiaja mani. ³ Tire tũoĩayurã ñari, rojose yibetirũgũaja mani, “Cristo rojose yibecu ï ñarore bajirone ñarãsa” yirã.

⁴ Rojose yiguma, Dios ï rotisere yigu me ñagũmi. ï rotisere mani cudibetine ñaja rojose mani yise. ⁵ “Jesucristo, rojose yigu me ñagũmi”, yimasirãja m̄ua. “Quēnase r̄ine yigu ñari, rojose mani yise vaja, manire vaja yibosagu adi macarucuroj̄ure vayumi”, yimasirãja m̄ua. ⁶ Jesucristo ï bojarore bajiro tũoĩarã, rojose yimenama. Rojosere yirãma, Jesucristore masirã me ñarãma. ⁷ Yu r̄iare bajiro bajirã, m̄ua vatoaju m̄uare yitogu “Manicõato” yirã, quēnaro ajicõĩaña. S̄igũ, “Quēnaro yigu ñaja” ï yisocabetijama, Cristo ï yiriarore bajiro quēnaro ï yisere ïamasiruarãja m̄ua. ⁸ Rojose yiguma, v̄atia uju ï rotisere yigu ñaami. R̄emoj̄une rojose r̄ine yigu ñacõasuoayumi v̄atia uju. To bajiboarine, Dios macu Jesucristo adi macarucuroj̄ure vayumi, v̄ati uju masare rojose ï yirotsere “Yibeticõato ñna” yigu.

⁹ Dios, rojose yibecu ï ñajare, ï r̄ia quēne, rojose yirã me ñaama. Esp'iritu Santo r̄ãcana ñari, rojose yimena ñaama. ¹⁰ To bajiri, Dios yarãre, to yicõari, v̄atia uju ï ejarẽmose r̄ãca yirãre quēne ado bajiro ñnare ïamasiaja mani: Rojose yiguma, to yicõari Jesure ajitirũnugũre ïamaibecuma, Dios yu me ñagũmi.

Gãmerã ïamair queti

¹¹ Tirũmuj̄une Dios ocare gãmerã ïamairoti ñaja yirere ajisuoadicaju m̄ua. ¹² Ca'in ñamasir'i ï yimasiriarore bajiro yibesa m̄ua. Rojose yigu ñari, ï bedi quēnase ï yisej̄ure ïajũnisinicõari, ïre s̄iamasiñuju.

¹³ To bajiri, ajiya m̄ua, yu mairã: Adi macarucuroana Diore ajiterã m̄uare ñna ïatesere tũoĩarejaibesa. ¹⁴ Tirũmuj̄u Diore masimena ñari, mani rijato beroju, mani catirotire Dios ï catisere ïsiecobesuja mani maji. Yucurema, gãjerãre mani ujuare ajitirũnurãre ïamairã ñari, “Mani rijato beroju mani catirotire Dios ï catisere ï ïsiriã ñaja mani”, yimasiaja. Gãjerãre ïamaimenama, Dios ï catisere ï ïsirã me ñarãma ñna. ¹⁵ Mani ujuare ajitirũnurãre ïaterãma, Dios ï ïajama, s̄iarimasa ñarã bajirãma ñna. To bajiri, “Ñna rijato beroju ñna catirotire ñnare ïsibecumi Dios”, yimasiaja mani. ¹⁶ Cristo manire ï rijabosare ñajare, manire ï maisere masiaja mani. To bajiri mani quēne, mani ujuare ajitirũnurãre ïamairã ñari, gãjerã manire ñna ïateboajaquēne, Cristore ajitirũnurãre ejarẽmoroti ñaja. ¹⁷ Gajeyeũni jairo cuogu ñaboarine, mani ujuare ajitirũnurãre maioro bajirãre ï ejarẽmobetijama, “Diore maiaja yu”, yisocagu ñagũmi. ¹⁸ To bajiri yu r̄iare bajiro bajirã, “Gãjerãre ñnare ïamaiaja yu” yirã, ñnare ejarẽmoroti ñaja.

“*Dios, manire maigũ ñari, quēnaro manire yirucumi*’ yitũoĩa variquēnaroti ñaja”, yire queti

¹⁹ Gãjerãre mani maijama, “Dios ocare masa ñna ucamasire quēnaro ajitirũnuaja yu”, yimasirãja mani. To bajiri, “Manire ïavariquēnagũmi Dios”, yimasirãja. ²⁰ “Dios ocare quēnaro ajitirũnubeaja yu” m̄ua yitũoĩa sutiritijama, “¿Rojose ñati yuare?” yicõari, Diore s̄eniroti ñaja. ï ñaami mani r̄etoro masigũ, to bajicõari mani ïamairo r̄etoro ïamaigũ. ²¹ “Yu

ye suorine rojose ñaja yure” mani yituoĩabetijama, Dios quēne, “ ‘Ma ye suorine rojose ñaja mare’ manire yibecumi”, yimasiaja mani. To bajiri güimenane, ñe sēniaja mani. ²² Dios ñ rotisere mani cudijama, no mani sēnirore bajirone manire cudirucumi. ²³ Adi ñaja Dios ñ rotise: “Yu macu Jesucristore ñe ajitirũnuña ma. Gãmerã ñamaiña ma”, yiyumi Dios. ²⁴ Tire ajirucuborãma, Diorãca ñarãma. To bajiri, Esp'iritu Santore Dios ñ cõare suorine, “Diorãca ñaja mani”, yimasiaja mani.

4

Esp'iritu Santo rãca ñarãre, ñ rãca ñamenare quēne ñamasire

¹ Ajiya, yu mairã. Jãjarã, “Dios ocare gotimasiorã ñaja yua” yirã, Esp'iritu Santo rãca ñarã me ñarãma. To bajiri, “¿Esp'iritu Santo rãcana masune ñati?” ma masune yituoĩamasicõari, quēnaro ñnare ajicõiaña, “Ñna socajama, masiruarãja mani” yirã. ² Ado bajiro ñna yisere ajimasiruarãja ma: “Adi macarucuroju ejacõari, manire bajiro ruju cutiyuju Jesucristo” yirãma, “Esp'iritu Santo rãcana ñaama”, yimasiruarãja ma. ³ To yicõari, gãjerãma, “Manire bajiro ruju cutigu me ñañuju Jesucristo” yirãma, “Esp'iritu Santo rãcana me ñaama”, yimasiruarãja ma. Ñna ñaama Cristore terã. To bajiro yirã, jēre ñna ñarotire ajicaju ma. To bajiri, “Adigodore ñaama ñna” yigu, mare gotiaja yu.

⁴ Vãtia ujare rētoro masigũ, ñaami Dios. To bajiri, ma quēne ñ rãcana ñaja ma. Ñ rãcana ñari, Cristore terã, mare ñna yitoboasere ñnare ajibesuja ma. ⁵ Adi macarucuroayerene Dios ñ bojabetire gotirũgũama socase mare gotimasiorimasa. Tire ajisayarũgũama gãjerã Diore ajiterã. ⁶ Manijuma, Dios rã ñari, ñ ejarēnose rãca ñ bojarore bajiro tuoĩarã ñaja mani. To bajiri mani gotisere quēne ajisayarãma Diore masirã jediro. To bajicõari, Diore ajiterãma, manire quēne ajiterãma. To bajiro ti bajijare, “Diorãcana ñaama” to yicõari, gãjerãrema, “Diore ajiterã ñaama”, yĩamasiruarãja mani.

Dios manire ñ maise queti

⁷ Yu mairã, Dios suorine gãmerã ñamaire ñaja. To bajiri ñajedirone gãmerã ñamairoti ñaja. To bajiro mani yijama, Diore masirã, ñ rãre bajiro bajirã ñaruarãja mani. ⁸ Masare maigũ ñaami Dios. To bajiri gãjerãre maimenama, Diore masimena ñaama. ⁹ Ñ macure ajitirũnrã, ñna rijato beroju ñna catirotire ñ catisere ñnare ñ ñsirotire yigu, adi macarucurojore ñ macu sigũne ñagũre cõañumi Dios. To bajiro Dios ñ yire ñajare, “Manire maiami Dios”, yimasiaja mani. ¹⁰ Dios manire ñ mairore bajiro manijuma, ñe maibeaja. To bajirã ñari, “Gãjire maigũma, ado bajiro bajiami” mani yimasiruarãja, manire Dios ñ maisere tuoĩaroti ñaja. Manire maimasucõagũ ñari, rojose mani yise jedirore manire masirioru, ñ macure cõañumi Dios, rojose mani yisere manire “Vaja yibosato” yigu.

¹¹ To bajiri, yu mairã ajiya ma. To bajiro Dios manire ñ maire ñajare, gãmerã ñamairoti ñaja manire. ¹² Dios, ruyubecu ñ ñaboajaquēne, mani gãmerã ñamajama, “Mani rãca ñaami Dios”, yimasiruarãja mani. Masare ñamaigũ mani rãca ñ ñajare, gãmerã mairuarãja mani quēne. ¹³ Esp'iritu Santore manire ñ cõare ñajare, “Mani rãca ñaami Dios”, yimasiaja mani. ¹⁴ To yicõari, jediro ñe ajitirũnrã rojose mani yise vaja rojose tãmuotujabetiriaroju mani vaborotire manire yirētosarocure Dios ñ cõar'ire ñacaju yu. Ñe ñacana ñari, ti quetire gotirũgũaja yu. ¹⁵ “Dios macu ñagũmi Jesús” yiguma, Diorãcagu ñagũmi.

¹⁶ Jesucristo ocare mani ajitirũnusuorijune, “Dios manire maiami”, yimasisuoadicaju mani. Dios suorine gãjerãre ñamaire ñaja. To bajiri, Dios manire ñ maisere masicõari, gãjerãre ñamaigũrema, “Ñ rãca ñagũmi Dios”, yimasiaja mani. ¹⁷ Dios manire ñ ejarēmojare, ñ macu manire ñ mairiarore bajiro gãjerãre mairuarãja mani. To bajiri Dios masare ñ beserirũma ti ejaro, “Rojose manire yirucumi”, yituoĩagũbetiruarãja mani. ¹⁸ Jesucristo ñ mairiarore bajiro quēnaro ñ mairãma, “Ñie suori rojose yure yibecumi Dios” yigu, tuoĩagũibecumi. To bajiri manire Dios ñ cõare ñajare, mani gãmerã mairãma, güibetiruarãja,

masare Dios ĩ beserirũmũ ti ejajaquẽne. Sĭgũ, gãmerã maire, to yicõari Diore masibecu ñari, tũoĩagũigũmi.

¹⁹ Diore mani maibetiboajaquẽne, ĩũama, bũto manire maiñumi. To bajiro manire ĩ yire ti ñajare, ĩre mairoti ñaja. ²⁰ Sĭgũ, “Diore maiaja yũ” yigotigũ ñaboarine, Jesũre ajitirũnũgũre ĩategũma, socagũ ñaami. To bajiri ĩ ĩatese sũorine, “Diore maibecu ñaami”, ĩre yĩamasajaja mani. ²¹ Sĭgũ, Diore ĩ mairũajama, Jesũre ajitirũnũgũre ĩamairoti ñaja. To bajise manire yirotiyumi Dios.

5

“Dios rĩa ñari, ĩ bojarore bajiro yiroti ñaja”, yire queti

¹ “Rotigũ ñarũcũmi’ yigũ, Dios ĩ cõar’i ñaami Jesús” yirãma, Dios rĩare bajiro bajirã ñaama. “Jacũre mani maijama, ĩ rĩare quẽne mairũarãja mani”, yigotise ñaja. To bajiri, mani jacũ Diore mani maijama, “Yũ rĩa ñaama” Dios ĩ yĩarãre quẽne mairoti ñaja. ² Diore maicõari, ĩ rotirore bajiro mani cũdijama, “Yũ rĩa ñaama” Dios ĩ yĩarãre quẽne mairã yirãja mani. ³ Diore mani maijama, ĩ rotirore bajiro cũdirũarãja mani. ĩ rotise josase me ñaja. ⁴ Ado bajiro ti bajijare, “ĩ rotise josase me ñaja”, mũare yibũ yũ: Jãjarã masa rojose tũoĩacõari, tire yirãre bajiro yirã me ñaja mani, Dios rĩare bajiro bajirã ñari. To bajiri, “Rojose yirũaboarine, Esp’iritu Santo ĩ ejarẽmose rãca tire yibetirũarãja mani” yitũoĩarã ñari, rojose yibetirũgũaja. ⁵ “Dios macũ ñaami Jesús” yitũoĩarã rĩne ñaama Esp’iritu Santo ĩ ejarẽmose rãca rojose yimena.

“Yũ macũ ñaami Jesús”, Dios ĩ yire queti

⁶ Jesús, ĩ bautiza ecocati sũorine, to yicõari, yucátẽroju ĩ sĩaecocati sũorine, masa rojose ĩna tãmũoborotire ĩnare yirẽtobosacõari, “Rotigũ ñarũcũmi’ yigũ, Dios ĩ cõar’i, ĩ macũ ñaja yũ”, yĩoñumi. To bajiri, “Dios macũ ñagũmi”, yimasajaja mani. Mani masune to bajise tũoĩacõari, yimasibeaja mani. Esp’iritu Santo ĩ ejarẽmose rãca socabetire tũoĩacõari, to bajiro yaja mani. ⁷ To bajiri idia vãme masajaja mani, Dios macũ, Jesús ĩ bajirere: ⁸ ĩ bautiza ecocati, ĩ sĩaecocati quẽne, to yicõari, Esp’iritu Santo ĩ ejarẽmose rãca “Dios ĩ cõar’i ñaami”, yimasajaja mani. ⁹ Masa ĩna queti gotisere mani ajijama, quẽnaja. To bajiboarine, “Ãnine ñaami yũ macũ” Dios ĩ yĩ ocaruyucacũ ocajũare roque socabeti ti ñajare, rẽtobũsaro ajiroti ñaja.^a ¹⁰ “Dios macũ ñagũmi Jesús” yitũoĩagũma, “Socase me ñañuja Dios ĩ yire”, yitũoĩagũmi. To bajicõari, “Dios macũ me ñarimi Jesús” yitũoĩagũma, “Socagũ ñaami Dios” yitũoĩagũre bajiro yigũmi. ¹¹ Ado bajiro mani masirotire bojami Dios: “Socase me ñañuja Dios ĩ yire” yitũoĩarã mani ñajare, “Mani rijato beroju mani catirotire ĩ catisere manire ĩsiñumi Dios” mani yimasisere bojami Dios. ¹² No bojarã ĩ macũre ajitirũnrã, ĩna rijato beroju ĩna catirotire Dios ĩ catisere ĩsiecoriarã ñarãma. ĩ macũ yere ajiterãma, Dios ĩ catisere ĩsiecomena ñaama.

Juan ĩ gotitũsare queti

¹³ “Mani rijato beroju Dios tũju mani catirotire Dios ĩ catisere ĩ ĩsiriarã ñaja mani’ yimasiatu” yigũ, Dios macũre ajitirũnrãre, adi papera mũare ucacõaja yũ.

¹⁴ Dios ĩ bojasere mani sãnijama, ajirũcũmi. Tire masirã ñari, “ĩre mani sãnijama, ajirũcũmi”, yimasajaja mani. ¹⁵ Tire masirã ñari, “ĩre mani sãnise cõro manire cũdigũmi”, yimasajaja.

¹⁶ Mũa rãcagũ Jesũre ajitirũnũgũ ñaboarine, rojose ĩ yijama, Diore ĩre sãnibosaya. To bajiro mũa yijama, rojose ĩ yisere ĩre masiriorũcũmi Dios. To yicõari, rojose tãmũotũjabetiriaroju ĩ vaborotire ĩre yirẽtobosarũcũmi Dios. To yicõari, quẽna gajeye rojose masu ñaja. Tire yirãrema, “Diore sãnibosaya”, yibeaja yũ. ¹⁷ Rojose mani yise jediro, Dios ĩ ĩavariquẽnabeti ñaja. Jediro rojose mani yise ti ñaboajaquẽne, Jesũre ajitirũnũgũ ñari,

^a 5:9 Jn 5.32-37; 8.18.

rojose ĩ yiro bero, s̄tiriticōari ĩ yit̄ajajama, rojose t̄ām̄ot̄ajabetiriaroj̄a vabetir̄uc̄ami. To bajicōari, quēna gajeye ñaja rojose masu, ĩ masiriobeti.

¹⁸ Adire masiaja mani: Dios r̄iare bajiro bajir̄ama, rojosere yibeam̄a. Dios mac̄a Jesús manire yir̄emor̄ūḡūḡūmi. To bajiro ĩ yijare, v̄atia ūj̄a rojose ĩ yirotisere yibeaja mani.

¹⁹ “Ȳu r̄ia ñaama’ Dios ĩ yir̄a ñaja mani”, yimasiaja mani. Ḡajer̄ama, v̄atia ūj̄a ĩ ejar̄ēnose r̄aca ĩ bojarore bajiro yir̄a ñaama ĩna. ²⁰ Gajeyere ado bajise masiaja mani: “Diore masiato” manire yiḡu, adi macar̄uc̄ar̄oj̄a vayumi Dios mac̄a. To ĩ bajire ñajare, Diore quēnaro masir̄a ñaja mani. To bajicōari, ĩ mac̄a Jesucristo r̄aca ñaja mani. “Īne ñaami Dios”, yimasiaja mani. Ī ñaḡūmi mani rijato beroj̄a mani catirotire ĩ catisere manire ĩsiḡū. ²¹ Diore mani r̄uc̄ab̄uorore bajiro, disej̄na gajeye mani r̄uc̄ab̄uose manoja. To bajiro ti bajijare, quēnaro t̄uōĩamasĩna m̄na, “Ḡajer̄a socase ĩna gotimasiosere ajis̄yarobe” yir̄a.

To cōro ñaja.

Segunda carta de SAN JUAN

Jesúre ajitirãnrãre Juan ï ucare queti

¹ ¿Ñaboati m̄, ȳ yo, “Ȳ mac̄re ajitirãnrã” Dios ï yirere c̄dirio? M̄ r̄are quẽne ucac̄aja ȳ. Ȳ ñaja b̄c̄. Ȳ s̄ḡ me, Dios oca socabetire ajitirãnrã jediro, m̄are maiaja ȳ. ² Dios ocare ajitirãnrã ñari, gãmerã maimasuc̄aja mani. Ti oca manire jedibetir̄aroja. ³ M̄are quẽnarotiḡ, mani jac̄ Diore, to yic̄ari, ï mac̄ Jesucristore ado bajise m̄are s̄nibosaja ȳ: “Quẽnaro m̄a rãca ña ñarotire yirã, ñare ejarẽmoña. Ñare ñamaic̄ari, m̄a oca socabetire ña masirotire yirã, ñare ejarẽmoña”, m̄are yis̄nibosaja ȳ.

⁴ Gajeyerema b̄to variquẽnaja ȳ. S̄ḡri m̄a rãcana mani jac̄ Dios ï bojarore bajiro ña yĩnase quetire ajic̄ari. ⁵ To bajiri, ȳ maiḡ, adi papera m̄are ȳ ucac̄ase, mame oca me ñaja ti. Ti ñaja gãmerã mair̄otire mani ajis̄oadicati. “Tire masiritibetic̄ato” yiḡ, m̄are gotiaja ȳ. ⁶ Mani gãmerã maijama, Dios ï rotiriarore bajiro yirũgũr̄aja mani. “Gãmerã maic̄ari, quẽnaro yirũgũña m̄a”, manire yirotiyumi Dios. Ti ñaja m̄a ajis̄oadicati.

Socase gotimasioremasa ña ñare queti

⁷ Socase gotimasiocudirimasa, jãjarã ñarãma. “Manire bajiro ruj̄ c̄tiḡ me ñañuju Jesucristo”, yisocarãma. To bajise yirã ñari, Cristore terã ñarãma. ⁸ Quẽnase m̄a yirũgũse vaja jediro quẽnaro m̄are Dios ï yirotire bojarã, ñare ajibesa m̄a.

⁹ Cristo ocare ña gotisere ajitirãnrã t̄jac̄ari, socarimasa ña gotisej̄are ï ajijama, Diorãcaḡ me ñaḡmi. Dios mac̄ Cristo ocare ajitirãnrã t̄jabec̄j̄ama, ña rãcaḡ ñaḡmi. ¹⁰ To bajiri, Cristo oca me, ricati m̄are gotimasioremasa m̄a ya vij̄ ña ejajama, ñare s̄nibeja. To yic̄ari, ñare s̄jarotibeja. ¹¹ Ñare m̄a s̄jarotijama, socase ña gotisere ñare yiejarẽmorã yir̄arãja m̄a.

¹² Gajeye jairo m̄are ȳ gotiroti ti ñac̄ajare, ȳ masune m̄are gotiḡ var̄a t̄oĩaja ȳ. To bajiboarine, adi r̄ne m̄are ucac̄aja ȳ. Toj̄ ȳ ejato, b̄to variquẽnar̄arãja mani.

¹³ M̄a yo, “Ȳ mac̄re ajitirãnrã” Dios ï yirere c̄dirio, so r̄a quẽne “Quẽnato”, m̄are yama.

To c̄ro ñaja.

Tercera carta de SAN JUAN

Cristore ajitirānugūre, Gayo vāme cūtigūre Juan ī ucacōare

¹ Gayo, ĩñaboati mū? Yū ñaja būcū, Juan, adi papera mūre ucacōagū. Yū quēne, Dios oca socabetire ajitirānugū ñari, mūre maiaja yū.

² Yū maigū, mūre quēnarotigu, Diore ado bajise mūre sēnibosaja yū: “ ‘Mū rāca quēnaro ī ñarore bajiro ī yarā rāca quēnaro ñato’ yigū, to yicōari, ‘Rijaye quēne manicōato’ yigū, ĩre ejarēmoña”, mūre yisēnibosaja yū. ³ Gājerā Cristore ajitirānūrā mū rācana yū tūjū ejacōari, “Dios oca socabeti ti gotirote bajiro yicōa ñaami” ĩna yigotisere ajicōari, buto variquēnamū yū. ⁴ Cristore ajitirānūrā, yū rīare bajiro bajirā, Dios oca socabeti ti gotirote bajiro “Quēnaro yirūgūama” ĩna yisere ajicōari, buto variquēnaja yū. Disejua quēnabusase oca ajibeaja yū.

⁵ Yū maigū, gājerā Cristo ocare gotimasiocudirimasa, gajeroana ĩna ñaboajaquēne, “Īnare yirēmōrūgūami” mūre ĩna yisere ajibū yū. To bajiro mū yirūgūse sūorine “Cristo oca socabeti ti gotirote bajiro yigū ñagūmi”, mūre yimasire ñaja. ⁶ Sīgāri Cristo ocare gotimasiocudirimasa, adoju Cristore ajitirānūrā ĩna rējarivijū ejacōari, “Quēnaro yūare yirēmocami”, yūare yigotima ĩna. To yicōari, quēna mū tūjū ĩna ejaro, “Quēnaro rētoajaro ĩna” yigū, Dios ī bojarore bajiro quēnaro ĩnare mū yirēmōjama, quēnaroja. ⁷ “Dios ocare gotimasiocudito mani” yirā, vacama ĩna. ĩna gotimasiocudiroju, Diore masimenare, “Yūare ejarēmoña”, ĩnare yibesuma. ⁸ To bajiri ĩnare yirēmōroti ñaja manire, “Cristo ocare gotimasiocudicōa ñato” yirā.

“Diótrefes vāme cūtigū rojose yiyumi”, yire queti

⁹ Mūare papera ucacōaboacaju yū, mū tūana Cristore ajitirānūrāre. To bajiboarine, Diótrefes vāme cūtigūjua masare gotimasiōrā yūa ñasere bojabesumi, “Yūjua ĩnare ũmato ñagū ñaja” yitūoīagū ñari. ¹⁰ To bajiro ī yire ñajare, yū vatirāmū mūa rējarivijū ejacōari, “Rojose yigū yiyuja mū”, ĩre yirūcūja yū. Ījua, rojose masu yūare ñagōmacarūgūñumi. To bajiro ī yirere ajicōari, variquēnabeaja yū. Cristo ocare goticudirimasa ī tūju ejacōari, ĩna rējarivijū ĩna sājaraajama, sājartibesumi. To ī yirone sīgāri ī rācanajuama, sājartirūaboayuma. To ĩna yirone, ĩna rācane “Budiasa mūa quēne”, ĩnare yitūd'icōarūgūñumi.

“Demetrio vāme cūtigū quēnaro yiyumi”, yire queti

¹¹ Yū maigū, rojose yirāre bajiro yibesa mū. Quēnasejūare yiya. Quēnase yirā, Dios rīare bajiro bajirā ñarāma, ī ejarēmose rāca ī bojarore bajiro yirā. Rojose yirāma, Diore masimena ñarāma.

¹² “Demetrio vāme cūtigū, quēnaro yigū ñaami”, yama masa jediro. ĩre bajiro quēnaro yigūre gotiaja Cristo oca riojo gotise. To yicōari, “Quēnaro yigū ñaami”, yaja yūa quēne. To bajirone yigūja mū.

¹³⁻¹⁴ Gajeye jairo mūare yū gotiroti ti ñacōajare, yū masune mūare gotigū varūa tūoīaja yū. To bajiboarine, adi rīne mūare ucacōaja yū. Toju ejacū, mūre quēnaro gotirūcūja yū.

¹⁵ Quēnaro mūa ñarotire yigū, mūare ejarēmōato Dios. Adoana mani mairā, mūre quēnarotiama. Mūa rācana mani mairāre yū quēnarotisere yūre gotibosaya.

To cōrone ñaja.

Carta de SAN JUDAS

Jesúre ajitirũnarãre Judas ĩ ucacõare queti

¹ ¿Ñati mũa, “Yũ rĩa ñaruarãma” Dios ĩ yirere cudiriarã? Yũ ñaja Jesucristo ĩ bojasere yigũ, Santiago bedi, Judas vãme cutigũ. Mani jacũ Dios mũare buto maiami. To bajicõari, “Yũ yarã ñari, yũre ajitirũncõa ñarũgũato” yigũ, mũare quẽnaro ĩatirũngũmi Jesucristo. ² Mũare quẽnarotigũ, Diore ado bajise mũare sẽnibosaja yũ: “Quẽnaro mũ rãca ĩna ñarotire yigũ, butobusa ĩnare ĩamaicõari, ĩnare ejarẽmoña. To yicõari, ‘ĩnare mũ maisere quẽnabusaro masirũtu vajaro ĩna’ yigũ, ĩnare ejarẽmoña”, mũare yisẽnibosaja yũ.

Socase gotimasiorimasa ĩna ñare queti (2 Pe 2.1-7)

³⁻⁴ “Satanás rojose ĩ yirotoiboasere cudimena ñato” yigũ, Jesucristo manire ĩ rijabosare quetire mũare ucacõarũaboaja yũ. Tire ucarũaboarine, gajeye mũa bajise quetire ajicõari, “Tijũare ucarocũ ñaja”, yitũoĩaja yũ. Mũa rãcana Diore rũcũbũomena socase gotimasiorimasa ñarãma. “Dios, quẽnagũ ñari, ĩ bojabetire mani yiboajaquẽne, to bajise mani yise vaja rojose yibecãmi”, yisocarãma. To bajiri, “Gãjerã rãca ajeriarã cutito mani”, yirãma. To yicõari, Jesucristo, mani mũjũ, ĩ sĩgũne ĩ ñaboajaquẽne, “Īre mani cudibetijama, no yibeaja”, yisocarãma. To bajiri, ĩ rijariaro bero, tudicaticõari, ĩ buerimasare Dios ĩ bojarore bajiro yigũ, gotimasiojeocõañumi. To yicõari, ĩnare gotimasioroticõañumi, masa jedirore. To bajiri, ĩna gotimasiorere ajiriarã ñari, gajeye ricati gãjerã ĩna gotimasiosere mũa ajijama, “Socase ñaja” yicõari, riojo gotimasiosejũare gotiroti ñaja. To yicõari, “Socabeti gotirejũare ajitirũnũ tũjabeticõato mani” yirã, Dios ĩ bojarore bajiro yicõa ñarũgũña.

⁵ Jẽre mũa masise ti ñaboajaquẽne, mũa tuditũoĩarotire yigũ, mũare gotiaja yũ: Tirũmũju Egipto sitana, israelita masare ĩna rotiajerãre gaje sitajũa ĩnare ũmato vamasĩũju Dios. To bajiro ĩnare ĩ ũmato bajiriaro bero, ĩre ĩna ajitirũnũbetijare, ĩnare bajirearotimasĩũju Dios. Tire masicõari, “ ‘Manire quẽne rojose yiromi’ yirã, Diore ajitirũnũ tũjabetiroti ñaja”, yimasiaja mani. ⁶ To yicõari, ángel mesare quẽne to bajirone yiyumi, ĩ rotiboasere ĩna cudibetijare. Sĩgũri ángel mesa, Diore moabosarã ñaboarine, ĩ rotirore bajiro cudibetimasĩũjarã ĩna. To bajiro ĩna bajijare, cõmemari rãca ĩnare siacõari, tũsabetigojejũ ĩna ñacõa ñarotire yigũ tojũ ĩnare cũmasĩũju Dios. “Rojose yirã, rojose tãmũorũgũrũarãma” ĩnare ĩ yirotirũmũju ti ejaroto rĩjoro, tojũne ñacõa ñaruarãma ĩna. To bajiro ĩ yirotirũmũju ti ejaro, butobusa rojose tãmũorũarãma ĩna. Tire masicõari, “ ‘Manire quẽne rojose yiromi’ yirã, Diore ajitirũnũ tũjabetiroti ñaja”, yimasiaja mani. ⁷ ĩnare bajiro rojose yimasĩũjarã Sodoma macana, Gomorra macana, ti maca tũ ñarimacariana quẽne. Ado bajiro yimasĩũjarã: Manajo cutirã, manajũ cutirã ñaboarine, gãjerã rãca ajeriarã cutirũgũmasĩũjarã. Manajo mana, manajũ mana quẽne, to bajirone yirũgũmasĩũjarã ĩna. To yicõari, ĩna rujari ti bojarore bajiro bojoneose yirũgũmasĩũjarã. To bajiro ĩna yijare, õ vecaye azufre vãme cutise rãca ĩnare soreamasĩũju Dios. Ti quetire ajicõari, ĩna yiriarore bajiro yimenasa manima, “Mani rijato berojũ jeame yatibetimejũ manire rearomi Dios” yirã.

⁸ Tire masiboarine, tirũmũana rojose ĩna yimasiriarore bajirone yicõa ñarãma mũa rãcana, Diore rũcũbũomena. Cãjiriagũ bajiriare bajiro ñarã ñari, ĩna rujari ti bojarore bajiro “Bojoneose yirã yaja”, yimasimena ñarãma. To bajicõari, mani mũjũre cudimena ñarãma. To yicõari, ángel mesare, vãtiare quẽne rũcũbũobetirũgũrãma socase gotimasiorimasa. ⁹ Ángel mesa mũjũ Miguel vãme cutigũ roque yisocarimasa rẽtoro rotimasigũ

ñaboarine, ñnare bajiro rojose yibetimasinuju, vātire. Ado bajiro bajimasinuju: Moisés ñamasir'i i rijato ñacōari, i rujure ñmiaramasiboayuju Satanás. To bajiro i yijare, Satanáre tud'irñaboarine, ñre tud'ibetimasinuju Miguel. Ado bajisejua ñre yimasinuju: “Ma yisere ñacōari, ‘Rojose tāmōrucumi’ Dios mure i yijama, quēnararoja”, ñre yicōa tujasuju Miguel. ¹⁰ Satanáre i tud'ibetiboajaquēne, socase gotimasiorājua, ángel mesare, vātiare quēne ñna bajisere masimena ñnari, rācubobetirūgūama. To bajicōari, ñna rujū ti bojarore bajiro yirā, “Bojoneose yirā yaja” yimasimenane, tire yirūgūrāma. To bajiro yirā ñnari, rojose tāmōtūjabetirarojū varona ñnarāma.

¹¹ Tirūmuana ñamasiriarā rojose ñna yimasiriarore bajiro yirā ñna ñajare, bato rojose ñnare yirucumi Dios: Ca'in ñamasir'i, rojose i tāmōriarore bajiro tāmōruarā, rojose yirūgūama ñna quēne. To bajicōari, Balaam ñamasir'i i yimasiriarore bajiro yirā, gājoajua bojamasucōarā ñnari, Dios i bojasere yibetirūgūrāma. Coré ñamasir'i i bajimasiriarore bajiro yirā, ñna ñjarā ñna rotisere cūdibetirūgūama ñna quēne. To bajiro ñna bajise vaja, rojose ñnare i yimasiriarore bajiro rojose tāmōtūjabetirarojū ñnare cōarucumi Dios.

¹² Diore rācuborā mña rējajama, socase gotimasiorimasa quēne mña rāca rējarūgūama. “Dios i bojasere yirā ñaja” yiboarine, no ñna bojarore bajirojua rñe yirūgūama. Mña tūōiarore bajiro tūōiarā me ñnaama. Ricatijua tūōiacōari, rojose yirūgūama. ñnare tūōiacōari, ado bajise mñare gotiaja yū: Bato asirirūmū oco buerire ñamacarāja mani, oco macarā. To bajiro mani yīñarone, oco buesere mino ti vēareacoajama, sūtiritiruarāja mani, “Oco bñjabeticōaja” yirā. To bajirone bajiroja socase gotimasiorimasa ñna gotiboase quēne. Quēna ado bajise mñare gotiaja yū: Yucú ricare baruarā macarāja mani. Tire mani bñjabetijama, sūtiritiruarāja mani. Rica mani ti ñajare, ñie vaja maja ti. Tiure quēacōarāja mani. To bajiri catibetiraroja yuja. Tiure bajirone ñie vaja mana ñnaama socase gotimasiorimasa. To bajiri rojose tāmōtūjabetirarojū ñnare cōarucumi Dios.

¹³ To bajicōari, riaga jairisa ti saberone, sōmo cuti, ueri jai bajiaja. Tire bajirone bojoneri mene rojosere yīñarūgūama socase gotimasiorimasa quēne. To bajicōari, ñnoco tirūmū ō vecajū Dios i cūmasiriarā, sīgūrī ñnare i cūmasiriarojuve vaveoriarā ñna ñajare, ñna ñarūgūrotijure tūōiacōari, bato rētiarojū quēnomasinuju Dios. To bajirone bajirāma socase oca mñare gotimasiorimasa quēne. Dios oca quēnasere ajitūjacōari, ñna masune ñna bojarore bajiro yirā ñnari, bato rētiarojū ñnacōa ñnaruarāma.

¹⁴ Socase oca mñare gotimasiorāre goti rñjoro yimasinuju Enoc ñamasir'i. I ñnaminuju Adán jānami. Adán macū ñnaminuju Set. Set macū ñnaminuju Enós. Enós macū ñnaminuju Cainán. To bajiro mani cōiaruji vajama, Enoc vāme cūtimasir'i rāca ñnarā, cojomo cōro gaje āmo jua jēnituarirācū ñnaminujarā. “Ado bajiro bajiruarāma Diore rācubomēna” yigū, ado bajiro Diore gotirētosamasinuju i: “Yure quēnaro ajiya. Cojorūmū adi macarucurojū ejarucumi mani uju. I rāca jājarā ángel mesa ejaruarāma. ¹⁵ Tirūmure masare beserucumi Dios. ñre rācubobeticōari, rojose yiriarāre, rojose ñnare yirucumi”, yigotimasinuju Enoc ñamasir'i, mña rācana Diore rācubomēna ñna bajiro tire gotigū. ¹⁶ “Quēnabeaja”, yigōjarūgūama ñna. To yicōari, “Ñna ye suorine rojose ñaja”, yīñagōmacarūgūama. To bajiro yirā ñaboarine, ñna bojamasuse rñe yirūgūama. Gajeyerema, “Rētoro masirā ñaja yua”, yirūgūama. To yicōari, ñna bojarore bajiro yirā gājerāre quēnaro gotisocarūgūama.

Cristore masirāre gotiquēnore queti

¹⁷ Yū mairā, Cristo i gotiroticōasūoriarā ñna yigotimasiorere masiritibesa mña. ¹⁸ Ado bajiro mñare gotimasioriarāma: “Adi macarucuro jediroto rñjoro Dios ocare ajatud'irā ñnaruarāma. Gājerāre tūōiamenane, rojose ñna yirūase rñe yirūgūruarāma”, mñare yigotimasioriarāma Cristo i gotiroticōasūoriarā. ¹⁹ Socase gotimasiorimasajua, ricati ñna gotijare, sīgūre bajiro tūōiamenaja mña. ñna masu ñna bojase rñe yicōarāma ñna, Esp'iritu Santore cūomēna ñnari.

²⁰ Yn mairã, Cristo ï bajirocare suorine quẽnaro Dios ï yire queti mna ajisore, masa ïna masu tũoĩacõari, ïna gotimasiore me ñañuja. Dios ye ñañuja. Quẽnarobusa tire ajitirãnuroti ñaja. To yicõari, Esp'iritu Santo ï ejarẽmose suorine Diore sãnirũgũroti ñaja. ²¹ Dios mnaare buto ï maisere masirãja mna. To bajiri quẽnaro ï bojarore bajiro yirũgũña, mnaare ï maitũjabetirotire bajiro yirã. To bajiro mna yĩnarone, Jesucristo ï tudiejarirũm ti ejaro, mnaare ïamaicõari, “Rojose maja” mnaare ï yirotire tũoĩa yuñarũgũña. Tirũmure, Dios, mnaare ï gotiriarore bajirone ï tũjma quẽnaro ñacõa ñarũgũrũarãja.

²² Sĩgũri mna rãcana, “Cristo oca, ¿rijo gotiati?” yirãre ïamaicõari, quẽnaro ïnare gotimasioña, “ ‘Socase me ñaja’ yitũoĩato” yirã. ²³ Jeamejũ vaboronare yirẽmoña, Jesucristo rãca quẽnaro tũoĩacõari, ïna ñarotire yirã. Gãjerãre quẽne rojose yirũgũrãre ïamaiña. To bajiro yirã ñaboarine, mna yirũgũsere quẽnaro tũoĩarũgũroti ñaja, “ ïnare bajiro rojose yirobe” yirã.

Judas Diore ï rãcũbũore queti

²⁴⁻²⁵ Tire tũoĩacõari, ado bajiro sãniroti ñaja manire: “Dios mna sĩgũne ñaja masirẽtogũ. Ñimũ gãji mna bajiro masigũ magũmi. Yna uju Jesucristo ï rijabosare suorine ynaare maiñuja mna. To yicõari, rojose yna yibetirotire ynaare ejarẽmoñuja mna. Mna rotiñarõju yna ejaro, ‘Rojose mna yire vaja maja’ ynaare yĩarũcũja mna. To bajiri, mna ñarõju ejacõari, mna rãca quẽnaro variquẽnarũarãja manĩ. Quẽnarẽtogũ ñaja mna. To yicõari, uju ñamasugũ ñaja mna. Ñie mna yimasibeti maja mna. To bajicõari, disejma mna rotimasibeti maja mna. To bajiro bajiyuja mna, adi macarũcũrore mna rujeoroto rĩjorojũne. Adirũmũrũre quẽne, to bajirone bajicõa ñaja mna. To bajiro rĩne bajicõa ñarũgũrũcũja mna”, yiroti ñaja manire, Diore rãcũbũorã.

To cõro ñaja.

APOCALIPSIS

Juan ĩ cǎjiriaroju Jesucristo ĩ gotire queti

¹ Adi papera, yoaro mene bajirotire gotiaja. Dios, ti quetire, ĩ macu Jesucristore gotiyuju, ĩ yarǎ, ĩ bojasere yirǎ, ĩna masirotire yigu. To bajiro ĩ yijare, “Yu bojasere yigare, Juanre, to bajiro bajirotire ruyuaĭocōari, ‘Ado bajiro bajaiaja mure yu ruyuaĭose’ ĩre yigotimasiorucuja mu” yigu, ángelre cōañumi Jesucristo. ² Yu ĩaja Juan, yure ángel ĩ ruyuaĭoro bajicati cōrone riojo ucagu.

³ To bajiro bajiroti ti cōñajare, ado bajiro yaja yu: Adi queti Dios ĩ cōarere ĩagotirona, to yicōari, tire cǎdirona quēne, quēnaro variquēnarona ĩarǎma.

Cojomo cōro juǎ jēnituario macariana Jesúre ajitirǎnrǎre Juan ĩ ucare queti

⁴⁻⁵ To bajiri, Asia sitana, cojomo cōro juǎ jēnituario macarianare, Jesúre ajitirǎnrǎre mure ucaja yu, Juan vǎme cǎtigu. Mure quēnarotigu, Diore, ĩ macu Jesucristore, to yicōari, Esp'iritu Santore quēne ado bajise mure sēnibosaja yu: “Quēnaro muǎ rǎca ĩna ĩarotire yirǎ, ĩnare ejarēmoña”, mure yisēnibosaja yu. Dios ĩaami tirǎmaju ĩamasir'i ĩaboarine, adirǎmure quēne ĩacōa ĩarǎgǎgǎ. Bero, masa taju ĩagǎ, ejarocu ĩaami. Dios, rotigu ĩ rujiri cǎmuro rǎjorojuǎ ĩagǎ ĩaami Esp'iritu Santo. Sǎgǎ ĩaboarine, cojomo cōro juǎ jēnituarǎcu ĩarǎre bajiro bajigu, jediro masigǎ ĩaami. To bajicōari, Jesucristo ĩaami ĩ jacu yere riojo gotirǎgǎgǎ. Rijacoaboarine quēna tudicaticōari, rijarocu me ĩasucami. To bajicōari, adi macarucuroana ĩjarǎ ĩarǎ jediro ĩju ĩaami. ĩ ĩaami manire maigǎ. Rojose mani yise vajare, ĩ rijacati rǎca manire vaja yijeobosacacu ĩaami. ⁶ To bajiro ĩ yicati sǎorine paiare bajiro, ĩ jacu mani ĩju ĩ bojasere yirǎ ĩaja mani quēne. ĩ rijacati rǎca manire ĩ vaja yijeobosare ĩajare, “ĩ ĩaami ĩajediro ĩju. Dise ĩ rotimasibeti rǎyabetoja. To bajirone bajirǎgǎrucami”, ĩre yitǎoĭa variquēnato mani. To bajirone bajiato.

⁷ Adire quēne tǎoĭaña muǎ: Buerigaseri vatoaju vadirucami Cristo. ĩ vadore ĩajedirǎarǎma masa, adi macarucuroana. ĩre sǎarocarotiana jǎnerabatia quēne ĩre ĩarǎarǎma. ĩre ĩacōari, jediro otirǎarǎma. To bajirone bajiato.

⁸ ĩjediro masijeogu, mani ĩju, Dios, ado bajiro gotiami: —Alfa, omega ĩaja yu. Alfa yu yijama, “ĩjediro ti ruyaroto rǎjoroju ĩacaju yu. To bajicōari, omega yu yijama, ĩjediro ti yayiro beroju quēne ĩacōa ĩarǎgǎrucuja” yigu yaja —yigotiami Dios.

ĩ ĩaami tirǎmaju ĩamasir'i ĩaboarine, adirǎmure quēne ĩacōa ĩarǎgǎgǎ. Bero, masa taju ĩagǎ, ejarocu ĩaami.

Cristo, Juanre, ĩ ruyuaĭore queti

⁹ Yu Juan, Jesucristore ajitirǎngǎ ĩari, muǎ yu ĩaja yu. ĩre ajitirǎngǎ ĩari, mure bajirone rojose tǎmǎoaja yu. Gǎjerǎ rojose yure ĩna yiboajaquēne, mure bajirone ĩre ajitirǎncōa ĩaja yu quēne. Mani ĩjare cǎdirǎ jediro to bajiro rǎne bajirǎgǎroti ĩaja. Tirǎmaju Dios ocare yu gotimasiojare, “Rojose tǎmǎoato” yirǎ, Patmos vǎme cǎtiyoaju yure cǎcama ĩna. ¹⁰ Domingo ĩarirǎmu, Esp'iritu Santo sǎorine yu sǎyarojuǎ ruyugoaro ocaruyusere ajicaju yu. Jutiria trompeta vǎme cǎtiare jutibǎsǎoriaro cōro bǎto ocaruyucaju ti. ¹¹ Ado bajiro ocaruyucaju:

—Yucane mure yu ĩrotire paperatutiju ucacuja mu. Ucacōari, Asia sitana, Cristore ajitirǎnrǎre cōarucuja. ĩna ĩarǎma cojomo cōro juǎ jēnituarorǎca macariana. Ado cōro ĩarǎma: Efesoana, Esmirnana, Pérgamoana, Tiatirana, Sardisana, Filadelfiana, to yicōari, Laodiceana quēne ĩarǎma —yĭ ocaruyucaju.

¹² Ocaruyusere ajicōari, “ĩĩimu yure ĩagōati?” yigu, judarǎgǎcaju yu, ĩre ĩaru. Cojomo cōro juǎ jēnituario sǎabusuojeorǎjuri ĩacaju. Orono ĩna quēnorǎjuri ĩacaju ti.

13 Sīabusuojeoriajuri vatoaju masure bajigu ñacami. Sudiro yoariase, i guboju tsariase sãñacami. I cotitẽrore cõmema, orone quẽnoriamasãñacami. 14 I rujoa joa oveja joare bajiro buto boticaju. To bajicõari, buerigaserire bajiro boticaju. I cajearima, jea ujusere bajiro yaacaju. 15 I gubori quẽne, buto yaacaju. Bronze vãme cutise jeameju soecõari, ina gosiosere bajiro yaacaju ti. I ñagõjama, oco menirore bajiro ocaruyucaju. 16 I ãmo riojojacatuare, cojomo cõro, juã jẽnituariãca ñocõa cuocami. I riseju jariase, juãjacatujane bujarijã budicaju. I rioga, muiju quẽnaro i asirore bajiro yaacaju.

17 Ire ñacacõari, i rjorojuã muqueacaju yu. Muqueagune, bajirocar'ire bajiro vãrebeticaju yu. To bajiro yu bajiboajaquẽne, i ãmo riojojacatua yure ñiajeocõari, ado bajiro yure yicami:

—Gũibesa mu. Ñajediro ti ruyuaroto rjoroju ñacaju yu. To bajicõari, ñajediro ti yayiro beroju quẽne ñacõa ñarũgũrcãja, yure yicami. 18 Yuãma ñasuoadicacujane ñacõa ñarũgũaja. Rijacoaboarine, tudicaticõari, juãji tudirijarocã me ñaja yu. Rijariarãre quẽne rotigu ñaja yu. Quẽna ina tudicatirore yimasigũ ñaja yu. To bajicõari, rijariarã jediro ina ñarõjare yu yarãre ñare juabumasija yu. “Rojose tãmutujabetiraroju vabeticõari, yu ñarõjuã quẽnaro ñarũgũato” yigu, ñare juabumasija yu —yure yicami yure ruyuaĩocacu.

19 Quẽna gajeye ado bajiro yure yicami:

—Yucãne mure yu ñorotire ucacũcãja mu. Adirãmariaye, bero bajirotiayere quẽne ñarũcãja mu. 20 Yuãmo riojojacatua cojomo cõro juã jẽnituariãca ñocõa mu ñarãre, “To bajiro yuraro yaja”, yimasibeaja mu. Ado bajiro yigu yibu yu, to bajiro yu yijõjama: Ina ñaama cojomo cõro, juã jẽnituaro macariana yure ajitirũnrãre ãmato ñarã. Cojomo cõro juã jẽnituariãca sīabusuojeore mu ñasema, ado bajiro yure ãni ñaja: Cojomo cõro juã jẽnituaro macariana yure ajitirũnrãre gotiro yibu —yure yicami yure ruyuaĩocacu.

2

Efeso macanare Juan i ucacõare queti

1 Quẽna ado bajiro yure yicami yure ruyuaĩocacu:

—Efeso vãme cuti macana yure ajitirũnrãre ãmato ñagũre ado bajiro ucaya: “Adi muare yu ucase, ado bajiro bajigu muare i gotise ñaja: I ãmo riojojacatua cojomo cõro juã jẽnituariãca ñocõa cuogũ, cojomo cõro juã jẽnituariãca sīabusuoriabajari jeoriajũre ñatirũnrũgũgũ ñaami. Yure ruyuaĩocõari, yure i goticature ire ucacõabosagu yaja yu”, yucaya —yicami.

To yicõari, ado bajiro muare goticami: 2 —Jediro muã yisere masija yu. “Mani ujure ajitirũnũato gãjerã” yirã, josari muã moarũgũsere masija yu. Gãjerã rojose ina yiboajaquẽne, yure muã ajitirũnũ tujabetire masija. Rojose yirãre muã ñavariquẽnabetire quẽne masija. “Cristo ocare riojo gotimasiorã ñaja yu” yirãre ajicõĩacõari, “Socarimasa ñaja muã” ñare muã yigoticature quẽne masija yu. 3 Gãjerã rojose muare ina yiboajaquẽne, yure ajitirũnũcõa ñaja muã. Yure ajitirũnrã muã ñajare, rojose muare yama. To bajiro ina yiboajaquẽne, yure ajitirũnũ tujabeaja muã. 4 To bajiro muã bajiboajaquẽne, cojo vãme ado bajiro muã bajisere ñavariquẽnabeaja yu: Yure ajitirũnũsuorã, muã maicato cõro yure maibeaja muã yuja. 5 Yure muã ajitirũnũsuocature tũoĩacõari, quẽna yure muã ajitirũnũsuocatore bajiro tudiajitirũnũña. To bajiro muã bajijama, yu bojabetire yitujacõari, yu bojasejũare yurãrãja muã quẽna. To bajiro muã yibetijama, muã sīabusuoriabaja jeoriajũre ãmagũ ejarũcãja yu. 6 Yure muã maibetibusasere ñavariquẽnabetiboarine, adi vãme muã yisere ñavariquẽnaja yu: Nicolás vãme cutigũre ajisũyarã, rojose ina yisere ñateaja muã. Yuã quẽne, tire ñateaja. 7 Esp'iritu Santo i ejarẽmose rãca ñamasusere muare yu gotirore muã ajimasirũajama, quẽnaro ajiya muã, gaje macariana yure ajitirũnrã jediro: Yure ajitirũnũ tujabetirona, yucã caticõa ñarotiaye rica cutiũ ricare barona ñarũarãma. Dios ya vese quẽnarivesejure ñaja tiũ —muare yigoticami yure ruyuaĩocacu.

Esmirna vāme cūti macanare Juan ī ucacōare queti

⁸ Gajeye ado bajiro yure yicami yure ruyuaīocacū:

—Esmirna vāme cūti macana yure ajitirūnarāre ūmato űagūre ado bajiro yure ucacōabosaya: Tire mūare goticacū, űajediro ti ruyuaroto rījorojū űamasir'i, to bajicōari, űajediro ti yayiro berojū quēne űacōa űarūgūrocū űaami. Rijacoaboarine, tudicaticōari, rijarocū me űaami. Ado bajiro mūare goticami:

⁹ —Gājerā rojose mūare īna yijare, rojose mūa tāmūosere masiaja yū. űie mana mūa űasere masiaja. To bajiro bajirā űaboarine, Dios mūare ī űjore űajare, gajeyeūni jairāre bajiro ī ye quēnamasuse jediro cūorā űaja mūa, ī macūre mūa ajitirūnū tūjabetirotire yirā. “Jud'io masa űari, Dios rīa űaja yūa” yitūoīaboarā, masa īna īaro rījorojūa, “Rojose yima” socarāne mūare īna yirosere ajiaja yū. To bajiro yirorā, Dios ī bojasere yirā me űaama. Vātia űjū, Satanās ī bojasejūare yirā űaama. ¹⁰ Rojose mūare īna yirotire tūoīagūibesā. “Sīgūri, tubiberiavijū tubibe ecoato īna” yigū, mūare yirūcūmi Satanās. “Cristore ajitirūnū tūjato” yigū, to bajiro mūare yirūcūmi. To ī yiroti űajare, jūāmo cōro űarirūmūri rojose tāmūorūarāja mūa. Rojose tāmūoboarine, yure ajitirūnū tūjabesa. Mūare īna sīaroti ti űaboajaquēne, yure ajitirūnū tūjabesa. To bajiro mūa bajijama, “Rijacoaboarine, quēna tudicaticōari, rijarona me űato” yigū, mūare yirūcūja yū. ¹¹ Esp'iritu Santo ī ejarēmose rāca űamasusere mūare yū gotirotire mūa ajimasirūajama, quēnaro ajiya mūa, gaje macariana yure ajitirūnarā jediro: Yure ajitirūnūcōa űarūgūronama, rojose tāmūotūjabetiriaroju yū rearona rāca vabetirūarāma —mūare yigoticami, yure ruyuaīocacū.

Pérgamo vāme cūti macanare Juan ī ucacōare queti

¹² Gajeye ado bajiro yure yicami yure ruyuaīocacū:

—Pérgamo vāme cūti macana yure ajitirūnarāre ūmato űagūre ado bajiro yure ucacōabosaya: Jūajacatūajūne būjarijāi jariase cūocacū, ado bajiro mūare goticami:

¹³ —Ti macajū mūa bajirūgūsere masiaja yū. Ti maca űaja Satanās ī űavariquēnari maca. Ti macana jediro, “Satanāre rūcūbūorā yaja” yimasibetiboarine, īre cūdirā vatoaju mūa bajisere masiaja yū. Sīgū mūa rāca űaboacacū, Antipas vāme cūtigūre, īre īna sīacatire masiaja yū. “Cristo ocājūare ajitirūnūroti űaja” ī yitūjabetijare, īre sīacama. Īre īna sīaboajaquēne, yure ajitirūnū tūjabeticajū mūa. To bajiro mūa bajicōa űasere masiaja yū. ¹⁴ To bajiro mūare quēnaro yiboarine, ado bajiro mūa yisejūare īavariquēnabeaja yū: Mūa rācana sīgūri, Balaam vāme cūticacū, Balac vāme cūticacūre ī gotimasociatire ajisūyacanare bajiro yama īna. Ado bajiro gotimasiocami Balaam, Balac vāme cūtigūre gotigū: “Israelita masare rojose mū yirogūajama, űmūare ado bajise rojose yi ocasāña: ‘Yūa quēnor'ire rūcūbūorā vaibūcūre sīacōari, ī tūjū yūa cūrūare riire mūa bajaquēne, quēnarūaroja. To yicōari, yūa yarā rōmia rāca mūa ajeriarā cūtijaquēne, quēnarūaroja tī' īnare yi ocasāña”, yigotimasiocami Balaam. ¹⁵ Gājerā rojose yirā quēne, Nicolás vāme cūtigūre ajisūyarā űaama sīgūri īna rācana. ¹⁶ To bajiri, Nicolāre ajisūyarāre, to yicōari, Balaam ī gotimasociatire ajisūyacanare bajiro yirāre ajibeticōaña. Īnare mūa ajitirūnūcōa űajama, mūa tūjū ejacōari, rojose mūa yise vaja, jariase yū risejū budirijāi, jūajacatūajūne būjarijāi rāca mūare rojose yirūcūja yū. ¹⁷ Esp'iritu Santo ī ejarēmose rāca űamasusere mūare yū gotirotire mūa ajimasirūajama, quēnaro ajiya mūa, gaje macariana yure ajitirūnarā jediro: Yure ajitirūnū tūjabetironare manā vāme cūtise yayioroju űare bare īnare ecarūcūja yū. To yicōari, tocārācūrene gūtari botiricari īnare īsirūcūja, mame vāme uaturiarire. űimūjūane tiarijūre uaturere īamasibetirūcūmi. Tiarire boca juarā rīne masirūarāma —mūare yigoticami yure ruyuaīocacū.

Tiatira macanare Juan ī ucacōare queti

¹⁸ Gajeye ado bajiro yure yicami yure ruyuaīocacū:

—Tiatira vāme cūti macana, yure ajitirūnarāre ūmato űagūre ado bajiro yure ucacōabosaya: Adī mūare yū ucase, ado bajiro bajicacū mūare ī goticati űaja: Dios macū, ī

cajeari jea űjũsere bajiro yaacacu ñacami. To bajicõari, cõme, bronce vãme cutise jeameju soecõari, ña gosiose buto yaasere bajiro gũbori cuticacu ñacami. To bajigu ñagũ, ado bajiro mũare goticami:

¹⁹ —Jediro ña yisere masiaja yũ. Mũa gãmerã maisere masiaja yũ. Yũre mũa ajitirũnũsere quẽne masiaja. “Quẽnabusaro ñe ajitirũnũto mani” yirã, mũa gãmerã ejarẽmosere quẽne masiaja. Gãjerã rojose mũare ña yiboajaquẽne, yũre mũa ajitirũnũcõa ñasere quẽne masiaja. Tirũmũju yũre ajitirũnũsũorãju quẽnaro mũa yicati rẽtoro quẽnaro yirũgũaja mũa, adirũmũrirema. Ti jedirorene masiaja yũ. ²⁰ To bajiro quẽnaro mũa yise ti ñaboajaquẽne, ado bajise mũa yisejũare ñavariquẽnabeaja yũ: Mũa tuago Jezabel vãme cutigo socase so gotimasiosere ajicõari, “Soco yaja mũ. Gotimasibeticõaña mũ”, sore yibeaja mũa. “Cristo oca riojo gotimasioğõ ñaja yũ” yitocõari, so gotimasiose sũorine yũ bojase yirã ñaboarã, ado bajiro rojose yama: Ajeriarã cutirã ñaama. To bajicõari, gãjerã ña quẽnor'ire rũcũbũorã vaibũcũre sũacõari, ñ tũju ña cũrũare riire barã ñaama. ²¹ To bajiro rojose so yisere yitũjacõari, yũ bojasejũare so yirotere yoaro yubũsacõaboaja yũ. Ajeriarã cuti tũjarũabeamo so. ²² To bajiro so bajicõa ñajare, “Cãnijesariaro joeju so ajeriarã cutirã rãca, so cãnirũgũriaju joene buto rojose tãmũoato” yigu, yirũcũja yũ. So rãca ajeriarã cutirãre quẽne to bajirone yirũcũja yũ. Yũcũne rojose ña yisere yitũjacõari, yũ bojasejũare ña yibetijama, to bajirone ñare yirũcũja yũ. ²³ To yicõari, so rĩare sũajeocõarũcũja yũ. Tire ajicõari, “Masa ñajediro mani tũoĩasere masijeogu ñaami”, yũre yirũarãma adi macarũcũroana ñajediro yũre ajitirũnrã. Tocãrãcũne ña yicatire quẽnaro ñacõari, “To bajiro yicana ñari, quẽnase bũjarã, rojose tãmũorã, bajirũarãja”, ñare yiroterũcũja yũ. ²⁴⁻²⁵ Yũre ajitirũnrã, socase so gotimasiosere ajitirũnũmenajũare mũare gotigu yaja: “Adi ñaja Satanás oca ñamasuse, gãjerã ña masibeti” sore ajisũyarã ña yiboajaquẽne, tire ajirũabeaja mũa. To bajiri, adi rĩne mũare rotigu yaja: Adi macarũcũroju yũ tudiejaroto rĩjoro, yũre ajitirũnũ tũjabetiroti ñaja. Gaje vãme mũare rotibeaja. ²⁶⁻²⁸ Yũre ajitirũnũcõa ñaronare, to yicõari, yũ bojasere yitũjabetironare mũa rijato beroju, mũa catirotere yigu, Dios ñ catisere mũare ñsirũcũja yũ. To yicõari, “Gãjerãre yũre rotibosato” yigu, yũ masisere mũare ñjorũcũja yũ. Ñ masisere yũ jacũ yũre ñ ñjocatire bajirone mũare ñjorũcũja yũ, “Mũare terã quẽne mũare cũdiato” yigu. To bajiri, buto rotirũarãja mũa. Gãjerã mũare ña cũdibetijama, josari mene ñare sũarearũarãja. ²⁹ Gaje macariana yũre ajitirũnrã jediro, Esp'iritu Santo ñ ejarẽmose rãca mũare yũ gotisere mũa ajimasirũajama, quẽnaro tũoĩato ña —yigoticami yũre ruyuaĩocacu.

3

Sardis vãme cuti macanare Juan ñ ucacõare queti

¹ Quẽna ado bajiro yũre yicami yũre ruyuaĩocacu:

—Sardis vãme cuti macana yũre ajitirũnrãre űmato ñagũre ado bajiro yũre ucaya: “Adi mũare yũ ucase, ado bajiro bajicacu mũare ñ goticati ñaja: Sũgũ ñaboarine, cojomo cõro jũa jẽnituarirãcũ ñarãre bajiro bajigure, Dios ñ cõagũ Esp'iritu Santore cũogu ñacami. To bajicõari, cojomo cõro jũa jẽnituarirãcũ ñocõa cũocami. To bajiro yũre ruyuaĩocacu ñ goticatire ñe ucacõabosagu yaja yũ”, yũcaya —yicami.

To yicõari, ado bajiro mũare goticami:

—Masa ña ñajama, “Cristore ajitirũnrã ñari, ña rijato beroju ña catirotere yigu, Dios ñ catisere ñ ñsiriarã ñaama”, mũare yirãma. To bajiro ña yiboajaquẽne, “Yũre ajimenare bajiro mũa rijato beroju rojose tãmũotũjabetiriaroju varona ñaama”, mũare yaja yũma. ² Yũ ñajama, Dios ñ bojarore bajiro quẽnaro yũre ajitirũnrã me ñaja mũa. To bajiri, quẽnaro tũoĩacõari, butobusa yũre ajitirũnũña, “Yũre ajiterã masu ñarobe” yirã. ³ Tirũmũju yũ ocare mũare ña gotimasioctire ajicaju mũa. Tire tuditũoĩacõari, ajitirũnũña quẽna. To bajiro mũa yibetijama, juarudirimasũre bajiro mũa masibetone rojose mũare yigu ejarũcũja yũ. ⁴ To bajiro yirocũ yũ ñaboajaquẽne, mũa rãcana sũgũri, Dios ñ ñajama, rojose mana

ñaja mña. To bajiri, sudi botise sãñacõari, yu rãca quẽnaro ñna ñarũgũruarãja.^a 5 Yure ajitirũnu tujabetirona, to bajirone bajiruarãma ñna. “Ado cõro ñaama yu tu ñarũgũrona” Dios ï yuucamasicatitutire ñna vãmere coebetirũcũja yu. To yicõari, õ vecaju yu jacure, ángel mesare quẽne, ñna ñaro rĩjorojua, “Ãnoa ñaama yu yarã”, ñnare yũorũcũja yu. 6 Gaje macariana yure ajitirũnurã jediro, Esp'iritu Santo ï ejarẽmose rãca mñare yu gotisere mña ajimasirũajama, quẽnaro tũoĩato ñna —yicami yure ruyuaĩocacu.

Filadelfia vãme cãti macanare Juan ï ucacõare queti

⁷ Quẽna ado bajiro yure yicami yure ruyuaĩocacu:

—Filadelfia vãme cãti macana yure ajitirũnurãre ùmato ñagũre ado bajiro ucaya: Adi mñare yu ucase, ado bajiro bajicacu mñare ï goticati ñaja: Dios ï bojase rĩne yigũ, riojo gotigũ ñacami. Ñne ñacami Ʋju David ñamasir'i jãnami, ñre bajiro Dios yarãre rotigũ. To bajiboarine, Dios tujarema soje jãnariaro cũogu ñacami ñma. Masare ñacõari, “Ãnoa, yu tujũ ñarũgũruarãma” ï yirotijama, to bajirone bajiruarãma. To bajiro ï yirotijama, ñimũjua ñnare matarocũ manirũcũmi. To bajiro ñnare yirotirocũ ñacami. To bajicõari, gãjerãjua, “Ãnoama, yu tu me ñaruarãma”, yirotirocũ ñacami. To bajiro ï yijaquẽne, ñimũjua, ï tujũ ñnare ñarotirocũ manirũcũmi.

To bajiro yirocũ ñacami ado bajise mñare goticacu:

⁸ —Jediro mña yisere masiaja yu. Gãjerã mñare ñna ñajama, “Ñamasurã ñaama”, mñare yibeama. To bajiro ñna yibetiboajaquẽne, yu sũorine gãjerã ñna gotimasiocatire bajiro quẽnaro yirũgũaja mña. Yure ajitirũnu tujabeaja. To bajiri, yu ocare gãjerãre quẽnaro mña gotimasiorotire yigũ, yibũ yu. Gãjerã mñare ñna gotimasio rotibetiboajaquẽne, yu sũorine gotimasiocõa ñaruarãja. ⁹ To bajiro mñare yiboarine, gãjerãjua, vãtia uju, Satanás ï bojasere yirã ñaboarine, socarãne, “Dios rĩa ñaja yua” yirãre, ado bajiro ñnare yirũcũja yu: Gotimasiorã rĩjorojua gũsomuniari tuetucõari, “Mñajua ñaja Dios ï mairã” mñare ñna yirotirocũ yirũcũja yu. ¹⁰ “Gãjerã rojose mñare ñna yiboajaquẽne, yure ajitirũnũcõa ñaroti ñaja” mñare yu yiroticatire bajiro cũdirũgũaja mña, yu oca gotimasior-ĩmasa. Adi macarũcũro tũsarirũmũre gãjerã, masa jedirore rojose yiruarãma, “Diore ajitirũnũbeticõato” yirã. “Tire yiroma” yigũ, mñare ejarẽmocõa ñarũcũja yu. ¹¹ Yoaro mene adi macarũcũroju vadirũcũja yu. To bajiri, yure mña ajitirũnurõre bajiro ajitirũnu tujabeticõaña. To bajiro mña bajicõa ñajama, quẽnaro Dios mñare ï yirotirocũ matarocũ magũmi. ¹² Yure ajitirũnu tujabetironare, yu jacũ tujũ ñna ñarũgũrotire yirũcũja yu. Ñ ya vi botari boabeti, ti ñarũgũrore bajiro ñarũgũruarãma ñna. Ñnare bubetirũcũja yu. Idia vãme ñnare vãme ucaturũcũja yu. Ado bajirivãmeri yirũcũja yu: Yu jacũ Dios vãme, ï ya maca vãme, to yicõari, yu vãme mame ñarotire ucaturũcũja. Yu jacũ ya maca, mame quẽnorã maca Jerusalén vãme cãti maca ñarũaroja. Ti maca õ vecaju rujiadicõari, ejarũaroja. ¹³ Yure ajitirũnurã jediro, Esp'iritu Santo sũorine mñare yu gotisere mña ajimasirũajama, quẽnaro tũoĩato —yigoticami yure ruyuaĩocacu.

Laodicea vãme cãti macanare Juan ï ucacõare queti

¹⁴ Quẽna ado bajiro yure yicami yure ruyuaĩocacu:

—Laodicea vãme cãti macana yure ajitirũnurãre ùmato ñagũre ado bajiro ucaya: “Adi mñare yu ucase, ado bajiro bajicacu mñare ï goticati ñaja: Ñ sũorine jediro quẽnase Dios ï gotimasiriarore bajirone yirũgũami Dios. Ñ ñacami ï jacũ yere riojo gotirũgũgũ. Ñ sũorine adi macarũcũroaye jedirore rujeomasifũmi Dios”, yuucaya —yicami.

To yicõari, ado bajiro mñare goticami:

¹⁵ —Jediro mña yisere masiaja yu. Yure tebetiboarine, quẽnaro yure ajitirũnũbeaja mña. To bajiro mña bajise, rojose masu ñaja. Ti ùnire bojabeaja yu. ¹⁶ To bajiro bajirã mña ñajare, yu yarã mña ñasere bojabeticõari, mñare reagũgu yaja yu. ¹⁷ Ado bajiro tũoĩaboaja

^a 3:4 Sudi botise sãnarãre ti gotijama, rojose mana, ñre ajitirũnu tujabetiriarã ñari, ï rãca ñarãre gotiaja.

mua: “Gajeyeūni jairā ñaja mani. Mani bojase ñajediro, dise ruyabeto cuoaja mani. To bajicōari, Dios ye quēnamasuse ĩ ñjose jediro cuorā ñaja mani”, yituoīaboaja mua. Yū ĩajama, ado bajiro bajirāñja ñaja mua: Rojose yirā ñari, sudi manare bajiro bajiaja. Yū bojarore bajiro yirā me ñari, ñie cuobetimasucōarāre bajiro bajiaja. To bajicōari, yūre masimena ñari, ĩamenare bajiro bajiaja mua, yū ĩajama. ¹⁸ To bajiro bajirā mua ñajare, ado bajiro mua yiro tire mūare gotimasioḡū yaja yū: Quēnamasuse ñajediro cuorā mua ñaruajama, rojose mua yisere yitujacōari, yūre sēniña. To bajiro mua yijama, “Quēnase sudi sāñarāre bajiro bajirā ñato” yigū, rojose mua yisere Dios ĩ masiriojeorotire yigū, yirucuja. To yicōari, “Quēnamasuse ñajediro cuorā ñato” yigū, yū bojarore bajiro yirā mua ñarotire yigū, yirucuja. To yicōari, “Īarāre bajiro ñato” yigū, yūre quēnaro mua masiro tire yigū, yirucuja. ¹⁹ Yū mairā jedirore, “Rojose yaja mua; tire yitujacōari, ado bajiroñja mua yijama, quēnaruroja”, ĩnare yigotimasiorūḡūaja yū. Riojo ñamasusere ĩnare gotimasiorūḡūaja yū. To bajiri, “Rojose yitujaja yū”, yisocabeticōaña mua. ²⁰ Riojo ñamasusere mūare gotiaja yū: Yū suorine ado bajiro tuoīaama masa: “Cristore ajitirūnucōari, ĩre baba cutiroti ñaja”, yituoīaama. Yūre ajitirūnucōari, yūre ĩna baba cuti variquēnarotire bojagū ñari, ĩna cudisere yurūḡūaja yū. “Īre baba cutiruaaja” ĩna masune ĩna yicudijama, ĩna rāca quēnaro baba cutirucuja yū. ²¹ Yūre ajitirūnucōa ñaronare, ō vecajū yū tujū yūre ĩna rotibosarotire yirucuja yū. Yū jacure quēnaro ajitirūnucōari, ĩ tujū ĩre yū rotibosarūḡūore bajiro yūre rotibosarūḡūuarāma ĩna quēne. ²² Yūre ajitirūnucōari jediro, Esp'iritu Santo ĩ ejarēmose rāca mūare yū gotisere mua ajimasiruaajama, quēnaro tuoīato —yigoticami yūre ruyuaīocasū.

4

Ō vecajū Diore rucūboroti queti

¹ To ĩ yiro bero, gajeye ado bajise yūre bajīlocajū: Ō vecajū, Dios ĩ ñaroju, jānariosjere ĩacajū yū. To yū ĩamūorone, jutiria trompeta vāme cutiare jutibūsuoriaro cōro buto, ado bajiro ocaruyucajū ti:

—Mūjaaya. Bero bajiroti quetire mūre ĩorucuja yū —yūre yī ocaruyucajū.

² To bajiro ti yirone, Esp'iritu Santo suorine ō vecajū ejaḡure bajiro ĩacajū yū. Toju sīḡū, rotigū ĩ rujiri cūmurore rujicami. ³ Īrioga, buto yaacajū. Gūta quēnase, jaspe vāme cutise, to yicōari, gaje gūta, cornalina vāme cutise ti yaarore bajiro yaacajū. Īrujiro tujū buerimamūre bajiriberua ñacajū. Gajea gūta, esmeralda vāme cutise ti yaarore bajiro yaacajū tiberua. ⁴ Īrujiro tujū veinticuatro cūmurori, ũjarā ya cūmurori ñagānibiacaajū. Ti cūmurorijūre būcūrā rujicama. Botise sudi sāñarā ñacama ĩna. To bajicōari, oro bedori jeocama.^b ⁵ ĩna vatoagū ũjū ñamasugū ĩ rujiri cūmurojūne būjo ĩ yabese budicajū. To bajicōari, būjo ĩ jaro, ti būsurore bajiro būsucajū. Īrujiri cūmuro rījorojūa cojomo cōro jūa jēnitarirācū jea ũjaricūri rūḡōcajū. Ado bajiro yigotiro bajicajū: Sīḡū ñaboarine, cojomo cōro jūa jēnitarirācū ñarāre bajiro bajigū, jediro masigū ĩ ñasere gotiro bajicajū.^c ⁶ Ūjū ñamasugū ĩ rujiri cūmuro rījorojūane ũtabūcūrare bajirita ñacajū. Oco botirita ñacōari, quēnaro ruyurita ñacajū.

To bajicōari, ĩ rujiri cūmuro rījorojūa, ti cūmuro sūyarojūa quēne, riojojacatūa, ḡācojacatūa quēne, ĩāñamana babaricārācū ñacama. ĩna rujūri jediro cajeari cuticama. ĩna riogari ñarijacatūa quēne ĩna sūyarojūari quēne cajeari cutirā ñacama. ⁷ ũasuoḡū, yai, león vāme cutigūre bajigū ñacami. Īberoagū, ta vecure bajigū ñacami. ĩna beroagū, masū riogare bajiro rioga cuticami. Tūsaḡū, ga jaigū, vūḡure bajiro bajigū ñacami. ⁸ Tocārācū, cojomo cōro, coja jēnitarorāca querejūri cuticama. ĩna rūjūrijū quēne cajeari cuticama. Ti joejūa,

^b 4:4 Būcūrāre ti gotijama, Jesūre ajitirūnucōari ũmato ñarāre gotiaja. ^c 4:5 Ap 1.4, 3.1.

ẽnerocajua quẽne cajeari cõtirã ñacama. Ɛmuari, ñamiri quẽne Diore rãcubhorã, ado bajiro basarũgũcama ñna:

—Mani ujũ, quẽnase rĩne yigũ ñaami. Quẽnase rĩne yigũ ñaami. Quẽnase rĩne yigũ ñaami. Jediro masigũ ñaami. Tirũmũju ñamasir'i ñaboarine, adirũmurire quẽne ñacõa ñarũgũgũ ñaami. Bero, masa tũju ñagũ, varocũ ñaami —yibasarũgũcama ñna.

⁹ Ɛju ya cũmuro rujigure, ẽmuari catimhorũgõrocure ñna rãcubhojama, ado bajiro yirũgũcama:

—Mũ ñaja rẽtoro quẽnagũ. To bajicõari, rẽtoro ñamasugũ ñaja mũ. Quẽnaro yaja mũ —ĩre yirũgũcama ñna.

¹⁰ Tocãrãcaine to bajiro ñna yirone, bucãrã, veinticuatro ñarã, ñ tũju muquearũgũcama ñna, ñre rãcubhorã. Muqueacõari, ñna jeoribedorire, “Rotirimasũ ñaja yũ” yimasioribedorire juacõari, ñ rujiro rĩjorojua cũrũgũcama, “Quẽnaro mũ yise sũorine mũre rotibosamasiaja yua” yirã. To yicõari, ñre rãcubhorã, ado bajiro yicama:

¹¹ —Yua ujũ, mũ sigũne ñaja mũ, yua rãcubhogũ. Ñajediro rujeomasir'i ñaja mũ. Ti ñarotire mũ bojatũoĩamasire sũorine ruyuacõari, ñacõa ñaja jediro. To bajiro yimasir'i mũ ñajare, ado bajiro quẽnaro mũre yirũcubhoroti ñaja: “Mũ ñaja rẽtoro quẽnagũ. To bajicõari, rẽtoro ñamasugũ, ñajediro masigũ ñaja mũ. Mũ rotijama, mũre cũdirũarãma ñajediro” mũre yirũcubhoroti ñaja —ĩre yicama ñna.

5

Paperajotire sũoñiarere jãnerocure, quẽnase rĩne yigure, ñna bũjare queti

¹ To bajiro ñna yicatire yũ ajiro bero, ujũ ya cũmurojũ rujigũ ñ ãmo riojojacatua papera tũnariajoti ñ cũosere ñacaju yũ. Tijoti totijũ, joejua quẽne ucare ñacaju. To bajicõari, cojomo cõro jua jẽnituario sũoñiare ñacaju, tijotijure. ² To ñ bajirone, sigũ ángel, gãjerã ángel mesa rẽtoro tutuagu, ado bajise ruyugoaro sẽnĩacami:

—¿Nijua ñarolari, tijotire sũoñiarere jãnecõari, ti ucare manire ñagotirocũ, Dios ñ ñavariquẽnarocũ? —yisẽnĩaboacami.

³⁻⁴ To bajiro ñ yisẽnĩaboajaquẽne, õ vecana, adi macarũcũroana, adi sita ẽnerocana quẽne, sigũjuaa tijotire sũoñiarere jãnerocũ Dios ñ ñavariquẽnagũ manicami. Ñ manijare, bũto oticaju yũ. ⁵ Yũ otisere ñacõari, sigũ bucũ, ado bajiro yure goticami:

—To cõrone otiya. Adojua ñaãa. Adone ñaami sigũ, vãtia ujũ ñ rotimasibecũ. Vãtia ujũ ñ bojabeti ti ñaboajaquẽne, masa rojose ñna yise vaja ñnare vaja yibosagu, rijabosayumi. To bajicõari, rijacoaboarine, tudicatiyumi. Ɛju ñamasugũ, Judã ya jũnagu ñaami. Ɛju David ñamasir'i jãnami ñaami. Tijoti cojomo cõro jua jẽnituarorãcaji sũoñiarere jãnecõari, manire ñ ñagotisere Dios ñ ñavariquẽnarocũ ñaami —yure yicami.

⁶ To ñ yirone, bucãrã vatoajũ, to yicõari, ñaãaãamana vatoajũ, ujũ ya cũmuro gũdarecojũ ñacami oveja macure bajiro rijabosacacũ. Cojomo cõro, jua jẽnituarorãca jotari cãticami. Ñ cajeari quẽne, to cõrone ñacaju. Tire ñacõari, “Sigũ ñaboarine, cojomo cõro jua jẽnituarirãcũ ñarãre bajiro bajigure, adi macarũcũro jedirojũ Dios ñ cõagũ, Esp'iritu Santore cõogu ñaami”, ñre yĩamasicaju. ⁷ Ɛju ya cũmuro rujigũ riojojacatua ñ cõorijotire ãmicami. ⁸ To ñ yirone, babaricãrãcũ ñaãaãamana, to yicõari, veinticuatro ñarã bucãrã quẽne, oveja macure bajiro rijabosacacũ rĩjorojua muqueacama, ñre rãcubhorã. Ñna jediro jabasariarorire arpa vãme cãtiriaserire cõocama. Orone quẽnoribajarire quẽne cõocama. Tibajariju sãtiquẽnase soemhoroti jũmũcõacaju. Sãtiquẽnase ti buemũja vase, masa, Dios yarã ñre ñna sẽniserere bajiro bajise ñacaju. ⁹⁻¹⁰ Ñ rĩjorojua muquearãne, ado bajiro basacama ñna, basaãaãamanire:

—Mũre sããũma masa. To ñna yirone, tocãrãca macanare, cojo masa jũna ruyabeto, cojo oca ruyabeto ñagõrãre, to yicõari, cojo sita ruyabetoanare Satanás yarã ñaboarãre rijabosacõari, mũ r'i sũori yure vaja yibosayuja mũ, “Dios yarãjua ñato” yigũ. To bajiro mũ yire sũorine paiare bajiro mũ jacũ, mani ujũ ñ bojaserere yirã ñaja

yua quēne. To bajicōari, adi macarucuroanare rotiruarāja yua. M̄ yire s̄orine to bajiro yua bajiroti ñajare, m̄ne ñaja, tijoti s̄oñiare j̄anecōari, ti ucare yuare m̄ ñagotisere Dios ĩ ĩavariquēnagūma —yibasacama, ĩ r̄ijorojua muqueacana.

¹¹ To ĩna yiro bero, ʘj̄u ya c̄umuro t̄uj̄u, babaricārāc̄u ĩaĩañamana, to yicōari, veinticuatro ñarā b̄ucurā ĩna ñaro s̄uyaroj̄ujare ñacōari, basacama ángel mesa. J̄ājarā masu ĩna ñajare, ĩnare cōĩajeobeticaj̄u ȳu. ¹² Ado bajise ruyugoaro basacama:

—Oveja mac̄ure bajiro rijabosacac̄u, ado bajiro bajiḡu m̄ ñajare, quēnaro m̄ure yir̄uc̄ub̄uo variquēnaroti ñaja: M̄ rotijama, m̄ure c̄adiruarāma ñajediro. Ñajediro c̄uoḡu ñaja m̄. Quēnaro t̄uoĩaḡū ñaja m̄. Rētoro masiḡū ñaja m̄. Rētoro ñamasuḡū, rētoro quēnaḡū ñaja m̄. Quēnaro m̄ure yir̄uc̄ub̄uo variquēnaroti ñaja —yibasacama ángel mesa.

¹³ To bajiro ĩna yisere ajicōari, ̄o vecana, adi macarucuroana quēne, adi sita ēñerocana quēne, moa riagariana quēne, ñajedirone, ʘj̄u ya c̄umuro rujiḡure, to yicōari, oveja mac̄ure bajiro rijabosacac̄ure quēne quēnaro ĩna yir̄uc̄ub̄uo basacatire ajicaj̄u ȳu. Ado bajiro ĩnare yibasacama:

—Ado bajiro bajirā m̄ua ñajare, quēnaro m̄ure yir̄uc̄ub̄uo variquēnarūḡūroti ñaja: Rētoro ñamasurā, rētoro quēnarā ñaja m̄ua. To bajicōari, rētoro masirā ñaja m̄ua. To bajirā m̄ua ñajare, m̄ure quēnaro yir̄uc̄ub̄uo variquēnacōa ñaroti ñaja —yibasacama.

¹⁴ To bajiro yigajanorāne,

—To bajirone yir̄uḡūroti ñaja —yicama babaricārāc̄u ĩaĩañamana.

To ĩna yirone, ʘj̄u ya c̄umuro rujiḡure, to yicōari, oveja mac̄ure bajiro rijabosacac̄ure, ĩnare r̄uc̄ub̄uorā, muqueacama ĩna, veinticuatro ñarirāc̄u ñarā, b̄ucurā.

6

Cojomo cōro, j̄ua j̄ēnituario ñase s̄oñiare queti

¹ To ĩna yiro bero, oveja mac̄ure bajiro rijabosacac̄u, papera t̄unariajotire s̄oñias̄oriaj̄ure ĩ j̄ānesere ĩacaj̄u ȳu. To ĩ yirone, babaricārāc̄u ĩaĩañamana r̄ācaḡu s̄īḡū, b̄ujo ĩ jaro ti bus̄use cōro b̄ato ruyugoaro ĩ ñagōsere ajicaj̄u:

—Adoj̄ua vayá —yicami, ḡājire jiḡu. ² To ĩ yirone, caballo botiḡu joe jesaḡure ĩacaj̄u. ĩ joe jesaḡu, t̄ēmubedo c̄uocami. R̄uj̄oa jeoriabedo jeococami. Ti bedore jeococōari, adi macarucuroanare, ĩre ĩaterāre quēne ĩ rotijama, ĩna c̄adirotire yiḡu, vacami.

³ ĩ vato bero, papera t̄unariajotire s̄oñiariaj̄ure gajej̄ure j̄ānecami oveja mac̄ure bajiro rijabosacac̄u. To ĩ yirone, quēna ḡāji ĩaĩañamaḡū ado bajise yicami:

—Adoj̄ua vayá —yicami ĩ quēne, ḡājire jiḡu.

⁴ To ĩ yirone, caballo s̄ūaḡure ĩacaj̄u ȳu. ĩ joe jesaḡu jariase jairij̄ai ĩsiecocami. To yicōari, “Ado bajiro yir̄uc̄uj̄a m̄”, yiecocami: Masa quēnaro ĩna ñabetirotire yiḡu, to yicōari, ĩna ḡāmerā s̄īarotire yiḡu, c̄ūecocami.

⁵ ĩ vato bero, gajej̄u s̄oñiariaj̄ure j̄ānecami oveja mac̄ure bajiro rijabosacac̄u. To ĩ yirone, ado bajiro yicami quēna ḡāji ĩaĩañamaḡū:

—Adoj̄ua vayá —yicami ĩ quēne, ḡājire jiḡu.

To ĩ yirone, caballo ñiḡure ĩacaj̄u ȳu. ĩ joe jesaḡu, r̄uc̄uoñariaro c̄uocami. ⁶ To ĩ bajirone, ĩaĩañamana vatoaj̄u ado bajiro ocaruyucaj̄u ti, caballo joe jesaḡure ĩre gotiro:

—“Trigo vāme c̄utise, to yicōari, cebada vāme c̄utise mojoroaca b̄ujato” yiḡu, tire yirojor̄uc̄uj̄a m̄. To bajiro m̄ yijare, trigo vāme c̄utise bare, cojor̄ūm̄ moare vaja, cojo kilo cōro b̄ujare ñar̄uroja. To yicōari, cebada vāme c̄utise bare, cojor̄ūm̄ moare vaja, idia kilo cōro b̄ujare ñar̄uroja. “To bajirone bajiato” yiḡu, yir̄uc̄uj̄a m̄. To bajiro yiboarine, olivo vāme c̄uti yuc̄arire, to yicōari, ʘyemarire quēne yirojobetir̄uc̄uj̄a m̄. “ʘye roabare, ʘye oco quēne, jairo vaja c̄utibeticōato” yiḡu, yir̄uc̄uj̄a m̄ —yi ocaruyucaj̄u, caballo joe jesaḡure gotiro.

⁷ Ī vato bero, gajejū sūoñiariajūre jānecami oveja macūre bajiro rijabosacacū. To ĩ yirone, quēna gāji tūšagū, ĩaīñamagū, ado bajiro yicami:

—Adojūa vayá —yicami ĩ quēne, gājire jigū.

⁸ To ĩ yirone, caballo sūriribogū ñagūre ĩacajū yū. Ī joe jesagū, Rijare Rotigū vāme cuticami. Ī sūyarojūa gāji vadicami, Rijariarā ĩna ĩnaro vāme cutigū. To ĩna bajirone, ado bajiro ĩnare roti ocaruyucami Dios:

—Adi macarūcūroana masa ĩna gāmerā sīarotire, ĩna ñiorijarotire, rijaye rāca ĩna bajirearotire, to yicōari, vaibūcūrā no yiyamana ĩnare ĩna sīarotire yirā, yirūarāja mūa —ĩnare yiroticami. To yicōari, —Masa jediro babaricārācatubuari batecōari, cojotubuanare mū sīajeocōajama, quēnarūaroja —ĩnare yiroti ocaruyucami Dios.

⁹ ĩna vato bero, gajejū sūoñiariajūre jānecami oveja macūre bajiro rijabosacacū. To ĩ yirone, Diore rūcūbūorā ĩna soemūoriajū ēñerocajū gājerā ĩna sīariarāre ĩacajū yū. Dios oca quēnaro ĩna gotimasiojare, to yicōari, “Jesúre ajitirūñūaja yūa” ĩna yitūjabetijare, ĩnare sīañūma. ¹⁰ Ado bajise ruyugoaro goticama:

—Jediro masigū ñaja mū. Quēnase rīne yigū, riojo gotigū ñaja mū. Yūare sīacana rojose ĩna yicatire ĩacōari, “Rojose tāmūotūjabetirūarāja” ĩnare mū yiroti, ¿no cōro yoaro rūyati? —yicama ĩna.

¹¹ To ĩna yirone, botise sudi yoese ĩnare ĩsicami Dios. To yicōari,

—Tūoīarejaibesā. Quēnaca yucōa ñaña maji. Gājerā ñarūarāma, mūare bajiro yū macū ĩ bojasere yirā ñari, sīaecorona. ĩnare ĩna sīajeoro berone, ĩna sīase vaja rojose tāmūotūjabetiriaroju ĩnare rearūcūja —yicami Dios.

¹² To ĩ yiro bero, quēna gajejū sūoñiariajūre jānecami oveja macūre bajiro rijabosacacū. To ĩ yirone, sita būto ti sabesere ĩacajū yū. To bajicōari, muiju ūmūagū busu tūjacami. To bajiri, nojūa bususe manicajū. To bajicōari, ñamiagū muiju, ri'ire bajiro būto sūacami.

¹³ ũocoa quēne, sita tūcurojuare vējacoacama ĩna. Higuera vāme cutiū ti rica burirodo rījoro, ti rica busere mino vēasure vējacatore bajiro vējacama ĩna. ¹⁴ To bajicōari, ūmūagūsero yayicoacajū. Paperajoti tūnariarore bajiro bajiyayicoacajū. Jediro gūtaurire, yucūyoarire quēne yivāreocōari, gajeroju tire cōacami Dios. ¹⁵ To bajiro bajijare, gūta gojerijū, gūtayucūri vatoajū rudisājacoacama masa. Ūjarā, rotirimasa, ñamasurā, ñamasumena quēne, gājerāre moabosarā, gājerāre moabosamena quēne, rudisājacoacama. Gājoa jairā, ñie mana quēne, masa jediro rudisājacoacama. ¹⁶⁻¹⁷ To bajiro rudicōari, gūtayucūrire, gūtari jacasere quēne, ado bajiro yicama ĩna:

—Ūju ya cūmuroju rūjigū, Dios yūare ĩ ūbetirotire yiro, yūare tājoyayioya. “Oveja macūre bajiro rijabosacacū quēne, yūare ĩacōari, rojose yūa yise vaja rojose yūare yibeticōato ĩ” yiro, yūare tājoyayioya —yicama ĩna, gūtayucūrire. —Rojose yūa yisere ĩacōari, “To bajiro yirā ñari, rojose tāmūotūjabetirūarāja” yūare Dios, ĩ macū ĩna yirotirirūmū mojoroaca ti rūyajare, to bajiro yaja yūa. To bajiro ĩna yijama, “Rojose tāmūobetirūcūja yūma” ĩnare yicūdimasirocū magūmi. To bajiro ti bajijare, yūare tājoyayioya —yicama ĩna, gūtayucūrire, gūtari jacasere quēne.

7

Īyarāre Dios ĩ ūtirūñūroti queti

¹ To ĩna yiro bero, ángel mesa babarirācū ĩacajū yū. Jūdoaga sojeju ñacami sīgū. Jūnaga sojeju ñacami gāji. Varuaga sojeju ñacami gāji. To bajicōari, gajejacatūajūa varuaga sojeju ñacami gāji. To bajirone ñacōacama ĩna, “Mino vabeticōato” yirā. To ĩna bajijare, adi sita joe, riagari joe quēne, mino vabeticajū. Yucū joere quēne, mino vabeticajū. ² To ĩna bajirone, muiju ĩ jadojūa gāji ángel ĩ vadisere ĩacajū yū. Masirētogū, Dios vāme ucaturiaro cūocōari, ĩ vadore ĩacajū yū. Vadicōari, gājerā ángel mesare, adi sitare, riagarire quēne, Dios rojose ĩ yirotiriarāre būto ruyugoaro ado bajise ĩnare goticami:

³—Adi sita, riagari, yucárire quēne rojose yibesa m̄ua maji. Mani ɱj̄, Dios ĩ bojasere yirã ĩna riovecarire Dios vāme ĩnare ucatuto mani maji. ĩnare ucatujeocōari, adi sitare, riagarire, yucárire quēne rojose yiruarãja mani —ĩnare yicami ángel.

⁴To ĩ yiro bero,

—Dios vāmere ucatuecorã, juaãmo cōro, ḡubo j̄ua jēnituororãca jūnana ñaama —ȳure yicama. —Jediro ciento cuarenta y cuatro mil Israel ñamasir'i jānerabatia ñaama —ȳure yicama.

⁵⁻⁸Ti jūnanare cōĩacōari, ado bajiro ȳure goticama:

—Judá ñamasir'i jānerabatia doce mil ñarã ñaama. Tocārãcu jānerabatia, cojoro cōrone ñaama. Adocārãcu ñaama:
 Rubén ñamasir'i jānerabatia,
 Gad ñamasir'i jānerabatia,
 Aser ñamasir'i jānerabatia,
 Neftal'i ñamasir'i jānerabatia,
 Manasés ñamasir'i jānerabatia,
 Simeón ñamasir'i jānerabatia,
 Lev'i ñamasir'i jānerabatia,
 Isacar ñamasir'i jānerabatia,
 Zabulón ñamasir'i jānerabatia,
 José ñamasir'i jānerabatia,
 to yicōari, ñatusamasir'i Benjam'in ñamasir'i jānerabatia,
 ĩna jediroj̄une doce mil ñarã ñacōaama ĩna, Dios vāmere ucatuecorã —ȳure yicama.

Jājarã botise sudi sãñarã Diore ĩna r̄uc̄b̄uore queti

⁹To ĩna yiro bero, ɱj̄ ya cūmuro, to yicōari, oveja mac̄ure bajiro rijabosacac̄u r̄j̄oroj̄ua, jājarã masare ĩacaj̄u ȳu. Tocārãca macana, cojo masa jūna r̄uyabeto, ricatiri r̄ĩne ñagōrã, to yicōari, cojo sita r̄uyabetoana ñacama ĩna. Jājarã masu ĩna ñajare, ĩnare mani cōĩajama, cōĩajeomenaja. Sudi botise sãñacōari, jūqueri c̄uocama. ¹⁰To bajicōari, ruyugoaro ado bajise ĩnare yicama:

—Ȳua r̄uc̄b̄uoḡu, Dios, rotiḡu ĩ rujiri cūmurore rujiḡu, to yicōari, oveja mac̄ure bajiro rijabosacac̄u, ĩnane ñaama rojose t̄am̄uot̄ujabetiriarioj̄u ȳua vaborotire ȳure yirētosarã —yicama ĩna.

¹¹To bajiro ĩna yirone, ángel mesa ñajediro, to yicōari, b̄uc̄rã, veinticuatro ñarã, to yicōari, babaricārãcu ĩaĩañamana, ɱj̄ ya cūmuro t̄uj̄u r̄ügōḡañibiacama ĩna. Gãjerã ruyugoaro ĩna ñagōsere ajicōari, Diore r̄uc̄b̄uoḡã, ĩ r̄j̄oroj̄ua muqueacama ĩna. ¹²Muqueacōari, ado bajiro yicama:

—Riojo gotiama ĩna. M̄ure r̄uc̄b̄uoḡaja ȳua quēne. Quēnaro m̄ure yir̄uc̄b̄uoḡo variquēnaroti ñaja. Rētoro quēnaḡu ñaja m̄u. Quēnaro yaja m̄u. M̄u rotijama, m̄ure c̄ud̄ir̄uarãma ñajediro. Rētoro masiḡu ñaja m̄u. To bajiro m̄u bajijare, quēnaro m̄ure yir̄uc̄b̄uoḡo variquēnacōa ñar̄üḡuroti ñaja. To bajirone bajiato —yicama ĩna, Diore gotirã.

¹³To ĩna yiro bero, sīḡu b̄uc̄u, ado bajise ȳure sēniĩacami:

—Botise sudi sãñarã, ¿no bajiro bajiriarãj̄ua ñati? —ȳure yisēniĩacami.

¹⁴To ĩ yijare, ado bajiro ĩre c̄ud̄icaj̄u ȳu:

—Masibeaja ȳu. M̄u masiḡuja. Ȳure gotiya —ĩre yicaj̄u ȳu.

To bajiro ȳu yijare, ado bajiro ȳure gotimasiocami:

—ĩna ñaama rētoro rojose t̄am̄uoriarodo b̄uto rojose t̄am̄uoboarine, Cristore ajitir̄ũn̄u t̄ujabetiriarã. Rojose yiriarã ñaboarine, rojose ĩna yirere yit̄ujacōari, “Rojose ȳu yise vaja ȳure vaja yijeobosayumi Cristo”, yit̄uõariarã ñaama. To bajiro yiriarã ñari, Cristo ĩ rijabosare s̄uori, “Rojose mana ñaama”, Dios ĩ yirã ñaama.

- 15 To bajiro Dios ĩ yirã ñari, ĩ ya cūmuro rĭjorojua ejacōari, ĩ bojasere yitujabeama ĩna. ĩ tuana ñari, ñiejua rojose yiecobetiruarãma ĩna. ĩnare quēnaro coderūgūrucami Dios.
- 16-17 To bajicōari, oveja coderimasare bajiro ĩnare quēnaro coderūgūrucami Cristo quēne. Oco catire ĩnare iocōari, ĩnare ũmato ñarūgūrucami. To yicōari, “Juaĭi sutiritibeticōato” yigu, ĩnare quēnaro yirucami Diojua. To bajiro ĩna yijare, ñiorijabetiruarãma. Tudi oco idirubetiruarãma. To bajicōari, muiju ĩnare tudiasibetirucami. To bajiri muiju ĩ asise tudi asisãjabetiruarãma —yure yigotimasiocami.

8

Ruyariju suoñariajare jãneru queti

1 To ĩ yiro bero, oveja macare bajiro rijabosacacu, cojomo cōro jua jēnituororãcaju suoñariajare jãnecami. Tijare ĩ jãnerone, yoaro treinta minuto cōro oca mano ñacaju.

2 To bajiro ti bajiro tucarone, cojomo cōro, jua jēnituorirãca ángel mesa, Dios rĭjoro ĩna rūgōsere ĩacaju yu. Cojomo cōro, jua jēnituorirãca jutiriari trompeta vãme cutiricari boca juacama ĩna.

3 Gãji ángel, orone quēnoribaja, sutiquēnase soemnoribajare cuogu ñacami. Uju ya cūmuro rĭjorojua Diore rūcuborã, ĩna soemnoriju orone ĩna quēnorijaju taju tibajare ãmiejarūgucami. ĩ ejarūgūrone, Dios yarã Cristore ajitirãnu tujabetiriarã, Diore ĩna sēnise rãca vucōari, Diore rūcubogū ĩ soemnorotire yirã, jairo sutiquēnase ĩre ĩsicama ángel mesa.

4 Tire ĩ soemnorone, buese quēnaro sutiquēnase Diore buejacaju. Dios yarã ĩre ĩna sēnise quēne ejacaju, ĩ taju.

5 Tire soemnogajano, ĩ cuoribajare soemnorijajuaye rĭti yaasere sãjũmucōacami. Tire sãjũmucōari, adi macarucuroju jioeajeocōacami. To ĩ yirone, adi macarucuroju buto bujo yabecōari, jacami. To ĩ yise buto busacaju. To bajicōari, buto güiuro ocaruyucaju. To bajicōari, sita sabecaju.

Trompeta vãme cutiricare ángel mesa ĩna jutire queti

6 To ĩ yiro bero, trompeta vãme cutiricari jutirarã, cuocama ángel mesa, cojomo cōro jua jēnituorirãca ñarã.

7 Rĭjoroagu jutisucami. ĩ jutisorone, yusjedise oco veta vējacaju. To bajicōari, jea ũjuse, ri'i vusase, vējacaju. Ti vęjarone, adi sita idiaju ñasere cojojũ cōariaro cōro uajedicoacaju. Yucari, jediro ta catise quēne, uajedicoacaju.

8 ĩberoagu juticami quēna. ĩ jutirone, ũmaricu gũtare bajiricu ñacōari, moa riagajare ũjurocaroacoacaju. To ti bajirone, moa riaga idiaju ñasere cojojũ cōariaro cōro ri'i godovedicoacaju.

9 To bajiri moa riagana ñajediro idiaju ñaboariarã cojojũana cōariaro cōro bajireajedicoacama. To bajicōari, cūmuari jacase idiaju ñaboariaju, cojojũ rujajedicoacaju.

10 ĩna beroagu juticami quēna. ĩ jutirone, õ vecagu ñoco jaigu quedicoacami. Jea ũjurore bajiro ũjucōa quedirujacami. Oco idiaju ñasere, cojojũ cōariaro cōro rocaroacoacami.

11 Sũegũ vãme cuticami ñoco. To bajiri ĩ rocaroarijune, idiaju ñase, cojojũ cōariaro cōro sũese godovedicoacaju oco. To bajiri tire idicōari, jãjarã masa bajireacama.

12 ĩna beroagu juticami quēna. ĩ jutirone, ũmagu muiju, ñamiagu quēne, ñocoa quēne, ĩna busurūgũro cōro busubeticama ĩna yuja. Idiaju cōro, cojojũ cōariaro cōro busuboariarã, busubeticoacama ĩna. Cojorãmu jediro busuboare, babari horari busumasibeticami. Ñamire quēne, ñamiagu muiju, ñocoa quēne, cojo ñami jediro busuboare, babari horari busumasibeticama. To bajiri, ũma, ñami quēne ĩna busubetijare, buto rētiacaju.

13 Tijũ bero, õ vecaju ga ĩ vusere ĩacaju yu. Vugune ado bajise ruyugoaro goticami:

—Buto güiose ñaruroja adi macarucuroanare. Buto rojose tãmuoruarãma ĩna. Ángel mesa idiarã, ĩna jutiroti ruyaja. ĩna jutirone, buto rojose tãmuoruarãma adi macarucuroana —yigoticami ga.

9

¹ To bajiro ĩ yigotiro bero, cojomocārācū tūscū juticami ángel. ĩ jutirone, sīgū ñoco adi macarūcurojū ĩ quedirujiato ĩacajū yū. ĩ ñacami tūsbetigoje ĩna tubiberiagojere jānariarore Dios ĩ ĩsicacū. ² Quedirujiacōari, ti gojere jānacami. ĩ jānarone, jairime jeame ti buemūjarore bajiro buemūjacajū. Jairo buejūmūcōari, rētiacoacajū. To bajicōari, ruyubeticami muiju quēne. ³ Bueri vatoajū joreroa jājarā vūbatecama, adi macarūcurore. Cotibaja ĩ toarore bajiro ĩnare toaroticami Dios. ⁴ “Tare, yucūrire, no bojase judisere barojobesa mūa”, Dios ĩ yicana ñacama ĩna. “ĩna riovicare, ‘Āni ñaami Dios yū’ yī vāme ucatu ecomena rīrene rojose yirūarāja mūa”, Dios ĩ yiroticōacana ñacama. ⁵ ĩnare gōjanabiorotiboarine, sīarotibeticami Dios.

—Cojomocārācū muijua, cotibaja ĩ toarore bajiro ĩnare toarūgūrūarāja mūa —ĩnare yiroticami.

⁶ —Tocārācū muijuane būto rojose tāmūorā ñari, būto bajirearūaboarūarāma. To bajiboarine rijamasibetirūarāma ĩna —ĩnare yicami Dios.

⁷ Yū ĩajama, sīarimasa, gāmerā sīarūarā caballo mesare ĩnare toose turiarāre bajiro bajirā ñacama joreroa. ĩna rūjoari joere orone quēnoriatedore bajise jeocama. ĩna riogarima, masū riogare bajise ñacajū. ⁸ Yoese joa cūticama. To bajicōari, yai, león vāme cūtigū gujire bajise jacase guji cūticama. ⁹ ĩna rujūrire toose cōme gase ñacajū. ĩna vūjama, būto būsūcājū. Gāmerā sīaroana, caballo mesa jairo tūnuricori ĩna tūavatore bajiro ocaruyucājū ti. ¹⁰ Cotibaja ĩ toaricare bajise toaricari cūtirā ñacama joreroa. ĩna toajama, cojomocārācū muijua cōro yoaro ti jūnijare, rojose tāmūorūgūcama. ¹¹ Joreroa ūjū, ángel rojogu ñacami. To bajicōari, tūsbetigoje ūjū ñacami. Hebreo oca rāca Abadón vāme cūticami. To bajicōari, griego ye rāca Apolión vāme cūticami. “Rearimasū” yire ūni ñaja ti.^d

¹² To bajirone bajicajū joreroa ĩna toase rāca masa rojose ĩna tāmūoroti quēne. Tire bajirone bajirūaroja adi macarūcuro tūsarirūmūari rojose ĩna tāmūosūoroti. Tijū bero, rojose ĩna tāmūoroti jūaji ruyacajū quēna.

¹³ Joreroa ĩna toaro bero, cojomo cōro coja jēnitarirācū tūscū ángel juticami. ĩ jutirone, Diore rūcūbūorā, ĩ rījorojūa sūtiquēnase, ĩna soemūoriajū orone ĩna quēnorijū ñase babaricārāca saviari gūdarecojū ocaruyucājū. ¹⁴ ĩ jutirone, ado bajiro ocaruyucājū:

—Riaga, Éufrates vāme cūtirisa tūjū babaricārācū ángel mesa rojose yirāre yū siacūcanare ōjaaya —yī ocaruyucājū.

¹⁵ To bajiro ti yī ocaruyujare, “ĩdiajū ñaboariajū, cojojūanare masare sīajeocōato” yīgū, ĩnare ōjacami. “Tirodone, ĩ muijune, tirūmūne, ti horane masare sīarūarāma” ĩ yitūōiariorore bajirone ĩna yirotire yīgū, ĩnare siacūñuju Dios. ¹⁶ ĩnare ĩ ōjaro bero, jājarā masu, surara mesa, caballo joejū jesarāre ĩacajū yū. “Doscientos millones ñaama” yī ocaruyusere ajicajū yū.

¹⁷ Yū ĩajama, ado bajiro bajicama: ĩna rujūrire toose ricati rīne ñacajū. Gājerā sūase, gājerā ūmūagaserore bajiro sūmese, gājerā sūrise sāñacama. Caballo mesa, yai, león vāme cūtigū rūjoare bajiro rūjoari cūticama ĩna. ĩna riserijū budicajū jea bueri. To yicōari, rojose sūtise azufre vāme cūtise quēne budicajū. ¹⁸ ĩdiajū ñaboariajū, cojojūanare masare sīajeocōacajū ti, caballo mesa riserijū budicati. ¹⁹ ĩna riseri budise sūorine gūiorā masu ñacama. ĩna jīcorori quēne āñare bajise ñacajū. To bajicōari, āña ĩ rūjoa rāca ĩ cūnirore bajiro gūioro yise ñacajū.

²⁰ Jājarā ĩna sīaecosere ĩaboarine, ĩna sīarūacanaajūama ado bajiro rojose yicōa ñarūgūcama: Vātiare rūcūbūorūarā ñarūgūcama. To yicōari, rūcūbūorūarā ĩna quēnoriarā ñacama: Oro, plata, bronce, gūta, yucū quēne ti rāca quēnocōari, rūcūbūorā ñacama. ĩna quēnoriarā,

^d 9:11 Apolión ti gotijama, “Rearimasū” yire ūni ñañuju.

Īase me, vase me, ajise me ti ñaboajaquēne, tire rācubnocōa ñarūgūcama. ²¹ To yicōari, gājerāre sīacōa ñarūgūcama. Masare rojacōa ñarūgūcama. Dios ĩ bojabetire ajeriarā cūticōa ñarūgūcama. To yicōari, juarudicōa ñarūgūcama.

10

Ángel, papera tūnariajotiaca cūogū ĩ bajire queti

¹ Tijū bero, gajeye ado bajise bajicajū: Sīgū ángel, gājerā ángel mesa rētoro tutuagū, ō vecajū buerigaseri vatoajū rujiacami. Ado bajiro bajicami: Ī rūjoa vecare buerimamū ñacami. Ī riogama, muiju ūmūagūre bajiro busucajū. Ī ñicūgūri quēne, jeare bajise yaacajū. ² Papera tūnariajotiaca ōjacōari cūocami. Rujiejacōari, ĩ gūbo riojojacatūajū, moa riagajū cūdarocarocami. Gācojacatūa gūbo boejūa cūdacūcami. ³ To yicōari, ruyugoaro avasācami. Yai, león vāme cūtigū ĩ avasārore bajiro ruyucajū, ĩ avasācati. Ruyugoaro ĩ avasārone, cojomo cōro, jūa jēnituarirācū bājōa ñarā ĩre cūdi ocaruyucama. ⁴ Īna cūdi ocaruyusere ajicōari, ucagūagū yiboacajū yū. Tire ucagūagū yū yirone,

—Tire ucabesa. To yicōari, gājerāre gotibesa —yūre yī ocaruyucajū, ō vecajū.

⁵ To bajise ti yī ocaruyuro bero, cojojacatūa gūbo moa riagajū cūdarocarocōari, gaje gūbo boejū cūdacūcōari, ĩ āmo riojojacatūa ĩ ñumūosere ĩacajū yū. ⁶⁻⁷ “Yū gotirore bajirone bajirūaroja’ ĩre mani yimasirotire” yigū, ado bajise yicami yūre ruyuaĭocacū:

—Catimūorāgōrocū, Dios, ō vecaye, to yicōari, adi macarūcūroaye jediro rujeocacū, ĩ ĩaro rījorojūa riojo yū gotirūgūrore bajirone ado bajise yaja yū: Cojomo cōro jūa jēnituarirācū tūacū ángel ĩ jutitūsarirīmarone, masa ĩna masibeticati, “Ado bajiro yirūcūja yū” gotirētobosarimasare ĩnare ĩ yicatore bajirone yijeocōarūcūmi Dios, yicami yūre ruyuaĭocacū. “To cōrone yijeorūcūja yū” ĩ yitūoĭariajū ejaja —yicami yuja.

⁸ To ĩ yiro bero, ō vecajū yū ajicati quēna ado bajiro yūre gotirēmo ocaruyucajū:

—Ángel riojojacatūa gūbo moa riagajū cūdarocarocōari, gaje gūbo boejū cūdacūcōari ñagū tūjū vasa. Papera tūnariajotiaca ĩ cūorijotire āmiaya —yūre yī ocaruyucajū.

⁹ To bajiro ti ocaruyusere ajicōari, ángel tūjū vacajū yū. Ī tūjū ejacōari,

—Tijotiacare yūre ĩsiña —ĩre yisēnicajū yū.

To yū yisere ajicōari, yūre ĩsigūne, ado bajiro yūre yicami:

—Ūma. Baya mū. Adijotiacare mū barone, beroa ocore bajiro ibisitirūaroja mū risejū. To bajiboarine, mū baro bero, mū gūdajoajū sūecoarūaroja —yūre yicami.

¹⁰ To ĩ yijare, tijotire āmicōari, bacajū yū. Beroa ocore bajiro ibisiticajū. To bajiboarine yū baro bero, yū gūdajoajū būto sūecajū. ¹¹ Yū baro bero, ado bajiro yūre goticami ĩ quēna:

—Masa tocārāca macana, cojo masa jūna rūyabeto, cojo oca rūyabeto ñagōrā, to yicōari, cojo sita rūyabetoana ĩna ūjarā quēne ĩna bajirotire goti rījoro yiroti ñaja mūre quēna —yūre yicami.

11

Juarā Cristore gotirētobosarimasa ĩna bajiroti queti

¹ To ĩ yiro bero, cōiariure yūre ĩsicami ángel. Ī ĩsirone, ado bajiro yūre yī ocaruyucami Dios:

—Tū rāca yūre yirūcūbūoriavire cōiāaya. Yūre rūcūbūorā ĩna soemūorijūre quēne cōiāma. To yicōari, “¿Nocārācū masu ñati yūre rūcūbūorivijū rējarā?” yigū, ĩnare cōiāma.

² Ti vi tū ñaritūcurorema cōiābesa. Yūre ajimena yatūcuro ñarūaroja ti tūcuro. Tojūre idia cūma gaje cūma gūdareco cōro yū ya macajūre rojose yicudirūarāma ĩna. ³ To bajiri juarā yūre gotirētobosaronare cōarūcūja yū. Idia cūma, gaje cūma gūdareco cōro yūre gotirētobosa ñarūarāma ĩna. “‘Sūtiritiama’ yīĭato” yimasiore sudi sāñacōari, gotiñarūarāma —yūre yī ocaruyucami Dios.

⁴ Īna juarā gotirētobosarimasa ĩna ñajama, adi macarucuro uju, Dios ĩaro rĭjorojua, ju olivo vāme cūtiari, to bajicōari, sĭabusuojeoriajari, juaju ti ñarore bajiro ñarā bajicama. ⁵ Gotirētobosarimasare ĩaterā, ĩnare rojose ĩna yiruaboajama, ĩna riseriju jea budicaju. Ti rāca ĩnare soereajeocōacama ĩna. ⁶ Oco quedise ĩna bojabetijama, “Oco quedibeticōato” yirā ñacama. To bajiri, Diore ĩna gotirētobosarirodo cōrone “Oco quedibeticōato” yicama. Ocore quēne, ri'i godoveomasirā ñacama. To yicōari, adi macarucuroanare, no ĩna bojase “Rojose tāmūoato” yimasirā ñacama. No ĩna bojarore bajiro tire yimasirā ñacama.

⁷ Diore ĩna gotirētobosa gajanorone, ĩnare sĭaguagu ĩna tujū mūjaejacami tūsbetigojeagu güiogū. To bajicōari, ĩnare sĭareacami. ⁸ ĩnare sĭareacōari, jairimaca varia maaju ĩna rujurire cūcami. Mani ujare ĩna jajušiacati maca ñacaju ti maca. Ti macana buto rojose yirā ñari, Sodoma macana ñamasiriarā, to yicōari, Egĭpto sitana ñamasiriarāre bajiro yicama ĩna. ⁹ To bajiri güiogū ĩ sĭacana idiarūmū gajerūmū gudareco maaju cūñacaju ĩna rujuri. Masa ñajediro, cojo jūnana ruyabeto, cojo sitana ruyabeto, ĩna rujurire ĩacama. Sĭgūri, ĩacōari, ĩna yujerūaboajaquēne, ĩnare matakami güiogū. Buto ĩna ĩaterā ĩna ñajare,

—Īnare yujebeticōato —yicama masa. ¹⁰ Gotirētobosarimasa ĩna rijacoajare, jājarā masa, buto variquēnacama. Variquēnarā ñari, vaja manone gajeyeūni gāmerā ĩsicama.

—Īna juarā manire rojose yibetiruarāma yuja —yivariquēnacama.

¹¹ To bajiro ĩna yiboajaquēne, idiarūmū gajerūmū gudareco tūsatone, ĩnare catiocami Dios. To ĩ yijare, tudicaticōari, ĩna vūmūrūgūsere ĩaucacōari, buto güicama masa. ¹² To ĩna bajirone, ō vecaju ruyugoaro ado bajise ocaruyucaju:

—Adojua mūjaaya —yi ocaruyucaju.

To bajiro yi ocaruyucature ajicōari, masa ĩnare ĩaterā ĩna ĩarone, buerigaseri vatoaju mūjacoacama ĩna. ¹³ ĩna mūjatone, adi macarucuro buto sabecaju. Ti saberone, ti macare mil ñariviri ti ñajama, cien ñariviri juriavējacaju. To ti bajirone, siete mil masa bajireacama. Gājerā, catiruyarā, ĩaucacoacama ĩna quēna. Buto güirāne Diore rūcūbuocama.

¹⁴ To bajiro ĩna bajicati, juaji bajitūsacaju. Yoato mene rojose tāmūocama ĩna quēna.

Cojomo cōro juā jēnĭtuarĭcū tūsacū ángel trompeta rāca ĩ jutitū sare queti

¹⁵ Masa Diore ĩna rūcūbuoro beroacane, cojomo cōro juā jēnĭtuarĭcū tūsacū, Dios tūagu ángel jutitūsamī. ĩ jutirone, ō vecaju jājarā masa ĩna oca jedirore bajiro ruyugoaro ado bajiro yi ocaruyucaju:

—Dios mani uju, Cristo quēne, ñajediro ujarā masu ñaama yuja. Adi macarucuroana ñajediro, rojose yirā quēne, cūdibetirūaboarine, ĩna bojarore bajiro rĭne ĩna cūdirotire yirā, yama. To ĩna yijare, ñimarājua ĩnare cūdibetirona maniruarāma yuja. To bajiro rĭne rotirūgūruarāma —yi ocaruyucaju, ō vecaju.

¹⁶⁻¹⁷ Ti ocaruyusere ajicōari, veinticuatro ñarā būcūrā, Dios rĭjorojua, uju ya cūmuroriju rujiriarā ñari, rūjuqueacōari, sitaju muqueacoacama ĩna. To bajiro yicama, ĩre rūcūbuorā. To yicōari, ado bajiro Diore basarūcūbuocama:

—Ñajediro masijeogu ñaja mū. Tirūmūju ñamasir'i ñaboarine, adirūmūre quēne ñacōa ñarūgūgū ñaja mū. To bajiri quēnaro rotisūogu yaja mū. Tire tūōĭacōari, “Quēnaro yaja” mūre yivariquēnaja yua.

¹⁸ Mūre masimena buto mūre jūnisiniadicama ĩna. Yucūrema, mūjuā, ĩnare ĩajūnisinicōari, rojose ĩna yise vaja rojose mū yirotirūmū ejacoaju. Rojose ĩnare yicōari, mūre gotirētobosarimasare, to yicōari, mū yarā, mūre rūcūbuorā ñamasurā, ñamasumena quēne, ĩna jedirore quēnaro ĩna yire vaja, quēnaro ĩnare yirūcūja mū. Adi macarucuroanare gājerāre rojose yirāre rojose tāmūotūjabetiriaroju ĩnare mū rearotirūmū ejacoaju yuja —Diore yibasarūcūbuocama, Dios rĭjorojua muqueacana.

¹⁹ To ĩna yirone, ō vecaju Diore rūcūbuoriavi soje jānacocaju. To bajirone, ti vi jubeajure Dios ĩ rotimasire sāñarĭjataro ruyucaju. Ruyucōari, tijūne buto būjo yabecōari, jacami. To

bajicōari, b̄uto güiuro ocaruyucaj̄u. To bajicōari, sita sabecaj̄u. To bajicōari, ȳus̄ujedise oco veta b̄uto v̄ējaj̄u.

12

Rōmio t̄uj̄u ḡusore bajiḡu ñaḡuro ï bajire queti

¹ Bero, ò vecaj̄u ãm̄uagaseroj̄are, gaje v̄ame ñamasuse bajirotire ïoro ruyucaj̄u. Ñas̄uose rōmio ruyucamo. Ëm̄uagu muiju ï yaasere bajiro yaarito sudiro s̄añaḡo ñacamo. Ñamiagu muiju joere r̄üḡocamo. So r̄ujoa jeoriabedore j̄uaãmo cōro, j̄ua j̄ēnituarir̄āc̄u ñocoa ñacama. ² Mac̄u s̄añaḡo ñari, mac̄u c̄utigoago, b̄uto visiogone avas̄acamo so. ³ Tij̄u bero, quēna ò vecaj̄u, gaje v̄ame ñamasuse bajirotire ïoro ruyucaj̄u. So t̄uj̄u ḡusore bajiḡu ñaḡuro, s̄ūaḡū ñacami. Cojomo cōro j̄ua j̄ēnituarir̄āc̄a r̄ujoari c̄uticami. To bajicōari, j̄uaãmo cōro jotari c̄uticami. To bajicōari, toc̄ār̄āc̄a r̄ujoari joere ùjar̄āre rotibosar̄ā ye jeoriabedori jeocami. ⁴ To bajicōari, ñocoa idiaj̄u ñaboariaj̄u, cojoj̄uanare ï j̄īcoro r̄āc̄a ñnare jav̄ējaj̄u, adi macar̄uc̄uroj̄u. ñnare jav̄ējaj̄u, rōmio r̄ījoroj̄ua ejar̄ūḡū ejacami, so mac̄u c̄utirone ïre s̄īabar̄u. ⁵ To ï bajirone, masa jediro ùj̄u ñaroc̄ure, mac̄u c̄uticamo so. ï ñacami b̄uto rotiroc̄u. Ḡusore bajiḡu ñaḡuro s̄ūcare ï bar̄uaj̄are, ïre so mac̄u c̄utirone, ãmim̄ujacōari, Ëj̄u Dios ya c̄ūmuroj̄u ïre rojocama, s̄ūcare. ⁶ Rōmioj̄ua quēne, ḡusore bajiḡu ñaḡurore rudiacōari, masa ñna ñabetoj̄u, “Toj̄u ñar̄uc̄ocomo” Dios ï yiriaj̄ure ejacamo. Toj̄ure idia c̄ūma gaje c̄ūma ḡudareco cōro sore codeñacami Dios.

⁷ Sore ï codero bero, ò vecaj̄u ñna ḡāmer̄ā quēaro ñacaj̄u ȳu. Miguel r̄ācana ángel mesa, v̄ātia ùj̄u, ḡusore bajiḡu ñaḡuro yar̄āre quēacama ñna. ⁸ Ḡusore bajiḡu ñaḡuro yar̄āj̄ua, quēat̄imabeticama. To bajiri Miguel r̄ācanaj̄ua, ñnare quēat̄imacōari, ñnare bureacōacama, ò vecaj̄ure. ⁹ To bajiro ñna yijama, toj̄ure ñabeticōari, adi macar̄uc̄uroj̄u ñna ñarotire yir̄ā, yicama. Ḡusore bajiḡu ñaḡurore ȳu yijama, v̄ātia ùj̄u Satanás yiḡu yaja. Adi macar̄uc̄uro masa ñajedirore “Dios ï bojabetire yato” yiḡu, yitorimas̄u ñaami. Cojojirema, diablo ïre yire ñaja. Tir̄ām̄uj̄u ññare bajiḡu ñacōari, yitomasir̄i ñaami.^e

¹⁰ Tij̄u bero, ò vecaj̄u ruyugoaro ado bajiro ocaruyucaj̄u:

—Masa, ïre ajitir̄ūnr̄ā, rojose t̄ām̄uot̄ujabetiriaroj̄u ñna vaborotire ñnare Dios ï yir̄ētosarij̄u ejacoaj̄u yuja. Adi macar̄uc̄uro ñajediroana, rojose yir̄ā quēne, c̄udibetir̄uaboarine, ñna c̄udirotire yir̄ā, yama Dios, mani ùj̄u, Cristo quēne. To bajiro ñna yijare, ãm̄uari, ñamiri quēne Dios r̄ījoroj̄ua r̄üḡocōari, masare mani mair̄āre Cristore ajitir̄ūnr̄āre “Rojose ñaja” ñnare yir̄āḡomacar̄ūḡūboaḡure Satanás ïre burocōam̄u mani yuja.

¹¹ Cristo oca riojo gotisere ajicōari, “ï rijabosare s̄uorine rojose ȳua yise vaja, ȳuare vaja yijeobosayumi Cristo” yit̄uōĩacōari, ï yere gotit̄ujamena ñari, s̄īacoyuma. To bajiro yit̄uōĩacōari, ñna gotit̄ujabetijare, adoj̄ure ñamasibeami Satanás yuja, “Rojose yama. To bajiri rojose ñnare yiroti ñaja” masare ñnare yigoti yiroboaḡu.

¹² To bajiri adoj̄ure Satanás ï ñamasibetijare, variquēnato mani. Mani variquēnaboajaquēne, macar̄uc̄uroanare, riagarianare quēne, b̄uto rojose bajir̄uaroja. Macar̄uc̄uroj̄ure mani rocaḡu, “Yoaro mene ȳu bojarore bajiro ȳu yit̄ujarotire yir̄uc̄ami Dios” yimasicōari, b̄uto j̄ūnisiniḡami —ȳi ocaruyucaj̄u, ò vecaj̄u.

¹³ “Ò vecaj̄u ñaḡure ȳure rocarujioyuma Dios yar̄ā, adi macar̄uc̄uroj̄u ȳu ñarotire yir̄ā” yit̄uōĩamasicōari, rōmio mac̄u c̄uticacore s̄uyacami ḡusore bajiḡu ñaḡuro. ¹⁴ Sore ï s̄uyaboajaquēne, ga jaiḡu quer̄uj̄uri sore ñsicami Dios, so v̄arotire yiḡu. “ ‘Masa ñna ñabetoj̄u, toj̄u ñar̄uc̄ocomo’ Dios ï yiriaj̄ure v̄u ejacōari, quēnaro ñato” yiḡu, sore ñsicami. Toj̄ure idia c̄ūma gaje c̄ūma ḡudareco cōro bare sore ecacōari, codecami Dios. ¹⁵ So v̄arudisere ñacōari, sore s̄īar̄uc̄ami ḡusore bajiḡu ñaḡuro. To bajiri ï risej̄u jairo oco yibucami,

^e 12:9 “Yitorimas̄u” yir̄uaro yaja diablo ti yijama.

sore ruurɥ. ¹⁶ To bajiro ĩ yiboajaquẽne, sita sore ejarẽmocajɥ. Oco ĩ yibubosere udijuajeocõacajɥ. ¹⁷ To bajiro ti bajiro ĩacõari, bato sore jũnisinicami gɥsore bajigɥ ñagũro. Sore sãamasibeticõari, so jãnerabatiajɥare sãagũ vacami yuja. ĩna ñacama Dios ĩ rotisere cãdirã, Jesús suorine riojo ĩna masisere ajitirũnɥ tãjamena. ¹⁸ ĩnare sãarɥ, moa riaga tãsarojɥ rãgõcamɥ gɥsore bajigɥ ñagũro.

13

Īaãañamana gũiorã jɥarã ĩna bajire queti

¹ Tijɥ bero, ado bajise bajĩlocajɥ quẽna: Sĩgũ gũiogɥ, moa riagajɥ majadicami. Cojomo cõro, jɥa jẽnituarirãca rɥjoari cãticami. To bajicõari, jɥaãmo cõro jotari cãticami. Tocãrãca jotari joere ɥjarãre rotibosarimasa ye jeoriabedori jeocami. To bajicõari, “Dios ñaami” yɥre yĩato” yigɥ, tocãrãca rɥjoarijɥ “Dios ñaja yɥ” yisocari vãme ucatu ecoyumi. ² Macarocagɥ yai, leopardo vãme cãtigɥre bajiro bajigɥ ñacami. ĩ gɥborima, bɥco gɥborire bajise gɥbori cãticami. Yai, león vãme cãtigɥ risere bajiro rise cãticami. Gɥsore bajigɥ ñagũro, ĩre bajiro ĩ rotimasirotire yigɥ, ĩ masisere ĩ ɥjocacɥ ñacami. ³ Coja ĩ rɥjoare catibetirocɥre bajirojɥ jairicãmiro, cãmiro cãticami. To bajirojɥ bajicõacacɥ ñaboarine, “Rijabesujari” yitũoĩacõari, ĩre ajitirũnɥ sɥyacama adi macarɥcɥroana jediro. ⁴ ĩre ajitirũnɥcõari, gɥsore bajigɥ ñagũrore quẽne rũcɥbɥocama masa, ĩ masise ĩ ɥjocacɥ ĩ ñajare. Gãjijɥare, yaire bajigɥ ñagũre ado bajiro rũcɥbɥocama:

—Gãji, ĩre bajiro bajigɥ magũmi. ĩ rãca ĩna gãmerã quẽajama, ñimɥjɥa ĩre quẽarẽtobecɥmi —ĩre yirũcɥbɥocama masa.

⁵ —Yɥ ñaja rẽtoro ñamasugũ. Ñimɥ gãji yɥre bajiro bajigɥ magũmi —yigoticami gũiogɥ. To yicõari, Dios ĩ ajitese masu ĩre ñagõmacacami. Idia cãma gaje cãma gɥdareco cõro ĩnare rotiñacami. To bajiri gũiogɥ rojose ĩ yĩnasere, “Tire yibeticõaãa”, ĩre yibeticami Dios. ⁶ “Yibesa” ĩ yibetijare, to bajirone goticõa ñacami: Diore, ĩ ñarojɥre, to yicõari, ĩ tɥanare quẽne rojose ñagõmacacõa ñacami. ⁷ To bajiri, Diore ajitirũnɥrãre sãareacõari, adi macarɥcɥro jediroanare roticami. “Īnare rotibesa” Dios ĩre ĩ yibetijare, to bajiro yicami. ⁸ Adi macarɥcɥro ĩ rujeoroto rĩjorojɥ, “Ado cõro ñarɥarãma yɥ tãjɥ ñarũgũrona” Dios ĩ yiriatutire cɥocami oveja macɥre bajiro rijabosacacɥ. To bajiro Dios ĩ yibetiriarã rĩne gũiogɥre ĩre rũcɥbɥorɥarãma.

⁹ To bajiri, adi oca mɥare yɥ gotisere mɥa ajimasirɥajama, quẽnaro ajiya mɥa:

¹⁰ “Yɥ yarã, Cristore ajitirũnɥrã, adocãrãcɥ tubiberiavijɥ tubibe ecorɥarãma” Dios ĩ yitũoĩariare bajiro bajirɥarãma. To bajiri, sãacorona quẽne, “Sãacorɥarãma” ĩ yiriaro cõrone bajirɥarãma.

“To bajirone bajirɥaroja’ Dios ĩ yire ñajare, bajiaja” yitũoĩarã, Cristore ĩna ajitirũnɥ tãjabetijama, quẽnarɥaroja.

¹¹ To bajiro yɥre bajĩlocati bero, quẽna gãji gũiogɥ sita tũcurojɥ joe jeaejacami. Oveja macɥ mame jotari bugɥre bajiro jotari cãtigɥ ñacami. To bajiboarine, gɥsore bajigɥ ñagũro, ocare bajiro ñagõcamɥ. ¹² Gãji, sita tũcurojɥ joe jeaejacacɥre rotigɥ ñacami gũiogɥ, moa riagajɥ majadicacɥ. ĩre rotigɥ ĩ ñajare, ĩ ĩaro rĩjorojɥa ejarũgũ ejacõari, jediro ĩ masise rãca ĩre rotibosacami sita tũcurojɥ joe jeaejacacɥ. To yigɥne, adi macarɥcɥro ñarã jedirore, ĩ ɥjɥre rũcɥbɥoroticami. ¹³ To yicõari, ĩaãañamanire yĩorũgũcamɥ. To yigɥne, masa ĩna ĩaro rĩjoro õ vecaye jea ɥjɥvẽjase yĩorũgũcamɥ. ¹⁴ Gũiogɥ, moa riagajɥ majadicacɥ ĩ masise suorine ĩ ĩaro rĩjorojɥa ĩaãañamanire yĩogũ ñari, adi macarɥcɥro ñarã jedirore ado bajiro ĩnare yitocami:

—Moa riagajɥ majadicacɥre jariase rãca ĩna jasãaboajaquẽne, rijabetir'i ĩ ñajare, ĩre rũcɥbɥorã, ĩre bajigɥ quẽnoãa. ĩre bajigɥ quẽnogajanocõari, ĩre rũcɥbɥoaya —ĩnare yitocami, “Dios ĩ bojabetire yato” yigɥ.

¹⁵ To ĩ yitoro bero, ĩna quēnorujeocacure ñagõgũ ĩre godoveocami sita tũcurojũ joe jeaejacacũ. To ĩ yijare, ñagõcõari, ĩre r̃cũbũomenare s̃iacõacami. ¹⁶ To yicõari, “Masa jediro ucatu ecoriarãma”, yiroticami. To ĩ yijare, gajeyeũni jairã, maioro bajirã quēne, gãjerãre moabosarã, moabosamena quēne, ĩna ãmo riojojacatuare vãme ucatu ecocama ĩna. ĩna ãmore ĩna ucatubetijama, ĩna riovecajuare vãme ucatu ecocama. ¹⁷ To bajiro ĩna yiecocati, gũiogũ moa riagajũ majadicacũ ya vãme ñacajũ. To bajiro ti bajibetijama, ĩ ya nũmerojũna ñacajũ. Ti vãme ucatu ecomena, ĩsicõari, vaja sēnimasibeti, ĩna bojasere vaja yimasibeticama.

¹⁸ To bajiri, ĩ ya nũmero, 666 ñacajũ ti. Ũmũ vãme yire ũni ñacajũ ti nũmero. “To bajirivãme yire ũni ñaja” yimasiruarã, quēnaro ĩnare bueroti ñaja.

14

Rojose tãmuotũjabetiriarojũ vaboronare Dios ĩnare ĩ yirẽtobosaro ĩna basaroti queti

¹ Tijũ bero, ado bajise bajiõocajũ quēna: Siõn vãme cuti buro joe r̃gõcami oveja macure bajiro rijabosacacũ. ĩ rãcana ñacama ciento cuarenta y cuatro mil masa. ĩna riovecarijũ oveja macure bajiro rijabosacacũ vãme, to yicõari, ĩ jacũ vãme ucatu ecoriarã ñacama. ² Bero, õ vecajũ oco meniõore bajiro ruyugoaro ocaruyucajũ. To bajicõari, bũjo ĩ jaro bũsũsere bajiro ruyugoaro ocaruyucajũ. To bajicõari, arpa vãme cutise rãca jãjarã masa ĩna jabsarore bajiro ocaruyucajũ. ³⁻⁵ Babaricãrãcũ ĩãããamana, to yicõari, bũcũrã, ẽjũ ya cũmuro tũre ñacama. ĩna ĩaro r̃joro, ciento cuarenta y cuatro mil masa, mame basa basacama. ĩna r̃ne ti basare masicama. ĩna ñacama adi macarũcũroana Satanás bojasere yiboariarã, Dios macũ ĩ rijabosare sũorine, “Ñie rojose mana ñato” yigũ, Dios ĩ yirẽtobosasũoriarã. To bajicõari, rõmia rãca ajeriarã cutiĩamena ñacama. ĩna vatoagu s̃igũ socagũ manicami. Oveja macure bajiro rijabosacacũjũare ĩ bojarore bajiro ĩre ajisũyariarã ñacama.^f

Idiarã ángel mesa Diore ĩna gotirẽtobosare queti

⁶ Bero, ángel õ vecajũ ĩ vũsere ĩacajũ yũ. ĩ ñacami, Dios macũ sũorine quēnaro Dios ĩ yise quetire gotigũ. Tocãrãca macanare, cojo masa jũna r̃yabeto, ti queti jedibetirotire goticudigũacũ bajicami. ⁷ Ado bajiro ruyugoaro goticami:

—Masare Dios ĩ beserirũmũ ejacoajũ ti. To bajiri, gũirãne, “Jediro masigũ ñaja mũ” Diore ĩre yirũcũbũoya. ĩ ñaami õ vecaye, adi macarũcũroaye, moa riagari, oco ũmaburigojeri, ñajediro rujeomasir'i. To bajiro yimasir'i ĩ ñajare, ĩre r̃cũbũoya —yigoticami ángel.

⁸ Bero, quēna gãji ángel õ vecajũ ĩ vũsere ĩacajũ yũ. Ado bajiro goticami:

—Babilonia vãme cuti macana rojose ĩna yirũgũse sũorine masa jediro rojose yirũgũboama. To bajiri, ti macanare reacõami Dios yuja —yigoticami.

⁹ Bero, quēna gãji ángel õ vecajũ ĩ vũsere ĩacajũ yũ. Vũvacũne, ado bajiro ruyugoaro goticami:

—Gũiogũ, moa riagajũ majadicacũre r̃cũbũorãre, to yicõari, ĩre bajigũ ĩna quēnorujeocacure r̃cũbũorãre quēne rojose yirũcũmi Dios. ĩ vãmere ĩna ãmoriõũ, ĩna riovecarijũ ucatu ecoriarãre ĩajũnisinicõari, ĩnare rojose yirũcũmi Dios. ¹⁰ ĩnare ĩamaibecũne, bũto rojose ĩna tãmuorotire yirũcũmi Dios. No bojarã gũiogũre r̃cũbũorãre rojose tãmuotũjabetiriarojũ reacõarũcũmi Dios. Tojũ, azufre vãme cutise ũjũñarojũre rojose tãmuorũgũrũarãma ĩna. Oveja macure bajiro rijabosacacũ ĩ ĩaro r̃joro, to yicõari, ángel mesa ĩna ĩaro r̃jorojũna rojose tãmuorũarãma ĩna. ¹¹ ĩna ũjũrimeaye bueri buetũjabetirũaroja. To bajiri, gũiogũre r̃cũbũoboariarãre rojose ĩna tãmuose jedibetirũaroja. ĩna quēnocacure r̃cũbũorã, to yicõari, gũiogũ vãme ucatu ecocana quēne,

^f 14:3-5 Ap 4.2-8; 5.9-10.

to bajirone rojose tãmuoruarãma ñna. ¹² Rojose ñna tãmuotujabetirotire tãoĩacõari, Dios ñ rotisere cãdirãma, Jesúre ajitirũnu tujabetiroti ñaja mũare —yigoticami ángel.

¹³ To ñ yiro bero, õ vecajũ ado bajiro yũre yi ocaruyucajũ ti:

—Mũre yũ gotisere ucaya. Variquẽnase rãca ñato, mani mũre ajitirũnu tujabeticõari, bajirearã —yi ocaruyucajũ, õ vecajũ.

Tire ajicõari, ado bajiro yi ocaruyucami Esp'iritu Santo:

—To bajirone bajiraroja. Josari moarũgũboariarã, to cõrone usũsãjaruarãma ñna. Õ vecajũ ñna ejarone, josare ñna tãmuorere masicõari ñnare vaja yirũcumi Dios —yi ocaruyucami Esp'iritu Santo.

“Adi sita ñarãre beseaya”, Dios ñ yire queti

¹⁴ To ñ yiro bero, buerigaseri quẽnaro botise ñacajũ yũ. Ti joere masure bajiro rujigũre ñacajũ. Ñ rũjoare oro bedo jeocami. Jariase bujariasere cõocami. ¹⁵ Gãji ángel Diore rũcũbuoriavijũ ñ budiro ñacajũ yũ. Buerigaseri joejũ ñagũre ruyugoaro ado bajiro goticami:

—Ote rica bucũacoajũ. To bajiri ricare jasurejuaaya —ñre yigoticami ángel.

¹⁶ To ñ yisere ajicõari, buerigaseri joejũ ñagũ, quẽnase rĩne besecõari, jasurejuacami.ḡ

¹⁷ To ñ yiro bero, õ vecajũ Diore rũcũbuoriavijũ gãji ángel budiadicami quẽna. Ñ quẽne, jariase bujariasere cõocami. ¹⁸ Ñ bero, vadicami gãji ángel. Diore rũcũbuorã, ñna soemũoriajũ tujũ ñar'i, jeare codegũ ñacami. Diore rũcũbuoriavijũ budiadicõari, jariase cõogũre ruyugoaro ado bajise goticami:

—Macarũcũroaye mũre ñicoajũ. To bajiri mũ jariase rãca jasurejuaaya —yigoticami.

¹⁹ To ñ yisere ajicõari, ti rica rojosere jasurejuacami. Juacõari, ti oco rijerotijũjũ cũcami. “Masa rojose ñna yisere ñajũnisinicõari, bũto rojose ñnare yirũcumi Dios”, yire ñni ñacajũ ti. ²⁰ Maca sojũajũ cũdaabocama, mũere. Ñna cũdaaborone, mũre oco ñaboasene ri'i godovedicõa yujacajũ. Trescientos kilómetros yoaro ri'i ñmayucajũ. To bajicõari, caballo rũjoa tũsarijũ cõro ñcũaro ñmayucajũ.

15

Adi macarũcũroanare rojose Dios ñ yiro tire ñre ñna yibosare

¹ Tijũ bero, quẽna õ vecajũ ñaĩañamani gũiose ñacajũ yũ. Ángel mesa, cojomo cõro jũa jẽnituarirãcũ ñarã ñacama. “Bero, adi macarũcũroanare cojomo cõro jũa jẽnituarorãcãji ricati rĩne rojose yirũarãma” Dios ñ yicũriarã ñacama. “Ñna sũorine yũre ajiterãre rojose ñnare yirotiyeocõarũcũja yũ” yigũ, ñ yire ñacajũ.

² Riaga jairisa oco botirisa ñacõari, quẽnaro ruyurisa ñacajũ yũ. To bajicõari, jea vũsarisa ñacajũ. Tiya tũjũ masa rũgõcama. Ñna ñacama gũiogũre, moa riagajũ majadicacũre, to yicõari, ñre bajigũ ñna quẽnorujeocacũre ajibeticana. Ñna riovecarire gũiogũ ya número ucatu ecobeticana ñacama. Arpa vãme cõtise jabasare Dios ñ ñsire cõocama ñna. ³ Moisés, Dios ñ bojasere yimasir'i ñ basamasirere, to yicõari, oveja macũre bajiro rijabosacacũ ñ basacatire tãoĩacõari, ado bajiro Diore basacama:

—Mũ ñaja yũa mũjũ, ñajediro masijeogu. Ñimũjũa gãji mũre bajiro masigũ magũmi. Ñaĩañamanire, to yicõari, ñajediro quẽnase mũ yirere tãoĩacõari, “Quẽnaro yiyuja” mũre yaja yũa. Masare quẽnaro riojo yigũ ñaja mũ. To bajicõari, mũ yirore bajiro yigũ ñaja mũ. Adi macarũcũro ñarã jediro mũjũ ñaja mũ.

⁴ Mũre gũijediruarãma masa. Mũre gũirãne, “Rẽtoro masigũ ñaami” mũre yirũcũbuoruarãma. Mũ sũgũne ñaja cojõji rojose yĩabecũ. Quẽnaro riojo yigũ mũ ñajare, mũre quẽnaro rũcũbuoruarãma adi macarũcũroana jediro —Diore yibasacama.

ḡ 14:16 To bajiro ñ yijama, Jesúre ajitirũnarãre ñ juarotire yiro yaja.

⁵ To bajiro ña yibasaro bero, ò vecajũ Diore rãcũbũoriavi ti jãnasere ñacajũ yũ. To yicõari, Dios ñ ñarisõa ti jãnasere ñacajũ yũ. ⁶ Diore rãcũbũoriavijũ cojomo cõro jũa jẽnituarirãcũ ángel mesa, “Adi macarũcũroju rojose yũre yibosarũarãma” Dios ñ yicũriarã, ña budisere ñacajũ yũ. Sudi ñeri mani quẽnaro botise sãñacama ña. To yicõari, orone ña quẽnoria gaserore cotitẽroju tũsarigaserore vẽñacama. ⁷ To yicõari, babaricãrãcũ ñaãñamana rãcagũ, sãgũ, cojomo cõro jũa jẽnituarirãcũ ángel mesare tocãrãcũrene orone ña quẽnoriabajari, masare rojose Dios ñ yiroti jãmũro sãñaribajarire ñare ñsicami. Dios ñaami ñacõa ñarũgũrocũ. ⁸ Tibajari ñare ñ ñsirona, “Quẽnarẽtogũ ñaja yũ” Dios ñ yĩõse, ñ masise quẽne, jea bueri buejãmũcoacajũ Diore rãcũbũoriavi yuja. Ñimũjũa ti buerone, sãjariaro manicami. Cojomo cõro jũa jẽnituarirãcũ ángel mesa rojose yirona, ña yigajanobetone, ñimũjũa sãjariaro manicami, Diore rãcũbũoriavijũre maji.

16

Rojose sãñaribajari queti

¹ Diore rãcũbũoriavi ti bueñarone, ti vijũne ocaruyusere ajicajũ yũ quẽna. Cojomo cõro jũa jẽnituarirãcũ ángel mesare ado bajiro goti ocaruyucajũ ti:

—Masa rojose ña tãmũrotire yirã, mũa cũoribajarire adi macarũcũro joejũ yuejeoya. Ti ñaja masa rojose ña yisere yũ ñatese —yĩ ocaruyucajũ.

² To ti yirone, ñasũogũ ángel ñ cũoribajare adi macarũcũro joejũ yuejeocami. To bajiro ñ yirone, gũioũ, moa riagajũ majadicacũre bajigũ ña quẽnorũjeocacũre rãcũbũocõari, ñ vãme ucatu ecocanare ña rujũrere bũto jũnise cãmi joe jeacajũ.

³ Quẽna ñ beroagũ ángel, ñ cũoribajare moa riagajũ yuerearodecami. Ñ yuerearoderone, ri'i godovedicoacajũ oco. To bajicõari rijar'i ri'ire bajise ñacajũ ti. To bajiro ti bajirone, tiyajũ ñaboariarã jediro rijajedicoacama.

⁴ Juarã berore quẽna gãji ángel ñ cũoribajare, riagarijũ, oco ñmaburigojerire quẽne yuerearodecami. To ñ yirone, ri'i godovedicoacajũ, riagari quẽne. ⁵ To bajise ti bajirone, ángel, oco codegũ, ado bajiro ocaruyucami, Diore gotigũ:

—Mũ ñaja rojose yĩãbecũ. Tirãmũjũ ñamasir'i ñaboarine, adirãmũrere quẽne ñacõa ñagũ ñaja mũ. Masa rojose ña yisere ñajũnisinicõari, “Ocore, ri'i godoveocõaca” mũ yijama, quẽnaja.

⁶ Masare mũ yarãre sãacama ña. Mũre gotirẽtobosarimasare quẽne, to bajirone yicama ña. To bajiri, “Ri'i idiato ña rojose yicana” mũ yijama, quẽnaja —yĩ ocaruyucami ángel, oco coderimasũ.

⁷ To ñ yĩ ocaruyusere ajicõari, Diore rãcũbũorã ña soemũoriajũ cũtoju quẽne ado bajise ocaruyucajũ, Diore gotiro:

—Riojo ñaja. To bajirone bajiaja. Yũa ñjũ, masijeogũ ñaja mũ. To bajigũ ñari, masa rojose ña yise vajare, riojo vaja yaja mũ —yĩ ocaruyucajũ.

⁸ Ña bero babaricãrãcũ tũsacũ ángel, ñ cũoribajare muiju joere yuejeocami. To ñ yirone, ñ asise rãca masare soecami muiju. ⁹ Ñare ñ soeboajaquẽne, rojose ña yisere yitũjabeticama. To bajicõari, masirẽtogũre Diore rãcũbũobeticõari, rojose ñagõmacacama ña.

¹⁰ Ña bero, cojomo cõro tũsacũ ángel ñ cũoribajare, gũioũ moa riagajũ majadicacũ, rotigũ ñ rujiri cũmuro joere yuejeocami. To ñ yirone, gũioũ ñ rotirã ña ñari sita jedirone rẽtiacoacajũ. To bajiri, rojose tãmũorã ñari, visiorã, ña ñemerori cũnicama ña. ¹¹ To bajiboarine, rojose ña yisere yitũjabeticama ña. “Rojose tãmũoato” Dios ñare ñ yijare, ñre rojose ñagõmacacama ña.

¹² Ña bero cojomo cõro coja jẽnituarirãcũ tũsacũ ángel ñ cũoribajare, Éufrates vãme cũtiyajũ yuerearodecami. To ñ yirone, oco manicoacajũ, “Muiju ñ jiadojũa vanã, ñjarã jẽato” yiro.

¹³ To ĩ yiro bero, vātia tũjare bajirã ñarãre idiarã ĩacaju yu. Sĭgũ, gũsore bajigu ñagũro riseju budiadicami. Gũioĝu, moa riagaju majadicacu, riseju budiadicami gãji. “Diore gotirẽtobosarimasu ñaja yu” yitogu, riseju budiadicami gãji. ĩne ñacami sita tũcuroju joe jeadicacu. ¹⁴ To bajiri, adi macarucuroana ujarã ñajedirore rẽocõari, masirẽtogũ Dios masare ĩ beserirũmu ti ejaro, Dios yarã rãca ĩna gãmerã quẽarotire yirã, vacama. ĩna ñacama ĩaĩaňamani yĩorũgũrã.

¹⁵ ĩ sĩaecoroto rĩjoro ado bajiro yicami Cristo: “Quẽnaro ajiya mu. ‘To cõro ejarucuja yu’ juarudirimasu ĩ yigotibetire bajiro tudiejarucuja yu. To bajiro yu bajiro tire ĩ masicõa ñajama, yu tudiejaru, variquẽnarucumi. Masiritigũjama, sudi magũ gãjerã ĩna ĩaro rĩjoroju bojonegũre bajiro bajirucumi”, yicami Cristo, ĩ sĩaecoroto rĩjoro.

¹⁶ To bajiri, Hebreo oca rãca Armagedón vãme cutuju ujarãre rẽocama vātia.

¹⁷ To bajiri, cojomo cõro coja jẽnituarirãcu beroagu, ĩ ñacami tũsagu ángel. ĩ cuoribajare õ vecaju yuebatecami. To ĩ yirone, õ vecaju Diore rũcũbũoriaviju rotigu ĩ rujiri cũmuroju ado bajiro ruyugoaro ocaruyucaju:

—To cõrone ñaja yuja —yi ocaruyucaju, õ vecaju.

¹⁸ To ĩ yirone, bũto bũjo yabecõari, jacami. To bajicõari, gũiose ocaruyucaju. To bajicõari, sita bũto sabecaju. Adi macarucuroana ĩna sabe ecoriaro rẽtoro sabecaju.

¹⁹ Ti saberone, jairimaca, Babilonia vãme cuti maca, idiaju baterũgũcaju. To bajicõari, adi macarucuroaye macari jediro sita ti saberone, vẽjajedicoacaju. Babilonia macana rojose ĩna yimasirere masiritibeticõari, bũto rojose ĩnare yicami Dios yuja. ²⁰ To bajicõari, yucũyoari, gũtayucuri quẽne yayijedicoacaju. ²¹ To bajicõari, õ vecaye oco vetacujiri vẽjacaju. Cuarenta kilos rẽtoro rũcũricujiri ñacaju ti. Tire tãjo ecocõari, bũto rojose Diore ñagõmacacama masa.

17

Gãjerã rãca ajeriarã cutirio rojose so tãmuore queti

¹ To yicõari, cojomo cõro juã jẽnituarirãcu ángel mesa rãcagu orobaja cuocacu yu tũju ejacami. Ejacõari, ado bajiro yũre goticami:

—Adojua vayá. Riaga jairisa tũju ñagõ, jãjarã ũmuã rãca ajeriarã cutigo rojose so tãmuorotire muãre ĩoru yaja. ² To bajiro rojose yigo ñari, adi macarucuroanare, ĩna ujarãre quẽne, rojose ĩnare yimecuorũgũamo —yũre yicami ángel.

³ To ĩ yirone, Espĩritu Santo ĩ masise suorine ado bajise ĩacaju yu: Masa manojũ yũre ãmiacami ángel. Toju ejacõari, gũioĝu sũagũre ĩacaju. ĩ joere jesacamo rõmio. So jesagũre Dios ĩ ĩateri vãme ucature tuyacaju. Cojomo cõro juã jẽnituarirãca rujoari cuticami. To bajicõari, juãmo cõro jotari cuticami. ⁴ ĩ joe jesago, sũariase sudiro sãñacamo. Gajeyeũni jairo vaja cuti cuocamo so. Ti ñacaju oro, to yicõari gũta jairo vaja cuti, perla vãme cuti quẽne. To yicõari, orobaja cuocamo. Tibajare rojose so yise sãñacaju. ⁵ So riovecare masa ĩna masibeti vãme ucatu ecorio ñacamo. Ado bajiro goticaju ti vãme: “Jairimaca Babilonia vãme cutigo ñaamo adio. So suorine jediro rojose masa ĩna yijare, ‘Ajeriarã cutirã jaco’ to yicõari, ‘Rojose jediro jaco ñaamo’ ” yirivãme ñacaju so rioveca tuyari vãme. ⁶ To bajicõari, “Adione ñaamo Dios yarãre sãario, to yicõari, Jesũre ajitirũna tũjamenare sãvariquẽnagõ”, yĩamasicaju yu.

“Rojogo masu ñaamo” yĩamasicõari, no yimasibeticaju yu. ⁷ To bajiro yu bajirone, ado bajiro yũre goticami ángel:

—Sore mu ĩase, masa ĩna masibeticatire, mu masirotire yigu, muãre gotimasioĝu yaja yu: Gũioĝu, cojomo cõro juã jẽnituarirãca rujoari cuticõari, juãmocãrãca jotari cutigu, sore ĩ ãmisere mu ĩajama, ado bajiro yire ũni ñaja: ⁸ Gũioĝu, mu ĩagũ, tirũmuju ñacami maji. Adirũmũrirema ruyubeami yuja. To bajiboarine, rojose tãmuotũjabetiriaroju Dios ĩre ĩ rocaroto rĩjoro, tũsabetigojeju ñar'i joe jeamuãjadirucumi. ĩ joe jeasere ĩacõari, ĩre

ĩan̄carūarãma masa. ĩna ñaruarãma adi macarucurore Dios ĩ rujeoroto rĩjoroju paperatuti ucagu, “Ado cõro ñaruarãma catirona” ĩ yucabetiriarã.

⁹ Quẽnaro ajigũrema, ajimasirene ñaja. Cojomo cõro jua jẽnitarirãca rujoari cutigu mu ĩagũ, cojomo cõro jua jẽnitarirãca burori ñasere ĩoro bajiaja. Ti burori ñaja, ajeriarã cutigo so ñariburori. Gajeye cojomo cõro jua jẽnitarirãca rujoari ti ñajama, tiari ñaro cõrone ujarã ĩna ñasere ĩoro bajiaja. ¹⁰ Jẽre cojomo cõro bajireacoariarãma ujarã ñaboariarã. To bajiboarine juarã ruyaama. Sĩgũ adirũmũre rotigu ñaami. ĩbero rotirocu, ruubeami maji. To bajiboarine yoaro rotibetirucami. ¹¹ Tirũmũjũre ñaboar'i gũiogũ sũagũ, yucũrirema ñabetiboarine, rotigu ñarucami. Cojomo cõro jua jẽnitarirãca ujarã ñarã rãcagũne tudicaticõari, Dios ĩ rocaroto rĩjoro, rotitusarucami.

¹² Juaãmo cõro jotari mu ĩase, juaãmocãrãcu ujarã ĩna ñasere ĩoro bajiaja. Masare rotisũobeama maji. Bero gũiogũ sũagũ ĩ rotirũmũre ĩna quẽne yoaro meaca rotirã ñaruarãma. ¹³ Juaãmo cõro ujarã ñarã, ĩna jedirone “Gũiogũ sũagũ manire rotigu ñato”, ĩre yicũruarãma. ¹⁴ To bajiri, oveja macũre bajiro rijabosacacu yarã rãca gãmerã quẽaruarãma. To bajiboarine, oveja macũre bajiro rijabosacacu ĩ yarã rãca, ĩna rẽtoro quẽaruarãma. Gãjerã ñamasurã rẽtoro ñamasugũ ñaami. To yicõari, ujarãre quẽne mũ ñamasugũ ñaami. To bajiri, Dios ĩ masise sũori ĩre ajitirũnu tũjamena ñaama ĩna, ĩ yarã — yũre yigoticami ángel.

¹⁵ To yicõari, gajeye ado bajiro yũre goticami ángel:

—Ajeriarã cutigo so ñaroju riagari mu ĩase, masa ñaama ĩna. Tocãrãca macana, cojo masa jũna ruayabeto, to yicõari, cojo sita ruayabetoana ñaama ĩna. ¹⁶⁻¹⁷ Diojũama, “Ado bajiro yito mani” ĩna yitũoĩarotire ĩnare yirucami. To bajiro ĩ yijare, juaãmo cõro ñarã ujarã, sũgũre bajiro tũoĩacõari, gũiogũ sũagũre, “Manire rotigu ñato”, ĩre yicũruarãma ĩna. ĩrãca ñacõari, ajeriarã cutigore ĩateruarãma ĩna. So ye jedirore ĩmaruarãma. To yicõari, so rujũre baruarãma. So gõarema, jeameju soerearuarãma ĩna. To bajiro ĩna yijama, Dios ĩ tũoĩariarore bajiro yirã yiruarãma. ¹⁸ Ajeriarã cutigo mu ĩase, jairimaca Babilonia vãme cuti maca ti ñasere ĩoro bajiaja. Ti macana mũ, gaje macariana ujarãre rotirucami — yũre yigoticami ángel.

18

Babilonia maca rojose ti bajiroti queti

¹ To ĩ yiro bero, õ vecaju gãji ángel bũto yaagu ĩ rujiadirere ĩacaju yũ. To bajiro bajigu ĩ ñajare, adi macarucuro busujedicoacaju. To bajicõari, gãjerã ángel mesare rotigu ñacami.

² Ruyugoaro ado bajiro ñagõcami:

—Jairimaca, Babilonia vãme cutiboaria maca yayicoato yaja. Ti macana masa bajireajediroana yama. Vãtia ĩna ñarimaca ñarũaroja. To bajicõari, vũrã ñajediro, roacũose barã ĩna ñaro ñarũaroja yuja.

³ Babilonia macana bũto rojose ĩna yisere ĩacõari, rojose yama gãjerã quẽne. To yicõari, adi macarucuro ñarã ujarã, rojose rõmia rãca ajeriarã cutiama. Babilonia macana bũto ĩna gajeyeũni bojatũjabetijare, ĩnare gajeyeũni ĩsicõari, gãjoa bũjarũgũama gaje macariana. Babilonia macana to bajiro yirũgũrã ĩna ñajare, ĩnare rearucami Dios — yũre yigoticami ángel.

⁴ To yicõari, õ vecaju ado bajiro yũre goti ocaruyucami Dios:

—Ti macana rãca ñabesa. To bajicõari, rojose ĩna yirore bajiro yibesa, “Rojose ĩna tãmũorore bajiro rojose tãmũorobe” yirã.

⁵ Ti macana bũto rojose ĩna yisere masiritibeaja yũ — yũ ocaruyucami Dios.

⁶ To yicõari, rojose yironajũare ado bajise goti ocaruyucami Dios:

—Gãjerãre rojose ĩna yise vaja, bũtobusa rojose ĩnare yiba mu.

⁷ Ti macana jairo gajeyeũni cũorã ñaama ĩna. Diseju ruayabeaja ĩnare. “Ujarã ñaja mani” yiboama. “Manajũa rijaveoriarãre bajiro sũtiritibetiruarãja mani” yiboama.

“Rojose tãmuomenane, quẽnaro ñacõa ñaruarãja mani” yirã ñaboarine, bũto rojose yirã ña ñajare, bũto rojose ñnare yirũcũja —yi ocaruyucami Dios.

8 —To bajiri cojorãmũne bũto rojose yiecoruarãma. Sĩgũri rijayene bajirearuarãma. Gãjerã, ñione rijaruarãma. Gãjerã bũto sũtiritiruarãma. Gãjerã jeamejũ soe ecoruarãma. To yicõari, ti macare soereajeocõarũcũja. Rẽtoro masigũ ñari, to bajiro rojose ñnare yirũcũja —yi ocaruyucami Dios, mani ỹjũ.

9 —Ti maca buesere ñacõari, bũto sũtiritiruarãma adi macarũcũroana ỹjarã. “Ti macana sũorine jairo gajeyeũni bũjaboacajũ”, yiotiruarãma. Ñna ñaruarãma ti macana ñaboariarã rãca bũto rojose yirũgũriarã. 10 Ti macana rãca rojose tãmuorũamena, sõjũne tujaruarãma ñna, tire gũirã. Otirãne, ado bajiro yiruarãma ñna:

“¡Abe! Jairimaca ñaboaria maca ỹayayicoajũ. Gaje macari rẽtoro ñamasuri maca ñaboabũ. Ti macana rojose ñna yise vaja yoaro mene yayicoajũ ti. Yucũrema maaja”, yĩñagõrũarãma adi macarũcũroana ỹjarã —yi ocaruyucajũ.

11 —Adi macarũcũroana gajeyeũni ñsicudirimasa quẽne, ti maca ỹasere ñacõari, bũto sũtiritiruarãma. To yicõari, otiruarãma ñna. “Ñimũ mani juavasere boca juagũ magũmi”, yiotiruarãma. 12 Ñsiruarã ñna juavase ado cõro ñaboarũaroja: oro, plata, gũta jairo vaja cuti, perla, sudi jairo vaja cuti, to yicõari, yucũ quẽnaro sũtiquẽnase ñna juare, gajeye marfil vãme cutise rãca ñna quẽnore, yucũ jairo vaja cuti ñna juare, cõme hierro vãme cuti, to yicõari, bronce vãme cuti juavarũgũboayuma. 13 To yicõari, gajeye quẽnase sũtise ñna buebatose, to yicõari ñna rujũre ñna tuse juavarũgũboayuma. To yicõari, gajeye canela vãme cuti bare sãvũore, ỹye oco, ỹye gatere, trigo vãiaabore, vãiaaboyamani quẽne, ta vecũa, oveja, caballo mesa, caballo mesa ñna tũavato masa ñna sãñavaticori quẽne juavarũgũboayuma. To yicõari, ñna moarimasa ñaronare quẽne juavarũgũboayuma. To bajiboarine ti macagũ ñimũjũna boca juagũ ñ manijare, sũtiritiruarãma ñna. 14 Babilonia macana ñaboacanare tũoĩarã, ado bajiro yiruarãma ñna:

“Jairo vaja cuti ñna bavariquẽnaboacati, to yicõari, jediro gajeyeũni jairo vaja cuti ñna cũovariquẽnaboacati rãcane bajireajedicoajama”, yiruarãma —yi ocaruyucajũ.

15 —To bajiri Babilonia macana ñaboariarãre gajeyeũni ñsicõari, jairo gãjoa bũjarũgũboariarã ti maca buemũjasere ñacõari, sũtiritirã, sõjũ ñarũgõrũarãma ñna, ti macana rãca rojose tãmuorũamena. 16 Tojũ ñarũgõcõari, otirãne, ado bajiro yiruarãma:

“¡Abe! Rojose tãmuoaja Babilonia ñaboacati maca. Rõmio quẽnaro ruyugore bajiro ñaboacajũ ti maca. Sudi sũase quẽnase sãñagõre bajiro ñaboacajũ ti maca. Oro, gũta jairo vaja cutise, perla vãme cutise, jediro gajeyeũni cũogore bajiro ñaboacajũ ti maca.

17 To bajiboarine yoaro mene ti macaye ñna cũboacati quẽne ỹayayicoajũ ti”, yiruarãma gajeyeũni ñsicudirimasa —yi ocaruyucajũ.

—Cũmuari jacase ỹjarã, ñnare moabosarimasa, cũmua rãca vacõari, ñsicudirimasa quẽne, sõjũ ñajayaruarãma ñna. 18 Ti maca ỹaro ti buesere ñacõari, otirãne, ado bajiro ruyugoaro avasãjayaruarãma ñna: “Ti maca ñaboacati maca cõro gaje maca ñamasuri maca manoja”, yĩavasã jayaruarãma —yi ocaruyucajũ.

19 —Bũto sũtiritirã ñari, ñna rũjoa joere sita majeoruarãma ñna. To yicõari, otirãne, ado bajiro yiruarãma ñna:

“¡Abe! Rojose tãmuoaja Babilonia ñaboacati maca. Jairimaca ñaboacajũ ti maca. Mani, jacase cũmuari cũorã ñnare gajeyeũni ñsicõari, gãjoa jairo bũjarũgũboacajũ mani. Yoaro mene ti maca ỹajedicoajũ”, yiruarãma ti macare ñajayarã —yi ocaruyucajũ.

20 Gajeye ado bajiro yi ocaruyucajũ:

—Ti maca ỹasere ñacõari, variquẽnaña õ vecajũ ñarã. Ñ oca mũna gotirotire yigũ, Cristo ñ cõacana, to yicõari, Diore gotirẽtobosarimasa quẽne, Dios yere ajirã jediro variquẽnaña. Ti macana mũare rojose yicama ñna. To bajiri, rojose mũare ñna yicati vaja rojose tãmuoma ñna quẽne. Ñna ya macare rocacõami Dios —yi ocaruyucajũ.

²¹ To yicōari, sīgū ángel, gājerā ángel mesa rētoro tīmagūre ĩacajū yū. Gūta jairicare āmicōari, moa riagajū rocaroacami. Trigo vāiaaboria gūta jairica ñacajū tia. To yicōari, ado bajiro yicami:

—Gātare yū rocaroayayiorore bajirone, Babilonia macare yayiorucami Dios. To bajiri jūaji tudīābetiruarāma masa.

²² Ti macaye arpa vāme cātise ĩna jabasase, to yicōari, tōroari, trompeta ĩna jutise jedirone ajiyamaniruaroja. Ti maca moarimasa quēne tudimoabetiruarāma ĩna. Trigo vāiaaborimasa quēne, jūaji moabetiruarāma.

²³ Ti macaye sīabusoriabajari busuboacati quēne busubetiruaroja. To yicōari, āmosiarā ĩna basase ajiyamano ñaruaroja ti maca. “Gajeyeūni ĩsicudirimasa rētoro ñamasurā ñaboacama ti macana” ĩnare yiruarāma masa. Adi macarucuro ñarā jedirore rojose ĩna ũmato yitorā ñaboacama —yicami gūta jairicare rocaroacacū.

²⁴ Quēna ō vecajū ado bajiro yī ocaruyucajū:

—Diore gotirētobosarimasare, gājerā Dios yere ajirāre, to yicōari adi macarucuro ñarā jedirore sīacama ti macana. To bajiro ĩna yicati vaja, buto rojose tāmūoruarāma —yī ocaruyucajū.

19

¹ Tijū bero, jājarā ō vecajū ruyugoaro ĩna ocaruyusere ajicajū yū. Ado bajiro yī ocaruyucama ĩna:

—“Quēnarētogū ñaami Dios mani ũjū” Diore yivariquēnato mani —yī ocaruyucama ĩna. — ĩ ñaami rojose tāmūotūjabetiriarojū mani vaborotire manire yirētobosar'i. ĩ ñaami rētoro ñamasugū, to yicōari, rētoro masigū.

² Masa rojose ĩna yise vaja, “Rojose mūare yirucūja yū” yir'i ñari, socū mene rojose ĩnare yirūgūami. Ajeriarā cātigo ñaboariore rocacōami. “Adi macarucuro ñarāre rojose yato Dios” yigo, ĩnare yirocamoso. To yicōari, Dios ĩ bojasere yirā ñaboacanare sīacamo. To bajiro so yicatire ĩacōari, ti vaja sore rocacōami —yī ocaruyucama ĩna, ō vecajū.

³ Quēna ado bajiro ñagō ocaruyucama ĩna:

—ĭQuēnaro Diore rūcūbūo variquēnato mani! Babilonia maca ũase bueri mūajjedibetiruaroja —yī ocaruyucama ĩna.

⁴ To bajiro ĩna yī ocaruyurone, Dios, rotigū ĩ rujiri cūmuro rījorojūa, ĩre rūcūbūorā, gūsomuniari tuetuejarūjūcama veinticuatro ñarā, būcūrā, to bajicōari, babaricārācū ĩāñamana quēne. Gājerā jājarā ĩna yī ocaruyusere ajicōari,

—To bajirone bajiato. Diore rūcūbūo variquēnaroti ñaja manire —yīcūdicama ĩna.

⁵ To ĩna yiro bero, ũjū ya cūmurojū ado bajiro ocaruyucajū:

—“Quēnarētogū ñaja mū” Diore ĩre yivariquēnato mani. Ñamasurā, ñamasumena quēne, to bajiro ĩre quēnaro rūcūbūo variquēnato mani —yī ocaruyucajū.

Oveja macūre bajiro rijabosar'ire ĩna basajeore queti

⁶ Ti bero yū ajijama, jājarā ĩna ocaruyurore bajiro yiboasene, oco menirore bajiro ruyugoaro, yicōari, buto bājō ĩ jaro ti būsūrore bajiro ocaruyucōari, ado bajiro yicajū:

—Ñajediro masijeogū ñaami Dios, mani ũjū. Rojose yirāre reacōari, ĩre ajirā rīne rotirūgūrūcūmi. To bajiri “Quēnarētogū ñaami” Diore yivariquēnato mani.

⁷ Oveja macūre bajiro rijabosar'i ĩ boserūmū ejacoajū. To bajiri Diore quēnaro rūcūbūo variquēnato mani, ñamasugū ĩ ñajare. Oveja macūre bajiro rijabosar'i manajo ũgō ñarotirene yirā ĩre ajitirūnūrā quēnaro ĩre ñayūama.

⁸ Sudi gosise, ũeri mani botise, ĩna sāñarotire ĩnare ĩsimi Dios. ĩna ye sudi ũeri mani, “Rojose mana ñaama Dios yarā” yīiore ũni ñacajū ti —yī ocaruyucajū ti.

⁹ Tijū bero, ángel ado bajiro yūre yicami:

—Mure yu gotisere ucaya: “ ‘Oveja macure bajiro rijabosacacu manajo ũgõ ñarotirene yirã ñe ajitirũnarã quẽnaro ñe ña ñayuse boserũmure ñarã vadiato’ yigotiecocana variquẽnarũarãma ña” yucaya mu —yure yigoticami ángel. —Ti mure yu gotise, Dios oca riojo ñaja ti —yure yigoticami ángel.

¹⁰ To ñi yijare, ñe rãcũbuogũ, ñi rĩjorojua gũsomuniari tuetuejarũjũcaju yu. To bajiro yu bajirone, ado bajiro yure goticami:

—To bajiro yure rãcũbuobesa. Yu quẽne, mure bajirone Dios ñi bojasere yigu ñaja. Jesús oca riojo gotisere ajitirũnũ tũjamenare bajiro bajigu ñaja yu quẽne. To bajiri, Diojũare mu rãcũbuojama, quẽnaja —yure yigoticami ángel. —Jesús ñi gotimasirotire, ti ñaja Diore gotirẽtobosarimasa mua gotimasio variquẽnase —yure yigoticami ángel.

Caballo botigu joe jesagu jediro rojose ñi rearoti queti

¹¹ To ñi yiro bero, õ vecaju ti jãnasere ñacaju yu. Ti jãnarone, caballo botigũre ñacaju yu. ñi joe jesacami sũgũ. Ado bajiro vãme cuticami: ñi Yirore Bajiro Yigu, Riojo Gotigu vãme cuticami. ñi rotijama, riojo yigu ñacami. To yicõari, rojose yirãre rojose ñi yijama, rojose ña yiriario bajirone rojose yigu ñacami. ¹² ñi cajeari jeare bajiro busubatocaju. ñi rũjoaju jairo cõmebedori jeocami. To bajicõari, ñi rioveca tuyari vãmere ñi sũgũne masicami.

¹³ Rĩi tuyarito sudiro sãñacami. “Diore mua ñarũajama, yũjũare ñaña” yiria vãmene ñacaju.

¹⁴ Õ vecana surara, caballo botirã joeju sudi, gosise, ueri mani botise sãñacõari, rĩi tuyarito sudiro sãñagũ rãcana ñari, ñe sũyacama. ¹⁵ Rĩi tuyarito sãñagũre ñi riseju jariase bũto bũjariase budicaju. Tiase ñacaju ñe ajitirũnũmenare rojose ñare ñi yirotiase. Bũto rotimasirocu ñacami. To yicõari, rojose ña yisere Dios, masijeogu, ñi ñajũnisinirore bajirone bũto rojose yirocu ñacami. ¹⁶ Rĩi tuyarito sãñagũ ñacami ñi sudirore, ñi sagarore quẽne, ado bajiro yirivãme tuyagu: “Ñani ñaami ujarã ñamasurã rẽtoro ñamasugũ” yirivãme ñe tuyacaju.

¹⁷ Tiju bero sũgũ ángel, muiju joeju ñi rũgõsere ñacaju yu. Õ vecaju vurã, minia boase barã jedirore ado bajiro ruyugoaro yicami:

—Masare Dios ñi sãarãre rẽjacõari, barã vayã. ¹⁸ Macari ujarã, surara ujarã, ñmua tĩmarã, caballo mesa, ña joe jesarũgũboariarãre quẽne, gãjerãre moabosarã, moabosamenare quẽne, ñamasurã, ñamasumenare quẽne, ñi sãrearã riire barũarãja mua —miniare yicami ángel.

¹⁹ To ñi yiro bero, gũiogũ sũagũ, adi macarũcũro ñarã ujarã, ña surara rãca rẽjacama. Caballo botigu joe jesagu yarã surara rãca quẽarona ña bajisere ñacaju yu. ²⁰ Caballo botigu joe jesagũjua, ñare quẽacõari, jũarã rojose yirãre ñacami. Gũiogũ sũagũ baba ñaboarine, “Yu ñaja Diore gotirẽtobosarimasa” yisocagũre quẽne ñe ñiacami. ñe ñacami gũiogũ sũagũ ñi ñaro rĩjorojua ña ñañamanire masare yitocacu, to yicõari, gũiogũre bajigu ña quẽnorũjeocacure rãcũbuoroticõari, gũiogũ vãmere ucaturoticacu. To bajiri, rojose yirã ña ñajare, gũiogũ sũagũre, to yicõari, “Diore gotirẽtobosarimasa ñaja yu” yisocagũre quẽne, catirãrene azufre vãme cutise ujuari jeameju ñare cõacami caballo botigu joe jesagũjua. ²¹ To yicõari, gãjerãrema, ñi riseju jariase budicatiasene ñare sãacami. To bajiri, minia boase barãjuama, ñi sãcana riire ba yajicama.

20

Mil ñaricãmari Jesús ñi rotiñaroti queti

¹⁻³ Tiju bero, õ vecaju ángel ñi rujiadore ñacaju yu. Cõmema, jairima, gũsore bajigu ñagũrore ñi siarotimare, to yicõari, tũsabetigoje jãnariario llave cõcõari rujiadicami. Rujiejacõari, gũsore bajigu ñagũrore ñiacami. ñi ñacami vãtia uju Satanás tirũmũjuma ñare bajigu ñacõari, yitomasir'i. ñe ñiacõari, cõmema rãca ñe siacami ángel, tũsabetigojeju ñe rocasãgũ. To yicõari, ñe bibetocũcami, mil ñari cãmari cõro masare yitobecũne ñi ñacõa ñarotire yigu. To yicõari, “Gãjerã ña jãnasere ñamasigũsa” yigu, ti goje tususe jediro

bibejeocōacami. Mil ñari cūmari ti jediro bero, ñre burocū ñacami. To bajiboarine yoaro meaca ñarocū ñacami.

⁴ Tijū bero, rotirā ñna rujiri cūmurorire ñacajū yū. Ti cūmurorijū rujirāre quēne ñacajū yū. ñna ñacama masa rojose ñna yisere ñacōari, “Ado bajiro yirā ñari, rojose tām̄or̄arāja” ñnare yirona. “To bajiro yir̄arāja m̄ua”, ñnare yicūñumi Dios. To bajicōari, Jesúre ajitirānū tujabeticōari, ñ ocare ñna gotimasio tujabetijare, ñna ām̄uarire jasurereacama. To bajiro yiecorā ñacama güiogure, to yicōari, ñre bajigū ñna quēnorujeocacure quēne r̄uc̄ub̄obeticana. To yicōari, ñ vāmere ñna riovecarire, ñna āmorire quēne ucatu ecobeticana ñacama. ñna ām̄uari jasurereacana ñaboarine, tudicaticōari, ñ vecajū mil cūmari Cristo rāca rotirona ñacama ñna. ⁵ ñna ñacama tudicatis̄orona. Gājerā ñna masu bajireariarājūama, mil ñari cūmari ñ rotiro bero, tudicatirona ñacama. ⁶ To bajiri Dios ñ catios̄orona, b̄uto variquēnarona ñacama. ñre ajitirānūrā rāca ñnaronā ñari, tudirijabetirona ñacama. To bajiri Dios ñ bojasere paia ñna yirūgūrore bajiro yirona ñacama. Cristore quēne ñ bojasere yirūgūrona ñacama. To bajiri mil ñari cūmari Cristo rāca rotiñarūgūrona ñacama.

Vātia űj̄re ñna jānabure queti

⁷ Mil ñari cūmari ti jediro bero vātia űj̄ Satanās t̄sabetigojejū sāñar'i, jānabu ecorocū ñacami. ⁸ ñre ñna jānaburo bero, Gog vāme c̄uti sitanare, to yicōari, Magog vāme c̄uti sitanare quēne yitocudirocū ñacami. To bajiro yū yijama, “Masa adi macar̄uc̄uro ñarā jedirore yitocudirocū ñacami” yigū yaja. ñ yitosere ajitirān̄ucōari, rējarona ñacama ñna, Dios yarā rāca gāmerā quēar̄arā. Jājarā masu ñnaronā ñacama ñna. Cōñajama, cōñajeobetiroti ñacajū.

⁹ Dios yarāre s̄iar̄arā, adi macar̄uc̄uro ñaro cōrone ñnaronā ñacama. To bajicōari, Dios ñ mairimacare gānibiarona ñacama. To bajiro ñna bajiboajaquēne, ñ vecaye jea űj̄se rāca vējacōari, ñnare soereajeocōarocū ñacami Dios. ¹⁰ To ñ yiro bero, vāti ñnare yitor'ire azufre vāme c̄utise űj̄ri jeamejū ñre rocarocū ñacami Dios. Timene ñacajū r̄ñjorore quēne, güiogū s̄ūagūre, to yicōari, “Diore gotirētobosarimasū ñaja yū” yisocagure quēne, ñnare ñ cōacato. Tojū ñacōari, űm̄uari, ñamiri quēne rojose tām̄or̄ūgūrona ñacama ñna.

Masa rojose ñna yise vaja rojose Dios ñnare ñ yire queti

¹¹ Tijū bero, ñ ya cūmuro botiri cūmurore rujigūre ñacajū yū. To rujigū ñ ñase jediro, adi macar̄uc̄uroaye, ñ vecaye quēne, yayijedicoacajū. To bajicōari, tudiruyuabeticajū. ¹²⁻¹³ Adi macar̄uc̄uro bajireariarā, tudicaticōari tojū rujigū t̄re ñna ñasere ñacajū yū. ñamasurā, ñamasumena quēne ñacama. To ñna ñarone, paperatutiri jāna ecocajū. Titutirijū masa jediro ñna yire ucatu ñacajū. To bajiri, tire ñacōari, “To bajiro yicana ñari, quēnase b̄ujarā, rojose tām̄or̄ā, bajir̄arāja” bajireariarāre ñnare yicami to rujigū. To yicōari, “Ado cōro ñnaama yū rāca ñarūgūrona” ñ yucaturiatuti quēne jāna ecocajū. ¹⁴⁻¹⁵ Tijū bero, adi macar̄uc̄uroaye, rojose mani tām̄ose, rijaye jediro juacōari, azufre vāme c̄utise űj̄ri jeamejū tire reajeocōacami Dios. To ñ yijare, ñ rāca ñarūgūrona, j̄uaji rijarona me ñacama. To ñ yiro bero, “Ado cōro ñnaama yū rāca ñarūgūrona” ñ yucabetiriarāre quēne juacōari, azufre vāme c̄utise űj̄ri jeamejū ñnare reacami Dios.

21

Mame macar̄uc̄uro ti bajiroti queti

¹ Adi macar̄uc̄uro ti yayiro bero, ñ vecaye, to yicōari, adi macar̄uc̄uroaye jediro Dios ñ rujeosere ñacajū yū. ² Quēnase r̄ñe ñna yirimaca, mame quēnor̄ia maca Jerusalén vāme c̄uti maca ti rujiadore ñacajū yū. Dios ñ ñarojane rujiadicajū ti maca. Rōmio āmosiagogo quēnase sudi so sāñayur̄arore bajiro quēnari maca ñacajū. Ti macare quēnoñumi Dios, ñ t̄ajū ñ yarā, masa mani ejarotire yigū. ³ To bajiro ti bajirone, rotigū ñ rujiri cūmuro ado bajise ruyugaro ocaruyucajū:

—Īaña. Masa rāca ñaami Dios. To bajiri, “Ō vecaju ñagūmi Dios” yire maja. Īna rācane ñacōa ñarūgūrucami. To bajicōari, masa quēne ĩ yarā ñacōa ñarūgūruarāma. ⁴ Diorāca ñacōa ñarūgūrōna Īna ñajare, bajireare, sūtiritire, otire, jūnise, sarese, vūase Īna tāmūboare jediro manirūaroja. To bajiri, variquēnarūgūruarāma Īna. Tirūmūju bajiboacati ti rētojedicoajare, to bajirojua bajirūaroja —yi ocaruyucaju, ō vecaju.

⁵ Tijū bero, rotigū ĩ rujiri cūmurore rujigū, ado bajiro yūre yi ocaruyucami:

—Ñajediro tirūmūju ñaboare, mame rīne vasoacōaja yū —yigoti ocaruyucami.

To bajiro yicōari, quēna ado bajiro yūre yi ocaruyucami:

—Mūre yū gotisere ajicōari, tire ucaya. Riojo gotire ñaja. Mūre yū gotirore bajirone bajirūaroja. To bajiri, tire ucaya —yūre yi ocaruyucami.

⁶ Bero, quēna ado bajiro yūre yigoti ocaruyucami:

—Ñajediro vasoajeocōaja yū. To bajiri, alfa, omega ñaja yū. Alfa yū yijama, “Ñajediro ti ruyuaroto rījoroju ñacaju yū. To bajicōari, omega yū yijama, ñajediro ti yayiro beroju quēne ñacōa ñarūgūrucija” yigū yaja. Oco buto idiruarāre bajiro yūre masiruarā, yūre Īna sēnijama, bajireacōari bero yū tūju Īna caticōa ñarotire yigū, yū catisere Īnare Īsirucija. ⁷ Yūre ajitirūnu tūjamenare to bajirone yirucija yū. Yū sīgūrene rūcubūorūgūruarāma. To bajicōari, yū rīare bajiro bajirā ñarūgūruarāma. ⁸ Gājerā Jesúre ajitirūnūmenajūarema, azufre vāme cutise ūjuri jeameju Īnare reacōarucija yū, ado bajiro rojose yirā Īna ñajare: “Jesúre mani ajitirūnūjama, gājerā manire Īaterāma” yirā, yūre ajitirūnu tūjarāre rearucija. Yū Īatesere yirāre Īnare rearucija. Sīarimasare, Dios ĩ bojabetire yirā, Īna rujū ti bojarore bajiro gāmerā ajeriarā cutirāre, to yicōari gājerāre rojarāre quēne rearucija. “Ado bajirā ñarāma” Īna masune yitūōia quēnorujeocōari, rūcubūorāre, to yicōari, socarāre quēne azufre vāme cutise ūjuri jeameju Īnare rearucija yū —yūre yigoti ocaruyucami.

Tojū rojose tāmūotūjabetiruarāma.

Jerusalén, mame quēnoría maca queti

⁹ To ĩ yiro bero, sīgū ángel, vadicōari, yū tū ejacami. Ī ñacami cojomo cōro jua jēnitarirācu ángel mesa rācagu, masa rojose Īna tāmūorotire sāñaribajare cūocacu. Ejacōari, ado bajiro yūre goticami:

—Adojua vayá. Oveja macare bajiro rijabosacacu manajo ñarocore mūre ĩoru yaja yū —yūre yigoticami.

¹⁰ To ĩ yirone, Esp'iritu Santo sūorine ado bajise yūre bajiīocaju: Gātaū ūmūaricūro joeju yūre jivacami ángel. Tojū ejacōari, quēnase rīne Īna yirimaca, mame quēnoría maca, Jerusalén ti rujiadore yūre ĩocami quēna. To bajiri Dios ĩ ñarōjūne ĩ rācane rujiadicaju ti maca. ¹¹ Ti macaju ĩ ñajare, ĩ bususe rāca quēnaro busubatocaju ti maca. Gāta jairo vaja cutia quēnarica ruyucōari, ĩarētohuriare bajiro ruyucaju ti maca. ¹²⁻¹³ Ti maca matariacūni, ūmūaricūni ñagānibiocaju. Īna matariacūni juaāmo cōro, gūbo jua jēnitarirāca sojeri, sojeri cuticaju. Muiju ĩ jiadojua idia soje, ĩ rocasātoju idia soje, varujūare idia soje, gajejacatūa varujūare idia soje ñacaju ti. Israel ñamasir'i jānerabatia juaāmo cōro, gūbo jua jēnitarirāca jūnana Īna ñamasiriarā cōrone ñaro bajicaju. To bajiri, tocārāca sojene Īna vāme ucatu ecoria sojeri ñacaju. To bajicōari, tocārāca sojere sīgū ángel rūgōcami. ¹⁴ “Ticūni juriaquedibeticōato” yirā, gūtari jacase cūsūoyuma. Juaāmo cōro, gūbo jua jēnitarirāca gūtari ñagānibiocaju. To bajiri, tocārāca gūtarijūre, oveja macare bajiro rijabosacacu, “Yū oca goticudiruarāja” ĩ yicōacana vāme ucatu tūyucaju.

¹⁵ Ángel yū rāca ñagōcacu, macare ĩ cōiaroti orone quēnorīre cūocami. Ti macare, matariacūnire, sojerire quēne ĩ cōiaroti ñacaju ti. ¹⁶ ĩ cōīajama, ti maca eyase, ti maca ūmūase quēne, cojoro cōrone ñacaju. ĩ cōīajama, dos mil doscientos kilómetros cōro ñacaju eyase, ūmūase quēne. ¹⁷ Ti maca matariacūni ĩ cōīajama, sesenta y cinco metros ūmūaricūni ñacaju. Masa Īna cōīarore bajirone cōīacami ángel.

18 Ti maca matariacūnire, gūtari jaspe vāme cūtise rāca quēnoriacūni ñacaju. To bajicōari, orone quēnoria maca ñacaju ti maca. Ēo sojeri űeri manire ĩarētoburiorore bajiro ruyucaju ti maca. 19 Ti maca matariacūnire ĩna cūsūoriari juaāmo cōro, gūbo jua jēnitarirāca gūtari jacase ture, “Quēnaro ruyuato” yirā, gūta jairo vaja cūtire cūñuma. Gūta ñasūorica, jaspe vāme cūticaju. Beroaga, zafiro vāme cūticaju. Beroaga, ágata vāme cūticaju. Beroaga, esmeralda vāme cūticaju. 20 Beroaga, ónice vāme cūtirica ñacaju. Beroaga, cornalina vāme cūticaju. Beroaga, crisólito vāme cūticaju. Beroaga, berilo vāme cūticaju. Beroaga, topacio vāme cūticaju. Beroaga, crisoprasa vāme cūticaju. Beroaga, jacinto vāme cūticaju. Tūsarica, juaāmo cōro, gūbo jua jēnitarirāca ñacaju amatista vāme cūtirica. 21 Juaāmo cōro, gūbo jua jēnitarirāca ñarisojeri perla vāme cūtisene quēnoria sojeri ñacaju. Tocārāca sojene perla vāme cūtia rāca quēnoria sojeri ñacaju. Ti maca gūdareco ñavati maare, orone quēnoria maa ñacaju. To bajicōari, ěo sojeri ĩarētoburiorore bajiro ruyucaju ti maa.

22 Diore rūcūbūoriavire ĩabūjabeticaju yū, ti macare. Jēre ti macane mani űjū, Dios, ñajediro masijeogu, to yicōari, oveja macure bajiro rijabosacacu quēne rūcūbūoriavire bajiro ĩna bajicōajare, ĩnare rūcūbūocama ti macana jediro. To bajiri, gaje vi ĩnare rūcūbūorotivi bojabeticaju ti maca. 23 To bajicōari, Dios ĩ ñarimaca ti ñajare, ĩ bususe rāca busucaju ti maca. To bajicōari, oveja macure bajiro rijabosacacu ĩre bajirone ĩ busurēmojare, űmūagu muiju ĩ bususe, ñamiagu ĩ bususe quēne bojabeticaju ti maca. 24 Mame macarūcuro ĩ vasoaro bero, masa rāca Dios ĩ ñajare, ĩre masijedirona ñacama. To bajicōari, “Mū sūorine ñamasurā ñadicaju yū”, Diore ĩre yirūcūbūorona ñacama. 25 Ti maca matariacūni ñarisojeri rētiaroti ti manijare, jānariasojeri ñacōa ñaroti ñacaju. 26 Mame macarūcuro ĩ vasoaro bero, ĩna cūose jairo vaja cūtise juadicōari, Diore ĩsicama ĩna, ĩre rūcūbūorā. 27 To bajicōari,

—Dios ĩ ĩatese, rojosere juavabetirūarāma ti macajare. Rojose yirā, socarimasa quēne, ti macare sājabetirūarāma ĩna quēne —yigoticami ángel. —Oveja macure bajiro rijabosacacu yatutijū, “Ado cōro ñaama yū rāca ñarūgūrona” yiucatu ecoriarā rīne sājamasirūarāma —yigoticami ángel.

22

1 Ture yūre ĩ ĩoro bero, quēna riaga oco űeri maniya catirūgūrotiayere oco cūtiyare yūre ĩocami ángel. Tiya, űeri mani botise oco cūticōari, ěo sojeri ĩarētoburiorore bajiro quēnaro ruyurisa ñacaju tiya. Dios, rotigū ĩ rujiri cūmurojū, to yicōari, oveja macure bajiro rijabosacacu, rotigū ĩ rujiri cūmurojū jode cūticaju tiya riaga. 2 Ti maca ñari maa gūdarecore ñacaju tiya. Tiya veca ñaricu riagare jūajacatuajūne saari cūticōari catirūgūrotiayere rica cūtiricu ñacaju. Tocārācarodorine rica cūtirūgūroti ñacaju tū. To bajiri cojo cūmare, juaāmo cōro, gūbo jua jēnitarorācaji rica cūtirūgūroti ñacaju. Tū jū quēne, “Jūaji rijabeticōato” yirā, masare ĩna űco yiroti ñacaju. 3 Ti macaju Dios ĩ ĩatese maniroti ñacaju. Ñajediro quēnase rīne ñarūgūroti ñacaju. Ti macaju Dios, to yicōari, oveja macure bajiro rijabosacacu rāca rotirā ĩna rujiri cūmuro ñaroti ñacaju. Ti macana jediro Dios ĩ bojasere yirā ĩre rūcūbūorona ñacama. 4 Adi macarūcurojū Diore ĩabetirūgūriarā ñaboarine, tojūrema ĩre ĩarona ñacama. To yicōari, Dios vāme ĩna riovecarijare ucatu ecorona ñacama. 5 Tojū ñami maniroti ñacaju. Ti macana sīabusuore bojamena ñarona ñacama. Mani űjū, Dios ĩ bususe rāca busuroti ñacaju, ti macare. To bajiri, űmūagu muiju ĩ bususere bojamena ñarona ñacama. To bajicōari, Diorāca roticōa ñarūgūrona ñacama.

“Yoaro mene vadirūcūja yū quēna”, Jesús ĩyire queti

6 Bero, quēna ado bajiro yūre goticami ángel:

—Jediro mū ĩase, to yicōari, mure yū gotise, riojo gotise ñaja. Mure yū gotirore bajirone bajirūaroja. Diore gotirētobosamasiriarā ĩna gotirētomasire űjomasir'i ñaami mani űjū Dios mure yū ĩosere rotigū —yūre yigoticami ángel.

⁷ Gajeye ado bajiro yure goticami ángel:

—Ado bajiro gotiami Jesús: “Yoaro mene varucija yu” yigotiami. To bajiri, adi quetire Dios í cōarere cūdirā, quēnase bujarona ñarāma —yure yigoticami ángel.

⁸ Yu ñaja Juan, adi quetire ucagu. Jediro yure bajiiocatire íacōari, ángel í goticati ñaro cōrone ajicaju yu. Tire yu ajiro bero, yure íocacu ángel rījorojua gusomuniari tuetuejarūjūcaju yu, íre rūcubuoogu. ⁹ To bajiro yu bajirone, ado bajiro yure yicami ángel:

—To bajiro yure rūcubuoobesa. Yu quēne, mure bajirone Dios í bojasere yigu ñaja. Diore gotirētobosarāre, to yicōari, adi paperatuti ucare ajitirūnaronare bajirone bajigu ñaja yu quēne. To bajiri, Diore mu rūcubuoore bajiro yure rūcubuoobesa. Diojare to bajiro mu rūcubuojama, quēnaja —yure yigoticami ángel.

¹⁰ Gajeye ado bajiro yure goticami:

—Ti oca mu ucasere no bojarone tire yiyayiobeja, bero bajiro ti cōñajare. ¹¹ To bajiro ti mojoroaca ti cōñajare, masa ña yirūgūore bajiro yicōa ñato. Rojose tuoíacōari yirūgūrāma, to bajirone yicōa ñato. To yicōari, “Rojose mana ñaama” Dios í yīarā quēne, í ñavariquēnase rīne yicōa ñato —yure yigoticami ángel.

¹² To yicōa, quēna Jesús í gotisere yure goticami ángel:

—“Riojo ñamasusere gotiaja yu. Yoaro mene varucija yu quēna. Ña taju ejacōari, ña yirere masigū ñari, ‘Quēnase bujarā, rojose tāmūorā, bajiruarāja mu’ ñare yirucija yu.

¹³ Alfa, omega ñaja yu. Alfa yu yijama, ‘Ñajediro ti ruyuaroto rījoroju ñacaju yu. To bajicōari, omega yu yijama, ñajediro ti yayiro beroju quēne ñacōa ñarūgūrucija’ yigu yaja yu”, yigotiami Jesús —yure yigoticami ángel.

¹⁴ Quēna ado bajiro yure goticami:

—“Rojose yua yirere yure masiriobosacōañumi Cristo” yituoīarā rīne ñaama yucú caticōa ñarūgūrotiaye ricare barona. To bajiri ña ñaama ti maca sojerire sājamasirona. To bajirona ñari, variquēnato ña. ¹⁵ Adocārāca vāme rojose yirā ñaama ti macare sājabetirona: Gājerāre rojarā, Dios í bojabetire yirā, ña ruju ti bojarore bajiro gāmerā ajeriarā cutirā, sīarimasa quēne, “Ado bajirā ñarāma” ña masune yituoīa quēnorujeocōari, rūcubuoorā quēne sājabetiruarāma. To yicōari, socase yirā quēne sājabetiruarāma ti macare —yure yigoticami ángel.

¹⁶ To yicōari, gajeye Jesús í gotisere gotigu, ado bajiro goticami ángel:

—“Yure ajitirūnarāre ti oca gotiato í yigu, ángel vāme cutigure cōamu yu. Uju David ñamasir'i jānami ñaja yu. Busuriñoco, busuroto rījoro í busumajadore bajiro bajirocu ñaja yu. To bajiro yu bajisere íacōari, ‘Mame macarucuro Dios í vasoaroti ejacoaju’, yimasiruarāma masa”, yigotiami Jesús —yigoticami ángel.

¹⁷ Oveja macare bajiro rijabosacacure ajitirūnarā ñari, to bajicōari, mani rācagu Esp'iritu Santo quēne, ado bajiro Jesúre sēniaja mani:

—Yua taju vayá quēna —íre yaja mani.

Gājerā adi queti yu ucasere ajirā quēne,

—Yua taju vayá —Jesúre yiruarāma.

Jesújua quēne,

—Yure sēniña —yigami, íre masiruarāre.

Buto oco idiruarāre bajiro íre masiruarā, íre ña sēnijama, “Ña rijato beroju tudirijabet-icōato” yigu, Dios í catisere ñare ísirucumi. Dios í bojabetire mani yiboajaquēne, rojose mani yisere manire vaja yibosayumi Jesús.

¹⁸ Jesúre ajitirūnarā, adi quetire ajirāre ado bajiro mure gotiaja yu: No bojarā adi queti yu ucasere ti gotiro bajiro me ña ucarēmojama, “Rojose tāmūoruarāma” ángel yure í yigotirore bajirone rojose ñare yirucumi Dios. ¹⁹ Adi queti ti gotise, “Socase ñaja” yituoīagūre, “Socagu ñaami. Yu tu ñarocu me ñaami”, íre yīarucumi Dios. To í yijare, yucú caticōa ñarūgūrotiaye rica cutiū ricare í baborotire íre barotibetirucumi Dios. To bajicōari, Dios í ñarimacare sājabetirucumi.

²⁰ Adi quietire gotigu, ado bajiro gotiami:

—Y_u gotirore bajirone yigu, yoaro mene tudivadirucija —yami.

To ï yirone,

—To bajirone bajiato. Yoaro mene tudivayá, y_u uj_u —ïre yaja y_u.

²¹ Mani uj_u, Jesús, mani jedirore quēnaro yato.

To cōrone ñaja.